

<36617644460011


<36617644460011

S

23

Bayer. Staatsbibliothek

6. 11. 1710



DANIELIS GEORGI MORHOFI

DISSERTA- TIONES

ACADEMICÆ & EPISTOLICÆ,

quibus rariora quædam argumenta eruditè
tractantur, omnes: in unum Volumen collatæ,
& Consensu Filiorum editæ.

Accessit

AUTORIS VITA,

quæ tum Lectiones Ejus Academicas, tum

Scripta edita & edenda; Elogia item ac Judicia
Clarorum Virorum exhibet:

ET

PRÆFATIO

JOANNIS BURCHARDI MAJI,

qua institutum hujus Operis
declaratur.

Additi quoque sunt

INDICES

accurati & locupletissimi.

HAMBURGI,

Sumptu GOTTFREDI LIEBERNICKEL.

ANNO M. DC. XCIX.

DANIELIS GEORGI MORHONI

DISSECTA

TIONES

ACADEMICAE & EPISTOLAE

quibus rationes quaedam significantes et

variae, omnes in hunc modum collatae

et Constanti Filio et editae

Accedit

AUTORE

que sunt Lectiones Eius Academicas, cum

Scriptis etiam Academicis; Elogio necnon laudibus

Christophi Venerabilis exhibet

ET

PRAEFATIO

JOHANNIS BURGHARDI MAJ.

que institutionis huius Opus

describit

Adhuc etiam hunc

INDEX

Accedit & huiusmodi



HAMBURG

JOHANNES GOTTFRIED LIEBERNICKEL

ANNO M. DC. XCIX.

Per-Illustri ac Generosissimo
DOMINO,
D^{NO} FRIDERICO
CHRISTIANO,
LIBERO BARONI
de **KIELMANNSECK,**

Hæreditario Domino in Wandesbeck, &c.

Sacr. Cæsar. Majestat.
Confiliario, & Rever. Capituli
Lubecensis Canonico,

Domino meo clementi.



Qui suo sumptu aliorum libros edunt, id profitentur ferè in initio, se opere vel planè finito, vel ad finem mox perducendo, patronum denique reperisse, sub cuius nominis auspiciis ac tutela illud in publicum prodiret, & à Zoilorum, quos vocant, moribus, ac Theonino dente omni, tutum existeret. Cujus ut, quantum ad præsens hoc opus, me semper credidi securum; ita diu est, ex quo multorum mori adversatus Per-Illustrem Tuam Excellentiam hujusdem Patronum ego tacitus legi, Eidemq; id multo ante, quàm quicquam ejus traderetur operis, consecravi. Debeo etiam divinæ gratiæ, quod Per-Ill. Tua Excell. donec perficeretur illud, valuerit optimè, & vivat hodie in summa rerum tranquillitate: ut ego nunc adeo voti mei damnas sim, cum Per-Ill. Excell. Tuæ novo habitu editas

DEDICATIO.

ditas has Dissertationes ea, qua jus fas est, ratione, quaque decet observantia, offero, do, dico, dedico. Neque timendum est, ne Tu, Per-Illustris Domine, confidentiam hanc meam ægrè sis laturus, consideranti, quo in pretio tum optimos libros, tum eruditos eorum auctores habeas: id quod instructissima Tua & numerosa valde Bibliotheca, summa item in libris tractandis diligentia, & literarum assiduus usus, omni teste firmiter testantur. Tantum scilicet abest, ut libri tui aut jaceant, aut, magnatum ferè more, conclavi splendoris aliquid tantum concilient; ut dies potius, atque noctes ipsas, iis pervolvendis & cognoscendis impendas, viva Ipse Bibliotheca, & Museum ambulans. Ceterum Morhofii curæ sunt, quas offero; at quanti Viri, quamque Tibi, ac doctis omnibus, cari! Cujus pridem proh dolor! erepti apud Te desiderium lenient ex parte, ni fallor, politissima

DEDICATIO.

hæc Ejus opuscula, & inter optimos Tuos & exquisitissimos libros locum facile atque honestissimè tuebuntur. Sin, utinam majus aliquod Tibi exhibere, quoque dignissimus es honore summo Te maectare possim, memor prolixì favoris, & beneficiorum, quibus Tu me immerentem prope tot annos clementer ornas. His quoniam, pro Tuo loco, ac fortuna, respondere per rerum mearum tenuitatem non licet; gratum tamen animum hoc demum loco publicè testor, Deumque supplex oro, ut Te, Per-Illustris Domine, sospitem in quamplurimos annos, vivum item ac florentem conservet, Tuoque singulari favore porro frui quàm clementissimè mihi largiatur.

Per-Illustris Excellentiaæ Tuæ

observantissimus

Hamburgi, d 30 Martii,
anno 1699.

Gottfried Liebernckel,
Bibliopola.



**ÆQUO AC BENEVOLO
LECTORI
S. P. D.**

JO. BURCHARDUS MAJUS,
Eloqu. & Hist. Prof.



Quanquam MORHOFIANA Scripta
tantæ ubique apud eruditos æstimationis atque di-
gnitatis sunt, ut neque meo neque aliorum præ-
conio ac commendatione egeant: tamen ab edi-
tore voluminis hujus oratus & exoratus, honesto
illius desiderio deesse nolui, quin de consilii & instituti ejus ratione
pauca quædam hîc præmonerem. Et sanè præclare de re literaria
mereri mihi videntur illi, qui doctorum virorum dissertationes & ope-
ra varia studiosæ juventutis destinata usui ac commodis, eruditoque
orbi perquam grata atque jucunda, vel sparsim antea edita, vel
in

PRÆFATIO.

in scriniis delitescencia sollicitè conquirant, conquisitaque conjunctim in lucem protrahi curant. Quare bonorum omnium favorem ac laudem merentur egregii publicoque quam maximè profuturi *Gothofredi Liebernickselii*, celebris ac florentissimi librarii Hamburgensis, conatus: quippe qui, alia ut taceam, superiori anno laudati Morhofii *Orationes & Programmata*, in Academia Kiloniensi olim proposita, Filiorum ad paternum decus laudemq; summopere contendendum curâ ac studio collecta, suis impensis evulgavit. Quæ cum plurimorum applausu ac suffragio accepta esse intelligeret, hoc ipso non leviter est impulsus, ut varias ejusdem dissertationes antehac seorsim editas, & opuscula alia, partim è forulis, quorum delicias ab aliquot annis insigniter adauxerant, deprompta, partim ab amicis benevole suppeditata, in unum volumen redacta, in lucem emitteret. Inter cæteras autem, quæ hic exhibentur, dissertatio de *Quinta Essentia* conspicitur, à viro eruditissimo Detlevo Crusio, Hamburgi privatam agente vitam, communicata: cui tanquam intimo suo, cum viveret, amico Morhofius eam tradiderat, editionisque spem disertis verbis fecerat. Quoniam vero ad beatiora studia translatus, ipse promissis stare non potuit, nunc per nominatum virum isthæc implere videtur. De *Latinitate in Digestis* dissertationem Morhofii esse, & argumentum & stylus abundè indicant: testaturque in plenior rei fidem vir quidam doctus in Ducatu Slesvicensi, & sacro ibidem munere fungens, qui scriptum isthoc summo studio asservatum, huic volumini inferendum editori ultro libenterque permisit. Dissertationis de *meritis Germanorum in rempublicam literariam* exiguum quoddam fragmentum, & opusculi illius tantum ferè exordium inter schedas nescio cujus studiosi, qui ex dictantis ore publicè exceperat, repertum est. Quod tamen nec eruditorum adspectu plane

PRÆFATIO.

nè indignum, nec Lectori forte ingratum fore putamus : utpote in quo curiosæ raræque eruditionis vir, & merito suo æstimatissimus, demonstrare sibi proposuerat, exteros sine Germanorum industria in re literaria vix eousque fuisse processuros. Dolendum autem omnino est, opus hoc longè utilissimum, totique genti nostræ maximè gloriosum, ad umbilicum non esse perductum. Quod si factum fuisset, haud dubiè habuisset Germania, quæ exteris laudis Teutonicæ parum alioquin cupidis jure opponere potuisset. Quantulum tamen cunque sit, quod de præclaris istis meditentis superest, invidis tenebris deinceps premere librarius publici amantissimus noluit : satis videlicet gnarus, Germanis præsertim omnibus non posse displicere, quidquid ad illustrandam gentis nostræ gloriam famamque Morhofii pertineret. His omnibus accessit jam dudum impatienter quodammodo desiderata celeberrimi Autoris vita, ab ipso partim consignata, partim à viro quodam docto, qui bibliothecæ ejus forulos ac schedas fere omnes diligenter excussit, collecta atque digesta. Denique subjiciuntur complura carmina, & alia quædam in laudem illius composita, quæ, cum ob singularem elegantiam luce omnino dignissima sint, ad exemplum Manium Sturmiianorū, sive Epicediorum in summi viri Jo. Sturmii obitum ab ejus amicis atque discipulis, grati animi memoriæque testandæ causâ, superiori sæculo scriptorum, editor subjungi voluit. Tuo certè bono ac emolumento, Lector Benevole, omnis, quæ in edendo libro hoc adhibetur, cura unicè est destinata: quamobrem eundem non sine labore in hanc, quam conspicias, formam collectum concinnatumque non possum quin, pro meo erga elegantiorē literaturam studio, etiam atque etiam Tibi, B.L. commendem, persuasus certissimè, non pauca fore, quæ tibi arridebunt. Si qua vero sint, quæ vel palato minus sapiant, vel desiderio tuo in o-

PRÆFATIO.

mnibus non satisfaciant, hanc culpam viris commodi tui perstudio-
sis condonabis, optimoque ac laudabili eorum consilio atque conati-
bus favere perges. Id si feceris, alia etiam viri eruditissimi opera
posthuma propediem publici tuique juris fient. Nunquam enim
æquos justosque variæ & exquisitæ in omni doctrinarum genere e-
ruditionis, ac summorum ejus in rem literariam meritorum æstima-
tores defuturos esse arbitramur: & quemadmodum optimi viri be-
ati manes immortalibus apud superos jam fulgent honoribus, ita
summam nominis ejus famam in universas Europæ terras longè la-
teque diffusam, quidquid etiam in eo iniqui ac lividi obtrectatores
carpant, perpetuo tamen duraturam planè confidimus. Siquidem
toti erudito orbi invidendis divini ingenii monumentis ita jam du-
dum inclaruit, ut, quamdiu literæ artesque, elegantiores præfer-
tim, in pretio erunt, ipse per se posteritati, versaturus sit in animis
hominum, æternitate temporum, fama rerum. Scri-

bebam Chilonii, d. XXVII. Februarii,

A. O. R. clc lxc XCIX.



Syllabus Differta- tionum.

- I. De Morbis & eorum remediis.
Dissertatio habita Rostochii, 1658.
Præside D. Heinr. Rahnen. p. 3.
- II. De Jure Silentii.
Dissertatio habita Franeckeræ, 1661. p. 55.
- III. De Enthusiasmo seu Furore Poëtico. p. 71.
- IV. De Divinitate Principum.
Dissertatio prima habita Rostochii, 1662.
Respondente Herone Hersenio. p. 83.
- V. Dissertatio secunda. p. 112.
- VI. Gratulatio in Doctöratum Christian. Kortholti. p. 117.
- VII. Princeps Medicus.
Dissertatio habita Rostochii, 1665.
Respondente Reimaro Nicol. Stapeln. p. 127.
- IIIX. Descriptio Actorum Promotionis, in omnibus Facultatibus Aca-
demix Christian-Albertinæ, quæ Kilonii est. p. 161.
- IX. De Sole Igneo.
Dissertatio habita Kilonii, 1672.
Respondente Martino Bützer. p. 235.

SYLLABUS DISSERTAT.

- X. De Metallorum Transmutatione. p. 246.
- XI. De Paradoxis Sensuum.
Dissertatio habita 1676.
Respondente Andr. Plomann. p. 303.
- XII. De Scypho vitreo per certum humanæ vocis sonitum
fracto. p. 329.
- XIII. De Eloquentia in tacendo.
Dissertatio habita 1684.
Respondente Antonio Harduici. p. 446.
- XIV. De Patavinitate Liviana. p. 471.
- XV. De Quinta Essentia catholico morborum remedio. p. 595.
- XVI. Epistola, qua juvenem in Academia viventem dehortatur à disputatione de Latinitate in Digestis, de qua ipsi
lis erat cum Professoribus suis. p. 607.
- XVII. De Meritis Germanorum literariis,
Dissertationis Fragmentum. p. 612.



In Morhofii effigiem.

SÆpe quidem solem
pingit, non lumen,
Apelles;

Hoc pinget radiis sol
magis ipse suis.

Pictor MORHOFI-
UM pinxit; sed lu-
men in ipsis

Ipse magis pinxit lux-
que Pharusq; libris.

HENR. MUHLIUS, P.P.

2 Ave Maria
Singe non sumus

Abellus

Hoc singet radus sol
magis ipse magis

Figor MORHON

Om paxia radia

men in ipse

ipse magis paxia

die paxia ipse

in solis magis

DISSERTATIONES
MORBI ET EO
RUM REMEDIIS

DISSERTATIONES.

DANIEL GEORGIUS MORHOFII
AUTOR ET ALIQUORUM
ROTHOMAGI

Quod bene vortat !
DIATRIBE JURIDICA
DE
**MORBIS ET EO-
RUM REMEDIIS,**

Quam
Sub PRÆSIDIO
Viri Consultissimi & Excellentissimi
DN. HENRICI Rahnen / J. U. D.
Prof. & Juridicæ Facult. p. t. Decani Spe-
ctabilis, nec non Consistorii Ducalis Assessoris
gravissimi, Promotoris & Præceptoris sui æter-
num suspiciendi,
veram non fucatam Philosophiam affectantibus,
ventilandam proponet

DANIEL GEORGIUS MORHOFIUS,
VISMARIENSIS, Jurium & Philos. Stud.
AUTOR ET RESPONDENS,
ROSTOCHII,

*Ad diem 4. Sept. 1658. in Auditorio majori,
boris consuetis.*

DIATRIBES JURIDICÆ DE MORBIS ET EORUM REMEDIIS,

PARS PRIMA

Generalis, continens Præliminaria.



Orbus secundum *Fangerum in Lexico Etymologico* dicitur quasi *uōieq* & *Gix* i. e. fatum vitæ; quæ tamen potius aliqua allusio est, quam vera Etymologia. Vero similis est illud, *δωρ & ὑδεντες*, quod capere & corrumpere significat, descendere.

2. Præterea & ad alia quoque ista Vox applicatur & interdum denotat errores, pravas consuetudines, & animi vitiositates. *Cic. 1. de Finib. Animi morbi sunt cupiditates immensæ. Sic Catullus de Egnatio, qui de candidulis dentibus magnopere sibi gratulabatur, & sine ullâ occasione candoris eorum ostendendi causâ, ridebat: habet, inquit, hunc morbum, neque elegantem ut arbitror neque urbanum. Horat. Od. 37. lib. 1. per morbum cohortis Cleopatra impudicitiam & Sat. 6. lib. 1. per morbum Barri immodicum formæ cultusque studium, & Sat. 3. lib. 2. cupiditatem lucri intelligit; Epist. item 1. lib. 1. avaritiam & cupidinem morbos dicit. Furor quoque Morbus absolute vocatur l. 14. ff. de off. præsid. l. 22. §. Si maritus ff. Solut. matrim. l. 6. pr. C. de curat. Furios. l. 9. C. qui testam. fac. poss. Transfertur quoque ad res inanimatas. Corruptionem aeris *Virgilius* vocat morbum cæli *Georg. 3. v. 478. Lucretius* vocat morbidum aerem. Nobis Morbi vox tam late hîc sumetur, ut quasvis affectiones humanum corpus affligentes designet.*

3. Cum voce Morbi coincidunt 1. Infirmitas l. 4. ff. de postuland. quamvis denotet alias quamcunque corporis imbecillitatem & ad res inanimatas quoque traducatur. Sic dicitur infirmitas Edificii l. 42. ff. de damn.

infect. Infirmitas, sc. puerorum, senum & puellarum *l. 122. ff. de Legat. l.* Infirmitas sententiae *l. 7. C. quand. provoc. non est necess.* Infirmitas testamentum *rubr. Inst. quib. mod. testam. infirm.* 2. Aegritudo, quae primario quidem de animo dicitur *l. ult. ff. si quis aliquem test. prohib. Terent. And. Aet. s. sc. s. vers. s.* Aegritudo intercedit gaudio. Interim de corpore etiam sat recte dicitur *Terent. Phorm. Aet. s. sc. 1. v. 24. Ex aegritudine matrem mors consecuta est.* *Corn. Nep. in Miltiad. Ager erat vulneribus. Ovid. lib. 1. de Pont. el. 4. Nec juver admosa perditus ager ope.* Aegritudo corporis dicitur *in l. 3. C. qui test. fac. poss. Cle. lib. 3. Tust. cap. 10.* adhuc distinctionem facit inter Aegritudinem & Egrotationem: Proprie, inquit, ut Egrotatio in corpore, sic aegritudo in animo nomen habet, non se junctum à dolore. 3. Valetudo, quae vox *μῆλον* est & in utramque partem accipitur *l. ultim. ff. de injust. rupt. irrit.*

4. Jam quis Ager, Egrotus, Morbosus, Valetudinarius proprie dicatur, determinandum est. *Auson. Popp. autumat,* quod ager dicatur, qui & animo & corpore simul est talis, egrotus, qui corpore solo. Sed reclamant & multa exempla. Morbosus, me quidem iudice, cum Valetudinario coincidit, talemque significat, qui frequenter, dispensante id natura propria, egrotat. *Salmas. de Ann. climati. p. m. 765.* illos dicit morbosos, qui ex morbo semine progignuntur. De Valetudinariis multa est disceptatio. *Mercur. de art. gymn. lib. 4. c. 8.* Valetudinarios eos vocat, qui recenter à morbis evaserunt, facitque eosdem cum convalescentibus. Quidam eos ita definiunt, ac si sint intelligendi, qui tam gravi morbo laborant, ut pedem domo efferre non possint *ex l. ad personas ff. de Jurejur. Cujac. ad l. 8. 9. 10. 11. & 12. ff. de Excusat.* definit eos, qui perpetuam & pertinaciam valetudine afficiuntur. *l. unic. C. qui morbo. Paul. Zacchias, in Quaest. Medico-Legalib. l. 2. tit. 3. quaest. 14. n. 16.* ita definit: qui ob corporis debilitatem promptam habent dispositionem, ut infirmantur facillime & integram sanitatem non fruuntur: sed saepissime egrotant, probatque exinde, quod in *l. 2. §. 4. ff. si quis caut.* Praegnans Valetudinaria dicatur, quia ex facili ac modica causa proclivis sit ad morbos. Verum non ibi dicitur, praegnantem esse valetudinariam; sed illam, quae post partum decumbit, esse quasi valetudinariam: Quin & adde, quod in ista lege etiam oppositio fiat inter Valetudinariam & praegnantem, Dicitur enim: *Si non propter valetudinem mulier non steterit iudicio: sed quod gravis erat, exceptionem ei dandam Labeo ait. Et l. 14. §. 1. de Aedil. edict.* dicitur: illam sanam esse, nisi quid extrinsecus accedat; proprium enim hoc mulierum esse officium. Ergo tunc, cum aliquid extrinsecus accedit, potius valetudinaria dicenda esset, ceterum non item. Est igitur morbus potius inspicendus in actu ipso, quam in potentia, deinde ejus atrocitas vel levitas, ut quis Valetudinarius dici mereatur. Necessario illud igitur Judicis arbitrio relinquendum,

dum, cum leges certo illud determinare non possint, secundum *Menoch. de Arbitr. Jud. quest. cas. 63. n. 1.* quicquid etiam contradicat *Zacchias d. l.* Tales Valetudinarii & perpetuo morbo detenti miserabilium personarum nomine etiam veniunt: *l. ann. C. quando Imp. inter pupill.* Postquam Nominis naturam inquisivimus, ad rem ipsam veniamus, ita ut Juridicis includamur carceribus, Medicorum autem vineta non credamus, nisi quantum nobis ad illustrationem necessum erit. *Comenius in appendice. Physic. sua*: nimis generaliter morbum definit: quod sit Entis aliquâ sui parte corruptio & ad totalem interitum dispositio: nam sic quoque rebus inanimatis competeret. Medicis ita definitur: quod sic habitus præter naturam actiones per se manifeste ledens. Dicitur, *præter naturam*, ut distinguatur ab impotentia naturali, ut: Venter potest esse sanus; licet non concoquat lapides: Additur *manifeste ledens*, ut tollantur lenes dispositiones, quæ si essent morbi, homo foret in æiopathia: Dicitur *Per se*, ad tollendam causam, quæ mediante morbo actionem ledit. *Hec Prætoros. in Enchirid. Medic.* Non ita multum ab illâ Jurisconsultorum definitio: Ita enim *Ulpian. in l. 1. §. 7. ff. de Edil. edict.* Est, inquit, habitus cujusque corporis contra Naturam, qui usum ejus ad id facit deteriore, cujus causa Natura nobis ejus corporis sanitatem dedit. Nil in istâ nostra est, quod ista Medicorum non habeat; quamvis ampliori utatur circumscriptione.

6. Definitio hæc tam communis est, ut includat Morbum & Vitium. Sensit enim *Ulpianus* Ediles tollendæ dubitationis gratiâ bis & *Idem* de eodem dixisse *d. l. 1. §. 7. ff. de Edil. edict.* At *Modestinus* in *l. 101. §. 2. ff. de V. S.* distinctionem fecerat. Dixit enim: Morbum esse temporalem corporis imbecillitatem, vitium vero perpetuum corporis impedimentum. Utraque admitti sententia potest, nec magni momenti est, quicquid hæc de re controvertitur. Medici laxius vocem Morbi accipiunt & vitium sub morbo comprehendunt: distinguunt enim morbum in tria genera: Similare, Organicum, & Commune: nam sub specie illa, quam Organicam vocant, quæ malam membrorum conformationem respicit, nostri strictius Vitium comprehendunt. Estque secundum Medicos, morbus organicus quadruplex: Compositionis, numeri, magnitudinis, situs. In Compositione sunt tres species: 1. Vitiata figura; ut si pars recta fiat curva & contra. 2. Vitiata superficies ut si pars lavis fiat aspera & contra. 3. In cavitate nimium dilatata aut contracta: Numerus vel deficiens vel excedens; Injusta magnitudo partium: Situs non naturalis. *Jacob. Primros. in Enchir. Medic.* Et per tales *πικραταύς*, siquidem à Naturâ contingant, homines monstra potius & vitiosi, quam morbos dicendi essent: quandoquidem, quæ Philosophis monstra sunt, Jurisconsulti vitia appellant. Nil igitur necessum est, ut tanquam improbam

reijciamus hanc distinctionem. Contradicit tamen severe *Paul. Zacch. Q. d. l. lib. 2. tit. 3. q. 2. n. 6. & 7.* & exinde absurditates elicere conatur: *Primo* absurdum putat, quod morbus imbecillum tantummodo corpus reddat, vitium etiam impediatur. *Secundo*, quod morbus ad tempus, vitium verò perpetuo lædat: nam 1. imbecillitatem negat esse præter naturam; cum morbus tamen sit præter eam; & non posse esse morbosum, quod est imbecillum; 2. Multos morbos esse perpetuos, multa vitia temporalia. Quoad primum, illi adhuc probandum est, an vox *imbecilli* non pro morboſo hic ſumatur & tali, quod operationes lædit, uti quoque *Godd. com. cin. de V. S. b. l.* explicuit, & bene: Nam ſic etiam *Cicero lib. 4. Tuscul.* accipit Morbum, inquit, appellant totius corporis corruptionem: *Ægrotationem* morbum cum imbecillitate. *Subjungit*: Illa duo Morbus & *Ægrotatio* ex totius corporis conquaſſatione & perturbatione gignuntur. Si jam conquaſſatio totius corporis eadem, quam imbecillitatem antea vocarat, annon igitur taliter accepta imbecillitas contra naturam eſt? Impedimentum majus quid imbecillitate putat, quod falſiſſimum eſt. Imbecillitas enim non ſolum eſt impedimentum: Sed præterea etiam actiones lædit: Impedimenta autem ſunt ſine imbecillitate & conſequenter vitia ſine morbis *Henning. Wegner. ad tit. de V. S. in d. l. 101. §. 2.* Ad ſecundum pro reſponſione ſint, quæ ſatis accurate tradidit *Góddaus d. l. n. 8.* Morbus, inquit, dicitur temporalis ſui naturæ, perpetuus ſit ex habitu accidente, vel imperitiâ Medicorum. Deinde, cum vitia quædam ſint unâ cum ipſo corpore quaſi ingenita ac nata; quædam vero ex morbi accidente, ut perpetuo deinceps corpus ſequantur; morbos autem eoſaltem JCi intelligant, qui non una nati, ſed poſtea exſtitere & durante etiam corpore plerumque ceſſare vel emendari poſſint; inde morbum ac vitium à frequentiore, ut ſolet fieri *l. 3. l. 4. ff. de LL.* diſtingui & *Ag. Rozov* negligi, ait *Modestinus*. Diſtinguit quoque inter has voces *Richard. Zouchens lib. 2. Elem. jurispr. part. 2. ſect. 4.* ubi Vitam, *Ætatem* & *Valetudinem* juſtam perſonarum poteſtatem, ſuo philoſophandi more, vocat. Non igitur adeo inepta eſt iſta *Modestini* diſtinctio, quam rationibus nullis impugnat *Zacchias*; tolerari tamen quoque poteſt & *Ulpiani* ſententia. *l. 1. V. 7.* Cauſa morborum eſt vel remota; vel proxima. Remota eſt, quando divino provenit judicio, propter peccata hominum *c. cum infirmitas de penitenti. & remiſſ.* ubi *Abbas* cæterique *Dd.* ſex potiſſimum cauſas recenſent: *Prima* eſt: ut juſtus per patientiam in meritum creſcat, ut legitur de beato *Job*. *Secunda* eſt ad cuſtodiam Virtutis, ne Virtus nimis ſuperbiat: Sicut in *Paulo* Apoſtolo factum eſt, qui dixit: dum infirmior ſum, fortior ſum: quia nonnunquam corporis infirmitas fortitudinem cordis augmentat, *c. niſi cum pridem, de renunc.* *Tercia* cauſa eſt ad correctionem peccati ut in

d. c. cum infirmitate. Quarta causa, ut manifestetur quandoque gloria Dei, ut in cæco, quem Christus sanavit. Quinta causa ad initium pœnæ, sicuti in Herode. *fac. text. 7. q. 1. c. non percussio.* Sexta mala dispositio corporis; quæ proxima causa Efficiens est, ceteræ ut plurimum finales. Ceteras causas quæ pro varietate morborum infinitas Protei species æmulantur, hinc intrudere nec scopus nec opus est. Eleganter de quibusdam *Senec. Epist. 94. Multos morbos multa ferocia fecerunt. Necessè est itaque inter se tam diversa diffideant & hausta male digerantur, aliis aliis nitentibus. Nec mirum, quod inconstans variisque ex discordiis morbus est. Sed ne extra oleam.*

8. Quemadmodum Medici signa Diagnostica habent morborum, ex quibus morbum colligunt: Ita & Jurisconsulci, sua habent Signa, ex quibus morbum adesse conjiciunt, suntque Præsumptiones & Probationes. Considerabimus igitur morborum signa in genere. Pro morbo præsumitur, 1. si persona annis sit evecta & annum septuagesimum attigerit *Alciat. in reg. 1. præsumpt. ult. n. 4. vers. potes dicere:* Senectus enim multoties in jure cum infirmitate æquiparatur, de quo vide *Menoch. lib. 6. præsumpt. 46. num. 1. 2. 3. 5.* & tunc senes infirmis æquiparari possunt, quando illi negotio, de quo agitur, non magis superesse possunt, quam Valetudinarii ipsi. *ibid. n. 22. 23. 24. 25. 26. 33.* 2. Si persona semel fuerit morbo isto affecta: Sed tamen hic distinguendum. Aut enim morbus est sanabilis, aut non est; si sanabilis, non præsumitur illum hodie eo esse affectum *Alciat. reg. 2. præsumpt. 19. & Menoch. præsumpt. 44. lib. 6.* Si non sanabilis, præsumitur: quod semel eo affectus, adhuc hodie affectus sit *Alciat. & Menoch. ll. cc.* Quod si autem sanatur, non facile, dicit Menochius, præsumi hoc, quod sanitas talis morbi sit quoddam accidens contra ipsam morbi naturam: Accidentia a. non præsumi. 3. Si infirmitas sit in dubio, præsumitur longum impedimentum ex *l. 18. in. pr. ff. de judic. ut asseruit Dec. in c. prudentiam. col. 4. post n. 43. vers. Et ad hoc etiam facit textus. de Offic. & pot. jud. deleg.* Contra morbum præsumitur: Si, qui valetudinarius putatur, coiverit: nam apud Jurisconsultos coitus non præsumitur in valetudinario, per ea quæ adducit *Mascard. de probat. concl. 312. n. 16.* & coitus & infirmitas se non compatiantur, ut notat *Rota in decis. 518. n. 7. Probatur Morbus 1. per Medicorum judicia. Barr. in l. quesitum ff. de re judic. 2. Per juramentum infirmi. Speculat. in §. 7. vers. quid ergo. column. 2. in eis. de appellat. Limitatur tamen 1. si morbus non possit probari per testes Speculat. in sup. cit. loc. etiam domesticos, si alii haberi non possint. Barr. d. l. quesitum. 2. Si personæ qualitas & causæ conditio juramentum non admittat. Specul. l. c. 3. Si aliam non concurrant externa indicia Barr. in d. l. 4. Si persona sit suspecta, cui juramentum deferendum, Bald. in l. cum qui n. 7. in ult. nos.*

C. de Procurat. etenim si suspecta est, ejus juramento non est adhibenda fides *arg. l. 5. §. 6. ff. de re milis.*

9. Morborum divisio pro variis eorum formis & conditionibus varia est, quæ Medicis relinquenda potius est: Nobis enim hæc non quadrat. Occurrunt tamen in jure aliquoties aliquæ divisiones: Modo enim morbus est vel *totalis*; i. e. totum affligens corpus ut Phthisis, Febris; vel *partialis* s. in certo aliquo membro, ut excitas &c. *l. 1. §. 7. ff. de Edil. edict.* modo est vel *Animis*, vel *corporis* vel *utriusque* simul *l. 1. §. 9. l. 4. §. 4. d. t.* modo *fonticus* i. e. qui graviter nocet vel *non fonticus* *l. ult. ff. d. t. l. morbus ff. de V. S.*; modo *perpetuus*, quando nulla spes sanitatis subest, & *temporalis*, qui ad tempus durat, *l. 22. §. 7. ff. solut. matrim. l. 6. ff. de Edil. edict.* & si quæ sunt distinctiones similes. Nos potius singula hæc & quicquid de singulis habemus dicere, ad sequentia capita reservabimus, ubi ista distinctius & accuratius ad rhombum venient.

Partis Prioris Pars Specialis

continens quasdam morborum species & eorum effectus.

10. Jam ad quasdam morborum species & Effectuum classes accedamus, quatenus in jure nostro morbi operantur; & hæc omnia considerari possunt vel respectu I. **SUBJECTORUM** sc. quæ afferant vel onera vel commoda respectu illorum, qui affecti sunt. II. **QUALITATUM**, quæ respectu variarum morbi conditionum & formarum. III. **CAUSARUM** extrinsecus advenientium. Hæ tres sunt classes, ad quas omnia morborum genera & eorum effectus juridico quidem modo considerati, commodissime transferri possunt.

Membrum I. de Subjectis.

11. Subjecta sunt I. **HOMINES**. II. **BRUTA**.

Articulus I. de Hominibus.

12. Morbi Hominum considerantur respectu trium objectorum juris 1. respectu *Juris Personarum*. 2. *Rerum*. 3. *Judiciorum*.

13. *Personæ* considerantur respectu 1. *Essentialium constituentium*. 2. *Sexus*. 3. *Statu*.

14. Morbi *Personarum* respectu essentialium constituentium considerantur sunt, vel *Animi*, vel *Corporis*, vel *utriusque* simul.

15. Distinctio hæc desumpta est ex *l. 2. §. 9. l. 4. §. 4. ff. de Edil. edict.*

quam

quam & antea thes. 9. indicavimus. At, si rem ipsam inspiciamus, & scapham scapham appellemus, accurata hæc non est, cum nullus Animi, quem vocamus, affectus tam solitarius sit, qui non à corporeis procedat causis, aut saltem corporeas operationes habeat comites. *Scalig. Exerc. 307. 5. Mens*, inquit, *implicita corpori per ejus officiales atque administras partes recipit impressiones. Fit ergo tum talis, quales ille sunt.* Ita in tenebris pavitant Melancholici, quia spiritus atri sunt, non anima. Quomodo Passiones excitentur in animâ beneficio corporis & spirituum, more suo subtiliter tradit *Illustris Renatus des Chartes*, in aureo de passionibus Anima libello part. 1. Art. 36. Nullus igitur morbus vitiumvé, quantillum etiam sit, ex corpore quoque non oritur. Sumamus enim vel levissimo vitio affectos, ut sunt: fatui, stolidi, Obliviosi, &c. Omnes illi ex malâ constitutione humorum hæc habent, ut plurimum enim hæc in causa est Phlegmatis abundantia *Commen. Physic. cap. 11. th. 6. Expl.* Oblivio ut plurimum à morbis longis ac sævis oboritur, ut de Messala Corvino narrat evenisse *Plin. Nat. hist. lib. 7. c. 24.* uti quoque ex Peste illâ sævisimâ, de qua *Lucret. lib. 6. de Rer. Natur. dicit.*

Atque etiam quosdam cepere oblivia rerum

Cunctarum, neque se possent cognoscere ut ipsi.

Intelligenda igitur est hæc distinctio tantum *¶ ii*, quatenus in animo & ejus defectu visibiliter hi affectus se exerunt, & corpus notabili aliquâ imbecillitate non tenetur.

16. Morbi & Affectus *Animi* ab Antiquis uno vocabulo *Insania* vocabantur, seu graviores, seu leviores & quæcunque mentis ægrotatio, quasi dicas insanitatem *Connan. lib. 9. c. 4. n. 10.* Et ejus rei apud Ciceronem testimonia sunt sæpe multa: Hinc Sanitas apud illum semper dicitur animorum, non corporum. Quod vox illa graves animi affectus notet, ut Furorem & alios, non eget probatione, cum hoc notissimum sit. Ad Leves sæpissime transfertur. *Cic. lib. 3. Tuscul.* Sanos, inquit, intelligimus eos, quorum mens motu, quasi morbo, perturbata nullo sit. *Ibidem*: Sanitatem animorum positam in tranquillitate quâdam constantiâque censebant, his rebus mentem vacuum appellaverunt insaniam. Sic sæpissime stolidos & fatuos insanos vocamus. Hinc insanire pro iratum tumultuari: Insaniens pro eo, qui est impotens iracundia *Terent. Adelph. Act. 4. Sc. 2. vers. 33.* Hinc insanire specialiter, significat excedere modum in sumptibus, vide *Taubmann. super Plaut. Milit. Glorios. Act. 3. sc. 1. v. 159.* Hinc Insanus morosum & difficilem significat, quemadmodum insanus appellatus est olim Domitius, insignis Grammaticus, quoniam natura erat intractabilior & morosior. *Gellius lib. 18. cap. 7.*

17. Affectuum igitur animi generale nomen erit Insania, cum quo etiam facit *Celsus lib. 3. Medic. cap. 18.* & ex Jurisconsultis *Menoch. Consil. 82. n. 193.*

vol. 1. *Paulus Zacch. Q. M. E. lib. 2. tit. 2. q. 1. n. 4. 5. 6. Et.* in contraria est sententia, ubi ex quibusdam Medicis probare nititur contrarium, quod Insania speciale nomen sit, quo major & vehementior animi motus describatur, non autem leviores affectus. Sed probat ex Græcis ut plurimum, cum Latina voxerat. Nos antea & diximus & probavimus, Insaniam non solum de vehemente animi morbo; sed etiam de levissimo animi defectu acceptari. Substituit autem ille *Dementiam* pro generali vocabulo, quæ vocis plane est impropria significatio, si Ciceroni credimus qui 3. *Tusc. quest.* definit illam: quod sit affectio, lumine mentis carens, cum non integra mens est & sana; tuetur tamen mediocritatem Officiorum & vitæ communem cultum atque institutum. Adde quod Jurisconsulti Melancholicos & Mente captos Dementes strictè vocent, cen infra apparebit. Aliàs quoque demens est is, qui nescit exprimere, quid velit aut nolit. c. *Pastoralis de Cleric. agros, in 6.*

18. Signa, Præsumptiones & Probationes Affectuum Animæ, desumuntur, vel à morbo ipso; vel ab ejus circumstantiis. 1. *A morbo ipso.* Ubi notandæ veniunt istæ vulgatæ conclusiones: Semel furiosus semper præsumitur furiosus. *Archidiaconus, in cap. Filii. num. 1. de heret. Alex. Consil. 92. n. 6. vol. 5. Mascard. conclus. 39. n. 1.* Demens de præterito præsumitur etiam demens de præsentī. *Farin. Consil. criminal. 151. n. 14.* Hæ Regulæ procedunt in ægritudine naturaliter durabili. *Alciat. de Præf. reg. 2. præf. 19. n. 1.* Sed limitantur 1. in dementiis, quæ cum febre eveniunt, aut cum alio morbo, quem febris comitatur, ut in Phrenitide, Lethargo &c. ratio est; cum tales amentix sint, tantum *ουμνήματα* & cito transeant 2. In momentaneis dementiis; nam ut eæ conclusiones veræ sint, evinci debet, fuisse aliquem amentem per tempus successivum, mensem, annum &c. vide *Mascard. d. l. n. 8.* 3. In iis dementiis, quæ ex consensu aliarum partium, non vero principaliter ex morbo, per essentiam in cerebro existente, proveniunt. *Zacch. d. tr. lib. 5. tit. quest. ult. 2.* A Morbi circumstantiis extrinsecis, quæ consistunt 1. in Actionibus. 2. in Dictis Insani. Actiones sunt vel naturales vel civiles. Ex Actionibus Naturalibus varie agnoscitur Affectus, ut: quando quis lapides projicit per viam *Gloss. in l. si cum doctem, §. si maritus. ff. solut. matr.* si per viam lutosam incedat, cum per bonam posset ire, *Menoch. Conf. 82. n. 228. lib. 1.* quando turpia & inhonesta publice facit *Grammat. conf. 16. n. 8. in criminal.* Ex Actionibus Civilibus: ut si quis uno prope tempore bona sua dilapidavit, ea vendendo vili pretio, vel sine causâ donando. *Paris. in conf. 87. n. 19. lib. 3.* Ex Dictis: si quis loquitur, verba inordinata, fatua & similia c. *legimus 93. dist. 1. 4. §. 1. ff. de Edil. edict.* quando quis ad rem non respondet, ut si de unâ re interrogetur, de alterâ respondeat. *Geminian. in cap. 1. §. si verò. de cler. agros. in 6.* Sed hæc indicia & præsumptiones latius diducunt *Mynsinger. 3. observat. 77. Mascard. de probat. Concl.*

Concl. 824. 825. 826. 827. Menoch. de præsumpt. lib. 2. præsumpt. 75. n. 57. Mayne ad l. 5. de R. I. n. 4. Ludov. Gilhausen Arb. Jud. Civil. cap. 6. part. 7. §. 148. Et accuratissime Zacch. Q. M. L. lib. 2. tit. 1. quest. 3. ubi hæc prolixissime tradit.

19. Morbi animi sunt vel Leves vel Graves, Leves sunt: Fatuitas, Stoliditas, Stultitia, Stupiditas, Memoria deficiente.

20. Fatuitas pro simplicitate ac animi puritate usurpatur à Canonistis c. pen. de his que met. caus. Fatuos insulsos interpretatur Donat. in Eun. Terent. Serv. in 7. Aneid. inconsiderate loquentes, à Fatua Fauni uxore, quæ hoc nomen à fando i. e. vaticinando sortita est. Tradit quoque originem Justinus lib. 43. c. 1. ubi Thyssus. Ergo Fatuidicuntur propriè, qui fando suam ostendunt imperfectionem Bart. de Testib. n. 98. Atque inde quidam distinguunt fatuum ab insulso, ut illud sit verbis & dictis, hoc corde & animo. Horum aliquot exempla habet Æliam lib. 13. variar. hist. cap. 15. & graphice illos depingit Erasmi. lib. de Lingu. usu & abus. p. m. 1441. Insuper Fatuitas est memoriæ cum ratione diminutio, ut placet Paulo lib. 3. sue Med. cap. 11. quæ morbum de his intelligendum dictum illud Jureconsultorum, quod Fatuus præsumendus sit, habens memoriam inordinatam Alex. in l. 39. §. 7. ff. de Legat. 1. & in l. 22. §. 7. ff. solut. matr. Zacch. Q. M. L. lib. 2. tit. 1. q. 7. n. 33. Quidam Jurisconsulti dividunt Fatuos in eos, qui habent judicium, quantum puer 14. annorum, & in eos, qui vix judicio æquant puerum decennem Tessauro. decis. 92. num. 4. Godd. de contr. stipul. cap. 7. concl. 9. n. 110. Jure Lubecensi Stolidi dicuntur ex sententia Magnificentissimi Dn. Mevii lib. 1. tit. 7. art. 6. n. 28. Vide & Menoch. de A. I. Q. cas. 529. n. 2. ubi illos ex Syracide aliter dividit. Sed hæc parum ad nos.

21. Affinia sunt his genera Stolidi & Stulti. Stulti à Fatuis differunt Isid. l. 10. Ego me ipsum stultum etiam existimo, Fatuum esse non opinor, id est: obtusis quidem sensibus, non tamen nullis. Stolidi Stolonæ quoque dicti in quâdam Auson. Epistolâ, adnotante Turneb. Advers. lib. 2. cap. 23. Stultitia est inconstantia sanitate vacans, ut tradit Comman. 9. Comm. 4. n. 10. seu: ut Lactant. lib. 2. divin. Instit. definit: Stultitia est in factis dictisque, per ignorantiam recti ac boni, erratio. Refertur tam ad Juris imprudentiam, quam ad Facti errorem. Sic stultus est, qui emit hereditatem, quæ solvendo non est l. 3. ff. ad L. Falcid. Stultissimus est, si omisâ actione, quæ facillime solidum ex contractu consequi possit, se ad difficultatem perducatur probandi, in rem domini versum esse. §. Ceterum 5. Inst. Quodcumque qui. De his dicitur: 1. Stultis non solet succurri, sed errantibus l. 9. §. 5. ff. de I. & F. ignorant. 2. Non melioris conditionis sint stulti, quam periti l. 4. ff. Quod vi & clam. Bart. in l. Quod Nerva. 32. in 3. Opposit. ff. depositi. Et ne in panis quidem, quod quatenus verum sit, vide cap. nisi specialis, juncto Bald. de Off. Legat. Syn-

ragm. Jur. Tholosan. lib. 13. c. 5. n. 12. 3. Stultè interroganti non semper respondendum civiliter. *Bart. & Bald. in lib. 27. ff. de Testam. Johannes Daub. in comm. de testam. fol. 531.* Quatenus interroganti stulte, non semper civiliter sit respondendum, vide *Conventam consil. 679. Joh. Bapt. Weber. distinct. Bartoli. 668. fol. 510.* In quantum stulte quid monstranti civiliter respondendum, aut interpretanda monstratio, vide *l. 2. §. 4. verb. decem constitui. junct. Accurs. in gloss. sub lit. H. ff. de Origine Juris. ubi tradit: quod stultis stulta quærentibus stulta debeatur responsio. Nevius add. l. 27. n. 2. ff. de Testam.*

22. Inter stolidos quoque connumerari debent: Surdi, Muti & Cæci à Naturâ, uti & Muti & Surdi simul. Oportet enim illos fatuos esse, cum mediis careant, quibus ad perfectionem intellectus perducitur: Est enim auditus quasi porta mentis, animusque humanus, non nisi consuetudine & disciplinâ, quæ ex auditu habetur, perfici potest. Igitur Jurisconsulti illos infantibus & furiosis æquiparant & absentium loco habent *Bart. de Testib. n. 97. Farinac. pract. crimin. part. 2. tom. 1. quest. 98. lib. 3. n. 193.*

23. A stultis aliquantum recedunt *Stupidi* & per eos denotantur homines simplices, mediocres, rustici, & illiterati, quorum intellectus est rudis & imperfectus. Tales excusantur à Tutelæ onere. *§. 8. Inst. de Excus. Tut. Possunt contrahere. Schepliez. prompt. Jur. tit. 12. n. 14.* Possunt testamentum condere, attestante Viglio in *§. item Furiosi n. 2. Inst. quibus non est permitt. fac. test. & Magnific. Dn. Mevio in l. l. lib. 2. tit. 1. Artic. 1. n. 19.* Illis jura maxime opere favent. Hinc docuit *Cardinal. in Clem. 2. in 2. notab. de Panis. & remiss. Simplicitati succurrendum esse, & in Clem. 1. q. 39. de privilegiis, quod aliquando excuset à delicto.* Judicis tamen arbitrio ista determinatio est relinquenda. *Barba. cons. 6. col. 9. in fin. lib. 4.* Ad hanc classem referuntur omnes ii, quibus vel ratione ætatis, vel sexus, vel conditionis, defectus rationis est, ut sunt: Pueri & Minorennæ, Femine, Rustici. De quibus singulis jura bene multa constituta, quæ huc trahere, nimis foret operosum. De quibusdam satis bene *Paul. Zacch. lib. 2. tit. 1. q. 5. per tot. De Pueris Menoch. A. I. Q. cas. 427. n. 11. n. 13. cas. 426. n. 4. De Minorennibus cas. 171. & passim. Dn. Carptzov. in Pr. Cr. p. 3. q. 143. De Feminis prolixè Frid. Bruckman. in tractat. de differentiis sex. Aymo Crapetta de mulier. indemnitat. De illarum jure Martin. Benckendorff. Joach. Wiebelius. Dn. Carptzov. Eichel. in l. 2. l. 110. §. 4. ff. de R. I. De Rusticis & eorum privilegiis uberrime peculiari tractatu Renat. Choppin. & Menoch. de A. I. Q. cas. 194. per tot.*

24. Memoriam defecti ab *Obliviosis* videntur distinguendi. Obliviosi proprie igitur illi sunt, qui difficulter rerum memoriam conservant: Memoriam vero defecti, qui nullam omnino, nec multo, nec paulò antè præteritorum, conservant memoriam *Zacch. Q. M. L. lib. 2. tit. 1. q. 7. n. 42. & 43.*

25. Signa memoriz labefactata sunt 1. *Temporis diuturnitas*. Hinc sunt, qui existimârunt, per lapsum Decennii oblivionem præsumi *gl. in l. licet C. de acquir. poss.* quod quidam locum non habere volunt, cum quis iuravit. *Marc. Anton. Baveria. in tract. de vi juram. c. 14.* Quandoque per annum oblivio præsumitur *l. 28. ff. de probat.* 2. *Longa absentia*, unde sæpe præsumitur ea nasci *l. 36. §. 1. ff. de liscap.* 3. *Negotiorum multitudo*. Sic in Principe, Officiali, vel alio multis negotiis implicito, facilius oblivio inducitur & præsumitur, ut docuit *Ripa in l. quod iussit. num. 47. ff. de Re Judic. Alex. Consil. 214. part. 2.* Hinc in Notario magis præsumitur oblivio, quam falsitas *Aretin. in Conf. 47. num. 3.* Omnium enim rerum memoriam habere, potius est divinitatis quam humanitatis *l. 2. §. 14. C. de Vet. Jur. enucl. Arum. in præfat. tractat. de Morâ.* Sed melior est sententia eorum, qui totum hoc Judicis arbitrio committendum putant, quanto tempore oblivio inducatur, qui ratione, Personarum, Sexuum, ætatum, negotiorum, infirmitatum, melius omnia hæc dijudicabit & dispensabit, ut recte sentit *Menoch. de A. I. Q. cas. 26. n. 2. &c.* Vide & *Mascard. 3. de probat. concl. 11.*

26. Memoriâ qui planè sunt orbat, non idem juris habere debent, quod obliviosi: Nam priores illi sine dubio recte contrahunt, testantur, bona sua administrant, quod quidem difficulter de illis, qui memoriâ orbat sunt, affirmandum. De iis disputandum adhuc est; an ad officia publica admitti debeant, cum in publicis officiis & prudentiâ & rerum exquisitâ memoriâ opus sit; an ad testimonium dicendum apti sint &c. Igitur necessario hoc arbitrio judicis relinquendum est, ut recte sentit *Zacchias Q. M. L. lib. 2. tit. 1. q. 7. n. 46. & seqq.*

27. Huc pertinerent jam omnes, qui ex commotione aliqua animi in mentis defectum incidunt, ut sunt Iracundi, Ebrii &c. Sed cum hoc pertractare nimis prolixum sit, hic absolvendum non erit. Videantur potius ii, qui hæc vitia & eorum jura luculentius proponunt.

28. Morbi Animi graviores sunt: *Melancholia, Amor, Furor.*

29. Melancholia affecti Jurisconsultis nihil aliud sunt, quam mente capti, ceu satis probat *Paul. Zacch. Q. M. L. lib. 2. t. 1. q. 9. n. 3. & seqq. & num. 16.* abunde. Nec obscure illud innuit *Ludov. Gilbauf. Arb. Jud. Crim. cap. 2. tit. 34. §. 4. n. 4.* Mente captus, inquit, à furioso in hoc differt, quod furiosus animi rabie agatur atque vexetur, & ob id furiosus dicatur, quasi mens extra se feratur, unde mentis remotæ dicuntur, qui furore agitantur. Mente vero captus is est, cui pars rationalis animæ vitiata est, nec, ut ille, animi rabie agitur; sed quiete agens nulla furoris indicia ostendit. Hi à dementibus non differunt, quod probat *l. 25. C. de Nupt.* ubi eum, quem mente captum, ad furiosi differentiam, appellavit, mox dementem nominat.

Borcholt. ad §. Furiosi. in fin. Inst. de Cunt. Furiosos, inquit, Græci *μαίνομενοι*; mente captos sive dementes *ἀνοήτους* appellant. Ac omnis furiosus est mente captus, sive demens, sed non omnis mente captus sive demens est furiosus. *Scriph. consil. 24. n. 2. cent. 2.* addit, quod differant ut excessum & excens, cujus distinctionis vim sane non capio, Vide de his *Godd. de contr. stipul. cap. 7. concl. 9. Mascard. de probat. concl. 502. 826. & 1048. Petr. Gregor. Tholos. 13. Syntagm. jur. cap. 5. Menoch. 6. præsumpt. 15. num. 16. Heig. lib. 2. quest. 38.*

30. Melancholicis non inepte adjungi possunt *Dormientes & Noctambuli*: nam & Jurisconsulti eos furioso & absenti æquiparant. *Menoch. de A. I. Q. cas. 327. n. 5. Caballus in tract. de omni genere Homicid. n. 182. c. 1. Clem. de Homicid. Tiraq. de pen. tempor. caus. 5. n. 2.*

31. Amantes (intellige insane & perditæ) inter Melancholicos connumerantur. Amor enim sollicitudo est Melancholica similis Melancholix, quia non aliter, quam alix passiones quavis Melancholix, Amor prævertit judicium rationis, ut Medici cum aliis fatentur; & ex jure peritis *Bald. in l. 2. §. 24. ff. de Origine Juris.* Aptissime definit hanc passionem *Hucher. l. 4. de sterilit. cap. de Philtris.* Amor, inquit, dicitur atrabilaria, hoc est, Melancholica quædam animi desipientis ægritudo, pulchritudinis alicujus imagine & iniquâ æstimatione perciti & perturbati. *Zucch. Q. M. L. l. 2. t. 1. q. 10. n. 1. & seqq.* Talis autem Amor nihil aliud est, quam furor vehemens, quem retinere, philosophiæ est perfecta monentis & insilientem atque inhiærentem concupiscentiam refrenantis. *Nov. 74. cap. 4. vers. Novimus etiam.* Hinc est, quod tradit *Simanch. de Cathol. Instit. tit. 17. rubric. de defens. reor. n. 45. ex Aristot. lib. 2. magn. moral. cap. 6.* duas esse ejus incontinentiæ species: *Unam* prurientem & improvisam, sive confestim provenientem, *alteram* vero imbecillitatem quandam, quæ cum ratione avertentē insurgit. Prior illa est, quæ furori comparatur: *Carptz. Pr. Cr. p. 2. q. 61. n. 62.* Amans comparatur, ebrio *gloss. Inst. de succ. sublat. §. 1. verb. bacchata.* furioso *d. Nov. 74. cap. 4.* imo & fere ipsam vitam perdit: nam amans in alio corpore vivit. *Mascard. de probat. concl. 89. n. 3. vol. 1.* Hinc Amans à rebus agendis eliminatur, ut tradit in terminis contrahendæ societatis *Felic. de Societas. cap. 7. n. 11.* Hinc excusatur, si aliquid amoris impetu fecerit. Sicuti enim ebriis, furiosis aliisque; ex animi perturbatione aliquâ vel impetu delinquentibus, ignoscitur: sic etiam ignoscendum est ei, saltem ut mitius puniatur, qui amoris impetu deliquit. *Oldrad. cons. 210. n. 4. Alberic. in rubric. C. de heret. n. 12. in fin. Et Clar. 5. sent. q. 6.* Amorem respondet plane à pœnâ non excusare; sed tamen eam elevare, cum id quasi furiosus vel demens fecisse videatur. *Carer. in præf. crim. §. fin. q. 60. n. 7. vers. Est & Amor.* Quod quomodo in quibusdam delictis procedat, docet *Farin. part. 3. pr. crim. quest. 98. n. 81. & seqq.* Hinc scriptum

ptum reliquit *Job. Fabri. in §. Soror. Inst. de Inoff. Testam.* Mulierem infamem meretricemve non esse, nec turpem personam, si amore vehementi capta, sui copiam amanti fecerit; & ob id ait, à testatore institui posse, etiam fratre vel sorore prateritis. *ex d. §. Soror.* quoniam meretrix illa proprie dicitur, quæ quæstum meretur, vel absque quæstu palàm se prostituit *l. 43. §. 3. de ritu Nups. c. Vidua dist. 34.* ubi ridicule glossa addit, quod illa sit meretrix, quæ admiserit 23000. hominum, quod & *Plaut. in Mostell.* confirmat: *Matrona, non meretricum est uni inservire amanti.* Rationes multas argumentaque cumulavit hæc de re *Menoch. de A. I. Q. cas. 328. à n. 3. usque ad finem, que lectu non sunt in elegancia.* Ratio non invalida est, quod Mulieres in libidinem sint pronæ, uti illud late diducit. *Burch Berlich. de Jure Noverc. n. 398. &c.* De Amore scripsit inter alios *Petr. Heig. lib. 2. q. 8.*

32. Signa & Præsumptiones Amoris sunt: Mulieris pulchritudo; *Rozz in noviss. decis. 338. n. 4. part. 1.* frequentatio viarum insuetarum. *Parisi. cons. 10. vol. 2. num. 32.* Indumenta & Ornatus elegantiores &c. Cætera à Medicis petuntur.

33. Venio nunc ad Furorem & Furiosos. Furorem *Cic. 3. Tuscul.* definit: quod sit mentis ad omnia cæcitas. Furiosus est insanus furore agitatatus; Mente captus, qui quiete degit; ceu eleganter definit *Corvin. in Postb. Pacian. lib. 4. defin. 156.* Eorum nulla certa est voluntas *l. 40. ff. de R. I.* nulla certa vox *l. 7. pr. C. ad Sc. Trebell.* nullus sensus *l. 22. §. si maritus ff. solut. Matrim.* nullus consensus *l. 2. C. de contr. Empt.* nullusque affectus *l. 1. §. 6. ff. Ne vis fiat. pro mortuis fere l. 1. in fin. ff. de bonor. poss. furios. l. Bonorum ff. rem. nam haberi. absentibus & quiescentibus per omnia habentur. l. 125. ff. de R. I. l. 2. ff. de Procurat. Magnific. Dn. Mev. in I. L. lib. 1. tit. 7. art. 6. n. 24.* lapidi æquiparantur *Bart. in l. 1. §. item acquirimus ff. de acquir. poss. Nunnez. resp. 35. n. 4. col. 2.* pro ignorantibus habentur *l. 4. ff. de divorc.* pro pupillis, dormientibus &c. *Camillus Gallinius in tr. de V. S. lib. 5. cap. 16. n. 194. Böer. decis. 23. n. 47.* Furiosi in jure nostro duùm sunt generum; unum eorum, qui in perpetuo furore sunt, qui (ut ait *Macer*) *l. 14. ff. de offic. Præsid.* continuâ mentis alienatione omni intellectu carent; alterum eorum, quorum furor intermissus est & qui dilucida habet intervalla, seu inducias *l. 22. §. 7. ff. solut. matr. & l. 20. §. nec furiosus ff. qui testam. fac. l. 6. C. de curat. furiosi.* ubi furorem perpetuum, continuum vocat furoris infortunium; Intervallarem, morbum cum laxamento; Intervalla ipsa, confinium furoris & sanitatis.

34. Vidimus hætenus morbos solius animi, nunc illos animi morbos considerabimus, qui in corpore se quoque exerunt illudque simul infestant. Tales sunt: Phrenesis, Apoplexia, Epilepsia, morbus Lunaticus,

naticus, Rabies, Delirium ex assumpto veneno, ex Philtris, Morbus Dæmoniacus, Fanaticus & plures alii.

35. Phrenesis proprie ita dicta, est perpetuum delirium cum Febri, uti illud definiunt & Medici & Jurisconsulti *l. 1. §. 9. in fin. de Edil. edict.* cum propter febrem loquimur aliena. *l. 4. §. 1. d. 1.* De Phreneticis omnia vera sunt, quæ de Furiosis: nam & adeo sunt mente alienati, ut ignorent, quid agant. *Rodericus Suarez. allegat. 1. num. 7. Menoch. consil. 311. num. 29.* Huic affinis est morbus Paraphrenesis, qui est intervallaris & tempore paroxysmi, furori itidem æquiparatur.

36. Apoplexia est repentina omnium sensuum ruina. Germ. der Schlag. In Apoplecticis omnia sine dubio locum habent, dum in accessu est, quæ obtinent in furente, absente & mortuo. Sed qui ex forti Apoplexiâ evadunt, quod tamen raro fit, per totam ut plurimum vitam infatuantur, qui ex levi, per aliquod tempus, testibus Medicis. Ideo Jurisconsultis videndum, annon actus illorum suspecti sint, & an ad omnes admittendi, an quæcunque ab illis fiant, legitime fiant. Quod Judicis arbitrio relinquendum. Quin & putat *Zacch. Q. M. L. l. 2. t. 1. q. 14. n. 10.* ad alicujus fatuitatem probandam, maximam præsumptionem facere, si constet, illum Apoplexia non adeo levi detentum fuisse.

37. Epilepsia est totius corporis convulsio, cum mentis & sensuum ablatione. *Galen. 3. de loco affect. c. 7. class. 4.* Epilepticus sanus non est, ne quidem his diebus, quibus morbus vacat *l. 53. ff. de Edil. edict.* & ibi vocatur morbus comitialis. Rationem ejus nominis & aliorum vide *ap. Gothofr. ibid. in notis Tradit Bertachin. de Episcop. l. 2. cap. 45.* Epilepticum non posse eligi in Episcopum. *Gartz. de benefic. part. 7. c. 12. n. 20.* Epilepticum non posse obtinere beneficia ordinem requirentia, quia neque ordinari possit & ad sacra promoveri *Gloss. in c. 1. caus. 7. q. 1.* Imo, quod neque promotus possit administrare *Paris. de resignat. benefic. lib. 5. quest. 65. n. 105.* quod tamen de forti Epilepsia tantum intelligendum esse monet *Zacch. lib. 2. quest. 14. n. 21. &c.*

38. Morbus Lunaticus est idem ferme cum Epilepsia: sed in hoc differt, quod veniat ad Lunæ motum, quamvis hoc nomen non solum Epilepsix, sed in genere omnibus morbis, ad Lunæ motum se dirigentibus, applicari posse adducat ex *Spigelio & Brissonio Calvin. in Lexic. Jurid.* verbo hoc. Sane nil impedit ita accipi in *l. 43. §. 6. ff. de Edil. edict.* Cæterum Lunatici non alio, quam Fatuorum jure frui possunt.

39. Rabies ut plurimum venit ex morsu canis, & *Festus l. 16.* hunc morbum caninum vocat. Unde qui à cane rabido mordentur, redduntur, rabiosi. In Jure nostro vox illa interdum pro impotente furore sumitur.

Sic l. 2. C. qui test. fac. poss. Sed aut impatiens doloris, aut furoris rabie constrictus, se precipitem dedit. Ad Melancholicorum classem referendi sunt juxta sententiam Zaccb. d. tr. l. 2. c. 1. q. 18. num. 25. Si tamen omnino furentes evadant, ut ceteri furentes habendi.

40. Delirium ex veneno dato nonnunquam oboritur. Talia autem venena propinans, si mors subsequatur, sine dubio, Jure Civili, capitis supplicio afficiendus & si dignior persona est, deportanda est *l. 28. §. 9. ff. de pen. Const. Carolin. artic. 130. rotâ contunduntur.* Et licet mors non fuerit subsequuta, eadem afficiendos esse pœnâ vult *Didac. Covar. in Clem. si furiosus part. 2. in pr. n. 6. vers. præter de Homicid.* propterea: quoniam tunc, cum ex latere conantis delictum, nihil superest agendum ad criminis perfectionem, tum conatus in se nomen delicti perfecti habeat. *Bald. in l. 5. C. de Accusat. à quâ tamen sententiâ discedit cum aliis Carptzov. part. 1. prax. Crim. q. 2. num. 43. 51. & 54.* Quid ergo statuendum de illo, qui in hunc finem propinaverit venena, ut infatuetur? Jus Civile adversus illum actionem Injuriarum dat. *l. 15. pr. ff. de injur.*

41. Delirium non raro ex Philtris datis accidit. Philtrum autem est, quod aliàs poculum amatorium vel amoris vocatur *l. 38. §. qui abortione ff. de penis*, quod tamen *Calvin. in Lexic. sub hac voc.* confundit cum speciebus ingredientibus ipsum philtrum, dum illud ita definit: Poculum amatorium est potio ex Philtris aliisque herbis ac rebus, ad excitandum amorem, alicujus viri, vel feminae, confecta. Hæc furorem &, ut plurimum, mortem ipsam conciliant, secund. *Ovid. lib. 2. de arte amand. Philtra nocent animis vimque furoris habent.* Non tamen, qui illa propinat, cum mors insequitur, pœnâ capitali plecti debet, licet multi contrarium statuunt *per d. l. & d. §. ff. de penis Paul. Chirland. in trakt. de Sortileg. q. 12. n. 3.* Sed illis non adscribit *Carptz. in Pr. Cr. p. 1. q. 21. n. 16.* & ad d. l. reponit: non ibi de sumpti philtro dici, quod conciliandi tantum amoris gratiâ datur, sed de tali Philtro, quod Amasix, ad impediendam conceptionem, ob libidinem securius explendam, adhibetur, ut genitura simul impediatur, & tunc dolose fecisse judicandus est pœnaque dignus est. Extra hunc casum autem, extra ordinem, relegatione puniendus est *arg. l. 3. §. 2. in fin. ff. ad L. Cornel. de Sicar.* quæ tamen pœna asperari potest, si vel ad adulterinum congressum, vel ad alium nefarium coitum directâ sit intentio, vel si magis prohibitis utatur aliquis mediis, quemadmodum fustigationem cum perpetuâ relegatione fuisse dictatam alicui feminae, quæ magicis artibus, ad conciliandum sibi alicujus amorem, usa fuerat, refert *Dan. Moller. ad Constit. Elect. Aug. 2. n. 6. part. 4. Carptz. d. l. n. 20.* De Philtris vide ulterius, quid habeat *Majol. diar. canic. tom. 2. colloq. 2.*

cholicos referamus, cum *Ardoin. de Ven. lib. 8. c. 5.* Ad Dormientes referendi sunt Lethargici, Carotici, Comatosi. 3. Ad Furiosos spectant Lycanthropici, Cynanthropici & similes, qui se canibus & Lupis associant, omnesque eorum functiones perpetrant, quo morbo Nabuchodonosor quibusdam affectus fuisse videtur. Præstigiati, qui a Dæmoniis non multum discrepant. Enthusiastæ, qui irritantur tanquam maniaci & in se manus injiciunt. Engastrimathi, qui e ventre loqui videntur, clauso ore, quod Dæmonem in ventre habere credantur. Lecanomantici, qui ad sonitum pelvis vaticinantur. Furentes ex utero. Tales sunt mulieres, quæ adeo interdum Veneris æstro percelluntur, ut ad rablem usque perveniant. Vide *Jonston Thaumaturg. class. 10. cap. 5. artic. 1.* De singulis igitur illis pluribusque adhuc animi morbis, quomodo interdum, vel dilucida habeant intervalla, vel non, vel infinitis circumstantiis actus nostros vel legiment, vel invalident, caute & prudenter Judici est circumspiciendum, & ut plurimum ex Medicorum peritorum consilio agendum: Impossibile enim est, omnes istos casus legibus comprehendere. *l. non possunt ff. de leg.* Non videtur igitur mihi operam ludere, si ex *Zacch. d. l. 9. 11. n. 12.* quasi per quendam indicem, excerptam, qui morbi dilucida intervalla habeant, qui non. Intervalla dilucida non habent 1. Desipientes ratione infantia & pueritia. 2. Delirantes ex senio. 3. Mulieres delirantes circa sexus imbecillitatem. 4. Fatui, Stolidi, Stulti, obviviosi. 5. Muti & Sordi a Natura. 6. Ebrii. 7. Lethargici, Comatosi & Carotici. 8. Icti a fulmine, attoniti, congelati, seu cataleptici. 9. Phrenetici. 10. Hydrophobi, seu rabiosi. 11. Ex assumpto veneno insaniens. 12. Ex morbo longo dementati. In cæteris autem morbis omnibus licet sperare dilucida intervalla.

45. Atque sic, quantâ licuit brevitate, perspeximus morbos hominum, respectu essentialium constituentium 1. Animi solius, 2. Animi & corporis simul. Restaret nunc, corporis morbos a nobis pertractari. Sed cum illos omnes huc cumulare instituti nostri non sit, nec Jurisconsultus ad species illorum tam accurate descendat, hic omitti illi possunt, & si quid obiter de quibusdam in specie incidit, ad sequentia reservabimus.

46. Personæ II. considerabuntur nobis, respectu *Sexus & Nature*, & sunt vel Mares; vel Feminae. *Mollenbeck. divis. Jurid. cent. 1. division. 18.*

47. Morbi *Marium* ventilantur, respectu generationis activæ, & sunt Impotentia; vel absoluta; vel relata.

48. Impotentiam absolutam voco, per quam quis, respectu sui ipsius perque se generare non potest. Impotentia autem in genere est vi-

tium vel defectus naturalis aut accidentalis, quo quis impeditur alteri carnaliter commisceri. *Hostiens. in summ. lib. 4. tit. de frigid. & malef. §. 1. num. 1. Brunell. de Spons. & matr. concl. 28. n. 2.* Impotens igitur est, qui non potest reddere debitum conjugale *c. 2. de frigid. & malef.* seu, qui non potest coire mulieri; & agere ea, quæ à naturâ Viris data sunt *cap. 6. novell. 22.* Frigidi autem qui proprie dicantur, multa est disceptatio inter Medicos, nobis non dirimenda. Credo tamen proprie illos dici, qui ob caloris naturalis paucitatem materiâ prolificâ destituuntur, atque sic ad generandum sunt inepti, quod in pueris & senibus accidit, licet illos improprie dici Frigidos contendat *Zacch. lib. 3. tit. 1. q. 5. per tot.* ubi varias variorum Medicorum proponit sententias. Nobis sat erit, si illos cum impotentibus jungamus.

49. Signa, Præsumptiones & Probationes frigiditatis varia sunt, quæ partim ex Medicis; partim à Jurisconsultis peruntur: & voluerunt Jurisconsulti, frigiditatem tam in viris, quam in feminis, per corporis aspectum probari, ut notat ex pluribus *Mascard. concl. 816. n. 1. lib. 3.* Impotens autem quis censendus non est, licet uno testiculo careat *l. 6. 7. 35. §. 7. ff. de Edilit. edict.* cum adhuc generare possit *Abb. in c. 2. de frigid. & malef.* Recenset ejusdem signa sat multa *Anchar. in cap. 1. n. 10. & in c. laudabilem. n. 7. de frigid. & malef.* Præsumptiones & Probationes Impotentix non sunt unæ. Pro Impotentia Viri declaranda multa sunt indicia. Sed an illa ex Feminarum inspectione haberi possit, dubitatur: Nam 1. Aut mulier non erat Virgo, eo tempore, quo contraxit matrimonium cum Viro, quem nunc asserit esse impotentem. Hoc casu non potest probari ex inspectione mulieris Impotentia Viri. 2. Aut mulier erat Virgo eo tempore, quo nupsit marito, & videbatur tunc ex inspectione ejus Impotentiam Viri demonstrari posse. Quemadmodum quoque obstetricibus, quæ Virginitatis notas explorant, credendum esse vult *gloss. in cap. satis 33. q. 5. & Mascardus Concl. 1410. col. ult.* Sed recte negat hoc *Butrius in cap. 1. de frigid. & malef. col. pen. vers. Item quia:* Nam & *c. nec aliqua 27. q. 1.* dicitur: manus obstetricum & oculos sæpe falli; Fatenturque id ipsi Medici, quemadmodum illud satis declarat *Zacch. lib. 4. tit. 2. quest. 1.* Signa igitur à Viro ipso petita magis sunt evidentia & certa. *Menoch. de præsumpt. lib. 6. præsumpt. 90. per tot.* Poterit insuper & probari, si per trium annorum cohabitationem conjuges non potuerint coire; ex hoc enim satis clare constare dicitur de frigiditate illorum in *cap. laudabilem. de frigid. & malef. & ibi Gloss. super verb. Frigiditas.* Et hoc triennium dari debet, quando aliunde non probari potest. *Ludov. Gilhaus. Arb. Judic. Civil. cap. 6. part. 2. §. 277.* Idem cursus triennii multo magis debet expectari in corruptâ muliere, quæ non habet ita efficax argumentum pro se, ut habet Virgo, quæ arguit quodammodo Viri impotentiam. Contra im-

potentiam Viri præsumptiones sunt 1. Ubi visibilis impotentia in Viro non apparet, Vir præsumitur potens *c. 1. in fin. de frig. & malef. Menoch. de præsumpt. d. 1.* 2. Muliere Virum impotentem esse asserente, Viro autem negante, præsumitur Vir potens: quia magis creditur Viro, quam mulieri: nam Vir tanquam mulieris caput dignior est ipsa muliere *d. c. 1. & Can. 3. caus. 33. qu. 1.* 3. Viro se impotentem asserente, Muliere negante, præsumitur Vir potens. *Anchar. in c. 1. n. 4. de frigid. & malef. ratio prima est, quia in dubio pro matrimonio est pronunciandum c. ult. de Sent. & re jud. Secunda: quia cum mulier stimulis carnis agitari soleat. cap. ult. de eo qui cognovit. verosimile non sit, mulierem velle stare cum impotenti. arg. d. c. 1. in fin. tertia; quod, cum non liceat propriam turpitudinem allegare, non credatur hoc Viro tam facile arg. l. 30. C. de Transact. cap. inter dilectos de donationibus.* 4. Mulieri, quando post annum, vel semestre, non est conquesta de Viri impotentia, non tam facile creditur; sed potius pro Viro præsumitur. *d. c. 1. versic. Illa autem.* 5. Potentia Viri probatur, si cum aliâ muliere coiverit, ceu id aliquando admissum fuit, sed male. Vide *Menoch. lib. 6. præsumpt. 90. num. 9.* Multa quoque hæc de re habet. *idem de A. I. Q. cas. 519.*

50. Omnis Impotentia est vel à Natura ipsâ; vel ab Accidenti: Naturalis Impotentia definitur *Klingio. de caus. matr. c. 5. n. 54.* quæ ex Naturæ dispositione, sine factò hominis provenit: Ubi videtur Accidentalem vocare, quæ ex factò hominis provenit. Verum sic non Impotentiam, ex morbis contractam, ad accidentalem Impotentiam referre poterimus, quæ tamen neque est naturalis; sed tanquam *σύνθημα* principali morbo accedit, & sic consequenter homini.

51. Naturalis dividitur in Temporalem & perpetuam. Temporalis subdividitur, in impotentiam, quæ ab initio quidem est, sed tempore desinit esse; ut in impuberibus; & illam, quæ ab initio non est, sed tractu temporis naturaliter oritur: ut in Senibus.

52. Impotentia Accidentalisis est, quando naturaliter potens ex post facto fit impotens, & est duplex. 1. Manifesta, quæ per violentiam infertur, ut per sectionem. 2. Occulta, quæ provenit, vel ex maleficio & incantationibus, vel ex morbis. vide *Kling. l. c.*

53. Impotentix Effectus sunt duplices; aut enim Impediunt matrimonium, aut dissolvunt. I. Impedit Matrimonium omnis Impotentia naturalis & accidentalisis, nisi sit facile sanabilis, aut tractu temporis se ipsam emendet, & uti *inc. fraternitatis 6. versic. nos tamen: Extr. de frig. & malef.* dicitur, si præter divinum miraculum, per opus humanum, absque corporali periculo, non poterit removeri. Impotentia naturalis tem-

poralis, ab initio existens, & cum tempore desinens, est in Impuberibus, ut in masculo ante 14. annum, & in femina ante 12. annum, hæc impotentia impedit matrimonium, *pr. Inst. de nupt. l. 4. ff. de rig. nupt. cap. 6. & 10. Extr. de despon. imp. nisi malitia ætatem suppleat c. de illis 7. & c. ult. d. 1.* Sed referente *Zacchiâ ex Brunello de Spons. concl. 28. n. 8. & ex Sanchez de Matrimon. lib. 7. disp. 195. n. 5.* si in particularibus, ante determinatum annorum terminum, adveniat coeundi potentia, matrimonium contrahi potest, etiam si generare non possit, cum ex frequentatione debiti conjugialis sperari possit generatio. Justinianus tamen videtur in masculis 15. annum assignare *Nov. 100. c. 2. vers. novimus*, quemadmodum & *Leo Nov. 74.* feminis 13. annum adscribit, 15. maribus. Sed respondet ad illud *Olemann. ad l. 1. disp. jurid. Giphau. disp. 3. n. 17. in fine*, distinguendo, inter annum inceptum & completum: Puberes enim dicuntur masculi, qui annum decimum quartum complerunt, & femine Viripotentes, qui annum duodecimum exceßerunt *pr. Inst. quib. mod. tut. finit.* Ergo per consequens inchorantur 15. & 13. annum. Licet autem impuberes matrimonia contrahere non possint, possunt tamen sponsalia de futuro, si sunt majores 7. annis. *c. 1. de despons. impub.* & hæc tamdiu valent, quamdiu non perveniunt ad pubertatem, & ante eam non possunt resilire aut pœnitere. *c. de illis. cum seqq. d. 1.* Habent enim desponsationes impuberum effectum sponsaliorum de futuro, & omnes tractatus sponsaliorum preparatorii, non magis ligant contrahentes, quam desponsationes impuberum. *Dn. Carpizov. in Consist. l. 2. tit. 10. def. 174. n. 6.* Si autem forsitan in desponsatione impuberum pœna adjiciatur, puta centum, vel mille aureorum, non servanda est, quemadmodum eleganter eadem de re differit *Benst. de Sponsal. part. 1. n. 4.* Impotentia Naturalis, quæ ab initio non est: sed tractu temporis oritur, est in senibus, qui propter caloris defectum fiunt impotentes. Illa autem Matrimonii obstaculum non est, nec per illam rescinditur. Cautum quidem fuit L. Papiæ, quod masculus, sexagenario major, non contrahat cum muliere, majore, vel minore quinquagenariâ; & contra major quinquagenaria non contrahat cum majore, vel minore sexagenario. Sed sublata est hæc lex per *h. Sancimus C. de Nupt. cum matrimonium in senibus sit legis obsequium & humanitatis solatium c. nuptiarum cum gloss. ibid. in verb. quibusdam 27. q. 1. gl. in cap. quod sedem. in verbis: Impotent. de frigid. & malef.* Finis quidem conjugii primarius hic cessat: sed cum secundarius etiam finis sit mutuum adiutorium, & is aliquis esse possit in tali conjugio, merito hoc conceditur, licet cum quâdam dissonantia id fieri debeat, si personarum conditiones illud exposcant. Discutit hoc ab utraque parte *Dn. Carpizov. in Consist. l. 2. tit. 1. def. 13.* Impotentia Accidentalisis manifesta, quæ per violentiam infertur, per quam quis amit-

amittit virilia & Spado fit, (Spadonum enim vox generalis est *l. 128. ff. de V. S.*) impedit interdum matrimonia, interdum non. Non impedit, si forsitan vitium tam grande non sit, ut possit tamen generare, sique sanabile sit, quemadmodum illis accidit, qui unum testiculum amiserunt *l. 6. l. 7. l. 35. §. 7. ff. de Edilit. edict.* Illud autem vix obtinet, quod Melchior Kling. *de caus. matrim. c. 5. n. 82.* ex Glossa ad *can. n. qui. 25. caus. 32. q. 7.* adducit, etiam castratos, quibus potestas est coeundi, licet ad generandum sint inepti, matrimonia posse inire; cum tamen procreatio liberorum sit finis matrimonii, adeoque potius potentia generandi, quam potentia coeundi sit inspicienda. Quæ autem sectio tam violente illata est, ut plane de illius restitutione dubitetur, & ut is generationi nullo modo aptus esse possit, cui obtigit, si præcesserit matrimonium, impedit contrahendum dirimitque contractum per *text. in d. c. quod sedem junct. gloss. in verb. impotentes in fine. de. frigid. & malef.* Nullo igitur modo impedit Matrimonium impotentia ex morbis, cum speretur restitutio. Sed si inveterati & longi morbi sint, ut vix ac ne vix quidem ad valetudinem & potentiam redigatur aliquis, credo secus esse de matrimonio contrahendo. Certe, morbos hominem reddere impotentem ad generandum, probat *l. 6. in fin. ff. de his qui sunt sui. & lib. 15. §. 2. ff. de Adopt.* quod tamen de omnibus verum non esse tradit Zaccb. *l. 3. tit. 1. q. 4. n. 7.* Cessant autem omnia hæc impedimenta, si quis sciens contrahat cum impotente: Tunc enim tenetur cohabitare. Quamvis enim Vir hoc casu, mulierem impotentem non possit habere in uxorem, & mulier Virum in maritum, tenetur tamen habere, ut sororem & fratrem. *c. consultationi 4. & seqq. de frigid. & malef.*

54. Dissolvunt Matrimonium; seu potius nullitatem ejus declarant: Nam proprie hæc dissolutio non est divortium: sed declaratio, ut alii sciant, illam societatem non esse conjugium Schneidewin in *tit. Inst. de Nupt. part. 4. n. 22.* Conrad. Mauser. in *eund. tit. ad §. Sunt & alia. sub fin.* Non enim est verum matrimonium, quod imprudenter cum impotente contrahitur; quia nil consensui magis contrarium, quam error *l. 15. ff. de Jurisd. & errantis nullus est consensus l. 9. C. de I. & F. ignor.* Atque ita deceptus in materiâ nunquam in eam consensit: voluit enim Vir ducere mulierem, quæ Viripotens esset & apta ad procreandam sobolem; Mulier contra nubere Viro potenti & ad generandum non inepto. Cum igitur hic neque sit vera causa Essentialis, nec vera causa finalis Matrimonii, matrimonium hic nullo pacto subsistere potest. Basilius Monner. *de matrim. c. 11. n. 2. 3. & cc.* De tali igitur Matrimonii dissolutione I. In Impotentia Naturali perpetuâ notetur, quod, si ex manifestissimis signis possit collegi, è vestigio permittatur separatio; quia in certis nullus est conjecturis locus *l. 137. §. 2. V. O. & frustra*

poralis, ab initio existens, & cum tempore desinens, est in Impuberibus, ut in masculo ante 14. annum, & in femina ante 12. annum, hæc impotentia impedit matrimonium, *pr. Inst. de nupt. l. 4. ff. de rin. nupt. cap. 6. § 10. Extra de despon. imp. nisi malitia ætatem suppleat c. de illis 7. & c. ult. d. r.* Sed referente *Zacchiæ ex Brunello de Spons. concl. 28. n. 8. & ex Sanchez de Matrimon. lib. 7. disp. 195. n. 5.* si in particularibus, ante determinatum annorum terminum, adveniat coeundi potentia, matrimonium contrahi potest, etiam si generare non possit, cum ex frequentatione debiti conjugialis sperari possit generatio. Justinianus tamen videtur in masculis 15. annum assignare *Nov. 100. c. 2. vers. novimus*, quemadmodum & *Leo Nov. 74* feminis 13. annum adscribit, 15. maribus. Sed respondet ad illud *Olemann. ad l. 1. disp. jurid. Giphau. disp. 3. n. 17. in fine*, distinguendo, inter annum inceptum & completum: Puberes enim dicuntur masculi, qui annum decimum quartum complerunt, & femine Viripotentes, qui annum duodecimum exceßerunt *pr. Inst. quib. mod. tut. finit.* Ergo per consequens inchoarunt 15. & 13. annum. Licet autem impuberes matrimonia contrahere non possint, possunt tamen sponsalia de futuro, si sunt majores 7. annis. *c. r. de despons. impube* & hæc tamdiu valent, quamdiu non perveniunt ad pubertatem, & ante eam non possunt resilire aut pœnitere. *c. de illis. cum seqq. d. r.* Habent enim desponsationes impuberum effectum sponsaliorum de futuro, & omnes tractatus sponsaliorum preparatorii, non magis ligant contrahentes, quam desponsationes impuberum. *Dn. Carpzov. in Consist. l. 2. tit. 10. des. 174. n. 6.* Si autem forsan in desponsatione impuberum pena adjiciatur, puta centum, vel mille aureorum, non servanda est, quemadmodum eleganter eadem re differit *Beust. de Sponsal. part. 1. n. 4.* Impotentia Naturalis, quæ ab initio non est: sed tractu temporis oritur, est in senibus, qui propter caloris defectum sunt impotentes. Illa autem Matrimonii obstaculum non est, nec per illam rescinditur. Cautum quidem fuit *L. Papiæ*, quod masculus, sexagenario major, non contrahat cum muliere, majore, vel minore quinquagenaria; & contra major quinquagenaria non contrahat cum majore, vel minore sexagenario. Sed sublata est hæc lex per *l. Sancimus C. de Nupt. cum matrimonium in senibus sit legis obsequium & humanitatis solatium c. nuptiarum cum gloss. ibid. in verb. quibusdam 27. q. 1. gl. in cap. quod sedem in verbis: Impotent. de frigid. & malef.* Finis quidem conjugii primarius hic cessat: sed cum secundarius etiam finis sit mutuum adiutorium, & is aliquis esse possit in tali conjugio, merito hoc conceditur, licet cum quâdam dissuasionem id fieri debeat, si personarum conditiones illud exposcant. Discutit hoc ab utraque parte *Dn. Carpzov. in Consist. l. 2. tit. 1. desin. 13.* Impotentia Accidentalisis manifesta, quæ per violentiam infertur, per quam quis

amit-

amittit virilia & Spado fit, (Spadonum enim vox generalis est *l. 128. ff. de V. S.*) impedit interdum matrimonia, interdum non. Non impedit, si forsitan vitium tam grande non sit, ut possit tamen generare, sique sanabile sit, quemadmodum illis accidit, qui unum testiculum amiserunt *l. 6. l. 7. l. 35. §. 7. ff. de Edilit. edict.* Illud autem vix obtinet, quod Melchior Kling. de caus. matrim. c. 5. n. 32. ex Glossa ad can. n. qui. 25. caus. 32. q. 7. adducit, etiam castratos, quibus potestas est coeundi, licet ad generandum sint inepti, matrimonia posse inire, cum tamen procreatio liberorum sit finis matrimonii, adeoque potius potentia generandi, quam potentia coeundi sit inspicienda. Quæ autem sectio tam violente illata est, ut plane de illius restitutione dubitetur, & ut is generationi nullo modo aptus esse possit, cui obtigit, si præcesserit matrimonium, impedit contrahendum dirimitque contrahendum per text. in d. c. quod sedem junct. gloss. in verb. impotentes in fine. de. frigid. & malef. Nullo igitur modo impedit Matrimonium impotentia ex morbis, cum speretur restitutio. Sed si inveterati & longi morbi sint, ut vix ac ne vix quidem ad valetudinem & potentiam redigatur aliquis, credo secus esse de matrimonio contrahendo. Certe, morbos hominem reddere impotentem ad generandum, probat *l. 6. in fin. ff. de his qui sunt sui. & lib. 15. §. 2. ff. de Adopt.* quod tamen de omnibus verum non esse tradit Zacch. *l. 3. tit. 1. q. 4. n. 7.* Cessant autem omnia hæc impedimenta, si quis sciens contrahat cum impotente: Tunc enim tenetur cohabitare. Quamvis enim Vir hoc casu, mulierem impotentem non possit habere in uxorem, & mulier Virum in maritum, tenetur tamen habere, ut sororem & fratrem. c. consultationi 4. & seqq. de frigid. & malef.

§4. Dissolvunt Matrimonium; seu potius nullitatem ejus declarant: Nam proprie hæc dissolutio non est divortium: sed declaratio, ut alii sciant, illam societatem non esse conjugium Schneidewin in tit. Inst. de Nupt. part. 4. n. 22. Conrad. Mauser. in eund. tit. n. §. Sunt & alia. sub fin. Non enim est verum matrimonium, quod imprudenter cum impotente contrahitur; quia nil consensui magis contrarium, quam error *l. 15. ff. de Jurisd. & errantis nullus est consensus l. 9. C. de I. & F. ignor.* Atque ita deceptus in materiâ nunquam in eam consensit: voluit enim Vir ducere mulierem, quæ Viripotens esset & apta ad procreandam sobolem; Mulier contra nubere Viro potenti & ad generandum non inepto. Cum igitur hic neque sit vera causa Essentialis, nec vera causa finalis Matrimonii, matrimonium hæc nullo pacto subsistere potest. Basilus Monner. de matrim. c. 11. n. 2. 3. & cc. De tali igitur Matrimonii dissolutione I. In Impotentia Naturali perpetuâ notetur, quod, si ex manifestissimis signis possit collegi, è vestigio permittatur separatio; quia in certis nullus est conjecturis locus *l. 137. §. 2. V. O. & frustra*

stra expectatur tempus, cum eventus nil operatur *l. 13. §. 2. ff. Ad. Sc. Velleian.* Quâ ratione in Impotentia, quæ manifestis signis deprehendi non potest, ad dissolutionem matrimonii procedatur, & quæ hic cautela & circumstantiæ attendendæ, vide *Melchior. Kling. d. t. c. 5. n. 66. & seqq. Menoch. de A. I. Q. cas. 519. Zaccb. lib. 3. t. 1. q. 5. Sanchez. de matr. lib. 7. disp. 92* II. In Impotentia Naturali temporali ab initio existente notetur, quod matrimonii dissolutio non concedatur, priusquam summam & perfectissimam pubertatem attigerint, & præterea arbitrio judicis longius tempus determinandum relinquitur, ne tam cito ad separationem profiliant, per ea quæ habentur & notantur *in c. fin. de frigid. & malef. & in c. puberes. de desp. impub.* De Senibus impotentibus præcedenti thesi satis diximus: nam illorum matrimonia plane non dissolvuntur. III. In Impotentia Accidentali manifesta notetur: Si sectio violenta præcesserit matrimonium, contractum matrimonium sine dubio dirimit; Secus est, si subsecuta sit matrimonium. IV. In Impotentia Accidentali occulta nota 1. Si maleficiatus simpliciter est impotens, trium annorum spatium expectare debet, & si non cessat, solvitur matrimonium; tunc enim præsumitur maleficium perpetuum esse, si cessat, temporale erit. 3. Si maleficiatus erga unam tantum est impotens, non erga alias, separantur, & permittitur illis ab utrâque parte novum Matrimonium *vide Kling. d. l. n. 87. & seqq.*

55. Hinc elici possunt ista consecutaria. I. Impotentia Conjugis excusat à pœna ordinaria adulterii, ratio: 1. quia causa, quæ matrimonium impedit, contractum aliquo modo alterat. 2. quod copula carnalis, tanquam consummatio matrimonii, adhuc non sit facta. 3. quod ignoscendum sit ei, qui causâ aliquâ commotus & irritatus delinquit. *l. 38. §. 8. ff. ad l. Jul. de Adult. l. 14. §. 6. ff. de bonis libert. vide Dn. Carpzov. Pr. Crim. part. 2. quest. 61. à numero 14. usque ad 28.* II. Consecutarium est: Quam quis, ob impotentiam Conjugis viventis, imprægnavit, eam, post mortem ejus, in uxorem ducere, sine adulterii metu potest. Suadet hoc 1. personæ violatæ ratio, quo seducta in viam reducatur, ne in pejus ruat; 2. Conjugii prioris imparitas & nullitas. Late hoc diducit *Henric. Nebelsfrñ decision. 13. per tot.*

56. Cessat dissolutio matrimonii. 1. Si post matrimonium supervenerit impotentia. *Carpzov. Consist. l. 2. tit. 11. defn. 202. per tot.* dissentiens in hoc à *Corras. in l. Patre furioso ff. de stat. hom. n. 4.* 2. Si impedimentum sit temporale & facile sanari potest. 3. Si scienter Impotentes contraxerint matrimonium: Nam & tunc matrimonii separatio non fit, etiam invitis contrahentibus.

57. Impotentia respectiva est, quæ non simpliciter & absolute, Impotentia est; sed respectu Conjugis; vel unius; vel utriusque, cum respectu aliarum personarum aptissima ad generationem existat. De hac vide *Zacch. lib. 3. tit. 1. quest. 6. n. 3.*

58. Morbi Feminarum, respectu generationis passivæ, sunt in Conceptione, & post Conceptionem. In Conceptione est Impotentia seu inhabilitas feminina.

59. Impotentia seu inhabilitas feminina est defectus in muliere, propter quam non est apta ad amplexus viriles. Ea est vel Communis; vel propria.

60. Communis est, quæ mulieribus cum Viris communis est, utpote, quæ est naturalis & temporalis, ratione defectus ætatis: ut Tempus Impubertatis & Senectutis. Hic applicari possunt ea, quæcunque supra de viris diximus.

61. Propria est in ipsâ femina & illa iterum vel absoluta; vel respectiva. Absoluta vel per extrinsecam; vel per intrinsecam feminæ constitutionem oritur.

62. Quoad constitutionem extrinsecam est Arctatio, Clausura & Coalescentia. De his vitiis, cum pudor & ætas vetet accuratius differere, remittimus lectorem ad *Zacch. l. 3. tit. 1. q. 7. & Kling. d. c. 3. n. 73. &c.*

63. Inhabilitas Feminae, quæ per intrinsecam ejus constitutionem accidit, est Sterilitas. Sterilis est, quæ in ætate habili, viro fecundo debite utens, nunquam, vel rarissime, concipit, aut conceptum fetum nunquam absolvit, vel mortuum in lucem profert. Illa autem Matrimonium nullatenus dissolvit. *cap. tantum 32. q. 7.* ratio est quia 1. semper speratur restitutio 2. cum causæ sint tam incertæ, adeo ut determinari non possit, an perpetua; an temporalis habenda sit, testibus Medicis ipsis. 3. quia expresse est prohibitum, & à Theologis & Iuris ferme omnibus. Nam quod expresse est prohibitum, non manet permissum *arg. c. cum apud. l. sponsal.* De jure tamen veteri, (quod etiam in Pandectas relatum est) Sterilitas justam præbebat divortii causam *l. 60. in fin. de donat. inter Vir. & Uxor. vid. Rittersh. diff. Jur. Civ. & Can. l. 2. c. 13. Senec. 2. contr. 6.* Uxorem sterilitatis nomine dimittendam dicit, intra quinquennium non parientem. Ista consuetudina autem, quæ supra th. 45. de duximus, hic quoque applicari possunt.

64. Inhabilitas seu Impotentia respectiva Feminarum. De qua vide *Menoch. de A. L. Q. cas. 519. num. 27. Kling. l. c. num. 62. & quæ nos superius.*

65. Post conceptionem est Prægnantia, estque tempus, quo mulier prægnans est. Prægnantia autem non proprie est morbus; sed quasi morbus, quoniam proclivitas quædam est prægnanti ad morbos; licet ideo morbosa non sit dicenda. Istarum jura varia & multiplicia sunt, quæ nos in præsentiarum tangere vetat materię prolixitas. Videatur *Thomas Aelius in integro tractat. de Prægn. privileg. Mascard. de probat. concl. 1147. n. 16. & 1208. n. 6. & 7. Bossius in prax. crim. tit. de partu supposito n. 10. Zacch. lib. 3. tit. 2. quest. 8. Gilhaus sen Arb. Judic. crim. cap. 6. part. 1. §. 40. Besold. thesaur. pract. voce Schwangersung num. 65. Alehus. 1. Dicaolog. cap. 72.*

66. Sub finem hic quædam monenda essent de Hermaphroditis, & an illi ad matrimonia admittendi. Sed videantur *Cl. D. Habn. Observ. Wesenbec. ff. de stat. homin. n. 3. Zacch. lib. 3. tit. 1. q. 9. n. 2. Paul. Cypraus. de Spons. c. 9. §. 13. n. 46. Dn. Carptzov. Consistor. l. 2. tit. 1. de fin. 6. Menoch. de recup. poss. remed. 9. n. 15. Gödd. ad l. Ostentum de V. S. Besold. præcognis. Pand. ad tit. 5. & 6. lib. 1. quest. 9.*

67. Personæ III. dividuntur respectu Status. Is est, vel Publicus; vel Privatus. Sunt igitur Personæ, juxta hunc, vel publicæ; vel privatae: nam cum omne jus hominum causâ constitutum sit, §. final. *Inst. d. I. N. G. & C. l. 2. ff. de Stat. Hom.* Jus autem sit publicum; vel privatum §. 4. *Inst. de Jus. & Jur.* oportet personas quasdam esse publicas; quasdam privatas; & statum quendum publicum & privatum.

68. Personæ publicæ sunt vel sacrae; vel profanae. *Geilfus. in meth. jur. public. num. 24.*

69. Personæ sacrae uno vocabulo vocantur Clerici suntque, qui in Ecclesiâ Christi deserviunt *dist. 21. cap. clericos in pr.* vel qui divino cultui ministeria religionis impendunt *Cod. Theodof. 5. tit. 1. 2.*

70. Morbi sunt I. Impedimenta Clerici promovendi; si dubitatur de ejus convalescentia *Abb. in c. cum inter Canonic. de Elect. in 1. col.* Neque enim conferri possunt beneficia, nisi valido integroque corpore Clericis *c. hinc etenim 49. distinct.* Non promoventur ad Clerum 1. castrati, ex propria voluntate, carnali vitio repugnare nescientes; licet credant, se obsequium præstare Deo *c. significavit. Extr. de Corpore vitiat. c. his qui 55. distinct. c. 2. distinct. 33.* Limitatur tamen in illo, qui vel vi, vel casu, vel necessitate talis est. *c. 3. de corpore vitiat. c. Eunuchi dist. 55. c. 5. c. 6. d. dist. 2.* Vitiosi aliqua parte corporis. Sic qui partem digiti volens sibi præcidit, non est ordinandus; *c. 6. d. dist. 55.* Secus est, si casu factum sit *d. l. & c. n. d. dist.* si leve quoddam sit digiti vitium, ut si careat forsan ungue pollicis, dummodo

modo fortis sit in pollice ad frangendam Eucharistiam. *c. 7. de corpore viciat.* vide *cap. exposuisti. c. 1. & c. 2. fin. d. 5. c. Presbyterum de cler. agrot.* Nec si oculi levis sit macula, prohibetur à clero. *c. 2. de corp. viciat.* Nec qui medicorum incisione claudus efficitur, *c. 10. dist. 55.* Dæmoniacy & Epileptici plane prohibentur *c. 3. & 4. dist. 33. c. cum inter Canonicos, de Electione. vide & thes. nostram 37. & 42.*

II. Morbi sunt Impedimenta clerici jam promoti. Nam aut quidam plane illum de officio removent; quidam tantum suspendunt, 1. Plane illum ab officio removent, quos ille propriâ sibi contraxit malitiâ, ut si forsan se castraverit ipse, vel passus sit se castrari *c. 9. dist. 55.* Si grandis est defectus, & ille in promotione fraudulenter celatus fuerit *c. 6. de corpore viciat. c. 13. dist. 33.* Ex dispensatione tamen Episcopi interdum multa permittuntur. *c. 1. de corp. viciat.* 2. Qui illum de officio suspendunt, aut de parte officii suspendunt; aut de toto. Quæ illum de parte officii suspendunt, sunt quædam Symptomata & vitia corporis, quæ usum membrorum, ad sacra, peragenda necessariorum, impediunt, ut medietas palmæ cum duobus digitis abscissa *c. 2. de cler. agrot. caducus morbus c. 1. & 2. caus. 7. q. 2.* Qui de toto officio illum suspendunt, sunt morbi tam graves & incurabiles, ut clericum divinis inservire impedian, paralyti fortasse, nodosâ podagrâ, leprâ aut alio morbo laborantem *c. fin. & 4. de cler. agrot. cap. unic. cod. in 6. si sit Dæmoniacus c. 3. dist. 33.*

III. Morbi dant privilegia & commoda, clericis ægrotis. Sed intellige casuales, non voluntarios, aut propriâ malitia contractos. 1. Tempore sinceritatis adepta dignitas, sequente debilitate non adimitur *c. 12. dist. 55. c. 4. caus. 7. q. 1.* quandoquidem viventi Episcopo alius succedere non potest *c. 5. d. caus. 7. q. 1.* Injustum enim foret, tam gravem afflicto afflictionem addere *l. 14. ff. de off. presid. l. 1. S. propter casum ff. de postul. & flagellatis à domino, non addi debet afflictio c. 2. d. 7. q. 1.* 2. Clericus infirmus integre percipit fructus beneficii sui; quia si alii ejus exemplo essent deterriti, forte non posset, qui militaret Ecclesiæ, inveniri; sed secundum ejus ordinem, quæcunque ei, si sanus esset, poterant ministrari, præbeantur ægrotanti *c. 1. de cler. agrot.* Hinc salario non cadit Professor, qui morbo detentus aut senio impeditus legere non potuit *arg. l. 4. §. 5. ff. de stat. liber. l. ult. §. 1. ff. ad l. Rhod. de Jactu. Limneus lib. 8. jur. publ. c. 3. n. 28. & 29.* nec enim conveniens est benemeritis ætate, ingravescente remove. *cap. quamvis triste 7. q. 1. cap. 1. de paroch.* Si autem jam sit emeritus, & non habeat in propriis, unde se alat, nec ut se familiamque suam sustentare queat, de alimentatione illi prospiciendum; si secus, se ipsum sustentare debet, nisi Patronus vel Parochiani adeo liberales existant, ut etiam opulentis pastoribus emeritis de alimentatione prospiciant.

vide *Theodor. Reinking. de Regim. Ecclesiast. l. 3. class. 1. c. 8. n. 4. Carpizov. Confist. l. 1. t. 10. def. 153.* Idem quoque observandum est de Aedituis & Custodibus, Organicis, Cantoribus cæterisque personis Ecclesiæ inservientibus, qui sub clericis omnes comprehenduntur. *c. clericus in pr. & §. cantor. dist. 2 n. Carpizov. d. l. def. 154. num. 4.* 3. Clerico ægroto datur substitutus s. coadjutor *c. 13. 7. q. 1.* Unus, vel plures *c. unic. de cler. agrot. in. 6.* Non autem intelligendum hoc est de Pastoribus, quorum convalescentiæ bona spes restat: sed de iis, qui morbo incurabili affecti sunt & qui decrepiti sunt ætatis. *Carpiz. d. l. 10. def. 153. n. 1.* ut si sit leprosus. *c. 3. de cler. agrot.* si Paralytico morbo laborat & officium linguæ amisit *c. 6. d. t.* 4. Excusantur ægroti clerici à jenunio, & licitum illis est promiscue carnes edere *c. 2. in fin. 7. q. 2.* necessitas enim excusat à peccato *cap. 2. de Observ. jejun.*

71. Personæ, respectu status publici profani, sunt Magistratus. Et hi l. Impedimentum officii ineundi, ob morbos & affectiones parvas sentiunt: ut Exempli gratiâ, Judex, seu magistratus, seu pedaneus. Hic non potest dari, si est mutus & surdus; naturâ enim tales impediuntur ad munus istud subeundum *l. 12. §. 2. ff. de Judic.* De Cæco tamen variatur, an is judex esse possit? & respondeo quod sic, quicquid etiam contradicat Accursius & Bartolus, qui putant, ab initio dari cæcum non posse, verum cum, qui non erat cæcus, datum, ob supervenientem cæcitatem, non esse removendum. Sed prænotanda est distinctio inter Judicem Magistratum & non Magistratum: Quilibet enim Magistratus, uti & Index, qui est magistratus, si cæcus est, retinere quidem potest cæptum Magistratum; adspirare autem ad novum penitus prohibetur *l. 1. §. 5. in fin. ff. de Postul.* Sed de Pedaneis alia res est, qui etiam admitti possunt ad judicis officium, nondum cæptum. 1. Probamus per textum *in l. 6. ff. de judiciis*, ubi expressa sunt verba: licet alii intelligant hunc locum, sub hâc limitatione: si cæcitas supervenerit judicio jam cæpto: sed nimis extra limitem limitant: textu enim non distinguente, nostrum non erit distinguere *l. 8. ff. de Publ. in rem act.* 2. Possunt judices dari, qui non prohibentur *l. 12. §. 2. ff. de Judic.* Atqui nullâ unquam lege cæcus prohibetur dari judex. Proinde & esto. Sed an hodie quoque judex cæcus dari posset? Putat quod non *Hunnius in Treutl. vol. 1. disp. 8. q. 7. p. m. 526.* Sed bene Scotanus in contraria sententiâ est, etiam hodie id fieri posse, *in Colleg. Jurid. Disp. 22. th. 4.* Magis enim, inquit, morum probitatem, eruditionem, consilii ac mentis integritatem, quam oculorum sensum inspicere debere: solere enim ut plurimum visus defectum præstantiam animi in aliis supplere. Vide de hâc quæstione & *Arum. disp. 5. ad Pandect. lib. 3. Daaren. 1. disp. 23.* Cæterum omnes illi morbi,

bi, quocunque veniant nomine & quos supra recensuimus, qui mentis genuinum usum subtrahunt, & perpetuo incommodo parique semper vehementia & atrociâ, siue corpus, siue animum affligunt, à munere Magistratus impedire censendi sunt. Et hoc prudenti iudicis arbitrio committendum est. Si Iudex Furiosus datus sit, inspiciendum est, an continuo furat, an per intervalla: Si per intervalla, iudicium tamen erit, ut scilicet suæ mentis effectus, quod sententiæ dixerit, ratum sit *l. 39. ff. de Judic. II.* Interdum, quando ipse Magistratus infirmus est, collega illi substituitur, uti in Manumissione, quæ alias ad Consulem spectat, quam collega potest ejus causâ expedire *l. unic. §. 1. de Off. Consul.* Non enim morbus jurisdictionem tollit, sed impedit *l. 46. ff. de Jud.* Quemadmodum & qui furere capit, statum ac dignitatem suam videtur retinere, quam qui dominium rei tenet *l. 20. ff. de stat. hom.* Si levis autem est morbus, non adeo magni impedimenti afferre putem. Ita à muneribus decurionatus non excusat podagræ valetudo *l. 13. C. de decurion.* quamvis hoc limitandum censeo: nisi ita pedum valetudine affectus sit, ut rebus propriis intercessum commodare non possit, *l. 3. C. Qui morbo.*

72. Respectu Status Privati, Personæ dividuntur, ratione potestatis; vel ratione officii. Potestas est vel dominicâ; vel patria.

73. Sub Potestate Dominicâ sunt Servi. Et illis quidem ægrofantibus, in jure nostro, satis provisum est: nam Nihil nocere illis debet calamitas, quæ illis accedit, & æquissima est Pauli sententia *l. 4. §. 5. ff. de statu liber.* de statulibero, qui, si per annum servierit, liber esse jussus est: ubi asserit, quod, etsi quibusdam diebus, aut valetudo, aut alia iusta causa impedimento fuerit, quo minus servierit, ea anno imputari debeat. *Servire enim, ait, nobis intelligantur etiam hi, quos curamus ægros, qui cupientes servire, propter adversam valetudinem impediuntur.* 2. Hinc subveniendum est illis à Dominis. Et si Domini servos ægrotautes ob infirmitatem deseruerint, vel à suâ domo publice ejecerint, neque ipsi eos procurarint, nec alii commendarint, nec consueverint illis præbuerint salaria, neque in Xenionem miserint, competit servis ob id libertas & Domino jus patronatus in liberos denegatur & ab eorum substantiâ plano segregatur. *l. 2. ff. Qui sine manum. l. unic. §. 3. C. de Lat. libert. tollend.* 3. Impensæ Valetudinis minores, in servum ægrotum commodatum facti; ad commodatarium pertinent: Si autem majores sint, agi potest commodati adversus Dominum *l. 18. §. 2. ff. commodat.* 4. Servi ægroti etiam excusantur à torturâ, si Domino occiso ob corporis imbecillitatem subvenire non potuerint, si ætate defecti, si surdi, si muti (sc. quando Vocis tantum auxilium superfuit) si furiosi, si cæci &c. fuerint. *l. 3.*

in pr. §. 7. 8. 9. 10. de Sc. Syllan. 5. Licet ægroto servo non utamur, tamen ejus usufructum retinemus *l. 12. §. 3. de Usufr.* Nulla tamen servi debilis æstimationis est *l. ult. §. 1. de oper. servor.* 6. Si post petitas operas æger esse servus cæperit, legatario peribunt operæ. *l. 7. ff. de Usu & Usufr.* Hic notandum est, excusari quoque libertos, si valetudine impediti operas præstare non possint *l. 15. ff. de oper. libert. l. 23. §. 1. l. 34. cod.,* ubi de illis satis sufficienter disponitur. Ad horum similitudinem *Martin. Schickhard. Logic. Jurid. loc. 19. reg. 1.* colligitur quod Vasallus ægotans à præstatione servitiorum interim excusetur.

74. A Servis quidem distant Famuli nostri; sed hic commodè de illis disquiritur, & est inter quosdam controversa quæstio: An Famulis ægotantibus debeatur merces integra? Jus Lubecense de illis ita disponit *lib. 3. tit. 8. Art. 11.* Geschehe Knechten/ Mägden und Jungen/ in ihrem Dienste/ ohne des Herrn schuld/ Schaden an Leib und Gesundheit/ daß bleibet der Herr ohne Schaden; doch muß er ihnen voll Lohn geben. *Ad quem locum eleg antissime Magnific. Dn. Mevius.* Et nos affirmantibus calculum nostrum addimus. Rationes pro nobis militantes non unæ: probat hoc satis manifeste text: in *l. 38. ff. locat. conduct., ubi: Qui operas suas locavit, totius temporis mercedem accipere debet, si per eum non fletur, quo minus operas præstet.* Videtur abire ab hac sententiâ nostrâ *Martin. Schickhard. Logic. jurid. loc. 3. reg. 2. n. 26. in fin.* & contrarium vult probare per *d. l. 18. §. 2. ff. Commod.* Sed loquitur lex de impensis majoribus valetudinis; ab illis autem nemo ad mercedem non solvendam potest argumentari. Quæcunque autem alii movent objectamenta, unicâ responsione absolvit *Magnific. Dn. Mevius l. c. n. 14.* quod nihil inferant de iis, qui cæpto & durante servitio in morbos incidunt; sed qui post contractum conductiones, antequam servire incipiunt, illis implicantur. Ex priori igitur assertione, tanquam consecrarium, fluit; quod durante infirmitate neque per substitutum servire, neque sequente anno operas supplere cogantur. *Id.* De Valetudinis impensis quæritur, & distinguendum est inter modicas & magnas, ceu thesi præcedenti quoque innuimus. Docet autem, quid magnæ & modicæ impensæ sint *Sprenger. tract. de Modico p. m. 61. n. 19.*

75. Ampliatur ista assertio: Si hoc casu Dominus Famulo mercedem denegaverit, ut Domino neganti solutionem, quantum debetur, liceat subtrahere, nec in eo furtum committatur. vid. *Magnific. Dn. Mev. lib. 2. tit. 8. Art. 5. n. 40.* Limitatur, si non casu fortuito & in peractione servitii malum istud obtigerit, sed culpâ & malitiâ propria. Hinc adjicitur in *d. l. 38. ff. Locat. si per eum non fletur,* & in Statuto Lubecensi verba: In ihrem Dienste.

76. Sequi-

76. Sequitur Potestas Patria, quæ nobis considerabitur ut constituenda, constituta, & solvenda. Constituenda est vel per Nuptias; vel per Adoptionem; vel per Legitimationem.

77. Nuptias præcedunt Sponsalia. Illa quoque impedimenta sua experiuntur à morbis. I. Mutilatio, clauditas membri, vitium corporis post Sponsalia superveniens, dissolvit sæpe illa. Rationes sunt: 1. ne matrimonium difficilem sortiatur exitum *cap. 17. de Sponsal.* 2. quia sponsalia sub hac ratione censentur esse celebrata, si res & conditio personæ in eodem manserit statu *Paul. Cypr. de Spons. c. 13. §. 67.* II. Morbi contagiosi & graves impediunt & dissolvunt Sponsalia. Talis est lepra in *c. ult. de conjug. leprof.* Epilepsia, Paralysis, lues Gallica *Hemming. de Conjug. fol. 154.* rationes sunt: 1. ne morbi contagiosi in liberos devolvantur, & sic, Reip. damno, latius malum serpat 2. Cum ea sit morborum istorum, turpitudine & vehementia, ut alter alterius congressum exhorrescat, sicque obtineri finis matrimonii non possit. III. Furor vehemens usumque rationis exterminans sponsalia dissolvit. *l. 8. ff. de Sponsal.* Ratio est: Quod consensus, tanquam essentiale matrimonii, hic vacillet *l. 16. §. 2. ff. de ritu nupt.* Oportet autem, ut furor ille talis sit, de cuius restitutione dubitetur *l. 23. §. 7. vers. sin autem. ff. solut. matr.* Unde differenda est dissolutio, usque dum appareat de curâ furoris desperata, vel in annum, biennium, triennium & ulterius pro rei ratione & circumstantiâ *l. 17. ff. de Spons.* Cessat hæc Sponsalium dissolutio. 1. si morbus sit curabilis. *Cypr. de Spons. c. 13. §. 6. 7.* 2. Si amice possunt inter se conciliari partes, quod prius tentandum est, quam ut dissolutio tam absolute concedatur: quod autem limitandum omnino est in morbis contagiosis, ne tam facile hoc concedatur, licet altera pars parata sit insano conjungi. *Joh. Gerbard. in loco de conjug. §. 167. p. 250.* Videatur omnino *Carptzov. Consist. l. 2. tit. 10. def. 180. 181. 182. 183.*

78. Cum Nuptiis aliter se res habet: Impediunt quidem illas morbi graves, contagiosi, incurabiles, pari modo, ut in sponsalibus, nunquam autem dissolvunt. *c. 1. & 2. de conjug. leprof.* quia nihil humanius fideique conjugii convenientius, quam adversæ fortunæ casuumque fortuitorum conjuges ex æquo esse participes. *l. 22. §. 7. ff. solut. matr.* Quamquam eâ lege, etiam dissolutio interdum concedatur, & per *Novell. Leon. 112.* Furor mariti quinquennalis matrimonium solvebat. per *Novell. Leon. 111.* uxoris furor triennalis. De Jure Canonico tamen aliter provisum est. Hinc conjux ex societate conjugali obligatus est competentem curam & medicamenta adhibere alteri, ut de furioso constitutum est *d. l. 22. §. 8. ff. d. r.* Quod si maritus

tus uxoris furiosæ dotem conetur dissipare, illam sequestrari oportet, ut mulier ex eâ habeat competens solatium. Quin & si maritus diligentiam suam in tuendâ uxoris valetudine prætermisit, uxoris hereditate est indignus *l. 3, ff. de his que ut indignis*. Verum quod pœnâ uxoricidii plecti debeat, nunquam evincet *Fromman. hypotyp. jur. furios. p. m. 26. tb. 16. ex Carpizov. Pr. crim. p. 1. q. 12. n. 1*. Simpliciter enim ibi de illo dicitur, qui uxorem dolo & violenter occiderit, non qui furiosam neglexerit. Impediret quoque matrimonium auris abscissio, si credendum est, quod *Cellarius in Polis. lib. 2. c. 10. n. 11*. asserit: Dicit enim, quod pœna auris abscissionis introducta sit ideo, quod vena quædam ibi lateat, quæ *ῥομφαία* contineat semen, quâ abscissa vis procreationis simul tollatur.

79. Adoptionem, tanquam alteram speciem constituendæ patriæ potestatis, quam analogicam paterni filialisque juris potestatem vocat, *Franc. Jul. Chop. in Philos. Jur. l. 2. c. 7. n. 16*. impediunt nonnunquam morbi. I. Qui ex vitio incurabili generare non possunt, nec possunt adoptare *l. 16. ff. de Adopt.* Non igitur adoptant castrati, quamvis *Leo Nov. 26. & 27.* illis hoc permisit, & omnes Impotentes, quæ manifeste restitutione ullâ destituuntur: Spadones autem adoptare non prohibentur. *§. 9. Inst. de Adopt.* Spadonis vox 1. generalis est, & includit castratum, Thihbiam & Thlasiam *l. 123. ff. de V. S. junct. l. 39. §. 1. de jur. dor.* 2. Specialis, & notat illum, qui propter sanabile temporale vitium pater esse nequit. *l. 6. pr. de lib. & postb. hered.* aut qui generare quidem potest, sed unum (sit venia) testiculum habet *l. 6. ff. de Edict. edict.* Posterior acceptio est hujus loci: qui in priore sunt, adoptare non possunt. vide *Bacchov. comm. ad Inst. d. §. 9. de Adopt. Dn. Habn. in observat. Wesenbecian. ff. eod. num. 4. annotat. §. Georg. Palbisky in tr. de Jur. Pers. tb. 54.* II. Morbi consensum impediunt & Adoptionem ipsam impediunt. Unde Furiosi nec adoptare possunt nec adoptari, quoniam consensus in illis deficit. Cæcus & adoptare & adoptari potest *l. 9. ff. de Adopt.*

80. Legitimationem, tertiam speciem constituendæ Patriæ potestatis, omnino impedit furor; non enim potest legitimare filium per subsequens matrimonium, si furiosus sit, *per ea, que supra diximus*. Multo minus per rescriptum principis, cum pater furiosus causam petitionis exprimere debeat, vide *Fromman. in Hypotyp. Jur. Furios. p. m. 24. tb. 13. & p. 20. tb. 2.* ubi de furioso legitimando quoque agit.

81. Patriam Potestatem Constitutam nulli tollunt morbi *arg. 1. 1. Inst. Quib. mod. patr. pot. solvit.* De Furore res certa est. Furiosus semper habet liberos suos in potestate, non habitâ ratione, an vel ante, vel post furorem,

rem, vel in ipso furore, concepti native sint, *l. 8. ff. de his qui sunt sui*. Dantur autem quædam Impedimenta specialia, quæ patriam potestatem, tum respectu Patris, tum respectu filii furiosi impediunt. Dantur & quædam lucra & commoda, quæ cum speciatim hic pertractanda, nimis prolixa sunt, adi *Fromman. in d. tract. p. 19. & seqq.* ubi hæc ordine & summa cum accuratio-
ne recenset, ut ea hic exscribere nihil opus habeamus. Præterea etiam Liberi Parentes quovis morbo gravi detentos, si se ipsos sustinere non possint, tenentur alere & curam eorum habere, si facultates istorum id patiantur, per *l. ult. §. ipsum autem. C. de bon. qua liber. l. 5. C. de Patr. potest. l. 1. & 2. C. de alend. liber. & filii emancipati coguntur patrem alere l. 5. §. 1. ff. de agnoscend. & alend. lib.* Sub alimentis autem medicamenta quoque comprehenduntur *l. 22. §. 8. ff. solut. matr.* Naturali enim nititur ratione, quâ benefacienti quilibet tenetur benefacere *l. 25. §. consuluit. ff. de hered. petis.* cum id quoque liberi vicissim à parentibus debeant expectare *l. 3. & 4. C. de alend. liber.* Pæna quidem in delinquentes non est statuta: sed relinquitur Judicis arbitrio *d. l. 3. & 4. d. 1.* Assertionem hanc ex jure & æquitate naturali deducit *Eichel. in tract. de jure Parent. & filior. part. 2. n. 20.* vide & *Carpizov. p. 2. Const. II. def. 29.*

82. Patria potestas solvi non potest, per Patris furiosi emancipationem. ex rat. *l. 3. C. de Emancipat.* nec per dationem in adoptionem, quod ex supra dictis notum est. De filio furioso emancipando aliter putat esse, *Fromman. d. tr. p. m. 22. ch. 9.*

83. Personæ ratione officii distincti sunt e. g. Tutores & Curatores. Illos Morbi fontici perpetui, per quos neque sua administrare possunt, aut rebus propriis superesse, excusant à Tutelâ suscipiendâ, ut si cæcus, surdus, mutus & furiosus factus fuerit *§. 7. Inst. de Excus. Tut. l. 12. 10. 11. & 40. ff. eod.* Quod si morbus non perpetuus, sed temporalis præsumitur, Curator Tutori adjungitur, donec restituatur *d. l. 12. ff. d. 1.* Imperitia quoque literarum, cum stupiditate conjuncta, excusat à tutelâ *§. 8. Inst. junct. l. 6. ff. de excus. tut.* Quid jam hic faciendum de memoriâ orbatis, obliviosis & id genus stolidis aliis, prudenti judicis arbitrio sine dubio committetur, cum neque quid agant, satis intelligant & in damna pupillos per oblivionem suam injiciant.

84. Venimus nunc ad secundum juris objectum, nempe *Res*, absoluto Personarum jure. *Res* considerantur, respectu 1. Acquisitionis. 2. Alienationis. 3. Obligationis.

85. I. *Acquisitio Rerum.* Furiosus, quatenus furiosus, acquirere non potest, ratio est: Cum duo requirantur ad alicujus rei possessionem, nimirum & corporis & animi possessio: hæc autem desit furioso *l. 1. §. 3. ff. de*
E *acquir.*

acquir. poss. Unde etiam Dominus furiosum servum mittens, ut possideat, nequaquam apprehendit possessionem *d. l. 1. §. 10. ff. d. 1.* Per Traditionem furiosus quoque non acquirit, licet is, qui tradiderit, possidere desierit *l. 18. §. 3. si furioso ff. d. 1.* & si quis jam sanæ mentis incipiens possidere, postea furere cæperit, non potest possessionem amittere. *l. 27. ff. d. 1.* De cæteris morbolis, si modo intellectum habeant, quod acquirant, nullum dubium est.

86. Acquisitio fit vel singulariter; vel universaliter. Singulariter, ut 1. per usucapionem. Non igitur & usucapere poterit furiosus: Nam sine possessione usucapio non contingere potest *l. 25. ff. de usuc.* etiamsi autoritas curatoris accesserit *Henon. l. 2. disp. 11. tb. 4. in expl. circ. fin.* Quid autem de rebus furiosorum dicendum, an & illæ usucapi possunt. *Vide l. 2. §. 16. ff. Pro Emptore & l. 7. §. 2. ff. de Publ. in rem act. Bronchorst. cent. 4. Ivavt. assert. 10. Pac. cent. 7. Antin. 3.* 2. Per Donationem: Neque ex illâ furiosum acquirere posse credo, adductus ratione, quæ est in *l. 9. §. 3. ff. de donat.* quod donari nil possit, nisi ejus fiat, cui donetur. 3. Per Legata & fidei commissa. Ex quibus furiosus acquirit non solum *l. 18. §. 1. ff. Qui test. fac. poss.* Sed & obligatur, ex aditione hereditatis *arg. l. 24. ff. de O. & A.* Hinc legitime illi mortis causâ donatur: Omnibus n. mortis causâ capere permittitur, qui legata accipere possunt *l. 9. ff. de mort. caus. donat.*

87. Universaliter fit Acquisitio per Successionem hereditariam, vel ex Testamento, vel ab intestato, idque jure civili & Prætorio.

88. Ex Testamento I. Jure civili fit acquisitio 1. si defertur ab illo, cui est suus heres. Et succedit furiosus in omnia jura Patris *l. 7. §. 1. C. de curat. furios.* & est suus heres. An ergo & in furore moriens hereditatem potest transmittre? Puto quod sic *cum Gothofredo in not. ad d. l. 7. §. 2.* Cessat autem hæc acquisitio, si exheredatus sit *d. l. 7. §. 5.* Filius furiosus, mente captus, surdus, cæcus, claudus vel aliter imperfectus, quomodo in feudis succedat, eleganter disquirat *Rittershus. in partit. Feud. lib. 1. c. 15. quest. 25.* 2. Si ab extraneo heres institutus sit, ipse per se solus illam adire non potest, sed per servum aut filium acquirit. *l. 63. ff. de acquir. hered.* II. Ex jure Prætorio datur bonorum possessio furioso, muto, surdo & cæco. Furioso quidem vel per curatorem; vel si quem in potestate habeat, is, si curatori visum fuerit, potest nomine furiosi agnoscere possessionem, sub conditione subsequaturæ ab ipso furioso, (si convaluerit,) ratihabitionis *d. l. 7. §. 3. & 9. C. de Curat. Furios.* Muto, Surdo & Cæco, si intelligant, quid agatur. *l. unic. ff. de bonor. posses. furios.*

89. Ab Intestato. Quid hic obtineat, nos late non evolvemus. Tu vide

vide *d. l. 7. §. 6. C. de curat. furios.* Multa namque invitis nobis prætermittenda sunt, quæ accuratorem merebantur diductionem.

90. Ab Acquisitione descendimus ad Alienationem. Alienationem autem in genere furiosis non licere, neminem puto esse, qui illud negatum iverit, cum ex ante dictis illud satis sufficienter constet. Alienatio autem omnis fit vel inter vivos, vel mortis causâ.

91. Inter Vivos est Traditio, quæ à furioso facta nulla est, tam rerum corporalium, quàm incorporalium §. 41. *I. de R. D. l. 55. de O & A. l. 5. ff. de serv. li. P.* Donatio. Non potest donare furiosus *l. Modestium in fin. ff. de donat. p. m. 732.* Mutus autem & surdus quod donare possint, nulla est dubitatio. *l. qui id quod. ff. d. l.* Cæteris ægrotis licet quævis alienatio *l. 27. C. de Transact.* Nota autem hic insignem differentiam Juris communis à Lubecensi & Saxonico. Eo jure multis ægrotantibus & infirmis non permittitur alienatio bonorum. Jure Saxonico. *Weichbild art. 20. & 65. Landrecht lib. 1.* Jure Lubecensi *lib. 1. tit. 10. art. 3.* Er mag sich mit dem Gute/ seines gefallens/ gebaren/ als mit seiner fahrenden habe; Doch so ferne er zu wege und stege gehet / und seiner Sinnen und Gliedmaß mächtig ist. & in specialiori Statuto Lubecensi in den Wögtey-Rechten est: Wanu ein Mann / so redlich ist seiner Sinne / und mächtig seiner Glieder / daß er ein Marck-Pfund sörges Goldes heben und böhren kan von einer stäte auf die andere / so mag er sein wolge- wonnen Gut geben/ wenn er wil. vide *Magnific. Dn. Mevium hic in commentariis.*

92. Alienatio mortis causâ fit in ultimis Voluntatibus.

93. Ultimæ Voluntates, vel sunt Perfectæ, vel Imperfectæ. Perfectæ sunt Testamentum solenne, Imperfectæ, Codicilli.

94. Testamenti factio licita est Valetudinariis, vel in genere; vel in specie.

95. In Genere Valetudinariis quibusvis licita est; præter furiosos & mente captos: quod ægritudo illorum non impediat testamenti factio- nem, cum testamenti validitas & invaliditas non pendeat à corporis valetu- dine; sed à mentis sanitate *l. 3. C. qui testam. fac. poss.* Testarique possunt, etiam in agone constituti *l. 29. pr. C. de Testam. l. 11. §. debilitas corporis de Vacat. mun.* Hinc licet unicuique, ob gravem infirmitatem, mortis causâ donare *l. 3. ff. de donat. mort. caus.* Et infirmus præsumitur facere actum ultimæ Volun- tatis, non inter vivos *sec. glossam. in l. 1. C. de falsâ causâ* ut sic donatio per in- firmum in dubio dicatur causâ mortis *Alex. in l. qua dotis. ff. solut. matrim.* quod negat *Joachim. & Schultze Synops. juris vol. 2. notab. 7. q. 4. p. m. 41. per l. 42. §. ult. ff. de mort. causâ donat.*

96. In specie licita est testamenti factio: I. Cæco. Non quidem admittitur ille ad condendum testamentum in scriptis; Sed nuncupativum, si modo audire & loqui valeat *Cl. Dn. Siehman. Nucl. Inst. tit. quibus non est perm. fac.* Debet enim, coram Notario & septem testibus, aperte Voluntatem suam declarare, initio facto ab heredis institutione: quæ Voluntas unico contextu in scripturam redigenda, & ab omnibus testibus præsentibus confirmanda est subscriptionibus *l. 8. C. qui testam. Scotan. Exam. Jurid. p. m. 650.* Leo tamen *Novell. 69.* constituit, ut secreto, id est, in scriptis testari possit. Cur autem tot solennitates hic requirantur, id eam ob causam putant, esse factum, ut evitentur falsitates, quæ his in testamentis committi solent *d. l. 8. in verb. ultim. C. d. r.* An autem, si cesset illa falsitatis præsumptio, & si quædam solennitas omissa sit, valet testamentum cæci? Ait *Menoch. 4. Præsumpt. 7. n. 2.* Limitantur & istæ solennitates, si ad pias causas testetur, ubi duobus testibus res absolvetur, *Dd. ad d. l. 8. C. d. r.* II. Muto & Surdo 1. *Separatim.* Surdus est à Natura; vel à casu. Surdus à naturâ testari potest, si ipsi vox concessa est, quod tamen raro est. A casu; potest omnia facere, sine obstaculo. Mutus & à natura, & à casu, si peritus scripturæ est, recte testatur. 2. *Conjunctim* Muti & surdi à naturâ ad nullum talem actum celebrandum idonei sunt. Tales casu, sunt, si literas sciverint *l. 10. C. qui test. fac. poss.* An mutus & surdus à naturâ possit testamentum ad pias causas facere, vide *Tiraquell. privileg. 9. pie cause.* De Jure antiquo aliter erat: nam tunc ne eo quidem casu, quo mutus scribere & surdus loqui potuit, testamentum facere poterant, nisi Principis indultu *l. 6. §. 1. & l. 7. ff. qui testam. fac.*

97. Non licita est testamenti factio 1. Mutis & surdis à Naturâ, uti diximus, 2. Furiosis & mente captis. Limitatur 1. in illo, qui hebetioris est ingenii, & fatuus aliquo modo est, licet plane non mente captus, ubi magnâ tamen judicis circumspectione opus est. *Heig. part. 2. q. 38. n. 28. & Henon. in l. 5. q. 3. ff. de R. J. 2.* in Testamento tempore intervalli condito, modo talia sint intervalla, quibus mentem ipsis constare, plane constat *l. 9. C. qui testam. fac.* 3. In eo, quod ante furorem factum est *l. 1. §. 9. ff. de bon. poss. sec. tab.* etiam si à testatore, in furorem postea converso, testamentum incisum sit *l. ult. ff. de Injust. rupt.*

98. Codicilli, tanquam imperfectæ Voluntates, permissæ sunt illis, quibus perfectæ *l. 6. §. 3. ff. de Jur. Codic. & contra l. 2. §. 3. ff. eod.*

99. Sequuntur Obligationes, quæ nascuntur, vel ex Contractu; vel ex delicto.

100. A Contractu sine dubio excluduntur omnes, qui mentis usum ami-

amiserunt, cum consensus substantiale omnium contractuum requisitum sit. Itaque Furiosi contrahere non possunt *l. 5. ff. de R. I. cum nihil agere, censeantur l. 47. de acquir. vel. omitt. hered. l. 40. ff. de R. I. quod idem verum, esse potest de mente captis & aliis id genus fatuis, quorum tamen cauta consideratio debetur iudici. Furiosi namque absentibus comparantur per omnia *l. ult. ff. de V. S. l. 2. §. pen. de Jur. Codicill. l. 124. §. 1. de R. I. ubi eorum, præsentia opus est Philipp. Matth. comment. ad l. 5. ff. de R. I. Busius ad l. 3. ff. de procurat. Pac. Evano Pavlov cent. 2. Alciat. & Godd. in l. ultim. ff. de V. S. Absentes enim multifariam dicuntur, ut habet Godd. ad l. 199. n. 4. de V. S. Quandocunque autem furiosus desiit furere & habet intervalla furoris, tunc potest omnia gerere, quæ alii gerunt, qui facultate intelligendi sunt instructi *l. 22. §. 7. solut. matr. l. 20. §. 4. ff. Qui testam. fac. poss.* A quibusdam Contractibus muti & surdi excluduntur. Nam ad quosdam contractus, præter, consensum, quoque externa signa requiruntur; ut verba inter præsentem prolata, scriptura & facta ipsa. Hinc mutus & surdus stipulari non potest *§. 7. l. de Innt. stipulat.* quia verba inter præsentem requirit. Quæ vero tantum præsentiam requirunt, aut ne hanc quidem, ubi non voce opus est, illa bene ab illis geruntur *d. l. 124. ff. de R. I.* Unde & Emptionem & Venditionem, cæterosque contractus, in quibus verba necessario non requiruntur, inire tam mutus quam surdus potest. Hinc & tacite pacisci possunt de invecitis illatis, ut pignori sint *l. 4. de pact.***

101. Contractus est vel Verus; vel Quasi. Verus est vel Realis; vel Verbalis; vel Consensualis.

102. Realis Contractus est: 1. Mutuum. Ex hoc contractu oritur actio, quæ condictio certi vocatur. Hæc Furioso conceditur utiliter, si accipiens ab eo, crediderit esse compotem mentis: Nam ex quibus causis ignorantibus nobis actiones acquiruntur, ex iisdem etiam furioso acquiruntur, *l. 12. ff. de Reb. cred.* Nam licet furiosus pecuniam credendo non faciat accipientis, si tamen ea consumpta est, mutuum convalescit Gothofr. in *d. l.* Ubi enim consensus, vel expressus, vel tacitus non requiritur, furiosus obligari potest, item alios obligare Bart. ad *d. l. 12.* Ita quoque alienam pecuniam, credendi causa, donans, & in furorem incidens, condictioem habet; Item si servo quis crediderit, & is furere cæperit, deinde servus in rem domini verterit, condictitur furiosi nomine *l. 24. §. 1. & 2. de obl. & act. & d. l. 12. de reb. cred.* 2. Commodatum. Ex eo est Actio commodati. Hæc in furiosum non datur: sed actio ad exhibendum, ut res exhibita vindicetur *l. 2. ff. Commod. Heideman. in thesib. Pand. disp. 24. th. 2. lit. D.* Non datur ob morbum commodati, si non culpâ Commodatarii factum est, & is talem adhibuerit

industriam, qualem rebus suis *l. 5. §. 4. ff. commod.* 3. Depositum. Depositum reddere depositarius tenetur, ad compellationem Deponentis, etiam ante tempus, pacto forte constitutum *l. 1. §. 45. & seqq. ff. Depos.* Fallit autem in hoc casu, si is, qui gladium deposuit, postea furiosus factus istum repetat: Manifestum est, tunc non esse reddendum, ne vel se occidat, vel alios, donec ei sanitas restituatur *c. nequis 22. q. 2.* Et *Ulpian. l. 7. §. 6. ad L. Aquil.* in improvidum ejusmodi depositarium, si damnum, re depositâ receptâ, furiosus dederit, actionem non quidem Legis Aquilæ; sed in factum concedit. Huic geminum est illud *Ciceronis 3. Offic. Si gladium apud te quis sanæ mente deposuerit, repetat insaniens, reddere peccatum sit, non reddere officium. Vide Hahn Observ. Wesenbec. b. n. 5. in fin. & Mozz. de deposit. p. m. 194. n. 5.* 4. Pignus. Pignus morbosum esse non debet. Tunc igitur, quoniam â debitore in pignore deceptus est, contraria pignorititia creditori competet. Si autem sciens creditor accipiat, illi non competet *l. 16. §. 1. ff. de pignor. action.*

103. Verbalis contractus, vocaturque Stipulatio. Falsissimum equidem axioma hic invenio apud *Mozzium de stipulat. tit. qui possint stipulari n. 1.* quod omnes illi possint stipulari, qui possint contrahere. Nam ecce muti & surdi possunt contrahere, ubi non voce, sed consensu & præsentia opus est, ut antea satis declaravimus: Nullo autem modo illis permittitur stipulatio, ut supra affatim diximus. Interim qui tardius audit, & difficulter loquitur, non excluditur â stipulatione *l. 1. §. 15. ff. de V. O.* Furiosus stipulari non potest *d. l. 1. §. 12. d. t.* Ad stipulationem tanquam principalem obligationem, accedit accessoria; nimirum fidejussio, unde consequens est, illos qui stipulari non possunt, ut sunt muti, surdi, furiosi, neque posse fidejungere. Furiosus autem, licet promittendo non obligetur; stipulando tamen sibi acquirere potest *l. 6. ff. de V. O.*

104. Consensuales Contractus sunt 1. Emptio-Venditio. Hic necessum est, ut illa res, quæ tradi debet, careat vitio, tempore Venditionis, inprimis tali, quod si Emptor scivisset, rem non emisset *l. 48. §. 4. ff. Edil. edict.* Quod si secus est, datur Redhibitio. Vitia & morbi, ob quæ redhibitio fit servorum, debent esse. 1. Non solius animi, & leviores quidem. Non redhibentur enim, leves, superstitiosi, iracundi, contumaces, timidi, cupidi, avari, iracundi, fanatici, melancholici, aleatores, Vinarii, &c. Sed actio ex empto admittitur, si callida venditoris dissimulatio & reticentia intercesserit, *l. 1. 2. 4. §. 3. ff. d. t.* si ignoraverit, competit æstimatoria actio, seu quanti minoris. *Scotan. Exam. jurid. p. m. 531.* Si promiserit animi vitium se præstiturum venditor, redhibitoria quoque tenebitur *d. l. 4. §. 3. ff. d. t.* Si autem vitium animi simul impediatur usum corporis, ut mixtum evadat, vitium, redhibitio locum habebit *d. l. 4. §. 4. ff. h. t.* 2. Corporis Vitia morbi-

morbique, quæ aut 1. Impediunt contubernium servile; aut 2. Usuum servitii. Utraque sunt vel levia; vel gravia. Leviam conjunctionem servilem impediencia non admittunt redhibitoriam: quemadmodum est spado, qui unum testiculum habet *l. 6. §. 2. b.* sterilis à naturâ *l. 14. §. 3. b.* Prægnans autem & puerpera his non accensetur *d. l. 14. §. 1. & 2. b.* Gravia, si castratus sit *l. 7. b.* si sterilis sit ex vicio, *d. l. 14. §. 3.* Si mulier fieri non possit *d. l. 14. §. 7.* si vel bis, vel nunquam, in mense purgetur, *l. 15.*

2. Usuum servitii impediunt. 1. Vitia leviam, quorum quidem respectu morbosum non potest dici subiectum, si tamen servitia impediunt, admittunt redhibitoriam, ut abscissus digitus, membra lacerata *l. 10. pr. & §. 1.* Digtorum conjunctio *l. 14. §. 6.* quo & pertinent clavoli, polypoti, crus & latus brevius & longius habentes *l. 12. pr. & §. 1.* Non autem patiuntur redhibitoriam, protervi (Gothofr. legit peëtorosi) gibbosi, curvi, pruriginosi, scabiosi, difficulter loquentes & audientes, levi lippitudine, auriculæ dentisque dolore, mediocri ulcere, febriculâ levi affectu *l. 4. §. 6.* Impetiginosi, *l. 6.* balbi, blæsi, atyphi, *l. 10. §. 5.* gutturosi, alterum oculum, vel alteram maxillam majorem habentes, scævæ, hircosi, strabones, ore olido laborantes, (nisi ex pulmonis aut jecoris affectu id accadat) *l. 12.* Quæ mortuos parit, (secus, si matricis vicio accadat) *l. 14. pr.* Qui urinam facit, (secus si vesicæ vicio accadat) *d. l. 14. §. 4.* Cui dens abest, *l. 11. &c.*

Gravia ob quæ redhibitio datur, si quis sit claudus, *l. 13.* mutus, *l. 9.* myops, luscitiosus. *l. 10. §. 3. 4.* & si quæ sunt similia, quæ ibi prolixo ordine legantur. De Brutorum vitiis videbimus *Artic. secundo.*

2. Locatio-Conductio. Hic notandum 1. Si locator furiosus fuerit factus, finito locationis tempore, reconductio tacita, quæ alias semper fingitur, hic facta non intelligitur. *l. 14. ff. Locat.* 2. Qui operas suas locavit & adversâ valetudine detentus operis moram injecerit, integram capit mercedem. *l. 38. ff. d. 1.* Et Advocati honoraria sua eo casu legitime sumunt *d. l. §. 1.* 3. Si Nauta, morbo impeditus, navigare non potuit, Conductori non tenebitur actione Locati *l. 10. §. 1. vers. Idem juris in eodem. ff. ad l. Rhod. de jactu.* 4. Competit hæc actio Patri adversus Magistrum, qui filium suum enormiter læsit & vulneravit, non actio injuriarum *l. 13. §. 4. Locat.* quamvis & Actio L. Aquiliæ competat *l. 5. §. 2. ff. ad L. Aquil.* 4. In Contractu Emphyteutico, qui locationi & conductioni valde similis est, id notandum est: Quod, si canonem non solvat furiosus Emphyteuta, non cadat ab Emphyteusi. *Carptzov. I. F. p. 2. cap. 28. d. 1.* 3.

Societas. Hic Furor simpliciter non rescindit societatem, sed curator furiosi licentiam habet societatem furiosi dissolvere, & sociis licet furioso renunciare *l. 7. C. Pro Socio.* 4. Mandatum. Ex hoc Furiosum non posse obligare

obligari, satis manifestum est, ex superius dictis. Furor autem ejus superveniens, qui negotium pro alio sanæ mentis gessit, ratihabitionem domini non impedit. *l. 24. §. 1. ff. Rem ratam haberi.*

105. Sequuntur Quali Contractus, ex quibus aliquis, non tanquam ex vero contractu sciens, sed ignorans obligatur §. 1. *Inst. de Obl. quæ ex qs. contr.* Hic cum Furioso aliter se res habet, per rationem, quæ est in *l. 46. ff. de O. & A.* Si ergo Furiosi negotia gesserim, competit mihi adversus eum negotiorum gestorum actio *l. 3. §. 5. ff. de negot. gest.* & illi ego vice versa obligor. *l. 24. §. 3. ff. de O. & A.* Si Furiosus indebitum solverit, generaliter repetitioni locus est, & si quidem existant nummi, vindicabuntur, si consumpti sint, condictio locum habebit. *l. 29. ff. de Cond. indeb.* Amplius brevitatis gratiâ non addimus.

106. De Obligationum dissolutione respectu morbosorum, ut sunt solutio, acceptilatio, novatio, delegatio, pactum de non petendo, hic monere quædam conveniret: Sed nunc non erat his locus, cum in hanc angustiam omnia hæc compingere non possimus. Tu vide interea *Fromman. d. tr. p. m. 60. cb. 27.*

107. Altera Species Obligationum est illa, quæ est ex delicto. Hic generales pono regulas I. Omnes ii, qui genuino mentis usu destituti delicta perpetrarunt, pro certis circumstantiis, aut plane delicto non tenentur; aut pæna eorum moderabitur, ratio sat, aperta est in *l. 14. ff. de Off. presid.* Ampliatur 1. Ut ne quidem ob delictum, ante istum morbum perpetratum, teneatur in tali statu *Andr. Gail. lib. 2. observ. 10. n. 22.* 2. Si ad sanam mentem redierit, nulla est ei indicenda pæna, imò nec aliqualis pænitentia *Det. int. in negotiis ff. de R. I.* Limitatur 1. Si furor sit prius probatus *l. 2. C. qui test. fac. poss. vide Carptz. Pr. Crim. p. 3. q. 145. n. 28.* 2. Cum quis suâ culpâ sibi accersiverit dementiam, pænâ sed mitiori plectitur. *Menoch. d. A. I. Q. cas. 325. n. 9.* 3. Si tempore dilucidi intervalli, quæ intervalla juxta magis & minus variant, delictum patratum sit, nam tunc furiosus sapere dicitur. *l. 6. C. de Curat. furios.* 4. Si jam ad sanam mentem redierit, dum delinquit 5. Si jam condemnatum furor invaserit. *Menoch. d. l. n. 13.* 6. Si insania sit simulata, quæ quomodo detegatur, vide *Zacch. Q. M. L. lit. 3. tit. 2. q. 5.* II. Omnibus, qui vel gravi morbo sunt affecti, vel decrepitâ senectute sunt evecti, per pænæ mitigationem, subveniendum est. Limitatur 1. Si senes sint robusti, agiles & perspicaces *Sfort. Odd. de res. in integr. p. 2. q. 80. n. 116.* 2. Si sint pænæ pecuniariæ *l. Semper. ff. de Jur. immun.* 3. Si morbi sint facile curabiles. Vide hic omnino *Carptz. Prax. Crim. p. 3. q. 144.*

108. Delicta sunt, vel vera; vel quasi. Delicta Vera, vel Privata, vel Publica.

109. Delicta Privata sunt: 1. Furtum. Suspendii pænâ non punitur, qui ob morbum suum curandum, vel medicamenta, ex inopiâ furatus fuerit, vel pecuniam, ad illa sibi paranda, sustulerit. *arg. l. 22. §. 8. ff. solut. matr. & text. in art. 166. Ord. Crim. Carol.* Furiosi furtum non faciunt *l. 2. ff. de cond. furt.* At Condiçãoe furtivâ tenentur *d. l. 2. & Furtum illis fieri posse nullum dubium est.* 2. Rapina. Specialiter hic notandum, quod si quis imbecillitate impeditus, prohibere non potuerit, ne sibi rapiatur, Furti tantum actionem habeat. *l. pen. ff. de Furt. junct. l. 1. §. 10. quod vi aut clam.* 3. Damnum Injuriâ datum. Ex quo furiosus non obligatur *l. 5. §. 2. ff. ad L. Aquil.* & vice ejus tenebuntur, qui illum negligentius custodierunt, *arg. l. 7. §. 6. d. 1.* Ipsi autem impune damnum fieri non potest. *per l. 24. de O. & A.* De damno dato, per inflictionem vulneris, infra aliquid dicetur 4. Injuria. Furiosus eam facere non potest, sed pati *l. 3. ff. de Injur.* Filius patris furiosi, ob injuriam sibi ipsi illatam, recte agit. *l. 17. §. 10. & 11. ff. d. 1.* Injuriarum tenetur, qui ex propinatione medicamentis alicui mentem alienavit. *l. 15. pr. ff. d. 1.*

110. Delicta Publica, quorum quasdam species summo digito tangemus, ne nimis simus prolixi.

III. 1. Crimen læsæ majestatis. Ab hoc excusatur furiosus *l. un. C. Siquis Impenat.* Extendi & hoc potest ad crimen Blasphemiz, seu læsæ majestatis divinæ. 2. Homicidium. Ab illo excusatur Furiosus, quemadmodum & infans, cum alterum innocentia consilii tueatur, alterum fati infelicitas excuset. *l. 12. ff. ad L. Corn. de sicar.* A Pænâ homicidii muti & surdi aliquando excusantur, quatenus autem illud obtineat, & quæ limitationes hic habendæ sint, habet *Carptz. P. C. p. 3. q. 147.* Excusatur furiosus quoque in parricidio *l. 9. §. 5. ff. ad leg. Pompej. de parric.* Pænâ Infanticidii, quæ de Jure Saxonico constituta est, ob morbum Epilepticum, ne reus sc. in executione pænæ in Epilepsiam incidens duplici affligeretur pænâ, mitigata fuit, teste *Carptz. P. C. p. 1. q. 18. n. 54.* Pænâ *αυτοχειρίας* quoque liberantur furiosi & melancholici; & honesta illis sepultura denegari non debet: Quemadmodum id exemplo quodam sententiæque Collegii Jurid. Witeberg. probat *Georg. Schulget in Synops. Inst. de rer. divis. lit. f.* Adulterium, stuprum, raptus. Hic 1. excusant à pænâ 1. Furor. Nam furiosum his criminibus teneri non posse, manifestum est; neque furiosam. 2. Amor insanus excusat à pænâ ordinaria, quod tamen limitatur in eo, qui scalas de nocte ad

alienam domum apponit, animo mulierem vitiandi & carnaliter cognoscendi. *Vide Carptzov. Pr. Cr. p. 2. q. 61. n. 63. Farin. part. 3. Pr. Cr. quest. 98. n. 89. Gilbautsen A. Jud. Cr. cap. 5. Ramusc. 3. 142. & seqq. 2. Exasperant penam 1. Furor. sc. à parte patientis, si quis sanæ mentis homo stupraverit furiosam, tunc in illo exasperatur pena. Carptz. p. 4. Const. 26. def. 1. P. C. p. 2. q. 69. n. 33. 2. Morbus sensum impediens: Ut si quis forsan stupraverit deliquium patientem, aut poculum somniferum dando, scelestum opus peregerit. Non equidem illum aliâ penâ dignum esse arbitror, quam si istam violenter compresserit. Atque hæ species in præsentiarum sufficiant.*

112. Sequuntur Quasi delicta. Quasi delictum est, quando is, ex cujus cœnaculo aliquid dejectum est, quod alteri nocuerit, aut illum vulneraverit, tenetur. *l. 1. ff. de his qui effud.* Restituere enim debet mercedes Medicis præstitas, & omnia impendia, quæ in curatione facta sunt, præterea, operarum, quibus caruit aut cariturus est, ob id, quod inutilis factus est: Cicatricum autem deformitas nullam recipit æstimationem. *l. 7. ff. d. r.*

113. Absoluto Personarum & Rerum jure, breviter & succincte, quantum poterimus, ad *Judicia* progrediemur, & præcipua, quæ hic occurrunt, summam delibabimus.

114. *Judicia* nobis considerabuntur: ut Constituenda & Constituta. Constituenda requirunt Personas illud constituentes. Atque hæ sunt, vel Principales; vel Accessoriæ.

115. Principales sunt I. *Judex*, qui dari non potest, mutus, surdus & furiosus *l. 12. §. non autem ff. de Judic.* Ampliatur 1. si à principe dati sint, quod nec possint judicare; *Sebast. Vant. d. Nullis. ex def. jurisd. deleg. n. 40.* 2. Si de facto pronuncient, sententia nulla est, etiam parte non opponente. *Vant. ibi. n. 41. Illico Ulm. Disp. proc. 1. tb. 8. n. 44.* De cæco quid statutum sit, vide *supr. tb. 71.* De *Judice Furioso* habet *Fromman. d. cr. p. 73. & nos supra d. tb. 71.* II. *Actor* non potest esse furiosus & mente captus. *Vant. de Nullis. ex defect. habilis. n. 15.* Mutus & surdus. *Vant. d. l. n. 19. & 25. vide Illic. Ulm. d. disp. 1. tb. 4. n. 21.* III. *Reus.* Rei itidem esse non possunt, Muti, Surdi & furiosi.

116. Personæ Accessoriæ accedunt, vel *Judici* ipsi; & sunt *Assessores.* De his vera sunt illa, quæ de *judicibus* ipsis; vel *Litigantibus*, & sunt I. *Advocati.* Excluduntur simpliciter ab hoc munere, Muti: ratio est: cum in *Advocato* debeat esse facundia, *Illic. Ulm. disp. 2. tb. 5. n. 22.* Surdi, cum decretum *Prætoris* exaudire non possint *l. 1. §. 3. vers. propter casum ff. postul.* Secundum quid excluduntur *Cæci*, ita ut pro aliis *postulare* non possint, licet pro se non prohibeantur; *d. l. 1. §. 5. vers. Casum. Verum,*

an hæc hodie ita observentur & observari debeant, in medio relinquo 2. Procuratores, & hi primo possunt dari à Mutis & surdis *l. 43. pr. ff. de proc.* Quid autem, si natura mutus & surdus sit simul? Talis etsi intellectu non careat, quia tamen in eo operatio intellectus deficit, procuratorem dare nequit. *Georg. Obrecht. disp. 10. de procurat. c. 2. proposit. 14. Harprecht. part. 2. disp. ad Inst. 22. assert. 4.* Si autem quis casu mutus & surdus fiat, tunc si literas sciat, putat illico *Ummius* procuratorem dare posse. *Disp. proc. 3. tb. 3. n. 8.* Non possunt procuratores dari à furiosis *l. 1. §. 12. cum §. seq. ff. de O. & A. Secundo* Procuratores non possunt esse, Furiosus, Mutus & Surdus vide *Harpr. d. l. assert. 12.*

117. Ad Judicia constituta spectat ipse Processus, cujus tres sunt partes. 1. Præparatoria. 2. Processus ipse. 3. Sententia.

118. Ad Judiciorum præparatoria pertinet Citatio. Hic notentur Regulæ: I. Infirmus citatus non tenetur comparere *c. si agros. 5. quest. 3. c. si Episcopus 18. dist.* Neque furiosum oportet vocare in judicium. *l. 4. ff. de in jus voc. neque prægnantem. d. l. 2. §. 4. ff. si quis caut. & per consequens infirmitas excusat à contumaciâ c. 2. de Proc.* Ampliatur hoc 1. in infirmitate suorum *Alex. l. non exigimus §. 2. num. 1. ff. si quis caut. & Carpizov. p. 1. const. 9. def. 9.* 2. In causâ criminali, etiam si fuerit inquisitus de causâ capitali *Grat. conf. 98. n. 2. volum. 1.* 3. In morbo Advocati *Carpiz. d. const. 9. def. 9.* 4. Tempore pestis. *Gail. lib. 1. observ. 52. n. 11.* Limitatur 1. Ut impedimenta allegata debeant esse vera non fictitia. *d. l. 2. §. ult. ff. si quis caut. l. 3. §. 6. ff. ad sc. Syllan.* 2. Ut infirmitas ac morbus advocati non excuset, si de facili alius Advocatus haberi potuerit *Zanger. de Exe. part. 2. cap. 9. n. 13.* 3. Ut impedimenta ista probari debeant testibus ad minimum duobus. *Zang. d. c. 9. n. 12.* aut per literas & testimonium Medici. *Damboud. in prax. crim. c. 25. n. 9.* testimonium Obstetricis, si prægnans sit citata *Marant. spec. part. 6. rubr. de contum. n. 2.* 4. Ut sit morbus gravis ac fonticus, non levis quædam febricula, aut talis & tam vetus quartana quæ permittit ægrum omnibus negotiis superesse *l. 53. l. 60. ff. de re judicat.* II. Infirmus & longo morbo fatigatus habet privilegium ad supremum Tribunal, adeoque ipsius Principis, alios vocandi; Non autem vocari potest. *l. unic. C. quand. Imp. inter. & hæc evocatio procedit, etiam si lis coram Judice ordinario sit capta. Scotan. exam. Jurid. p. m. 235. Vide & Menoch. de A. I. Q. cas. 66. ubi hoc privilegium extendit ad cæcos, senes, mutilatos membris.*

119. Si citatus non comparet propter impedimenta, conceditur dilatio. Durante enim Impedimento, judicii dies manet diffusus *l. 2. §. 3. in fin. ff. si quis caut.* idque ex lege 12. Tab. descendit. Sic enim ibi: Si quid

horum fuit vitium Judici, arbitrove, reove, dies diffusus esto. Formula autem hæc fuit Prætorum, si enim morbo fontico impediti, per amicum se excusassent, Prætores dicebant: *Hic dies diffusus esto.* Quod si non tam gravis morbus erat, jumentum ægrotis, vel arcera i. e. vehiculum dabatur, ut commodius coram judicio se sisterent; Sic enim ait Lex: *Si in jus vocato morbus evitasque vitium sit, qui in jus vocatus, jumentum dato: si volet arcem, ne sterni-
to.* Tale autem impedimentum cum sit facti, non præsumitur, sed probari debet *Bart. in l. 60. ff. de Re Judic.*

120. Ad Processum ipsum spectat Probatio. Respectu ejus considerari possunt morbi, vel Objective; vel Effective. Objective dico illos considerari, quatenus ipsi probari debent. De his generaliter tenendum est. Morbum qui allegat, debet illum probare, ut specialiter quoque in furore constitutum est *l. 2. C. qui test. fac. poss.* ratio est 1. quod agenti & affirmanti incumbat probatio. 2. quod, quæ naturaliter non adsunt, sed potius ex accidenti superveniunt, non præsumantur. Unde quilibet præsumitur sanus, non ægrotus, ut è converso semel ægrotus, deinceps talis præsumitur, si modo morbus sit durabilis. *Alciat. reg. 2. præsumpt. 19.* Senex præsumitur ægrotus, si 70. annum excesserit *Alciat. reg. 1. præf. ult. n. 3.* quia hoc naturaliter illi ætati accidere solet; ut & olim furiosus hodie furiosus præsumitur, si quidem fuerit continuus, nec intervalla habuerit furor. *Alciat. d. tr. præsumpt. 18.* Quomodo autem & probentur & præsumantur morbi, docuimus in genere supra in signis diagnosticis omnium morborum, & in specie quorundam. Effective considerari possunt morbi 1. quatenus aliquem à probatione repellunt. 2. quatenus privilegio quodam afficiunt.

121. Non igitur admittuntur quidam 1. Ad Juramentum, seu unum probandi modum: Nam istud deferre non possunt furiosi & mente capti, adeo, ut ne quidem accedente consensu curatoris recte deferant, quia non intelligunt, quod agunt, ut sive delationi Juramenti consentiat curator, sive non, perinde fuerit. *Umm. disp. process. 14. th. 1. n. 8.* Sed an mutis bene deferatur? quoad intellectum quidem, qui in illis non deficit, concederem; sed quoniam Juramentum etiam articulatam & expeditam linguam requirit, videtur dissentendum. Infirmi, quomodo juramento suam valetudinem declarent, vide *supr. th. 8.* & quomodo infirmo moribundo juranti de mensurâ suæ substantiæ credatur, vide *Novell. 48.* 2. ad Testimonium. Cæci. Sed catenus tamen, si quæ ante cæcitatem viderunt, post cæcitatem à notis hominibus audiverunt *Accurs. Nov. 1. c. 2. §. 1. vers. si vero. in verb. vidisse. Speculat. de Test.* Muti & Surdi, si simul ita sint,

sint, hos plane excludit à testimonio *l. immius disp. proc. 16. ib. 1. n. 7.* Sed contrarium statuo, si literas noverint; si surdus solum sit, modò literarum non ignarus, bene testatur, si mutus solum, excluditur à quibusdam simpliciter; ut *ab l. imm. d. l.* Sed quid si literas noverit, annon per scripturam testimonium deponere poterit? vide *Rutg. Ruland. de Commiss. p. 1. l. 2. c. 16. n. 2.* Furiosi. nisi tempore dilucidi intervalli testentur, & tunc possunt testari etiam ante litis contestationem, contra communem juris regulam, ne veritas occultetur & probationis copia fortuitis casibus subtrahatur, quin & senes, valetudinarii & alii testes, de quibus ex aliquâ rationabili causâ timetur. *cap. 5. ut lite non contestata.* Atque hæc, quæ de illis, qui à testimonio prohibiti sunt, diximus, confirmat quoque statutum Dirhmar. prout habet illud *Gisebert. peric. statut. Art. 5. p. m. 234.* To Eügen mögen ge-
leidet werden frame erliche Lüde / de mit gesunder Vernunft unde Sinnen ock
betimmt un betimet sin / ock mögen nene Vffsinnige / nene Blinde esse Do-
ven ic. to rechte tügenß geven.

122. 2. Morbi interdum privilegia in probationibus concedunt. 1. Testis ægrotus & infirmus non tenetur comparere in judicio. Amplia 1. in Grandævis & decrepitis *l. 5. de jur. immunis. Dd. communiter* 2. in Prægnanti, si partui sit vicina *Nov. 124. cap. 1. l. 15. de jure jur.* 3. In causâ criminali: Sed tunc Judex ipse ad illius domum se conferre debet *Treutl. vol. 2. d. 5. ib. 6. lit. c. Sicbard. ad l. 18. C. de fide Instrum. n. 67.* alias in causis civilibus debet fieri in ægrotantis ædibus, per actuarium judicii. *cap. si testium. de Testibus.* De publicâ famâ testes infirmi nihil deponere possunt, cum non præsumantur scire id, de quo est publica fama, sicuti nec absens. *Bar. in l. 15. ff. de acquir. hered.* 2. Testis moribundi & agonizantis assertio, prævalet testium vivorum assertioni. Ratio est: quoniam tunc, cum memor salutis æternæ existimetur, majorem vim ad faciendam fidem habeat *l. fin. C. ad. Leg. Jul. Repet. c. sancimus 7. q. 1. cap. significavit. de homicid.* Hinc confessio facta in testamento, licet simulate facta præsumatur, attamen, si confessus juraverit, valet, quia dum cogitat de morte, non præsumitur pejerasse, uti *Alciat. probat ex l. cum quis decedens §. Codicillis. Legat. 3. & ex Auth. quod obtinet C. de probat. reg. 3. præsumpt. 4. in fin.* Secus tamen est 1. Si agatur de præjudicio alterius tertii. Sic non creditur Judici falsam sententiam, quam pronunciavit, asserenti, ad præjudicium ejus, de quo lata est sententia. *Treutl. vol. 2. disp. 23. ib. 5. lit. d. ubi Bacchov. & Hunn.* Neque Testi falsum testimonium se dixisse asserenti. *Jure Lubecensi* statuitur *lib. 2. tit. 2. artic. 24.* quod testator in articulo mortis constitutus, odii invidiaeque causâ, proximum heredem abnegare extraneumque instituere non de-

beat 2. quando exstat suspicio fraudis in contrarium, ut quando testator fatetur, se aliquid debere personæ non capaci &c. Vide plura ap. *Menoch. lib. 4. præf. 5. & 29. n. 3. & 4. Loccen. Exerc. jur. ult. th. 55. & Synops. jur. diff. 30. q. 11. Gisebert. imperic. statut. Art. 11. & alios. 3. Morbi excusant à quæstionibus seu tormentis. Sic torqueri prohibentur, Muti, Surdi, Cæci, Furiosi, certis tamen adhibitis conditionibus. Sed nobis illa pertrahenda nimis prolixa sunt. Vide interea *Dn. Carpizov. Pr. Cr. q. 118. Ludov. Gilbansen. A. Jud. crim. c. 6. part. 7. sect. 1. n. 5. & seqq.**

123. Sequitur ipsa Decisio seu sententia. Hæc plane furioso dici non potest *l. 9. ff. de Re Judic.* Nec valet, si lata sit 1. Contra eum, quia sententia contra absentem lata non valet *l. 47. ff. de re judic.* Atqui furiosi pro absentibus habentur, cœu diximus *th. 100. 2. nec pro eo, nisi præsentem curatore l. 49. ff. de recept. arbitr. vide Bronchorst. cent. 4. Enant. Assert. 15.* Denique rescindit rem judicatam quivis morbus conticus, utputa Febris superveniens. *l. 60. ff. de re judic.*

Artic. II de Brutis.

124. Atque sic quoque tertium juris objectum brevissime perspeximus, & simul unam subjecti partem, in quo morbi aliquid operantur, nimirum Homines. Nunc ad Bruta descendendum est, & obiter videndum, quid de illis obtineat.

125. Bruta morbosæ & vitiosæ vendita redhibentur. *l. 38. ff. de Ædil. edict.* Limitatur 1. Si sit leve vitium. vide *Spreng. tr. de Modico p. 80. n. 32.* unde nec animal castratum redhibetur, nisi sit exinde factum imbecillius *d. l. 38. §. 7. ff. d. t.* 2. Si vitium post contractum supervenerit *l. 54. ff. d. t.* 3. Si emptor vitium sciverit *l. 1. §. 6. d. t. arg. l. 1. §. 5. ff. de injur.* quid contra obtineat, si venditor sciens illud malitiose celaverit, vide *l. 37. ff. de dolo malo. l. 13. pr. ff. de act. empt. & vend. l. 1. C. de edilit. act.* 4. Si sexaginta dies huic actioni præstituti à tempore scientiæ jam defluerint, nisi forsan convenierit, ut in perpetuum redhibitio fiat *l. 31. §. 22. ff. de Ædil. edict.* 5. Si morbus fuerit patens & visibilis, in cujusvis oculos incurrens *l. 14. §. 10. ff. d. t.* Vide hic copiosius *Magnific. Dn. Mevium. in I. L. lib. 3. tit. 6. art. 14. & Dn. Carpizov. part. 2. Const. 34. definit. 15. 16. 17.* ubi venditorem Equi, in foro Saxonico, non nisi de tribus vitiis teneri monet. Huc pertinent animalia mordacia, rabiosa aut fera, quæ ob nimiam feritatem nocent & damna infligunt, & datur ob id, actio de pauperie, ex ædilitio edicto, & si dolus hominis accessit, datur etiam actio de dolo, si alterius culpa, actio Legis Aquiliæ. Nos latius hæc diducere poteramus. Sed nolumus. Tu vide *l. 1. Inst. & ff. si quadrupes*

drupes pauper. l. 42. ff. de Edil. edict. l. 7. §. 2. & 6. ff. de dol. mal. C. A. lib. 4. tit. 3. rb. 27. & 28. l. 8. §. 1. ff. ad L. Aquil. Jus Lubec. lib. 3. tit. 11. Artic. 1. & 2. & ibi Magnific. Dn. Mevium. Oldendorp. class. 16. act. 13. & alios passim. Bruta Vulnerata incidunt i. per vulnerationem in dominium nostrum, si accedat occupatio l. 5. §. 1. ff. de acquir. rer. domin. §. 13. l. de R. D. vide Harprecht. super Inst. part. 1. disp. 10. assert. 7. Georg. Mohr. in tract. de Jur. Venand. part. 1. cap. 8. n. 5. & c. 2. Vulnerata aliorum culpâ vel occisa domino dant actionem Legis Aquil. vide pr. & §. 13. l. de L. Aquil. Quid jure Saxonico obtineat, vide Carpzov. part. 4. const. 37. def. 8.

Membrum II. de Morbis secundum Qualitates divisis.

126. Morbos, secundum Qualitates divisos, in jure nostro potissimum taliter invenio. Morbi sunt vel Veri; vel Simulati.

127. Morbi Veri sunt, vel Graves; vel leves. Leves sunt, quæ libet vitia tam animi, tam corporis leviora, & Vitiosi vocantur, his qui afficiuntur. vide Edon. Neubus. in Theatr. Ingen. humani. lib. 1. c. 2. p. m. 38. Gravis morbus aut Ægrotudo dicitur, quando æger ex ea moritur, vel ubi per Medicos, vel communiter præsumebatur moriturus ex illo morbo. Abb. in l. filia mea. ff. Solut. matr.

128. Morbus gravis est, vel perpetuus; qui exponitur, quando nulla spes sanitatis subest l. 22. §. 7. ff. solut. matr. vel temporalis, qui ad tempus durat l. 6. ff. de Ed. edict.

129. Temporalis dividitur in Non Sonticum & Sonticum. Falsa proin est eorum sententia, qui morbum sonticum, & perpetuum non differre volunt. Morbus enim sonticus est, qui impedit, ne quis rebus illis superesse possit, de quibus agitur. l. Morbus ff. de V. S.

130. Sonticus Morbus est, vel non Contagiosus; vel Contagiosus. Contagiosus est 1. Pestis. Hujus quosdam effectus, sed breviter, indigitabimus, I. In Contractibus 1. Pestis præstat privilegium colono recedendi à loco conducto fac. text. in l. 13. §. ff. locati. teneturque Dominus de pensione pro ratâ temporis aliquid remittere arg. l. 27. §. 7. fin. ff. d. t. vide limitationes ap. Sebast. Medic. tract. de Fort. castib. part. 2. q. 6. n. 37. 2. Excusat à cursu præscriptionis arg. c. 13. caus. 16. q. 3. vide eundem n. 38. II. In ultimis Voluntatibus 1. Testamenti tempore pestis confecti solennitates in jure civili non sunt remissæ nisi quoad conjunctionem testium l. 8. C. de testam. De Jure Saxonico sufficiunt duo aut tres testes, etiam si levis fuerit pestis. vide

vide *Carptz. p. 3. Const. 4. def. 1.* 2. *Feminae etiam testes esse possunt in tali testamento Carptz. ibid. def. 6.* Quin nos præterea hic nihil addimus. Tu vide *Carptz. d. const. 4. per tot.* ubi sat multa singulariter circa pestem constituta invenies III. In Judiciis 1. *Judicia sæpe impediuntur & in alia loca transferuntur, ob periculum pestis.* Confirmat quoque id *Ordinatio Summi Tribunalis S. R. M. Svec. part. 1. tit. 1. §. 3.* Wann sterbens oder Krieges-Läuffte einfielet / derohalben das Gericht zu Wismar nicht sicher gehalten werden möchte / sollen Präsidēt, Vice-Präsidēt und Bessigere macht haben / damit an einen andern sichern und wolgelegenen Ort zu verrücken / so lange / biß solch sterben und Krieges-Läuffte auffhören / und das Gericht wiederum / an berührter seiner gewöhnlichen Stätte / sicher gehalten werden kan. 2. *Citatus ad pestilentem locum excusatur, si non compareat Gail. lib. 1. obs. 52. n. 11.* 3. *Si Judex, ad quem gradatim est appellandum, esset in loco pestifero, potest appellari ad alium, omisso medio, juxt. Bart. in l. 1. §. si quis ff. de Appell. & in leg. 19. ff. de tutor.* Plura hic prolixissimæ materiæ non addimus. Tu vide integros tractatus de peste *Francisci Ripæ, Hieron. Donzelinuti. Johann. Neldelii. Hieron. Previttelli. Andr. Dentzel. Christoph. Binder. Joseph. Quercet. Unzeri. Item Besold. Thesaur. pract. voce Pest. Paul. Zacch. Q. M. L. lib. 3. tit. 32.* Morbus contagiosus est Lepra. De hac vide *l. 1. extr. de Conj. leprosf.*

131. Morbus simulatus is est, qui falso simulatur interdum ob evitandam pœnam aliquam, aut onera aliqua effugienda, de quâ materia amplam hic haberemus differendicopiam. Sed remittimus lectorem ad *Paul. Zacch. Q. M. L. lib. 3. tot. tit. 2.* ubi elegantissime hæc diducuntur. Furor est fictus interdum ab ipsâ lege, omnesque repræsentat testatores, contra officium heredes suos excludentes *l. 2. l. 5. §. 1. ff. de inoffic. test. vel per dolum alicujus l. 6. ff. de curat. furios. l. 13. §. 1. de off. presid.*

Membrum III. de Morbis divisis respectu causarum extrinsecus advenientium, remissive tractatum.

132. Quæ extrinsecus adveniunt; vel ex malitiâ, aut culpâ hominum, vel ex pauperie, à bestiis illatâ, obveniunt, circa quam materiam hic per omnes juris articulos divagari liceret. Sed sufficiat nobis, si remittamus nos ad certos Autores, qui rem illam sufficientissime tractârint. De Vulneribus videatur *Menoch. de A. I. Q. cas. 533. Bald. cons. 136. col. 2. Bernhard. Svecius de Vulnerum inspect. Besold. Thesaur. pract. voce tödtliche Wunden n. 28. Carptzov. P. C. p. 1. q. 26. Idem p. 4. const. 43. d. 12. De Venenis & Veneficiis Paul. Zacch. Q. M. L. lib. 2. tit. 2. per tot. Gödelman. imët. sing. Carptzov. P. C. q. 20. & 21.*

PARS SECUNDA DIATRIBES.

De Remediis Morborum, ut plurimum
remissive tractata.

133. A Morbis transgredior ad eorum Remedia Juridica, suntque vel Præservativa; vel Curativa.

134. Remedia Præservativa voco, quæ ante ipsum morbum à quavis Republicâ semper constituuntur, suntque 1. Medicorum constitutio, qui semper à magistratu uniuscujusque loci curandis morbis præponuntur. De illorum jure vide *tot. tit. C. de Med. & profess. Tholosan. synt. jur. lib. 18. c. 25. n. 2. Besold. thesaur. pract. voce Artzt Daniel Otton. de jure publ. c. 19. Limnaum de jur. publ. c. 4. num. 18.* A Romanis olim constituti fuerunt Triumviri Valetudinis, qui ut bene curarentur morbi, providebant. vide *Rosin. lib. 7. cap. 28. Ansig. Rom. 2.* Hospitalium constructio; taliumque locorum, ubi imbecilli, miseri, ægroti, senes & similes aluntur & à personis, certâ mercede conductis, curantur, qualia sunt Nosocomia, Xenodochia, Ptochotrophia, Gerontocomia, Leprosariæ, &c. de quibus quædam habentur *C. de Sacrosanct. Eccles.* Vocantur quoque loca illa Valetudinaria. Hinc *Columella lib. 2. cap. 1. Si alter languidior est, in Valetudinarium confestim deducat & convenientem ei ceteram curationem adhiberi jubeat.* Hinc Medici vocantur Medici Valetudinarii, *Epitalariste. videl. 6. ff. de jure immunitat. & Gothofr. ibid.* De illis vide ulterius *Besold. thesaur. pract. voc. Epital num. 99. Pet. Gregor. Tholosan. Syntagm. juris lib. 15. c. 28. Remigium de immunit. Eccles. ampliat. 17. verb. Hospitalia. Anton. Gabriel. de piâ causâ concl. 2. Sfortiam Oddum de restitut. in integrum p. 3. quest. 3. art. 6.*

135. Remedia Curativa in specie sunt quorundam morborum, ut e. g. *Furoris*: Solet enim Furiosis dari Curator; De quâ materia affatim haberemus, quod diceremus, sed cum illa nimis ampla sit, pro nostro instituto, remitemus Lectorem ad *tot. tit. D. & C. de curat. Furios. &* qui accuratissime hæc omnia tractavit, *Frommann. in Hypotyp. Jur. Furios. p. m. 33. & seqq.*

136. *Pestis* Remedia itidem vel sunt, Præservativa; vel Curativa. Præservativa remedia sunt: 1. eligere locum saluberrimum *arg. l. 1. §. 15. ff. si quid in fraudem patr.* 2. Aquæductus, fistulas, lacus &c. puros servare *l. 10. C. de Aquaduct. l. 1. §. 1. de extraord. crimin.* 3. Locum ab omni putredine immunem conservare, quod obtinetur, si cloacæ & purgentur & reficiantur, quorum utrumque, & ad salubritatem civitatum, & ad tutelam pertinet: nam & cælum pestilens, & ruinas minantur immunditiæ cloacarum *l. 1. ff. de cloacis.* 4. est interdictum: *Ne quid in loco publico, quod competit contra illos,*
G
qui


qui immunditias in viam publicam immittunt *l. 2. §. 29. Ne quid in loco public.*
 5. sunt sepulchra & quidem extra mœnia. *l. 3. §. 5. de sepulchro violat.* 6. Præ-
 videre, ne putridæ carnes & hujusmodi fœtentia vendantur, *arg. l. 1. §. 11.*
ff. de off. præf. urb. Curativa Remedia sunt. 1. Ut infecti exportentur *Bald.*
& Paul. de castr. in l. 2. C. de summ. Trinit. arg. text. in c. 24. caus. 23. q. 4. 2. Illo-
 rum bona contagiosa purgentur, 3. ut locus mutetur. *Veget. de remilit. lib. 2.*
 4. Medicorum auxilium *arg. c. fin. de penis. dist. 7.*

137. Si jam ad specialiora descendere vacaret, multa me hujus argu-
 menti adhuc adducere posse, nec inutilia, nec injucunda, quilibet videt.
 Multa sane consulto omisimus, multa cancellis inclusimus, ne nimis imma-
 nem molem hîc struere videremur. Quæcunque ad jus publicum spectant,
 de Imperatore, Electoribus, ægrotantibus, furiosis &c. ne tetigimus qui-
 dem, uti & Materiam Feudalem (ubi tamen Instituti nostri bene multa erat
 materia,) oportunitati commodiori id reservantes. Interea nos abrumpi-
 mus & Morbum hunc valere jubemus.

TANTUM.

Ad B. Lect. Admonitio.

Pessimè de libris merentur, qui denuò illos edentes priscas fere Præfatio-
 nes & Dedications, cumque his sæpe multa, quæ utilissimè monue-
 rant auctores, omittunt datâ operâ chartæ, si Diis placet, ita parcentes.
 Cujus abominatione dignissimi moris ne quis & nos agat reos, majore cum
 reverentiâ exhibemus quæ nostra non sunt, adeoque nomina Nobiliss. &
 Ampliss. Virorum, quibus Morhofiani ingenii hæ primitiæ fuerant
 dicatæ cum ipsa dedicatione, supra in voluminis fronte, ob
 causas domi notas, non ponenda, honoris ac
 memoriæ ergò hic adjicimus.



VIRIS
NOBILISSIMIS, AMPLISSIMIS, CONSULTISSIMIS
ET PRUDENTISSIMIS

DN. JOACHIMO Rhatfen.

DN. JOHANNI Schumacher.

DN. HENRICO von Deylen.

CONSULIBUS.

DN. HERMANNO WERNERO;

Jcto & SYNDICO.

DN. BRANDANO Schmidt.

DN. CASPARO Trendlenburg.

DN. MARCO Burmeister.

DN. DANIELI Mafen.

DN. MICHAELI Kerckdörff.

DN. CHRISTOPHORO Gröning.

DN. JOHANNI Nieman.

DN. CHRISTOPHORO Bockhäuser.

DN. JOHANNI Köppen.

DN. CYRIACO Burmeistern.

DN. DANIELI Odewahn.

DN. DANIELI Herzberg.

SENATORIBUS inclutæ Reip. Wismariensis
& Patribus Patriæ meritisimis.

DN. GERHARDO Schlaff.

ejusd. Reip. PROTONOTARIO
ET SECRETARIO.

*Dominis, Patronis, Promotoribus & Fautoribus singu-
lari observantiâ amplectendis*

Exercitationem hanc submisſe offert

AUTOR.

TAndem denique, Viri Nob. & Ampl. Morbum vobis parturio. Ita-
ne vero Morbum? Ita est. Et talem quidem, cujus Astrea ma-
ter est, non Morbona. Sed quid hoc ad rhombum? dicit Orbilius:
Delphinum sylvis appingis, fluctibus aprum.

Bona verba! Nec enim Medicorum jussula morbis praescripsimus: sed
Jurisconsultorum jura. Medica, si qua hic sunt, sunt modica. Multa hic esse
non tam accurata causabitur? Prothyme hoc largimur. Sciat primi-
tias primitias esse, & quod hac Diatribe

--- debentia dici

Pleraque differat & praesens in tempus omittat.

Nemo enim à nobis requiret, ut tam succiplena sis, quemadmodum,
Cherea Terentiani Pampbila, modo ossibus bareat, ut Aegonis Virgilia-
ni oves. Hac igitur prima laboris nostri Juridici documenta de Aegro-
tis, surdis, mutis, furiosis, & id genus aliis, sub rabioso Sirii fidere nobis
nata, quos agnoscant censores alios, quam Vos? Debeone hoc Patria,
qua me.

--- tellure cadentem

Excepit fovitque sinu?

Nonne vobis, Viri Nob. & Ampl. Studiorum meorum Patronis & Pro-
motoribus? Ipsam me dixeris impudentiam & impurissimum scelus, ni
grato quodam affectu atque animo hac significanda duxerim. Sumite
igitur Morbum nostrum: sed miti, sed sana fronte atque vultu. Ve-
stra Censura hoc quicquid est opella submisso, credens, tam conveniens
me nobis offerre munus, ac si Phæbo testudinem, Dianæ Venabulum,
Jovi fulmen & Veneri columbas offerrem. Valet Viri Nob. & Ampl.
& Morbo nostro favete, cum aternante & mentis & corporis sanitate.

Vestr. Nob. & Ampl.

deditissimus ac observantissimus

Q. F. I. F. I. Q. S.

TRACTATIONIS JURIDICÆ

DE

JURE SILENTII

Synopticis thesibus summarie delineata,
Et ex Autoritate Magnifici D. Rectoris

VIRI

Admodum Reverendi, Ampliss. & Excellent.

DN. NICOLAI ARNOLDI,

SS. Theol. Doct. & Profess. Celeberrimi, ac

Concionatoris Academici,

UT ET,

Amplissimi Senatus Academici consensu, & Nobilissimi

ICtorum Ordinis decreto,

Pro impetrandis summis in utroque jure privilegiis & honoribus, in Illustri Frisiorum Academia, publicæ ventilationi ad diem
26. Septembris, Anno 1661. in Templo Academico, horis
consuetis proposita.

DANIELE GEORGIO MORHOFIO,

Vismar. Poët. in Academia Rostoch. Profess. Publ.
& Ordinario.

VIRIS.
MAGNIFICIS. NOBILISSIMIS. AMPLISSIMIS.
ET. CONSULTISSIMIS.
DOMINIS.
CIVIBUS.
SYNDICIS.
SENATORIBUS.
SECRETARIIS.

INCLITÆ ROSTOCHIENSIVM. REIPVB.
PATRIÆ. SUÆ. POST. NATIVAM. ILLAM.
ADOPTIVÆ.

PARTUM. HUNC. RUDEM.
SEU. POTIUS.

PARTUS. PARTEM.
INTEGRO. TAMEN. ANIMO.

VOTIS. SARTIS. TECTIS.
OFFICIOSE. OFFERT.
ET. NE. SILEBET.

SILENTIO. HOC. AFFECTUM.
TESTATUR.

AUTOR.

DISPU.

DISPUTATIO
INAUGURALIS
DE
JURE SILENTII.

§. 1.

Silentium secundum Frontonem ab St literâ & sibilo illo St! dicitur, qui plerisque linguis familiaris est. Hebræis שָׁמָּה Græc. σῆμα, Germ. Schweigen / stillschweigen. &c. Accipitur pro quâvis cessatione. *Flor. lib. 4. c. 2. n. 80.* Festus Silentium pro nocte mediâ, item pro absentia vitii in auspiciis usurpat, de quo & *Turneb. Advers. 5. 19.* Pro latitatione alibi dicitur, ut: Silentium Lunæ, quod Φῆσις σελήνης Aristoteli: silentes surculi, qui nondum germinant, Columellæ. *l. 2. c. 2. & l. 10. c. 6.* vulgus silentium, pro Manibus. *Senec. Med. æt. 4.* Sic Hebræis vox קוֹרָא & silentium & sepulchrum est. *Pf. 115. 17.* Aliquando pro amicâ disceptatione dictum est, uti & apud Græcos σιλήσιον teste *Meurs. in Gloss. Græcob.* Peculiari significatu legitur apud Zonar. tom. 3. p. 147. εἰς μὴ δύνησθ' ἔχειν τὴν αὐτοκράτορα τῇ συγκαλήτῳ ἐπὶ τηςείας τὴν συνήθη διάλεξιν, ἢ καλεῖται σιλήσιον, ita ut non potuerit Imperator in Senatu sermonem solennem habere de jejunio, quod dicitur silentium.

§. 2. Nec silentium, quâ Philosophæ notionis est, & Taciturnitas morum magistris dicitur, hic nostri objecti est. De quâ tamen passim in jure; ut *l. 13. §. 3. ff. de Act. Empt. & vend. c. ponderus. dist. 30. l. 19. §. 3. ff. de Edict. l. 7. §. 3. ff. ad L. Jul. Majest.* In Politicis quid Taciturnitas, silentium circa mortes Principum, clades Exercitus, &c. obtineat, multi eleganter disquirunt. De Amyclis proverbium natum est, τὰς Ἀμύκλας ἀπώλεσεν ἡ σιγή. Unde & silentium sæpè damnosum. Vid. *Gataker. Adv. Misc. c. 30. p. m. 327.* Sed hæc nunc extra scopum nostrum sunt constituta.

§. 3. In jure accipitur itidem varie. 1. pro præteritione sui heredis in testamento, *l. 10. C. de testam. milit. §. 7. l. de Exher.* 2. Silentium longum pro quinquennio interpretatur *Gorhof. in l. 3. C. si. Maj. fact. al. rat.* 3. Pro Latitatione & absentia: *l. 7. ff. fam. ercisc.* 4. Pro tacito consensu, quomodo *l. 15. ff. Locat.* dicitur silentio convenire.

§. 4. Silentii synonyma sunt Taciturnitas, Scientia. *l. 1. §. 3. ff. de Tribut.*

Tribut. act. Patientia. l. 6. §. si passus ff. Mandat. d. l. 1. §. 3. ff. de Tribut. act. l. 5. C. ad SC. Vell. Voluntas l. 7. fin. ff. de supell. legat. Consensus nudus l. 52. §. 9. ff. de O. & Act.

§. 5. A Silentio sunt silentiarii, qui duum sunt generum. 1. Servi, qui silentium imperabant in familiâ ceterâ. *Salvian. de Providentia. l. 4. Gloss. veteres Græco latin. Ηουχοντιος silentiarius.* 2. Ministri Principis ad ea, quæ silentii quietisque sunt, interiores & excubitores in domo Principis, arcanorum ejus constiti. *Procop. l. 1. de bell. Persic. De his & eorum privilegiis exstat tot. tit. C. de silentiar. & decur. cor.*

§. 6. Quod fileri debet, Secretum dicitur, Alias Secretum, *σικρητον*, locus, ubi servabantur publica. *Meurs. in Gloss. Græcob. Secretarium in jure est locus judicii l. fin. pr. C. ubi sen. vel clariss. l. fin. C. de off. divers. judic. l. 2. C. de prox. sac. scrip. quod aliàs Auditorium l. 40. ff. de Reb. cred. Secretaria Terræ vocat Apulej. de Mundo Terræ venas. Secreto fiunt, quæ amicis intervenientibus fiunt l. pen. pr. C. Qui pot. in pign. Secreto testari, est in scriptis Leo Novell. 69.*

§. 7. Restat Definitio, quæ nunc informanda erit. Papias: *Silentium nihil est, sed ubi vox non est, silentium dicitur, sicuti tenebra nihil sunt, sed ubi lux non est.* Nobis tamen ita definietur, vel describetur potius: Silentium est actus voluntatis internus, quo nobis jus facimus. Quæ si Dialecticorum Regulis æqua forte non videbitur, ego ne ciccum quidem interdum.

§. 8. Nec in Dividendo ero *κοινωνειν*. Divido silentium 1. In Probabile, quod voco Tacitum consensum. 2. Culposum, quod cum læsione alicujus est conjunctum. 3. Penale, quod pro pœna à Judice imponitur. Secundum tres illas divisiones, tres sectiones adorno, quarum primæ partem primam tantum in compendium redactam sequentibus pagellis delineo, reliquæ, quæ per totum juris latifundium divagantur, ad tractationem ipsam remittens.

SECTIO I.

DE SILENTIO PROBABILI: SEU CONSENSU TACITO.

Pars I. Continens Generalia.

§. 9. Causa Consensus Taciti, seu Silentii est Voluntas, omnium actionum parens. Atque heic pro principio primo esto Regula Juris tertia: *Ejus est non nolle, qui potest velle.* Lectio hæc Florentina est, quamvis vulgaris diversa, Illius sensus: Qui potest expresse, potest etiam tacite consentire. Probat hanc Lectionem *Revardus & Robert. l. 1. animad. jur. c. 3. & in notis lib.*

l. c. 3. contra *Cujac. l. 5. Obs. 39. & 15. obs. 23.* Velle est expresse consentire. Nolle, expresse refragari. Non-nolle, intermedium inter hæc duo, est tacite consentire. Confirmat hanc lectionem l. 1. §. 3. ff. de *Tribut. act.* Sic & *Cic. XII. ad Attic. 22.* Proximis tuis literis primum id te non-nolle cognovi, i. e. pati. Similia sunt exemplat. *pen. §. 2. & 3. ff. de I. & F. Ignor. l. 7. §. 11. ff. de Pact. ubi Bachovius. l. 1. §. 2. ff. de Aq. pluv. arcend. Magnific. Dn. Tabor in notis ad th. 3. C. A. de I. & F. Ignor.* Vide de his vocibus *Menoch. de A. I. Q. l. 2. cas. 496.* Aliter tamen hunc terminum *Non-nolle* explicat *Hipp. à Coll. in comm. ad R. I. 4.* quod diducit *Rennemannus de Princ. Jurispr. disp. 19. th. 16.* Attamen & vulgaris illa Regulæ lectio: *Ejus est nolle, qui potest velle tolerari potest*, id est: Qui liberam habet voluntatem, id quod velle potest, potest etiam nolle, quod & *Aristot. ait: illam liberam esse voluntatem, quæ velle possit opposita l. 3. Eth. c. 7.* Sic *Senec. l. 2. de benef. c. 18.* Si vis scire, an velim, effice, ut possim nolle.

§. 10. A Voluntate actio voluntaria est. Forma Voluntarii vel substantialis est; vel Accidental. Illam voco, quæ actu interno vult, & in actu, ut vocant, elicitò subsistere potest, seu consensu tacito. Unde quaeritur, hic: an actus interni ad Jurisprudentiæ objectum pertineant? Negat *Klein-smid. in pracogn. Jurispr. rr. 3. s. 1. n. 178.* Statuendum tamen omnino est: actus civiles internos de ejus objecto esse, non æque morales, qui Theologiæ substernuntur. Hæc est, qua manifestatur voluntas per externa illa indicia, quæ patefunt, vel inter præsentés, vel absentes, per Verba coram, vel per nuncium prolata, per Scripturam; vel communem, vel Crypticam, Literas Hieroglyphicas, Sigla, *σύγγραμματα*, quorum usus prohibitus à Justiniano l. 1. §. 13. C. de *V. I. E. in Const. ad Antecess. §. 8. & §. 22. Const. ad Tribon. §. 13. Nov. 47. c. 2:* quæ notæ olim, & harum scriptores Notarii dicebantur. De his *Panciroll. vol. 2. t. 14. Brod. l. 4. Miste. c. 9. Lips. cent. 1. ad Belg. Ep. 27. Wouwer. Polym. c. 6. & imprimis Duret. de L' Histoire des Langues de cest univers. chap. 19.* Huc pertinent picturæ & res quævis aliæ, annuli, chirothecæ, claves &c. *Rennemann. de princ. Jur. disp. 19. th. 20. Χειροτομία* manuum porrectio *Sigon. de Rep. Athen. l. 2.* Per Facta itidem, ut: Decapitatio papaveris Tarquinii. Per Nutus. l. 2. de *pact. l. 52. §. 10. ibique Dd. de O. & A.* Hac ratione & mutus potest expresse voluntatem edere, & dicitur l. 7. ff. de *supell. legat. Nemo sine voce dixisse existimatur, nisi forte eos, qui loqui non possunt, conatu ipso & sono quodam, καὶ τῇ ἀνάρηθρα φωνῇ, id est, inarticulatâ voce, dicere existimamus l. Nutu. de Legat. 3. l. 17. de delegat. Cessantibus illis signis, quibus consensus expressus declaratur, nec ubi quis signa contradictoria voluntatis exprimit, cum debuisset hoc, voluntas in actu interno perseverat, & accedente interpretatione, pro vero consensu habetur. Huc spectant Regulæ: l. 142. ff. de *R. I.**

§ l. 43. eod. in 6. quod qui taceat, consentire videatur. Scitè *Euripit. in Menalipp.* Silentium vocat obscurum sermonis interpretem. Germani: *Schweigst du still/ so ist's dein will.* Keine rede ist auch eine rede.

§. 11 Colligitur hinc: Quæcunque requisita sunt consensus expressi, regulariter etiam sunt taciti. Quemadmodum itaque ad consensum seu expressum seu tacitum requiritur, ut sit voluntarius: Voluntarium autem ex duobus constat, secundum Aristotelem, principiis: Principio sc. in agente, seu Libertate actionum, & scientia circumstantiarum, de his primo videbimus.

§. 12. SCIENTIA est, qua negotia legitima, quæ gerimus, & gerere debemus, rectè intelligimus, & certâ animi destinatione agimus. Principium petitur *ex l. 76. ff. de R. I.* ubi vide sis *Dn. Eichel. in commentar. & in l. 16. ff. de R. I.* Ad consensum tacitum hæc omnino requiritur, ut potissimum illum absolvat.

§. 13: Scientiæ contraria est Ignorantia, contraria itidem consensui, tam expresso, quam tacito. Fit tamen, ut nonnunquam Ignorantes jura nobis acquiramus, vel perdamus, quibus consentire credimur. Sed hic consensus fictus est.

DE CONSENSU FICTO.

§. 14. Differt Consensus Fictus à Tacito, quod ille solèat præsumi de ignorantibus, imo & invitis: hic tantum de volentibus & scientibus. Vulgo Fictus consensus est à lege propter factum aliquod, cum quidem de utriusque partis consensu non constat, eo ipso tamen, quod quid fictum, utraque consensisse fingitur, ob naturam & rationem negotii, quod inter utrumque est. Consensus fingitur aliquando de iis, quæ nec scire nec ignorare possunt, ut Brutis animalibus, quæ in alium Dominum consentiunt, quando animum revertendi abjiciunt, atque ad alium migrant. §. 15. *I. de R. D.* Ratio Fictionis hujus est UTILITAS vel NECESSITAS. De illa Regula est: Deficientibus signis expressis aliud ostendentibus, quisque commodum suum velle fingitur. Hoc modo consentire creduntur furiosus, pupillus prodigus &c. quibus illæsa mens non est, etiam ignorantes & inviti *l. 24. ff. de O. & A. l. 16. §. 1. ff. Quirestam. fac. poss. l. 22. l. ult. §. ult. C. de Admin. Tutor. l. ult. C. Quando decreto non est opus.* Cum enim de commodo eorum agitur, æquum est, ne illis sua noceat calamitas; Nec consensus eorum omnino requiritur *l. 101. pr. de cond. & demonstr. l. 17. §. 4. de Edil. edict. l. 4. ff. de acquir. hered. l. 209. Comm Titio. ff. de V. S.* quoniam in ea conditione sunt, ut nec velle possint utilia. Sic & ex contractibus sæpe obligamur ignorantes, per hominem seu instrumentum nostrum. Videmur autem hic non
omni-

omnino ignorantes consensum interponere, quoniam ab initio etiam de hoc consensu interponendo consentire volumus, generaliter concessâ libertate agendi. Licet enim hic scientia specialis non sit, est tamen illa, quâ *maximus pinguis*, pingvius & solutius scimus l. 7. §. 2. ff. de pecul. Vocabo consensum mediatum & immediatum. Eadem utilitas publica me delinquentem fingit consentire in pœnam, etiam invitum, tum & in delicta servorum, animalium & instrumentorum meorum, quia illa sunt capacia directionis à voluntate meâ procedentis, uti eleganter de illis *Pufendorff. Elem. Jurispr. univers. lib. 1. def. 1. §. 2.* Quin & consensus noster, seu fictus, seu tacitus intercedit in illis, quæ ignoramus, sed scire debebamus. Unde: scire qui potest, nec scit, idem est, ac si sciret *c. ult. X. de clandest. despons. l. 48. pr. de Fidejuss. l. 9. §. 5. ff. Locat. Vult. 1. Conf. Marp. 17. n. 24.* Secundo NECESSITATIS ratio consensum sæpe fingit. Sic qui alteri quid agendum commisit, censetur consensisse in ea, quæ ille extremâ coactus necessitate agit. De quâ infra amplius.

§. 15. Media inter scientiam & ignorantiam est Opinio, quam definit *Scaliger. Exerc. 307. f. 33.* assensum non-necessariò necessarium. Puto tamen & esse posse, imo & esse debere assensum, seu necessario; seu non-necessario non-necessarium. Opinio hæc consensum non tollit vel impedit. Confunditur in jure sæpè cum Errore, à quo tamen distincta est.

§. 16. Scientiam & Opinionem præcessit Dubitatio, quæ est motus animi indifferens ad utramque partem, ex æqualitate rationum contrariarum proveniens. Mediam inter Scientiam & ignorantiam facit *Ungerpaur. Exerc. Inst. 7. quæst. 2.* Dubitans itaque, quâ dubitans, consensum non interponit, nisi tum, cum actum impedire posset. l. 142. de R. I.

§. 17. Ignorantiam & Opinionem sequitur Error, qui est rei falsæ sub Veritatis specie apprehensio. Quemadmodum jam Dubitatio inter duo hæret, quibus consentire ob paritatem rationum velit, ita Error in illud, in quod consentit, tacite quasi dissentit, & in quod dissentit, tacite consentit. Nec iste consensus, qui intercedit, verus est, quemadmodum nec scientia, quæ falsa scit, est scientia, nec objectum verum est, in quod persuadente, falsâ opinione ducimur. Ergo abest quoque consentiendi animus, & per consequens verus consensus. Differentias Ignorantiæ & Erroris vide apud *C. A. de I. & F. ignor. l. 16.*

§. 18. Alterum consensus tam expressi, quam taciti requisitum est LIBERTAS ACTIONUM, quæ est facultas naturalis, per quam agere possumus, quæ volumus. Libera itaque voluntas probe definitur à *Rennemanno de princ. Jurispr. disp. 19. l. 10.* quæ factò cujuspiam præbere ad sensum requisita, suffragium suum vel dat, vel dare recusat, in quamvis partem li-

berrimum, nullis omnino cogendi terminis in hanc vel illam partem circumscriptum.

§. 19. Libertati actionum contraria est, 1. *Vit*, quæ est necessitas imposita, contraria Voluntati, majorisque rei impetus, qui repelli non potest l. 1. §. 2. ff. *Quod met. caus.* 11. *Metus*, qui est instantis vel futuri periculi causâ mentis trepidatio justâ & præsens l. 1. l. 2. l. 9. d. 1. Metus ergo omnino consensum impedit, nec obligationem naturaliter parit, quamvis aliter hoc visum est Grotio, de *L. B. & P. l. 2. c. 11. n. 7.* Excipiendus autem est metus, qui injustus non est, qualis est, quem vocant reverentialem, quia nec velle creditur, qui obsequitur imperio patris vel Domini l. 4. ff. d. *R. I.* Hoc respectu, Patre cogente, filius videtur maluisse l. 22. ff. de *Ris. Nupt.* l. 14. §. 3. ad *SC. Trebell.* l. 21. §. 5. ff. *quod. met. caus.* ex occasione belli justî illatus, vide Bodin. de *Rep.* l. 5. c. 6. f. 929. qui jure gentium nihil vitii habet. Resold. l. 2. *polit. c. 8.* §. 43. Purgat tamen & metum injustè illatum patientia illius, cui illatus est. Socin. *conf.* 219. n. 8. Bald. in l. 2. C. *Quod met. caus.* *Paris. conf.* 19. n. 60. vol. 1.

§. 20. De principiis consensus dixi, sequitur *Subjctum*. Illi itaque, qui expresse consentire possunt, possunt & tacite. Excluduntur inde Furiosi & ii, qui mentis usum amiserunt, quatenus tales. Falsus ergo est *Morla* in *Emporio juris* p. 1. t. 9. de *contr. Empt. & vend.* n. 71. ubi asserit, quod furiosus per non-dissensum consensum suum possit interponere. Plane eodem jure censendi sunt muti & surdi simul à naturâ Bart. de *Testib.* n. 97. Separatim autem considerati tam expresse quam tacite consentiunt. Quare & tacite pacisci mutus potest de invec̃tis illatis l. 4. §. 1. ff. de *pac̃t.* quæ tamen lex non ita accipienda est, quasi non possit etiam expresse pacisci, vide Bachov, ad *τὴν περὶ τῆς ἐν τῇ ff. de Pac̃t.* p. 618. n. 1.

§. 21. Lege prohibetur consentire tam tacite, quam expresse, is cui bonis interdictum est l. 40. ff. de *R. I.* Sed lege, ajo, quia naturaliter obligari dubium nullum est, & nihil in contrariam partem argumenta Goddæi inferunt de *contrabend. stipul. c. 7. concl. 40.* Tu vide integras paginas hac lite refertas apud Hering. de *Fidejuss. c. 5.* qui tamen ipse adhuc intricatiorē dimittit. Nimis quoque severè ibidem cum Prodigio agit Goddæus, quem nequam & improbum hominem appellat, atque ideò jure naturæ illi bonis esse interdictum, cum tamen Aristoteles *Eth.* 4. dicat. ὁ μὲν οὐκ ἔστιν ἀλλ' ἀνὴρ καὶ οὐκ ἔστιν ἀλλ' ἀνὴρ καὶ οὐκ ἔστιν ἀλλ' ἀνὴρ. Certe Prodigio absolute considerato non potest bonis interdici, nisi lædat societatem civilem, liberos, conjuges &c. Idque jure Naturæ perspicuum est. Rectissimè Grotius de *L. B. & P. l. 2. c. 20. n. 20.* non puniendos esse legi actus oppositos virtutibus, & disputat Seneca lib. 3. de *benef. c. 6.* An ingrati vitium sit puniendum?

quod

quod negat: Non enim, inquit, gloriosa est resgratum esse, nisi tutum est ingratum fuisse. Quid vero dicendum: *An tam expediat Reip. anaro bonis interdici, quam prodigo?* Sed de hoc in ipsâ tractatione uberius. Huc referendi itidem sunt Pupilli, qui nec nolle, nec velle in eâ ætate intelligunt *l. 109. ff. de R. I.* Quare à tutoribus rationis & rerum usus in illis supplendus est, usus ajo: Habent enim jus, ut de Pueris loquitur Plutarchus, in *κτῆρες* non in *χρῆσται*. Rectè itaque de illo dicitur: *Pupillus pati posse non intelligitur l. 110. §. 2. ff. de R. I.* Hic pati est tacitè consentire. Cum enim Major ex patientiâ obligetur, si patiatur vicinum opus facere, ex quo ei aqua pluvia noceat *l. 19. ff. de aq. pluv. arc.* si patiatur conductorem finito conductionis tempore in fundo morari *l. qui ad certum. l. seq. ff. locat.* colligitur rectè: pupillum in his non obligari, & si qui castis sunt similes. Huc spectant & illi, qui subjiuntur potestati, tam Dominicæ, quam Patriæ, qui non possunt tunc consentire vel expresse vel tacite, cum à potestate superiore impediuntur. Filius familias velle non creditur, cum parere necesse habet *arg. §. 1. Inst. de Jur. Pers. l. 4. ff. de R. I.* Notanda tamen est limitatio: cum parere necesse habet: Aliàs enim ex omnibus causis tanquam paterfamilias obligatur *l. 39. ff. de O. & A. l. 57. ff. de judic.* de quo inprimis vide Excellentiss. D. Wissenbach. *ad tit. de Sc. Macedoniano. th. 27.* Et Voluntas ejus considerata est respectu trium illorum temporum, quorum meminit Aristoteles & Grot. *de I. R. & P. l. 12. c. 5. n. 1. &c.* & distinguendum quoque inter militem & paganum *l. 5. ff. de Castr. pecul.* Idem de servis dicendum, quorum voluntas plane subijcitur voluntati Domini in acquisitionibus, contractibus &c. quod autem limitandum eo in casu, quando meliorem rem faciunt *l. 133. ff. de R. I.* Improperie tamen dicitur à Rennemann. *de jur. rer. disp. 1. th. 14. lit. D.* quod ex personâ Domini jus acquirendi servus habeat: Acquisitionis enim jus servo non competit, quamvis uti illo Dominus, tanquam instrumento possit. Illos tamen consentire & obligari naturaliter verum est *l. 14. de O. & A. l. 32. de R. I. l. 13. de Cond. indebiti.* Huc referendi etiam servi pœnæ, Deportati, ad gladium, bestias, metallum, & opus metalli damnati, captivi, qui quidem civiliter consentire nec expresse nec tacite possant, jure tamen gentium omnes contractus celebrant *l. 15. ff. de interdici. & relegat. l. 17. §. unic. de panis. l. 7. §. ult. de bon. damnat.* quo pertinent etiam Banniti ab imperio & exbanniti ab imperatore, Camera Imperiali, aut comitiis Principum ac statuum imperii. Gædd. *de contr. stip. c. 7. concl. 3. & 4.*

§. 22. Post Principia & subiectum de consensu tacito ipso agimus. De hoc exstant duæ Regulæ. I. Tacens non fatetur, sed nec utique negare videtur *l. 142. ff. de R. I.* II. Qui tacet, consentire videtur *c. 43. de R. I. in 6.* Tacere itaque quasi medium est inter consentire & dissentire. Sic accipi

videtur in c. 3. X. de Cognat. Spir. Potissimum tamen consensus per taciturnitatem probatur, illaque obligat, ut & actionem & exceptionem ex eâ dari posse credam, quamvis aliter sentiat Bachov. in Treutl. vol. 2. disp. 6. tb. 1. lit. B. Imò Tacitus consensus interdû plus operatur, quam expressus. Sic juramentum calumniæ tacito consensu potest remitti, non autem expresso. l. 2. §. Sed quia veremur. 4. C. de Jurejur. propter cal. dando. c. 1. de juram. Cal. in 6. Actus legitimi expresse conditionem non recipiunt, sed tacitè l. 77. ff. de R. I. Sic igitur Regula: *Qui tacet, consentire videtur.* AMPLIATUR. I. Quando cum taciturnitate actus alius est conjunctus, E. g. quando taciturnitas concurrit cum receptione literarum l. si filius fam. 16. ff. ad Sc. Macedon. clem. 1. de procurat. Cravetta de Antiq. temp. part. 1. p. m. 58. n. 24. II. In causâ Favorabili. Favorabilis causa est vel nostra vel aliena. In nostra quis consentire nos neget? neque requiritur præsentia, quam velle videtur Menoch. præf. 42. n. 6. l. 3. nam vel absentes utilia concupiscimus. In alienâ: ut Pupilli, Reipublicæ, piæ causæ, tacite consensum nostrum interponimus, licet nobis hoc sæpè non expediat l. cum ostendimus 4. §. ult. de Fidejuss. Tutor. vide Petrum Peck. de jure sistend. c. 45. n. 17. Mascard. de probat. vol. 1. concl. 417. n. 15. Tiracquell. de privileg. piæ caus. privileg. 131. III. Quando concurrit conjunctionis ratio. Vide Menoch. l. 6. Pf. 99. n. 33. & c. IV. Quando expressus consensus semel intervenit, l. 13. §. 11. ff. de Locat. LIMITATUR I. in odiosis, in quibus consentire non credimur. Si tamen præsentia judicialis accedat, consensus tacitus validus est. Atque sic statuendum est contra Heringium de Fidejuss. c. 7. n. 41. qui indistincte negat consensum tacenti & præsentanti, nec juvat illum allegata lex pen. ff. de Furt. agitur enim ibi de præsentia extrajudiciali. Consentimus quoque in præjudicio modico. l. 19. ff. de Aq. pluvi. arc. l. 13. §. 7. ff. de damn. infect. Quid si negotium sit partim onerosum, partim utile? Eligendum credo, quod præponderat, quamvis aliter statuatur Alex. Conf. 132. n. 9. lib. 7. Excipitur, si quis dolose tacuerit præjudicio aliquo magno, qui tunc consensisse potius creditur l. 2. C. si aliena res pign. l. 5. C. ad Sc. Vellejan. vide Magnific. Dn. Mevium ad l. L. l. 3. t. 4. art. 5. num. 20. & Christin. ad LL. Mechlin. t. 13. art. 23. n. 3. Sed hoc ad sectionem tractationis nostræ secundam pertinet. II. In iis, quæ expressum consensum requirunt. Exemplum solet adduci c. statuit. §. nullo. de rescr. in 6. vide Menoch. Præf. 99. l. 6. num. 50. & seqq. III. In actu successivo. Semel præstitus consensus non sufficit pro toto negotio. Dd. in l. Corruptionem C. de Usufr. IV. Quando actus repugnat juris communis dispositioni: E. g. quando patior, ut quis de re meâ testetur, tunc nihil actum est. gl. in c. plerumque 2. quest. 7. V. Quando agitur de præjudicio tertii Jus. in l. que dotis. n. 101. ff. solut. matr. VI. Quando obstat vis vel metus. l. 50. ff. de R. I. l. 4. ff. de Noxal. act. l. 4. C. cod. Sed Judicis arbitrio multa hic relinquenda.

§. 23. Digredior ad partes Consensus Taciti. Ez sunt vel Principales, vel Accessorizæ.

§. 24. Partes principales sunt Scientia & patientia, sine quibus tacitus consensus subsistere non potest. Bart. in l. *Que dotis. circa fin. ff. solut. matrim. l. 2. C. de acquir. poss. l. 13. §. fin. ff. Locat. Nat. conf. 274. n. 11. vol. 2. & conf. 257. n. 7. vol. eod.* Scientia itaque sola, nisi sit conjuncta cum patientiâ, vel præsentia, vel factò, consensum non importat. Wesenb. p. 1. conf. 41. n. 121. Menoch. l. 1. de præf. quest. 23. statuit: consensum tacitum patientiâ solâ absque scientiâ induci posse, ceu actu negativo. Sed quomodo patientia possit esse absque scientia? Quod enim ignoratur, quâ ratione hoc permittitur? nec video, quomodo sola patientia actus negativus possit dici. Exempla, quæ citat, non quadrant: nullum enim horum absque scientiâ est. Quod enim de Societate ait: quod, si finitâ illâ, sortem quis apud socios reliquerit, non præsumatur per nudam patientiam tacite inchoata, nihil ad rem. Ipse tamen contra se pugnat præf. 57. l. 3. n. 3. & seqq. & conf. 121. l. 2. n. 7. quod vide sis.

§. 25. Partes consensus Taciti accessorizæ sunt, quæ abesse interdum possunt, nec ad consensum tacitum absolute consideratum requiruntur, suntque CIRCUMSTANTIA & FACTUM.

§. 26. Circumstantiam voco hic: vel LOCUM; vel TEMPUS.

§. 27. Respectu Loci est: vel PRÆSENTIA; vel ABSENTIA.

§. 28. PRÆSENTIA est legitima loci definitio. Hæc est vel I. *Physica*, seu vera, cum quis est in loco illo, de quo quæritur, qui varie determinatur ob varietatem negotiorum, E. g. In Usucapionibus l. ult. C. de præf. long. temp. In stipulationibus l. 1. ff. de V. O. vel II. *Interpretativa vel Ficta*, secundum quam præsentem dicuntur, qui mentem habent integram & consensum possunt interponere, quod non possunt furiosi, pupilli, dormientes, ignorantes, inviti, absentes, qui mentem corruptam habent, non attentâ locali præsentia, vide l. 2. §. 3. ff. de jure Codicill. l. 24. §. 1. ff. de O. & A. l. 209. ff. de V. S. l. 27. §. 5. de Recept. arbitr. l. 47. & 49. eod. l. 1. §. 3. ff. de acquir. poss. l. 1. §. 1. ff. de aut. Tutor. l. 14. ff. Eod. Præsens quis fingitur, cum de commodo ejus agitur. l. 78. pr. ff. de legat. 3. l. 20. §. 6. ff. de instr. & instrum. legat. Si jam Præsentia cum scientia & patientia concurrat, validiorem facit consensum tacitum. Tres itaque hic Regulæ statuuntur.

§. 29. I. PRÆSENTIA (judicialis inprimis) ADDITA ETIAM VIM TACITI MANDATI HABERE CREDITUR. Alex. in l. *Sape* 63. n. 93. ff. de Re judic. Mascard. de probat. concl. 1008. n. 18. 19. 20. & seqq. Quo pertinet & Senecz illud in Troad. act. 2. vers. 289.

Qui non vetat, vetare cum possit, jubet.

§. 30. II. PRÆSENS ET PATIENS ALIQUID CONTRA SE FIERI, IN ILLUD CONSENTIT, SIBI PRÆJUDICAT ET JURE SUO RENUNTIAT, seu ut Gothofr. in l. 8. C. de remiss. pign. effatur: Præsentia tertii tacentis in actu alterius, eidem tertio nocet. Ad renuntiationem juris sui, quæ non facile præsumitur omnino præsentia requiritur nec facile illa ex conjecturis adstrui debet. Menoch. conf. 1. n. 312. Quid autem ad renuntiationem juris requiratur & quo pacto fieri possit, ut qui naturaliter juri possit renunciare ita tamen civiliter obligetur, ut illud facere non valeat, notat Rob. Scharrock. Hypoth. Erb. de Offic. cap. 9. n. 5. Quare etiam Magnific. Dn. Mevius im rechtlichen bedenden über die Fragen/ so zwischen Grundherren &c. n. 68. asserit, quod conductor non credatur renunciasse remissioni pensionis per verba generalia, nisi admodum aperta exstent conjectura. Sic Præsens, ubi Dominus Feudum, in quo jus prætendit, alteri concedit, consentire videtur & jus suum à se abdicare §. præterea. 1. ubi gl. in verb. regressum lib. 1. c. 5. Quib. mod. feud. amittatur. Contra tamen sentit Wesenb. p. 1. conf. 41. n. 119. &c. LIMITATUR tamen I. Si præsens non intelligat quid agatur. II Si vel metus vel vis obstent. l. 1. §. 3. ff. de aut. tutor. III. Si expressus consensus necessario requiratur, ut in tutelâ l. 3. ff. de aut. tutor. in stipulationibus, in contractibus mulierum & minorum. IV. Quando quis scit jus suum sibi salvum remanere: l. 8. §. 15. ff. Quib. mod. pign. vel Hypoth. solvit. Quid tamen dicendum ad l. 8. C. de remiss. pign.? An Fiscus peculiari jure hic tutitur? An de præsentia creditoris casu tantum loquitur lex? quod non aperte declarat textus: an in absentia peracta possint retractari? Placet illud Gothofr. in not. ad l. 6. C. d. e. lit. g. Sic Divisio coheredum præsentis legatario non nocet l. 34. §. 2. de legat. 2. Nec factum heredis præsentis fidei commissario l. 92. ff. de legat. 1. quod aliter se habet inter coheredes. l. 12. ff. de Evict. Socios l. 28. ff. communi divid. vicinos novum opus facientes l. 19. ff. de Aq. plur. V. Quando quis præsens est actui, ut testis, & ipse etiam subscripserit & subsignaverit. Distinguendum tamen est inter negotium proprium & alienum in illo consensus præsumitur: non autem in hoc. l. 6. C. de Fidejuss. l. 39. ff. de Pign. act. alia tamen ratio est in filio, qui patre jubente subscribit, vel subsignat metu reverentiali compulsus l. 26. §. 1. ff. de pign. & hyp. VI. Quando quis casu in judicio præsens, non ratione actus illius, qui geritur. Menoch. l. 6. præf. 21. n. 5.

§. 31. III. PRÆSENTIA CUM SILENTIO AD INTERROGATA CONJUNCTA ADHUC FORTIUS OBSTRINGIT ET FERME EXPRESSUM OPERATUR CONSENSUM. Vocat hanc patientiam geminatam Hering. de Fidej. c. 7. n. 48. Ubi & de Fidejussore interrogato. l. 39. in pr. ff. de Procur. c. 2. de confessis in 6. l. 4. cum ostendimus §. ultim. ff. de Fidejuss. Tutorum Facit l. 11. §. qui tacuit. 4. ff. de interrog. in jur. faciend.

§. 32. ABSENTIA eodem modo varia est, vide Alciat. *ad l. 13. §. 1. de V. S.* Bachov. *in tē pēwta adit. Ex quib. caus. maj. n. 1.* Wegner. *in l. 173. §. 1. ff. de V. S.* Citatus contumaciter absens habetur pro consentiente. Mascard. *de probat. vol. 3. concl. 159. n. 26.* Et contumacia habetur, pro præsentia. *Auth. quā in provinciā. C. ubi de criminibus. l. 13. §. 2. C. de judic.* Menoch. *A. I. Q. cas. 36. n. 9.* Absentes quoque finguntur consentire in negotiorum gestione, acquisitione per alios &c. Sed de hoc supra.

§. 33. TEMPUS est duratio, secundum quam res principium & finem habet. Kleinsmid. *de pracogn. Jurispr. tr. 3. f. 1. n. 209.* In genere hic notandum, quod tempus & mora sæpe nos consentire faciant. Bald. *in l. si filius C. de petis. bared.* Hunc consensum tacitum expresso esse fortiores statuit Cravett. *conf. 640. n. 10.* Juris renunciationem inducit *l. 1. §. sed videndum ff. de success. edict.* Hering. *de Fidejuss. c. 28. n. 4.* Distinguunt tamen hic vulgo inter jus quæsitum & quærendum. Tempus dividitur in definitum & indefinitum. Definitum tempus est vel ad præscriptum Naturæ, vel ad præscriptum Legis. Illius sunt: Momentum, hora, dies, biduum, triduum &c. Mensis, Annus, Biennium, Triennium &c. quorum omnium temporum duratio sua jura habet, & consensum tacitum diversimode in usucapionibus & præscriptionibus imprimis importat. De quibus abunde in tractatione ipsa. Hac ratione dividitur etiam in Præsens, Præteritum & Futurum, ad quam divisionem consensum quoque colligimus. Sic à præsenti factò vel non factò elicitur consensus ad præsens & præteritum tempus. A præterito colligitur consensus temporis præsens. Ex præsenti quoque & præterito consensus futurus. vide Menoch. *de pres. lib. 1. quest. 23. numer. 9. & quest. 24.* Tempus definitum ad præscriptum Legis, est vel à lege Conventionali, vel Civili. Illud est, quando à partibus in illud convenitur, fitque vel Extrajudicialiter vel Judicialiter. Extrajudicialiter fit e. g. in commissorio pacto de pretio intra certum diem solvendo *l. 4. pr. ff. de L. Commiss.* In datione in solutum *l. 9. C. de resc. vend.* In pacto pignoris *l. 4. pr. de pign. act. &c.* Judicialiter in formâ processus termini sæpe pro arbitrio partium vel dilatantur vel angustantur *auth. si tamen. C. de apell.* Tempus definitum ad præscriptum legis Civilis est 1. vel breve vel longum, quia sc. respectu civili ad certum aliquod tempus determinatur. Quid breve & modicum tempus sit, vide Sprenger. *tr. de modico. p. m. 112. & seqq.* Longum quoque diversimode appellatur perque gradus distinctum est, jam quinquennium *l. non tenetur. §. prescriptio. ff. ne de stat. defunct.* jam inter præsentes decennium, inter absentes vicennium *pr. l. de usuc.* Tempus longissimum 30. vel 40. annorum *tit. C. de presc. 30. vel 40. ann.* Sequitur dein tempus immemoriale vel antiquum. 2. Dividitur in continuum & utile.

§. 34. Altera consensus taciti pars accessoria est FACTUM, quod potius ad consensum expressum pertinere videtur. Facto non minus consensus elicitur, quam verbo *l. 5. ff. Rem nam haberi*. Et plus aliquid esse dicitur, facto ratificare, quam verbo *c. dilecti filii. 12 de appellat.* Factum est vel omissionis, vel commissionis. Illud negligentia est, quæ differt à Patientiâ. Per patientiam volentes consentimus: per negligentiam quodammodo inviti. Quodammodo dico. Voluntas enim remissa hic est. In Patientiâ remisse, volumus, in negligentia remisse nolumus. Per negligentiam itaque jus nostrum censemur remittere *d. c. 1. X. de appell.* De his varia jura. Factum commissionis consistit etiam in mandato, consilio, auxilio, autoritate seu defensione, per quæ facta consensum negotio principali interposuisse censemur. De hoc alibi fusius.

DE CONSENSU TACITE LIMITATO.

§. 35. Hactenus de consensu absolute tacito, nunc de tacite limitato. Consensus tacite limitatus oritur ex repugnantia consensus emergentis cum voluntate, sive absolute spectatâ conditione rerum humanarum, sive comparando personam & rem, de quâ agitur, cum ipso fine actus. Est autem, ille, quo, positis quibusdam manifestis & expressis, in quâdam, quæ non sunt posita, ratione rei ipsius vel consequentiæ consentimus, reque aliter se habente, dissentimus.

§. 36. Tacitus atque Universalissimus omnibus negotiis, tam publicis quam privatis, limes est positus, ut censeantur acta sub illâ conditione, si res in eodem statu permanserint. Dicitur quoque conditio novæ causæ, ob quam à veteri dispositione discedere juri consentaneum est. De hac eleganter Seneca *lib. 4. de Benef. c. 39.* Subest tacita exceptio: si potero, si debebo, si hac ita erunt. Effice, ut idem status sit, cum exigitur, qui fuit, cum promitterem. Desistatne levitas non erit, si quid intervenit novi; quid miraris, cum conditio promittentis mutata sit, mutatum esse consilium? eadem mihi omnia presta & idem sim. Fadimonium promittimus; tamen deseritur. Non in omnes datur actio, deferentem vis major excusat. Status ille vel Personarum est vel rerum. Ille quomodo jus mutet, pulchrè exprimit *l. 38. ff. de solut.* vide Donell, *l. 5. Comm. c. 12, 20. a.* Status rerum vel publicus vel privatus est. De illo quid non dicitur? quid non scribitur? addo etiam pugnatur. Nomen hoc status seu standi peculiariter apud autores passim de Rebus publ. & earum curâ accipitur; pulchrè notat Geissler. *De stat. polit. c. 1. §. 3. & 4.* Rectissime Excellentiss. Dn. Slüter. *Animad. in Hippol. à Lapide p. 2. c. 1. p. 685.* de ratione status: quod sit Reipublicæ honestè ac beatè conservandæ & amplificandæ generalis conditio seu requisitum. Videndum tamen, ne hæc larva sit omnis injuriæ & libidinis dominandi. Quæ de gravi-

ter Forstn. *not. in lib. 3. Annal. Tac. p. m. 292.* Quare probe attendenda conditiones, quas quatuor ponit Excellentiss. Dn. Höckel. *de proc. clientel. p. 3. c. 8.* ubi de eâ multa præclare, uti omnia, disserit. Si fœdera vel nova condi vel vetera aboleri hac ratione possunt. Zuch. *de jur. inter gent. p. 2. sect. 3. quest. 13.* Exempl. ap. *Polyb. hist. l. 7. sect. 1. p. 308. & l. 4. sect. 3. p. 283.* Tale fuit fœdus Venetorum cum Turcis initum absque sociorum scitu. Vide Heig. *p. 1. quest. 11. n. 13.* ubi idem aliud adducit. Vide & apud Cambden. *Hist. Brit. in anno 610 1300.* Nostro quoque seculo illa non incognita. Non autem temere hæc, sed summa adigente necessitate agenda, ne audiamus Plauti illud: *Pactum non-pactum est, non-pactum pactum est cum illis lubet.* In Privatorum negotiis indies hoc evenit, etiamsi juramento confirmata sint. Setser. *de jumm. l. 1. c. 26. n. 3.* quod per omnes contractus diduci possit, si ejus nunc esset otium. Videatur Modestini. *Pistor. p. 4. quest. 149. n. 78.* Carptzov. *2. Jurispr. For. 35. def. 23.* Grot. *d. I. B. & P. l. 2. c. 16. §. 27.*

§. 37. Specialiore nomine vocabitur hæc conditio: **NECESSITAS**, quam respectu reipublicæ Geisser. *de stat. Pol. c. 6. §. 10.* definit, quod sit Vis cogens Magistratum ad temperamentum Reipublicæ. Orta quidem hæc ex causâ contingente effectum tamen habet necessarium. Hæc est juris sæcundævi, ut vocant, parens. Oportebat enim aliter se habere jura, ubi aliter se habebant actiones humanæ. Ex illa lites nata. De quibus Hesiod. *iniris Epy. ηγῆ ημερ.*

----- ἔπῃς τὴν γε Φιλῆ βεγγίος, αἰὶν' ὑπ' αἰάγης
 Ἀθανάτων βελήσιν ἔρειν πμῶσι βαρεῖαν.

Hæc supra legem est, omnique legi tacitam parit exceptionem, ut omne justum fiat, quod est inevitabile, nec sine omnium periculis corrigendum. Magnific. Dn. Mevius *discurs. de Amnestia. O. 2. b.* Ubi prolixius de ejus efficaciam agitur. Per hanc sæpe Justitiæ tam distributiæ, quam commutativæ ordo alteratur, delicta atrocia non puniuntur, *Idem ibidem.* Inter Municipalis Angli. Juris regulas recenset Wingatus. In actionibus veniam facit lex, ubi faciens adfuit necessitas. *Max. 110. Tract. of the reason of the common. Law.* **NECESSITAS** hæc est vel **I. NATURÆ** in actionibus naturalibus consistens. Spectant huc morbi animi & corporis &c. de quibus cum antea in Diatribe singulari Juridicâ dixerim & imposterum integro volumine, bono cum Deo, dicam, hic non recoquo. Spectat huc quoque necessitas famis, quæ excusat à furto, cujus præclaram rationem reddit Hugo Grotius *l. 2. c. 2. n. 16. de I. B. & P.* quod sc. bona tunc per necessitatem ad communionem juris pristini deducta esse videantur, quod pertinet Consilium, quod tempore famis Mompelgardensibus dedit Forstner. *de quo ille not. in Tacit. Annal. lib. 12. c. 41. p. 217.* Eadem ratio forte poterit probare furta, ex totius gentis placito, per-

missa uti Ægyptiorum, de quibus *Diodor. Sic. Bibl. l. 1. p. 2. p. 73.* Spartanorum &c. Qua de re nuperrimè disseruit Robert. Scharrock. *Anglus Hypoth. Ech. de Officiis. cap. 3. num. 3.* Aliter Menoch. *conf. 31. n. 31.* Qui alienum, inquit, accipit ob necessitatem, accipere dicitur ex tacito consensu, qui ob id, quod tenetur succurrere, videtur accipienti consentire. NECESSITAS est II. LEGIS, secundum quam actiones dirigere debemus, necessitate, non quidem absoluta, sed hypotheticâ, sub qua etiam tacite gesta putantur omnia. Unde ea, quæ contra bonos mores & leges sunt, ea nec facere nos posse credendum est. *l. 15. ff. de Const. Inst.* Leges autem ipsæ honestati & justitiæ sint conformes, & faciunt hinc *Hobbesi* assertum: nullam legem posse esse injustam. NECESSITAS est III. CASUS, quæ itidem tacite limitat negotia. Est enim talis, quem nullum ingenium humanum providere potest *l. 2. §. 7. ff. de adm. rer. ad civit. pertin.* ut sunt, incendia, ruinae, naufragia, rapinae &c. Casus itaque fortuitus regulariter exceptus est in damnosis *l. 6. de pign. act. l. 23. in fin. de R. I.* non vero in illis, quæ prosunt, ut inventio thesauri, *§. 39. l. de R. D.* Aliquando tamen aliter se hæc habent.

DE CONSENSU INTERPRETATIVO.

§. 38. Levi tantum differentiâ hic à priori discrepat. Est hic: quo aliqujus consensum, quem non expressit, ratiocinio colligimus. Paul. Slevogt. *Disp. de Volunt. tb. 38. & 39.* consensum interpretativum duplicem facit: unum cum cognitione rei, quæ geritur; alterum sine illa, ad cujus bonitatem sufficit, si non sit contra Voluntatem alterius, à quo pender. Eo modo interpretamur Voluntatem legislatoris, quam præsumimus futuram fuisse in aliqua re, si eam cognovisset. Hic dupliciter distingui potest. Est enim *Necessarius* vel *probabilis*. Ille, quo quis necessario sic sensit nec aliter sentire potuit, ut etiam ejus interpretatio sit necessariæ consequentiæ. Atque hinc patet veritas duorum Canonum: *Taciti & expressi par virtus: & Taciti & Expressi non eadem virtus.* Prior enim est de illis, quæ necessariam inter se connexionem habent, & quando omiſsa per naturam actui insunt. Posterior de posteriori membro vera est. Ergo illa tacitè subintellecta, vel conjecturis legum eruta pro expressis habentur. *l. unic. §. 1. C. de Rei ux. act. Menoch. præsumpt. 134. lib. 3. n. 33. Paurmeist. de Jurisd. l. 6. c. 6. n. 221.* Excipe tamen illa, quæ sunt stricti juris & quæ expressum consensum requirunt. Sic in stipulationibus omiſsum habebitur pro omiſso *l. 93. 97. 135. ff. de V. O. l. unic. ff. si tab. test. exstab.* Benè definit hoc Cravetta in *de Antiq. temp. intert. partic. primæ part. n. 38.* Expressum tunc ex conjecturis dici, cum illud ex aliis expressis & scriptis colligitur. Everhard. *loco à Tacit. ad Express.* novem modos constituit, quibus tacitum habeatur pro expresso, qui ad duos hos commodè reducun-

ducuntur: Consensus interpretativus necessarius est, vel ex necessitate actus ipsius vel legis. Ex necessitate actus ipsius est: qui secundum materiam subjectam, finalem causam, aliasque circumstantias firmiter colligit. Sic qui consentit in genus, tacite consentit in speciem *l. 147. de R. I. l. 127. ff. de V. S. l. 68. de legat. 3.* Qui consentit in plus, tacite consentit in minus, seu quantitate, seu jure tale *l. 110. l. 21. de R. I. §. 8. Inst. de Mandat. l. 1. §. 4. ff. de V. O. l. 165. 156. §. 1. l. 41. 26. ff. de R. I.* Sic colligimus à thesi ad antithesin, & contra *l. 1. ff. de off. ejus cui mand. à toto ad partem l. 133. ff. de R. I. l. 6. ff. de R. V. l. 30. ff. de Usurp. & Usuc. à principali ad accessorium l. 187. ff. can. 42. de R. I. in 6. ab antecedente ad consequens can. 39. de R. I. in 6. à connexo ad connexum l. cum actum. C. de Negot. gest. à Correlato ad correlatum. l. fin. C. de Indict. vid. Necessitas Legis est, vel *Ἀναγκαστικὴ* vel τὸ *Ἐπικρὲς*. Illa absoluta; hæc conditionata. Quemadmodum ergo Æquitas, quæ & ratio legis dicitur, vel amplior est, vel strictior: ita quoque ratione tacitâ Voluntas legis vel extenditur vel angustatur. Hinc nulla lex contra jus Naturæ & bonos mores aliquid statuisse præsumitur. Illa enim, quæ justa & æqua sunt, necessario debemus velle.*

§. 39. Probabilis interpretatio est, quæ mentem alicujus tacitam non necessario explorat, sed conjecturis probabilibus colligit. Versatur circa ambigua & obscura. Obscuritas est vel in verbis, vel in rebus. In Verbis *ἀμφιβολία*, in Rebus *ἀντινομία*. Huc spectant *l. 152. 67. 9. 56. 41. §. 1. l. 114. 168. §. 1. ff. de R. I.*

DE OMISSIS.

§. 40. Circa illa, quæ omissa sunt, Interpretatio ut plurimum versatur: Quorum quidem proluxa tractatio est. Sunt per Errorem, Ignorantiam, Oblivionem, Casum, Negligentiam, Culpam, Dolum, Omissa, variasque pro variis illis distinctionibus conditiones accipiunt. Sed non licet hæc omnia mihi nunc tam plenè & *ἐπιλῶς* persequi. Quare concludam nunc, bono cum Deo, partem primam, membri primi, sectionis primæ, quam modo contractam & *ὡς ἐκ νεφελαλίω* delineatam intra paucas has pagellas coëgi. In animo quidem erat, cum admoverem calamum, singula exactius deducere. Sed vidi materiam sub manu natam, sua mole turgescere, ut inter tot selecta carpenda ignorarem

τὶ πρῶτον, τὶ δ' ἔπειτα -----

Nunc tantum exhibeo hoc, seu *σκέλετον*, seu umbram, aut nebulam aliquam pictam in pariete publicæ atque Inaugurali Disputationi, solidum, atque succiplenum corpus aliquando daturus, si Deus, Vita & fortuna favorit. Jam ergo impono silentium meo hoc silentio, sed, uti *Æschus apud Euripid. in supplicib.*


Ὁὕτως οὖν, εἴτε μὲν ποῦναί ποτε
 τῆς αὐτῆς καὶ ἐν τῇ αὐτῇ κακῇ.

FINIS.

Τὰ τεύχη ταῦτα, καὶ τὸ τεῖχος ταῦτα. *Arist. de Celo lib. 1. cap. 1.*

COROLLARIUM.

Scripserat Cl. Dn. Andreas Frommannus in Hypotyposi Juris Furiosor: p. 26. th. 16. de Marito uxoris furiosa haec: Quod si eam neglectam perire liverit, præter pœnam communem, privationem sc. lucrorum dotalium, hereditariisque ex statuto debita, Uxoricii quoque pœnâ in eum animadvertetur de quâ vide Carptzov. Pr. Crim. p. 1. q. 12. n. 1. Contra hac ego in Diatribâ meâ Juridicâ: De morbis & eorum remediis, Rostochii, ante tricennium habita pag. 37. th. 74. Si maritus diligentiam suam in tuendâ Uxoris valetudine prætermiserit, Uxoris hereditate est indignus l. 3. ff. de his quæ ut indignis aufferuntur. Verum quod pœnâ Uxoricii plecti debeat, nunquam evincet. Frommanns hypot. Jur. Fur. p. 26. th. 16. ex Carptzov. Pr. Crim. p. 1. q. 12. n. 1. Hac Ego, nec vano contumacendi impulsus studio, sed veritatis ratione inductus sensi, ab opinione illius diversus. Es recte quidem: cum nulli Juris ratione, multo minus praxi ipsâ aliud obtineat. Imo ex ipso Carptzovio cit. loco, & ex totâ illâ questione ne minimus quidem apex produci potest, qui illud asserat. Quin potius tela hac ipsam Dn. Frommanni thesin jugulant, uti inspecturo apparebit. Conquestus tamen est ille in publicâ inaugurali questione, Argentinae habitâ, de injustâ meâ censurâ. Titulum questionis istius è programme, quod per amicum habeo, vidi. De argumentis ipsius nihil constat. Quare si illa Tractatui ipsi, quem propediem edendum promissit de eadem materia, uti spero, inferet, plene respondebitur. Me interim adhuc dum non pœnitet thesicos meos, sed hac vice eandem in publicam scenam produco, ut arbitrentur de eâ, qui velint.



DE
ENTHUSIASMO,

Seu Furore Poëtico

DISSERTATIO,

Lectionibus publ. in Claudiani de

Raptu Proserpinæ libros,

menſe Novembris 1661. præmiſſa.

QUando nunc primum cathedram hanc Profeſſoriam aſcendo, munerique huic, quod ante annum impoſitum eſt, primas auſpice DEO admoveo manus; commodè, dum Lectiones publicas per aliquod tempus interruptas reſumo, in mentem incidit, quod apud Areopagitas lege ſancitum fuit: *μηδὲν ἔξῃρας λέγειν ἔγω τὸν πρόματ*; ne quid ſas eſſet dicere, quod ad rem & propoſitum non attineret. Cum enim de crepidâ ſuâ ſutor diſſerat, ventos & tempeſtates ſpiret navita, Mercurii alumno *Ζεὺς ὁ χερσὺς* ut in arca, ſic in ore, ſit, & unusquisque id agat, quod ſuis convenire putat moribus & genio. Nos quoque noſtri memores extra Parnafſos, Pindos, & Helicones noſtros non prorogabimus imperium, extra chorum Muſarum noſtrarum non ſaltabimus. Atque ut abſolvam denique, de re Poëticâ mihi nunc aliquid dicendum eſſe video. Quanquam in tantâ rerum copiâ, quid potius ſit dicendum, animus mihi admodum fuerit diverſus. Verſabar inter materiem illam velut in ſarris acervo circuliſ, aut inter florum agmina apis, aut in cœnâ dubia liguriens conviva, quid primum illorum, quid ne poſtremum apprehenderem incertus. Artem ipſam quis non laudat, ut pueri junonis avem? quis non præ ſuperbâ arrogantîâ ſæpe contemnit? ut aut pro illâ dicere, aut in hos fabam cudere potuiſſem; niſi vel hanc ingeniſta majeſtas extolleret, vel illos ſua inſcitia reſutaret. Et verum hoc quidem eſt, quod ad aliquam Poëſeos dignitatem aſpirantibus ſæpe obſtet invidia

ingens,

ingens, gloria nulla; sæpe etiam pulcherrima ingenia, quæ se & studia illa contemni sentiunt, primum negligere, mox etiam odisse incipiant. Sed passim audiuntur illæ doctorem virorum querelæ nec hic repetendæ: Nobis nunc in profundiorē ejus naturam inquirere, & quæ alii admirantur potius, quàm animo adsequuntur, curatius explicare constitutum est. Atque ut sciatis rem penitus, *Enthusiasmum Poëticum* in theatrum produco. Sed miramini, *Auditores*, quid rei hoc sit? Pandam ergo hoc horribile secretum. Artem vos docebo, qua superiora inferis miscere, cælum terræ inferre possitis: Monstrabo viam, quæ supra cœlestes illas domos uno momento evehere possit, infra Ditis cunabula rursus deprimere. Per hanc non minus ubique sumus, quàm superi, accumbimus epulis Divûm, & ipsi non tam Dii, quàm Diis superiores, qui & sæpe cælum suum nobis debent; futura prædicimus, mortales immortalitate donamus, homines in feras mutamus, & formas corporibus suis subtrahimus; loca nullis colonis habitata, nullis adeunda mortalibus, pervadimus soli, jamque adeo in ipsa Tartari penetralia irruimus, & in fontes umbras merum illud & magnificum exercemus imperium. Hæc Magia nostra est, quæ quasi fascino quodam ligat animos. Sunt & nobis incantationes, sunt carmina, sunt characteres certi, est virgula quædam divina, quæ etiam invitos in stuporem rapiant ac defigant. Hæc omnia cum non aliter, quàm à vi majore, & Numine quodam aliàs agi credantur, solus autem post Numina actiones illas imitetur Poëta; non falsò illum divino quodam afflatu & *δωρεῖσθαι* agiturum dixere etiam ipsi summi Philosophi: inter quos Plato est, qui & Poësin *τὸ ὅλον* s. *universum* vocavit. Qua de re cum dicere nunc quædam sit animus, facile quivis intelligit, nemini huic muneri fore parem, præter Poëtam. Quod quidem augustissimum nomen quamvis mihi non tribuam, agam tamen nunc quod Vulcanus, qui faber quidem armorum fuit, Hectorem tamen ipsum non interfecit; ac similis sim statua Mercuriali, quæ aliis viam monstrat, licet ipsa sit immobilis. Vos autem, *Aud. ops.* emancipate nunc aliquantum sensus vestros, & animum ipsi Enthusiasmo quodam ab aliarum cogitationum adversione seducite, & non tam aures, quàm mentes huic meo Enthusiasmo concedite: qui licet fucato verborum splendore non diffuat, (nolo enim hic declamatorem agere, sed docere;) audietis tamen, quæ nec dicere mihi intempestivum, nec vobis ingratum.

Quod Cicero olim, qui hominis nomen exuit, ut Eloquentiæ indueret, id nunc de Poësi dicendum mihi videtur. Ergo Poëta homo non est? Non est; quia, dum hoc fit, mente privatur: homine major est, quia à majore impellitur. Prima ejus pars est à DEO agi; secunda cum hominibus scire. Duo scilicet veteres Philosophi constiguerunt, ad quæ omnia alia refer-

rent,

rent, *DEum & Poëtam* : ita ut illius existimarent munus, quotidie agere; hujus, quotidie imitari. Utrumque homini opponit Plato. Nam & homo tum præstat, cum mente suâ utitur; Poëta, cum mente sua caret. Ita autem mente sua caret, ut plane non sui compos tum videatur, sed alterius esse, à quo impellitur, ducitur, trahitur. Quare cum tam miros tantorum ingeniorum effectus viderint, non nisi Numini id adscribendum putabant. Hinc *Θεὸν πνεῦμα* dictus fuit Impetus ille à Juliano desertore, cujus Epistolam citat Suidas; & *Ἐνθουσιασμός*, vel *Ἐνθουσιαστικὸν πνεῦμα*. Et ita Plato vocat. Quemadmodum jam *τὸ ἐμπνεῖν* significat quod vento repletum, *τὸ ἐμφρεῖν*, quod sapientiâ : ita Plutarchus *Ἐνθουσιασμόν* secum ferre putat plenitudinem & communicationem divinæ potestatis. Hunc DEi Spiritum etiam requirit Tullius, qui in Epistolâ quad. ad Q. Fratrem, ubi se purgat, quod non mittat promissum carmen, sic se excusat: Sed abest etiam *Ἐνθουσιασμός*: Et pro Archiâ, divini spiritus afflatum illum ipsum interpretatur. Quare Claudianus de se in princip. de Raptu Proserpinæ:

Jam furor humanos nostro de pectore sensus
Expulit, & totum spirant præcordia Phœbum.

Et Lucan. l. 5.

---- ---- --- ---- Artus
Phæbados irrupit Pæan, mentemque priorem
Expulit, atque hominem toto sibi cedere jussit
Pectore.

Et Petronius Hominem & Poëtam sibi opponit: Sæpius, inquit, Poëtice, quàm humanè locutus es, i. e. divinè. Carmina enim nostra non esse humana, sed divina, i. e. Apollinis & Musarum, docet Lucianus *ἐν Διγαλέξει πρὸς Ἡρόδοτον*. Qua ratione Apulejus vocem *inhumanus* pro *divinus* accepit, qui libro 5. inhumanæ mensæ lautitias vocat dapes cœlestes. Videatur & hac de re Casaubonus in Athenarum lib. 9. c. 7. Inde illa Poëtarum consuetudo fluxisse videtur, quod soleant ipsi istam Numinum potestatem invocare, sacrosque illorum afflatus sollicitare; nec hoc in initio carminis tantum, sed & in medio. Virgil. Aen. 9.

Vos, o Calliope, precor, aspirete canenti.

Atque Valerius Flaccus:

Eripe me populis, & habenti nubila terræ,
Sancte Pater.

Reprehenditur ideo Ovidius à Barthio, quod non desideret illum afflatum, sed suo animo omnia tribuat, cum ait:

In nova fert animus mutatas dicere formas, &c.
uti & Lucanus:

Fert animus, causas tantarum expromere rerum.

Sed de hâc censurâ alibi videbimus. Pulchra quoque in hanc rem sunt Democriti verba, quæ adducit Dio Chrysostomus, Orat. LIII. quæ est de Homero: Ὅμηρος Φύσι' ὅλας λαχὼν θεαζούσης ἐπὶ τῶν κόσμων ἱπποχρήσατο παντοίων, ὡς οὐκ ἐνὸν ἀνευ θείας καὶ δαιμονίας φύσεως, οὕτως καλὰ καὶ σοφὰ ἔπει ἐργασσάσθαι. i. e. Homerus fortitus naturam numine afflatam omnigenorum carminum ornatum fabricatus est: ut fieri non potuerit, quin absque divina & afflata natura ita pulchra & sapientia carmina componerentur. Hos Μουσικοτάτους vel Μουσικοπαταίντους, (ut quidam legere malunt) i. e. Musis percussos, vocat Cicero l. 2. ad Quint. frat. Ep. 9. Μουσολήπτους Pollux. In hoc negotio totus versatur ille Platonis Dialogus, Ἰων, ἢ περὶ Μιᾶσεως. Quàm præclara enim illa sunt, quæ ex Græco Latina damus: DEUS, inquit, Poëtis mentem surripiciens ipsis tanquam ministris utitur, & oraculorum nunciis, & divinis vaticibus, ut nos, qui audimus, percipiamus, non eos esse, qui tam digna referunt, cum suæ mentis compositæ non sint, sed hæc DEUS loqui, & per hos nobis hæc inclamare. Probat deinde hoc Tynnichi Chalcidensis poëta exemplo, qui, cum antea poëma nullum memoriâ dignum composuisset, Musarum inspiratione correptus hymnum in Apollinem pulcherrimum confecerit. Non canebant itaque Poëtæ, nisi numine aliquo recepto. Avienus:

--- DEUS intrat Apollo

Pectora.

Claudianus de Bello Getico:

Quis Musis, ipsoque licet Præne recepto,
Enarrare queat?

Papinius XII. Thebaid.

Vix novus ista furor rediensque impleisset Apollo.

Lucianus περὶ ἱερίων: παρακαλέσαντες τὰς μένους συνωδοὺς ἐν ἀρχῇ τῶν ἱπῶν, ὑφ' ὧν δὴ ἔνθου γινόμενοι, ὡς τὸ εἰκός, ἄδουσιν. h. e. Erasmo interprete: Invocatis, ut adsint canentibus, in exordio poematum, Musis, à quibus tandem velut afflati numine, id quod apparet, hujusmodi quædam cantant. Tum primum enthei dicebantur, cum numen recepissent pectore. Avicenna à Dæmonio quodam afflatum istum procedere putat, qua tamen opinione nil opus est. Et somnia aliquid conferre credita sunt. Meminit Persius Sat. 1. Allusit autem ad Ennium, qui in l. Annalium cecinerat: Sibi in Parnasso dormienti in somniis visum Homerum, ex quo didicerit, animam ejus per pavonem se insinuasse in suum corpus. A quo non abluant & illi actus, quibus in templis & delubris Deorum excubantes captabant

bant per somnia rerum eventus: quam faruitatem saepe irridet Lucianus, qui mentem sine pondere ludere ait. De Aesculapio, qui sibi in somniis appareat, meminit in Epist. suis Hippocrates. Elegantissimus est locus in præfatione Claudiani nostri in Sext. Consul. Honorii, ubi graphice describit Enthusiastum in somno sibi oblatum. Juvat quædam huc asferre:

Me quoque Musarum studium sub nocte silenti
Artibus assuetis sollicitare solet.

Namque poli mediâ stellantis in arce videbar
Ante pedes summi carmina ferre Jovis.

Utque favet somnus, plaudebant numina dictis,
Et circumfusi sacra corona chori.

Claudit tandem:

Fingere nil majus potuit sopor, altaque vati

Conventum cœlo præbuit aula parem.

Paria sibi in somnis evenire narrat Lucretius lib. 4. Et memini me de quopiam Poëta, an Taubmanno, an alio, nunc non succurrit, legere, illum, cum de materiâ carminis cogitasset pridie, nocte tandem in somniis carmen composuisse sæpissimè cum è lecto surgeret describendum. Quod quidem uti præter solitum est, ita non potuit non felicissimum genium significasse. Tum & animus eò tempore quam maximè sibi relictus eò magis patet divino huic afflatui. A Wormio, in Append. Literat. Runiczæ, refertur, quod motus ille ingenii Poëticus, seu Enthusiastus apud priscos illos Gothos in novilunio habitus fuerit ferventissimus. Illum impetum ii dixere *Skalthvingl*, i. e. poëticam vertiginem. Qui impetus animi cum tam mirabilis visus fuerit omnibus, non satis apta nomina huic exprimendo invenire potuerunt. Cum enim mens a seipsâ quasi sequestrata, omnibusque aliis actionibus, huic soli intendatur, *Θείαν μανίαν*, divinam insaniam, vocavit Plato; & alii *Furorem*, catachresi quidem aliquâ, sed tamen, ut illi putant, voce significantissima; quia tunc homo extra se rapiatur, sui que immemor alium hominem induat, ejusque cogitationes & sermones aliis exhibeat. Aristoteles: δι' ὃ ἐνθουοῦς ἡ ποιητικὴ ἐστίν, ἢ μαντικοῦ, τούτων γὰρ οἱ μὲν εὐπλάστοι, οἱ δὲ ἐκστατικοὶ εἰσι. Unde Juvenalis Scholiastes ad Sat. 8. vers. 221. Hoc ideo, quia Nero Troados libros scripsit. Unde & maximè insanivit, quia Poëta fuit. Et Cicero in de Divinat. testatur, quod supra sensus humanos intelligentia furor & insania dicantur. Plato in Phædro suo distinxit furorem in divinum & humanum; Divinum in quatuor, scilicet in Vaticinium, Mysterium, Poësin, atque Amorem. Sapientiam divino furore infusam humanæ sapientiæ longissimè anteponebat. Τα

μήποτε, inquit, ἀγαθὸν ἡμῖν γίγνεται διὰ μανίας θείας ὡς τοι δοκεῖ διδομένης. Atque hoc prolixissime ibi agit Vir divinus, generatim quidem in Phædro; Speciatim verò de amatorio furore in Convivio; de Poëtico furore, in Dialogo, qui Ion inscribitur. Quæ profectò cum lego, sic sæpe extra me rapior, sic afficior, ut sanctissimam ejus Philosophiam mirari satis non possim. Quare & Petronio Poëtæ dicuntur à se exire; Claudiano, Oblivisci sui; Boëthio, ex se extirpari; Apulejo, suum non esse; Martiali, se non habere. Idem quoque vult Symmachus in Epist. Videor vobis, inquit, mente insipere, atque adeo in Poëtas nomen dedisse. Præclare etiam Seneca, in de Tranquill. animi, c. ult. Non potest grande aliquid & supra ceteros loqui, nisi mota mens; cum vulgaria & solita contemnit, instinctuque sacro surrexit excelsior, tum demum aliquid cecinit grandius ore mortali. Non potest sublime quicquam & in arduo positum contingere, quamdiu apud se est. Desciscat oportet à solito, & efferatur, & mordeat frenos, & rectorem rapiat suum, eoque ferat, quo per se timuisset ascendere. Similiter Autor Christianus, qui nomen fert Dionysii Areopagitæ, l. 7. de Divin. (nomin.) statuit, ἀνοῦν σοφίας, sive amen-tem sapientiam, esse causam omnis mentis, rationis, sapientiæ, & intelligentiæ. Atque hæc Furoris seu Insaniæ appellatio erat ab ipso animo petita, translatis tamen nominibus illum efferunt sæpe. Cum autem in rerum hac serie nihil invenirent, quod accuratè satis cum illo conferri posset, ad subtilissima corpora comparisonem instituere, ignis scil. & Aëris. Aristides vocat πῦρ, θερμὴν. καὶ ποίας μάχης ποσὺν τὴν θερμὴν θε-σις ἡγεῖσθαι, ὅσην τῶν ἐμψύχων λέγων καὶ ἀληθινῶν; & post pauca: λέγων αὐτὴ πηγὴ μία, τ' ὡς ἀληθῶς ἱερὸν καὶ θεῖον πῦρ τ' ἐκ δις εἶναι. Duabus hic utitur vocibus: θερμὴ, quæ calorem, & πῦρ, quod ignem significat. Ipse noster ille animus ignis nomine venit, uti & sapientia, & ἀλάνοις nostra. Hippocrates libro περὶ αἰσθητικῶν, vel, ut alii, περὶ αἰσθητικῶν, illam vocat τὸ θερμώτατον καὶ ἰσχυρώτατον πῦρ. Εἰς τοῦτο ψυχὴν, νότον, θερμότητα. (Virgilius vocat: auræ simplicis ignem.) Quin & ipse DEUS illi, est τὸ θερμόν, calidum. Δοκέει δέ μοι ὁ καλέομεν θερμόν ἀθανάτον τι εἶναι, καὶ τοῖν πάντα, καὶ ὁρᾶν, καὶ ἀκούειν, καὶ εἰδέναι πάντα, καὶ τὰ εἶναι, καὶ τὰ μίλλοντα ἑποῖσθαι. De calore illo Ovidius:

Sic ubi mota calent sacro mea pectore thyrso,

Altior humano spiritus ille malo est.

Vocatus etiam est Ardor, ardor animi, ardor mentis, ἔλθω. Cicero de seipso: Nulla me ingenii, sed magna vis animi, inflamat, ut me ipse, non teneam. Ab aëre aut æthere multa quoque nomina invenere, quibus denominavere impetum illum. Hinc afflatus, Inspiratio, Spiritus, Aura,

Aura, & multa alia, quæ nunc nobis non excutienda. Iis enim nominibus soliti sunt denotare illa, quorum causa ignorabatur, nec modus aut ratio rei perspiciebatur. Quare de Fulminibus, morbis contagiosis, operationibus rerum sympathicis & occultis dicuntur. Serv. Aen. l. Est fulmen, quod terreat, quod afflet. Claudianus :

---- Afflataque curru

Sidera Tænariorum.

De pestilenti sidere *πνεῦμα* videtur accipiendum in Epistola Artaxerxes Regis Magni, ad Patum : *πολὺς ἄλυσ, πνεῦμα μέγα καὶ πυκνὸν ἔχων*. De Odore Papinius, libro II.

---- Ogygii si quando afflavit Jacchi

Dulcis Odor.

Ἀπὸρροία illa quoque non ineptè vocanda : unde & contagio pestilentiae *λοιμικὴ ἀπὸρροία*. Veteres Philosophi *χεράας ἀπὸρροίας* esse dicebant, atque ita visum fieri. Magnetis *ἀπὸρροίας* Lucretius vocat Flamina. De Canicula sidere & illius *ἀπὸρροία* Alexander in Probiematis. Sed de hac legi potest Salmasius in de Annis Climactericis pag. 880. & sequ. magno volumine, ast quod dolendum, nec in libros, nec in capita distincto. Ubi & disquiritur, Annon Spiritus ille Dei, qui omnia implet & pervadit, qui omnibus infunditur, à quo omnia vegetantur, *ἀπὸρροία* ejus dici possit. Atque hæc hæctenus de Furore illo, quem divinum vocavit Plato; qui verò ab humanis morbis venit, huc non spectat. Quorsum autem hoc referendum sit, quod apud Lucianum, in princip. ejus libri, quem scripsit de Legibus in Historiâ observandis, me legere memini, ignoro equidem. Tradit ille lepidam narrationem de Abderitis; eos repente continuâ febrî fuisse correptos, quæ septimo die finiens in quibusdam cum fluxu sanguinis è naribus, in aliis cum sudore copioso genuit mirificam & ridiculam animi affectionem, ut omnes ad poetandum quasi instinctu Numinis incitarentur.

Diximus, nisi fallor, affatim, quod sit Enthusiasmus ille, quem supernaturalem vocant, & qui à principio & potestate majori in Poëtarum propagatus animos tam admirandos edat effectus. Quid autem sit ille, & qui obveniat, nostrum non erit nunc disquirere. Ut autem in re magis manifestâ laboremus, de Naturali nunc videamus. Scilicet, non parum & huc afferre poterit ipsa animi *Ἀνάγκη* & habitudo. Aristoteles in ipso Poëta requirit temperiem naturalem, & acrimoniam humoris Melancholici. Certè oportet illum esse *ἐνφαντασίωπον*, ut conceptus sibi commodos formare, omniumque rerum ideam sibi met impresam varie varieque agitare, & charactere nativo & genuino exprimere,

possit. Phantasia autem est affectio in animo oborta rem perceptam simul cum percipiente repræsentans, ut cum percipimus visu alborem, affectio oritur à visu in animo nostro, cujus subjectum nominare possum alborem. Græcâ origine Phantasiz vox ad lumen cedit: nam sicut lumen & se ostendit, & ea, quæ ipso comprehenduntur: ita Phantasia & sese, & id, unde affecta est, demonstrat. Suidas illam dictam putat, quasi *Φαντασιν*, i. e. *Φανόρων πύσιν*, sive, stationem simulachrorum. Elegantissimè Johannes Franciscus Picus, in libello de Imaginat. Quoniam de Sensu phantasia proficiscitur, visusque sensuum omnium præcipuus est, ob id vis hæc animæ apud Græcos Phantasiz nomen, de lucis videlicet argumento obtinuit, sine qua videre non est. Distinguenda autem est Phantasia à Phantasmate. Phantasma vocat Numenius in libr. de Nat. Hominis, c. 6. inanem cogitationem illius rei, quæ non est in naturâ. Plutarchus libro 4. de Placit. Philos. c. 12. Vanam imaginationem, ad quam trahimur inani tractu Phantasticæ motionis. Attingit, quoque hæc summam Laërtius in vitâ Zenonis. Phantasma, inquit, visum animi est, cujusmodi in insomniis sit: Phantasia verò est formæ in animum ingressio, hoc est, mutatio, sicut Chrysippus, in XII. Commutationum, putat. Statuendum autem hic est, tam Phantasiam, quàm Phantasma, ad Poëtam pertinere. Phantasmata autem illa ita instituentia sunt, ut à conformitate aliquâ cum re ipsâ non abhorreant, ne videlicet violentur leges verosimilitudinis; quod si sit, non tam Poëmata hæc, quàm deliria censenda. Quemadmodum enim, qui à mentis usu exclusus est, illas rerum imagines sibi oblatas non rectè apprehendit vel applicat, aut phantasmata, quæ ille tanquam vera concepit, vel confundit, vel ad normam *τῶν ὄντων* non dirigit: ita etiam Poëta, qui figmenta inducit, quæ cum rebus ipsis sunt *αἰσώματα*. Quare & vel ex eo colligere licet, cur Furoris nomine illa vis naturæ efferatur. Quemadmodum enim mens furiosi Phantasmate vario imprægnata est; ita & Poëtæ, cujus unicum negotium hoc est; differt autem in illo, quod furiosus nec discernat istas imagines, nec dirigat. Rectè proin docet Plato in Phædone, Poëtam non occupari *πρὸς τὰ ὄντα*, sed *πρὸς τῶν ὄντων εἴδωλα*, circa rerum existentium symbola vel simulacra. Quo circa & Poëticam alibi *μιμητικὴν* imitatricem rerum per fictionem, alibi *εἰκονοποιὴν*, effectricem imaginum, appellat. Unde & Possidonius apud Laërtium in Zenone definit: *Ποίησις ὅτι σημαντικὸν ποίημα μίμησιν ὀφείλον ἥλιν καὶ ἀνθρώπων; Poësis est significativum figmentum imitationem complectens divinarum humanarumque rerum.* Verisimilitudo autem rerum duplex dari potest, Historica, & Figurata. Illa est rerum gestarum, quando eâ ratione exponuntur, quâ geri potuerunt, licet

licet non sint ita gestæ. Hæc rerum est, quæ in se fictæ videntur, licet ad rei veræ similitudinem, aliam tamen à se diversam veritatem significant. Ea rursus dividitur in propriam & metaphoricam. Propria est ficta, quædam imago rei, quæ nunquam fuit, esse tamen ejusmodi, ut fingitur, potuit. Talis Equus Trojanus : Metaphorica est, quæ rem à se, dissimilem translata repræsentat, pro exemplo est Pallas è cerebro Jovis nata. Ad hanc classem pertinent imagines illæ variarum rerum, Ventorum, Urbium, Fluviorum, Virtutum, Vitiorum, Rerum publ. Ætatum, Affectuum, quas pro lubitu nostro adornare nobis concessum est, ita tamen, ut in rem ipsam non peccemus, aut quidpiam absurdi affingamus. Ita Cupido puer, cæcus, alatus ; Fama oculis & auribus plena à Poëtis inducitur. Solent autem plerumque hæc & alia sub specie humana concipi, & Affectus quidem, quod in corpore & moribus hominum tantum à nobis observari possint. Cum igitur similis nihil hisce affectionibus sit, quàm externus corporis habitus, quo oculis animorum illæ qualitates queant objici, symbolis illis significativis eleganter admodum utuntur Poëtæ. Nec ineptè Urbes, Regiones, Respubl. personæ habitu inducuntur, cum & Politicis hoc familiare sit. Tum & Tempora & Ætates, quippe quæ & aliàs illa forma notantur. Plerumque autem similitudo ab homine, vel Deo, vel excellentiore aliqua re traducta in quibuscunque rebus, animatis inanimatis, fingendis, omnique phantasmate, optimum Poëtis est fundamentum. Sic si Rosam schemate Poëtico depingere volueris, dices virginem Rhodoën : quicquid autem rosæ, seu ex naturâ, seu ex adjunctis effectibusque potest competere, hoc per humanas actiones accommodè licebit exponere. Atque inde nata puto tot Gentilium εἰδωλα, non quod seriò sic sentirent Poëtæ ethnici ; sed quod ex lege Poëseos excogitare talia debuerint. Contra hæc sæpissimè debacchantur multi, & ineptissima edunt judicia, cum tamen Poëticam sæpe æquè intelligant, atque ego Linguam Sclavonicam. Miror tamen, in illam de tollendis veterum Poëtarum fictionibus, sententiam etiam incidisse elegantis aliàs judicii virum, Jacobum Masenium, qui illis usitatis Deorum nominibus substituenda suadet certa Geniorum nomina, quæ commodè fingenda sint : quasi verò non idem velint illa Poëtarum commenta, & unusquisque hæc ænigmata caperet. Atque hæc dicta sunt de habitudine ipsius animi & conceptione Phantasmatum ad Poëticum Enthusiasmum necessariis : Dispiciendum nunc hic esset, quemadmodum mens sublevetur simul cum Phantasiâ, & quemadmodum supra Phantasiam erigatur ; sed cum plenior ejus

mate-

materiæ tractationem suscipere in animo sit, illi reservabitur. Jam vero præter primum illum Naturæ impulsus alia quæpiam sunt, quæ illum faciliorem reddunt, magisque movent: quæ *instrumenta* non ineptè vocaveris. Primo loco omnino recensëamus lætitiæ datorem *Bacchum* tot vatibus decantatum. Certè Scaliger in divino Opere alteram illam Poëtarum speciem constituit, quos acuit meri exhalatio educens animi instrumenta, spiritus ipsos à partibus corporis materialibus. Nec verò Poëtas efficit vinum; tunc enim & alios possemus habere Poëtas: sed spiritus illos torpentes excitat, non tamen & *ἀμυστὶ* haustum. Atque hoc vel ex Aristotele discimus, qui miros recenset Vini effectus illo in loco, ubi illos cum Melancholiæ effectibus comparat. Carmina non scribuntur aquæ potoribus, nam non tam subtilibus illa spiritibus & corpus vegetat, & animum instruit. Horatius illo Enthusiasmo prægnans:

Quo me, Bacche, rapis tui plenum?

Apud Lucianum legimus, Aeschylum Tragædias in vino scribere: Et Alcæus Lyricus, & Aristophanes Comicus ebrii scripsere poëmata, ut est apud Athenæum lib. X. Placet optimè sententia Merici Causaboni, Jacobi fil. cujus verba ex Anglico idiomate versa hic adjicio: Rarò, inquit, Boni Poëtæ sunt, qui ad nutum & libitum carmina scribunt. Omnes autem boni Poëtæ variam nacti sunt corporis temperiem: quare, pro variâ illa temperie, magis minusve vino utentur tanquam instrumento excitandi spiritus. Addo ego, animum aliquando severioribus studiis distractum non posse aliter ad illum impetum reduci, quàm medio tali vel alio. Secundo loco meritò locabo *Musicam*. Quæ quantum commercii cum Poësi habeat, si hic demonstrare conarer, dies me citius deficeret, quàm materies. Quare & fuit apud Veteres, & adhuc dum est, perpetuum illarum artium connubium. Experimento esse potest: Si Poëta Musices peritus cæmen ad harmoniam præviam, secundum quam cani debeat, componat, felicius non solum scribat, sed & animosior, ad scribendum sit. Quomodo & cantica Olympi, celebris Musici, *ὁμολογούμεως ποιῶν τὰς ψυχὰς ἐνθουσιαστικὰς*, ut est apud Aristotelem. Tertiâ sede *Affectus* pono, qui & ipsi disertos faciunt. Ira annon sæpe carmina expressit, Satyras, Jambos, Diras? quæ profecto placido & miti genio non scribuntur. Et rectè Poëta:

--- Facit indignatio cæmen.

Amor autem, quos non jocos, sales, basia, ocellos extudit? Unde plures ineptiæ etiam & nugæ, quàm ab hoc? Quàm sæcundi hoc in argumento omnis generis sunt Poëtæ, ut nec vel monere eâ de re opus sit.

Deni-

Denique etiam non minimum est parandi impetus instrumentum præstantissimorum Poëtarum Lelii. Fit enim, ut ab illâ similis fiat & adequatus tunc animus, numerusque & vis ipsa carminis eâ proportionemoveat Spiritum interiorem; dispositum tamen ad hoc, ut suis quasi carceribus liber in carmen se effundat suâ sponte. At tunc inebriatur, quasi & imbuitur animus, & paulatim in pectora irrepit sacer ille furor, quo incitatur atque extra se rapitur mens, superque se reflectitur. Non obscure hoc de se Grotius, maximus idem Poëta, in Præfatione Poëmatum: Accedit, inquit, quod ingenium mihi sit sequax & ductile; ut, à cujusque Poëtæ lectione incaluerat; ita ad ejus imitationem rapiebatur. Agnosco me ipse alibi Lucani spiritu plenum; interdum Manilii plus quam satis est, studiosum; non nunquam castigatius aliquid ad Statii vel Claudiani instar conantem. Pertinent huc quoque omnes illæ Enthusiasmi Poëtici conditiones, uti Locus; Solitudo hic maximè conducere putabatur: Sylva, Locus Horti. Qui & Philosophis nonnullis, ut eò melius cogitationibus insisterent, placuere. Ripæ fluminum, Sursurri aquarum, Umbræ. Tempus commodum credebatur potissimum, nocturnum, aliis matutinum. Gestus varii erant, ut murmura. Fulgent. de Allegor. libror. Virgilii: Quales vatum imagines esse solent, dum assumtis ad opus conficiendum tabulis stupidâ fronte arcanum, quoddam latranti intrinsecus tractu submurmurant. Petronius de Poëtâ carmen scribente: Audimus murmur insolitum. Statius de se ad Uxor. lib. 3. Sylv.

--- --- Tu procurrentia primis
Carmina nostra sonis totasque in murmure noctes
Aure rapis vigili.

Puto & hinc Barritum esse Poëtarum Gallorum, de quo Isaacus Pontanus in Glossario Gallico. Huc pertinet torvum supercilium, quod Poëtis attribui solet; quod ungues præmordeant, aures scalpant, & similia. Atque hæc nunc obiter, & more scholastico, de divinâ illa animorum potestate & impetu disseruimus. Post consideratas causas illas Enthusiasmi, tam supernaturales, quam naturales, tam principales, quam instrumentales, reliquum esset, quædam de causis illius internis huc conferre, nisi tempus abrumpere juberet. Sed cum & olim in inaugurali Dissertatione de Genio carminis, prolixius me eâ de re dixisse meminerim; & in ipso nostri Enthusiasmi Poëtici volumine, quod sub manu est, vel etiam in aliâ de Characteribus Linguarum Dissertatione, plenius fortè exequar, Dissertationem finio. Proximâ hebdomade (nam crastinus dies feriis pœnitentialibus destinatus est) die Lunæ, hæc ipsâ horâ,


L

volens

volente DEO, ad ipsius nostri Claudiani lectiones progrediemur. Habebitis ibi, si ullibi, facundissima Poëtici Enthusiasmi exempla; de quibus monente ipsâ poëmatîs manu ductione uberius dicemus. De Genio autem Claudianzi carminis, deque ejus virtutibus, quibus ille aliquando inter omnes, etiam heroem illum Virgilium, excellit, (nam ineptiunt, qui unum Poëtam in omnibus pro normâ esse volunt;) sed & quando nonnunquam humani aliquid patitur, tum quoque videbimus. Vos modo A. O. segregate vos ab illo cœtu, quibus nunc inter artes est artes contemnere; & frequenti vestrâ præsentia animos mihi date, ut eò magis insistere operi coepto queam. Spero enim, me multa forte allaturum, quæ ad illum Poëtam non dicta sunt, tum & quæ sic satis probam utilitatem afferent. Palmarium erit, ut ad ipsa poëtica artificia,

Autoris nostri præsentem semper inducamini.

FINIS.



THEOLOGIAE GENTIUM POLITICAE

DISSERTATIO PRIMA.

DE

DIVINITATE PRINCIPUM,

Resp. Herone Hersenio erud. exam.

subj. Rostoch. mens. Aprili. 1662.

PROOEMIUM.

Distinxerat Augustinus à Varrone *de Civit. Dei. lib. 6. c. 5.* & Tertullian. *ad Nat. lib. 2. c. 1.* Theologiam Gentilium in Physicam, Politicam & Poëtica. Physica illa est, de qua passim Philosophi differunt, cum Deum è naturæ operibus contemplantur, atque ex illis ei sua assignant nomina. Politica, quæ Deos populares considerat, certis regionibus & populis præfectos. Poëtica, quam soli Poëtæ fabulis suis in vulgus invexerunt. Physica docebatur in Scholis; Politica tenebatur à populis; Poëtica decantabatur in theatris. Prima nicebatur, ratione; secunda traditione; tertia fictione. Inter ea tria Theologiæ genera Politica sola fere est, quæ Polytheismo & Idololatriæ omni causam dedit. Politicus enim Regum cultus, qui etiam vivis exhibebatur, tanquam Diis quibusdam præsentibus, mortuos illos Diis cœlestibus transcribebat. Hinc fœcunda illa Deorum seges, & omnia Gentilium numina, quæ primo Deorum Indigetum nomine colebantur, deinde quasi quodam successionis jure ipsis Diis consentibus & summis adnumerata sunt. Nec hi Dii peculiare tantum quibusdam gentibus fuere, qui propriè Politici vocantur, sed à peregrinis quoque cœlo donati & culti. Hinc tam immensâ prodiit Deorum multitudo, & quemadmodum fertile error malum est, parturitque ex se, ut araneæ; ita & hic fœcundus quam maximè fuit. Nos quidem nunc illam Theologiam politicam, quo apud Augustinum sensu accipitur, nobis pertractandam non sumimus, sed tamen aliquam, quæ ab illâ

diversa parum est. Illa pertinet potissimum ad Principum inter Deos relationum cultum. Nostra viventium Principum divinos cultus quoque exhibet. Percensebitur igitur hic à nobis Principum cultus divinus & Idololatricus, quem Theologiam politicam vocamus. Et primum nobis considerabitur Divinitas Principum, deinde tituli illorum divini, & cultus.

CAP. I.

PRINCIPES DII.

Idololatriæ politica causa, Potestatis abusus, Adulatio. Vitium gentis. Imperator non est Deus. Adulatio Callisthenis ad Alexandrum M. ἱχωρ Deorum, sanguis. Adulatio Atheniensium de Iaso. Christianorum Imperatorum Divinitatis affectatio. Domitianus Dominus & Deus dici voluit. Dominus κύριος pro Deo. κύριος ἐλέησον Gentilium quoque preces. Adonis κύριος. Domina. δέμνα, δάμαρ. Domini civilis appellatio. Patria nomen Divinum. Vera Principum Divinitas in cultu veri Dei. Dii in sacris literis dicti Judices, Angeli, qui & Heroes. Cur non & Principes? quorum Divinitas abundè demonstratur. Divinitatis titulus Principi à civilitate Aulicorum, Poëtarum, & oratoribus. A Principum beneficiis illis attributus. Benefici Dii dicti. Reges βασιλεῖς, Divinitas Principum à summo Sacerdotio, quod cum potestate politica conjunctum. Campanella, Filescus & Græserus notant. Divinitas Principum à Dei erga illos curâ. Rex sui Rex diviniſſimus.

Queruntur tam Theologi, quam Philosophi causas secundas & primas sæpe inter se confundi. Inde omnium Errorum seminarium. Hinc omnis ferè Idololatriæ Origo, dum in Dei sede collocantur, qui ejus vicariam potestatem gerunt. Hinc pro Diis tot seculis culti principes, ut & maximam Theologiæ Ethnicæ partem absolverit illa Idololatria. Separabimus itaque nunc Politicam illam Idololatriam à genuino Principum cultu, & causas utriusque seorsim perpendemus. Idololatriæ causas potissimum tres statuo, abusum potestatis, adulationem, & vitium gentis. Potestatem enim cum summam habeat Princeps, oranium illi rerum adsit copia, licentia ejus nullo limite sit definita, facile hinc intumescet animus Regius, rerumque suarum & potentix securus insolentius se efferet. Hinc facilis à secundâ ad primam Majestatem μεταβάσις, & postquam jam arrogans factus est Princeps, paria quoque cum Deo meditabitur. Ita ille apud Senecam: *Quod Jovi, hoc Regi licet*, & Memmii apud Salustium: *Impare quid libet facere id est Regem esse*. Altera huic succedit causa Adulatio, quæ malum illud in privato Principis ingenio enatum sed delitescens continuo elicit, educit atque educat. Accedit deinde ipsius gentis vitium, quæ uti ad servitutem

vitutem sæpe nata, ita vel in adulationes prona, vel metu adaëta divinitatem illi defert, quando moderatum & debitum honorem supergreditur. Quo verè referas illud :

Primus in Orbe Deos fecit timor.

Ita ipse Tiberius, (sub cujus imperio adulationibus fordida erant omnia) Romanos Senatores sibi blandientes Dominumque salutantes vocabat homines ad servitutem natos, uti videre est apud Tacit. *Annal. lib. 2.* Harum causarum quasdam tangit Vopiscus in *Aureliano*, cum ait : *Et queritur quidem : quæ res malos Principes faciat ? Jam primum nimia licentia, deinde rerum copia. Amici praterca improbi, satellites detestandi, Eunuchi avarissimi, Aulici vel stulti, vel detestabiles &c.* Hoc adulandi genere potissimum excelebant Græci, unde & Augustin. *Epist. 56.* Græculum flatum vocat. De Romanis quoque Carnotensis Episcopus *Policr. lib. 3. c. 10.* ait : *Romanus omnis adulatione corrumpitur, aut corrumpis.* Idem de Romanis Tertullian. in *Apologet. c. 28.* Majori formidine & callidiori timiditate Casarem observatis, quam ipsum de Olympo Jovem. Et meritò, si sciatis. Quid enim ? ex viventibus quilibet non mortuo potior ? Sed nec hoc vos ratione facitis, potius quam respectu presentaneæ potestatis. Adeo & in isto irreligiosi erga Deos vestros deprehendimini, cum plus timoris humano Domino dicatis. Citius denique apud vos per omnes Deos, quam per unum genium Casari pejemur. Idem cur Imperatorem vocare Deum nolit, habet in *Apologet. c. 33.* Non Imperatorem Deum dicam, vel quia mentiri nescio, vel quia illum de-ridere non audeo, vel quia nec ipse se Deum volet dici, si homo sit. Intereſt homini Deo cedere. Satis habet appellari Imperator. Grande & hoc nomen est, quod à Deo traditur. Negat illum Imperatorem, qui Deum dicit. Nisi homo sit, non est Imperator. Atque hæc satis pulchrè disputata à Tertulliano, qui hominem aut Imperatorem esse non posse dicit, si Deus sit: nec Deum, si Imperator; cum homo à Deo longo distet intervallo. Nam uti Philo in *Legat. ad Cajum de,* simili re ait : *ἡτοιμασθαι δὲ εἰς ἀνθρώπων θεόν, ἢ εἰς θεὸν ἀνθρώπων μεταβαλεῖν.* Facilius est Deum in hominem mutare, quam hominem in Deum. Exagitat eo in loco Philo Caij insaniam, quod Deus haberi voluerit. Quam ambitionem cum omnium iniquissimè tulerint Judæi, divinumque ei honorem exhibere recusârunt ; in magnum ejus incurrerant odium. Semper enim à tali Idololatria abhorruerunt Judæi, quod Seldenus de *Jure Natur. Hebræor. lib. 2. c. 8.* prolixè demonstrat. Illa autem *εἰρωνικῶς* ita describit Philo : Refert enim adulantium vocibus haud dubiè inductum, ut eum, qui præstantissimæ hominum parti præest, hominibus majorem crederent, sicut est opilio ovibus, bubulcus bobus. Quod quidem argumentum, quamvis ridiculum, suum tamen fecit Campanella in *Philos. Real. part. 3. c. 3. apb. 6.* Princeps bonus (ait) tantum debet præcellere subditos virtute, quantum pastor gregem,

qui est superioris speciei. Sed quæ addit, suo more dixit: *Homo autem hominem specie non superat, nisi divinus sit Deoque plenus, vel Angelus, vel Deus visibilis factus, ut Christus.* Ridet quoque Philo Cajum, quod Apollinem, Martem, Mercurium, nulla virtutum aut meritorum æmulatione, voluerit æquare. Imò ipsius Jovis nomen expetivit. Historiam leges apud Sveton. c. 22. Huc referri poterit illa an urbanitas an adulatio Callisthenis, qui in Alexandrum, cum Deus vellet haberi, & tamen vulneratus esset, viso ejus sanguine, hos vibra-
vit jocos: mirari se quod non esset

Ἰχὼρ οἷον πίπτει πέρι μακάρεσσι θεοῖσι

Sanies quadam, qualis à Diis immortalibus effluit.

Quem versum ex Homeri *Iliad.* E. de Venere à Diomede vulneratâ adduxerat. Credebant enim gentiles Diis suis non esse sanguinem, sed liquorem quendam ἰχὼρα sanguini similem. Quia enim non cibo nobis familiari, sed nectare & ambrosiâ pascebantur superi, ergo & ἀθάνατοι credebantur & exangues. Sed gravissimas Callisthenes temeritatis suæ pœnas dedit. Et omnino turpissimum hoc est, si à Principibus ipsis hæc affectetur infamia. Ita Antonius Liberum se patrem dici voluit, & hoc nomen statuis subscribi jussit, habitu quoque & comitatu Liberum imitatus est, cui venienti occurrerunt Athenienses, eumque Διόνοσεν salutarunt. At cum illi adularentur dicerentque, se despondere illi Minervam in matrimonium, ducturum se ille respondit: sed non nisi cum dote mille talentorum. Ita pulchrè ars arte delusâ. Commodus quoque cum ad Senatum scriberet, inter alios titulos usurpabat & istum: Ῥωμαῖον Ἡρακλῆς Romanus Hercules, uti & Dio tradit & Lampridius in ejus vitâ. Qualis ille Herodis Agrippæ fastus? cui populus dicenti acclamabat: *Vox Dei non hominis.* de quo *Actor.* 12. Quanta Alexandri infamia? qui ad Græcos à victoriis suis turgidus scribebat, ut se Deum facerent, cui Laconicè & falsè responderunt (Æliano teste l. 2.) Λακεδæμονίη: *Quoniam Alexander Deus vult esse; esto Deus.* Quanta Pacati Drepanii adulatio in Panegyrico ad Theodosium Magnum? *Fidem constare* (inquit) *nescimus auditis, DEUM dedit Hispania, quem videmus.* Et planè impium, quod Deum ibidem participem Majestatis Imperatoriæ faciat, quod Imperatorem adorandum dicat, vota illi toto terrarum orbe facienda, quod fata hominibus distribuat. Mauri omnium impudentissimi, qui manifestè Reges tanquam Deos colunt, nec ullo velamento hoc nomen prætexunt, ut Cyprianus *de vanitate gentium testatur.* Inprimis autem Juba cultus, vel quod primus ille & potissimus, vel quod commune omnibus Regibus nomen fuerit. Ouzelius *Animadversionibus suis in Minue. Felic. p. 134.* affinitatem quandam inter hoc nomen & τετραρχεῖν αὐτῶν ἡγεῖν agnoscit, ut ex hoc factum illi videatur. At quis ferat ambitiosas illas Christianorum Imperatorum

torum de se voces? *Nostra Divinitas. Nostrum divinum præceptum. Sacrum, Oraculum. Cæleste Oraculum. Nostrum Numen. Divinum verbum nostrum. Divina beneficia. Divina Domus. Manus divina. preces altaribus Imperatorum fusa. Justiniani divinum numen. l. 3. C. de summ. Trinis. l. 5. C. si. cont. jus vel utilis. l. 10. C. de sacros. Eccles. l. 8. & u. C. cod. l. 2. C. de mandat. princ. l. 5. C. de divers. rescript. l. 10. C. de LL. Novell. Theodos. tit. 25. Novell. Anthemii. A. tit. 1. Novell. const. 128. Intolerabilior ferè illi Christianorum Imperatorum, quam ipsorum Ethnicorum insolentia. Notatur ab omnibus illa impudens Domitiani arrogantia, de quo Xiphilinus, quod imperio ejus factum sit, ut & in Epistolis & formulis omnibus Dominus & Deus noster appellaretur. Se ipsum quoque ita vocavit, quod habet Sveton. c. 43. Cum procuratorum suorum nomine formalem dictaret Epistolam, sic capit: Dominus & Deus noster sic fieri jubet. Excipiebant hoc continuo Poëtæ, genus ad adulationem natum & ad propagandam politicam illam divinitatem præclara instrumenta. Stat. de eo lib. 4. Sylv.*

En hic est Deus, hunc jubet beatis

Pro se Juppiter imperare terris.

At Martialis singulis fere paginis jam Deum jam Jovem nominat, à quo plura quam à Jove ipso expectabat. Geminabat & ille voces Domini & Dei, ut accuratè edictum observaret. Sic ille lib. 5. Epig. 8. Edictum Domini Deique nostri. Dominus autem idem qui Deus. Unde & Commodus Herculis nomen ambienti à Senatu aliquando acclamatum est: κύριε εὖ Dominus Deus es. Ita Gentiles inter alias precandi formulas etiam hanc habuere: κύριε ἐλέησον Domine miserere, quâ precandi formulâ nihil nunc quoque Christianis est frequentius. Arrian. in Epictet. l. 2. c. 7. Τὸν θεὸν ὁμιλούμενοι, δεόμεθα αὐτόν: κύριε ἐλέησον. Deum invocantes precamur eum: Domine miserere nostri. Quare & displicet ille Imperatoris titulis Tertull. Apologet. c. 34. Dicam planè (inquit) Imperatorem Dominum, sed more communi, sed quando non cogor, ut Dominum Dei vice dicam. Duplicem ergo ejus vocis acceptionem innuit Tertullianus: unam quâ communis: alteram quâ divinus titulus est. Diis illud nomen datum plura docent Exempla. Ovidius Dominum Jovem vocat. Ita apud Julian. in Cæsaribus legis δεσπότην Δία. Ita Adonin Lacones κύριον i. e. κύριον dixere. Hesychius: Ἀδωνις δεσπότης ὑπὸ Φοινίκων Adonis Phœnicibus Dominus est atque ipsum 𐤀𐤃𐤍 V. Bochart. Georg. sacr. part. alt. lib. 2. c. 11. Eliam Sched. de Diis German. Syn. 1. c. 4. Ita à Phœnicibus, teste Philone, Deus κύριος ἕγενται 𐤀𐤃𐤍 𐤇𐤃𐤍 vel, ut lingua Phœnicum, profert βασιλείαν dicitur. Vide de eo erudita apud Vossium in Etymologico sub voce Balsamum. Ovid. 4. Fastor. & Magnam matrem Cybelem Dominam vocat, quod ei proprium nomen fuisse Varro testis est. Ita Plato de Leg. 3. Terram

Terram & Patriam *θεὸν δέσποιναν* Deam Dominam vocat. Eodem Domina titulo peculiariter Regina & Augusta Regum & Imperatorum Uxores vocata, ut Græcis *δέσποιναι*. Turnebum vide sis *lib. 21. c. 6.* & *Cal. Rhodigin. lib. 24. c. 17.* Hinc illæ acclamationes: *Domino & Domina feliciter!* Græci postea adsciverunt vocem *δόμνον* & *δόμναν*, quæ deinde & cognomina facta sunt, quod notat Salmasius in *Æl. Spartian. p. 142. D. E.* Idem *δάμας* Græcis, ab imperando ita dictum. V. Germ. Val. Guellium. in *Virg. Æn. 6. v. 397.* Martianus Capella *l. 2.* Mercurium Dominum vocat: *In fanis, ait, omnibus soliditate cubicâ Dominus adoratur.* Sacrificantes apud Persas ad ignem ajebant: *Comede Domine Ignis*, quia summum illum Deum habebant. *Jul. Firmic. libr. de Errorc profan. Relig. Bulengerus. Eclog. Arnob. c. 5.* Ad illam mentem illud Horatii quoque capias: *Od. 1. l. 1. Terrarum Dominos evehit ad Deos.* Divinum ergo nomen Dominus est, & ut Tertullianus ait, Dei cognomen: Ad quæ notat P. Georg. Ambianus *Observ. 1. Deus est nomen, Dominus cognomen. Illud nuncupat; istud demonstrat. Deus cum sit omnium creator, etiam solus possessor.* De voce illa, quomodo apud sacros autores pro Deo ipso capiatur, vide Ludov. de la Certa. *Advers. sacr. c. 106. §. 8. & c. 112. §. 14.* Pro communi tamen more se Imperatorem Dominum appellaturum dicit Tertullianus. Ita quemcunque appellabant civili aliquâ significatione, quæ quotuplex sit, notat P. Georg. Ambianus eo in loco, *Lips. ad 2. Annal. Tac. c. 87. Torrent. ad Sueton. August. c. 53. Bulengerus de Imperat. Rom. lib. 1. c. 32. Rader. ad Martial. l. 1. Epigr. 67. (82.)* In Divinis quoque nominibus Patris vox est, quam Gentiles quoque usurpant. Vide Lactant. *lib. 4. divin. inst. c. 3.* Eo etiam Imperatores honorati. Apud Euseb. *l. 4. Histor. Evang. c. 8.* Minucius Fundanus Proconsul Asiæ scribit, *ἐξ ὀπισθοῦς ἢ ἑμεγίστη καὶ ὀπισθοφανερὰ καὶ οὐρα καὶ ἀδριανῆ, ἢ πατρὸς ἡμῶν.* Ex Epistola maximi & illustrissimi Cesaris Hadriani Patris omnium nostram. Pertinaci acclamatum in Senatu: Patri Pio, Patri Senatus, Patri omnium bonorum. Statius *l. 4. Sylv. Domitianum* vocat parentem mundi. Pausanias Antoninum vocat *πατὴρ ἀνθρώπων* Patrem hominum. Eustathius, quatenus hæc vox de Deo & homine dicitur, diversâ etyma assignat: *ὁ μὲν θεὸς ὡς τὸ πάντα τηρεῖν πατὴρ λέγεται. πατὴρ ἢ ἀνθρώπων ὡς τὸ τὰς παῖδας τηρεῖν.* Sed hæc ineptæ subtilitates. At quoniam hic titulus etiam aliis communis est, sine ullo Idololatriæ metu Principes eo dicentur.

Atque hæc affectata illa Principum divinitas, quam Idololatriam vocamus, de quâ hætenus diximus, quæ nunquam sine manifestâ quâdam turpitudine & impietate fuit, & quam boni Principes semper declinant, qui tamen eò magis divini dicendi, quo minus divini esse volunt. Neque enim hoc nunc agimus, ut suam Principibus divinitatem, quam illis à sacris literis quoque concedi scimus, denegemus. *Veri enim Principes* (ut est apud

apud Tertullian. Apolog. c. 39. *sentiant eum esse Deum solum, in cuius solius potestate sunt, à quo sunt secundi, post quem primi, ante omnes & super omnes Deos. Quidni? cum super omnes homines, qui utique vivunt, & mortuis antestant.* Et augusta est Principum divinitas, si veritate nixa sit, si divina conformitati studeant. Deos illos vocatos in sacris literis quis nescit? Nam & Iudices Elohim dicuntur. Et cur illis nomen Deorum denegemus? quod potestatibus minoribus tam cœlestibus quam terrenis datum, tam in sacris literis, quam etiam apud Philosophos veteres scimus. Ita & apud Platonem & alios Philosophos Angeli vel Genii Dii dicuntur, quod præclare demonstrat Augustinus Steuchus Eugubinus in perenni de perenni Philosophiâ opere l. 8. Sic Plato in Phædone ait: Viros bonos post mortem proficisci *πρῶτοι μὲν ὧν τὰς θείας ἀλλας, σφύρει καὶ ἀγαθὺς. ἔπειτα δὲ παρ' ἀνθρώπων τελευτηκότας ἀμείνεις τὴν ἐνθάδε, ad Deos quidem alios sapientes & bonos, cum homines jam vivā fœdus, longè his, qui apud nos sunt, meliores.* Per Deos autem illos Angelos intelligit, quos in Convivio Dei interpretes & nuncios fecerat. Deos, Dei filios & amicos vocat Maximus Tyrius *differt. 1. & γὰρ τρισμύριοι μόνον θεοὶ θεῶν παῖδες καὶ φίλοι, ἀλλ' ἀληθοὶ ἀριθμῶ.* Nec enim tantum triginta Deorum millia supremi illius Dei filii & amici sunt, sed innumeri. Ibidem: *Θεὸς εἰς πάντων βασιλεὺς καὶ πατὴρ, καὶ θεοὶ πολλοὶ θεῶν παῖδες συνάρχοντες θεῶν.* Veterum Heroas quos Semideos fecerunt, inter Hominem & Deum medios, Angelos fuisse prodidit Philo *ᾧ Φουτρυγ: In summo, prope ipsum æthera, inquit, esse animas purissimas, quas Græcorum Philosophi Heroas vocant, Moyses ex re Angelos vocat.* Non aliter 1. Corinth. 8. 5. *καὶ γὰρ εἴπερ εἰσὶ λεγόμενοι θεοὶ εἰναι ἐν ἑσθραῖ, εἴτε ὅτι τῆς γῆς (ὡσπερ εἰσὶ θεοὶ πολλοὶ, καὶ κύριοι πολλοὶ) Hic Θεὸς ἐν ἑσθραῖ vocat Angelos Θεὸς ὅτι γῆς, & κυρίως Principes.* Vide omnino Heins. *Exerc. sacrar. lib. 7. c. 5.* Nam si Dii dicuntur Angeli, cur non eo sensu quoque dicantur Principes, quos omnibus vivis & mortuis antistare dicebat Tertullianus? Eam quoque ob causam mysterium vocat imperium & principes Deos Gregor. Nazianz. *orat. Εἰς ἑαυτὸν, καὶ πρὸς τὰς λέγοντας ὁμιλομεν αὐτὸν τῆς καθάρως κοινωνικότητος.* Verba è Latinâ versione damus. *Vos Reges reveremini purpurati (nam & legum conditoribus hæc oratio legem dicit) agnoscite, quantum sit, quod vobis commissum est, & quid sit ingens illud circa vos MYSTERIUM. Tarsus vobis orbis subest, parvoque diadema ac brevi panno continetur. Superna quidem solius Dei; inferiora etiam vestra sunt, atque, ut aliquid audacius dicam, Illi estis facti civibus vestris.* Ita etiam, Salvator noster ipse *Matth. 22.* Deo Cæsarem non tam subjunxit, quam conjunxit, quo eminentiam ejus notabat, ipseque cum in terris ageret Majestatem ejus honoravit, quam tamen illi dederat. Pulcherrima est & docta explicatio ejus Divinitatis Ecphantis in libro de Regno apud Stobæum:

Εἰ τὰ γὰ ἀριστοφύεταί μὲν ἀνδρωπῶν, θαύματα δὲ βασιλεὺς ἐν τῇ κοινῇ
 φύσει πλεονεκτῶν τῷ πρῶτον. Τὸ μὲν πᾶν τοῖς λοιποῖς ὁμοῦ, οἷα γὰ
 γυνὴς ἐκ τῆς αὐτῆς ὕλης ὑπὸ τοῦ αὐτοῦ δ' εἰργασμένῃ λαῖτω, ὅς ἐπαχύνουσι
 αὐτοὶ ἀρχετύπων χρῶμα ἰαυτῶν. In terris homo quidem optimam sortitus est
 naturam : At inter homines Rex divinior est, multumque communem naturam su-
 pereminet, corpore quidem reliquis non absimilis, ex eadem quippe materiâ factus;
 ab optimo autem artifce fabricatus, qui formavit ipsum archetypo ex se sumpto. Ad
 eandem mentem Synesius Orat. de Regno. Deus ipse sese in intelligibilibus re-
 bus archetypum præbens providentia sua quandam imaginem tribuit, inferioraque
 ista jubet ex sublimiarum rerum imitatione temperari. Proinde summi Regis amicus
 est, qui hic eadem cum illo appellatione gaudes, nisi nomen omentiatur. Admitti
 ergo illa Deorum appellatio potest, ob potestatem à Deo concessam, &
 summum illud judicandi & imperandi munus, quod Deus ipsis quasi de
 manu in manum tradidit. Atque sic potissimum divinitatem suam ostendet
 Princeps, si illum semper suis titulis præfigat, cujus vicarius est. Ita lauda-
 bili more Græci Imperatores eo sibi titulo placebant, quod se vocarent,
 βασιλεὺς ἐν Χριστῷ Reges in Christo. In exordiendis quoque Edictis & Epi-
 stolis scribebant: ἡ ἐν ᾧ βασιλεία ἡμῶν Majestas nostra divinitus con-
 stituta. Vide Jus Græco-Romanum. l. 2. Novell. Basil. de struendis ecclesiis. Præ-
 clara sunt illa pietatis Regiæ Exempla, quæ in vetustissimarum Legum An-
 glo-Saxonicarum corpore, quod congestit Gulielm. Lambardus, passim re-
 perias, quæ quia vulgata non sunt, cur non citemus huc veneranda illa
 rudera? Ita Rex Inas, qui regnare cepit anno à Christo nato 712. leges suas
 incipit: Ic Ine mid godes guse West searn Cūning. Ego Inas Dei beneficio
 occiduorum Saxonum Rex. In fœdere Aluredi & Guthruni Regum conjungi-
 tur divina & Regia Misericordia: And mid athum gefæstnod. for hi sylfe. and
 for heora gingran ge for geborene. ge for ungeborene. the godes milse recce. oth
 the ure in quod præterea singuli non solum de se ipsis, verum etiam de natis suis, ac
 nondum in lucem editis (quotquot tantum misericordie divinæ & regie velint esse
 participes) jurârunt. Æthelstanus Rex se Dei vicarium & dispensatorem bo-
 norum, quæ subditi possidebant, facit, quos ut sibi de suis relargiantur,
 adhortatur, ne in offensionem divinam & regiam incurrant. Oth Ic eow
 calla eowra thinga geunne. on tha getade the geme mine georniath. wearmath
 eow. and his the eowe to belimpath. thær Drihtenes corres. and mines. Ete-
 nim cum eâ ego vobis lege benignè vestra omnia largitus sim, ut mea mihi vos iidem
 concedatis, prospiciote scitulo, ne quis vestrum, neve eorum aliquis qui vobis parue-
 rit, offensionem aut divinam aut nostram concitetis. Præclare hoc confirmat Sy-
 nesius, qui lib. 1. de Provid. Regi omnia terra, aeris, aqua munera Deos dedisse
 asserit: Regem vero usum earum rerum populo indulgisse, reservatis sibi pro commu-
 ni

ni felicitate curis & laboribus : Idem Plutarchus docet in libro : quod in Principe requiratur doctrina. Principes sc. esse ministros Dei ad curam & salutem hominum constitutos, ut quæ in nos bona contulit, partim distribuant, partim conservent. In fædere Edovardi & Guhtrumi Regum est : and bete georne de thām the seo dād sy Crist and Cuning. *Fraudator vero (prout ferret maleficii ratio) Christo & Regi satis facito, quam formulam sæpius ibi observet.* Canones quoque sub Edgardo Rege dati prohibent cultus hominum divinos, qui ibi vocantur man weorthunge. Imprimis autem in Legibus Canuti Regis, de Deo, Religione & Rege, de pace Dei, Regis & Ecclesiæ, de Pii Regis misericordiâ & justitiâ ad Divinæ exemplar instituendâ præclara habentur. Concludit demum leges suas obtestatione summâ & piissimâ, tanquam Dei vicarius : Nu bidde ic georne and on Godes naman beode manna gehwylene, that he inweardlice heortan buge to his Drihtne. *Nunc denique omnes obtestor, ac singulis in Dei immortalis nomine præcipio, ut verè atque ex animo ad divinum convertantur numen.* En tibi veram Principum divinitatem, quæ in vicariâ Dei potestate consistit ! Hos Φιλοθεῖς, & Κοιβεῖταις & Θεοφυλάκταις nominabant, *Christi amantes, piissimos & à Deo servandos.* Sed de sanctitate Imperii plurimobis dicentur in *Fato politico* & in *dissertatione de Titulis principum divinis.*

Hic ergo verus Princeps, qui Dei gratiâ se principem esse novit, ille inter homines quidam quasi Deus, quem gratia Dei conjungit cum Deo : *Sic enim omnibus major est (inquit Tertull. ad Scap. c. 2.) dum solo vero Deo minor est. Sic & ipsis Diis major est, dum ipsi sunt in potestate ejus.* Hæc vera illa Divinitas, quam ipse Deus illis confert, cujus existimationem ille subditorum animis immittit, non quam ipse sibi arrogat, non quam aulicorum palpus obtrudit. Sed negandum tamen non est, non adulatione semper, sed quâdam aulicorum civilitate, quam ab adulatione diversam esse sana sva-
det ratio, tum & Rhetorum & Poëtarum figuris multa ejus generis originem traxisse, nolentibus ipsis Principibus, licet sæpe quorundam Principum accesserit insania, qui quod illis ultrò offerebatur, pro lege recipiebant, & immodesti oblata modestia fiebant. Hanc quoque causam agnoscit Böclerus in *dissert. de Auspicio Regio c. 2.* & in *dissertatione de Elegancia Moris Civilis & Aulici.* Interdum quoque Principum ipsorum Bonitas & Liberalitas à Civibus amata, qui Principes (ut Seneca lib. 1. de Clem. c. 4. ait) sæpe ultra privatas etiam necessitudines amant, vel rerum gestarum amplitudo illis vel nolentibus addidit elogium, quod nec in aliis insolitum erat, qui ob beneficia sua Dii audiebant. Jul. Firmic. de Error. profan. Religion. *Amat Græcorum levitas eos, qui sibi aliquid contulerunt; vel qui consilio, vel qui virore se joverunt divinis appellare nominibus, & sic ab ipsis beneficiorum gratia repensatur,*

ut Deos dicant, qui sibi aliquando profuerunt. Idem Philo asserit in proloq. Euseb. in 1. præpar. Evang. ὅτι παλαιότεροι τῷ βασιλεύειν, ἐξαιρέτως ἢ Φοίνικες καὶ Αἰγύπτιοι, παρ' ὧν καὶ οἱ λοιποὶ παρέλαβον ἀνθρώποι θεὸς ἐνόμιζον μεγίστης τῆς πρὸς τὴν βιωτικὴν χρείαν ἐνέχοντος, ἢ καὶ κατὰ τὴν εὐποιήσασθαι τὰ ἴδια. Εὐεργέτας πὲρ τούτων, καὶ πολλῶν αἰτίων ἀγαθῶν ὡς θεὸς προσκύναν. Eam quoque significationem inter quintuplicem Dei notationem refert, Tzetz. ad inir. lib. 1. Hesiod. ἐργ. καὶ ἡμέρ. & ex eo, (uti videtur) Muretus in Catull. p. 55. qui etiam addit Sapientes Deos vocari solere. Ad illam rationem Ennodius Ticinensis Panegyrico ad Theodoricum Regem Gothorum: *Inter Deos agnovisse proximè qui præstitit, eddidisse est beneficium.* Ita Antiocho Dei cognonem primò fuit inditum à Milesiis, quod Timarchum tyrannum expulisset, & revertens à victoriâ exceptus est non humanis solum, sed & divinis honoribus, uti refert Appian. in Syr. Atque ideo, quia Dei nomen nomen sit liberalitatis & Magnificentiæ, & à dando dictum, putat illud nomen potissimum in Principes atque Patronos collatum Martinus Roah Singular. l. I. c. 9. Inde est, quod Reges *Κεργέται* vocantur tam sacris profanis literis. Sic in illo loco Prov. 8. v. 15. *Per me Reges regnant, & legum conditores iusta decernunt.* In Hebraicis est vox מְנִיפִיץ i. e. munifici. Græci verterunt *τύεργοι*. Aquila & Theodotio substituerunt *ἐκσυαζέμενοι* i. e. sponte munifici. Apud Homerum multa ejus rei sunt, solennisque apud eum venerationis formula est, quæ beneficos & viros fortes vocat Deos. Sic *Iliados* I.

--- --- --- σὺ δ' ἄλλως περ παναχαιῆς
 Τηρομένους ἐλάτεις κτ' εἰρατὸν, οἱ σὲ θεοὶ ὡς
 Τίσσας ---

Alibi Ulysssem fingit Minervam pastoris formam indutam sic alloquentem. *Odys.* N. 239.

--- --- --- σὺ γὰρ ἐγώ γε

Εὐχομαι ὡς π. θεῶν καὶ σὺ Φίλα γέναθ' ἱκάνω

Nam ὡς θεῶν *ἄχετῶσθαι* de iis qui σωτῆρες quovis modo fuerunt, dicebatur. Sic est ὡς θεὸν *δέχεσθαι* Il. χ. 433. & *Odys.* η. 69. Idem de Viro forti Il. 483. *Odys.* ζ. 36. θ. & infinitis locis aliis: Imò ipse Jupiter tanquam Deos honorare dicitur, quibus ille beneficia exhibet Il. ξ. 73. Imò nec ipse sacrae Literæ abhorrent à tali loquendi genere. Ita *Exodi* 4, 16. *Erit tibi pro ore & tu eris ei* מְנִיפִיץ Genes. 33. 10. *Vidi faciem tuam ac si viderem DEI* מְנִיפִיץ Gr. Θεῶν. Ob rerum gestarum magnitudinem C. Jul. Cæsar Deus dictus. Diodor. Siculus libr. 1. Γαίῳ ἰέλιῳ καὶ σαρὸν ἀγὰ τὰς πράξεις προσεγορευθῆς Θεός. Joannes Tzetzes lib. 1. *Histor.* 68.

ὅθεν πρὸς ἑλπίδι ἐκλήθη τοῖς Ῥωμαίοις

ταύτην καλὴν ὡς πρᾶξιον εὐεργεσίαν ἐπαυρίαν

At Dio Cassius libr. 44. aperte de J. Cæsare refert, quod templa sibi vivo exstrui passus sit & honores divinos sibi exhiberi permiserit. Quod observari potest, ne imponant nobis, qui Augustum primum Divinis inter Principes titulis, dum viveret, & honore divino donatum esse putant. Deus Augustus vivus vidensque dictus est, quamvis per modestiam primum, templa sibi exstrui non sit passus, quæ tamen deinde admisit. Virgilius illum Deum dixit *Ecl. 1.* cui adulatio quædam subest, quicquid etiam neget Servius. Ita apud *Asben. l. 5.* est: Πᾶσα ἢ πόλις ταῖς ὑπὲρ ἀνθρώπων τιμαῖς ὑπαντῶσα κατακαλεῖται τὸν θεὸν βασιλέα. *Obvia Univerſa Civitas Regem ipsum appellat Deum, honore ultra mortalem.* Sed hæc vocabula, quæ à divinitate transferuntur, quamvis illa præclarus quidam in Principes affectus sæpe excogitet; facile tamen in adulationem degenerant, & ab hac in idololatriam. Quare cautus in illis admittendis erit Princeps Pius.

Venio nunc ad aliam causam, quam ego maximum ad divinitatem principum adjumentum attulisse credo. Ea est: quod summum sacerdotium principatui conjunctum fuerit apud plerasque omnes gentes. De Egyptiis Plutarch. lib. de *Isid. & Osirid.* Οἱ βασιλεῖς καὶ ἱερεῖς ὅντις. *Reges, qui iidem sacerdotes.* Eodem teste, advocatis jam Regibus ab administrandâ Religionem, Reguli sacrorum & Religionis curam susceperunt. Dionysius quoque meminit lib. 2. ubi describit constitutionem Regni factam à Romulo: *Ac Regis quidem munia eximia esse jussit, primum, ut sacrorum & sacrificiorum principatum haberet, & omnes res divina ac pia per eum agerentur.* Certè Zozius lib. 4. *hist.* tradit omnes Imperatores Romanos ab Augusto ad Gratianum usque non modo Pontificis Maximi titulum libenter usurpasse, verum etiam Pontificatus insignia. Reges quoque olim Sacerdotum munereungebantur, sacrificabant, immolabant. Sic Virgilius Æneam passim sacrificantem inducit. V. de la Cerda in *III. Æn. v. 21.* Hinc illa Principatus divinitas. Sed ab eo more inde discessum, quod eam ob causam factum putat Grotius in *Dissertatione postuma de summo Sacerdotio*, quod ætate superiori Reges plerosque ipsa licentia corruerit, ut inde Sacerdotum contemptus sequeretur, illum ipsius Religionis neglectus; qui ne ulterius dimanaret, sequestrata quodammodo hæc fuere munera. At ineptiæ & nugæ sunt, quas somniat exinde Campanella *Philos. Real. part. 3. c. 8.* omnia ad primum statum naturalem divinamque reverteri debere, postquam scilicet omnes religionesque immutata fuerint, ubi regnet Rex unus idemque sacerdos cum Senatu optimatum. Verum hæc Enthusiasmum sapiunt & quæ ibi de Monarchiâ Hispanicâ adduntur futilia commenta sunt. Nec tamen Filescus audiri debet, qui

in dissertatione de *Sacrâ Episcoporum auctoritate* c. 7. §. 7. perstringit Græcos, quod Imperatori suo summum Pontificatus titulum attribuerint, eosque adulatorem vocat & homines ad servitutem natos, cum tamen eo ipso demonstret se potius adulatorem & servum primatus Pontificii. *Balsamoni* quoque vehementer ob id succenset *Gretserus* lib. 3. *comm. in Codin.* c. 9. n. 18. Aliqui quoque Reges spiritu Prophetico afflari à DEO putant, moti illo, quod est Proverb. Salom. c. 6. *Divinatio est in labiis Regis*, quod tamen de *ἄσوخία* quadam & sagacitate in subodorandis rebus occultis, judicandis cautis perplexis interpretatur *Pet. Molin.* in *Vate* lib. 1. c. 20. Inter causas divinitatis quoque referri meretur cura & providentia circa Reges divina, quâ illos manu quasi suâ ducit. Sed de hoc fusè præclare differit Vir Cl. *Joh. Henr. Böclerus* in elegantissimâ dissertatione de auspicio Regio. Dicemus & nos nonnulla in *Fato nostro Politico*.

Verum ea omnia nunc non disputamus intimius, ne Theologorum vineta cadere videamur. Nostantum ea verosimiliter attulimus ad causas divinitatis Regiæ investigandas, de quibus hætenus. Nos illis Divinitatem vicariam non denegamus. Sint illi divini, nisi divinitatis titulum in demonis larvam permutent. Sint Reges sui ipsius, tunc erunt Dii inter homines. *Primum omnium* (inquit *Synes.* *Orat. de Regno*) *Regem, duce ac principe Deo, ipsum sui ipsius regem censeo esse oportere, monarchiamque sibi quandam esse in animo constituendam. Sciat se uni debere esse subditum, ut imperet omnibus, temperetque se inferior potestas, ad normam sublimioris.* Perpendant se esse homines, nec Divinitatem stultè affectabunt. *Nemo potest* (ait *Senec.* l. 1. de *Clement.*) *personam diu facere, facta citò in naturam suam redeunt.* Imò *Uc ceterorum hominum* (quod *Plin.* in *Paneg. ad Trajan.*) *ita principum illorum omnium, qui sibi Dii videntur, ævum omne & breve & fragile.*

CAP. II.

PRINCIPES SEMIDEI.

Principes Dii genitos se fingeant. *Varronis* eâ de re præceptum expenditur. *Heroes dicti illi & Semidei.* *Plato* quoque illarum fabularum assertor. *Origo earum videtur ex loco Moysis non rectè intellecto hausta.* בְּנֵי-אֱלֹהִים qui dicantur? *Fabule de Heroibus sensus verus. Familiarum origo à Diis Anaces. Principes Dei filii. Deorum Cognati. Cælo lapsi, Cæli & terra filii. Ejus appellationis rationes tres. Solis filii, Infamia natalium sepe sub illâ fictâ divinitate recta. Terra filii. Gigantes. Theuth Germanorum. Non est Chaos. Anses diè Spânse Germanorum Semidei. Ansibarii. Væ Pontapius notatus. Principes Semidei Draconibus geniti. Draconum apud Gentiles cultus. Qui Principes verè Semidei?*

A primo

A Primo Divinitatis Politicæ gradu, venio ad secundum, sed qui ducit ad primum; ab eo tamen distinctus est. Qui se Deos nominare non audebant, fingebant se Diis genitos, & SemiDeos, aut ut *παρωδία* Ovidiana loquar:

SemiDeosque Viros, Semivirosque Deos.

Notat illum inter alios morem Seneca l. 4. de Benef. c. 48. *Non est, quod Te isti decipiant, qui cum majores suos recensent, abicunq; deficit nomen illustre, illic Deum fingunt.* At pessimè Varro, Religionis Politicæ Architectus callidissimus apud Augustin. de Civit. Dei. lib. 3. c. 4. utile hoc esse civitatibus dixit, ut se viri fortes, etiamsi falsum sit, ex Diis genitos esse credant, ut eo modo animus humanus, velut divinæ stirpis fiduciam gerens, res magnas aggrediendas præsumat audacius, agat vehementius, & ob hoc impleat ipsa securitate felicius. Exempla ad eum locum notavit Ludovicus Vives in commentario, Scipionis & Alexandri. Ille nunquam elevari illam hominum existimationem voluit, quod Divino semine ortus esset. Apud Lucianum Alexander utile sibi ad res gerendas dicit fuisse, quod Filius Jovis Ammonis sit habitus. Timebatur enim, nec aliquis repugnare ipsi audebat, nempe quem crederent Deum. *Οἱ βάρβαροι, inquit, κατεπλάγησάν με καὶ ἰδεῖν ἐν ἀνθρώπῳ, οἰόμενοι, ἡγῶν μάχεσθαι. ὥς πρῶτον ἐκράτην αὐτῶν.* Sed male pereat profana illa Varronis Theologia, qui id tantum agit, ut vanā quādam Religionis specie Reipublicæ imponat, eamque in ordinem redigat, de Religionis veritate interim securus. Non quidem Heroibus Divinum illud denegamus commercium, & plusquam humanos impulsus, quodque iis erecti mortalibus sæpe viribus majora agant & audeant. Omnino enim Dei quædam vis hic est necessaria. Sed fabularum illarum gentilium causam non dicimus, quæ hîc nescio quos Dei & hominis concubitus somniant, ex quibus Heroes & SemiDei nati, quales plurimi Regum habebantur & colebantur. Propterea & Plato in Cratylo ἡγεως deducit ab ἔρωος, quod ex amore immortalis Dei adversus mortalem feminam, aut immortalis feminæ adversus mortalem virum geniti videantur. Sed planè alia ratione Heroas vocat Hesiodus 1. ἔργ. καὶ ἡμέρ. quod notum est: Labeo autem apud Augustin. de C. D. l. 2. c. 14. SemiDeos etiam Heroibus anteposit. In Apologia Plato dicit Damonas aut Deos esse, aut filios Deorum nothos ex Nymphis. Quare mihi non persuadebit Steuchus, Platonem hæc serio non dixisse, sed tantum ceu quasdam Poëtarum fabulas allegasse. Ita enim ille sentit in libro octavo æterni operis. Nec rectè Vossius contrariæ illius sententiæ Platonem defensorem facit, quod illi in mentem nunquam fuit: Illud enim Platonis in Symposio: *Ἦτος δὲ ἀνθρώπων ἔμεινεται*, Vir summus interpretatur de commixtione Venereâ *Instit. Orat. l. 1. c. 2. sect. 3.* cum de quoli-

quolibet commercio Plato intelligat. Verum sensum dabit locus integer. Ita ille habet: *θεῖς δὲ ἀνθρώπων, ὃ μὲν ἔστιν ἀλλὰ διὰ τὴν πᾶσι τῶν ὁμιλῶν καὶ ὁ ἀσέβητος, θεῖς πρὸς ἀνθρώπους, καὶ ἐξηγοῦν καὶ καθιδύσκει. καὶ ὁ ἰδὺν πρὸς τὰ τοιαῦτα σοφός, δαίμωνι δὲ ἀνὴρ.* Deus quidem homini non miscetur, sed per id medium commercium omne atque colloquium inter Deos hominesque conficitur, & vigilantibus nobis & dormientibus. Quicumque harum rerum peritus, δαίμωνι id est felix Vir & sapiens nuncupatur. Sed quicquid illarum fabularum tam apud Philosophos gentiles, quam Poëtas reperitur, omne id originem ducere puto à loco illo apud Moysen *Genes. 6. v. 1.* non rectè intellecto. Cui accessit Scriptum illud *ὑποβολιμαῖον* Enochi, quod illam rem multo cum apparatu tradit, cujus fragmentum exhibet Annotationibus suis in Eusebium Scaliger & Athanasius Kircherus in immortalis opere *Oedip. Egypt. Gymnas. Hierogl. class. 2. Gramm. c. 2. §. 4. p. 69.* Illi כְּנִיָּהּ אֱלֹהִים quos Angelos plurimi interpretantur omnes has fabulas extuderunt. Certe in errorem duxit etiam SS. Patres, Lactantium, Augustinum, Tertullianum &c. Confirmat quoque Joseph. l. 1. Antiq. c. 4. Confirmavit ipsa LXX. Interpretum versio, quæ in multis exemplaribus habebat: Ἄγγελοι θεῶν. Theodoretus contra illos quam maximè pugnat, & per filios Dei intelligit filios Seth, qui ita ob eximiam illorum pietatem dicuntur. At Chryl. Homus filius Seth, per quos intelligit γίγαντας, ἡρώας, ὑψηλούς interpretatur filios Dei: Filios autem Cain ταπεινούς. Locum integrum tibi dabit Steuchus *comment. in Genesim ad illum locum.* Hoc præclare illustraret sententiam illam veterum, qui proceram Heroibus suis staturam assignabant, & propterea pulchros illos vocabant, ipsos quoque Deos augustiore forma hominibus apparere credebant, ut & quidpiam divini hoc in principibus viris putarent, si illi communem staturam excederent. Secundum eam Indi & Æthiopes reges suos eligebant, quod nec ipse improbare Aristoteles videtur. Nam lib. 1. de Rep. c. 4. ait: *Ἐπὶ τῷ τόγῳ Φανερόν, ὡς εἰ πολλοὶ γένοιτο Ἄγγελοι τὸ σῶμα μόνον, ὅσον αἱ τῶν θεῶν εἰκόνες, τὰς ὑπολειπομένας πάντες φαίνεσθαι αἰ ἀξίως εἶναι τὰ τοιαῦτα δελεῖν.* Nam hoc quidem in promptu est; si qui nascantur, tanto aliis corpore excellentiores, quanto simulacris hominum antecellunt Deorum imagines: reliquos ab omnibus dignos pronuntiatum iri, qui his servant. Sed de hoc alibi differemus luculentius, & redimus ad nostros Semideos, quorum historia accuratius nobis pertexenda erat. Platonem certè, divinisimum Philosophum, fabularum illarum assertorem vidimus, nec negare id possumus, quamvis labem illam ab eo amovere tentet Steuchus. Sed profecto non tam indignè ideo tractari meretur Summus Philosophus à Bangio, qui in *Cælo orientis* ob hæc & alia quædam de Dæmonibus asserta, Philosophiam ejus vocat impuras scaturigines, detestandam, impiam: cum tamen

tamen nec pia magis lucem aspexerit; nec Platoni magis imputari ille Error possit, quam ipsis SS. Patribus, qui ipsi errores illos admiserunt. Variè Heroes illi & Semi Dei à veteribus dicti sunt. Vel enim intelliguntur Homines à Diis geniti, quales Aeneas, Romulus, & alii; vel qui ob præclara vel merita vel inventa cælo transcripti sunt post mortem. Dicti etiam sunt, ita Genii, Dæmones, Lares, imò omnes post mortem animæ. Sed his omnibus enumerandis otium nostrum non impendimus. Dicemus aliquando σύν θεῶν in tractatione de Heroibus. Sed quicquid demum sit de illis seu fabulis seu sententiis veterum, non illas, uti referuntur, omnino intelligi debere mihi persvadeo. Multa danda colori illi Poëtico, qui forte nihil aliud intendit, quam ut illud Principum & præstantissimorum virorum cum Deo commercium exprimat luculentius. Ita putat quoque Gellius libr. 15. c. 21. Ita ipsos Poëtas & Homerum in primis explicat Aristoteles *Eth. Nicom. lib. 7. c. 1.* quem locum, quia ad rem nostram maximè facit, adscribamus. *Ἡρώς ἡ τῆς ἡρωϊότητος μάλιστα ἂν ἀρεμότητοι λέγειν τὸ ὑπὲρ ἡμᾶς δεῖ τὴν ἡρωϊκὴν πρᾶξιν καὶ θείαν, ὥσπερ Ὁμήρου περὶ Ἑκτορος πεποιήκε λέγοντα τὸν Πριάμον. ὅτι σφάδρα τὴν ἀγαθὴν.*

--- --- --- ἔδὲ εἰώκει

Ἀνδρὸς γὰρ θνητῷ πάρις ἔμμεναι, ἀλλὰ θεῶν.

Ὡς εἰ; κατὰ τὴν Φασίν, ἐξ ἀνθρώπων γίνονται θεοὶ δι' ἀρετῆς ὑπερβολὴν, τοιαύτη τις ἂν εἴη δηλονότι ἡ τῇ ἡρωϊκῇ ἀντιπρὸςθεύῃ δῆμις. Feritati autem aptissime dicere possumus opponi eam, quæ supra nos est, herdicam quandam ac divinam Virtutem: quemadmodum Priamum Homerus de Hectore loquentem facit, quoniam bonitase ac virtute præstabat:

--- --- --- namq; illum haud esse putares

Mortali genitore satum, ac genus esse Deorum.

Itaque si (ut ajunt) propter excellentiam præstantiamque virtutis Dii ex hominibus efficiantur, talis erit profectò is animi habitus, qui habitui illi ferino opponitur. Hæc causa illa forte dici possit, cur Heros inter Deos & homines medius esse dicatur, cur ille, ut Lucianus ait, ἐξ ἀνθρώπων καὶ θεῶν σύνθετος fingatur, quia conditionem hominum altius supergressus divinoque numine actus ea agit quæ intendit, quod certè de Principibus, in quibus singularis illa Dei cura ejusque imperus in omnibus elucet, quam verissimum. Vide sis Andream Gorrutium de provident. divin. lib. 12. c. 2. Sed superstitio inde fabulas illas pro quâdam Theologiæ parte assumpsit. Hinc illi Jovis, Martis & aliorum filii. Imò ex hoc fonte omnes Dii. Hinc familiæ veterum à Diis traxerunt Originem, quod inter alios notat Heins. in *Aristarch. sacr. c. 1.* Ab Hercule Ἡρακλεΐδα, ab Apolline Ἀπολλωνίδα, καὶ Ἀπολλώνιοι, à Neptuno ποσειδώνιοι, à Jove Δίοι καὶ Διογενεῖς. Putat ergo eo in loco Heinsius, Διδόνου

N

dici,



dici, quasi *Διὸς υἱός* : Illum postea uno vocabulo appellatum esse *Διόσcuron*, ex eo postea *Διόνυσον* esse factum. Eadem in sententia est Vossius in de Idolatr. l. 1. c. 19. additque illum Liberum dici, quod sit filius Jovis, uti *Πόρην* Proserpina, Libera seu filia. Hinc sunt illi *Διόσκουροι*, quo nomine potissimum Castor & Pollux notati: idque *Διὰ τὴν ἀνδροειάαν*, ut loquitur Apollodor. Biblioth. lib. 3. plurimos tamen ejus nominis fuisse dicit Cicero lib. 3. de Nat. Deorum, quorum quidam *Anaces* dicti. Plutarchus in Theseo Castorem & Pollucem eodem nomine vocat, à quo Cicero illos excludere videtur. Idem quoque Theodoritus asserit lib. 8. Græcanicarum affectionum. His Dioscuris templum *Ἀνακείων* & festa *Ἀνακείων* Athenis dicta. Unde autem illi Anaces? An ex Hebræo *אנאכים* *Anakim*? quomodo dicuntur viri principes & strenui, qui genus ducebant à gigante *אנאכ* *Anak*. Ita placet, Vosio de Idol. l. 1. c. 8. & Bocharto Geogr. sacr. part. 2. lib. 1. c. 1. qui Asterii cujusdam Herois meminit è Pausaniâ in Atticis, cujus Pater fuerit *Anax* terræ filius, Eustathius ejus in Iliad. α. meminit, qui cæli & terræ filium nominat. Inde factum esse putat Bochart. quod apud Poëtarum antiquissimos nomen *Ἀναξ* in honore sit tanquam sacrum & augustum, regibusque & heroibus peculiare, & Dioscuros ideo *Ἀνακας* dictos, quod staturâ & majestate ceteris mortalibus antistarent. Vide & Reinethum *ισορημ*: Lingv. Punic. c. 8. n. 16. Ouzel. ad Minuc. Felic. p. 126. Ad Historicos jam & Poëtas si accedimus, semper divina illis in ore generatio: Theocr. Eid. 7. *Ἐκ Διὸς ἔγενετο*, ex Jove natus vel surculus. Ita Mamertin. Paneg. Maxim. c. 2. *Siquidem vos Diis esse genitos, & Numinibus quidem vestris sed multò magis virtutibus approbatis, quorum infatigabiles motus & impetus ipsa vis Divinitatis exerceat, quæ nos cæcis discursibus toto quem regis orbe deducit.* Homerus vocat Viros Principes *διοτρεφεῖς* Jove nutritos Iliad. α. ubi Eustath. *Διοτρεφεῖς τὰς βασιλῆας λέγει, ὡς τροφὸν καὶ διογενεῖς.* Huc spectat & illud, quod apud Barthium est Advers. l. 1. c. 18. qui Martialem Epigrammate 27. l. 10. quod in Diodorum scripserat, notare Domitianum putat, quia Diodorus sit à Jove datus, quod perpetuum Regum epitheton. Ælianus initio *πακτικῶν* Hadrianum Cæsarem Filium Dei vocat: *ἀντοκεγάτωρ καὶ σαρ, υἱὸς θεῶ, Ἀδριανέσι βασι.* At aliâ ratione hoc accipi debere, quam vulgo accipiunt interpretes, putat, Barth. Advers. lib. 7. c. 3. Non enim Filium summi Dei vocat, sed Antecessoris sui, quem Deum indigitat. Eâ ratione Ausonii Jovis filium illi vocare videretur Antoninum Oppianus Cynegeticon primo:

Κυσωνία θῆκας γλυκερὴν θάλασσαν, Ἀντωνίη:

Cognitionem quandam inter Deos & præclaros viros statuit Cicero, rejectis illis fabulis & absurdis philosophorum quorundam traditis, quæ sanior est sententia. Ita ille 1. de Nat. Deorum: *Sed tamen quis iste tantus casus? unde*

de tam felix concursus atomorum, ut repente homines Deorum formâ nascerentur? Semina Deorum decidisse de cælo in terras putamus, & sic homines patrum (ID EST DEORUM) similes exstitisse? vellem diceretis: Deorum cognationem agnoscerem non invitus. At hæc Stoicorum fuit sententia de origine primi hominis, de quâ Lipsius Physiolog. Stoic. lib. 3. dissert. 3. pluribus agit. Illam Cognationem Philosophi omnes intendunt, ad illam obtinendam præceptis instrunt. Hoc est, quod Imperator Antoninus vocat *συγγενὴ θεοῖς, θεοῖς συμπολιτὺς εἶναι*. Huc illud Manilii spectat *Astron. l. 2.* quod nemo possit reperire Deum, nisi qui pars ipsa Deorum est. Ita modestè & præclare Deo proximum Trajanum vocat *Eutrop. lib. 8.* Ob hæc, inquit, per orbem terrarum Deo proximus, nihil non venerationis meruit, & vivus & mortuus. Inculcat illam cognationem Pythagoras, Plato & alii, qui Sapientem Deo cognatum esse pronunciant. Inde factum, ut ipse Pythagoras, cum se Deo cognatum haberet, pro Apolline & Apollinis filio cultus sit, referente Jamblich. *lib. 1. c. 27. & 28.* & Philosophi Pythagorici, qui illum suum Doctorem pro Deo coluerunt, Theologi dicti sint, de quo vide Barth. *Advers. lib. 5. c. 7.* Inter Principes Augustus quoque vocatur Divis bonis ortus ab Horatio *lib. 4. Carm. Od. 2.* Imo Adulatores illum planè Deum esse dicebant, sed personam hominis induisse, ad orbem pacandum, quid enim aliud vult illud ejusdem Horatii *lib. 1. Od. 2?*

*Sive mutatâ juvenem figurâ
Ales in terris imitatur alma
Filius Maje, patiens vocari
Cæsaris ultor.*

Quare & precatur ibi Horatius, ut serus cælum redeat. Sic deinceps alii etiam principes cælo missi, & cælum redire dicebantur. Notissimum est, Cælo lapsos dictos fuisse Principes, Viros eximios, & bene de Republicâ meritos. Cicero pro Pompejo: *Pompejum omnes sicut aliquem non ex hac urbe missum, sed de cælo lapsum intuentur.* Ammian. *lib. 22.* loquens de Juliano Imperatore: *Effundebantur ætas omnis & sexus tanquam demissum aliquem visura de cælo.* Apud Homerum *Iliad. 6.* Græci putant Hectorem *ἐξ ὑψους καταλίσμῳ* descendisse à cælo. Imo id loquendi genus nec inusitatum erat de rebus aliis, quæ propter præstantiam suam admirantibus tales titulos extorquebant. Ita Statius de Equo Domitiani --- --- --- cælonè peractum

Fluxit opus?

Talia finguntur illa Imperiorum nonnullorum insignia cælo lapsa, ut Ancile Romanorum, & illa Scythici Regni insignia, aratrum, jugum, securis, phiala, de quibus Herodotus *lib. 4.* quemadmodum hodieque servantur apud Gallos sacræ illæ ampullæ & oleum cælitus missum, quo Reges inun-

guntur, quam ut fabulam historicis argumentis refutat Chiffletius in disquisitione de Ampullâ Remensi contra Tenneurium ejus traditionis assertorem. Idem de Liliis, quæ inter Gallica insignia sunt, aliqui fabulantur, de quibus vide Limnæum in notitiâ Regni Francici *lib. 1. c. 10.* & in primis Goropium Becanum Francicorum *lib. 4.* qui hic mira (ut solet) comminiscitur. Nobis alia de iis rebus differendi erit occasio: nunc de his obiter. Vidimus ergo, quod de Cælo venire dicantur Heroes & Reges, quod etiam post mortem redire creduntur. Sed & hoc hic monendum, quod ipsius Cæli filii habebantur. Saturnus, primus Italiæ Rex cæli & terræ filius credebatur, de quo Tertullianus Apolog. c. 10. *Tamen si homo Saturnus, utique ex homine, & quia ab homine, non utique de cælo & terrâ.* Aliam ergo causam subnectit, quare ita dicatur. *Cujus, inquit, parentes ignorarent, facile fuit eorum filium dici, quorum & omnes possumus videri. Quis enim non cælum & terram matrem ac patrem venerationis & honoris gratiâ appellat, vel ex consuetudine humanâ, quâ ignorat, vel ex inopinato apparentes de cælo supervenisse dicuntur.* Cui addit & illam, libro ad Nationes *lib. 2. c. 12.* *Rudes tunc agebantur & oculi & mentes hominum, ut cujastibet viri novi aspectu, quasi divino commoverentur, nedum Regis & quidem primi.* Vide Lactant. *lib. 5. divin. Inst. c. 8.* Atque hæc illæ dux rationes à Tertulliano allatæ, quare Saturnus cæli & terræ filius dicatur, quarum prima est communis omnibus, quam Seneca pulchrè exprimit *lib. 4. de benefic. c. 23. & Natural. Quæst. lib. 6. cap. 16.* altera causa est venerationis. Tertia, quam idem Tertullianus *lib. 2. c. 12. ad Nat.* addit, & necessitatis, quod scilicet ita dicti, qui spurii & incertis parentibus nati. Et sanè insolens non est, infamiam originis illo mendacio apud gentes tegi. Vide Rupert. *Observat. in Flor. lib. 1. c. 1. §. 11.* Eos quoque Solis filios dixerunt, uti Circe Solis filia dicta est. Plaut. in Epidico; *Hanc affererem Circei Solis filiam.* Huc pertinet, quod Lipsius refert *lib. de Vestalibus c. 15.* In tractu Peruano Virgines templis dicatas, si corpus polluisent, morte mulctari, nisi è sole se concepisse sanctè adjurassent. Quorum quidem hominum generatio à communi generatione ita differre videtur: quod cum Philosophus ad generationem hominis requirat solem & hominem; illis, excluso homine patre, solus sol sufficiat. Aliter tamen judicarunt de Saturno Steuchus, Goropius Becanus Hermathenz *lib. 2.* & alii, quorum hic Adamum vel Noachum, ille etiam Dei quoddam nomen in illo querit. Quæ quidem omnia non de nihilo, multa tamen illorum conjecturis audacibus plena, & nunc à nostrâ dissertatione aliena. Distinguebantur ab illis, Deorum Cæli & Solis filius, qui solius Terræ filii dicebantur, quo nomine plerumque scelerati, impii, ac Deorum contemptores veniunt, uti & qui obscuræ originis. Alii sunt, qui Gigantes vocantur, cujus vocis variam acceptionem in sacris nemo melius expli-

explicavit Theodoreto, quem locum alibi notamus. Qui Fraterculus Gigantis Juvenali dicitur, idem est Politian. Misc. c. 18. qui terræ filius. In sacris sine dubio sunt illi, qui vocantur בני התור בני התורה. Confer Genes. 6. v. 2. & Gen. 11. vers. 5. quod posteriori loco ita vocantur, qui turrim Babel extruebant, quos illos *Θρωμάχες*, quorum Gentiles meminerunt, fuisse unanimis fere omnium consensus est. Vide quid ad eam rem dicat Vir Clarissimus Bochartus in Phaleg. lib. 1. c. 13. Interpretari tamen amat Dickinsonus in Delphis Phœnicizantibus cap. 4. de Cananæis contra Israelitas pugnantibus. Ad nos illa lis nunc non spectat. Vide quoque, si lubet, quæ eruditè de Gigantibus commentatur Boganus in Epistolâ Delphis illis Phœnicizantibus præmissa, nam legi merentur. Germani etiam Tuitonem Deum terrâ editum celebrant, quod refert de illis Tacitus, quem aliqui Regem illorum fuisse interpretantur. Philippus Cluverus Germaniæ antiquæ lib. 1. c. 9. Deum ipsum interpretatur, & filium ejus Mannum Adamum. Sed scribendum esse putat *Theurb.* Verum vereor, ne magis acuta, quam vera sint, quæ tradit Georgius Hornius, qui Historiæ Philosophicæ lib. 2. cap. 11. Illum Chaos sive תוהו Thohu esse vult, quod non solum significat Chaos, sed ipsum illud Latinum nomen de se format, quod antiquis Latinis, teste Festo, erat Chohum, unde, vox inchoho: facilis enim Thau in Chet transitus, de quo eruditè disserit Steuchus in Cosmopœiâ in *Genes. c. 1. fol. 6. lit. D.* Alios quoque apud Germanos Heroas invenio Semideos, qui Anses vocabantur, sive die *Ἰάνση*. Ita enim Jornandes lib. de rebus Geticis c. 3. nominat, qui illud nomen, illos ex conflictu cum Romanis sortitos fuisse memorat. *Proceres, inquit, suos, quasi qui fortuna vincebant, non puros homines, sed Semideos i. e. Anses vocare.* Idem quoque Procopius confirmat. Kilianus in Dictionario addit aliam ejus vocis significationem: *Ἰάνς Collega, Socius.* Et est quoque vox *Hanza* vel *Hansa* quæ fœdus significat, unde aliqui urbes Hanseaticas dictas volunt. At Eques Spelmannus in eruditissimo Glossario, ex Tilio in Comm. de rebus Gallicis libr. 1. adducit, semper fœdus vel conventionem in antiquis monumentis dici *Ansen*, non *Ansen*: & urbes Hanseaticas à Gallicis dictas *les villes de la Hanse Teutonique*, qui & *Franckansen* (conventum liberum) dictum vult. Unde per Syncopen *Franffen*. Sed ad ipsum. Certum tamen est, Heroas Germanorum fuisse die *Ἰάνση* de quibus præterea vide Pontanum *Rer. Francicar. l. 2. fol. 162.* Superfunt nobis nomina *Ansbelm* i. e. *galea Viri magni*, *der Helm eines grossen Hansen* / *Ansbrecht* / *Ansfried* / *Answald*. Nugatur pro more suo Martin. in Lexico Etymologico, qui vetus illud *Ἰάνς* à Latino *bonus* deducit. Non consentio Pontano, qui Ansuarios eosdem facit cum Hansis, quos cum his nil ego habere puto

commercii. Malè enim Codices legunt pro Anſivariis, quorum meminit Tacitus Annal. XIII. qui eos pulſos à Chaucis ad Rhenum in Uſipiorum ſines veniſſe narrat. Antiqua ergo illorum ſedes inter Amifiâ & Albim fuit. Aliqui ſcribunt *Amſibarios*. Quod ſi rectè nomen ita per (m) ſcribitur facile conjicere licet illud nomen eſſe ab Amifiâ flumine, ut ſint die Baren an der Memſe: nam & vox Bar apud antiquos Germanos Heroem notat. Sic enim Autor des Heldenbuchs part. 2. bey den gar kühnen Baren / vel virum quemcunque, ut ibidem: den elendreichen Baren / i. e. miſerrimum Virum, quod & ex compoſitis illis elucet: Wehrbar / Mundbar / Ehrbar / ubi Bar idem eſt quod Mann / ut in vocibus, Schwerdman / Herman / Erdman &c. V. Marquard. Freher. l. 2. c. 12. not. ad libr. Petr. de Andlo. Pro filio quoque accipitur, ut in eodem Autore des Heldenbuchs: der reinen Magde Baren / i. e. Chriſtus. Inde Baronum nomen descendit. Aut ſi hoc non placet, dicas illos dictos, quaſi die Bauren ſive Buhren an der Memſe / Bau / enim, quod eſt à priori Bar / colonum ſignificat: vel die Memſefahrer / die an der Memſe fahren.

Sed redeamus ad Principes noſtros Semideos & Diis genitos: de quorum generatione ipſâ, & quædam hic dici poſſent. Variis enim figuris Diſe induiſſe finguntur, ut cum hominibus rem habere potuerint. Adfero nunc modum illum, quo in Dracones ſe transformare & ſub illorum ſpecie hominibus concubuiſſe crediti ſunt. De Alexandro M. notiſſimum eſt, matrem ejus à serpente ingentis magnitudinis concepſſe, quod Juſtinus refert lib. 11. c. 11. Idem de Scipione tradit Gellius l. 7. c. 1. Unde & perſaſio illa divinitatis orta. Cæterum obtinuit apud multas gentes illa Draconum divinitas, quæ ſine dubio ab antiquo illo Dracone introducta. Multa erudite è collatione literaturæ profanæ diſſerit Steuchus in c. 2. Genef. p. 71. & ſeq. quem ante omnes vide. Heroibus illi erant conſecrati, quod Plutarchus in Cleomene obſervat: *Οἱ παλαιοὶ μάλιστα τὸ ζῶον τὸν δράκοντα τοῖς ἡρώεσσιν ἀνέκεισαν*. Philoſtratus in Heroicis quoque de Dracone Aiaci Locrenſi familiari ſcribit. Et eruditiffimus ille Somniator Oneirocr. l. 2. c. 13. regni præſagium habet Draconem in ſomnis viſum. Vide prætereà Pier. Valerian. Hieroglyphicor. lib. 15. Rerum Naturalium Scriptoribus multa traduntur, de Draconum erga feminas nonnullas amore, cujus inſigne exemplum legas apud Cœl. Rhodigin. L. A. lib. 25. c. 29. Cui ſi acceſſerit talis aliqua ſuperſtitio, non mirum tam monſtroſas excogitari fabulas. Non videtur falli Dionyſ. Voſſius qui commentario in R. Moyſ. Maimonid. de Idololatr. c. 6. n. 4. ideo Cadmum in Draconem mutatum fingi putat, ejusque figuram ſepulchro ejus inſculptam eſſe, quod relatus ſit inter Semideos. Notavit idem eâ de re loco illo plura.

Sed valeant hæ fabulæ, habeat suas sibi res vana illa Idololatria. Semideos illos inter Principes non agnoscimus. Sic illa Draconum proles, imò Dæmonum. Sed vis Semideos dicere, qui vitam divinam in terris agunt? Non repugno: at malim ego tum Deos. Audiemus tamen & ultimo loco Goropii Becani de eâ voce iudicium. Is Hermathenæ libr. 7. *Rectissimè*, inquit, *divinum hominum genus Heroas dixit Hesiodus: eò quod omnis suprema Reipublice gubernanda potestas à Deo proficiscatur; sineque principes non solum populi & civitatis totius capita, sed etiam Semidei quidam, quibus nimirum, uti Diis, & honor & obedientia debetur, ipso Christo & D. Paulo sic fieri oportere demonstrante. Hæc vera est Heroici nominis & dignitas & interpretatio: à quâ, ut à totâ ferme reliqua Theologia prisca veritate, vana superstitio & fœda idolomania longissimè Poëtarum ingenia detraxis.*

CAP. III.

PRINCIPES DIVI.

Principes post mortem consecrati, Divi. Defunctorum cultus. Laves publici Principes. Idem Dii tutelares, Patrii, Indigetes. Principum consecratorum locus in cælo, Πάριδοι, σύνδεσμοι dicti. Circulus Læteus illorum sedes. Heroici & Divini cultus differentia. Germanorum Reges Dii. Ritus Consecrationis. Ad quid ille apparatus? Consecratio miraculis & juramentis fidei confirmata. Illa Consecratio omnis Idololatriæ causa. Dii Gentilium omnes homines: Saturnus, Jupiter & Cæteri. Philosophi tamen sub illorum nomine Deum verum expressere. Jupiter summi Dei Nomen. Veritatis Divina in ipsa Gentili Theologia umbra.

Vidimus Deos illos politicos modo ex asse, modo ex semisse tales, sed quorum divinitas non ultra ætatem illorum duratura videbatur. At ingeniosa fuit hæc Idololatria, quæ sedulo cavit, ne mortales suos haberet Deos; nec satis visus fuit temporarius ille cultus, nisi quoque iret in secula. Imò anticipabat ipsa fata illa ἀποθνήσκεις, dum Principibus illam quasi quodam representationis jure offerebant vana ingenia. Stultam illam divinitatis affectationem Alexandri Magni ignorare nemo potest, qui vivus consecrari voluit, quam fovebat Cleonis illa adulatio, quam tamen gravi illo & sapienti suo supercilio retudit Callisthenes, uti hæc ordine illo traduntur à Curtio lib. 8. In quo sane nimium quantum à Philippo Parente diversus filius, cui à puero, ad id constituto, cotidie mortalitas in memoriam revocabatur. Qui post fata in Deorum numerum referebantur, Divi vocabantur, quo nomine Julius Cæsar inprimis donatus est: quandoquidem illum Augustus primum consecravit, unde & κοροβλαστής apud Julianum appellari creditur, ipseque Cæsar *Numen Augusti* vocatur, & Inscriptio vetustissima

stissima, quam citat Vinerus ad Ausonium, Augustum vocat *Divi filium*. Sed mirum non est, Imperatoribus illum exhibitum honorem, qui & defunctis omnibus fuit delatus. *Apud Cic. lib. 2. de LL. lex illa est: Leto datos divos habento.* Sed alia tamen ratio istius cultus est, qui quidem sanctos & divos habebat defunctos, inter summos tamen Deos non locabat: Indignum enim illis videbatur, Principes communi tantum animarum jure censeretur. Qui à familiis consecrabantur & colebantur, hi Lares familiares *ἡεσες κατ'οἶκον* *dicti*. Principum autem, quia publicum nomen & officium, publicus erat, etiam ante ipsos Deos cultus. Et hi quoque Lares publici dicti, quos inter privatos Lares locabant & unâ cum iis colebant: qui ritus explicat locum illum Horat. l. 4. Od. 5. *& Laribus tuum Miscet Numen*: circa quem tot interpretes palparunt. *Lares publici* dicuntur in veteri monumento Romæ in viâ sacrâ effosso. *Lares Augusti & Caesarum* alibi dicuntur. De his Laribus publicis, vide quæ habeat Boethornius *Quæst. Roman. 6.* Quia ergo sibi gentiles persuadebant: animas Principum in cælum receptas adhuc curare res humanas, ac præcipuè ejus populi, cujus imperio præfuerant, illos summo divinitatis honore afficiebant, & pro Diis Tutelaribus suis habebant. Pro iis videtur accipi in veteri Lapide, in quo *Lares Civitatis Puteolorum* dicuntur. Ex eo forte est, quod apud Thuscos veteres *Laris* vox *πρωτεύων* sive prælidem notârit. Unde iisdem *Lars* populi Princeps, qui duodecim Lucumonibus imperabat. De quo Lartius nomine vide Robortellum in *Annotationib. variis. c. 6.* & Sigonium *Emendat. l. 2. c. 9.* Inde Nannius *Misc. lib. 5. cap. 12.* Anglorum *Lordas* seu Dominos esse putat; quod quâ ratione credere possem vellem nos doceret. Verosimile forte esset, si credendum quod Mylius de antiquitate Linguae Belgicæ c. 20. evincere conatur: Linguam illam Celticam & Belgicam, Aboriginum linguâ antiquiorem esse. Vide tamen, quid de nomine Laris pro suo more meditetur Gorop. Becanus in *Hermathen. lib. 7. p. 159.* Variis jam nominibus notabantur Principes in Deos translati, propter munus illud tuendi patriam. Dicebantur *ἱεὶ ἰνδὶγέτες* *καὶ ἰνδὶγέτες*, Dii Indigetes, cujus nominis rationem doctè persequitur Vossius in *Etymologico*, & de *Idololatr. lib. 1. c. 12.* quæ hic non repetimus. Vulgares illæ & plebejæ animæ intra Lunæ Circulum subsistebant. Illa Dæmonum & Heroum classis, seu SemiDeorum, quemadmodum Martinus Capella lib. 2. illas didistinguit. A Lunâ ad Solarem globum Locus erat secundæ beatitatis mentibus, A Solari Circulo ad Cælum summum, Deorum & Cœlitum sedes constituta. Huic Regioni Jupiter præsidebat, cæteris Sol & Luna. Quare non oportebat Principum animas inter vulgares illas locari. Illi *πρίπεδεσι* Deorum fiebant & *σύνδεσσοι* & quasi assessores. Erat Synodus & Collegium Deorum, cujus præses Jupiter. Vetus inscriptio: *Ἰοῦι*

Optimo

Optimo Maximo Cœlestino Fonteius & Minerva & Collegio sanctissimo. Collegium è duodecim Diis constabat, quos magnos appellabant, in quorum numerum qui referebantur *Πάρεδρι μεγάλων θεῶν* dicebantur. Hi Jovis Consiliiarii Consentes vocati, & ipsum Synedrium Consentium. Sic Lucianus Hephæstionem Divum factum vocat *Πάρεδρι & ἀλεξίκακον θεόν*. In veteri inscriptione Antinous dicitur *Συνθεῶν & τις ἐν Αἰγύπτῳ θεός*. Hi Latinis novemfiles vel novemfides dicti. De his vide amplius Salmasium in *Ælium Spartian. p. 38.* cui loca hæc debemus. Atque illi Assessores Deum facti, Collegio & Concilio Deorum cœlesti intererant, quod circa viam lacteam haberi credebatur, ut ex Ovidio & aliis discimus. Quare etiam Circulus lacteus Heroum & Principum defunctorum sedes credita, in quo dux cœli portæ à Pythagorâ & Platonice fingebantur: una Cancræ, à quâ in terram animæ redeant; altera Capricorni, per quam animæ cœlum repetant, de quibus Cœl. Rhodiginus *L. A. lib. 15. c. 23.* pluribus agit: Manilius lib. 1. *Astronom.* reddens rationem: cur lacteus circulus nitescat crasso lumine; hanc quoque memorat: quod Heroes ibi habitacula habere dicantur. V. *Macrob. l. 1. c. 5. in Somn. Scip. Turneb. l. 13. c. 2. & l. 26. c. 18. Adi & Pontanum com. ad Ovid. Metam. l. 1. v. 108.* Sed distincti tamen erant divinitatis gradus, & alii erant heroici, alii divini honores. Aliud *ἐναγίζεν*, aliud *δοῦναι θεῶν*. Illud conveniebat Heroibus: alterum est inter Deos referre. Solebant quoque cum primo honores tribuissent heroicos, etiam divinos decernere, quod *Lampsacæ* contigisse refert *Plutarchus* in præclaris mulierum factis. Spectabant sacrificia ad divinos honores, non ad heroicos, nisi illis casibus, quos expressit *Vossius de Idol. lib. 1. c. 12. p. 96.* quem aliquis falso carpit, objiciendo quædam autorum loca, quæ Heroibus sacrificatum dicant, quæ tamen non nisi de Diis manibus capienda, nam ii quoque Heroum nomine veniebant. Apud omnes fere gentes hos Apotheoseos cultus observare licet nec facile sunt, apud quas non ejus Idololatriæ deprehendas vestigia. Vastum illorum catalogum recenset idem *Vossius*, libro eodem, cap. 13. Germani quoque reges suos consecrârunt. *Tuisto, Theut* sive *Tbiet* vel quo demum nomine appellaveris, Rex Germanorum fuisse à quibusdam creditur, ab iis pro Deo cultus. Unde & nomen suum invenere *Teutones*, & ab eo se originem duxisse tradidere, non à *Dite*, ut *Cæsar* prodidit. Corripit enim vocem, & ad Latinæ linguæ conformitatem vocavit, quam non intellexit. Nec moror rationes, quas affert pro illo *Dite* *Stephanus Forcatulus* de Gallorum imperio & Philosophiâ lib. 1. Tales fuerunt quoque & Regibus Dii *Porevithus, Rugievithus*. Tale Germanorum illud Idolon *Irmensul*, quod *Ditmarus* l. 2. *Mersburgi* ad *Salam* locatum fuisse scribit cum hac inscriptione: DUX. EGO. GENTIS. SAXONUM. VI-
O CTORI.

CTORIAM. CERTAM. POLLICEOR. ME. VENERANTIBUS. Apud Romanos, Regum tempore, primus Romulus : Inter Imperatores Jul. Cæsar, consecratus. Quod pulchrè demonstrat æreus ille nummus à Goltzio & ab Adolpho Occone exhibitus, in quo Cæsar Divus cum corona radiata, quæ Deorum erat propria, & diademate regio effingitur, cum inscriptione : *Γ. ΙΟΤΑΙΟΣ ΚΑΙΣΑΡ ΘΕΟΣ*. Istius Consecrationis ritum, pulchrè expressit Dio *lib. 56*. Meminit Vossius & inprimis Bulengerus de Imperatore Romano *lip. 1. c. 6. 7. & 10*. qui accurate persequuntur, quæ ad ritus illos spectant : quæ vide sis ; neque enim nos hic acta agimus. Maximè conducebat ille apparatus istorum rituum, ad id, ut magis persvaderetur populo, qui potissimum arte illâ capitur. Erant tamen & aliæ technæ, quibus imponebant vulgo. Jam fingeantur quædam ad mentitam illam divinitatem confirmandam miracula, quæ si casus forte dederat, dolus illa pro ingenio suo ad religionem aptabat. Ita Solis de sectio pro Romuli Consecratione adducebatur. Cometa circa J. Cæsaris obitum apparens idem præstitit. Idem de sidere quodam viso prætendebat Adrianus, quod Antinoi animam esse putabat Vide *Scalig. in Euseb. num. 2145*. Jam producebatur aliquis & subornabatur, qui juratus diceret, se in cælum euntem vidisse, cum illo collocutum esse, hæc vel illa in mandatis accepisse. De Romulo juravit Proculus : de Augusto Numerius pretio ad tale officium emptus, quod refert Dio. *l. 56*. Has Gentilibus fraudes objicit præprimis Justinus Apolog. 2. Jam mutata nomina illis, si Diis placet, à Diis imposita, forte eam ob causam (ut putat Lactant. *l. 1. c. 21*.) ne posterî putarent eos homines fuisse. Eadem artes Pontificiorum, qui juramentis Consecratis suis fidem faciunt, quarum aliquot exempla ex historicis consignavit Rupertus Observat. in Flor. *lib. 1. c. 1. §. 18*. quem vide.

Atque hic jam se aperit ille Oceanus, è quo tot Deorum agmina flunt. Hoc illud Chaos, quod ferè omnia illa Gentilium numina produxit. A Consecratis illis Regibus & principibus, omnis fere illa Idololatria introducta. Suidas in voce *Σέβας* & Damascenus de Hæresibus *p. 574*. autores sunt : Seruchum defunctos præstantes viros adorari, & quotannis eorum memoriam celebrari jussisse, & eorum nomina in sacros commentarios referri, atque Deos eos judicari, tanquam benefactores. Hinc primam ortam Idololatriam Deorumque pluralitatem. Verè dictum, & quod res est ! Jam dudum docuerat hoc Euhemerus Messenius qui res gestas Jovis & cæterorum Deorum collegit, historiamque composuit ex titulis & inscriptionibus sacris, quæ in antiquissimis templis habebantur, quem ideo ut impostorem sugillat Plutarchus in libr. de Iside & Osiride. Cicero ejus meminit quoque lib. 1. de Nat. Deor. *Ab Euhemero & mortis & sepultura demon-*

monstrantur Deorum, utrum igitur hic confirmasse religionem videtur, an magis
 sustulisse? Sed laudat illum virum Augustinus de C. D. l. 6. c. 7. Operosè id
 agit Tertullian. Apolog. c. 10. ut demonstret: omnes Gentilium Deos esse
 ex hominibus factos. Idem in argumentum ejus rei trahit Aras illis ere-
 ctas, quæ mortuis erigi moris erat in libr. de Spectac. c. 12. Lactantius lib. 1.
 divin. inst. c. 11. putat Saturnum, cum potentissimus Rex esset, ad retinen-
 dam parentum suorum memoriam, nomina eorum cælo & terræ indidisse,
 P. Georg. Ambianas in Apolog. Tert. c. 10. observ. 3. putat Saturnum
 fuisse. Belum qui Nemrod, Jovis autem nomen fuisse Regium, ideoque
 & filiis Nemrodi indiscretè communicatum. Ipsum primum apud Baby-
 lonios dictum Belum, qui Ζεύς Græcis teste Diodor. Sicul. lib. 2. Idem
 Diodorus Siculus lib. 3. c. 61. de Jove prolixè tradit, quâ ratione sibi divi-
 nitatem acquisiverit. Adscribam eum locum: Saturni filius erat Jupiter,
 qui contra quam parens rationem vitæ instituens, omnibus sese æquum & huma-
 num præbuit, ob quod Patria, quoque nomine à suis affectus est. Is Regnum vel
 sponte à Patre concessum, vel à subditis odio Patris traditum accepit. Quamvis
 autem Saturnus Titanum auxilio bellum illi moverit, prælio tamen victor & re-
 rum Dominus evasit Jupiter, & totum debinc orbem peragrans, benè de natione
 mortalium promeritus est. Et quia robore corporis & omni virtutis genere excel-
 lebat, facilè totum sibi mundum subjugavit. In hoc imprimis dabit operam, ut im-
 pios & scelerosos pœnis, & beneficiis populum afficeret. Ideoque exemptum rebus
 humanis ZENON à vivendo, quod Ζῶν Græcè dicitur nominavit: eò quod benè vi-
 vendi autor hominibus fuisset. Quique meritis ab eo cumulati fuerant, hunc ei
 honorem rependerunt, ut in superno collocatum mundo Deum & perpetuum totius
 universi Dominum propensis omnes studiis appellarent. Imò nullo sæculo suum
 defuisse Jovem usque ad tempora belli Trojani Vossius asserit de Idol. l. c. 14.
 Quare commune hoc Regum & Principum fuisse nomen verosimile est.
 Nec idem mereri puto, quæ Xenophon ab Annio suppositus lib. de Equi
 vocis c. 1. affert; quod Saturni vocentur familiaræ nobilium Regum, qui ur-
 bes condiderint. Primogeniti eorum Joves ac Junones: Hercules verò
 nepotes eorum. Demonstrat Augustin. de C. D. lib. 18. c. 5. è Varrone Se-
 rapidem & Isidem potissima Ægyptiorum numina homines fuisse, quos ta-
 men homines dicere sub pœna capitali vetitum. Id circò & simulacrum
 digito labris admoto additum, quod mysterium quidem insinaret, indi-
 ceret silentium. Sentiebant hos dolos Philosophi & Sapientiores, & fictam
 illam divinitatem tacitè ridebant, non planè Veritatis divinæ ignari. Qua-
 re retinuerunt quidem illa Deorum ulitata nomina, ne vulgum illâ super-
 stitione captum, offenderent: Ipsi interim sub illorum nominum sche-
 mate, saniores Theologiam, & in Scholis docebant, & tacitè apud se fo-
 vebant.

vebant. Cui sententiæ adstipulatur quoque eruditissimus Cardinalis Bessarion in Calumniatorem Platonis. lib. 3. c. 8. Idem tamen eodem libro c. 5. Jovis nomen extollit, & nullum Deo aptius tribui nomen posse putat, cum id significet quod vitam in se contineat, & cæteris omnibus præstet, & sub hoc nomine DEus primum coli cæperit. Quis non miretur & obstupescat ad tantam veterum Philosophorum sapientiam, quam in ipsorum scriptis reperire licet: Nam & ipsa illa sapientiæ professione erant Theologi, & indissolubilis illis erat Philosophiæ & Religionis nexus, de cuius infelici divortio multa conqueritur Marsil. Ficinus in proœmio lib. de Religione Christianâ. Imò ipsius illius veterum Philosophiæ nullus alius finis, quam cognitio & imitatio Dei. Tanta Veritatis vis est, ut in ipsis tenebris luceat. Quadrat hæc illud Polybii de Veritate effatum, qui in Excerptis lib. XIII. hæc habet: *Equidem existimo Naturam mortalibus veritatem constituisse Deam maximam, maximamque illi vim attribuisse. Nam hæc cum ab omnibus oppugnetur, atque adeo omnes nonnunquam verosimiles conjectura & mendacio stent; ipsa per sese nescio quomodo in animos hominum insinuat: & modo repente illam suam vim exerit: modo tenebris oblecta longo tempore; ad extremum suapte vi ipsa vincit obtinetque, & de mendacio triumphat.*

CAP. IV.

P R I N C I P E S

Θ Ε Ο Κ Ρ Α Τ Η Σ.

Princeps Θεοκράτης, titulus optimus. ἰσοουσία τοῦ θεοῦ, Similitudo cum Deo omnis Philosophiæ antiquæ finis. Princeps DEI imago. Nomina DEI Principibus & Viris eximiiis apud omnes gentes imposita. Germanorum Heroum divina nomina. Vox Ræxel unde descendat. Sapiens antiquis Philosophis Θεόκλυτος &c. De imagine in nobis divina, & qui illa cognoscenda & perficienda, veterum Philosophorum sententia expenduntur.

ENavigavimus istos Idololatriæ Politicæ scopulos, nunc tranquillum illud Majestatis Regiæ mare se aperit. Quoties Dii dicuntur Principes, quoties Semidei, subest sub illo melle sæpe aliquod adulationis & Idololatriæ venenû. Aut si admittimus illos titulos, aliâ tamen ratione non admittimus, quam ut inferant aliquam cum DEO similitudinem. Ad hoc unum ergo caput res omnis redit, & quod absq; illo dicitur mera impietas est. Summus ille & prægloriosissimus titulus: Princeps Θεοκράτης, de quo nunc dicimus. Atque utinam ita dicere possimus, prout materia per omnes Philosophorum veterum campos diffusa, requirere videtur. Non potest illi, qui curâ diligentiori in veterum Philosophia versatus est, esse incognitum, quemadmodum

dum illa imaginis divinæ in nobis perfectionem unicè pro fine habeat, huc omnia præcepta dirigat, omnem quasi viam sternat, ut mihi lætos interdum hoc campos calcanti animus sæpe præ gaudio exultare videatur, dum in illâ quoque umbrâ tot illustria divini luminis animadverto vestigia. Ita Plato, notante Laërtio, finem Philosophiæ statuebat τὴν ἐξ ὁμοιωσίν τῷ θεῷ similitudinem cum Deo, quod idem quoque singulis inculcat paginis. Ita Epicurus quoque Sapientem suum informat, ut quasi DEUS quidam inter homines vivat, quod idem de illo Laërtius lib. 10. Talis Laconibus θεὸς αἰνέ vocatus. Hanc Aristoteles Sapientis vitam, ut solius DEI opus, effert 10. Eth. 7. Erit, inquit, sanè talis vita melior, quam ut ferre possit hominis conditio videatur, ὅ γδ ἡ ἀνθρώπος θεῖν, ὥτε βιώσεται, αἰδὼς δὲ πρὸς αὐτὸν ὑπάρχει: Non enim quæ homo est, sic vivet: Sed quæ ipsi inest aliquid, quod divinum sit. Quandoquidem ergo summa Viri sapientis in eo consistit perfectio, ut ad DEUM se totum dirigat, ejusque voluntati conformis fiat: Princeps autem omnium sapientissimus sit, vel esse debeat, tum denique verus erit Princeps, si θεοειδής. Illud pro lege servari apud Persas, quod Principem, ceu Dei effigiem honorent, laudat inprimis Artabanus apud Plutarchum in Themistocle: Ἡμῖν ἡ πολλοῖ νόμων, καὶ καλῶν ὀνίων, κάλλος ὅτις θεῖ, ὑμῶν βασιλεῖα καὶ προσηυεῖν, εἰκόνα θεῦ πάντῃ ζωσαν. Nobis cum multa sint & pulchra leges, hac omnium est pulcherrima, quæ Regem colimus & adoramus, tanquam effigiem Dei servantis omnia. Quare Plato Regem vocat θεῖον ἀγαθὸν ἐν ἀνθρώποις: Divinum inter homines bonum. Xenophonti Principes sunt θεοὶ ἐξ ἀνθρώπων καὶ εἰκὼν ἑμυχῇ θῆ. Ei quoque allusit Pythagoricus Diotogenes apud Stobæum serm. 147. cum scribit: ὅς ἡ βασιλεὺς δέχῃ ἔχων ἀνυπέρβουον καὶ αὐτὸς ὢν νόμος ἑμψυχός, θεὸς ἐν ἀνθρώποις παρεχάμενος. Rex autem imperium nemini obnoxium habens videt, ipsa lex existens, Dei inter homines imaginem refert. Apud Sextum Empiricum Pythagoræum Regnum dicitur Dei imitationem in se completi. Hoc potissimum argumentum arripit Synesius, pro instruendo Arcadio Imperatore in Oratione de Regno: Tibi, inquit, consentaneum inprimis est, ut quem semel accepisti ordinem, nunquam deferas, neque si hominis affinitati rempudendam facias, sed ad ejus imitationem te conferas, civitatesque non solum omni bonorum genere cumules, sed etiam felicitatem, quantampotes in unumquemque subditorum effundas. Ita demum magnum Te Regem nuncupantes à veritate non aberrabimus. Oportet ergo omnino Regem ad imitationem sublimioris potentie temperari, ut regia illa potestas divinæ antitypon sit verissimum, cum omnis imago seu representatio ad Archetypum suum referri debeat. Eâ ex causâ factum esse putô, quod in memoriam divini nominis, atque ut nomine ipso ad imitationem Dei ducerentur, Principibus primo & Re-

gibus, deinde aliis quoque nomina à Deo desumpta indita sint, quod plerisque omnibus lingvis usitatum reperias. Ita Hebræi nominibus suis adjiciunt *יהוה*, ut *Aldel*, *Abiel*, *Duriel*, *Michael* &c. Apud Latinos quoque multa talia invenies. Ita à Jove sunt: *Diasles*, *Diogenes*, *Diomedes*, *Dion*, *Diodorus*, *Jovianus*, *Zenodorus*. A Junone: *Heron*, *Herodotus*. Ab aliis quoque Diis multa alia nomina, quæ cumulat Hugo Grotius principio Februarum in Martianum Capellam. Germani quoque prisca à Deo liberis imposuere nomina, quem *Teut*, *Deut* & *Tit* vocant ut *Dutbrecht*, *Teutberg*, *Disfried*, *Duthelm*, *Duthe*, *Duthold*, *Dielegen*, *Teutlieb*, *Deutmar*, *Deutram*, *Dutrich*, *Teutwald*, *Dupold*, *Teutewick*. Hæc nomina nunc expressius dicimus, *Gottart*, *Gottschald* (Dei Minister) *Gottlieb*, *Gottfried* & similia. V. Harsdörffer. Specim. Philolog. German. disquis. XI. §. 4^a. Reinesius *isogon* Lingu. Punic. c. 7. de Pœnis idem notat, quod nomen numinis sui Baal Ducibus suis addiderint: ut *Adberbal*, *Asdrubal*, *Annibal*, *Manadabal*, *Ethobaal* &c. quod more Celticarum gentium factum asserit, qui Duces suos & autores primos pro Diis coluerint eorumque nomina adsumserint, imò etiam Chaldæorum & Assyriorum. Quod vero eâ forte opinione inducitur quidam, vocem Germanicam *Karel* ab Hebraico fonte esse putaverint, sc. à voce *קרא* invocavit & *יהוה* Deus, nugæ nugacissimæ sunt. Sed tamen nec Vosli in illa voce argutæ placent, qui in Etymologico sub voce *Androsaces* illam constata dicit, ex *kar* seugar i. e. planè & omnino & *bel* vegetus strenuus, acris. Melius Scaliger de subtilit Exerc. 266. vocem *Karl* priscum Germanorum lingua fortem & robustum significare notat. In Lexico Anglico, quod adiecit Boxhornius originibus suis Gallicis *Karl* est rusticus, is ideo dictus, quia robustus. Spelmanno vox *Ceorl* Sax. *Ceorl* est ibidem *rusticus* & *paganus*. Pro Viro apud Saxonas veteres in compositionibus vocum invenimus. Sic *Buhtscarl* vel *Buffscarl* homo præfectus navi. V. Spelmannum in voce *Buscarli*.

Ea ergo, ut ad priora nostra redeamus, Philosophia veterum animos imbuerat, ut quam præceptis doctrinæ & ipsis virtutis actionibus adspirabant similitudinem Dei, ad illam captandam quoque ab ipsis suis nominibus admonerentur, quæ cum Deo quoque habere cupiebant communia, imprimis Principes & Heroes. Procedit tota illa doctrina ab ipsis vetustissimis Philosophis & Theologis, qui ad istam similitudinem acquirendam afflatum quendam divinum (quem intellectum agentem vocant) requirunt. Frequentata Arabibus & Judæis illa sententia, quorum præclara & divina tradita collegit Vir incomparabilis Joann. Seldenus in libro de Jure naturæ Hebræor. lib. 1. c. 9. quem eâ de re legisse non pœnitebit. Eò omnium Philosophorum omnium gentium deduxit Philosophia, & ipsa Barbara, à quâ

quâ omnis sapientia propagata arcana. Pfellus in Chaldaicis oraculis & sententiis de ea re quoque scribit fuisse Chaldaeorum opinionem: *Quemadmodum liber Moysis ad imaginem Dei fingit hominem: Sic & Chaldaica hoc sententia pronunciat: mundi hujus opificem & patrem sui ipsius naturæ quædam symbola animis humanis inseruisse.* Illa symbola sunt illa à Deo inspersa mentibus omnium semina, Hoc est illud ἡγαμονικόν, ille δαίμων, ille θεός, illud ἀπίστασμα θεῶν, de quibus tam multa Antoninus Imperator differit. Hic est ille sacer spiritus, (de quo Senec. Epist. 41.) qui intra nos sedet, maiorum bonorumque nostrorum observator & custos. Rectissime Porphyrius & piè in sententiis & intelligibilia ducentibus τὸ ἀγαθὸν τῆς ψυχῆς ἐστὶ τὸ σωεῖναι τὸ γυνήσασθαι. Bonum animi consistit in eo, si auctori quo suo conjungatur. Eadem Pythagoræ sententia est: βέλπτοι γινώσθαι πρὸς τὸν θεὸν βαδίζοντες, id est, accedendo ad Deum efficitur unusquisque optimus. Necabit Apulejus in: de Deo Socratis. Deo nihil est similius, nihil gratius, quam Vir animo perfectè bonus, qui tam Hominibus ceteris antecellit, quam ipse à Diis immortalibus distat. Vide quam in rei tam arduæ ratione investigandâ philosophetur Proclus, qui ubi ex veterum Philosophorum Theologia Primum omnium rerum Principium dixerat τὸ ἀγαθόν, quod Plato vocat τὸ δὲ ἀγαθόν, & τὸ πατέρα, secundum Principium fecerat Mentem primum & ἀγαθὸν receptaculum, quæ illi vocatur ἀγαθοειδής. De hac ejus verba proferam. Græca omitto: *Mens à Bono principaliter & primò dicitur subsistere, & circa bonum existentiam habere, & impleri lumine veritatis illinc promanantis, & accipere participationem seu dependentiam ex conjunctione & unione luminis, quod est ipsa Mente & Substantiâ & divinius, ut quod primo dependet à BONO.* His verbis tertium aliquod implicat principium summum, quod unionem luminis vocat. Plato illud ψυχὴν vocarat, & veteres Theologi Amorem, seu Cupidinem, quem Hesiodus facit omnium Deorum antiquissimum. Tria ergo illis hæc, quæ vocant, summa principia ἀγαθόν, ἡσ & ψυχὴ si-ve amor, quæ Numenius vocat: *Gignens, Genitum, & habitum amorem.* Mirare! Jam ulterius philosophatur Proclus, & monstrat: quomodo nostra mens possit esse imago primæ mentis, & quomodo per illam conformitatem cum primâ mente, quæ boni imago est bonitatis participes fieri possimus. Verba sunt: Εἰ ποτε καὶ ὁ ἐν ἡμῖν ἡσ, καὶ ὁ πρῶτος ἡσ, καὶ ὁ ἰσὺς μένει τὸ ἀγαθόν καὶ ἡμῖν καὶ τῷ θεῷ καὶ ἡμεῖς αὐτὰρχοι καὶ τὸ οὐκ εἶναι ἀγαθὸν παρῶν. Si igitur & mens nostra imago est primæ mentis etiam secundum hoc tantum bonum, & nobis secundum Mentes participationem sufficientia & proprium bonum adfit. Quis non sentiat, è quo fonte hæc Philosophiam hausta? non ex turbido illo: sed ex limpidâ vetustissimæ veritatis scaturigine & ex quadam, ut ita dicam, Virgine aquâ. Utinam tandem Camerina-

gibus, deinde aliis quoque nomina à Deo desumpta indita sint, quod plerisque omnibus lingvis usitatum reperias. Ita Hebræi nominibus suis adjiciunt *יהוה*, ut *Aldel*, *Abiel*, *Duriel*, *Michael* &c. Apud Latinos quoque multa talia invenies. Ita à Jove sunt: *Diaclès*, *Diogenes*, *Diamedes*, *Dion*, *Diodotus*, *Jovianus*, *Zenodotus*. A Junone: *Heron*, *Herodotus*. Ab aliis quoque Diis multa alia nomina, quæ cumulat Hugo Grotius principio Februarum in Martianum Capellam. Germani quoque prisci à Deo liberis imposuere nomina, quem *Teut*, *Dent* & *Dit* vocant ut *Ditbrecht*, *Teutberg*, *Ditfried*, *Dithelm*, *Ditber*, *Ditbold*, *Ditdegen*, *Teutlieb*, *Deutmar*, *Deutram*, *Ditrich*, *Teutwald*, *Ditpold*, *Teutewick*. Hæc nomina nunc expressius dicimus, *Gottart*, *Gottschalk* (Dei Minister) *Gottlieb*, *Gottfried* & similia. V. Harsdörffer. Specim. Philolog. German. disquis. XI. §. 4. Reinesius *isogon* Linguæ Punicæ c. 7. de Pœnis idem notat, quod nomen numinis sui Baal Ducibus suis addiderint: ut *Adberbal*, *Asdrubal*, *Annibal*, *Manadabal*, *Esobabal* &c. quod more Celticarum gentium factum asserit, qui Duces suos & autores primos pro Diis coluerint eorumque nomina adsumserint, imò etiam Chaldæorum & Assyriorum. Quod vero eâ forte opinione inducti quidam, vocem Germanicam *Karel* ab Hebraico fonte esse putaverint, sc. à voce *קרא* invocavit & *יהוה* Deus, nugæ nugacissimæ sunt. Sed tamen nec Vosii in illa voce argutæ placent, qui in Etymologico sub voce *Androsaces* illam constatam dicit, ex *kar* seu *gar* i. e. planè & omnino & *bel* vegetus strenuus, acris. Melius Scaliger de subtilit. Exerc. 266. vocem *Karl* priscum Germanorum lingua fortem & robustum significare notat. In Lexico Anglico, quod adiecit Boxhornius originibus suis Gallicis *Karl* est rusticus, is ideo dictus, quia robustus. Spelmanno vox *Ceorlus*. Sax. *Ceorl*. est ibidem rusticus & paganus. Pro Viro apud Saxonas veteres in compositionibus vocum invenimus. Sic *Buhsearl* vel *Bussearl* homo præfectus navi. V. Spelmannum in voce *Bussearl*.

Ea ergo, ut ad priora nostra redeamus, Philosophia veterum animos imbuerat, ut quam præceptis doctrinæ & ipsis virtutis actionibus adspirabant similitudinem Dei, ad illam captandam quoque ab ipsis suis nominibus admonerentur, quæ cum Deo quoque habere cupiebant communia, inprimis Principes & Heroes. Procedit tota illa doctrina ab ipsis vetustissimis Philosophis & Theologis, qui ad istam similitudinem acquirendam afflatum quendam divinum (quem intellectum agentem vocant) requirunt. Frequentata Arabibus & Judæis illa sententia, quorum præclara & divina tradita collegit Vir incomparabilis Joann. Seldenus in libro de Jure naturæ Hebræor. lib. 1. c. 9. quem eâ de re legisse non pœnitebit. Eo omnium Philosophorum omnium gentium deduxit Philosophia, & ipsa Barbara, à quâ

quæ omnis sapientiæ propagata arcana. Psellus in Chaldaicis oraculis & sententiis de ea re quoque scribit fuisse Chaldaeorum opinionem: *Quomodo admodum liber Moysis ad imaginem Dei fingit hominem: Sic & Chaldaica hoc sententia pronunciet: mundi huius opificem & patrem sui ipsius naturæ quædam symbola animis humanis inseruisse.* Illa symbola sunt illa à Deo inspersa mentibus omnium semina, Hoc est illud ἡγαμονικὸν, ille δαίμων, ille θεός, illud ἀνίστασμα θεῶν, de quibus tam multa Antoninus Imperator differit. Hic est ille sacer spiritus, (de quo Senec. Epist. 41.) qui intra nos sedet, maiorum bonorumque nostrorum observator & custos. Rectissime Porphyrius & piè in sententiis & intelligibilia ducentibus τὸ ἀγαθὸν τῆς ψυχῆς ἐστὶ τὸ συνεῖναι τῷ γενήσασθαι. Bonum animi consistit in eo, si auctori quo suo coniungatur. Eadem Pythagoræ sententia est: βέλτιστοι γινόμεσθαι πρὸς τὸν θεὸν βαδίζοντες, id est, accedendo ad Deum efficitur unusquisque optimus. Necabit Apulejus in: de Deo Socratis. Deo nihil est similius, nihil gratius, quam Vir animo perfectè bonus, qui tam Hominibus ceteris antecellit, quam ipse à Diis immortalibus distat. Vide quam in rei tam arduæ ratione investigandâ philosophetur Proclus, qui ubi ex veterum Philosophorum Theologia Primum omnium rerum Principium dixerat τὸ ἀγαθόν, quod Plato vocat τὸ ἀγαθόν, & τὸ παρὰ, secundum Principium fecerat Mentem primum & ἀγαθὸν receptaculum, quæ illi vocatur ἀγαθοειδής. De hac ejus verba proferam. Græca omitto: Mens à Bono principaliter & primò dicitur subsistere, & circa bonum existentiam habere, & impleri lumine veritatis illinc promanantis, & accipere participationem seu dependentiam ex conjunctione & unione luminis, quod est ipsa Mens & Substantia & divinius, ut quod primo dependet à BONO. His verbis tertium aliquod implicat principium summum, quod unionem luminis vocat. Plato illud ψυχῶν vocarat, & veteres Theologi Amorem, seu Cupidinem, quem Hesiodus facit omnium Deorum antiquissimum. Tria ergo illis hæc, quæ vocant, summa principia ἀγαθόν, νῆς & ψυχὴ si-ve amor, quæ Numenius vocat: Gignens, Genitum, & habitum amborum. Mirare! Jam ulterius philosophatur Proclus, & monstrat: quomodo nostra mens possit esse imago primæ mentis, & quomodo per illam conformitatem cum primâ mente, quæ boni imago est bonitatis participes fieri possimus: Verba sunt: Εἰ τὸ πρῶτον καὶ ὁ ἐξ ἡμῶν νῆς, ἐκείνῳ δὲ πρῶτῳ νῆς, καὶ καὶ τὸ μετὸν τὸ ἀγαθόν καὶ ἡμῶν καὶ ἐκείνῳ δὲ νῆς μετὰ τὴν αὐτῆς καὶ καὶ τὸ ὁμοίον ἀγαθόν παρὰ. Si igitur & mens nostra imago est prima mentis etiam secundum hoc tantum bonum, & nobis secundum Mentis participationem sufficientia & proprium bonum adsit. Quis non sentiat, è quo fonte hæc Philosophiam hau-
sta? non ex turbido illo: sed ex limpidâ vetustissimæ veritatis scaturigine
& ex quadam, ut ita dicam, Virgine aquâ. Utinam tandem Cameri-
nam

nam movere desinamus, eamque sectemur relictis paludibus. Ipsi nostri Philosophi antecessores dicti *Φιλόσοφοι*, Dei ministri, de quibus vide Selden. Analect. Anglo Britan. l. 1. c. 4. Sumus & nos *Φιλόσοφοι*, & facile erimus *Φιλόσοφοι*. Sic & ipsi Reges erimus, Philosophi, Theologi, & quantum licet *θεοδιδασκαλοί*. Prima & antiquissima omnium fuit Philosophia Pietas, illa Reges fecit & Philosophos, quorum ego unum itemque nomen agnosco. Sed amplissimum hoc argumentum, & cui pertractandæ hæc pagellæ non sufficiunt. Dabimus, si Deus vitam concesserit, hæc in pleno de *Ortu & Progressu Theologiae Enthusiasticæ*, opere accuratè congesto. Finimus voto & quandoquidem *παντὶ ἀρετῶν ἡγεμῶν ἐυσέβεια*, (quæ Hieroclis Pythagorici sententia est) Pietatem & Deiamorem Principibus precamur. Sic ipsi erunt, Deorum imagines, Deorum Filii, imo inter homines Dii.

DISSERTATIO SECUNDA.

DE

TITULIS PRINCIPUM DIVINIS.

§. I.

Postquam Divinitatem ipsam suam fecerant Principes, jam facile sibi Divinos quoque titulos imponi passi sunt, jam etiam reliqua, quæ erant divina, assumpserunt axiomata. Vetus illa querela est Satyrici, *quod major fama sitis sit, quam virtutis*; & tanta hominum animos cepit titulorum prurigo, ut titulis magis æstiment nunc Virtutem, quàm se ipsâ. Propter titulorum cupiditatem & bella gessit Antonius, quam in eo vanitatem notat Florus l. 4. c. 10. Quem laet morus ille mos, quo titulos nobis convenientes plerumque fastidimus, & in majoribus acquirendis potissimum sumus solliciti? Sed vulgaris ille morbus, imo sæpe, (quis negat?) etiam Principum, qui, cum titulos & axiomata habeant solo Deo inferiora, paria etiam habere intrudunt, nec enim alius jam superest gradus, quo pedem possit figere ambitio. Imo ipsi Christiani Imperatores libenter quoque divinos illos titulos admiserunt, & interdum prouiores in illos fuerunt, quàm ipsi Ethnici. Repudiavit tamen Constantinus Magnus, de quo Iuvenecus in Epilogo Histor. Evangelicæ:

Qui solus Regum sacri sibi nominis horret

Imponi pondus, quo iustus dignior actus

Æternam capiat divina in secula vitam,

Ipsi

Ipsi Episcopi apud Sozomenum *lib. 4. c. 17.* Imperatorem non vocant divinum; sed ipsam divinitatem: *ὁ τις τοῦ τοῦ ἀγαθέως θεότητος*: *Quicquam divinitatem docebunt.* Imò omnia, quæ ad Principes pertinebant, de Divinitate Dominorum participabant. Cujus & supra cap. 1. mentionem fecimus. Hinc *Divina Domus*, *Divinus sermo*, *divinus affatus*, *divina aures*, *Sacrum stabulum*, *Celestis Oratio*, *Celestia statuta*, *Celeste Judicium*, *Consuetudo celestis deputata*, *calicus gratum impetrare*, i. e. *ab Imperatore*, quos titulos passim reperias in jure Justiniano, & Historicis. Nos pleraque illa nomina adscribimus adulationi tam aulicorum, quam Oratorum & Poëtarum, neque plane omnes Principi negamus divinos titulos: Sed quandoquidem potestas illorum in terris divina est, ipsius viva quædam Dei imago; utique impium non erit, splendorem illum elucere ex titulis, sed qui tamen velit æterno illo Sole minor esse, & ab illo lumen accipere, quo splendeat, velut Luna inter minora sidera. Primum ergo quod Principi attribuimus, illi cum Deo commune, est

UNITAS.

§. 1.

Mirabitur fortassis aliquis cur divinum illum titulum esse velimus, qui tamen rei omni communis sit: sed accipimus illum sensu priscorum Philosophorum. Quemadmodum enim Deus unus & simplex, ita omnia illis tendere debebant ad illam unitatem & simplicitatem, & noster quoque animus. Quare & Jamblichus, in *Dr. Pythagoræ*, supremum omnis felicitatis terminum vocavit, intuitum Unius: *τὸ ἓν ἐστὶν ἀσχηματιστὸν τέλος. ὅτι πᾶσι οὐκ ἀσχηματιστὸν.* Assumpsit quoque hoc à Philosophiâ Pythagoræ Clemens Alexandrin. Strom. V. quæ Virum bonum Unum esse & fieri debere contendebat, id est: Deo similem, cum Deo unitam. *Quoniam vero*, inquit Clemens, *qui Deo adhæret, unus Spiritus efficitur cum illo, mysticè apud nos etiam dictum est illud Pythagoricum*: OPORTERE HOMINEM FIERI UNUM. Ad hujus assertionis explicationem præclare faciunt, quæ disserit Origenes Adamantius Homil. Unicum in libr. Regum explicans id, quod habetur in cantico Anz: VIR ERAT UNUS: *Vides quomodo qui putatur unus, verè non est unus, sed multi, & tot in eo persona esse videntur, quos mores conspiciuntur. Imitator Dei justus, qui ad imaginem ejus conditus est, unus etiam ipse, cum ad perfectum venerit, appellatur.* Plura de eo docebit Petrus Bungus, in eleganti de mysteriis numerorum libro. Cap. de Unitate. p. 16 quem vide. Quemadmodum ergo apud antiquos nemo Reëtor animorum eligebatur, (ut ait Senec. Ep. 3.) nemo poterat esse potentior nisi & esset melior, Vir autem bonus Deo vel vult, vel debet esset similis, atq; cum illo unus: Ita & Principem, qui omnium illorum, quibus præst, optimus est, ad Dei similitudinem se

informare par erat. Sed sic Unitatem cum Deo adspirabant, quam communem cum aliis quoque habere poterant. In illo verò, quod unus Princeps imperio dominatur, aliquid divini semper reposuere Politici. Vulgatum illud Homeri :

Εἰς βασιλεὺς.

Et illud Taciti i. Annal. c. 12. Unius imperii corpus unius animo esse regendum. Imo Pacis aliquando interfuit omnem potestatem ad unum conferri. Flor. libr. 4. c. 3. Sed nolo in illo prolixus esse, quod omnes Politicorum libelli ad nauseam inculcant. Ergo jam secunda inter titulorum classes erit.

OMNIPOTENTIA.

§. 3.

Nemo quidem, quod meminerim, tam impudenter ambitiosus fuit, ut titulum illum palam sibi dari permetteret, nullus adulatorum tam præfrictæ frontis, ut facile daret. Tribuebatur tamen res ipsa, quamvis nomen non admitteretur. Quid enim aliud est, quod Pacatus Drepanius de Principibus dicit, illos fortunam vincere, & hominibus dare novum fatum, quod arcanorum cœlestium consortem facit. Ita enim Panegyrico ad Theodosium magnum : *Parcam, inquit, arcanum cœleste rimari, tibi istud soli pateat, Imperator, cum Deo consorte secretum.* Imo quis non ad omnipotentiam quandam referat, quæ ille subnectit palpum planè impium spirantia & *Illud dicam, quod intellexisse hominem & dixisse fac est talemi esse debere Imperatorem, qui à gentibus adoratur, cui totò orbe terrarum privata vel publica vota reddantur, in quo petit navigaturus serenum, peregrinaturus reditum, pugnaturus auspiciam.* Julius Firmicus lib. II. c. XXIII. Principum fato Astrologico & stellarum potestati eximit. Verba ipsa exquisitam adulationem præ se ferunt, quæ adscribimus : *Sed nec aliquis Mathematicus verum aliquid de fato Imperatoris definire potuit ; Solas enim Imperator stellarum non subiacet curibus, & solus est, in cuius fato deterendo stelle non habent potestatem. Cum enim sit totius Orbis Dominus, & quia totius orbis terrenum spatium imperatoris subiacet potestatibus, ipse etiam in Deorum numero constitutus, quem ad faciendâ & conservandâ omnia divinitas statuit principalia.* Quid non est Omnipotentem dicere, si hoc non est ? Quis præter Omnipotentem fata distribuit, vota precantium suscipit, & illorum competentem facit ? Quis, nisi Omnipotens Orbis est Dominus. In eo consistit divina Omnipotentia, quod sit omnium rerum Domina. Si jam Imperatorem omnium rerum Dominum facias, quis erit alius quam omnipotens ? Multa in primis fuit hic Romanorum ambitio, qui totum Orbem Romanum vocarunt, & se quali jure quodam illius Dominos proclamabant. Hinc scriptoribus illorum Romani & humani generis una eademque est ratio.

Ita

Ita Symmachus lib. 1. Epistolarum Senatum vocat Humani generis partem meliorem. Terullianus de Pallio Orbem terrarum rus dicit Romani Imperii. Huc referendum omnino, quod Plutarchus meminit in Romulo, de Fossâ illâ, quam in Urbis medietate fecit Romulus, cui Mundo nomen fecit, in quam à peregrinis particulam Terræ patriæ injiciendam imparavit; & non Verissimè conjicit Boethius, *Quest. Rom. XL.* eo aliquod orbis imperium vel affectatum vel indicatum fuisse. Alexander Severus cum vatem consulisset de futuris, referente Ælio Lampridio hoc responsum tulit:

Te manet imperium cæli terræque marisque

xiv & seqq. Te manet imperium, quod tenet imperium.

Græcè versâ exhibet Casaubonus in Commentario. Vide quoque de illo Romanorum fastu Salmasium in Trebell. p. 306. Imo, quod mireris hodieque fatigat non ignobiles Jurisconsultos illa quaestio: An Imperator sit Orbis Dominus, quâ in re quicquam pronunciare non sine periculo erit, cum jam olim hæreticum dixerit Bartolus, qui secus senserit. Quidam etiam argumentis quibusdam pugnant pro illo Orbis imperio, de quibus vide Virum plane sui nominis, Grotium, de I. B. & P. lib. II. §. XIII. & in notis ibidem. Mirum, si abfuerint hic Poetæ! Inter illos Martialis vocat Romanam Terrarum & Gentium Deam, Claudiano describitur;

*Haec est exiguis quæ finibus orta tetendit
In geminos axes parvaque à sede profecta,
Dispersit cum Sole manus.*

Quare & Populorum omnium parentem & communem Patriam vocant. Rutilius Divum facit genetricem hominum atque Deorum. De illa jactat: Volvitur ipse Tibi, qui continet omnia, Phœbus, Equæ tuis ortos in tua condit Equos.

Hoc dicit, nihil Solem illustrare, nisi quod Romanæ potestati subiectum est. Cum quo conferri potest fastus ille Chosroæ apud Theophylactum Simocattam, Histor. Mauric. IV, 8. qui inter titulos regni etiam hæc elogia apponit: *Ἡλίου συνανατίδων, καὶ τῇ νυκτὶ χαρίζομεν δέματα*, cum Sole exortiens & nocte largiens oculos. Pertinet & huc Ovidii illud, *Fastor. 2.*

*Gentibus est aliis tellus data limite certo;
Romanæ spatium est Urbis & Orbis idem.*

Antonius l. 9. ff. ad L. Rhodiam. *Ἐγὼ μὲν τὸ κόσμος κύριος*. Atque ex eo, quod Mundi Dominus sit Imperator, etiam Maris Dominum esse colligit Seldenus in Mari clauso, lib. I. c. XXII. quo jure quâve injuriâ, ego nunc non disputo. Maximum istius fastus fomentum accedit Principibus à nequissimorum adulatorum palpo, qui omnium subditorum bona tanquam propria addicunt Principi: Unde illi necessario colligunt subditos nec pro-

prium aliquid, nec Dominium, habere vel possidere posse, imo Licere Principi omnia aliena donare aliis pro lubitu. Apertè Zonaras in Claudio : *νόμιται γὰρ τὰς βασιλεῖς δωρεῖσθαι δύνανται πὶ ἀλλότῃς*. Domitianus eò processit dementiæ, ut exturbatis prioribus Dominis omne stagnum, omnem lacum, omnem etiam saltum immensâ possessione circumvenerit, quod de eo Plinius Panegyric. in Trajan. Huc referas & illud, quod Juvenal. Sat. de Cæsare ait :

Quicquid conspicium est pulchrumque ex æquore toto

Res tisci est, ubicunque natat.

His motus adulationum stimulis Princeps jam cælum ipsum petet, & vix potestatem suam illis terminis, quibus orbis solet, circumscribi posse putabit. Scio quidem me superius adduxisse locum è Synesio, qui Principum facit dispensatorem omnium bonorum. Sed cautè accipienda sunt hæc. Neque enim dispensator aliter dispensabit, quam vel ipsa postulat justitia, vel ipse munerum illorum autor præscripsit. Jam sunt & alii, qui illud : *Licet, quicquid libet* : occinunt, qui vel ipsis Natura & Dei legibus illos solutos speciosè concludere videntur. Pium est, quod legitur lib. 2. βασιλ. tit. 6. c. 6. καὶ τῶ βασιλεὺς οἱ γαμικοὶ κρατεῖται νομοί ; *Etiā contra Principem valent Leges Naturales*. Pia est ipsa Imperatorum vox, quā se legibus quidem civilibus solutos esse dicunt, interim quā maximè secundum leges vivere. Probè Vellejus Paternulus lib. 11. *Princeps optimus rectè facere cives suos faciendo docet, cumque sit Imperio maximus, major vult esse exemplo*. Non satis hic mirari possum, quæ intemperiæ profanum illud Hobbesii caput agitaverint, ut tam laxam ad nequitiam aperiret fenestram, dum insana hæc asserere non erubescit : *Nihil injustum à Principe fieri posse, nullam posse subdito proprietatem in rebus suis esse, quā Rex ab eorum usu excludi queat, nihil denique posse à Rege præcipi, quod factum improbum sit ita, ut ipsius mandatum qualescunque subditorum actus indubiè justificet*. Atque hæc passim in suo Leviathan. contra quæ disputat Robertus Scharrock. Hypoth. Eth. de Offic. secundum Naturæ jus cap. 4. Num. 6. & 7. An Romanis Imperatoribus illam à legibus exemptionem Lege illā Regia populus Romanus concesserit, & illud ipsum imperium quoque, quod habebat in Principes, disputatur. Affirmat Rupertus, Comment. in Enchirid. Pomponii de Orig. Auris lib. 1. c. 12. Omne autem illud, quicquid eā de re traditur, pro figmento & Sophismate Politico habet Martinus Schoockius in Epistolâ de Figmento Legis Regiæ. Videre operæ pretium est, quid uterque in medium afferat. Nobis hæc extra scopum nostrum. Id tamen affirmare possumus, multa contulisse hæc & alia ad Omnipotentiam illam Politicam stabiliendam. Sed monebit Principes Plinius in Panegyric. ad Trajan. *Felicitatis est, quantum velis posse, Magnitudinis*

studii

audire est velle, quantum possit. Addo etiam quantum licet. Non dimitto
Principes nisi ab Ambrosio Eruditos, cujus praeceptum optimum est: *Et si*
imperatoria potestas (inquit ille lib. 1. Epist. 15.) *magna sit, tamen considera*
Imperator, quantum sit Deus, qui corda omnium videt, conscientias interiorum in
terrogat, notis intima pectoris tui: Si es Imperator, Deo subditum magis esse debes.
Succedat jam post Omnipotentiam

ÆTERNITAS.

S. 4.

Reliqua desiderantur in MSto.

PROSPHONEMA

Quo

SUMMOS IN THEOLOGIA HONORES

VIRI

Admodum Reverendi & Excellentissimi

**DN. CHRISTIANI KORT-
HOLT,**

P. P. A.

Collegæ & Amici optimi,

Felices esse jubet

1663.

Miraberis fortassis, Amice optime, quid rei sit; quod nunc di-
scincto hoc & hactenus mihi inusitato sermonis habitu tuis
honoribus accedam gratulator: qui tamen Poeta esse credor, &
hactenus in numeros & metra jurasse videor. Sed, ut scias,
non placuit mihi jam vel $\mu\tau$ Πηγάσω ἱππλάτειν, ut in laudes tuas, quas
animo vix assequor, ire pedibus, quibus Poësis utitur. Manu extensâ,

quam Oratorum esse propriam nosti, hunc repo, & si pateris, adrepo:
 dum Tu à Philosophicis ad Theologica castra pleno pallu grassaris? non
 illa contraria, sed federe amico & aeterno junctura, pectus scilicet est
 Theologiae & Philosophiae connubium; & pereant, qui inter illas divor-
 tium volunt. Namque uti hæc felix est illius præsidio, ita illa tuta hu-
 jus subsidio: utraque pariter remos ducit in hoc navigio. Philosophi-
 am tamen intellige, quæ æternæ mentis propago est, non quæ $\chi\eta\epsilon\ \kappa\epsilon\lambda$
 $\pi\epsilon\omega\upsilon\epsilon\upsilon$ è cerebellis quorundam, uti Pallas è Jovis cerebro, non Vulcano
 sed Moriâ obstetricante, armata prodit. Quam sæpe in nugis solliciti sunt
 $\epsilon\phi\epsilon\upsilon\delta\epsilon\iota\tau\epsilon$ illi Sophistæ! qui sibi fronte suâ Philosophiam tanquam Atlas
 cælum sustinere videntur. Quantâ contentione in hoc stadio curritur!
 dumque metam tetigisse credimur, pro pacis olivâ Eridos pomum inve-
 nimus. Quæ non $\kappa\epsilon\gamma\epsilon\phi\alpha\lambda\alpha\iota$ & $\epsilon\sigma\tau\epsilon\upsilon\lambda\alpha\iota$ ne ad discenda, quæ non opiniones,
 ut $\alpha\iota\upsilon\delta\epsilon\gamma\iota$ quædam $\iota\epsilon\phi\iota\lambda\alpha\iota$ imbibenda? quæ perplexæ & inutiles trices bo-
 nam mentem sæpe ita detinent, ut per illa impedimenta ab altioribus
 retracta subsistat, & velut languida illa capella apud Bucolicum,

Spem gregis ab! siliçe in nudâ connixa relinquat.

aut, uti agricola ille, opere in medio $\kappa\epsilon\lambda\sigma\alpha$ aratra. Tales, ut $\kappa\alpha\lambda\lambda\iota\pi\iota\delta\eta\varsigma$,
 licet indefinenter moveant, nihil promoveant. Hinc plurimi non studio
 artium, sed partium abrepti, in scientiæ suæ Larario vel uni Aristoteli,
 Platoni, Epicuro, aliisque aram consecrant, aut, ne à vulgo abeant, caput
 submitunt bellæ multorum capitum. Alii sectantur magis ea, quæ ad
 lusum sunt, quam quæ ad usum. Alii in veteri viâ novam semitam
 quærun (ut ait Hieronymus) & in antiquâ detrita quæque materiâ rudem
 artis excogitant elegantiam. Alii aliter sapiunt; unus ait, alter negat,
 alter deliberandum censet: singuli denique ad mare se viam quærere
 putant suo fluvio. Sed hi Philosophiæ non tam imputandi sunt erro-
 res, quam Philosophis. Illa sancta est, æterna, sibi constans & certa:
 at hi, uti homines sunt, feruntur, quò illos opinionum aura trahit. In-
 de est, quod sæpe *barbarus hæc segetes*: Inde inter nitentia culta

Infelix lolium & steriles dominantur avena.

Duplici enim ratione hæc peccatur: nam aut in ingenium malum incidit,
 Philosophia, vel in eum potius, qui ingenio bono malè utitur, unde in
 venenum cedit illi, quod alijs in alimentum; aut in eos, qui ob mentis im-
 becillitatem prævos errores pariunt. Profert hæc Ægyptus noxia multa,
 & multa salubria medicamenta. habet hæc Attica, ut mel optimum, ita
 & cicutam lethalem. At profecto inepti sunt, qui propter hos errores,
 & sæpe

Unius ob noxam furiasque Ajacis Pili.

Valentinus vel Vincentius ex hac pugna discesserit, de Veritate gloriabitur, que tamen longè interdum ab illis fugit. At tu, o bona mens,

Quatenus id facio. *Quatenus id facio.* & tibi serva quæ apud Boëtium sunt: (a) *Scultorum* (id est *δοξολογῶν*) numerosus est exercitus, spernendus tamen est, quoniam nullo duce regitur, sed errore tantum temore ac passim lymphante reptatur. Qui si quando contra nos aciem struens valentior incubueris, nostra quidem dux copias suas in arcem contrahit; Illi vero circa diripiendas mutiles fardinulas occupantur. At nos desuper irridemus vilissima rerum quoque rapientes, securi cœtus furiosi cumulemus, eoque valla muniri, quo grassanti stulticia adspirare fas non sit. Pereat omnis Philosophia, quæ ad cœlestem veritatem oculos non intendit. Quid enim juvat Grammaticum, qui circa *ἀνία πηγέτης* & sermonem rite ordinandum versatur, si perpetuos in vitâ solœcismos admittat? Quid Logicum variis Syllogismorum formis argutari, si Diaboli sophismata non evitat? Balbutiat quædam de separatis mentibus Metaphysica; Theologia fruitur illarum consortio. Quid mihi Physicorum formæ, quæ plerumque in fumos abeunt, & in ipso aspectu extinguuntur ut Meteora? Quid Generatio? nisi Theologi non doceant regenerationem. Frustra numerat Arithmeticus tot numerorum myriades, si Unum illum nescit & eundem Trinum. Frustra metimur terras, cœlum, maria, nisi noscamus illum quoque, qui est immensus, & qui omnia metitur se ipso. Theologia oculos attollit ad *Θεὸν* illud *Ἰαυασὺν* & *Πατὲρ τῶν Φαίτων*: At Optici *μυοπίζοντες* vix ejus stricturas tolerant, dumque de Lucis verâ *δόξα* disputant, Theologi illam sentiunt. Vani sumus Musici, nisi & corda nostra temperemus ad cœlestes illas chordas, & fides nostra exultet ex concentu talium fidium. Quid agat Politicus, nisi ad *πολιτεύμα* suum in cœlis respiciat? Quam de summo Bono diserti sumus! de quo Varro apud Augustinum CCLXXXVIII. discrepantes enarrat sententias? Theologi non nisi unum nōrunt, quod si Tu ignoras, Philosophæ, summo tuo bono summè eris miser; & situm abis illuc, unde negant redire quenquam, quam palpitabis ut Adriani illa animula nudula, vagula! Forte etiam hîc se Stoicus Sapiens offeret:

Jam enim se solum Regem, pulchrum, divitem, beatum, nobilem, imo (quod impium) Deoparem dicet; se non opinari, ignorare, fallere, mentiri, peccare jactabit. At ô boni, quam bellè vobis festivi videmini, & vos amatis sine rivali! Theologia nostra ita *παρναί* & ampullari nescit, sed titulos fortassis etiam his majores inveniet. Dubitatis de omnibus Sce-

puā:

(a) *de Consol. Phil. lib. 1. prof. 5.*

prici : at de multis dubitare vetant Theologi. Vos Peripatetici utramque nunc paginam facitis : at multa expungunt Theologi. Peripatetici nunc omnes sumus : Postquam enim Scholas & Academias habemus Peripateticas, ipsam quoque Terram Astronomi nobis fecerunt Peripateticam. Jurisconsulti quoque voluntatem hominis usque ad mortem dicunt esse ambulatoriam, id est Peripateticam. At constantes requirit Theologia, non Peripateticos. Si tamen erunt, sint tales Christiani Peripatetici ; quales nobis describit Paulus : qui non ut Circulatores & noctivagi, sed *ὡς ἐν ἡμέρᾳ ἀσχημόνως περιπατεῖσι*. Πολλοὶ περιπατεῖσι, quorum finis est exitium. Beatus est, qui vigilat & servat vestimenta : *ἵνα μὴ γυμνὸς περιπατῇ*. Cautè ambulandum in viâ veritatis, ne noceat Peripateticus ille Dæmon, *ὃς περιπατεῖ ὡς λέων αἰετόμορϛος*.

Magnum profecto est, liberum è Philosophia animum in Theologiam inferre ; nullis erroribus obnoxium , nullis sordibus contaminatum. Multæ Scyllæ & Charybdes præternavigandæ , antequam ad beatas illas accedamus insulas. Tu, KORTHOLTI, illos vortices feliciter superasti ; postquam illos certâ percontatus es bolide : & nunc illustre exemplum daturus es illis, qui te illo ordine sequuntur, si assequi possunt longo præeuntem intervallo. Te per vastissimam omnium disciplinarum Sphæram, quasi illi ceu primo cuidam mobili infixus fuisses, à primâ juventute, plus quam igneo ingenio volvi atque revolvi vidimus : sicut Solem duodecim mansiones percurrentem *εἰς ἑαυτὸν διαυλοδρομεῖν* videmus miramurque. Dotes in Te omnes splendent, ut in iride colores ; quarum ego nunc laudes, ne amicitia nostræ quid dare videar, si illas titulis suis ornem, quæ tamen omnes ferè titulos excedunt : aut ne injurius in illas sim, si illas culpâ ingeniî deteram, consultò prætereo. Ab imis ad summa pedetentim ascendisti ; Uti enim in hoc Naturæ utero (quæ Aristotelis sententia est) prius vitam plantæ vivimus, deinde animalis, & tum demum hominis : ita certis quibusdam gradibus in solidam sapientiam succrescimus. Nam longè ab illorum more aberas, qui nunc illud scientiarum Capitolium non ascendunt, sed irruunt ; quique, ut sciuri inter ramos diversarum arborum saltitant, aut ut in detonso gramine cicadæ, jam huc feruntur, jam illuc nusquam certi hospites. Si quæ impedimenta obstiterunt, (solent enim à bona mente illa nunquam abesse), superasti ; si fortunæ quidam nimbi impenderunt, evitasti : si Empyretarum quorundam *χάλασμοι* te exercuerunt, aut concixisti stomacho Christiano ; aut dissipasti, ut Sol meridianus nebulas. Satis Tibi cognitum est illud hominum genus, quod Satyricus Nigrum vocat, : Familiare enim hoc præclaris ingeniis est, ut malevolorum invidiam pascant, & regium prope invidiam cum mereri posse tum pati. Mordeant illi

serpentes ! (a) *innoxii demum illorum dentes sunt, cum illos frequens morsus ex-*
hausit.

Quare prodi nunc in hoc famæ theatrum, & illud jam diu meritum
brabeum cape, ascende in hanc cathedram, ceu solium aliquod regium,

— *illâ regnabis in aula*

Veritatis hoc tribunal sit, non iniquitatis. Hic murus, quamvis ligneus,
contra Hereticorum insultus tamen esto athenæus. Hac in speculâ locatus,
nil nisi sublime cogita, oculosque ab omni parte circumagita. Pugnabis ta-
men ex hoc propugnaculo tutus horum librorum præsidio, quos explicari
tibi vides. Accipe sacros hos Pandectas, præcipuum Cælestis Imperatoris
diploma, Fastos *ἱεροδύτης*, illos æternæ veritatis testes, qui ignem in ore
circumferunt, & quorum autoritate tu nunc inter Protestantes eris. Ape-
riuntur hi libri tibi, ut discas. Quantum beneficium ! Quam multi enim
sunt, qui vitam libris impendunt, & hunc vitæ librum vel ignorant, vel non
capiunt, vel respuunt ? Clauduntur, ut scias & doceas, fasque ipse horum
librorum receptaculum & Bibliotheca ambulans. Hic Atlas, qui cælum
vertice sustinet. Hi duo libri, duo sunt montes : ut Pelion & Ossa, sibi im-
positi, quibus in cælum scandimus, sed sine *ἱεραξία*. Turris illa Davidica
est, usque in cælumeducta, tu vide, ne illa cedat in Babylonicam, quæ lin-
guas hominum & mentes in diversa scindat. Pellibus exiguis arctantur hi
libri, quos non cælum & terra ambitu suo comprehendunt. Solebant ve-
teres Christiani manus lavare, cum librum hunc tangerent ; at Chrysosto-
mus (b) etiam mentem lotam postulat. Gentiles quoque solebant libros
sacros non nisi lustratis pedibus, oculis, manibus & auribus attingere, uti
Plutarchus autor est ; (c) Tales & te habere convenit : perpurgatos enim
sensus & carnis sordibus non inquinatos verba illa volunt. Childebertus
Rex libros hos auro & gemmis pretiosis ornavit : (d) Sed ne tu inferas au-
rum in aurifodinam, gemmas in ipsam divitiarum abyssum, in quâ velut
in quâdam conchâ recondita latet illa Regni Cælorum Margarita. Legis
verba apud Judæos in pelle animalis immundi exarare nefas ; Librum au-
tem non tangebant nisi sindone purâ involutum : (e) Ita Cordi puro verba
hæc inscribe, mente candidâ involve. Non tu solum tange hunc librum, non
osculum tantum infige, (f) non sub culcitra repone, ut Homeri scripta A-

lexan-

(a) *Senec. lib. 1. de irâ c. 18.* (b) *Hom. 7. ad populum Antiöch. n.* (c) *Orat. 2. de esu carniū.* Ἀλλὰ καὶ τὸν ἱσὺν ἀμαρτανόμαζον, ὅτι ἀψώμεθα τὴν βιβλί-
ων τῶντων, μὴ κατὰ ἐγγύμνοισι χεῖρας, καὶ ἔψυες, ἢ πίδαας καὶ αἰχμάς. (d)
Refert id de Childeberto Gregorius Turonensis lib. 3. Hist. Francor. c. 10. de
aliis Anastasius in Vitâ Gregor. III. & in Vitâ Leon. III. (e) Fide de his riti-
bus Novar. Sched. sacro proph. l. 2. c. 2. (f) Ritus Hebræorum & Moscovitarum.

Alexander, & Sophronis Poëmata Plato; (a) sed (quod ad Johannem ait Angelus in Apocalypsi) *Accipe, & devora librum, quia oportet te iterum prophetare coram populis & gentibus, in succum & sanguinem conuertere: liber ille vitæ est, in illo cibus & lignum vitæ.* Appendebant collo, (b) capiti admovebant ad leniendum morbum, (c) circa pectus gestabant, solebant ad reprimendos libidinis ignes circumferre: (d) Tu potius, si cupidine pectus feruet, in animum admitte,

Hæc verba & voces, quibus hunc lenire dolorem

Possis, & magnam morbi depellere partem.

Ad lectum suspendebant contra nocturnas Dæmonum insidias: (e) Tu si intellectu capis, nil contra te Dæmonis astutia valebit. Poloni ad prælectionem hujus libri gladium stringebant, quo se Evangelii propugnatores ostenderent. (f) At hæc ipsa tibi arma sunt, pugio fidei, clypeus, *μαχαίρα & πλῆμα*. (g) Abis ergo ad prælium; Atque ne nudum ostendas caput, cape hunc pileum, qui & militibus dabatur apud veteres: (h) nec obtinebit adversus Te hostilis exercitus, etiamsi illum tegat Orci galea. Non imponimus Tibi coronam istam triplicem: Multiplicari enim Papas vetant Theologi, quemadmodum *τῶν ὀντων* Philosophi; satis enim ab uno turbarum in Ecclesiâ est. Memento Libertatis signum esse Pileum, non Licentiæ, quam triplicem faciebat Tertullianus: Hæreticam, Pictoriam & Poeticam. Priscum illud fuit Regum, Sacerdotum, Pontificum creandorum apud omnes gentes symbolum, sed formis variatum. Hinc Tiaras, Cidaris, mitra, Diadema, & alia exstantis nobilitatis argumenta. (i) Habe & Tu pile-

Q:

um

- (a) *Coel. Rhodig. Antiq. Lect. lib. 7. c. 1.* (b) Chrysost. hom. 17. ad Popul. *Non cernis, ut mulieres & parvi pueri præ magnâ custodia collo Evangelia suspendunt & ubique circumferunt, quocunque abierint? Tu Evangelii mandata & leges mente describas.* De eodem more Isidor. *Pelusiota lib. 2. epist. 150. ep. 7.* (c) August. tract. 7. in Johann. *Cum caput tibi dolet, laudamus, si Evangelium ad caput tibi posueris.* Post pauca: *Ponatur ad cor, sanetur ut cor.* (d) *Pet. de Natalibus lib. 1. c. 8.* (e) Chrysostom. homil. 43. in epist. 1. ad Corinth. *ad calcem.* (f) Refert Guagninus in *Vitis Regum Polonorum.* (g) *Ephes. 6. 17.* (h) Vide Pier. Hierogl. l. 40. (i) Nobilitatis insigne Pileus. Hinc Ulysssem Pileatum formari putat Pier. lib. 11. Hierogl. & imago Castoris & Pollucis pileata conspicitur. Unde Pileatos fratres Catullus vocat. Illorum imaginem exhibet Chartarius in tractatu de Imaginibus Deorum & ostendit quoque numisma quoddam Locrensiu apud Golziu. In Ulysse autem nobilitatis causam dubiam facit Barth. *Advers. lib. 8. c. 6.* qui propter versutias ejus pileum illi datum esse vult, quod tamen ille non nisi

um hunc excellentiæ & nobilitatis tuæ indicem. Quemadmodum autem ille non turbinatus, sed plantus: ita & animum in summâ dignitate depressum ut habeas, monet. Quemadmodum non alatus; (non enim Mercurii galerus est) ita te non extolle Dædaleis eruditionis tuæ alis, sed fidei & charitatis; & dabit tibi Deus pennas columba, & volabis, & requiesces. Peregrinatores, petasum hunc habe, qui pluvias & procellas arceat, à solstitio solis istius Romani defendat: nosti enim Astronomiam Pontificiam, quæ Pontificem Solem constituit: id est, inter errantia sidera præcipuum. Facundos reddere credebatur Pileus Infantis Naturalis, si quis illum gestaret, ut & ad silentium redigeret alios: (a) *ἡ ἀπὸ τῆς αἰσχύνης* conciliat & hic Tibi, ut in pudorem & silentium à Te conjiciantur, qui divinam veritatem audent convelle-
re. Adoptionis ritus mitræ impositione olim peragebatur: (b) Adoptat quoque Te hujus impositione Theologia. Rotundus est & in circulum abut hic pileus; quæ uti figura perfecta est, nullo sinu impressa, nullo angulo excedens: ita te quoque teretem & rotundum vult, qualem Virum Bonum describit Horatius. Idem poterat indicare annulus, quem in digito tuo coruscare cernimus. De auro est, quod non dividit contudentis malleus, sed dilatat: Ita te adversæ fortunæ malleus. Varia materies sumus Cœlestis illius Fabri: si aurum, fortius ictus cedendo recipimus, & ad ignis, seu calamitatis experimentum perduramus: si lignum fructuosum plantat ille, rigat; si sterile, excindit à radice: si lutum, mitius tamen in illud jus suum exercet figulus ille *ἡ ἀπὸ τῆς αἰσχύνης*. Rotundus Annulus iste est, non anfractibus tortuosus, aut spiris serpentinis implicatus, sed æqualis, Dei, Æternitatis & temporis in veteri Philosophiâ Hierogly.

ex conjectura affert. Palliatum eam ob causam Ulysses creditur Donato Proleg. in Terent. Voss. de eo disquirat Instit Poët. lib. 2. c. 16. §. 13. sed in medio relinquit. De Pileorum apparatu, formis & Symbolis multa Salmas. in Solin. p. 555. &c. Pierius ll. cc. Notæ in Panciroll. tit. 44. part. 1. Diademata varia fuerunt. V. Barth. Advers. lib. 8. c. 1. Diadematis, quod Honorius gesserat, effigiem habet idem Comment. in Claud. 111. Conf. Honor. In aula Constantinopolitana Imperator ceterique consilarii & ministri pileorum formis distinguebantur, quas describit Codinus in libro de offic. aula Constantinopolitana passim. Icones exhibet Gretserus in commentario. De Pontificum & Sacerdotum pileis vide Selden. de Success. in Pontific. l. C. Bulenger. de Vestitu Pontific. & Episc. lib. 1.

- (a) Vide Salmas. in Læmpr. Diadum. & Bulenger. adversus Magos lib. 2. c. 16.
(b) Vid. Ludov. de La Cerda Advers. sacr. c. 173. §. 9.

glyphica imago. (a) Omnia hæc Tibi in mentem revocat iste annulus. Circulos Tu illos, ut mobile aliquod primum, sequere, aut parallelos tibi forma, qui æternum illud agnoscant centrum: Voluntatis tamen tuæ hic ne tibi Ænge Eccentricos & Epicyclos. Sphærica illa figura est, quæ, quia planum subiectum tantum in puncto tangit, celerrimè movetur; ita in puncto tantum tangenda tibi est terræ hujus planities: cujus puncti, quoniam docentibus Mathematicis, quantitas nulla est, in terrâ defixus non hærebis, sed cursum ad cœlestia celerem conficies. Nulla solennia abque annuli interventu aguntur, firmantur pacta, creantur Imperatores, constituuntur Episcopi, firmantur connubia: (b) Agedum ergo accipe & Tu hunc annulum pronubum, dum Theologia se Tibi

Connubio junxit stabili propriamque dicavit.

Hos amores suos, ut certiores sint, etiam firmat Osculo: Uri enim Pileus libertatis, Annulus Dignitatis: ita hoc Charitatis insigne est. Animæ inspirando vel infundendo creantur: Tu Doctör crearis osculando. Qui igitur spiraculum vitæ inflavit Adamo & Spiritum Sanctum Apostolis, animet & Te Spiritu consilii sui. Ad prælium ituris oscula dabantur, dantur & Tibi contra Ecclesiæ perduelles militaturo. Ori tuo illud infigitur, ut aperiatur os tuum, & fias αἰνῆς λόγος, qualis Apollos laudatur, (c) cujus halitu παρηγέρισται τὸ πνῆμα σου, uti Paulo contra Philosophos Gentiles disputaturo. (d) Pedes osculentur illi, qui Pontifici sunt à pedibus: Faces Tibi quoque ve præferri vides; quæ & Imperatori in bellum ituro præferebantur, & inter nuptialia erant symbola: Utraque ratione tibi apta. Sacer ignis est, ad quem ranae silent, fugantur Lupi, & qui illustres gloriæ faces Tibi succendit.

Hæc Tibi quidem Signa & Symbola confert Academia, quæ ex veterum Hebræorum Scholis creduntur esse petita. (e) At frustra hæc omnia: nisi Tu ipse Tibi signum esses optimum. Tu quidem nunc Academico apparatu insignis incedis; sed quorsum ille, si à Te accederes imparatus,

Q 3

(neque

- (a) Vide Pier. Hierogl. lib. 39. *Hebrei Dei nomen ineffabile depicaturi circulo sres Jod includunt.* Vide Kircher. in Prodomo Copto. c. 8. Aloyf. Novarin. Sacror. Elektor. l. 2. c. 27. tom. 1. Lips. Physiol. Stoic. lib. 1. diff. 8. & lib. 2. diff. 10. Johann. Baptistam Personam in noct. solitar. ad Odyss. lib. 6. v. 41. Colloq. 23. & 25. *Hinc ille Draco Circularis, quem Claudianus graphicè describit l. 2. de laud. Stilic. Hinc Rota Deorum, Inferorum Hominum.* V. Pier. libro citato. (b) Vide Fortun. Licet. & Kirchm. de Annulis. (c) Act. 18. 24. (d) Act. 17. 16. (e) V. Alting. Hist. Promot. Academic. in pop. Hebræor.

(neque enim hic valet vulgi illud εἴματα ἀνδρῶν) & nisi virtus & eruditio tua omnes apices, titulos & prætextas transcenderet? Abis in hæc feracissima Metamorphoseon secula, in quibus, quid sperandum Tibi sit, facile vides. Pertubas, tonitrua, phialas & belluarum cornua ad cœlestem Hierusalem tendimus. Tribuat Tibi DEUS πῶτα σοφίας καὶ ἀποκαλύψεως, detque ut habeas πρῶτισμένους τὰς ὀφθαλμούς Διδασκαλίας. Armet ille Te suo robore, ut feliciter pugnes contra Hydræ succrescentia capita. Detrahe simulatoribus illis larvam, qui Christum potius fictum vel pictum in Christophori dorso habent, quam præsentem in pectore, illis pro abdomine & Belo suo pugnantibus sacrificulis; & illis, qui postquam à cultu imaginum abiērunt, cultum imaginationum sunt amplexi. Tu tantum memento ἀναζωπυρεῖν ὃ θεὸς χάρισμα tam largâ manu in Te collata: Te enim eximium decus suum agnoscit Academia, cujus spem, quam de Te concepit, non ales, sed satiabis. Sed quid de Academiâ dico, cui vix sui ipsius spes amplius relicta est? de quâ dicere licet, quod de Urbe quâdam Anonymus Epigrammatista (a)

τὴν πόλιν οἱ νέκυες πρὸ πύργου ζῶσαν κατέλειψαν.

Ἡμεῖς δὲ ζῶντες τὴν πόλιν ἐκφέρομεν.

Tu, quantum in te est, salutare manus adhibe, & vive divinæ gloriæ & Reipublicæ. Quam felix eris, quem Dominus sic facientem, cum venerit, invenerit! Tandem ad cœlestia subsellia candidatum Te evocabit, fulgidissimâque corona pro hoc pileo ornatus inter Agni oscula, æterna capies brabæa, & summus ille iudex mitter Te in bonorum possessionem, quæ nec oculus vidit, nec sensus ulli perceperunt. FIAT, & ita fieri jubeat, ὁ ὢν, καὶ ὁ ἴν, καὶ ὁ ἐρχόμενος.

(a) Anth. l. 1. c. 90.

✠(O)✠

✠

PRINCEPS MEDICUS

Resp.

Reimaro Nicol. Stapeln, Lub. publ.

disqu. exhib.

Rostoch. 3. Maij, 1665.

IN esse aliquid divini Majestati, omnes fere gentes crediderunt, & si quæ Principium actiones præclaræ admirabili eventu comprobatae fuerunt, plerumque ceu *Θεία χειρὶ γωγία* perfectas venerati sunt olim, & nunc quoque suspiciunt, qui circumspectis oculis arcana tantæ Philosophiæ rimantur. Hinc est illa veteribus Historicis toties notata in Principibus *Θεία ἐνέργεια*. Hinc M. Tullius pluribus locis *regale nomen magnum & sanctum* prædicat, & præclare Themistius in Oratione ad Constantin. in sententiam illam disserit: *ὅτι πανταχὺ τοῖς ἔργοις & βασιλείας τὰ σὺμβολα ὁπικεῖται ἐν Φαῖν' ἐν ἑρμηνείᾳ τοῦ θεοῦ.* Quod nimirum in regis actionibus manifesta providentia caelestis signa appareant. Multa certe Principium admiranda, & humanis actionibus majora, non ab aliis quam istis principiis arcessi debent. Inter quæ non immerito plurimis numeranda videtur mirabilis illa strumarum & aliorum morborum curatio, quæ instituitur à Regibus Galliæ & Angliæ. Cujus Historiam & quicquid amplius rei vel politicæ vel physicæ eo spectat, si Dissertatione quâdam deducamus, operæ forte pretium facturi videamur: cum nec in vulgus illa adeo nota sit, multa que præterea contineat scitu nec inutilia, nec injucunda. Sistimus ergo nunc PRINCEPEM MEDICUM, sed MIRABILEM: Neque enim, si rei veritas tibi satis constet, *εὐκλὴς & θεῖα* in Principe aliâ magis *διωάμει* elucescere poterat, quam quæ ipse noster summus *Σωτὴρ* orbi fuit admirabilis: ut sic Reges, qui salutem non solum Reipublicæ & animorum, sed & corporum præstunt, verè habeamus *Ποπυλὶ Ἀρχιατρεῖς*.

Historiam curationis memoriz tradidere Rerum Gallicarum Scriptores bene multi. Singulari libello *de mirabili strumas sanandi vi, solus Gallie Regibus divinitus concessa*, rem omnem persequitur Andreas Laurentius, Consiliarius & Medicus Regis Galliæ primarius, testis, uti videri vult, *αὐτόπτης*:
fed

sed qui plurima è longinquo petita & ad rem non facientia admiscet. Ipsius solennitatis narratio quam habet lib. 1. c. 2. præ aliis fidem merebitur: verum cum ad manus liber iste nunc non sit, quæ ex eodem Autore congestit Limnæus in Notitiâ Franciæ lib. 2. c. 5. nobis adducentur: Hodie, inquit, ut partim ipse aliquoties vidi & observavi, partim percepi, res ita geritur. Ordinariè actum strumosos sanandi Rex quater in anno festis celebrioribus ut Paschatis, Pentecostes, omnium Sanctorum & Nativitatis Domini expedire solet. Pridie actus precibus vespertinis, ut & quandoque matutinis in Ecclesiâ vacat: postera luce, Confessione peccatorum factâ, celebrationi missæ interest, & sacrâ se munit Cœnâ, quo propitius numen habeat. Interea strumis laborantes quotquot numero sunt, postquam ab Archiatro Regio ejusque Collegis, ut & Chirurgis aulicis diligenter examinati, quo morbo infecti sint, sub dio, quod Turonibus, sive in ambulo quodam spacio, ut Parisiis in Lupara en la grande gallerie vidi, conveniunt, ibique ab illis, quorum muneris hoc est, ita collocantur. Ut primum locum teneant Hispani, hos sequantur alii exteri, & ultimi sint Galli. In duplicem etiam lineam ut plurimum dispanantur, quarum una à dextris, altera à sinistris; tanto inter utramque spatio relicto, ut ad minimum tres quatuorve persone uno ordine sine impedimento incedere possint. Ubi tempus adventus Regis appropinquat, procumbentes in genua, eum præsolantur. Interea exacta sit investigatio, an tiquam eorum culcer sit, forfex, vel aliud quidpiam, quo ledere Regem possit, & quicquid hujus generis est, removetur. Ad ingressum Regis junctas manus more supplicum elevant morbofi, præcedunt pratoriani milites, officarii Aulici, nec non Sceptrogeruli: Sequitur Rex nudo capite, devotè orantem gestibus representans. Medici Regii à tergo agrorum sunt, quorum capita stringentes uniuscujusque Regi transeunti quasi offerunt. Hic extenso paulisper brachio dextro manu perfunctoriè vel leviter tangit decussatim faciem oblatam & addit verba. Le Roy te touche, Dieu te guarisse. Rex te tangit. Deus te sanet. Hæc Ceremonia eademque verba reiterantur ad singulos Insequentes autem Eleemosynarii, unicuique horum, quos tetigit Rex, vel loco viatici, vel in rei gestæ memoriam aliquantum pecunia tradunt. Volui pluscula hæc describere, alienis potius verbis, quam meis, ut fides rei sit manifestior. De effectu curationis variè sentiunt ipsi Galli. Andreas Laurentius, cui ipsa strumosos examinandi provincia demandata fuit, suo quoque testimonio rem confirmat: lib. 1. c. 1. Veniunt, inquit, singulis annis plusquam 15 homines ex Hispaniâ remedium sanitatis precibus & gemitu exposcentes. Vidi ego infinitos glandularum tumoribus pregnantibus ulceribus sordidis squalentes, diverse ætatis, habitus, temperamenti, sexus, variarum regionum & nationum, diversis anni temporibus à Rege Christianissimo, citra ullam opem medicam, perfectè sanatos. Adde huic quoque Guidonem in Chirurg. magn. tract. 2. doct. 2. 5. & Joh. Tagaut. lib. 1. Inst. Chirurgic. Sed alii, & vel ipsi Galli secus sentiunt. De quo insequentibus plu-

ra. De Laurentii Libro Gutierrius in Lib. de Fascino Dub. 7. n. 12. judicat, quod eo in opere non parum adulationis involvi videatur: nec probat ambitionem Tituli, qui solis Galliarum Regibus eam potentiam tribuat, à qua alii Reges excludi non debeant. Valdesius de dignitate Regum Hispaniarum ex Beutero eandem Regibus Hispaniarum curandi gratiam concessam esse asserit. Sed illa dicuntur tantum, nec solido documento probantur. Eandem comitibus Habsburgensibus tribuit Felix Faber Hist. Svevor. lib. 1. c. 15. Legimus, inquit, in Chronicis Comitum de Habsburg quod tantum donum gratis datum habeant, ut quicumque strumosis aut gutturo globosis de manu alicujus Comitum de Habsburg potum acceperit, mox sanum, aptum & gracile guttur reporetur. Quod saepe visum est in valle Albrechtsthal, in Alsatia superiori, in qua sunt homines strumosi naturaliter, qui passim prædicto modo sanabantur, dum vallis adhuc esset illorum Comitum vel Austria Ducum. Sed nec isti relationi multum fidei tribuit Camerarius Horis subciv. cent. 3. cap. 42. cum apud alios, qui Habsburgicæ domus genealogias & res gestas accuratè scripsere, ejus nullum appareat vestigium. Quo titulo Angliæ Reges illud sibi charisma adscribant, non satis liquet. Polydor. Virgil. lib. 8. Hist. Anglicanæ, meritis D. Eduardi Regis adscribit, qui non strumas solum sed & Epilepsiam, spasmus, & alios morbos curare potuerit. Refert quoque annulis benedictis in morbo comitiali usos esse. P. de Lancre de l'incrudulité & mescreance du sortilege traite 3. n. 12. pag. 164. uti & Andreas Laurentius in tractatu citato non negant quidem, Eduardum morbos istos curare potuisse propter vitæ sanctitatem: nam & in Bulla canonisationis D. Eduardi, & in vitâ ejus conscriptâ ab Eilthedo legitur: D. Eduardum mulierem quandam strumosam persanasse. De Epilepsiâ verò curatâ ita sentiunt: quod annulis istis forte inesse potuerit, vel alcis ungula, vel radix poronæ, ut sic miraculo adscribendum non sit, quod ab actione naturali trahit originem. Idem P. de Lancre eodem in loco propter duas causas Regem Angliæ Jacobum strumosos tangere dicit, ut sibi conservet duos speciosos titulos: nempe Capitis Ecclesiæ Anglicanæ, & Regis Franciæ: & morbosos se ad eum conferre magis spe elemosinæ quam recipiendæ sanitatis. Sed illa potius cavilla esse videntur, quibus Galli, ægrè æmulos ferentes, incessere solent istos Regum Anglorum actus, quorum alterum æquè in Gallos retorqueri poterat. Accedit antipathia quædam duabus istis nationibus insita & innata, quæ facile abit in aliqua convicia. De Anglis Guilielmus Brito Philippeidos lib. 3 v. 267. quod naturaliter omnes Francigenas odio prosequantur. Ad quem locum plura notavit Barthius in commentario, quæ huc facere possunt. Meminit Camerarius laudato supra loco, ex relatu fide dignorum hominum se accepisse: certa signa σίμφωνα, quæ strumarum ta-

Et curationem indicare creduntur, Regibus Angliæ esse impressa, Leonem & Coronam, quibus alii addunt gladium. Quæ ita se haberent, non spernenda essent veritatis argumenta. Edidit Elisabethâ imperante Gvilielmus quidam Tookerus Anglus singularem eâ de re librum cui inscriptio: *Charisma seu donum sanationis*, cujus non absque bile meminit Andreas Laurentius, quamvis librum nunquam viderit. Nec ego tam felix fui, ut ad manus meas deveniret iste Autor. Incidi tamen in Delrium, qui libr. 1. cap. 3. quæst. 4. Disq. Magicæ summam ejus opusculi recenset, an fide bonâ agat, nescio: nam insensibilissimus illi est, & totam rem argumentis, quorum multa non nisi Pontificiæ religionis inanibus sententiis superstructa sunt, tentat evertere. Probare in eo libro conatur Tookerus (fidem Delrii secutus recto) etiam Elisabetham tum regnantem Charismate sanandarum strumarum fune prædictam, & hoc donum Regibus Angliæ ab ipso usque Lucio competitale: Reges Franciæ per quandam propaginem (quod impudens assertum vocat Delrius) donum hoc ab Angliæ Regibus accepisse. In refutatione ejus Autoris perquam anxius & multus est Delrius. Probationes ejus elevat, obiicit enim: testes non satis multos, nec satis fide dignos adduci, Ceremoniarum sanctitatem, quam adeo extollit, & cui multa adscribit, suspectam sibi videri, emplastra adhiberi, non omnibus, nec semper, sed quibusdam tantum Regum eam impertiri gratiam, magnam hominum partem isthoc beneficio curatam relabi in pristinum morbi statum, quæ indicio sint, non esse hoc charisma à Deo, cujus perfecta sunt opera; sed potius à Dæmone, qui nec planè sanat, nec perpetuò liberat: ita enim stultissimè argumentatur. Abit deinde in dissertationem (manu tamen ducente Tookero) de miraculis, multa que contra Ecclesiam Anglicanam movet, in quâ ut schismaticâ & hæreticâ à Capite ejus miracula peragi posse negat. Sed illa non magni momenti sunt, & vix attendenda, si alia Tookeri argumenta satis belle habeant, de quibus tamen pronunciare nihil audeo, cum ipse liber non sit ad manus, & ab aliorum, & adversariorum quidem, judicio hic pendere, Veritati vix sit consultum. Exerci vero à Rege Angliæ hodiernum istos actus, ipse in inauguratione Regis Caroli II. jam imperantis, his oculis meis vidi. Nec, cum Limnæo, loco superius laudato, histrioniam hic agi, persuaderi mihi temerè patiar.

Nec silentio præteriri hic debent, quæ in veteri Historia habentur curationum Principibus institutarum exempla. Illustre imprimis est, quod de Vespasiano refert Tacitus Historiar. lib. 4. c. 81. quem locum cum planè nostri argumenti sit, adscribere non dubito. *Per eos menses, quibus Vespasianus Alexandria statos æstivis statibus dies, & certa maris opperiebatur, multa miracula evenire, quis celestis favor & quadam in Vespasianum inclinatio Numinum*

ostendit.

ostenderetur. Ex plebe Alexandrinâ quidam oculorum rabe notus genua ejus advol-
visur, remedium cecitatis exposcens gemitu, monitu Serapidis Dei, quem dedita su-
perstitionibus gens ante alios colit, precabaturque Principem, ut gendi & oculorum
orbes dignaretur respergere orâ incremento. Alius manu ager, eodem Deo autore,
ut pede ac vestigio Cesaris calederetur, orabat. Vespasianus primo irridere, asperna-
ri, atque illis instantibus, modo famam vanitatis metuerè, modo obsecratione ipso-
rum, & vocibus adulantium in spem induci. Postremo aestimari à Medicis jubet, an
talis cecitas ac debilitas ope humanâ superabiles forent. Medici variè differere. Huic
non exesam vim luminis, & redituram, si pellerentur obstantia. Illi elapsos in pra-
vum artus, si salubris viâ adbibetur, posse integrari. Id fortasse cordi Deis, & di-
vinam ministerio principem electionem: denique paratè remediî gloriam penes Cesarem,
irriti ludibrium penes miseros fore. Igitur Vespasianus cuncta fortuna sua patere
ratus, nec quicquam ultrâ incredibile, lato ipse vultu, erectâ quæ adstabat multitu-
dine, jussa exequitur. Statim conversa ad usum manus, caeco reluxit dies. Utrum-
que, qui interfuerè, nunc quoque memorant, postquam nullum mendacio pretium.
Idem refert Sueton. in Vespasiano & Dio. Non absimile huic de Adriano
refert Aelius Spartianus: Adrianus ultimo vite radio jam affectus, gladio se
transigi à servis jussit &c. Ei supervenit quaedam mulier, quæ diceret, somnio se
monitam, ut insinuaret Adriano, ne se occideret, quod esset bene valiturus: quod cum
non fecisset esse coactam: jussam tamen iterum Adriano eadem diceret, atque genua
ejus oscularatur, receptura visum, si id fecisset. Quod cum insomnium impleisset,
oculos recepit, cum aquâ, quæ infano erat, oculos abluisset. Venit & de Pannoniâ
quidam natus cæcus ad febrientem Adrianum, eumque contigit: quo factò & ipse
oculos recepit, & Adrianum febris reliquit: quamvis Marius Maximus hac per si-
mulationem facta commemorat. Salmasius hic in commentario pro natus cæ-
cus substituit vetus cæcus: fidem enim superare putat, quod natus cæcus
oculos receperit: sed ea ratio quidem nullius est momenti, quia seu natum
seu veterem cæcum visum recepisse tactu solo, æque poterat videri incre-
dibile, & oculos recepisse commodius dicatur naturâ cæcus, quam qui
vitio accedente factus. De Pyrrho Rege refert Plin. Nat. Hist. lib. 7. c. 2.
Quorundam corpori partes nascuntur ad aliqua mirabiles. Sicut Pyrrho Regi pollex
in dextro pede, cujus tactu licnosis medebatur. Hunc cremari cum reliquo corpo-
re non potuisse tradunt. Eadem Plutarchus in ejus vitâ memorat. Sed quid
de his sentiendum sit, infra disserendi locus erit. Nunc ad Regum Gallo-
rum curationes regredimur, deque ortu & progressu illarum & Historiâ
plenius sumus acturi, sine cujus notitiâ vix quidpiam certi eâ in re potest
statui.

Plerique omnes oleo cœlitus misso, quo Clodoveus primus in Bapti-
smo à S. Remigio Episcopo unctus fuit, eam virtutem tribuunt. Solet

huc adferri D. Thomæ in opere de Regimine Principum ad Regem Cypri sententia: *Sanitatis sacra unctionis argumentum, inquit, assumimus ex gestis Francorum & B. Remigii super Clodoveum Regem, ex relatione olei de super per columbam, quo Rex prafatus fuit inunctus, & inunguntur posteri, signis, portensis & variis curis apparentibus in eis ex unctione predicta*: Verum Bellarminus in libro de Scriptoribus Ecclesiasticis hunc fœtum D. Thomæ minimè genuinum multis argumentis probat, ut sic ejus frustra hic allegetur autoritas. Sed plenior hujus Olei cognitio pro instituti nostri ratione habenda est, neque si ab ipsis primordiis deducamus, oleum & operam perdere videbimur. Inter omnes primus rem illam tradidit Hincmarus Episcopus Remensis, silentibus illis, qui Clodoveo æquales fuerunt, Historicis. Ita vero ille in vitâ S. Remigii, quæ exstat apud Surium: *Cum verò pervenissent ad Baptisterium, Clericus qui chrisma ferebat, à populo est interceptus, ut ad fontem venire nequiverit. Sanctificato autem fonte nutu divino chrisma defuit. Et quia propter populi pressuram ulli non patebat ingressus vel egressus Ecclesie, sanctus Pontifex oculis & manibus protensis ad cælum capite tacite orare cum lachrymis. Et ecce subito COLUMBA nive candidior attulit in rostro AMPULLAM chrismate sancto repletam, cujus odore mirifico super omnes adores, quos ante in Baptismo senserant, omnes qui aderant, inestimabili suavitate repleti sunt. Accipiente autem S. Pontifice ipsam Ampullam, species columba disparuit, de quo Chrismate fudit venerandus Episcopus in fontem sacratum. Viso autem Rex tanto miraculo, abnegatis Diaboli pompis & operibus ejus, petiit se à S. Pontifice baptizari &c.* Ista Hincmarus, quantum scitur, primus memoriæ prodidit, inter quem & Clodoveum intercedunt 386. anni: Incidit enim Clodovei Regis baptismus in annum Christi 495. (496. vid. infra in Addend.) Hincmarus autem obiit anno Christi 884. Sed plurimis suspecta visa est ea narratio & vel ipsis Gallis, cum nemo Historicorum, qui Clodoveo vel *Contemporariis* sunt, vel proximè eum sequuntur, mentionem ejus faciat. Exstat S. Aviti Epistola 41. (quæ reperitur apud Sirmondum ad annum 497.) ad ipsum Clodoveum Regem recens Christianis initiatum sacris gratulatoria, sed in quâ nullâ reperitur tam solennis miraculi memoria. Exstat quoque ipsius S. Remigii Archiepiscopi testamentum post Clodovei obitum conceptum, binis quidem diversis exemplaribus, quorum unum primus edidit Flodoardus in Hist. Eccl. Remens. deinde Barnabas Brissonius in Formulis, tum Aubertus Miræus in Codice piarum donationum: alterum produxit Chiffletius in nova disquisitione de Ampullâ Remensi c. 3. Prius illud testamentum corruptum esse luculenter satis probat Chiffletius, quia verba adjecta sunt, quæ confundunt unctionem Baptismi cum Regiâ, quæ tum non erat in usu, planeque contra Historiam pugnant: neque enim in Regem ordinavit, S.

Remi-

Remigius, quod vult ille *ἐμβολισμός*, qui jam 15. annos imperio præfuerat. Sed nulla in istis pro ampullæ cœlestis veritate stabiliendâ argumenta, cum verosimile non sit, vel S. Avitum, vel Remigium omisurum fuisse, quod spectare poterat, vel ad DEI gloriam, vel ad Regum Franciæ commendationem. Legitur quoque apud Aimoinum Epitaphium Clodovei, quod à Remigio factum creditur: Verum nec hîc, cum debuisset omnino, apparere ejus vestigium. Quod verò Balthasar de Vias in Sylvâ Regiâ p. 6. Epitaphium Clodovei allegat & ita habet: (*Hic est ille Illustrissimus Rex Ludovicus, qui & Clodoveus ante Baptismum est dictus, Francorum Rex V. sed verus Christianus, qui ab Anastasio Imperatore Consul & Augustus est creatus: Hunc B. Remigius baptizavit & in Baptismatē ejus Angelus Ampullam Sacri Chrismatis detulit*) non immeritò ineptum & fictum judicat Chiffletius, cum tabulis ligneis inscriptum sit & male distincta nomina Clodovei & Ludovici, quæ sine discrimine, post baptizatum Clodoveum S. Remigius usurpavit. Pertinax itidem silentium est apud Gregorium Turonensem, accuratissimum rerum Gallicarum collectorem, qui justo post Clodovei Baptismum seculo, nimirum anno 695. è vivis excessit: nam in Historiâ Francorum lib. 2. c. 31. baptismum Clodovei accuratè satis describens ejus rei non meminit; cum tamen ejusdem libri c. 37. minora quædam miracula, quæ Clodoveo obrigerant, de cervâ viam per fluvium Vigennam ostendente, de Pharo ignis illi apparente, de muris Engolismæ ad Clodovei aspectum corruentibus notet; ut mirum sit ab eo vel ignoratum fuisse, vel silentio præteritum tam illustre miraculum. Dubiam certè Gallis ipsis facit sententiam: nam ipse Thuanus Præses Parisiensis lib. 109. ita judicat: *A multis de eo ambigitur, cum de illo ipse S. Remigius in suo testamento sileat; nec Gregorius Turonum præsul aliusque ex veteribus fide dignus auctor mentionem faciat.* Scipio du Pleix historicus Regius: *Quod attinet ad sacram Ampullam: quæ hodie magnâ veneratione servatur in Ecclesiâ S. Remigii Remensis, Gregorius Turonensis Episcopus, qui sub filiis Clodovei in lucem editus est, nihil adfert de tanti momenti miraculo, quamvis ejus historia aliis absque numero miraculis sit instructa.* Accedit quod non satis constet sibi ipsa narratio, quæ propter variam relationem non minimam falsitatis suspicionem incurrit. Nam cum Hincmarus & Flodoardus lib. 1. Hist. Remens. c. 13. & Aimoinus in Historiâ Francor. lib. 1. c. 16. Ampullam à columbâ candidâ dicant delatam; alii, inter quos Guilielmus Brito, Philippeidos libr. 1. Angelum attulisse referunt; Cumque Hincmarus & alii dicant, Clericum, qui chrisma adferebat, à populo impeditum, ad fontem pervenire non potuisse; Brito fractam Ampullam & effusum liquorem narrat. Angelum cum columbâ ita conciliat Du Chesne des Antiquités de France tit. de pays de champagne chapitre 11. p. 376. ut Angelum apparuisse formâ columbæ

dicat. Sed mihi hinc in mentem Euripides, cujus elegans hoc & verum est verbum: Ἀπλὴς ὁ μῦθος τῆς ἀληθείας ἐστὶν Oratio veritatis simplex est, quam ista narrationis *πικιλία* valde reddit suspectam. Johannes Ferrandus Aniciensis in Epinicio pro Liliis impress. 1. p. 17. ad ejus rei probationem affert, Clodoveum in conversionis suæ & tanti miraculi memoriam Equites creasse, quos *Chevaliers de la sainte ampulle* nominari voluit. Sed nullum ejus assertionis idoneum producit testem, ut vix attendi ampullares illi equites mercantur. Atque hæc tot laudibus jactata ampulla est, de quâ Balthazar de Vias sylv. 2.

*Quam cæli perfecit opus, cui Numina summam
Imposuere manum, & miro ceromate plena
Fluxit, ut hoc tanto Reges sacrentur olivo.*

Liquorem autem eâ contentum Autor Anonymus in Vindiciis Gallicis vocat: *Balsamum*, quod non Arabia immisit, sed quod Cælum terris impluit, nec frutex aliquis stillantibus lacrymis sudavit: sed ipsa sidera quasi roscida effuderunt. Ipsa ampulla parva est, ore angusta, ex vitro valde spisso, atque uti Chidæti cap. 13. ait, primoris coëctionis, quod sublunarem potius materiam, quam cœlestem arguat, continens balsamum coloris rubicundi. Atque, ut addatur miraculum miraculo, Ampulla illa tempore inungendi Regis semper dicitur abundare oleo, cumque vitâ ejus decrescente decrescere. Hinc Rex Ludovicus XI. vitæ producendæ nimium quantum cupidus sanctam ampullam afferri sibi curavit, ut ex inspectione ejus vel vitæ terminum intelligeret vel oleo sacro delibutus sanitati restitueretur: Chassanzus tamen eo solum tempore apparere dicit, quo inaugurantur Reges Franciæ. Hujus verò incrementum & decrementum mirabile planè ab Historicis veteribus non est traditum, neque nexum aliquem cum priori illo miraculo habet. Cum enim oleum hoc primitus non ad inaugurandos Reges, sed ad inungendum in Baptismo Clodoveum cœlitus missum sit, neque successores Clodovei inuncti sint isto oleo, cum inaugurarentur, ante Pipinum, qui primus ungi cœpit, ut evidentibus argumentis demonstrat Alexander Patricius Armacanus in Marte Gallico lib. 1. c. 11. nudum certè hæc impugnantibus præbent; nisi forte casu in tale miraculum stagnantis ampullæ incidisse dicas, cujus tamen an quicquam proditum sit, nescio, & forte mecum omnes. Quæ Autor Anonymus in Vindiciis Gallicis contra Armacanum adfert, ea *κενοφύγηται* in Testamento illo Remigiano sed corrupto quærun. Ab illo oleo cœlesti & unctiōe, maxima illa Regum Francorum super ceteros Reges eminentia, & illa strumas curandi potestas deducitur. Hinc Matthæus Paris. Regem Francorum vocat Regem terrestrium Regum, & postea Guilielmus Brito, Philippeidos lib. 1. ubi de Philip-

Philippi II. Regis inauguratione agit, ita de Regum Franciæ excellentia:

*Magnanimus sacro Rex delibutus olivo,
Quo Deus Angelicis manibus virtute parato
Divinâ nostris concessit Regibus uti,
Ut sacrentur eo soli specialiter illi,
Qui successit Francorum sceptrâ capeffunt,
Quo major nostri patet excellentia regni,
Dignior ut verè Rex noster Rege sit omni.*

Hinc illa à Baldo Jcto Regum Francorum elogia: *Regis Franciæ umbrâ totum mundum regi: Esse tanquam stellam matutinam in medio nebula meridionalis, qui lege intellectus agatur, & apud nos sit polus antarcticus, ut transeam alias insulsi Panegyristæ nugas.* Quantum ea in re desudet Chassanzus, non felicior Baldo Encomiastes, in Catalogo Gloriæ mundi, parte 5. Confid. 31. dici vix potest. Præter enim familiarem illam plerisque Jurisconsultis tribuignem, omnium absurdissimâ & stultissimâ adulatione Prophetarum de Christi unctione sanctissima oracula ad Regem Galliæ applicat; jam per civitatem illam de Cælo in Apocalypsi Johannis descendentem intelligit Rempublicam Gallicam: jam multa de Liliis aliisque rebus è naturali Philosophia deducta ineptâ flosculorum sparsione cum Gallico confert imperio, ut talia legenti Bacchi *χέρον* videatur, in quo, teste Athenæo papaver & album triticum, hordeum, pisum, ervum, cicer, lens, faba, zea, avena, caricæ, mel, oleum, vinum, lac, quin etiam illota ovis lana simul congerebantur. Sed Chassanzo indignari nunc adeo nolumus: Miror potiùs eos, qui cordati magis videri volunt, ab istiusmodi nugis sibi non temperare. Cui enim persuadeat Anonymus ille Gallus, Autor aliàs minime ineptus, libri sui cap. 9. ea quæ Psalmo 44. habentur: (*Dilexisti justiciam & odisti iniquitatem: propterea unxit Te Deus oleo latitiæ præ consortibus tuis.*) de Rege Galliæ dicta esse, quia istius Psalmi inscripto sit *pro Liliis*, quæ sunt insignia Regni Galliæ? Hæc quidem ferat aliquis, si vel Hyperbole aliquâ oratoria, aut poetismo sacro dicantur: sed seriâ aliquam talium tueri thesin, quam ridiculum sit & putidum, quis non videt? ut, me quidem iudice, Majestati sacræ parum consulatur istis quisquiliis. Et si enim in partes Magnificentiæ Regiæ venit, ut non nunquam ostententur Regia auspicia: decorè tamen id fieri debet nec palpabiles quædam nugæ admisceri, quibus obfuscatur potiùs Regius iste splendor. De unctione ipsâ Regum præclare omnino sentiendum est, ut quæ Majestati Regiæ divinum quoddam *ἀξίωμα* conferat. Nicephori Callisti lib. 1. c. 4. proba est de unctione sententia: *ὁ δὲ γὰρ τὰς χεῖρας πνευμαλὶ, οἷς, τὰς ἑνὶ τῷ αἵματι, χεῖρας κατ' ἐκὼνα εὐχαρίστον καὶ ἀνθρώπων. ἐπεὶ τοὶ γὰρ καὶ αὐτοὶ πάντες πρὸς τὸν πνεῦμα ἵσταται,*

τῆς καὶ πάντων ἀληθείας δέχῃς καὶ ἐξουσίας τε σωτῆρος ἡμῶν Ἰησοῦ Χριστοῦ : *Divinō enim Spiritu dum hos inungebant ii, quibus id negotiū datum. CHRISTOS per imaginem & faciebant & appellabant. Siquidem & Regibus omnino typi quidam & figura inerant veri regni & potestatis, quam Servator noster JESUS Christus in omnes habet : Hæc improbari à nemine nisi Majestatis sacræ contemptore possunt; neque culpet aliquis sano sensu accepta ista Chassanxi loc. cit. confid. 31. Rex Francia cum sit CHRISTUS, scilicet oleo sacro divinitus misso unctus & sacratus, omnibus celsior est atque major, ex quo vocatur Christianissimus. Hinc jam ortæ publicæ illæ & illustres controversiæ de Præminentia Regum Galliarum, quæ integris libris inter Gallos & Hispanos ventilatæ sunt, & inter præcipua fundamenta ponunt missam de cælo ampullam, mirabilem strumarum curationem, & alia Majestatis Gallicæ ἀξιώματα. Magnas & audaces assertiones his & aliis superstruxit M. Besianus Arroyus, Theologiæ Doctor Gallus, in Quaestionum suarum decisione, libro Gallicè conscripto, de fœderibus Gallicis & de justitiâ armorum Gallicorum, contra quem eruditè disputat Alexander Patricius Armacanus in Marte Gallico. Edidit quidem contra Armacanum Vindicias Gallicas Anonymus quispiam, sed minore certè curâ & diligentia scriptas. Sed accuratius inde hæc controversiæ cœpere agitari inter Jacobum Alexandrum Tenneurium, Gallum, & Joannem Jacobum Chiffetium, Equitem & Medicum Hispanum, qui in Luminibus Salicis, in Lampadibus Historicis, & aliis diffusis voluminibus, magno conatu contra Gallos & quidem ex ipsius Historiæ visceribus disputat. Is ipse novam de Ampullâ Remensi dissertationem edidit, in quâ omnem ejus rei fidem argumentis non vulgaribus infringere nititur, quorum aliquam partem etiam nos supra adduximus. Inprimis urget perpetuum illud à quinto ad nonum seculum Historicorum silentium, quod cum urfisset ante illum Armacanus, respondit Anonymus Vindex: negativum argumentum concludendi vim nullam habere: cum tamen illud in Historicis maximi sit momenti, in quibus universale silentium & consensus rem omnem absolvit. Inprimis speciosa est & ingeniosa illa conjectura, quâ utitur in investigatione originis hujus commenti, quam lubet hic adponere: Baptisteria veterum Christianorum in Cœli stellati formam exstructa fuisse memorat, testante id Paulino Nolano Natali 10. & aliis, unde columba super lustricos fontes suspendisoluta, ramum oleæ ore ferens: Baptismum Christi exhibitum fuisse cum columbâ in sacrum ejus caput delabente: Nonnunquam quoque religiosa talia spectacula populo fuisse exhibita (qui mos hodieque Pontificiis per est familiaris) exempli gratiâ in Festo Pentecostes columbam dimissam esse in templo, canente Sacerdote: *Accipite Spiritum Sanctum*. Similiter die sacro nuntiati conceptus divini, dum Angelus dicit: *Spiritus**

S. superveniet in Te, è Templi fornice columbam demissam in puellam, quæ Virginem Mariam repræsentaverit. Ex his (quæ omnia testimoniis firmat) par inquit, est credere, geminâ illâ ratione & diversis temporibus Baptismum Clodovei pîâ scenâ populis repræsentatum, indeque ortam vulgi fabulam de Ampullâ per Columbam vel per Angelum ad ungendum Regem Clodoveum cælitus porrectâ. Atque illa omnia pulchrè & erudirè satis à Chifletio sunt disputata, ad quæ quid responderit Tenneurius (respondit autem peculiari disquisitione Apologeticâ) nunc me later, quandoquidem ejus libri copiam habere non potui. In Chifletium istum eleganti Epigrammate lusit Eques eruditissimus & poëta ingeniosissimus Constantinus Hugenius Poëmatum suorum lib. 11. quod legi hic meretur.

*Doctè Chifleti & eleganter & probè,
Quod nemo sanus improbaverit probas,
Quod somniant cælitus Remis datum,
Vas esse vanum & esse nugas vitreas;
Nec ipsa tecum pugnet impudentia,
Nec ultima obstinatio. Quid est tandem?
Equidem stupebo, eritque pro miraculo,
Quod Hæta & Aspricollis invident tibi,
Si quamlibet disertus hoc confeceris,
Ne Bulla scriptor pergat Ampullas loqui,*

Ego certè cum Majolo de eadem re tom. 4. colloq. 5. Dier. Canic. differente, malim, pro suo arbitrio quisque judicet in tantâ præsertim ingeniorum ac rerum varietate, ne invidere aliena laudi, cumuloque contra alterius gloria detrabere videar. Argumenta equidem solidiora hætenus inveni apud Hispanos, quam apud Gallos, nec ulla est fide digna autoritas, quæ tueri ampullæ cœlestem originem possit. De Gregorio Turonensi, quamvis communes editiones nihil memorent, poterat tamen quædam subnasci dubitatio, ex eo, quod Centuriatores Magdenburgenses cent. 6. c. 6. anno 15 ejus testimonium advocent. Sicenim illi loquuntur; Ubi Remigius Clodoveum Regem baptizasset, non adfuit Chrisma, forte quia non fuit Chrisma necessarium. Sed ait Gregorius Turonensis & Henricus Erphordiensis Columbam ore attulisse vas ebrismate plenum: Unde suspicio illa Anonymi Vindicis fortassis non de nihillo esse videatur, qui Gregorii Turonensis scripta in multis mutilata fuisse putat. Quæ tamen una coniectura rem omnem vix conficiet. Balthasar de Vias in Sylvâ Regiâ p. 67. ejus silentii aliam rationem attulit, quæ si sufficienter satis probari possit, venire etiam hæc in censum possit. Cum, inquit, Ecclesia Turonensis de ungendis inaugurandisque regibus cum Remensi contenderet, noluit hunc nodum solvere Gregorius, ut hoc silentio neque suis neque veritati officeret.

*Quamvis non dubitem Gregorium fusè hoc miraculum scripto tradidisse, sed aliquorum malitia in Turonensis Ecclesia favorem ex autographo, quod nondum in manus publicas devenerat, ampulla miraculosa delevit historiam. Sed meræ sunt conjecturæ, & rectè Isidorus Pelusiota: Οὐδέποτε ἀπορροῦ δόξαω λῦσαι, Id quod dubitationem habet, aliâ dubitatione nunquam dissolvitur. Nos vero hîc Scepticam aliquam ἀρεσῖαν præferentes οὐδὲν ὀφείλομεν, neque licet in anticipi istâ sententiâ, & consultius forte erit abstinere manus à Regalibus illis sacris. Placet optimè modestia Patricii Armacani qui in Marte Gallico lib. 1. c. 2. quod à tot seculis traditum atque creditum à natione Gallicanâ, velle se argumentis quantumvis plausibilibus convellere ait, intra quam & nos lubenter subsistimus, parati aliorum sententias potius audire, quam nostram definire. Non dissimilia de Liliis, de Aurisflamma seu vexillo per Angelos cœlitus ad Clodoveum missis jactitant Galli. Sed ipse Tilletus Gallus in curiâ Parisiensi ab actis aperte vocat fabulam. Mirum est quantas Lilia ista nugas pepererint, tam ingeniosas quam ineptas. Chiffletius peculiari tractatu apes substituit pro Liliis, contra quem Joannes Ferrandus Aniciensis scripsit Epinicion pro Liliis, sed farragine multorum ad rem non pertinentium testimoniorum refertum. Goropius Becanus Francicorum lib. 4. ipso Noachi seculo, è cœlo lapsa, & pro insigniis apud Gallos fuisse, mirabili dicam, an ridiculâ conjecturâ deducit, & præterea tanta sub liliorum colore, numero, nomine inquit mysteria, & tanto nisu tradit, ut mirer vigilantia talia excidere potuisse tanto appatatu somnia. Est quidam Gallus Fauyn, qui eo ineptiæ pervenit, ut à nemine, quam à Gallo lilia bene pingi posse crederet. Ita enim ille au theatre d' honneur liv. 2. chap. 6. p. 185. *l' estime qu' il est fort difficile de bien faire & représenter une fleur de lis mignonnement troussée, qui n' est peintre excellent, & François de nation, & de courage. Car un Alleman, un Anglois, Espagnol & Italien, n' en scauroit venir à son honneur, pour la bien proportionner.* Credo perquam difficile esse bene pingere & venuste exhibere florem liliorum, nisi hoc fiat à pictore excellente, & qui sit Francicæ nationis. Germanus, Anglus, Hispanus, Italus non potest omni arte sua illum probè exprimere. Alius, (ut hoc addam, quod valde lepidum est) è Jurisconsulto factus Aruspex, in cerebro galli avis, invenit non quod pueri in faba, insignia sc. Regni Galliarum, inventum gallorum vel potius boum hecatombe dignum; unde perspexit sagacissimus Vates, summum Orbis Imperium aliquando habituros Gallos. Est is P. Gregor. Tholosan. qui in præludiis optimi JCruc. 11. n. 2. (nam pandam hoc horribile secretum) hæc habet: *Hoc lilium à cælo semel concessum, cum antea Reges Gallia pro insignibus haberent, utrumque in naturâ sigillò abdisco reconditum, nunc forsan à me primò scripto prolatum.* Si-*

qui-

quidem quod non semel admiratus sum in capite Galli gallinacei in Cerebro, integrè sine fracturâ exossato (quod sit facile in non multum elixato) comperies facie unâ bu-
fonem, quo in dorsum verso alterâ facie miro artificio exprimitur liliū; Unde
mihi symbolum certissimum, ultimam Monarchiam in Regem Galliarum devolvi debere,
utpote qui à Deo decoretur tantis cœlestibus donis, ut quemadmodum à Gallis ce-
pit post inundationem aquarum disseminari genus humanum, ita in eos imperium,
ultimum redeat. Fuere enim Galli dicti hi, qui in arcâ Noe salvi evaserunt, id est
inundati: hoc enim Galli nomen Hebraicè denotare videtur. Bonis certè avibus &
auspiciis in gallum illum incidit iste albæ gallinæ filius, qui tanta in galli ce-
rebro fata legere potuit, qualia nec ipse olim Vulcanus in cerebro Jovis,
cum securi suâ illud aperiret, viam factururus Minervæ egredienti.

Sed nos ab oleo ad lilia divertimus, & nunc planè extra oleas vagamur,
redimus ergo ad oleum cœleste, cui tanta virtus inesse creditur, ut illa stru-
marum curatio huic adscribatur soli. Ita enim plurimi sentiunt. Sed mul-
ta poterant objici. Nam nec ante Pipinum aliquis oleo inunctus est, &
multi sunt inuncti, qui tamen strumas non curarunt. Apertè sane Scipio
du Pleix magni nominis historicus tom. 2. de l'histoire general de France p.
331. fatetur: *Nec quod attinet, nullum testimonium aut vestigium hujus gratiæ in*
duabus familiis priorum Regum nostrorum inveni. Omnino autem probabile est,
quod si illa gratiæ fuissent dotati, animalium nostrorum scriptores antiquos illius tem-
poris, satis curiosos in annotandis miraculis longè minoribus, non omisso fuisse
tam frequens, notabile & maxime faciens ad gloriam domus Regalis Francia. A-
lii primum Hugoni Capeto eam datam virtutem scribunt. In tertiâ quo-
que Capetiorum familiâ omnes non sunt pares. Ante Philippum Primum
exemplum curationis illius reperiri negat Robertus Cœnalis. Boissardus
de divinat. c. 11. durasse illam virtutem à Philippo I. usque ad tempora
filiorum Henrici II. tradit, in quibus facultas hæc admirabilis exspiravit;
cui tamen contradicit P. de Lancre d. tr. p. 161. qui de Carolo IX. Henrico
II. & Henrico M. contrarium asserit, quod sc. magnam strumoforum mul-
titudinem curaverint. Thomas Bozius in tr. de ruinis gentium & regno-
rum lib. 7. c. 5. longe ante ea tempora, & in ipso primordio defuncto scri-
bit: *Ex stirpe Clodovei prodierunt duo Reges Sancti, Gimmarus, & Sigebertus,*
filius Dagoberti. Atque hinc stirpi, & per eam ceteris est Regibus Francis divinitus
datum, ut strumas manuum tactu sanarent. Verum post obitum Dagoberti de Si-
geberti ex ipso geniti labem capite facere hoc felicitas, unâ cum pietate Catholicâ.
Franciscus I. in Hispania etiam captivos plurimos strumofos ibi salutem resti-
tuit, de quo exstat quoddam Lascaris Epigramma:

Ergo manu admota sanat Rex choeradas, estque

Captivus superis gratus, ut ante fuit.

*Indicio tali, Regum sanctissime, qui Te
Arcent, invisos suspicor esse Deis.*

Verum quoniam illa de cœlesti oleo & unctione sententia videbatur causam & originem curationis non satis rectè definire, alia nata sunt historiarum divortia. Aliqui Beatum Marculphum divinitus id suis precibus impetrasse dicunt, ut esset insigne ornamentum & privilegium regalis solii, & inde morem illum esse, quod recens uncti Reges ad D. Marculphi templum, in agro Laudunensi situm proficiscantur, ad impetrandam istam gratiam; Andreas vero Laurentius contrà, Marculphum tempore Clodovei vixisse negat, sed tempore Childeberti & Clotarii; & P. de Lancre de l'incrédule & mesereance de sortilege tr. 3. n. 11. plures Reges Franciæ nunquam D. Marculphi fanum accessisse & tamen strumosos sanasse perhibet. Imò Scipio du Pleix tom. 2. de l'hist. gen. de Franc. p. 33. n. 6. in desuetudinem hoc jam ivisse contendit. Stephanus Forcatulus lib. 1. de Gall. Imper. & Philosoph. p. m. 59. aliam hujus miraculi occasionem refert: Clodoveo, inquit, incimus & fidelissimus Vir fuit Lanicetus nomine; quo armigero plurimum utebatur; frigoris & aestus juxta patiente atque consiliorum hostilium exploratore indusio. Is quantumvis strumis, morbo tam fædo, quam pertinaci, correptus est, glandulis concretis circa guttur tumentibus. Cumque rusticorum experimento Corn. Celsus admonuisset, si quis anguem adiderit, liberari; id quo frustra bis tentatum esset, & medicina insuper herbis & ferro adurenti armata ac vi morbi toties superata præ pudore delitesceret, per quietem visum est Clodoveo Regi, se gustur Laniceti permulcere & atterere, ac confestim cœlestem splendorem rutilis flammis totum cubile implere & ibidem Lanicetum nullius cicatricis notâ remanente sanum & integrum evadere. Latior solito Clodoveus & pro amici salute anxius; cum primum diluxit, surgere, Deo primùm operatus, periculum fecit, an tactu suo morbum avellere quiret, ut quidam accidit, plaudentibus omnibus, & Deo gratias agentibus dulcissimo hymno & pro re natâ accommodato; Hæc ille, sed quâ auctoritate subnixus dicat nescio; neque enim apud alios tale quid me legere memini, neque solus fidem faciet Forcatulus. Et facile poterat alicui nasci ista suspicio, quam ipse præoccupat, dum prioribus illa addit: Sed hoc forte me magis ad ostentationem scena miraculis gaudens scripsisse aliqui garriunt, quam ut verum existimem.

Multa hæcenus diximus, & fortasse plura quam paterat, de Oleo illo cœlitus missor, quo se solos dono divino præditos & propterea augustioris majestatis præ cæteris Regibus esse, Galli gloriantur. At si vera sunt, quæ de Oleo Regum Angliæ, quod B. Virgo Maria tradiderat S. Thomæ Archiepiscopo Cantuariensi, & quo Henricus IV. Rex Angliæ inunctus est, fusè ex Wallingamo refert Andre du Chesne liv. 17. de l'histoire general d'Angleterre p. 973. poterant in eo Angliæ Reges Regibus Galliæ esse pares.

Struma-

Strumarum curationem sane Tookerus suis Regibus precipué adscribit, unde ad Gallos demum devenerit, quod licet impudens assertum vocet Delrius, evinci tamen potest, Eduardum viginti tribus annis ante Philippum, qui Gallis multis primus in curatione strumarum creditur, Regem creatum & sanasse strumas. De Gallorum Rege Gunthrammo, qui anno 582. vixit, refert é Gregorio Turonensi Forcatulus eodem, quo ante loco, quod Medicinæ dono clarus fuerit, & inter alios puerum quartanâ affectum valetudini restituerit & quidem imprudens; quia pueri mater regis vestis simbrias clâm subductas aquâ macerasset, deinde filio dedisset potionis loco. Sed de Strumarum curatione ibi nihil; quam tamen nos in dubium non vocabimus, cum credendum hic sit tam multis testibus id uno ore assentientibus: totque experientix exempla allegantibus. De Origine tantum res est dubia & variè varièque hæc à scriptoribus tradita, quod ignorare nos, pro instituti nostri ratione æquum non erat.

Deduximus, quantum per pagellarum angustiam licuit, historiam istius curationis mirabilis, & quicquid de illius Origine primâ investigari potuit. Jam cum illis nobis res erit, qui Physicis adscribere causas volunt tam stupendos effectus. Idem quoque agit Laurentius, & fere unum hoc agit in libro toties citato: sed perquam gravis lectori est, prolixis & in tempestivis digressionibus. Plurimi hic sunt, qui tactum corporis occulta quâdam potentiâ ad morbum talem curandum instructi pro causâ agnoscunt. Atque huc referunt mirabilia illa de Psyllis & Marfîs, tractu & suctu serpentum morsus curantibus exempla. De Psyllis Plin. lib. 7. c. 2. *quod eorum corpori ingentum virus exitiale sit serpentibus, ut hujus odore sopiant eas.* Rectius enim pro causâ statuitur odoris virus, quam incredibilis corporis firmitas à compilatore Plinii Solino, quod & Salmasio notatum est exercitationibus in Solinum p. 348. B. Eodem in loco Plinius de populis circa Parium in Hellesponto, qui Ophiogenes dicebantur, eadem narrat. Sed lib. 28. c. 3. in Insulâ Parô Ophiogenes istos collocat: *Quorundam, inquit, hominum tota corpora prosunt, ut ex his familiis, quæ sunt terrori serpentibus, qui tactu ipso levant percussos suctuque modico, quorum è genere sunt Psylli Marfisque, & qui Ophiogenes vocantur in Insulâ Paro.* Sunt & alii apud Strabonem Tintyritæ, quibus Crocodili non sunt infesti. Non dubito propter causas à Plinio allegatas naturalem hanc vocare curationem; quamvis Valesius in de sacrâ Philosophia, & hunc secutus Delrius lib. 1. disq. magic. c. 3. (qui more suo omnia, quæ non capit, pro magicis præstigiis raptat) etiam hanc in illarum censum referant. Valesii ratio, quâ contra Psyllos disputat, oppido absurda. Putat enim non posse dari tam grandem temperamentum diversitatem inter unius speciei individua, ut aliis serpentum natura benefica sit, aliis venefica, quod cum experientiâ toties refutetur,

non opus est in eo diluendo esse operosum. Odorem sane multorum tum animalium tum aliarum rerum exitio esse serpentibus, ex Historiâ Naturali non potest esse incognitum. Unanimis est Varronis, Æliani, & Palladii sententia: Cornu cervinum accensum fugare serpentes: Ita quoque Pantheræ odor eos necat, de quo vide sis Vossium Physiolog. Christian. lib. 3. c. 73. Cur ergo Psyllorum & Marforum odori ingenitam vim illam negemus, quibus inter serpentes degentibus eo beneficio prospexisse forte voluit Natura, uti prudenter de iis judicat idem Vossius lib. 4. c. 16. quo loco multa in illam rem dicuntur. Probanda non videtur Severini sententia, qui in Vipera Pythia part. 2. c. 9. disq. 8. ingenii quandam solertiam adscribit serpentibus, quâ percipiant, quos fugere, quibus insidiari debeant. Gassendi opinio non admodum à priori nostra differt: Is enim Philosoph. Epicur. p. 359. ita: *Nil mirum, inquit, quod ferunt de Psyllis Tintyritis & aliis, cum & in iis locis degant, & iis alimentis nutriantur, ex quibus facta temperies venenum serpentum, Crocodilorum, aliorumque hujusmodi animalium non timeat.* Cum illis sociandi non sunt, qui in Italia vocantur Salvadori, hoc est, Servatores, qui itidem morsus serpentum & rabidorum canum sanant, sed meris præstigiis: Patet enim è descriptione illorum hominum apud Boissardum lib. de divinatione & Magicis præstigiis. c. 11. in pr. *Est, inquit, quoddam Magorum genus in Italiâ, ii se Salvadori, hoc est Servatores nominant. Ex his aliqui se dicunt habere gratiam S. Pauli; alii à Deo accepisse virtutem peculiarem medendi morsibus serpentum venenatorum, retundendi virus canum rabiosorum, ne possint obesse hominibus, vel pecori. Et hi creduntur habere sculptam in palato vel aliâ corporis parte secretiore effigiem rotæ S. Catharina. Resistunt etiam incantatorum præstigiis & oculorum illusiones tollunt, dissolvunt verba Magica, morbos à sagis moros propulsant, & mirabilia delusis mortalibus suâ arte videnda, proponunt.* Sed quia fere omnes sunt homines abjectæ conditionis pannosi, & vita polluta, quodque stupidâ ignorantia faciant & loquantur omnia (ut in eorum precibus & exorcismis cognoscitur) semerariâ quoque audaciâ jactitent passim, se insilire posse in fornacem ardentem sine ullâ læsione, pro stultis & impostoribus habendi sunt. Affine iis genus vel iidem sunt illi, quos Saludadores seu Salutatores & Ensalmadores, dicunt Hispani, quorum illi dicunt se sanare vi orationum, hi vi salivæ & halitus, quem ægro inspirant, quorum tamen patronum se quadantenus exhibet Delrius lib. 1. c. 3. q. 4. disquisit. Magic. Navarrus autem in Manuali c. 11. n. 36. quem Delrius quoque hoc in loco laudat, impie & impudentissimè scribit: *Illos, qui vulgò Salutatores vocantur, & qui afflatu aut verbis morbos curandi vim habent (quantumcunque alias sint perditissimi homines) licitè posse suo munere fungi, quoniam gratia illa gratis data hujusmodi hominibus à solo DEO conceditur.* Delrius quidem non omnibus ho-

mini-

minibus pessimis donum id à Deo datum esse concedit; in universum tamen non esse rejiciendos eos homines putat: Deum enim gratiam suam largiri, quibus vult, non tamen nisi Catholicis: hæreticos enim nulla facere miracula. Credo mentem ejus esse: pessimos nebulones, si tantum, sint Catholici, facere posse talia miracula. Videat nunc Delrius, qui alias multis, quæ naturalibus principiis & manifesta experientiâ constant, nigrum illud theta præfigit & vel τὰς τετραβάδας ἐν ᾧ ἄδῃ indagare laborat, quâ fronte infinitis superstitionibus & præstigiis latissimam illam aperire fenestram audeat. De his legi possunt amplius Paulus Zacchias lib. 4. Quæst. Medico legal. tit 2. quæst. ult. & Gutierrez de Fascino Dub. 7. n. 14. quo in loco plures de illorum curationibus historias habet. Adde Zacutum, Lulitanum de Medic. Princ. Histor. lib. 1. quæst. 53. qui etiam illarum causam videtur agere. Temeraria est Deusingii in dissertatione de morborum superstitiosa origine & curatione sententia, quæ illam, quæ tactu fit curatio, penè simpliciter pro magicâ & superstitiosa agnoscit. Cum verò concedat per effluvia corporis vel naturalem ἀντιπύθησιν & εὐπύθησιν, corpora posse affici, quid opus multa de tactu disputare, cum nullus tactus sit absque ἀπορροία, vitiosa, si corpus ipsum, quod tangit, vitiosum est, & salutari, si corpori tangenti cum tacto bene convenit. Neque sanè mendaciis incredibilibus & fraudibus Diabolicis temerè cum Deusingio adscribam, quod Pyrrhus Rex pollicis tactu lienosos curaverit. Potuit enim illi vis aliqua naturalis ad morbi medelam apta inesse, quam imprimis arguit ista pollicis (ut ita nunc loquar) incombustibilitas. Planè enim non est vel ignotum vel absurdum (uti quidem existimat Deusingius) posse corpori humano, quemadmodum aliis, ingenerari certorum vel lapidum vel herbarum virtutem. Quis enim nescit (ut his exemplis obviis nunc utar) plantas pro qualitate soli, cœli, aëris jam has jam alias induere vires & nonnunquam contrarias, quod facillimo negotio probare possunt, rei Physicæ & Medicæ gnari. Possunt flores etiam arte immutari, variari semina, certis quibusdam liquoribus præparata in plures & majores fructus crescere, frumentorum species inter se commutari. Capra purgantibus herbis pasta lac gignet, purgandi facultate præditum. Luculentissimo erit exemplo puella illa napello enurrita & Alexandro Magno donata, quæ venenum illud ita in substantiam corporis sui verterat, ut vel tactu noceret. Contrarias planè operationes faceret continuus antidotorum usus. Hæc & alia facile infringunt sententiam Deusingii, qui certe vix sibi temperat, ne profanis illis judiciis inolet in Regum Galliæ & Angliæ curationes. Nos quidem sæpe illis tam occultis & in sensus non incurrentibus operationibus Dæmonum artes intercedere posse non negamus, cautè tamen hic pronuncian-

dum,

dum, nec statim ad suspensiones istas deveniendum, quæ certe plurimam hætenus in Naturali Philosophiâ pepererunt ignorantiam. Nolo nunc exempla recensere stupendorum effectuum, quæ fiunt per contactum corporum, ne ultrâ limites abeam. Saltem hæc pauca è tanto numero. Venena esse notissimum est, quorum halitus vel minimus non est absque periculo, de quibus multa ὁ πολυμαθὴς Kircherus in Scrutinio de Peste & Severinus in Vipera Pythiâ part. 1. c. 9. §. 2. Nolo enim operosè adductis exemplis implere paginas. Strumas, de quibus nunc agimus, contactu & frictione cadaveris flaccidas reddi, & paulatim evanescere, notarunt Medici fide digni. Nec dubitavit inter observata sua referre Vir Clarissimus Bartolinus Historiar. Anatom. Cent. 3. Obs. 66. *De Hominibus, inquit, alii fide digni observant, strumas aliosque tumores aboleri, si pars affecta affricetur ad manum cadaveris humani: ita enim sensim evanescerent tumores, prout sensim evanescit cadaver, quod tardius hyeme, æstate citius contingit.* Notavit idem Fludd. Philos. Mosaica sect. 2. lib 3. memb. 1. c. 3. ubi rationem addit pro Philosophiæ suæ hypothesibus, quæ in Septentrionali & Australi (quemadmodum loqui amat) vel potius condensante & rarefaciente potentia Rerum Naturalium summam collocant. Poterat ea ratione quis elevare id, quod de brachio Ludovici sancti Franciæ regis scribitur, cujus attactum strumosos sanare perhibent: sed cum necessario ad operationem istam naturalem requiratur in cadavere putrefactio, naturali hoc causâ non evenire dicendum. Nec illud forsan hic sileri debet, quod itidem Bartolinus Centuria IV. Histor. Anatom. histor. 37. observat, filum purpureum, quo Vipera strangulata est, mirè commendari ad Strumas & Anginas. Gemina est isti operationi per tactum illa, quæ fit per visum, qui lædere reali quodam influxu creditur. De Triballis & Illyriis talia quædam leguntur apud Plin. lib. 7. c. 5. quos nec impugnabo nunc, nec defendam. Notum itidem est, quantopere ἰφθαλμὸν φάσκαρον metuat non solum Gentilium superstitio, sed nostri quoque vulgi. Deusingius vix discrimen hic admittit, & plurima optimis fundamentis physicis superstructa ad Dæmonis mancipia ablegat. Quale enim hoc, quo effectum visionis in fringere vult? Visionem dicit esse actionem immanentem, ac non emissionem radiorum, sed receptionem specierum intentionalium peragi, ac proinde nullum esse ejus effectum in alia corpora: cum tamen æque radios suos visivos emittat ad certam distantiam oculus, quam ab aliis corporibus recipit. Cui fini ista distinctio inter Visionem simplicem & cum διπλῆσι conjunctam? nam sanè semper ab oculis abeunt effluvia, vitiosa, si radii visivi sunt vitiosi, & bona, si boni: species enim illæ intentionales eo sensu, quo vulgo veniunt, e solidiore philosophiâ jam explosæ, & temerarium est, judicio Digbxi, de Natur. Corp. c. 27. n. 3. tales entitates

titates admittere, quæ nec ullum à ratione firmamentum habent, nec omnino à nobis intelligi possunt. Quæ hypotheses istam vulgo pepererunt conclusionem veras sc. à speciebus intentionalibus non esse exspectandas operationes. Quod lippientes oculi halitu maligno oculos sanos inficiant, ipsis est Lippis & tonsoribus notum. Amores quoque per oculorum radios gignuntur, quod vulgare quis ne æstimet. Delrius, non corporeæ causæ ab oculis promananti adscribit, sed phantasiæ: Quasi vero phantasia moveri possit, absque externis istis radiis. Exquisitius philosophatur, Gassendus Philosoph. Epicureâ tom. 1. p. 349. qui ad Quæstionem illam: *Quare oculus, dum videt rem turpem, ab illâ avertatur?* respondet: *Quia visibilis species ex iis constat corpusculis, eâque ratione configuratis, ut in retinam penetrans ipsamque consimiliter conjungens refugere cogat. Hac sunt veluti quadam spicula, quæ cum in cutem aliasque partes corporis vim non exerant, exerant tamen in retinam punctiõnis illius sentienda capace. Itaque omnis tam Sympathia quam Antipathia exprimi videtur corporeis organulis, seu ad attrahendum complectendumque; seu ad repellendum sejugandumque comparatis. Ex quo etiam potest generalis quedam Amoris ac Odii intelligi causa. Siquidem quæ motio grata vel ingrata facta est, vel in retinâ opticoque nervo, vel in nervis cæteris ad sentiendum destinatis; eadem ad cerebrum pertingens sensorium ita afficit, ut pro perceptione gratiæ aut ingratæ, sequatur affectus vel propendentia & prosecutionis, versus eam rem à quâ factus motus, unde & Amor illius est; vel aversionis & fuga ab eâ, unde ejus odium. In sequenti p. 357. secundum ea principia definit, quatenus illa vetularum (quæ ita vocatur) Fascinatio naturaliter nocere infantibus possit. Ad hæc principia referendum quoque quod Bartolin. Cent. 5. hist. Anatom. 6. notat: in quodam, Antimonio tantum viso, statim purgationem subsequutam. Vide sis quoque de visus effectu Campanellam de sensu rerum lib. 4. c. 15. Sed nos in hac de visu materia parum circumspecti ad diverticula dilabimur, è quibus nunc in viam.*

Multi sunt, qui in Salivâ admirabilem istam virtutem latitare crediderunt: Nam Reges Galliæ salivâ delibutis digitis tangere ægros dicuntur. De Francisco ex Cœlio Calcagnino refert Piccartus decad. 1. observat. historic. c. 7. illum saliva, pollicis tantum in decussim allita Bononiæ curasse strumas, à quo ritu alios recessisse crediderim, cum nulla fiat ejus mentio. A Vespasiano sputum fuisse adhibitum in curatione cæci, è Tacito superius vidimus: sed hoc in naturalium operationum seriem vix veniet. Maximopere commendant Medici sputum, imprimis jejunum, de quo imprimis vide Galenum lib. 3. de temperamentis, Plinium lib. 28. c. 4. ita ut serpentes vel contactu hujus interfici credantur. Multum in Magneticis operationibus illi tribuit Samuel Boulton Anglus in Medicinâ Physico-Magica

gicâ cap. 10. quod tam rationibus quam experienciâ eo in loco adstruit. Sed abhorreo ab illorum sententiâ, qui ad singulares sputi vires commendandas id afferunt, quod Salvator noster in cæco *Johannis* 9. in Muto & Surdo *Marc.* 7. restituendis, sputo & luto usus sit, atque ita elevare conantur, miraculi gloriam: Cum tamen, uti Grotius in commentario ad Marci locum, omnia in JESU salutifera, & miraculis exhibendis apta. Non impium solum sed & ineptum mihi videtur judicium, quod de hoc Salvatoris nostri miraculo Lotichius Comment. in Petron. lib. 2. c. 12. dedit, quo illud profanis superstitionibus conferre non dubitavit: *Modus*, inquit, *ille sputo curandi Petronii temporibus admodum familiaris, ætate Apostolorum D. Petri & Pauli, qui sub Nerone passi sunt, in Italiâ, Syriâ aliisque regionibus perquam familiaris fuit, adeò ut etiam Servator humani generis apud D. Marcum Evangelistam itemque Matthæum legatur sputo mediante surdum mutum curasse.* Impium fanè est, quod putat Servatorem istis vulgi superstitionibus tanquam mediis, pro miraculo conficiendo usum, quo fanè gloriæ tanti miraculi detrahitur, dum Physicæ operationes inferuntur causæ divinæ & supernaturali. Ineptum est, quod Christum dicat illum sputo curandi morem, Petronii & Apostolorum tempore familiarem, in suos vertisse usus, cum tamen potius iste mos curandi impiâ & superstiosâ hujus miraculi imitatione affectatus à curiosis fuerit. Non cessavit arripere hanc occasionem *κακοζήλῖα* Diaboli & mancipiorum ejus, qui ad Magicas præstigias, sputo, vel luto temperato, vel solo abuti cæperunt: Quamobrem Pléllus in libr. de Dæmonibus testatur: *Δαιμόνια ῥᾶτα χρηῖται, τοῖς περιπλώμασι λέγω, ἢ στέλοις, ἢ ἐν ἑλῖ: Demones facile cicurantur excrementis, aut salivis, aut unguibus.* Spectat huc ritus ille ethnicorum supersticiosus, quo recens nati lustrabantur, de quo Persius Sat. 2.

Frontemque atque uda labella

Infami digito & lustralibus ante salivis

Expiat

Adhibebant & iidem pulverem sputo temperatum. Petronius: *Mox turbatum sputo pulverem medio sustulis digito frontemque signavit.* Nec in Persio lustralem salivam aliter interpretatur doctissimus Casaubonus, in insigni ad illum commentario, non enim temere absque luto fiebant lustrationes, quas & *πλώσεις* & *ἐξ ὁρῶσεως* vocabant. Hinc aliquis, non immeritò suspicari poterat: morem illum supersticiosum à Gentilibus ad Christianos delapsum, qui idem infantibus baptismo inititias facititare solebant, quamvis in sensum mysticum & sacrum ad ipsum Christi Exemplum deflectant S. Patres. Solebant autem tangere nares & aures digito salivâ delibuto, nonnunquam etiam oculos & linguam. Fuscè satis de eo ritu Ambrosius libro

de iis, qui mysterio initiantur cap. 1. & libr. de sacr. c. 1. Rabanus Maurus lib. de instit. cler. c. 27. & plures alii, quos colligit Joseph. Vicecom. de Antiq. Baptism. Ritib. lib. 2. c. 18. De luto apud vetustos Patres non fit mentio: verosimile tamen putat Joseph. Vicecomes, etiam in veteri Ecclesiâ ejus usum fuisse, quia animadvertit, Joannem Jacobum, Ecclesiæ Salisburgensis Archiepiscopum, in manuali Parochorum de sacrament. baptism. c. 4. & 5. pro diversarum Diœcesium consuetudine, salivæ, aut luti salivâ permixti mentionem facere. Quicquid vero sit, inutilis est Divini Sacramenti appendix, meritoque ob aliquam Gentilem superstitionem, quam sapere poterat, omitti debuisse. Plurimæ hinc in vulgum iverunt de sputo ineptiæ. Huc spectat quod de Sampsaïs refert S. Epiphanius superstitiosum, planè & idololatricum: Εἰ ποτὶ δὲ ἔξοδον εἶχεν αἱ τοιαῦται ποτὶ βαδίζεισαι (erant autem mulieres duæ, quas pro Deabus habebant Sampsaïs) συνεπόμφοι οἱ ὄχλοι αὐτῶν, τὸν χοῦν τῶν ποδῶν λαμβάνοντες, ἰάσεις δὴθεν ἐνεκεν, καὶ τὸν σίελον τῶν πνευμάτων ὡπυύτως, μεγάλως ἐμπαιζόμενοι ἐχεῶντο ἐν φυλακτηρίοις τε καὶ ὡφειάποις. *Ambas illas, quoties domo egressæ aliquo se conferrent, ingens hominum multitudo comitabatur, qui non modo pedum pulverem, sed & sputa ad morborum remedia colligentes, non sine magno ludibrio ad amuleta & phylacteria reservabant.* Vide plura notata in Læli. Bisciol. horis subcisiv. Tom. 1. lib. 19. c. 10. Cornel. Agrippâ de occult. Philos. lib. 1. c. 51. nolumus enim nugis istis chartas conspuere. Sed illa omnia, quæ hætenus adduximus, sufficientes istius mirabilis curationis causæ non sunt, cum illarum operationes non sint perpetuæ, admittendæ forte, si uni vel alteri tantum ista sanandi potentia inesset, non si omnibus Regibus.

Nec Astrologi hic absunt, qui ex astris virtutem illam deducunt. Copiosus in illâ sententiâ stabiliendâ est Franciscus Junctinus in libro de judiciô Astrologico, qui certo stellarum situ & mutuâ corradatione Gallix Reges beneficium hoc consecutos, nobis persuadere vult. Rationes tamen ejus tanti non sunt, ut saturare pectus possint. Multa quidem ibi de Astrorum in temperamenta hominum dominio, & qui inde proveniunt, admirandis effectibus præclare satis dicuntur, quæ negare velle ipsissimus supponit, cum nec hætenus vel inter acerrimos Astrologiæ divinatricis hostes, (nisi fortè Salmasium, Virum quidem summum, sed eo in scientiæ genere, ἀφιλόσοφον, excipias) inventus sit, qui omnem Astrorum influxum tollet. Verum generaliora illa sunt principia, quæ tam specialibus effectibus applicari non possunt.

Persuadent quidam sibi, & aliis persuadere conantur, à Persuasione, posse stupendos in natura effectus produci, cui non solum adscribunt curationem istam mirabilem: imo eo impietatis Pomponatius & alii deveni-

unt, ut quæ vera omnes dicunt miracula, vel imaginationi, vel virtuti temperamenti adscribant. Unde blasphema illa extrueretur sententia: Christum, Prophetas, Apostolos temperamenti & imaginationis virtute fecisse miracula. Avicenna in Metaph. docet: *Posse animam humanam per fortem imaginationem non solum proprium corpus, sed etiam externum realiter transmutare: posse corpus sanum ad agrietudinem, & agrum ad sanitatem convertere: corpora fascinare; grandines, nives, ventos excitare, & siderum virtutes à cælis deprimere: hominem longè remotum & equo infidentem dejicere & in puteum prostrernere: Dicit tamen, non cujusvis hominis Phantasiam illam potentiam habere, sed illius, qui animam habuerit excellentiorem & à fase materia magis abstractam & sub felicissimo sidere & imperio Jovis conceptam. Tales enim Virtutes, inquit, à Jovis influxu recepit, & quasi est ipsa Jovis imago: adeò ut per influxum ab eo acceptum non tantum operetur quasi anima, sed quasi ipse Juppiter: unde sicut ipse Juppiter & cælestia corpora imperium habent in hæc sublunaria: ita etiam talis anima influxu & virtute Jovis affecta, mediante suâ imaginatione, habet potentiam pro imperio sublunaria corpora permutandi. Sed ohe jam satis est ineptiarum! Quis non, dum hæc dicuntur, statim intelligit esse deliria, vel potius vera præstigiærum & impietatis semina? Quis unquam tam insanus, qui credat imaginationem, actum utique animæ nostræ vernaculum & immanentem, ad exteriora se extendere? Disputantem, si vis, contra eum vide Fienum de Viribus imaginat. Quæst. 4. conclus. 20. & infinitos alios. Darem aliquid isti sententiæ, si ad persuasionem, quæ est in ægro, restringerent, nam illa nonnunquam morbos vel inducit vel tollit, qui à spiritibus male affectis proveniunt. Pestes, Febres & similes morbi sæpe eo modo contrahuntur. Sed de strumis temerè hoc non affirmarim, quas solam persuasionem tollere, posse mihi non persuadeo. Longè alia res est, quod de fætu in utero matris quidam afferunt: is enim matri suæ tam arctis vinculis nexus, tener, mollis, impressionibus spirituum facillime cedit, velut nervis alienis mobile lignum.*

Videamus nunc, an Piccarti sententia, quam de ista Curatione Regiâ habet, talis sit, cui possimus subscribere. Is Decad. 1. Observat. Historico-politicar. c. 2. disserit de notis genitivis à naturâ impressis. Duplices facit illas notas *σημεῖα οὐνοφύτα*, quæ Auson. in urbibus Epigr. de Antiochia vocat *Ingenua*, quæ uni vel alteri sunt connata, & *σημεῖα οὐρογενῆ*, quibus certæ familiæ vel prærogativâ aliquâ vel aliâ aliquâ notâ dignoscuntur, quam tamen ipse distinctionem non attendit, dum sæpe confundit. Signorum ingenuorum exempla sunt in Seleuco Antiochi Regis filio, sed quem mater ex concubitu Apollinis sibi concepisse visa est, de quo Ausonius in loco jam citato & Justin. in lib. 15. extremo, fuitque anchoræ signum, quod deinde

in liberis factum gentilitium; in Augusto, quem Sueton. c. 80. corpore maculoso fuisse, scribit, per pectus atque alvum genitivis notis in ordinem ac numerum stellarum celestis urse dispositis. Ad signa *συγγενή* refert etiam illam, uti vocat, prerogativam Regis Gallie, qua strumas sanat. Sed frustra, ut mihi quidem videtur, de hoc instituetur disputatio: nam inter signa *συγγενή* numerari hac Regis Gallie prerogativa plane non poterit, quia signum *συγγενές* tantum est signum gentilitium, & certis familiis sine discrimine vel primogenituræ vel sexus competit. At illud Regum Gallie donum competit illis, quatenus sunt Reges, non quatenus sunt vel è Merovingiorum vel è Capetiorum familiâ. Ita enim P. de Lancre toties citato tractatu p. 170. (verba è Gallico versa recito:) *Hoc verum est, conditionem vel qualitatem Regiam hic requiri: nam si vim hanc à solâ naturâ & non à Deo ipso haberent, ea non per lineam hereditariam pervenisset ad solum Regem, exclusis ejus fratribus, quorum temperamentum haud raro cum Patris Regis temperamento magis convenit, quam ipsius Regis. Sic etiam conditio sceptri & corona, cui hac gratia associata est, naturaliter nihil conferre valet. Certe virtus & facultas hac sanandi strumosos verbis: Rex te tangit, Deus te sanat, non antea se exerit in personâ Regum nostrorum, quam postquam coronati sunt Coronâ Caroli Magni, uncti olei sacri celesti dono & ceperunt Francis imperare. Scilicet non est proprietas solius personæ aut familiæ, quarum non una, sed diversa à tempore Clodovei regno præfuerunt; sed dignitatis Regiæ & unctionis sacra. Patet ex eo, inter signa *συγγενή* non posse referri hanc curandi vim, quia Regibus competit, quatenus Reges sunt. Cui assertioni possit quidem objici, quod de Barone Aumontio, Comite Castri-Rubri in Burgundia atque primogeniti istius familiæ refertur: sanare illum posse strumis laborantes, porrigendo illis frustum panis benedicti; Sed pro figmento habent Galli, nec est ejus ali-quod fide dignum testimonium.*

Quidam septenario numero aliquam solent adscribere causam in strumis sanandis. Memorat enim Bungus in Mysteriis numerorum, cap. de numero septenario: Masculum omnem septimum absque fœmella intermediâ natum solo tactu vel verbo curare posse strumas. *Ecce, inquit, quod caret sensu, quod vitâ, quod materiâ, quod succo, aut aliquâ qualitate, tamen vi medicâ plenum, energia abditum visum est.* P. de Lancre toties citato tractatu p. 162. multa se vidiisse exempla de strumosis à masculo septimo curatis, dicit, quodque strumas curent in nomine DEI & S. Marculphi, jejunantes tribus aut novem diebus. Sed illa plurimum vanitatis mihi semper habere visa, nec ulla mihi persuadebit hæc ratio. Idem Bungus, quem antea citavimus eodem in loco, putat istam strumas sanandi vim

Eduardo Regi Angliæ in dextra fuisse, quemadmodum Pyrrho in pede: sed alii propter vitæ sanctitatem hoc ei à DEO datum dicunt.

Supereſt una adhuc ratio, quæ lepida eſt & admodum ridicula, Hieronymi ſcilicet Cardani, qui lib. Contradict. Medic. ſcripſit: Reges Francorum è longo eſu aromatum hanc ſanandi habere vim. Ridetur à Brodæo Miſcell. lib. 8. c. 10. Et quis non rideat?

Hæ ſermè ſunt cauſæ & rationes Phyſicæ, quæ à plurimis afferuntur, ſed quæ excludendæ ſunt omnes ab iſta Regia Curatione, propter rationes ſæpe jam antea dictas. Hæc dum ajo, non nego poſſe homini uni vel alteri in eſſe vim ſanandi naturalem ad hunc vel illum morbum, quod tamen facit Gutierrez Valeſium ſecutus de Faſcino dub. 17. n. 15. in ſulſo & inſano argumento: Concludit enim: Si homo aliquis vim talem ſanandi naturalem habet, debere illum ſpecie differre ab aliis hominibus. Aut enim, inquit, eſt à forma ſubſtantiali hominis vis illa: ita ut illa forma intrinſecus inclinetur in qualitatem illam, in quam alterius forma non inclinatur, & tunc different hi inter ſe eſſentialiter: Aut eſt ex temperamenti naturalis conditione, quæ fluere debet ab ipſa forma; & ſi tantum id fit in hoc uno, tum ille ſpecie erit diverſus ab altero, ſi in omnibus eodem modo fiat, tum omnes potentiam ſanandi naturalem habebunt, quod falſum. Sed hi ſunt *λογικὰ* & nebulæ pictæ. Quid enim hoc ad animam, cum corpus ſit, quod agit in alia corpora: Corpus enim ipſum hîc medicamenti vices gerit. Quid animæ cum temperamento hominis, quod toties totiesq; ratione ætatis, loci, victus mutatur, quod nec poteſt nec debet eſſe omnibus conforme. Quis porro hinc inducat differentiam aliquam *εἰδικήν* inter homines, niſi planè ſtupidus & *παχύνειν* ſit?

Verum nos diu ſatiſ his immorati, ad alia movemus pedem: Hactenus enim cum iis, qui curationem illam è naturæ principiis deducunt, agimus: nunc in alios incidemus, qui rotam rem habent vel pro Sophiſmate Politico, vel piâ aliqua fabulâ, per quam in vulgi animis quædam gignatur Reverentiæ perſuaſio erga Regem ſuum, ut arctiori obſequio illum colant, quem ita à Deo amari credunt atque tantis donis in ſalutem publicam inſtrui. Plurimi apertè non audent hoc ediſſerere, premunt tamen, & vel dubitationibus ſuis, vel ſilentio non obſcurè in eas partes eunt. Nos certè (quamvis ab eâ ſententiâ hac in re ſimus alieniſſimi) non ignoramus, eam jam à condito orbe & omnium temporum memoriâ ludî fabulam, quod ſub Religionis prætextu aliquo, ducantur populorum animi ad obſequia. Cui enim incognita ſunt fieta illa Numæ cum Deâ Egeriâ colloquia? Quis nescit, primos Legumlatores & Rerum publicarum inſtauratores his dolis plerumque uſos? De Minoë Cretenſium Rege vide Valer. Maxim. lib.

1. c. 2. Platon. in Minoë. De Lycurgo Justin. lib. 3. c. 3. §. 10. Strabon. lib. X. & Clementem Alexandr. lib. 3. Stromat. De Zaleuco ad eundem: Huc spectant ista Mahumetis cum Gabriele Angelo colloquia, quibus suos contratotum orbem armavit: Imo quidam naturalibus quibusdam, sed arcanis operationibus divinitatem sibi conciliarunt. Memorabile Exemplum refert M. Wellerus lib. 11. Rerum Boicar. p. 108. quod adscribam: *Temporibus Augusti Barchista Dacorum Rex vastos animo complexus spiritus, populorum (quem bellorum incommodis & difficultatibus afflictum acceperat) brevi temporis spatio prudentibus consiliis & perpetuis militaris disciplina exercitiis adeo erexit, ut finitimis maxime gentibus imperio subjunctis, jam Romanis timendus rerum suarum curam injiceret. Inprimis gnarus quantas religionis opinio ad continendos animos vires haberet: Ceneum sibi prastigiatores adjunxit, qui per Ægyptum vagatus atque arcana sacra edoctus, secretiora cum Diis colloquia agitare creditus, parum aberat, quin Zamolxidis exemplo pro Deo coleretur; hunc sibi, quæ aggredi pararet, autorem simulans, tam certam suis addiderat fiduciam, ut prasenti Numinum ductu omnium sibi rerum laetos felicesque exitus pollicerentur. Quantum fictio prodigii (quod naturalibus tamen mediis peragebatur) Cenertho Scotorum Regi ad bellum contra Piectos movendum, conduxerit, docere poterit historia, quam è Buchanano, si rectè memini, refert Schottus in Thaum. Physic. P. 4. lib. 2. Synt. 1. c. 3. quæ quoniam aliis, qui in simili argumento occupantur, non adducta est, adponere lubet: Cenerthus secundus Scotorum Rex, ut in Scotorum historia legitur, subditos suos Piectos in bellum concitavit. Nam cum Picti Alpinum, dicti Regis Patrem occidissent, & is subditos suos timore percussos ad ultionem sumendam nullis persuasionibus pertrahere posset; & jam maxima pars nobilium & militum in prælio ante cecidissent, convocavit Regni proceres omnes, & benignè hospitio atque convivio exceptos in palatii cubicula somnum capturos dimisit. Cum omnia noctu silerent, in singula cubicula singulos immisit viros, cum baculo ex pueri ligno noctiluco in manu & veste ex corio piscium non desquamato indutos. Hi ingressi cubicula, cornu bovis loco buccina inflant, Regi parendum clamitant. Piectos penas mox scelerum daturus, victoriam ingentem Scotos expectare, nuncios se à Deo missos. Facile fuit somnolentis imponere: cum neque venientes neque abeuntes videre possent: nam vestem noctilucam involverant pallio, dum abirent, baculamq, sub eodem absconderant. Ubi illuxit, ad consilia ventum est, & nemine fucum agnoscente, consensum in bellum, pugnatumque semel bis terque feliciter, & triumphatum de hostibus. Ita scilicet res feliciter successit, neque animi metu prostrati in fiduciam quandam erigi poterant, nisi isto prodigio quamvis ficto. Immigrarunt ista Sophismata Politica etiam in Ecclesiam, & sacris, vel potius sacrilegis fraudibus ita in crustarunt omnia, ut sinceræ pietatis vix restaret, ampli-*

amplius vestigium, ejusque loco regnarent & colerentur ficta illa miracula, quibus non tam animæ salutis, quam rationi status Ecclesiastici & lucro consulebatur. Unde Nic. Lyranum jam olim conquestum legimus in cap. 14. Dan. *aliquando maximam deceptionem fieri in Ecclesia per miracula ficta à Sacerdotibus.* Vide de his Joannem Prideaux Theologum Anglum in Orat. 11. de Impostorum Mendaciis, eleganter differentem. Ad Gallorum Ampullas, Vexilla & Lilia cœlitus ab Angelomissa regerunt alii istud Livii in præfatione suæ Historiæ: *Datur hæc venia antiquitati, ut miscendo humana divinis primordia urbium augustiora faciat.* Et quia novum non sit talia fingi, afferunt plurima exempla. Apud Romanos erant Ancilia: apud Scythas, teste Herodoto lib. 4. aratrum, jugum, securis & phiala aurea cœlo delapsa. Trojanani pro fatō imperii habebant Palladium, de quo vide Barth. lib. 60. Adv. p. 28. 43. Quæ imperii pignora vocabantur, & quorum ad hoc bene multa, affert ad Flor. lib. 1. c. 2. §. 3. diligentissimus commentator Rupertus. Sed illa quæ meras Gentilium superstitiones redolent in comparisonem hîc venire non posse videbuntur; in universum tamen, quædam danda sunt secretiori fato, & divinæ providentiæ, etiam in talibus. *Ista enim omnia (ut præclarè judicat V. CL. Boclerus de Auspic. Reg. cap. 3.) licet supersticiosa sint; tamen ipsa superstitio talis est, ut debeat convincere homines de veris auspiciis regnorum.* Dum enim credunt, esse quædam fata divinitus demissa aut concessa, quæ veluti pignora salutem imperii ac perpetuitatem tuerentur, quorum ob id custodia diligentior, & violatio aut amissio formidabilior esse debeat, certè consueverunt, fatalem esse Rerump. sortem in utramque partem, divinoque nutu stare, vigere, valere, aut cadere imperia, ac interire. Facere verò hæc omnia seu figmenta, seu mysteria ad ampliorem & splendidiorē reddendam Majestatem Regiam, & populum in officio tenendum, imprimis si fides illorum & persuasio firma sit, nemo temere diffitebitur. Fatetur id de Gallis Hubertus Morus Theologus Parisiensis in opere de sacris unctionibus: *Quod, inquit, præter ceteros populos Reges suos Gens Francorum semper sit venerata, illis que pene serviliter hæcenus obsecuta, nihil aliud nos vel majores nostros ad hoc impulit, nisi quod per calcem unctionem, quâ soli ex omnibus Regibus perunguntur, credimus, præter ceteros Mundi Principes, à Deo ad Nominis sui gloriam, & Ecclesiæ suæ subsidium, specialiter electos, Christosque Domini veraciter effectos, quibus non simpliciter ut Regibus, sed etiam ut sacris & Deo dicatis personis, quidvis obsequii, honoris & reverentiæ exhibere debeamus.* Et disputari sanè possit, an licitum sit Principi, tali colore lucem aliquam Majestatis sibi acquirere: quod tolerandum videri poterat, si absque grandis aliqua idololatria vel superstitio. An vero ista Regum Francicorum curatio etiam numeranda sit inter Sophismata Politica, de eo viderint alii. Dicunt aliqui, in speciem publicâ solennitate & apparatu morbosos tangi,

inte-

interim, privatim illos jussu Regis à Medicis, potentibus quibusdam medicamentis vel emplastris ad sanitatem reduci, ut, quod reverà naturalibus evenit remediis, Regio tactui adscribi possit. Certè Delrius Tookero objicit, emplastra à Reginà Elisaberha adhiberi. Sed de Regibus Galliarum quod dicitur, id vel ab Hispanis Gallorum advesariis, vel aliis nullà fide dignis spargitur. Aliqui Aeri Gallico, siquiseo diu utatur, tales strumas sanandi inesse vim ajunt. Sed ineptiunt, & solide refutantur ab Andr. Laurent. in toties citatò tractatu. Me quod attinet, malo hìc testimoniis & autoritatibus aliorum insistere, quam incertis quibusdam conjecturis, quæ si admittendæ, consistere non possunt absque insigni læsione Regii Nominis, quod venerabile esse & sacrosanctum debet.

Denique qui jam verè hoc fieri experiencià convicti concedunt, nec naturalem aliquam causam volunt admittere, illis necessario ultra naturam eundum, & vel Dæmon operis istius autor dicendus, vel Deus: ita ut vel inter præstigias numerandum veniat, vel inter miracula. Fœda prior sententia est, nec sine crimine de sacris istis Capitibus vel cogitari potest, nec tam temerarii & impii oris hætenus, quod sciam, aliquis repertus est. Sub Gentilium Imperatorum Vespasiani & Adriani miraculis non aliam, quam Dæmonis manum multos video agnoscere. Aliqui Vespasianum Apollonii Tyanxi, celebris & sibi perfamiliaris, Magi ope id præstivisse volunt. Accedit quod monitu Serapidis Dei, id demonstratum ægris remedium sit, ut vel ex eo colligas, intercesuisse si non operam, saltem consilium Diaboli, quod suspectum reddere totum negotium possit. Quid enim aliud sunt ista in somnis petita & data à Diis remedia, quam Diaboli consilia. De incubatione in fanis, Æsculapii, & aliorum, dictatisque per somnia remediis, nihil hìc dicam: quoniam nota satis est idololatria ista, ad quam classem etiam hoc pertinet remedium. Quomodo Adrianus Pannonio isti cæco visum restituerit, an magicis artibus, an alià quâdam vi, non facile patet ex Historico. Adduntur narrationi, quæ est apud Æl. Spartian. hæc verba: *Quamvis Marius Maximus hæc per simulationem facta dicat.* Quæ Casaubonus in Commentario ad mentem Dionis ita explicat; quod Marius vocaverit simulationem, incantationes & alia remedia magica, quibus morbus Adriani levare visus: Simulatrices enim veteribus sagæ, & in magicis multa per simulationem fiebant. Sed rectius Salmasius hìc in Commentario verba ista simplici suo sensu capit, qui hic est: Omnia, quæ ibi Spartianus narrat tanquam verè facta, ea Marius Maximus simulata & ficta esse commemorabat, & ad hoc tantum excogitata ab Antonino, ut Adrianus in spem recuperandæ sanitatis induceretur, qui ideo occidere se tentabat, quod eam recuperare se posse desperaret. Usus ergo est Antoninus hac arte, ut mitteret mulierem, quæ diceret somnio se monitam, ut indicaret Adriano,

ne se occideret. Induxit deinde & Pannonium cœcum, cui visum restituit, vel potius restituisse fingitur, Adrianus. Sic sensu vocum rectè percepto constat, omnia hæc simulatè acta esse, non tam ad aliquam conciliandam Adriano gloriam, quam ad morbum ejus tollendum. Præstigiis item & Dæmoniacis operationibus curationem strumarum, quæ fit ab illis, qui septimo partu masculino sunt editi, annumerare non dubitat Jacob. Prime-rosius, de Vulgi Erroribus in Medic. lib. 4. cap. 49. Illa enim, quæ à numeris, Characteribus, verbis deducuntur causæ, sine dubio monstrum aliquid alunt. Unde vehementer mihi displicet illorum sententia, qui curationis effectum illis à Regibus prolatis verbis: *Rex te tangit, Deus Te sanat*: adscribunt. Sed illos prolixè satis refutatos legere me memini ab Andrea Laurentio in tractatu sæpius citato, quam cramben hic nolo recoquere: Ipsa enim vel non recocta mors est. Sed talium superstitionum, quæ Diabolum aperte in fronte gerunt, jure censendæ non sunt occultæ istæ operationes, quarum infinitæ sunt in Naturâ, in quo sæpe vehementer peccare videas homines cathedristantum & disputationibus assuetos, de rerum naturâ & experienciâ, unicâ veritatis normâ, securos, & qui à contemplatione rerum remoti, occupationibus vel politicis vel sacris distinentur, ut penetrare rationum momenta non possint, qui error perniciosus admodum est solidæ sapientiæ. De iis rectè dici potest, quod Verulamius sermone fideli 17. de Superstitionibus in Religione: *Non caret superstitione quandoque superstitionis fuga, cum se tantò saniores & puriores viam inire putent homines, quantò à superstitionibus prius receptis longius deflexerint. Itaque cura esse debet in Religione reformandâ, (addo: in scientiis reformandis) ut sit in corpore purgando, ne sana cum corruptis simul evacuentur.* Et sane, si prudentia hic nulla adhibeatur, & libera unicuique rerum talium ignaro, judicandi & statuendi facultas concedatur, metuo, ne illa demum redeant secula, quibus vel Hæresios vel Magiæ rea omnis damnabatur scientia. Conqueritur de eo seculo in elegantissimâ Oratione: De Impostorum Mendaciis, Joannes Prideaux Theologus Anglus; *Hæreticus, inquit, & Magus evadit noster Rogerus Baconus, quo errore? Mathematicus erat, & in linguis cæteris acutior & versatior, quorum vellicat nonnunquam stupendam inscitiam, quod satis erat ad hæresin. Hæreticus apud tales audit Petrus Abulandus. Cur? Cæteris in Philosophicis erat aliquo modo limatior, in Poeticis politior, in Theologicis liberior, quæ ad Hæresis calumniam sufficiunt.*

Sepositis nunc omnibus causis *Φανουβόις* denique ad principem illam & summam causam accedimus, Regum scilicet Regem, ejusque divinam manum, quæ omnium imperiorum fata temperat, Regum auspicia dispensat, Principes potentiâ & gloria instruit, etiam hic exosculamur. Etenim si vel in Ethnicorum Regum actionibus elucet Providentia illa summa

summa, si Regnorum fata ipsis divinis literis prædicuntur: oportet sanè specialem Deum curam illorum gerere, quos administrationi imperiorum præfecit, nec fortuita erunt illorum auspicia, incrementa & decrementa. Augustissima de eo sunt, tam sacrarum, quam profanarum literarum & dicta, & exempla, quæ hîc cumulare nostri non est instituti. Cui volupe est Regalia ista sacra propius intueri, adeat (quid enim attinet alios nominare?) Virum Clarissimum & magnum Germaniæ nostræ decus, Bœclerum, qui in libello de Auspicio, manu te ducet ed ista penetralia. Huc refert mirandam illam curationem Molinæus in Vate suo lib. 1. c. 2. quo in loco etiam pluscula de *Λογία* & divinationis dono Principibus à Deo concessio observat. Sed & multi alii innumeri sunt, qui in hanc sententiam conspiciant, & inprimis Pontificii Doctores omnes. Argumento præterea esse possunt actus plusquam humani, apparatus illi religiosi, preces, jejunia, confessio peccatorum, Vita pura & sancta, quam imprimis, (referente Philippo Honorio, in Relat. de Regn. Gallico) commendavit filio Ludovico Hutino mortis vicinus Philippus Pater, monuitque, sine illà nullum fore locum miraculo. Quod vero Primerosius in De Vulgi error. lib. 4. c. ult. de B. Remigio memorat, ea probari non possunt: *Beatus Remigius, inquit, cum cujus unctio ad Reges Gallorum potestas hæc dimanavit, optimus haud dubiè bujusce rei interpres, vim hanc concessam Regibus edixit, quamdiu in Catholicâ fide sint permansuri, insinuans cessaturam eam, si quando ab hac fide deficerent.* Verum illa ne quidem in Testamento Remigiano habentur, nec alii meminere historici, ut nesciam, quâ autoritate fretus hæc scribat. Baronius certè, qui in Annalibus suis Clodovei Baptisinum, omnesque ejus ritus & miracula, anxie satis (quamvis non ubique bonâ fide) descripsit, ejus non meminit. Sed de iis verba perdere supervacuum est, quandoquidem jam antea varias & incertas de Baptismo Clodovei relationes esse Historicorum demonstravimus, & ea jam nobis sedit sententia, à divinâ obvenisse gratiâ istud donum, Nec dubitat de Vespasiano idem dicere Grotius in De verit. Religionis Christ. lib. 3. *Si verum est, inquit, per Vespasianum cæco visum esse redditum, factum id est, ut is hæc re venerabilior Imperium Romanum facilius adipisceretur, lectus quippe Deo judiciorum ipsius in Judæos minister.* Non dissentit commune Historicorum judicium, qui magnâ diligentia & adhibitis argumentis præoccupare suspensiones falsi contendunt. Tacit. Hist. 5. *Multa miracula evenire, quæ celestis favor, & quadam in Vespasianum inclinatio Numinum ostenderetur.* Id. Histor. 1. *Occultâ lege fati & ejusmodi ac responsis destinatum Vespasiano liberisque ejus imperium post fortunam credidimus.* Suetonius eadem miracula narraturus sic præfatur: *Autoritas & quasi Majestas quadam, ut scilicet inopinato & adhuc novo Principi deerat, hæc quoque accessit.* Joseph. de eodem lib. 3. Belli Judaici c. 27. quod accesserit ad imperium & *ἡ δὲ διαίεσις αὐτοῦ*

αὐτὸν εἰς ἡγemonίαν καὶ τοὺς πάντας δι' ἐνέργειαν οὐρανοῦ προδουκύνει. Deo illum
 excitante ad principatum aliisque etiam signis ei sceptrum præsignificante. Sed dis-
 plicet ista Grotii sententia Boclero Commentario in Svetonium. *Hæc in-*
quit, sententia non parvâ difficultate urgetur, ex eo, quod monitu Serapidis Dei de-
monstratum agris remedium, adeoque suppeditatum Vespasiano consilium est. Durum
enim forte fuerit dicere, Deum verum prædicta Diabolo, sub specie falsorum numi-
num, sua virtute voluisse affirmare. Quod si dicas, Diabolum, cum sciret quid De-
us factururus esset, suis larvis & deæstris prædictionis gloriam, indeque virtutis opini-
onem (permittente alias ob causas, quæ nihil cum religione commune habent, vero
Auctore) vindicasse; nulla tibi ratio tam ancipitis conjectura fulcrum ostendit, un-
de Diabolus potuerit ista præscire. Quocirca lubentius accesserim iis, qui mira ista
apud paganos opera pleraque pro suspectis habent. De cætero non est ignotus lusu
adulationis aulica, quæ ab omni ævo miram aliquam virtutem & singularem fa-
mam operum conciliare studet: qualia veluti tradito more hodieque vindicant ef-
formantque, qui de actis principum credere malunt, quam scire. Atque huic
ego sententiæ in hoc Vespasiani miraculo malo subscribere, quam Campa-
nellæ, qui in De sensu Rer. lib. 4. c. 2. divina miracula etiam idololatricæ im-
miscet. Nam cum de ægris istis, Serapidis monitu à Vespasiano remedium
morbi petentibus differit, addit: Potest quidem in multis intervenisse Dæmon,
poteest quoque existimari Deum ejusmodi miracula fecisse in salutem ipsorum, qui
piè credebant in eum, aut in rem, quam simplici animo imaginabantur esse unum
DEUM. Et fidem respicit DEUS & ignorantia non procurata ignoscit: Qui de-
ceptores, non autem deceptos execratur. Sed hæc ego tamen nollem facere mea,
ut quæ contra Theologiæ principia pugnare videntur: Impium prope est
miracula consiliis Diaboli (quis enim alius sub larvâ Serapidis latet?) per-
acta adscribere divinæ potentiæ: Videamus tantum, ne vel ipsis Christiano-
rum miraculis se insinuet lubricus iste serpens. Aufer autem has à no-
stro miraculo suspensiones, ut quod pietate præviâ à DEO impetratur, quod-
que DEUS speciali gratiâ Majestati Regiæ concedit, quæ eo redditur augu-
stior & venerabilior. Cum vero nil tam sacrum sit, cui non aliquando ac-
cedat aliquid profani, & ingeniosa Aulicorum adulatio etiam optimis qui-
busque & piissimis fucum suum intermiscere soleat; ita & hic factum esse,
negari non potest, dum eminentiorem aliquam Majestatem præ cæteris Re-
gibus nonnulli Galliæ Regi tribuunt, quam omni æquo & iniquo possunt
prætexere. Hinc illa immensa Arroyi postulata, quorum meminit Patrici-
us Armacanus in præfatione Martis Gallici: Profitetur Arroyus ait Patricius,
Imperium esse Gallica corona indivulsè nexum, & quotquot illud vel ejus partem de-
tinent, esse injustos usurpatores, omnia armis Francorum esse repetenda. Imperii
autem nomine illi continentur, Gallie, talia universa ab Augusta Vindelicorum ad
Calabriam usque, Germania, Hungaria, Polonia, Russia, Prussia, Livonia, Lithu-
ania,

ania, Moscovia, Sclavonia, Podolia, Alba Russia, Walachia, &c. & ultra Gallias complectitur montes Pyrenaeos & Hispania partem cis Iberum. En Limites Imperii, quod Francis ita debitum esse Caroli Magni successione sensit, ne quisquis Europaeorum Principum ullam ejus laciniam possideat, usurpationis injusta reus sit. Sed plures praerogativae ex istâ strumarum curatione, Ampullâ Remensi & aliis ab Arroyo deducuntur, quas ordine refutavit Patricius Armacanus. Exprobrat quoque Rivetus Sylvestro Petrasanctæ Jesuitæ, in notis Epist. ad Balzac. c. 19. similia quædam à Jesuitis prætextu istius miraculi concepta Sophismata: *Verosimile est, inquit, Jesuitas sentire eam vim Francorum Regibus peculiarem esse: Ideo Bellarminus, Commoletus, Jesuita, & alii, qui olim consilium inierunt Lutetia, de Regno Gallia in Hispanum transferendo, quâ prædicti fuerunt charitate, id visi sunt moliri, ut Rex ille promptius possit succurrere adversus familiarem Hispanis morbum.* Verum committam has lites lubens aliis. *ὅς ἐστιν ἰσχυρὸν τὸ πρᾶγμα, πᾶσι δὲ χασπέτω.* Viderint illi, qui defendendas sibi suscipiunt tam audaces theses. Nos dissertationi nostræ finem imponimus, serioque optamus, ut PRINCEPES omnes habeamus MEDICOS, quibus SALUS PUBLICA restituatur, STRUMÆ Ecclesiarum, Rerum publicarum & Scholarum, inutilia pulcherrimorum Corporum civilium pondera non tangerentur solum, sed & tollantur.

ADDENDA.

Pag. 128. lin. 4. post illa verba: *Nec cum Limneo loco superius laudato histrioniam hic agi temerè mihi persuaderi patiar:* hæc adde. Tradit Cælius in historia Caroli II. Germanicè scriptâ: Regem istum ante suam inaugurationem apud Helgas commorantem extremis triginta sex diebus, ultra 260. morbosos tetigisse. Ritus ipsum accuratè, quantum assequi potuit descripsit, qui cum à Gallico diversus planè sit, adduci hic debebat. Post auditam orationem sacram, inquit, solio quodam residebat Rex, ad cujus dextram stabat Secretarius manu tenens, pro ægrotorum numero 48. ligulas sericas albi coloris; (*caruleum illorum colorem observavi ego in Anglia*) de quibus singulis dependebat moneta aurea Anglica, Angeli imagine insignita (*ein Änglotte*) pretio suo duos æquans Joachimicos. Ad sinistram Sacerdos, qui sermonem sacrum habuerat, & Chirurgus Morbosorum examinador, cum istis vultu Regi observo stabat: cumque primum illorum manu prehensum ad Regem duceret, ter ipso in aditu submissa veneratione Regem salutantes, coram eo uterque procumbebant in genua. Tum Sacerdos ex Evangelio Marci cap. 16. vers. 18. illa verba legebat: *super agrotos manus imponent, & bene habebunt*, subque ipsâ horum verborum pronuntiatione Rex genas ægroti tangebat. Post contactum illum, recedebat primus locum facturus reliquis, eodem ritu, continuâ successione, coram solio

U 3

Regis

Regis procumbentibus, quos Rex repetitis semper D. Marci verbis à Sacerdote, nec loco suo cedente Chirurgo, contingebat ad unum omnes. Quo peracto Chirurgus, post repetitam ternam corporis inclinationem, cum omnibus illis ægrotis in priorem locum secedebat, legente intereà Sacerdote, quicquid in Evangelio D. Marci à versu 14. ad finem usque capitis 16. habetur. Legebatur postea à Sacerdote primum caput Evangelii S. Johannis, à principio capitis usque ad versum 15. atque inter legendum Chirurgus ægrotos ritu priori reducebat ad Regem, qui ligulas istas sericas, de quibus dependebat moneta aurea, è manu Secretarii accipiens ægroti collo circumjiciebat, dum ista S. Johannis verba pronunciaret Sacerdos: *Erat lux illa Lux vera, quæ illuminat omnem hominem venientem in mundum.* Cum in reliquis idem factitatum, semperque ad singulorum accessum repetisset ista verba Sacerdos, recesserunt iterum ægroti, & quæ sequuntur in primo isto capite usque ad versum 15. prælegebantur. Addebantur his aliæ quædam è sacro codice sententiæ, Oratio Dominica, & preces quædam aliæ, pro felici hujus curationis eventu ad Deum fuscæ. Peractis his solennibus, accedebant Comes Middelsexiensis & Comes Albanus, polubrum cum gutturnio eodem, quo ægroti accedebant, ritu Regi offerentes. Comes Albanus infundebat manibus Regis aquam, & mantile à Nobili quodam sibi traditum offerebat Middelsexiensis. Addit deinde Autor ille: Non tanto descripsissemus apparatu istum curationis Regiæ ritum, nisi cognitum nobis esset, à prudentibus viris & à superstitione quam longissimè remortis, credi certissimum inde esse morbo remedium. Quin affirmare aliqui audent: quod illi, qui hæc ratione sanitati sunt restituti, in pristinum morbum recidant, si forte negligentia quædam perdiderint ligulas istas cum moneta aurea, & nisi denuo à manu Regi à illis appendantur, spem sanitatis recuperandæ nullam habeant. Potest præterea vis istius tactus vel ex eo patere, quod non tam è viciniâ, quam locis remotissimis, magnus ægrotorum numerus accesserit, quibus omnibus recipiendæ sanitatis spes est certissima. Hactenus enarravit omnem totius curationis apparatum Cæsius, à quo non discrepant, quæ ipsi vidimus in Anglia. Sed variæ poterunt super isto negotio ferri sententiæ. Nam dubitari profecto, tot concurrentibus circumstantiis possit, cui potissimum adscribenda illa virtus sit, an tactui Regio, an ceremoniis sacris, an ligulis istis sericis, an ipsi auro, an imagini in moneta aurea? Singula enim hæc poterant nominari, si de causis vel Physicis vel magicis institueretur disceptatio. Si tactus Regius sufficit, cur adhibentur istæ Ceremoniæ? & si illæ nihil ad rem faciunt, cur non potius omittuntur, quæ suspicionem curiosolo cuidam poterant injicere, quemadmodum injecerunt ipsi Delrio loco superius citato, qui tamen alio in loco magnas Evangelio S. Johannis vires adscribit, in fugandis Dæmonibus & in

& in curandis morbis. Sed & urgeret hic aliquis, cui præcipuè illa verba S. Johannis: (*Erat lux illa, lux vera, quæ illuminat omnem hominem venientem in mundum*) cum tactu Regio societur? quod indicio esse possit, absque illorum verborum recitatione, nullum fore tactui effectum, quæ tamen vel cum ipso tactu, vel cum morbo, nulla ratione sunt connexa, vel cognata, & si vel maximè essent, inutilis tamen esset eorum additio. Poterat & hic aliquis suspicari ligulis vel auro allita vel admista esse quædam, quæ morbo illi subtili quodam halitu mederi possint, cum absque illis morbus planè tolli non possit solo tactu Regio, adeò ut amissis illis ligulis & aurea moneta, redeat morbus pristinus. Quod itidem suspensiones novas injiciat: si enim naturalis aliqua est operatio, cur non quod semel sublatum est, naturali causâ isto in statu perdurat? Si vero non est; qualis demum dicenda? cur ab ipso Rege ligula ista debet applicari? Alius forte hic repereret, quæ de ænæis & licis Magi olim docuerunt: & si imago Angeli in moneta attendenda sit, multa de imaginum in magia usu aliquis adduceret, quæ omnia istos Regum actus suspectos redderent, qui tamen vulgi iudiciis subijciendi non sunt. Nos potius in admiratione illorum subsistimus, & quandoquidem eos altius scrutari non concessum, sententiam eis pronuntiandam committimus, qui propius illa sacra intuentur. De Galliarum Regibus plura tradunt Historici, & præcipuè de iis hæc dissertatione agemus.

Pag. 132. lin. 25. error typographicus est in tempore Baptismi Clodoveani, & pro anno 495. scribendus 496: maluimus enim hic Sirmondum in Not. ad Tom. 1. Conc. Gall. p. 153. qui A. C. 496. assumit, sequi, quam Dionys. Petavium, qui in Doctrinâ Temporum lib. 13. A. C. 495. statuit. Sigebertus in Chronico (pro more suo, ut Sirmondus notat) triennio serius, sc. ad A. C. 499. tempus locat. Cui errori adstipulatur Baronius, qui pro re natâ faciliè aliàs movet temporum terminos: nam cum Sigeberto Baptismum Clodovei ad A. C. 499. mortem ejus ad A. C. 514. refert, quem sequuntur Alstedius, Micælius, imo ipse Calvisius, & alii, qui non collatis inter se Historiis, nec accuratè satis subducto calculo, Baronio in eo sunt imòphoroi. Falli autem eos, evidentibus argumentis potest demonstrari. Annales Francici ad Annum Regni Clodovei XV. baptismum ejus statuunt. Gregorius Turonensis in fin. lib. 2. regnasse Clodoveum 30. annos scribit, & inter ejus, & S. Martini mortem intercedere 112. annos, quæ secundum ejus sententiam incidit in A. C. 397. Cæsario Atticoque Consulibus. Sic Clodovei obitus concurreret cum A. C. 509. initium Regni; cum A. C. 479. Baptismus cum A. C. 494. Sed cum solidis rationibus chronologicis hoc obitus S. Martini tempus impugnet Petavius in Doctrinâ Tempor. lib. 11. c. 44, malim ego sententiam Prosperi amplecti, qui in Chronico suo A. C. 399. obiisse S. Martinum refert, Sic tempus obitus Clodovei in A.

C. 511, & Baptismi in A. C. 496. incideret. Et sanè mortem Clodovei in A. C. 511. reponendam è successore Filio Childeberto conjicias. Is anno imperii sui 49. è vivis excessit, teste Aimoino lib. 2. c. 29. nam qui annum 45. malunt, illi refutantur eo, quod pragmaticum, seu Regium diploma de S. Vincentii ad urbem monasterio, à Childeberto anno imperii ejus 48. editum sit, teste eodem lib. 2. c. 20. Ejusdem Childeberti anno Imperii 38. qui est A. C. 549. habitum est concilium V. Aurelianense, Indictione 13, 5. Calend. Novembr. Concilium Aurelianense III. habitum est ejus imperii Anno 27. quarto post consulatum Paulini Junioris (qui A. C. 534. Consul fuit) anno, qui erit A. C. 538. Nonis Maii. Vide Tom. 1. Conciliorum Gallicor. p. 277. & 247. Ex quibus omnibus, si inter se conferantur, & calculus subducatur, sequitur: Childebertum imperare cœpisse & Clodoveum desuisse A. C. 511. Cui sententiæ suum quoque adjicit calculum Petavius, qui tamen, quâ ratione inductus, nescio, obitum S. Martini ad A. C. 401. referre non dubitat. Cui si inhærendum, Petavius sibi ipsi contrarius A. C. 511. pro tempore mortis Clodoveanæ definire non posset, quæ demum incideret in A. C. 513. Baronius obitum S. Martini ad A. C. 402. extendit, secutus Sigeberti Chronicon, quod falsum esse vel ex eo apparet, quia Sigebertus Prosperum sibi consentientem allegat, qui tamen toto triennio discrepat, ut ex superius dictis patet. Sed Baronius eas potissimum temporis rationes amplectitur, ut fabulis istis Hincmarianis de Epistolâ Hormisdæ Papæ ad S. Remigium, Clodoveo vivente, missâ, de Coronâ Regni Galliæ Hormisdæ à Clodoveo donatâ fidem faciat: non enim leviter rei Pontificiæ intererat. Hormisdæ vero successerat in locum Symmachi Pontificis A. C. 515, quarto post Clodovei obitum anno, ut pateat hinc, nec Epistolam potuisse scribi, nec coronam donari. Baronii argumenta labuntur in circulum: nam ubi de morte Clodovei disputat, dicit, ejus tempus aliter locari non posse, quia obitus Martini incidat in A. C. 402. Ubi de morte Martini disputat, dicit, tempus ita ponendum esse, quia obitus Clodovei incidat in A. C. 514. cum tamen utrumque falsum sit. Et si vel maximè A. C. 514. secundum mentem Baronii, adscribitur Mors Clodovei, anxie sane momenta temporum corradere debet, qui fabulas istas justis temporum articulis velit connectere. Mirè sane & miserè Baronius, alibi quasi equuleo & fidiculis torquet & extendit tempora; alibi inter computandum amputat, ut tandem obitus Clodovei & initium Hormisdæ convenire possit, morem imitatus Latronis Procrustis apud Plutarchum in Theseo, qui ad mensuram lectuli sui viatorum staturam exigens, illis pedes, si longitudine mensuram excederent, abscindebat, si justo breviores essent, extendendo rumpebat. Hæc notare ad istum Dissertationis locum visum fuit, ne errorem Chronologicum nos commisisse aliquis existimet, dum datâ operâ & cautè satis sic sentimus.

DESCRIPTIO
ACTORUM
PROMOTIONIS

In omnibus Facultatibus


ACADEMIÆ CHRISTIAN-ALBERT-
TINÆ, QUÆ KILONI EST,

Principalibus auspiciis & sumptibus

die XXII. Januar. clc lcc LXVI.

institutæ,

Omniūque, quæ cum iis sunt connexa.



Viderat jam Cimbria nascentem, inter tot publica laticæ documenta, tot civium plausus, tot exterorum gratulationes, tot genialium dierum solennes amœnitates, Academiam. Viderat, *Kilonium* Serenissimum Principem CHRISTIANUM ALBERTUM, Cimbriæ Patrem, Orbis decus, seculorum splendorem, ceu summum quendam Apollinem, Musas manu suâ ducentem, hasque illi sedes proprias & perennes assignantem. Viderant, quotquot hic magno confluerant numero, circumlata Musarum sceptrâ, ritus magnificos, pompam & apparatus planè regium, convivia splendidissima; quæ aures & oculos omnium spectantium stupore quasi defixos hætenus detinuerunt; nunc verò tot hominum ora, tot posterorum calamos, tot seculorum linguas occupabunt. Quamvis enim illustria sint, tam in prisca, quam in præsentis ævi monumentis, Regum & Principum nomina, qui immortalitatem nominis literarum ambierunt æstimatione: omnem tamen illorum famam supergreditur DOMINI nostri munificentia, qui tanto affectu & ardore in Musas fertur, ut vix alias ad animum admittat curas, quam literarias, tempusque sibi omne periisse putet, quod illarum commodis non impendat, nec majus imperij sui credat emolumentum, quam æternum literarum decus. Nihil hætenus incomparabilis PRINCEPS in se passus est desiderari eorum, quæ ad stabiliendam rem nostram facere posse videbantur, literarum & literatorum Stator optimus maximus: auspiciis suis beavit, consiliis juvit, opibus sumptibusque splendidissimis maectavit, ut nunc Cimbria nunquam inter morituram literarum gloriam, vix sine aliarum nationum invidia possideat, ut illa communis quædam eruditorum patria, ærarium PRINCIPIS commune eorum patrimonium dicatur. Splendidissimè quidem hætenus omnia, quæ ad Inaugurationem Academiæ spectabant, peracta: non tamen omnes munificentie se absolvisse numeros credidit Clementissimus DOMINUS, nisi & Musarum filios præmiis, in omnibus Academiis hætenus usitatis, donasset, iisque gratuitis; ut ita beneficium adderet beneficio, dum munificentiam maectaret honoribus, honores suâ ornaret munificentia. Voluit hoc, quod Virtuti hic exstruxerat sacrarium, simul & Honoris templum vocari; cum & apud Romanos hæc contigua fuerint; ut omnes intelligerent, non minus eruditionis, quam immortalitatis negotium hic geri: ut sic honores sua à literis haberent ornamenta: istæ ab honoribus sentirent incrementa. Optimè enim norat optimus PRINCEPS cibum quasi quendam animorum esse honores, quo subtracto, famæ, ut ita dicam, fame conficerentur animi, & ætatem in primis juvenilem, non

non faciliè gratis arduam virtutis viam insistere, nisi quodam laudum palpo permulceantur & titillentur, cui si gloriam dempseris, virtus ipsa aspera futura & amara. Recte enim Cato major, eos, qui virtuti honorem detraherent, virtutem simul omnem detrahere adolescentibus dicebat. Et, quemadmodum Solon præmiorum vinculo contineri Rempublicam statuebat; ita hæc nostra Respublica, nullâ aliâ salute perstabit, quam ritè distributis præmiis, quæ quasi pignora quædam sunt, quibus obstricta ingenua ingenia gloriam semel partam deserere erubescunt, & potius iisdem factis, vel maioribus superare contendunt, aliosque post terga ducunt ad paria adspirantes. Et cujus obsecro animo non adderet stimulos perpetuum hoc honoris pignus, quod in novo hoc Musarum sacrario nunc conceditur, si quidem perspicere potest, quantum sit hoc beneficium, quod ipse summus PRINCEPS studia ejus æstimet, cujus ipse nomen dignum censer, ut in fastos eat, & felicia faciat nascenti Academix auspicia, quod celsissimo suo nomini junctum in iisdem annalibus nominabitur, eâdem famâ decantabitur. Dabuntur nunc virtutum exempla in paucis, ut omnes intueantur qui iis admoniti, nunc quidem non possunt negligentius tractare literarum studia, aut ignavix atque inertix devovere animum, nisi in ipsum simul PRINCEPEM velint esse injurii, ipsumque sacratissimum ingeniorum & literarum asylum habere despectui. Quis verò non æstimet illos honores, & luculentissimum illud favoris auxilium, quod ab ipso omnis dignitatis capite provenit, quod quia ab ipso fonte promanat, purius est, ut homines delicatè fastuosi, qui alias titulos honorum augustissimos spernere solent, quod aliquando indignis conferantur, nunc etiam in lucri parte deputent, si principalibus auspiciis tam splendida præmia impetraverint. Non equidem negavarim, eò rem rediisse sæpè, ut tituli non sint amplius appendices virorum, sed viri appendices titulorum: videri sæpè in purpurâ saltantem aliquam simiam, & aliquem Caligulæ equum (nolo enim gravius aliquid dicere) togâ candida cinctum, ambientem centurias, prestantem ungulis, & obvio cuique adhinnientem, mox cum fascibus & securi trabeatum. Multis amplissima titulorum porta præfixa est virtutis Regiæ, de quibus, quod de Civitate exiguâ vastissimam portam habente dicit Diogenes: *Videte, ne per portam elabatur vestra Civitas*, dicerès: videte, ne per titulorum portam elabantur vestri honores. Sed frustra quidem hæc & alia, quæ nonnunquam spargit maleferiatorum hominum, & à literis averforum improbitas, objiçientur alicui ab ipso nostro Apolline, ad summos istos honores admisso: cum nemo inter illos sit, qui non totus teres atque rotundus; nemo, qui non omne punctum tulerit, nemo etiam, qui in dubium vocare hoc possit vel audeat; nemo, qui honorem, illum felicitatis rorem, quo nutri-

ri solent præstantissimæ mentis semina, vertat in fomentum vanitatis.

Constituerat quidem Serenissima sua Celsitudo, hæc publicorum honorum solemnia ipsi festivitati inaugurali adnectere, ut ejus quandam partem facerent: sed cum Candidatorum indies cresceret numerus, temporisque angustia omnium examina atque disputationes non admittetet, dilata fuerunt in Nundinarum Kiloniensium tempus, toti Cimbricæ sacrum, & speciatim in octavum post octavas trium Regum diem, diem sc. 21. Januarii, ne vel festinatio nimia solennitati nostræ aliquid detraheret, nec minor illi nasceretur ex celebritate istius temporis gloria. Hujus Solennitatis descriptionem nunc molimur: interest enim publicè sciri, publicè commendari tantam PRINCIPIS munificentiam: verum quia hunc inter, & inaugurationis actum temporis aliquod spatium intercedit, nec hoc indictum abire patiemur, ne aliquis illud vel silentio vel otio periisse credat: sed & extris, quid in ipsis Academiz incunabilis, unde non levia successus præfagia formari solent, actum sit, innotescat.

Decem & quatuor penè dies toti in publicis consultationibus, de re Academicâ agitis, consumti sunt, quos non malè locatos judicabit, qui quidem sciet, quantum in primordiis tantarum rerum capiendis, quantum in fundamentis æterni istius operis jaciendis, situm sit in momenti.

Consultationes istas exceperè Lectiones publicæ, tanto quidem ardore & conatu institutæ, ut modo Dn. Professores de horarum defectu; modo Dn. Studiosi (quorum numerus haud exiguus) de prælectionum copiâ conquerentur: Cum enim una hora sæpe tribus vel quatuor Professoribus in diversis Facultatibus destinaretur, & inviti quodammodo distraherentur Auditores in plura collegia, dum singulis vellent, quod uni tantum poterant exhibere officium, evenit illis, quod evenire solet cœnæ dubiæ adfidentibus, quibus ipse ciborum delectus palatum cruciat & appetitum. Subsellia vacua nunquam vidimus. Nunquam Homericus ille *ὄντις* occurrit: habuere semper suos auditores lectiones publicæ, quarum catalogus sub signo literæ A. adducitur, è quo *ἑρμῆς* nostræ, series lectionum & Professorum (quibus tamen alii vel accessere, vel succedere) unicuique patebit. Accessere deinde collegia privata in singulis Facultatibus, & in Philosophicâ facultate per singulas penè disciplinas instituta, quæ auditores invenère satis numerosos. In singulis quoque Facultatibus disputationes habitæ, quæ hic silentio non sunt prætereundæ.

Quod Facultatem Theologicam attinet, quia Magistratum gerit Vir Magnificus & admodum Reverendus Dn. PETRUS MUSÆUS, excusatissimus meritò haberetur, si interim planè ab officio Professorio cessaret. Dum enim Academia nostra in cunabulis versatur, conjectu facile est, quod

quot & quantis ille negotiis distringatur. Neque enim haud paulò operiosius est, nascenti Academix, ut adolescat, obstetricis more opem ferre, quàm adultiorem, ut facta tectaque conservetur, sustinere. Non parum autem & solatur Viri labores, & minuit, quod nostri Studiosi adeò tranquille & moderatè agunt, ut parum aut nihil ab illis sit molestiæ. Quò magis se in posterum muneri Professorio sperat vacaturum: ideoque quas in catalogo lectionum promisit disputationes in universam Theologiam typis imprimendas, ante biœctiduum, bono cum Deo, auspiciatò orsus est, binisque jam publicatis singulas singulis hebdomadis continuabit, has ipsas quàm primùm publicis lectionibus illustraturus, ut simul compendii loco sint, & eò magis studiosæ Juventutis commodis deserviant. Reliqui Theologiæ Professores, jam inde à tempore inaugurationis docendo ac disputando industriam suam, atque stationis fidem enixè probârunt. Disputationem Theologicam primam habuit Admodum Reverendus DN. CHRISTIANUS KORTHOLIUS *de Religione Judæorum, Eschnicorum, & Mahumedanorum*, quam mox insequēbatur altera *de variis Sacra Scriptura editionibus*.

Disputationem in Juridicâ Facultate primam habuit Vir Nobilissimus & Amplissimus Dn. Doctor ERICUS MAURITIUS Profefs. Jur: Prim. *de Libris Juris communis*, cujus eò libentius nunc mentionem facio, quoniam in eâ Juris Feudalis collectionem postremam, ab Antonio de Prato Veteri (cui Mercurii nomen addunt membranæ MSÆ) Jurisconsulto Bononiensi factam, à FRIDERICO Tertio Imperatore probatam, à tot magni nominis JCTis hæctenus desideratam, orbi literato edendam pollicetur. Quæ ubi lucem viderit, non levis inde Academix nascetur gloria, gratiasque nobis agent JCTorum filii, quod nunc primum è nostra Academix Juris Feudalis hac in parte restitatur dignitas. Ejusdem Decanici curâ, primis statim duobus mensibus, responsa data sunt Cancellariæ Regiæ Suevicæ Ducatus Bremensis, Cancellariæ Luneburgensi, & aliis magni in Germania nominis Collegiis ea petentibus, non sine magno eorum applausu, ut ex iis quidem auspiciis & Academix nostræ, & Collegio in eâ Juridico præclarè possimus ominari.

Nec sua Medicæ Facultati defuere exercitia. Primum enim celeberrimæ illius antidoti Theriacæ, quæ ab Andromacho nomen invenit, dispensatio & confectio Dn. JOHANNES CASPARO ADOLPHO Pharmacopœo Kiloniensi in officina veteri, spectanda dabatur, ad quam Medicæ arti addictos typis impresso programme invitabat Vir Nobilissimus & Experientissimus, Dn. D. CASPAR MARCHIUS Facultatis suæ h. t. Decanus. Medic. Pr. Profefs. Primar. Quo vix exacto, visitatio Pharmat-

capoliorum instituta, quam Serenissima sua Celsitudo Archiatro suo, Nobiliss. & Experientissimo, D. MATTHIÆ CLAUSEN imperaverat, cui iterum interfuere unacum Professoribus & Doctoribus Medicinæ Studiosi. Hic in rem præsentem & quoddam quasi naturæ theatrum deducti, omnia ea, quæ per sylvas, prata, montes, dumeta anxie conquiruntur, quæ ex terrarum visceribus eruuntur, quæ è mari extrahuntur, non oculis solum compendio quodam subicere, nec eorum sola nomina, ut pueri vocum elementa & picturas complecti; sed ipsas illarum virtutes, & singulares in medendi artè usus è mutuis Medicorum hinc inde dissertationibus discere potuerunt. Viderunt sexcenta ea, quæ è simplicibus illis confici solent, Catapotia, Eclegmata, Spanadropes, Malagmata, Dropaces, Marmeladas; & si quæ alia sunt horrenda nomina, horrendis humani generis hostibus opponenda, quæ sunt quædam vitæ contra mortem arma, in hoc ejus armamentario disposita; ut hic non mutos aliquos Præceptores, sed Naturam ipsam Ducem haberent & Magistram, quæ plura suo silentio loquitur, quam multæ Doctorum & librorum voces. In ipsis dehinc Nundinis disputationem Medicam de *Febri artificiali* habuit Nobilissimus & experientissimus Dn. D. JOHANN DANIEL MAJOR Anatomes Professor publicus, ut tamen cathedris, quam extra eas, satis habuerint Medici quod agerent.

In Facultate Philosophicâ primam de *Historiâ antediluvianâ* disputationem tabulæ publicæ affixit Admodum Reverendus & Ampliss. Vir Dn. D. MICHAEL WATSONIUS Historiar. Prof. Facultatis suæ h. t. Decanus, sed quæ prius ultima illi fuit, quam prima esse incepit. Dum enim hanc publicè affigit, morbus vehementior eum lecto affigit, & magnum hoc Academia nostræ decus eripuit, simulque Historiam antediluvianam lethæo diluvio merfit. Quem quidem casum non solum Facultas Philosophica, quæ Decanum suum, totaque Academia, quæ optimum Collegam, dolebat, acerbissimè tulit: sed & ipse Sereniss. PRINCEPS suâ per Legatum Magnificum Dn. PRORECTOREM in exsequiis ejus præsentia dolorem suum restabatur, & conquassatas primo hoc & acerbo funere Musas solabantur; quæ hæc & pietate & clementia erectæ, dum, quanti nunc ab illo æstimentur, intelligunt, illustriores aliis videbuntur, cum illas PRINCIPIS sui lumine radiare sentient. Dignissimus illi in Professorio munere successor existit Clarissimus & Amplissimus Dn. M. ADAMUS TRIBBECHOVIUS, in Decanatu Admodum Reverendus & Ampl. Dn. MATTHIAS WASMUTHIUS SS. Theol. D. Hebrææ & Oriental. Lingvar. Professor Ordinarius. Cujus nunc operâ & industriâ indefessâ prodit è novo hoc nostro Musarum sacrario novum opus, cui titulus: *HEBRAISMUS RESTITUTUS*, in quo,

præter

præter illa, quæ ad facilem Linguae Sanctæ cognitionem spectant, proponitur Nova Accentuationis Doctrina, omnibus numeris absoluta, simulque Lingua Sancta vindicatur ab iis calumniis, quibus impetunt illam adversarii. Quod, uti multorum votis hætenus expetitur: ita non parum faciet ad novam novæ nostræ Academiae gloriam.

Dum ergo in omnibus Collegiis strenuè gerebantur omnia, subsellia personabant disputationibus, cathedræ fervebant prælectionibus, subinde intercessere publicæ de instanti promotinis actus consultationes. Et, quamvis jam tum Candidatorum amplius esset numerus, qui in omnibus Facultatibus, raro hætenus & inaudito in aliarum Academicarum inauguratione exemplo, summos honores peterent, æquum tamen & tantæ solennitati conveniens censuit Magnificus Dn. PRORECTOR, & SENATUS ACADEMICUS, ut publico programme (quod d. 23. Decembris affixum & sub nota literæ B hic adnectitur) significaretur, commendareturque tantum Serenissimi Principis beneficium, simulque alii, quibus inusitata fama munificentiae nondum innotuerat, ad honores summos capebendos invitarentur. Quoniam etiam diplomate Cæsareo PRORECTORIS officio conjungitur Comitivæ Sacri Palatii dignitas, eaque privilegiis luculentis conspicua, invitati iidem fuerunt, quibus potestate illâ Magnifico Dn. PRORECTORI concessa, uti commodum esset. Et obtulerunt se, quidam, qui Notariorum exambirent nomen, quorum creatio in tempus post nundinas dilata.

Hæc inter annus ad finem properat, novusque novæ nostræ Academiae cœpit illucere, qui cum elapso illo partiri nostra gaudia videbatur, ne solus ille teneret omnia, ut finis veteris anni Academiae daret initium; initium hujus Academicorum studiorum finem summum, & honorum adderet complementum, singulari aliquâ festivitàte. Cum verò eo tempore, circumferri soleant & venditari ad nauseam usque vota, aliaque peragi solennia, quæ vel superstitio invexit, vel industria quorundam & affectus benevolus quasi per manus tradidit: sui muneris quoque credidit esse Eloquentiæ & Poëticæ Professor, cui in voces & verba hic datum est imperium, ut bona verba publicè diceret; nec novos solum annos, sed magnos menses, annos maximos, & nova secula novæ exoptaret Academiae, & strenuas quas iam suas carmine conceptas, tam toti Corpori Academico, Capiti ejus, Rectori Magnificentissimo, singulisque membris: quam Generosissimo & Excellentissimo DN. PRÆSIDI, Musarum nostrarum Patrono incomparabili humillimè & officiosè exhiberet, ut sic novitas officii, novitate aliqua carminis, novitati rei & temporis responderet. Carmina adjecta sub signis C. D.

Kalendas Januarias insequabatur exoptatum illud nundinarum nostrarum tempus, quarum à feriis trium Regum initium est, quod quidem commodè his Musarum sacris destinatum est : tum quod Kilonium sinu suo omnem penè Holsatiam, totam generosam Nobilitatem, tot undique adventantes hospites complecteretur, & tota Cimbria spectaret in hoc suo Ocello Kilonio pompam hæcenus nunquam sibi visam, totâque patriâ teſtegeretur negotium, cujus utilitas publica erat, famaſque pariter ad omnes pertinebat : tum quod ipsis illis nundinis literarum quoque instituerentur nundinæ, & bonarum artium mercatus, in quo studiorum præmia, nullo alio pretio, quam quo Dii dicebantur Epicharmo sua bona vendere, laboribus scilicet & sudoribus, divenderentur. Ne verò turbæ & strepitus, qui nonnunquam à tanta hominum tam diversæ sortis frequentia excitari solent, molestiam cicerent Musis, solitudinem & tranquillitatem amantibus, & sacra nostra turbarent, sedulo prospexit tum Serenissima, sua Celsitudo Edicto ad omnium ordinum cives & hospites emisso, tum Magnus DN. PRORETOR & Senatus Academicus programme quodam, quo cives suos ad tranquille his nundinis vivendum adhortantur, (vide lit. E.) Nec decollavit spes nostra, nec vota sefellit eventus; sed longè felicius res ea cecidit, quam vel arbitrarentur nonnulli, aut improba quorundam male ominabatur suspicio, qui nihil nisi cædes & duella è congressu illo primo minitabantur. Et tantum quidem fuit in nostris civibus parendi studium, ut toto illo tempore nullus audiretur nocturnus Stentor, nullæ visæ fuerint comestationes, quæ laceſſere alios potuissent. Tanta quoque hospitum modestia fuit, ut seu Principali autoritate coërciti, seu suoſte genio Musis non adversantes, ne digito quidem tetigerint, aut verbo cives nostros læſerint : ut Kilonium omnesque ejus cives nullo tempore quietiores se habuisse nundinas meminerint, quam quo pacificas sinu suo Musas recepere : quod dignum omnino censi debet, ut in annales eat, & seculo commendetur. Atque hoc felicissimo eventu uni obturatum os est calumniæ, quæ in hospitalem hunc Musis locum, nundinarum præsertim tempore, credidit, nec Musarum hæc ludum, sed Martis aliquam palæstram fore somniavit.

Pugnâvimus tamen; sed Marte incruento, sed armis innoxiiis, non in arenâ gladiatoria, sed in pulvere literario. Instituebantur enim Candidatorum examina, & disputationes inaugurales, horis matutinis & pomeridianis. Hic non tantum magnum multorum hominum confluxum vidimus, sed & insignem Generosæ Nobilitatis favorem experti sumus, ut & ipse Excellentissimus & Generosissimus Dn. PRÆSES, licet occupatissimus, sacris tamen nostris, vel tum, cum præſideret disputationi Magnus Dn.

PRO.

PRORETOR, interfuerit. Adfuerunt Senatores Regii & Ducales, nec ulla fere, vel extra has inaugurales habita disputatio, ad quam primus fere non comparuerit Generosiss. noster Praefectus. Omnis res nostra, omniaque solennia haectenus in ipsâ luce geruntur, & illustri auditorio, è quo perpetuum nunc splendorem habent Musæ nostræ. Suus Pro-Rectori, suis reliquis Professoribus, ubique honor, tam in publicis, quam in privatis congressibus. Nemo se despiciatui haberi, nemo se postponi conqueritur, Laudant omnes & Nobilium, & Senatus Urbani, civiumque modestiam. Ipse Serenissimus PRINCIPES adeo Academicorum ordinem æstimat, ut quoties invitatus apparere non potuit, toties vices suas Magnifico Dn. Pro-Rectori delegarit. Satis enim intelligit, nihil de Majestate suâ decedere, si quosdam ejus radios cum Musis suis partiatur; non secus, ac Sol, etsi in Lunam aliquod lumen emittat, nihil tamen de splendore suo perdit. Abscedant ergo improba quorundam voces, & intolerabiles calumniæ, quæ Cimbros altiori & elatiori esse animo clamârunt, quam ut optimis artibus & literis, earumq; Professoribus suum asserturi sint pretium. Cum tamen hîc solæ vere Generosos forment literæ, & Eruditio in Nobilitatem, Nobilitas in Eruditionem transiisse videatur, unumque sit & Eruditionis & Nobilitatis Nomen. His certè arbitris, his Spectatoribus, his Auditoribus omnia fuisse gesta in magnâ gloriæ suæ parte reponent nostri Candidati, de quibus jam amplius memorandum. Verum prolixis eos laudibus nunc non commendo; tum quia in eo argumento versantur peculiaria nonnullis scripta programmata, tum quia illos partim Professoria, partim sacri muneris dignitas, omnes verò virtus & eruditio comendat, ut nemo in illorum numero sit, qui non veram hîc dignitatem reportaverit, à dignis ita dictam, & non nisi dignis dandam, & datam. Disputationes habuerunt eo ordine, quo ad illas parati fuerunt. Die quarto Januarii in Facultate Theologica Praeside DN. D. CHRISTIANO KORTHOLTIO, disputavit DN. MATTHIAS WASMUTHIUS, Hebrææ & Orientalium linguarum Professor, & h. t. Facultatis suæ Decanus, *de Illustrioribus quibusdam controversiis Theologicis Didactico-Exegeticis*. In Juridicâ Facultate, die quinto Januarii, Praeside DN. D. ERICO MAURITIO, Facultatis suæ h. t. Decano, DN. SAMUEL RACHELIUS, Juris Naturæ & Gentium Professor publicus, *de Duellis*: In Medicâ Facultate, die octavo Januarii, Praeside DN. CASPARO MARCHIO, Facultatis suæ h. t. Decano. DN. HENRICUS BERNHARDUS BESELIN, Rostochiensis, *de Luxatione ossium in genere*: Iterum in Theologicâ Facultate, die 17. Januarii, Praeside, Magnifico DN. Pro-Rectore, PETRO MUSÆO, SS. Theol. Prof. Prim. & Facultatis suæ h. t. Decano, M. STEPHANUS KENKELIUS, in Ducatu Schleswicensi, oppidanæ Ecclesiæ Tunderanæ Pastor, ejusque nec non Dia-

celeos Tunderensis & Lygomonasteriensis Præpositus, de *JESU CHRISTI duabus naturis personaliter unitis*, & officio *sacri factorio*, disputarunt. Die 10. Januarii tres habitæ inaugurales disputationes: neque enim disjunctas temporis ratio haberi permittebat: In Collegio Theologico habita est disputatio DN. PAULI SPERLINGII, SS. Theologiz in hac nostrâ Academia Professoris Publici, Ordinarii, Ecclesiarum in Præfecturis Holsatiæ Ducalis Præpositi, Præsides Magnific. DN. PRORECTORE, de *antiquissimo Exorcismi in Baptismo ritu*, nequaquam temerè multò minus tumultuariè vel rejiciendo, vel abrogando: In Collegio Juridico disputatio JOHANNIS GEORGII PELLICERI, Venerando Capitulo Lubecensi à Secretis, Præsides DN. D. ERICO MAURITIO, de *Æstimatione*: In Collegio Medico disputatio DN. M. JACOBI de CLERICE, Hamburgensis, Præsides DN. D. JOHANNIS DANIELE MAJORE de *Dysenteria*. Intercesserunt hic quoque Philosophiæ Candidatorum examina, quorum nomina inferius consignabimus. Missæ circa idem tempus humillimæ ad Serenissimum PRINCIPEM literæ, à Magnifico DN. PRORECTORE & Senatu Academico, quibus designari petebatur Procancellarius, constitutusque est Serenissimi PRINCIPIS autoritate ad hanc solennitatem Procancellarius DN. D. CHRISTIANUS KORTHOLTUS.

Peractis his, quæ necessariò præmittenda erant, per literas humillimas primò invitabantur Reverendissimi & Serenissimi PRINCIPES ac DN: DN. CHRISTIANUS ALBERTUS, Fundator & Rector nostræ Academiz munificentissimus, & magnificentissimus: DN. AUGUSTUS FRIDERICUS, Capituli Lubecensis Coadjutor &c. &c. Domini nostri Clementissimi. Invitabatur deinde ad actum hunc Illustri suâ præsentia ornandum Excellentissimus DN. PRÆSES, summus Academiz & studiorum nostrorum Fautor ac Mæcenæ, quem tunc temporis tam Serenissimi PRINCIPIS, quam sua detinebant hic negotia, per Professores à Senatu Academico missos. Invitabatur tum Generosissima Nobilitas, tum omnium ordinum hospites, die Solis, proximè præcedente diem solennibus nostris destinatum, vigesimum secundum Januarii, per octo Studiosos, plerosque, vel Magistros, vel Candidatos, quos Paranymp hos sive (die Platmeister) vocare solemus: præeuntibus, pro more Academicarum veteri, Magnifico & Regio, Ministris publicis, qui sceptræ argentea præferebant. Eodem die affixa quoque singularum Facultatum invitatoria Programmata.

Exoriebatur jam ipse exoptatissimus solennitati nostræ destinatus dies, Vincentio sacer, quo Vincentii nostri, vel Victores literarii, Candidati triumphos suos ducerent.

Horâ 7. matutinâ, signo campanæ majoris, è templo majori bis dato, conve-

conveniebant tam Dñn. PROFESSORES & Candidati, quam Dñn. Hospites, in loco consiliis Academicis destinato, ubi aliquam diu commorati ad templum majus se conferebant eo ordine.

Præibant tubicines, qui buccinantem famam exhiberent, qui concursantem hinc inde populum, ad nova insolitaque hæcenus spectacula effusum, & ab omni nobis latere circumfusum, admonerent, ut de via cederent.

Hos sequebantur *Δαδῆχοι* Pueri XVI. incensas præferentes faculas, illustria illustris honoris symbola.

Istos excipiebant Paranymphe illi, quorum suprà facta mentio, singuli gestantes binos pileos; purpureos Doctoribus superiorum Facultatum; violacei coloris Philosophæ Doctoribus, quos Magistros vocamus, imponendos.

Hinc Magnus Dominus PRORECTOR Magnus Dñ. PRO-CANCELLARIUS, quibus præibant Ministri Sceptringeri, cæterique Dñn. Professores suo Ordine, quibus singulis latus claudebat aliquis è numero Hospitum.

Post hos sequebantur Candidati, post istos Studiosi.

Postquam in templum, maximâ hominum frequentia jam occupatum, & quasi stipatum, perventum est, Domini Professores & Candidati sinistra occupabant subsellia, Hospites dextra, utrinque ad latus cathedræ posita, quæ eum in finem duplex exstructa, pulcherrimisque tapetibus ornata. Pilei & libri pro muneribus distribuendi mensæ sub inferiori cathedra impositi. Ministri Academici, ceu Regii quidam Musarum Satrapæ ante cathedram stabant. Hic primo suavissima vocis & Musicorum Instrumentorum Symphoniam piissimæ preces: *Veni Sancte Spiritus*, canebantur.

Finitâ Musicâ, Cathedram superiorem Magnus Dñ. Pro-Rector, PETRUS MUSÆUS h. e. Facultat. suæ. Decan. inferiorem Candidati ascende-
bant. Hic primus Magnus Dñ. Pro-Rector brevem quidem, sed elegantissimam habuit orationem: vide lit. F. quâ finitâ, à Magnifico Dñ. Pro-Cancellario, qui primus in Dñn. Professorum subselliis confidebat, creandi novos hos Doctores facultatem petit: cum interim & faces incensæ ante cathedram exhiberentur à pueris, & Candidati loco suo relicto, coram Dñ. Pro-Cancellario se sisterent, reverentiam suam testaturi. Quâ impetratâ, in priorem locum se receperunt, & Dñ. Decanus, postquam jurejurando, præeunte verba Ministro Publico, & tactis Sceptringis, eos obstrinxerat, Doctores publice proclamavit.

Dñ. PAULUM SPERLINGIUM, SS. Theol. in hac
Academia Professore Publ. Ordinari. Ecclesiæ. in Præfecturis
Holsatiæ Ducalis Præpositum.

DN. MATTHIAM WASMUTHIUM, Hebrææ & Oriental. Lingv. Professore Ord.

DN. M. STEPHANUM KENKELIUM, in Ducatu Slewincenfi oppidanæ Ecclesiæ Tunderanz Pastorem, ejusque juxta ac Diœcescos Tunderensis & Lygomonasteriensis Præpositum.

Discedebant jam de cathedrâ Theologi, subsellia vicina Professorum, suo quisque ordine occupantes, ita ut primus sederet Magnificus Dn. PRO-RECTOR : in Candidatorum vero serie, & post reliquos Professores, recens creati Doctores. Tum, intercedente prius choro Musico, Dn. ERICUS MAURITIUS Fac. suæ h. t. Decanus, cum Dnn. Candidatis, eodem ordine cathedras ascendit, qui habitâ prius eruditâ, de origine Graduum Academicorum Oratione, lit. G. peractisque cæteris, quæ modo memoravimus solennibus, Doctores publicè renunciavit

DN. SAMUELEM RACHELIUM, Juris Naturæ & Gentium in hâc Academiâ Professore Publ.

DN. NICOLAUM MARTINI, Polit. in hâc Academiâ Professore, qui jam olim, ante aliquot annos, in Academiâ Rostochienfi, examina tam privata, quàm publica sustinuerat.

Licentiatum vero proclamavit, collatis dehinc omnibus ei symbolis, quæ Doctores conferri solent:

DN. JOHANNEM PELLICERUM, Venerando Capitulo Lubecensi à Secretis.

Abibant jam Jurisconsulti, locum facturi Medicis. Conscendens itaque inter concentus Musicos cathedram, cum Dnn. Candidatis, Dn. D. CASPAR MARCHIUS, Facult. suæ h. t. Decan. habitâ prius doctâ oratione, (lit. H.) peractisque iisdem cerimoniis, Doctores publicè nuncupavit

DN. JACOBUM KORNMESSERUM, Coloniensem Marchiacum, absentem, ut præsentem, qui in Academiâ Rostochienfi ante hac examinatus & publicè disputaverat.

DN. HENRICUM BERNHARDUM BESELIN, Rostochiensem.

DN. M. JOHANNEM de CLERICE, Ham-burgensem.

Hinc ordo tangebatur Philosophos, & DANIEL GEORGIUS MORHOFIUS, U. J. D. Eloqu. & Poët. Prof. in hoc actu Prodecanus (nam DN.

DN. WASMUTHIUS, Facultat. h. t. Decanus inter Theolog. Candidatos locum occupaverat) agmen ducebat Candidatorum, quorum numerus, bono quidem omine, respondebat numero artium liberalium, & quo numerantur Græciæ Sapientes, *Thebarum porta vel divitis ostia Nili.* Qui oratione pro rei & temporis ratione habitâ, (vid. lit. I.) præmissisque cæteris ritibus, Philosophiæ Doctores, quos Magistros venerabili & antiquissimo nomine dicimus, proclamavit

DN. HENRICUM *Störning* / Kilonio Holsatum, & in Patriâ suâ Pastorem ad Æd. Sp. S.

DN. LAURENTIUM FRISIUM, Abelâ-Holsatum, Pastorem Bredensem.

DN. JOHANNEM *Schmied* / Pastorem Birtensem.

DN. JOHANNEM MAURITIUM, Tondera Holsatum, designatum Pastorem Hustropensem.

DN. CASPARUM URSINUM, Islebiensem.

DN. DAVIDEM HARBERDING, Rostochiensem.

DN. JACOBUM DORNKRELLIUM, Lunæburgensem.

Singulis in singulis Facultatibus collata omnia symbola, quæ quidem Doctoribus & Magistris in omnibus Academiis conferri solent, de quibus ipsæ Orationes explicatius disserunt.

His peractis, Oratio Gratiarum actoria recitata à Dn. M. HENRICO *Störning* / (vide lit. K.) cum interim Libri promuncibus inter Dan. Professores distribuerentur.

Postea preces à Reverendo Verbi Divini Ministro, Dn. MATTHIA BURCHARDI coram altari fuscæ, quibus Divinum implorabatur auspici-um.

Hinc è Templo discessus parabatur: ita ut primi irent tubicines; hinc Pueri *Δαδῆχοι*; inde Paranymphe; post hos Dnn. Professores & Hospites, ita, ut antea, juncti: inter quos jam mediusibat aliquis Doctorum recens creatorum, infulis Doctoralibus insignis & præ aliis conspicuus. Conferebant se inde Omnes isto ordine ad ædes Dn. D. SAMUELIS RACHELI, ubi reliqua diei pars, convivio Serenissimi Principis munificentia digno, inter læta & faustissima Musarum júbila consumebatur.

Hactenus præclare & magnificè omnia exacta, nec quicquam ad splendorem tantæ solennitatis addi potuisse videbatur, nihil ad felicissima illa auspicia, quæ in ipsis Academiæ incunabulis tantâ se ultro ingerebant

copiâ. Neque enim Academicæ solennitates ullæ ferè sunt, quæ non statim primo isto & exiguo tempore celebratæ sint omnes, non sine luculento de futuris præfatio.

Ne vero vel unus deesset Academicus labor, statim post hunc Promotionis Actum spectanda dabatur ANATOME IN CADAVERE HUMANO, Demonstratore DN. JOHANNE DANIELE MAJORE, Anatomes Profess. Publ. quæ ANATOMEN CYGNI, ad quam spectandam, jam antea typis impresso Programme invitaverat, in aliud tempus distulit. Nec hic cessavit munificentia Serenissimi PRINCIPIS in Theatro Anatomico erigendo: Nec de prædicari satis potest summus Generosæ Nobilitatis Favor, quem continuâ istâ suâ per tot dies præsentia studiis Academicis exhibebat. Sic, cum hætenus omnia nostra negotia versarentur in illis scientiis, quæ vel alia, vel alios cognoscere laborant, denique ad *Nostræ Cogitationem*: quæ omnium quidem prima esse debebat, sed à paucissimis in aliqua scientiarum serie locatur, devenimus, non jam amplius *ἐπεγδ-δαντο* sed *αὐτοδίδακτοι*. Nec defuerunt in isto cadavere novæ quædam observationes, ut omnia jam hic nova essent & auspicata, & quemadmodum in reliquis Facultatibus, sic in Medicâ quoque se offerrent nova quædam, quæ memoratu digna, cumque natalibus Academicæ simul irent in secula. Et possumus sanè ex eo, velut quodam extispicio Medico, bene ominari Facultati, non quidem Hetrusci Aruspices, sed tamen haud vani augures. Verum cum de his omnibus prolixius agat ipse Anatomes Professor in peculiari de hac Anatome dissertatione, quæ in fine operis additur, eò Lectorem remittimus.

Nos potius hæc auspiciorum nostrorum finem facimus, quæ felicia hætenus esse jussit jubeatque porro Deus Optimus Maximus, ita ut illorum nullus sit finis, nisi qui novis simul felicioribus auspiciis sua initia largiatur. Cum enim sine illo nihil firmum sit & stabile, ab illo tanti operis capienda exordia, deducenda incrementa. Illi supplices primo agimus gratias, omniaque nostra, in hoc Literarum Seminario, ad virtutis & sapientiæ aram gloriæ & cultui ejus devovemus. Vetus illa Romanorum in consecratione Capitolii formula, quâ Deos precabantur: *Uti capta prosperarent, sedes suas pietate hominum inchoatas divina ope attollerent*. Sed quanto rectius nos Deum veneramus: *Uti capta prosperet, & has Religionis & literarum sedes, pietate CHRISTIANI ALBERTI inchoatas & constitutas divina ope attollat*. Servet is Serenissimum nostrum PRINCIPEM, cujus con-
tubernio nunc Musæ nostræ angustiores factæ, cujus subsidiis defenduntur, favore foventur, auxilio eriguntur! VIVAT DOMINUS NOSTER, qui moribus suis corrigit seculum, orbem implet beneficiis! VIVAT se-
culo-

culotum gloria, Orbis Delicium! VIVAT tota Domus Cimbrica, & felicissima semper sentiat incrementa, non nisi cum Orbe isto finienda! VIVAT quoque summus MUSARUM NOSTRARUM MÆCENAS, Excellentissimus DN. PRÆSES, qui apicem Nobilitatis, virtutum suarum sublimitate meretur. VIVAT! Sed supervacua hæc sunt vota nostra. VIVET HERCULES MUSAGETES, VIVET HEROS, cujus consiliis & vigili curâ in Cimbriâ vivunt Musæ, cui non solum maxima in Rempublicam merita, sed & Musarum nostrarum suffragia, jam dudum immortalitatem largiuntur.

AD
 REVERENDISSIMUM ET SERENISSIMUM
 PRINCIPEM AC DOMINUM,
DN. CHRISTIANUM
ALBERTUM,
 Electum Episcopum Lubecensem, Here-
 dem Norvvegiæ, Ducem Slesvvigæ, Holsatiæ, Stor-
 mariæ ac Dithmarsiæ, Comitem in Oldenburg
 & Delmenhorst,
 DOMINUM NOSTRUM CLEMENTISSIMUM,
ACADEMIÆ KILONIENSIS
 FUNDATOREM MUNIFICENTISSIMUM,
 RECTOREM MAGNIFICENTISSIMUM,
APOLLINEM LAURIGERUM,
 PRIMIS LAUREIS
 MUSAS SUAS ORNANTEM.

MAXIME, cui bimaræ famulatur Cimbria, PRINCEPS,
 Nostri Delicium temporis, Orbis Amor.
 Cujus ab Auspiciis nova surgunt Regna Camænæ.
 Cujus & in placido delinquere sinæ.

Ecce nova crescunt vel in ipso frigore lauri,
 Quas Tu munificè conseris ipse manu.
 Sol nobis Ætherque favet tuus, istaque Solis
 Instar ab Arctoa germina collis humo.
 Quasque Tibi, nobis pariter vis crescere frondes.
 Quæ tua, PHOEBE, premit tempora, nostra premit.
 Hæ nobis Laurus, hæ Præmia prima parantur,
 (Et quantum est, PHOEBO iudice, prima dari!)
 At nos, quæ Capiti statuis, DUX OPTIME, nostro;
 Sternimus ante tuos laurea fæta pedes:
 Hæc votiva tuis, ô PHOEBE, reponimus aris.
 Æterno Fama figimus ista tholo.
 Ista tuâ nobis semper sub luce virebunt,
 Integra, dum servat præmia PHOEBUS, erunt.
 Improba non ferient æternas fulmina laurus,
 Perpetuusque tuâ fronde triumphus erit.
 Hinc tibi decerpens tellureque conditus altâ
 Surculus in sylvam surgat eatque novam.
 Sic quæ Cæsaream firmarunt omina stirpem,
 Æterna hic Musis fæta domosque dabunt.
 Sic crescet Virtus cum germine: Nec modò decurunt
 Munera iusta Viris Muneribusque Viri.

Vide Sveton.

l. 7. c. 1.

D. G. M.

(Lit. A.)

CATALOGUS LECTIONUM,

Publicatus d. XXV. Novembr.

Facultas Theologica.

PETRUS MUSÆUS, S. Theol. D. & Prof. accuratam Locorum Theologicorum explicationem, & subinde in iis occurrentium difficultatum enodationem publicis suis lectionibus delegit. Impeditus tamen magistratu, quem jam gerit, segnius, quàm vellet, partes muneris Professorii, postea autem diligentius, si Deus volet, implebit, sique, quod integrum hætenus relinquitur, idem sibi argumentum servet, enixè operam dabit, ut, quantumvis latissimè pateat, quotannis ejus stadium decurrat: quò illi, qui non ultra annum commorari possunt, saltem non prius à nobis recedant,

dant, quam fundamenta Theologiæ collocaverint, quibus quicquid præterea Sacrorum studiorum est, innititur, seu expediundæ controversiæ, seu Sacra Biblia sint explananda. Ad hoc petentibus publicè ac privatim disputandi operam commodabit, quantum per dictas magistratûs occupationes licebit; cum primis totam Theologiam breviculis ac succinctis thesibus publicè disputandis complectetur, perpetuò Respondente Dn. M. Bartholomæo Naffero. Præleget autem hora antemeridianâ IX.

D. CHRISTIANUS KORTHOLT, publicè pertractabit controversias, quæ Protestantibus cum Pontificiis intercedunt, daturus operam, ut, intra annum, volente Deo, lectiones istas absolvat. Privatim autem Institutiones Catecheticas B. D. Dieterici Studiosæ Juventuti explicabit. Sed & publicis Disputationibus vindicabit Tractatum suum sub Titulo *Valeriani Confessoris* ante aliquot annos editum, qui Romæ ex decreto S. Indicis Congregationis inter libros prohibitos relatus, & Viennæ à quodam Capuccino impugnatus est. Destinata est ipsius prælectionibus publicis hora X.

PAULUS SPERLING, SS. Theol. Prof. P. Ordin. demandatam sibi publicâ Autoritate antiquitatis juxta ac Oratoriæ Ecclesiasticæ spartam pro virili ornare & exsequi omni ope adnitetur. In Theologiæ etiam parte, Exegeticâ subinde alternis Librum Veteris, vel Nov. Test. interpretabitur; ad Literalem maximè, quem vocant, sensum Studiosam Juventutem manu ducturus, Operasque commodissimis quibusque, quantum omnino fieri poterit, temporibus ita partiturus, ut illas priores, has verò posteriores Septimanæ dies ac horæ sibi vendicent. Et in publicis quidem Prælectionibus occupabitur quotidie Horâ post meridiem Secundâ. Ad privata autem exercitia Auditoribus suis eadem petituris operam minimè abnuet.

Facultas Juridica.

ERICUS MAURITIUS, U. J. D. & P. P. publicas Lectiones Pandectis impendit, ab Hora IX. matutinâ ad X. usque, atque operam dabit, ut ea, præcipuè, quæ usui in publicum esse possint, quantâ fieri poterit, brevitate doceat. Privatis Lectionibus Daniel Ortonis Jus publicum interpretabitur. Ac Pandectas quidem ante biennium, Juris verò publici doctrinam, octo mensium spatio absolvere, summò annitetur opere. Sed & Disputationum exercitiis, desideranti LL. Studiosæ Juventuti non deerit.

SAMUEL RACHELIUS, Juris Naturæ & Gentium PP. Ordin. incomparabile H. Grotii de Jure belli & pacis opus, à Serenissimo Academiæ Fundatore ipsius curæ peculiariter commendatum, interpretabitur. In quo difficillimo argumento, ut tantò felicius Auditores proficiant, theses hinc excerptas publicis Disputationibus subjiciet. Privatim Institutiones Juris præleget. Docet hora X.

SIMON HENRICUS SANNEMAN, Jurisp. Prof. Ordin. Institutiones Juris succinctâ primum paraphrasi, ad usus rudiorum, mox latiori exegesi publicè interpretabitur. Neque privatim Studiosæ Juventutis vota destituet, seu illa legendi seu disputandi operam desideraverit.

In expectatione adhuc sunt duo Juris Professores. Illi quoque spartam suam egregiè ornabunt, & quâ methodo, in quas partes, inque quot dies mensive lux uterque argumentum Professionis descripturi sint, statim atque aderunt, sui memores officii significabunt.

Facultas Medica.

CASPAR MARCH. D. Medicinæ Practicæ Prof. Ordinarius horâ X. in XI-am. Practicarum Lectionum initium faciet à Ventriculi præternaturalibus affectibus; quibus absolutis, ad aliorum viscerum naturalium vitia progredietur, id operam ubique daturus, ut, tum quâ morborum sedes & causas, tum quâ eorundem remedia, vel evidenti demonstratione, vel sufficienti ratione asserta confirmet. *Privatim* quoque legendo & disputando, & ad Chymicas medicamentorum præparationes manuducendo, discendi cupidus promptus erit & paratissimus.

JOHAN-DANIEL MAJOR Phil. & Med. D. & P. P. Medicinæ Theoreticæ & Botanicæ, publicè Anatomica leget horâ IX. & X. matutin. Privatim verò tam legendo, quam disputando in Physiologia Medica, vel materia Medicamentorum simplicium desideriis Auditorum se accommodabit.

Facultas Philosophica.

MICHAEL WATSONIUS Phil. & S. Theol. D. Hist. Sacr. & Profan. Prof. Ordinarius h. t. Decanus. Synopsis Historiæ Universalis à condito mundo ad præsens tempus, additis variis Annotatis, publicis lectionibus, (quibus hora III. destinata est) semestri, quoad fieri potest, spatio, & publicis disputationibus selectiora ex utriusque historiæ fontibus desumpta dogmata, favente Deo, exponam. Privatim doctrinam de Politis Veteribus & hodiernis apud Romanos & Germanos intra 3. Menses ex Historicis & Politicis declarabo. Aliis quoque studiis Dnn. Studiosis prodesse annitar.

MATTHIAS WASMUTH, Hebr. & Orient. Lingg. Professor Ordinarius publicas lectiones auspicabitur bono cum Deo, à præceptis suis Hebraicis, tum Grammaticis, tum Accentuatoriis, prælo propediem exituris: quibus trimestri spatio V. D. absolvendis, subjunget Notas Philologicas ad difficiliora loca S. Script. V. T. è collatione Versionum Orientalium, & Accentuum ministerio sensus observatas, istis verò rectius assequendis,

dis, privata etiam Collegia Linguarum Orientalium cupidis sanctioris hujus Philologiæ est aperturus. Hora lectionibus publicis præfinita est IIX. mat.

DANIEL GEORGIUS MORHOFIUS, D. Eloquentiæ & Poëseos Prof. Ordinarius pro duplici munere horas partietur, ita ut die J næ & tis Oratoriam Civilem suo ductu adornatam, selectisque ex historia exemplis illustratam tradat, die Uvis & Q ris Artem Epigrammatum perpetuo exemplorum apparatu deductam proponat. Privatim quoque varia in Oratoriis ut & in Poësi tam Latina quam Germanica Collegia aperiet, quæ seorsim significabit. Docebit hora II.

SAMUEL REYHER, Philosoph. & J. U. D. Mathem. Prof. Publ. Mathematicarum Studiosis maximè necessaria Geometriæ & Arithmetices elementa perspicuè proponet, & animos eorum ad Architecturam militarem, vulgò Fortificatoriam Artem, proximè sequenti semestri explicandam præparabit. Privatâ operâ Astrophilis Astronomiæ Principia, pariter cum Geographiæ præceptis, proponere promptus paratusque est. Docebit hora IX.

CÆSO GRAMMIUS Ph. & Med. D. Physiologiæ & Gr. L. P. P. hoc semestri hora II. pomer. ductu Ideæ Philosophiæ Naturalis Burgersdicii, totam Physicam, prout ab Aristotele optimisque ipsius Interpret. exhibetur, perspicuâ præceptorum explicatione, & controversiarum decisione illustrabit, & Deo dante absolvet. In publicis verò Disputationibus & privatis Collegiis, non solum Aristotelis, sed & aliorum, qui ab Aristotele divortium fecerunt, tam Antiquiorum, quam Recentiorum Sententias examinet, & ad Naturæ ac Veritatis lapidem Lydium exiget. In gratiam quoque eorum, quibus Græca curæ sunt, diebus Q & R privatim Orationem Consolatoriam ad Apollonium, quæ in Plutarchi Moralibus, Philologicè & Philosophicè interpretabitur.

CHRISTOPHORUS FRANCK, Metaph. & Log. Prof. Ordinarius à Lectionibus Logicis facturum initium, B. Horneji Compendium, quod auctum vocant, publicè proponet, præcepta accuratè expendet, & quæ hinc inde monenda occurrent, in compendium redacta, brevibus notis complectetur. Materias quoque selectiores, ubi Respondentes sese obtulerint, prolixius publicis Disputationibus persequetur. Privatim verò Collegium Metaphysicum petentibus aperiet. Publicè docebit hora IV.

NICOLAUS MARTINI, J. U. L. & Politices Professor Publicus hoc semestri spacio operam sedulo dabit, ut prima Politices principia ex veris & solidis h. e. Aristotelicis fundamentis secundum methodi Analyticæ leges summa fide tradat, hoc vero stadio feliciter decursò, Xenophontis Cyropædiam publicè interpretabitur. Privatim quoque de præcipuis, quæ

sunt in Europa Regnis & Rebus publicis, exercitium instituet. Docet hora X.

ADAMUS TRIBBECHOVIUS, Phil. M. & Moral. Prof. Publ. Bono cum Deo Aristotelis de Moribus ad Nicomachum libros publicè exponet; privatim verò Disciplinæ moralis axiomata succinctè tradet, in disquisitionem itidem vocaturus, si quæ de hisce inter veteris ævi novosque disceptantur Philosophos. Publicis præterea speciminibus Philosophiam Moralem Veterum tam Barbaram, quam Græcanicam exhibebit, atque hinc usum & fines doctrinæ de moribus (sive qua finiatur Ethicus incipiatque Theologus) commonstrabit. Docet hora I.

(Lit. B.)

PROGRAMMA,

Quò ProRector & Senatus Academicus omnium Facultatum Candidatos ad capeffendos in studiis suis summos Honores invitarunt.

QUAMVIS virtus pariter atque eruditio nativæ venustatis decore faciliè quosvis in sui amorem rapiant, ut nec adscititio quodam colore, nec pigmentis aliis ornari indigeant: Cum ad multum tamen non laboris tantum, sed & temporis impensarumque damnata sint utriusque studia; nã illa quantumcunque ab se amabilia amatores paucos invenirent, nisi debitâ gloriâ, quâ mirè incendi industriam aliquæ videmus, mactarentur. Præsertim verò ut gloriosius est hoc seculum, multi & boni & docti esse nollent, nisi esse hoc, quod sunt, publicè cognoscerentur. Neque improbandus est hic in gloriam impetus, sed eò magis prædicandus laudandusque, quòd multis sponte suâ aliò ruentibus, ille grassantium ad virtutem sit incitatio progressus. Ut taceamus, verè illum vel ex Philosophi sententiâ *μικρόψυχον* dici debere, quem non bonæ mentis eruditionisque præmia post illas ipsas dotes demulceant. Quamobrem Cæsareis privilegiis huic Aca-
demix, ut plerisque aliis, data est potestas conferendi bene merentibus dignitatum gradus, quos vocant, renunciandique omnium Facultatum Doctores, Licentiatos, Magistros. Neque hac stetit S. Romanæ Cæsareæ Majestatis indulgentia, sed rarò superiorum temporum exemplo addidit Comitivam S. Palatii, non illam angustis terminis circumscriptam, quâ creantur Notarii, coronantur Poetæ, & spurii pro legitimis declarantur, sed & aliis juribus ac privilegiis auctam, ut inde satis possis agnoscere, quàm nulli secunda sit nostra Academia. Cum itaque Reverendissimus Serenissimusque Princeps ac Dominus, DN. CHRISTIANUS ALBERTUS, Electus Episcopus

pus Lubecensis, Hæres Norvegiæ, Dux Slesvici, Holsatiz, Stormariæ & Dithmarsiz, Comes in Oldenburg & Delmenhorst &c. Cum, inquit, Dominus ille noster Clementissimus, suam hanc tot tamque insignibus à Cæsareâ Majestate Ornatam privilegiis Academiam inusitatâ liberalitate & magnificentia instaurasset: pertinere & hoc ad solennem ejus inaugurationem videbatur, ut in omnibus, quas vocant, Facultatibus omnium dignitatum Gradus sive honores literarii non indignis Candidatis dispensarentur. Neque tum deerant Viri virtute & eruditione ac doctrinâ egregiè politi, qui promeritis honoribus ac titulis ornari cuperent. Verùm ut id, quò par erat ritu, quaque decebat solennitate fieret, cum temporis angustia non pateretur (præmiti enim examina & haberi disputationes, quas dicunt inaugurales, oportuisset) SUA SERENITAS festivæ celebritati moram tum quidem jure meritoque fecit. Nunc verò quò Spectatorum & dignitate & frequentia illustrior sit actus, ipsum nundinale tempus, quo virorum tam nobilitate, generis, quàm ingenii cultu, tum rerum publicè gestarum gloriâ celeberrimorum magnus esse solet confluxus, præfinitò autem octavum post octavas trium Regum diem, qui erit XXII Januarii appetentis novi anni, isti festivitati Academicæ dixit, juxta ac clementissimè annuit, omnium Facultatum Doctores, Licentiatos, Magistros ibi tum solenni Majorum more ac ritu renunciari. Ad hoc quò expressiorem gratiæ suæ imaginem, usurpandique jura nostra nobis ampliores materiam præbeat, Notarios quoque, si qui poscerent, creari, laureâ donari poetas, omnesque illos actus, quorum S. Romanæ Cæsareæ Majestatis indultu nobis data est potestas, dignè celebrari jussit. Auget Principalem Clementiam, quòd munificentissimus Dux, uti Academicæ prima natalitia magno sumtu dedit, sic etiam invitante quodam bonitatis genio, suò præcipuè impendio velit stare ambientibus honores literarios, remque adeò ab se honestissimam liberalitate non minus suâ, quàm auctoritate condecorari: quasi ne expleisset quidem mensuram Nominis ac Virtutis suæ, nisi liberalissimis Academicæ auspiciis hoc alterum non minus liberale ac dignum Principe beneficium addidisset. Cujus equidem honor ac fructus etsi intra illos, qui eo augebuntur, se continere, nec ad alios pertingere videri possit: nos tamen haud temerè fallentibus auguriis moniti majus adhuc quippiam ominamur, simul & futurum confidimus. Cum, eo scilicet devenerit seculi genius, ut studia ferè cum suis titulis contemnantur, seu quòd frequentia vilescant, seu quòd Indocti doctis honore æquentur, sepe præferantur: cumque hac ipsa de causâ multi ne amplius quidem laudanda faciant, quòd publicè laudari in dedecore habeant: quisnam in hoc opinionis monstrum fortior esset Hercules, quæ in hunc morbum efficacior medicina, quàm dum maximi Ducis inexhausta bonitas non

tantum patria civitate studia Academica donavit, sed & multis magnisque sumtibus fovet, jamque in iis, qui meruerunt, negata non merentibus pari gloria, suis ea titulis olimque publicâ dignitate honorari cupit? Rerum ergo pulcherrimarum pretia ecquis non æstimaret, aut quomodo, nisi turbatis omnibus, illa evilescerent, quæ tam illustri favore, tam potenti patrocinio habemus commendatissima? Agite igitur, quotquot studiorum vestrorum virtutisque habetis fiduciam, convenite ad has Principalis Clementiæ quasdam quasi epulas, aditisque examinibus ac disputationibus publicè habitis, præmia vestræ eruditione digna capeßite, certissimè persuasi, Vos non posse honori vestro evidentius consulere, quàm si in illa civitate, quæ tunc quidem, cum solennes illæ & omni ætati, omni nationi decantatissimæ erunt, nundinæ, quasi universæ Germaniæ hospita est, adhuc auspice maximo Germaniæ Principe, publico testimonio merita vestra orbi terrarum commendari velitis ac sinatis. Si qui denique erunt, quibus usui possit esse nostra, Comitiva S. Palatii, & iis operam nostram non defuturam Cæsareâ juxta ac Principali potestate pollicemur. Valete, Benevoli Lectores, & quod facitis, surgenti Academiæ favere pergite. P. P. Kiloniæ d. XX. Decemb. Anno clō lōc LXV.

(Lit. C.)

STRENÆ

Sub auspiciū anni hujus clō lōc LXVI.

cum votis publicatæ

DANIELE GEORGIO MORHOFIO,

h. t. eloqv. & Poet. Professore.

SUMMO PARNASSI NOSTRI APOLLINI,

RECTORI MAGNIFICENTISSIMO

Omnia.

Dum Strenas pro more damus, Tu, *Maxime*, nobis,
Princeps, Principium, & Vatis Apollo tui,
 Quid dabimus *Domino*, qui possidet omnia solus?
 Nam qui nos habet, hic omnia nostra tenet.

Accipe,

Accipe, quæ tua sunt : dareque *Omnia* possumus omnes;

Sed, nisi Tu dederis *Omnia*, Nemo dabit.

Quicquid fonte tuo venit, id tibi reddimus omne.

Hoc uno largi possumus esse modo.

Tu Pater es : quicquid proles tua forte pecull

Possidet, id gratâ redditur omne manu.

Omnia jure damus : namque in Te vivimus omnes,

Mensque tuis membris unaque totaque ades.

Omnia jure damus : totus Tibi volvitur Orbis,

Et cœlum ac tellus omnis in ære tuo est.

Omnia habe, & quod in omnibus *Omnia*, Numen, Imago

Ejus & in nobis omnibus OMNIA eris.

MAGNIFICO DN. PRORECTORI

Sceptra.

QUæ Tibi Cæsareâ Primo data pignora dextrâ,

Hæc eadem Vatis pignora sume manu.

Te mea Musa vocat Phœbeaque natio Regem.

Et Regem regni symbola bina notant.

Ipsa facit summos nobis Sapientia Reges.

Non ego nunc plectris Sceptra aliena puto.

THEOLOGIS

Sub auspiciis Anni Summum Finem.

DENT alii gemmas, multa auri pondera donent,

Munera mille ferant, mille talenta ferant.

Dant pro parte tamen : sed ego majora daturus,

Donantem vobis omnia dono DEUM.

Mille trahant alii Votorum sœmata; at uno

Vivatur voto, quæ placet una salus.

Nulla ego vota dabo ; mage supra vota feramur

Omnia, nec voto tunc opus esse puto.

Non precor auspiciis felix ; sed præfero Finem.

Hinc summum Pietas colligit auspiciis.

JURISCONSULTIS

Annum Utilem.

CONTINUUS sic Annus abit, sic tempora tempus

Excipit & celeri librat in orbe gradus!

Conti-

Continuusque simul remeat labor omnis in orbem,
 Cumque hora semper volvitur atque die.
 Continua Utilitas vobis ea tædia penset,
 Sitque Annus vobis Utilis, hora, dies.

MEDICIS

Pro Gallo Æsculapii, Gallinam Æsopicam.

PRISCA olim Gallum donabat Apolline nato
 Ætas, si medicam rite tulisset opem.

Sed sterili vobis, Medici, non forte placebo
 Munere, queis suevit ferre Galenus opes.

A nobis Gallina datur, quam Fabula fingit,

Aurea que pariat quolibet ova die.

Sic ô sic positis horas numeretis ab ovis!

Sic anni, sic ô aurea secula fluant!

PHILOSOPHIS.

ORIENTALIUM LINGVARUM PROFESSORI

Verbum.

NON bona verba dabo, dum se novus ingerit Annus.

Ast unum Tibi nunc VERBUM, o Amice, dabo.

Cuncta mihi VERBO vota absolvuntur in uno,

Quo res est omnis condita, quoque viget.

Hoc tibi semper habe. VERBI sis unius Echo.

Omnis ab hoc VERBO res tibi salva tua est.

Hoc dictum factum est. Si quid petis, hoc Tibi, FIAT!

Accinit; ast homines non nisi verba dabunt.

Hunc cole, Amice, λόγον: nam cætera verba peribunt.

Sic rectè sacrum Te voco ΦΙΛΟΛΟΓΟΝ.

MATHESEOS PROFESSORI

Numeros.

DEnt alii Nummos; Numeros Tibi dono Poeta.

Hoc solo semper munere dives ero.

Nempe Mathematicis Numerus Numerusque Poetis

Proprius, ac illis paginam utramque facit.

Hinc numeri numerorum, & qui nascuntur ab illis.

Perque infinitos nomina ducta gradus.

Non tamen hi pingues Numeri, concretaque rebus
Nomina, nec Physicæ quid gravitatis habent.

Vota tamen numero, numerat quot lictus arenas.

Si placet, innumeras Musa vovebit opes.

Tot numeres annos, quod Sol facit annuus horas.

Votorum Numeros ponderet ipse DEUS.

PHYSICES PROFESSORI

Aurifodinas Parnassi.

TE primum Cimbris Musarum pandere Montem
Vidimus: ex ipso munera monte feras.

Viscera Parnassi rimare, heic aurea vena est,

Quæ Chymicis solis cognita, credo, fuit.

Hanc Tu solus habe (nam sic decrevit Apollo)

Castalius Tibi fons aurifer Hermus erit.

Parturiant Mons iste Tibi, sit fertilis aurum.

Vel totus sit Mons aureus iste Tibi,

METAPHYSICES ET LOGICES PROFESSORI

Rem.

Nunc tua Res agitur. Rem do tibi, non tamen abs Re.

Accipe Rem: nam sic res, O Amice, tulit.

Ære tuo me solvo, Tibi dum solvo, quod est Re.

Dumque bonis verbis Rem tibi trado bonam.

Rem facias, Res salva tibi sit, Resque secundæ

Sint Tibi, & in laudæ Re modo semper agas.

Tu magnam nobis meditando restituas Rem.

Et pro Re nata Res gere, finge, tuas.

Sic, quod ego nequeo, pro Te Res ipsa loquetur.

Tu, quas solus habes, Res tibi habeto tuas.

POLITICES PROFESSORI

Faciem Jani.

EN cape nunc duplicem pro Strenæ munere Janum.

Et qui prætentum quique futura videt.

Principio finem semper Prudentia jungat,

Non malè sic ipsa in simplicitate duplex.

MORALIUM PROFESSORI

In Tempore Novo Mores Antiquos.

Moribus Antiquis quondam Romana stetit res,
Et Mores semper displicuere novi.

Tolle novos Mores, quamvis nova tempora surgant,

Perstat in Antiquo gloria summa Bono.

Moribus Antiquis Tibi nil antiquius esto,

Nil prius, & bene sic omnia cautus ages.

Nil veteri melius vetus optet Amicus Amico.

Moribus his morem si geris, alta petes.

Hi Tibi sint Mores; sic omnium habebis amores.

Tu quæ Vota dedi, fata fac esse DEUS!

CIVIBUS ACADEMICIS

Laurus.

Accipe nunc sacras, Phœbeia munera, laurus,

Accipe, quos ramos Strenia Diva dabit.

Accipe, docta cohors, Musarum nata sub umbris

Germina, quas Strenas Strenuus omnis amat.

Ergo, uti genua virent (namque optima ducitur ætas)

Æternâ vireant tempora fronde Tibi.

NOVÆ ACADEMIÆ

Nova Secula.

Surgite Parnasso nova surgite Secula nostro!

Sed nos hæc frustra vota precesque damus.

Ipse dat auspiciū PRINCEPS, Sol noster, Apollo

Ipse novos annos & nova secula facit.

AUTOR SIBI IPSI

Nihil.

Omnia qui dederat, quæ restant munera Vati?

Quod superest, capiat prodigus iste NIHIL.

Ipsa quidem Nihili est Musa, & nil possidet ipsa,

E Nihilo tamen hæc munera magna dedit.

Possideat mea Musa Nihil; Tu Numinis instar

E Nihilo PRINCEPS Omnia SUMME facis.

(Lit. D.)

PEGASUS

Pro Strena

*Summe Reverendo & illustri Domino,*DN. JOHANNI ADOLPHO
KIELMANN A KIELMANSECK,Hæreditario in Satrupholm & Obdorff, Ecclesiæ Ca-
thedralis Hamburgensis Præposito, Serenissimo Cimbrorum

Duci a Consiliis Secretioribus & Provincialibus, Regiminis item

Præsidi, & Cancellario, Præfecto in Trittow &

Reinbeck,

Magno Seculi Ornamento,

Publico Musarum Patrono,

Mæcenati suo,

Submisit Oblatus

D. G. MORHOFIO, D. Utriusque Eloqu. Prof.
Ordinar.

MAXIME, quem magno compello nomine, PRÆSES;
 Qui magno majus nomine munus obis.
 Quæ Tibi, dum magnum Sol circumvolvitur annum,
 Munera, quas Strenas, quæ Tibi vota feram?
 Nil Tibi cum votis, qui vota per omnia vitam
 Ducis, quique supra vivere vota potes.
 Non tanti novus annus erit, tempusque minutum;
 Ut voti quædam pars queat esse tui.
 Nil tibi decedit, cum vota emensus & annos
 Crescere nunc videas tot nova secula Tibi.
 Munera si Tibi danda, Tui Tibi porrigo Vatis
 Pectora, nos certè munera nostra sumus,

Ergo fatigatam laxabo in Carmina venam,
 Ac omnes (dixi) monte movebo Deas.
 Pocula (clamabam) date pocula plena Camœnz!
 Pocula Pegaseo plena liquore fluant!
 Sic Phœbum infusis haustisque laceſſo culullis,
 Proque ſalute ſimul ſcribo biboque tuâ.
 Crapula ſic Vatem & vertigo Poetica totum
 Occupat, & nimius comprimit ora ſupor.
 Non manus officium fecit, non humida lingua.
 Inſtabili titubat ebria Muſa pede.
 Ergo agrè tandem veſtigia lubrica firmat,
 Et jam Pierio ſe malè credit Equo.
 Sefſorem non ille feret, non audit habenas.
 Non ea dignus eques terga vel ora premo.
 Serpit humi mea vix equitans in arundine longa
 Muſa, & votivos dat pedes ipſa pedes.
 Involet in laudes, cui Pegafus altior hinnit:
 Vix pedibus queo nunc in decus ire tuum.
 Sique meo didici metiri me pede, non Te
 Immenſum pedibus metior & numeris.
 Non Equus, aut titulus Vatem ſatis ornat equeſtris,
 Qui pedibus tantum carpere novit iter.
 Sæpe quidem Vates, ſi judicet iſta Palæmon,
 Eſt vitulâ dignus, non quoque dignus equo.
 Vix eſt, qui tanto ſe jactet nomine, ni fors
 Auratus fieri qui velit, adſit, Eques.
 Te ſacer ornet Equus: dono Tu dignus equeſtri
 Pegafon, ô Equitum gloria ſumma, tene.
 Hunc Tibi Parnafſus ſummuſque dicavit Apollo.
 Hanc Tu nunc Strenam VIR cape SUMME ſacram.
 Sic Equitis geminatur honos, illuſtrior audit,
 Martis Equis quiſquis Pegafon addit, Eques.
 Eternis famæ Te Pegafus evehet alis.
 Sol radiis pinget, quod pede verrit iter.
 Dumque aliis putrem tantum quatit ungula campum;
 Alipes hic Tecum ſidera calcat Equus.

(Lit. E.)

PROGRAMMA,

Quò ProRector & Senatus Academicus Cives suos
ad tranquillè & moderatè in Nundinis agendum
invitarunt.

UT nostra adeò frequens ad Vos sit Oratio, non à Vestra, Cives, prævaricatione est, neque à nostra seu diffidentiâ, seu morositate & tristitiâ. Neq; enim defuistis hætenus officio vestro, & quæ nobis præstitistis obsequia, eadem non minori contentione continuaturos tantò magis confidimus, quantò clariùs nostram in Vos humanitatem & benevolentiam perspexistis. Exigit autem hanc à nobis scriptionem cum primis temporum conditio, non imperita morum præceptorumque magistra; requirit, vestra & Academix salus, flagitat impositæ stationis fides; cogit etiam ad illam, si vultis arbitrari, nostri erga Vos plusquam paterni vis amoris. Habet enim hoc quilibet amor, ut sollicitudine velit probari, ne verus quidem aliàs, & tantò verior intensiorque putandus, quantò pro salute alterius sollicitior. Quanquam si ab his omnibus discesserimus, superiori tamen & Principali auctoritate Vobiscum agendum erat. Neque enim quæ jam Vobis inculcamus, nostra monita aut præcepta sunt, quibus tamen & ipsis solitâ observantiâ parere parati eratis, sed Serenissimi Academix Fundatoris & Nutritii jussu, quibus non parere, non tantum delictum, sed quia in tantum Principem, etiam piaculum erat, & id hoc indignius vestro ordine, quo majoris, in quem peccaretis, & quò minus offendi merebatur, qui tot tantisque vos cumulavit beneficiis. Vestris, nisi ingratis planè mentibus aut obliiviosis, etiamnum obversatur, quanto Sux Serenitati steterit, Academiam hic instaurasse. Et lætamur meritò, Vosque, ô optimi, lætami nobiscum felicibus præclari operis tam auspiciis quàm processibus & incrementis. Nec possumus satis agnoscere, occultamne dicamus fatorum potestatem, an præsentissimam vim Numinis, qua passim & per omnes se artus insinuante, tota coalescentis moles corporis faustis motibus agitur, multisque auctibus procedit, crescit, increbrescit. Quò non parùm contulere Vestra, Cives, moderatio obsequiorumque conspirata studia, quibus effecistis, ut neque Magistratus & incolæ hujus urbis multum de vobis conquesti, neque inter Vosmetipsos solennes ante portam dimicationes & duella, præter unius atque alterius, sed maturè nostrâ prohibitione sufflaminatos conatus, audita fuerint. Neque vel nostra ad docendum &

disputandum, vel vestra ad auscultandum hætenus desiderari potuit opera. Enim vero ad lectiones & disputationes, quas in rem vestram sperabatis futuras, vos hætenus impigrè & constanter, nec pro numero vestro infrequenter coivisse, nemo nostrum est, quin vobis testimonium perhibeat, & eo nomine magnoperè faveat. Vicissim Vos, tantum abest, ut accusetis nostram desidiam, ut, nisi quid auribus nostris dederitis, plus simplici vice questi sitis de nimia nostrâ diligentia, de lectionum multitudine ac paucitate horarum; simul & dolere visi, iisdem horis haberi solitas lectiones, quamlibet æquè scopo studiorum vestrorum accommodatas, unâ frequentare Vos non posse. Adeo verò hæc nostra dexteritas, hæc vestra & industria & composita vita, hoc Academiae felix fatum; hi ejus exoptati progressus malè invidos habuere, ut quæ verè in nos dici probra, aut in Vos non poterant, variis pudendisque mendacis impudenter nostro ordini affinxerint. Sparsim enim cum procul à patria, tum prope dissipatos tumores accepimus, nullas hic lectiones, nullas disputationes, nulla omnino exercitia, quibus vel doctior vel politior reddi possit juvenus; acerrimas autem rixas, digladiationes & quasi Martia prælia, casum aliorum, aliorum punctum confligentium, dehinc vulnera, cardes, & nescimus quæ non proterviæ mala, quos non tragicos casus vestrâ culpâ datos audiri; eoque plerosque bonæ indolis ac optimæ spei juvenes, cum ad pauxillulum hic substitissent temporis, recessisse, nonnisi paucis nec frugi relictis, & malè feriatæ ingeniiis. Videtis, ô nostri, ô lectissimi cives, spes Patriæ & Parentum vestrorum decus, quid non invidia surgenti Academiae, quid non & vobis mali intendat contumelia, Cacodæmonis inter mille nocendi artes haud desides famulæ? At frustrâ ringetur hæc quidem, & illa prius tabescet, quam vel nos à constantia dimoveamur, vel vos in præceps agamini. Quin potius ut tantò concitatoribus studiis nos quidem faciemus, nostri quæ sunt officii: Sic Vos, quibus erecta & incitata ad gloriam indoles est, impendiò magis enitemini, ut quàm longissimè ab iis vitiis, quæ injuriâ vobis impinguntur, abscedatis. Etsi autem laude non destituendi suâ sunt, qui tranquille ac moderatè se comparant, cum neque tumultuandi materia est, neque sunt exempla: moderationis tamen laudem illi demum ferunt, quorum quantumvis maximè attentata, non expugnatur moderatio, superatis etiam periculosissimis præcipitiis. Et verò si quo unquam tempore, instantibus nudinis cautè vobis & circumspectè agendum est, cum ob frequentiam adventantium, tum ob varia ingenia, pinguia ac vitiorum feracissima otia, & quæ otiantibus solent esse in primis delitiis, Comestationes ac symposia. Quæ si quando, ut fieri amat, in grassationes, præsertim nocturnas & vociferationes, & nescimus quam insolentiam desinant, nolite putare, ingenui juvenes,

juvenes, vestro opprobrio quicquam fieri: quin potius contemnite, quasi nihil ad vos spectent, durate, & invicti stete, tunc laudem reportaturi maximam, cum minus polluemini vitiis alienis. Et eò magis quidem ad honestatem ac moderationem componendi vobis sunt mores, quò honestiores, virtutisque usu & exemplis præstantiores aderunt viri, quibus dignationem vestri ordinis prostituere velle, sit fœdum vobis ac pudendum. Aderunt opulenti mercatores, ex variis ac longinquis oris, benè de vobis merituri, cum illatis varii generis mercibus, etiam librariis, quas extra has nundinas frustra hic queratis, tum viiori, certè haud ultra æquitatem sumto à vobis pretio. Seu his ipsis seu horum operis obstreperetis, aut quocunque modo rixandi materiam seu daretis temerè seu arriperetis: quis non & proterviam vobis & ingrati significationem animi, denique stolidam audaciam irritandi crabrones exprobraret, & si quæ inde evenirent mala, vobis imputaret, vobis non injurià data decerneret? Aderunt hospites Viri sui quisque ordinis eruditissimi, honoratissimi, quorum favore nos prius dignos ostendetis, quam modestiam, tranquillitatem morumque elegantiam dabitis probatam. Aderunt Regii & Ducales Senatores, at quanti Viri, quanti heroes, quorum vultus & ora, ut sui Regis, ut Principis sui, revereri & venerari suarum quisque partium putabit. Aderunt Generosissimi Holsatiæ nobiles, flos equestris ordinis, quem non modò illustri prosapia antiquissima origo, sed & magnanimitas, sed & fortitudo & adversus pericula bellica invicti visanimi, sed & heroica ac Martia facta, sed denique eruditio & rogata reliquæ virtutes insigniter commendant. Quorum altiora spirant animi, quam ut ullum vobis facesciturum sint negotium; prohibebunt etiam, ne sui ministri famulive facessant, nisi cujus insolentiâ irritentur. Aderunt denique milites præsidarii, acturi in plateis interdum nocturnæ excubiis, ut emergentibus rixis, turbis, tumultibus maturè intercedant. Hos, cavete, ne vel verbo vel facto lacestatis, severos aliàs non ipsos tantum in articulo, sed & postea Serenissimum Ducem vindices experturi, cujus quippe Majestas contemptum suorum non finet inultum. Neque putate vestrum Vos implevisse officium, si non lacestatis alios: etiam ne ab aliis lacestamini, evitanda vobis, quibus id fieri poterat, occasiones sunt, quæ de facili hinc inde offeruntur, in iis præsertim nundinis, quibus nemo alteri libertate se secundum arbitratur. Emanendum scilicet vobis est è publicis popinis, in quibus divertunt aut symplosia instituunt peregrini, siè compotando cum illis committamini. Abstinentum à privatis quoque commensationibus, ne vino oppleti, deque potestate mentis deturbati, faciatis, quod fecisse postea pœniteat: de hinc à nocturnis grassationibus, debaccharionibus, vociferationibus, quæ non tantum interrumbant honestorum virorum, & quod

magis

magis detestandum, gravidarum mulierem quietem, sed & ab occurrentibus aut ex hospitio audientibus, præsertim benè potis ac ebriis, in rixas, dimicationes, pugnas internecinas, quas sæpe non priùs quàm alterius partis cœde depositas meminimus, crudeliter vertuntur; denique ordini vestro maculam, quam non facilè elueris, adspargunt. Hæc & alia malorum irritamenta ut cane pejus & ague, cum aliàs semper, tum hoc præsertim tempore fugiatis, jubet Ducalis decreti auctoritas, poscit vestra & Academix salus, flagitat ipsa religio. Qui obsequuntur (plerosque autem obsecuturos confidimus) benè de publico, optimè de semetipsis merebuntur, suæ nunc laudis præsumptione læti, olim cursu & spatio ac peregrinatione ejus magis lætaturi. Si quis verò esset adeò depositor spei ac projectæ audaciæ, ut spretis circumstantibus periculis, tamen turbas dare non vereretur: nã ille & sibi & Academix nostræ magnum malum accerseret; seu confoderet alium aut vulneraret, pœnam haud fugâ præversurus; seu confoderetur, præsertim ebrius aut innocentis sanguinis sitiens rixæque auctor, periclitaturus animâ, indignus etiam, si jure experiundum, sepulturâ; denique utcunque res evenerit, materiam daturus obrectandi nostram Academiam, imò verè in illam dicendi, quod hæctenus imputatum fuit per calumniam. Quo nullum jam atrocius, nullum execrabilius fingi facinus poterat; nullum, ut & hoc addamus, quod seræ posteritati hominis infamiam magis olim proderet. Speramus autem meliora, nec falsi spe, nisi planè adverso Numine: quod si quando unquam, nunc sub auspiciis novi anni seriâ pœnitentiâ & calidis precibus placandum exorandumque est, ut nobis toto vitæ tempore sit propitium, & omnia pericula, omnes Academiam quassare, natos turbines procellasque clementer averruncet; denique quæ dedit Academix nostræ Alcyonia, in dies illustriori gratiâ proferat & extendat: ut in sui nominis gloriam, Ecclesiæ emolumentum, ac reipublicæ commodum, postremò in suam cujusque utilitatem ac salutem hoc liberalium artium emporium, hæc virtutis officina, hoc disciplinæ seminarium adolescat, vigeat, floreat. Neque enim meliore voto vel nobis novum annum vel vobis, ô nostræ fulcimenta patriæ, gratari, quàm hoc ipso poteramus, quod non pro nostro, non pro vestro, sed pro communi bono, è quo vestrum nostrumque pendet & emanat, nuncupare voluimus. Non Deus, non misericordiæ inexhaustus ille Fons, erit inexorabilis fundentibus ad SE calidas preces, & immolantibus castam puramque mentem, optantibus etiam mori pro gloriâ Nominis Sui, si esset opus. Ne verò Vos, cordati Musarum cultores securi aut appetentium factorum incuriosi sitis, quasi aut longè à Vobis absint ventura mala, aut alium potius orbem, quàm Vos Vestramque Patriam tangant. Vestra enim res agitur, Cùm Germaniæ, cum

vici-

vicinis depopulationes; vastitates, clades intentantur, quas prævertendi una via est nova cum novo anno vita, nova mens, novi mores, pulsoque frigore, resumpta & ad pristinum calorem zelumque revocata pietas & religio. Hac macti, Cives, hac beati, ô optimi, hac Deo devoti valete, novumque & plures subsequuturos annos feliciter decurrite, Dei gloriæ, commodis Patriæ, vestroque ac vestrorum honori quàm diutissimè superstites, sospites, incolumes. P. P. Kiloniæ d. V. Jan. ANNO clō lōc LXVI.

(Lit. F.)

ORATIO I.

PETRI MUSÆI, S. TH. DOCTORIS

& Professoris primarii, p.t. Academiae
ProRectoris & Decani,

Viri Munerum dignitate, Natalium splendore, doctrinæ præstantiâ, virtutisque cultu celeberrimi, Auditores omnium ordinum honoratissimi; Tuque, Nobilissima Studiosorum Corona. Quod optimus Imperator Titus Vespasianus, si quo die nemini benefecisset, super cenam recordatus neglecti officii, dicere solitus est: *Amici, diem perdidisti*; idem crederemus dicturum esse indulgentissimum Academiae nostræ Fundatorem & Nutritum, si quem diem virtute sterilem, aut beneficio vacuum transmitteret. Nihil enim prius, nihilq; potius habet, quàm de Ecclesia, de Republicâ, deque singulorum civium commodis quovis tempore benè mereri: neque ullas horas diesve pejus collocari conqueritur, quàm quæ tot hominibus sine omni merito, *nisi vitiorum contentione*, conduntur. Quamobrem aliam ex alia & sibi obligandi materiam captat, & nobis commendandi prædicandique præbet. Non eo quidem ingenio est Serenissimus Cimbrorum Dux, ut laudari velit; cui una laus est, laudanda fecisse: sed, invitante quodam bonitatis ac munificentiae genio, præoptat non vivere, quàm non quam plurimis, & quàm fieri potest, latissimè, sapissimeque prodesse: tanquam ita profuisse, sit demum benè vixisse; malè, nemini aut paucis aut rarò profuisse. Enim verò quantâ indulgentiâ, liberalitate & pompâ, SUA SERENITAS, nobile hoc literarum ac bonarum artium emporium, in elegantissimâ juxta ac amœnissimâ Kiloniensi civitate, d. V. & VI. Octobris, elapsi anni, secundante Numine, feliciter instauravit: næ id sua cuique festivæ celebritatis non ingrato aut oblivioso spectatori, maximè autem nobis, rem omnem, quâ par est, pie-

rate recolentibus, vera mansuraque suggerit recordatio. Quanquam cum hic docendi officio fungamur, plusculum amoris aut favori, quam veritati, dare videri possimus, cum natalitiorum & incunabulorum nostri Lycæi præcones ipsimet surgimus. Neque enim æquè nostra, atque aliorum, quos tam propè non tangit isthæc felicitas, fidem inventura prædicatio est; tùm autem omnium maximè se approbatura, cum, cujus incorruptum erit iudicium, fera ætati retrò mista memoria idem decantabit. Laudarunt interim, laudabuntque, grati ac memores, quicunque tum spectandi causâ advolaverant, testes sat locupletes, Viri tam nobilitate generis & antiquitate prosapiz, quàm ingenii cultu, virtutisq; atque eruditionis laude, postremò rerum publice gestarum gloriâ longè spectatissimi: quorum quantum honoris toti ætati attulit illustris præsentia, ac splendidus confessus, tantum ponderis apud Deum calida pro incremento Academiz nuncupata vota, pios applausus, conspiratasque gratulationes habuisse confidimus. Eoque gratiùs nostri Cives, Studiosissimi juvenes, cum actûs splendorem, tùm Principum meritorum magnitudinem, agnoscent atque æstimabunt; quò illi lætiùs Academiz beneficiis ac privilegiis jam fruuntur. Neque sane dubitamus, quin absentibus quoque, ac longè distitis, solennia inaugurationis, & nascentis Academiz felicia auspicia, præcurrens Eurocyor fama, prædicârît; mox autem prædicatura difertiùs, ac fidem magis factura sit, quæ jam typis mandatur, subque prælo fervet; desiderata introductionis historia. Quod si ergo illa saltem, quæ ibi tùm SUA SERENITAS Academiz causâ fecit, pectore non ingrato, nec occupato, ruminari, suoque quæque pondere æstimare, velimus: licebit vel ex unis illis insolitam Summi Principis clementiam, agnoscere & venerari. Eò quippe increverat Sux Serenitatis liberalitas, ut, quâ olim prolixitate & lubentiâ indigenis, eâdem jam exteris, atque ex longinquo adventantibus, se dilargiretur ac dispensaret, ex eodem fonte in plures, & quasi indies recentior, dimanatura. Loco stabat adeo sublimi magnificentiz decus, ut non modum jam, sed ipsum fastigium excessisse, neque adeò addi quicquam posse videretur. Tantum denique ubique indulgentiz ac bonitatis, usque accuratissimis votis plus fingi, optarique potuerit. Sic nostra quidem erant iudicia: Sed aliter constat Serenissimo Principi gratiz suæ ratio: cui parva, quæ nobis magna; quæ summa nobis, mediocria; minima denique, quæ nobis maxima videntur. Non qualemcunque scilicet, sed veram, sed optimè constitutam Academiam Patriæ nostræ Pater desiderans, id jam agit, ut sua studiis pretia, quæ hodiè passim minuuntur, adferat non modò, sed etiam augeat: quandoquidem, sublati studiorum pretiis, ipsa esse peritura, verè dixit Romanus scriptor. Non equidem ignoro, esse aliquos, qui nunc in studia, nunc in studiosorum mores in-

vehan-

vehantur: studiosos, quæsti, adeò inertiam, & otio diffuere, ut, nihil agendo, malè agere discant, licentiamque suam, ad turbendam tranquillitatem publicam, ad omne nequitiz genus, convertant: studia verò literarum & artium adeò esse perfida, ut, cum multum publicæ utilitatis promittant, obstant tamen potius Reipublicæ, quàm prosint: si sint Theologica, in disceptationes, dissidia, mox scissuras Ecclesiæ, tandem hæreses definere: si circa jurisprudentiam versentur, ad flectendas, ceræ instar, leges, torquenda jura, vertendamque in lucrum justitiam, non habito æqui & iniqui delectu, declinare: cujus denique cunque sint Facultatis ac argumenti, in tantum omnia nocere Reipublicæ, in quantum plurimos alliciant, ac sibi devinciant, qui militiæ, agriculturæ, opificiis, aliisque vilioribus vitæ generibus, at maximè tamen necessariis, majore cum emolumento boni publici, operari ac præesse potuissent: ideoque damnatas olim à pluribus fuisse literas, cumque sui cultoribus exilio punitas; scholas dehinc ipsas subversas, veluti Romanam, sub Domitio & Licinio, Consulibus; alias, alibi, & alio tempore; ipsas denique florentissimas Athenas haud melius fatum expertas. Verùm enim, verò non æqui mihi esse iudices videntur, qui quod vitio hominum in umbrâ & otio literarum Musarumque sit, non hominibus, sed ipsis literis Musisque imputant. Stat suum quibusque studiis decus, sua utilitas, sua gratia: sint licet plurimi, qui iis abutantur. Non defraudant discensium industriam: alunt, ornant, delectant, solantur, publicè ac privatim juvant. Sed & quonibile est optabilius, immortalitatem nominis adferunt, his, qui non modò literis benè tincti sunt, sed & se literisque digna monumenta ad posteros transmittunt. Si quorum mores effæminati, molles & flaccidi sunt: studia culpâ, non studiosi vacant: aliqui non ea, qua decebat, educatione, quâ fundamenta morum vitæque compositæ ponuntur, subacti sunt: alii, cum tenerâ, & ceræ instar, flexibili ætate sint, pravis sodalitiis & exemplis corumpuntur. Multi verò etiam alacres & expediti ad ea sunt, in quibus parum fortè voluptatis, plurimum laboris negotiique reperitur: adeò, ut, si militiæ se addixerint, non durissima & obstantia quæque subire formident. Et quis tandem durior ac pervicacior labor, quàm qui contentione omnium nervorum viriumque ingenii, interdium noctuque, invitâ sæpe Minervâ, exantlatur? Nonnulli, militiæne major, an literarum scholarumque gloria sit, hæsitant; certè adeò militiam præferunt, ut literas, literarumque cultores, alto supercilio, præ se contemnant, quasi soli ad fastigium virtutis ac dignitatis pervenerint; literati in secundis tertiisque consistent. Et sua sanè laus fortitudini bellicæ, & eò major, quò majora adit pericula, & honestior ejus causa: Dulce enim est, pro patria, pro libertate, pro religione mori. O utinam verò nunquam ulla esset belligerandi causa! Neque enim virtus, ne-

que æquitas, sed hominum malitia, sed injuria bello viam facit: si populus populum, Rex Regem, Princeps Principem laceſſat, propulſarique aut vindicari injuriam, libertatemque defendi, interſit Reipublicæ. Quamquam in eo etiam caſu omnia prius conſilio, quàm armis experiunda eſſe, rectè & ſapienter Veteres tradiderunt. Et quotuſque tandem eſt, qui non tenuem togam præferat nitentibus ſagis, quæ tot periculis ſepta, tot dubiis præliis objecta, tot ſæpe cladibus tritita, eventu quandoque triſtiſſima? Si quando autem iſ eſt rerum ſtatus, ut ingrata arma inſidiosâ pace eſſet tutiora videantur: num ſine literarum præſidio, & eruditionis honore, feliciter expediri, moveri, poni reſumique poterunt? Non fortes, imò ne homines quidem ſunt, ſed beluiſ ſimiles, qui laceſſiti, inconfulto impetu, in hoſtes feruntur, & quaſi irrunt; aut ſecuri cladiſ & victoriæ; aut vincendi vanâ ſpe deluſi; tantò vel inhumaniores, vel inſipientiores, quantò minùs literarum ſeu humanitatem ſeu ſapientiam delibârunt. Quod ſi autem illâ ipſâ moderatione, quam adferunt manſuetiores Muſæ; illâ ſcientiâ, quam ſtudia literarum culta pariunt; illâ experienciâ, quam exempla literis prodita ſtabiliunt; belli motus, vices, conſilia reſtringantur: ecquis neſcit, rectiùs tunc omnia procedere, & evenire, niſi planè adverſo Numine fiant? Fortiſſimos quoſque Heroas olim bonis artibus ac literis eruditos fuiſſe legimus; non ut ex iis reſeſtioneſ conſequerentur, quam ipſam quoque magis, quàm ulla alia ſtudia promittunt; Sed quò feliciora arma experirentur: & ſæpe experti ſunt. Sit igitur militiæ, ſit literis ſua gloria: neutrum vitæ genus alteri præferatur: quia utrumque ſuo tempore, ſuoque loco, utile, & neceſſarium: quamquam ſi quò latius ac conſtantius proſunt bona, eò meliora ſunt: ego, quod pace militiam amantium fiat, non dubitârim literis eò palmam deferre, quòd pace & bello, domi forſique proſiciant. Aliâs qui utilitate vota, & commodis conſilia, eventusque lucro metiuntur, eos in varia ſcindi ſtudia videmus. Hic, cernas, commerciis quæri pandiq; vias, quas vel ipſa natura clauſerat, perq; omnes terras ac maria diteſcendi occaſiones inveſtigari: illic, condi Urbes, ædificari arces, palatia muniri propugnaculis, valloque & foſſâ circumdari: Illic, inſtaurari inclinatam ac jacentem rempublicam, pangi leges, renovari fœdera: alibi, honeſtam pacem non neceſſario bello, inſidioſæ paci ſecuriora arma præferri. At illorum omnium, mirum, quàm dubii eventus, quantæ vices, quàm denique varia fortuna. Quoties ſpem lucri commercia, & rei faciendæ deſiderium peragrata terræ, enavigata maria, expertæ tempeſtates deſtituunt? Quot vetuſtate temporum arces, urbeſ hoſtium potentiâ, quot mœnia machinis, quot inexpugnabilia propugnacula, vi tandem expugnata, ceciderunt; perierunt reſpublicæ, regna, & æternâ poſteritatis oblivione jacent ſepulta? Quoties ſefellerunt fixa adamantino nexu fœdera,

paci-

pacique non minus quàm bello sua calamitas, suum fuit exitium? Adeò scilicet fluxa, adeò incerta sunt consilia, quæ infido mari, quæ fugaci marmori, quæ ruituro lapidum acervo, quæ ancipiti fortunæ, postremò quæ mobilibus hominum animis, & cæcâ fluitanti sorte paucorum fidei, committuntur. Major autem in virtute & eruditione inest constantia: Omnia si nobis eripiantur, hæc eripi non possunt. Quamobrem Serenissimus Cimbriarum Dux facit, quod Patre Patriæ & optimo Principe dignum est, cum contra tot hominum præjudicia & præconceptas opiniones, in stabilendis studiorum & doctrinæ pretiis, quasi omnes nervos contendit. Cum primis verò magnum studii addidit decus, pondus, ac dignitatem, dum ubi nunquam fuerat, Academiam liberalissimo sumtu instituit, nec tam ut haberet, curavit, quam qualem ac quomodo haberet. Usitatum enim satis, & commune est, Academiam, sed benè constitutam habere, rarum; rarius, quæ mediocriter, nedum quæ ita floreat, ut melior voto fingi non possit. Eaverò ut sit, qualis esse debet, docentes, & honoris quadam prærogativâ ad alacritatem, ne contemptu; & honestis præmiis excitandi sunt, ne curis frangantur: tum etiam discentes liberaliter, & æquo pretio, eaque humanitate excipiendi, alendique sunt, ne sit gravis causa, cur citò recedant: denique disciplina sic asserenda, ut ne tolerantur, nisi qui tranquillè & moderatè agant; nec ob divitias aut natalium celebritatem alii aliis præferantur; quos studiorum vinculum, & discendi communis lex æquat, nec nisi virtus atque industria distinguit. At quotacunque est Academia, in quâ isthæc omnia rectè ita procedant? in hæc videas vitia pro virtutibus haberi, pro industria otium coli? In illâ pauperes, virtute quamlibet præstantiores, contemni. In aliis possis accusare civium oppidanorum morositatem & tristitiam, atque iniquè flagellata rerum pretia; non si alii; sed si studiosi, si Professores emant; quali hi aut abundant divitiis, aut caritate puniri mereantur. Melior nobis de nostrâ Academia spes affulget. Quandoquidem Cives hujus oppidi, uti apud exteros longè lateque humanitatis ac liberalitatis laudem obtinent amplissimam; ita & nos & nostros studiosos liberalibus sibi officiis tantò magis devincient, quanto latius accepta beneficia prædicabunt, qui ex variis & longè diffitis locis huc studiorum causâ advolant. Neque nos connivere ad vitia debemus, dum invalescant; sed si qua propullulent, in herba suffocanda sunt; pro eo ac flagitat nostra jramento obstricta fides. Quam paternam castigationem admittent, qui non extremè mali sunt, boni etiam desiderabunt; aut si qui inconsultæ ætatis vitio ingratè interpretentur, meliores tamen facti gratias nobis eo nomine maxumas habebunt. Infelix aliàs literarum & literatorum fatum est; ut illiberaliter & sordide ac duriter habeantur; cùm in res alias, quæ

publice non profunt, sæpe in momentosas & pestiferras, aut certe suspectas voluptates, maximi sumtus, magno luxu, & profusione, erogentur. Certè in nonnullis Academiis viliora Professoribus constituta sunt stipendia, quàm ad honestè vivendum sit satis; in aliis etsi ampliora promissa sunt, eò tamen minus sufficiunt, quòd non nisi parcè & impedire solvuntur. Non igitur mirum est, si curis sublevandæ inopiæ districti, tandem in officio, non inertes aliàs viri, languescant. Placuit autem Serenissimo Cimbriarum Duci, non nomine Academiam, sed re; neque interituram, antequam adolescat; sed mansuram habere. Quamobrem ut nunquam parcè & restrictè, cum arduum opus aggreditur; ita nec hìc, nisi liberalissimè, sumtus fecit. Frugalitate enim luxum restringit, illæ sã Principali Magnificentia, ut tantò plus sit, quòd in Dei honorem, & utilitatem rei publicæ, Ecclesiæque erogetur. Ex illa Sux Serenitatis liberalitate quasi ex fonte quodam, manavit, ut nec nobis desit, quo solari labores nostros possimtis. Contenti sumus salariis nostris; neque metuendum nobis est, ne non solvantur; solventur imò quolibet semestri; cum & ampla satis, & adeò fixa sit dos Academica; ut nec annuos reditus mentiatur, & ipsa nullo fortunæ insultu, nullo ævo eripi possit: nisi, quod Deus averruncet, bello omnia, summaque imis misceantur. Post ita liberaliter instauratam Academiam, munificentissimus noster Princeps, pluribus modis, incrementa ipsius, ac studiorum momenta dispensat. Sunt quidem literarum studia ab se ipsis amabilia, ob nativam pulchritudinem: at quia multum tam laboris, quàm temporis requirunt, parum jucunda nonnullis videntur, nisi jam per illorum campos, plano, & facili, verissimoque itinere, aliquandiu incesserint. Quamobrem ut foris aliqua illis pretia concilientur, omnino necessum est. Ex pluribus non parum mihi valere videtur Magnorum Virorum auctoritas: si scilicet ii studiis faveant, qui ad gubernacula sedent imperii; qui illustri & generosâ nati familiâ sunt; qui meritorum publicorum gloriâ fulgent: certè magnum ille favor ad studia excolenda addit pondus, ingentesque stimulos. Quo nomine & Serenissimo nostro Duci, & Vobis, Viri Perillustres ac Generosi, magnæ, imò immortales debentur gratiæ. Neque enim verbis exprimi potest, quantum à Vestra præsentia, favore, præsidio, studiis decus, quantaque umbratili literarum otio dignitas accesserit. Vestro exemplo, si non suis met pretiis, nostra juvenus æstimabit studia, & quàm maximè potest, prosequetur. Sed & aliud ad ea incitamentum, idque fortè non levius est, nisi majus: si docti indoctoribus, in publicis muneribus obeundis, præferantur: tùm si gradibus Academicis, quos Magistrales & Doctores vocamus, solenni ritu collatis, ornentur, publicam ita eruditionis gloriam laturi. Quamobrem Cæsareis privilegiis huic Academia,

demix, ut plerisque aliis, data est potestas conferendi summos in studiis honores, renunciandique omnium Facultatum Doctores, Licentiatos, Magistros. Annuit Serenissimus noster Dux, Academia Nutritius indulgentissimus, ut, vi illorum privilegiorum, bene merentibus jam literariis gradus conferantur: quò magis alii isthoc honore, & publico præmio, ad studia incitentur, & incendantur. Auget suæ Serenitatis Clementiam, quòd suo sumtu stare velit ambientibus hos honores, remque adeò ab se splendidissimam suã non tantum auctoritate, sed & munificentia condecorari. Quem in finem, S. Rom. Cæs. Majestatis auctoritate, & Suæ Serenitatis arbitrio, instituta est hæc solennis panegyris: faxit Deus, ut sicut prima est, ita in sui Nominis gloriam, Principis nostri honorem, Ecclesiæ emolumentum, Reipublicæ incrementum, Academia nostræ decus, & Dn. Candidatorum utilitatem, felicissimis auspiciis procedat, vergat, eveniat!

Produxi in conspectum Vestrum, Auditores omnium ordinum honoratissimi, tres Theologiæ Candidatos, Viros & generis & doctrinæ & publici muneris laude inclutos. Cujusque ortum, vitam & studiorum rationem, programmata publicè affixa loquuntur. Neque est, cur illorum eruditionem & virtutem Vobis prædicem: quam ipsi antehac publicis speciminibus; his autem diebus, post examina privata, etiam publicè disputando, & theses egregiè defendendo, affatim probarunt. Nihil itaque superest, nisi ut dignos industriâ & eruditione suâ honores sine ulteriori morâ consequantur.

Imploratur Procancellarius.

Nunc ad Te mea se convertit Oratio, Magnifice Dn. Procancellarie, Vir admodum Reverende, Amplissime, Clarissimeque Dn. CHRISTIANE KORTHOLT, S. Th. D. & in hac Acad. Professor Celeberrime; Postquam S. Rom. Cæsareæ Majestatis auspicio Reverendissimus & Serenissimus Princeps ac Dominus, Dn. CHRISTIANUS ALBERTUS, Electus Episcopus Lubecensium, Hæres Norwegiæ, Dux Slesvici & Holsatiæ, Stormariæ & Dithmarsici, Comes in Oldenburg & Delmenhorst &c. Dominus noster, gratiosissimus, pro hoc quidem tempore id muneris Tibi Clementissimè delegavit, ut mihi p. t. Decano & promotori potestatem in solenni hac panegyri tres Theologiæ Candidatos, Doctores creandi renunciandique concedere debeas: Tuam Magnif. & meo & Candidatorum nomine majorem in modum rogo, velis hos omnes & singulos favore & benevolentia complecti, mihi que pro ea, quâ nunc polles, auctoritate, potestatem dare creandi renunciandique ipsos Theologiæ Doctores, ornandique omnibus im-

muni-

munitatibus, privilegiis, ac juribus, quibus Ordo ille noster ubique terrarum sive de jure sive de consuetudine gaudet. Quod Serenissimo Principi nostro gloriosum, Academiae honorificum, Candidatis salutare, omnibusque spectatoribus gratum & acceptum erit.

Responsio Dn. Procancellarii.
Spectabilis Dn. DECANE.

SI quid unquam protulit gravissimus scriptor Aristophanes constanti perpetuae experientiae suffragio comprobatum, illud sane est, quod in Hecuba ipsius legitur : *ἔτι γὰρ ὁ μισθὸς ἔστιν, ἐς' ἃς ἡ τίχνη*, ubi nullum premium, ibi nec ars viget. Quantumvis enim, Silio Italico judice, ipsa virtus sibi met pulcherrima sit merces, & sua luce conspicua aversetur auxilium commendationis aliena, quod ait Symmachus ; ea tamen humani est ingenii conditio, ut non immerito scribat Juvenalis :

— — — *Quis virtutem amplectitur ipsam,*
Pramia si tollas ? — — — — —

Nibil enim, dicente Tacito, à quoquam expetitur, nisi cujus fructus ante providerit. Sed (verba recitabo Livii) eo impenditur labor, unde emolumentum ac honos speratur ; & nihil non aggrediuntur homines, si magna conatis magna pramia proponantur. Quod ipsum expendentes, qui, ut humanae divinaeque sapientiae studia promotum irent felicius, Academias primum sive Universitates, tanquam optimarum artium scientiarumque officinas quasdam, per Europam condiderunt, prudenti simul instituerunt consilio, ut iis, qui excellentes in Theologia, Jurisprudencia, Medicina, ac Philosophia fecissent progressus, DOCTORUM, LICENTIATORUM, & MAGISTRORUM tituli, una cum amplissimis, quae iis adhærent, privilegiis, solenni ritu & ceremonia conferrentur : non tantum, ut justa hoc pacto pramia consequerentur, debitaque gloria mactarentur, qui ad eruditionis quandam veluti *ἀκμὴν* jam pervenissent ; sed & alii exemplum inde caperent, splendidisque honoribus istis excitati, eidem virtutum tramiti insistere impigre sustinerent. Alit quippe *amulatio*, illa nimirum, quae non virtuti aut alienae invidet excellentiae, sed ea destitui se dolet, & egregiis experimentis ad eam aspirare contendit ; illa, inquam, *amulatio* alit ingenia, & juniores seniorum gloria succrescunt. Unde Plinius Junior, ubi Cottio statuam positam dixerat, eo honore non modo defuncti memoriae, verum etiam **EXEMPLO** prospectum esse, addit ; acuer enim ad bonas artes juventutem tanta pramia constituta. Et de Themistocle memoriae proditum novimus, quod gloria, quam Miltiadi victoria de Persis reportata pepererat, ita accenderit ipsius animum, ut quasi extra se pos-

positus, Athenas perambulare, Miltiadis se tropæis e somno excitari dicens. Similiter Thucydides æmulatione Herodoti incensus fuit ad condendam historiam, tanti factam a Demosthene, ut octies manu sua describeret, & ab Imperatore Carolo V, ut eam secum in expeditionibus semper circumgestaret. Taceo Alexandrum M. quem Patris Philippi gloriam torfisse, taceo Cæsarem, quem ipsius rursus Alexandri fuisse æmulum, neminem facile præterit. Hæc ergo cum ita se habeant, quidni lubentissime tuo satisfaciam desiderio, Spectabilis Dn. Decane, quando videlicet abs me, qui CANCELLARIi vices in præsentis sustineo, contendis, ut potestatem Tibi faciam perquam Reverendis istis Clarissimisque viris distribuendi præmia, quæ virtus ipsorum dudum meruit ac eruditio? Itaque auctoritate S. Romanæ Cæsareæ Majestatis, jussu autem & voluntate Reverendissimi Serenissimique Principis ac Domini, Dn. CHRISTIANI ALBERTI, Electi Episcopi Lubecensis, Heredis Norwegiæ, Ducis Slesvici, Holsatiæ, Stormariæ & Dithmarsicæ, Comitis Oldenburgensis ac Delmenhorstani, Academiae suæ Rectoris Magnificentissimi, Domini nostri clementissimi; qui hanc mihi provinciam suo loco administrandam gratiosissime demandavit; Tibi, Admodum Reverende & Amplissime Dn. PETRE MUSÆE, S. Theol. Doctor & Professor primarie, Pro-Rector Magnifice, Decane & Promotor Spectabilis, Tibi, inquam, quod petisti, licentiam concedo, præsentibus illos, pietate, eruditione, virtute eximiisque in Ecclesiam ac juventutem meritis pridem celeberrimos viros, PAULUM nempe SPERLINGIUM, S. Theol. Prof. Ordin. & Ecclesiarum Ducalium in Præfecturis Holsatiæ Præpositum, M. MATTHIAM WASMUTH, Lingg. Orient. Prof. Ord. & h. t. Facultatis Philosophicæ Decanum, M. STEPHANUM KENKEL, Ecclesiæ Tunderensis Pastorem primarium, ejusque juxta ac Lygomonasteriensis dioceseos Præpositum, S. THEOLOGICÆ DOCTORES majorum more creandi & renunciandi, conferendi item ipsis omnia privilegia, quæ quidem, tum de jure & consuetudine communi, tum speciatim vigore diplomatis Cæsarei sub nuperam Academiae hujus nostræ inaugurationem publicati, gradui isti ac titulo sunt annexa: simulque DEUM veneror, ut hæc omnia vergere faciat in majorem sui nominis gloriam, Ecclesiæ salutem, Academiae nostræ splendorem, & ipsorummet Dnn. Doctorandorum decus ac emolumentum!

Ad hæc ita Decanus:

Nihil neque mihi, neque Dnn. Candidatis accidere poterat gratius, quam quod sine morâ, Magnifice Dn. Procancellarie, expectationem desiderii nostri humanissimè explèsti, mihi que potestatem dedisti, non modò Do-

Stores renunciandi tres Theologiæ Candidatos, sed & omnes immunitates, omnia jura, & privilegia, in ipsos conferendi. Officium mihi, quod gratè interpretor; Dn. Candidatis etiam beneficium præstitisti, pro quo ipsi Tux Magnificentia debitam observantiam, fidem, propensam voluntatem, cunctaque studia, reponunt, & sanctè pollicentur. At statutis Academix cautum est, ne quisquam summos in ullâ Facultate honores consequatur, nisi prius in præscripta quædam capita, quæ servari Academix nostræ interest, ad Sceptra Academica, juramento se obstringat. Ades igitur, Minister Academix, & consuetam juramenti formulam clarâ voce prælege.

Juramentum.

Primùm debetis jurare:

1. *Vos contra Serenissimam Domum Slesvicensem Holsaticam nihil velle fraudulenter suscipere.*
2. *Vos velle Academia commoda pro virili promovere, & incommoda avertere.*
3. *Vos etiam velle Venerando Collegio Theologico debitam reverentiam exhibere, ejusque statuta, quantum quidem ad Vos pertinent, servare.*
4. *In specie autem semper illam fidem profiteri, qua in Augustana Confessione, hujus Apologia, Articulis Smalcaldicis & utroq; Catechismo Lutheri continetur.*
5. *Denique in docendo sanam verborum hypotyposin servare, & abstinere ab omnibus locutionibus & controversiis, qua turbas dare in Ecclesia possint.*

Sic Vos Deus adjuvet!

Renunciatio cum ritibus.

QUOD igitur DEUS T. O. M. in sui Nominis gloriam & honorem, Ecclesiæ incrementum, Reip. emolumentum, Patriæ ornamentum, & Academix hujus splendorem, Candidatorumque ipsorum commodum feliciter evenire jubeat!

Ego, PETRUS MUSÆUS, SS. Theol. D. & P. P. hodieque Decanus & Promotor, autoritate S. Rom. Cæsarea Majestatis, & Serenissimi Cimbrorum Ducis, Domini nostri Clementissimi, indultu, vos universos ac singulos, nominatim;

Te DN. PAULUM SPERLING, SS. Theol. Prof. Publ. Ecclesiarum Ducalium in Præfecturis Holsatiæ Præpositum;

Te DN. MATTHIAM WASMUTH, Hebr. & Orient. Lingu. Prof. Ord. & hoc temp. Fac. Phil. Decanum;

Te DN. STEPHANUM KENCKEL, Ecclesiæ Tunderensis Pastorem primarium ejusque juxta ac Lygomonasteriensis Diœceseos Præpositum;

Vos

Vos, inquam, omnes & singulos, citra eruditionis & honoris præjudicium ita locatos, SS. Theologiæ Doctores, solenni Majorum ritu, creo, renuncio, proclamo, simulque omnes immunitates, jura omnia & privilegia confero, quibus noster ille Ordo sive de jure sive de consuetudine ubique terrarum gaudet; idque in nomine *ἁγίου* Divinitatis, Dei Patris, Dei Filii & Dei Spiritus Sancti.

Et quia piæ Antiquitati placuit, partim solennitatis majoris, partim utilitatis insignis causâ, Promotionibus Academicis ritus quosdam addere; neque illos à nobis negligi, aut prætermitti fas erit. Agite itaque, Admodum Reverendi & Clarissimi Dnn. Doctores, in hanc *Cathedram* ascendite. Cathedra hæc docentibus destinata est. Eoque cum S.S. Theol. Doctores audiatis, mementote, vestrarum esse partium, id agere operamque dare sedulo, ut alios de cathedra eruditè & utiliter docere possitis. Admonendi tamen estis, nemini de cathedrâ docere esse integrum, nisi qui publicâ auctoritate fulgeat. Prælatas vidistis, jamque videtis *ardentes faculas*; non ornatus tantum causâ: sed ut vestri commonefiatis officii, rati, decere S.S. Theologiæ Doctores, summâ in id opum vi eniti, ut doctos inter Viros, facularum, aut præcipui inter stellas sideris instar, splendeant, aliisque & eruditione, & virtute, vitæque integritate longè antecellant, nihil quidquam commissuri, quod Amplissimo ordini nostro dedecori esse possit.

Jam porro *Libros apertos* Vobis sisto: nempe ut cogitetis, in tantâ studiorum Theologiæ varietate, ac amplitudine, ad absolutam & perfectam notitiam, Vos nondum pervenisse, nec perventuros unquam, sed per totam vitam fore, quod legatis, quod discatis, quod meditemini; & idcirco perquam sedulo nunquam non evolvendos esse libros.

Iterum *clausos libros* volo, ut intelligatis, ita Theologiæ monumenta, evolvenda & memoriæ insigenda esse, ut remotis etiam iis, & vel furto, vel incendio, vel alio casu sublatis, nihilominus sacra Christianæ fidei dogmata explicare, confirmare, dissentientium errores refutare, adeoque dignè locum, quem tenetis, tueri queatis.

Pileum insuper suo cujusque capiti impono. Libertatis olim insigne fuit pileus, ad quem cum vocarentur servi, in libertatem vindicari intelligebantur. At nemo magis liber censendus est, quàm qui ignorantia ac ruditis vitiorumque vinculis solutus, contraque liberalibus studiis ac virtute ita est imbutus, ut sibi ipsi prospicere, aliisque præesse possit. Pilei istius color *purpureus* est, eoque purus quidem & immaculatus, sed maculari facile potest, nisi diligentissimè custodiatur & asservetur. Ita S.S. Theologiæ Doctores ab omni vicio alienum & defœcatum habere animum oportet, adeo, ut etiam à minimis quàm maximè sibi caveant, recogitantes, se id vi-

ta genus delegisse, in quo etiam leves maculae, & minimi errores, magis, quam in ullo alio, notam mereantur.

Sed & *aureo* exornandi *annulo* estis. Annulus hic constantiae & puritatis est indicium. Quemadmodum enim aurum metallorum purissimum, & in igne constantissimum est; ita Vos veritatem sine fuco, sine simulatione, constantissimè decet tueri, ut ornamento hoc vos esse dignos, omnibus testatum faciatis.

Osculum denique Vobis figo. Sinceri amoris, pacis, & amicitiae signum est osculum. Ecquos verò magis pacis, ac concordiae, Christianaeque caritatis studium, quam S. Theol. Doctores deceat? Monemini itaque hoc ritu, ne excitare rixas & lites; excitatas, quantum in Vobis est, maturè dirimere denique concordiae ac paci summâ intentione studere velitis.

Quod superest, Vobis, admodum Reverendi Dn. Doctores, novos honores ex animo gratulor, Deumque precor, Ecclesiae & Reipublicae utiles, Academiae nostrae honorificos, vobis omnibus diuturnos, salutares faustos ac felices esse jubeat!

(Lit. G.)

ORATIO II.

DN. ERICI MAURITII, U. J. D. ejusdemque Professoris Primarii.

*VIRI Munerum, Generis, Doctrina laude Incluti,
Tuque lectissima Studiosa juventutis Corona.*

Quod solenne esse solet in publico dicturis, ut circa Orationis initia, veniam conatus sui culto sermone impetrent, aliorumque ad audiendi patientiam animos invitent, eo labore, Auditores omnium Ordinum Honoratissimi, Vobis non invitis, me supersedere posse modo, ni fallor, rectè existimo. Nec enim sponte mea locum hunc conscendo, sed ordinis nostri autoritate, & vestro, conscripti Patres, imperio. Quare muneris necessaria ratio facilè à temeritate absolvere institutum, quod tam parùm mei habet arbitrii. Sed & erectos video vestros ad audiendum animos, & ipse, si non aliunde, ab ingenii tamen vestri bonitate, non satis doctae dissertationi promitto gratiam. Quod si quid etiam in eo ad benevolentiam vestram momenti est, de argumento verba facere destinavi, quod nec à solenni hujus diei gaudio alienum sit, & cujus me-

moria

moria ad omnes pertineat, cum incertis tamen argumentis disceptetur hætenus. Nempe ne Caji J Cti in nos iusta sit reprehensio, aggredi nos quicquam origine non repetita & illotis manibus, ex antiquis annalibus repetemus sepultam penè honorum, quos Collegium nostrum hodiè conferre Consultissimis ac Clarissimis Dominis Candidatis animum induxit, principia & primam originem. Tentabimus etiam, quantum quidem ingenii, quod fatemur esse exiguum, permittet tenuitas, scrutari rem exactius, ac quædam vulgo non perinde comperta Literatis nostrorum Observationibus addere, unicè securi vestræ benevolentia, quam multis indi- ciis jam ante compertam, frequenti præsentia, ac illa silentii modestia, iterum confirmare voluistis.

Qui de summis honoribus ac impensæ in meliores litteras operæ præ- miis aliquid memoriæ prodiderunt, cum in plerisque reliquis ferè conve- niant, in uno hoc à se invicem varie disident, cui tempori, loco, auctori, primam debeat Eruditus Orbis graduum, ut vocant, memoriam. Nec anni unius aut alterius, quod temporum computatoribus frequens, sed seculorum, & plurium sæpe, discrimen est, quod sententias Doctorem separat. Etiam de gente pugna est, & ex Oriente repetunt aliqui morem, cujus initia, majori veteris historiæ fide domi inveniuntur. Jam diu est, quod Sebastianus Schröterus 2. Historiæ, quo Orbis situm explicat, volu- mine, advectam è Sinarum regno, quo tempore penes Lotharium impe- rii summa fuit, Doctores creandi consuetudinem, Lectori persuasum vult. Judæorum hanc primam laudem esse putat Doctissimus Heigius, qui Rab- binorum nominatione exemplum, quod in Doctorem creatione sequen- tur, dederint Christianis. Waltherus, etiam Græcorum Philosophis, quod docerent, ambiguitatem nominis ad Doctorem titulum prodesse vult, pa- rum sane memor, qualem ipse descripserit Doctorem. Zasius, ut ple- rumque aliarum rerum, ita hæc etiam ad Romanos refert initia. Quare e- nim dixerit Pomponius, Divum Augustum constituisse, ut major esset Juris auctori- tas, ut ex autoritate ejus responderetur, & ex illo tempore id peti pro beneficio capisse, quod reperit de Tiberio. Neque defuisse examina, cum Hadrianus non peti id à se modo, sed præstari debere, Prætorianis re- scripserit. Nec aliter illi, qui Magistris nobis ac legum etiam Doctores totidem verbis in Justiniani Juris libris monstrant. Christoph. Besoldus o- mnium Doctorem primum, ex fide quidem Germanicæ Historiæ, quen- dam Ottonis II. Consiliarium è nobilissimo genere de Wangensfeldt circa se- culi decimi extrema facit. Plerisque ac Magnis Viris auctor hujus institu- ti Lotharius creditur; eum sanè potestatem hanc anno 35 seculi duodecimi, Irnerio concessisse, ac Bulgarum, Hugolinum, Martinum, Pileum, titu-

lis his nobilitasse. Atque hæc ferè communi, Boceri etiam, consensu probata opinio, hodie ut magnos Autores, ita veri plurimum habere judicatur. B. Rhenamus, Vir Germanicarum rerum, si quis alius, peritisissimus, commentario suo in Tertullianum, post laudandam, quam in hac disquisitione, posuit operam, nil Lectori, nisi conjecturas & dubiam mentem relinquit. Et Dresserus Millenario sexto illa de promotionibus his scribit, quibus refellendis non nisi verbis ejus opus sit. Ex iis, qui præter Germanos curiosa inquisitione hæc investigarunt primordia, Majolus præcipuè tuetur docti nominis decus, nec aliud tamen ipsi tandem compertum est, quam nullis antiquioribus natalibus glorificari posse titulos hos anno millesimo centesimo sexagesimo, at quo tempore cœperint deinceps, id juxta scire se ostendit cum ignarissimis. Anglus anonymus, quo autore prodiit Apologia Antiquitatis Academiæ Oxoniensis, hæc se hâc in parte disertis verbis fateretur. Et Polyd. Virgilius, præclaris de Rerum Inventoribus libris, satis silentio suo testatum facit, defuisse sibi exactam rei notitiam. In tantâ animorum varietate & historiæ obscuritate jaciemus tamen aleam & vela commitemus ventis. Vestrum erit judicium, Auditores optimi, an portum attigerim, an in vasto illo tot opinionum mari, fluctibus & ventis ludibrium debuerim.

Jam, ut hinc refellendi falsa faciam initium, quam non est verisimile accepisse hos honores è Sinensium Imperio nostros? cujus, tam longinquis terrarum intervallis à nostris regionibus separati, nec fama ad nos pervenerat, antequam Marcus Paulus Venetus primus, quod ego sciam, eam Europæ nostræ inferret. Successerunt deinceps Mandervillei, & Lusitanorum ac dein Belgarum & Anglorum in illas oras peregrinationes. Cæterum, ut illo tempore, quo ignota Europæ provincia, nihil novi inde ad nos derivari potuit, ita Marci Pauli Veneti reditum in Europam antevertunt jam ista dignitatum hujusmodi nomina. Nempe, anno demum circiter septuagesimo, sæculi decimi tertii is Venetias appulit. Sed nec ipse quidquam adhuc de gradibus Doctorem apud Sinenses memorat, nec fortassis cognovit, quæ posteriorum demum seculorum curiositate patuerunt Lusitanis. Saltem id dubio vacat, nullam, quæ ab ipso commemorabantur, invenisse apud suos fidem: quod rebus tam magnis, licet verisimilis, non adsuevissent adhuc nostrorum animi. Ut vel hoc nomine auctoritatem instituto huic facere, non potuerit in exterorum Academiis, cui etiam inter gentiles suos deesset fides. Sed, ut convenient quoque in multis cum nostris, gradus hi Sinensibus usurpati, falletur tamen haud dubiè, qui in omnibus componi posse crediderit, & observamus sæpè in diversis populis rei ejusdem vestigia, qui nulla tamen commerciorum societate, sed solum occulto quodam naturæ & ingenii

ingenii consensu in unam sententiam conveniunt. Sane quod Martinius Jesuita scribit, inveniri inter Sinenses diversarum sectarum Philosophos Europæ nostris similes, quorum alii eadem cum Aristotele, alii cum Epicuro ac Zenone doceant, nemo crediderit pervenisse ad illos à Græcis Magistris, sed ab eâdem illa Natura, quæ æquales conceptus Sinensibus ac Europæis indidisset. Nec efficiet Heigius, aut, qui illum sequitur Jacobus Altingius, ut ad Judæos inventi hujus laudem pertinere credamus. Est quidem apud illos Rabbiorum creatio antiquissimi temporis, ac habet haud dubiè plurimorum seculorum ætatem, dignitatem quandam contineri Rabbini nominatione, conferri à Synagogæ Magistratu, juberi talem appellari, qui creatur, ab omnibus, statutâ in refractarios excommunicationis pænâ, addi etiam privilegia, talia esse fatemur, quæ in Doctores nostros congruant etiam. Sed quod nullo examine, verum privatis in compito discursibus explorata, quævis etiam levis eruditio facilem aperit aditum Judæis ad hunc titulum: quod pœnas confestim aliis etiam graviorum delictorum, furti, homicidii, adulterii reis irrogant; quod excommunicationis permissa Rabinis in alios licentia; ac quod nulla Imperiali autoritate vel pompâ tales creantur, illos, Judicis munere, examen neglectu, & privatâ promotione, à Doctores nostris facile discernunt. Quin, quæ de illis in nuperimè aucta Parentis sui Synagoga Judaica memorat ex aliis Buxtorfius filius, integro capite, omnibus haud difficulter Doctorum nostrorum & Rabbiorum differentias ostendere idonea sunt.

Quid quod ipsi fatentur, illustrius Doctorum nostrorum nomen, cum illos cum iis comparant, quos Morenu recentiori vocabulo ac fatente Tzemach David ante ducentos demum annos nato, ad imitationem haud dubiè Christianorum, appellant. Nec Indorum Brachmanes mihi quis objiciat, quos antiquissima Fama verissimis testimoniis Doctores Indorum celebravit; Nam antiquos esse & doctos non nego: sed sectæ id & familiarum, non gradus alicujus nomen esse, nostrâ ætate abundè probarunt oculati testes, Vincentius Blancus, ac illò uberius nuperrimè Abrah. Rogerius, qui decennii mora ad Indos, ex ore ipsius Pachmannabæ, inter nostræ ætatis Brachmanes præcipui, hausit, quæ Belgico sermone ante hos octodecim annos literis mandavit. Habet quidem Oriens, qua parte Lusitanorum olim & modo Belgarum navigationibus patet, Martabanæ regnum, & Grepos & Thalegrepos, homines doctos, quibus maximum apud Reges ipsorum pretium, ac quibus cum colloquia sua recenset Ferdinandus Mendez Pinto Lusitanus; sed satis colligere est ex iis, quæ ille narrat, non magis graduum nomina hos titulos esse, quam apud Turcas illa Dervisorum, Torlaquiorum, Calendriorum, Geomailerorum, quibus certo religiosorum hominum,

num, vel Ordini Clericorum addictos homines, &, pro ipsorum modulo doctos quidem, non tamen solenni promotione ad honores Doctorem proventus notant. Nec enim Turcis quoque quicquam tale notum, è quibus satis certo errore Cadilesquierios in Doctorem nomen adoptat, Vir ceteroquin exactissimæ diligentia, Nicolaus Nicolai, Dominus Arbevillæ ac Galliarum Regis Geographus, & ad Solymanum Imp. Francisci I. & Henrici II. Galliarum Regum Legatus. Nam Judices esse illos supremos Turcicos, ad quos ab inferioribus appelletur in toto Imperio, solum duos, pares præsidibus, & octo millibus Ducatorum ali in singulos annos, ipse fatetur & consentientibus Leonhardi Rauchwolffii & Sansovini suffragiis certum est, quæ talia sunt, ut Doctores nostris minime convenient. Et est Turcarum profecto eruditio & in literas meliores amor tam exiguus, ut titulos illos ex eâ gente nemo mereatur. Dominus du Loer, qui comes Gallici Legati non ita pridem Constantinopoli vivebat; literis ad Paillierum scriptis, mense Augusto Anni M.DC. XL. præter Alcoranum, elementa Euclidis solum & Avicennæ quædam ibi se vidisse, testatur, nec doctos ipsorum, præter legem Corani, & Mathematica & Logica quædam, quidquam scivisse. Nihil ergo hæcenus nobis compertum habet Oriens, quo certò gloriari possit, derivatum hunc ad nos ex Asiâ morem conferendi ista Literatis præmia. Sed fortassis Græcorum Philosophi iidem cum Doctores nostris? Et fatemur certè, docuisse hos, quis enim id de Pythagorâ, Socrate, Platone, aliis neget? Sed nos solennes hos titulos publicâ autoritate & certis ceremoniis collatos & privilegiis ornatos quarimus, non docendi solum facultatem, quam, absit ut Doctissimis Viris negemus. Neque ut aliud sentiamus, pallium Sophisticum Photio in Bibliotheca memoratum effecerit, quod nemini Athenis gestare licuisse, in expedito est, nisi qui solenni ritu & Sophistarum suffragiis id impetrasset. Petulantis enim juventutis ludum, non legitimæ promotionis indicium fuisse, quæcunque Photius ibi recenset, quivis facile odorari potest, qui nasum habet. Ad Romanos venio & Augusti tempora, ac respondisse quidem eo tempore ex autoritate Imperatoris aliquos, dubio vacat. Cæterum qui inde collegerit, eo ipso collatam Doctores dignitatem, nã, is ita acutum cernit, ut serpens Epidaurius. Certe non omnibus, nec à Doctores, verum ab Imperatore, nec in Scholæ, sed Fori usum id, quicquid est, concessum fuisse, extra controversiam est: Et si Jurisperiti Doctores vocantur aliquando posterioribus, Diocletiani, Juliani, Theodosii, Justiniani Imperatorum legibus, id inde est, quod docerent. A munere ergo illis hoc nomen, non à dignitate & gradu. Nec Doctores alii, quàm qui docerent vel docere, ob privilegium vel ætatem, defuissent, Professores. Quod si ul-

si ullo instituto ad honores hujusmodi Imperiali auctoritate & Academia-
rum consensu vocata fuit juvenus, cur, ubi Romanam, Constantinopoli-
tanam, Berytensem Academiam, in quibus solis jure permissa facultas erat
docendi Civile jus, in legibus nostris ac alibi commendatam legimus, nec
vola nec vestigium extat tam laudandi moris. Vir Clariss. Johannes Strau-
chius Jenensis olim Academix Professor Doctissimus dissertatione, quam in-
scriptit Berythus, multa de Academix illius antiquitate, urbis æquali ferè cum
Sidone & Tyro nobilitate, discipulorum juri addictorum in invidiam Liba-
nii Rhetoris usque numero, Auditorum splendore, Professoribus Dorotheo,
Anatholio & aliis, & terræ motu, quo demum concidit, undique collegit, de
honoribus his nihil post diligentissimam curam reperire potuit, haud vano
argumento, defuisse, qui tale quidpiam tradidissent, Scriptores. Nec suspi-
cio esse potest, fuisse deinceps Romanis moribus probatam hanc consuetudi-
nem, post Imperii totius cladem, & Academiarum trium, totidem adversa à
terræ motu, barbarie, & Barbaris, fata. Sed vocat ad se Orationem primus
ille Besoldi Doct̃or & Nobilis à Wangfeld/ & Ottonis II. Consiliarius. Cur,
falli credamus, quæ & de nomine & titulo & annis etiam, tam audacter & fi-
de quidem veteris German. historix pronunciat. Ego verò vellem, nomi-
nasset Germanicos, quorum auctoritate fidem fabulæ quærit; Historicos. Nec
Urspergensis Abbas, ipse Legum peritus, nec Sigebertus, rerum illius seculi
diligens, si quisquam alius, notator, nec ullus demum, qui eo tempore litteris
famam extendit, quo Otto II. vixit, tale quicquam memorat. In unâ auto-
ritate Autoris glossæ Weichbildicæ, prora & puppis hujus est sententiæ. Sed
qui ista sibi persuaderi patietur glossæ hujus fide, nã ille dignus est, qui cre-
dat etiam, Constantinum M. Saxonibus dedisse Leges, & Carolum M. Auto-
rem esse Speculi, quod quadringentis post annis demum Autorem habuit,
Epconem à Rebko, quod præcæmum Speculi & glossa Weichbildica (ita loqui
mihi liceat) cum sexcentis hujusmodi aniculis narrat; quæ levissima, imò
nulla fide niti omnes norunt, quibus cor sapit. Nec prolixè nos detinebit,
Lotharius, quem peculiari privilegio hanc gradus dispensandi potestatem,
Irnerio & Successoribus fecisse volunt. Qui ista credunt, quid reponent Si-
gonio ac bonæ notæ Scriptoribus aliis, qui Anno millesimo centesimo quin-
quagesimo fati concessisse Irnerium evincunt? Nam quod Bulgarum, Hugo-
linum, Pileum, Martinum, Doctores aliqui dicunt, hanc causam habet, quod
jura Bononix docerent ac profiterentur, non quod solenni promotione ac eo
ritu, qui hodiè usurpatur, ad hujus nominis fastigium elati essent. Atque in-
de est, quod non Doct̃orum solum nomine, sed Magistrorum quoque juris
veniant Ottoni Murenz in Landensi Chronologiâ: Inde studiosorum Bono-
nienſium illa de quatuor his Jurisperitis ad Irnerium morientem apud eun-

dem Murenâ Oratio : Domine ! quem vultis post mortem vestram Doctorem nobis constituere ? Et monuit jam pridem Clarissimus CONRINGIUS, non eò pertinere hæc nomina quo plerique existimant. Satis hætenus operæ in falsis refellendis posuimus : Veri tandem aliquid & liquidi, Auditores Honoratissimi, à vobis expectari certus sum. Et verò, faciam, quod Jure vestro à me postulatis, & breviter. Seculum erat Octavum à Nato SALVATORE nostro, cum oppressis Barbarorum furore & stupidâ ævi negligentia literis, Carolus, qui à rerum gestarum magnitudine Illustre Magni nomen, habet, animum ad revocandam earum dignitatem adjiceret. Ergo Alcuini consilio primum omnium Lutetiæ Parisiorum, selectis ex Britannia monachis, ubi tum omnis latebat eruditio, Academiae fundamenta jecit. Rudia tamen & quæ satis testarentur, non esse se nisi prima saltem. Nec enim Theologia ibi circa ortum scholæ docebatur, nec ullus adhuc erat Juris vel Medicinæ studio cultus. Solam Philosophiam, nec integram, sed è quadrivio, ut vocant, Grammaticam, Rhetoricam, Dialecticam & Arithmeticam, Geometriam, Musicam & Astronomiam parum à Præceptoribus accipiebant discipuli. Servat adhuc antiquæ tenuitatis vestigia, electione Rectoris sui, qui ideo, ut Johannes Filescus, Doctor Sorbonicus, accurato libro de origine statutorum Facultatis Theologicæ Parisiensis tradit, quovis anni quadrante ex Philosophis solum & artium Magistris eligitur, *quia sub primam institutionem, verba ipsius recito, Caroli Magni sola hæc Facultas in usum est recepta.* Accessere paulo post Theologiæ studia seculo, ut videtur, decimo. Juris doctrinam adjecit seculum duodecimum, sed & reliquorum studiorum augmento magis magisque deinceps florere cepit. Cæterum nec in hac ipsa Scholâ, vel aliâ, ullum promotionis certæ, tribus prioribus, quo ipsa nata est, seculis, extare indicium, vel in historia, vel in archivis Academiae, facile omnes consentiunt. Quin jam dudum ostendit Majolus, præmia hæc ante Lombardi sententias & Gratiani Decretum non fuisse usurpata, quo ipso efficitur, nec Magistros fuisse ante annum millesimum centesimum sexagesimum. Cæterum quod ignoravit Majolus, id nos doceat Alexander III. Pontifex, nondum venisse in usum gradus hos suâ ætate, id est ab anno sexagesimo ad octuagesimum secundum. Ex ejus enim Constitutionibus, quæ exstant lib. 5. tit. 5. Decretal: *de Magistris, & ne aliquid exigatur pro licentia docendi,* & in Concilio Lateranensi ipso Pontifice habito, nihil de gradibus; id verò, quod adversum illis est, pronunciat, *ad docendum admitti debere omnem, qui sit idoneus.* Theologos etiam Parisienses in nullam societatem (Facultatem hodiè vocamus) convenisse, expeditum est, ante seculum XIII. sed Professores nullo graduum discrimine, aut communi Auditorum consensu ad docendum vocabantur adhuc toto Philippi Augusti imperio (præfuit is ab anno usque millesimo centesimo octuagesimo

simo ad milles. ducentes. vicesimum tertium) ut ne sic quidem etiam Theologi eo tempore habuerint alios, quàm qui à docendo nominabantur Doctores. De jure expeditum est, antè Innerium JCtos nec Cathedram in Academiis publicam aliquot seculis habuisse, nec Auditores. Cæpit is, Lotharii ævo, tradere Juris doctrinam. Sed graduum ab ipso aut Successoribus ad hunc millesimum ducentesium vigesimum tertium annum collatorum nulla sanè reperitur mentio. Nec Medicorum aut Philosophiæ alia ratio. Sed qui nondum cæperant anno milles. ducentes. vigesimo tertio honores, eos collatos esse septennio post anno millesimo, centesimo trigesimo primo, ex Bullâ Gregorii IX. Papæ, quam servavit nobis Gabriel Naudæus tract. de Antiquitate Medicæ Scholæ Paris. in propatulo est. Verba ejus, quod primum habeant præmiorum hujusmodi indicium, quamvis barbara non nihil, quid vetat adjicere. De Physicis autem & Artistis ait: Cancellarius promittet, bonâ fide examinare Magistros, & non nisi dignos admittens repellet indignos. Nihil autem causæ est, cur credamus, concessum id fuisse Philosophis, non etiam reliquis. Ut primam graduum originem Gallix ac Parisiensi Academiæ seculo decimo tertio ejusque annis, qui inter millesimum ducentesium vicesimum tertium, & millesimum ducentesium trigessimum primum intercedunt, deberi, nunc in expedito sit, triplici ratione, primum, quod literaria monimenta nihil nobis antiquius commonstrent; tum, quod antiquissima hæc Academia, etiam in aliis reliquis Europæ Academiis exemplum dederit, quod sequerentur: & quod Baccalaureorum Gallicus Titulus originem suam satis prodat. Ex inde non intra Parisiensem solùm Academiam mos hic se continuit, sed effuso velut agmine Doctores & Magistros ex aliis Academiis prodire vidimus. Nec tamen eadem adhuc vel circa juris vel alios Doctores, leges. Sed (ut fieri consuevit) rudia honorum hujusmodi initia habuerunt, quæ correxit melior seculorum nostrorum ratio. Sanè non Licentiatos solùm aut Doctores, sed Baccalaureos etiam Theologiæ, Juris & Medicinæ creari mos erat, ut passim ex ejus ævi monumentis discere est. Quid quod Augustus Elector adhuc constituit, Baccalaureos creari in singulis facultatibus (ut vocant) Constitutione de Academiis, quæ extat inter editas in novo corpore Saxonico. Duravit etiam in Academia Tubingensi adhuc ad annum millesimum quingentesimum trigessimum nonum Baccalaureorum in Jure gradus, & in statutis Facultatis ejus antiquissimis, scriptis decimo tertio Septembris die ejus anni, peculiari paragrapho definitur, quid Candidato solvendum sit, ut fiat Juris Baccalaureus. Nova ramen Facultatis Statuta Anni millesimi sexcentissimi primi monent, desuisse usurpari morem creandi Baccalaureos hominum memoriâ. Quod magis mirum videri possit, in

ipsâ urbe Bononiensi, quadriennio post Gregorii Bullam, in quâ Magistrorum mentio, etiam in sequiori sexu honoris hujus exemplum vidit Academia. Hilarius de Costa *primo tomo elogiorum part. 3.* qua virtutes & vitas Reginarum, Principum, ac doctarum faminarum celebrat, rem in hunc modum recenset: *Belysia Godsatina filia Bononiensis Nobilis amatoris Godsatini cum pro colo & acu literas & juris studium elegisset, anno millesimo ducentesimo trigesimo secundo, atate viginti trium annorum, docta & Latina Oratione memoriam Ludovici Fratte Episcopi Bononiensis, celebravit: Triennio post in celebri Bononiensi Academia supremos in jure honores à Collegio Juridico impetravit, publico deinceps ex variis nationibus Auditorio Institutiones Bononia explicavit & libros plures, qui sub nominibus fidei lucem adspexerunt, conscripsit.*

Nec longe post hanc ætatem, Isabellam Loysam de Cordua, Latinè, Græcè & Hebraicè doctam, supremos in Theologiâ honores accepisse, ac Monasterio S. Claræ intulisse, idem Auctor memorat. Sed ne sacra hæc ad feminas pertinerent deinceps, optimâ consuetudine receptum arbitror. Id saltem addo, non integro post initia seculo, jam ea frequentia natos Doctores, ut varios abusus notarit Clemens V. Pontifex cap. 2. inter Clement. Constitutiones tit. de Magistris, & ne aliquid exigatur pro licentiâ docendi.

Satis ex his, quæ diximus, liquet, nullos etiam habuisse Germaniam nostram ante has, quas memoravimus gentes, Gallicam & Italicam, summos in literis honorum gradus, quos Doctoreos vocamus. In veteri Germaniâ barbara omnia, Cæsar, Tacitus, Plinius, invenere, & omnis doctrix nomen Druidum & Bardorum scientiâ absolvebatur, qui cum Flaminiis Romanorum quidem non-nihil, cum Doctoreis nostris nihil commune habent. Accepit deinceps Monachos, Deus bone! quam plerumque rudes, saltem nihil minus prioribus seculis, si paucos excipiat quis, quam Doctores. Primus in Germaniâ Doctor, quem ego quidem reperire potuerim hæctenus, seculo decimo tertio est Johannes Semeca, Præpositus Halberstadiensis, Italiæ etiam Teutonici nomine notus, ac anno ejus seculi quadragesimo quinto vitâ defunctus. Conscriptis omnium primis in Decretum glossis celebris. Sed ille quidem extra Germaniam hoc titulo donatus est. Cæterum in Germaniâ ipsa primum Pragæ seculo decimo quarto collatos hos titulos extra controversiam est. Saltem tum enim illa prima omnium Germaniæ Academiarum cæpit, nec dubium, ut reliqua, ita etiam Doctores creandi morem ad illam pervenisse.

Sed quò me vocat Orationis impetus? Ad id pervenio, quod hujus diei festiva solennitas exigit, ac Doctoreos & Licentiatum titulos, Consultissimis ac Præclarissimis viris tribuere aggredior. Sistimus autem oculis vestris

stris & conspectui, Auditores omnium Ordinum Honoratissimi, Viros Amplissimos & Clarissimos Dn. SAMUELEM RACHELIUM, & Dn. NICOLAUM MARTINI, illum juris Naturæ & Gentium, hunc Politices, Professore in nostrâ Academiâ celeberrimum, utrumque Collegam conjunctissimum, Doctoreis, tum Dn. JOHANNEM GEORGIUM PELLICERUM, Licentiatii titulo & privilegiis decorandos. Non patitur temporis ratio in laudem eorum quæ merentur dicere, nec vino vendibili valde opus est suspensâ hederâ, id tamen securè dixerim, gratulari me novæ Academiæ, & in illâ Facultati nostræ, quod initium conferendi honores nobile, in viris sanè eximiis fecerit. Quia verò publicâ autoritate niti decet hos Titulos, eamque Serenissimus Princeps potestatem vicariam concessit Viro plurimum Reverendo & Amplissimo Dn. CHRISTIANO KORT-HOLT SS. Theologiæ Doctorei & Professore celeberrimo, ideo ad Tuam Magnificentiam pergo, Dignissime Domine ProCancellarie, à tuâque plurimum Reverendâ Dignitate precibus maximis contendo, tum ordinis nostri, tum meo ac Dn. Candidatorum nomine, potestatem summos in Jure, qui & Doctorei vocantur, honores, privilegia, insignia & titulos Dn. SAMUELI RACHELIO & Dn. NICOLAO MARTINI, Licentiæ verò gradum, privilegia ac jura Dn. JOHANNI GEORGIO PELLICERO tribuendi, mihi facere ne dedignetur. Quod si voti compotes nos reddiderit, (id verò speramus de T. plurimum Reverendâ Dignitate omnes) ita referemus in accepti tabulas beneficium hoc, ut cultum & reverentiam debita nos reddituros bonâ fide promittere nihil vereamur.

RESPONSIO DN. PROCANCELLARII.

Spectabilis Dn. DECANE.

ETiam si, ut paulo ante ostendebamus, præmiorum distributio utilis admodum in Republ. sit, & tantum non necessaria, absit tamen, ut veterum Persiæ Regum horumq; similium insolentissima cuiquam probetur insania, qui vitiorum enormitatem constituta mercede provocarunt, & iis, qui vel novum voluptatis genus reperissent, vel nefandis alias criminibus se contaminassent, illustria præmia proposuerunt. Quin potius illis suffragemur, qui VIRTUTI hujusque cultoribus honorem deberi publicasque remunerationes agnoscunt. Virtutem autem heic dum nominamus, vel imprimis intellectam volumus illam literariam, (ut vocant:) sine cujus præsidio & adminiculo esse non possumus omnino id quod volumus, certe debemus; humani, tractabiles, moderati, sapientes, prudentes: quæ bonorum hujus vitæ omnium sola cœleste quiddam ac immortale est, nulli

periculo, casibus nullis, nulli temporum varietati obnoxium: quæ tantum humano generi conducit, quantum nullius, etiam eloquentissimi, lingua declarare potest. Hac enim qui tincti & imbuti, iis apud omnes nationes atque populos summus semper tributus est honos, amplissimaque decreta præmia. Quanquam autem commune quoddam inter se vinculum habeant artes ac scientiæ, & ad unum eundemque finem conspirent cunctæ; si tamen dignitatem earum, si utilitatem inter se conferas, quin harum intuitu altera alteri præferri possit, indeque inter primas numeranda merito veniat Juris Justitiæque doctrina, nullum plane est dubium. Quod si enim Justitia, unanimi omnium consensu, inter cunctas virtutes, quas morales appellamus, principatum obtinet, *Regina* inde dicta Homero, *vinculum humani generis, fulcrum reip., fundamentum omnium actionum honestarum*, Platoni & Socrati, *mater ac nutrix ceterarum virtutum*, Polo Pythagorico, *Lucifero Hesperoque admirabilior*, Aristoteli: si, quod judicat Tullius, tanta ejus necessitas, ut nullum hominum genus, quicumque demum sint, sive in solitudine degant, sive in civitatibus; sive honestum vitæ genus colant, sive turpe ac illicitum, ipsa carere possit: si, inquam, tanta Justitiæ dignitas, utilitas tanta, quidni præcipuis accensenda veniret scientiis, quæ, quid justum, quid injustum sit, decernit, Jurisprudentia? quidni præ ceteris sapientiæ alumnis præmia mereantur splendidissima Jurisprudentiæ cultores? Quos inter cum nomina sua non tantum professi fuerint jam dudum, qui mihi se heic stiterunt, viri multijuga virtute omnigenaque eruditione inclyti; sed eos etiam in ardua ista Juris scientiâ progressus fecerint, ut à Nobilissimo Jctorum collegio digni sint habiti, qui summos eo nomine honores Academicos caperent: idcirco, autoritate rursus Cæsarea, ex mandato autem Reverendissimi Serenissimique Principis ac Domini, DN. CHRISTIANI ALBERTI, Electi Episcopi Lubecensis, Heredis Norwegiæ, Ducis Slesvici, Holsatiæ, Stormariæ ac Dithmarsæ, Comitis in Oldenburg & Delmenhorst; Academiæ hujus nostræ Rectoris Magnificentissimi, Domini nostri clementissimi; Ego Tibi, Vir Amplissime & Consultissime, DN. ERICE MAURITI, J. U. Doctör, & in illustri hac Christian-Albertina Pandectarum Professor, Decane nunc & Promotor Spectabilis, potestatem facio, illis ipsis, SAMUELI videlicet RACHELIO, Juris Naturæ & Gentium, NICOLAO MARTINI, Politices, in hac nostra Professoribus Publicis, nec non JOHANNI GEORGIO PELLICERO, Venerabilis Capituli Lubecensis Secretario; DOCTORATUS in Jure utroque ac LICENTIATUS gradum solenni ritu & ceremonia conferendi, iisdemque non minus, quam præcedaneo Dn. Promotori paulo ante fuit permissum, elargiendi omnia jura & privilegia, augustis illis honorum-titulis adhzrentia. Quodque superest,

pereſt, Deum precor, ut novam iſthanc dignitatem Academicam, ſibi glorioſam, Reipubl. & noſtræ cumprimis Univerſitati perutilem, iſſis autem Dn. Candidatis faxit eſſe ſalutarem!

CONTINUATIO DN. DECANI.

Explevit votorum noſtrorum ſummam Veneranda Digniffimi Domini Pro-Cancellarii Oratio. Atque nos quidem ei reddemus, quod ſolum in præſens poſſumus, grates & duraturæ proſperitatis votum. Caterum ne diutius expectetis, quod vobis ex decreto Ordinis noſtri debetur, Meritiſſimi Domini Candidati! recitabit modò Vobis Academiae noſtræ Miniſter jurisjurandi formulam, quâ vos ante adſtringi fas eſt, quam verbis & mente vos ſequuturos, ut exigunt Collegii noſtri ſtatuta, non dubito.

JURAMENTUM DN. CANDIDATORUM.

Jurabunt Dn. Candidati:

Primum, velle Sereniſſimo Principi, eidemque Magnificentiffimo Academiae Reſtori, & Cancellario debitum cultum, vicesque ejus gerentibus, debitum honorem deferre.

II. Velle non ſolum Decano: ſed & Collegio Juridico in Academia hac convenientem venerationem præſtare.

III. Velle utilitatem tam Univerſæ hujus Inclutæ Academiae, quam inprimis ſtudii Juris in eo, ad quodcunque honoris faſtigium eveſti fuerint, augere; damna vero avertere.

IV. Velle Licentiæ aut Doctorea inſignia in nulla alia Academia iterare aut repetere.

CONTINUATIO DN. DECANI.

Confirmatis ergo ſingulis, quæ prælecta accepiftis, jurisjurandi religione, quod felix fauſtumque eſſe jubeat Deus Ter Opt. Maximus, quod Academiae noſtræ, Reipublicæ, ac literariæ rei ſalutare ſit, Ego ERICUS MAURITIUS, U. J. D. & P. P. Collegii Juridici hodie Decantus, autoritate S. Cæſareæ Majeſtatis & inductu Sereniſſimi Principis CHRISTIANI ALBERTI, Electi Lubecenſium Epifcopi, Hæredi Norwegiæ, Ducis Slefvis, Holſatiz, Stormariæ & Dithmarſiæ, Comitum in Oldenburg & Delmenhorſt, Domini noſtri Clementiſſimi, ſuffragio Ordinis noſtri, Te DN. SAMUELEM RACHELIUM Dithmarſum, Juris Naturæ & Gentium in hac Academia noſtrâ Profeſſorem, Te DN. NICOLAUM MARTINUM Holſatum, Politi-

Politicæ Professore, U. Juris Doctores creō, nuncupo & designo, talesque jam creatos, nuncupatos & renunciatos publicè & solenniter ex hoc loco declaro, & ab omnibus agnosci, haberi & saluari volo, proque potestate ab Imperatoribus concessa etiam jubeo, mando, impero. Sed & jura omnia, titulos, insignia, immunitates, quibus Ordo Doctōrum quovis jure gaudet, Vobis tribuo, & quo fieri potest, meliori modo concedo. Id præcipuè, ut Jura deinceps publicè docere ac profiteri, disputare, consiliis clientum causis adesse, ac munera cætera omnia, quæ Doctōrem vel requirunt vel admittunt, adire jure meritoque uterque possitis. Te verò **DN. JOHANNEM GEORGIUM PELLICERUM**, quamvis itidem dignissimum summis his honoribus habeat Ordo noster: quod tamen Doctōr renunciari hætenus nolueris, Licentiæ gradu contentus, omni itidem meliori modo, quo publicè in ullâ Europæ Academiâ creari solent vel possunt, J. U. Licentiatum, itidem creō, nuncupo, ac publicè appello, privilegiaque Licentiatorum legitimè promotorum, ac jura omnia, titulos, insignia, & immunitates, quibus vel ex communi scripto, vel singulari jure, vel consuetudine gaudent, omnia & singula publicè ex hoc loco tribuo. Sed nec omittendi ritus, quorum Observatione Sacra Antiquitas splendidiorē hunc Actum esse voluit. Quare in superiorem hanc Cathedram vos evoco, ac primus novos Doctores ac novum Licentiatum salvere jubeo. Capiti deinceps vestro Doctōralem hanc tiaram, tuo vero Janæ Georgi Pellicere, Licentiæ signum impono. Est ea rubea & pilei forma, neutrum frustra, pileus libertatis insigne habet, rubeus color aureus & Regius existimatur. Memineritis ergo, in libertatem plenam Vos hac ratione asseri. Nempe affectui, ubi de Justitiâ agitur, aut aliorum malitiæ turpiter servire, cane semper pejus fugietis & angue, solum DEUM, justitiā & conscientiam duces habebitis, neque enim ab horum nexibus vos solvo, his semper servire decet, si tamen ista servitus est, & non potius pulcherrima libertas, Color verò regius Regibus & Principibus ad fidem Jctos docet, & separatam eorum à vulgo dignitatem commonstrat. Annulis deinceps digitos exorno, ut Sponsos vos justitiæ memineritis, castæ Virginis, & quam casta ideo mente tractare fas æquumq; ullis autem consiliis temerare, extrema religio sit. Librum quoque trado apertum primum, ut humanæ imbecillitatis memores, non ex vestro cerebro, sed Doctōrum scriptis etiam repetenda cogitetis, quæ in publico promenda sunt, cum & maxima ingenia multa fugiant, & mortalitatis nostræ sua fugacitate nostra nos sæpius admoneat memoria. Sed & eundem clausum quoque exhibeo, ut non ex libris omnia desumenda, sed quæ meliorum Autorum scriptis continentur, in succum & sanguinem continuo studio vobis converten-

vertenda memineritis. Osculum addere solent nostri, aut amplexus, argumentum pacis & concordiz. Quietiores Musæ sunt, quam ut contentionibus ali velint, nec decet hunc ordinem rixa & dissidium. Summa animi contentione igitur inutiles pugnas, odia, obtrectiones fugiendas, hoc ritu indicare voluit prudens antiquitas. Jam accensæ faces quid usus habent? Flamma alta petit semper, nec ad inferiora descendit temerè. Haud aliter æthereæ Mentis virtus & eruditio ad altissima quæque vocat. Moveri faces solent, ut ignem concipiant facilius, nec aliter animus, qui nullam quiete graviolem pestem habet. Quod superest, tibi, æterne Deus, immensæ favoris summas quidem, sed quales possumus miseri, quæ nempe beneficia tua minime æstimare idonea sunt, agimus gratias. Tu, Tu nostræ huic Academiæ id concessisti circa ipsa initia, ut vix dum nata & in Ephebis adhuc constituta, certare tamen cum aliis & docentium & discipulorum numero minimè vereatur. Tu porro tuere tuo honori Ecclesiæ ac Reipublicæ salutem sacram, Te veneramur, ut & istam nobis felicitatem serves, & Academicæ nostræ Reipublicæ universæ, Dn. Doctoribus demum, ac Licentiatum nostrum diem hunc faustum felicemque esse velis jubeas. Tuas quoque post Deum laudes grati repetimus, Eminentissime ac Serenissime Princeps, cujus beneficium agnoscit pietas, æstimat Justitia, celebrant literæ. Jactent seculi nostri Heroes, quæ fortiter egerint in hostes, tu trophæum omni laude majus sublatâ ignorantia, prostratâ barbarie in provinciis tuis erexisti. Tibi primitias has debet literatus Orbis, quem, nisi me omnia fallunt, majoribus brevi beneficiis ex hoc ipso Lycæo obstringes. Vobis quoque, Viri Munerum, Generis, Doctrinæ Splendore Illustres, non leve est quod debemus. Quantum est quod accessit existimationis & splendoris huic actui, à vestra est præsentia, qui pretium illi conciliastis. Nostrum est efficere, ne unquam animo nostro excidat favoris vestri memoria, cui mercedem rependent Musæ, & ipsæ quousque eo apud vos loco erunt literæ,

(Lst. H.)

ORATIO III.

DN. CASPARIS MARCHII,

Med. Doct. Ejusdemque Professoris

Primarii.

Ee

Viri

*Viri Munerum eminentia, splendore Generis & Do-
ctrina excellentiâ incluti, Domini, Hospites, Fautores, Collegæ &
Amici reverendi, observandi, colendi.*

CASSIODORUS, olim Patricius & Senator Romanus, *Theodoric* Go-
thorum Regis Præceptor, inter alia, quibus Epistolas suas ad *Theo-*
doricum abunde ditavit monita, hoc quoque habet, rem ipsam si ma-
gis, quam stylum attendas, notatu dignissimum : *Ep. 28. lib. 2.) Tri-*
buenda est, (inquit) justis laboribus Compensatio premiorum, quia exprobrata mi-
litia creditur, quæ irremunerata transitur. Parum forte isthæc inpræsentia-
rum allegari congrueret, si de eorum solum, qui bellica castra sequuntur,
Militum laboribus vel intelligi ea Autor ipse voluisset, vel intelligenda nos-
met arbitraremur : Cæterum, non admittit *augusta* Viri *Prudentia*, ut, quod
justis in universum laboribus debetur, ad *angustiores Militaris istius* vitæ ter-
minos restringere eum voluisse supponamus. *Prolixius* ergo explicanda
Militia vox erit, ut assertionis universalitate rationis adjectæ amplitudo re-
spondeat. *Militant* quippe non solum horriduli illi *Martis* affectu, sed &
mansuetissimi DEI Filii, & gratissimarum *Musarum* alumni : Neque enim
modo

Nunquam bella piis, nunquam certamina desunt,

Et quò cum certet Mens pia semper habet,

Sed & *Litæria* inprimis *Militia* adscripti (quos propius attingere præsens
fert instituti ratio) suos per omnem ætatem, quibus cum strenuè omnino
pugnandum ipsis est, hostes experiuntur : inter quos *Ignorantiam* & *Vo-*
luptatum omne genus, & *Opinionum multitudinem*, potissimos, aut hæc sal-
tem vice inprimis nominandos judico. Quorum prior, etsi privativum,
quid & velut Non Ens insinuare videatur nominis ratio, adeò tamen
validus verè existit Antagonista, ut indefinente licet studio, cunctisque
animi viribus per omnem vitam oppugnetur, superari tamen in totum
vix ullâ ratione possit, cum & doctissimis, saltem non nimium *Φιλάνθρωπς*,
hoc familiare fuisse Symbolum noverimus : *Quantum est quod nescitur!*
Actantò quidem difficilius inimica hæc Animis *Ignorantia* vincitur, quantò
magis divertere Adolescentum Juvenumque inprimis animos ab istâ pugna
ut plurimum solet alter ille Literarum Cultoribus infensissimus hostis,
quem *Voluptatum* omne genus esse diximus, eò perniciosior, quò sub ami-
citæ gratissimæ specie incautos fallat, & quasi Summi maximeque deside-
rabilis Boni rationem quantam habeat, apprehendi cheu ! soleat à quam-
plurimis : Est proinde res difficultatis maximæ, quamque non nisi divinæ
simul

simul Gratia adminiculò expedire licet, hunc nocentissimum Mentis hostem debellare, eoque superiorem evadere. Quod si tum educatione strictiori, tum precibus serius, tum indefessò continuatòque studiò, molestissimam hanc Hostium bigam utcunque devicisse contingat, restat adhuc *tertia*, illa Literarii Ordinis Pests *Opinionum multitudo*; quod malum, toti Orbi velut epidemium, nullis unquam antidotis domabile, negotium quàm maximum facescit omnibus qui Scientiarum se studiis consecrârunt, adeò, ut quomodo expugnari illud solidè, ac superari tandem possit, vix via ulla appareat, ac habere proinde liceat hanc rem propemodum pro desperatâ. Introductum quidem eum in finem est saluari consiliò in Scholis & Academicis *Disputationum* tum privatarum tum publicarum exercitium, nec differi possumus aliquid per eas pedetentim & cum tempore vitii pestiferæ huic Lui adimi, cum excusis hòc mediò singularem opinionum rationibus, apparere plerumque soleat, quæ magis, quæve minus possint cum veritate consistere; Cæterum dissimulandum omninò non est, adeò speciosas nonnunquam pro differentibus etiam sententiis rationes ab omni parte occurrere, ipsamque fundamentorum, quæ pro se Pars quæque allegat, indaginem adeò difficilem existere, ut optatò successu non rarò careat, quodcunque pro expediendis utrinque dubiis conamen, ac relinquatur tandem vel ille solùm ex Disputationibus fructus, ut quantum adhuc ab exquisitâ Scientiarum veritate absimus, quidque ulterius indagandum atque ad discendum restet, possimus agnoscere.

Quod si in ullâ aliâ scientiâ, in Medicina, & præsertim Theoretica ejus parteprehendimus verissimum: Etsi enim Praxin ipsam tot seculorum Experientiæ non adeò reliquerint ambiguam, cum medicamenta abunde suppetant, quæ profigandis innumerorum morborum inordinationibus sufficere multiplex usus edocuit, accesseritque insuper nunquam satis laudanda Chymicorum industria, quæ, remotis, quibus materiæ Medicæ involutæ passim deprehenduntur, impuritatibus, efficaciora, puraque sistit medicamenta: Ipse tamen modus, quò adhibita ista probatissima remedia causam mali exterminent, Naturamque, potentissimam illam Morborum medicatricem, sui que conservationis studiosissimam, in actionibus suis adjuvent, (quod ipsum tamen in praxi etiam momenti maximi est novisse) hætenus non adeò prorsus omni dubio caret, postquam curiosissima hodiernorum Anatomicorum industria ac solertia plurima in ipsâ Corporis structurâ nova invenit, quibus pro variò cujusque ingenio & judicio diversissimæ in theoria hypotheses inædificantur.

Ex quam plurimis ut paucissima, & temporis & tempestatis rationem habendò, delibem: Ecquis veterum non velut indubitatum supposuit,

Epar solam, aut certè primariam esse *αιματοποιήσας* officinam, in quâ ex chylo per venas Mesenterii isthuc delatò elaboraretur sanguis, indeque ulterius ad Cor & quascunque partes deferretur, nutritionis officium ubique expediturus, undè & universim omnia sanguinis vitia, & ortos inde morbos, ut Cachexiam, Hydropem, Ictèrum, Marasium & similes; Epatis potissimum culpâ subnasci crediderunt, ac proinde, quæ in hujusmodi affectibus salutaria diuturnior usus probaverat medicamenta, specificorum titulo mox insigniverunt: At verò postquam curiosa recentiorum Anatomicorum solertia per venas lacteas chylum omnem ad receptaculum commune, lumborum vertebri proximum, indeque juxta dorsi longitudinem, ad Axillarem venam, deferri, ibique cum sanguine mixtum Cordi rectâ infundi deprehendit, mox *Hepati cumulus* passim scribi, & *Cordi* tantum non soli *sanguificationis* illa potestas tribui cœpit, causasque antedictorum morborum epaticorum in aliis potius visceribus, vasisque hæzere, probabili satis ratione judicatum fuit, quibus vitiis ea, quæ antiquitus Epatica dicta fuere medicamenta non minùs mederi posse deprehensum est, quamvis diversò plurimùm modò operandi ab eò, quem antiquior Medicorum schola eis attribuerat. Quæ quidem sententia, etsi hodiè ferè sit communissima, non desunt tamen adhuc Epati Patroni, nec indignum id quoque patrociniò Doctòrum omninò videtur. Quamvis enim ex Chylo ibidem immediatè sanguinem confici à demonstratione alienum sit, conditum tamen nihilominùs hoc Viscus, quantitate nulli secundum, in usum aliquem nobilissimum, & quidem ut sanguini aliquam perfectiorem insinuet, sufficientissima subest ratio, postquam adnata Ipsi vesicula fellis non excrementitium & inutilem Naturæ humorem, sed balsamum singularem, propriâ ejus virtute ex sanguine anteriò & spirituosò nervorum succo (quod verisimilitudine utique magnâ nititur) elaboratum continere visa est, quem per ramulos venosos & oscula porosa ipsi Epati communicare colligitur, ut transiens per Hepar ex venæ Portæ radicibus in Venæ Cavæ ramulos sanguis hâc velut Tincturâ summè balsamicâ nobiliteretur, adversus putredinem præservetur & ad concipiendam felicius in Corde vitalem effervescentiam disponatur. Quod si, missâ *sanguificatione* ad *Nutritionem* se Mentis nostræ indago convertat, quæ non hîc pariter Opinionum diversitas offertur? Ut ne dicam enim de antiquatâ illa sententiâ, per Venas affluentem ad partes sanguinem eas nutrire, inspirato saltem per arterias vitali spiritu (quas Scholæ Medicæ tenebras exorta Circulationis Lux jam dudum dispuit) considerabo saltem, quantum dubii adversus solitariam nutriendi vim in sanguine arterioso (quem solùm motu suo ad partes omnes, sicut venosum à partibus omnibus ad Cor solùm tendere, satis constat) hodiè

movea-

moveatur, occasione inventi *Liquoris Nervini spirituosi*, qualem non præcisè aut unicè ad motum & sensum distinctum esse Ratio illa evincit, quod ad omnes pariter partes, & æquo ferè cum arteriis numero, nervos distribui appareat, quarum plurimæ nec motu, nec sensu indigere rectissimè judicatur, nutritione verò carere minimè possunt. Quod si, utrum solus ille *Nervorum succus*, alendis partibus *membranaceis* inprimis sufficiat, quæstio moveatur; discrepant iterum Autores moderni, nonnullis in solo illò *Liquore nervino*, pro nutrimentò quidem *membranacearum* acquiescentibus, aliis contrà *utriusque, & sanguinei per arterias, & limpidioris per Nervos, concursus* pro nutritione non minus urgentibus, quam masculini & femini seminis copulam pro generatione necessariam omnes agnoscunt. Rationibus quælibet Pars haut nullius momenti, sententiam suam probare nititur, ut colluctandum insigniter sit Menti curiosæ cum apparente hinc inde verisimilitudine, priusquam eluctari possit è dubitationibus, quibus fundamentorum diversitas eam non potest non involvere.

Doleo sanè, quod de jucundissimis hisce speculationibus, ad quos delapsus sum, non liceat in præsentiarum mihi proluxius quædam differere; Sed inserviendum tempori est, nec abutendum splendidissimi hujus Auditorii patientiâ. Sufficiat vel innuisse, atque obiter quasi delineasse, quanta sit multivariarum Opinionum hostilitas, quamque difficulter superabilis, etiam si dexterrimè tertet, & expugnare eam allaboret Mens Veritatis avidissima.

Ecquis ergò non præmiis dignissimos judicaret eos, qui in hac Literariâ militia per omnes vitæ annos desudant? Et, quis proinde non exoscularetur Reverendissimi ac Serenissimi Principis ac Domini nostri, DN. CHRISTIANI ALBERTI gloriosissimam benignitatem. Qui, in erectò nuper hòc Athenæo suo, de eo etiam nos jussit esse sollicitos, ut Viris Juvenibusque, qui in castris Musarum strenuè se gesserint, digna, & ad alacrius instandum eos concitatura præmia distribuantur; quæ quidem nec successu caruit laudatissima sollicitudo: Comparuere enim, uti in aliis Facultatibus, sic coram Medico etiam Collegio nostro Tres Viri Juvenes egregii & in literariâ militiâ, cujus rei sufficientissima documenta ediderunt, exercitatisimi, quorum unus *Dn. JACOBUS Kornmesser / Coloniaensis Marchius, Rostochii* tam publico quàm privatò examine probatus, me ipsò tum ibidem Decanò, & Inauguralis de *Affectione hypochondriaca* Disputationis, die 10. Aprilis Anni proximè elapsi habitæ, Præside, Licentiam obtinuit assumendi honores in Arte Medicâ supremos, nunc absens est, Colbergæ in Orientali Pomerania praxin exercens: reliqui duo Pereximii Viri *Dn. HENRICUS BERNHARDUS Beselin Rostochiensis, & Dn. JACOBUS de CLERICE, Hamburgensis,*

quorum laudabiles in Studio Medico profectus, egregiamque eruditionem nuperrimè debitis examinibus, privatim & publicè institutis, exploravimus, & publicò omnino testimoniò dignam censuimus, in Vestrum, Auditores omnium Ordinum honoratissimi, illustrem conspectum modò prodire, Doctòrali Laureà coronandi. At verò, cum ultra iudicium, quò digni declarari potuerunt hi Domini Candidati honoribus istis summis, progredi non liceat Facultati Medicæ, nisi obtentâ specialiori concessione à Reverendissimo ac Serenissimo Principe ac Domino, Dn. CHRISTANO ALBERTO, Domino ac Patrono nostro Clementissimo, Suxque hujus Academiæ Cancellario & Rectore magnificèntissimò, ad Te nunc mea se convertit oratio, Admodum Reverende, & Amplissime Dn. D. CHRISTIANE Rothelt / SS. Theol. Prof. Celeberrime, qui à Serenissimâ suâ Celsitudine ad hunc Actum gratio- sè constitutus es Procancellarius Magnificus, humillimè rogans, ut pro eâ, quâ in præsentiarum fungeris Autoritate, potestatem mihi h. t. Facultatis Medicæ Decano benevolè largiri non dedigneris, modò nominatos tres Medicinæ Candidatos creandi & publicè renunciandi Doctores atque hòc ipsò conferendi iisdem omnia jura, privilegia, prærogativas, quotquot Doctò- ribus Medicinæ tam Civili quàm Canonico Jure competere possunt: Quò beneficiò uti Magnificèntia Tua tùm Facultatem Medicam, tùm hosce Dnn, Candidatos insigniter sibi obligabit, ita nihil eorum, quæ gratum nostrum omnium animum quoquomodò poterunt testari, ullò unquam tempore intermittemus.

RESPONSIO DN. PROCANCELLARII.

Spectabilis Dn. DECANE.

Medicinæ inventionem ad DEOS autores retulisse veteres novimus, ac Medicos divinis honoribus auxisse; quasi non humanam, sed cælestem scientiam cole- rent. Et certe, si in ullum alium, in Medicum cadit illud: Homo homini Deus. Qui enim fugienti jam vitæ quodammodo manum injicit; qui mortem dif- fert, ab ejusque aditu mortales revocat; qui non, ut parentes, semel, sed sæpius homini vitam dat; nonne è cælo missus dici possit? Unde pro verissimo habendum illud Homeri:

Εἰς ἰατρὸς γὰρ ἀνὴρ πολλῶν ἀντάρχιος ἄλλων.

Nec præter rem scribit alicubi autor eruditissimus: Suppeditent alicui volu- ptates omnes, divitiæ amplissimæ, bona universa. Si morbo ad mortem urgeatur, quid illi jucundum, quid suave, quid optatum esse, aut quid a- nimum ejus recreare tandem poterit? Veniat Medicus, morbumque curet: non-

nonne confirmato jam, omnium deinceps bonorum consequentium causa & auctor esse videbitur? Per Medicinam & medicos longe adhuc absentia vitamus, impendentia avertimus, opprimentia repellimus, inhærentia ejicimus: idque domi, foris, in itineribus etiam, iâ natis & nondum natis, à pueris, adultis juvenibus, senibus. Imperator sine milite cessat; Jureconsultus inter arma fileat; Orator non omnibus, nec omnia persuadet: Medicus quod agat semper habet; nullius gratia auxilio, approbatione indiget: omnes eo indigent; à quo nulla est provocatio. Cum autem sub augusto Medicorum nomine incautioribus non raro imponere soleant, qui nihil minus quam artem medendi callent, laudabili admodum prudentique consilio introductum est, ut iis, qui solida & accurata medicinam juxta artis præscriptum faciendi peritia instructi, publicum scientia illius testimonium, non minus quam aliarum Facultatum consecratis, solenni gradus Doctoris collatione in Academiis impertiretur. Cujus recepti moris ut in nostra etiam hac nova Universitate edatur exemplum; Autoritate S. Cæsarea Majestatis, jussuque Reverendissimi Principis ac Domini, Dn. CHRISTIANI ALBERTI, Electi Episcopi Lubecensis, Heredis Norvegia, Ducis Slesvigæ, Holsatiæ. Stormariæ ac Dithmarsie, Comitum Oldenburgensis & Delmenhorstani, Academia sua Rectoris Magnificentissimi, Domini nostri Clementissimi; Tibi, Amplissime & Experientissime DN. CASPAR MARCHI Med. Doctor ac Professor, Decane item in presenti & Promotor spectabilis, petito tuo assurgens, licentiam concedo, ut artis Medicæ DOCTORES esse jubeas commendatos abs Te Viros Clarissimos & Pereximios, JACOBUM Kornineffer Coloniensem Marchicum, HENRICUM BERNHARDUM Beselin Rosochiensem, JACOBUM de CLERICE, Hamburgensem; iisdemque dispenses jura omnia & privilegia summis istis honoribus quovis modo annexa: de cetero precatus summum Numen, ut vergere hæc sinat in divini sui nominis gloriam, Reipubl. commodum, Academia nostra ornamentum, & ipsorummet Dn. Doctorandorum insigne emolumentum!

CONTINUATIO DN. DECANI.

Gratias merito agimus humillimas Reverendissimo ac Serenissimo Principi, Domino nostro Clementissimo pro singulari isthac in nos Benignitate, & Gratiâ, tum & Tibi, Jurium Ejus Episcopaliū hac vice administratori, Magnifice Dn. Procancellarie, quod voti nostri nos compotes benevole reddideris, desideratam Gradus titulosque supremos absenti & presentibus nostris Candidatis conferendi potestatem largissimè concedendō. Desungar eâ, uti decet, postquam quod literis hisce propriâ manu conscriptis & sigillō confirmatis (ostendebantur ea publicè) fecit absens Dn.

Jaco-

Jacobus Kornmesser / Vos præsentes Dnn. Candidati Juramento Vos Academiae huic & Facultati in ea Medicæ obstrinxeritis ; quales vobis jamjam Academiae minister præleget.

Bidellus ad Dnn. Candidatos.

Vos Domini Candidati Medicinæ antequam promoveamini, Jurabitis.

Quod Academia Holsatica Kilonensis dignitatem & commoda, Artisque Medicae decus atque incrementum pro posse & nosse promovere velitis, item, quod omnibus consilium vestrum pro conservanda sanitate aut depellendô morbo requisitis aquâ fide promptsos vos exhibere ac generosiora præsertim remedia prudenti circumspeditione administrare, neque vel prece vel pretio induci velitis, ut ulli hominum lethalo vel noxiam aliquod medicamentum propinetis, aut, quæ factum corrumpere atque expellere possent, subministratis. Polliceamini etiam, praxim omnem vos ita instituturos, ut Rationi, Experientia & Conscientiâ congruit, neque etiam, quæ circa speciales quorundam morbos fidei vestra velut arcana detegentur, in detrimentum aut dedecus eorum vos divulgaturus, Sic Vos DEUS adjuvet.

CONTINUATIO DN. DECANI.

Nunc ergo, quod felix faustumque, ac Divino in primis Nomini gloriosum, Academiae honorificum, & Vobis, Pereximii Dnn. Candidati salutare sit; Ego CASPAR WARDY / Med. D. & Prof. Ordin. h. t. Facultatis Medicæ Decanus & in hoc Actu Promotor legitimus, pro eâ, quâ in præsens polleo, Autoritate publicâ,

*Te JACOBUM Kornmesser / Coloniensem Marchicum, absentem tan-
præsentem.*

Te HENRICUM BERNHARDUM Beselin / Rostochiensem.

Te M. JACOBUM de CLERICE, Hamburgensem.

Vos omnes & singulos Medicinæ Doctores creo, designo, publiceque renuncio, in nomine DEI Patris, Filii & Spiritus S. atque hoc ipsô simul Vobis tribuo omnia Jura, immunitates, prærogativas & privilegia, quæcunque hujusmodi Gradui de Jure competunt, & annexa ei esse debere Sacra Cæsares Maj. in Privilegio Foundationis hujus *Alme CHRISTIAN-ALBERTINÆ* indulgentissimè expressit. Nec verò etiam *Ceremoniis* abstineo, quales veneranda Antiquitas in hujusmodi Promotionum actibus adhibenda non sine ratione decrevit, & hætenus pleræque omnes Academiae studiosissimè observant:

Agite ergo, Clarissimi Dnn. DOCTORES (quò nomine nunc primum vos compello) ascendite ex inferiori in *Superiorem* hanc *Cathedram*,
quæ

quæ publicè Docentibus propria est, ut sciatis agnoscantque etiam alii, concessam nunc vobis esse publice docendi ac disputandi potestatem. Id tamen, ut quomodo ritè expedire Vobis liceat, simul commonefiatis, *Libros* vobis exhibeo, *apertos* primùm, ut intelligatis, non proprii Vos cerebri commenta sequi, sed probatissimorum Autorum doctrinam amplecti & in majoris momenti *Calibus* mutos hujusmodi *Præceptores* consulere debere; *Claudo* tamen iterum eos, ut non inhærendum simpliciter aliorum inventis, & confugiendum semper adscripta eorum, sed propriâ etiam indagine ac ratiocinatione ea, quæ ex bonis Autoribus hausistis amplificanda, & memoriæ impressa ad usum transferenda esse agnoscatis.

Impono deinceps Capitibus vestris *Pileum*, antiquum *Libertatis* insignæ, quò privilegiorum Vobis competentium admonemini, pro quibus legitimè conservandis omnem adhibebitis operam: Cumque jam in Libertate majori vos constitutos esse hîc ipsò edoceamini, id operam dabit, ut ne vel Affectuum vel Voluptatum turpissimo jugo subjiciamini.

Annulum quoque digitis vestris adapto, tum ut Medicinam ejusque Studium prope divinum exactius vobis quasi desponsem, & quantò amore illud prosequi per omnem vitam debeatis, vos commonefaciam: tum, ut dignitatis adeptæ memores semper existatis, (jus aurei annuli enim idem olim erat, quod equestri nobilitate fulgere) ne quid committatur à vobis, quod famam decusque vestrum ullò modò possit infringere.

In *plexus* demum vos sumo, ut cooptatos modò Vos plenissimè in ordinem Medicum intelligatis, & amorem meum ego Vobis confirmem, simulque Vos amicissimè moneam, ut quantum fieri ullâ honestâ ratione potest, pacem concordiamque sectemini, nec vel invidiâ (quæ imputari cæteroquin tanquam familiarior ordini Medico à vulgo solet) vel aliis affectibus ad odia ac similitates vos abripi patiamini.

Postremò, *Faculas* dum intuemini, quas lucentes vobis præferri curavimus, id studendum vobis esse per omnem vitam cogitate, ut eruditione, atque instudiâ sitis conspicui, neque in obscuro lateatis, tum quoque ut vitæ ac morum integritate aliis splendidissimè præluceatis.

Quod ut fiat, atque hæc honorum vestrorum Medicorum prima auspicia feliciter Vobis cedant, ego vobis omnibus & singulis Divinam Gratiâ, Bonorum Favorem ac patrocinium, Animique & Corporis vires constantissimas ex intimo pectore apprecor.

Debeat nunc aliquod à Vobis specimen edi, in quâdam dissertatiunculâ Medicâ; at temporis id præsens ratio non admittit: Abrumpo ergò Actum hunc, & DEO, Serenissimo nostro, præsentibusque omnibus & singulis diversorum Ordinum Viris eminentissimis, honoratissimis MEN-

TE ago gratias, quas VOCE tandem quoque exprimet publicò nostrum omnium nomine, qui toti huic Panegyri finem imponet, Valetè, ac plaudite!

(Lit. I.)

ORATIO IV. DAN. GEORG. MORHOFII, &c.

cujus initium:

Dum omnia fervent & perstrepunt &c.

Videatur inter Orationes Secunda
in ordine.

(Lit. K.)

GRATIARUM ACTIO DN. M. HENRICI Störnings.

Quod tandem Deus Triunus, O. M. Sanctissimo Nomini suo gloriosum, Reverendissimo ac Serenissimo PRINCIPI AC DIMINO, NOSTRO, DN. CHRISTIANO ALBERTO, ejusque nomini ac famæ perennanti illustre ac celebre, Ducatibus hisce Patriæque universæ, indigenis, exteris, seræ ac extremæ denique posteritati salutare, nascenti huic Academiæ felix ac faustum urbique huic toti fructuosum clementissime esse jubeat.

Viri Munerum Amplitudine, Generis Antiquitate, Doctrina laude incliti, omnium Ordinum Auditores honoratissimi faventissimique. Consummamus Actum hunc solennem, qui unus dedicandæ Academiæ nostræ patriæ restare videbatur, videlicet ut in hoc Musarum sacrario omnibus rectè atque ex decore constitutis, operæ pretium, præmia industriæ, virtuti honorem constare suum, publicè liqueret.

Ea sine invitati undiquaque omnium facultatum Candidati compa-
ruerunt, post edita cum publica, tum privata specimina, post probatos su-
os Am-

os Amplissimo Professor: Collegio profectus, honores quos par est susce-
pturi. Ea in re quid actum sit, oculis omnium patuit, quod his super o-
mnibus Illustri ac splendido hoc cœtu dignum moneri possit, ab Amplissi-
mis Dn. Decanis allatum est. Id adeo unum videtur reliquum, ut ingenuâ
gratulatione piâque gratiarum actione solennis hæc, quamque urbs nostra
nunquam vidit, celebritas terminetur. Initio igitur jure meritoque Re-
verendissimus noster ac Serenissimus PRINCEPS, Dominus noster Cle-
mentissimus sibi gratulatur, nosque Serenissimæ ejus CELSITUDINI toto
pectore congratulamur, quod tandem aliquando faustum voti sui finem
videat. Propè omnino ab hoc scopo aberat Serenissimus Celsissimi no-
stri PRINCIPIS Dn. Parens, DN. FRIDERICUS, ab hinc enim jam antè
Decennium rumor hic quaquaversum spargi, ac nihil non operi perficiun-
do comparari, cum derepente Martius turbo, ab aquilone intonans, cœ-
ptis intervenire, eaque obturbare, ex eo ruere & retro sublapsa referri
nostra spes & omnino cum Serenissimi Patris Beatissimo obitu exspirare,
visa. Ecce autem sub ipsis Reverendissimi ac Serenissimi Filii ac Hære-
dis, Domini nostri Clementissimi initiis ea denuo, rarissimis id quidem sibi
pollicentibus, resurgit: Idque tanto cum incremento, ut operis perfectio
citius secuta sit, quam ii, qui oculis rem subjecere, vel quibus invidenti-
bus hæc nostra crevit, animo concipere poterant,

O quam te memorem Patriæ Pater! Qui cum te comparem! Agnosco
in hæc rerum vicissitudine Numinis supremi non aliam dispositionem,
quam quæ intercescit inter Davidem & Salomonem. Debit ille materi-
am operi futuro subministrare filio, Templi fabricam ob sanguinem fu-
sum ordiri non potuit. Pari ratione Serenissimi nostri Celsissimus Dn. Pa-
rens opus animo agitatum, cum Privilegia ab Augustâ Cæsareâ Majestate
nactus esset ex sententia, Serenissimo Dn. Filio relinquere voluit; Negotio
ipsi admoveere manum, propter sanguinem, non abs se, nec suâ culpâ, sed
ab aliis in finibus suis intempestivè fulum, non potuit. Huic Salomoni, in-
quam, reservatur operis consummatio. Quod Salomon antiquis tempo-
ribus Judæ, quod templo: Id, te Serenissime Princeps nobis, id Academiæ
nostræ te esse, Regimine Principem, Sapientiâ lumen, pietate Patrem, E-
undemque semper nobis fore, & re ipsâ experimur, & votis optamus, &
ut esse pergas, DEO supplicamus, Te oscramus, nec vanè auguramur.

Porro etiam collatamur, ac uno ore dulcissimæ nostræ Patriæ ac urbi
de hoc tanto tamque divino munere gratulamur. Non poterat orbis satis
decorus videri sine Paradiso; nec Holsatia nostra beata sibi ac florens censè-
ri sine hoc artium omnigenarum viridario ingenuarumque mentium Semi-

nario. Reviviscant adhuc & circumspiciant, qui olim Germaniam Universam informem terris, asperam cœlo, tristem cultu aspectuque traduxerunt. Profecto vel una hæc nostra urbs, urbisque decus Academia commenti inani refellit. Intimius n. eam noscitantibus nihil, seu dexteritatem Docentium seu discipulorum alacritatem spectes, omnibus sui partibus conformius, nihil lætius, nec cultius: Rigeat sanè cœlum, frigeant brumæ; animorum fervori in liberalium exercitiorum studio apud nos desudantium nihil decedit. Hic fons indulgentiæ ac munificentæ Serenissimi nostri Principis, toto sinu, inundante alveo, perenni lymphâ, in docentes, in discipulos se diffundit. Hic mollis gratiarum prata, virens musarum Parnassus, Doctrinarum flosculi, scientiarum Balsama, honorum laurus, maturi denique sapientiæ fructus abunde nascuntur carpunturque.

Cæterum omne hoc quicquid est boni, quotiescunque mente recolimus, nihil magis ingeminare habemus, quam illud Davidicum: A Domino factum est. Proinde æterno rerum & summo Moderatori devotas, easque humillimas agimus gratias, quod Reverendissimi ac Serenissimi nostri Principis mentem huc inflectere, consilia prosperare, pacem hætenus & tempora non iniqua adcepti non solum universi operis, sed etiam actus præsentis exitum usque indulgere clementissimè voluerit. Continuet Numen cœleste nunquam interrupto favore suo porro nostra tempora. Ad-dat beneficia beneficiis, successus successibus augeat. Instruat Serenissimum nostrum Principem ac Dominum Spiritu suo Sancto, Spiritu Sapientiæ ac consilii, Spiritu roboris ac timoris Domini, moderetur ejus omnia cogitata. Largiatur pacem, Benedictione eum omni cumulet. Sub ejus moderamine Ecclesias, Academiam, scholas feliciter efflorescere, in foro sinceritatem & fidem sibi obviare, pacem & justitiam se blandè osculari faxit. Omnes porro ordines cum generosorum tum civium, cum Ecclesiasticorum, tum Politicorum, summâ suâ ac benignissimâ providentiâ complectatur. Denique eos, quibus hoc ipso actu honores collati sunt, Spiritu Spontaneo ad omne opus bonum, sibi honorificum, Ecclesiæ ac politiæ utile dirigat.

Proxima ab hoc gratiarum actio debetur *Reverendissimo ac Serenissimo nostro Principi ac DN. DN. CHRISTIANO ALBERTO, Electo Episcopo Lubecensi, Hæredi Norwegiæ, Duci Schlesw. Holst. Stormar. & Ditmars. Comiti in Oldenburg & Delmenhorst, Dn. nostro clementissimo.* Deus hunc excitavit, per quem grandia sua ac immortalia quæ memoravimus beneficia, nobis dispensaret. Cæteris præteritis muneris ipsius est, quod honoribus hisce frui licet fere gratis. DEUS tibi iterum benefaxit, Musarum stator, terræ

terræ tuæ sospitator, Pater tuorum ac Evergeta! Devinxit, splendidissimi Dn. Auditores, Sereniss. noster Princeps hac sibi ratione omnes vos, adeo ut nemo nostrum sit, qui non se totum ei debitorem fateatur, qui non ipsius servitio se totum impendere desideret, inque eo demerendo vivere cupiat, imò defungi.

Hinc æquum est, ut ad vos convertamur, Magnifice Dn. ProRector, Magnifice Domine ProCancellarie, spectabiles Dn. Decani, nec non ad totum Amplissimorum Dn. Professorum collegium. Vobis præmiorum, diribitoribus, quantas possumus gratias, paulò antè Candidati, jam vestris maecti honoribus, agimus habemusque, quod petitis nostris locum concedere, gravissimisque vestris suffragiis in honorum ac privilegiorum cum Doctoralium tum Magistralium participationem cooptare, denique consuetis honorum insignibus nos munerari gratiosè annueritis: dabimus omnes & singuli operam, ut non solum obsequio, observantiâ ac officiis, quæcunque à nobis proficisci poterunt, de quovis vestrum benè mereamur, sed & rerum pro virili suarum quisque ita sataget, ut neque frustrâ neque in indignos tantum beneficium, tantum honorum momentum, recidisse videatur. Bonum factum Auditores! Læta omnia, per Dei gratiam, optata, splendida. Reddit autem solennitatem hanc haud paulo splendidiorem Perillustrium ac Generosissimorum Dominorum Præfectorum ac Consiliariorum Provincialium, Perillustri itidem ac Excellentissimi Dn. Præsidis, cui omnino Academia nostra plus debet, quàm hæc angustia exsolvi permittit, aliorumque Generosorum ac Præstrenuorum virorum, confectus, quibus præsentibus ornatur. Ita agite Optimates! Flos Gentis, Reipublicæ Decora, Cimbriæ columina, vestra ac liberorum interest scire, non solum quam habeatis Remp. quæ Dicasteria, quam aulam: sed & quam Ecclesiam, quæ foveantur ac propagentur sanæ ac incorruptæ de divinis humanisque rebus sententiæ, quæ sit Academix facies. Hoc illud est promptuarium, unde penum sacræ & profanæ eruditionis hausturi sunt vestri & filii & feri nepotes. Hoc quo in statu sit, quid ibi rerum, & quomodo geratur, nosse, ejusque commodis minimè deesse, nec vestræ dignitatis alienum est, ac eruditorum ordini perquam decorum. Gratulantur sibi omnes qui Academix nostræ benè cupiunt, de summis hujusmodi multumque pollentibus favitoribus ac Patronis, Gratiasque hoc nomine, quantas mente complecti possunt, Generosis vestris dominationibus agunt suarumque nihil magis partium esse ducunt, quàm studia sua, operas, laborem ac industriam, omnia denique obsequii, observantiæ, officiorumque genera vobis comprobare. Agnoscimus præterea Amplissimorum Con-

sulum, multum Reverendorum Ecclesiæ Ministrorum, Prudentissimorum Senatorum, Nobilissimorum Præ-eximiorumque Dominorum Studioforum, nec non totius Auditorii benignum in Laudatissimam nostram Academiam, ac nos ipsos affectum, quod actui huic interesse, ac celebritati huic publicæ ornamentum non mediocre frequentiam suam conciliare non gravati sint. Fuit Amplissimi Senatus urbici in affabrè & nitidè exstruendis Academiæ Collegiis diligentia insignis, ac omnino prædicanda. Reverendi Ministerii fuerunt, & sunt etiamnum, pro impetranda huic Academiæ divina benedictione preces ad Deum ardentes Fuit hætenus Studioforum cætus, & vixit ea moderatione, ut non temerè mali quippiam iis autoribus ortum esse meminerimus, nec deest civium in ordinem Academicum propensa voluntas, quod inter alia testatur ingense eorum ad præsens negotium confluxus. Prohibeat Deus porro ab omnibus omnes sinistras suspiciones, simultatesque, perficiatque gratia sua quod hætenus cœpit, ut scilicet Academia isthæc feliciter enata, cum urbe, & hæc cum illâ in unum corpus, indissolubili amoris vinculo coalescant.

Conspirent porro ordines omnes in Academiæ hujus emolumentum, nihil vicissim Academiæ membra intermittent eorum, quibus commodum ac salutem urbis, Ecclesiæ, privatorum denique rationes quoquo modo augeri ac ornari posse existimabunt.

Quod superest, omnes ac singuli præsentī actui nostroque honorifave, vice versâ quicquid ejus est, quod cuique vestrum, Ornatissimi ac Splendidissimi omnium ordinum Auditores, gratum acceptumque esse quocunque pacto cognoscemus, nihil in nobis unquam, quantum quidem fieri & potest, & æquum est, desideratum iri, promptissimam mente pollicemur. DIXI.

D. G. M.

VOTA PYTHAGORICA,
Sive
LUSUS EXTEMPORALIS
DE NUMERO
DNN. CANDIDATT.

IN SOLENNIBUS PROMOTIONIS
PRINCIPALIBUS AUSPICIIS ET IMPENSIS IN
OMNIBUS FACULTATIBUS ACADE-
MIÆ KILONIENSIS
DIE XXII. JANUAR. INSTITUTIS.

AD

*Plurimum Reverendos & Amplissimos,*DN. PAULUM SPERLINGIUM, SS. Theol. Prof. & Præpo-
situm.DN. MATTHIAM WASMUTHIUM, Hebrææ &
Orient. Linguar. Professor:DN. M. STEPHANUM KENKELIUM, Eccl. Tunder.
Pastorem & Præpositum.TRES crea-
tos SS. Theo-
logiæ Docto-
res.*Amplissimos & Consultissimos,*DN. SAMUELEM RACHELIUM, Juris Nat. & Gent.
Profess.

DN. NICOLAUM MARTINI, Polit. Profess.

DN. JOHANNEM GEORGIUM PELLICERUM,
Venerando Capitulo Lubecensi à Secretis.Idem TRES,
quorum bini
creati Juris-
prudentiæ Do-
ctores, Tertius
Licentiatum,*Amplissimos & Experientissimos,*

DN. JACOBUM KORNMESSERUM,

DN. HENRICUM BERNHARDUM BESELIN,

DN. M. JOHANNEM DE CLERICE,

TRES crea-
tos Medicinæ
Doctores.

NOVEM in Superioribus Facultatibus.

Reveren-

Reverendos & Clarissimos,

DN. HENRICUM Götting / Pastor. ad Æd. S. Spirit.

DN. LAURENTIUM FRISIUM, Pastor: Bredensem.

DN. JOHANNEM Schmied / Pastorem Birtensem.

DN. JOHANNEM MAURITIUM, Designatum
Pastorem Hustroppensem.

DN. CASPARUM URSINUM, Islebensem.

DN. DAVIDEM HARBERDING, Rostochiensem,

DN. JACOBUM DORNKRELLIUM, Luneburgensem.]

SEPTEM
creatos Phi-
losophiæ Do-
ctores & Ma-
gistros.

Quorum omnium numerus
DECEM ET SEX

Illuxit demum, quod felix faustumque sit, tam inclutæ huic Academiæ, quam vobis, *Viri Plurimum Reverendi, Amplissimi, Clarissimi*, splendidissimus ille dies, quo Serenissimi nostri PRINCIPIS munificentia primam capitibus vestris & illustrem laurum imponit. Quo quidem bono die, bona verba à me essent dicenda, si numeros Poeticos adeo nunc faciles sentirem, ut ad carmen aliquod sponte suâ, nec valde contorti mihi properarent. Cum vero nunc me prope deferant Numeri isti, alia nunc quasi in numerato habebo vota, quæ Numerus vestrum insignis utique & quodammodo mirabilis, mihi adnumeravit, & quæ iterum nunc vobis enumerabo. Acta scilicet est, rarissimo exemplo vel nullo in omnibus, simul Facultatibus, publica nostra solennitas: isto Candidatorum numero, qui ob multitudinem spectabilis, & bono quodam auspicio venerabilis esse possit: nam si numeros eos subducas, & inter se conferas, vel mysterium hic aliquod latitare dices. Primum enim singulæ Facultates TRIADE definiuntur, numero omnium gentium consensu sacro, cujus si hic mysteria ad Pythagoræ placita depingere vellem, pene voluminis res ageretur. Theologicæ Facultati suo quodam jure TERNARIUS competit, qui divinus habitus, ut & Pythagorici (quod est apud Plutarch. de Iside & Osiride) Triangulum æqualium laterum Minervam nominârint. Jurisprudentia quoque ternarium suum exprimit honestè vivendo, neminem lædendo, suum cuique tribuendo, ut, si Pythagoram (apud Plutarch. eodem loco) audimus, justitia ipse sit TERNARIUS. Rationem dabit Plutarchus, qui *Æquitatem sive Æqualitatem in medio dicit positam, ejus quod injustè sit, & ejus, quod contrà toleratur ab excessu vel defectu*. Quo illud innuere voluit, tertium quasi quoddam esse illud, quod æquum & justum est, & hinc monade tanquam defectu; illinc dyade tanquam excessu stipari. Novit & Medicina suum ternarium, tria scilicet illa, quæ ita vocantur, principia, quibus eruendis demonstran-
disque

disque tam operosi sunt Chymici. TERNARIUS demum iste per singulas Facultates ductus excrescit in NOVENARIUM, qui numerorum omnium complementum est, & Musis sacer. Facultas Philosophica in SEPTENARIO subsistit, qui, sive disciplinarum spectes numerum, sive totam rerum seriem, quæ isto numero suas periodos metitur, vel auspicatus est, vel sacer. Refertur quoque SEPTENARIUS & NOVENARIUS inter numeros Climactericos, quibus vita nostra, velut gradibus quibusdam & scalis (unde & nomen acceperunt) distinguitur, ut non absque omine per hos numeros, nunc etiam sibi junctos, nostri Gradus & κλιμακτηρες, ut ita dicam, Academici crescant. Præterea impares in singulis Facultatibus sunt numeri, qui si aliis miscentur, pares redduntur, ita, ut Juridicæ Facultatis numerus Theologiæ imparitatem: Philosophicæ verò Facultatis numerus & singulis Facultatibus, & omnibus simul additus in numeros pares eas reducat. Sive enim Theologiæ; sive Juridicæ; sive Medicæ Facultati addideris SEPTENARIUM Philosophicum, semper DENARIUS hic exurgit, qui omnes omnino numeros supergressus denuo in aliâ serie numerare incipit, manifesto quodam indicio, non perfectò singulas Facultates venire numero, nisi & Philosophia illis suum addat calculum: Sic verè decumanæ eruditionis & edecumatæ illos dixeris, qui per omnes illos numeros transeuntes, demum in UNO & NIHILO illo (ipsam Figuram (IO) vide) subsistunt, ut UNUM sciant, præter istud UNUM, NIHIL, imo in isto & UNO omnia. Nam & NIHLI figura Circuli tibi formam exhibet, cujus quasi diameter esse posset linea illa, quæ unitatem notat, ut quæ omnes numeros metitur. Ab itenim demum omnis nostra Doctrina in eruditam aliquam ignorantiam, & in istud, quod nihil sciamus, extra UNUM illud, quod NIHILO isti additur, & quo omnia sciuntur. Perspiciat nunc aliquis numerorum ista mysteria pensitetque accuratius, quam mirè inter se omnia conspirent & convenient. Uti jam SEPTENARIUS Philosophicus singulis Facultatibus DENARIUM parit: ita & singulæ Facultates QUATUOR, si earum numeri inter se addantur, pariunt eundem DENARIUM, maximum illud Pythagoræ mysterium, numerorum summum terminum, ad quem ceu metam circumaguntur & se reflectunt, ut quod re ipsa est DENARIUS, id potentiâ sit QUATERNARIUS, qui implet universam numerorum differentiam. Primus ille QUATERNARIUS solidi naturam ostendit, omnium rerum ordines metitur & apprehendit, ut Hierocles, fidus Pythagoræ interpres, omnium opificem & causam dicat: quo ostendi potest, per QUATERNARIUM illum junctum solidam addisci sapientiam, quæ isto suo numero absolvere omnia videatur.

tur. Quod si jam & SEPTENARIUM & NOVENARIUM junxeris, iterum par numerus gignitur, & perfecto additur perfectus, DENARIO scilicet SENARIUS. Ille quidem ideo, quod omnes numeros suo ambitu comprehendat; hic verò perfectus propriè Mathematicis dicitur; quod omnes ejus partes aliquotæ simul sumtæ æquales sint. Continet enim SENARIUS UNITATEM, BINARIUM & TERNARIUM, qui singuli illum metiuntur, quique inter se additi eundem producant. Atque sic ex imparibus prodeunt pares numeri, quod nec ipsum suò caret auspicio. Revoco mihi hîc in mentem, quæ de numeris olim philosophabatur divinus ille Pythagoras: Numerus illi IMPAR plenus dicebatur & perfectus; contrà PAR, indigus, deficiens & imperfectus: illum formis destinabat rebusque, qui intellectu comprehenduntur; hunc rebus, quæ sensu percipiuntur, analogum faciebat: ut si jam hanc sententiam etiam hâc in re nostram facere velimus, omnis scientia & intellectu & sensu dici possit constare, qui inter se quasi colligandi & colligendi; ita tamen, ut intellectus superior sensu sit, omniaque absolvat in singulis; sensus verò, ut instrumentum aliquod adhibeatur. IMPAR numerus porro unitate, quasi vinculo quodam unitur, neque dividi potest. Sic scientiæ omnes uno quasi ambitu continentur, nec sunt divellendæ, ne cognitio nobis sit deficiens & imperfecta. Ita scilicet cum scientiâ nostrâ comparatum est: par impar ludimus, paria imparibus, imparia paribus miscemus, ut rarò quidem paria facere omnibus possimus. Vos vero, *Viri plurimum Reverendi, Amplissimi & Clarissimi*, qui numero quidem estis impares, pares tamen estis honoribus, quos ambiistis, & pene superiores. Maçti estis istis honoribus, quos ipse vester numerus & vobis, & huic Academiæ facit esse auspicatos. In illo estis apud omnes eruditos numero, & ista apud vos numerus hic habet pondera, ut non inter Numeros vos numerare aliquis possit debeatve, qui OMNIBUS NUMERIS ESTIS ABSOLUTI.

ΟΠΕΡ ΕΔΕΙ ΔΕΙΕΑΙ.

DESCRIPTIONIS
ACTORUM PROMOT.
FINIS.



DISSERTATIO DE SOLE IGNEO,

Resp.

MARTIN. BÜTZER, Kilon. Hols.

KilonI, ad diem VI. Aprilis,

ANNO 1672,

DE SOLE IGNEO.

I.

QUod felix faustumque jubeat ὁ πᾶσι τὸ Φῶς, de magno universi hujus lumine, Sole, dissertabimus. Quo quidem argumento, si à Deo, Spiritibus ac mente nostra discellerimus, nec illustrius nec vulgatius dari poterat: Ut aliqui tritum illud: Cui non dictus Hy-las? oggerere mihi; conatum aliqui Phaëtonum exprobrare posse videantur. At vero adeò obscurum hoc, quamvis in luce omnium positum argumentum est, ut Sol ille, quo demonstratore quasi & doctore per nobilissimum visus sensum intellectui sistitur rerum natura, ipse explorari dignosci que non possit: Plures certè qui lucem Soli se intulisse crediderunt, tenebras intulerunt. De cujus natura si verum fateri velimus, vel Poëtæ rectius quam magni Philosophi judicasse videntur. Quibus tamen tantum abest, ut errorem acerbius exprobrem, ut omnibus potius modis excusandos putem, subsidiis illis, quibus recentior ætas in phaenomenorum cælestium indagatione feliciter usa est, destitutos. Quod si itaque, summorum nostri seculi Mathematicorum vestigiis insistentes, quædam de natura Solis, quantum illa per sensus detecta est, disputanda proposuerimus, nemo ut arbitror vitio nobis vertet, qui simplicem rei veritatem sectamur in nullum injurii.

II. Notissimum è Philosophia Peripateticâ est, Solem cum Cælo orbibusque cælestibus corporibus annumerari simplicibus, de quibus mira præ-

dicat Aristoteles, mirabilia ejus Interpretes; quintam enim quandam naturam illis assignant, quæ cum elementis non compacta sit, nulli sit corruptioni generationique obnoxia, sempiterna, divinè corporea, sine materia materialis, sine privatione forma. Quæ cum nec divinitus revelata fuerint, nec humanis explorari sensibus potuerint, non nisi conjecturæ sunt, quas cum experientia refutat, tueri velle, cum ratione insanire est. Nec fuerunt adeò simplices nostro seculo Mathematici & Physici cordatiores, ut eam sibi corporum simplicitatem obtrudi paterentur nullis idoneis argumentis probatam. De Cælo ipso nihil equidem nunc dicam, cui tamen, præter simplicitatem etiam soliditatem adamantinam à Morino, non ignobili Mathematico (a) hodieque adscribi miror. De Astris alia omnia nobis persuadent Mathematicorum observationes, qui ex heterogeneis liquidis consistentibusque, adeoque ex elementis, ea quæ viciniora globo terraqueo sunt, compacta deprehenderunt, unde & reliquorum iniri ratio potest. Nec demonstrari Morini (b) sententia potest, qui ex æthere condensato maximam partem ea constare putat; qui quidem cum condensatur, (si condensari potest) ætheris profectò naturam exuit. Ridicula etiam est Osii (c) demonstratio, qui non è puteo, in quo Democritus veritatem latere asseverabat, sed è cado vini impuritatem stellarum nobis probat. Orbem hunc cado vini; ejus portionem mediam puram, ætheri, mundi parti puræ: fæces subsidentes, terræ; flores, quos vocant, vini supernatantes stellis comparat. Longè veriores sunt illæ, quæ è Cometarum apparitionibus, maculis similibusque in globis cælestibus phænomenis petuntur demonstrationes, è quibus abunde patet, cælestia corpora alterationibus generationibusque esse obnoxia. De Luna, vicinissimo nobis sidere, postquam ejus faciem adeò accurate nobis depinxit Hevelius, nemo amplius telluri nostræ simile corpus esse dubitabit. Inter fabulas tamen mihi referendum videtur, quod in vita Peireskii alterius fide narrat Gassendus (d) de tubo Drebbelii, diametri palmaris, quo licuerit in disco Lunæ discernere campos, sylvas, ædificia, & munimenta locorum nostratibus non absimilia. Quamquam verò & Cartesius tubum parari posse existimaverit ejus magnitudinis, quo animalia, si qua sunt, in Lunâ conspici possint. De quo inter Auzutum ac ingeniosissimum illum micrographum Hokium agitata non ita pridem fuit controversia. Impugnavit eam de simplicitate astrorum doctrinam doctissimis argumentis, instituto tamen suo accommodatis Jordanus Brunus; (e) fusè verò integrisque libris, Ricciolus, Christophorus Scheinerus, Franciscus Reita, Bulialdus, ubi irrefragabilibus observationum expe-

(a) *Astrol. Gall. lib. 3. sect. 3. c. 1.* (b) *Astrol. l. II. c. 7.* (c) *Novar. Opinion. Sylva c. 12.* (d) *p. m. 190.* (e) *De immens. & innum. l. 4. c. II.*

experimentis sacrarumque literarum ac Ecclesiæ Doctorem sententiis illam cælorum astrorumque ἀφαιρέσις convellunt. Quorum vestigia legit Kircherus in præfatione parænetica itineris sui, ut vocat, ecstatici: Videri etiam Vosius (a) potest. Quæ à natura motus pro sua sententia adducit, Aristoteles, solidè refutat Honoratus Fabri (b): His itaque positis, nullam etiam in Sole simplicitatem agnoscimus, in quo spissiore tamen substantiam, quam in alio corpore simplici deprehendere sibi visus est Albertus M. (c) *non univocā, ut loquitur, spissitudine cum elementorum inspissatione, sed potius æquivocā, quia spissitudo sua substantia non proficiscitur ab aliquā qualitate elementali, sed potius à nobilitate continuitatis sue substantiæ.* Quæ arguta quidem & sonora verba sunt, rei tamen & veritatis parum habent.

III. Est vero illa de simplicitate corporum cælestium sententia, ut non levi suspitione conjectare licet, magnam partem è Veterum Chaldæorum de astrorum divinitate opinione orta, quæ cum firmas in animis multarum Gentium radices egerat, accedente ob ignorantiam corporum ad visum perfectissimorum ac pulcherrimorum admiratione, facile hinc in alteram opinionem, quam amplexus est Aristoteles, migravit, qui & ipse quandam in Cælo divinitatem agnoscere videtur. Huic certè sententiæ omnem adeo Astrologiam ac ex astris prænotionem (quo jure quæve injuria nunc non disputo) imputat Salmasius, (d) Achilleo hoc argumento: *aut astra Dii sunt; aut nulla est Astrologia*, eam everfurus. Quod æquè stringit, ac si de elementis ratioçinarer, aut Deos esse (nam & illa pro Diis culta) aut nullos eorum esse effectus. De Sole, qui & Dæmonis nomen in veteri Astrologia obtinet, constat, à variis gentibus fuisse pro numine cultum, unde factum, ut & Christianis à gentibus ἡλιολατρεία objiceretur. Hunc aliqui διὸς πύργον Jovis turrem, alii διὸς θρόνον Jovis solium vocarunt, quod quodammodo cum illo Hebræi vatis convenit, qui Jehovah tabernaculum in Sole ponit. Agnoscunt & Chineses solem pro Deo, atque beatorum hominum animas ab eo recipi credunt. Similia sunt Peruvianorum commenta, quæ prolixè recensetè regia gentis suæ familia scriptor Ynca Garcillasso de la Vega. Videndus eā de re Vosius (e) ac Joh. Franciscus Grandis, singulari dissertatione de Variis Dei nominibus Soli attributis.

IV. Porro unicum esse Solem nemo fortassis dubitat, solet enim inter species, quas vocant, monadicas referri. Non desunt tamen, qui in vasto immensoque hoc spatio plures esse Soles ac terras contendunt: Sunt qui infinitos. Statuit hoc Jordanus Brunus de immenso & innumerabilibus, seu

Gg 3

de

(a) Lib. 1. de or. & progr. Idol. c. 39. (b) Tract. 8. Phys. l. 1. prop. 5. (c) l. 3. de an. tr. 1. c. 5. (d) de Astrol. veteri. & ann. climat. p. 785. (e) de Idol. l. 2. cap. 7.

de universo & mundis, poëmate ad Lucretii instar conscripto, suis ubique notis interspersis. Quibus in libris fusè adductis argumentis infinitos esse orbes, infiniti agentis infinitos effectus demonstrare laborat. Duo illi corpora sunt primordialia immensum ac infinitum hoc universum constituenta, Soles & terræ, æque innumerabiles. Stellæ fixas Soles facit, quibus circumpositæ Terræ tam ob lucis debilitatem, quam ob maximam distantiam visui non parent, quæ si aliquando motu suo ita ferantur, ut in terræ conspectum prodeant, novas nobis appellari stellæ aut Cometas dicit. Fabulas etiam Poëtarum (dignum hæc patellâ operculum) pro stabilendâ suâ sententia in subsidium vocat. Quæ enim Homerus de Jove, Diisque cæteris apud Æthiopes juxta Oceanum epulantibus fabulatur, insano commento explicat de Solibus, astris ignitis, ex opacis Planetarum sive terrarum corporibus (illa enim sub Æthiopum nomine intelligit,) in quibus elementum aquæ dominatur, nutrimentum capientibus. Est vero ille à Merfeno refutatus, ac vivicomburio, si Sorello credimus, sententiarum suarum audaciam luit. At post eum Galileus, Cartesius, alique Mathematici de stellis fixis, Solibus, quanquam non infinitis, eadem impune docuerunt: Hic verò etiam Soles successu seculorum terras fieri, & terram quoque nostram in Solem aliquando mutari posse credidit. Nec Kircherus adeo est à pluralitate Solium & Terrarum alienus, qui ubique in Itinerario suo ecstático, quanquam altè dissimulet, Bruni legit vestigia. Sirium etiam stellarum omnium inerrantium splendidissimam non ignobilis Mathematicus Solem alterum statuit, qui si locum Solis nostri occuparet, eosdem in terram effectus habiturus esset. Unde & vehementioris æstus causam ex ortu ejus heliaco deducit. Nos in re dubiâ, in quâ conjecturis tantum locus est, ὁδὸν ὁρίσσομεν. De Luna res penè demonstrata est, ac verosimile est, Veneris, Martis, quæ æquè per phases variantur, eandem esse conditionem, quæ Lunæ est; præsertim cum in Venere Buratinum, per telescopia majora, maculas illis, quæ apparent in Lunâ, similes observasse in epistolis suis Auzutus testetur: Nec absurdum est, statuere quædam etiam corpora cælestia inter fixas, quæ suâ luce radiant, ac ad Solis naturam quamproximè accedant. Ac videtur necessario ita statuendum, cum radii Solis ad stellarum fixarum loca non pertingant, ut falsò quidam sibi persuadent, Solque ipse non majori quantitate stellis fixis appareat, quam illæ nobis apparent, ut demonstrat Morinus alique Mathematici. Frustra hic dissentit Honorat. Fabri. (a)

V. Ut itaque Solem propius intueamur, illum Ignem dicimus, & ne quidem purum, materiæ alicui maximam partem indissipabili permistum.

Frustra

(a) *Tract. 8. Phys. l. 2. prop. 3.*

Frustra enim est Morinus, (a) qui flammam ætheream puriorem, igni elementari etiam subtiliorem, quæ tamen cum qualitatibus elementaribus compatibilis sit, ut loquitur, hic requirit. Metuit scilicet, ne cælum ruat, si igne nimio, quia solidum illi est, calcinetur aut vitri instar liquetur. Nos, ut sententiam Peripateticorum scholæ contrariam arripiamus, ipsa rei cogit evidentia, ac ne quis præter rationem nos novaturus existimet, eam cum antiquissima Philosophia natam asserimus. Zoroastrinum Oraculum est de stellis: *fixis ἐπὶ τῷ δὲ πολὺν ὁμιλον ἀστέρων ἀπλανῶν, τὸ πῦρ πρὸς τὸ πῦρ ἀναγκάσας* *compegis multum cælum astrorum inerrantium, ignem ad ignem cogens.* De Sole: *πῦρ πρὸς ἑξοχέπνοια καὶ πρὸς ταμίαν*, Ignis de igne derivatio & ignis penu. Thales: *γῶδῃ μὲν ἔμπυρα δὲ ἄστρα*, terrea quidem sed ignita esse dixit. Anaxagoras & Democritus Solem dixerunt *μύδρον ἢ πίτραν διδρυρον*, xs sive lapidem ignitum. Epicurus terrenum factum vult pumicis aut spongiæ instar ab igne perforatum; quod quomodo intelligendum sit, ac ad mentem Mathematicorum explicari possit, docet nos Gassendus (b) Ac ipsum Aristotelem aliquando fuisse in eâ sententia evincere laborat Patrius dissertatione, an sidera sint ignes: sola verò dissentendi libidine visum atque tactum abnegasse. Videnda & ejusdem Autoris de Sole dissertatio, ubi pluribus rationibus & suffragiis sententiam nostram adstruit. Lipsii item Physiologia Stoica, (c) ubi de Stoicis, quod sidera *πυρρὰ πρὸς εἶναι* statuant, qualis in animalibus ac plantis reperitur, probat. Hanc verò antiquitatem agnoscit Thomas (d) qui SS. Patribus Platonismum hic obijcit. Quasi vero majus crimen sit Platonismi, quam Aristotelismi reum esse.

VI. Ex iis omnibus, quanquam confusior fuerit, sensu tamen docente, non aliam habere potuisse de corporibus cælestibus notitiam videmus, quam esse illa *πυρρὰ*. Cui sententiæ etiam ipsæ SS. literæ & Patres adstipulantur. Quam & Mathematici recentiores, quos recensitos vide, in Kircheri Itinere ecstático, prælusione in Solem, probarunt. Honoratus quoque Fabri, sublimis judicii Vir magnæque experientiæ, quo nemo felicius Peripateticæ Physicæ principia cum recentioribus conciliavit, quamquam à latere Aristotelis non facile discedit, eâ tamen in re sententiam illi contrariam amplexus est, doctissimisque argumentis propugnavit (e) Quæ in iis consistunt: Formaliter calidum Solem esse, verum esse ignem, nec purum, sic enim corpus simplex esset, sed mixtum aliquod, cui ignis insit, quodque multâ terrâ, multo etiam igne constet. Quæ si quis cum Anaxagoræ Democriti ac Epicuri sententiis conferat, mirum hic observabit, consensum: nec causa est, cur nos dissentiamus.

VII.

(a) *Astr. Gall. l. 9. sect. 3. c. 8.* (b) *Phil. Epic. p. 773.* (c) *lib. 2. diff. 13.*
 (d) *2. sen. diff. 14. quest. 13.* (e) *Tract. 8. Phys. l. 1.*

VII. Ac quidem Solare corpus mixtum esse è materia cressiori & liquidiori igne occultorum, magistra nos docet experientia, quæ per telescopia inæqualem Solis superficiem, hîc mare quasi igneum vorticibus ac fluctibus asperum, illic partes densiores ac solidas, quæ saturo illo colore à fluidis partibus satis distinguuntur, observavit. Ut ita Solare corpus Oceano ignito simile videatur, per quem quasi insulæ & scopuli sunt diffusi, è quibus quemadmodum è montibus terræ ignivomis flammæ prorumpentes norantur, unde fuligines, maculæ ac nubes quædam existunt, Solis regiones aliquas obtexentes: è quibus successu seculorum crustas trahere, atque ita in tellurem seu planetam degenerare posse Cartesius credidit: quæ tamen potius meteora *ἡλιακά* sunt, & nubium nostrarum instar evanida. Faciem Solis nobis ob oculos ponunt Scheinerus, qui primus maculas observavit earumque historiam diffuso opere descripsit, quanquam sibi hanc gloriam vendicat Galilæus; Hevelius; Bulialdus, Principes in his studiis Viri, è quibus istam de maculis doctrinam compendio quodam contraxit Vir Cl. Joh. Andr. Bosius peculiari dissertatiuncula. Depinxit etiam ante illos schema ejus Jordanus Brunus libro de immenso & innumerabilibus, (a) non qualem verè se exhibet conspiciendum, sed qualis probabiliter ejus structura concipi possit, sub lucido, opaco suo intermixto, cujus opacitas à vicino lucido absorbeatur.

IIIX. Quod si itaque mistum corpus Sol est, ut vidimus, dispiciendum, quam ex materiâ verosimiliter compactus videatur, quæ quidem ita comparata sit, ut facilè dissipari nequeat. Veteres Philosophi lapidi, terræ, vitro candenti, æri fuso compararunt: nec absurde quidem, cum illas esse materias crederent, quibus Ignis per diuturnum tempus servari & quasi conpingi posset. Quod si enim furno vitrario aut æri fuso oculos quis immittat, idem ille lucis candor, qui in Sole animadvertitur, oculos præstringet, ut major vix similitudo dari possit. Ac de vitro quidem verosimilis alicui sententia videri posset, cum, si Sol ex aliquo densiori constat, perpetuus ille ignis non nisi in vitreâ substantiâ teneri ac hospitari posse videatur, ut qui quando intensissimus est, vitrificatorius est, si in materiam habilem incidat. Sed & vitrum tandem comburi posse constat. Fuit & nuper, (b) qui terræ basin ex vitro constare credidit. Honoratus Fabri Solem, si aliquid è mixtis sublunaribus hætenus cognitum est, non nisi aurum liquidum esse pronunciat: quod quam paradoxum & ridiculum multis visum fuerit; iis tamen rationibus sententiam suam fulcit, ut assensum non difficulter extorqueat, ac persuasit sanè Viro præstantissimo du Hamel, qui in Astronomia Physica (c) non

invitus

(a) Lib. 4. c. 7. in notis. (b) Leibnitz. Theoriâ Mot. concret. p. 13. (c) lib. 2. c. 1.

invitus calculum illi suum addit. Notandum verò, illum ex hypothese loqui. Rationes facile conjiciet aliquis: cum nihil sit in tota rerum natura, quod igne minus sit dissipabile, quam aurum, qualis substantia ad constituendum Solem omnino requirebatur. Atque hæc si vera esset sententia, Chymici sibi plauderent, qui tantam Solis & auri cognationem venditant, ut uno nomine illis veniat, atque hoc illius quædam propago habeatur. Tu vero mihi hic vide Poëtas Philosophos, qui axem, temonem, rotas aureas soli adscribunt. Mea hæc est sententia: Solem maximâ sui parte materiâ constare indissipabili, quam fixam Chymici vocant, quæ totius massæ quasi basis quædam sit, intermixtis tamen quibusdam materiæ etiam dissipabilis partibus, sed rarioribus: unde *μετέωρα* illa *ἡλιακὰ*, nubes seu maculæ in Sole oriuntur, quarum per vices expulsio est & receptio. Nec earum origo demonstrari posset, si corpus Solare secundum Fabri sententiam aurum totâ suâ substantiâ esse dicatur. Id enim nullas emitteret fuligines. An vero aureum sit, non nisi ex hypothese dici potest. Materiam tamen esse oportet illi quam simillimam.

IX. Futilis proinde objectio est de alimento Solis, si ignis sit. Poetis has loquendi formulas transcribimus, qui quidem equis Solis pabulum, nullum ipsi Soli affingunt. Nullum propriè Ignis alimentum est, sed quo minus est dissipabilis materia, in qua ignis habitat, eò ille diuturnior est ac tenacior. Operam itaque ludit autor libri *Sol flamma*, Stoicorum in hoc sententiam secutus, qui adeo in pabulo igni Solari assignando sollicitus est, quod illi conficit è vaporibus, anxie secundum Zonas ineptâ diligentiam distinctos; unde ad ipsum Solis locum deveniant. Non vacat nobis cum fumis & vaporibus pugnare, rei absurditas per se patet. Video tamen in eadem quoque sententia Jordanum Brunum esse, nec alienum Guilielmum Postellum in libro paradoxo ac monstroso de nativitate Mediatoris ultimâ. Scottus etiam Commentator itineris ecstatici pabulum aliquod agnoscit, quale montes ignivomi sibi ipsis sufficiunt, quod aliqui illis etiam è mari vicino petunt. Sed immane quantum discrimen est inter Solare corpus ac aliquas terræ portiones, quæ non semper ardent, sed accedente materiâ, suscitante vento in flammæ abeunt iterumque extinguuntur: De cujus incendii causis nemo rectius, quàm Petrus Castellus singulari de Vesuvio libro Italica lingua scripto nos edocebit. (a) Quin scimus etiam absque pabulo per tot secula servatas lucernas in sepulchris, quas artificio chymico ex auro elaboratas existimat Vir doctissimus Hermolaus Barbarus, pluribusque contendit Claudius Guichardus, (b) qui de funerum ritibus ante Kirch-

Hh man-

(a) *Incend. del Mont. Vesuv. p. 19.* (b) *des funerailles. liv. 1. à p. 82. ad 86.*

mannum erudite satis & copiosè gallicâ lingua scripsit. Nec desunt, quæ respondere possis illis, qui Solis ignem exhauriri posse aliquando putant, etiamsi materia Solis dissipabilis statuatur, quæ fusè vide apud Gassendum & Digbaum. Nunc cum materia indissipabilis à nobis statuitur, non opus est ad ea confugere. Eâdem planè operâ eorum objectio facilè resolvitur, qui Solis corpus conicum esse debere existimant, si ignis esset, non sphericum : Ad quam inepta est autoris libri *Sol flamma* responsio: Solem coni apicem projicere in partem à terrâ aversam. Non est flamma aliqua aut vapor ardens Sol, sed corpus densum ignitum, à quo flammæ non eminent vel saltem eminere non videntur; ac impedire etiam Solis circa axem suum rotatio aerisque incumbentis ambitus sphericus tale, si quod esset, phenomenon posset.

X. Porro igneam Solis naturam demonstrant effectus illi Soli cum igne communes, quos manibus palparamus : urit enim & lucet. Testantur id vitra caustica, per quæ radii Solares transmissi, si in centrum coincidunt, lucem in flammam condensant: unde ignem nihil aliud quam lucem densatam, lucem vero ignem attenuatum esse manifestè patet. Sunt itaque radii Solis ipsæ particulæ igneæ à Sole protrusæ. Qui enim inter accidentia referunt, plurimis se difficultatibus implicant, quibus mirè se torquere illos videas. Sed non sunt ista hujus loci. Utriusque sententiæ argumenta diffuso libro explicuit nuper Grimaldus. Ne quid nunc dicam de controversia hæc inter Vossium, Petrium, de Brün, alicsque agitata. Et hæc quidem sententia adeò vera visâ fuit Digbæo, ut radios Solis per vitrea specula artificiosè disposita in rubrum & subfuscum præcipitari posse pulverem accrederet viro nobili, qui se tentasse hoc asseverabat. (a) Sed illum ego quidem deceptum fuisse arbitror peregrinis quibusdam particulis salinis, quas magno per aërem volitare numero, certisque capi posse machinis constat : Facilè enim illæ per radiorum unitorum vim igneam congestæ adustæque fuerunt. Objici huic experimento solet, quod ignis noster ita cogi in angustum nequeat, ut comburere vel per refractionem vel reflexionem possit. Quod falsum est. Nam quod respondet hic Scottus, pauciores esse ignis nostri radios ac rariores ob exiguum ignis molem, quam ut ignem per reflexionem producere possit, verum quidem est : Memini tamen experimento certo rem exploratam in speculo concavo metallico, quo radii furni calentioris excepti in puncto coalitionis exurere rem inflammabilem potuerunt. Ac notavit idem experimentum Honoratus Fabri. Quo iterum Solis ac Ignis nostri convenientia probatur.

XI. Sunt qui etiam hæc objiciunt, corrumpi atque extinguì posse Solem,

(a) *De Nat. Corp. cap. 7. num. 8.*

lem, si igne nostro simili constet, quod tamen cum ejus natura incorruptibili pugnet. Illi vero nesciunt, quâ ratione corrumpi ignis dicatur, cum corruptio ejus non sit nisi dissipatio particularum: ea verò in materia indissipabili per se contingere nequit. Nec facile possunt illi agentia naturalia applicari, quibus listatur motus ille particularum ignearum in Sole; unde ejus extinctio metuenda. Ac verum est, quod Honoratus Fabri ait, si dari posset Oceanus ipso Sole major, extinguere in eo ignem Solaris corporis posse. Jam vero an per partes alterari ac extinguere iginis in globo Solis possit, nos quidem definire non possumus. Quod si contingeret, non magis in corruptibilis dici posset Sol totus, quam globus noster Terra-queus, qui quidem per partes alteratur, totus verò suo modo incorruptibilis dici potest. Quæ de gravitate aut levitate, item de exustione mundi objiciunt, inepta sunt, nec responsione digna.

XII. Restat denique, ut videamus, quem Peripatetici nobis Solem fingant, aut quas operationes illi tribuant, cum veros istos ignis effectus vident. Isti quidem magnum quiddam se putant dicere, cum Solem non formaliter, sed eminenter, vel ut alii loquuntur, virtualiter calidum esse existimant. Quo illud volunt: non ipsi quidem calorem inesse, sed vim tantum caloris productivam. Quam productionem ita explicant. Calorem dicunt fieri ab attritione aëris per motum stellarum & Solis, quemadmodum in ligno, ferro, lapidibus, sagittis, motu calor gignitur, unde aerem circumstantem ignescere necesse sit: Ea vero, quæ per orbem feruntur corpora non quidem ipsa ignescere, aerem autem, cum sub ipsa corporis circulariter moti sphaera sit, incallescere. Aphrodisæus ut subtilior videatur, eo modo sublunarem aerem à Sole, qui eum non contingit, conteri existimat, quemadmodum Torpedo in retibus deprehensa piscatorum manibus torporem infert, nihil eo retia ipsa efficiens. Sed illi à torpedine stuporem menti inflatum existimo, cum hæc scriberet; adeo enim jejuna & absurda est sententia, ut ne scintillam quidem sanæ rationis habeat. Averroes, quanquam aerem à stella, à quâ non contingitur, moveri neget, Solem aerem quidem non contere dicit, at vires tamen & quasi robur, suppositæ orbium parti subministrare, & veluti densitatem communicare, quæ & per se & cum universo cælo conspirans robustius agat ac vi aerem conterat majore, velut particeps densitatis Solaris facta. Quibus in argutiis explicandis Oedipo profectò opus habemus. Illis discutiendis non est ut immoremur. Absurditatem harum sententiarum jam pridem ostendit Bernhardinus Telesius. (a) Nos præterea etiam ignem illum, quem vocant eminenter vel virtualiter productum, eo sensu negatum imus, ac in

Hh 2

Sole


(a) De rerum natural. l. 4. c. 6. 7. 8. & 9.

Sole etiam rejicimus. Non largimur Peripateticis novum ignem, qui ante non erat, generari per motum posse, nullum enim produci exemplum potest, ad quod non parata sit responsio. In pipere aliisque aromatibus dicunt esse vim, quæ in stomacho producat calorem, sed reverâ illæ ipsæ particulæ ignis in iis latuerunt aliis particulis obseptæ, quas postea contusas stomachi calor arripuit, suisque associavit, unde motus in sanguine, ferventior. Idque experimento certissimo probari poterit. Paratur liquor sulphureus subtilissimus ac purissimus, qui aliquoties contuso aromati affusus paulatim ita evocat particulas sibi congenere sulphureas ac igneas omnes, ut quæ residua massa est, tota sit insipida ac fatua: Illæ vero ita liquori sub crystallina perspicuitate adunantur, ut accenso liquore simul in flammam, vestigio nullo relicto, abeant. Cum à chalybe per filicem scintillæ extunduntur, sulphuris copiosissimi particulæ in chalybe latentes in puncto à filice vehementius percusso per illam agitationem in motum lucidum deducuntur, qui adeo vehemens est, ut particulas recisas vitrificatas microscopio deprehenderit Hokus. Et facile calorem illum odor sulphureus prodit. E glacie verò scintillas per attritionem eductas nunquam mihi persuadebit Kircherus, (a) qui in experimentis oculatam fidem sequor. Cæteris quæ afferri solent exemplis respondebit præstantissimus Vir du Hamel libro de consensu veteris & novæ Philosophiæ. (b)

XIII. Poterant hæc plura tum argumenta tum objectiones in medium proferri, quibus sententiæ hujus veritas stabiliretur: sed supervacaneus in re manifestâ labor est, quam adeo veram esse putamus, ut ipsis Solis radiis (quod proverbio dicitur) scripta esse videatur. Ipse Sol de effectu suo testatur. *Solem quis dicere falsum audeat?* (c) testantur sensus nostri, qui omni prævalent ratiocinio, unde primum est sciendi initium:

— *Nam nisi prima fides fundata valebit,
Haud erit, occultis in rebus quo referentes
Confirmare animi quicquam ratione queamus.*

(a) Itin. in Solem. (b) lib. 2. c. 21. (c) Virg. Georg. 1. v. 463. (d) Lucret. lib. 1. v. 423.



DE
METALLORUM
TRANSMUTATIONE

AD


Virum Nobilissimum & Amplissimum

JOELEM LANGELOTTUM,

Serenissimi Principis Cimbrici Archiatrum

Celeberrimum.

EPISTOLA.



Nobilissimo & Amplissimoque

V I R O

JOELI LANGELOTTO,

S. P. D.

D. G. MORHOFIUS.

Quoties Sleswigam excurrrens ad Te in viso, Vir Clarissime, plerumque doctior, quam accesseram, recedo. Præterquam enim quod eruditissimis tuis sermonibus aures animosque sæpe tenes. Iubinde nova quædam, cum ex omni politioris literaturæ genere, tum è naturalis potissimum scientiæ penetralibus, quæ ad Te vel Amici perscribunt, vel ipse ingeniosè inventa moliris, mecum, quæ tua humanitas est, communicare non gravaris. Cujus honestissimæ suavissimæque conversationis fructus cum non exiguos sæpe persentiscam, fructum non solum, sed & voluptatem cepi maximum è sermonibus, qui inter nos de ingeniosissimæ tuæ Epistolæ, non ita pridem publicatæ, argumento serebantur, cum ante menses aliquot Tibi adessem. Præclaræ illæ sunt omnia ac subtiliter excogitata, quæ de digestionis, fermentationis ac tritus usu in Chemicis laboribus monuisti. Mirabilis est illa auri per molam, quam vocas, Philosophicam comminutio, quam illic doces. Curiosissimæ sunt, quæ de fermentatione Tartari, ejusque salis volatilis spiritu, Opii Essentiâ, Mercurii eductione ex Antimonio, Corallorum in rubicundam mucilaginem analysi, jucundè non minus quam utiliter differis: ut profectò isthoc nomine multum tibi literatus orbis debeat ac Chemici præcipuè, quibus non pauca arcana, quorum dubia hætenus fides fuit, Te demonstratore patuerunt. Magnam certè apud illustres Collegii Regii Londinensis socios scripto hoc publicato gratiam inivisti: nam & summis extulerunt laudibus, & hæc quasi promulsæ illecebræ, quæ promisisti, Acta Laboratorii Gottorpiensis, uberrimam ex istis præmetiis messem sibi polliciti, impatienti desiderio efflagitarunt. Testantur id humanissimæ literæ, quas non ita pridem nobilissimus Dn. Oldenburgius ad me scripsit: quarum vel ideo mentionem hic facere volui, ut exstaret hæc quasi publica commonitio, quæ oblivionem, inter continua illa negotia facillè obrepentem tibi excutere ac aurem vellicare nonnunquam possit. Nec minus

se Ti-

se Tibi obstrictam agnoscet Celeberrima Naturæ curiosorum in Germaniâ nostrâ Societas, cui epistolam tuam inscribis: non parum enim sibi de novo, quo extris se ostendet, documento gratulabitur. Atque illi quidem illustres & in rerum naturalium ludo principes hoc seculo Viri, quia in his causis sedere judices possunt, penitusque omnia rimantur, majorem inventis tuis auctoritatem laudibus suis conciliabunt, quam ego meique similes: qui admirari hæc, aut commemorare aliis tantum, sed judicare parum aptè possumus, nec debemus, ne, quod Græci proverbio dicunt, *ἐὼ ἀλλοτρίῳ λόγῳ πόδα νίπτειν* videamur. Factum tamennest, nescio quomodo: ut, cum nuper à manu tua gratissimum acciperem munus, doctissimam nempe epistolam tuam, occasione auri per molam philosophicam soluti, in sermones de metallorum transmutatione abriperemur; Tibique quæ hujus argumenti in medium tum proferebam non displicerent: adeo quidem ut vel publicâ luce non indigna judicares. Erant vero illa pro adituenda transmutationis veritate, partim è naturalis sapientiæ adytis; partim ex Historiâ cum veteri tum recentiori petita, 'ut illa memoria dissertanti suggererebat; non præclara illa quidem satisque culta: tibi tamen, quod affectui tuo imputo, non ingrata. Ego quidem statim tum monebam, ne me noctuas Athenas ferre, id est, de re tot hominum calamis trita, ac penè protritâ, addo etiam invidiosâ, scribere juberet, præsertim cum præclarissimi Viri, Conringius & Borrichius jam pridem omnem hujusrei fundum occuparint: cæterorum verò scriptorculorum tanta turba sit, ut nostra vel ingloria, vel inutilis hîc opera sapientioribus videri possit. Tu verò diversum quid à me sentiens urgere non destitisti, ut hoc, quicquid est, opellæ, in me susciperem. Quâ in re tandem, quoniam ita voluisti, refragari Tibi diutius nec debui nec volui, modò tu videris, ne vel te fallas ipse, vel alii, quibus amplior fortè spes ostenditur, per te fallantur. Nos vero ita rem aggrediemur, ut primo de transmutationis possibilitate pauca quædam attingamus: deinde de autoribus, qui artis hujus arcana vel tradiderunt vel propagarunt; denique de ipsis artis hujus experimentis non planè in triviis decantata, aut in vulgus cognita in medium producamus.

I. Primùm, cum de Metallis quæritur; an commutari illa possint: commutatio verò corruptionem unius & generationem alterius metalli necessario supponat; dispiciendum in limine hujus dissertationis esset: quomodo natura in terræ visceribus illa componat. Sed quis ignorantiam hic suam non profiteatur? Nam cum profundis adeo tenebris res ipsa immersa sit, quis doctrinam hanc in aprico ponet? Nullus à tot seculis, in hunc usque diem comparuit, cum tamen tam acutum nunc res naturales cernimus
ad

ad ipsas usque particularum particulas, qui exerto digito metallorum causas monstrare ac ponere ob oculos possit. Hinc meræ ubique conjecturæ & palpitationes, nihil certi: cum quæ de naturâ eorum cognoscimus, à superficiariâ tantum contemplatione proficiantur. Altius fortassis Natura eorum principia recondit, quam ut pervenire eò humana molimina possint. Operationes, quibus illa uritur, lentæ, ac integris seculis nonnunquam ducuntur, & per cuniculos: ut omnem observatoris, quam solertissimi, industriam facile effugiant. Metallurgi indocti sunt, ac causarum naturalium ignari. Qui ingenio profundiori illas rimari possunt Philosophi non facile periculis, quæ rem illam comitantur, se exponunt. Hinc desertam habemus nobilissimam scientiæ naturalis partem, quâ non satis perspectâ etiam in reliquis hallucinabimur. Ab interiore enim globi hujus terreni compositione, partiumque ejus præcipuarum, inter quas succi cujusdam & medullæ instar principem sibi locum salia & metalla vendicant, & horum exhalationibus omnis ille aër, qui globo huic circumponitur, variè afficitur multaque hujus atmosphæræ phænomena dependent. Scriptores Metallicos si excusseris, parum invenies quod saturare peccatus possit. Quicquid tamen eâ in re præstitum est, Germanis debetur, quorum vestigia legunt exteri, si qui sunt, qui hoc argumentum tractârunt. Pauca sunt apud verustos Scriptores, *Platonem*, *Aristotelem*, *Plinium*, historiæ Metallicæ monumenta. E recentioribus, post *Alberti M. libros de mineralibus*, *Andrea de Solea* liber de incremento & decremento Metallorum, qui *Basilio Valentino* vulgo adscribitur, ac cum ejus XII. clavibus edi solet, quanquam integro sæculo hunc ille superet, præclare scriptus est ac multa habet recondita: sed obscura pleraque sunt, nec aperte satis scripta. Diligentissimus ac eruditissimus Scriptor *Georgius Agricola* est, qui & historiam & operationes metallicas pro virili suâ executus est. Quibus addi possunt, quæ Germanicâ linguâ scripta sunt *Lazari Erkeri* in arte docimasticâ principis, *Fachsi*, *Matthesii*, *Albini*, *Zacharia Theobaldi*, quique pleraque sua è cæteris collegit, *Lohneisenii* opera. Sed nec *Andreas Casalpinus* contemnendus. *Bernardus Cæsius* in alia omnia dilabitur: nam locos potius communes de rebus metallicis congescit, qui ad naturam metallorum pernoscendam parum faciunt. Nec prætereundi sunt fossilium, quæ in variis terræ partibus inveniuntur: Nomenclatores, *Kentmannus*, *Schwenckfeldius*, *Creschmarus*, *Merrettus*, *Aldrovandus* in Museo Metallico. *VVormius*. *Athanasius Kircheus* quanto hiatu magnifica multa promisit de mundo suo, quem ita vocat, subterraneo! Sed vehementer ille corvos deludit hiantes. Quanquam enim vastus liber sit, adeo tamen rerum inops est, ut & illa, quæ necessario sunt, nonnunquam omittat; superflua multa con-

conscribat; cramben toties coctam toties recoquat; multa ex aliis describat; in multis impingat; nova parca manu serat. Longè illo ingeniosior est Phyllicæ subterraneæ scriptor *Beecherus*, qui eo libro, & ejus supplemento non pauca affert; quæ magnam rei metallicæ lucem inferre possunt. Nec laude sua privandi *Honoratus Fabri* & *Hamelius*, Philosophi præstantissimi, quorum ille in libris Phycis; hic tractatu de Meteoris & Fossilibus hanc Philosophiæ naturalis partem non leviter illustrarunt. Superiore anno *Websterus* Autor Anglus patria lingua Metallographiam edidit, sed è Germanis scriptoribus, & quibusdam ex eis, quos modo enarravimus, præcipuè congestam, cum paucis quibusdam suis observatiunculis. Sed nec autores omnes ipse novit; nec delectum satis accuratum instituit. Quamquam laudari tamen, Viri istius debeat diligentia, quâ collecta sub certis capitibus habemus, quæ in autoribus ipsis non sine tædio aliquo conquiruntur. Quæ Vir illustris *Robertus Boilius* de Origine Metallorum & Mineralium commentatus est, procul dubio, ut omnia Viri illius, eximia erunt & elaboratissima, quantum è libello, ipsis, de quibus agit, gemmis pretiosiore, non ita pridem publicato augurari licet. Sed ea hæcenus ad manus nostras non venerunt. Interim è tantâ scriptorum Metallicorum segete parum admodum excusseris, quod intimam metallorum naturam in conspectum tibi producat.

Qui aquam omnium corporum faciunt elementum, idem quoque metallis substernunt. Quam veterum quorundam Philosophorum sententiam resuscitarunt è recentioribus *Helmontius*, *Bernhardus Palissy*, *Henricus de Rochaz*: ac confirmat, quæ viget apud nonnullos de liquore solvente Catholico, quem Alcahest ipsi vocant, opinio, cujus beneficio in liquorem insipidum corpora naturalia, ac ipsa adeo metalla abire creduntur. Quæ hypothesis multorum animos sollicitos habuit, multas Chemicorum fornaculas calefecit: sed labore planè irritò. Nam nunquam fuit, qui vidisset se talem liquorem asseverare potuerit: cum sint tamen non pauci, ut ex historiis notum est, qui ipsum magnum Philosophorum lapidem non semel viderint. Quin adversatur sibi ipse *Helmontius*, qui alio in loco resolvi in puram & limpidam aquam corpora hoc liquore vult; alio feces remanere dicit. Ante tempora certe *Paracelsi* & *Helmontii* ista in Chemicorum Scholis inaudita fuerunt: alia enim omnia, *Villanovani*, *Lullii*, *Baconi* similiumque Philosophorum scripta loquuntur. Et si rem ipsam consideres, naturæ rerum repugnare videtur. Distinctæ enim sunt liquidarum & consistentium rerum naturæ: ac licet hæc nonnunquam per illas vinculis, quibus coherent, exsolvantur, ut dissipatæ oculorum aciem effugiant, nunquam tamen inter se commutantur, nec ab illis principium ac originem trahunt. *Bernhardus Palissy* Gallus, homo quidem plebejus, sed tamen

ingeniosus, libris patriâ linguâ de naturâ fontium, metallis, gemmis, conscriptis, ex aquis omnia, metalla quoque & lapides durissimos produci vult: aquas tamen duas statuit; alteram materialem; alteram congelantem. Quæ si recte perpendas, diversitatem principiorum perspicias, ut nihil novi hîc præter nomina deprehendas. *Henricus de Rochaz* popularis ejus, qui de aquis metallicis ac secretis fodinarum metallicarum quædam edidit, Physicam itidem reformatam scripsit, aquam quidem materiale rerum principium facit, sed salem illi adjungit, principium corpora consolidans. Propiora tamen etiam in compositione corporum admittit. In eandem sententiam propendet *Vir illustris Robertus Boilius*, libello nuper de Gemmis edito, quarum primam originem substantiam fuisse liquidam statuit, quæ si tinturæ quibusdam mineralibus, dum fluidæ vel molles sunt, imbuantur, colores pro ratione mineralis obviæ acquirant. In Opacis quales *Hæmatites*, *Jaspides* similesque lapilli sunt, terram metallicis succis imprægnatam, accessione liquoris petrescentis, seu spiritus petrifici in lapidis formam coagulari putat. Multa sunt in illo libro præclara, quæ ad hanc doctrinam illustrandam faciunt. Meminit hîc cujusdam liquoris casu oblatis, qui gemmas solvere potuerit. Terram plenam esse menstruis aliisque liquoribus variorum generum existimat, è fodinis, per quas vagantur, variè imprægnatis, qui quibusdam casibus vice menstrui fungi, alio vero modo concurrere ad productionem corporum mineralium possint. Quin ipsam aquam communem variis mineralium effluviis infectam, ut est plerumque (quod *Thurnbeuserus* libro de aquis minerabilis docet) id præstare posse credit. Quod argumentum plenius se libro de subterraneis menstruis executum esse testatur. Hæc cum recito, in memoriam mihi revoco, quæ *Abrahamus à Porta Leonis*, Medicus Hebræus libro de auro, in quo de auri in re medica facultate disputat, de Aquis Fabariensibus prope Rhenum, commemorat: quod succum aureum à naturâ nondum concretum obtineat, unde mirabiles illæ virtutes in agris curandis oriantur; nulla enim in illis auri ramenta cerni ait, quæ tamen in propinquis Rheni fluviis appareant, illa medendi facultate destitutis. Sed in his succum illum concrefcere in aurum corporeum putat: unde rejicit usum vini, in quo aurea lamina extincta, quod illud nullas è corporei auri ramenti vires nancisci possit. Quæ omnia, an ex vero dicantur, esto aliorum judicium. In rebus obscuris & à sensu remotis conjecturis tantum locus est. Quod si menstrua illa subterranea admittimus, non omnino de nihilo esse quis crediderit. Eandem telam nuper quoque texuit *Thomas Sherley* Regis Angliæ Medicus in Dissertatione, quam de causis lapidum publicavit. Quâ occasione simul in originem omnium corporum inquit, quæ ex Aquâ & Seminibus suis pro-

produci vult. Eam præmisit, ut viam sterneret Tractatui Medico, quem de causis calculorum in corpore humano scripturus est. Non pauca hic erudita & curiosa, quæ ad hoc argumentum & naturam petrificationis spectant, afferuntur, quibus hic ut immoremur, instituti nostri ratio non permittit. Summâ denique curâ & industriâ rem illam demonstrandam, suscipiet Ingeniosissimus *Steno*, in dissertatione de Solido intra solidum naturaliter contento, cujus prodromum superiore, ut puto, anno publicavit. E quo totum opus, velut ex ungue Leonem, judicare facile est. Corpus naturale vel solidum est, vel fluidum; Illud, si secundum naturæ leges productum est, à fluido productum esse ait: Crescere illud, dum particulis ejus novæ apponuntur particulæ, ab externo fluido secretæ: fieri autem appositionem hanc vel à fluido externo immediate, vel mediante fluido interno uno vel pluribus. Quæ omnia eleganter illustrat comparatione corporis humani cum productis terræ institutâ. In omnibus locum productionis accuratè inspiciendum docet: id est corpora vicina, quæ ad inclusorum productorum figuras componenda. Sic in saxorum examine multa detegi posse judicat, quæ in mineralium ipsorum examine frustra tentantur, quandoquidem perquam probabile sit, omnia illa mineralia, quæ saxorum spatia vel fissa vel dilatata implent, pro materiâ habuisse ex ipsis saxis expulsum vaporem: Quod an perpetuæ & indubitatæ fidei sit, ego in medio relinquo, nam aliunde etiam impleri fissuræ possunt, quàm vaporibus è saxis ipsis expulsis. De Crystalli productione multa subtiliter disquirat: an inter fluidum & fluidum, vel inter fluidum & solidum; an vero in ipso fluido producat: nam è fluido productam esse dubium illi nullum est; frigore tamen concretam, aut è cineribus ignis vi in vitrum exustam negat. Neque enim vi ignis tantum vitri fieri productionem, sed & absque ignis violentiâ fieri posse & humano artificio putat: modo quis instituat accuratam analysin saxorum, in quorum cavitatibus optimæ crystalli formantur: Certum enim esse, ut ex fluido concrevit crystallus, sic in fluidum eandem posse resolvi, modo quis verum Naturæ menstruum imitari norit: Nec obstare: quod corpora, à quibus menstruum totum vi ignis ablatum est, non amplius resolvi possint: cum alia sit ratio eorum corporum coagulatorum, quæ in medio fluido seu menstruo concreverunt, cujus partes inter coagulati corporis particulas relinquuntur. Fluidum enim, in quo crystallus crescit, eodem modo se habere ad crystallum, quomodo aqua communis se habet ad salia. Cum vitro per ignis violentiam parato aliter res se habet, nam humor ejus penè omnis expellitur. Memini tamen ego etiam in vitro vulgari tantum obtinere posse singularem quendam liquorem, ut ad tempus saltem flexibile illud reddat, si non solvit: quò imagines ex eo

fingi possint, aut caractères illi imprimi, cujus mentionem feci in Epistola ad Cl. Dn. D. Majorem, de *Scypha vitreo per sonum fracto* scripta. Addo, cum è diversis corporibus jam tum concretis, quæ non nisi propriis singula menstruis resolvipossunt, componatur vitri corpus: vero est simile, nullum dari posse menstruum, quod in corpora sic juncta operetur. Ad hujus doctrinæ illustrationem mirificè facit historia artificialium gemmarum per aquam & pulverem coagulantem confectarum, à me in dictâ epistolâ commemorata: quam recensere hic nolo: cum in tuis non tantum, sed & in omnium manibus sit dissertatio typis ante annum divulgata. Lucem etiam addere poterit experimentum, quod vidi, cum Amsterodami commorarer, apud *Birrium* Medicum, ediris quibusdam in Chemiâ libris non ignotum. Is mihi lapillos monstravit satis pellucidos ac elegantes, & ad modum gemmarum politos, quos è liquore quodam, quem præmonstrabat, se parasse ajebat. Ponderosus ille erat longe ultra vulgaris aquæ indolem, claritate tamen & perspicuitate eam æquabat. Sapiebat tamen nescio quid leviter stypticum, & falsum. Hunc ille non solum pro insigni medicamento habebat, sed & mira se in solutione corporum eo efficere posse memorabat. Vino Rhenano cum guttulas aliquot infunderet, sensim è flavo in saturum rubrum colorem, sed temporis aliquo intervallo, concedebat: & si rectè memini, etiam crystalli in fundo subsidebant. Ego non dubitavi è Tartari sale confectum esse, nam similem saporem deprehendi: quanquam ille celaret hæc arcana. Ex isto liquore cum præcipitasset pulverem, eum igni vitrificatorio exposuit, usque dum in substantiam crystallis similem concreveret: è qua gemmas illas formari sibi fecerat. De duritie illarum nihil mihi constat, cum nec tactu, nec visu ea deprehendi possit. Si non superarunt, saltem exæquarunt vitri duritiem, cum polituram sustinere potuerint. E corporibus, quæ ad metallorum naturam propius accedunt, præcipuè corpora lamellata in fluido & ex fluido concrevisse *Steno* censet. Quo in genere Talcum est, cujus solidum corpus in fluidum resolvi posse ait, cum ex fluido illud concrevisse extra controversiam sit. Illos autem à verò longissimè aberrare, qui ignis torturâ hanc ab illo gratiam extorquere nituntur: *micus enim* (ait) *à naturâ haberi solitum Talcum, tantam in venustatis amatoribus favitiam indignatur, & vindicta loco Vulcano cedit illam sui solventis partem, quam sibi inclusam conservat.* Denique & ipsa metalla perfectiora è liquore certo originem suam habere videri possent, si vera essent, quæ *Franciscus Lana* in Prodomo all' arte Maëstra c. 20. suo edoctus, ut perhibet, experimento nobis prodidit: Cujus ipsa verba, ut plenior rei fides sit, hic adducam: *Non direi questo, inquit, se io medesimo non haveffi hauuto fortuna di havere aliquanta di una simile miniera, dalla quale con non molto artificio fu*

tavata una poca quantità di certo liquore aureo, che era la vera semenza di oro, ma per non esser conosciuto, tutto fu consumato con gettarlo sopra una quantità di argento vivo bollente, il quale tutto subito congelossi, & accresciuto il fuoco restarono cinque parti di esso perfettamente fisso, cioè, a dire una mezz' oncia di quel liquore fisso, due oncie e mezza di argento vivo; che se fosse stato maggiormente depurato, e poi congiunto come anima al suo corpo proportionato, sarebbesi con esso potuta formare la vera pietra, ma sin hora non ho mai potuto ritrovare altra miniera simile a quella. id est: Non dicerem illud, nisi mihi ipsi bona fortuna talem mineram (de minera auri loquitur) suppeditasset, e qua non magno artificio expressa fuit exigua aliqua quantitas certi liquoris aurei, verum auri semen: sed quia pretium ejus non intelligebam, totus ille liquor consumptus fuit projectione supra argentum vivum, quod statim congelavit, ac igne aucto superfuerunt quinque partes ejus perfecte fixæ: videlicet dimidia uncia istius liquoris fixi, due & dimidia argenti vivi. Qua si magis depurate fuissent, ac postea conjunctæ quemadmodum anima cum corpore sibi adequato, potuisset eo verus lapis confici. Verum, ad hunc usque diem non potui illi similem invenire mineram. Hæc Autor ille magnâ quâdam fiduciâ scribit; quorum tamen fides penes ipsum esto. Quin extraxerit ille è minerâ talem liquorem, qui figere potuerit argentum vivum; an vincet, inde semen auri se habuisse, aut è commistione corporum illorum lapidem, quem vocant, Philosophorum potuisse produci? Nos, ut tandem nostram quoque de his opinionibus sententiam in medium profertur, ita arbitramur: nec gemmas, nec metalla è solâ aquâ simplici posse produci. Metalla, quia corpora habeo secundum mista, quæ decomposita alii vocant, in partibus suis constituentibus primò mistis, agnoscunt fortassis liquorem primogenium, sed qui in ipsa specificâ metallorum productione non apparet, ac inutilis est in metallo per artem producendo. Sed de his inferius plura. Quod ad gemmarum, & crystallorum ex aquâ concretionem spectat, ea nondum satis expedita mihi quidem videtur. Quamquam enim, quia texturæ simplicioris esse videntur, ob pelluciditatem, ad aquæ naturam propius accedere videantur; dubia tamen non pauca rem illam urgent, quæ alio se modo eam habere posse persuadeant. Esto, pelluciditas esse: sed tamen & duræ sunt, & fragiles: quod indicio esse possit, minus inesse iis humoris, quam ipsis metallis, quorum lentor inspissatum liquorem non obscure ostendit. *Bernhardus Balissy*, qui ex aquâ productas vult, non è simplici sed è gemmis componi putat, quarum altera, quam coagulantem vocat, nihil aliud quam Sal est, ut explicat *Sorellus*, aut alia quædam substantia lapidifica, quæ ab aquæ naturâ diversa est: ut itaque ex ipsis ejus principijs pateat, crystallum non esse corpus *homogenees*. Crassam satis communium lapidum misturam arguit observatio illa *Peireskii*, à *Gassendo* in

vitâ ejus relata : qui ex aquâ limum viscosum eruit, ad contactum aëris in lapidem abeuntem. Quid vetat, etiam in crystallis & gemmis diversos succos vel terras, sed naturæ purioris, misceri ? Sed Aquarum in crystallorum incunabulis vestigia invenit solertissimus *Steno*, unde eas concretas judicat. At fortassis illarum vehiculorum vice fungebantur, quæ naturas gemmarum, constitutivas ad loca illa deferrent, extra autem corpus ipsum consistebant. Nec crederem ego idoneum hinc argumentum peti : quod cum crystalli, gemmæ hoc vel illo liquore solvantur, è liquoribus quoque illarum sint compositæ. Multos ego dari vel per artem parari liquores posse credo, quorum particulæ ita sint comparatæ, ut spatia mistorum nonnullorum pervadant illaque compage suâ solvant, quæ ad constitutionem tamen eorum nihil conferunt. Inventus casu quodam in Angliâ fuit liquor blandissimus vegetabilis, qui marmor durissimum pervadens coloribus admistis in interioribus substantiæ particulis tingeret. *Berigardus*, ut refert in Circulo suo Pisano p. 534. phlegmate illo debili, quod primo stillicidio ex aceto acerrimo defluxit, facile uniones & alia multa dissolvit ; postremo vero illo, quod vi summâ ignis extrahitur longè acrius & coloratius, nihil effecit. Iis tamen liquoribus nec marmor, nec uniones, natales suos debuerunt. Quin habeamus illum liquorem, è quo vel concrevit, vel præcipitata fuit substantia crystallum componens, non tamen crediderim, quod putat subtilissimus *Steno*, eodem resolvi in liquidam naturam posse. Denique & hoc verosimile alicui videri possit : gemmas, si non omnes, saltem aliquas è diversis corporibus, per ignem vehementiorem, eodem modo, quo à nobis vitrum conficitur, compingi posse. Certè qui artem *χρυσοποιητικήν* profitentur, etiam gemmas, si rectè memini, per ignem fabricare docent ; & earum quasi typum quendam ob oculos ponunt, adulterinarum illarum, quarum *Antonius Nerus* præparationem tradit.

III. Alii iterum sunt, qui metallorum originem à sale petunt. Qui vero sic sentiunt, non idem omnes sentiunt. Quidam enim universale aliquod sal comminiscuntur, quò nescio quæ miracula in universa natura atque adeò in regno minerali se effecturos sperant. Quæ opinio à Paracelsi tempore primum invaluit, ac à non nullis ejus affeclis, & Fratribus Roseæ crucis, ad hæc usque tempora propagata est. Extat quoque speciosus de vero sale philosophorum liber à Gallo *Nuifement* scriptus & in Latinam linguam à *Combachio* conversus, ubi sententia illa & proponitur & propugnatur. Sal illud cœleste, æthereum, aëreum, univeli nominant, quod vel ex rore, vel aëre, vel nitro, vel excrementis etiam animalium extrahunt. Tale aliquod an detur, ego quidem definire non ausim : vetustiorum certè Chemicorum schola ignoravit. Ex aëre extrahi posse sal, non negaverim, sed

sed universale illud esse vix crediderim. Vagantur in aëre particulae salinae variorum generum, quae ignibus subterraneis & Solis calore subtiliatae in atmospherae provehuntur, prout soli subjacentis indoles illas subministrat, nitrosae, vitriolicae, aut alterius cujusdam naturae, vel sic seorsim, vel inter se mixtae. Quibus ego vires catholicas tamen non adscriberem. Commodè hinc mihi hujus Dissertationis occasione incidit, quod Amsterodami apud Virum solertissimum *Theodorum Kerckringium* vidi. Is veri ac genuini vitrioli sed impuri quantitatem non exiguam monstravit, quam ex aëre Amstelodamensi multis aquarum salinarum & soli paludosi effluviis imprægnato machinae cujusdam beneficio extraxerat. Magna scilicet Naturae Architectonicae instrumenta sunt Ignis & Salia: sed varia, ut varia sunt corpora corporumque mixtiones, quorum ministerio, pro subiectorum ingenio, in compositione & dissolutione eorum utitur. Ea tamen essentiam illorum non ingrediuntur. Miras in corporibus tum metallicis, tum aliis, natura facit vicissitudines beneficio Salium, quae subterranea aestuaria per omnem telluris compagem omnesque venas & fodinas metallorum ordine tumultuario dispergunt. Unde plerumque varia inter se salium & sulphurum corpuscula in mineris deprehenduntur: quae tamen ad metallorum constitutionem pertinere quis temerè non dixerit. Vidi in Angliâ Brabantum aliquem, qui solo moderamine ignis, sine ullâ alius rei additione, è Saturni minerâ verum vitriolum, verum sulphur, sal commune, nitrum, producere; acetum, tincturam ac plura alia parare poterat. Quod ille artificium ut rem secretissimam tegens non nisi CC aureorum pretio vendere cogitabat. Acceperat à Doctore quodam Parisiensi illud, non quidem contemnendum, sed quod ad summam rei metallicae nil faceret. Neque enim ex illis componebatur corpus metallicum, quae fortuito tantum ad minerarum locum confluxerant. Nam ex aliis alia fortè produxisset: quamquam ille in Minerâ plumbi & Antimonii tantum experimentum fecerat. Auri & argenti mineras, puto, hoc artificio suo non expugnasset. Quin est in quâlibet terrâ peculiaris quaedam substantia salina vel singularis vel aliis mixta, quam differentiam caecum quendam nautam gustu deprehendere potuisse mihi narravit vir fide dignissimus. Nam cum mari terrae vicino bolidis immitteretur, terrâ, quae bolidi adhæsit, gustatâ, nominare citra errorem potuit locum, in quò versarentur. Hamelius *lib. 2. de Fossilibus cap. 9.* huic quodammodo sententiae favere videtur: primum enim metalli rudimentum facit substantiam quandam salsam in aquam resolubilem, quae paulatim excoquatur, neque aëris amplius vel aquae injurias reformidet. Sed hæc merâ conjecturâ dicuntur, & citra ullam veri speciem. Nam quae illa foret substantia salsa? nec nominare illam potest ipse, nec inter cognitae ulla est, quae id præstare officium possit.

IV. Sunt porro, qui sale illo universalis relicto, quod ubique venantur & nusquam inveniunt, ad nota ac vulgaria illa descendunt. Cum enim, nitri, vitrioli, salis communis vires in divellendis corporibus metallicis videant, alia quædam sub illis latere arcana suspicantur. Animos addunt tot passim historiæ, quas vel fando acceperunt, vel literis consignatas legerunt. Quales sunt de argento spiritus salis beneficio è plumbo extracto apud *Job. Frid. Helvetium in Vitulo aureo*; de bonâ auri quantitate è vitriolo quodam Hungarico educta apud *Beccherum in Physica subterranea*. Quæ per separationem potius argenti & auri latentis, quam per singularem aliquam ingenerationem contigerunt: nolo enim hominum, qui illa memoriam prodiderunt, fidem in dubium revocare. Ac fateor non temerè me credere, quæ *Salomon de Blauenstein*, ut ficto procul dubio se nomine appellat, quique artis *χρυσου ποικιλιῶν* se verum alumnum ipse profitetur, in Interpellatione ad Philosophos pro Lapide Philosophorum contra Mundum subterraneum Kircheri cap. 2. scripsit. Ita verò ille: *Quid multis? possem & ego dare aliud Epichorema P. Kircheri, si mihi per tres horas duntaxat adesset, & incredulo palandum præbere: quomodo ex puro puro argento, toto quanto, fiat purum putum aurum additione simplicis salis preparati, sine aliquo vel minimo addito.* Quid ille sale suo simplici preparato intelligat; equidem ignoro: si commune, fateor, nihil posse mirabilius fingi, quod adeo veterum Chemicorum principiis repugnet. Præ cæteris in vitriolo & nitro ad insaniam usque laborarunt nonnulli: Aliqui integris voluminibus ista executi sunt: cumque ipsi cæci essent; aliis tamen viam commonstrare voluerunt, rapientes in sensum suum Chemicorum dicta, quæ ipsi, nominum varietate decepti non satis intellexerunt, nec è consensu autorum interpretari rectè potuerunt: quibus Vitrioli, & nitri nomina aliud quid significant, ac illi putant. Quot non processus, ut vocant, ab Imposteribus, è vitriolo circumferuntur? Extrat & è Vitriolo Processus cujusdam *Jodoci v. R.* qui addi solet operibus *Fr. Basilii Valentini*, ad summam hominum & metallorum medicinam, magno apparatu descriptus, ac operosus, quem Amicus, qui ad præscriptum ejus operatus est, nullo, nisi effectu ipso mendacem invenit. Cætera in illo sat bene se habent. Quos non *Glauberus* strepitus cum nitro suo fecit, è quo tot libris scriptis miracula magno hiatu promisit. Non pauca eximia sunt & præclara: plurima ex ingenii potius, quam fornacum calore nata. Cæterum aureos montes non vidimus. In multis tamen ejus fidem sequitur libro de Fossilibus *Hamelius*, quam exploratam prius habere oportebat. Non negaverim equidem stupenda in rerum naturâ horum salium ac nitri imprimis effiti beneficio posse, sed metallum ipsum producere posse dubito. Planè enim ad aliam Mineralium familiam

liam pertinet, nec ad lentum illum & viscosum humorem metallicum constitutendum aptum natum est. Interim si sub acrioris spiritus forma comparent, tyrannicum in corpora illa exercent imperium; si in subtiliorem & blandiorem naturam clementiori igne redigantur, vel ab auro ipso tincturam elicere, ac secum per alembicum auferre videntur. Quæ fortassis alicujus in medicinâ usus, in metallis verò emendandis, cum corporex tantum naturæ sit, inefficax est. De Salis nitrosi subtilis spiritu è rore Majali extracto mira passim prædicant nonnulli. Nollius hujus salis spiritu & oleo, quod è rore Majali conficitur, in agone constitutos revocari, tincturam ex auro evocari posse scribit. Mirum quam triumphat hoc arcano Borellus *Cent. 1. obs. 6.* qui amplius aliquid indagavit: *multis, inquit, exantlatis laboribus & vigiliis, in arcanis natura perquirendis secretum auri solvendi tandem nactus sum, id est menstruum benignum, amicum aurum intra paucas horas solvens, & sine fumo, imò sine igni quoque dissolutum potest ad salis naturam & olei reduci, cujus grana 3. 4. vel 6. juxta ætates varias propinata intra quatuor horas circiter, sudoribus copiosis febres malignas purpuratas, epitemias & pertinaces curant. Sciant verò lectores, à spiritu roris illud factum fuisse juxta Sendivogii doctrinam. At dicent multi: cur non ejus copiam mihi comparo? Sed sciant expensas lucrum superare. Notandum est (addit porro) collectores auri fluvii Gard juxta Urbem Vigam asserere, roris guttas nunquam auri palea adhaerere mane in arenâ eoque nutriri. Rorem illum collectione longâ abhinc nigrum albißimum & citrinum reddidi, sed sine projectione fuit. Adjecit deinde quædam de modo præparandi, quæ illic legere poteris. Quin observatum est, auri folia, si rori ipsi, non spiritui injiciantur, ac cum illo per aliquod tempus lento igne digerantur, tandem disparere; cum verò postea per filtrum ros percolatur, in fundo ejus substantiam velleri vel nivi similem, cujus felicissimus in cordis affectibus usus sit, remanere. Quod rori vel spiritui roris tribuitur hic; alii spiritui vel essentia mellis, quod & ipsum rore constat, tribuunt. Aurum enim solvere dicitur, ejusque tincturam per alembicum rapere, quæ auri potabilis instar esse possit, & mira in transmutatione metallorum præstare. Ac vidi ipse auri aliquam tincturam hoc modo paratam ab homine, qui nescio quos thesauros inde sperans magno precio Principi alicui hoc secretum vendiderat. Quod si quis gratis scire cupiat, adeat Johannem Nardium Florentinum *Disq. Physicæ de Rore cap. 23.* ubi modum præparandi docet. Mathesius *Sarept. Conc. 3.* aureum nummum rore vel pluviam Majali aliquoties aspersum atque à Sole siccatum vel terrâ absconditum ponderosorem fieri notavit. Hæc quanquam speciosè satis omnia dicantur, nondum tamen me movent, ut in auro conficiendo vel radicitus solvendo aliquas vel nitro vel spiritui roris aut mellis partes tribuam. Agunt*

illi liquores vel potius salia liquoribus permista, non aliter, quam modo vulgari, ut quævis aquæ corrodescentes: sed quia attenuata & subtiliora, subtiliores etiam particulas avellunt, quas citra molestiam aliquam ignis propellere per alembicum possit, suis tamen naturis nondum disjunctas. Hæc mea de nitri vel salis nitrosi in rore contenti circa metallica operationibus sententia est: cujus tamen magnas vires in Vegetabilium ac animalium generatione non ignoro. Ejus illustre Exemplum proferam, nisi displicet, Vir Amplissime, hic ultra argumenti nostri carceres excursus. Anguillas arte produci posse, nec fando audiveram olim, nec in aliquo rerum naturalium Scriptore legeram, quod in Belgio roris beneficio facere agricolas nupero itinere medio didici. Primum ego fidem habere narrationi huic nolui: sed incidi postea in *Abrahami Mylæi* scriptum de origine animalium & migratione populorum, ac idem apud illum artificium legi pag. libri 10. cujus verba referam: *Mense Majo, inquit, cum largiter rorabit, seca & discinde ligone ex campo graminoso ante ortum Solis duos aequales cespites, eosque impositos, alterum alteri, ubi graminosi sunt, reponit in margine alicujus piscina à parte aquilonari, ubi Sol radios suos maxime emittit. Videbis inde propullulare quasi examen pullorum, anguillarum ante horas paucas elapsas. Sic quidam cum non penitendo fructu piscinis suis anguillarum numerosam copiam ingenerant.* Et verosimile hoc experimentum facit, quod nullum reperiatur in anguillis semen, nulla organa generationis, ut multa fuerit de earum origine Scriptoribus Historiæ naturalis disputatio. Si Piscatores interrogas, è vermiculis quibusdam, qui certo anni tempore in omnis generis piscium carne nascuntur, produci docent. Quos & ipse non semel deprehendi. Leges etiam inter acta Philosophica Anglica. p. 35. quæ observavit *Thomas Henshaw* Nobilis Anglus, de vermium è rore putrefacto generatione. Ac memini ego apud ex Hydromelle putrefacto generationem notatam à quopiam fuisse. Rori denique soli in acceptis ferenda est illa Plantarum è cineribus resuscitatio, de quâ *Caramuel, Harsdorfferus* in libris suis; *Voigtius* singulari dissertatione egit: quamque integri libri materiem facturum se promissit *Kircherus*. Magna itaque hujus Salis vis est in vegetabilium ac animalium productione: metalla quanquam vexari ac affici variè ab illo possint, emendari tamen, mutari, augeri, fecundari, ut in vegetabilibus sit, minimè possunt.

V. A Salium familiâ rectè ad metalla itur. Inter quæ primum omnium compellari solet argentum vivum, mirabilis profectò substantia, quæ mille se in formas fingit atque refingit, quæcunque etiam arte tractetur. Plinius vomicam liquoris æterni vocat: Liquida enim & fluida est. Cumque miro amore aurum amplectatur, eique per intima se uniat, & præ reliquis metallis humor tantum aliquis & rudimentum metalli videatur: plurimi sanè

sanè primum metallorum ens, ut ita loquar, in illa deprehendere sibi visi sunt: Nec desunt hodiè qui idem statuunt, tot in illo mari aliorum naufragiis nondum cautiores facti. Accedit venerabile illud Mercurii nomen, quod in Chemicorum scriptis adeò frequens est: conspirant tot descriptiones, tot requisita, ut vel cautissimus iis omnibus fallatur. Aliqui Virginem Mercurium volunt, quem natura produxit à flammis voracibus nondum tentatum: aliqui è metallis cæteris per artem extractum. Quod an fieri possit, dubitatum hætenus fuit; sed veritatem ejus artificii, tua, Vir Clarissime, Epistola commonstravit. Sed hunc ego nihil à vulgari illo differre statuo; quicquid etiam aliis videatur. Nam cum mirabilis sit illa & imperceptibilis penè Mercurii in minima dissipatio, quæ sit in mineris per ignes subterraneos, facile se metallis insinuat ac commiscet; sed non radicitus. Quædam ejus particulæ primâ metalli fusione evanescent in auras: quæ tenaciùs hærent, remanent, ac tandem salium ope eruuntur, & à reliquis particulis separantur. Facilius autem id efficitur in mineris, in quas pronior illi ingressus est, ac promptius iterum expellitur. Quando per fusionem particulæ metallicæ propius junctæ sunt, difficilius succedunt omnia. Ex Antimonio & plumbo extrahi non difficulter potest, facilius ex ejus mineris. Tere mineram plumbi in minutum pulverem, ac stylum in illo aureum moveto parumper, & adhærebunt statim auro particulæ quædam Mercuriales. Nec metallis tantum sed & lingno se miscet. Habui ego ab amico frustum ligni, quod ex arbore è terrâ metalliferâ prognatâ recisum fuerat, in quo per omnes ejus fibrillas & venulas disseminatæ erant argenti vivæ particulæ, ut valido motu etiam excuti possent, quod fieri faciliè poterat: quia, laxiores sunt in ligno quam in metallo vivæ. Ostendebam, cum Londini commorarer, Illustri Dn. *Boilio*, qui & arte tale lignum parari posse credebatur. Sed esto. Eodem tamen modo, scilicet per sublimationem, tam à natura, quàm ab arte fit. Memorat Autor libri, cui titulus *P. Europe vivante tom. 1. part. 2.* è relatione cujusdam Nobilis Angli de Operario, qui diu in fodinis Mercurii laboraverat, cui particulæ ejus minimæ totum corpus adeò pervaserant, ut frustum cupri oris ejus halitu ac digiti affricu ita in albesceret, ac si ipsius Mercurii corpus quis affricuisset. Falli itaque omnino credo, qui, quod à metallis Mercurium educi posse vident, ex eo illa intrinsecus componi statim existimant. Quanquam, fateor, adeò speciosæ hæ sunt rationes, quas supra adduximus, ut facile in istam sententiam aliquem adducant. Sed tot experimentis hætenus nil actum est, ac uno omnes Chemicæ cordatiores ore clamant: nihil sibi esse rei cum Mercurio vulgi, nolle se argentum vivum currens, quod ovum subventaneum alicubi vocat *Lullius*, sed aliam quandam substantiam metallicam, immaturam, non tamen in radice suâ impu-

ram, quam illi Mercurium suum vocant; argenti vivi, absque illo, nullum esse in metallorum transmutatione usum. Quod sexcentis illorum effatis firmare possem, nisi scirem, hæc tibi esse cognitissima. Novi tamen aliquos, qui viâ, ut vocant, particulari, nobilius ex argento vivo metallum se confectisse, quanquam sine lucro, gloriantur, de quo in sequentibus dicam. Quanti porro in Antimonium insumpti fuere labores, è quo sperarunt non pauci maximum illud naturæ arcanum. Sed non est in illo genuinus Mercurius metallicus, qualis ad corpora perfectissima metallica componenda requiritur: ut patet è fragili hujus textura. Sulphuris fortassis purioris aliquid reconditum est, unde particularis quædam transmutatio concedi possit. Quod & innuere videtur *Basilus Valentinus* in Curru triumphali Antimonii, ac commentator ejus *Theodorus Kerckringius*. Nam ad magnum opus, ipsis fatentibus, nihil rei confert. Utilissima tamen latent in illo remedia, præcipue in morbis ab infectione sanguinis oriundis, quos ad miraculum edomare valet: Ea ad cælum usque laudibus extollit *Basilus Valentinus*, ac experimentis suis firmat *Kerckringius*. Non desunt qui vel ex uno metallo immaturo, vel duorum, perfecti & imperfecti, conjugio, solâ diuturnâ coctione, quæ naturæ operationes subterraneas imitetur, perfectius aliquod metallum se facturos putant, cum in naturâ plumbi mineras, successu temporis in argentum commutatas deprehendant metallurgi. Fuit in eâ sententiâ sagacissimus rerum naturalium scrutator *Baco Verulamius*, qui in *Historia Naturali Cent. 4.* methodum præscripsit, quâ possibile sibi videbatur, ignobilius metallum in nobilius commutare. Postquam requisita ejus operis recensuit, tandem num. 327. ita rem instituere jubet: *Angusta pareatur fornax, temperatusque excusetur calor, & quidem talis, ut metallum perpetuò liquefactum conservet, non vehementior; quod ad rem maximè facit. Materia sit argentum, metallum maximè cum auro symbolizans, cum eo quoque decima Mercurii vivi pars imponatur, duodecima nitri justo pondere, quæ vegetando corpusque metalli aperiendo serviunt. Operatio per sex menses ad minimum continuetur. Velim & oleas quandoque injici substantias, quales adhibentur recuperando auro, tormentis separationum exasperato; in eum finem, ut partes arctius leviusque disponantur; magnum instituti momentum. Aurum enim, ut constat, compactissimum omniumque metallorum ponderosissimum est, maximèque flexibile & extensibile. Hæc Baco Verulamius; quem verè sic statuisse confirmavit mihi Amicus Londinensis. Nam quanquam passim in scriptis tenuiter de studio Chemiæ metallicæ sentiat, privatis tamen studiis diligentissime rem illam, nec sine magnis sumptibus, eâque, quam hic sibi præscripsit, methodo tractavit. Sed nihil omnino effecit, nec efficere istâ viâ potuit, ut faciliè, qui harum rerum intelligens est, animadvertit. Sic & *Fr. Lana loco*, quem supra laudavimus, Aurum*

cum Mercurio amalgamatum, si longo igne maceretur, tandem in Elixir Philosophicum mutari putat. Illud vero non contemnendum est, quod ignis accuratam haberi rationem voluerit *Baco*: quo solo interdum plus efficitur, quam sexcentis aliis subsidis. Quare nihil magis ipsi veteres etiam Chemici inculcant, ac scio ipse ejus experimenta bene multa. Quis nescit Talci calcinationem rem haberi difficillimam? Torreas summo igne pro lubitu, ad diuturnum etiam tempus, & vim omnem flaminarum pertinaciter eludet. Vidi tamen vel intra dimidix horæ spatium, paucissimo igne, rudi ad speciem artificio, totam ejus substantiam ita calcinatam, ut colore flavo ablato, spongiosa facta sub digitis in minutissimum pollinem comminueretur. Quare patet, non adeo indomabile igni esse Talcum, ut quidam crediderunt, qui aliquod auro simile sibi in eo, præcipuè, flavo visi sunt deprehendere. Quâ in opinione non omnino falsi fuerunt: nam & hodie metallurgi separare ex eo aurum norunt, ac latet in eo sulphur aliquod purius, quam credas fortassis. Dixitque mihi aliquando Amicus, novisse se Medicum, qui sulphure per singulare artificio ex hoc corpore extracto, curare immedicabiles morbos potuerit, in alterum illi à maximo Elixire locum posuerit. Testatur & Martin. Martini in *Atlante Sinico* p. 79. Talcum in calcem redactum vinoque mixtum ac epotum Sinicis Medicis ut singulare Medicamentum ad vitam longam commendari. Videri ergo hoc experimento potest, quam etiam in Vulcani regno sæpe

— *Peragat tranquilla potestas,*

Quod violenta nequit;

quam cedant mitioribus flammis interdum corpora duriora, fortioribus resistent. Cui Dissertationi, quoniam jam in eâ sum, amplius insistam, & nisi loquacitas Tibi mea molesta est, ætissimis speciminibus confirmatum ibo; quanquam non è proximo omnia; aliqua è longinquo tantum rem nostram illustrent. Cum Amsterodami viverem, confessus mihi est *Theodor. Kerckringius*, se ex argento vivo argentum & aurum verum fecisse: monstrabat enim quatuor frustra metallica annularis digiti crassiciem æquantia; quorum primum stanno simile; alterum argento; tertium subflavum erat; quartum colore respondebat auro. Hac solo regimine ignis, ex argento vivo, addito exiguo quodam pulvisculo (quem ex Antimonio confectum ego suspicabar, nec ipse visus est diffiteri) se fecisse asseverabat. Ac videtur ipse nonnullis in locis Commentarii super *Basilii Valentini* curum triumphalem id innuere. Vidi & apud eundem insigne artificio, solo ignis ministerio, nec ullâ re aliâ additâ, solvendi succinum. Nam ostendit mihi cadavera infantum succino obducta, ut omnia membra transparenterent. Monstravit etiam phialam vitream tali succino soluto, iterumque

congelato impletam. Quam splendidè jam magnatum cadavera condi ac à putredine conservari possent: nam citra ullam corporum eviscerationem, contra omnem injuriam aëris & humorum, novâ hâc è succino tunica quasi cataphraëti jacerent. Quid non lucri ex hoc invento nasceretur, cum succini fragmenta, quo majora eò pretiosiora sint, ac in Oriente ultra aurū æstimantur: illa verò hîc quantitate, quâ quis velit, exhiberi possint. Ergo quod tot modis à solertissimis Chemicis tentatū est, unico nunc ignis regimini debetur. Diu multumq; , fateor, animū in succini naturâ cognoscendâ exercui: & facit profectò inventi istius novitas, ut ne nunc quidem, quanquam loco alieno mihi temperem. De Succini natalibus res dubia. Aliqui maris sobolem habent; aliqui ex terrâ prodire statuunt, quæ mihi sententia verosimilior videtur: testanturque animalcula & insecta terrestria passim in succino reperta: quod fusius aliquando deducet Clarissimus Collega noster *D. Major* in libro de Succini natalibus non maritimis. Nascitur verò frequenter in locis, ubi pinus & Terebinthi crescunt, quod argumento esse posset, à simili quâdam viscosa substantiâ, qualis in arboribus illis reperitur, per terram dispersâ nasci, & à particulis salinis maris proximi vel aliundè coagulari. Nam pene consimilem naturam arguunt: multa, similis inflammabilitas, ac odor, qui à Terebinthinæ Cypriæ incensæ odore vix differt; quodque è succis illarum arborum per artem confieri possit, hodieque conficiant Chineses, teste Martinio in *Atlante Sinico* p. 65. *Putant quidam, inquit ille, ex defæcatis illud oriri pinorum medullis, temporis longinquitate induratis ac pellucetibus. Et vidi ego sanè ex pice pinea seu resina per decoctionem illud arte fieri divendique à Sinis ita egregiè effectum, ut vero invidiam facere possit.* Ego quidem per similis naturæ oleosum humorem dissolvi posse existimo. Potest & impurum succinum arte corrigi, & subtiliari, docente *Glaubero* lib. de Furnis Philosophicis, per Spiritum Salis rectificatum: sed tum duritiem illam deponit, nec durat, nisi in loco frigido vel temperatè calido. Si calor plus justo intensior, diffluit. Novi qui tentarint experimentum bono eventu; si quis solidare iterum succinum alio artificio nosset, jam naturæ artibus superior esset. Exhibet tamen & illa nonnunquam inelaboratum, quale fuit illud, quod alterâ sui parte molle; alterâ durum, & cui sigillum imprimere potuit Nobilissimus *Dn. Oldenburgius*, de quo memorat ipse in *Actis Philosophicis* p. 2061. Pingere etiam Natura illud solet variis characteribus, quale frustum nuper ad me misit Nobilissimus *Dn. Johannes Tinctorius*, Serenissimo Electori Brandenburgensi à Consiliis, in quo litera D perspicuè naturæ ductu delineata, etiam cæteras, ut est humanissimus, Alphabeti literas, sic in succino depictas, submissurus. Cum itaque hanc de succini origine sententiam verosimillimam judicem, falli puto autorem libri qui *l'Europe Vivante* inscribitur,

tur, qui tom. 1. part. 2. oriri illud putat à melle, quod in littore Maris Indici in petris ab apibus congestum, post Solis coctionem in mare prolapsum, sale marino induretur, & ad aliarum regionum litora à mari ejiciatur. Allegat nescio cujus Chemici auctoritatem, qui in fracto succino substantiam mollem melli sapore similem invenerit, quoque eadem post solutionem ejus per spiritum Vini Tartarizatum remaneat. Quæ omnia absurda esse quivis facile videt, ut non sit opus iis immorari. Sed nos de Succino, occasione solutionis ejus, quæ per solum ignem fit, satis diximus. Redeamus nunc ex isto diverticulo in viam, ad usum scilicet Ignis in Chemicis laboribus, si rectè administratur. Cujus aliud exemplum è superioribus repeti hic velim de homine Brabanto, qui in uno ignis artificio viginti penè numero diversissimas res ex unicâ Saturni minerâ educere potuit. Quomodo verò absque igne, spiritus quicunque, ex animalibus, plantis, lignis, lapidibus aliisque corporibus eorumque partibus eliciendi, quod artificium proponit *Magnus Pegelius* in *Thesauro rerum selectarum* p. 109. id inter cetera ejus arcana sepultum remaneat. Nam (ut hoc in transcurso commemorem) publicavit ille Autor, qui Medicus & Philosophus in Academia Rostochiensis fuit, Anno 1604. lemmata quædam singularium inventionum, tam Physicarum quam Mathematicarum, inter quæ non pauca sunt ab illo vel cogitata vel indicata, quæ hoc nostro tempore ab aliis inventa & in lucem producta sunt.

Porro qui metallorum cufas in terra non inveniunt, è cælo eas, VI. vel principem saltem eorum partem constituentem deducere moliuntur. Hinc certos quosdam Planetas ad certa Metalla damnant, quibus illa originem suam debere creduntur, imo iisdem nominibus salutantur, ut hæc nova quasiam strâ subterranea habeamus. Quæ sententia quanquam ideò exagitur à nonnullis, quod evidens hujus rei ratio dari nequeat, contemnenda tamen omnino non est, cum non *χρὴς καὶ πρῶτον* nata, sed antiquitate suâ se tueatur, ut doctissimus in præclaro opere de ortu & progressu Chemiæ docet *Borrichius*, cujus ego scrinia non compilabo. Globorum magni hujus Orbis, præcipuè Planetarii, tum quâ totum systema, tum quæ partes nobiliores, inter quas in terrestri globo omnino referendi sunt spiritus metallici, per vastissimum hoc corpus dispersi, nullam esse conspirationem, aut mutuam efficacitatem, nemo mihi temerè persuaserit. Sed cum observandi facultas ultra humanum ingenium sit, nihil accurati definire possumus, exploderetamen & exagitare non debemus, si quæ ab aliis, antiquioribus præcipuè, de eo tradita invenimus. Solis & Lunæ vires in hæc inferiora facile sentimus. Illi cum auro: huic cum argento singulare commercium vulgò tribuitur: ne quid de cæteris metallis nunc dicam.

Solis

Solis & auri similitudinem ostendunt splendor, color, qui à sulphure optimè digesto, quod à Sole huic metallo ingenerari creditur, provenit. Quod si *Honorati Fabri* sententiam, quam tamen ex Hypothesi pronuntiat, audire volumus: Solis ipsius substantia ex auro liquefacto constat. Mirum ergò, si non hæc semina etiam per terram spargeret, ac in eâ substantiam sibi similem produceret. Refert *Digbaui*, sed ex fide amici, radios Solis per vasa vitrea & concava certò quodam modo disposita in purpureum & minutissimum pulverem præcipitari. Quis non è credulis illis, cum hæc legit, de sulphure naturæ exclamet? Sed qui hæc Digbzo narravit, sibi ipsi blandè imposuit. Volitant enim in aëre semper particule vel saline, vel alterius generis, quæ igne hoc speculati collectæ ac ad ruborem exustæ vel calcinatæ. Scripsit jam antea Paracelsus de Solari pulvere è speculis per radios Solis collecto, quo ritè præparato excitare in nobis igneam naturam possimus, & cum demonibus igneis aliquod inire commercium. Sed hæc imposturæ sunt. De Sole vulgaris opinio est, quod plumbo ac cupro, quo templa & ædes tegi solent, aurum ingeneret. Quam licet anilem fabulam vocet *Honoratus Fabri*; novi tamen qui è plumbo ac stanno veteri per repetitas calcinationes & reductiones non contemnendo lucro aliquid auri & argenti expresserint; sive id à causis quibusdam latentibus productum, sive separatum fuerit. Nam, quod plumbum ac cuprum in tectis repositum attinet, continuis pluviis, in quibus subtilissimæ particule saline reconditæ, & calore solis, in iis metallis, ut nullum metallum solitarium est, maturari aliquid purioris metalli potuit. *Albinus in Chronico suo metallico. p. 29* observat: semper in fodinis Schnebergensibus argentum copiosum, sub Saturni in signum Cancri ingressum, accedente Lunâ, reperi tum fuisse. De Unionibus Garcias ab Horto prodidit: eos post plenilunium captos cum tempore minui & decrescere: qui verò ante plenilunium capiuntur, huic vitio non esse obnoxios. Annon notum est de Gemmis, cujus macule æquales subeunt cum Lunâ mutationes? Deprehendimus in animalium corporibus, in vegetabilibus, Lunæ vires. Quas multis rationibus in libro de Motu marium impugnatum it *Isaacus Vossius*, cum aliud doceat Experientia.

VII. Intrabimus nunc Chemicorum ludum: & eorum oracula audiemus. Illi nobis Mercurium suum & sulphur inculcant. Si excutias, quid rei sub illis nominibus lateat (nam vulgari illa accipi significatione nolunt) sexcenta tibi vocabula obtrudent, descriptiones obscuras & ænigmaticas, in quibus venari aliquos sensus oportet, eosque ut lacera Hyppoliti membra hinc illinc colligere. Quos ubi affecurus fueris, consensum tamen in illis reperies: nisi quod novissima Chemicorum secta, post Paracelsi tempora tertium,

tertium, duobus illis, Mercurio & Sulphuri, principium, Sal scilicet, addidit. Nolo hic prolixius disquirere de isto principiorum numero, & an illa omni corpori convenient, ac quantum à communibus discrepent: id enim doctissimè copiosèque disputatum est ab Illustri Viro *Roberto Boyle* in *Chemistâ Sceptico & Hamelio*, libro de consensu veteris & novæ Philosophiæ lib. 2. c. 4. Veteres vero illi ante Paracelsum, duo hæc, Mercurium & Sulphur, non communia, quæ hodierni nostri volunt, sed metallica tantum statuerunt principia. Quæ in re audiendos illos præ cæteris puto, cum metallorum naturam usu ipso rectius didicerint, quàm ii, qui rationes tantum & opiniones suas sequuntur. Remota illa corporum principia, elementa scilicet, & atomos ad se pertinere non censebant: è quibus metalla immediate non componuntur, unde non nisi soli naturæ aliquid producere datum est. Propiora principia etiam manibus hominum tractari ac in opus aliquod deduci possunt. Si cum curâ illorum libros legas, ac inter se sententias illorum conferas, non absurda illos docere videbis, & quæ conciliare quam optimè cum veterum Philosophorum, *Platonis* ac *Aristotelis*, scholis possis, ut conciliavit *Hamelius* de *Fossilibus* lib. 2. c. 9. qui & eo in loco varias diversorum Philosophorum circa generationem metallorum sententias congestit, ac dijudicavit: ut nos isto labore supersedere possimus. Per Mercurium & sulphur non intelligunt illi, quæ vulgo sic vocamus, nam illa potius crementa metallica illis sunt, quam vera principia. Mercurius, vel potius argentum vivum quantum è scriptis illorum colligere possumus, illis est substantia metallica, è perfectorum metallorum familiâ, immatura, ad levem calorem fluidissima, ponderosa, volatilis, summè ductilis, non currens, ut vulgaris Mercurius, unicum & summum naturæ metallicæ agens, quod illi sexcentis nominibus describunt, nullo tamen appellant aut demonstrant. Hoc ita crudum in naturâ inveniri ajunt, undè summâ arte eliciunt substantiam purissimam, viscosam, quæ propior materia est metalli constituendi. Hoc quidem etiam reliquis metallis commune est principium, sed prout sulphur vel purius vel impurius illud temperat, aliam vel aliam mutationem sortitur: unde vulgo diversæ illarum metallorum species constituuntur. Quæ an ita vocandæ sint, inutiliter disputatur, nec Alchemistarum rem magnopere vel juvat vel affligit. Hanc materiam in perfectorum metallorum incunabulis inquirere, cumque inter perfecta metalla ab auro compacto sperari nihil possit, ab argento, vel aliquo, quod illi cognatum est, petere jubent. Quod innumera autorum loca innuunt, quibus integrum implere volumen quis posset: E quibus illa quasi per lancem saturam dabo. In capitulis, quæ Hermeti adscribuntur, ita Lapis ipse loqui fingitur: *Luna mihi propria est, & lumen meum omne lu-*

men superat. Arnoldus in Semitâ semitæ illa Hermetis: *Pater ejus est Sol, Mater Luna*, ita explicat: *Per Solem intelligimus aurum, per Lunam argentum.* & subjicit: *Jam igitur sufficienter tibi demonstravi &c.* Rosarium majus: *Magnesia nostra est Luna plena, Mercurius Philosophorum, id est: materia, in qua continetur Mercurius Philosophorum. Et est ille quem natura paululum operata est, & in metallicam formam formavit: tamen imperfectum reliquit.* Autor Anonymus: *Oportet quod Sol habeat sui spermatis & sue tinctura receptaculum & idoneum & sibi consonum, & illud est Luna, id est argentum.* Sendivogius, vel potius Setonius, tractat. XI. vocat menstruum ex Sphæra Luna, quod possit calcinare Solem. Scala Philosophorum: *Adjuva ergo solutionem per Lunam & coagulationem per Solem.* Turba aliquoties vocat sputum Luna. Sed quis omnia enumeret? Videmus hinc, quorsum illi digitum intendant. Hanc illi materiam ignem, aquam, acetum vocant, quod in metalla perfecta ita operetur, quemadmodum ignis in corpora inflammabilia, aqua in salia & glaciem, acetum in corpora, quæ ab illo solvi possunt. Inquirendæ ergo fodinæ essent, an tale quid inveniri in illis possit: nam è metallorum scriptoribus sapere hic non licet. Describunt illi non paucas argenti immaturi, aut informis species, sed quis eas vel vidit unquam vel exploravit? Exhibet se interdum illud specie lenti humoris, qui postea in optimum argentum coagulatur, cujus memorabilem historiam refert Albinus, Berg-Chronic. pag. 110. quam hic apponere ipsis Autoris verbis fortassis non erit injucundum: In des Grafen zu Hoenstein Bergwetzken am Harz/ fürnehmlich auffm Enders-Berg/ auf dem beruffenstem Zechen/ der Samson genant/ hat sich dieses gedencwürdiges und unerhörtes zugetragen/ daß man alda ein weiß fließend gediegen Silber angetroffen/ einem Quecksilber gleich/ welches aus dem Gang und draussen gestossen/ daß mans mit Händen zusammen gerafft/ und so bald es ins Feuer kommen/ von stund an fein worden/ dessen ich von glaubwürdigen Leuten berichtet bin. Wie etliche reden/ ist das Erz gleich wie eine Buttermilch gewesen/ so bald es aber eine weile in der Luft gehalten worden/ oder auch in Gefässen verwahret/ darinnen mans weich zubehalten vermeinet/ ist es hart worden/ gleich einem Sand oder Stieß/ und ist die weisse Farbe auch in braun oder rüstig verändert worden. Hæc ille de mirabili hæc materiâ, penè iis respondentia, quæ de suo Gurm memorat Mathesius, quod tamen ad argenti puri naturam nondum accessit. Idem Albinus pag. 127. ejusdem libri, de mineris argenti diversis notabilia adducit, quæ illic legi malim, ne chartas spissioribus testimoniis impleamus. Fortassis & illa contemplatione digna sunt, quæ Nirenbergius Hist. nat. lib. 16. cap. 19. de singulari quodam metallo, ad argenti solutionem adhibito refert: *Argentum vivum*, inquit, *notum tantum fuit barbaris, sed nullius usus: namque loco illius ad argenti beneficium aliud*

aliud metallum sufficiebatur, inventum in alio colle humiliori, qui juxta Potosi tumulum jacet. Vocant Indi buayna Potochi, id est: Potochi adolescentem. Hic inventum quoddam vilius metallum, & pene plumbum, admixtum argento pro hydrargyro fuit. Illud Zuruchec dixere, quod significat faciens dilabi, quoniam ejus inflatione argentum liquefieret, nec adureretur. Hæc sunt, quæ de primo Metallorum principio Mercurio, in Chemicorum scriptis vestigia deprehendimus, quæ tamen adeò illi tegunt, ne quis altius ad eorum arcana penetret. Nil enim studiosius, quam rem istam celant, unde omne alchemiæ negotium, dependet. Alterum illis principium, Sulphur est, spirituosum, penetrans, coagulans materiam metallicam, cujus illi fontes non dissimulant. Ab auro, sed per materiale illud principium primum soluto, illud elici volunt: reliquorum enim metallorum sulphura, ut impura contemnunt. Primos ejus natales aliqui à Sole & sideribus deducunt, sed ea omnia incerta: aliqui ab ignibus subterraneis: quo quidem non adeò absurdi sunt. Cum enim terra compages sit omnium naturarum primarum, quæ ad mixtorum generationem sunt necessaria, concludi illis necesse est magnam ignis vim, sine quo generari nihil aut misceri potest. Eum familiares sibi habere naturas oleosas oportet, variorum generum, quibus primo miscetur, unde ad exteriores partes halitus oleaginosi jam puriores, jam impuriores propelluntur, vel magis vel minus excocti. Qui vel aquis vel terræ commisti alias aliasque species producere videntur. Non sunt inter illa, tantum nobis vulgò cognita, sulphur, bitumen & similia, sed longè plura nobis incognita, quibus ignis maximè familiaris est, & ad mutuam permissionem sponte contendit, adeò ut separari nequeant. Combustio enim rerum oleaginosarum, nihil aliud esse videtur, quam separatio ignis ab istis materiis, in quibus habitat. Quare cum Sulphur illud Chemicorum reverà sit oleaginosa substantia, sed incombustibilis, & tamen ignis, ut illi loquuntur, corporatus, aut naturæ ignis, è tali primâ mixture illud descendere per est verosimile. Sulphur illud nec ab astris, nec ab igne centrali deducendum putat Hamelius de Fossilibus lib. 2. cap. 9. pag. 246, cui ejusdem cum vulgari sulphure naturæ videtur, nisi quod longâ alteratione in fixum, purum & incorruptibile evasit. Cujus sententia non omnino spernenda videtur. Memini enim in Chemicorum scriptis, & nisi fallor, in Richardi Anglici Correctorio me legisse; quod in interiori vulgaris sulphuris natura reconditum lateat incombustibile sulphur illud, ac posse auro, cui sulphur suum extractum est, ex ejus quasi visceribus restitui. Quod mihi in mentem revocat historiolum, quam legi in libro quodam Manuscripto verbis germanicis consignatam, de auro beneficio sulphuris vulgaris è cupro extracto, vel potius in cupro ad maturitatem redacto: quam integram hîc apponam: D. Gregorius Euseb. von Ma-

drit hat mir erzehlet/ daß ein Chemicus zum Montano kommen und um eine fleis-
 ne Gelegenheit zu laboriren gebeten/ die ihm denn geworden: da hat der Laborant
 Kupfer genommen ein Zentner/ und dasselbe immer im flusse gehalten / und
 immer Schwefel nachgetragen / und damit das Kupfer zur reiffe bringen
 wollen: Endlich haben sich die Nachbarn des Gestankes halber beklaget/
 da hat ihn Montanus gehen lassen: Er aber hat sehr beklaget / daß ers nicht
 absolviren können. Nach etlicher Zeit reist Montanus die Esse ein / worinnen
 er laboriret/ und findet einen See von 10. Unzen Goldes im Ofen stecken/ wel-
 ches hineingelauffen war durch einen Riß. Montanus hat ihm vergebens nach-
 geschrieben/ welcher es dem Fürsten von Anhalt selbst erzehlet. *Hujus ego rei*
fidem in medio relinquo: neque enim alicui autor sim, ut sumptus in-
rem incertam faciat; omittere tamen nolui, cum rem nostram illustraret.
 Cæterum de partibus metallorum, quas Chemicis ita distinxere, dubium
 nullum superesse videtur. Nam quod quidam putarunt constare substan-
 tiam Auri partibus similibus, falsum est, cum Sulphur seu tinctura ab eo
 possit separari. In ignobilioribus, Cupro præsertim, fieri illud posse
 experimentis plurimis constat. De gemmis idem testatur Hamelius de
 Fossilibus lib. 2. cap. 7. *Sunt qui alias minoris notæ gemmas, ut Amethystum,*
Saphirum, Chrysolichum, laminula ferrea impositas calce vivâ, vel chalybeâ scobe
condant & vivis carbonibus operiant, ut igne sensim aucto nativis coloribus exu-
antur, atque adamantis speciem præ se ferant: nam si durities lapidi adsit & per-
spicuitas, vix quidquam ab Adamante differt. Quæ res si succederet, magnum
 haberemus ex ignobilioribus gemmis nobiliores conficiendi arcanum. Ar-
 te factarum colores corroderentes liquores interdum eluunt. In Vegetabi-
 lium ordine idem fieri potest. Quid magis tingit quam crocus; Et tamen
 ab eo ita colorem omnem separari posse, à Nobilissimo quodam Viro edo-
 ctus, scio, ut omnem Croci odorem & saporem sub crystallinæ perspicui-
 tatis liquore repræsentare possim, nihilque croco simile quis videat, me-
 rum tamen crocum aut subtilissimam ejus essentiam gustet. Quod non le-
 viter mirati sunt, quibus illum liquorem ostendi, qui magno etiam cum
 fructu in medicina adhibetur. Ex auro, quamvis tenacius illic hæreat,
 Sulphur seu tincturam, quam etiam animam auri vocant, separari posse te-
 stantur Chemicis tam veteres quam recentiores, quod firmat etiam *Fran-*
ciscus Lana, loco ejus libri, quem supra laudavimus. Fitque hoc modo,
 ut quantum ponderis habuit aurum; è quo tinctura educta est, tantum
 argenti ipsa tinctura, si illi superjiciatur, colore suo tingat inque aurum ip-
 sum covertat. Quod cum fit, candida ex auro massa remanet, æquæ ut
 prius ponderosa, cui per camenta hinc color reddi suus potest. Simile
 quid de tali auri tincturâ super argentum vivum, publicè Venetiis projectâ
 refert

refert doctissimus Vir, *Alexander Tassonus*, Italus, libro gentis suæ linguâ scripto, cui titulum fecit: *Pensieri diversi*, libr. 10. cap. 26. Cujus verba ipsa apponam: *Finle doti curiosissime dell' Alchimia niuna s' agguaglia a quella dell' esaminazione dell' oro, che di masse grandi il reduce in pochissima polvere di color purpurino, chiamata da alcuni lapis Philosophorum, che poi gittandosi in quantità di Mercurio fatto bollire a leno fuoco, il convertisse in oro, se con la prima quantità si conforma: ma se il Mercurio eccede la quantità del primo oro, l' affissa in argento. E la prova fu pubblicamente mostrata in Venetia, pochi anni sono. Id est: Inter curiosissimas Alchimie dotes, nulla est, qua comparari possit cum illo auri examine, quo massam ejus grandem reducunt in exiguum pulverem purpureum, qui vocatur quibusdam lapis Philosophorum. Ille argento vivo, super ignem, lentum calefacto, injectus, ex eo tantum in aurum convertit, quantum respondet primo ponderi (masse scilicet aureæ; unde extractus est pulvis.) Quantum Mercurii illud excedit, figit in argentum.* Cujus experimentum paucis ab hinc annis publicè Venetiis factum est. Hæc Autor ille de hâc Auri tincturâ, quam, suo ex judicio, lapidem philosophorum vocat. Quæ duo toto inter se cœlo differunt. Venetiis tamen publicè rem gestam testatur. Ac ipsam Rempubli- cam Venetam tale habere arcanum multi credunt, quod communicasse, cum Senatu ejus *Job. Augustum Pantbenm*, Sacerdotem Venetum dicunt, qui & ipse librum quendam obscurissimum scripsit de arte, quam barbaro nomine vocat *Voarchadumiam*, aliâ planè ab Alchemia, cumque Veneto- rum Principi dedicavit. Reperitur in Theatri Chemici volumine secundo. Conjecerunt & sagaciores ex eo, quod nulla moneta aurea vel argentea peregrina publicum illic valorem habeat; sed in aliam monetam commutetur: Cumque ipsi fodinas auri non habeant, *Secinos* tamen auream monetam cudant, quæ ratione coloris gradu aliquo superet omne nativum aurum, licet optimum. Forsan & huc referat aliquis, quod *Matthesius in Sarepta conc. 11.* de Venetis commemorat: multum illos rubri Sulphuris è Carinthiâ annuatim petere, quo ad tingendum utantur. Sed de eo pronunciari nil certi potest, omnia enim plena sunt conjecturis. Præ exteris memorabilis historia est de sulphure aureo extracto, quam unâ cum judicio *Roberti Boitii* ex ejus *tentaminibus Physiologicis, tentamine 2. de Experimentis, quæ non succedunt*, adducam: *Rem hic commemorabo, inquit, mihi serîo à D. D. K. Viro, si quis alius, à falsiloquii consuetudine alienissimo, narratam: Is mihi affirmavit, quod cum laboratorium suum in Batavia amico cuidam peregrè proficiscens utendum concessisset, ibique aliquot Aquarum Fortium species ad Tincturam suam escarlatainam comparatas reliquisset, amicus iste paulò post ipsius discessum ipsi per literas significavit, se Aurum in quâdam Aquâ forti digerendo, Tincturam sive flavum sulphur ab illo prolicuisse, eandem volatilem reddidisse re-*

fiduâ metalli substantiâ ad falsedinem vergente, & cum hac tincturâ aureâ argentum non sine lucro in perfectissimum aurum transmutsasse. Hac audito, D. D. ad laboratorium suum subito reversus, ipse cum eadem aquâ forti, aliquoties volatilem auri tincturam impetravit, qua similiter argentum in verum aurum convertit, & cum percontarer, utrum tinctura ista argentum auro, è quo ipsa eliciebatur, pondere æquale transmutare valeret, se ex unâ auri uncia tantum sulphuris sive tincturæ obtinuisse proficebatur, quod sesquiuncia argenti in nobilissimum metallum vertenda sufficeret. Et hoc (addit Boilius) pronius credo, tum quoniam substantiam fixam sive tincturam separari ab auro posse, experimentis nonnullis mihi certius constat, quam ut dubitare de eo liceat: tum etiam, quoniam argenteo sulphur quoddam inesse, quod maturatione aurum evadat, inde mihi sit probabile, quod nonnulli in re metallicâ exercitatisimi & observationum suarum fide testati sunt, aliquando ope liquorum solventium (quod etiam D. Franciscus Baconus alicubi notavit) aliquando verò communis sulphuris (prohè excocti & salibus idoneis conjuncti) beneficio aliquot purissimi auri grana ex argento fuisse extracta. Ceterum Doctorem nostrum concepta ex hoc experimento divitiarum spes prorsus fefelleret: nam paulò post tempore iterum susceptam ipsius operam elusit: culpam autem in aquam fortem rejicit, ideoque operationem denno aggressurus est. Verum quandoquidem omnes illius conatus hæcenus in irritum ceciderint, probabile videtur, errorem ab aliqua latente causâ fuisse profectum: nam istiusmodi casus quibusdam citra omnimodum remedium obtigisse novimus. Ex iis itaque, quæ prolixè adduximus, facile perspiciemus, sulphur esse, ut in omnibus metallis, ita in auro distinctum ac separabile, unde color ejus dependet. Atque hinc pulchrè ratio explicari potest, unde flavus in auro color oriatur. Nam cum sulphur purpureum plerumque sit, cætera auri massa candida; è purpurearum ac candidarum particularum accurata mistione flavum oriri colorem necesse est, non secus, ac cum è cupro & zinco inter se justa proportionem commistis, substantia oritur, quæ flavo colore & externâ facie auro optimo componi possit. Quod si itaque sulphur abest, vel extrahitur, candidum fit aurum, quod lunam fixam appellant vulgò, cum pondus auri habeat, & in aqua forti persistat. Huic aureus ille color si reddi possit, ut reddi possent, multum inde lucri posset acquiri. Quanquam & Boilius, loco suprâ memorato, inter incerta experimenta referat. Præterea diversam sulphuris seu coloris in auro naturam ostendit, quod intendi ac augeri per cæmenta sulphureæ naturæ, quamvis impuræ possit. Potest aurum cum certis quibusdam substantiis ita misceri ac igne torreri, ut cum in Regulos, ut vocant, funditur, primus penè rubeat, secundus citrini sit coloris, tertius sit longe colore debilior, ut vix aurum credas. Quo apparet, optimas sulphuris particulas primâ effusione præcipitari, ut primo stillicidio optima-

quæ-

quæque decidere solent, ac jungi arctius, & disjungi posse. Non semel mihi narratum est à Viris hujus rei peritis, posse aurum Rhenanum, cujus color pallidior est, & vilioris eam ob causam pretii, per camenta ita tractari, ut colore suo ipsum Hungaricum provocet. Idem confirmavit mihi, cum in Angliâ essem, Nobilis quidam Bohemus de Veneto quodam, qui istâ arte tantas acquisiverat divitias, ut Senatus in se inquisitionem concitaverit. Unde factum est, ut detectis opum suarum causis, lucrum etiam ex eo tempore cessaret. Illud jam olim factitatum quoque fuisse in Galliâ, suspicio non levis est, quam iniecit mihi Thomas Freigius *Physicor. lib. 26. p. 708.* qui quidem aureos Rhenanos nobiliori auro commistos illic fuisse existimat. Nam Galli Rhenanum aurum exportare prohibuerunt: tot millia aureorum quotannis in Galliam à mercatoribus missa, quæ illic tamen rarò comparuerunt. Recusi itaque procul dubio sunt, sive nobiliori auro mistum, fuerit Rhenanum, sive aliis subsidiis in splendidiorem colorem excoctum. Mirum certè est, quod cum tanto numero olim cuderentur aurei isti, ut illic computat *Freigius*, adeò tamen rari fuerint.

Atque hæc hæctenus de metallorum productione ex sententiâ Chemicorum dixisse sufficiat. Quibus experimenta nostra jungenda, explorandi metallurgi, inspiciendæ, si fieri potest, fodinæ, ex præcipuè, quæ perfectiora metalla generant; consulendi libri, quibus tamen ego oculatam fidem præfero, sic de metallorum inter se commutatione rectius judicabimus. Ut itaque de transmutatione metallorum, utrum illa fieri humana operâ possit; vel minus, quicquam tandem statuamus, & fieri eam posse, & factam fuisse credimus. Quæ ab aliis hic toties apposita crambe est, totiesque recocta, eam iterum non recoquimus. Quot non dissertationes, ac integræ de hoc negotio volumina scripta, quibus argumenta in utramque partem & afferuntur & discutiuntur. Sed his ego recensendis, nec otio meo, ne tuâ, Vir Amplissime, patientiâ abutar. Præcido primum omnes illas quæstiunculas: *An Metalla vivant? An animam habeant vegetativam & certum semen? An specie illa sint distincta, an accidentibus? an mutua possit esse specierum commutatio?* quæ omnia plurimam partem à solis ingenii contemplationibus dependent. Vivere Metalla Berigardus *Circulo 1.º sano 3.* speciosâ dissertatione evicit, & Jordanus Brunus *libro 5. de Universo & Innumerabilibus c. 12.* totam tellurem ac omnes ejus partes vivere statuit, argumento è lapidibus ducto. Ac illæ quidem eodem modo, ut dentes & ossa in corpore humano, nutriripotat. Alii rursus negant, illi præprimis, qui Peripateticos sequuntur, Scaliger, Cæsalpinus, Jacobus Aubertus, *libro de ortu Metallorum*, Fallopius. Semen illi metalli tribuunt; hi negant. Similiter de specificâ vel accidentali metallorum differentiâ multæ sunt disputa-

sputationes, quibus chartas hinc implere nec instituti ratio admittit, nec nostra valde refert. Caterum vegetationem metallorum demonstrare alicui ac ob oculos ponere possunt, si quis pertinaciter negaverit, Arbores illæ Philosophicæ ex argento vivo productæ, & mirabilis illa arboris argenteæ in aquis ex eodem metallo germinatio, quæ à *San-Simonio* Bruxellis, injecto pulvere, quem homo Leodiensis ignotus illi dederat, peracta est, teste *Cl. Borrichio lib. de Ortu & progr. Chem. p. 103.* Quo colligas, semen argentificum, aut aliquid semini analogum, isto in pulvere delituisse.

De transmutationibus metallorum in universum plenè hinc quidem agere animus non est: sunt enim in imperfectioribus illis variz mutationes, quales ferri in cuprum, plumbi in stannum & similes, quas pauci in dubium vocant; in ipsis denique metallis variz sunt puriorum ab impuris separationes, quæ magno interdum cum lucro inserviuntur, sed ex cum arte *ἡγεμονικῶς* nihil commune habent, ostendere tamen aliquam verosimilitudinem possunt. Ferri in cuprum mutationem multi negant. Sed obstat *Erkeri*, viri in istâ re scientissimi, autoritas, pluraque alia exempla, ut in dubium vocari non possit. Ferri in chalybem, plumbi in stannum mutatio fit per separationem partium puriorum ab impuris. In minerarum purgationibus multa adhuc latent arcana, quæ si quis rectè explorare noverit, lucri satis inde reportaturus esset. Novi Virum Nobilissimum, qui è mineris nonnullis argentiferis Hungariæ, sulphure multo & arsenico abundantibus, quæ, cum igne fusorio tractantur, maximâ sui parte cum sulphureis illis halitibus in fumum abeunt, argenti vim decuplo majorem per liquorem extrahere potest. Liquor enim ita comparatus est, ut omnes sulphureas substantias è minerâ contusâ extrahat: dumque illi liquori supernatant, vel miscentur, argenti purissimi partes subsidunt. Quales mineræ cum admodum frequentes sint, ac in Norwegiâ etiam, ut audivi, reperiantur, quas ob exiguum commodum abjicere solent metallurgi; quanta hinc se & alios ditandi occasio obvenire posset, si quis rem istam seriò & cum cura ageret? E luto per oleum lini ferrum se produxisse, singulari libro, *Supplemento Physica subterranea*, scribit *Beccherus*, qui quidem reverrà generatum illic ferrum putat. Quod mihi, ut ferear, persuadere hætenus non potuit. Quid enim oleum lini ad metallicam naturam conferre valeat, quod separare fortassis partes heterogeneous, novum verò aliquid à natuâ suâ diversum producere non potuit? Latitarunt sine dubio in luto isto particule ferreæ, quæ per omnes adeò lapides omnemque terram dispersæ, lutum præcipuè, quod vel ipso suo colore aliquid, quod ferream naturam sapit, prodit, quæ operatione ista evocata fuerut. Et sanè *Gilbertus lib. 1. de magnete cap. 8.* nullam terram dari, quæ ferreâ non imbuta sit

materiâ, testatur: præcipuè verò omnem argillam & terram argillaceam. Belgz è cespitibus sulphureis bituminosis cuprum & ferrum nonnunquam eruunt. Quod mihi minus mirum videtur: cum & ipsum aërem, ipsasque plantas & arbores subtiles quidam halitus metallici pervadant. Quibus non absurdè, meâ quidam sententiâ, vegetabilium quorundam & productorum in fundo maris naturas adscribit *Alexander Achilles*, homo ordinis militaris, libro Germanico *de causis terra motus & mineralium*. E quibus illud memorabile est, quod corallorum productionem exhalationibus auri; unionum verò argenti vaporibus, qui è terris subjectis istarum minerarum feracibus evehuntur, adscribat. In cujus rei fidem affert experimentum de virgulâ venarum argentiferarum indice, quæ ad uniones vel ostrea æquè ut argentum se inclinaverit. Quæ de alternis venarum metalli & carbonum fossilium processibus similibusque habet idem Autor, ea metallurgis judicanda relinquo. Ad hanc Experimentorum classem, scilicet ad modos, quibus puriora metalla ab impuris separantur, referendum etiam puto, quod *Stoemannus* in Oratione Inaugurali Rostochii in Academix jubilæo A. 1619. habitâ, de argento in aurum per cæmentum mutato narrat. *Propriam*, inquit, *fidem testor, quod aliquando hisce oculis viderim, laminas & bene magni ponderis argenti frustra per subviride cæmentum ita perfici, ut auri naturam induerent optima nota, idque spatio paucarum horarum, & igne non magno*. Mira hæc, fateor, operatio per cæmenta est; ac vellem accuratius narrasset rem omnem: nam magna mihi suspicio est, sophismate aliquo imposuisse viro illi, qui hæc exhibuit. Talibus enim operandi modis plerumque dignoscendi Pseudo-Chemici, qui adeò speciosè fraudes suas tegere possunt, ut vel oculatissimos nonnunquam fallant: per insidias enim auri pulverem vel carbonibus, vel instrumentis, quibus operantur, recondunt, ut arte factum quis putet, quod verum est & nativum. Quorum quinquaginta & amplius fraudes sanè ingeniosissimas recenset *Michael Mejerus* in *Examine Fucorum Pseudo-Chemicorum detectorum*: quem vel ideò librum legendum suaserim, ne fallamur ab agyrtis istis & impostoribus, quorum unicus labor est, spe lucri aliis ostensâ sibi lucrum quærere: quo fit, ut innoxia Alchemix studia in invidiam adducantur, honestique homines vel ut res inanes ludibrio habeant, vel ut fraudulentas detestentur. Quot non obtruduntur passim, tam libris editis, quam schedis, quæ circumferuntur, operationum metallicarum formulæ? sed nequam omnes & dolosæ: à quibus caveat sibi, qui nec opum suarum, nec temporis vult dispendium facere. Et vereor sanè, ne & illæ, quæ apud Franciscum Lanam occurrunt de stanni & argenti vivi in verum argentum mutatione, ad eorum classem sint referendæ. Leguntur & apud *Johannem Franciscum Mirandulanum*, libro

de Auro, transmutationum metallicarum quædam historiz, qualis est illa lib. 3. c. 6. de argento vivo per nescio quos succos & folia herbarum in aurum commutato, & quædam similes, quibus fortasse doctissimo Principi imposuerunt, qui hæc narrarunt: ista enim adeo sunt à ratione aliena, ut fidem apud illum invenisse mirer. Quæ de auro per separationes ac plurimorum metallorum commistiones producto refert, fortassis vera sunt, non tamen cum magno lucro conjuncta. Quid non talium rerum tentavit & publicis etiam scriptis jactavit Glauberus? Quæ si vera essent omnia, jam ab Indis & Americanis aurum & argentum tam sumptuosis petere navigationibus necesse non haberemus. Quod est eorum, qui Ephemerides Eruditorum Gallicas scripsere, judicium.

IX. Sed nos missis illis omnibus ad veram illam veterum Alchemiam, quæ ignobiliora metalla in aurum converterunt, nos convertimus. Quam cum plurimi impugnarint, nemo tamen acerbius ac immodestius, & ut verum fatear, indoctius eam ejusque assertores tractavit, quàm *Kircherus in Mundo subterraneo*: totam enim ut impostoriam rejecit. Historias transmutationum sine discrimine pro fabulis habet. Ubi solida argumenta exspectes, perpetua leguntur ejus in Impostores Chemicos declamatiuncula. Quos ut tales demonstret, farraginem præparationum sophisticarum, quales passim ab agyrtis circumferuntur, in medium producit. Cum his larvis penè ubique pugnat. Quæ de Chelidonia, succo lunaria ad metalla commutanda adhibendo & similibus Chemici ænigmatica memorant, ille suo sensu accipit; cum tamen illi per succum Lunaria longè aliud quid intelligant, illud scilicet, quod è spharâ Lunæ principium petunt, cujus supra mentionem fecimus. Quo ostendit, ne quidem legisse se Chemicos, contra quos tamen pugnat. Refutavit eum *Bonsteinius* singulari libro, quem *Lancem Peripateticam* inscribit; qui tamen hætenus ad manus meas non pervenit, & quidam *Salomon de Blauenstein*. Sunt & nonnulli, qui, cum artem per se impossibilem dicere vereantur; ab homine tamen, ob causas occultiores, nisi fortè ab Angelo aut Dæmone, in effectum deduci posse negant. Quæ in sententiâ *Honoratus Fabri* est. Sed malignos quidem spiritus ab his sacris, ne abutantur, arcebit Deus: boni aliud habebunt, quod agent. Quid verò impedit, homines in metallicis, datis scilicet causis proximis, eadem agere, quæ in vegetabilibus agunt quotidie hortulani? Neque enim è primis elementis illi semina colligunt, sed jam à naturâ parata excolunt, ornant, augent, quod rustici omnes faciunt & agricolæ. Inepti sunt & in societatem humanam injurii, qui arti amplius aliquid, quàm naturæ licere negant: ac miserè profecto nobiscum ageretur, nisi semper ars naturam juvaret. Quam tamen ipsam aliquid auro producere interdum perfectius, ostendit histo-

historia apud Becherum *Phys. subterr. lib. 1. sect. 3. c. 3.* de minerali rubro, pro realgar habito, ac cum argenti quinque partibus commisto, quæ in purum putum aurum conversæ fuerunt. Alii, cum experientiam negare nec velint nec possint, casu illud factum arbitrantur: inter quos est *Jac. Ra- bault* in *Physicâ suâ* Gallicâ linguâ non ita pridem editâ *part. 3. c. 6.* cujus ista planè inepta est ratiocinatio: *Cum ignoretur, inquit, quæ sit figura & magnitudo particularum metalli componentium, & earum, quæ inservire transmutationi possunt, nec modus repertus sit, quo illa constringi possint, existimandum est, si verum est, aliquando à Chemicis plumbum conversum fuisse in aurum, pari casu id evenisse, ac si, cum ex altiori loco arenam in tabulam quis projecerit, granula ita dispo- nerentur, ut legere quis integram à Virgilio *Aeneide* paginam posset.* Frustrata- que omnes esse putat, qui de tali arte solliciti sint. Vide quæso quantum hominis acumen sit! Quid ad artificem particularum constitutio, è quibus corpus vel corporis partes primo componuntur? Ergo, qui aliquid rerum naturalium arte producturus est, primum è particulis rerum causas colli- git? Naturæ illud opus esto. Artifex ea, quæ jam in promptu sunt conjun- git, ac naturæ suo adjumento perficienda relinquit. Aurum aliqui arte nul- la corrumpi, resolvi, aut in meliorem redigi naturam posse objiciunt, cum sit jam perfectissimum. Quod quidem verum est, quam diu naturæ isti non jungis aliam, quæ destruere aut resolvere illud potest: qualem se- scire Chemicorum schola fateretur, extra quam unicam nulla in hoc universo est, quæ præstare illud possit. Nam quod *Honoratus Fabri Phys. tract. 7. prop. 34. & 35.* corruptibile esse aurum ex eo judicat: quod salibus solvatur, qui humorem ejus, ut loquitur, exugant, faciantque ut ab igne consumatur: quod vel à vapore in patinarum operculis atteri & attenuari possit, planè non admittendum videtur. Aurum, ut rectè idem statuit, duplici parti- cularum plexu constat, interiori scilicet & exteriori. Interior est, quo mi- scibilia & ipsa corpora primogenia sibi implicantur; Exterior, quo partes mixtæ ipsius scilicet auri continentur. Exteriorem plexum disturbare mul- ta possunt, tritus, pulsus, sales, ita ut in insensibiles particulas abeat, qua- rum tamen quævis auri formam retinet: nec corrumpi ideo dici potest au- rum, ut vult *Honoratus Fabri*, quod insensibiles particule in palpabile au- rum reduci nequeant. Interiorem plexum nihil, nisi quod ex ipsâ auri na- tura primogeniâ est, à vinculis suis solvit. Quem itaque Canonem *Hono- ratus Fabri* sic format: *Si aurum nullo modo corrumpi seu destrui posset, Chemi- corum fors adeò mala non esset: rectius ita pronunciabo: Si aurum corrup- pere & destruere possent Chemicæ, optimè cum illis ageretur.* Species hinc & formas, splendida ista nomina, alii crepant; converti illas non posse auda- ceter asserunt: qui tamen non animadvertunt, quotidianum hoc esse naturæ

negotium, ut subinde in alias aliasque formas Protei instar se vertat. Inepta igitur est, quæ hoc fundamento innititur *Kircheri* objectio: Quod si *μετεωρολογικῶς* ista in metallis fieri possit, fieri etiam in animalium ac vegetabilium genere posse. e. g. Si pulvis ex absynthio confectus supra aridum mortuumque absynthii caulem projiceretur, pari ratione id in herbam resuscitaturum: idem & de pulvere ex animali combusto factò, & in cadaver ejusdem vel alterius animalis coniecto dicendum esse: item si vini septies & amplius distillati gutta dolio aquæ infunderetur, aquam in vinum abituram. Non enim ratio subjectorum est eadem, nec eodem modo in omnibus natura operatur. Materia metallorum proxima communis est, non item vegetabilium & animalium. Metalla è paucis partibus miscentur, ac simpliciore texturem habent: Vegetabilia & animalia tot dissimilibus partibus constant, ac alio planè modò producuntur. Quid vero pulvis alicujus herbarum in aridos caules operetur? Quanquam tamen & hoc satis mirabile sit, quod è pulvere ejus certo modò præparato herba quasi resuscitari possit: An in pulvere combusti alicujus animalis tota ejus vis lateat? Memini tamen, è pulvere combusti cancri, si super rivulos spargatur, aliquibus cancos produci. Sic & in spiritu vini subtilissimo volatili non tota essentia vini latet, quæ aquam in sui naturam convertere possit. Neque talis aliqua spirituum subtilitas, quæ vase nullo teneri possit, ut ineptè putat, in metallorum conversione requiritur. Nisi enim ad fixam naturam spiritus fugitivi reducantur, nullius sunt usus. Quod verò de aquæ in vinum conversione attulit, non adeò absurdum est, ut ille forsan existimat. Narravit mihi Clarissimus Collega meus *Caspar Marchius*, Vir in Vulcani palæstrâ exercitissimus, de *Laurentio Eichstadio*, Mathematico celeberrimo, cujus tum ille domesticâ informatione utebatur, potuisse illum certo quodam pulvere in aquam justâ proportionem injecto, perfecti vini sapore eam imbuiere, idque in conviviis animi gratiâ non sine admiratione convivarum factitasse. Ac latent fortassis non pauca, etiam in vegetabilium ac animalium genere, talia arcana, humano ingenio nondum investigata. Frustra itaque est cum suis objectionibus *Kircherus*. Quandoquidem verò transmutationis nomen adeò Mischchemicis odiosum est, ac sensibus illorum repugnat: nam, formam in viliori metallo, quod specie ab altero diversum habent, destrui; novam sub exigui grani specie, penè infinitâ vi multiplicativâ præditi, quæ figat & se ipso ponderosius corpus reddat, introduci, insolens illis videtur & ἀδύνατον: videamus, quomodo fieri tale, quid possit. Velim itaque primum, auferant nobis invidiosum illud transmutationis nomen: solâ enim mixture res tota potest expediri. Communis, ut vidimus, metallorum materia est, Mercurius, substantia ponde-

rosa,

rosa, ductilis, liquabilis: illis enim notis à reliquo fossilium genere metallicum distinguitur: adeò, ut quò minus ductilitatis corpus aliquod habet, eò minus metallicæ naturæ habeat. Substantia illa, & altera, quæ sulphur vocatur, sive rubræ sit naturæ, sive candidæ, quo puriores sunt & impuriores, distinctionem suam metalla recipiunt. Inter perfectius mista, aurum est, & quod secundum ab illo gradum habet, argentum; illud è puri sulphuris rubri; hoc è puri sulphuris candidi familiâ, arctiori tamen & propiori, ob æqualem puriorum partium mixturem, cognatione junctâ, quàm cætera illa: plumbum & ferrum, stannum & cuprum, quæ in se mutuo, immediate saltem, non convertuntur, ut cuprum & ferrum, plumbum & stannum: præ cæteris vero illa, quæ sulphur in se candidum habent, Hydrargyrus, plumbum, stannum, argentum, facilius aurei sulphuris operationibus obsequuntur, quàm illa, quæ à rubro sulphure ortum trahunt: habet enim eorum, ut cupri & ferri, sulphur majorem impuritatem cum quâdam pervicaciâ conjunctam, quàm cæterorum, quorum Mercurius copiosior, est, & sulphur immaturum facilius excoqui in rubrum perfectius à perfectio sulphure potest: nam in imperfectum rubrum vulgaribus etiam operationibus convertitur. Hinc Chemici lubentius vel plumbo vel hydrargyro in auri confectione utuntur, quam ferro aut cupro. Quando itaque Elixir suum componunt Chemici, materiam metallicam tot operationibus depuratam cum purissimo sulphure auri conjungunt, & in subtilissimam, fixam tamen naturam, convertunt, omni auro longè perfectiorem, quæ iteratis resolutionibus & coagulationibus majores semper perfectionis suæ gradus acquirit. Incredibile hic Misochemicis videtur, pulvisculo grani quantitatem æquante mille & amplius grana vulgaris metalli in aurum tingi posse: & vident tamen illi quotidie, exiguam croci partem sufficere, ut mille vel amplius partes aquæ cum illâ misceantur, ac flavo se colore tinguant. Jam cogitent mihi illi admirabilem auri etiam vulgaris naturam, quàm illud dilari & extendi vel per rudem mallei operationem possit. Quis credat, ex nummo aureo tot bracteolas cudi, & tres quatuorve bracteolas, quibus argenteus Cylindrus inauratur, dum ille in filum tenuissimum & longissimum ducitur, illas simul produci, ut semper superficiæ adhæreant, ac ipsum filum tot ulnas longum inauratum habeamus. Quid ergo non faciet aurum in naturam centies vel millies subtiliorem redactum? Illud itaque Elixir viliori metallo, plumbo e. g. sed prius à scoriis & sordibus suis per certos pulveres purgato, dumque funditur, injectum statim cum Mercurio plumbi, tanquam sibi congenere, ejusque partibus purioribus miscetur unâ cum sulphure quàm arctissime secum juncto, dum partes heterogeneæ vel separantur vel fumo avolant. Falluntur enim, qui

totam illam plumbi massam in aurum converti putant. Mercurius per mutuum illum partium consensum statim se sociat Mercurio subtiliori, ejusque sulphur adjunctum etiam in interiorem sui naturam recipit, excluso illo, qui sibi adharet, impuriori. Nec est quod quis celerem illum particularum motum & complexum miretur, cum & vulgaribus operationibus hoc fieri videamus. Invere liquori perspicuo, in quo argentum solutum est, alterius naturæ metallum, statim ut farina dispersa è latebris suis prodiens argentum fundum petet, cum sales se alteri metallo applicant. Infundè argentum vivum laminis auri ignitis, & uno momento in substantiam butyro similem, quam amalgama vocant, per mutuum complexum commutantur. Est scilicet mutuus quidam naturarum consensus nobis incomprehensibilis, per quem inusitata sæpe in naturâ phenomena se ostendunt: qualia non per generationes, transmutationes, ut vulgò loquimur, fiunt: sed per alteratas partium interiorum mixtiones, vel fermentationes. Fermentatio enim, cujus Tu, Vir Amplissime, vires mirabiles etiam in epistolâ tuâ deprædicas, est, quæ omnia naturæ mixta, ipsa etiam metalla, vinctulis suis solvit & in subtiliores naturas mirâ vi *crepescunt* præditas extollit. Hujus ego exempla aliquot è natura vegetabili proferam, unde lux metallicis etiam mutationibus inferri potest. Novi Virum Nobilem, qui singulare aliquod fermentum excogitavit, quo dolia lignea imbuunt: quibus infusa aqua in acerrimum acetum, quale unquam è vino parari potest, commutatur. Quæ vis in vasis illis non perdurat tantum, sed & continuo usu in infinitum augetur. Quod ille arcanum sibi servat, nec facile, cum lucrosum esse possit, in publicum proferet. Memini quidem, Andreæ Matthiolum, de aquâ, per panis tostii aliquoties aceto vini imbuti & exsiccati injectionem, in acetum commutandâ, quædam alicubi memorare, sed hoc cum artificio comparari nullo modo potest. Memorabile itidem est, quod refert Thaddæus Hagecius *opusc. de cerevis. c. 12.* rosarum odore afflato acescere cerevisiam è tritico paratam. *Illud, inquit, mirabile videtur & non nisi fortè ad civitatē Deçæ quendam referendum, quod rosarum fragrantium odorem, aversetur triticea cerevisia. Hæ enim in Cellarium repositæ, aut si saltem pincerna coronato ferto rosaceo illud fuerit ingressus, illico pervertitur & acescit. Quod certè non nisi per momentaneam quandam fermentationem à rosarum fragrantium particulis ortam fieri potuit.* Sic, si quis poculo, in quo panis fermentatus est, per siphonem è dolio cerevisiam infundat, cerevisia omnis acescet, derivatâ in cerevisiam, quæ in dolio existit, fermentatione. Ex adverso liquor aliquis dari potest, qui cerevisiam & vinum corruptissimum guttis aliquibus instillatis ex tempore in priorem statum vel meliorem etiam restituit. Illud vidisse se & gustu suo examinasse mihi asseveravit Mercator

caror Anglus *Carolus de Corfellis*, Vir honestus & fide dignissimus. Liquor rubri coloris fuit, sed noluit homo ille artificium prodere, quod ex Oriente reportaverat. Fermentationis beneficio, si *Vreeswick*, qui id in nupero suo tractatu Belgicè scripto *de Sale Philosophorum* asseruit, credimus, è quolibet penè vegetabili, avenâ, pis, brassicâ etiam foliis & similibus spiritus ardens vinosus produci potest. Quod si itaque tam miranda in vegetabilibus, nonnunquam uno momento per fermentationem, quæ quasi tritus quidam naturæ est, fieri possunt: cur in metallis fieri talia posse negamus? In quibus carere possumus generationis & transmutationis nominibus, cum sola mistio auri tincturam alteri metallo inferat, & arctiori partes interiores plexu jungat: unde auctum pondus est, quod in lateribus coctis vel solus ignis præstare potest.

Venio nunc ad alteram Dissertationis meæ partem, de antiquitate hujus artis & autoribus, per quos illa tradita est & propagata. Quo in argumento cum dudum summo ingenio ac industriâ versati fuerint Viri præclarissimi: *Conringius libro de Medicinâ Hermetica: Reinesius in defensione Chymia: Borrichius libro de ortu & progressu Chymia*: quid opus est cramben illam à nobis recoqui? Suspenso ergo pede hanc viam ingredior; ita tamen, ut nonnulla interdum tollam; quæ illi reliquerunt. Negari vero non potest: ea, quæ vulgo hic afferuntur antiquitatis argumenta, omnia esse conjecturæ plena & incerta: quanquam tamen Borrichius in rerum istarum tenebris ita versatus fuit, ut non exigua etiam antiquitati Chymia lucem intulerit. Narales certè ejus altius spectare, quam crediderunt aliqui, si non omnino evicit, id tamen effecit, ut perquam probabilis res illa videatur. Mitto, quæ è fabulosis Enochii scriptis petuntur documenta, aut quæ Bochartus de Chamo ejus autore conjicit. Hermetem aliquem fuisse; hujusque scientiæ quædam tradidisse non negamus: quanquam non omnia, quæ sub nomine ejus circumferuntur, ab illo fortassis sunt profecta. Tabulæ Smaragdina, quæ illi adscribitur, origo est incerta: mentitur tamen Kircherus, qui ante Lullii tempora extitisse negat: cum Johannes de Garlandia, qui Hortulanus aliàs dicitur, ac seculo Decimo, teste *Baleo*, vivit, jam tum in eam commentarium scripserit. *Kriegsmannus* illam linguâ Phœnicia publicavit, sed unde illam habeat, si rectè memini, non indicavit. Hactenus ergo rei veritas in suspensio est. Apud Ægyptios hanc artem inter arcana habitam multa argumento sunt. Nam, quanquam nil disertè proditum literis sit: hieroglyphica tamen illa quædam hujus condidisse videntur. Neque enim credibile est, homines illos non profecto stupidos ac inertes, fallendi temporis gratiâ has quasi cucurbitas pingere voluisse, aut morales quosdam, aut alios vulgares sensus sub iis occultasse,

cum

cum occultandi nulla causa esset. Servare his monumentis sapientioribus majora quædam naturæ arcana voluerunt. Quid in mensæ Ifiacæ figuris sibi volunt *Leones Lunati*? facile interpretabitur qui in Chemicorum veterum ænigmatibus non planè hospes est. Quid significant *Serpentes cum capite accipitrino* aliud, quam naturam fixam volatilem? Cui respondet istud Chemicorum effatum: *Bufo gradiens super terram, & Aquila volans est mysterium nostrum.* Sed omnia alia comminiscuntur, qui hæc interpretantur, præcipuè Herwartus, qui mensæ Ifiacæ imagines, ridiculis planè argumentis ductus, de magnete & pyxide nautica explicat. Hinc plurimas Græcorum fabulas natas fuisse vorosimile est, quas ingeniosè satis ad Chemicos sensus explicat Michael Mejerus, Vir doctus, in *Arcanis suis arcanissimis*, sive *Hieroglyphicis Egyptio-Græcis vulgo nondum cognitis*, qui tamen ob amorem artis fortassis nimium ingenio suo indulget. Quem sequuntur in hoc instituto Vigenarius, *Commentario in Philostrati tabulas*, & Pet. Job. Faber, in *Pan-Chymico suo*. Negare certè ipse Conringius non potest, docendi ac scribendi rationem apud Ægyptios, Chemicorum ordini semper familiarem, & ad hos ab illis derivatam videri posse. Kircherus verò noster quasi è tripode pronunciat (*Oedip. Ægyptiac. tom. 2. classe 10. de Alchymia Ægyptiacâ*) Ægyptios praxin lapidis philosophorum haud intendisse, sed rem quandam in inferiori mundo Soli analogam & quintam quandam essentiam pro morbis omnibus curandis & vitâ in omni felicitate traducendâ. Hanc ob summam subtilitatem & perfectionem cælum appellasse: *Hoc Elixir*, inquit, sive quinta essentia tam eminentis virtutis erat, ut cuicumque distillata ex quibusvis herbis aqua affunderetur, virtutem ejusdem, qua certum aliquod corporis membrum respiciebat, in decuplum augmentaret. Verbi gratiâ, si aqua ex hepaticâ extracta apponeretur, illa aqua decuplo validiorem in hepatis curâ effectum præstaret; eratque hæc aqua ad eam temperiem per continuas circulationes reducta, ut frigidis apposita decuplo ea frigidiora; calidis addita decuplo calidiora, siccis juncta decuplo sicciora, humidis denique admixta decuplo ea humidiora efficeret. Quæ omnia fusè ex mente Ægyptiorum prosequitur Balsan Arabs in libro de Elixiris vita compositione. Hanc aquam, (porro addit) & lapidem dicebant, eo quod ex lapidibus preciosissimis fuisset extracta, quam & aquam vitæ, vegetabile naturæ Semen, animam solarem, similibusque lapidi Hermetico impositis denominationibus nuncupabant. Gemina illis Lullius in suo de quinta essentia libro scribit, quam & ipse cælum vocat, in quam falsò Kircherus in mundo subterraneo dicit cogitationes suas convertisse Lullium, postquam lapidis Philosophici spem abjecerat. Non pauca enim in isto libro sunt mendacia. Quod si vera sunt, quæ de Ægyptiorum Elixire adducit, suo profecto gladio se jugulat: nam quod ista præstare potuit, facile etiam in metalla vires suas exferet.

ret. Ante Christum natum Chemiam ignotam fuisse, & omne opus *χημική* putat Cl. Conringius, cum tamen jam tūc Herodotus vitreorum operum mentionem fecerit, quæ inter *χημικά* omnino referenda sunt. Kircherus quoque magnâ, ut solet, audaciâ: Nos, inquit, quantum fieri potuit, antiquitati hujus perditæ artis incumbentes nullam ante Christum à quopiam scriptore hujus artis mentionem fieri deprehendimus. Ibidem Arabes facit primos hujus lapidis autores, sed qui tamen successerint Græcis illis autoribus, qui circa tempora Constantini Magni *ἐν χημείᾳ* scripserunt. Quæ an cum sanâ mente consilire possint, dubito: qui enim primi sunt, aliis quomodo successere? Id vero vehementer miror, adeo obliviosum aut cæcum fuisse, ut cum aliàs sæpè exscriberet, eum in *Martinii Atlante Sinico* locum vel præterviderit, vel in memoriam sibi non revocarit, quo de antiquitate artis Chemicæ apud Chineses agit. Ita vero ille p. 71. *Scribunt de Totan parvo lacu (forte legendum loco) ad Pukiang, quod in eo Hiangius arti Chemicæ, vulgo Alchimiam vocant, operum dederit, idque BIS MILLE QVINGENTIS EOQVE AMPLIUS ANNIS ANTE CHRISTI NATIVITATEM.* Addit ulterius Autor ille: *Quare habent etiam hic unde antiquissimos natales sua scientia atque artis accersant Chemicorum filii, potius quàm à fabuloso suo Mose, aut Maria ejus Sorore, ac Pythagoreis, uti à supposititiis illis Graculis decoloribus factum vidimus.* Hæc Vir ille, nec ipso Kircherō negaturo, fide dignus, quem Chemicæ arti aliàs fuisse non constat, in monumentis Chinesium legit: quæ eâ fide ac diligentia scripta esse scimus, ut parem nulla gens historiis suis adhibuerit. Quam ob causam testimonii hujus auctoritatem ipse etiam autor commendat. Hæc si legisset Vir Clarissimus, Conringius, non, opinor, scripisset *Medic. Hermet. lib. 2. c. 14.* quod ab Arabibus ad Chineses *χημική* studium pervenerit. Errat & Fallopius, qui artem ante Muhamedanam sectam exortam negans; à quodam Mahometis nepote primum excogitatam putat. Occurrunt plura apud eundem Martinium loca, ut in *Provinc. 8. 1. Urbe Nanchang. p. 86.* *Hoc in loco, qui extrinsecus est, fabulantur, olim fuisse virum quendam, qui egenorum complurium necessitatibus succurreret, multaque populo liberalissimè erogaret; quippe qui in Chemicâ arte non fictitium, sed verum argentum elaboraret.* *Provinc. 9. urb. 2. p. 102.* *Prope Xen civitatem mons est Zukin, in quo ingens auri frustum repertum contra plures morbos fuit adhibitum, unde illud Chemicâ arte factum vulgò autumant.* *Provinc. Hu-guang. p. 75.* *Nullus fere memoratu dignus mons occurrit præter eum, quem Kienchin vocant, hoc est, novem virginum. Namque in eo sorores novem Virginitatem perpetuam servasse & Alchemia deditas fuisse scribunt.* Quæ cum extare in historiis suis omni exceptione majoribus documenta viderent Sinenses, factum est, ut insanâ auri & præcipuè argenti ex hydrargyro conficiendi cupidine,

pidine, & olim flagrarint, & nunc quoque ducantur, testibus scriptoribus novissimis.

- XI. E Græcis scriptoribus libros Democriti, Zosimi, Synesii, Pselli, Heliodori, qui præter Æthiopica, quæ & Chemici argumenti videntur, eo præsertim loco, ubi de Phœnice, ad Chemicos sensus conficiâ fabulâ, agit, librum *περὶ χημικῆς* scripsit, abundè examinerunt *Reinesius*, *Conringius*, *Borrichius*, *Salmasius*, ut illis quod addam nihil amplius habeam. Vitri flexilis historia, quæ inter fabulas tamen referenda non videtur, etiam proximè post Christi nati tempora in usu fuisse opéra *χημικὰ* plusquam vulgaris ostendit. Lucernas veterum perpetuas in tumulis repertas *Hermolaus Barbarus* ex auro, Chemico modo paratas putat, & pluribus argumentis vincere laborat, *Claud. Guichard. libro de Funeribus Græcorum & Romanorum*, ante *Kirchmannum* Gallicâ linguâ scripto l. 1. c. 8. à p. 83. ad p. 86. Cujus rei fidem affertur à *Borrichio* Inscriptio illa lucernæ in tumulo *Maximi Olibii* inventæ; de quâ judicium meum suspendo, cum Virum in Inscriptiōnibus dijudicandis peritissimum pro non genuinâ habere sciam. Cognatum tamen hoc lucernæ inextinguibilis artificium cum magno Chemicorum opere ostendit historia, quam mihi narravit Vir honestus, & fide dignissimus. Is cum *Lovanii* literis operam daret, in notitiâ *Burgundi* alicujus pervenit, à quo in museum suum, singularis artificii videndi gratiâ, invitatus fuit. Obductis itaque fenestris, ne externum lumen impediret, vitrum aliquod angusti oris, liquore purissimo plenum, cui insertum erat filum aureum, produxit *Burgundus*, & lucernâ filo admotâ, tantum repente lumen exortum fuit, ac si in medio sole versarentur: incredibilis vero suavitatis odor totum museum complevit. Suppressâ postea flammâ hospitem, sed sub juratâ silentii fide, dimisit. Increbuit hinc post discessum *Burgundi* quidam de *χημικῆ* ejus rumor, & *Amsterodami* magnam ab eodem pecuniæ vim in homines miseros erogatam comperit, qui hæc mihi narravit. Non fuit tamen in ullâ gente fortassis frequentius Chemiæ tam Medicæ, quàm metallicæ studium, quàm apud Arabes, sive à Græcis, sive aliunde habuerint. Ab illis primùm liquores confectos sub *Essentiarum* nomine è *Vegetabilibus*, quibus mirandas virtutes adscribunt, & de quibus *Lullius*, *Ruyscissa*, *Drebelius* ac plurimi alii scripsere, satis constat. Nec desunt hodie, qui istis vigorem juvenilem, cujus signa pili & ungues mutati, reduci posse vel credunt, vel experimenta ejus vidisse se asseverent. Videri possunt, quæ è relatione cujusdam Regis Galliæ Chemiatri scribit illustris *Boilius* part. 2. libri cui titulus: *of the usefulness of natural philosophy* p. 182. & seqq. De *Guilielmo Postello* etiam nonnulli, ac, ni fallor, ipse alicubi scribit, tali remedio canos suos in nigerrimi coloris pilos

los libi commutasse: quanquam alii tinxisse illos artificio quodam velint. Videatur *Scavola Samaritanus Elog. lib. 3.* & *Verdierius in Bibliothecâ Gallicâ*. Chineses quoque, teste Martino in *Atlante Sinico* p. 77. simplicem aliquam herbam jaçant, quam *mille annorum* vocant, ac immortalem esse scribunt: quâ in aquâ maceratâ ac epotâ albi crines in nigros commutentur, atque vita producatur. Spiritus Vini, quo in Essentiis conficiendis usi fuerunt Arabes, ab illis certè primum ad Europæos. devenit, docente ejus usum primùm Arnoldo Villanovano. Diu is in officinis ad medicinam tantùm servatus fuit, antequam gulæ in delicias cederet, cujus occasionem notat Alexander Tassonus, libro, cui titulus: *Pensieri diversi* lib. 10. c. 26. quam ipsius verbis ex Italico conversis referam: *Aqua vite usus innotuit primum è libris quorundam Medicorum Arabum, qui illam in Medicina gratiam confecerunt: qui ejus usus perduravit, usque dum Mutinenses magnâ copiam per provinciam Septentrionales eam vulgarent, idque effecerant, ut in potus ordinarii genere haberetur, quod ita factum est.* Conficiebatur primum aqua vite tantum è vinis corruptis exigua quantitate, ut ultra guttam bibi vix posset. Erat autem aliquando per totam Italiâ copiosissimus vini proventus, ut Mutinensium vinorum, quæ Venetiis vendi solebant, cum debiliora cæteris essent, ac emptores non invenirent, bona pars corrumperebatur. Mutinenses aquam vitæ ex iis distillabant, quibus vina nondum corrupta, sed quæ vendi non poterant, miscuerant, atque ut majori copiam conficerent, bis stillatam Venetiis non sine lucra vendiderunt. Veneti cum intelligerent, Metallorum fossores in Germaniâ potuitali indigere, qui vigorem & calorem corporis conservaret, venalem illis potum mittentes magnum inde questum confecerunt. Mutinenses postea majori copiam, cum vino abundarent, aquam vitæ stillarunt: cum bonorum vinorum pretium crescere ex eo viderent. Et vidi ego centum dolia unâ vice Venetias missa. Hæc occasione Spiritus vini ab Arabibus primùm confecti, loco minimè alieno adducere visum fuit. Idem etiam metallicis operationibus diligentissimè vacarunt: ac ab iis primum usus aquarum fortium ad Europæos pervenit. Fortassis & Turcæ ipsi ab iis quædam didicere. Nam meminit Paulus Ryco-tius, qui non ita pridem omnium accuratissimè Imperii Turcici statum Anglicâ linguâ descripsit, lib. 2. c. 20. cujusdam Hirek (qui vixit circa annum Christi 716.) quod *zevamiâs* gnarus aurum multum inter sectatores suos distribuerit, ac Xenodochia multa erexerit. Sed Arabum Chemicorum historia obscura est & incognita: non pauca tamen extare creduntur in Leonis Africani libro de vitis Philosophorum Arabum manuscripto hætenus, quem servat in Bibliothecâ suâ Isaacus Vossius. Magnam in eâ copiam Manuscripto-
rum Chemicorum vidi ab Autoribus tam cognitis, quàm incognitis. Plurima enim illic sunt nomina, quorum nulla in Chemicorum scriptorum Nomenclatoribus mentio est. Quanquam & multa illic, ut fieri solet, miscentur

inepta & futilia. Possem Tibi integrum hîc eorum catalogum sistere (nam habeo ab amico) nisi tædiosum foret; & dissertatio nostra, quæ jam dudum epistolæ limites egressa est, brevem me esse juberet. Scriptorum Chemicorum historiam accuratam, ut in aliis quibusdam disciplinis, hætenus non habemus, nec fortassis habituri sumus: quod ars ipsa unâ cum Doctõribus ejus tot tenebris sit involuta, ipsique summo studio se celaverint. Potest tamen longè accuratior haberi, quàm est ista, quæ à Borello edita est. Scripsit is *Bibliothecam Chemicam*, in quâ M M M M Autores, ut titulus habet, recenset. Sed adeò is confusus est, ut sibi nunquam visis autoribus, quos è Job. Baptist. Nazari libro Italicè de *transmutatione metallicâ* scripto, qui syllabum illic Chemicorum quorundam congerit, excerpserit: nonnunquam fictis & mentitis è turba Philosophorum depromptis, chartas cumulet, adeoque indiligenter libros consignet, ut somnianti excidisse potius, quàm studio aliquo scriptus liber videatur. Promisit idem Autor in catalogo operum suorum, quem dedit in frontispicio Dictionarii Gallici sui, cui titulus: *Tresor des Recherches & antiquitez Gauloises & Francoises*, multos ejus argumenti libros: *Cribrum Philosophorum Chemicorum: Topographiam Chemicam: Vitas Chemicorum quorundam: Bibliothecam Chemicam chronologicè concinnatam, cum secundâ parte & vitis Autorum compendiosis: Librum de projectionum Chemicarum historiis: Theatrum Chemicum gallicum: Dissertationem de eo, quod lapis Philosophorum debeat propagari, ac de materia ejus revelatione. Volumina septem in folio de materiâ ac proprietatibus mineralium &c.* Sed hætenus præter titulos nihil vidimus. Ac erit fortassis, ut, quod ille promisit, alius accuratius exsequatur. Novi enim Virum Nobilem, qui ut multorum arcanorum chemicorum supra vulgarem doctrinam peritissimus est; ita incredibili planè labore & inusitatâ multorum annorum diligentia, omnes quos indagare ullâ in gente potuit, scriptores Chemicos, vetères, recentiores pervolvit, inter se contulit, omnemque eorum historiam, quoad fieri potuit, è tenebris eruit; ut vivere ego non credam, qui similem laborem suscepit; aut futurum unquam, qui suscepturus sit. Fortassis & Job. Gerhard. Vossius rariora quædam nos docuisset, in opere suo *artium, ac constitutione omnium artium & scientiarum*, ubi de Chrysopoeia se acturum promiserat *Theol. gentil. lib. 6. c. 5.* Sed vel ineditum adhuc vel inelaboratum illud relictum ab Autore fuit, cujus fortè *ἡμετέριον* est liber de Scientiis Mathematicis & Philologiâ.

- XII. Cum vèro tam ampla sit Scriptorum Chemicorum seges, major impostorum, quorum discrimen nosse ingenii est in lectione horum autorum jam tum subacti: è vasto illorum numero nobiliores excerpemus. Geber Arabs, quem Regulum aliqui fuisse volunt, inter antiquiores à Christo na-

to referendus est. Ejus scripta aliqua habemus multis circumductionibus & ambagibus plena. De eo ita sentiunt sagaciores: illum & summum Philosophum, & summum Sophistam fuisse: sub preparationibus enim & vocabulis notissimis omnia alia intelligit. Ejus scripta vehementer variant, ac nuper *Georgius Hornius* in Belgio quædam edidit à prius editis diversa. Ex Oriente codicem scriptorum *Gebri* altero tanto locupletiolem exportavit, *Christianus Ravius*, ut ex *spolio Orientis*, quod hic *Kilonii* publicavit, videri potest. Ejus antiquus quidam commentator est *Paganus*, de cujus scriptis nihil hætenus editum est: nam inter scrinia Philo-Chemicorum hætenus delituerunt. Perspicuo utitur scribendi genere, quali nemo pene è cæteris. Gallus ille fuit, quantum perspicere licet: ac errant, qui illum cum *Gebro* ipso confundunt: putant enim id nomen illi inditum à *Lullio*, quia *Mahumedanus* fuit. At revera aliusest, & fuerunt ejus nominis complures, hodieque sunt in Galliâ. Ac fuit fortassis ex ejus familiâ *Jacobus Paganus*, cujus *Guibertus* in libro de *Alchemia interitu* meminit, qui ad finem magnum opus perduxerat, quod illi nescio quo casu turbatum fuit, unde *Guibertus* pro Dæmonis illusionem habet, irrisus propterea à *Libavio Defens. 2. Alchemia transmutator. not. 8.* Qui an idem *Jacobus Paganus* sit, de quo memorat *Job. Pier. Valerianus lib. 1. de Literator. infelicitate*, equidem ignoro. Laudat & ipse *Lullius Pagani summam Hebraicam*, quod mendum esse puto, ac legendum *Gebræicam*. Reperitur & in *Bibliotheca Borelli p. 147.* liber manuscriptus gallicus, cui hic titulus: *Oeure parfaite & pratique selon Lulle, qu'il avoit eue de Paganus*, id est, *Opus perfectum & consummatum secundum Lullium*, quod habuit ille à *Pagano*. Quod hanc mihi suspicionem primùm iniecit: intelligi illic fortè per *Paganum*, *Villanovanum*, ob similem nominis rationem: nam ab illo artem *Lullii* didicisse perhibetur. Sed quoniam *Lullius* aliquoties *Pagani* mentionem facit, & *Pagani* gentis; *Villanovani* Patriæ nomen est, verius illa distinguuntur. Ab hoc ad *Arnoldum Villanovanum* & *Raimundum Lullium* me conféro, quos *Gabriel Naudæus* in *defensione hominum Magia insinuatorum* gallicè scripta, Chemicorum Deos tutelares per contemptum vocat. Ille Magister *Lullii* in hac arte, ut constat è testimoniis ab aliis adductis. *Raimundus Lullius*, Vir ex antiquâ & nobili *Lulliorum* *Barcinonensium* familiâ oriundus, & pro genio illorum temporum ingeniosissimus fuit: Injuriam enim illi facit *Naudæus*, qui ut indoctum Monachum, longè *Arnoldo* minorem habet. Magnam vim librorum, tum in omni doctrinâ, tum in Chemiâ conscripsit, quorum quingentos aliqui; aliqui vel mille numerant. Chemicorum, qui quidem editi, per quàm multi sunt: ineditorum longe plures. Eorum, si rectè memini, penè sexaginta sunt in *Bibliothecâ Viennensi*, quorum catalogum mihi ostendit Nobilissimus Dn.

Oldenburgius : exstantque etiam in Bibliothecâ Vossianâ non pauci. Invehitur in illum *Bzovius* ad A. C. 1372. tribuens illi hæreses ac errores : aliqui etiam magis insimulant. Sed confuderunt duos ejus nominis. Alter enim è Judæo conversus ad fidem Christianam 60. annis majoricano illo posterior fuit, qui magicos libros de invocatione Dæmonum scripsit. Videri ea de re potest *Franciscus Penna* in notis ad *Directorium Eimerici* part. 2. ad quæst. 20. & 27. *Rainaudus* in *Erotematibus de malis ac bonis libris* part. 1. erotem. 10. n. 246. Pluriscula etiam in *Odorici Rainaldi continuatione Annalium Baronii* de iis, quæ ad *Lullium* & *Villanovanum* spectant, legere me memini. Sed jam liber non est ad manus. Id quoque in more positum esse video Scriptoribus Pontificiis, ut hominum suorum scripta Chemica vel dissimulent, vel pro suppositis habeant, cum tamen scripta ab illis fuisse longè sit certissimum. Id & in *Villanovani*, & in *Lullii* operibus recensendis factum ab illis est ; ac *Villanovani* opera omnia, quæ uno volumine edita sunt, disertis verbis Chemica, ceu ficta & spuria excludunt. Idem in nonnullis Scriptoribus Anglis fecit *Cen-
turiarum Balei* compiler *Pisæus*. Ubi enim ille vel è *Lelandi* monumentis, vel antiquâ traditione Operum Chemicorum à Viris illustribus conscriptorum mentionem facit, pertinaci silentio plagiarius *Pisæus* omnia abscondit, ne ulla ejus rei memoria relinquatur. Quod fortè ob contemptum artis *ἡγεμονικὴ* factum est ; ne scilicet in re, Pontificum decretis improbatâ, vel se indignâ, operam posuisse viderentur. Constanti famâ traditur, & ut *Cambdenus* in Reliquiis suis (*Remaines*) p. 172. ait, veritate non scriptâ, *by an unwritten verity* (nisi quod *Lullius* passim illud ipse fateatur, ac *Cremerus* Abbas Westmonasteriensis in Testamento suo testetur) confectum fuisse à *Lullio* in Angliâ in arce Londinensi aurum pro Rege *Edoardo* III. ut eo in bello adversus infideles uteretur : unde postea moneta illa cusa, quæ *Rosa nobilis* vel *Nobile Raimundi* vocata fuit ; cujus effigiem *Seldenus* *Maris clausi* lib. 2. c. 25. exhibuit, alterâ parte rosâ insignitâ : alterâ navis, cum inscriptione symboli Chemicorum : *JESUS autem transibat per medium eorum*. Ejus rei veritatem *Robertus* *Constantinus* se inquirendo comperisse testatur in *Nomenclat. Script. Medic.* ut calumnia itaque sit *Alexandri à Suchten*, qui *Nobile Raimundi* à Rege *Raimundo*, qui nullus in Angliâ fuit, non à *Raimundo Lullio* originem habuisse persuadere nobis contendit. Et auget ejus fidem, quod ipse etiam *Cambdenus* loco memorato observat, nullam fuisse in Angliâ auream monetam cusam ante *Edoardi* III. tempora. Fortassis & ista *ἡγεμονικὴ* occasionem *Edoardo* dedit, ut legem diceret de non exportando auro & argento, nec eo multiplicando. Quod Vir quidam doctus, quidam etiam è gente Anglicâ, ita acceperunt, ac si omnis Alchemia sub multiplicatione auri & argenti interdicta fuerit. Sed is error est. Is enim

nim hujus legis (quæ Anglicâ lingua scripta in libro statutorum *Poultoni* invenitur) sensus est: non esse miscenda cum auro & argento alia metalla: id enim per multiplicationem hîc intelligitur, quod ipsâ legis verba innuntant. Ac stulta omninò fuisset multiplicationis Chemicæ prohibitio. Id quoque referri hîc meretur, istâ historiâ præcipuè motum Henricum IV. Regem Angliæ, quatuor edicta publicasse ad omnes nobiles, milites, Doctores, Professores, Sacerdotes, quibus eos adhortatur, ut Lapidis Philosophici præparationem inveniant, aut si quis sciat arcanum illud, revelet sibi: quo æris alieni onere liberari Respublica possit. Speciatim verò ad Sacerdotes lepidâ hâc ratione usus est: quod, cum sint adeò felices in pane & vino in corpus & sanguinem Christi transubstantiandis, faciliè etiam ignobilius metallum in nobilius convertere possint. Sed frustra res omnis fuit, ac nemo comparuit. Mentionem horum edictorum facit *Job. Pettur* libro Anglicâ linguâ scripto, cui titulus: *Fodina Regales; or the history, Laws and places of the chief mines and mineral works in Engeland &c. part. 1. c. 27.* & ipse Londini apud custodem Regionum diplomatum inquisivi, qui autographa hodieque superesse in Archivo testabatur. Non defuerunt tamen, qui tot existentibus documentis, historix de Lullio ejusque aurificio veritatem in dubium vocare ausi sunt, moti præcipuè temporum incertitudine. Nam, ut notiora transeam, *Vincentius Mutius* Hispanus, libro, cui titulus: *Historia del reyno de Mallorca, non paucis argumentis productis omnem ἀντινομίαν* Lullianæ famam elevare laborat, quorum præcipuum est: facto jam functum fuisse in Africâ Lullium Anno 1315. cum puer triennis esset Edoardus III. quem Conringius etiam scrupulum iniecit. Qui tantum apud Borrichium pondus habuit, ut historiam hujus rei, contra communem ipsorum Anglorum sententiam, in tempora Edoardi I. rejiceret. Verum cum Vincentius Mutius, ut Borrichius jam tum probavit, in Anglicâ historiâ planè hospes fuerit, vero est simile, in Lullianâ etiam impingere. Natus fuit Lullius, si Mutio credimus, A. C. 1235. Edoardus III. Anno à nato Christo 1327. ætatis quarto & decimo regnare cœpit, undecimo scilicet à morte Lullii creditâ: cujus primi anni illustre specimen dedit, in defendendâ ab injuriis oppidanorum Cantabrigiensi Academiâ, teste *Cajo lib. 1. Hist. Acad. Cantabr. p. 67.* Admittamus nativitatis tempus: mortis tempus falsò assignari certus sum. Nam præterquam, quod *Wolff. Justus in Chronol. Med.* vixisse adhuc Lullium Anno 1321. sedente ad clavum imperii Ludovico Bavaro, scribit, ipse de se Lullius, testis inter omnes fide dignissimus, libro de Mercuriis cap. 40. narrat, se Mediolani A. C. 1333. cum sociis quibusdam suis Lapidis Philosophici opus absolvisse. Quò in loco, quanquam typographi erratum causatur Borrichius, ex aliis tamen Lullii locis idem pro-

probat, ubi disertis verbis, non ciphris, scripta hæc habentur. Sic enim circa finem Testamenti novissimi sui Lullius: *Factum habemus testamentum per virtutem Dei in insula Anglia terra, in Ecclesia Sancta Catharina apud Londinenses, versus partem Castellum, ante Cameram, regnante Edoardo per Dei gratiam, in cujus manibus ponimus in custodia per voluntatem DEI presens testamentum, anno post incarnationem millesimo trecentesimo trigesimo secundo, cum omnibus suis voluminibus.* Verum hic alius ex alio scrupulus oritur. Vixit Lullius anno 1332. Londini, ac ibi libros in arte Chemicâ scripsit, fortassis & aurum tum confecit; & libro de Mercurio tamen anno sequenti in Italia se opus suum absolvisse scribit. Aut itaque bis Angliam adiit, quod placuit quidem Elie Asbmol, Nobili Anglo, notis in *Theatrum Chemicum Britannicum*, à se editum p. 443. sed probabile non videtur, libros Chemicos Lullium scripsisse, antequam plenam artis suæ notitiam adeptus fuerat: aut error aliquis in annorum numeris lateret, quod vero esse simile probari è *Lullii Testamento Novissimo cap. 14.* potest: ubi Anno 1330. opus suum se Mediolani absolvisse memorat. Potuit itaque ex eo tempore adisse Angliam, invitatus à *Cremoro Abbate Westmonasteriensi*, quem & ipsum Edoardi III. tempore vixisse constat. Is enim cum per Italiam peregrinaretur, ad notitiam Raimundi artisque communionem admissus, secum illum duxit. Juvat ipsum audire in *Testamento suo* hæc narrantem: *Quanto magis legi, tanto magis erravi, dum in Italiam divinâ providentiâ me contulerim, ubi Deo optimo maximo visum fuerat, me in sodalitium unius Viri non minus dignitate, quàm omni genere eruditionis præditi, Raimundi nomine, destinare, in cujus sodalitate diu remoratus sum, sicque favorem in conspectu boni hujus Viri nactus sim, quod ille aliquam partem hujus tanti mysterii aperuerit, propterea illum multis precibus ita tractavi, quod mecum in hanc Insulam veniret, mecumque duos annos manserit. In cujus temporis tractu sum absolutivè tantum opus consecutus. Posteaque hunc Virum egregium in conspectu inclitissimi Regis Edoardi deduxi, à quo meritâ dignitate recipitur, & omni humanitate tractatur, ibique multis promissis, pactis conditionibusque à Rege inductus, erat contentus, Regem permissione divinâ suâ arte divitem facere. Hæc solummodo conditione, ut Rex in propria personâ adversus Turcas, inimicos Dei, bellum gereret, impenderetque super Domum Domini. Sed pro dolor hoc promissum erat irritum à Rege violatumque, tum ille vir pius in spiritibus penetralibusque cordis sui afflictus hinc trans mare lamentabili miserabilique more aufugit, quod cor meum urit non mediocriter.* Ex iis itaque, quæ hic jecimus, argumentis, satis, ut puto, patet, non mutandos esse Edoardos, quod vult Vir Clarissimus, sed historiam omnem ad Tertium ejus nominis referendam: cætera enim, quæ illic in contrarium adducit, non tanti mihi videntur, ut aliam sententiam persuadeant. Fuerit itaque Lullius, cum in Angliâ testamentum suum novissi-

visum scriberet, si annum nativitatis, quem nominavit Mutius, supponimus, nonaginta & septem annos natus: quod à vero alienum censi non debet, cum extremâ demum senectâ secreti tanti participem factum fuisse constet, ac in *Petri Pacifici Legatione Persicâ* ad annum centesimum & quadragesimum quintum vitam beneficio auri sui potabilis produxisse legamus: cujus tamen an aliud exstet fide dignum testimonium, dubito. Vitam ejus scripserunt *Symphorianus Campegius* & *Carolus Bovillus*, ac alii nonnulli. Scripsit & popularis ejus Vitæ Lullianæ historiam, sed quam videre nunquam contigit, nisi titulo tantum in Catalogo selectissimæ bibliothecæ *Raphælis Tricheti du Fresne*, hoc modo notatam: *Vida del admirable Doctor Ramon Lull compuesta por Juan Segi en Malorcq 1605. 8.* Quæ si ad manus fuisset, paratiora hinc fortè ad dissertationem nostram illustrandam habuissemus subsidia: in quâ diutius hæsimus, cum nullum exstet illustrius ad omnem posteritatem exemplum. Lullio *οὐρανός* fuit *Petrus Bonus*, qui *Margaritam*, uti vocat, pretiosam scripsit unâ cum introductione ad *Alchemiam*, quâ barbaro quidam stilo, sed more tunc temporis Scholasticis usitato, è Principiis peripateticis doctrinam Chemicorum stabilivit. Scriptus liber est A. 1330. in civitate *Pole*, provinciâ *Istriae*. Primum edidit *Toxites* Medicus Argentoratensis Basileæ A. C. 1572. quæ editio melior est eâ, quæ in *Theatro* habetur. Scripsit idem, ut in fine libri hujus fatetur, alium de eâdem materiâ, quem ipse potius abolere, quam in lucem mittere voluit. In epitomen ejus aliorumque nonnullorum scripta redegit *Janus Lacinius*, Monachus Calaber in *Collectaneis*, ut vocat, *Chemicis*, Noribergæ apud Petreum impressis, & in pretiosâ *Margaritâ* Venetiis apud Aldum eleganti typo, cum iconibus etiam vasorum ad *Alchemiam* necessariorum, editâ. *Rogeri Baconis* Angli scripta in summo etiam Philo-Chemicis pretio, & meritò quidem habentur. Ejus pauca habentur in *Theatro Chémico*; aliqua opuscula seorsim edita Francofurti. Plurima ejus manuscripta latent in Bibliothecis Anglicis; ac magno ære redimitur, quicquid ejus viri haberi potest. Fuit ultra seculi sui genium ad stuporem in omni eruditionis genere doctissimus. Qui epistolam ejus de *secretis artis & naturæ* leget, tot in rebus naturalibus & mathematicis, jam tum illi inventa videbit, quibus nostra nunc secula triumphant. Pulveris certè pyrii prima excogitatio huic tribuenda est, non *Bartholdo* illi *Swarzio* Cimbro. Iniquior enim populari suo est *Cambdenus*, qui in *Reliquiis* suis *Baconi* adjudicatam *Swarzio* tribuit: cum ille duobus, ni fallor, seculis prior jam tum pulveris istius indicium faciat. Habuit certè è Baconum familiâ felicissima semper ingenia Gens Anglica, & nuper, *Franciscum*, immortale abstrusioris doctrinæ decus, & magnum seculi nostri ornamentum. Famosus ille Anglorum Propheta *Merlinus* à *Baleo* inter

Possessores magni arcani refertur, totamque ejus Prophetiam, in quam *Alanus ab Insulis* commentatus est, chemici argumenti esse multi contendunt: ac extat de illo in *Arte Aurifera* aliquod scripti Alchemici fragmentum. De Fratre *Valentino Basilio* omnia incerta sunt, quæ memorantur, quanquam diligentissime in ejus historiam inquisitum fuerit ab Imperatoribus Germanicis. Ejus scripta in multis apparent mutilata. Nam monstravit mihi *Ericus Mauricius*, Collega quondam meus conjunctissimus, nunc illustris Camerae Spirensis Assessor, magnum non Jurisprudentiæ tantum, sed & omnis elegantioris doctrinæ decus, quas è Manuscripto Codice Bibliothecæ Viennensis insignes lacinias enotaverat, quæ in impressis exemplaribus non comparent. Non paucos etiam in Chemicorum ordine Poëtas habemus, qui & ipsi ποιηται à Scriptoribus Græcis Chemicis dicti sunt, inter quos est *Johannes de Meung Clopinell*, Autor Gallus, Doctore etiam Theologiæ, sed lepidi ingenii homo, è quibus falsò duos facit *Naudæus* in notâ illâ, quam citat *Hornius* in præfatione Gebri sui: dicere enim autores fabulæ de Rosâ fuisse Johannem de Meung & Clopinellum: cum tamen alterum verum nomen sit, alterum à patriâ desumptum. Scripsit is fabulam Comicam de Rosâ (*le Roman de la Rose*) inchoatam à *Guilielmo de Lorris*, cujus verutum exemplar ad manus meas pervenit. Multa hic admiscet Chemicæ, quæ indicio sunt, altius quid illum sapuisse. Et mihi quidem dubium non est, per multos tales libros amatorios fabulosos ab omni ævo fuisse scriptos, qui tegerent hæc sub involucris istis arcana. In *Heliodori Æthiopicis*, quem Chemico studio fuisse addictum constat, ejus rei vestigia clara deprehenduntur: cumque ab Ægyptiis & Arabibus primum id genus librorum frequentatum fuerit, ut docuit nos in pulcherrimâ suâ dissertatione *de l'origine des Romans Daniel Huetus*, per est verosimile, multos è libris istis ad artem Alchemicam, quam illi profitebantur, tegendam fuisse scriptos. Plura de Clopinello hoc lepida commemorant *Fauchet de antiquis Gallorum Poëtis lib. 2. 126.* & qui ex eo plurima capit in Bibliothecâ Gallicâ *Verdierius*. Scripsit & alios quosdam de erroribus Alchemistarum versus, in quos commentatus est *Nicolaus Flamellus*, scriba Parisiensis, quem & ipsum possessorem Arcani Chemici habent; maximas enim impensas in templa & magnificas structuras fecit: quanquam *Georgius Hornius* in præfatione Gebri è *Naudæo* referat, Flamellum non operationibus Chemicis, sed aliis quibusdam artibus, è Judæorum relegatorum bonis, tantas parasse opes, quas lapidis Philosophici figmento occultarit. Idem refert *Croix du Maine* in Bibliothecâ suâ p. 343. Pluribus vero argumentis non contemnendis imputatas illi fraudes confutat, chemicæque ejus scientiæ veritatem demonstrat *P. Borellus* in *Dictionario antiquarum vocum Gallicarum* p. 158. & seqq. Nam quod de Judæis è Gal.

Galliâ pulsus, unde opes suas acquisiverit, objicitur, centum & amplius annis post Flamelli tempora factum id fuisse dicit, qui opus magnum Anno 1382. confecit: Calumniæ verò occasionem hinc datam, quod cum Judæis conversatus fuerit, quibus opus habuit ad interpretationem libri Hebraici ab Abrahamo Judæo quodam scripti, unde lapidis confectionem didicit. Qui liber tandem in manus Cardinalis Richelii, paulò ante mortem ejus pervenit, ut narravit Borello *Dominus de Cabrieres*, Nobilis Gallicus, qui ipsam illud *αυτοζεαφον* vidit. Immensæ fuerunt Flamelli divitiæ, quas liberalissimâ manu in miseros homines, templa & Xenodochia impendit, ut Parisiis penè nullum sit Xenodochium aut ædes sacra, in quâ ejus effigies & figuræ quædam hieroglyphicæ Chemicæ non compareant. Quæ cum innotescerent Regi, in mandatis Magistro libellorum supplicum tunc temporis *Cramoïso* dedit, ut de iis inquireret. Flamellus verò, ut hanc à se amoveret, molestiam, pyxidem pulvere aurifico plenam *Cramoïso* obtulit, quam diu in istâ familiâ asservatam fama est. Ejus testamenti tabulas, Codicillum, cum quadraginta aliis schedis, inipexit Borellus, copiam eorum faciente *Dominus de Sauvale*, è quibus id comperit: Uxoris ejus Petronellæ sororem, *Perierio* cuidam nuptam, unum è filiis Nicolaum habuisse, quem Borellus arcani chemici hæredem à Flamello institutum ex eo conjicit. Fuit *Perierius* aliquis Medicus hujus pulveris possessor, quem cognatus ejus *Boissus* post mortem ejus inter schedas inventum abstulit, sed suo exitio. Nam cum imprudenter, passim experimenta faceret, seque autorem gereret, artem vero ipsam, quod ab eo poscebatur, docere non posset, suspendio affectus est, dicente sententiam Richelio. De auro per pulverem *Boissi* confecto memorabile est, quod narrat idem *Borellus* p. 488. quod cum plumbo in cupella positum, bonam plumbi partem in sui naturam converterit. Quod ideo factum, quia ipse veram pulveris ad metallum tingendum proportionem ignoravit. Circumferuntur quidem aliqui processus de Lapide Philosophico sub *Boissi* nomine: nam vidi ipse aliquem inter schedas Anglicas manu Digbei scriptas, quas possidet *Casspar Marchius* Collega meus honoratissimus: sed falsi procul dubio sunt, & ab impostoribus confecti. Plura legi apud ipsum Borellum possunt. Inter latinos scriptores non ineleganti carmine libris tribus *Λευσοποιίας* *Johannes Aurelius Augurellus* descripsit, ut alios incultiores præteream. Anglorum de istâ arte Poëtas & eorum fragmenta collegit *Elias Ashmol* in primâ parte *Theatri Chيميци Britanniци*, & notas adjecit, quibus non pauca continentur ad historiam Chemicorum Anglorum facientia. Ceteræ ejus partes frustra expectantur. Magna de *Paracelso* superiore seculo fama fuit, quo de homine varia sunt doctorum judicia. Laudatur ab his, culpatur ab illis. Præcipua suæ doctrinæ *Isaaci Hollandi* scriptis editis, unde multa de-

scripsisse quidam volunt, & Doct̃oris cujusdam Chemici informationi debet. Ingeniosum fuisse ac magnorum arcanorum possessorem nemo tamen negaverit. Id magnam homini invidiam conciliavit, quod ubique in Medicos debaccheretur & profundam naturæ ignorantiam objiciat: quanquam fervore tum opus erat, si aliquam novæ suæ doctrinæ auctoritatem conciliare vellet. Id quoque in eo desiderari potest, quod Philosophorum veterum scholis non satis imbutus miras & monstrosas sibi opiniones, ac nescio quæ astra ac Entia multorum effectuum principia finxerit, forte Lucretianum illud animo volvens:

*Omnia enim solidi magis admirantur amantque
Inversis quæ sub verbis latentia cernunt.*

Denique & magiæ illum accusant, à quâ tamen, vel saltem praxi ejus, illum defendit Naudæus in *Apologia hominum pro Magis habitorum part. 1. c. 14.* & æquius fortassis judicabunt, qui non ab ipso sed ab aliis Scripta ejus edita perpendent. Multos habuit adversarios, & quidem inter ipsos Chemiæ veteris Professores, qui eum ut Sophistam & Impostorem passim depingunt, inter quos Libavius aliique fuerunt. Conringius quoque accuratè in ejus vitam & scripta inquisivit, libro de Medicinâ Hermeticâ. Sed tamen non paucos defensores ac in doctrinâ suâ sectatores habuit. De dissensu ejus à veterum Chemicorum scriptis jam superius dixi. Quanquam verosimile sit longo ex usu semper doctiorem Paracelsum in multis sub finem vitæ aliter quàm olim sensisse. Exstant quædam *ῥευστοιῖαι* ejus testimonia, quibus tamen alii habent, quæ opponant. Si manus à Theologiâ abstinuisset; minus opinor in se invidiæ derivasset. Nam & hujus dogmata ad principia Chemica refingere voluit: ac vidi tria, si rectè memini, manuscripta Paracelsi volumina in Bibliothecâ Vossianâ, quibus in libros Novi Fœderis commentatur. Hinc orta illa *Fratrū Roseæ Crucis* societas, similia Theologo - Magico - Chemica dogmata jaçtans, cujus doctrinam inanem & sophisticam detexit Libavius & Naudæus peculiari ad Gassendum epistolâ. Non paucis tamen, etiam viris doctis illi homines imposuere; Michaeli quoque Mejero, qui aliquot libris eorum causam egit. Mirum quanta inde sequentibus annis seges Chémico - Enthusiastarum orta fuerit; quanta librorum sophisticorum turba, planè alia à veteribus illis docentium. Nam pluri mi illorum maluerunt *ἀσεβῆσαι*, & vel à spiritu mundi, vel sale universalis, aut aliâ re incomprehensibili, chemica principia deducere; quam cum veteribus in incunabulis suis, terræ scilicet visceribus, illa quærere. Novi ex hujus farinæ scriptoribus multos; atque inter illos *Weigelii librum de Igne & Azot*, manuscriptos omnes, magno pretio Amsterodami venditos. Sed non est ut illis immoremur. *Theobaldi ab Hogbeland*, qui se ficto nomine appel-

appellat *Ewaldum Vogelium*, tractatus Chemici à peritis ejus artis præ cæteris æstimari solent. Scripsit librum de *difficultatibus Alchemia*, aliumque de *Lapidis Physici conditionibus*. Nec memini unquam ab eo de *vanitate Alchemia* quicquam scriptum, ut vult Kircherus. Habemus & alium ab eo librum, quo historias transmutationum metallicarum consignavit. Perspicuâ di-
 ctiōe usus est, & cæteris luculentius scribit. Multis arcani possessor cre-
 datur; initium operis se habuisse ipse non diffitetur. Filius ejus *Cornelius*
ab Hogheland, qui de *Dei existentia* scripsit & de *Oeconomia animalis*, nihil
 quidem ipse habuit arcani, sed scripta Theobaldi quædam secutus, multa
 cum Cartesio operatus est, ut narravit mihi amicus, nullo tamen successu.
Petrus Job. Faber, qui fotassis etiam hodie vivit, à *Comite de Elisco Decad. de*
Fato p. 132. pro vero possessore habetur. *Nostis*, inquit, *temporibus Petrus*
Job. Faber lapidem Philosophicum composuit. Multis certè scriptis id ipse or-
 bi persuadere voluit. Verùm apud me, nisi idoneis documentis fulcian-
 tur, talia non facillè fidem inveniunt. *Arcanum Hermetica Philosophia*, opus
 quod *Enchiridio Physica restituta Spagneti* additur, eleganter scriptum est,
 & genuinum se facillè ipso habitu ostendit: nec leve argumentum est, quod
 ab *Anonymo Philalethâ*, quem verum hodie vivere possessorem, è relatio-
 ne illustris Viri scio, aliquoties ejus mentio fiat, qui interdum, ubi non
 nominat, integras ex eo periodos exscribit. In utroque vero ita sibi respon-
 det dictiō non inculta, ut ab uno autore omnia profecta quis existimare pos-
 sit. Nam *Spagnetum* non esse Autorem Arcani Hermetici, sed editorem
 tantùm, *Borellus in Bibliotheca* suâ prodidit: Anonymus vero Nobilis Gal-
 li, non *Spagneti* nomine eum citat. Est vero is, qui se *Philalethen* vocat,
 gente Anglus, de quo hæc mihi Londini narravit Vir Illustris & fide dignis-
 simus, qui & ipse Virum hunc benè novit. Appulit is aliquando locum
 aliquem Indiæ Orientalis, cujus nomen mihi excidit, hospitio *Georgii Star-*
key Pharmacopolæ, popularis sui, exceptus. Cum hujus filio familiariter
 conversatus nomen illi suum sub jurisjurandi fide revelavit, ac tincturæ
 particulam dedit, unâ cum libro quodam edendo, cujus pars aliqua sub ti-
 tulo: *Introitus apertus ad occlusum Regis palatium*, ante aliquot annos, curan-
 te *Johanne Langio*, Amstelodami edita: altera pars alio titulo à *Birrio Medico*
Amstelodamensi, sed cui *Philalethæ* nomen incognitum, prodiit. Diu in-
 editus liber per manus Philo-Chemicorum vagatus est, & mentionem ejus
 facit *Georgius Hornius in præfatione Gebri* à se editi: sed injurius in bonum
 hunc Autorem est, quo nemo, ut apparet, candidius & majori perspicuita-
 te in hoc argumento versatus est, eum vocando Sophistam, quod ad ejus
 præscriptum operatus nihil profecerit. Latinâ linguâ librum scriptum esse
 arguunt omnia: non potuit enim mihi sententiam suam probare, qui Angli-

câ linguâ *αὐτοχρηστος*, à Langianâ editione in quibusdam discrepans, nuper publicavit. Diçtio ipsa latina, versiculi *παρρησιαίς* nonnunquam è Poetis citati facilè id evincunt. Quæ in Anglicâ editione nonnunquam interferuntur lacinix, ab aliena manu esse videntur, & loco alieno assutæ. Bina ego aliquando habui exemplaria manuscripta latina, quorum alterum à communicatione ipsius *Starkey*, cujus nomen in frontispicio, & India patria posita erat, profectum; unde historia, quam supra narraui, fides firmatur; alterum ab alio amico habui. Quæ tam à Birrio, quàm à Langio edita sunt, in illis conjunguntur. Sed deest in editis à *Birrio tract.* 3. parti, cui titulus: *Fons Chemicæ Philosophiæ*, integrum caput præliminare de calcinatione Philosophicâ, quod in scriptis habetur: ubi alia quoque est librorum partitio, ac integri nonnunquam versus & periodi habentur, quæ in editis non comparent. Ille verò *Starkey*, qui ab Autore hunc librum habuit, Angliam postea redux aliquoties pulveris sui experimenta Londini fecit: cumque ipse ad operis confectiorem accedere vellet (præcepta enim aliqua à Doctore suo acceperat) frustra laboravit. Audio tamen in librorum suorum aliquo, cui titulus: *Marrow of Alchimy* i. e. *medulla Alchemia*, mentionem quandam de his rebus facere: sed adipisci librum in Angliâ non potui, quâcunq; etiam diligentiam quæsitum. Cæteri ejus libri de *pyrotechniâ*, & quos in *defensionem Helmontii* scripsit, non adeò rari sunt. Intempestivum hic esset, & Tibi, Vir Amplissime, tædiosum, cæteris quibusdam minutioribus recensendis tempus inutiliter terere: nam & ipse longè eos rectius nosti, quàm ego, qui hæc Tibi scribo, & præcipui eorum junctim quibusdam voluminibus: *Arte Auriferâ: Theatro Chémico: Musæo Hermetico* (è quo multa se arcana didicisse fatetur *Petrus Job. Faber*, quod penè in cælum laudibus extollit) *Theatro Chémico Britannico* ab *Elia Ashmol* edito, in lucem prodierunt. Multa quæ ad artem ipsam & autorum historiam pertinent, *Michael Mejerus* in *Symbolis aureæ mensæ; septimanâ Philosophicâ*, & *Libavius* in scriptis suis eruditè nec indiligenter tractarunt. Atque hæc de Autoribus hujus doctrinæ dicta sunt: quos scio multos spernere ob horridam diçtionem, rerum obscuritatem, & morem philosophandi hoc seculo insolitum. Sed iniqui sunt censores, qui talia vitio hominibus illis vertunt. Frustra enim ab illo seculo quis exspectaverit elegantias: res ipsa, ne planè indignis illa pateret, non nisi ænigmaticâ scribendi formâ proponi volebat. Nec sordere modus philosophandi tum publicus in Philosophiâ naturali debet. Modo rem videat, verba & notiones æquus arbiter facilè condonabit. Latuerunt nonnunquam intra Cænobiorum parietes præclara ingenia, quæ, cum otio abundarent, sibi relicta, nec rerum domesticarum curis angerentur, in multa arcana meditatione ac experimentis assiduis penetrare poruerunt,

runt, à quibus aliis negotiis distenti submoventur. Hinc apud Monachos plura artis Chemicæ documenta, quàm alibi invenimus. Qui fructum aliquem è scriptis illis reportare cupit, singulari arte *ἐκφυσιολογῆ* opus habet: nam terminos primùm nosse debet, occultiores illos, quorum integrum Lexicòn facillè quis conficiat. Vulgarium enim Lexica complura scripta: sensus è locis similibus per collationes mutuas investigandi: cujus aliquod specimen *Lagnus in Harmoniâ suâ Chémica* dedit. Nec alio consilio, quam tumultuariâ operâ, congesta est *Turba Philosophorum in Arte auriferâ*, à quâ tamen multum discrepat illa, quæ reperitur in *Theatro Chémico*. Aliam Gallicâ linguâ *Bernhardus Comes Trevisanus* concinnavit.

Restat nunc, ut de artis hujus experimentis, quæ ad notitiam hominum pervenire. quædam hæctenus ignota in medium producam: neque enim animus est recoquere, quæ à *Theobaldo Hogheland* aliisque collecta sunt *χρυσουργίας* exempla: & multa ipsi jam in superioribus recensuimus. Primo loco hæc nominabo tot experimentis celebrem nobilem Scotum *Alexandrum Setonium vel Sidonium*, qui magnam libri Hoghelandæi partem conficit. Sed ad Hoghelandi notitiam omnia non pervenerunt. Ostenfa mihi fuit Amstelodami lamina quædam aurea, à *Johannis Antonide van der Linden*, Medici Professoris Clarissimi filio Medico, quæ particula erat auri, quod Scotus ille Enchusæ, ubi medicinam faciebat Pater *Johannis Antonida*, Amstelodamensis Medici Avus, in ædibus nautæ *Jacobi Hanffen*, è plumbo confecerat, à quo habuit particulam illam Medicus Enchusanus. Tempus verò ille manu suâ accuratè signaverat: Annum 1602. diem 13. Martii, horam quartam pomeridianam. Occasio notitiæ, quæ Scoto cum nautâ fuit, è naufragio orta est. Nauta enim ad littus Scoticum eò tractu, quo prædia ille habebat, ejectus, humaniter ab illo habitus, hospitio Enchusam venientem exceperat. Is postea in Germaniâ plura artis suæ specimina ostendit, ut pene exitium sibi ipsi struxerit, à quo per Sendivogium, Polonum, vel Moravum, ut alii volunt, liberatus præmii loco pyxidem pulvere aurifico plenam illi obtulit. Diem interea Setonius obiit. Sendevogius viduâ ejus in uxorem ductâ, quam artis habere notitiam putabat, magnâ spe excidit: nec præter donatum pulverem quicquam habuit. Quem cum ille partim multiplicatione inutiliter tentatâ, partim projectionibus frequentibus coram magnatibus exhausisset, in magna vitæ pericula & in paupertatem ipsam à tantis divitiis incidit. Quæ omnia summâ diligentia descripsit *Dominus des Noyers*, Reginae Poloniæ à Secretis, cujus epistolam *Dictionario suo Borellus p. 479.* inseruit. Nam altera illa, quam & ibidem habet, relatio *Budowskii* Oeconomi Sendivogiani fidem non meretur. Nihil quicquam quod ad summam rei faceret, Sendivogius scivit. Librum tamen Setoni, qui
se

se Cosmopolitam vocavit, duodecim scilicet Tractatus imprimi curavit. Alter Tractatus de Sulphure spurius *Domino de Noyers* habetur, cujus ibi multa affert argumenta. Illud mirabile de Imperiali, cujus dimidiam partem in aurum tinxerat Sendivogius, alterâ parte manente argenteâ. Pars verò aurea tota porosa fuit, quo patet pulveris aurifici vis in metalli particulas. Hunc nummum sæpè ostendit Parisiis *Dn. de Noyers*, qui ejus possessor fuit. Novi ipse amicum, qui similem ab illo nummum vidit alternis striis auriis & argenteis interstinctum. Quem hoc modo tinxerat Sendivogius. Penicillo aquâ imbuto lineas in nummo duxit: his lineis pulverem inspersit, ac super ignem, usque dum candesceret, posuit. Quâ itaque parte lineæ ductæ, mutatio in aurum facta est, cæteris manentibus argenteis. Sed illud non potuit absque notabili pulveris jacturâ fieri, cujus major quantitas in ignitum, quàm fustum metallum impendenda est. Quâ ratione etiam clavi ferrei tingi possunt, copia tincturæ supplente quod deest habilitati materiæ, quæ tingitur: quemadmodum spiritus petriñici ligna similesque materias in lapidem convertunt, quoniam illorum tanta copia est, ut omnes occupare poros & meatus possint. De Setonio quædam *ἡγεμονίας* specimina Hamburgi data *Lavaterus* in libro *de Censu* recenset. De *Eduardo Kellæo* Anglo, res est notissima, eum coram Imperatore Rudolpho ac Pragæ in ædibus *Tbaddai Hagecii* tinxisse, referente id etiam *Gassendo*, libro *de metallis* cap. 7. Habitus erat vulgo pro vero possessore; sed tincturam aliundè habuit. Cum vero integra ejus historia vulgo non sit cognita, adscribam, ut ex ore illustri viri, qui à famulo Kellæi illam habet, mihi est narrata: Notatu enim digna est, ac multa habet memorabilia. Fuit Kellæus non Nobilis Anglus, ut quidam putarunt, sed homo plebejus, Notarius & Advocatus Londinensis. Is quia linguæ veteris Anglicanæ peritissimus fuit, in aliquorum gratiam vetera quædam instrumenta ausus est corrumpere: cujus criminis cum convinceretur, auribus abscissis Londino relegatus est, teste *Weavero* in *monumentis funeralibus*. Profectus itaque Kellæus versus Walliam, Angliæ Provinciam, ac in oppido aliquo, cujus nomen mihi nunc excidit, apud Cauponem ejus loci divertit. Hic ante fenestram positum invenit librum antiquissimâ lingua Wallica (cujus ille erat peritissimus) de arcano lapidis Philosophici scriptum, è cujus lectione occulta quædam tegi suspicatus est. Cum itaque quæreret è Caupone, unde hunc librum haberet: respondit ille: repertum fuisse in sepulchro cujusdam Episcopi, quod esset in vicino templo. Res autem ita acta erat. Cum fureret plebs in sacras imagines ac cruces eo in loco, fama magnarum opum in sepulchro Episcopi reconditarum commota illud aperuit, atque nihil aliud, quàm librum istum & duos globos eburneos invenit. Cum ergo ob

spem

spem illam indignarentur, globum alterum eburneum fregerunt, in quo rubicundissimus ac ponderosissimus pulvis inventus : cujus magna pars, cum gustu ac odore destitueretur, rejecta ac pedibus conculcata fuit. Caupo vero iste, ut antiquitatis aliquod documentum secum tulerat, & librum, & alterum globum integrum (in quo tinctura alba) cum parte pulveris rubicundi superstite. Rogante itaque Kellæo, ut pulverem sibi ostenderet, alterumque globum eburneum, quo ad lusus suos jam usi fuerant pueri, protulit omnia, ac denique libram Sterlingiam offerenti Kellæo vendidit, ut res usui sibi non futuras. Kellæus verò cum multa magnifica ac splendida in isto libro legeret, ac diras in eos, qui essent abusuri hoc thesauro, Londinum reversus est, ac in suburbio subsistens, nuncium ad *Johannem Dee, Doct. Theologie*, vicinum quondam suum, insignem mathematicum, & rerum Chemicarum æstimatorem misit, quò is quàm citissimè ad se veniret, magnum aliquod ac memorabile visurus. Advolavit ille à Kellæo statim compellatus : Tu verò dic mihi, quid est projectio ? subridens *Johannes Dee* : Tu verò, ait, rem illam mihi trade, quâ projectio institui debet, & statim te docebo. Tum ille re omni narratâ ac pulvere, prolato ad aurifabrum cum *Johanne Dee* abiit, facturum ejus rei experimentum. Ac revera tunc plumbum in aurum mutatum hanc tincturâ viderunt. In spem itaque addiscendi hujus arcani *Job. Dee* arrectus unâ cum Kellæo, ac totâ familiâ in Germaniam prius, hinc Pragam in Bohemia commigravit, forte ut fodinis Metallicis propiores, tentare quædam ad libri præscriptum possent, aut securiores illic, quàm in Patriâ viverent. At Kellæus splendida istâ fortunâ elatus, ac parum circumspèctus in projectionibus publicè coram Imperatoribus & magnatibus faciendis, magnam primò existimationem sibi acquisivit, magnis ac plus quàm regis largitionibus, quas recenset *Elias Asbmol in Theatro Chymico Anglico, notis ad librum, Eduardi Kellæi*, quem edidit fortè ut à Caupone habuit; aut ut ipse interposuisset. Nam Principibus non solùm & legatis multa donavit, sed & ancilla suæ quatuor millia librarum (credo Sterlingiarum) in dotem dedit. Qui aliunde illum habuisse tincturam ignorarunt, crediderunt, tantum ignobilioris metalli illum in aurum mutare potuisse, quantum auri pondus fuerat, à quo pulverem vel liquorem fortè extraxerat. Quare autores fuerunt, Imperatori, ut non uncias, sed libras conficere juberet : quod ille quidem facturum se promisit ; at non præstitit. Sed non habuit fortassis tantum, quantum libris tingendis sufficeret. Cum itaque jam sera esset in fundo parsimonia, & Imperator, cui artis, quam ipse nesciebat, manifestationem Kellæus promiserat, illum urgeret, carceresque minaretur, ad artes magi-

cas confugit, ac spiritus conjurans rationem tincturæ parandæ ab illis discere voluit. Quotidie ferè instituta cum spiritibus colloquia, quæ quàm diligentissimè notavit omnia *Job. Dee singulari Diario*, quod post mortem in manus *Merici Casauboni, Isaaci Filii*, incidit, qui illud edidit, ut convinceret homines atheos de Spirituum existentia. Liber spissus est in folio, miris nugis, precibus, conjurationibus, somniis refertus; sed è quò perfectè omnem historiam horum hominum ediscas. Pervenit ejus rei fama ad Elisabetham Angliæ Reginam, quæ cum Kellæum frustra hæctenus invitasset, *Job. Dee* tandem precibus suis in Angliam revocatum lautæ conditioni præfecit; Is vero spes ejus implere non poterat, ac mortuus demum est in Angliâ, cum Kellæus antea è crure fracto, dum funiculis se è carcere demittere voluit, diem suum obierat. Ejusdem mihi historiarum veritas à *Joachimo Polemanno* confirmabatur, qui eam sæpe ex ore *Digbæi* audiverat. *Elias* verò *Asbmol* hujus planè ignarus pro vero Possessore illum in notis ad Theatrum suum habuit: qui & ipse aliud Diarium manu *Johannis Dee* scriptum, ut mihi narravit, possidet, è quo plurima ad Kellæi historiam facientia excerpta. Sed recentius procul dubio est diarium, quod *Casaubonus* edidit: nam in *Asbmoli* illo passim notatum est: quot uncias auri hoc vel illo die confecerit. Memorabile est hoc, quod fragmentum Vasis cujusdam culinaris in argentum mutaverit, ita ut extrema fragmenti Vasi accuratè aptari potuerint, quod ad Reginam Elisabetham unâ cum ipso vase transmissum est. De *Butlero*, de cujus lapillo mirabiles curationes recenset *Helmontius*, cum ejus historia nemini, quod sciam, prodita sit, ut ex ore ejusdem Viri illustris habeo, recitabo. Fuit *Butlerus* nobilis Hibernus, cumque Juvenis in Africam navigaturus esset, à Piratis captus Regulo cuidam Arabi pro mancipio venditus est. Is possessor magni arcani fuit, ut sunt in Arabiâ multi, & hujus servi sui ministerio ad opera quædam vulgaria Chemica usus est. Qui cum esset sagacissimus, subolsfecit secretiores Domini sui labores, ac in pyxidem aliquam incidit, quâ recondebatur magnus ille naturæ thesaurus. Cujus rei cum jam certus esset, cum mercatore Anglico illic vivente pactus est, ut se ab hero suo redimeret. Redemit ille: *Butlerus* verò pyxidem illam tanti arcani custodem furto subripuit, atque in Angliam navigavit, ubi privatim coram aliquibus projectionem fecit. Ea fama pervenerat ad Medicum quendam Hibernum, popularem ejus, quem permovit, ut relictâ familiâ suâ ac praxi medicâ, ipse *Butlero*, spe arcani potiundi, famularetur. Multum temporis intercesserat, cum nihil deprehendere potuit Medicus, & omnia clanculum ageret *Butlerus*. Transegit itaque cum hospite pretio dato, ut locum aliquem

quem obscurum post Butleri conclave sibi concederet, quo per rimas aut foramina quædam observare illum posset. Accidit itaque, cum aliquando plumbi & hydrargyri quantitatem emere jussisset Butlerus, ac statim in vicinam urbem negotii causa ablegasset, ut ille tempus jam idoneum suspicatus simulato abitu domi remanserit. Quare post conclave in sellis duabus vel tribus sibi superimpositis constitit, ut per foramina prius à se facta despicere in conclave Butleri posset. Vidit itaque furnum parare Butlerum, plumbum ac hydrargyrum igni apponere. Vidit de pavimento, effracto lapide, producentem pyxidem aliquam rubicundo pulvere plenam. Cumq; quantum satis erat, è pyxide ceperat Butlerus, ac jamjam liquefacto plumbo ac hydrargyro calido immisurus erat: Medicus nimio videndi desiderio incensus propius se foramini admovit; cum corporis sui pondere sella suprema inclinata præcipitem illum dedit. Quo strepitu attonitus Butlerus observatorem suum penè transfixisset, nisi intercessisset hospes; Medicus vero ille statim herum suum coram Magistratu Londinensi, ut Monetæ falsarium, accusavit. Quo in carcerem conjecto, ac suppellectile ejus perlustratâ nihil quidem instrumentorum monetariorum, sed quadraginta auri librarum inventæ sunt. Quod cum falsum primò suspicarentur judices, genuinum omni examine deprehenderunt. Quoniam itaque documenta non essent, quibus convinci posset Butlerus, è carcere iterum dimissus est. Idem Butlerus Ducem de Buckingham, cum iter suum in peregrinas regiones instituturus esset, (*narrabo, quæ ex ipsius Ducis Oeconomi ore accepit qui hæc mihi narravit*) adiit, ac aliquam Cambii schedulam ad Mercatorem Batavum ultro obtulit, si fortè apud peregrinos pecunia illum aliquando deficeret. Risit Dux; sed ne inofficiosus videretur, schedulam accepit, eam ut nullo sibi usui futuram negligens. Accidit itaque, ut Ducem Amstelodami viventem Mercator aliquis Butleri nomine salutaret, ac ducenties millia aureorum ejus nomine offerret, si pecunia egeret. Obstupuit summâ istâ oblatâ Dux; sed accipere detrectavit. Cum verò postea per Angliam innotesceret de Butleri divitiis, per artem Chemicam paratis, ac salutis suæ diffideret, in Hispaniam navigans unâ cum tincturâ aquis submersus est. Medicus verò ille laqueo postea multatus est, quod populares suos rebelles pulveris pyrii conficiendi rationem docuerit. Atque ita Butlerus furti, Medicus proditoris pœnam dedit. Hanc historiam è relatione ipsius Medici Hiberni Vir ille illustris habuit. *Jacobus Cor* Regi Galliarum Carolo VII. à Consiliis, Vir illustris & magnorum munerum, à Borello inter Possessores tanti quoque arcani habetur, &, si rectè memini, *Claudius Seiffertius* in *historiâ Lud. XI.* tradit, adjutum fuisse Regem Carolum, auro ejus

Chemico in bello contra Anglos. Borellus in *Dictionar.* à p. 272. ad 279. varia ejus *χρυσουργίας* probandæ argumenta affert. Inter quæ & illud refert: quod vitrum malleabile confecerit, clarissimum quidem & perspicuum, sed quod Solis tantum corpus videndum exhiberet; radios verò non transmitteret. In eo tamen miserè labitur, quod à Lullio artem didicisse putet, qui penè integro à Lullio seculo distat. Non contemnendum & illud aurificii specimen est, quod ipse tentavit Berigardus circ. Pisan. 25. Referam, inquit, tibi fideliter, quod olim mihi contigit, cum vehementer ambigerem, an aurum ex hydrargyro fieri posset: accepi à Viro industrio, qui hunc mihi scrupulum auferre voluit, drachmam pulveris, colore non absimilis flori papaveris sylvestris, odore vero sal marinum adustum referentis, atque ut abesset omnis suspicio jocose fraudis, vasculum è multis venalibus unum accepi, carbonem & hydrargyrum, quibus nihil auri occultè, ut sit à circulatoribus, subiectum esset. Decem istis drachmis pulverem injeci subiecto igne satis valido, statimque omnia exiguo intertrimento in decem fere drachmas auri optimæ naturæ coaluerunt, quippe quod aurificum judicio nullam non subiit tentationem. Hoc nisi in solo loco & remoto ab arbitris comprobassem: suspicarer aliquid subesse fraudis: nam fidenter testari possum, rem ita esse. Hæc ille, Vir elegantis doctrinæ & minimè vanus. Quibus subjicio quæ Hamelius refert libro de Fossilibus lib. 2. c. 10. p. 252. Paucis, inquit, abhinc annis (editus vero est liber anno 1660) aurifaber Parisiensis, quem, si necesse foret, nomine designarem, aliquot granula pulveris aurifici à Polono in Patriam remeante accepit, cujus ope plumbum fustum in aurum purissimum commutavit. Addit porro ad collocutorem (nam Dialogus est) se convertens: Est homo nasutissimus, ac tibi forte, mi Theophile, à nomine & facie notus. Thuillius quoque Commentario in Emblema Alciati 189. auri factitii talis meminit: Quid quod ego ipse hisce oculis vidi, hisce manibus contrectavi massam auri à quodam mihi satis noto & familiari confectam, & in Archiducali Academia, Friburgi Brûgoie publicæ Disputationi, quæ fieri id posse negabat, illam. De Libero Barone de Chaos, qui antea Richtheuser dictus fuit, satis nota sunt specimina, quæ coram Imperatore Ferdinando III. fecit: quorum testis exhibetur nummus, cujus effigies in Zwelfferi Mantissâ Spagyricâ & apud alios visitur. Unde verò is pulverem habuerit, è relatione cujusdam Amici scio. Sed illa privatis aliquando colloquiis reservo. Habuit idem Rubinum uniformem, arte ab alio quodam confectum, quem ad manus Reginæ Christinæ ex occupatione Pragensi pervenisse Amicus mihi narravit. In historiam transmutationis in Cornelii Martini, Professoris Helmstadiensis ædibus à Nobili quodam factæ, quam narrat Zwelfferus Mantiss. Spagyricæ p. 329. inquisivi diligentius: sed non potuerunt eam mihi confirmare Amici Helm-

stadienses: nisi quod *Cornelium Martini* multam laboribus Chemicis impendisse operam testentur. Ac ipse in *Analyti Logica* c. 8. suo testimonio veritatem artis comprobat. Narrationem de pulvere aurifico Imperatori à sene quodam incognito oblato, ac rei experimento, habet *Monconisius Itinerario suo* *part. 2. p. 371. qui & p. 378. & 379.* historiam transmutationis per Baronem de Chaos factæ recenset & *p. 372.* aliam de projectione coram Electore Moguntino factam, & *p. 381.* iterum aliam de auro Chemico Gustavo Adolpho à quodam Mercatore Lubecensi oblato. Similiter & in *Miscellaneis Medico-Physicis Naturæ Curiosorum de An. 1670.* de Rudolpho II. hujus artis gnaro, quam cubiculario suo manifestavit: de milite quodam, qui plumbum in argentum convertit, cui pyxis argentifico pulvere plena furto subrepta, historiæ antehac ignotæ referuntur. Sed quis omnium illorum testimoniorum numerum iniret? Non pauca his jam à me allatis addere possem, ab amicis, quorum certa fides est, mihi narrata. Sed ista mihi ac aliis amicis privatim scio, nec in publicum ea proferre licet. Sufficere, ut arbitrør, ea, quæ adduximus, possunt ad expugnandam eorum perviciaciam, qui nullis argumentis & vix suis convinci sensibus possunt. Quorum sanè hominum plurimi sunt. Cum enim maxima eorum pars rerum naturalium vicissitudines & absconditam potestatem ignoret, aut ingenii sui normâ metiatur, fieri plerumque solet, ut quod novum illis aut insolitum videtur, primum in dubium vocent; hinc, cum ingenio consequi non valent, ut rem inanem & fictam contemnant: cæterosque cupidine inquirendi ductos rideant aut insectentur. Illorum quanquam reprehendenda arrogantia & malitia est, horum tamen laudanda quidem est, sed non, suadenda inconsulta industria. Cum enim tot tantisque difficultatibus obsepta sint hæc studia, imprudenter profecto facit, qui in rem omnium incertissimam & sumptus & bonas horas impendit. Nisi enim *ἡὲς ἀπὸ μηχανῆς* intervenerit, aut Doctor aliquis, frustra omnem pro lapide consequendolapidem movebimus. Accedit fatalis, qui comitatur illa studia, contemptus, homini honesto gravis: detrahit enim de judicii opinione apud Viros prudentes malè instituta utilium provisio, cum molimur rem inanem, tot imposturis infamem, tot aliorum damnis & periculis nobilitatam. Quam ob causam inter perdita ingenia referebat Cardinalis Perronius (ut ex schedis illis, quæ à FF. Puteanis consignatæ sunt, constat) quæ in studiis illis, vel multiplicatione cubi, vel perpetuo mobili, vel Astrologiâ judiciaria tempus suum ponunt. Rectius itaque agunt, qui præcipitio hoc relicto ad plana se conferunt & in vicina naturæ opera contemplationes minore cum damno & periculo conjunctas defigunt. Unde & sapientiæ

naturali & Medicinæ nova semper lux inferri possit. Quod facere Te, Vir Amplissime, cum magno Virorum celeberrimorum applausu videmus, qui nova subinde ex officinâ tuâ Chemicâ arcana expectant. Ego verò quem aliena planè studia sibi mancipatum habent (neque enim vel legibus Romanis, vel humanioribus studiis, quibus hætenus vaco, quicquam cum re Chemicâ commercii est) per transennam ista inspiciens vobis intra Cancellos vestros dijudicanda relinquo. De Epistolâ hæc, jam in librum molestiâ & tædiosâ tibi dissertatione abeunte, quod libitum est, statues: quæ si lucem ferre apta nata non est, tuâ sententiâ in ignem eat, victima Vulcani aris immolanda. Vale. Dab. Kiloni

a. d. xxvi, Febr. Anno cło loc LXXIII.

EX(O)RE

EX

DE
PARADOXIS
SENSUUM,

Resp. ANDR. PLOMANN, Regiomont.

Ad diem 7. Mart. 1676.

CAPUT I.

DE

Paradoxis sensuum in genere.

DE Paradoxis sensuum dissertaturi, primum, quid eo titulo intellectum velimus, monebimus, ut constet, quos intra carceres tenere se debeat, quæ nobis instituitur disputatio. Primum ratio sensationis, quâ in re consistat, inter Peripateticos recentioresque Philosophos disceptatur, quibus omnibus recensendis ventilandisque ut immoremur, instituti nostri ratio non admittit. In eo conveniunt omnes, tria potissimum ad actionem sentiendi requiri. Organa bene constituta, sive illa communia sint, sive propria. 2. Objecta. 3. Media inter organa & objecta. Singulis suæ sunt conditiones in determinandis sensibus. Quæ si non recte se habeant, accidit sæpe, ut in errores inducantur sensus nostri: unde circa affectiones rerum demonstrandas imponere nobis ipsis aliisque solemus, ut quot capita, tot sensus habeamus. De ea sensuum etiam in manifestis aberratione sunt qui integros libros scripsere: sed ea ad *opdoza* nostra non pertinent. Quo nomine ea comprehendimus, quæ sensui præter opinionem communem accidunt. Accidunt vero 1. Ratione *organi*, si quis sine organo sensui suo familiari, vel alterius sensus organo, quid percipiat; ut, si alio, quam auditus organo, sonum percipiat; alio organo, quam oculis videat, vel plane sine illo quicquam sentiat. 2. Ratione *objecti*, si

obje-

objectum uni sensui conveniens alio comprehendatur: ut si, quod oculorum iudicium est manuum tactu exploretur; vel si ipsum objectum non sit ejus naturæ, ut sentiri possit, & tamen sentiatur; aut ejus excellentia, quæ sensus lædere solet, tamen non lædat, sed boni aliquid afferat. 3. Ratione *medii*, si vel illud plane deficiat, vel inconveniens sit, vel non eo modo se habeat, quo illud habere se debet. 4. Ratione *effectus*, si sensio ista talem effectum vel in suo, vel in alio corpore producat, qui sit à communi opinione alienus, aut plane portentosus. E quatuor istis capitibus censeri *ᾠδοῖα* nostra volo. Notari tamen hic velim, non intelligere nos objecta pluribus sensibus communia: qualia sunt, motus, quies, numerus, situs, magnitudo. In iis enim nullum est *ᾠδοξον*, sed quæ uni sensui propria sunt. Quemadmodum non citra magnam aliquam *ᾠδοξολογίαν* aut *ῥόπον* sonus videri, vel color audiri dicitur: Est enim color visus objectum proprium, sonus auditus. Quanquam enim sonorum & radiorum magna sit inter se proportio, aut, ut *Verulamius* loquitur in *Sylva Sylvarum*, symbolizatio, quo in loco pluribus experimentis doctrinam hanc illustrat: Quanquam etiam ad unicum sensum internum omnes illi exteriores, velut ad scopum & centrum suum tendant, ac proinde etiam inter se conspirent, unde unicum nonnullis sensum Tactus statuere placuit, absque quò nullum haberi sensum etiam Aristoteles agebat. 3. de anima c. 13, ratione tamen organorum, quibus suscipiuntur isti motus, & ad interiora transmittuntur, & aliquarum tum objecti, tum medii, conditionum diversitas est. Neque enim auris ita formata est, ut coloribus moveri, aut affici queat: neque oculi machina apta est, ut motus sonoros persentiscat. Ipsius itaque naturæ monitu sensus secundum illa distribuere ac definire docemur: quorum munia limitesque si vel verè pervertantur, aut perverti videantur; si ipsi inusitados effectus producant, id haberi *ᾠδοξον* potest. Verum de iis speciatim infra agemus. Circa sensus in genere consideratos *ᾠδοῖα* nonnullorum etiam placita sunt, quæ revera talia, & falsa potius, dicenda sunt. Sunt hic, qui in excessu, sunt, qui in defectu peccant. Aliqui sensuum imperium latius, quam par est, extendunt, aliqui nimis restringunt. *Thomas Campanella* sensu suo adeo abundat, ut de eo omnibus corporibus largiatur. Scripsit enim *de sensu libros quatuor*, quibus demonstrare laborat, mundum omnesque illius partes partiumque particulas sensu donatas esse, alias clariori, alias obscuriori, quantum sufficit ipsarum conservationi ac totius. In hac sententia sua, tum rationibus, tum exemplis adstruenda, mire ingeniosus & operosus est. Quæ tamen si excusseris, parum solidi, plusque fuci & ornatus, quam veri sensus habent. *Hobbesius* in *physic. sive naturæ phænomen. c. 25.* irrefragabilem hanc habet opinionem

nem, si natura sensuionis in reatione sola collocatu r. Et rectè quidem. Neque enim quia nullus sensus sine reatione est, omnis reatio sensum infert. Multi sunt in natura corporum motus tum interni, tum externi, quos ad sentiendi facultatem reducere nulla nos ratio jubet. Cujus rationem formalem quanquam in contactu solo ponit Campanella: *ridiculum enim, inquit, esse, ideo sensum rebus negare, quod organis destituantur*: est tamen præter tactum aliquod principium ponendum, quo corpora sentire dicantur. Ex tactu enim solo demonstrari id nequit. Si ad animam mundi recurramus; quam id longe petatum sit, quivis videt. Nam & ipsi non paucis dica scribitur. Et si maxime esset, non inde sensus omnium particularum probaretur. Elementa sentire dicit Campanella, quia componunt corpora sentiendi facultate prædita, animalia sc. nihil autem esse in effectis, quod non sit in causis. Quo certe argumento nihil colligitur; nam nec animalia proximè ex elementis composita, sed ex semine à corpore sentienti deciso. An vero prima illa animalia à Deo creata elementis sentiendi facultatem debeant, nec Campellana, nec quivis alius definiverit. Ac si res ita se haberet, ut vult Campanella, vereor ne canonem illi litteræ moturi sunt nonnulli. Nam Gassendus in libro suo de sensu non contententis argumentis probare nititur, posse ex re insensibili rem sensibilem fieri. Nolo nunc dicere, quibus absurdis per hanc sententiam fenestra aperiatur. Nam si quid occultius occurrit in natura phenomenon, quod vel occulta qualitate, magnetismo, sympathia, antipathia absolvunt, qui veras rerum causas vel ignorant, vel reddere nequeunt, ac quidvis potius causantur, quam ut causarum rudes habeantur; novum nunc illis latibulum in sensu hoc rerum universali repertum est. Campanella certe viam hoc commento ostendit, atque omnia ista magnetismi, sympathiæ exempla vulgo jactata, quanquam magnam partem fabulosa, & à recentioribus nonnullis ad manifestas causas reducta, ad probandam suam sententiam operose adducit. Verum non ignorantia tantum, sed & omnium anilium superstitionum & præstigiarum magicarum velamentum est, cui fini scripti potissimum libri illi videntur; quorum extremus de magia est, multa continens censura severiore digna. Nihil non est somniorum, divinationum, præstigiarum, fascinationum, incantationum, quod non ista hypothesis, velut Orci aliquâ galeâ, defendatur. Quam enim *ἡ δόξα* & errorum foecunda dogmata illa sunt, quæ libro tertio inculcat: *Aerem esse spiritum communem, & deferre scientiam spirituum animalibus inclusorum ab altero in alterum: aerem affici rebus præsentibus futurisque, atque nobis communicare*. Sed mittam ista. In plantis adhuc luculentiora sensus specimina esse contendit, ut quæ organa quædam habeant animalibus conformia: Si plantis,

inquit, insunt ossa, medulla, nervi, fibra, corium, os, vestes, arma & proliſcatio, fatendum est, animalia esse, sensuque abundare. Hoc quidem argumentum imperitis & stupidis quoque suaderet, qui sensum non norunt, nisi per organa. Habet is quidem ejusdem sententiae patronos inter veteres, Democritum, Anaxagoram, & Empedoclem, si Aristoteli l. i. de plantis referenti fides habenda est, & novissime Marcellus Malpighius, subtilissimus corporum scrutator, in plantis simulacra quaedam organorum respiratoriorum sibi deprehendere visus est: Atego certè fateor, me non adeo subtilem esse, ut perspiciam, in quo vis argumenti ejus sita sit, quæ stupidos etiam de sensu plantarum convincat. Mihi ista non nisi vegetationis argumenta sunt. Quo magis miror, observatorem rerum naturalium diligentissimum in eandem sententiam nuper prolapsum, libro, quem de insectis scripsit, rationibus certe non magni momenti inductum. Ut enim præteream, quæ è Poëtis Italici prolixè in pompam potius, quam in rei fidem, adducit, his etiam argumentis pugnat: quod plantæ animalium instar nutriantur, crescant, semenque pariter & fructum producant, nec non anxie solem, & apertum serenumque aërem quærant, umbras noxias fugiant: quæ nec simpliciter vera sunt, & vegetationem tantum ostendunt. Illò vero, quod subjungit: *Quis scit, si non usque adeo aliè in terris redicata essent, & pedes organaque haberent, annon vitatura ladentem & læsa lamentis & vocibus dolorem suum testatura essent*: non philosophum, sed declamatorem, aut Poëtam agere mihi vir doctissimus videtur. Quod attinet animalcula in fructibus arborum nata, quibus probare intendit, propagari in ista animam sentientem ex ipsa arbore, de iis magna certe adhuc sub judice lis est, annon aliunde in vecta istorum insectorum semina. A quâ sententiâ nec ipsum abhorre Virum doctissimum, ex libro ejus constat, ac confirmant hodie accuratissimi insectorum exploratores. Quæ recensentur ab Herbariis ad eam rem historiolarum, vel fabulosarum sunt, vel in fallacia causæ versantur, ut nihil efficiant illis sensus in plantis propugnatores. Campanellæ lepida de fungis quibusdam gregatim in Bisniani territorio nascentibus affertur narratio, qui moschum olentes, si quis ventrem exoneraverit in loco, ubi nascuntur, fugiant, ac paulò distantius nascantur. Adeo ne fungi quidem fungi sunt, quibus etiam nasum habere datum est! Quod de foliis arborum ad lacum quendam provinciae Peking positarum narrant Sinici scriptores, ea in hirundines mutari, ipse pro fabula habet Vir doctissimus in experimentis suis naturalibus. Anseres vel Anates, quas Bernacles vocant, ex arboribus, vel ejusdem fructibus, vel truncis, vel conchis nasci, fabulæ est; quicquid etiam tum ratiociniis tum testimoniis eam ornet Meierus libro de volucri arborea, frustra ad oculatam suam fidem provocans. Nam falsum eo fuisse optimum doctissi-

mumque virum, ex nuperis itinerum relationibus constat, quæ veros ovi
 natales iis asserunt. Ut itaque ex istis Historiolis parum firmetur ista assertio.
 Mirum est, non reperiri etiam nunc, qui ita cum ratione insaniant, ut cum
 Manichæis animam plantis rationalem adscribant, aut Ovidianâ μεταμορ-
 φῶν eam in plantas deductam credant, aut cum Ægyptiis latitantia sub iis
 numina venerentur. Qui in defectu peccant, adeo sunt à sensu commu-
 ni & suo alieni, ut quia de re omni dubitant, etiam sensibus suis diffidant.
 Quâ opinione, vel morbo potius, laborarunt olim Pyrrhonii & Sceptici,
 qui per sophisticas ineptias merosque paralogismos, ex eò, quod sensus sæ-
 pe fallant, non eorum tantum certitudinem, sed omnium, quæ à sensibus
 dependent, scientiarum fundamenta concutere laborarunt. Quanquam
 multi etiam inter illos vafræ quadam ignorantiam rerum manifestarum
 simulabant, ut ea, quæ nesciebant, scire putarentur: multi vanam glori-
 olam ex ostentatione declamatoria, in utramque partem de re quavis disse-
 rendo, quærebant. Sed istas argutias solide refutavit libro *de veritate*
scientiarum Marinus Mersennus. Aliqui animalibus sensus inesse negarunt,
 ac nuper admodum *Antonius Grandis*, perspicuus diligentissimusque Carte-
 sianæ Philosophiæ assertor, libellum conscripsit singularem, *de carentia sen-*
sus & cognitionis in brutis. De istoc argumento jam superiori seculo opero-
 sum edidit & triginta annorum librum *Gometius Pereira*, Philosophus ac
 Medicus Hispanus. Inscribitur liber, ab Antonio & Margaritâ, parentum
 nominibus, *Antoniana Margarita*, excusus Methynæ Campi, anno 1554. &
 peculiari pro eo apologiâ scriptâ defenditur ab objectionibus *Michaelis à*
Palacios, Theologi Salmanticensis. Summa utriusque libri, si rem ipsam
 videamus, pene conspirat. Uterque enim sensum à ratione non sejungit,
 quæ olim etiam Stratonis physici, & Ænesidemi, teste Laertio & Sexto Em-
 pirico, ac aliorum sententia fuit. Quo consequetur, bestias vel carere sen-
 su, quia carent ratione, vel rationales esse, cum sentiant. Posterius Pytha-
 goræ olim & Platonici statuebant: quorum sententiam è recentioribus de-
 fendendam suscepit *Franciscus Patricius*, in *παραφύσει* sua. Quibus
 absurdiora videntur illa, quæ nuper Vir clarissimus, * libro *de Poe-*
matum cantu & viribus Rhythmi pag. 66. scribit: *Animalium, quæ vulgo*
bruta creduntur, meliorem longe, quam nostram videri conditionem, utpote quæ
promptius & forsitan felicius sensus suos & cogitationes sine interprete significant,
quam nulli queant mortales, præsertim si peregrino utantur sermone. Quare
 auctor est hominibus, ut pulsa tot linguarum peste & confusione unam hanc ar-
 tem discant, quâ signis, nutibus, gestibusque quidvis explicent. Quo certè
 consilio homines dediscere humanam, ac induere brutorum naturam jube-
 mur: quæ fortassis ad geniorum naturam, (si Diis placet) propius acce-
 dunt,

* Est is *Isaacus Vossius*.

dunt, quod citra ambages cogitata sua significant. Verum cum ista absurda fuerit visa plurimis sententia, contrariam arripuerunt, qua sensu omni exuerunt bruta animantia. Antonius Grandis, ut animi sui sensa luculentius explicaret, tres sentiendi gradus fecit. Primus gradus illi simplicem motum continet, quem objectum nervis imprimit. Secundus perceptionem complectitur, quæ illi motui alligata est, quales sunt perceptiones doloris, sitis, famis, caloris. Tertius comprehendit omnia illa iudicia, quæ eas perceptiones sequuntur. Jam verò bruta illi non nisi primo gradu sentiunt, qui illi verus sensus non est, atque adeò mere passive illa se hic habent. Gometii Pereiræ sententia non discrepat. Censet enim, animantium organa à speciebus rerum amicarum trahi per sympathiam, illa vero fugere à re inimicâ sibi objectâ. Quibus, quanquam sympathiæ & antipathiæ, tractionis & fugæ vocabula delicatioribus Philosophis fastidio sint, nihil tamen aliud significatur, quàm quod in sola aliqua passione consistat brutorum sensus. Omnes itaque illas actiones brutorum vel ex solo motu organi corporei, vel ex peculiari naturæ instinctu deducit, qui an à sensu se jungi possit, alii viderint. Antonii Grandis sententia è Cartesiana hypothesei derivatur, quæ bruta habet automata quædam naturalia. Cartesius sc. ut animæ rationalis naturam demonstraret, in cogitatione eam reposuit. Quam ideo brutis abjudicavit, ut eo certiora haberet præsidia, quibus animam humanam in solido collocaret: A præjudicio itaque nostro esse putat, quod, quia nostra sensu cogitatio includitur, ideo cogitare etiam animalia existimemus, cum ista sensu solâ illa corporis & organorum dispositione possit expediri. A quâ sententiâ nec Honoratum Fabri, Aristoteli aliâs additum, alienum video. Gometium Pereiram, popularem suum, quanquam dissimulato nomine, paucis refutat *Valesius de Philosophia sacra c. 35*. Nec video, quam ob causam secundus ille sensus gradus, qui in perceptione consistit Antonio Grandi, brutis animantibus sit negandus; quæ revera percipere famem, dolorem, sitim, videmus. Ad quam intellectui, mea quidem sententiâ, non indigent; sufficere autem distinctioni inter bruta & homines tertius sentiendi gradus possit. Quis credat, non distinguere bruta quæ vident, licet de coloribus non judicent, ac nominibus suis designent. Atque eo modo, cum Clar. *Wallisio*, libro de anima brutorum, cognitionem eis adscribere non vereor, præsertim cum tam admirabiles sint operationes eorum, quibus in explicandis multum fatigatur Grandis. Non tamen adeò irrefragabilem sententiam suam ipse, quâ est modè indicat Cartesius. *Quamvis*, inquit, in Ep. ad Henricum Morum, *constrato habeam, probari non posse, aliquam esse in brutis cogitationem, præter posse demonstrari, nullam esse, quia mens humana illorum corda non perven-*

peradit Nullam verò esse, ex eo colligit, quod nunquam fuerit obser-
vatum, ullum brutum animal eà perfectionis devenisse, ut verà loquelà
uteretur, hoc est, ut aliquid vel voce vel nutibus indicaret, quod ad solam
cogitationem, non verò ad impetum naturalem possit referri. Quæ, si Au-
torem Tract. de Poëmatum cantu audimus, non modo falsa sunt: sed &
bruta animata cogitationum significatione humanum etiam genus supe-
rant. Ego vero Terentianum hoc ingemino:

Ne, faciunt homines intelligendo, ut nihil intelligant!

CAP. II.

DE

Paradoxis Visus.

Veniamus nunc ad paradoxa singulorum sensuum, in quibus primas
Visus merito tenet. Ejus *organon* oculus; *objectum*, corpus lucidum
& coloratum; *medium*, aer illuminatus, vel quodvis aliud diapha-
num. De singulis plena manu Optici. Nos paradoxa nostra vi-
debimus. Ac primum quidem *ratiōe organi* paradoxa quandoque acci-
dunt visui. Nolo nunc recensere prolixius, quæ de oculi organo per hu-
morum expressionem turbato passim notata sunt, quem una cum visu re-
stituere per aquam ex Chelidonia præparatam docuit peculiaribus episto-
lis ad Bartholinum scriptis *Fr. Barrius*; alii solius naturæ opere regenerari ob-
servarunt, quibus similia jam tum suo tempore *Aristoteles*, in *Historia sua Na-
turali* de hirundinibus & serpentibus notaverat, pro fabulosis habita, nisi
experimenti novitas veteri narrationi, ut sapissime fieri nunc videmus, fi-
dem quasi postliminio reduxisset. Quæri hic à nonnullis possit: an cæci, qui-
bus oculi non afficiuntur objectorum specie, sentire tamen objecta ad visum
pertinentia interno quodam sensu possint? Disputatur apud doctissimum
Philosophum Patavinum, *Claudianum Benigardum* in *Circulo Pisano*, parte 7. *Cir-
culo 12.* prolixè eo de negotio, & ostenditur, etiam cæcos colorum imagi-
nes videre posse, modo nervus opticus talem motionem subeat, quam illi
imprimerent res luminosæ, si oculus esset omnibus suis numeris absolutus.
Qualia phænomena vel ignium lucentium, vel colorum, nobis sæpe obser-
vantur, in ipsis etiam spissis tenebris, oculisque elausis, etiam post gravem
plagam inflictam oculis, aut fauces elisas, aut vehementem capitis percussio-
nem. Hinc esse, quod cæci narrent, mirà se aliquando comprehendere

Qq 3

inter-

idunt, quod citra ambages cogitata sua significant. Verum cum ista absurda fuerit visa plurimis sententia, contrariam arripuerunt, qua sensu omni exuerunt bruta animantia. Antonius Grandis, ut animi sui sensa luculentius explicaret, tres sentiendi gradus fecit. Primus gradus illi simplicem motum continet, quem objectum nervis imprimit. Secundus perceptionem complectitur, quæ illi motui alligata est, quales sunt perceptiones doloris, sitis, famis, caloris. Tertius comprehendit omnia illa judicia, quæ eas perceptiones sequuntur. Jam verò bruta illi non nisi primo gradu sentiunt, qui illi verus sensus non est, atque adeò mere passive illa se hic habent. Gomeii Pereiræ sententia non discrepat. Censet enim, animantium organa à speciebus rerum amicarum trahi per sympathiam, illa vero fugere à re inimicâ sibi objectâ. Quibus, quanquam sympathiæ & antipathiæ, tractionis & fugæ vocabula delicatioribus Philosophis fastidio sint, nihil tamen aliud significatur, quàm quod in sola aliqua passione consistat brutorum sensus. Omnes itaque illas actiones brutorum vel ex solo motu organici corporei, vel ex peculiari naturæ instinctu deducit, qui an à sensuungi possit, alii viderint. Antonii Grandis sententia è Cartesiana hypothesei derivatur, quæ bruta habet automata quædam naturalia. Cartesius scilicet ut animæ rationalis naturam demonstraret, in cogitatione eam reposuit. Quamquidèò brutis abjudicavit, ut eo certiora haberet præsidia, quibus animam humanam in solido collocaret: A præjudicio itaque nostro esse putat, quod, quia nostra sensuone cogitatio includitur, ideo cogitare etiam animalia existimemus, cum ista sensio solâ illa corporis & organorum dispositione possit expediri. A quâ sententiâ nec Honoratum Fabri, Aristoteli aliàs additum, alienum video. Gomotium Pereiram, popularem suum, quanquam dissimulato nomine, paucis refutat *Valesius de Philosophia sacræ* ss. Nec video, quam ob causam secundus ille sensus gradus, qui in perceptione consistit Antonio Grandi, brutis animantibus sit negandus; quæ revera percipere famem, dolorem, sitim, videmus. Ad quam intellectum, mea quidem sententiâ, non indigent; sufficere autem distinctioni inter bruta & homines tertius sentiendi gradus possit. Quis credat, non distinguere bruta quæ vident, sicut de coloribus non judicent, ac nominibus suis designent. Atque eo modo, cum *Clar. Wallisio, libro de anima brutorum*, cognitionem eis adscribere non vereor, præsertim cum tam admirabiles sint operationes eorum, quibus in explicandis multum fatigatur Grandis. Non tamen adeò irrefragabilem sententiam suam ipse, quâ est modestia, judicat Cartesius. *Quamvis*, inquit, in Ep. ad Henricum Morum, pro demonstrato habeam, probari non posse, aliquam esse in brutis cogitationem, non ideo puto posse demonstrari, nullam esse, quia mens humana illorum corda non pervas-

pervadit. Nullam vero illis esse, ex eo colligit, quod nunquam fuerit observatum, ullum brutum animal eò perfectionis devenisse, ut verâ loquelâ uteretur, hoc est, ut aliquid vel voce vel nutibus indicaret, quod ad solam cogitationem, non verò ad impetum naturalem possit referri. Quæ, si Autorem Tract. de Poëmatum cantu audimus, non modo falsa sunt: sed & bruta animata cogitationum significatione humanum etiam genus superant. Ego vero Terentianum hoc ingemino:

Ne, faciunt homines intelligendo, ut nihil intelligant!

CAP. II.

DE

Paradoxis Visus.

VEniamus nunc ad paradoxa singulorum sensuum, in quibus primas Visus merito tenet. Ejus *organon* oculus; *objectum*, corpus lucidum & coloratum; *medium*, aer illuminatus, vel quodvis aliud diaphanum. De singulis plena manu Optici. Nos paradoxa nostra videbimus. Ac primum quidem *intione organi* paradoxa quandoque accidunt visui. Nolo nunc recensere prolixius, quæ de oculi organo per humorum expressionem turbato passim notata sunt, quem una cum visu restituere per aquam ex Chelidonia præparatam docuit peculiaribus epistolis ad Bartholinum scriptis *Fr. Barrius*: alii solius naturæ opere regenerari observarunt, quibus similia jam tum suo tempore *Aristoteles*, in *Historia sua Naturali* de hirundinibus & serpentibus notaverat, pro fabulosis habita, nisi experimenti novitas veteri narrationi, ut sæpissime fieri nunc videmus, fidem quasi postliminio reduxisset. Quæri hic à nonnullis possit: an cæci, quibus oculi non afficiuntur objectorum specie sentire tamen objecta ad visum pertinentia interno quodam sensu possint? Disputatur apud doctissimum Philosophum Patavinum, *Claudium Berigardum* in *Circulo Pisano*, parte 7. *Circulo 12.* prolixè eo de negotio, & ostenditur, etiam cæcos colorum imagines videre posse, modo nervus opticus talem motionem subeat, quam illi imprimerent res luminosæ, si oculus esset omnibus suis numeris absolutus. Qualia phaenomena vel ignium lucentium, vel colorum, nobis sæpe observantur, in ipsis etiam spissis tenebris, oculisque clausis, etiam post gravem plagam inflictam oculis, aut fauces elisas, aut vehementem capitis percussionem. Hinc esse, quod cæci narrent, mirâ se aliquando comprehendere

interno sensu, quæ & ipsi colores vocant: sed quoniam illorum nomina, ac distinctionem ostendere non possunt, propterea iudicium de coloribus ferre non posse, quibus tamen nomina sibi nota imponere possunt. Ac puto hic distinctione etiam opus esse, inter eum, qui natura cæcus est, & eum qui casu postea factus. Sententiam hanc egregie illustrat exemplum, à *Kenelmo Digbas* productum, in *Tract. de naturâ corporum* c. 28. num. 7. Habuit is pædagogum, cui humor crystallinus utroque in oculo penitus deperierat, ut ne solis quidem claritate moveretur. Is toto corpore, præsertim in cerebro, mutationem quandam persentiscebatur à solis præsentia, unde nubilum diem à sereno accurate discernebat, quanquam cubiculo radiis & calori solis impervio inclusus: lusitavit chartis pictis peritissime & latrunculis, globos missiles, orbiculos metallicos super mensâ accuratè torisit, ac multa alia miranda præstitit, internorum sensuum & phantasie beneficio, quæ ab aliis accurato oculorum iudicio peragi solent. Referri etiam huc memorabile exemplum potest, quod in *Epist. Medicinalibus* (75. & 76.) consignavit *Laurentius Scholtzius*, cui oculi vulnerati per imperitiam chirurgi ita restituti, ut radii visionis in interiorē capitis partem, conversi fuerint, oculorum organo totò turbatò; cui tamen ex errore chirurgi ea contigit felicitas, ut per caveam narium videret, iis pro tubo optico usus. Sed de eo rectius disquirent Anatomici. *Ratione Objecti* vario modo paradoxa obveniunt visui. Non tangam nunc, quod in scholis Mathematicis & olim Scepticis disputabatur paradoxon: An objecta vero suo locò videantur verâque quantitate? Primum hic quod notamus est: Non nisi corpora, quatenus lucem & colorem habent, objecta visus esse posse. Excluduntur itaque Spiritus, & quicquid ad illorum familiam pertinet, nisi ū corpore assumpto sensibus se ingerant, aut nos cum novatoribus quibusdam etiam iis sua quædam corpora largiamur. Quomodo sulphureas quasdam exhalationes iis concedit *Thomas Brown* in *Pseudodoxia sua Epidemica* l. 5. c. 22. unde colore cæruleo tingi lucernæ possint, hac ratione communem illam vulgi sententiam confirmaturus. Sunt tamen, qui à quibusdam, singulari quali prærogativa visus, spiritus percipi posse contendunt. Ac Rabbini quidem, diligentissimi nugarum promicondi, singulare parant providendis dæmonibus collyrium, quod horribile secretum docuit nos nuper *Clar. Wagenfeilius* in *Sota* p. 482. *Si qui oculis dæmonas usurpare libido sit, huic capienda secundina felis fœmina nigra, prima partu à matre primogenicâ edita, ea comburenda atque redigenda est in pulverem minutissimum; iste pulvis oculis inspersus faciet, ut dæmones sint visibiles.* Caterum servari istum pulverem oportet in canaliculo ferreo, ferreo annulo obsignato, ne quid exinde suffurentur dæmones, os quoque canalis probe obturandum, ut omne caveatur periculum. Quanto con-

tu, quantæ nugæ ! Ejusdem farinæ est, quod observat *Joach. Fortius Rinkelbergius*, in *Experimentis Encyclopadix suæ adjectis*: Fabam è corde felis crescentem efficere, ut homo, cujus corpus tangat, non videatur. O catas fœles, in quibus repositum hoc arcanum videmus, ut ipsi simus invisibiles, & videamus invisibilia ! Similia alii de nigris gallinis nugantur : quæ an, ad albæ gallinæ filios, an vero ad nigri Ditis mancipia & Magorum scholas referenda sint, alii viderint. Nos nugas mittimus, & seria agimus. Refertur huc potest, quod in *Actis Hafniensibus*, volum. 2. observavit ὁ πολυμαθὴς Borrichius, de Lynceis quibusdam, ut vocat, Islandicis, qui hominum sive umbras anteambulones, in animalis speciem formatas, sive, genios appellare quis malit, clarè distincteque conspiciant, & ex figuris umbrarum judicent de occultâ hominum inclinatione. Ex earum umbrarum prævisu horis aliquot prænoscere illos, ait, hujus illiusve hominis adventum, prænunciare etiam mercatoribus advenientibus, à quorum conversatione cavere debeant, ex umbrarum amica conspiratione vel averfatione id conjicientes. Quibus geminam historiam è Plutarcho ibidem adducit Vir Clar. sed nobis sane, quid de umbraticis his Vatibus pronuncian- dum sit, non liquet. Quod illi ex umbris, Fr. Josephus Burrus è lucidis quibusdam speciebus videre se jactitabat, notante Clar. *Thoma Bartholino de luce animal. l. 3. c. 8. Naturale*, inquit, *sibi esse, mihi narravit Fr. Joseph. Burrus, ut lucida species oculis obversantes rerum variarum indicia vel præfagia offerant.* Ex eorum forte familia etiam fuit fatuus ille LEP, quem aiebat Tycho Brahe, videns in conclavi, quæ in loco longe ab illo remoto gerebantur, atque ista pronuncians. Cujus singularia aliquot exempla in *Tycho- nis Brahei vita* recensuit *Gassend. l. 6.* Nisi singularis fortè stultorum quædam prærogativa est, ut volunt nonnulli, futura & absentia tanquàm præsentia intueri. Refertur & apud Camerarium exemplum Hispani alicujus, in Europa, quæ in Africa gerebantur, videntis. Ac sunt, qui specula magica docent conficere, sub certa siderum constellatione, ex omnis generis metallis, arcanâ quâdam proportionem inter se mistis, quibusea, quæ in longinquis etiam locis geruntur, oculis subjiciantur. Nec desunt, qui rationibus etiam naturalibus id tueri non verentur. Quorum in numero Vir suo tempore scientia & experimentis naturæ & artis admirabilis *Rogerus Baco* fuisse videtur, ut conjicere licet ex iis, quæ è *MSto ejus opere ad Clementem IV.* adducit *A. Wood, in Historia & Antiquitatibus Oxoniensibus, l. 1. ad A. 1272.* ubi ait, *omnia sciri per perspectivam, quoniam omnes actiones rerum sunt secundum specierum & virtutum multiplicationem ab agentibus hujus mundi in materias patientes, & leges hujusmodi multiplicationum non sciuntur, nisi à perspectivâ, nec alibi sunt traditæ adhuc, cum tamen non solum sint communes actio-*

ni in visum, sed in omnem sensum, & in totam mundi machinam, & in celestibus, & inferioribus. Hæc ille, in quibus tamen nos nihil temere pronunciamus: facile enim istis lucis radius tenebrarum princeps se ingerit. Qui sensum luci cum Campanella attribuunt, non hæc tantum, sed quicquid est magicarum operationum, defendent. Quod si *Marcum Marci* audimus, in *Philosophiâ sua veteri restitutum*, non difficile erit, etiam illis portentis fidem facere, & causas assignare. Nam in *part. 3. operis sui section. 5.* prolixè disputat, esse aliquam unionem objectorum & animarum in corpore existentium, etiam præter sensus. Fingit aliquod chaos aëreum & mentale, illud ideis seminalibus, hoc, cujus subjectum cerebrum est, speciebus imaginativis plenum. Uniusque esse occultam aliquam sympathiam, unde contingat sæpe, ut species imaginativæ, quæ chao mentali obversantur, aërem in eadem simulachra convertant; præprimis, si forte tales idæ quædam seminales in chao aëreo vagentur. Quare in potestate hominis melancholici esse existimat, spectra sibi in aëre efformare. Hinc ecstaticos videre, quæ in longinquis locis sunt. Hæc arte, his mediis, naturalibus tamen, exercere præstigias suas, damonas. Ad has causas refert, quæ in *Africæ locis supra syrtim*, teste *Diodoro Siculo l. 3.* in tranquillo ac sereno aëre conspiciuntur variorum animalium species, & phasma illud aëreum, quod *Morgana* dicitur, ac similia alia; quæ *Kirebærus l. 10. de Arte lucis & umbra, part. 2. c. 1.* ad rationes opticas reduxit. De quibus, cum prolixiora sint, agere hoc loco fusius non possumus. Eidem, ut puto, causæ adscripsisset *Marcus Marci*, quod *Campanella l. 3. de sensu rerum c. 10.* affert de Petro aliquo, cujus tanta fuerit sagacitas, ut extemplo perciperet, quicquid alter cogitaret, & quando amicis paratæ fuere insidiæ, sicut venaticus canis odoratus fuerit, & prævideret. Quod ille more suo ad aëris sensum nobiscum communicantem refert. Non possum tamen *Marci Marci* sententias amplecti, quæ ad salvandas prodigiosas has narratiunculas, quarum tamen fides non usque adeo explorata est, videntur excogitatæ, ac quodammodo cum *Campanellæ* rerum universali sensu conveniunt. Negari vero non potest, decipi sæpe oculos nostros, & sensus omnes, fingi interdum aliqua à quibusdam, ut novi aliquid observasse videantur. Ac præterea relinquenda est multo maxima pars phænomenorum Physicorum occultioribus quibusdam causis, quæ ab humano ingenio satis deprehendi non possunt. Sit itaque firmum, quod primo loco ponebamus: Spiritus per se non esse objectum visûs; non enim *ἡ ἀποδοχολογία*, sed falsa dicere videntur, qui in contraria sunt sententia. Venimus nunc ad vera visûs objecta, quæ sunt lux & color, de quibus quæri posset: an illa alterius cujusdam sensus objectum constituere possint? De luce docuit nos *Digbæus*, ejus radios con-

verti in rubicundum pulverem posse, ut sub tactum cadant. Voluit & nuper Illustris Robertus Boilius tentare, an radii solaris partes ponderabiles efficere posset, ut fecit partes aliquas flammæ. Sed sereno aëre deficiente desistendum illi ab incepto fuit. Quanquam fieri posse non desperet. Quæ ratione etiam sub tactum quodammodo quantitas radii solaris cadere possit: sed an in pulverem congenerem abire possit, de eo vehementer dubito. Nos quidem radii aliquam crassitiem esse existimamus, cum *Grimaldo in Physico-Mathesi, de lumine & coloribus, l. 1. prop. 18. num. 5.* quæ & quodammodo, cum per vitrum causticum transmittuntur radii, deprehendi potest, sed certa ejus mensura determinari oculis nequit, quemadmodum sonorum diversi gradus ab aure comprehenduntur. Colores, qui corporibus inhærent, Tactu distingui potuisse à cæco, autore est *Robertus Boilius, libro de coloribus*, quod à superficiæ vel lævitate vel asperitate conjecit qui tetigit cæcus. Aiebat ille asperrimam superficiem albi nigrique, glaberrimam rubri, nigrum tamen albo asperiores, ceteros colores, prout ab extremis abeunt, ferè asperitate decrescere. Cujus rationem non ineptam forte suppeditat *Leibnizius, in hypoth. nova physica num. 31.* quod alba luci magis convexitatem, nigra concavitatem obvertant: unde illa reflectant, hæc abundant lucem, & facies nigri minus planicie, plus aculeorum habeat: Hinc coctionem aut rubedinem efficere, quod inæqualitates abrasat. Objecta, visui cum reliquis sensibus communia gradibus differunt, aliqua magis ad visum, minus ad cæteros sensus pertinent. In iis objectis, quæ visum propius tangunt, aliorum sensuum ministerio deprehendendis, mire sagaces esse cæcos, non paucis exemplis constat. Ex istis præcipuum motus est. Is si celer nimis sit, vel nimis tardus, oculi observationem excedit. Germinatio, generatio motibus minimorum corporum peraguntur, qui deprehendi oculis non possunt. Sunt tamen, qui eos propemodum visibiles efficere conati sunt. Quemadmodum paucarum horarum spatio *Petroselinum* è terra produci possit, docet *Honoratus Fabri in libro de plant.* Macerat primum semen aceto, & postea fecundæ terræ inspergit, cui siliquarum fabarum cineres superinjecit, quos spiritu vini subinde humectat. *Schottus in Joco seriis artis & nature Prop. 55.* monstrat, quomodo lactuca intra horæ spatium è terra produci possit. *Monconisius in secretis Itinerario suo adjectis, & Sorellus in Scientia sua Univers. cap. de usu & perfect. plant.* alias methodos præscribunt. Hujus rei fidem labefactare ego nolo, quanquam *Scharrockius*, qui argumentum de propagatione Plantarum diligenter exsecutus est, multientaminibus nihil se effecisse queratur. Vidimus tamen à natura ipsa maturari fungorum una nocte vegetationem. Referri etiam huc debet, quod *Kircherus Monconisium* docuit (narrante illo in Itinerario suo)

muscas ficcas in pulverem redactas, & postea aquâ pluviali asperfas, horâ unius spatii in muscas iterum formari. Hujus rei fides penes narrantem sit. Error quoque vulgaris est, generari quasi in instanti ranulas ab æstivâ pluvîâ, cui extemporalem hanc generationem adscribit Campanella. *Job. Maria Jenochius*, ut refert *Marcus Marci* libro superius citato, p. 3. sect. 6. subj. 4. ajebat, se mense Julio aquæ cœlestis guttam pulveri illapsam vidisse, quæ illico in ranæ formam se induerit. At *Scaliger Exerc. 191.* post semihoram, ex quo pluvia ceciderat, apparuisse demum testatur. Quæ tamen testimonia mihi non sufficiunt ad extemporalem aliquam generationem probandam: eam enim satis operosam esse in ranis, testatur *Observatio XXXIX. in Actorum Hafniensium Vol. II.* Nec vero simile est, naturam nullo tempore ad productionem corporis organici indigere. Itaque si observatæ sunt cum pluvie ortu, vel in nubibus formatæ sunt, è vaporibus seminio ranarum prægnantibus, vel prodierunt è latebris suis ad odorem pluvie, quâ velut lacte pascuntur, quamque clamoribus provocare solent. Quemadmodum lumbrici ad odorem pluvie è terra prodeunt. Quare superfedere hac in re Philosophiâ suâ arcanâ poterat *Marcus Marci*, qui nescio quas ideas seminales in guttis pluvialibus comminiscitur, & ranas quasdam umbratiles, quæ, postquam guttæ spiritu terrestri magis solidatæ, in veras ranulas abeant. Sed de objectis visûs satis quidem hætenus. Medium aër, est, isque illuminatus, vel quodvis aliud diaphanum, absque quo si esset, visio non perficeretur. Sunt tamen exempla non pauca tum animalium tum hominum, qui in tenebris etiam vident, quæ summa diligentia recenset clarissimus Vir *Thomas Bartholinus*, de luce animalium l. 1. c. 14. & passim toto libro, cujus rei causa in solâ oculorum luce etiam medium per certum aliquod spatium illuminante reponenda est. Illud autem imprimis mirabile est & paradoxon, quod *Boilius* in *Exerc. de naturâ determinatâ effluviis* commemorat, de quodam, qui ex oculorum morbo illud visus acumen adeptus fuerat, ut noctu evigilans plane videret, & colores ac alia objecta distingueret, beneficio morbi illud consecutus, quod non nisi paucis nativum est. Similiter & illud paradoxon esse videtur, quod de ligno lucente in tenebris affert idem Autor in Experimentis, quæ in *Actis Anglicis* leguntur *M. Jan. A. 1667.* Hoc cum machinæ pneumaticæ suæ imponeret, aëre exantlato lumen omne amisit, eoque per gradus iterum admissio, per gradus illud recepit. Unde patet, necessarium quibusdam objectis esse aërem ad radios spargendos, aliis etiam corpus aëre subtilius pro medio inservire posse. Sed solida phænomeni hujus ratio hætenus in suspenso est. Procedimus ad effectus visionis, si mirabiles nonnullis recensentur, magnam etiam partem superfluousi. Quamquam enim libenter largiar, luci & coloribus imper-

imperium aliquod esse in spiritus nostros, ut non plane damnandus sit Helmontius, ejusque hac in parte defensor Marcus Marci, qui irradiationi corporum aliquam etiam in curandis morbis potentiam adscribit: non tamen calculum temere adjicerem omnibus amuletis ac Talismanicis imaginibus, quarum doctam defensionem suscepit *Gaffarellus, in Curiositatibus suis inauditis*, quæ tamen omnia phantasiæ operationi adscribenda sunt; uti & illud, quod refert *Bartholinus Cent. 5. Hist. Anatom. 6.* de quodam, cui visû antimonio statim laxata alvus fuerat. De vi fascinatricæ oculorum mirabiles ac aniles circumferuntur ineptiæ, quarum potissima pars vix speciem aliquam Physici effectus præ se fert. Ac est sane rerum naturalium, quod civilium, fatum, ut libenter ipsi fingamus portentosas historias, ac sævibus fabulis lubenter nobis imponi patiamur. Larga manu omnia cumulavit, in vastissimo libro de *Fascinatione Frommannus*; & experientia, rationibus, & autoritatibus defendere laborat doctissimus Hebraus, *Manasse Ben-Isruel, in Addendis ad Conciliat. Pentateuchi*, quæ Hispanica lingua producit *Wagenseil in Sota p. 763.* & in Lat. ling. convertit p. 1139. Legi quoque ea de re *Marcus Marci* potest, in libro *sæpius laudato part. 5. sect. 2. & 3.* qui in Idearum suarum principiis facile harum rerum causas invenit. Arabes mirificas & paradoxas sententias huic fundamento superstruunt, & eorum doctrinam secutus *Campanella l. 4. de sensu rerum*, asserit, ex oculis emanare vim immutativam, posse intuitu prosterni & exanimari homines, cujus ille rationem valde ridiculam è sensu suo aëreo adducit: quod aër sc. alteratus & spiritu nobili terreat viles. Apud Plinium de populis integris legitur, qui fascinantes oculos habeant, cujus signum pupilla in oculo duplex. Eos ajunt, prata, flores, aspectu suo exurere, ac fœtibus tenellis virus afflare. At in contraria sententia Sinenses sunt, solertissimi Physiognomi & accurati formarum spectatores, qui inusitata felicitatis habent argumentum pupillam duplicem; ejusque exemplum habent in laudatissimo Imperatore suo Xuno, referente *Martino Martini Hist. Sinica l. 1. p. 44.* Vidi ipse, inquit, puerulum in oculo dextro duas pupillas habentem, quæ res parentes ejus singulari gaudio affectæ, reputantes, eum congenitam futura prosperitatis tesseram in oculis ferre. Nec vani augures fuere. Filius namque cum familia universa Christianis sacris imbutus, non alio nomine, quam isto potuit esse felicior. Quibus opinatoribus jam palma debeat, nemo facile dixerit. Adeo fluctuant homines in sententiis, &

Scinditur incertum studia in contraria vulgus.

CAPUT III.

DE

Paradoxis Auditûs.

Secundum inter externos sensus locum jure sibi vindicat Auditus, cujus cum Visu singularis quædam affinitas est. Quemadmodum enim radii à corpore lucido sparguntur; ita & radii quidam sonori à corporum collisione, quorum quanquam motus tardior est, est tamen aliqua proportio; de qua proportionem vel symbolizationem multa apud *Verulamium in Sylva Sylvarum* legi possunt, & apud *Charletonum in Physiologia lib. 3. c. 6. sect. 2.* Ac notavit *Bartholinus libr. 3. de Luce Animal. cap. 11.* multum conferre ipsam lucem ad expeditiorem auditum. Quod exemplo surdastrorum probat, qui si ad fenestram vel ad candelam admoverint aures, species sonorum percipiunt facilius, cum in tenebris audiant nihil. Cujus ratio illa forte est, quod beneficio luminis quasi rarefscens aër expeditorem sonis illis viam sternat. Quanquam etiam hi per visum è gestibus & habitu pronunciantis verba eorumque sensus colligant, ubi auris deficit. Nos paradoxa nostra ex organo, objecto, medio, effectibus contemplabimur. Organon auditus mirabile est, mirabilis auris machina, quam secundum omnes partes excutiunt Anatomici. Ejus structura ubi rectè se non habet, vel surdi vel surdastrum efficiuntur. Quæri hic possit: An alio modo, quam per aures, verba percipi possint? Ac docet nos ipse *Impenitor Justinianus l. 10. C. qui testament. fac. poss.* nullum esse adeo surdum, qui non exaudiat, si quis supra cerebrum illius loquatur, *Jubentii*, vel, ut alii rectius, *Juventii Celsi* auctoritatem laudans. Quæ sententia optima ratione naturali nititur: quanquam *Menagius in Amaxitatibus Juris Civilis t. 27.* difficillimam eam esse existimat. Cum enim vox sit *ἀνωφρον*, ut quæ ex aère constat, facilius putat, surdum audire debere, si quis infra cerebrum illius, quam si quis supra, loqueretur. Quem nodum ut solvat, affert locum ex *Aristotelis Problematis*, ubi ratio datur, cur vox è superiori loco melius in inferiori audiatur, quam positu contrario. Quæ tamen huic rei non convenit. Consistit verò in eo, quod sonus propius illic ferire nervos auditorios possit, quàm alia quacunque parte, qui sonum è motu aëris atque adeo ex tactu percipiunt. Quod si enim circelli isti aërei in sonis corpora ad rupturam usque movent, quid ni etiam per cranium transeant, & eundem nervis suis motum incutiant, quanquam obscuriorem, quam est is, qui

qui per canales apertos in organo bene constituto immittitur. Justiani vel Celsi observationem binis confirmat exemplis Menagius. *Novi Leonorium Labardium, Canonicum Ecclesie Parisiensis, qui, surdaster cum sit, minus tarde audit, quando ei sic loquuntur, qui cum eo colloquuntur. Imo & vidi olim non dubie fidei hominem affirmantem, se surdum nosse, qui penitus, nisi hoc ei modo loqueretur, qui cum eo sermonem habebat, non exaudiret.* Idem experimentum in illis, qui animam agunt, à nonnullis institutum est. Nam cum aures sonos percipere nequeunt, percipiunt tamen, si quis supra caput illis loquatur. Constat itaque, organi auditorii damna aliunde posse compensari; cui & mechanico modo subveniri potest, per instrumentum aliquod ad aures figuram formatum, in quo sonus ob frequentem repercussionem multiplicatus, ac proinde fortior, etiam è longinquo audiatur. Quod & Tuba Stentorophonica vel Morlandi vel Kircheri (is enim nuper in opere suo Phonurgico inventum illud sibi vindicavit) præstare potest. Quemadmodum enim vocis sonus in loquendo intenditur, ita idem, cum instrumentum auri admovetur, intenditur, ut, quæ murrando dicuntur, satis clarè & distinctè procul etiam audiri possint. Quod expeditius procedet, si anfractibus quibusdam ad aures instar elaboretur instrumentum. Videmus itaque aliqua ex parte jam confectum esse, quod habebat in votis instrumentum auriculare *Campanella, lib. 7. Astrolog. cap. 3.* quo ille ridiculè sane concentus orbium cœlestium audiri posse existimabat. *Spero etiam, inquit, sicuti stellas novas ocularia nova in lucem eruerunt, ita musicam cœlorum, quoniam omnis motus sonus est, propediem auriculare organum pandet.* Non audivimus hætenus, audiet fortassis aliquando quispiam Argivo illi Horatiano similis,

Qui se credebat miros audire Tragædos,

In vacuo solus sessor plausorque theatro.

Objectum auditus sonus quicumque est: nos vocem præcipue humanam hic considerabimus, cujus mirificam vim nulla sat lingua loquetur. Præ reliquis mirabile illud & paradoxon est, quod singulari primum Epistola, mox auctiore multò Dissertatione alias propositum, posse scilicet certo vocis humanæ sonum, si intendatur, vitrum ei consonum rumpi. Quæ cum hoc quoque volumine extet, opus non est, prolixius de voce *ὑαλαχλασῆ* discerere. Neque sanè idonea dissentienti causa est, si modo ipsius experimenti testis *αὐτόπῃ* fuisset, Athanasio Kirchero, qui in Phonurgia sua opere Epistolam quidem laudat, sed de causa illic assignata dubitat. Quod si Campanellæ innotuisset, miros ille de sensurum clamores excitasset. Sed ista nunc ad nos non spectant, qui vocem tantum & sonos consideramus, quatenus ad sensus nostros referuntur. Formatur itaque vox in ore,

beneficio linguæ, dentium & labiorum. Quamquam exemplum plane mirabile & *ἄγδοξον* in Gallia notatum fuerit pueri octennis, qui linguam ubi variolarum morbo amiserat totam, postmodum tamen distincte satis loqui etiam sine lingua potuit. Quam historiam *Jacobus Rolandus de Belebad*, Chirurgus Salmuriensis, integram edidit Salmurii Anno 1630. in Latinam autem linguam convertit, & notis suis auxit, *Carolus Raigers*, adjunctam Anno Tertio Ephemeridum Germanicarum Medico-Physicarum, sub *Aglossostomographia* titulo. Fuit itaque hic Lingua sine linguâ. Quo majus prodigium facile dari non poterat, quodque olim in elinguatis martyribus miraculum habitum fuit. Mutilatas & præcisas linguas loquelam tamen vel retinuisse, vel recuperasse, memorabilibus exemplis traditum est à *Parao & Tulpio*, *observat. Medic. l. i. c. 41.* Sed nostrum hoc fidem pene omnem superat. Sonus ille, qui motu labiorum formatur, aures ferit, ut ita motu oris & aurium ministerio & exprimantur & percipiantur animi sensus. Quod si itaque oculis quis voces percipere possit, quas alii auribus, nostro profecto simile videri nonnullis possit. Sed fieri hoc posse atque, factum esse, docuit *Digbaeus*, *Tract. de Natura corporum cap. 28.* testis *durbinc.* Novit ille olim in Hispaniâ fratrem natu minorem Comitis stabuli Castellæ, à nativitate surdum, ac proinde non quidem organorum, sed informationis defectu mutum. Hunc tamen sacerdos aliquis improbo labore, & suis quibusdam præceptis, quæ singulari libro comprehensa sunt, ita erudit, ut, modo lumen non abesset, aut tergum non obverteretur, è motu oris, labiorum, aliarumque partium, perfecte intelligere voces loquentium, ad interrogata respondere, vocabulorum vel in incognita sibi lingua sonum & accentum accuratè ad alterius pronuntiationem reddere potuerit. Nisi quod tonum vocis eundem servare non poterat. Quod miraculo simile non immerito quidem habitum; ac falsus ingenue est infortor istius principis, artis suæ regulas discipuli solertia in observando fuisse superatas. De libro ipso, qui præcepta hujus artis continet, plura commemorantur in dictâ paulò ante dissertatione, capite XV. ubi & illud observatum, antiquiorem esse artem, quam existimarunt nonnulli, præcipue illi, qui proximorum annorum inventum esse volunt, aut se primos ejus autores venditant. E *Rudolphi Agricola* testimonio illic citato patet, informari posse mutum, ut scripturæ beneficio intelligat alios, ac ipse sensus suos exprimat. Cujus ratio optima à *Cardano* adducitur in libro *de Juv. magis. cap. 8. tom. X. operum in Paralipomenis.* Atque eidem fundamento innititur altera illa ars perfectior, quæ motus oris loquentis, & cum illis sonos articulatos exprimere docet. An vero inventor istius artis *Paulus Bonnetus* sit, sub cujus nomine liber Hispanico idiomate prodit isto titulo

tulo: *Reduction de las letras y arte para enseñar a ablar los mudos*, non facile quis dixerit. Non dubitat hujus artis inventionem illi adscribere *Caramuel* in *Apparatu suo Philosophico* lib. 1. *dispat.* 2. *num.* 16. quem illic laudat, adductis exemplis & addito in istam artem à se confecto Epigrammate. Quod tamen dubium esse apparet ex judicio illo, quod Antonius Perez, Abbas Benedictinus, Bonnetti libro præfigit, quo habetur, Petrum Pontium, Monachum Benedictinum, principium huic arti dedisse. Ac memoriz etiam prodidit Valesius libro de *Sacr. Philosoph.* cap. 3. *Petrus Pontius*, inquit ille, *Monachus S. Benedicti, amicus meus, uatos surdos docebat loqui, non alia arte, quàm docens primum scribere, res ipsas digito indicando, quæ characteribus illis significarentur; deinde ad motus lingue, qui characteribus responderent, provocando.* E quibus verbis patet, pro fundamento hujus informationis *scripturam* adhibitam fuisse, quod in exemplo sui temporis etiam notarat Rudolphus Agricola. Pontium autem Bonnetto antiquiorem esse, argumento est, quod Valesius ista primum anno 1590. scripserit; Bonnetti autem liber Hispanicus anno 1620. editus sit. Forte Pontius artis principia invenit, Bonnettus perfecit, aut literis consignavit. Meminit ejusdem artis in Hispania inventæ *Stephan. Rodericus, Castrensis, Comm.* in *libr. Hippoc. de aliment.* *Secl.* 2. *p.* 247. ita tamen, ut Autorem non nomet. Holterus Anglica linguâ, uti & Wallisius artem istam tradidere, & Helmontius Filius. Nemo vero unus ex illis libri Hispanici mentionem fecit. Artis ipsius viva hodiernum superant in Angliâ exempla. *Franciscus Lana Prodro-mo all' arte maestra* cap. 4. aliqua istius præcepta, (de quibus neminem ante se cogitasse, falso vel subdole jactitat) sed confusè admodum proponit, præque cæteris commendat oris ad speculi compositionem, in discendis ejus motibus. Neque solum surdis, sed quibusvis aliis inservire ista ars posset. Facile enim hujus beneficio secretiora etiam colloquia rimabimur, non auriti sed oculati eorum interpretes. Cujus artificii usus in negotiis publicis, in aula, in foro, atque adeo in omni vitæ genere versantibus, permagnus futurus esset, quibus ne surdis quidem impune possent narrari fabulæ. Ab objecto ad *medium* transimus, quod aër est, vel etiam aqua, sub qua, Urinatores etiam exaudire sonos, quanquam obscurius, posse, narrant aliqui. Quo rarior verò aër & tranquillior est, eò clarius percipiuntur soni: nam ubi nubilus est, & nivium floccis obsitus, obscure audiuntur soni, quorum undulationes ab obstantibus corpusculis impediuntur. Quo magis mirum est, fuisse, cui ex febre id contigit beneficium, ut durante illâ exquisitissimum nancisceretur auditus sensum, submissos etiam audiens susurros, qui ad magnam satis distantiam edebantur, etiam inter strepitus aliorum adstantium, qui tamen

eos non audiebant, notante *Roberto Boyle Exercit. de naturâ determinatâ effluviis*: Quod sensus acumen convalescens perdidit. Id quoque memorabile est, fuisse non leviter surdum, qui inter tympanorum proximos & validissimos sonos etiam submissas voces audiebat, quas intensiores etiam extra tympanorum tumultus non audiebat. Erat ratio surditatis in tympano auris non debite tenso, quod à tympanorum pulsu tensum sonos tenuiores etiam allabentes rectè excipiebat. Prolixior ejus historia in *Actis Anglicis* habetur *Mens. Maj. A. 1668*. Si effectus illos omnes, qui sensui huic tribuuntur, recensere nunc velimus, voluminis illa res esset. Mirabile præ cæteris est, quod tamen vulgatissimum, posse ex auditu verborum ac orationis elaboratz homines duci & quasi extra se rapi. Cujus meditationis tanta est sublimitas ac subtilitas, ut explicari satis nequeat. Nemo autem subtilius explicuit, quam qui Gallicâ linguâ omnibus linguis dignum *de Verbo librum* scripsit *Cerdemoëus*, in quo demonstrat, duo esse in verbis considerata, Materiale & Ideale; illud nihil efficere per se, alterum verò propaginem esse quandam cogitationum animi, singulis orationis partibus, figuris, verbis, apicibus, accentibus infixam, & cum ipsius soni modulatione transfusam. Quæ singula luculentis dissertationibus deducit. Quod ut verum est artis oratoriz fundamentum, ita vellem à Rhetoribus, naturalis scientiz non ignaris, plenius & accuratius, quàm hæctenus factum est, tractari. Omnis illa figurarum doctrina, quæ ad affectus dicentis se componere debet, confusa admodum est, neque satis aptè ad sua principia reducta, & in certas classes tributa, unde nec earum usus, qui in persuadendo maximus est, sufficienter cognitus. Utinam lucem adspexisset, nec furaci manu auctori subreptum fuisset, quod meditabatur, in Pathologicis opus, *Emanuel Thesaurus*, Vir in rebus istis perspicacissimus; magna enim parte augeri potuisset Res Oratoria. Nec in homines tantum, sed & in bruta magna sonorum efficacia est, ut non ineptè, meâ quidem sententiâ, judicaverit non nemo è Regia Anglorum societate, de quo in *Actis novissimis* mentio fit, posse fieri, ut certis instrumentis Musicis, certa compositione concentuum ferocissimæ etiam bestię, absque ullo alio adminiculo, cicurentur. Cujus exempla nonnulla illic producuntur. Nolo hic prolixè recensere, quæ beneficio auditus in affectibus, & morbis per sonos curandis, fieri possunt. De iis, qui à Tarantulis punguntur, res est notissima, & vastissimis libris ita explicata, ut disquisitioni ulteriori locus relictus non sit. Quod verò *J. B. Porta* existimabat, morbos omnes musicâ vi depelli posse, si fistulâ quis insonet, quæ è lignis plantarum morbis illis medentium conficiatur, nugatorium est, & rectè à *Kirchero Musurgia lib. 9. c. 8.* refutatur. Idem *l. 9. c. 7.* formulam barbararum vocum recitat, quâ pro-

nun-

nunciata piscis Xiphias ad capturam proficitur. Quod si verum est, nec aliquid magici, quod tamen negat, subest, non tam vocibus illis, quam pronunciationi ipsi, cum doctissimo *Berrichio diff. de caus. divers. linguar. num. 21* adscriberem. Campanæ sonitu, vel voce canorâ loquentis aut canentis, animi deliquium passam puellam nobilem, testatur *H. ab Heer, Observat. Spadanâ ultimâ*. Tonitru audito laxabatur alvo, ac crebro vomebat femina nobilis, testibus *Actis Anglic. p. 550*. De equite quodam Vascone refert *Scalig. Exerc. 134. sect. 6*. eum audito phormyngis sono urinam continere, non putuisse. Sed infinita forent, si persequi illa velimus. Fabularum & superstitionum longè plurimum est, Fascinationum per vocem, Incantationum. Ita ajunt, fistulis ex ossibus murium confectis convocari mures posse: ita aliam parant, quâ convocentur serpentes, de quâ historiam & apparatus omnem recenset *Burggravius in Achille panoplo, pag. 77*. *Paracelsus* in Hispaniâ visum sibi fuisse narrat, qui tintinnabulum ex electro paratum habebat, cujus sono varia spectra & spirituum phantasmata evocabat, Sed nolumus hic nugarum plaustra congerere.

CAP. IV.

DE

Paradoxis Odoratûs & Gustûs.

Jungimus duos sensus magna inter se affinitate junctos, Odoratum & Gustum. Quod vel ex eo patet, cibos odoratu ab animalibus explorari, & plerumque saporis boni esse, qui bonum odorem spargunt. Cujus naribus flos veteris vini objicitur, promulsidem ex ipso odore habet. Pasci & nutrirî spiritus posse odoribus per tempus aliquod, dubium nullum est, quod Democritus olim, hodieque quotidie coqui sentiunt. Ne quid dicam de accolis fontis Gangis viventibus odore pomorum sylvestrium, teste *Solino in Polyb. c. 52*. aut de eo, quem *Rhodiginus l. 24. c. 21*. aëre solo & sole, sine alio alimento, vixisse memorat. Quorum tamen fidem ad autores suos remitto. Ut autem de singulis quædam dicamus: Odoratus *organon* in controversiam vocatur. Variè enim veteres sentiunt, quâ præcipuè parte sentiatur odor. *Organon* exterius vel canalis ille, per quem feruntur odores, Nasus est, è cujus longitudine & amplitudine intensior etiam sensus est, non in brutis tantum, sed & hominibus. Ac bruta quidem animantia prærogativam odoratus habere, quod

Se
eo qua-

eo quasi rationis defectum supplere videantur, homines vero eos intellectu aliis superiores esse; qui odoratu superant alios, nonnulli existimant. Quod vero istam brutorum prærogativam attinet, non credendum est, eam per se brutis animantibus inesse, sed potius à ratione victus obvenire. Quoniam enim parciore cibo utuntur, & sicciore, ut homines, non iis insitis quibusdam fuliginibus nares obsidentur, ut effluvia extrus advenientia dignosci nequeant. Quod sane è canibus venaticis manifestum est, qui sagaciores sunt, quo parcior illis cibus præbetur. Eandem in hominibus excitari posse naturam, exemplo memorabili, quod Digbaeus adducit, probari potest. Vixerat in sylvis diu radicibus & glandibus Joannes quidam Leodiensis, milites fugiens: is è simplici illo cibo hac polluit facultate, ut odoratu cibos explorare, homines ac venatores distinguere, eorumque insidias eludere potuerit. Hinc est, quod aliqui observant, è tenuis cibi & potus usu non odoratum tantum, sed omnes adeo sensus externos & internos, defæciores fieri. Quos ut haberent, Philosophos aquam bibisse, & oleribus pastos fuisse, memorix prodictum est. De Pythagorâ id Laërtius perhibet, ac inter disciplinæ suæ capita Zeno auditoribus suis proponebat, *ἡμίαντον ὕδωρ*, aquam bibere, ut ex Comico meminit *Clemens Alexandrin. 2. Strom.* Alius, nescio quis, Græcorum Poëtarum ait, ex hydroposia illa homines fieri *ἄσπετος*, inveniendis rebus peracutos & ingeniosos. Quorum sententia quanquam rationibus non destituatur, ægrè tamen sibi Philosophiam tam sobriam homines nostri persuaderi patientur. Esse vero aliquos homines præ cæteris odorandi facultate aliqua præditos, è quacunque etiam causâ illud contingat, sæpe observamus, & notat quoque *Campanella de sensu rer. lib. 3. c. 8.* Plurimos vidi homines, ille ait, qui aliquam intrantes domum subito olfactu noscant, ubi oleum latet aut vinum, aut caseus, magis autem ignari, qui magis ista attendunt. Canum singularis in odoratu vis est, cujus miranda exempla recitat *Boilius in Exercitatione de naturâ determinatâ effluviarum*, quæ brevitatis studio omittimus. Canibus hæc parte similes dixeris Æthiopes illos, quorum meminit descriptor Antillarum Insularum Gallus, qui odoratu tam subtili præditi, ut vestigia etiam Æthiopis alicujus & Galli discernere potuerint, modo locum illum vix olfecerint, quâ inceserunt. Quod fieri posse, à *Petro Vallerio*, illustri illo peregrinatore, discimus *part. 1. Itiner. sup. p. 370.* ubi refert, quemadmodum sibi Arabiæ deserta peragranti adfuerint homines, nautæ officium in itinere terrestri exercentes, qui memoria tenentes omnia loca, aquas, vias breviores ac longiores, per periculosas arenarum vias deducebant, noctu stellas observantes, interdum signa quædam soli eminentis & depressioris, coloris herbarum, & odoris præterea beneficio optimè invenientes omnes vias,

vias, quas desiderabant. Quod cum verum sit, non, opinior, fabulis accenseri debet, quod ex Bava Batra producit *Wagenfeil in Sota p. 1019*. Mercatorem Arabem per deserti iter facientem glebâ naribus admotâ dixisse: Hæc via ad hanc urbem: ista ad istam producit. Quæsitum quam procul ab aquâ abessent, glebâ naribus iterum pertentatâ respondisse: octo miliaribus. Cum aliquandiu processissent, iterum rogatum tria millia indicasse: cumque glebam priorem clam ablatam novâ commutassent, decipitamen eum non potuisse, in priore responso perseverantem. Cui simile est, quod de cæco nauta narratur supra, in *Epistolâ de Metallorum transmutatione*, n. III. paulo ante fin. qui è terrâ bolidi mari immixtæ adhærente gustatâ nominare citra errorem potuit regionem illam, cui erat vicina navis. Quod prodigio pene simile videtur, odoratu & gustu deprehendi vias posse. In objectis odoratus etiam futura esse, memorabile & *Pyrodoxor* est. Quod de Vulturibus ajunt: præodorari illos posse magnam aliquam cladem. Cujus rationem rogatus Campanella ad sensum suum aëreum recurrit libr. 3. c. 18. Sed negato primo ejus principio evanescit ista subtilitas. Nisi à tenuissimis effluviis corporum in mortem vicinam putrescentium, qualia semper in integro exercitu sunt, id explicetur, nulla dari commoda ratio potest. Quæ fortassis anûs illius nares vellicare potuerunt, quæ fixis oculis intuens eum, quem morti fata destinarant, ac naribus auras captans toto octiduo funus præodorata est, de qua in *Act. Hæsn. vol. 2. observ. 117*. Odoris vires & effectus multi sunt & admirandi. Quis nescit tenuissimis effluviis eos propagatos, ubi nihil vident, aliquos percellere, qui naturæ instinctu ab istis abhorrent, ut morbos etiam contrahant. Quotidianæ sunt ea in re historia. Per odores morbis medicinam fieri posse, nemo ignorat. Quare consilium inibat *Magnus Pegelius*, quod proponit in *Thesaurò rerum suarum selectarum*, pag. 108. quomodo conclave aliquod aptandum, quod repleti posset, quo velis, aëre, fumo, halitibus juvenum vigentium & saluberrimorum, variis item liquorum, vegetabilium certis morbis medentium odoribus, ut peregrini aëris nihil accedat. Quibus corpus ægrum, dum respiratione perpetua quasi in spirituum suorum familiam adoptat salutares odores, sanitati restitui posse non dubitat. Video eadem etiam cogitasse postea Baconum Verulamium. Subtilissimi Veneficiorum magistri solâ tenui aliquâ aurâ contagium homini sano adstant. Effluviorum odororum vim mirabilis etiam pulvis ille sternutatorius ostendit, *Kirchero in Regno Magnetico suo vegetabili* deprædicatus.

De Gustu pauca dicenda restant, ad cujus naturam illustrandam pleraque illa pertinent, quæ de odoribus diximus. Ejus organon lingua

vulgo habetur, cujus mirabilem è papillis nerveis superficiem, in qua tota gustus ratio consistit, demonstrant Malpighius & Bellinus. Perficitamen etiam absque linguâ gustum posse, ex exemplo elinguis pueri superiori capite adducto pater, cujus ratio in historiâ ipsa legatur velim. Memorabile hic est & ὀδονόχου sapit, quod fructus haliocacabi dulcis vel levissimo digitorum, non vero oris & labiorum, tactu in abominabilem amarorem converti possit. Nisi id à salsugine quadam cuticulæ digiti adhærente, cujus cum partibus haliocacabi mistura id efficiat, deducamus, causam equidem dare nequeo, quam se ignorare ingenue fatetur singulare Germanicorum Philosophorum decus *Velschius, Hecatosth. 1. observat. 9.* Cæterum, tota illa saporum doctrina magnis adhuc difficultatibus premitur, nec omnia satis expedita, de quibus hic anxie disquirere nostri non est instituti. Admirabile est, effluvia illa tenuia corpusculorum sapidorum adeo inalterata sæpe in sanguinem, lac, carnes propagari, ut deprehendi vel gustu vel odoratu possint, ut pluribus ostendit *Boilius* in sæpius laudata *Exercit. de nat. determ. effl.* Quemadmodum & hoc miraculo pene simile est, quod refert *Ludovic. Guion. divers. Lect. tom. 1. lib. 2.* de puero à lupa nutrito, cui adeo in naturam lactis lupini effluvia abierant, ut capti postea sputum, si eo oves illinerentur, lupos fugarit. Multa esse ὀδονόχα effectuum à saporibus, multæ confirmant historiæ hominum absurdo appetitu & averfatione quædam vel desiderantium vel rejicientium. Quod *Cæsei conversationem* attinet, videri *Schockius* potest, *peculiari dissertatione* in eam inquirens. Potest & per saporum temperaturas medicina institui, ut cum aliqui gallorum Indicorum viperis pastorum carnes, aut eosdem aliorum gallorum carnibus pastos ad singulares affectus commendant. Norunt & Scholæ Apicianæ magistri singularia saporum vel commutandorum vel propagandorum Experimenta, è quibus incidit facerum aliquod delician-tis gulæ commentum. De M. Antonio de Comitibus refert *Erythraus Pinacothecâ primâ Imag. 32.* *Nulla unquam conditione adduci potuisset, ut ovum unum gallinæ, quæ in triviis & stabulis fimo aliisque sordibus impletur, sumum in ventrem immitteret; sed gallinas aliquot domi Martii panibus alebat, & cum amicus aliquis aut hospes salutandi gratia domum ad ipsum veniebat, par illi ovorum, quæ è gallinis suis acceperat, dono dabat, referens quo pabulo alerentur. O delicatas fauces! Tanti est sapere! Multa de gustu adhuc dici possent, sed nos è magno illo fonte delibamus quædam ut Canis è Nilo, & pauca hæc in gustum damus, utinam & ad palatum!*

CAP. V.

DE

Paradoxis Tactûs.

R Ejicitur ad ultimum locum sensus Tactus, qui ignobilior vulgo habetur, & quàm longissimè ab intelligentia distare creditur, cum tamen ad omnem sensum concurrat. *Organon* ejus aliis cor, aliis caro, aliis nervus constituitur. Sentimus autem toto corpore, quàm late tenduntur nervi, & spiritus animales membra movent. Ideoque *ἡ δὲ ἔκστασις* est, quod Digbæus *Tract. de Naturâ Corporum* num. 32. narrat de homine, qui labores omnes strenue obiens, res de loco in locum transferens, onus quodlibet portans, omni tamen tangendi sensu adeo vacuus erat, ut parietibus nec non veteramentis scrutisque, quibus versandis occupabatur, attritæ manus & sanguinolentæ essent, ipso interim causæ hujus ignaro. Cujus rei causam ille in spirituum animalium his in partibus nimia conspissatione reponit. Hinc quibus callus subjectam cutem armat, minus sentiunt, ac prunas interdum impune tenent manibus, vel eis inambulant. Quod de iis perhibetur, qui in innocentia suæ testimonium ferrum candens manibus versabant, aut aquis bullientibus eas immergebant, quod *Judicium divinum* sive *Ordalium* vocabant, id ad nos non pertinet. Censebant enim divino auxilio hanc *ἀναισθησίαν* corporibus induci, ut bonæ causæ esset documentum, quemadmodum potionem adulteræ exhibitam credunt linguâ ejus tactam amarescere Rabbini, cum per se amara non esset, immutante saporem DEO. Cæterum naturalibus mediis, ut *Æagropilæ* beneficio, aut characteribus, similibusque nugamentis homines *ἀναισθηταί* fieri posse, adeo ut & à vulneribus immunes sint, ipsam rerum naturam & fidem superat: quicquid etiam contendat, *Burggrafius* in *Achille* suo *panoplo*, cujus inania argumenta solide refutat, doctissimus *Naudæus* de *studio militari* lib. 1. num. 32. cui tamen temere non accredam, fabulosa esse omnia, quæ ea de re sparguntur, nec per dæmonum artem vel fieri posse vel facta esse. Dæmones certè *ἀναισθησίαν* corporibus illis inducere posse eâ parte, quam illi stigmate notarunt, è documentis fide dignissimis notum est. Quorum perquam multa videri possunt apud *Raimaudum*, libro de *Stigmatismo sacro, profano, & demoniaco*. *Objecta* Tactûs Corpora sunt: *Tangere enim & tangi, nisi Corpus, nulla potest res*, ut ait *Lucretius*. Oportet tamen illa nec tenuia nimis esse, nec mo-

le suâ mensuram organi excedentia. Quomodo Colores tactu deprehensi fuerint, in præcedentibus diximus. Morbos adeò per arteriarum pulsum deprehendere tactu norunt Chineses, ut statim causam eorum indicent, & sedem ac originem: quâ arte multum superari Europæos à Chinesibus judicat *Autor libri de Poematum Cantu*. Ego multum ineptis persuasionibus hic dari existimo. Nunc referam, quod de Ægyptiis narrat Georgius Sandius, qui ex unica terræ gleba totius inundationis, quam Nilus efficit, molem & terminos ponderant, atque ita quasi sub tactum reducunt. Scilicet terræ aliqua portio diligenter custodita die 17. Junii in observato augetur pondere, pro ratione fluminis. Illo scilicet die, quod & *Chambræus* notavit, libro *de Causis inundationis Nili*, nubeculæ quædam rosceidæ nitrosæ, fermenti instar, misceri aquis incipiunt, unde illæ turgentiores excursibus suis totam terram fœcundant. Quâ occasione in memoriam mihi revoco, quæ Rabbini de causis inundationis comminiscuntur, bellè hanc Chambræi narrationem illustrantia. Ajunt illi (referente *Wagenseilio Commentario in Soram*) *Deum circa solstitium dejicere guttam unam, pila magnitudine, ex aquis masculis* (ita vocant aquas superiores, rorem & pluviam, cum inferiores aquæ vocentur illis femininæ) *in medium Nilum. Istam vero guttam ita se habere, ut fermentum in massâ, unde omnes aquæ Nili efficiantur mascule. Illam verò guttam à Deo precibus Abrahami impetratam.* Sed hæc *ὡς ἐν πυρὶ ὁδῷ*. Objecta Tactûs si excedant impetu, lædere sensorium constat. Non desunt tamen exempla, ubi non lædant, sed juvent. Fuit Venusiarum Princeps, referente *Campanellâ Medicinal. l. 3. c. 5. art. 12.* qui alvum deponere non poterat, nisi verberatus à servo ad id adscito, cujus causam ille adscribit metui cogenti spiritum ad interiora, de quâ mihi tamen aliter videtur. Sunt qui ad sacra Veneris inermes accedant, nisi flagellis primùm & verberibus probè mulctati, cujus rationem erudito libello *Johan. Henr. Meibomius* inquit. Eâdem arte tauros à quibusdam in Venerem adigi perhibetur. De Effectibus, qui à Tactu proveniunt, tum in arte Medicâ, tum in aliis naturalibus operationibus, mira dici possent. De Regibus, qui tactu strumas & alios morbos curant, actum supra in Principe Medico, cujus causæ variz à Variis afferuntur. Fuit ante aliquot annos in Angliâ *Valentinus Greatreak*, robusto & sanguineo corpore & ad invidiam sano præditus. Is magnò cum successu omnis generis morbos solo tactu & frictione curabat: quorum historiam ipse singulari libro enarravit eumque illustri viro *Roberto Boillio* inscripsit. Nec defuerunt Viri præstantiores, qui multum istis curationibus tribuebant, easque testimoniis suis ornabant, quæ ille libro suo adjecit. Vel singularis aliqua vis medica effluviis ejus fuit, vel persuasioni multum datum est cui *Cl.*

Willisus

Willisus eam, quæ sit à Regibus, & prole septimâ masculâ, curationem adscribit. Quales verè factas fuisse, ipse testatur *Anat. Cereb. c. 20.* & *Loffius* quoque *observ. Med. l. 1. observ. 34.* Observat. *Borellus cent. 2. observ. 91.* esse homines, qui naturali virtute morbos fugant, ac recitat ibi exemplum, solâ brachiorum frictione febres curantis. Notat *Henricus More* in *Dissert. de Enthusiasmo*, Enthusiastas naturaliter posse tactu curare, quod spiritus Melancholicorum aliàs graves & ponderosi extraordinario calore subtilitati Elixiri alicui Chemico similes sint, in operationibus. — De qua ratione Chemici viderint. Nos fieri posse credimus, ut contagia aliqua dentur salutaria, uti dantur venenata. De Soldano Combarensi refert *Ludovicus Bartema*, eum salivâ, continuo venenorum usu infectâ, hominem interficere potuisse, modò saliva corpus nudum tetigerit. Fortassis & optimorum antidotorum usu contraria natura inducetur. Cardanus certè vim illam medicam Regum Galliarum continuo aromatum esui, adscribit. Quam rectè, nunc non disputo. Empiricos Brasilienses miranda præstare tactu, frictione, suctione, testis est *Cass. Barlaus descriptione rerum in Brasiliâ gestarum*, cujus causas ingeniosâ dissertatione indagat *Boilius lib. de usu Experimentalis Philosophiæ sect. 2. c. 15.* Fuit Faber ferrarius, qui demulso stomacho vomitum excitare, ventre attréctato alvum laxare, lenire etiam arthritidem, aliosque dolores, palpando partes affectas, potuit: testibus Actis Anglic. mense Majo, Anno 1666. Aliqui feliciter scopis setaceis arthriticos dolores leniunt, si singulis diebus corpus aut partes affectas iis percurrant. Quod sane everrere morbos est. Incredibilis planè Tactûs etiam indistans operatio est per minima & insensibilia effluvia à Torpedine pisce. Piscatores affirmant, vim istam stupefacientem Torpedinis per funem retis & hastam fuscinae transire in manum & brachium operantis. Ejus experimentum cepit *Fr. Redus*, qui in *Experimentis naturalibus* suis hæc commemorat, vix se piscem illum manu constrictum tetigisse, cum formicare manus, brachium & humerus cœpit, cum tremore usque adeò fastidioso, & dolore acuto in mucrone cubiti, ut statim manum abducere coactus fuerit: vim tamen illam stupefacientem sensim, cum ipsâ vitâ exspirasse. Si jam Magorum scholas adimus, multa nobis obveniunt prodigia è contactu illo occulto spiritali. Huic fundamento superstruuntur morborum transplantationes, operationes sympathicæ, Magnetismi, de quibus multa à nonnullis collecta sunt plurimam partem fabulosa & superstitiosa. Sed ego hæc

— — melius non tangere clamo.

Poteramus plura in sensibus tam externis, quàm internis, ~~et~~ *ἑδοξα* venerari, sed nos hic pedem figimus. Magna sunt Sensuum mysteria: majora Men-

Mentis, quæ illis internunciis & apparitoribus utitur. *Hanc in ipsa domo sua hospitem vix noscimus: vicinissimam eminus vix videmus. Sensibus ipsis fallimur, ad lucem & colores cæcutimus, in sonorum natura pervestiganda obmutescimus, in odoribus captandis non satis emunctæ naris sumus, in saporibus parum sapimus, ad cælum stupemus, ac ipsos sensus nostros vix sentimus. Quod summum nobis esto, sed verissimum, Τὸν ΠΑΡΑΔΟΞΟΝ ΠΑΡΑΔΟΞΟΝ.*

ΕΠΙΜΕΤΡΑ.

1. Affectus non sunt opiniones.
2. Non datur ἀνέγνα.
3. Non dantur virtutes nobiscum congenitæ.
4. Ad generationem virtutis non sufficiunt actiones bonæ.
5. Non quivis homo Ethices auditor esse potest.
6. Joci & ludi quoque aliqua virtus est.
7. Non statim ille, qui virtuosa agit, virtuosus est dicendus.



STENTOR
ΥΑΛΟΚΛΑΣΤΗΣ,
five

DE SCYPHO VITREO

per certum humanæ vocis so-
num fracto

ad

DN. JOHANNEM DANIELEM MAJOREM,
Professorem Medicum Celeberrimum, Primarium,
Collegam honoratissimum,

DISSERTATIO,

quâ soni natura non parum illustratur,

Editiô altera priori longè auctior.

PRÆFATIO

BENEVOLUM LECTOREM.

A Nte hos decem annos, & quod excurrit, de Scypho vitreo, per certum humanæ vocis sonum fracto, (cujus ego experimenti, sanè rarissimi, spectator fueram) Epistolam in lucem edidi, instigante Viro Clarissimo, Collegâ meo honoratissimo Dn. JOHANNÉ DANIELE MAJORË: cujus voluntati libens tum obsequi volui, ut ut non eâ doctrina instructus, quam ad naturæ arcana excutienda ingeniosior aliquis requirât. Etsi autem non istâ finî scripseram, ut me in his studiis efferrem, quibus seculi hujus ingenia omni contentione incumbunt: non defuerunt tamen Viri Clarissimi, quibus tenuis hæc opella nostra non probata tantum, sed & impensius, quam merebatur, laudata fuit. Eodem anno, nescio quis, (nomen enim non apposuit) in Linguam Belgicam converterit, ad Amstelodami edidit, interspersis passim notulis, satis quidem concinnè, nisi quod in nonnullis mentem meam non satis affecturus, & in ipsâ experimenti historiâ de fracto per sonum diapason vitro, dissentiat; quâ de re in ipsâ Dissertatione pluribus agetur. Prodiit hinc Celeberrimi KIRCHERI Phonurgia, Opus, quo varia circa sonum experimenta insituntur, & ab aliis notata, examinantur. Illic & hujus experimenti & Epistola nostra honorifica quidem mentio facta; sed tamen de rei veritate subdubitare videtur, cum ait: Causam hujus rei anxie sanè inquirere conatus est eruditus Vir, Daniel Georgius Morhofius, in opusculo supra citato. Sed adhuc sub iudice lis est, compluribus id tentantibus quidem, sed non cum eo, quem sperabant, successu. Putat itaque Vir Cl. in vitrei vasis amplitudinem, capacitatem &c. amplius esse inquirendum. At verò nullâ hîc dubitatione opus erit: ut appareat, non satis attento animo illum legisse Epistolam, in quâ historia omnis tam accuratè recensetur, ut nulla falsi species subesse possit: præterea & testes fide dignissimi laudantur, Viri Clarissimi, ad quos notitia hujus rei jam ante pervenerat. Ac laudat sane KIRCHERUS ipse aliud quoddam opusculum de eodem Experimento: Prodiit, inquit, non ita pridem in Bataviâ opusculum de ventricosæ ampullæ vitreæ rupturâ, sono vocis causatâ, inventore quodam Amstelodamensi Haslurgo, Opifice Vitriario. Quis ille Haslurgus, Quale opusculum hoc sit, cum ignarissimè scio. Non potuit omni curâ mea indagari libellus iste, qui, ut ex anno edita Phonurgia Kircheriana conjicere licet, post Epistolam meam prodiit, & unquam, (nam dubitandi cau-

sa est) lucem affexit. Neque enim Haslurgi illius nomen tum, cum Amsterodami viverem, mihi innotuit, neque post ab amicis, quibus id negotium dederam, investigari potuit. Ibi cum omnes exteri tum salutabant vitrorum expugnatorem Petterum. Imò si fuit aliquis Haslurgus, Opifex Vieriarius, inventor ille huius experimenti non fuit, cum dudum ante hunc Petterum & aliis idem feliciter tentatum fuisse in Dissertatione meâ notaverim. Fuerunt & alii, qui in Dissertationibus Physicis suis passim huius epistola nostra mentionem fecerunt: ac ante biennium Bononia sermone Italico librum de Sono & tremoribus Harmonicis doctissimus Vir, ac pluribus scriptis argutissimis literato orbi cognitus, DANIEL BARTOLI, è Soc. Jesu, publicavit. Qui opportunam illis in hoc experimentum inquirendi occasionem nactus tratt. 3. cap. 8. omnes in partes illud versat, & compluribus aliis tum ratiociniis tum experimentis illustrat, bonâ quoque eorum parte, quæ in Epistola nostrâ habentur, adducta; in quâ tamen aliquid desiderare visus est: nam rationes è principis Philosophiæ Democriticæ adductas fastidit. Sunt verò hæc ejus verba: Io havea scritto fin qui, nè altro mi rimaneva che aggiugnere: quando mi si die', dopo lungamente cercatolo, à vedere un trattato, sotto nome di Lettera di Daniele Georgio Morhof. de Scypho Vitreo per certum humana vocis sonum rupto. Lettolo avidamente, ne giudicai dotto l' Autore, e l' opera piena d' eruditione e d' ingegno. Vidi in essa hauerui del favorevole; e del contrario a me, oltre al filosofare, ch' egli adopera, didotto da' principi d' un tal moderno sistema Democritico riformato, che a me non va punto pel verso. Huius Viri elogium ut non parum afficior, ita candidam ejus censuram non subterfugerem, si nos docere reſtiora posset Vir Clarissimus. Neque enim ullâ mentis contentione explorari causa potest, quæ nos veri alicujus umbrâ pascat; nisi ad minutissimas corporum particulas, earum texturas, pororum figurationes, aeris, aut materia subtilioris elaterem confugiamus. Quæ tamen omnia ad soni & tremorum harmonicorum rationem requiri ipsa ratio dicitur. Cum enim nullo tono clamantis dissono, utut validissimo, commoveri ad sonum vitrum possit, consono autem, etiam leviter impellente, sonet, & intensiore frangatur; non impulsu externo, sed interiorum vellicatione particularum, per undulas æreas vocis humane, certo occultoque aditu admissas & sonum formari, & vitrum frangi apparet. Qui alio quam consono tono vitrum se rumpere posse putat, na is fauces sibi & guttur citius ruperit, quam vitrum. Nam quod Daniel Bartoli clamore etiam dissono Scyphi vitrei orificio impacto, illud confregerit, id puto alia ex causâ, nimia scilicet vitri tenuitate, aut non satis solidâ compaginatione, orsum. Qualia vitra, præsertim tenuiora Veneta, eo enim usus fuit, vel ad occursum æris frigidioris dissilire possunt. Ipse quidem non ignoro, in causarum inquisitione, ad has ratiunculas, & minimorum sicut, nexu, figura petitas, multos tanquam ad sacram ancho-

ram confugere : qui tamen his argutiis nibilo plus saepe praestant, quam formis suis & qualitatibus Peripatetici, & majore in illis jactantia & ostentia, quam operâ versantur. Sed tamen non relinquenda omnino est illa sensuum via, soloque ingenio standum. Sequi enim naturam, quousque licet, oculorum acie debemus, ingenii acie, ubi oculi fallunt, in subsidium vocata, qua tamen alteri illi sensuum via sit *παράδοξα*, & natura deficientis vestigia eodem gradu insequatur. Falsus itaque omnino est Vir doctissimus, cum negat componi vitrum ex armillis rigidioribus, quae è compressione frangi possunt, ut in Epistola meâ scripseram : nam ipsa rei evidentia ostendit, non aliis, quam talibus particulis vitrum concre- scere : cum in fila tenuissima rigida, per se, sine sufflatione extendi in officinis vi- deamus. Flatus vero artificis illas armillas, in latitudinem praterea quandam, diductas, peripheria globi istius aërei, per impulsam in orbem continuum moti, sibi mutuo impositas, quasi circumponit, & certam tum particulis vehementiâ flatus & tenuitate expansionis configurationem, tum toti vasi figuram, & qua haec omnia consequitur, tensionem & sonum largitur. Vm cerd sensibus suis faceret, qui imaginaria hac & commentitia haberet : cum ita rem se habere vel microscopiis aliquâ ex parte deprehendi possit, & quae visui impervia, intelligen- tia vi colligimus, necessario cum sensibilibus nexu copulentur. Nulla itaque cau- sa est, quae à ratiociniis, quibus in Epistola meâ usus eram, me dimovere possit, debeatve. Permotus ergo hac occasione fui, ut denuo auctiorem hanc dissertatio- nem ederem, praesertim cum dudum distractis prioribus exemplaribus, illam saepe flagitarent amici, & Vir Cl. Frommannus in operoso illo de Fascinatione volumine lib. 3. part. 3. sect. 2. cap. 3. §. 4. de ejus raritate queratur. Ne autem longior pro modo Epistola, post accessiones istas, videretur dissertatio, in capita, tribuimus, singulisque lemmata sua praeissimus, ut in oculos omnia distinctius incurrerent. Vale, Benevole Lector, &

— Si quid novisti rectius istis
Candidus imperti, si non ; his utere mecum.

Dab. è Museo meo, ipsis Kal. Decembr.

A. cl. Lc LXXXII.

CAPUT I.

Occasio hujus Dissertationis. Historia Experimenti Petteriani. XXV. Scyphi dimidia hora per sonum fracti. Scyphus bis fractus. Petteri ars luctatoria. Affectatio variarum vocum. Testes experimenti *durini*, M. Dux Erruria. Thevenotius. Experimentum Societati Regia Anglica propositum. Experimentum novissimum. Tuba sono vitri sonus provocatus. Non facile frangitur. Tibiæ sono cur non afficiatur? Mistura tonorum in vitro. Porciuncula orbicularis è vitro excussa. Aditus ad investigationem rationum.

Cum non ita pridem inter nos sermo incideret, de Vitro sono vocis humanæ fracto, cujus ego rei nuper *durini* testis fueram in Belgio, peteresque, Collega honoratissime, ut experimenti rarissimi historiam accuratè consignarem; lubens voluntati tuæ obsequi volui: eoque cupidius, quò me & mutua, quæ inter nos est amicitia, vehementius impellit, ac ista rerum naturalium studia, quorum ego suavitate mirificè afficior, blandius invitant. Ab ovo itaque rem omnem ordiar, nihil prætermitturus eorum, quæ vel fidem facere experimento, aut lucem causæ, si in eam inquirere animus fortè sit, afferre queunt.

Cum Amsterodami viverem, perveni ad notitiam *Jodoci Plumeri*, qui celebris ejus loci bibliopola est. Is primus, nescio quâ datâ occasione, de Oenopolâ quodam, *Nicolao Pettero*, habitante in plateâ, *de Princen Gracht* dictâ, sub insigni *in de Gustavsburg*, qui Scyphos vitreos voce suâ frangere possit, mihi narrabat. Cum mirum id mihi ac insolens videretur, utgere Bibliopolam non destiti, ut me ad hominem illum deduceret. Deduxit: cumque de experimento me præsentem faciendo rogaret, produxit ille scyphos aliquos ventricosos vitreos pedibus nodosis, quos vulgò *Römer* vocamus, sed qui pintæ mensuram non excedebant. Eligebam ipse, (quod voluit, ne forte dolum subesse suspicaret) aliquem, qui validissimus mihi videbatur. Tum is, explorato primum ejus tono mihi tenendum porrigebat, oreque mediæ parti admoto, voce, quæ ad diapason (ut tum mihi videbatur) vitri superabat tonum, insonabat. Consonabat statim vitrum penè ad stridorem usque, & tremorem manus mea sentiebat. Quam cum ille vocem non interruptam longo pneumate continuaret, cum strepitu frangebatur vitrum, ita quidem, ut ruptura orbicularis obliqua per ventrem scyphi ipsosque pedis nodos ex adversâ oris parte transiret.

Daniel Bartoli, qui in libro *del Suono tratt. 3. c. 8.* idem experimen-

tum proponit, ait, se Cornelio Meiero Belga periculum faciente, observasse: voce intra quatuor plausus musicos continuata, rupturam insecutam. Qui vocem tam validam non habet, ut ad hanc mensuram sine variatione extendat, eum frustra laborare judicat.

Succedebat Pettero & in aliis scyphis res. At mihi idem tum tentanti, cum vox esset obtusior, atque ob affectationem varia & inconstans, defuit eventus. Sæpe accidit, ut, cum clamore ad stridorem usque provocarem vitrum, illeque instaret, ut ulterius vel tantillum vocem producerem, (jam enim proximam rupturæ momento dicebat) spiritu me subito destituyente, omnis labor in irritum caderet.

Facile tum videbam in quo experimenti ratio consisteret, quod & ipse non negabat Qenopola, in æqualitate sc. soni, quam quidem adeo accuratam requiri ille aiebat, ut si vel commate integro, aut dimidio variaret, irritus futurus sit effectus. Ille vero diuturno usu ita vocem moderari didicerat, ut nunquam eventu frustraretur. Habebat & filium, qui idem præstare poterat, & quidem expeditius, cum vocem haberet acutior.

Convenerunt in ædibus ejus Viri quidam nobiles, (ut interprese pistolæ mex Belgicus in notis suis memorat) d. 16. Jan. Anno 1672., qui de XXV Scyphis à Pettero intra unius horæ spacium per vocem frangendis, sponsione se laceSSiverant, eumque rogarunt, ut vires & latera sua tentaret. Tentavit ille, vixque hora dimidia elapsa erat, cum omnes illi XXV scyphi vitrei vocis telo prostrati jacerent, quæ vel integræ officinæ vitriariæ stragem inferre potuisset. Quasi scilicet (ut Jcti ajunt, nihil magis naturale esse, quam ut eo modo solvatur, quo ligatum aliquid est) natura ita sapienter hoc ordinavit, ut vitrum, quod flatu artificis illam formam acquisiverat, solo spiritu domari & confringi possit.

Illud vero memorabile est, quod apud Danielem Bartoli loco suprâ laudato legitur: Cornelium istum Meierum, qui semel scyphum vitreum voce fregerat, residuum istius scyphi iterata voce frangere potuisse. Quæ certè vis fauces validissimas requirit. Nam ut Autor ille ait: Non omnibus datum est vitra fracta denuo voce frangere: nam major vocis contentio requiritur; & deprehendi ipse debilem admodum sonum in vitri talis frusto, cum clamore consono laceSSerem.

Sunt quotidie quos curiositas videndi experimenti ad Petterum illum invitat, qui præterea artis luctatoriæ peritissimus est, cujus ille principia accuratè deducta singulari libro nunc exhibuit. Potest & adeo diversas uno eodemque pene tempore voces edere, ut sex, septem in uno conclavi inter se vel eadem vel diversis linguis rixari aut confabulari jures, si ignarus

rus foris auscultares. Pervenerat ejus fama ad Magnum Etruriæ Ducem, cum apud Batavos hospitaretur, qui ad se vocavit hominem, nec sine lauto munere, postquam omnia demonstraverat, dimisit. (*Quæ epistola mea prioris verba Joannes Cinellus in Bibliotheca sua volante, uti vocat., Florentiæ Anno 1677. editâ, excerptis, eo ipso testimonium narrationis meæ veritati perhibens.*) Testis itidem ætatis aliquando fuit illustris Thevenotius, sagacissimus omnium naturalium & mechanicarum artium scrutator, quarum ipse Pandectas à se aliquando edendas meditabatur.

Accidit postea, cum in Angliam navigans Viros illustres clarissimosque è Societate Regiâ compellarem, Roilium inprimis & Oldenburgium, ac mentionem ejus experimenti facerem, Cl. Dn. Oldenburgius ad Societatem deferret: in cujus illustri consensu, cum aliquando admitterer, rem omnem exposui. Decretum itaque fuit, ut ejus veritas exploraretur: sed, ut rescivi, res non successit: fortassis quod non omnia requisita observarentur. Tentavi & ipse aliquoties, sed irritò semper conatu, donec tandem in vitro tenuiori responderet eventus.

Novissimum deinde experimentum feliciter cessit in calice è tenuiore vitro Brabantico confecto; qui è formâ inferius cylindricâ, superiori parte in convexum crescebat. Extremitas ejus oræ circulus è vitro albo opaco circumponebatur. Observabam vero in extremo margine vitri, infra circulum illum album, fissuram aliquam tenuem, sed superficiariam, qualis forte acutiore vitro aut gemmâ imprimi poterat, quæ tamen nullatenus impediēbat vitri sonum. Cum itaque sonum eadem voce *ὀμοτῶς* lacefferem, ubi diu fauces valido clamore exercueram, tandem cum minimè expectarem, sensâ æqualiter aliquando voce, non usque adeò sonarâ & fortis, frangebatur vitrum, ut rupturæ initium à fissurâ illâ primum rectâ lineâ procederet, hinc vero ad latus flecteretur. Quo argumento patet interiorum particularum inter se luctantium motus, quæ erumpere parant, modo viam invenerint, quæ illis per hanc fissuram aperta fuit.

Cogitavi etiam, annon tubæ sonitu citius, quam voce rumperentur, scyphi vitrei. Feci periculum: sed vel è viginti scyphis ne unus quidem fuit, cujus diapason assequi potuerit tubicen. Infusâ itaque aquâ tonum moderabar, ut facilius assequeretur. Ac vidi aquam in vitro modicè sonante leviter crispatam, cum eodem tono sonaret tuba: cum in dissonos tonos incideret, nec movebatur aqua, nec sonabat vitrum. At cum diapason sonaret, & tremorem in vitro clarè sonante sentiebam (nam manu tenebam): aqua vero tanto impetu concutiebatur, ut per totam mensam guttulae profilientes spargerentur. Et credo fractum fuisset vitrum, si diutius in tono illo subsistere potuisset tubicen; nisi forte aquæ nimia dissipatio
vitri

vitri tonum variasset. Videbar & ad tonos harmonicos aliquem in vitro tremorem persentiscere, sed exiguum.

Tentavit idem cum tubâ experimentum Daniel Bartoli, ac deprehendit, longè fortius sonare vitrum, ad tubæ sonum æqualem, cum manu teneretur, quam ubi filò suspenditur: nunquam tamen ruptura subsecuta est. Putat enim cum vitrum vibrationibus tracheæ vicinior est, majoribus percussionibus feriri, quam cum flatus oris per tubam distenditur. Sed hæc de re vix aliquid definiri potest, cum ægrè reperiatur tubicen adeò validorum laterum, ut per quatuor plausus Musicos distendere spiritum æquali ratione possit, licet invenerit vitrum, cui æqualis in tuba tonus respondeat, qui non semper est in potestate artificis, ob intervallorum saltus, & minimâ flatus variatione ortos.

Cum tibiâ sonarem, ægrè sonum aliquem in vitro deprehendebam: quoniam spiritus nimium est tenuis, & per varios exitus quasi discerptus, ut nec valide satis, nec rectâ ferire vitrum possit. Accidit tamen aliquando, ut ad aliquem tibiæ tonum, sonus quidam æqualis, sed subordinatus (si ita vocare licet) ac secundarius in vitro responderet: cum non audiretur princeps totius vitri sonus. Quod mirum mihi visum est: potuisse aliquas superficies inæqualis crassitie vel compactionis (inde enim soni diversitas in vitris est) seorsim ita percelli ab aëris motu undulatorio, ut non consonarent reliquæ partes. Contra verò primarius vitri tonus nunquam audiebatur, quin consonaret alter ille sonus subordinatus, licet exilior, qui & variato præcipuo vitri per aquam infusam sono, eâdem proportionem variabatur.

Ex ista inæquali crassitie aut compactione est, quod nonnunquam variè sonat in diversis partibus scyphus vitreus, aut impurum edat sonum, quando duo soni audiuntur æque validi. Quo casu qui clamore rupturus erat vitrum, tonum superiorem eligebat. Ab inferiori enim non frangebatur. Cujus ego causam existimo, quod in acutiore sono fortior aëris vibratio movendis in vitro particulis, eoque rumpendo magis idonea.

Memini narrare mihi filium istius Oenopolæ, sibi clamanti aliquando rotundam portiunculam è medio vitro in os profilisse. Quod nulli quidem causæ, quam inæquali crassitie, ut mihi videtur, adscribi potest. Potuit enim rotunda illa & tenuior vitri portiuncula per validam concussionem particularum vitri totius quasi elidi.

In reditu meo, cum Amsterodamum transirem, iterum Oenopolam adii, & mecum amicos duxi, ejusdem rei videndæ desiderio ductos. Qui non sine admiratione aliquot scyphos vitreos eodem modo confractos viderunt.

Habes, Collega honoratissime, quæ de hoc experimento observata mihi

mihi fuerunt, digna utique accuratiores aliquâ consideratione: non parum enim illustrant nobilem de sonis corporum doctrinam, cui explicandæ tam præclara insudarunt ingenia. Hujus Phænomeni rationes inquirere operæ pretium est, quas te quidem præcipere (quæ ingenii tui sagacitas est) non dubito; ut ineptus fortassis videri queam, si apud Te, accuratissimum rerum naturalium indagatorem, de rerum causis ratiocinari, ac in tuo foro sapere animum induxerim. Sed confabulemur aliquantum: quandoquidem parva & chartæ & temporis jactura est: humanitas verò tua vel nuganti, ut spero, veniam dabit.

CAP. II.

Vitri tanquam subjecli consideratio præmittitur. Ejus natura, fragilitas. Quæ sit ratio ductilitatis in metallis. Humore metallico sublato vitrificantur metalla. Humore alieno rigidis metallis ductilitas collata. Exempla adducta. An detur Vitrum malleabile. Cornuum & Vitri Muscovitici à nostro diversitas. Campanella consilium de vitro malleabili reddendo. Vitrum nostri temporis malleabile è Velschio. Vitrum per liquores chemicos flexibile redditur. Catena vitrea impune terra illisa. Alex. Tassoni de Vitro malleabili sententia. Monconisi & Fallopii modus, quo vitrum redditur flexile. Novum inventum de ossibus emolliendis. Aliud de lignis, feno &c. in pulvem vertendis. Vitra cum carnibus coctæ eas emolliunt. Vitra Medica. Vitrum absque igne paratum. Memorabilis historia de aqua per pulverem inspissatione, & de gemmis ex aquâ confectis. Aquarum in lapides vulgares conversio, inventum Anglicum. Crystallus an ex aqua? Montes Crystallini in Helvetia. Crystalli in locis subterraneis ipsorum montium inventi. Aqua gutta, pili, fessacea, crystallis inclusa.

Primum itaque vitrum, ipsum hujus Phænomeni subjeclum videamus, quod P. Cherubinus in libro Gallico, de Impermeabilitate Vitri, penè in cælum laudibus extollit, cum summo naturæ opificio, auro scilicet, hoc artis humanæ magisterium in contentionem adducens. Est vero corpus, ut notissimum est, ex arenâ, cinere & sale summâ caloribus vi, per colliquationem compactum, jam crassius jam subtilius, prout vel arenæ & silices, vel sales & cineres variant, de cujus primâ inventionem variâque misturâ pulchrè Plinius lib. 36 c. 26. Aliquo humore constat, cum liquetur, sed modico ac tantillum viscoso, æqualiter tamen diviso. Unde ob siccitatem talem rationem plexus sortitur, quæ ductilitatem ac flexibilitatem vix admittit, estque fragile. Ductilitas enim humidum admodum pingue requirit.

Exemplum in plumbo est, quod ductile est, quam diu humor ejus durat. Simulac autem vitrificatur; & humor perit, & ductilitati fragilitas succedit. Videas & in argento vivo, quod per vaporem plumbi fusi leviter coagulatum vel solum lini oleum, si per tempus aliquod imponatur, malleo parere docet. Eandem ob causam ferrum mollescit, paulatim butyro vel oleo immersum, induratur verò, ubi urinæ & aceto immerferis. Idem è venâ recens facile liquatur, & instar aquæ decurrit, sed ægre funditur, ubi semel conflatum est: non parum enim humoris primâ fusione decesserat, remanentibus crassioribus particulis, quæ mollescere quidem flammis possunt, non verò ad fusionem disponi.

Videmus, cum mineræ metallicæ funduntur, partes sicciore, nullo humore metallico imprægnatas, quas scorieas vocamus, quæque ad vitri naturam quodammodo accedunt, supernatantes. Illæ ubi frigore induruerint, fragiles existunt. Aqua fortis stanno affusa indeque iterum abstracta, ita obdurat stannum, ut fundi vix possit, ac vitro candido simile fiat. Cujus rei causa salis nitri adscribenda est, quo aqua fortis constat. Nam admistio salinarum particularum fragilem ipsi naturam induit. Hujus aut similis forte naturæ fuit Belus ille Phœnicæ fluvius, cujustum Plinius, tum Josephus meminere, qui arenam in vitrum commutavit: quæ arena vitrea postea alia quoque metalla, quæ attigerat, in vitrum convertit.

Ex adverso è ferro metallum formari potest, quod ad ferri naturam non redit, sed tantò ductilius est, & coloratius, quanto magis igne liquatur violento, ope cæmenti alicujus sulphurei, quod nova pinguedine ferri partes imbuat, separatque molliores partes & coloratas à rigidioribus. Quod experimentum sanè memorabile refert è Ferdinando Bouvota Berigardus in Circulo Pisano *part. 4. circ. 25. p. 314.*

Est itaque potissimam partem à sale fragilitas Vitri, cujus particule rigidiores sunt, quam ut ad flexionem corpus aliquod disponant. Quamquam salem dari flexilem posse experientiâ suâ testetur Cl. Borrichius libro *de Ortu & progressu Chæmiæ*. Quare non sine causâ dubitant Merretus in *notis ad Antonii Neri artem vitriariam p. 268.* & Honoratus Faber *Tract. 7. Physic. lib. 2. prop. 68. num. 3.* an dari vitrum aliquod malleabile possit, ac fidem historiæ in dubium vocat. Quod cornua, ungulas, similiaque corpora attinet, ea quidem quâ perspicuitatem, vitri formam præ se ferunt, sed earum perspicuitas à vitreâ multum differt. Imo ipsum vitrum Muscoviticum ab aliis vitris arte factis diversum est: cum colliquabilitas, & friabilitas his competat; illud verò fissile sit, atque combustibile: cujus texturæ diversitas vel ex eo patet, quod colores per laminam, si crassior sit, non appareant. Nam cum inordinatior ejus corporis compages sit, tam

tam tenues lucis modificationes facile confunduntur. Ne quid dicam de sono, qui diversitatem texturæ statim prodit.

Quod historiam de vitro malleabili attinet, ei ego fidem temerè non derogaverim: nam aliud planè vitri genus fuit, ut rectè sentit loco laudato Horrichius, metallicum scilicet. Et sanè si verum est, haberi posse unctuosum illud metallicum, summè perspicuum, viscosum & incombustibile, quale jactant magni arcani Physici possessores, non equidem absurdum fuerit, illud ita admiscere materię vitreæ, ut malleo obsequatur etiam frigefacta. Quod unicè hæctenus metalla, præcipue præstantiora faciunt.

Campanella sanè in *Quest. Physiolog. quest. 3. art. 8.* conjiciebat: Si quis liquefactum vitrum Mercurio vel plumbo vel stanno liquefactis, nosset incorporare, illum posse fortassis etiam vitrum ductile ac flexile efficere. Quod verò perspicuitatem attinet, ne illa amittatur, ita rem institui posse existimat: Si metallum illud per calcinationes, sublimationes, & admistiones aquarum lavaretur, (posse enim opacum dilutum perspicuitatem assumere judicat, ut saccharum post liquefactionem in aquâ siruporum redditur transparens,) e. g. si quis Mercurium sæpe lavaret, & ne exhalet, argenti scobe, vel liquore conglutinet, & vitro fuso incorporaret, perspicuum & ductile fore corpus autumat. Ita quidem Campanella, qui vereor ne spe sua frustretur. Me enim judice, his lotionibus suis laterem lavaret, & omnes suas fornaculas citius rumperet, quam vitrum fragilitatem dederet. Male enim istis omnibus inter se convenire quilibet videt, neque hac via quicquam effici, nisi aliâ arcaniori arte Mercurius præparetur.

Interim tamen & nostro tempore non usque adeò ignotum Vitrum malleabile, quanquam non constet quâ arte paratum. Testis est ille Medicorum Germanorum ocellus Velschius *Hecatostea I. Observat. Physico-Medic. Obs. 42.* vidisse se Vitrum durissimum Chemicâ arte productum, quod nullo modo diffingi poterat, opus Serenissimi Principis Sigismundi Electoris Brandenburgici, cujus exemplum ad Philip. II. Ducem Pomeraniæ olim detulit Philippus Heinhoferus, raritate eximiâ celebratum.

Cæterum & flexilitatem vitro aliquam parari posse absque arcani elixiris ope facile concesserim: nec desunt experimenta. Narratum mihi à fide digno Viro est, fuisse in aula Regis Poloniæ Casimiri Italum quendam, qui certo quodam spiritu vitrum frigidum ita subigere ac emollire noverat, ut nummos ex eo ac imagines formare, & quaslibet imprimere formas potuerit. Ac audiivi cum Londini commorarer, esse in Angliâ, quibus idem cognitum sit artificium. Verum id postea priorem fragilitatem recepit.

Patet tamen hinc non usque adeò impossibile esse vitro dare flexilitatem. Meminit Cardanus aliquo in loco catenæ è vitro confectæ, quam

viderat impune terræ illisam. Sed flexilem fuisse non apparet. Putat & Alexander Tassonus, Vir doctissimus, in libro qui inscribitur *Pensieri diversi lib. 10. c. 26.* non esse tantam vitri flexilis inveniendi difficultatem, ac ab artificibus vitriariis Italis brevi fortassis in lucem protrahendum, quod tamen hunc usque in diem factum non memini. Docuit quidem etiam Monconisius in *Itinerario part. 1. p. 42.* quomodo flexile vitrum fieri possit: scilicet, si molliatur aquâ aluminis, ac intus & extus allio illinatur. Sed vereor ne & hoc cum plurimis illic aliis congestis vota nostra fallat. Qui enim hoc postumum ejus Viri opus ediderunt, sine discrimine collectanea illa publicarunt, quorum fortassis accuratorem delectum instituisset Autor, si supervixisset. Varia quoque miscere docuit Gabriel Fallopius *lib. 3. secretor.* ad vitrum emolliendum, aquam ex adipe pedis equini, ejusque nervis & ossibus distillatam, sanguinem hircinum, anserinum, quibus vitrum candens immersum, vel coctione maceratum, mollem formam acquirat; quorum experimentum ipse non feci. Neque tamen planè à vero alienum est, posse Vitri partes à liquoribus certis corrodi & subigi, ut ex iis, quæ infra dicentur, patebit: cum & durissima ossa, intra vas arte nova nunc paratum, solâ cum aquâ coctione, ad mollitiem gelatinæ attenuari possint. Quod in culinæ & rei familiaris commodum, in fraudem vero canum, inventum, superiore anno ex Angliâ prodit. Neque tamen adeo novum hoc videri possit, si vera sunt, quæ inter secreta Collegii Rosiani Petrus Mormius Anno 1630 prodidit. Is in libello magnifici tituli: *Arcana totius naturæ secretissima, nec unquam hætenus detecta p. 45.* in arcano contra famem hæc habet: *Sed & si penuria ingravescat, ipsa ligna, palcas, stramina pervia, concoctioni reddimus, ut pulres ex eis confecta sufficienter nutriant.* Majus & incredibilius quid ille pollicetur cum ista alienissima ad palatum hominum accommodat & vel lapides, ut puto, vorare nos docebit. Sed hoc arte spagyrica illum effecturum credimus, nisi promissoris hic hiatus corvos deludat hiantes.

Id vero fidem excedere videtur, quod aliquibus traditur, vitrum per se rigidum, si cum carnibus coquatur, illas emollire posse. Testatur tamen id Berigardus *Circulo Pisano part. 2. circ. 27. p. 534.* licet causam ejus rei ignorare se profiteatur. *Non est dictu facile, inquit, quid emittatur à vitro coniecto in ollam, in quâ coquuntur carnes: tamen sapius vidi carnibus admisceri tres aut quatuor pedes scyphi vitrei, & tunc eas coqui multo facilius.* Ac certè si vitra metallica tot ignibus torta tam mirabili modo vires suas dispergunt, ut Antimonii Vitrum: quis credat omni etiam virtute vulgaria illa destitui vitra? Velschius loco supra citato multa de Vitro Ægyptio Regio, quod Arabes in Medicinam adsumpsere, commemorat, cujus ille virtutes à nitri Nilotici in arena latitantis præcellentia deducit.

Quid

Quid verò videtur de Vitro absque igne parato ? Quale confici posse ex ore illustris Viri Roberti Boilii didici, cum ad eruditissima colloquia sua me admitteret. Suis enim manibus se palpassse gemmas asseverabat, non, per ignem, sed per aquam factas, ejus pulchritudinis, ut cum ipsis genuinis certare sibi visæ fuerint, quanquam duritiem earum non exploraverat. Fuit tamen procul dubio materia ad vitri naturam accedens : fortassis & metallici aliquid subfuit, quod suspicari aliquis possit. Non ingratum tibi fore arbitror, Collega honoratissime, si integram ejus rei, ut à Dn. Boilio accepi, recitavero historiam. Quanquam enim ad nostrum adeò institutum non pertinet : argumenti tamen raritas, cujus nunquam, quod sciam, fama ad orbis eruditi aures pervenit (nec enim vel ab aliis, vel ab ipso Boilio quicquam literis eâ de re proditum est) liberius divagantem, excusabit.

Fuit Londini Peregrinus, qui in diversorio aliquo forte fortuna in colloquium Medici Angli incidit. Dum illi inter pocula confabulantur, peregrinus poculum aquâ plenum afferri jubet, cui pulverem albissimum inspergit, ac seponit. Post horam fortè cum abutum uterque pararet, Peregrinus quasi oblitus : At ! at ! inquit, videamus, quid aquâ nostrâ factum sit. Obstupuit verò Medicus Anglus, cum vidit Aquam totam in solidam materiam conversam, cujus contusæ frustra aliquot Peregrinus Medico Anglo donaverat, à quo portiunculam aliquam (quæ tamen friabilis fuit) obtinuit etiam Boilius, quam etiamnum servare se asseverabat. Accidit postea, ut idem ille Peregrinus Boilium adiret, & post mutuos sermones habitos, gemmas aliquas factitias (quas ipse tales dicebat) monstraret. Cum singularem earum nitorem miraretur Boilius, & quòd adeò nullæ in iis conspicerentur ex igne maculæ ; Peregrinus nunquam sensisse ignem respondit. Cum magis miraretur Boilius, subjunxit Peregrinus : Ex aquâ factæ sunt : specificum enim pulverem habeo, qui certum liquorem in solidissimam substantiam potest convertere. Increbuit is rumor Londini & ad magnatum quorundam aures pervenit. Qui cum diligentius inquirerent, Peregrinus ne artificium prodere cogeretur, se subduxit.

Memorabilis profectò historia est, de cujus fide, cum tanto teste nitatur, dubitare nefas fuerit. Pulvis vero iste secretioris mihi videtur originis. Memini equidem legere me in Viri Clarissimi, Thomæ Bartholini Commentario de Nive, de quodam, qui è nive salem parare noverit, cujus ope coagulata aqua potuerit. Sed ab isto talia non exspectaverim arcana. Id verò dubium injicere alicui possit, quare, cum primum injiceret pulverem, coagulata aquæ substantia friabilis remanserit : nisi fortè excedens pulveris quantitas obstiterit, quò minus soliditatem firmiorem acquireret aqua. Ac

potuit fortassis aquæ coagulata pars demum in solidiorem substantiam alium liquorem convertere.

Nescio an ad hanc classem quoque referre debeam, quod nunc in Anglia inventum esse testatur Beccherus in libello Germanico, non ita pridem edito, de aquarum in lapides vulgares conversione, qui in formas quas-cunque pro libitu compingi possint, ut integræ structurarum moles inde educi possint. Nam promiserat artifex ille Regi: se portum opere tali lapidario exstructurum. Latitat alioquin in aquis & sub aquis interdum limus, qui extra aquam in durissimos lapides concrevit, ut constat ex observatione aliquâ Peirescianâ & è Boilio in *Hist. Fluiditatis & Firmitatis* sect. 78. ubi de argilla viridi fluminis Amazonum, quæ aëri exposita in lapidem abeat adamantini duritie æqualem, unde secures pro findendis lignis confici soleant.

Tale aliquod vitri ex aquâ confecti genus crystallus esset, si vera est eorum sententia, qui è glacie vel nive oriri crystallos putant. Quam sententiam tamen impugnari ab aliis constat, & præcipuè adductis argumentis, post Matthiolum, Cardanum, Boëtium de Boot, Agricolam, refutat Thomas Broun, Anglus, idem scilicet, qui libri de Religione Medici Autor est, in elegantissimo libro vernaculâ linguâ scripto, & nunc in Belgicam converso: *Pseudodoxia Epidemica lib. 2. c. 1.* Nec moverent me Alexandri Rossei ratiunculæ adversus hanc Brounii sententiam in singulari libro adductæ, qui in Harveo, Bacono, Brounio aliisque refutandis interdum non felicius versatur, quam cum in Poëtas virgulam illam censoriam stringit, quorum sensus sæpissimè non capit: Nisi notabilis illa cujusdam Muralti Tigurini de montibus crystallinis in Helvetia è perpetuâ nivis ac glaciei conglobatione natis, quæ in Actis Coll. Regii p. 982. habetur, relatio veterem sententiam stabiliret. Cujus domesticum testem quoque habemus, Joh. Jacobum Wagnerum, qui *Helvetia Curiosa* sect. 1. artic. 5. hanc Alpium glaciem inveteratam graphicè describit. Glacies illa, quam vernaculâ linguâ *Gletscher* vocant, autor ille ait, naturam glaciei communis exuit, utpote quæ perennando duritiem crystallinam quodammodo induit; neque ad solem nisi longissimo tempore solvitur. Vero simile itaque est, per seculorum aliquot tractus in veram crystallum consolidari glaciem illam posse. Cujus non contemnendum esse documentum potest, quod è literis Urstisii adfert Gul. Fabr. Hildanus *Observat. Chirurg. cent. 4. obs. 22.* Miserat ille Fabricio fragmentum lapidis in Neostadiensium Alpium perpetua nive ac glacie tectarum locis subterraneis reperti, quem ille ad crystalli naturam, quanquam non tanta ejus durities, accedere judicabat. Imò ex aquâ crystallum primum concrevisse, ut & alias gemmas,

cum

tum Nicolaus Steno, in *prodromo Dissertationis de solido intra solidum*, tum Robertus Boilius libro *de gemmis* ingeniosissimis ratiociniis demonstrare laborant. Præterea non leviter hanc sententiam confirmant observata Laurentii Pignorii in *Symbol. Epistol. Epist. 15. de guttula aquæ, pilis, festucis, musca virenti, crystallino lapidi inclusis*. Quibus geminum quiddam Nierembergius *Hist. Nat. lib. 16. c. 21. recenset*.

CAP. III.

Vitrum esse porosum. Quæ ejus textura? è Cartesio & Nulando. Is. Vossii argumenta adversus porositatem Vitri. Ab illo dissensum. Corporum divisio in simplicia & solida non rectè instituta. Porositas non repugnat soliditati. Solidissima multos habent meatus. Illorum mira & incomprehensibilis subtilitas. Comparatio ex Aristotelis problematibus non inconcinna. Ut opacorum lamelle sunt perspicua, ita perspicuarum lamellarum corpora coagmentata opaca. P. Cberubini argumenta examinantur. Filorum vitreorum flexilitas potius porositatem quam impenetrabilitatem vitri probat. Aer crassior extrahi è vitro potest remanente asbere. Aer multa corpora etiam porosissima non pervadit. Et liquores certa corpora fiducius penetrant. Bulla aërea ex ipso vitro extracta. Conservatio diuturna rerum corruptibilium in Vitro evacuato. Vitra liquoribus, caponum fermento stomachico, comminuta & corrosa. Gemma adulterina adpersa aquâ forti maculam contrahunt. Aqua vitrum transsudans. Musca in porulis vitri an pedes figant. Distillatio frigida per nives. An argentum vivum & liquores Chymici vitri meatu pervadere possint? ejus rei experimenta. Radii solares in vitrum incidentes non impenetrabilitatem, sed porositatem vitri probant. Vitri meatus per sonos, etiam in vitro evacuato excitatos, & per magneticorum motuum, transmissionem evidentissimè probantur. Flatus artificis & aër externus ad texturam partium vitri multum confert. Roberti Hooekii laus. Ruptura lacrymarum Vitri orbicularis. Vurum solidum ad affriclum levem fractum. Venti Boreales & aër serenus vitri & metallorum fusioni commodi. Aëris ambiens vis in metalla. Aër intra vitrum decensus. Unde motus interiorum partium. Ex illo motu gemmis adulterinis macula. Etiam genuinis interdum.

Sed mittamus mysteria & ad quotidiana nostra revertamur. Vitrum nostrum, ut diximus, ob minimarum particularum plexum fragile est. Quæ ipsa fragilitas satis de poris vitri testatur, quos negatum ire aliquos miror. Cartesius ideo fragile dicit: quia superficies, secundum quas ejus particula se invicem tangunt, sint admodum exigua & parva: in punctis enim

enim duntaxat se contingunt. Quodsi Nulandum Cartesianarum Hypothesium impugnatores audimus, is p. 51. *element. Physic.* vitri particulas ait constare figuris magnum vacuum admittentibus, invicem tamen firmiter connexis. Vacuum enim in rerum naturam reducere laborat. Spaciola itaque aliqua in vitro concedamus necesse est, quæ si non planè vacua, aërem tamen aut æthera inclusum habent. Nec profecto particula vitri heterogeneæ, unde componitur, adeò aptari per ignem accuratè possunt, ut non figuræ aliquæ in extremis remaneant, ac aliquæ vacuitates.

Scio quam inter se hic digladiantur Viri Præstantissimi, illis impenetrabilitatem, aliis penetrabilitatem Vitri adstruentibus. If. Vossius in *libro de Luce cap. 4.* vitrum, aquam & eximiè pellucida corpora carere poris omnibus contendit, quia non ex corpusculis, sed ex continuâ & uniformi content materiâ. Corpora ille distinguit in fluida & solida. Fluida corpora illi sunt, quæ non habent consistentiam: Solida vero quæ eundem servant partium situm, etiamsi moveantur. Illa iterum dividit in simplicia & composita. Simplicia solida sunt illi corpuscula, è quibus composita solida fiunt, & in quæ vice versa dissolvuntur. Jam verò ait, in confesso esse, talia corpuscula poris carere, si enim non careant iis, non esse simplicia, non solida, denique non corpora. Harum rationum vim me planè non capere fateor. Fluida corpora à solidis distinguuntur solâ consistentiâ; Ideoque minima ita utrinque oportet esse figurata, ut in illis facile mobilia, in his non sint. Solida si sint simplicia, è quibus solida alia componuntur; jam scire velim, quo in ordine vitrum habeat: certè inter simplicia non referet, cum è trium potissimum corporum particulis componatur. Si inter composita referet, ut certè referre debet, ac è simplicibus illis solidis compactum velit, scire velim, an corpuscula illa simplicia solida, si sint, ita inter se jungi possint extremorum figuris, ut omnis æti vel ætheri via præclusa sit. Planè enim non video vim hujus argumenti, quo utitur: *Si interstitia, quæ meatus separant, non sint solida, ubique erunt meatus, nihilque erit in rerum naturâ corporeum.* Nam si interstitia sunt, quomodo solida esse possunt. Quæ denique ratio cogit me credere, nihil esse in natura corporeum, si ubique sint meatus. Sunt enim corpora, licet meatus suos habeant. Neque illud proprie corpus dicendum est, quod omnibus meatibus destituitur. Emissionis enim ratione major minorve soliditas dependet. De Corporibus verò etiam solidissimis verum est, quod Berigardus in *Circulo Pisano part. 6. circ. 15.* ait: *Corpora solida meatus habent innumerabiles, tenuibus aliis corporibus refertos.* & in *Part. 4. Circ. 25.* *Substantia simplices, dum alia aliis adhaerescunt, relinquunt exigua quedam spacia plena corpusculis aliis ad concrendum inutilibus, quos meatus poros appellant, conspicuos*

spicuos quidem in multis, in plerisque ob exiguitatem oculos. Non satis solida illa argumentatio est: Si vitrum ubique meatus habet, sequitur, ut vitrum nullas partes solidas habeat, ac si pori ubique sunt, nusquam erit vitrum. Ea enim subtilitas meatuum esse potest, ut non nisi subtilissimæ substantiæ luminis & ætheris pateat, ea denique compositio partium, ut ordine tali cohzreant, qui transitum certæ substantiæ particulis præbeat, reliquas omnes excludat. Qui licet sub dimensionem nostram non cadat, tamen è conjecturis certis, colligi potest. Non sanè inepta est, quæ in Aristotelis Problematibus sect. II. proh. 61. offertur ratio: Per vitrum, quod densissimum est, transpicere licet, per ferulam, quæ rara solutaque est, non licet. In altero enim meatus respondens inter se; in alterâ variant. Nec quicquam juvat, amplos esse meatus, nisi rectè ad lineam positi sint. Illam meatuum rectitudinem causam esse perspicuitatis, vel ex eo apparet, quod, ut Berigardus loco laudato ait, nullum corpus solidum tam sit opacum, ut si in tenuem lamellam ducatur, aditum lumini non præbeat, tum enim meatuum anfractus minores aliquem luci transitum concedunt: imo ego addo: nullum corpus tam esse perspicuum, quin crassitiæ nimia, id est, meatuum obstructione, fiat opacum. Porosum itaque vitrum est, & minus solidum, quod vel ipsa levitas extendit. Aurum sanè nemo negabit inter corpora esse solidissimum, quia gravissimum: quod tamen porosum esse omnes agnoscent. Multo magis itaque porosum est vitrum.

Mittamus Vossium, qui è perspicuitate Vitri soliditatem potissimum stabilire voluit. Ante aliquot annos P. Cherubinus singulari dissertatione Gallica de l'imperméabilité du Verre, eandem causam magno apparatu egit. Cujus tamen rationes à me assensum extorquere non possunt. Quando enim ait, quod vitrum in tenuiora & subtiliora fila, quam ipsum aurum, duci possit, quæ in omnes partes sine ruptura flexilia, arguant nullos illis filis esse poros: illâ ratiocinatione vehementer illum falli existimo. Inverti enim hoc telum potest. Ideo scilicet flectuntur fila, quod spaciola quædam illis insint, quorum adductione & remissione in varias se partes versare possunt. In Auro, cum quo vitri ductilitas comparari nequit, ut statuit Auctor, meatus dari, ipsâ experientiâ docemur: Multo magis itaque dantur in vitro.

Operam præterea ludit, cum è singulari encaustæ ejusdam dextertate, quæ in operibus minutissimis è vitri cujuscunque frustulis, sine ullâ ejus rupturâ, conflandis utebatur, vitra impervia judicat. Cum in auro, quod omni vitro longè tenacius & ductilius est, viarum ostia facile vel aquis fortibus, vel argento vivo pateant, quod illis quasi cuniculis subre-

pens, quasi compage sua solvit. Ac idem vitrum fieri posse & supra ostendimus, & in sequentibus amplius probabimus.

Argutatur porro, si vitrum poris constet, in machinis pneumaticis, aëre per summam vim extracto, novum per poros subiturum, quod tamen non fiat. In tubo item Torricelliano, existimata aërem poros vitri, si quos haberet, perrupturum, eo spacio, quod argentum vivum suspendit, cum tenuissimum foramen, quale aciculæ puncturâ formari possit, argentum vivum præcipitari possit. Quâ de re fufius agit in libro de *vi Contiguitatis Corporum gallicè scripto part. 1. c. 7.* Sed neque illo argumento quicquam efficiet. Primò enim cui ignotum est, omnia corpora, etiam porosissima, ob implicationem meatuum, aërem excludere externum posse: Nam vitrum non adeò liberè ab aëre, facilius quidem à materiâ subtili vel æthere penetrari potest: non autem usque adeò in hoc experimento Torricelliano. Naturalis enim illa aëris consistentia & gravatio non permittet, ut vel elabantur vel intrudantur per poros particulæ, nili vis compressionis major, prævaleat. Ac memorabile sane est, quod de Robervallo apud Pecquet: in *dissert. Anat. de circ. sanguinis* legitur, vesiculas carpii flaccidas sed validè ligatas, in inani tubi Torricelliani spacio, validè fuisse inflatas, exiguo illo aëre intra vesicas contento per elaterem suum se extendente, quæ vero statim admissi aëris externi pressione flaccescere visa sunt. Quo patet, suis se finibus continere aërem, & pro re nata premere, premi, dilatari: pro ponderis autem ratione tantum materiæ subtilis, vel ætheris, qui in aere, ut spiritus vini in vino continetur, quantum opus est, admittere, vel expellere. Imò frangitur nonnunquam vitreus ille tubus, cum delabatur argentum vivum subducto digito, per vim irruente vel aëre vel æthere, vacuum repleturo, ut accidit Valeriano Magno, qui occasionem inde arripuit, ut singulari dissertatione de *Vitro mirabiliter fracto*, per longam argumentationum seriem fractorem Vitri esse spiritum ostenderet. Quanquam sine hoc mysterio res non insolita explicari poterat: (nam & aquâ, dum tubo exsugitur, per aerem repressâ idem continget,) tamen mitè hic circa ordinatissimas è duobus centris fracturas ellipticas philosophatur, in minutis his supra modum operosus. E quibus omnibus colligit: Inclinationem partium ad continuationem, sive corporum ad motum, sympathiam, antipathiam, gravitatem, levitatem & alia ejusmodi naturæ esse spiritualis locomotivæ. Moverunt hæc aliaque dubia Henricum Morum, Philosophum sanè argutissimum, ut, explosâ omni illa vi aëris elastica, quam ad demonstrationem horum Phænomenorum adducunt sagaciores, ad principium Hylarchicum confugeret, & similibus experimentis illud stabilitum iret. Ac fatendum sane est, in causarum investigatione plus subesse sæpe difficultatis,

tatis, etiam in minimis, quam credant Lyncei illi minutiarum speculatores. Quæ me causa aliquando impellebat, ut de *Principiis naturæ incognitis* commentarium meditarer, per omnia naturalis scientiæ capita demonstraturus, sine principii alicujus incogniti subsidio, extricari nos his difficultatibus non posse, ac nullam hunc usque in diem sectam satis validos his nodis cuneos admoveere. De lagenis evacuatis intra campanam urinariam fractis fusè Sinclarus *lib. 2. dial. 5. p. 234.*

Sed ista hujus loci non sunt. De vitri poris dicere institueramus, quos ineptè idcirco in dubium nonnulli vocant, quod aër difficulter eo pertranseat. Videmus aërem in tubulis metallicis, imo ligneis, adeò comprimi posse, ut globulum cum impetu foras pellat: cum corpora illa longè sint vitris porosiora. Nam sanè aer externus non potest omnium corporum meatus pervadere, & minus interdum, quam liquores & spiritus Chimi- ci. Non penetrabit ille tot papyri folia sibi juncta, quot penetrant auripigmenti aqua diluti corpuscula, in ultimo grandis libri folio, aceto albo ductas literas cæcas nigro colore infectura, de quo plenius agit Berigar- dus *Circulo Pisano part. 5. p. 573.* & Boilius *libro de nat. determ. Effluviis. p. 113.* Marmora blandus liquor perumpit, aëre externo excluso. Imo vero ho- spitari in vitris minimis aerem vel materiam subtiliorem, experimentis cer- tissimis probarunt tum Robertus Boilius, tum Otto Gericke. Ac ille qui- dem in *Continuatione Experimentorum Physico-Mechanicorum, experimento 9.* vi- dit bullas vitreas, aëre plenas, sed Hermetice sigillatas, in vitro, cui aer extractus erat, in minutissimas particulas contractas, quod aer interior detentus viam sibi quæreret. Hic vero in Experimentis suis Magdebur- gensisbus accuratè præterea observavit, bullas aereas, effluvia aërea cor- porum, quæ odores ille vocat, è vitro vacuo, sed recenti, surgere, quæ tamen desierint, postquam aëri externo nullus amplius ingressus datus: simul- ac verò machinula aliquot dies aperta sterit, ad extractionem bullulas illas iterum apparuisse. Quo patet, per vim illam prolecta hæc corpuscula, aërea è vitri meatibus, externum vero aerem non successisse. Legatur ille amplius *lib. 3. cap. 8. p. 82.* Idem confirmat experimentum Valeriani Ma- gni in libro de *incorruptibilitate aque*, qui observavit, vitrum aqua plenum igni expositum bullas per aquam dispergere, quas ille per aerem poris im- missum excitas judicat. Quæ bullæ statim desierunt, ex quo vitrum a- qua plenum aquæ in aheno bullienti imposuit: aqua enim poris vitri cir- cumposita illos implevit, ne aer transiret. Unde verissimum esse apparet, quod ingeniosè Leibnizius in *Theoria motus concreti p. II.* ait: *Quoties subti- lia perumpere per densa conantur, & est quod obstat, formantur densa in cavas quasdam bullas.* Cujus eo in loco de bullis, ut primis rerum seminibus, ab-

strusa & subtilissima philosophia est: ubi Terræ ipsius basin, magnam aliquam bullam vitream (primum enim & postremum in naturâ ipsi vitrificatio) intenuiores hinc bullas vitreas, aereas, aqueas abituram statuit. Cæterum evacuari ab aere illo crassiori vitrum posse, inque illo res aeris fermento corruptibiles longo tempore incorruptas servari posse, singulari libello *Experimentorum circa conservationem corporum* demonstravit Boilius.

Provocat amplius ad Chimicos, quibus vitrum spiritus fortissimos indemnes præstet. Sed refutat ipsum & in hoc experientia. Ipsemet aliquoties vidi à spiritu acri ita corrosam vitrum, quo continebatur, ut spiritu effluente, vitrum in arenulas manu tactum abiret. Vidi à sola calce viva vitro servata ita inlessa vitri spaciola vacua, ut nulla arte potuerint eradi. Hinc facilis est adulterinas à genuinis gemmis discernendi modus, si aquæ fortis paulum saphiro factitio illeaveris, insinuabit enim se poris liquor, & maculam vitrum metallo tinctum contrahet, cum nulla ejus in genuinam gemmam vis existat. Multa hic nos docere poterit nobilissimus Franciscus Redus in Experimentis naturalibus, qui illic plurima affert, quomodo liquores blandi vitium ex ipso vitro & crystallo traxerint: limpidissimi enim liquores albescunt à sale, ut ille opinatur, qui in vasis crystallinis efflorescens, lapsu temporis illa corrodat. Quot ille globulos vitreos, solidos, vacuos, caponibus, columbis deglutandos dedit? qui vel in pulverem ceminuti fuerunt, vel notabili pondere imminuti, aut in superficie corrosi, à liquore in ventriculis illorum contento? Imo & Borelli extat observatio de perspicillis ab oculorum acribus spiritibus perterebratis. Pertinet huc Dni. Hydden observatio, cujus meminit Borrichius *lib. citat. p. 18.* de globulis tenuissimis, quos aqua communis infusa penetravit. Legi aliquando in scripto Anglico, cujus Autor nunc non succurrit, vitro exceptum grandinem, cum in aquam solveretur, magnâ sui parte transfudasse. Eras. Bartolinus in dissertatione *de Poris Corporum*, ex eo vitri poros demonstrat, quod humoribus perfusa superficies madescat, quodque muscæ ac insecta perrepant. Sed ea ob scabram superficiem accidere possunt, non verò ob poros totum corpus permeantes. Ac probavit suo experimento Honoratus Faber, superficiem vitri adeò levigari poliendo posse, ut in eo muscæ sistere minimè possint. Longè certius judicium esset, si verum est, quod idem affert Bartholinus, posse subtilissimorum spirituum minima effluvia ipsas etiam sigillatas, ut vocant, phialas vitreas permeare, quod deprehendere odore etiam licet. Denique nec glacies vitro admota frigus in illud transferre posset: nec alembico, vasi vitreo accuratè juncto, superposita nix spiritus è vino provocare posset, ut per alembici rostrum stillent, absque ignis ope, quod

Magni

Magni Ducis Etrurix experimentum est, si poris suis destitueretur vitrum. Adde his quæ de Mercurii per vitrum penetratione à Magnano, deque tintura ferri vitrum transudante ad magnetis contactum, refert Schottus *Technica curiosa lib. 5. p. 250.* Hæc in dubium vocare videtur Boilius in libello de *detecta penetrabilitate Vitri exp. 3.* Nullatenus, inquit, cum iis sentio, qui putant, vitrum facile penetrari posse, vel, ut multi volunt, à liquoribus Chymicis, vel ut quidam, ab argento vivo, vel ut alii saltem ab aëre nostro; cum opiniones ista experimentis illis non consonent, quæ ad eas examinandas de industria peregi. Verum Daniel Bartoli libro toties laudato, *instit. 3. c. 7.* testatur: Medico cuidam excellentissimo, quem noverat, id sæpius contigisse, ut Mercurius vitro hermeticè sigillato inclusus, calore balnei semper aucto, poros vitri sine ejus rupturâ penetrarit, crustamque ipsi circumposuerit. Tum & Thomas Cornelius Consentinus in Epistolâ de *Circumpulsione Platonica* de eâdem re ita differit: *Sæpe ex ampulla vitreâ sigillo hermetico clausâ, tenuissimi quidam liquores ad ignem exhalant, & nonnulli etiam chymici sales egrediuntur. Quin videmus quoque hydrargyrum in aquâ stygia, ut vocant, solutum per vitri poros exsudare.* Quæ sanè tot testibus probata sunt, ut in dubium amplius vocari non possint.

Nolo ulterius immorari illis, quæ Autor Gallus è natura radiorum, in vitrum incidentium argutatur, nam in ipsum potius hæc valent. Demonstrant sanè specula ustoria, pertransire meatus vitri radios lucidos, & ob meatuum obliquitatem in spherica vitri figura, in conum colligi, unde ipsa combustio sequatur. Quæ tam sunt manifesta, ut palpari penè possint. Multa ex illustribus Boili libello de *Penetrabilitate vitri*, suis partibus applicat, quæ si quis recte inspexerit, nihil ipsius sententiæ commodant. Illis ut immoremur, non est necessum. Neminem puto de vitri meatibus dubitaturum, qui quidem novit, sonos per vitrum hermeticè sigillatum, etiam aëre exhausto, audiri, & magnetem interposito vitro etiam vacuo ferum ad se rapere. De sono experimenta multa à multis instituta sunt. Cicada vitro obstructo inclusa, cantu tamen aures ferit. Mersennus in tubo vitreo aëris experte clarè tamen campanæ sonum & invariaturum, audiri testis est. At Boilius, qui tot ejus rei experimenta fecerat, in *Continuatione Experimentarum Physico-Mechanicorum, exp. 41.* audiri quidem pronunciat, sed obtusius, & quasi è longinquo, ac cum stridore aliquo. Otto Gericke idem pene testatur, sonum quidem percipi, sed sine rinnitu, ob aëris defectum. At Bertus invento suo ostendit, in vitri vacuo, si marculus ferreus ita campanæ aptetur, ut ad magnetis applicationem attrahatur, campanam lapsu suo pulsaturus, sonum clarissimè audiri. Quo uno experimento duplex aperitur meatibus vitri via, disputationibus aliorum obstructa.

Cum itaque certum sit, poros habere vitrum, eos habet & à primâ texturâ, quos tamen exiguos esse existimo, & sortitur à particulis aëris, quæ flatu ab artifice impinguntur; non parum enim iste ad locationem particularum in vitro confert: quoniam & ipsæ per se aeris particulae faciliè candentem materiam & quidem penetrantius impulsæ subeunt: unde inæqualitas superficiei in vitro est, & circularis aliquis positis particularum, qui in complanato rectus est. Quin observavit jam dudum fissuras exiguas rectilineas in vitro per microscopium Borellus. Hinc fracturæ rectilineæ plerumque sunt, cum vitra crepant, ac velut ex centro quodam, ubi urget confluxus aliquis particularum motarum, ac erumpere cupientium, oriuntur: Quod fieri solet, in loco, ubi granulum arenæ ut molecula salis alcali cernitur: Textura enim illic non satis firma, ac reliquis partibus attemperata, portam aliquam aeri irruenti aperit, unde incipit reliquas partes pervadere & laxare, ut ex impensis inæqualitate vitra dehiscent. Orbiculares verò fracturæ sunt, cum per sonum vocis humanæ universalis iste particularum intestinalium per vitrum sphericum motus excitatur. Tales etiam in Vitro stillaticio observavit Vir doctissimus Hooekius in *Micrographiâ suâ observat.* 7. quo nemo accuratius hujus vitri phænomena sub examen vocavit. Optandum verò esset, ut libri elegantissimi ex Anglicâ in notiores linguas conversione, ad plures Orbis eruditi Cives ejus fructus dimanaret.

Est vero operæ pretium & ad scopum nostrum maximè facit, ejus rei rationem omnem perdiscere. Quare afferam, quæ Hamelius ex illo in linguam latinam convertit libro de Corporis affectionibus l. c. 7. Contextus partium exteriorum, arcuatam, & fornicis instar erecta interiorum figura, omnium tensio, inflexio, laxior textura, vis denique elastica, qua partes compressæ se se in statum sibi naturalem solent restituere, hunc mirabilem effectum procreant. Hac ita se habere hinc colligimus, quod cum una ex iis lacrymis eam tenui pelle hædianâ, & ichthyocollâ esset ab R. Hokiø diligenter involuta, disrupto pedunculo lacryma sic confracta est, ut partes non dissiluerint, sed suum quaque situm servaverint, tumque in circulos penè infinitos, divisa est lacryma, & pars intima substantiâ magis spongiosâ constare visa est, plures lineæ in punctum quoddam hujus velut medullæ desinebant, qui apex erat pyramidis, cujus basis erat circulus obversioris partis maximus. Addit sub finem capituli idem Autor: Quod autem contextus partium, figuræ, & tensio præcipue sint hujus phænomeni causa, hinc etiam licet conjicere, quod pila conflata ex vitro candido (quod viridi fragilitate est, & poris magis pervium, nec ex fornace extractum in arcu superiori, ut alia vitra reponitur) facile in partes dissiliunt, ubi scalpelli, vel styli apicè celeri & reciproco motu perfricantur: nam partes præsertim interioris pile, aëre vitri con-

cavi, hoc celebris motu laxata, non valent amplius exteriores continere. Et quidem mihi anno proxime elapso ostendis D. Boyle vitrum solidum, crystallo purissima simile, quod levi motu affricum in varias partes disfluit. Illa omnia, quam prolixiora, adducere volumus, cum mirifice rem nostram illustrent, & ipso vitro magis perspicuam faciant vitri texturam ex armillis rigidiusculis constantem, partiumque ad facilem & circularem præcipue rupturam dispositionem. Quæ diversitas partium vel ex eo apparet, quod fissuræ æris campani rectilineæ, vitreæ vero plerumque curvilineæ, atque ideo de circulari positu earum, forte & de alio motu undulatorio, quam qui in campanâ est, restantur.

Præterea & externus ille aer, vel materia quædam subtilior insinuare se vitro laborans, dum ex summo illo calore in furnum mitius calentem, seponitur, plurimum ad pororum constitutionem adfert. Quod apparet è lagenis illis vitreis, quæ frigidæ, thecâ suâ priore, quâ candentes formantur, includi recusant: cum secus in metallis fiat, quæ ignita intumescunt: ut videre est è clave, quæ dum candet, feræ suæ foramen non subit. Quare & ferrum candens non ita sonat ut frigidum, & calidæ aquæ obtusior sonus est, quam frigidæ. Notum est Murani ex alterâ littoris parte, è regione officinarum vitra minus confici posse, quod austrini illic flatus dominantur, in alterâ vero optima constari, quia borealibus ventis illa loca exposita. Cujus hæc forte ratio, quod, ut quidam Viri eruditi notarunt, sal ex aere, flante borea, copiosior, & qui acidi quid continet, colligitur, qui ad solidationem & ad sonum non parum tribuit. Ajunt enim, hiberno tempore, ob sale in aere copiosiore, eum ipsum magis sonare, teste Hamelino de corp. anim. lib. 2. c. 4. v. 7. Innuît & hoc Fiorovantus in libro Italicè scripto, cui titulus *Specchio del. scienc. univers. lib. 1. c. 19.* ubi artem illorum vitriariam totam describit. Sed tamen & aquas salas, lignorum teneritudinem, & alia laudat, quæ vitro istam præstantiam largiuntur. Nam toto terrarum orbe locum rei vitriariæ commodiorem esse negat. Velschius quoque loco supra laudato Vitri Egyptii præstantiam ab arenâ Nilotica & aere sereno deducit. Quin & in metallis aeris ambientis ac penetrantis vires animadvertere licet, quorum superficies ac poros variat. Appone enim laminæ cupræ vel ferreæ ignitæ chartulam mundam, ac videbis particulas non sine aliquo strepitu in eam profilientes. Facile id etiam in laminis ferreis, quibus fornacis os occludi solet, observabis, quas strepere, nonnunquam & stridere ad occursum aeris frigidioris videbis, ac paulatim absumi. Observatum quoque est aere sereno & ventis septentrionalibus expeditiorem esse metalli fusionem & clariorem ejus sonum, ac testatur Dn. Perrault in *Tract. Gallico de duritie corporum*: intenso illo Anni 1670 frigore

frigore Academicos institutis experimentis deprehendisse corpora durissima, ut metalla, vitra, marmora, quasi è congelatione partium interiorum, fragilitatem acquisivisse, quæ, frigore externo cessante, ipsa quoque cessaret. Ita chalybs frequenti in aqua extinctione vel durior, vel fragilior fit, imò & intumescit, ut ex filo primum candefacto, deinde aquâ macerato apparet, quod per prius foramen duci non potest. Imo solet à fabris pro ratione usus, immersione subita vel tardiore varius duritiei gradus conciliari. De ære, cur intensissimo frigore expeditius fundatur, vide Honoratum Fabr. *Phys. Tract. 7. lib. 2. prop. 57. n. 13.* Qui in Boilii libello de Cosmicis Qualitatibus legit: quomodo bacillo ferreo, ex solo diuturno ad fenestram positu recto, vel ejus candentis directione versus septentrionem vel Austrum, per solam externi aeris in poros insinuationem, dari ac adimi facultas in septentrionem se convertendi possit, facile ejus in variandis poris corporum potentiam agnosceret.

Continetur itaque in vitri poris aer, vel materia aliqua subtilior æthereæ, vi quâdam illic velut in carcere quodam detenta, quæ citius ac facilius prorumpendo rumpit vitrum, cum nondum in quendam quietis statum, per successivam in frigidationem est redacta. Unde facile talia vitra, vel per infusam frigidam, aut frigidioræ ærem ambientem rumpuntur. Ac citius, credo, etiam voce, licet debiliore, franguntur, quam quæ per gradus frige facta. Norunt illi, qui vitra ad tubos opticos expoliunt, quam sponte interdum findantur. Licet vero & in Vitris observare facilem intestinalium particularum motum, quod ex sola illa, quam vocant, Electricitate apparet, quæ vitro cum succino est communis: ne quid nunc dicam de salinarum particularum efflorescentiis, sæpè in vitri superficie linguae tactu observatis, ac aliis de vitro fracto experimentis, quæ recenset Illustris Boilius in elegantissima *de absolutâ Quiete in Corporibus* dissertatione. Quæ qui legerit, amplius non dubitabit de intestinalium particularum in vitro motibus: præsertim cum in corporibus longe compactioribus, gemmis scilicet, ac ipso adamante motus aliquos deprehendere. Philosophus sagacissimus sibi visus sit. Idem Gemmarii testantur, quibus sæpe accidit, nebulis quibusdam obfuscati gemmarum splendorem: ac omnium optimè norunt, qui in gemmis factitiis laborant: nam è filicibus & plumbo vitra pro adulterinis gemmis conficiunt, non è cineribus & sale, quia illæ facile pelliculam contrahunt, quæ elui non potest, & è salis acrimonia proficiscitur. Quæ genuinis adhæret pinguedo, ut adventitia, nec ex ipsa substantia orta, facile abstergitur. Major quoque minimorum in vitris, quam in gemmis motus deprehenditur per linguae tactum. Vitra enim gemmis tepidiora sunt. Confer cum his, quæ Boilius de maculis

culis in Turcoide gemmâ variantibus refert *libro de coloribus pag. 428*. Nolo enim illa transcribere, cum libri in omnium manibus versentur. Jungi etiam possunt, quæ narrat Bulengerus *lib. 1. de nat. divinat. c. 5. de Leonis X. lapillo*, cujus color pro phalibus lunæ varius fuit: deque alio Clementis X. in quo macula Sole oriente oriens, occidente occidens, ad ejus motum circumacta fuit. Quæ omnia motum particularum minimarum, etiam spontaneum vel in solidissimis corporibus, (quidni ergo & in vitro?) demonstrant.

CAP. IV.

Transiens ad soni rationes investigandas. Sonori corporis motus quales. Minima corpuscula, etiam non sonum, ab impulsu aëreo mota. Chordarum æque tensionum altera tacta non tactam ad sonum lacescit. Causa supersticiosa apud Gelium. Sympathia an hic pro causa verâ haberi possit. Spinosa inter causas etiam nonnunquam admittit. An Magnetismus? Magneticorum motuum & chordarum tensionum affinitas. Scyphi vitrei penduli per sonum oris eundem attractio. Spiritum Mundi hujus effectus causam statuit Helmontius; Marcus Marci ideas. Alii potentiam numerorum Harmonicorum. Vera ejus causa querenda est in naturâ tensionis & motus sonori. Quæ & quotuplex sit tensio. Tensio ponderi æquiparatur. Motus tensi è motu penduli æstimari debet. Quæ tensi & penduli differentia. Corporis equalis in quiescens æquale impulsus. Applicatur ad chordas æquæ tensas. Vibrationum in chordis cum pendulorum oscillationibus æqualitas, quomodo deprehendatur? Illorum motuum è pendulo demonstratio. Idem & impulsu uno, non repetitis, movetur chorda similis. Ideoque chorda rupta sonus etiam consonam movet. Fiomatur nostra sententia è Fracastorio. Pendulorum inæqualium oscillationes inordinate & impeditæ. Similis ratio chordarum inæqualiter tensionum. Mercennii experimentum de arbitrariis octo consonarum vibrationibus rejicitur. Tremor ligni in instrumentis non est proxima causa chordæ consonantis. Vibratorii motus accuratæ dimensio haberi non potest. Surdus an è visu vibrationum chordas instrumenti temperare possit? Scyphorum consonarum mutua vibrationes. Consonantia Vasorum in theatro. Kircheri Musica Sympathica. Ejusdem statua ad certum organi & campanæ sonum componenda.

Sollicite hætenus in poris Vitro vindicandis fuimus; nam illi quasi in antecessum aperiendi, ne porta sono illis se ingerenti præstrueretur. Concessis itaque vitri poris ac minimarum particularum, vel æris, vel materiæ subtilioris intra plexus particularum vitri, constipatarum

tarum motu, sequitur hinc, ab aëre vel æthere externo vitri poros vel transeunte, vel iis se implicante, posse moveri particulas aereas vel æthereas vitro contentas. Illud verò præcipuè mirabile est, cur aëris motus certo aliquo oris sono definitus, aptus sit movere vitri particulas, & ita quidem valide, ut vitrum rumpat. Cujus ut aliquem demus rationem, natura soni prænotanda est.

Ejus vero omnis ratio in motu aeris, tam intra corpus sonorum contenti, quam externi impressi, consistit, qui vibratorius est, vel undulatorius. Nam duos illos distinguo, vibratorium vocans, qui circa ipsum corpus sonorum, reciprocis minimarum particularum agitationibus hinc illinc tenditur, undulatorium vero, qui longè lateque ad aures nostras perducitur: quemadmodum in corpore lucido viciniore partes intensius fulgere, remotiorem aerem tenuioribus radiis percelli videmus. Est enim sensuum quædam cognatio, & in naturis sensibilibus indagandis ab uno ad alterum sensum optime procedit argumentatio. Nolo hic disquirere, an undulatorius motus, qualis in aqua injecto lapillo observatur, aëri per sonum moto comparari possit. Sunt enim qui magno apparatu hoc impugnant, quanquam me iudice commode sustineri illa veterum Philosophorum determinatio potest, modo analogos superficiariis in aquâ motibus, globosos illos in aëre, secundum ejus naturam, concipiamus.

Sed hæc quidem satis explorata ac integris libris à Viris eruditissimis docentur. Motum minimarum partium ipso oculorum sensu deprehendere possumus. Videmus in conclavi angustiori tremulos flammæ in lucernis motus, imò ipsum earum fumum ad fidium numeros se componentem. Nam quod Hamelius de *corpore animæ. lib. 2. c. 4.* observat, in campanili accensæ lampadis flammam vix à tanto sono agitari, inde contingit, quod sonus vastus obtusior ac diffusior flammam per angustum ferire non possit. Observamus ad eosdem chordarum sonos saltantes quasi atomos in radio solis intra obscurum conclave per foramen transmissis. Notamus superficiem aquæ crispari, cum non procul barbitos pulsatur. Observavit & Daniel Bartoli guttulas argenti vivi per speculum ad planum horizontis positum dispersas, ad sonitum chordæ vel vocis saltitantes. Cum enim valde mobiles sint hæc particule, facile vel levissimo aëris impulsu movebuntur. Ideoque non omnino verò consentaneum puto, quod Berigardus ait: circulos sonoros chordas æquè tensas & auris movere tympanum posse, minimè verò vel plumas, vel aranearum telas levissimas: nam sanè oculis illi motus non adeò deprehendi possunt, neque adeo accurate ad illa attendimus, cum tensa corpora motus suos statim ipso sono prodant. Quæ omnia de motu minimarum particularum in sono testantur.

Sepo-

Seponamus vero ista omnia & ad experimentum nostro huic affine, propius contemplandum nos accingamus, quo quasi viam illi sternere possumus. Res est notissima, chordas æquè crassas & tensas, simul subsultare & sonare, cum una earum percutitur: ut mirer, Viro alicui docto nuper rem hanc incertam esse visam, nec satis exploratam, quæ vel pueris constat. Etiam olim pene in superstitionem illa res tracta, dum quod causæ propiori & palpabili adscribendum erat, à solis positu nonnulli arcessebant. Nam ut est apud Gellium *lib. 9. c. 7.* ad nescio quem brumalis diei influxum, mirandam hanc operationem retulerunt. *De fidibus rarius dictu*, inquit, Gellius, & *mirabilius est, quam rem alii docti viri & Suetonius etiam Tranquillus in libro ludicra historia primo, satis compertam esse, satisque super ea re constare affirmat, nervias in fidibus brumali die alias digitis pelli, alias sonare.* Sed ineptissimam hanc esse vulgi opinionem, satis nunc patet, neque enim sole, velut *ἡμεῖς δὲ μὴχανῆς*, ad nodos hos solvendo indigemus, & omni tempore hic effectus causam suam consequitur.

Alii causam hujus effectus in sympathiam quandam occultam rejiciunt, nudum sc. & inane nomen, quo nihil planè in rerum naturâ demonstratur: utut negari non possit, esse nonnunquam aliqua naturæ phænomena, è cooperatione & reactione mutua resultantia, quorum causas cum percipere vel sensu vel intelligentiâ nequeamus, fortassis non adeò imperitè facturi simus, si generali illo sympathias vel antipathias conceptu causam illam *ὡς ἐν πλατῶν* determinaverimus. Spinosa certe, qui ad mathematicas rationes omnia revocare laboravit, causam in Ethicis suis daturus, quare sine causâ hunc amemus, alterum odio persequamur, nihil præter, sympathiam & antipathiam invenire potuit, quas in his & similibus operationibus pro veris ille causis agnoscit. Nihil novi etiam illi dicunt, qui magnetismum pro causâ allegant; nam & eâ ipsâ voce nihil definimus, licet magnetici motus & hujus magna sit affinitas. Leibnizius, Vir ingeniosissimus, in *Theoriâ Motus concreti p. 38.* Magneticos motus analogismo hujus experimenti illustrat, *Cum tam regularis, inquit, tamque fortis sit in magnete motus, non est mirum, aërem, qui ei gravitate suâ impingitur, ab eo rejici, eoque mediante motum ferro communicari, quod similiter dispositum impressionem facile recipit.* Idque non chordæ tantum tense, alteri similiter tense sonum per aërem communicantis, sed & eo experimento constat, quod vitrum, cujus sonus pulsu exploratus est, si similis ab adstante sonus edatur etiam non tactum resonat. Quelibet ergo actio magnetis etiam in distans ferrum quadam insensibilis affriclio est. Illa omnia ulterius attractione electrica, & igne per fumos in candelam propagato, appositè sanè illustrat. Ut planius hoc faciamus: Quemadmodum succinum ex affrictu è poris emittit halitus unctuosos festucis

& aliis minutiis impingendos, quæ illis illitz cum ipsis reductis ad poros corporis affricti recedunt, ut chorda ab arcu protensa in priorem locum se recipit, unâ cum minutiis occurrentibus: ita chorda tensa à pulsus centro emittit particulas aëreas velut sagittulas ad chordam vicinam, quæ illam tangunt & vellicant. Talis emanatio particularum in magnete est perpetua, imò ex omnibus corporibus sonoris, si illa validius pulsantur, emovetur tales particule, aërem vicinum vellicantes. Manifestum quoque, in hoc experimento nostro magnetismum ostenderet, quod Daniel Bartoli in laudato sæpius libro *tratt. 3. c. 8.* se magnâ cum curâ vel decies observasse ait. Suspendit ille filo scyphum vitreum, qui pede ligatus se in obliquum protendebat. Cujus latus cum voce *ouotia* pulsaretur, ille latus hoc clamantis ori obverti observavit, & recursibus quibusdam iterum impingere. Quod cum ipse tentarem primo, à simplici motu penduli ad levisimum impulsum mobilis evenire existimabam, sensum fallente obliquitate scyphi. Sed ita aptavi filum, ut ad perpendiculum demitteret se scyphus, ac reveratim deprehendi ad sonum ejusdem vocis, latus scyphi se ultro ad os applicare, ibique sponte suâ hære immobile, quamdiu spiritus unisonus ex ore exiret, quasi scilicet ipsi illi vibratorii circuli cum istis, qui ore exhibant, misceri gestirent: nam trepidationem vitri ipsis labris meis, quæ illâ quasi titillabantur, sentiebam. Contra verò ubi dissono tono inclamarem, vix movebatur vitrum, neque ullâ ratione ad labia accedebat. Quam ob causam non usque adeò placet ratio Bartoli, qui accessum vitri, ab aëris interni per calidum externum rarefactione, contigisse autumat. Quæ causa in dissonis quoque tonis obtineret. Verum de illo amplius inquirendum existimo: nam certè non obscurus magneticorum motuum analogismus se hic ostendit.

Qui in naturâ sensibili de causarum investigatione desperant, ad intelligibilem confugere solent. Quemadmodum in vitro suo fracto ad naturam corporeâ majorem, sed præter necessitatem, ut arbitror, confugiebat Valerianus Magnus, eandem, ut puto, causam in vitro per sonum fracto quæsiturus: ita in hoc chordarum æquè tensarum simili motu, relicta viâ planiore, ad mysteria confugiunt. Et Helmontius quidem in Disputatione de Magica vulnere curatione, è Spiritus mundani sensu illa phænomena deducit, ut qui omnibus etiam inanimatis phantasiam suam tribuit, quoniam Deus, qui totus vita est, res omnes creaverit, è cujus manu nihil, quod mortuum sit, prodeat. Quod si verum est, non jam truncos stupidesque amplius sine phantasîâ habebimus. Ab Helmontii sententiâ non multum abit Marcus Marci, qui ideis suis, velut Delphico gladio ad nodos omnes

omnes fovendos utitur : Nam cum in *Philosophiâ suâ veteri vestiturâ part. 4. subsect. 4. p. 450.* in causam inquirat, quâ sonus tarantulam moveat, murum animal & furdum ; ideas soni, ideis seminalibus tarantulæ annexas, in theatrum adducit, quibus certè nihilo plus, quam dudum sapimus. Nam satis quidem illa sonora sunt & arguta, quæ Vir doctissimus super hoc argumento differit : sed exigua illis demonstrandi vis inest. Pene eodem loco habendi, qui ad potentiam numerorum harmonicorum recurrunt, & Pythagorico philosophandi modo hic uti malunt, quorsum etiam inclinare videtur Daniel Bartoli *Tratt. 3. c. 2.* Quæ quanquam verissima sunt, & mysteria abstrusiora involvere videntur, ut inde ad orbis universi fabricam Pythagoræi transferre voluerint : quemadmodum operosissimè Franciscus Georgius in suo, de Harmoniâ mundi libro hoc argumentum tractavit : tamen proximis illi causis præteritis, veris & realibus, ad generales illas & notionales confugere malunt.

Sed mittamus illa aliorum commenta : res usque adeo difficilis non est, ejus rationem explicare, si naturam tensionis & motus reciproci accuratius consideraverimus. Tenditur vero corpus vel secundum lineam, ut chorda, vel secundum superficiem ut tympanum, vel secundum soliditatem ipsam, ut metalla, vitra, aliaque ejus generis. De chorda primum videamus. Ejus tensæ motus examinabimus. Habet vero corpus tensum partes è quiete & motu, ut ita dicam, mistas, nam in extremis quiescit, reliquis partibus in reciprocum motum agitari aptis. Fit autem tensio per dilatationem partium majorem vel minorem, prout tensio ipsa major vel minor est. Hinc in forti tensione frequentior reciprocatio & celerior, quæ in debitori tardior. Unde patet meatum etiam rationem in corpore tenso esse habendam, ac plus minusve aëris illud pro ratione tensionis admittere. Hinc consequitur porro, tensionem fortiorem ponderi majori æquiparari, minorem minori, ut arguunt pondera chordis super geminis bacillis ferreis appensa. Prout enim pondera magis magisque gravant, ita chordæ inter duos bacillos ferreos vel graviores vel acutiores sonum habent, qui formatur vibrationibus, pendulorum ponderum oscillationibus proportionè quâdam respondentibus. Corporis enim tensi vibrationes penduli motibus quodammodo sunt æquales. Ut hoc levi aëris impulsu movetur, ita & chorda tensa. Hæc cum secus, quam in pendulo, duobus extremis firmetur, tot vibrationes celeriores & breviores efficit, quot pendulum majores & tardiores. Inter pendula vero & tensa hæc est differentia, quod illa uno centro liberè moveantur, horum motus duobus è punctis quasi quibusdam polis determinantur, & intra nisum illorum.

punctorum ad quietem feruntur. Quantum itaque pellitur chorda aliquâ sui parte, tantum reluctantibus extremis repellitur.

Præsuppositâ jam chordæ tensione, corporibus certâ ratione gravibus æquiponderanti, deinde ejus facili ad instar penduli mobilitate, canon ille pro fundamento subternendus est: Corpus motum occurrens corpori æquali, sed quiescenti, partem sui motus communicabit cum altero, & cum residuo reflectetur. Jam vero chordæ unisonæ duo sunt æqualia corpora; nam æquali pondere tenduntur. Itaque chordæ unius pulsus aëreus incidens in chordam, corpori, unde spargitur, æque tensam, motum illi impinget dimidiâ parte minorem. Nam motus rectilineus hîc æquatur reciproco. Ut tempora vibrationum chordam unam impellunt, ita necessario alteram impellent, ex lege æqualitatis in motu. Neque opus est corporali contactu, qui in rectilineo motu est, aut cum unum pendulum impellit alterum. Nam chorda tensa, cujus celeriores reciprocationes sunt, fortius impellit aëreas particulas, velut sagittas ad metam, quam pendulum corporali contactu, quod sola circulari gravitate ferit, perpendiculari vero deorsum semper tendit. Ideoque aër tam fortiter percussus aptus est, chordam alteram vicinam in proportionales commovere vibrationes, & quidem rectâ percussione. Nam si accuratè advertas, invenies illâ parte, quâ alteram vel in arcum adductam terigeris, eâdem alteram in latus ab impellente aversum recessuram. Si vero alteram chordam non ad latus, sed sursum emovendo vellicaveris, manifestò minores in alterâ impetus deprehendes. Imò palpabiles quodammodo hos impulsus efficies, si chordæ longissimæ modice tensæ ungues, in quibus acutissimus tactus est, ita admovearis, ut non tangas. Et quidni aëris impulsus tantum efficiat, cum ejus tantam vim esse videamus, ut interdum Echo talem impulsus fortius reflectat. Impelluntur autem omnes chordæ cujuscunque soni, ut videre licet, ex uncinulis chartaceis singulis chordis impositis. Unisona chorda statim fortiter excutit illos, hinc Diapason, deinde reliquæ consonantiæ movent & debiliter excutunt; dissonæ autem chordæ movent tantum, nec dejiciunt. Unde patet omnium in omnes chordas esse ictus, nullas vero vibrari nisi æqualiter aut proportionaliter tensas. Atque ita se rem omninò habere è pendulis duobus æqualibus planum faciemus.

tionato. Relabente itaque chorda A B ad punctum D, chorda E F ad punctum G se remittet, atque ita imminutis æquali decremento spaciis, se non amplius contingentibus, utraque demum quiescet. Procedere vero ab ictu uno vibrationes vicinæ vel ex eo patet, quod si chordarum super uno instrumento æqualiter tensorum altera pulsetur, statimque digito compescatur, altera tamen vibrare non desinat, quod secus esse nonnulli existimarunt. Imo & chordam dissonam vicinam, pulsata primò chordâ suppressâ, exiguum edere sonum deprehendi, certissimo indicio, etiam à dissonæ chordæ vibrationibus eam leviter fuisse tactam, sed impeditis vibrationibus sonum non continuari. Unde patet, facile solvi posse dubium, quod adfert Daniel Bartoli *Tratt. 3. c. 5.* de chordis æquè tensis, quarum altera rupta integram unisonam sonare fecerit. Quomodo enim ait vibrationes percellere potuerunt chordam alteram, cum chorda, quæ rumpitur, vibrari non possit. Nam sanè ad se num incutiendum chordæ vel unus impulsus suffecerit, qualis à ruptâ chorda in vicinam facile transferri potuit. Nemo melius causam hujus rei, & ad nostram sententiam accommodatius descripsit, quam Fracastorius in libro de *Sympathia & Antipathia*. *Unisonum*, dicit ille, *aliud unisonum commotat, quoniam quæ similiter tensæ sunt chordæ, consimiles aëris undationes & facere & recipere nata sunt: quæ vero dissimiliter sunt tensæ, non eisdem circulationibus nata sunt moveri, sed una circulatio aliam impedit.* Ictus enim chorda est motus compositus ex duobus moribus, uno quidem, quo chorda pellitur ante, hoc est, versus aëris circulationes: alia vero, qui retro fit, chorda reducente sese ad situm proprium. Si igitur mota una chorda debet & alia moveri, oportet ut in secunda talis proportio sit, ut undationes & circulationes aëris, quæ impellunt & faciunt motum ante, non impediant motum, qui retro fit à chorda. Quam proportionem solum ea chorda habent, quæ etiam consimilem tensionem habent: quæ vero dissimilem sortita sunt tensionem, non sese commotant, quoniam dum secundus fit motus, id est rediens chorda retro, circulatio secunda illi obviat, & sese impediunt: unde nec motus fit ullus, præter primam impulsationem, quæ insensibilis est. Hæc Fracastorius, qui rem ipsam attente satis contemplatus est, ad quam amplius illustrandam, quod ipse observavi, non parum conferet. Nam ut in pendulis æqualibus idem deprehendi, quod in chordis Fracastorius; ita & in inæqualibus has implicationes peridromorum sensi, quas ille in chordarum vibrationibus esse, conjectat. Pondus VIII. librarum impactum V. librarum ponderi, incussit illi motum aliquem, sed in recursu semper denuò impellebatur à majori, unde minoris ponderis motus jam crescebat, jam retardabatur: secus autem in chordâ tensâ fit: nam repetiti circulatorum aëreorum impulsus se sistunt mutuò, debilioris enim tensi vibrationes tardiores velocioribus fortius

tius tensi statim in principio sistuntur. Circuli enim aerei semel impediti, quiescunt renitente corpore inæqualiter tenso, quod ad quietem ab extremis sollicitatur: cum in pendulis ad aliquod tempus geminatorum impulsuum motus horsum, vorsum, sed inæqualiter tamen, continuatur. Quod si pondus V. librarum in pondus VIII librarum incurrat, motum illi exiguum incuriet. Quare & vibrationes aereæ chordæ debilius tensæ, imperceptibiliter movebunt fortius tensam, & quia maiore semper spacio recurrent, impingendo in illos circulos aereos, sistunt.

Ex iis, quæ hæcenus adduximus, abunde constare puto, necessarias omnino esse chordarum consonarum vibrationes, ex lege motus & percussionis. Dato enim corpore moto, necessum est, ut corpus impulsui proportionatum ab impellente moveatur. Nam ut impulsus, qui non habet proportionem ad mobile, est absque motu, ita & vice versa mobile ad impulsum se habet. Hanc impulsus aerei vim in funiculis æquali pondere tensis deprehendi. Cum enim adducerem unum funiculum, & motu stupæ funiculo alteri adherenti impulsus animadvertere potui. Ideoque non satis accuratum observatorem egisse Merfennum existimo, cum ait: se in octo chordis unisonis, super unam regulam tensis, non omnium vibrationes deprehendisse, sed jam has, jam illas, quasi ex arbitrio suo subfultasse. Nam sanè datâ causâ, effectus ut consequeretur, necesse fuit, ita tamen, ut in propius objectum fortior esset impressio. Ego certe falsum deprehendi in chordis quatuor, sed diversæ crassitie super sambuca ad eundem sonum attemperatis. Quæ omnes unâ tactâ movebantur, sed vibrationibus disparibus pro ratione vicinitatis & crassitie.

Quæ omnia cum sint certissima, miror, tamen dubium hic hære, Danielelem Bartoli, an causam hujus vibrationis in chordis tremori instrumenti, an chordis ipsis adscribere debeat. Ait enim, observasse se, omnem chordæ consonæ sonum suppressum, si corpus instrumenti Musici lævæ aut culeitræ impositum. Videri enim chordam quasi partem instrumenti, quæ obtuso instrumento obmutescat, & ad aliarum chordarum pulsus quasi sanda fiat. Verum ut ego existimo, prima fit in chordas impressio, quam sequitur altera soni inter cavitatem instrumenti reflexio, quæ tamen & augere sonum, & chordarum vibrationibus quasi vicariam præstare operam potest. Illo instrumenti tremore impedito, sonus quidem chordarum obrunditur, neque ad aures propagatur, sed tamen vibrationes illarum non cessant. Tremori autem instrumenti non adscribendam esse causam, vel ex eo patet: quoniam inter chordas plures super uno instrumento tensas, æquæ tensæ tantum sonant, reliquæ tacent: quod non facerent, si tremor instrumenti per totum corpus diffunderetur. Nisi fortas-

sis certæ partes in illo instrumento sint certis chordis proportionales. Sed tum novo Oedipo & demonstratore opus esset, qui partes illas indaget. Alioquin nodus nodo solveretur. Facile quidem concedo, ratione soni multum differre, an viridi, exsiccato, solido, cavo ligno superducantur chordæ. Sed puto infidum esse hîc aurium iudicium, quæ re percussione soni implentur, non primis illis vibrationibus, quarum mensura oculis discerni nequit. Itaque ut chorda sonat, si impura, si inæqualis; sic respondet cavitas ligni, in quam chordæ sonus mediante ponticulo traducitur.

Nemo, ut puto, ambiget jam amplius, phænomeni rationes ex æqualitate tensionis & proportionem impulsus ad mobile deduci debere exemplo pendulorum; atque ex illorum oscillationibus, τῶν ῥαδασµῶν sive vibrationum in chordis mensuram ineundam. Quæ si sensu ullo percipi possent, proportionem illam deprehenderemus. Pulicum saltus metiri olim nonnulli potuerunt. Sed illa earum celeritas est, ut nec Lyncei oculi assequantur. Evidentius aliquantum in chordis ex ære benè tensis & levigatis, si ad solis radium pulsantur, illæque radium reflectant, è reflexi luminis motu chordarum vibrationes in oculos iucurrent. Sed vix ego fieri posse puto, quod putabat Daniel Bartoli *Tratt. 3. c. 3.* furdum è chordis unius instrumenti iusta ratione consonantibus, alterius instrumenti chordas dissonantes, ad vibrationes illarum, quas accurato visu observat, temperaturum.

Similia chordis æquè tensis experimenta in reliquis sonoris corporibus deprehendas. Si enim è scyphis ventricosis vitreis octo sibi continguos posueris, ita ut infusâ singulis aquâ, toni usque ad diapason sibi succedant; videbis, si digito madefacto supremam scyphi unius oram strinxeris, in vitris harmonicis aquam magis vel minus, pro ratione vicinitatis corrugari, in dissonis verò quiescere. Si è duobus scyphis per aquam ad consonantiam redactis, alterius margini aciculam inflexam aptaveris, videbis illam cum strepitu quodam subsultantem, ubi alterius marginem digito, ut ante, presseris. Ita Monochordum contingens tabulam ejusdem soni, sonum duplo majorem efficere testatur Berigardus. Observavi ipse in tubâ Stentorophonicâ sonum longè crassiores, & ferme ululatu similem, ubi incidebam in tonos laminæ, unde confecta erat, consonos. Hanc arcanam sonorum conspirationem etiam antiquis non incognitam, è Vitruvio *lib. 5. c. 5.* discas licet, ubi de Theatris vasis prolixè agit, quomodo secundum tonorum proportionem locanda sint, ut major sit sonorum re percussio. Revoco etiam mihi in memoriam, quid, Coll. hon., tibi fistulam certo quodam tono instanti acciderit, cum in ellychnio pensili lami-

laminam ex orichalco ejusdem toni consonantem observaveras. Nolo ea, quæ Kircherus in Musurgia, ac alii passim exempla afferunt, hic congerere sunt enim notissima, neque omnium satis explorata fides est. De unico hic monenda quædam duxi. Putat is, Musicam exhiberi sympathicam posse, si instrumenti cujusdam chordæ ad organi pneumatici fistulas attemperentur: movebuntur enim, ait ille, ex certâ distantia, quam inventu difficilem esse putat. Ac fieri sanè vix poterit, ut locorum ratio adeo ad numeros disponi possit. Refert & statuam fuisse in quâpiam Ecclesia, quæ ad campanæ vicinæ & certæ in organo fistulæ sonum moveretur. Illam ita conficere jubet. Statuam è poroso & benè siccato ligno factam, & sonoro corpori proportionatam supra trabem organo vel campanæ contiguam, ponere vult, unde effectum illum sperat. Sed ægrè consilio & arte talia fieri possunt, quæ casu interdum contingere videmus.

CAP. V.

Tensio Corporis secundum superficiem in tympano. Duobus tympanis æque tensis, pulsato uno, tremor fortior sentietur, quam si non sint æque tensa. Aliqua ejus rei experimenta proponuntur. Tympanum puerile, quod frictu pulsatur, vulgò Rommelpot. Tympanum cum appensis intus tintinnabulis. Tympanum auris nostræ vulgari respondet. Ejus tensio impulsibus proportionata. Cur surdastri inter intensos strepitus sonos exiles percipiant? Pectus & diaphragma à tympani sono percussum. Inæqualis tympani tensio varios in illo sonos efficit. Tensio corporum ratione solidi. Tensio in omnibus, quæ crescunt & nascuntur, sed non æque sonori. Fluida soni non sunt capacia, nisi affricu ad solidum. Organa hydraulica Musica. Glacies sonat, quia tensa. Contiguitas durarum particularum in sonis necessaria. Durities aliquâ viscositate temperari debet. Lapidem quare non sonent. Lapis surdus Scoticus. Tensio in metallis, plumbo, auro, argento, ferro. Mistio metallorum sonum puriorem efficit. Aer vel æther in interstitiis metallorum detentus sonum format. Tensio particularum in lignis. Quæ ligna ad instrumenta Musica apta. Bacilli lignei musci per omnes conos, le claque-bois. Tensio particularum in Vitro describitur.

DE Corporibus secundum lineam rectam tensis vidimus, nunc ad illa veniamus, quæ secundum superficiem & soliditatem tenduntur. Ut chorda per lineam, ita pellis & membrana per superficiem tenditur, in tympano, funiculis ad omnia latera additis, quibus magis minusve vel adducatur vel remittatur, & ad certos sonos attemperetur.

Quando itaque duo ejusdem toni tympana (tonos enim in illis bene distinguere possumus), multis à se passibus distant, altero eorum percusso, alterum validè percutitur, tremit & sonat, consonante etiam vase æreo, intra cujus cavitatem sonus, cum aliquo quasi mugitu, reciprocatur. Ut subsultationis hujusmodum aliquem inirem, globulos, quibus pueri ludere solent, tres tympano imposui, unum centro, alterum margini extremo, tertium loco inter marginem & centrum medio, & æqualibus tympanorum sonis omnes excutiebantur, pulsato altero tympano: inæqualibus, centro impositus globulus præ aliis subsultabat, reliquis minus agitatiss. Accidere id quoque sentiebam altero tympano in conclavi vicino, clausis foribus, pulsato: sed tum consistebant omnes super tympano, & leviter tantum movebantur. Pisorum impositorum saltus evidentiores fuere. Animadvertiebam itaque membranam tensam omni sono impelli, in aliquos tremores; maximè vero sonis æqualibus. Ad motus hos in tympano, cum validior impulsus requiratur, quilibet videt, non omnibus instrumentis ad sonos provocari æquales tympani sonos posse. Vox humana & tuba aliquà ex parte id efficiunt. Nisi enim corporis sonori quantitas, & impulsus aëris respondent, tensioni corporis, nihil efficietur. Aër quoque in cavitate conclusus sub membranâ tensa multum ad sonum confert, si & ipsum corpus, quod aërem hunc continet, sonorum est. Alioquin tonos vix distingues, ut in vulgari illo militari tympano, aut illo, quo pueri ludere solent, quod vocant *Rommelpot*. Vesicam illi bubulam super ollam tendunt, centro hujus membranæ arundinem illigantes. Quam cum illi manu madefactâ fricant, è frictu illo, & membranæ continuâ adductione & remissione, aëre quoque intra cavitatem moto, sonus aliquis quasi grunniens editur, qui ex forti frictione intenditur, debiliore remittitur, gravior quoque, pro capacitate ollæ, & latitudine membranæ esse solet. Describit Suidas tympanum aliquod, cui introrsum multa appensa tintinnabula, quod dum pulsabatur, mirum ederet sonum, tympani mugitu acuto tintinnabulorum tinnitui permixto. Cujus cum meminit Magius *de Tintinnab. cap. 12.* addit: accepisse se à Josepho Zarlio Clodiano, musico celebri, quod Venetiis non absimile tympanum ratione musicâ fabrefactum aliquando conspexerit.

Non parum illa receptio motuum variat, prout tympano obducta pellis tenuior vel crassior est. Hinc Natura auri nostræ membranulam tympani instar subduxit, addito malleolo, qui sono exterius adveniente, forti, debili, gravi, acuto, mille rationibus & modis figurato, ad certa pulsuum genera determinetur, ac membranulam suppositam impellat, ut nos omnium differentiam accuratissimè dijudicare possimus. Hinc patet, quam subtilis sit illa pulsuum aereorum proportio, cui indagando nullum sufficit in-

geni-

genium. Rude ejus exemplum hoc esto: Si chartam duabus manibus expansam tenueris, senties pulsus tympani vicini jam fortiores jam remissiores, prout chartam tetenderis. Nam in tensione debitâ multum situm est. Hinc observatum est, eos, quibus membranula auris non satis tensa, sordastros esse, quæ officium non præstat, nisi voce & sono intensiore tendatur. Sunt qui submissos & exiles sonos non exaudiunt, nisi inter tympanorum pulsus & strepitus maximos; cum alii, quibus membrana debite tensa est, hos non audiant. Cum enim laxitas membranæ per sonos validos distendatur, soni etiam exiles reliquis admisti impellere illam possunt, ut percipiantur. In iis vero, quorum membranæ impulsibus aëris justa proportionem respondent, major sonus adeo valide impellit membranam, ut minor motus sentiri non possit. Caterum & in auditus organo rectè constituto, providus ille opifex musculos membranæ addidit, quibus illa pro ratione soni vel adduci vel remitti possit, ut funiculis suis tympanum. Singulis itaque impulsibus membrana hæc musculis tenditur. Quo exemplo patet, omnes tensiones quorumcunque corporum, si motus utrinque conspirare debeat, debere esse proportionatas. Illud quoque consideratu dignum est, quod Dn. de Perrault in *libro de Sono Gallicè scripto part. 1. cap. 4.* observat; sonos tympani, tubæ, aut chordarum Panduræ majoris, ipsum nonnunquam pectus percutere. Quod, ut ille judicat, fieri non potest, quam conspiratione aëris intra pectus conclusi cum aëre exteriori. Neque id fit omnibus tonis, sed iis tantum, qui respondent tensioni diaphragmatis. Namque in illam peculiariter operatur certus instrumenti talis sonus.

Satis ex iis, quæ diximus, patet, superficiem etiam tensam ab impulsu proportionato affici & in æquales tremores agitari posse; modo secundum omnes partes æqualiter illa tensa sit. Nam nisi tensio æqualis sit, æquales vibrationes non erunt, nec sonus purus. Quod in tympano, non æqualiter adducto, facile quis deprehendat: Nam in latere illo, ubi partes tympani adductæ, acutior sonus erit, quam in remissioribus. Idem in corporibus aliis sonoris evenire posse, hoc exemplo constat, ut alix partes aliis magis minusve tensæ sint, eamque ob causam sono varient. Hinc sapissime in vitro non unius soni, unum laceßere simili sono vocis possumus, altero non consonante, quod partes illæ vitri tantum aptæ sint, ut hoc aëris impulsu percellantur.

Tensio corporis, ratione solidi homogenei, per totum corpus ejusque particulas diffusa est. Nisi enim ita esset, nullus audiri sonus posset. Est vero tensio corporum non omnis sonora. Nam omnia, quæ miscentur, terrâ ratione tenduntur. Vegetatio, nutritio nunquam fit sine tensione, aliquâ, per quam quasi stamina ducuntur corporis fabricandi. Ita in-

generatione animalium fieri videmus: nam materia in certa quasi lineamenta extenditur, quæ perpetuis incrementis ad maiorem quantitatem additis particulis succrescit. Ita in nobis ipsis tenduntur nervi, musculi, quorum pene ipsa harmonica ratio est. Nam si corpus animalis ita exsiccare possit, ut humidis partibus absumptis, nervosa remaneret, eventurum videremus, ut nervi ipsi certâ ratione sonarent. Quod Mercurio lyrae inventori accidisse, fabulis traditur. Cum enim forte fortuna testudinem inveniret, carne & humidis partibus cæteris consumptis, nervis illis nativis optimè sonantem, artificio similis instrumenti, quod testudinis nomen inde accepit, naturam imitatus est.

Sed tensio corporum in isto statu positorum sonora non est, ob humorem & pinguedinem hinc illinc diffusam, quæ uniformem aëris interni motum esse non sinunt. Debet itaque hæc tensio corporum esse durorum; durities enim particularum, earumque certa contiguitas ad sonum requiritur. Fluida nullius soni sunt capacia, nisi qui attritu illorum ad solida excitatur. Ita aër flagellatus, quasi gemitu aliquo allisionem partium solidarum testatur. Idem in aquâ fieri constat. At verò si aër & aqua cum impetu & proportionem certâ allidantur corporibus, suavissimus sonus oritur; parum tremulus, ut in chordis & corporibus solidis, nisi forte tuba sit; sed magis undulatorius, cujus non tanta vis est in corporibus ad consonantias sympathicas disponendis. Ita beneficio aquarum instituta olim fuere organa hydraulica, quorum typum è Vitruvio ob oculos posuit Isaac Vossius in libro *de Poëmat. cantu p. 100.* qualia pneumaticis illis, quibus hodie utimur, nimio ut puto antiquitatis studio, præferre non veretur. Accidit & iis quædam tensio, sed exterior, & impetu constante directâ. Quod si aqua, quæ particulis non consistentibus constat, in glaciem vertatur, corpus, quod antea per se tensum non erat, missione salis nitrosi tenditur, ita ut partes indurentur, & sibi continguz fiant, cum interstitiis, partim aquâ, partim aëre plenis. Nam quanquam minima ejus in minora spacia coarctentur, totum tamen aquæ congelatæ corpus majore mole extenditur, ob nova, quæ illi accedunt, interstitia. Et sanè multas tales vesiculas aëre plenas observavit in glacie Valerianus Magnus, libro *de Incorruptibilitate aquæ*, de quibus more suo subtilissimam disquisitionem instituit Robertus Boilius in *Tractatu Anglico de Frigore sic. 9.* Ut vel inde appareat, meatus aëre repletos ad corpora sonora esse necessarios. Aer enim sonum efficit, tum interius cum particulis collidendo, tum exterius allidendo. Sonum itaque debilem sortitur, sed clarum tamen, & cum aliquo tinnitu, aqua congelata, quæ antea effusa tantum strepitum quendam successivum edebat, qui tamen ostenderet, soni esse capacem, si in aliam massam converteretur.

Præterea & contiguitatem durarum particularum requirit sonus, sed proportionē iustā sibi respondentium, ut in spaciolis illis comprimi & dilatari aër possit. Ejus rationem in sacco pisif pleno quodammodo observes. Congeruntur in illo corpuscula globosa, modicè dura & lævia, quæ inter se è percussione collisa, strepitum clarè edunt, successione quâdam & fluxu propagatum. Verum quoniam aer non captivus illic detinetur, sed cum libertate quâdam intercurrit, sonus inde verus formari non potest. Pro gravitate tamen impulsus, jam clariorem, jam obtusiorē strepitum deprehendes.

Sed nec omnis durities sono apta est, debent ita particulae esse duræ, ut non simul sint rigidae, sed quadam viscositate, at modicâ & quæ indurari potest, compactæ & lævigatae, quæ æquales particulis figuras tribuit & meatus, ut aër vel æther, non velut uncinulis quibusdam retineatur & implectatur, sed comprimendo & dilatando latera particularum æqualiter pulset. Quare nec saxa tam sunt ad sonum apta: viscositate enim debitâ destituuntur, nec æquales meatus habent. Non est omnino incredibile, dari in Scotiâ lapidem, quem surdum vocant, qui vehementissimos etiam sclopetorum sonos arceat, ut audiri non possint, si quis aurem illis apponat. Quoniam enim lapidis textura talis est, ut aeris particulae in illius spaciolis non possint moveri, sonus hinc excluditur.

Maxima proinde tensio est: quâ corpus è naturali illo statu in violentum, sed æqualem compingitur, qualis in quibusdam metallis habetur, quorum particulae, cum per ignem vehementiorem è lapidibus in massam, aliquam colliquantur, jam quidem inter se illæ tensæ sunt, & sonum habent: sed non ita ordinata est particularum congeries, nec figura externa sonum juvat. Inter metalla plumbum & aurum, per fusionem quidem tenditur, sed obscurè sonat, ob nimiam soliditatem & compactionem particularum. In plumbo admiscetur impura materia terrea, in auro viscosum metallicum nimis abundat. Sed tamen plumbum diu aeri expositum, sonum aliquem sortitur: quod argumento est, digestionē quâdam externi aeris, subtiliari hoc metallum, ut proinde non inter aniles fabulas reponendum sit ab Honorato Fabro, posse è plumbo veteri separari argenti particulas. Hæc enim quibusdam inter arcana fuisse scio, & cum lucro tractata. Aurum graviorem sonum habet, ut solent ingravescere corporum soni, qui duris quidem partibus constant, sed humore multo intermistis. Argenti sonus argutus est, unde sequitur, frequentes in illius corpore esse particularum vibrationes, easque fortiter tensas. In ferro majorem vel minorem tensionem facit temperatura externa, cum in diversis liquoribus exstinguitur; Quod optimè norunt artifices, qui varii generis instrumenta è ferro

ferro conficiunt. Succo fabarum & malvarum ferrum extinctum mollius, succo raphani acerrimum fit. Chalybs quomodo arte istâ tractetur, supra dictum est. Hinc tantam nonnunquam istarum particularum in gladiis tensionem videmus, ut arcus instar lunati, in rectitudinem se reducant. Patet ex hoc argumento, meatuum diversitatem ad tensionis gradus requiri, & particulas heterogeneas intercedere igni tendenti, ac meatus illos pro indole suâ refingere. Quare & duci ferrum in fila exigua sonantissima potest, & felicius in hunc usum, quam cætera metalla tractatur. Sed ad corpora è metallis sonantiora conficienda, multa sunt miscenda metalla, atque ita temperanda, ut duriora mollioribus debita proportione aptentur. Ita ut acutior æris campani sonus temperetur, stannum admisceri solet; ut lætius sonet, antimonium: complanat enim asperitatem partium æris, & superficieculas læviores reddit, humorem nimium quasi exsiccans, unde tensio materiæ sono magis adæquata sequitur. Arcaniora ipsi artifices norunt, qui quotidiana in his fusionibus observata institunt.

Hæc metalla per ignem simul colliquata ac sibi incorporata, in particulas oblongas complanantur, ut omnia fluida, atque ita instar chordæ cujusdam tenduntur; quæ ordine & situ in orbem confluunt, cum funditur campana, ut sit quasi massa quædam è chordis circulariter tensis & conglutinatis composita. Illis per quædam quasi strata sibi appositis, aer vel æther, qui in fusione particulis comprehenditur, aut extrinsecus accedit, cum ipsis acutè & æqualiter missus, in illis spaciolis capivus detinetur. Hinc particulæ horum corporum non ita rigidæ, ut in vitro, sed flexiliores, ut se elasticè dilatent, ut aer ipsis motu elastico respondeat. Inde procedit vibratio & tremor internus, qui, licet cerebrum ruperis, aliâ explicari ratione nequit. Et patet quoque, quam ob causam laminæ metallicæ, malleo contusæ, non ita sonent, ut metalla fusa: Meatuum enim figuræ eorumque æqualitas his contusionibus turbatur.

Habemus & ligna, quæ quidem, cum crescunt, tenduntur, sed ob humores interfusos non sonant; nisi cum exsiccata. Durities quoque lignorum diversa est; Nam quò illa duriora, eò minus ad sonum vel formandum, vel propagandum apta. Molliora verò ligna, ut abies, pinus, carpinus cum tempore sonare subobscurè incipiunt. Hinc fissa illa in tenues alserculos ad instrumenta musica adhiberi solent, sed excoctis prius partibus resinosis, & per multos annos exsiccata. Nam ut Boilius ex inquisitione artificum testatur, ad præstantissima instrumenta musica ligna octoginta annorum spaciò demum apta redduntur. Ac solent artifices diligentissimè alserculos istos complanare, superficies pro varietate chordarum, quibus subjacent, vel tenuiores vel crassiores de dolationibus suis efficere,

cere. Solent & bacilli lignei, secundum omnes tonos non sine aliquo ingenio adaptari, quale rusticis instrumentum notissimum est. Dicitur Gallicâ linguâ *le claquebois*, Germanicè, *Serohsfidel*. Quo longiores hi bacilli sunt, eo gravior sonus est. Unde patet, suas etiam lignis esse vibrationes. Particulæ verò illæ in lignis cum incipiunt ad sonum tendi, cum vel aqua bulliens, vel aër externus partes resinosas & humidas absumserit; nam fibræ illæ ligneæ, quasi chordæ coagmentatæ, ac inter se parallelæ, interstitia æqualia aere plena habent, quibus aerem sibi coextensum comprimere possunt. Rudem quoque sonorum in lignis diversitatem in schidis temere projectisprehendere possumus.

Clariorem in ligno sonum vix efficiemus, nisi, cum in cineres redactum, è sale ejus per ignem tenso, novus & clarior quasi per *παραλογυσία* artificialem in illo excitatur sonus. Salem ad sonum facere nonnulli judicant, ut in prioribus diximus, neque sine ratione: nam superficies salium planæ sunt & lævigatæ. Ut enim aer externus, si corpori allidatur, magis undulare sonum facit: ita aer internus, qui lævium particularum superficièculis impingitur, ordinationibus tremoribus concutitur. E lignorum itaque vel filicum salibus, sale communi, arenâ, vel filicibus, imò & aliis materiis, conchis, argillâ, vitro, justâ inter se proportionem mistis, vitrum conficitur. Particulæ enim per ignem colliquatæ in statum quendam relictum tenduntur, non vero ita, ut metalla, ut apparet è filamentis, & è vitreo scypho in helices per funiculum ardentem rupto: sed si supra modum tendas, frangitur. Quæ igitur integro Vitro competit tensio, & fragilitas, illa & particulis competit. Nam ut in scypho integro helices ad aliquod spacium tendi possunt, sed nimium tensæ franguntur, ita particulæ quoque franguntur, si nimium per vibrationes sonoras, quæ tensionem sequuntur, comprimantur. Sunt vero in vitro primum particulæ absolute primæ, quæ admodum sunt exiguæ, & fortassis sphericæ, sed particulæ majores filaminum & armillarum instar ab igne fusorio formantur. Viscositas quædam, sed exigua, arenæ & salium fusorum, per ignem inter hæc corpuscula æqualiter distributa, illa concrefcere facit, spaciis subtilioribus, quam in metallis, quorum latuscula summè lævia, relictis. Hinc fragilitas & sonus. Hinc in vitro fracturæ læves, cum metallicæ, ob copiosorem viscositatem, serratæ.

CAP. VI.

Motus sonorus è missione plurium motuum constat. Motus externus & internus. Uterque varius. Motus impressionis. Motus internus consistit in

compressione & emotione particularum. Motus ille in tenso corpore quomodo contipiendus è sententiâ Leibnizii. Emboli & tubuli in corporibus. Borelli sententia de armillis rigidis corporum compressionis capacibus. Motus trepidationis Verulamii. Singulare experimentum de lineis in laminâ arcâ parallelis, è motu circulatorum aëreorum, ductis. Motus ille vibratorius particularum in reliquis sensibus invenitur. Motus undulatorius aëris. An aër crassior soni vehiculum? Motus ille undulatorius in aquâ, quâ Scyphus impletur. Non simplex, sed varius. Idem motus aqua in catino est, qui in scypho vitreo. Prout aqua movetur, ita fluctuat sonus. Circuli in aqua ad sonitum chordarum. Motus undulatorii magna, ratione medii, diversitas. E sono vasorum præstantia vini dignoscitur. Sonus infusâ aquâ in scypho ingravescit. Error Hamelii, Verulamii, Kircheri. Toni in scypho vitreo spurii. Soni corporum comparati.

CUM natura soni in tensione & motu consistat, de tensione autem iam pluribus actum sit, porro in motum ipsum inquirendum, qui non unus, sed varius in sono est, ut in omnibus corporum phænomenis ille mistus est. Quam mixtionem motuum in corporibus qui rectè intelligit, ut Vir illustris, Stephanus Gradus, Bibliothecæ Vaticanæ præfectus differt. 2. de causâ motus accelerati optime judicat, rarissimas naturæ operationes expeditas dabit. Varietatem in corpore sonoro motuum hâc ratione, ut puto, concipere possumus. Motus omnis in corpore sonoro est vel externus, vel internus. Externus duplex est, ratione principii & finis: nam vel est ab illo, quod pulsât extrinsecus corpus, vel qui consequitur motum internum in aëre externo. Motus internus particularum corporis constituentium considerari vel absolutè potest, vel relatè. Relatè iterum multipliciter, vel quatenus comparatur cum medio, per quod propagatur, aëre, aquâ; vel cum aliorum corporum motu sonoro interno, sive illa corpora sint diversæ texturæ & ponderis, ut vitra & metalla, sive diversæ quantitatis, ut corporis sonus comparatus ad sonum chordæ, vel tympani, vel vocis. Est & alia ratio soni, cum editur tibiâ vel tubâ, aut alio quodam instrumento pneumatico; alia, cum ab asperâ arteriâ hominum vel animalium formatur. Quales omnes motus figuris suis multum differre oportet. Sed de iis in præsentîâ nihil nos movebimus, extra circulos nostros non divagaturi. Neque enim de sono in universum agimus. In eo verò convenire omnis soni ratio videtur, quod se habet vel ad modum diametri vel peripheriæ, quanquam pro corporis sonori figurâ, aërisque vibrati in isto corpore reflexionibus, diversæ sint ac varient moti aëris figuræ. In chordarum sonis manifestiora sunt omnia, ac satis explorata. Nam & Galilæus & Mersennus, ac alii pendulorum motus, ad chordæ motus demon-

monstrandos applicuerunt, & nos *cap. 4.* prolixâ demonstratione hoc ostendimus. Nunc itaque ad motus reliquos corporis sonori pergimus.

Motus ergo hic primò externus considerari debet, qui à causâ impellente oritur, quem Impressionis vocat Verulamius in tractatu Anglico de variis motionum generibus, qui inter opera ejus postuma reperitur: ubi eleganter hunc motum appellat *Generationem Saturninam*, quoniam effectus devoratur à suâ causâ, ut in excitatione luminis, & soni, ubi sublatâ primâ causâ simul effectus tollitur: secus ut in motu assimilationis, quem idem vocat *Generationem Jovialem*, quod primâ causâ sublatâ, maneat tamen effectus. Externus ille motus parum ad sonum, nisi quod extrinsecus movet, confert. Debet tamen inter corpus sonorum & gravitatem impulsus quædam esse proportio. Quæ si defecerit vel excellerit, debito motu interno non movebitur corpus. Si clave campanam majorem percusseris, non illum percipies sonum, qui dabitur percussu mallei vel pistilli proportionati. Imo si gravius, quam debet, sit percutiens hoc instrumentum, vel confringere poterit corpus, particulis ultra resiliendi potentiam motis.

Motum externum consequitur internus in ipso corpore, quo particule aeris vel æthere elasticè moventur, & aliquas extra corpus è meatibus protrudunt. Cum enim attritu hoc fieri videamus, in attractione electricâ, quidni & impulsu magis fiat, alio prætereâ motu minimorum cooperante. Jam vero inquirendum esset, quâ ratione minima corporum moveantur in corpore sonorè tenso. Cum itaque deficient hic sensus, ingenium vocari in subsidium debet. Minimis corpusculis componi vitrum, (nam de illo potissimum agimus) certum est, cum corporis hujus fabri ipsi simus. Minima illa exigua esse, & angustissima habere interstitia, vel ex eo apparet, quod nulla corpora adeò poliendo lævigari ut vitra possint. Interstitia tamen aliqua concedenda esse, nemo negabit, qui superius à nobis tradita attento animo legerit. Particulas deinde majores per ignem formatas in vitro agnoscimus, quæ comprimi & resilire possint, prout aer inclusus movetur. Aer enim in duris comprimitur, in mollioribus elabitur.

Ingeniosissimus Leibnizius hanc motus rationem in tenso corpore multa cum cura versavit. Quam ut in Theoriâ motus concreti explicatam daret *p. 64.* fingit duplicaturas tubulorum, quibus componuntur corpora. Illos autem tubulos eo latere, quo alium accipiunt, facit occlusos, in altero, quo alteri inseruntur, apertos, ut vicem præstent embolorum ad sensum infinitorum. Quæ igitur difficultas sentitur in embolo extrahendo, dum aerem vasis pneumatici exhaurimus, & quæ facilitas reductionis est, cum embolum dimittimus, ac aer resorbetur, eandem ille in tubulis his & embolis exiguis concipit. Satis quidem acutè, si demonstrari ad sensus illa

possint. Aliquid tamen huic motui analogum supponere nos ratio jubet. Nam ut rectè Berigardus Circulo Pisano *part. 4. circ. 5. p. 398.* Sonare non potest scyphus vitreus, aut æreum tintinnabulum, cujus tremunt singula partes, nisi in quibusdam raritas, in quibusdam densitas producat. Debent itaque figuratæ eum in modum esse partes, & interstitia, ut ea densitas & raritas, quæ in compressione & dilatatione consistit, dari possit.

Aliam hujus motus interni rationem instituit Joh. Alphonsus Borellus libro de *Vi percussionis*, qui *cap. 26. & cap. 31.* docet: quod omnia concreta corpora, etiam dura & rigida consentur è particulis flexilibus, quarum aliqua vectis officium expleant; alia cunei; alia ad modum laminæ extensa sint, alia velut armillæ circumflectantur: inter quas innumera sunt spaciola, in quibus flecti possint, ac admodum machinæ resilire, unde compressio illa & dilatio oritur, quæ iteratur ad modum funependuli, unde tremor ille in corporibus. Demonstrat & ulterius *propof. 97.* Jam qui in spaciolis istis aer vel subtilis materia habitat, æquè componitur è spiris seu machinulis resilientibus, qua resiliendi vi rumpi corpora solidissima videmus, ac pondera magnâ vi propelli, ut in catapultis pneumaticis. Nimirum quæ est in universò aeris systemate resiliendi potentia, ea minutissimis etiam particulis, præcipuè si inclusæ sint, competit. In eo scilicet rerum, quendam inanimatarum sensum aliquis consistere dixerit, quem integro libro, quanquam aliâ ratione, assertum ivit Thomas Campanella. Vitrum verò innumeris talibus constare armillis, sed minus flexilibus, vero est simile: quod & deprehendere ex experimento illo Hookii de Vitro stillatio licet, cujus supra meminimus. Verulamius in laudato superius tractatu, hunc motum trepidationis vocat, alio tamen sensu, quam Astrologi, corporum scilicet in perpetuâ quasi captivitate constrictorum. Quæ continuo tremunt & inquieta sunt, quia ab illo positu & situ liberare se volunt. Hujus ille motus exemplum quamquam in corde & pulsibus animalium proponit, reverâ tamen & in corporibus sonoris concedi debet. Licet enim illic particulæ non semper actu ipso & per se moveantur, quod fieri tamen interdum superius diximus, tamen in perpetuo mobilitatis statu sunt. Quæ si admittimus principia, (nam admittere nos ipsa rei evidentia jubet) facile hinc patet, quæ sit in corporibus sonoris tensio particularum. Comprimuntur enim machinæ flexiles corporis sonori, quibus præcipuè metalla constant: ut deprehendere licet; cum in mineris suis, quasi striis quibusdam dispersa, latitant, quas arètius postea conjungit ignis fusorius. Unâ cum iis coarctatur etiam aër interclusus & extra poros pulsus externum aerem movet in infinitos circellos: sed qui intra majorem gyrum, quem corporis sonori capacitas circularis definit, movetur. Qui gyrum, si
à cor-

à corpore sphærico vel conicò pulsato procedat, in figuram ellipticam comprimitur, ac in circulum iterum retrahitur, ut ipsum corpus, unde emanat sonus, ovalem quandam figuram nancisci videatur.

Hujus motus interni vis demonstrari etiam hoc experimento posset, si verum est, quod è Galilæo, quamvis non nomet, Berigardus *part. 6. circ. 15. p. 685.* proponit. *Portento, ait, simile videtur, quod si quis laminam æneam levigatam cultro madat stridoremque efficiat, varia linea in eâ exaratur, non ubi culter laminam tangit, sed in alia parte: si autem radendo sonus aris diapente vel diapason efficiat, tunc linea parallela conspiciuntur, eâ proportione, quam exigit numerus harmoniæ, illa verò exarari non possunt aliâ vi, quam circularum, qui sunt in aëre, & æs pariter ac membranam auris efficiunt, eam grata proportionis percutiendo, quâ deficiente stridor apparet ex percussu inæquali & injucundo.* Idem quoque experimentum tentavit Daniel Bartoli, ac ulterius illustravit, libro toties laudato *Tratt. 3. c. 4. p. 145.* Mihi, quid eâ de re judicem, non liquet, cum ipse periculum non fecerim, Virorum interim doctissimorum fidem & auctoritatem minimè vilipendens.

Cæterum non moventur tantum intus hæ particulae, sed & expelluntur, & aliquam distantiam à corpore, ita tamen, ut se reducant, quemadmodum pendula reciproce mota, & tandem quiescant; idque in campanis majoribus etiam visu observari potest, dum circularis ejus figura velut, in ovalem commutari videtur. Primum quidem uno in loco à malleo moventur particulae, hæ vicinas in orbem movent, & continuâ coarctatione elidunt. Imò verosimile est illud quasi systema particularum motarum, aliis motibus elasticis in ipsis minimis agitari. Sine hac trepidatione & emotione particularum nullus fit sonus. Atque ita non solum in auditu, sed & in omni sensu vibratio particularum accidit, nec sine illâ sensatio procedit, maximo argumento, efficacissimas esse à motu minimorum operationes. Neque enim è crassiori & evidenti illo motu metiri sensus debemus, sed occultiore illo minimorum. Applicatio enim rei odoriferæ ad nares, rei sapidæ ad linguam, sensationem non facit, sed singularis quædam minimorum motus vibratorius. Id in contactu corporum videmus: ut enim minima se movent, ita sunt operationes. Aqua simplex linteo affusa pertransit, fortis eam corrodit, alius enim in hac minimorum motus, quam in illâ. Equidem persuasus sum, multa in his latitare arcana, quæ nos, causam ignorantes, ad fascinationes, magnetismos, sympathias similiaque commenta referimus. Vibrationes & tremores radiorum lucidorum in visu quis non observat? & ipsi illi radii, quatenus emanationibus subjectorum permiscantur, suas quasdam vires nanciscuntur. Pitissando, aut guttulas aliquas linguæ applicando, plus gustamus: nam minimorum vibra-

ti^{one} in s magis se per papillas nerveas diffundunt. Ta^{ctu} subtilium corporu vibratio illa in titillatione sentitur, quæ magis interdum spiritus movet, quam tactus aliquis validior, quo minimorum motorum vis obtunditur. In Odoratu vibrantur à corporibus effluvia minima, sive illa frictu provocentur, sive aere externo calido. Illorum etiam acutior sensus est, si non confertim nares impleverint, sed quasi punctulis vellicando. Tunc enim minimorum motus magis percipitur. Hunc motum internum partium, consequitur aeris externi corpus sonorum in cavitate ambientis motus, nam ad cavitatem emoventur particulae, circulari illâ figurâ omni à latere, ad centrum premente; Atque ille intra campanam perpetuâ decussatione fluit particularum internarum moventium impulsus secutus, diciturque undulatorius, qui eâdem motus proportionem per totum aëris, ut ita dicam, Oceanum se diffundit. Sed dubitari tamen potest, an ab illo undulatorio motu sonus, qui illô celerior, eumque longè antecedere videtur. Nam in campanæ pulsû primus statim ictus auditur, ac ipsa aëris undulantis fluctuatio dehinc auribus percipi potest. Quo apparet, subtilius aliquod sono vehiculum præter aërem subterni, qui licet sine crassiore aëre formari non possit; ab illo enim tinnitus ille undulatorius est: tamen illa aere subtilior materia harum aerearum undularum pulsus secundarios etiam deferre videtur. Quod aliquâ ex parte è sono campanæ in vitro evacuato probari potest. Observarunt enim sagacissimi inquisitores, tenuem campanæ pulsatae sonum audiri, aëre crassiore excluso: ejus exigua tantum parte per siphonem admittâ, clariorem illum percipi: unde patet vehiculum ætheris, pulsus illos & primos, & deinceps, deferre: tinnitu autem, qui procedit ex aëris externi ad corpus sonorum ejusque particulas affrictu, deficiente, ob crassioris aeris absentiam, præter pulsum unum vel paucos, deportari ad aures non posse. Non itaque radiorum tantum, quod aliqui volunt, sed & soni, vehiculum materia illa subtilis est, licet hujus motus tardior sit. Quanquam enim in exploso sclopeto è longinquo ignem prius videmus, quam sonum audimus: tamen si quis accuratè attenderit, unâ cum igne visô subobscuram aeris percussione percipiet; sed sonus è fluctuum aereorum successiva collisione tardius propagatur.

Motus hujus undulatorii vestigia deprehendere possumus in scypho vitreo, si aqua ipsi infundatur: Nam si illum percusseris, aut digito madido oram ejus supremam leviter strinxeris, rugas in aqua videbis magno numero, quasi sulcos aeris in figuras ellipticas abeuntis, redeuntisque in circulum. Nam figurae rugarum in aquâ, penè rectilineæ apparent, sed cum aliqua crispaturâ. Iconismus figurarum in aquâ ille est, quem Daniel



Bartoli quoque exhibet. Ex earum figurâ patet, aerem è poris vitri emotum has strias ducere, similes illis, quas ventus transverso motu super aquæ superficiem latus excitare solet. Imò deprehendi ego in bulla quâdam majori ad latus scyphi exorta, cum digitus illam partem premeret, quasi sibilum tenuis ventuli intra bullam agitati. Vidi quoque subtilissimas bullulas e vitri superficie, qua illam tangit aqua, exortas, & ipsi aquæ supernatantes, manifesto indicio: quod emotæ subtiliores aeris vel ætheris particulae has turbas excitent. In aquâ calidâ vehementiores etiam motus observavi, quam in frigidâ: nam particulae jam tum motæ facilius moventur, quam quiescentes, & nisi me omnia fallunt, planè alius ille motus videbatur. Habet & aqua alium quendam motum, à crispatorio illo diversum, undulatorio similem, cum latus scyphi percutitur. In digiti pressione, etiam superficies aquæ in orbem moveri videtur. Eundem ego in campana & catino aquâ impleto motum crispatorium observavi, quâ in re discrepat à nobis Daniel Bartoli, qui *Tratt. c. 5.* non nisi orbiculares motus tum in aqua, tum in argento vivo, quo impletum erat vas, se observasse ait. Et est sane talis orbicularis motus in aquâ, qui à percussione procedit, quem in scypho vitreo, si accuratè attendimus, etiam notare possumus. Sed crispatorius ille, qui à tremore vasis provenit, in densiore illo argento vivo forte deprehendi non potuit. Aqua illum mihi ostendit. Imò attentius rem consideranti, quemadmodum in catino percussio uterque motus apparuit: ita & in vitro celeriore agitatione digiti, mihi visus fuit, hoc modo, ut iconismus exhibet. Unde quasi tempestas, & nescio qui in simpulô fluctus excitari videbantur. Eadem ab horizontali illo in vitro



vitro statu inclinata, easdem strias, sed deorsum tendentes, in latere tantum percussione monstrabat, incerto & fluctuante scyphi sono. Prout enim aqua ad oram scyphi se porrigit, ita tonus ingravescit, proratione spacii aërei, quod toti illi globo decedit. Nam si toto scypho aqua repleto, tonus penè ad diapason ingravescit; aqua ad medietatem infusa, quâ in ovalibus illis scyphis circa partem protuberantem ingravescere incipit sonus, si inclinatur ad oram extremam, uno vel duobus tonis decrescit primus ille vitri tonus. Similiter fit in omnibus aquæ copiosioris infusionibus & inclinationibus, ut inclinata aqua uno aut sumum duobus tonis superet planam. Quod ex tremore inæquali provenit, qui in uno latere aëre repleto celerior, in altero aqua perfuso, tardior. Pro ratione segmenti vel amplioris vel strictioris variat sonus, quemadmodum chorda, si semel percussa, verticillo adducitur, aut si plectro aliquo secundum longitudinem perstringitur, sonum perpetuo quasi fluxu, ob vibrationis successivæ vel imminutionem vel augmentum quasi cum gemitu quodam protendit. Vidit etiam Daniel Bartoli circellos in aqua scyphi vitrei, ad sonitum chordæ in testudine pro gravitatis proportionem majores vel minores: sed obrusiores & rariore, cum pulsaret chordas soni acutioris, de quo ipse videatur *Tratt. 3. c. 4.*

Ex illis, quæ hætenus adduximus, conjicere possumus, quàm longè plures, subtiliores ac concitiores in medio longè subtiliori ac puriori, aëre sc., formentur tales undulæ. Patet & ex hoc experimento, quanta sit sonori corporis diversitas, cum per medium crassius propagatur sonus. Qui etiam pro majore vel minore medii densitate variat. Sic longè est concitior motus in spiritu vini infuso, ut guttulæ penè ad ulnæ distantiam

tiam è vitro dispergantur, ac bullulæ quædam in medio liquoris vorticis instat glomerentur. Quod in aquâ non ita fieri observabis. In cerevisia, oleis, aliisque liquoribus spissioribus ne minima quidem notatur corrugatio, ac obtusius sonat vitrum. Hanc ob causam solent nonnulli Oenopolæ vini præstantiam è sono vasorum judicare. Quo enim clarius vasa sonant, eo præstantius vinum est, quò obtusius & densius, eò magis seculentum & impurum. Quod cum non intelligunt homines simplices, mirantur sæpe, emptores quasi hariolatione quâdam illa sibi vasa seligere, quæ ipsi sibi servare mallent, ac quorum præstantiam ipsi dissimulant. Sonus in media aquâ conceptus exilis est, & è longinquo quasi auditur, ut experimento hominis in puteo sub situla clamantis probat Verulam. *Sylv. Sylv. Cent. 2. n. 155.* Scyphus vitreus leviter sonat eo tono, quem aqua infusa dedit, si voce vel unisona vel diapason provoces: cum ad tubæ sonum longè fortius ille cansonat, & majori impetu aqua moveatur. Ejus accuratam mēsuram facillimè isthoc pacto inieris, si scyphorum capacitates & liquorum pondera inter se contuleris. Ego in modicæ quantitatis scypho vitreo conico, aquâ ad summum impleto, sonum ad diapason ingravescere animadverti: plus minus verò in aliis, pro eorum figurâ & capacitate. Tradit quoque Verulamius, observatum esse nonnullis, vas vacuum digito percussum diapason edere, respectu soni ex vase repleto. Hinc aquâ pene ad medietatem scyphi conici infusâ uno tono gravior sonus est; qui semper, pro aquæ augmento, per minora intervalla magis ingravescit. Cujus hæc ratio: quod, cum minor sit vibratio vitri (in primis conici; nam in cylindricis aliter res se habet) circa pedem, major circa medietatem: maxima, circa oram extremam; iis quoque gradibus sonus gravior fiat. Id fieri similiter in poculis metallicis videmus. Quò magis miror elegantissimum Philosophum du Hamel de *affectionibus corporum lib. 1. c. 10. extremo* contrarium scribere: Quod quò plus aquæ scypho vitreo insit, dum in orbem acto digito aqua crispatur, sonus acutior efficiatur, quia tum celerior sit aquæ vibratio, & quò minus sit aquæ, hoc sonus sit gravior. Planè enim repugnat experientia. Longè autem alia ratio est vibrationis in fistulâ, cujus illic exemplum idem affert Autor. Inciderat jam ante in eundem errorem Baco Verulamius. Is in *Sylvâ Sylvarum seu Historia Naturali Cent. 2. Observ. 183.* ita habet: *Vitreum poculum, præsertim infra arctius & supra laxius aquâ reple, marginique ejus salitrum impinge, aqua deinde intervallis repetitis magis magisque effusa, tonum semper salitro explora, senties decrescere sonum & graviores fieri, quò poculum inanius.* Quæ falsissima sunt. Video & Kircherum in *Musurgia lib. 5.* idem dicere. Auditur interdum & falsus tonus oram vitri fricanti, sed invariabilis, qui à pede scyphi provenit: Is enim, si

latus & cavus, sonum habet ab ipso scypho distinctum; semperque præ primario ejus sono auditur, nisi sub ipso scypho columnam digitis teneas; quo vibrationis ad pedem transitus prohibetur.

Quæ hæcenus diximus, ad motum internum corporis, quatenus medio diverso comparatur, pertinet. Sunt & aliz sonorum vicissitudines & effectus ratione corporum inter se comparatorum, ut chordarum & tympanorum varii generis, & ratione aliorum corporum, figurâ, mole, parium vel imparium, quæ omnia excutere hoc in argumento operosum nimis videri possit. De iis in sequentibus nonnulla, ubi occasio dabitur, attingemus.



CAP. VII.

Vltra pro varietate figura sono variant. Scyphorum vitreorum per vocem frangendorum qualis figura? Aër in scypho superius coarctato validius movetur. Partes in cavo vitri plus moventur illis, quæ sunt in convexo. Suspicio de externo aëre partes cavitatis in vitro perturbante. Diversitas soni, quo vitri sonus provocatur. Vox ad ululatum accedens fortius ferit vitrum. Ejus causa. Cavitas reflectit variè sonum. Sonus speculo Parabolico collectus. Auris structura. Turba Stentorophonica. Buccina Alexandri Magni. Iconismus ejus à Kircherò productus. Alius ab illo diversus. Quid de illa sentiendum. Ejus experimentum cepit Dn. de Alance. Sonus ex harpagio intensissimus. Spelunca subterranea. Immanes boatus & tempestates ex illis per sonum excitata. Tussis in vallibus montium nives deturbat. Dolia subterranea adium sonitum augment. Terribilis per canalem frémicus excitatus. Fons ad tibia sonitum se effundens. Fons in Helvetia nomine suo ter vocatus funditus exestuvare dicitur. An vitrum per sonum ex percussione densatum citius, quam per clarum rumpatur. Tabula vitrea è longinquo etiam sono pulsatur.


Accidit etiam in scyphis vitreis, ut pro diversitate figuræ diversi sint soni: quemadmodum in campanis, quæ vulgari modo formantur, fieri videmus. Omnes enim plures habent tonos aliterque sonant, cum in margine extremo; aliter cum in medio, aliter cum in apice pulsantur: nam simplici figurâ non continentur, sed spirali lineâ curvantur: validissima verò tensio ac particularum vibratio in extremo margine est, ubi maxima est crassities & capacitas. Scyphi vitrei, qui voce franguntur, cujuscunque figuræ esse possunt, modo alterius generis vitro non variegati, aut bullis, nodis similibusque ornamentis incrustati, lineis vel

vel striis excavati, quibus soni fluxus impeditur & adversus vim vocis firmari potest. Neque nimis sint exigui, quales tonum acutiorem habent, quam ut vox ipsis respondeat. Quos Daniel Bartoli voce fractos vidit, ii sex, septem digitos, dempto pede, alti; orificium eorum tres, quatuor digitos latum fuit. Si scyphi nostri vitrei, qui voce ruptus est, figuram consideremus, ea ad ellipticam, ac quodammodo circularem vel ovalem inclinat, cujus segmentum exhibet. Eum enim in modum formantur scyphi illi, quos Germanicâ linguâ *Römer* vocamus. Figura verò eorum cum simplicior sit, quam campana, non adeo variat sonus, nisi inæqualis crassities vel temperatura sit. Tum enim impurus sonus eorum est, ut est chordarum illarum, quæ inæqualis sunt crassitie, & falsæ à Musicis vocari solent. Vitri vero ipsius particulæ eò magis tenduntur, quò magis aër intra cavitatem scyphi conclusus est, quam in campanâ, ac pullu agitur in se reflectitur. Quod circa vitri medium accidit, cui eam ob causam os clamantis potissimum obverti debet. Nam sanè sonus in scypho talis figuræ aërem externum ad latera validius impingit, nec tam expedite foras propellit. Ut videre licet in scypho rotundo, angustioris orificii, ad duos circiter digitos, cujus sonus omnis cessat, quod aër exterior non effluere liberè possit. Simulac autem orificium amplius redditur, pro ratione amplitudinis, sonus incrementum capit. Observes & hoc, longè esse vehementiorem motum aquæ intra cavitatem vitri, si pulses, vel digito marginem perstringas, quam exterioris aquæ, si scyphum cum aquâ infusâ, aquæ imponas. Exterior enim aqua convexam scyphi partem alluens, modice quidem crispatur, sed non cum vehementi ista agitatione, quæ intus deprehenditur. Quæ me causa dubium aliquando habuit, an non potius ab externo aëre, vitri partes concavas interius reperiunt, fractura vitri deduci debeat. Convexa enim citius à cavâ superficie, quam à convexâ rumpuntur. Ut sæpe in sphaerulis vitreis observatur, quibus aër cum violentia se intrudens, fundum facillime excutit. Sed nulla hic talis externi aëris coarctatio est, ut ab hac causa procedere possit.

Debet & ejus capacitatis esse scyphus vitreus, qui non excessu suo superet conatum clamantis. Nunquam enim in majore scypho vitreo idem Oenopola iste tentaverat. Quanquam & hic rem successuram non dubitem, imprimis si fortior vox sit. Illud etiam accuratè observavi: multum referre, quo sono, claro, an obscuro vitri sonum provoces. Si enim vox vocalium A, E, I sonum exprimit, nunquam ita validè sonabit vitrum, quam si ululanti similis U Italicum exprimat. Tum enim vehementius tremit & sonat, ad majorem etiam distantiam: quod in tabulâ quadratâ vitreâ observavi. Ejus tonum cum explorasssem, dabam alicui ad 50 pedum

distantiam ex adverso tenendam, angulo aliquo extremo : ita tamen, ut rectâ lineâ vocis meæ sonus incidere in centrum tabulæ posset. Quem cum diapason à tabulæ sono discrepantem, ut in scyphi vitrei rupturâ, ederem ululatus quodammodo similem, satis clarè, ut ipse exaudire possem, consonabat tabula. Quod vix ad 10. pedes fiebat, cum clariorem sonum ad vocalem A, E, vel I accedentem ederem. Cujus rei ratio in eo consistit, quod talis sonus, ob rotundationem oris, & spiritus è cavitate quâdam, intra quam reflectitur, egressum, quasi inspissetur, & cum flatu quodam emitatur; quod non fit in clarioribus, qui è gutture aperto dimittuntur. Sic cornua ob sonum in cavitate toties reflexum densius sonant, ac longius audiuntur, quam tubæ, quæ rectiores sunt, & circa extremum cavitatem per gradus dilatatam habent, ac ad vocalis A sonum accedunt. Quid quod ipsa literæ  figura, soni sui formationem & tubæ extremæ formam representet; ut U vel u cavitatem cornu, ac soni sui ex ore rotundato prodeuntis speciem exhibet. Linea vero transversâ in  prohibere, quasi videtur, ne lineæ arctius coeant, ac vim illam, qua lineæ spiritus sonori distenduntur, quodammodo innuit. Obeandem rationem Buteonis vox longius exauditur, quam eorum animalium, quæ vocem emittunt clariorem. Norunt etiam Germani veteres, quod in militari clamore, (teste Tacito libro de Moribus Germanorum,) *objectis ad os scutis plenior & gravior vox percussu intumescat.* Non aliâ de causâ in speculo Parabolico soni in unum punctum colligi possunt, ac ejusdem speculi opera fieri potest, ut qui intra lineas fertur sonus è longinquo etiam audiri, & alio simili speculo procul in uno centro colligi ac multis modis reflecti possit. Quæ mira videbuntur illi, qui hujus rei rationes ignorat. Soni enim eodem modo ut radii lucidi, imò plus quam illi reflecti & augeri possunt: ut à præstantissimis Mathematicis demonstratum est. Proinde non est adeò improbable, quod Verulamius in *Sylvâ Sylvarum cent. 2. n. 121.* exagitat: potuisse à quopiam ope speculi urentis è domus tecto detegi conspirationem adversus Reginam Mariam; Existimat enim: percussionem aëris solam ex ejusmodi speculis nullum edere sonitum. Hinc videmus animalia auditus sensu præ cæteris prædita aures habere in segmenta elliptica vel parabolica formatas: & ejusdem figuræ instrumento, quod sarbadan Hispani vocant, auditus juvatur. Tuba quoque Stentorophonica, præprimis illa, quæ in conum assurgit, frequenti percussione sonum multiplicat, ut ad aliquot milliaria audiatur, & dudum ante hanc tubam inventam Marius Bettinus in *Apiar. Mathem. Progymn. 2. prop. 7.* tubum ellipticum fabricare docuerat, quo sonus etiam submissus ad ingens spatium propagatur.

gatur. Nam tuba nimis dispergit sonos. Qualia artificia antiquis etiam fuisse cognita, è buccinâ illâ, quæ Alexandro tribuitur, quâ exercitum alloqui & convocare solitus fuit, apparet. Illam Kircherus primum, in *Arte Lucis & Umbra*, hinc in *Phonurgiâ suâ*, in lucem produxit. De, quâ, occasione ita ferente, quædam afferam, quæ à Kircheri designatione discrepant. Nam in eundem librum, cui titulus: *Aristotelis secretum secretorum ad Alexandrum*, ex Arabico in latinum conversum, quod Alexander Achillinus, una cum aliis dubiæ fidei opusculis, Bonon. 1516. edidit, incidit. In cujus frontispicio figura istius buccinæ aliter depicta visebatur, quam ea, quam in ejusdem libri antiquissimo Codice Vaticano se reperisse ait Kircherus: Nam apud Kircherum duæ figuræ habentur: A. B. Primæ totus



circulus exhibetur, in cujus tenuiore parte orificium, crassiore exitus tubiformis apparet, altera figura B canalis elliptici, ea est, cujus ex Mario Pectino supra mentionem fecimus. Sed ille ob arctiorem exitum vocem exilem tam latè spargere nequit. Convenientior multò ad hos usus illa figura est, quam Cl. Dn. Collega noster Reiherus è tubâ Srentorophonicâ reformavit, ut in iconismo D repræsentatur. Tertia figura C, iconismus est ejus buccinæ, quâ Alexander usus dicitur, in isto, quem legi libro, quæ quam differat à superioribus, hinc apparet. Utra propius ad istum effectum

præstandum accedat, ego non dixerim. Fortassis res tota fabulosa est. Nam apud Historicos ejus rei nec vola est, nec vestigium. Illa, quam ego produxi, figura ad soni diffusionem non tam apta videtur, quam figura A: cum figura C circulari illa convolutione, & exitus coarctatione, sonum in ventre hujus machinæ auctum, in exitu suffocare videatur: nisi forte, qui duo pedes hujus machinæ videntur, tubi sint, per quos sonus collectus spargitur. Sed cui tum usui duplex orificium & duplex exitus? An quod à duobus inflari debet? At altera illa figura A per semicirculos æqualiter crescentes, in crassissima parte orificio obversâ, sonum per gradus auctum expellet. De Alexandri buccinâ, an primæ, an teriæ figuræ, mihi non constat. Hamelius de corpore animato *libr. 2. c. 4.* testatur: *Inter complura, qua in hanc rem Vir Cl. Dn. d' Alance facienda curavit, omitti non debet illa, qua Alexandro buccina tribuitur, quâ exercitum suum alloqui solebat. Cujus figura cum jam in veteri codice Bibliotheca Vaticane esset exarata, atque à Ricino descripta, an eventu rem ipsam comprobaret, Vir studiosissimus voluit experiri, & res ipsa bene processit. Nam id genus tuba cetera in hanc rem fabricata instrumenta, si minus superare, aquare certè videtur.* Quis ille Bitunus, vel quæ hîc figura intelligatur ab Hamelio, non dixerim. Ipsa quoque descriptio buccinæ C, quæ in memorato libro additur, multum à Kircherianâ discrepat. Hæc enim figuræ huic addita verba leguntur: *Hoc aneo cornu mirabili artificio fabricato Alexander Rex Magnus ex LX miliaribus exercitum suum convocavit. Quod ob illius inestimabile artificio & excedentem magnitudinem LX viris regebatur. Verum multa resonantium metallorum genera in ejus compositionem concurrebant. Nihil horum apud Kircherum legitur.* Quamquam omnia conficta credam, ut ipsos illos libros, quibus præfigitur, notare tamen diversitatem illarum relationum volui. Quantum ex experimento Dn. d' Alance superius allato colligitur, ultra tubam Stentorophonicam sonum non extendit buccina ad ejus exemplum confecta. Sed Alexandrina illa fortè multo major fuit, ut esse sanè debuit, quæ ad C stadiorum & LX mill. immanem distantiam sonum dispergeret. Quomodo in tubâ Stentorophonicâ sonus augeatur, prolixè integris libris demonstratum est, quæ omnia breviter proponit Dionysius passim in Memoriis suis Gallicè scriptis, de Anno 1672. Procedere talia soni augmenta etiam in aliis tubarum figuris, nuper casu aliquo didici, cum inciderem in harpagium, instrumentum, quo hortulani in rigandis herbis uti solent. Tubo enim E protenso varios immittens sonos ruptos, quales labrorum motu in tubis formari solent, mirificè illos in fâse illo cylindrico augeri deprehendi: cum vero inciderem in illum, qui cum vase conspirabat, tam validum sonum observavi, qui ad latera laminæ F quasi bisectus, rupto illo & aspero tubæ clangore

gore insonaret, ut fauces, pectus, os, aures tremore illo non sine dolore aliquo concuterentur: cum reliqui soni omnes obscuriores, & in eo ipso sono, laminæ superioris margine panno obducto, abrupta illa asperitas cessaret. Ex illa multiplici soni percussione provenit, quod in locis cavis & conclusis levis sonus pro magnitudine loci in immensum protendi possit, quod experiuntur illi, qui in fodinis laborant. Ideoque non est omnino hoc a vero alienum, esse lacus aut speluncas, quæ lapidis exigui jactu horribiles boatus effundant, aut vapores emittant, tempestates cientes. Potest enim talis cavitas repleri variis vaporibus, ad fermentandum aërem aptis, qui levi motu ebulliunt, & spiracula sua aëri immittunt. Faciunt huc, quæ ad speluncæ illius, quæ vocatur auris Dionysii, & ad cavitatis in monte Vesuvio descriptionem prolixè adducit Daniel Bartoli *Tract. 4. c. 7.* Eandem ob causam periculosa tussis est in valle, quam undique montes prærupti nivibus recti cingunt. Nam ut Claubergius in *Physicis suis lib. 687.* observat, sonus ille percussione ad montis latera nivium globos movet, ut casu suo ambulantes obruant. Ita vasa vel dolia sub ædibus in terram defossa, ipsas ædes faciunt sonoras, de quo in Aristotelis problematibus. Spectat huc quod Verulamius *Sylv. Sylvar. cent. 2. n. 140.* proponit: *Est in campis S. Jacobi, inquit, canalus lateritius, cui lacunar quoddam humile contiguum, & ad cujus extremum rotunda domus ex lapide. Canalis ille fenestram habet, domus fissuram, aut modica latitudinis rimam. In hanc immissa vox terribilem circa fenestram excitat fremitum.* Forte & occultiori alicui cavitati subterraneæ, intra quam sonus reciprocatur, adscribenda, si veræ sunt, istæ operationes, quas de fonte in Halefinâ regione commemorat Solinus *c. 11.* qui aliàs quietus, cum insonuerunt tibix, exultat & tollitur ad cantum, & quasi vocis miretur suavitudinem, ultra marginem intumescit. Cui simile est, quod de fonte lacus IV Civitatum Sylvestrium, narrat Wagnerus in *Histor. Naturali. Helvet. sect. 3. artic. 21.* eum, si ter voce clarâ nominetur, mox tanta vi moveri, ut subito inde homines secedere cogantur: illum autem, qui ita vocavit, eo anno non supervicturum. Verum si hæc causa subesset, non ad tibix tantum, aut nominis sui sonum, sed ad quemcunque moverentur. Vereor itaque, ne hæc fabulosa sint. Posteriores certe Historiam ipse Wagnerus inter illa, quæ dubiæ fidei sunt, reponit: neque ejus rei veritatem cum vitæ suæ discrimine facile quis periclitabitur. Ne longius abeamus, ipsa auris nostræ structura testatur, ad soni augmentum requiri cavitatem aliquam, quæ hanc cum locis, unde Echo prodit, similitudinem habet. Singularem modum, quo chordarum sonus per percussiones frequentes augeri possit, proposuit Perrault. *de sono. part. 2. c. 12. p. 156.* & Baco Verulamius in *Sylv. Syl-*

var. Cent. 3. n. 232. qui ea de re leguntur: nam nos in hunc excursum delapsi sumus occasione soni per oris cavitatem aucti, quem fortius ferire tabulam vitream & scyphum diximus, quam sonum clariorem, per Vocales A, E, vel I formatum. Neque tamen id temere dixerim, pinguiori illo sono citius rumpi scyphum, quam per clariorem. Quanquam enim illo validius sonat, clarior tamen, quia acutius ferit & stringit vitrum, forte majori in certos vitri tractus impulsu fertur, ut facilius frangatur. Quæ omnia ulteriori disquisitioni relinquo.

Interim videre è nostro de tabulâ vitreâ experimento superius adducto licet, quanta sit sonorum similium ad tantam quidem distantiam, fortè & majorem, conspiratio: cum discrepans vocis sonus, quanquam longè fortior, ne tantillum quidem soni tabulæ incutiat. Cum scypho vitreo, ut existimo, res istâ distantiam non succedet: planities enim tabulæ magis aëris pulsum recipit, quam convexitas scyphi. Nec dubito, quin eodem modo rumpi tabula possit, quò scyphus: æquè enim fortiter, ac scyphus sonat, præcipuè si os centro tabulæ admoveas. In cæteris enim partibus tenuior sonus est. Id quoque observavi, consonare tonos subordinatos in tabula, si eosdem voce edas, consonante etiam tantillum sono primario. Flatus enim quicumque levem sonum tabulæ incutit, sed quem vix observes. Ille verò exterius tantum pulsat, interiora autem vitri non vellicat.

CAP. VIII.

FRACTURA Vitri ex quâ causâ proveniat. Cur vitrum non in multas partes minutas dissiliat. Vis percussio in continuatione ingravescit. Exemplo mallei clavem figentis, & trabis murum percutientis illustratur. Scyphus vitreus frangitur per sonum frictu digiti excitatum. Campana etiam frangi possunt contrariis percussionibus, & filo campana circumposito. Hobbessii sententia de motu minimorum in duris corporibus. Idem sphærmata in visione efficere creditur. In quo consistat ratio fragilitatis. Τὰ ὀρεγυτὰ, κατεκτὰ, πιετὰ, πλεητὰ, ἀπὸ πλεητὰ. Quò vitrum sit referendum. Kircherus notatus. Fractura in vitro per vocem percusso pene regularis. Illustratur exemplo vitri per ferrum ignitum & aquam adpersam fracti. Eodem modo saxa frangi possunt. Rupes ab Hannibale fracta. Asseritur adversus Polybium & Naudæum.

Satis, opinor, ex iis, quæ prolixè differuimus, patet, quæ causa vitrum rumpat: datâ enim primùm tali conditione materiæ ex armillis parum flexilibus constantis, dato etiam eo, quod moveri ac com-

ac comprimī illā ab externo impellente & undulis illis aëreis possint, fieri poterit, ut ultra resiliendi potentiam compressæ particulæ dissiliant, ipseque aër vi quādam erumpens ipsum vitrum rumpat, eā regione, quæ quam maximè ab aëre impellente stringitur. Neque necessum est, ut vitrum in plurimas minutas partes dissiliat, quemadmodum fit in stillaticio illo: cum armillis contiguīs per unam lineam fractis, spatium concedatur reliquis, ut se reducant: ac cessat interruptā continuitate motus. Quod verò hoc simplici talitri alicujus pulsu non contingat, causa est, quod motus particularum longè sit debilior, quam à pulsu aëris intima vitri tensione continuā nec interruptā premente. Accedit, quod ipsa energia & vis percussiois se ipsā per continuationem istam major fiat. Eadem enim est ratio armillarum concreti corporis semel motarum, quæ funependuli: Nam si superveniat secundus ictus in termino resiliitionis, vis illa impulsiva duplicatur; tertio, quarto, quinto pluribusque impetus semper accrescit, ut, demum ruptura sequatur. Sed forte continuas impulsus resilire particulas emotas vix patitur, ut nullus sit vibrationum occursum, cui rupturam vitri adscribit Dn. de Perrault. Illius pulsus vehementia, vel ex mallei percussione demonstrari potest, qui cum clavum ligno infigit, singulis percussioibus vires suas duplicat, & ut Borellus *de vi Percussionis cap. 27.* prolixè ostendit, ad centum librarum gravitatem semper augetur: ut si primæ percussiois *vis* 100 libris, altera 200, tertia 300, atque ita deinceps respondeat. Quam vim imaginari nobis similiter in vitro per vocem percusso possumus, cujus major est, quam bacilli alicujus percutientis gravitas, ut quæ non uno in loco tantum ferit, sed totam particularum seriem simul impellit. Quemadmodum enim trabs aliqua muro secundum longitudinem impaeta, omni ariete fortius pulsatur; cum quot in trabe puncta sunt, totidem sint mallei; ita punctula illa aëris singula, ut malleoli pulsant, & ut cuneoli distendunt, quæ præter pulsum simultaneum, continuā pressione semel motis particulis incubant. Quæ pressio etiam ex stridore illo, qui in vitro per vocem moto auditur, patet: nam stridulus ille sonus è compressione inæquali & multiplici particularum oritur, ut cum ferrum limatur, unde illud innumeris vibrationibus subsultat. Observavit quoque Dn. de Perrault, scyphum vitreum fractum fuisse à continuo ora extremæ per digitum frictu: nam & soni continuas eadem hic est, & perpetua particularum emotio, quanquam non adeo valida, ut in vocis impulsu. Quare validiora vitra hunc in modum non frangi posse, sed tenuiora tantum existimo.

Sunt & ipsæ campanæ à rupturā non immunes, si cum in uno marginis extremi puncto pullatur, eodem tempore quis punctum oppositum

percutiat. Nam uno eodemque tempore contrahuntur & explicantur, circuli, unde ex conflictu motus æquè validi ruptura eveniet. Imò Joach. Fortius Ringelbergius in Experimentis Encyclopædiæ suæ adjectis, hæc notat: campanam maximam, si pulsatur, vel tenuissimo filo circumdatam, findi. Quod si verum est, inprimis particularum emotionem demonstrat, quæ etiam levi impedimento à suo cursu deturbata, ad rupturam corpus, suffocata quasi repercussione, impellat.

Sunt & in parte convexâ scyphi talis vitrei pori patentiores, quam in parte concavâ; quod non solum de laminis vitreis inflexis verum est, ut demonstrat Borellus *propositione 104.* sed & de vitris per insufflationem excavatis; ut itaque aëreæ istæ particulæ velut cuneoli quidam poros amplius ad rupturam usque distendere possint. Præterea omnia ista corpora, quæ per ignem fusorium compacta, rectoribus præditi poris videntur, cum adeo facile divellantur. Ipsa etiam metalla fusa citius rumpuntur, quam malleo diducta, quod rectitudo pororum ob vehementem contusionem conturbata.

Hobbesius in *Problematibus physicis cap. 5.* rationem duritiei in corporibus explicaturus, durissima corpora illa esse ait, in quibus partium motus & velocissimus est, & intra spacia brevissima: quæ duritiei ratio licet, non omnibus duris competat, his tamen, quæ sonora sunt, præceteris apta est. Itaque si ignis, in quo motus partium valde velox est, sed in spaciis majoribus, satis vehemens sit ad superandam duri resistantiam, faciet, ut partes duri motum suum exercent in spaciis majoribus. Hinc est ille partium in vitro conatus ad motum perpetuus, unde causam deducit, quare lacryma vitrea, velut arcus tensus, è pedunculo, velut centro reductus, in minutissimas partes frangatur. Ex eodem conatu partium internarum in vitro, quam vitrum ait acquisivisse è fusione & refrigeratione, putat idem provenire, quod in speculo corpora non eo ordine in uno positu videantur, quo videntur in altero: cui rei aliam tamen ego subesse causam existimaverim.

Hunc conatum partium internarum, accedente earum collisione, in corpore non usque adeo renaciter misto, necessario denique sequitur fractura. Si corpus percussum in se ipsum fidit, & secundum aliquam sui partem locum mutat, ut cera, plumbum, nulla sit repercussio. At cum solidum corpus, quale vitrum, etiam voce percutitur, totam illam percussione simul admittit, omnesque partes moventur, & secundum missionis suæ naturam franguntur. Est verò vitrum inter τὰ σπυγνὰ, quæ in multa fragmenta dissiliunt. Θεαίνεσθαι est, cum in partes plures, quam duas corpus abit, ut testa, vitrum. Cujus rationem dat Aristoteles, πολλὰς

ἔχειν παραλλάττοντας πέραι, cum illa, quæ continuas habent particulas & κα-
τακτά vocantur, plerumque in duas partes disiliant, ut lignum & os : κα-
τακτάς enim designationem minus fallit, & partem illam, quæ inter plagam
media est, pro vecte habet, hypomochilium sunt extrema. Inter corpora
porro alia dicuntur πικτά, in quibus est particularum μετάκτασις & quæ com-
pressionem admittunt : illa si permanet, ut in plumbo & auro, πληκτά vo-
cantur : si vero contra pressionem nitantur, ἀπλήκτα. Vitrum vero, ut
inter τὰ θραυστά est, quæ in multas partes disiliunt, certâ ratione, ob par-
tes in illo renitentes, inter ἀπλήκτα referri debet. Atque id de omni vitro
verum est, ut inutilis planè sit opinio Kircheri in *Phonurgia libro 2. sect. 1.
p. 193.* cum putat, vitrum facilius rumpi per vocem posse, si è tali materia
præparatur, è qua lacrymæ vitri parantur. *Prodiit, inquit, præterlapsis an-
nis inventum, vitrum certa aqua ita præparandi, ut unum ejus frustulum in extre-
mitate ruptum, totam massam in insensibilem pulverem redigat. Si itaque ex hac
materia vitrea ampulla confletur, non dubium, quin voce graviore insonata am-
pulla è vestigio dissolvatur.* Miror hæc excidisse tanto rerum naturalium
promicondo : cum sanè omnibus constet, non præparari certam materiam
ad talia vitra, sed rationem fractionis in vitri externa figurâ, & certâ com-
positione consistere, qualis dari in poculo vitreo nequit, quod orificio a-
perto ad soni formationem indiget. Quando itaque motus minimorum
in vitro producitur, partes, quæ percuntuntur, quasi præcurrunt cæteras,
quas cum aliæ consequi non possunt, distractione mutuâ à se discedunt, cum
major ad movendum vis est, quam retentio unitiva. Esse autem motum
in vitro regularem quodammodo, & in orbem successivum, ex eo patet,
quod non in plures partes scyphus abeat, ut in percussione, eâ parte, qua
impetus maximè urget, sed in duas, secundum scyphi peripheriam : planè
ut circulari ferro candenti vitri particulæ certâ serie moventur, quæ affusa
gelidâ se statim reducentes, ordinatim franguntur. Eo enim exemplo
non sanè incongruo usus est Hamelius, in rationem vitri per vocem fracti
inquirens. Minimorum enim ultra resiliendi potentiam motus rupturam
efficit.

Huic simile in vastissimis rupibus deprehendas, quarum partibus per
ignem vehementissimum ad motum incitatis, subita frigida affusione se
reducentibus, totæ saxorum moles finduntur. Quod in Suecia sæpissime
fieri cognovimus. Ut ita dubium mihi non sit, eâdem arte Annibalem o-
lim Alpes rupisse, licet fabulosum hoc habeat doctissimus Naudæus de stu-
dio militari. *lib. 1. p. 243. & seqq.* operose adversus Livium, Plurarchum,
Appianum, Eutropium, Æmiliū Probum, Ammianum Marcellinum,
Paulum Orosium, Silium Italicum disputans, & Polybium unum, qui hæc

refutat, totaliis opponens. Non est hic locus omnia quæ è Polybio adversus Livium & alios afferuntur argumenta, vel ipse Naudaus excogitavit, discutere: ego putem non contemnenda tot hominum testimonia, antiquâ præterea famâ confirmata, dum & Herculem ante Annibalem eâdem arte transgressum Alpes crediderunt. De eo enim ita Silius.

Primus inexpertas adiit Tyrinthius arces.

Scindentem nubes, frangentemque ardua montis

Spectarunt superi, longisque ab origine seclis

Intemerata gradu magnâ vi saxa domantem.

In eo errasse autem omnes puto; quod aceto usum esse existimant Annibalem, qui aquâ utebatur. Cum enim inaudita fuerint ipsis hujus rei experimenta, falli facile potuerunt, ut per putrefactionem cum aceto emolitas fuisse rupes crediderint. Certè adeò graphicè Livius hæc describit lib. 21. ut vix fraudi locus esse posse, nisi hoc uno, videatur. *Inde ad rupem minuendam, per quam via una esse poterat, milites ducti: cum cadendum esset saxum, arboribus circa immanibus dejectis, detruncatisque, struem ingentem lignorum faciunt, eamque, cum vis venti apta faciendo igni coorta esset, succendunt, ardentiaque saxa infuso aceto putrefaciunt; ita torridam incendio rupem ferro pandunt, molliantque anfractibus modicis clivos, ut non jumenta solum, sed & elephanti educi possent.* Hæc Livius: Cui Plinius lib. 33. c. 4. fert suppetias. Metalli fossiores (ait ille) silices igne & aceto rumpunt. Quod Africanis, ut bonis metallurgis, non adeò ignotum fuisse verosimile est. Sed de his alio loco pluribus agemus.

CAP. IX.

Quæ causa, quod per diapason vitrum rumpatur. Diapason proportionem duplam habet. Undula in scypho aquâ impleto dividuntur à sono octava. Diapason perfectissima consonantia. Facilis in omnibus instrumentis, tibiis, tubis, voce, ad octavam prolapsus. Dubia contra hanc sententiam mota. Vitrum verè per diapason fractum fuit, & per unisonum quoque. In vitri tono explorando decipi possumus, ob misturam aliarum consonantiarum & ipsius octava. Illa, ut superior sonus eligi cum debet. Sonus gravis movetur & augetur à sono octava. Soni raritas in vitro auribus sæpe imponit. Testes allegantur Vitri per Octavam rupti. Hamelius. Kircherus ex dissertatione eâ de re scripta. Experimentum Florentinum de scypho vitreo unisonâ chordâ Violini majoris per subitam in diapason acutiorem commutationem fracta. Alia de Oenopolâ Amstelodamensi relatio, de fracto vitro per subjectionem Octava unisono factam. Rejicitur.

sur. Rationes super hoc argumento à Daniele Bartoli adducta. Nostra sententia proponitur.

UT vitri fracti rationes demonstraremus, etiam montes & saxa sollicitavimus. Ab illis ad vitrum nostrum redimus. Quare nihil, ut vidimus, residet difficultatis in eo, quod ita dispositum particulis vitrum sit, ut subeunte aëre movente, ille à se divelli, ac vitrum rumpi possit. Id nunc dispiciamus, quam ob causam ad rupturam usque moveantur vitri minima, à voce, quæ octavâ superat tonum vitri. Moventur verò & *ὁμιόφων* voce, & si diapason insones, quo vitrum mihi fractum: Reliquis tonis ne auditur quidem sonus, nisi levior aliquis, quem flatus exterior movet. Diapason enim cum sit harmonia omnium perfectissima, ac absolutissima, & omnium consonantiarum complementum, hanc prærogativam habere videtur. Habet namque Diapason rationem duplam, ac numeris exprimitur inter se eam proportionem ha-

bentibus, quæ integris non fractis numeris competit ut $\frac{114}{248}$. Quibus significatur, minorem numerum ita esse in majori, ut nihil sit residuum: quemadmodum 1 bis est in 2, & 2 in 4. Hinc Galilæus Galilæi observavit undulas in scypho vitreo aquâ impleto, sono octavæ in duas partes dividi. Testatur & Berigardus, *Circ. 15. part. 6. Videre*, inquit ille, *in scyphis aquâ impletis licet circulos aqueos priores interfecari ab aliis tenuioribus exortis, statim atque sonus intenditur ad Diapason. Idque in aëre similiter fieri, interpretandum est.* Hinc fit, quod ob celeriores & frequentiores vibrationes, dissonantia in acutis sonis non ita observatur, quam in gravioribus. Longè alia proportio est in cæteris consonantiis. Rationem harum proportionum eleganter tradidit, inter veteres autores Græcos, Aristides Quintilianus de Musica *lib. 3.* quem unâ cum cæteris edidit, ac doctissimis notis illustravit Marcus Meibomius, è ponderibus, quæ chordis appenduntur: nam duo pondera appensa diapason faciunt. Quid quod Galilæus, Mersennus, Honoratus Faber, unicâ pulsatione chordæ etiam consonantias sonare demonstrant, inter quas præcipua est diapason: quod in cæteris corporibus sonoris, campanis ac vitris, non semel observavi, ut & in tubis & fistulis, in quibus facillimus ac primò obvius est soni ad diapason transitus. Hinc fit, ut, cum diapason rationem duplam, reliquæ verò consonantiæ proportionem quodammodo irrationalem habeant, ac inter se sint incommensurabiles, ita ut semper supersit aliquid; sola diapason moveat sonum sibi commensurabilem in corpore, quod jam tum consonantiam diapason continet, & fortius quidem, ob

vim motus duplo vehementiorem. Vide de laudibus diapason Pappum libro de *Consonantiis cap. 6.* Si quid ad rem pertineret, multa hic de consonantiis & numeris *πυθαγορείζειν* possem: sed illa tinniunt tantum, nec quicquam demonstrant. Qui ea re delectatur, adeat Aristidis Quintilianum librum, quem modo laudavimus. In chordis eandem consonantiam diapason vim observat Baco Verulamius *Sylv. Sylvarum. n. 297.* Disdiapason verò debilius sonum vitri laceffit, quia egredi videtur sphaeram soni corporis, ob angustiores vibrationum periodos. Earum consonantiarum rationes in omnibus corporibus sonoris prolixè demonstravit Dn. de Perrault, libro de Sono *part. 2. c. 11.* Mersennus in tractatu de Tubâ, de re eâdem plenius agit. In arborum sibilis, in caminis, cum aërem virgâ, scuticâ, stringimus, idem observamus. Nam unâ illâ parte adstricta, alterâ libera, secus quam utrinque adstricta corpora, omnes recipere tonos possunt. Imo chordæ, quamvis tensæ, à vago ventorum impulsu, pro uno sono varios edunt. Pertinet huc, quod Isaacus Vossius libro de *Poëmatum cantu p. 109.* observavit: paucitatem foraminum in veterum tibiâ, non obfuisse varietati soni: cum uno foramine pro inspirationis mensurâ, tres reddi potuerint. Quod voci humanæ, præsertim infantibus & iratis, etiam cotingit, ut quando spiritus velocius currit, illicò vox nullis factis gradibus ad diapason, &, si celerrimè fluat, ad disdiapason ascendat. Fallor an hinc octonarius numerus in proverbium perfectionem significans apud Græcos abierit! *πέντε ὀκτώ.*

Hæc antè decennium scripseram, cum primum ejus rei experimentum fieri apud Petterum viderem, neque aliter observare tum potui, quam vitrum per diapason fuisse ruptum. Ac mihi certè ipsi in vitro tenuiore res successit. Postea in interpretem Epistolæ mez Belgicum incidens, deprehendi, dubium apud illum de hoc sono moveri, illumque asserere, non nisi unisono tono rumpi vitrum posse. Ac fateor, mihi ipsi unisono tono ruptum non ita pridem fuisse vitrum. Dispicendum itaque nunc amplius est, & in rei veritatem inquirendum.

Ac primò quidem noto, non parum difficultatis esse sæpe in vitri tono accuratè definiendo. Solet enim cum primo tono etiam octava sonare, interdum etiam alii toni in vitris impurius soni. Quibus casibus *βαλοκλάσης* noster tonum eligere superiorem jubebat, & ipse eligebat, vitrum, in quo soni varii erant, fracturus: cujus ego multa specimina vidi. Unde patet, quemadmodum acutior sonus tali casu prævalet in frangendo vitro, etiam octavæ sonum unisono præferendum, ut qui duplo celerioribus & fortioribus vibrationibus movetur. Ut præferendus omnino est, quando sonus cum octavâ miscetur, quod regulariter fieri solet,

solet, ut è digiti frictu patet, per quem sonus facile ad octavam extendi potest. Imo vix differre diapason ab unisono videtur, cum ad soni augmentum chordis gravibus acutas jungere soleamus, unde unus ex utroque compositus ad aures perducitur. Et vero falsum est, quod aliqui è Mathematicis existimant, sonum gravem quidem octavam acutam movere, non verò vice versâ acutum octavam gravem. Nam Daniel Bartoli *Tratt. 3. c. 3.* planè contrarium deprehendit, cui acutâ octava pulsata, sonus chordæ gravis festucam validissimè dejecit. Sed ipse tamen potius in illam inclinat sententiam: quod vitrum potius per unisonum frangatur, quam per octavam.

Alia quoque difficultas auribus etiam accuratissimis in explorando vitri tono imponit. Quia enim sonus vitri non adeò densus est, ut in campanâ & aliis corporibus, sed rarior, ob tenuiorem substantiam. Ideoque sæpe accidit, ut tonus gravis habeatur, qui reverâ acutus est. Quade re dubitasse sæpe exercitissimos Musicos observavi. An ergo mihi etiam hoc auditus sphalma, an aliis etiam viris doctis interdum imposuerit, non temerè dixerim.

Sunt sane Philosophi doctissimi, inquisitores rerum naturalium sagacissimi, qui eâ in re priorî meæ sententiæ adstipulantur. Hamelius *de corpore animato lib. 2. cap. 4.* cum mentionem facit hujus experimenti apud Clarissimum & maximi nominis virum, Justellum identidem instituti, rem omnem his verbis proponit: *Primum ad quem velut tonum partes vitri sint compositæ, ex levi talitro aut digiti percussione exploratur: cum vox ipsa huic tono accommodatur, & paulatim augetur, dum ultra diapason vel octavam pervenire: partes vitri insensibiles uementis ictibus percussa, tremulo motu agitantur, quin crescit, cum opportunis plagis feruntur; adeò, ut impetu aucto tandem diffilient.* Observes hic, etiam ultra diapason extendi sonum debere, quâ in re ipsum falli certum est. Quando & Kircherus de hoc ipso experimento in *Phonurgiâ* sua agit, laudat dissertationem de hoc experimento mihi nunquam visam, quæ eandem, de vitro per octavam rupto, sententiam tueretur. Prodiit, inquit, non ita pridem in Bataviâ opusculum, cui titulus: *de ventricosa ampulla vitree rupturâ, sono vocis causatâ, inventore quodam H. slurgo Opifoe vatriario.* Et hoc patto experimentum monstrat: *Explorato prius vitrei vasis s. ampulle sono per præviâ pulsationem, deinde per officium vitri, vocem ita accommodatam insonat, ut ad sapientem viri supra dictæ acutè fere exaltet vocem i. e. quasi paululum supra octavam seu diapason, consonantiam harmonicam Musicis notam, in duplâ proportionem consistentem, ex quo mox consequitur vitrei vasis rupturâ.* Videmus eadem hic dici, quæ apud Hamelium habentur: sed sono ultra diapason nihil effici certissimum est. Adduci etiam hanc in rem

rem debet experimentum Florentiæ institutum, cujus meminit Daniel Bartoli, *Tratt. 3. cap. 8.* quod ipsis ejus verbis hic inseremus: *Pren-
dasi il vero tuon del bicchiero, e su una gran viola la corda che gli risponde,
all unisono. Con essa accostatosi, quanto il piu si puo da presso al bicchiero, si
suoni coll'archetto ben calcato quella tal corda, ma tenendo senza allentare per
quattro, cinque, piu o meno battute la medesima intensione del medesimo tuono,
fino a vedere, e sentire il bicchier fortemente agitato dal tremore che ne baurà con-
ceputo. Allora saltisi subitamente coll'archetto su la corda che rende l'ottava a-
cuta, e suonisi con velocità è buon polso, e incontanente il bicchiero darà lo scop-
pio, che il mette in pezzi. id est: Explora tonum scyphi verum, & stringe chordam
violini majoris, que ipsi tono respondet. Admove chordam scypho, quoad fieri po-
test, & per quatuor, quinque plus minus, plausus Musicos, stringe arcu fortiter
chordam, usque dum valide consonet vitrum: cum è vestigio arcu stringe chordam,
octavâ acutâ sonantem, & velocissimè sonabit vitrum, usque dum rumpatur. Non
vidit ipse Daniel Bartoli hujus experimenti successum, quod sanè & mihi
mirum videtur. Minoris enim violini chordis vitrum ad sonum commotum
nunquam observare potui. Sed multæ sunt experimentorum minutæ *obser-
vati-
ones*, quæ non rectè observatæ dubiam reddunt experientiam. Ideoque suo
loco rem illam relinquo. Existimat idem Daniel Bartoli, multum hic in voce
litum esse, ut robustioribus faucibus etiam octavâ & quintâ rumpatur vi-
trum, cum ordinariè unisono frangatur. Affert & idem relationem de
Caupone illo Amstelodamensi, quam Florentiâ acceperat; quæ ita se habet:
*Tempembat Caupo vocem ad scyphum in unisono, quem manu fortiter tenebat:
Hanc vocem, cum per aliquod temporis spatium continuasset, uno tractu vel in su-
periores vel inferiores sonum commutabat, & in hac mutatione frangebatur vi-
trum. Non succedebat autem illa semper mutatione vocis acuta in gravem, sed
gravis in acutam conversione, ac præcipuè, quando uno tractu saltum faciebat ad
gravem. Hæc respondent aliquâ ex parte superioribus: quæ tamen ego
falsa esse *δοκίμης* testis profiteri possum. Cæterum prolixè ille & inge-
niosissime in rationes verosimiles inquirat: quare è subjunctione octavæ
post unisonum rumpi vitrum possit, quarum summa hæc est: vitrum ab
unisono simplicibus vibrationibus primum motum, insequente octavâ,
pene eodem tempore ad motum alium impelli, & quoniam duobus obse-
qui motibus non possit, rumpi. Si res ita se haberet, dicerem potius, ideo
frangi vitrum, quod per unisonum *emotæ* semel particulæ, acuto sono, du-
plo intensiori, acutioreque compressione, ad fracturam usque moveantur.
Verum Daniel Bartoli potius ad illam sententiam de vitro per unisonum
rupto inclinatur: in octavâ autem ex accidenti tantum fracturam contingere
existimat. Nos in hoc divortio experimentorum & sententiarum con-
stituti**

stituti ad unisonum potius, quam ad octavam nunc propendemus, postquam *de utraque* Prioribus accesserunt: ita tamen, ut per octavam eundem etiam effectum *de utraque* obtineri posse existimemus.

CAP. X.

Quâ ratione vitri partes à sono homogeneo moveantur. Res omnis ab impulsu & motu procedit. Trachea vis in voce emittenda. Omnium instrumentorum sonos amulatur. Ejus memorabile exemplum. Mirabilis est & ingenio humano inexplicabilis vocis humana & animalium varietas. Pulchritudo corporis è voce à Cæco dijudicata. Fistularum varietas mira apud antiquos. A laxitate tracheæ gravitas soni. Trachea leonis & vituli. Annulorum trachea adductio. Tubi cochleati sonum vehementer augent. Qualis vocis humana impulsus. In illo solo non consistit causa vitrum frangens. Vitra non consonant omnibus tonis. Pororum vitri cum motu ærearum particularum configuratio accedere ad impetum debet. Ejus in omni sono necessitas. Probatur suffragio R. Boilii, exemplo fulgurationis. Motus configurativus, pertransitivus, politicus, Verulamii. Necessariò in rerum naturâ admittendi. Vox nihil aliud, quam ær certo modo figuratus, è sententia Epicuri & Aristotelis. Illustratur exemplo turbinis. Democriti quam sententia? In vitro moventur per frictum particule crassiores, ut odorem gravem spargant. Subtiliores per æris affricum proportionatum moveri possunt. Particula quedam moventur in corpore, quiescentibus reliquis vel reluctantibus. Illustratur exemplo Cylindri Orbicularis. Applicatur ad motum partium in vitro. Quia ab externo aëre non procedit sonus, necessario provenit ab interno. Internus excitari non potest, nisi per configurationem meatuum & particularum. Particula ærea vel æthereæ primò moventur: hinc reliquæ. Proportiones sonorum in naturâ radicata. Experimentum singulare. Eadem proportionales in vitro sunt. Configuratio partium è proportionibus corporum sonorum amplius ostenditur. Variis experimentis doctrina hæc illustratur. Vis soni singularis & mirifica in humore Tarantula movendo.

Accedimus jam propius ad illum operandi modum, quo vitrum voce movetur. Quâ ratione vero nodum hunc expeditum dabimus? Obscura enim ista sunt, & ut sensum, ita intellectum fugiunt. Id tamen apparet, corpuscula undularum ærearum voce propulsatarum hoc præcipuè in sono poris vitri esse configurata, ut eos subeant; in reliquis tonis non ita. Ab impulsu enim & motu rem omnem procedere satis quidem patet: eum verò in singulis sonis definire, vix humanæ est industriæ opus.

Qui cum ab asperâ arteriâ formentur, ejus quoque compositio consideranda est. Illa omnium ferè instrumentorum soni vicem gerit: nam vibratur & tenditur instar chordæ, ut tremulum illum motum & visu & tactu deprehendere possimus, ac fistulam quoque imitatur. Quare mirum non est, fuisse, qui beneficio hujus tracheæ omnium instrumentorum sonos exprimere potuerunt, ut ejus exemplum notavit de la Cerda. *comm. in Eclog. 1. Virgili*, quod hic adducere non gravabor. *Novi juvenem Hispanum in regia Philippi Regis magni, prodigio similem, qui cum nullas sciret linteras, neque prima ipsa Musices elementa, tamen suavissime modulabatur, & ore ipso exprimebat voces omnes omnium instrumentorum, avenæ, tibiae buccina, classici, cornuum, organorum: ad hæc sclopetorum sibila, æris tinnitus, bombos omnes. Dicebat verò, invita pastorali usum se tantum magisterio rupium, & arborum, cum in eas ventus ingruit, atque edit varia murmura, strepitus, sonores, raucedinem, mugitum. Tum etiam attendisse ruentium fluminum catarractis, & fragoribus, & inde excepisse, quicquid sciret, non aliunde. Si quis audiret duntaxat, neque videret, putaret se mens instrumenta, non humanam vocem audire.* Refert & Pontan. *Att. Bell. p. 63.* novisse se idiotam quendam, qui organi cantus vario flexu vocis & linguæ referret: & Dn. de Perrault exemplum affert alicujus, qui solo ore tubæ sonitum imitari potuerit.

Constat vero trachea innumeris annulis cartilagineis, quibus aër per spiras evolvitur, majores, cum gravior sonus est; breviores, cum acutus est: tum enim trachea tenditur, & ob minorem tubi cavitatem minoribus spiris aërem emittit. Hinc crebriores & fortiores sunt vibrationes, quam ubi in trachea remissa spiris majoribus decurrit aer. Spirales enim aëris in fistulis & tubis motus esse è tubis vitreis, si paululum aquæ immiseris, deprehendas. Eosdem enim motus in aquâ observabis. Non potest vero humano ingenio satis exprimi mirabilis illa vocis formatio, cujus pene infinitæ sunt in variis tum hominum, tum cæterorum animalium tracheis modificationes, quarum rationes qui demonstraturus sit, (mathematicis autem legibus illæ constant) nã is homine mihi major habebitur. Exercuerunt hic, præter Anatomicos, ingenium suum Kircherus in *Musurgia, lib. 1.* Dn. de Perrault. *lib. de sono part. 2. cap. 12.* ac plures alii. Sed parum illa ad hujus rei indagationem occultiore faciunt. Quis unius hominis explicet vocem, cujus alia est in singulis modificatio. Utenim vultuum, ita vocis est diversitas. Ipsa denique, quomodo per loquelam, affectus varios, in singulis minutiis varietur, quis unquam explicabit? Imo quod mirum, adeo conformationem omnium partium conrequitur vocis ratio: ut fuerint cæci, qui cum hominem non viderent, è vocis tamen sono, prout ille vel ferocior, vel modestior, vel asperior, vel suavior, de pulchritudine & formâ ejus accuratum formarint judicium. Vo-

cis sono percellimus, solamur, blandimur, persuademus, & mille aliis modis eum ad varios usus determinamus. Hinc factum credo, ut naturam æmulantes antiqui, instrumenta pneumatica, proximè ad tracheæ formationem accedentia, præ cæteris excolerent. Ac mirum sanè est, tot fistularum fuisse antiquis formas, nostris hodie Musicis ignoratas, quibus illi ad varios modos & affectus feliciter usi fuerunt. Minimè enim promiscuus eorum fuit usus, ut *nunc* est, cum *nullum instrumentorum delectum instituiamus, sed ad omnes modos omnia indistinctè adhibemus.* Diligentissimus in tibiæ recensionem & eplicationem fuit Casparus Bartholinus, Patris Celeberrimi Filius Clarissimus, in erudita de Tibiis commentatione: ubi triginta pene earum species, distinctosque usus proponi videas.

A tracheæ hujus laxitate & longitudine gravitas soni est: quam singularem notarunt, qui Parisiis cadaver leonis secuerunt. Nam in ejus trachea annuli omnes fuerunt integri, præter unum aut alterum laryngis annulum, cui 2 linearum latitudo ad 4 digitorum circuitum integrum vix defuit. Ex laryngis rimula gravitas & acumen vocis quoque dependere creditur: unde sunt, qui vituli graviolem, quam bovis boatum, ex hac causâ deducunt, quod illa vitulis, quam bovis laxior. Ipsa quoque oris & palati conformatio multum ad gravem vocem confert. Verosimile quoque est, illos tracheæ annulos à nervis recurrentibus adduci, aut diduci, ut spiritus erumpens sono certo tendatur: cum iis rescissis animalia sonum amplius non edant. Sunt quoque qui annulos illos existimant esse velut totidem follium plicas, quæ diduci debent illâ inspiratione. Hæc adductio annulorum ad augmentum soni maximè facit. Unde & tubi illi, qui ad formam illam quadamtenus accedunt, præ cæteris sunt sonori. Quorum circuli si ad modum tracheæ adduci & remitti possent, etiam variatio sonorum prohiberi dari posset. Talium tuborum cochleatorum varias formas Kircherus in Phonurgia suâ exhibuit.

Quando itaque vox protruditur, necessario trachea per annulos suo modo tenditur, & ipse spiritus inde expulsus, non modo certo impetu fertur, sed & minima ejus, pro tracheæ vibrationibus, quas manu pectori impositâ sentimus, & annulorum dilatatione, motibus à primo illo diversis, agitantur. Totus ergo cylindrus ille æreus ex ore procedens & vitro impactus, quasi sagitta à nervo percussa fertur, moturus aliud quoddam corpus similiter tensum, vel plenâ inter impellens & corpus tensum proportionem, vel pro partibus commensurabilibus divisâ. An ergo impetus iste æris tensioni particularum in vitro respondet, easque movere aptus est? Daniel Bartoli causam adæquatam in solo impetu & vigore soni reponit. Sed cur, idem in cæteris tonis etiam acutioribus non evenit, in quibus impetus for-

tior est? Quod fieri omnino deberet, si in solo impetu res consisteret. Testatur quidem Dan. Bartoli *Tratt. 3. c. 4.* ad quemcunque sonum sibi respondisse vitrum. Putat itaque non è tremore harmonico, sed solâ percussione moveri vitrum. At ego testari possum mihi ad dissonos tonos etiam fortissimos nunquam sonuisse vitrum, nisi cum uno circiter tono à vitri tonò abessem, aut in consonantias inciderem; tum enim obscurum aliquem sonum deprehendere mihi visus sum, & nonnunquam in vitris missi toni, ille consonare audiebatur, in quem forte fortuna vox incidebat.

Aliam itaque causam præter impetum subesse, vel illi jungi oportet. Debet figura pororum in vitro ratione soni esse diversa, quam forte ab insufflatione artificis, aut aliunde acquirit. A majore enim vel minore compactione sonus variat. Debent porro & ipsæ particulæ per vocem extrusæ ita esse comparatæ, ut pro ratione tonorum variè figurentur, quæque hoc tono subeunt poros vitri moventque ejus particulas; aliis tonis nec subeant nec moveant. Cumque duplex sit in aëre illo externo motus, vibratorius à tremore trachæ procedens, & spiralis ab annulis istis cartilagineis, ab illo ingressus in poros, ab hoc impetus derivari forte poterit. Nam sanè quicquid alii etiam dixerint, verissimum est, è celeritate, modificatione, & configuratione minimorum rem omnem illam pendere. Pulcherrima est Viri illustris Boilii super hoc argumento dissertatio in libello *de insigni efficacia effluviarum, c. 4.* Unde aliqua excerptam, cum mirifice rem nostram illustrent: *Quemadmodum, inquit ille, motus celeritas vim conciliare potest corporum emanationibus; ita alia esse possunt modificationes motus, quæ non parum conferre eodem possunt, nec prorsus hoc loco sunt negligenda. Ut enim majora corpora secundum has illasve modificationes operari videmus, multumque interest inter effectum ejusdem teli vel jaculi, ita conjecti, ut ejus mucro semper antrosum vergat, ac rursus ita vibrati, ut durante motu ejus progressivo, extremitates circum gravitatis centrum internasve quasdam partes volvantur, ut tùm sit, cum pueri bacillos jaciunt, ad fructus ex arboribus decutiendos; sic minimè dubitandum est, in ipsis corpusculis perinde non esse quoad ipsorum effectus, utrum cum rotatione, an citra eam moveantur, ac utrum tali vel tali linea, an cum vel sine undulatione, tremore, talive consecutione; &c, ut verbo dicam, utrum motus talem vel talem, habeat modificationem particularem; quæ quantum variare effectus motorum corporum queat, ex motibus illis apparet, qui in aëreis particulis ab instrumentis Musicis efficiuntur. Hæc Inquisitor ille naturæ maximus, cujus si tractatum, quem illic allegat, de Harmonicorum sonorum viribus, haberemus, multa doceri forte poteramus, quæ ad nostrum hoc argumentum spectant. Quod si & alterum ejus tractatum, quem de Poris corporum & figuris corpusculorum, ab ipso c. 5. ejusdem libri citatum videre licuisset, multa & inde ad illustra-*

illustrationem hujus rei depromi poterant. In illo enim de relatione inter corpusculorum figuras & crassiorum corporum poros ex professo agit : cum illo *cap. 5.* paucula tantum ejus argumenti attingit, nimirum effectus fulgurationum, quæ partim ad celeritatem & modum appulsus, partim verò ad distinctas figuras, & magnitudines corpusculorum destructivam materiam componentium, nec non ad peculiare relationes inter illius naturæ particulas, ac eorum, quæ invadunt corporum structuram referri posse videntur. Qualem configurationem etiam in sonis eorumque effectibus, ac longè subtiliorem esse, res ipsa clamat. Duobus itaque motibus illis, quos Verulamius in Anglico illo tractatu postumo de variis motionum generibus, configurativum & pertransitivum vocat, quosque in naturâ inquisitione difficillimos esse ait, effectus ille determinatur. Quibus accedit tertius ille motus, quem Politicum & prædominantem vocat : quo alii motus subordinati diriguntur, ut sæpe fit in vitris, cum superior tonus inferiores etiam ad motum per contiguitatem impellit, si æque validus sit, vel altero validior : nam si debilior sit, exiguo quodam tractu contentus, seorsim sonat tono simili provocatus : quod ego sæpissime in vitris observavi : Verulamius eleganter ait : videri effectum talem *αἰαίνον*, qui reverâ non sit, & extasi quâdam animum corripere, ubi in rerum illarum inquisitionem descendit ; quæ videntur potius secundum experientiam, quam secundum causas examinanda. Sunt quidem, inquit ille, multa in rerum naturâ ultimato *αἰαίνα* : inter illa tamen referri talia non possunt. Existimamus enim certum esse consensum & harmoniam partium in universo, cujus observatio nulla instituta est. Et huic ille causæ ex parte motus magneticos adscribit, juncto tamen altero motu pertransitivo, quo corporis minima, apta sunt alterius corporis poros pervadere. Videmus à solertissimo viro eadem animi cogitata præcepta, quæ postea Boilius clariore luce illustravit. Sunt vero in hoc negotio illa pro solo quodam & fundo huic disquisitioni substernenda, nec inter Chimærica ingeniorum phantasmata referenda.

Ut ad rem nostram illa, quæ diximus, accommodemus, certissimum est, vocem emissam certo modo figurari, & ab illo motu & modificatione indolem nancisci à reliquo aëris corpore diversam, quod vel è percussione patet. Id antiquissimi Philosophi jam dudum notarunt, nam & Pythagoras primus ille Harmonicorum sonorum & acerrimus indagator : vocem esse ait aërem certo modo figuratum. *Τὸ χῆμα, Figura*, (è Pythagoræ sententiâ refert Plutarch. 4. de Placit.) *quæ in aëre ejusque superficie fit certo ex ista* (*κτ' ποιεῖν, πλῆξιν*) *evadit vox*, a quâ doctrina nec Aristoteles discedit. Epicurus profundius rem hanc rimatur, cum ait. *τὸ τοῦ πνεύματος εἰς ὁμοιοσχῆματα θρυψινοῦσας διαίεσθαι.* *Hunc fluxum aëris in frustula similis figura*

comminui. Quod ad sensum è forticibus & turbinibus illis, qui æstatis tempore nonnunquam oriri solent, demonstratur, certum enim æris tractum in vertiginem commovent, omnibus æris particulis, à primo impulsus principio usque ad terram, & pulvere aliisque corpusculis facile mobilibus per eosdem gyros contortis. Differt verò Epicuri sententia hæc in re à Democrito. Epicurus existimat, voce ab ore emissâ, primitivam illam vocis effluentis texturam confringi in complures minores texturas, illas iterum in alias sed ad huc minores, Prototypo illi formâ per gradus imminuta, sed æquali tamen respondentes. Democritus vero putat, sonum extendi per propagationem: sono enim in myriades minorum fragmentorum confracto, quodlibet fragmentum contiguum sibi ærem in texturas, Prototypo respondentes; & illas eo modo formare deinceps contiguas ait. Quæ nos suo loco relinquimus. Nemo enim si vel tam acutum viderit, quam aut aquila, aut serpens Epidaurius, horum motuum figuras determinabit. Ex effectu tamen ipso sentimus, necessario dari debere certas æris moti figuras, quæ impulsu certo in objectum ferantur.

Porro & Vitro suos esse meatus, inque illis particulas facile mobiles, prolixè à nobis supra demonstratum est. Scilicet, ut Verulamius in modo laudato tractatu ait; *in corporibus naturalibus nulla est vera & absoluta quies, vel æquies, vel paritudo ratione, nisi apparenter*, id Boilius singulari de absoluta corporum quiete libro, ac in alio de atmospheris corporum, ulterius explicuit. Illic enim pag. 22. de vitro agens, ostendit è frictu vitri mutuo, se non modo odorem sensibilem, sed adeò quandoque gravem, ut offenderet, deprehendisse. Pater & hoc ex eo, si ceræ sigillatoriz incensæ guttulæ super vitrum stillent; illas penè arctius illi, quam ipsi ligno inhærere. Particulæ enim viscidæ hujus ceræ valide per ignem motæ viscidas illas vitri partes, quæ aliàs emoveri possunt, hoc in loco evocant, atque iis arctius se uniunt, quam in metallis similibusque corporibus, licet minus politis. Atque hinc ex illo affrictu electricitas vitro quoque conferri potest. Quando itaque vitri partes viscidiores per frictum moveri & expelli ex ipso vitro possunt, ut secum rapiant corpuscula exilia. Quidni subtiliores particulæ per affrictum vel pulsum æris in sono è vitro excitari possint?

Posse verò corpuscula certa moveri in aliquo corpore, vel quiescentibus reliquis, vel contranitentibus, negari non debet: nam cum in corpore composito coagmententur variz figuræ corpuscula, prout illa locantur & texuntur inter se diversis modis, capacitas ad certas motiones & commotiones illis simul intexitur. Non itaque semper æqualiter recipiuntur, pulsus, sive ab ære illi, sive ab alio corpore infligantur: particulis enim æqualiter politis, illi quasi discerpuntur, neque tam latè se extendunt, quem-

quemadmodum fit in corporibus, quæ *metu* vocantur, minusque sonant. At in iis, quæ sonora sunt, ut vitrum, resistentia est partium, sed cessione quasi mista. Gaudent enim elatere suo particulae, sive illæ aeris vel æthereæ sint, sive ipsius corporis integri. Quæ nulla sui parte cedere possunt & æqualiter resistunt, minus sonora sunt, neque rumpi tam facile possunt. Quare Marcus Marci alicubi observat; saxa illa, quæ surda vocantur, ac minus sonant, ad sustinendum tormentorum impetum in muris esse aptiora. Videmus in Cylindro, è laterculis, quibus ludi solet, coagmentato, quem volumus orbiculum posse è medio illorum exturbari, reliquis iterum coeuntibus. si globulo aliquo è tubo pneumatico expulso, rectâ & celerrima percussione feriat. Sed cum obliqui ictus aut lentiores sunt, plaga non tota infligitur, sed latere uno tantum stringetur. Ideoque aliâ ratione movebuntur laterculi. Orbiculi quoque metallici pro ratione impulsus vario modo ab aliis orbiculis moventur. In quibus gravitas etiam motum determinat. Gravitas enim orbiculorum major, quam in ligneis, gravitatem aliam externam & velocitatem desiderat, ut quo velimus modo, moveatur. Nam rudi hoc exemplo, quod profundissimas in Mathesi speculationes admittit, (ut eas maximo ingenio Marcus Marci in libro de *proportionibus motus* proposuit, eo scilicet capite, quo de proportionibus motus orbiculorum tam ad se, quam ad motum orbiculi contigui, à quo impelluntur, agit) etiam minimorum motus, ob oculos poni possunt. Ut enim Cylindrus ex orbiculis componitur, ita è variis particulis corpus. Ut gravitas orbiculorum mutua motus determinat, si impellens vel æquale, vel levius, vel gravius est: ita & in particulis corpus quoddam constituentibus gravitas quædam mobilis est, è tensione procedens, à particulis æris pro ratione incidentiæ & pulsus, vel leviter, vel fortiter mota.

Tales motus per sonum homogeneum in vitro fieri dubium nullo est. Moto enim aëre per vocem, ubi sonus dissonat à vitri tono, nihil movetur vitrum, vel parum admodum, nunquam tamen ita, ut rumpi eo sono possit vitrum. Nam debilis vox consona sonare vitrum facit; dissona, etiam fortissima, non movet vitrum. Ideoque cum tonus ab externo non incutiat, (similiter enim tam omnibus tonis fieret) sed intrinsecus vellicentur particulae, ille motus per meatus vitri, circulis aëreis configuratos, transfundi debet. In dissonis vero tonis aëriæ particulae forte obliquioribus ictibus motæ, per superficiem devolvuntur: ut alias fieri solet in superficie convexâ. Nam quemadmodum sonus in cavis circularibus majorem vim acquirit; ita in convexis eandem perdit, reflexis lineis, & in alias partes dissipatis: nisi via quædam aëriis particulis configurata, impressionem

sionem motuum admittat, quod fit in tono consono. Aër autem ubi fortiter comprimitur, ut fit in sono, teste Verulamio, æquat durum corpus.

An vero vitri partes primariò, an aëris vel æthereæ moveantur, dubitari possit. Ac verosimile est, primo partes aëreas, vel potius æthereas, consequenter verò cæteras moveri, ut & supra diximus. Nervi enim moti aut vocis emissæ sonus non est continuum quiddam, sed è motibus discretis conflatus: ita aër non externus tantum, sed & internus unicuique rei præsens ad soni rationem movetur: ita, ut si soni fuerint in proportionem dupla, aëri eandem proportionem imprimant, & sic deinceps. Atque illa proportio quasi æternis legibus in natura fundata est, adeò ut Kircherus observarit, foraminibus circularibus, proportionem harmonica ampliatis, in pariete chartaceo, ita tamen, ut chartæ circulares non plane exsecentur, sed aliqua parte cohereant, immissum ventum ipso stridore suo consonantiarum tonos exprimere. In tubâ id quoque videmus, in quâ toni non nisi harmonicè crescunt. Spiritus enim intensio & proportio ordinem naturæ in numeris & sonis sequitur, ipsaque illa aëris concitatio tensorum corporum proportionem in consonantiis sequitur; quod in ventorum pulsibus ipsis observare possumus, cujus impetus intra diapason crescere videtur, quod vel ex eo apparet, cum in chordas tensas, rudentes navium, arborum ramos incidit. Quare & vitris, pro ratione vel capacitatis vel compactionis, ex tensione illa proportio quasi ingenita est, ut hodie campanæ secundum omnes tonos certâ mensura per artifices formari possunt. Hinc ad vocem, quæ est quasi cylindrus aëreus, instar chordæ tensus, vibrans, & cum impulsu motus, si æqualiter premat, aëreæ particule, quas Verulamius spiritus corporum sonoros vocat, ad eosdem modulos subsultant, emoveantur, & vicinas sibi partes corporis movent, comprimunt & dilatant. Consonat huic nostræ sententiæ Verulamius *Sylv. Sylv. Cent. 2. num. 149.* cum ait: *Soni per corporis levis superficiem non solum devolvuntur, sed communicantur quoque spiritibus poros corporis insidentibus.*

Rem non aliter se habere vulgaribus etiam experimentis discimus. An non videmus trabem, sedilia, asses certo sono moveri, reliquis quiescere? Quid causæ? nulla alia, nisi ex aditu particulis moventibus dato. Ita Galilæus in tabulato testudinis, setulas non omnibus, sed certis quibusdam tonis saltantes vidit, quod lignum aliquibus partibus moveretur, quibusdam quiesceret. Ipsa denique corporum sonorum proportio mutua id testatur. Chordæ ex intestinis ovium confectæ, licet unisonæ, debiliter admodum movent chordas metallicas. Chordæ metallicæ, pro variis suis speciebus, etiam dispares motus habent, quos ad certum canonem reducere aliqui laborant. Nam argenti & aris præ auro major est pro sono recipiendo

piendo capacitas: quamquam Verulamius. *Sylv. Sylv. Cent. 3. n. 222.* asserat: expertum se esse egregium aurei tintinnabuli sonum, vel argenteo, & xreo præferendum. Quod nulla alia ratione fit, quam quod his laxiores, aliis strictiores sint meatus, nec aërei pulsus se insinuare & equaliter possint. Ita quoque corpora secundum lineam tensa, sui generis sonora fortius movent, quam illa, quæ secundum superficiem & soliditatem tensa sunt. Corpora autem sonora, secundum soliditatem tensa, cætera efficacius movent, habitâ tamen ratione magnitudinis, densitatis & figuræ. Qualis proportionis experimenta ut diligentissimè instituantur, svadet Verulamius loco laudato *num. 280.* Ejusdem rei luculentissimum specimen apud Danielelem Bartoli *Tratt. 3. cap. 4. pag. 137.* reperitur, qui ad varietatem sonorum, varias in scyphis aquâ impletis undulationes, è tremore vitri provenientes, observavit: ut vel inde pateat, aliter particulas aliterque pro tonis configurari, seque insinuare corporibus. Memorabile & hoc exemplum est, meatuum certos positus vel adjumento, vel impedimento esse motibus sonoristremulis, quod idem Daniel Bartoli *Tratt. 4. cap. 6. pag. 275.* producit, de Testudine, quæ integra stupidum plane & obtusum sonum ederet, per indignationem autem confracta, & per partes conglutinata, incomparabilem sonum necta fuerit. Sunt & qui è sono metalli accuratissimè de ejus misturâ judicant. Motu particularum jam tum in corpore existente, citius illa per sonum moveri possunt. Ita verosimile putat Kircherus, vitrum calefactum citius sono rumpi posse, quam frigidum: & ego longè celeriorum motum aquæ calidæ in vitro sonante deprehendi, quam frigidæ. Summum denique & admirabile naturæ arcanum in tarantulis, & iis, qui ab iis punguntur, est. Nam non tarantulæ tantum, sed & ipsi, in quos eorum humor transfusus est, à certo sono moventur, argumento evidentissimo, configurationem miram esse partium in aëre moto cum humoribus hujus insecti. Nullum sane subjeetum in tota rerum natura est, in quo magis illa lucis & soni subtilissima modificatio, & configuratio innotescat, multò accuratiore, quam hætenus factum est, inquisitione dignum. Ut lucis simius est sonus, & utriusque radii pene similes motus admittunt: ita in hoc insecto utriusque modificationes conjunctas cernimus.

CAP. XI.

Superioris argumenti ulterior contemplatio. Roberti Hoochii singularis circa convenientiam pororum industria. Omnia corpora componuntur è fluidis vel solidis. Utraq; non unius generis. Solidorum & fluidorum varia configuratio, secundum condi-

conditionem corporum è tubulis vitreis demonstrata. Quomodo solida in fluidi naturam converti videantur, arena exemplo probatur. Fusio procedit ab equali motu partium ignis & ipsius corporis fusibilia. Motus naturales corporum appositè cum chordarum unisonarum simili motu componari possunt. Ille chorde unisona triplici ratione tales: ita corporum particule triplici ratione conveniunt, certo respectu discrepant. P. Cherubini liber de vi contiguitatis laudatur. In vitro per tonum consonum moto eadem convenientia pororum & motus concedenda. Quæ in corporibus eorumque minimis partibus attendenda. Motus subtilissima contemplatio. Rich. Simseti Calculatoris in hoc argumento quondam singularis industria. Ludovici Vivis & Job. Pici de eo iudicium.

Vidimus superiore capite, quæ sit vis configurationis in partibus corporum, in cujus stupendis effectibus inquirendis operosiores fuimus: neque argumentum hoc etiamnum dimittere possumus. Non omitemus ergo hic, quæ ingeniosissimus Hockius & verè Lynceus minimorum venator, de eo commentatus est: quo nemo plenius & ad sensus accommodatius hanc doctrinam proposuit. Quid non ille Observatione Micrographiæ suæ sexta tentavit, ut admirabilem hujus convenientiæ & contiguitatis vim in corporibus ostenderet? Nam à majoribus ad minima, & ab his ad illa procedens, exemplorum analogismo, varia naturæ phenomena illustrat. Scilicet omnia corpora vel fluida sunt inter se, vel homogenea, vel heterogenea: vel solida fluidis, vel uni, vel pluribus mista. Eorum partes inter se coherent, quatenus vel solidi fluidum includentis, vel fluidi solidum includentis superficies inter se respondent, seque in figuras vel exacte rotundas, vel ellipticas, ac oblongas, pro ratione gravitatis, ac pressionis similis vel dissimilis, coarctant. Illud in tubulis vitreis pene capillaris subtilitatis, & aliis semper sibi quantitate succedentibus accuratissime observavit, varios illis liquores & argentum etiam vivum infundendo. Quorum superficies & adscensus varii fuerunt, idque ratione convenientiæ, quam cum vitro habuerunt. Sic notavit ille majorem aquæ, quam aëris cum vitri superficie convenientiam, & hujus majorem, quam argenti vivi. Superficies enim aquæ in vitro superior cava, argenti vivi eam ob causam convexa. Aquæ autem cum vitro convenientia major inde patet, quod radii per vitrum in aërem immisssi magis refringantur, quam qui è vitro in aquam incidunt. Ex quâ causâ, ut supra diximus, liquor transire interdum vitrum potest, cum aër non possit. Ita videmus in tubo vitreo aquam, aërem, & Mercurium inter se diversæ figuræ superficiebus discontinuatos, ac Mercurium reciproco inter aquam & aërem motu agitari. Quod itaque in his tubis fieri videmus, id in corporibus, quæ è solido & fluido com-

componuntur, fieri verosimile est. Imo & ipsa solida quodammodo fluidi naturam exhibent, ut in arenâ subtilissima videmus, cujus cumulseas particularum inclinationes habet, ut una parte mota alia moveatur, gravia in illis subsidant, levia etiam depressa emergant, illæque viâ factâ, ut in clepsammidio, liquoris instar effluant: cum seorsim politæ majores partes quiescant, nec moveantur. Hunc quasi fluorem præterea ostendunt tempestates illæ arenariæ, quæ in Arabiâ desertâ viatores sæpe suffocant. Videmus itaque rudem illam & crassam corporum arenaceorum convenientiam aliam huic particularum systemati indolem tribuere. Quare longe subtilior in corporibus subtilioribus illa concipienda est: ut in fusione corporum per ignem: Motus enim particularum ignearum agit ob convenientiam & æqualitatem in corpuscula sibi æqualia, & suâ vibratione ad similem vibrationem, & motum subsultorium disponit, expulsis heterogeneis particulis vel celerius motis per fumum, vel refractariis in scoriis separando. Hæc cum attentissima contemplatione consideraret Hooekius (nam ex ejus mente, nostris tamen quibusdam intermixta illa proponimus) non potuit convenientiore analogismo, quam motu chordarum æquisonarum mutuo, rem omnem illustrare. Particulæ similes, ait ille, comparantur totidem chordis æqualiter tensis, quæ Harmoniæ unisonæ inter se vibrationibus colliduntur. Dissimiles verò particulæ, quamvis cæterarum motus inter se proportionales etiam alias dissimiliter vibratas moveat, expelluntur tandem continuâ obluetatione, cum cæteræ similes æqualibus vibrationibus inter se arctius coeunt. Quemadmodum verò unisonæ chordæ dari, ac inter se moveri possunt, (1) si duæ chordæ æquæ crassæ & longæ æqualiter tendantur, (2) si sint æqualiter crassæ, sed inæquali longitudine & tensione, (3) si crassitudine & longitudine conveniant, differant tensione, vel longitudine sola æquantur, crassitie & tensione discordent: ita quædam est miscibilibium heterogeneorum proportio, aliqua saltem parte conveniens, cum cæteris discrepet, secundum materiam, figuram, & molem: quarum variatione infinitæ in corporibus oriri dispositiones possunt, quæ uno tamen vibratorio motu comprehenduntur. Ex hac convenientia particularum in motu vibratorio omnem explicat electricitatis & magnetismi rationem. Dato enim motu duorum corporum vibratorio, æquali & conveniente, discussis statim particulis fluidis intermediis, liberiore motu & arctiore se implicent, usque dum vibrationibus è propinquo fortius semper agentibus accessio, & quasi conglutinatio corporum fiat. Hæc sententia etiam experimento illo Daniëlis Bartoli de scypho pendulo per sonum unisonum ad labra attractò, cujus supra meminimus, illustrari posset. Cæterum doctrina illa de vi contiguitatis & effectus ex unione, & coherentiâ partium re-

sultantibus, prolixius singulari libro Gallico à P. Cherubino d' Orleans scripto, cui titulus: *Effets de la force, de la contiguïté des corps*, deducitur; Cujus tamen sententia in eo displicet, quod omnem aëris gravationem evertere laboret, quæ rejicienda non videtur.

Hæc prolixius eam ob causam adducere volui, ut ostenderem, non ingenii chimærica hæc commenta esse, ut quibusdam videtur, sed in corporibus funditus radicari. Fateor, quæ Hooekius de analogismo chordarum per sonum motarum, cum particulis mistorum motis, differit, jamdudum mihi incidisse: & nunc sanè jucundum hoc mihi est, cum eadem illa cogitata acutissimis hujus Viri meditationibus confirmari videam. Nemo itaque opinor negabit, eandem posse esse convenientiam pulsus & motus in aëris, vel ætheris particulis; eam denique figuram & formam, ut vitri interiora tono consono perrumpant, imprimis si aëre, ut verosimile est, discusso, solæ ætheris particule agant: particule enim crassiores, quasi tincturæ salium terrestrium, in hoc fluido terræ circumposito, quasi solutorum, quæ systema hoc aëreum constituunt, ut heterogenea, quasi per præcipitationis quandam speciem, excuti videntur, in illis corporum motibus internis & tremulis, ut sunt sonori, ut de libertate ætheris per vitri poros transeuntis dubitari minime possit, quos vel ab aquâ calidâ, ut supra demonstravimus, distendi videmus, ut alabastri moles per coctionem cum aquâ, distentis poris, augetur. Nam si simul considerantur, quæ in corporibus etiam minutis considerari debent, (eadem enim majorum & minimorum ratio est,) ut *Figura*, tum ratione superficie, totius & partium, spherica, plana, elliptica, cylindrica, pyramidalis, vel planè irregularis & mista: *Situs* partium, erectus, inclinatus, horizontalis, &c. *Ordo*, quo certis tractibus, vel partibus locantur corpuscula: *Modificatio*, quâ inter se vel sociantur, vel distant: *Pori*, quibus interstitia inter particulas certis modis determinantur: *Emanatio*, quâ excluduntur & expelluntur quædam corpuscula mobilia: *Mixtio*, quâ corpuscula primò concre-scunt: *Forma*, quâ quantitas modo quasi artificiali diversificatur, ut particule quædam trochlearum, vectis, cuneorum, terebrarum instar habeant: denique *Motus*, qui mille modis variari potest: nam vel majori, vel minori celeritate, diversitate graduum, vel uniformiter, vel difformiter, vel rectâ lineâ, vel circulariter, vel elliptice, &c. vel ratione situs & naturæ corporum collidentium, vel motu undulatorio, sive ille solitarius sit, sive alteri progressivo, aut per centra sua rotato junctus; vel ratione pororum, aut juncturæ partium, pro earum angustia, capacitate, parallelismo, ambagibus definitur. Hæc inquam omnia, si simul considerantur: nam sanè levia sunt interdum, quæ totam corporis conditionem immutare pos-

possunt, ut cum charta antea opaca, solo oleo illito redditur perspicua, & similia infinita, nostro instituto applicentur; nemo, ut puto inficias ire, poterit, è convenientia aërearum particularum, earumque cum particulis vitri configuratione, tum & ipso motu proportionato hunc effectum provenire. De motu ipso jam supra multa diximus: sed ea est hujus argumenti infinitas, ut exhauriri nullâ ratione possit. Summum illud in natura, cujus attentissima contemplatio in mirificorum & insolitorum effectuum causas nos deducet. Vidit hujus doctrinæ utilitatem jam tum, quod mirere, inter Scholasticos Philosophos, *Richardus Suiset*, cognomento Calculator, quem in cœlum extollit J. C. Scaliger: dicit enim Exerc. 324. illum excessisse modum humani ingenii, & in Exercit. 340. tam acute scripsisse ait, ut à paucis plenè & pro meritis intelligatur, dignum, quem neque senium senem faceret, neque natura lex privaret vita. Fatetur porro: huic viro maximo multa se debere, plura debiturum, si per ingenii sui imbecillitatem licuisset. Quæ invidenda profecto à tanto Viro elogia sunt, ut mirer *Johannis Pici*, & *Ludovici Vivis* planè contraria judicia, quorum hic *libr. 5. de caus. corrupt. art.* eum ut summum nugatorem elevat: Ille subtilitates ejus vocat quisquilias *Svisseticas*, quas de motu uniformi, difformi, uniformiter difformi, difformiter difformi, de infinitè raris aut densis in libro de Reactione proponit: Hæc ut otiosorum hominum inventa, ad exercendum in scholis guttur, ne tacendo obduceretur, ridet *Picus*: Sed meo judicio, parum cautè, cum illum cæteris Scholasticis longè oculatiorem fuisse pateat: qui has motus differentias mechanico planè & mathematico ingenio, tam subtiliter inquisivit, quorum maximus in singularibus naturæ & artis usus est, quem animi sui sagacitate prævidebat Scaliger, cæteri, qui non adeo ad animum admittebant, aut aliis studiis, quam his occupabantur, strenuè contemnebant. Mirum tamen est, adeo ignotum hujus jam viri nomen esse, ut in nullâ Bibliotheca compareat, de quo *Naudæus* in dissertatione Gallicâ de instruendâ bibliothecâ pag. 86. queritur.

CAP. XII.

Alia in sonis Sympathia exempla diligenter inquirenda. Sonus in lignis diversis ejusdem longitudinis & crassitiei diversus. Illa conglutinata unum sonum formant. Experimentum de sono *Vasis lignei* è variis schidiis compacti. Tonus in illo primarius, & varii particulares. Ad vocis & fistule sonos unisonos consonabant. Tremor in lignis instrumentorum tabulatis secundum certas partes pro mutatione tonorum varius. Sympathia sonorum *Xylorgani*. Scannorum & mensarum

partes ad certos vocis tonos tremunt. Textura ligni è fibris & poris. Pororum in illo tria genera. Carbores cur magis sonori, quam lignum. Vitri longè alia pororum textura. Illa laxior ætiorque in ipsa formatione certis præparationibus reddi potest. Locus Macrobiæ explicatus. Pavimentum à frequentibus sonis eversum. Fornicibus periculum est à sonis organorum. Etiam illi concuti & tremere possunt. Lapis ingens, pavimentum vehementer à sono certa fistula in organo concussus. Statua cerea ad sonitum campanæ tremens. Vitri sonus tracheæ asserina simili sono commotus. Vitra à certo tympanorum pulsû tremunt. Vibratio & impetus debent conjungi. Chorda æquisona an vitrum moveat? A vitro illa movetur.

QUOD Verulamius loco capite 10. laudato svadet, ut experimenta de sympathia sonorum, in aliis quoque corporibus sonoris instituantur, id ad experimenti nostri illustrationem, non parum etiam faceret. Utinam verò ab illustri hoc naturæ mystæ in lucem eductus fuisset ejus de communicatione sonorum tractatus; quem passim promittit, & planiora nobis illa forent. Svadet verò ille, ut non solum in simplicibus sonis corporum, ut tintinnabulis, fistulis, velejusdem, vel alterius generis, sed & in sonis sociatis, per varia instrumenta sympathia illa exploretur, cujus hætenus non satis accurata observatio instituta. Aliud enim aliò gratius est instrumentorum consortium. Sed illa potius ad Musicæ accuratiorem emendationem pertinent, & vim insignem in hominum animis movendis haberent. Verosimile sane est, ut simplices soni chordarum & corporum in se agunt mutuo; ita sonos instrumentorum quandam inter se vel sympathiam habere, vel antipathiam, quorum accuratior apud antiquos fuit, quam apud nos est notitia. Nos ad illustrationem experimenti nostri, de sonorum simili sympathiâ, alia quædam exempla afferemus.

Inter corpora sonora nihil obtusius sonat ligno: sed tamen certi, pro lignorum speciebus, sonorum gradus sunt. Quod pulcherrimo documento ostendit Daniel Bartoli *Tratt. 4. cap. 6.* Ille frusta lignea, ejusdem crassitie & longitudinis, ex abiete, quercu, fago, & plurimis aliis, parari fecit, & singulis diversos inesse tonos deprehendit, quæ tamen arctè juncta, unum sonum ediderunt, cum interim frusta illa suos quosdam tremores à toto illo systemate distinctos haberent. Idem quoque è testudine patet, cujus partes fractæ iterum conglutinatæ clariorem, quàm antea sonum natæ fuerunt, de quo superius diximus. Idem vulgari quoque experimento mihi probatum est. Vas enim è schidiis faginis bene exsiccatis, quæ suum singula tonum habent, cum per viotorem circulis ligneis compingitur, so-

num aliquem acquirit quasi communem, & à reliquis distinctum, ut è pulsu digiti patet. Huic si eundem vocis vel fistulæ tonum immiseris, respondebit tonus totius vasis. Ad cæteros tonos audientur hinc particulares toni schidiorum, jam clari, jam obscuri, ita tamen, ut leviter consonet primarius. Cachinnus per omnes tonos volutus ordine æquales sibi tonos laceffet. Neque hoc, quod primò putabam, è sola reflexione aut bombo provenit; illum enim benè ab ipso sono distingvere poteram. Imò & distincti partium in ligno continuo tremores demonstrari è Galilæi supra memorato experimento possunt, de setulis ad certos tonos in testudinis, aut clavicymbali tabulato saltitantibus, quod quanquam in setulis observare non potuerim, observavi tamen in particulis tracheæ anserinæ arefactæ circularibus, quæ in convexâ parte super instrumenti tabulato, jam in orbem agebantur, jam rectâ lineâ procedebant. Quoniam enim in punctis consistebant, setulis illis totâ superficie jacentibus, mobiliiores erant. Varia quoque ipse experimenta institui in Xylorgano Germ. *Strobsidel* dicto. Nam vel chordis in vicinia pulsis, vel campanis, vel voce semper aliquem in ligno *ὁμοῦν* deprehendere tremorem mihi visus sum. Observavi sæpè in sedili ligneo, in quo mihi adsidebat alius, in mensâ etiam ipsâ, cui innitebatur, tremorem, cum loqueretur aliquo tono: quod cum alius eodem in sedili sedens diverso tono loqueretur, non fiebat. Quod profecto nullam aliam ob causam, quam æqualitatem vocis cum sono ligni evenire potuit. Senti non semel in conclavi aliquo tremorem sub pedibus, cum stringerentur certæ quædam chordæ violini majoris, quem non sentiebam, cum aliz stringerentur.

Si causam hujus sympathiæ & incussi tremoris quarimus, nulla alia est, quam configuratio partium mutua. Ea in ligno manifestior est, quam in aliis corporibus. Constat illud fibris & poris suis, quorum textura & situs commodè microscopiis observari potest. Nam diligentissime Nehemias Grew in *Anatome sua vegetab. cap. 3.* illas inquirens, invenit duplicis generis poros, majores & minores, qui materia spongiosa & medullari repleti videntur. Quibus tertium genus pororum minutissimum addit, R. Hockius Micrographus solertissimus, per longitudinem trunci deductos. Porus vero fibræ concavum existit, ita, ut unaquæque fibrarum 30. 50. 100. poris perforetur. Nihil denique aliud ipsi lignum est, quam racemus innumerabilium & tenuissimorum vasorum, aut fibrarum concavarum. Illæ ubi humore suffusæ, non sonat lignum: simul ac vero exsiccat, poris patentioribus, in quibus aër moveri potest, sonat. Quod evidentissimum in carbonibus est, in quibus, humidis particulis per ignem expulsi, pori pene ad oculum patent, ut argentum vivum iis insinuari pos-

possit, & sonus clarius audiatur. At in vitro longè alia pororum textura, quæ licet oculis deprehendi non possit, tamen è variis effectis, & ex ipsâ fragilitate cognoscitur; cui vel ignibus certis, vel alterius materiæ admixtione alia sæpè temperies induci potest. Ita Plinius *lib. 36. cap. 26.* incoctiōne sulphuris ferruminari in lapidem posse tradit, & Macrobius *lib. 7. Saturnal.* notat vitro solvendo firmandoque ignem ex myricâ arbore commendari, nisi ex emendatione Joh. Isaaci Pontani legendum *formando*: nam è Plutarchi *Sympos. lib. 3. quæst. 10.* ubi habetur: *πῶς δὲ τὸ πῦρ ἡμᾶς μάλα-ξιν καὶ τῶπιον*: ita emendat: ut enim *μάλαξις* est emollitio, ita *τῶπιον* formatio. Patet tamen hinc, in ipsâ hujus massæ formatione arctiores vel laxiores vitro poros conferri posse, & vel solo igne, qui & ipsas marmorum juncturas solvere potest, notante in eodem loco Macrobio, si de olez lignis paretur.

Pertinet huc quoque, quod à Viro Clarissimo Willisio mihi olim relatū est: Memini enim, cum ipsi de experimento vitri per vocem fractū narrarem, ex eo audivisse, quod in ædibus Musicis sibi vicinis aliquoties collapsum pavementum fuerit: quod ipse sonis continuis adscribere non dubitavit. Scio alicubi in ædē sacrâ fornicem angustiorē, cui substructa erant organa Musica, unā cum iis collapsū, quod factū forte ob multiplicem soni percussionem est, præsertim, cum & ipsi fornices sonare soleant. Eam ob causam in organis istis artifices majores tubos pneumaticos ita per totam structuram disponunt, ne nimium concutiat. Non rarō tympanorum pullū & tubarum sonitu templorum fornices concuti animadvertimus, ac verosimile est, majorem etiam vim incuti posse ædificiis, si sonus, quam fieri maximè potest, multiplicetur & intendatur. Quare miror, perstringere Honoratum Fabr. *Phys. tract. 3. l. 2. prop. 215.* aliquem è recentioribus, quod decumanis etiam fornicibus vibrationes tremulas è gravium sonorum repercussione ortas tribuat: quod ille non ridiculum, modò, sed horrible dictū vocat: cum sæpissimè hoc fieri deprehendamus. Quid enim vetat, aërem, ut in minoribus corporibus, ita & in majoribus moveri posse, & cum illo partes ejus corporis: cum sonus etiam levior per trabes longissimas, in aëre præcipuè suspensas, propagari possit. Modo enim sonus proportionatus sit, tum impetu, tum motu, eadem causâ posita eundem consequi effectum necesse est. Varenius sanè in *Geogr. Gen. libr. 1. cap. 19. pag. 386.* refert, inter montium anfractus sclopeto exploso, tam horribilem fragorem fuisse exauditum, qui per semiquadrantem horæ duraverit; ut vereretur, ne totus mons concussus corrueret. Refert Kircherus *Musurg. lib. 3. cap. 7.* ingentis molis lapidem semper tremuisse ad sonitum, certæ fistulæ organi, hoc vero silente, & reliquis sonantibus, nihil motus fuisse

fuisse perceptum: Item è Mersenno apud Patres Franciscanos Parisienses, dum organa pulsantur, pavimentum circa diametri finem, quæ ex quadrato nascitur, cujus organa latus sint, ita concuti, ut ferme verearis, ne terra dehiscat, quod tamen minimè sentias, si vel propius ad organa accedas, vel ab iis longius recedas. Idem quoque polychordum sibi esse in Museo ait, cujus una chorda præ cæteris omnibus ad vicinum campanæ sonitum in sonos animetur. Memorabile & hoc est, quod Fracastorius in libro de *Sympath. & Antipath. cap. u.* recenset. *Vidi, inquit, ipse in ecclesia quædam, ubi multa statua cerea loco alto disposita stabant, pulsante tintinnabulo quodam, unam illarum tremere, reliquis immotis permanentibus.* Ubi mirum sanè videtur, ceræ partes viscidiores motu illo tremulo sonoro affici potuisse. Ex iis exemplis videmus, si lignorum, lapidum, statuarum meatus pervadat certus tonus, etiam vitri minima certam aëris tensionem perumpere posse.

Non præteriri hic quoque illud debet, quod notavit Jacobus Rohault in *Physicis suis Part. i. cap. 26.* vidisse se vitra domus, certo quodam tympano pulso, sensibili tremore percussa, ad aliorum vero tympanorum longe intensiores strepitus sine motu ullo perstitisse. Igitur hic unà cum impetu vibratorius quidam motus conjunctus fuit, qui validus satis in tympano est. Vehemens enim est tympani sonus, præsertim si super tubum conicum pellis expandatur, quale tympanorum genus Kircherus in *Phonurgia* descripsit. Ubi verò vibratio non est cum notabili aliquo impetu conjuncta, debiliore est. Ita chordarum vibrationes vitrum æqualis soni non facile ad sonum commovent: abest enim æqualis impetus, neque vibrationes illud rectâ feriunt. Kircherus tamen ex adverso chordas intactas incitare sono vitri docuit: Si quis enim scyphi vitrei oram digito madefacto strinxerit, & supra scyphum chordam extenderit, ad eum sonum æquisonam chordam sono responsuram ait. Non video verò, qua ratione aptari vitro chorda possit, ut illas chordâ vitrum stringi possit. Accidit & mihi tracheam anserinam valide instanti, ut vitrum acutissime consonaret particulari alicui tono, qui primarium terciâ superabat, illo interim vel leviter, moto, vel planè cessante.

CAP. XIII.

Impetus in sono vehemente magna efficacia. Cui accedere tamen alius vibratorius motus potest non observatu facilis. Alius videtur esse motus partium aëris cæssiorum, alius subtiliorum. Ea forè causa facilis soni ad diapason transitus. Soni

è tonitru & tormentis majoribus magna vis, in frangendis corporibus, fenestris, ovib.
 Sonus tormenti majoris est efficacia, quam ipsum tonitru. Ova avicularum asinina
 voce rumpi creduntur, cantu foveri. Exemplum Digbae de scyphis vitreis in nave
 ad sonum tormentorum longinquum tremantibus. Tormenti sonus longius propa-
 gatur, quam tonitruum: Explosio in tonitru unica. Cartesii sententia de sono in
 tonitru è nubium lapsu rejicitur. Sclopetum intra montes explosum tonitru aquat.
 An tonitru vinum & cerevisiam corrumpat solo sono, vel fumulis sulphureis. Po-
 sterius quibusdam verosimile videtur. Modus preservandi cerevisiam à corruptio-
 ne tonitruum. Prior tamen sententia etiam admittenda videtur. Soni vehemen-
 tis horribilia effecta in corpore humano. Sono campana argentum vivum motum
 ad 100 passuum distantiam. Tempestates sono tormentorum & campanarum dissol-
 vuntur. Rationes Pomponatii super re illa adducta & notata. Tuberum an post
 tonitru è terra prorumpant. Sonus in latu Eugilo fertilitatis index. Ejus ratio d.
 Cardano. Nostra de illo sententia. Quare lacus quidam & montium cavitates
 tam horrendum sonum & tempestates edant. Exigua corpora saepe magnos sonitus
 & tumultus efficiunt. A tonitru laxata alvus. Cerva abortiunt. Pisces exani-
 mantur, aut abiguntur: uti & tormentorum explosione. Clamoris militaris quan-
 ta vis.

AD sonum & sympathiam in corporibus sonoris, non impetus so-
 lum, ut vidimus, sed & vibratio requiritur. Nam si vel hæc, vel
 ille absit, non illa efficacia erit: solus impetus interiora corpo-
 rum non pervadit, sed extrinsecus tantum impellit. Vibratio impetu de-
 situta forte movebit corpus æqui sonum, sed debilitas illa tensionis, alte-
 rius corporis moli non respondens, facit, ut deprehendi sensibus non pos-
 sit. Fit tamen nonnunquam, ut solius impetus in sono magnus sit effe-
 ctus, si nimirum vel corpus, vel motus, magnitudine suâ omnia alia cor-
 pora eorumque motus excedat. Hæc effecta concomitantia sonum, non
 à sono producta, soli locali in aëre motui adscribit Verulamius Sylv. Sylvar.
 Cent. 2. n. 126. Quod verum quidem est, interim tamen fieri potest, ut in
 ipso illo, quem vocat locali motu, majorum scilicet massarum aërearum,
 insit alius vibratorius particularum minorum, qui mira sæpe effecta magis
 è longinquo, quam è propinquo producere potest, nobis non adeo sensi-
 bilis, quia objecta excedunt potentiam & capacitatem organi sensorii. Cum
 enim aëris partes aliæ crassiores sint, aliæ subtiliores, verosimile est, diversos
 eorum esse motus. Quam causam Dn. de Poisson elucidationibus in Car-
 tesii Musicam assignat; quare in motibus aëris sonoris facile ad diapason
 transitus fiat. Aut enim, subtilioris aëris celeriores esse motus, quam cras-
 sioris, unde acutior ille sonus oriatur. Cui sententia illustrandæ etiam hoc
 servi-

fervire possit, quod ut aqua scypho vitreo infusa tanquam crassius aëre medium, octavâ graviore superat vitri tonum aëre repletum, ita aër subtilior crassiore octavâ acutiore excedat.

Ad solum impetum referri solet, quando in violentâ aëris explosione & incondito sono ipsis vastissimis aëdificiis ac terræ tremor incutitur. Quod fieri videmus, cum tonitru auditur, aut tormenta exploduntur, à quo sono & aëdificia contremiscunt, & fenestræ franguntur. Qualia & observata fuerunt in sono Lampadis illius volantis, quam Petrus M. Cavina describit, quæque inter Ephemerides Germanicas Anni octavi reperitur, pag. 212. Nihil sanè tonitruum sono est vastius, quo tamen Rud. Camera-rius Cent. 3. observ. 40. tormentorum fragores & vehementiores, certo respectu & perniciosiores existimat. Nam si materia à naturâ cogi possit in spaciū aliquod solidum ac tam vastum, ut nubes est, montes protruderet integros, nec manes terrore, ut ait, vacarent: cum nunc exigua tantum nubis pars, in spongioso vaporis corpore bombos aliquos edat. Solent & ova, quibus gallinæ incubant, eorumpi, vel saltem ita perturbari, ne pulli excludi possint, ac ipsi pulli perimuntur. Notârunt & aliqui, ruditu asinorum simile fatum avicularum nonnullarum ova experiri: Imò sunt, qui superstitiosè cavent, ne fores stabuli, in quo ovis incubant Gallinæ, cum magno strepitu postibus allidantur. Ex adverso, cantu foveri ova, & meliores partus fieri, ut incondito perduntur, autor est Pomponatius libro de Incantationibus cap. 6. pag. 91. Memorabilia sunt, quæ refert Digbæus de Naturâ Corporum, cap. 28. num. 3. de scyphis vitreis, dum in navaliprælio exploderentur tormenta, toto illo tempore trementibus, de papyraceis fenestris fissis, ac ovis, quibus columbæ incubabant, confractis. Observavit ille fenestrarum in suâ navi tremorem, cum exploderetur tormentum in alterâ, tanto intervallo distanti, ut visu vix detegi, ac sonus audiri potuerit. Refert simili occasione cursum navis suæ se mutasse, ut aliis pugnantibus succurreret, eumque direxisse sono, vel potius motu, seu tremore ex sono impresso, observato scilicet, quo in puncto pyxidulæ nauticæ tremor iste appareret, cum nihil quicquam audiret: quanquam multò post magnâ adhibitâ attentione & silentio obrusum quendam langvîdumque sonum discernere potuerit, ad quem fenestræ in puppi è subtili vitro Muscovitico tremuerunt. Quæ omnia verosimilem ostendunt sententiam Bernardini Telefii de Rer. Nat. lib. 7. cap. 34. longius propagari sonum, quanquam non adeò magnum, qui è tormenti explosione editur, quàm qui à fulgure oritur, & tonitru vocatur. Qui ipse quidem in instanti generatus, & unicus: qualis in locis planis, quibus ferè verticalis explosio est, observari potest, & quem ipse non semel observavi; latè inde diffusus

perpetuo ad montes, sylvas, nubes densiores appulsu multiplicatur. Nec enim cum Cartesio nescio quem nubium nivofarum & glacialium lapsum, unde is sonus oriatur, præter sensum ac rationem fingere necesse est. Licet enim non negem glaciales, aut nivibus prægnantes nubes esse, ac moveri loco posse; inde tamen tam vehementem sonum excitari posse pernego. Nihil ad rem facit ille sonus, qui è nivium Alpinarum devolutione, oritur, & cum tonitru comparari non potest. Major enim istius nivis firmitas, & è glomeratione continuâ pondus, unde accedente in vallibus repercussione sonus ille oritur, quàm in nubibus in aëre suspensis, cujus partes minus continuæ sunt, & particulis nivalibus non stipatæ, sed interspersæ, ac ventis præterea intercurrentibus agitatæ. Neque sanè nubes facile in solidam glaciem converti potest, & si verteretur, non posset tamen nubes superior in inferiorem decidens tam vehementer cum illâ, ut molliore, collidi, atque inde tantus sonus procreari. Imò ob gravitatem tota decideret. Sonum illum unicum tantum esse, & è repercussione continuâ propagatum, patet eo exemplo, quod producit Bernhardus Varenius in *Geographia Generali lib. 1. pag. 385.* de sclopeto in summitate montis, & deinde in convallibus exploso, quæ posterior explosio multo gravior fuit, & repercussione continuâ tonitru duratione ad horæ semiquadrantem æquavit, cum prior illa levem tantum ad instar bacilli fracti strepitum excitârit. Unde solet tonitru in superiore aëris regione, ubi incipit, minus sonare, quàm in regione inferiore, ubi graviores longè bombi audiuntur.

Solet & ipse sonus adeò movere minimas liquorum vini & cerevisiæ particulas, ut fermentantes vitium inde trahant, vel aliâ fermentatione corrumpantur. Sed adhuc sub iudice lis est, utrum illa liquorum corruptio sono, an vaporibus sulphureis adscribenda. Ut ejus rei veritatem exploraret, Boilius in lagenis vitreis cerevisiam tum lupulatam, tum sine lupulo præparatam, hermeticè obfigillavit, cumque in cadis omnibus cerevisia acorem è tonitru contraxerat, sola illa in lagenis incorrupta perstitit, unde penè colligi potest, non à sono, sed à fumulis sulphureis liquores corrumpi, qui vitri poros pertransire non potuerint. Eundem successum vidit in cerevisia per sex hebdomadas in Vacuo suo conservata, quæ per tonitru nihil boni saporis perdiderat. Videatur ipse in *Experimentis circa conservationem Corporum, experim. 13. pag. 10. & 13.* Cui sententiæ amplius illustrandæ inservit Matronæ cujusdam nobilis experimentum, quod Boilius *libr. de Insigni efficac. effluviis, cap. 5. pag. 142.* memorat, quæ tonitru imminente, ad convenientem distantiam, sub doctis foculos cum prunis ardentibus disposita habuit, atque ea ratione cerevisiam suam illibatam,

ser-

fervavit, cum aliis illa acefceret. Quod ferme apparet, sulphureos illos fumos à prunis ardentibus occupari, ne illi se cadis insinuare possint, pe- ne eò modò, ut culinari experimento pruna lacti adusto immitti solet, quo effluviis illis partium adustarum, prunæ dum extingvitur associatis, pravus sapor corrigatur. Eadem forte ratio dari poterat, cum ferrum vel chaly- bem cadis tonitru imminente imponunt: nam & illud metallum quasi fo- mes & magnes fumulorum sulphureorum videri potest.

Sed tamen non adeo res illa certa est, an soni nullæ in alterandis li- quoribus partes sint, qui non adeo totam aëris massam movet, quam ma- teriam subtiliorem. Quare cum motus omnes naturales, qualis ferment- atio, è pulsu materiæ subtilis oriri videantur, ut Mayow in eleganti *de Salnitro* libro pag. 175. contendit, non est adeo improbabile, quod & vehe- menti sono conturbari particulæ liquorum compositorum possint, ut alio se situ componant. Id ab insolitis, & vehementibus sonis etiam spiritibus animalium evenire videmus, ut variè agitentur & percellantur. Sunt, qui in epilepsiam, apoplexiam ex horribili sono incidunt. Nam violent- ter quatuntur & translocantur humores, spiritus in turbinem circum- guntur, unde illorum dissipatio, paralyfis, tremores, cujus exempla videantur apud *Fabrii. lib. 3. observ. 6. & 7. Merc. l. 1. Med. Pract. cap. 40. Libav. lib. 1. sing. pag. 319. Lusitan. Cent. 3. cunct. 22. Testatur quoque Rud. Camerar. Cent. 13. observ. 43. Cujus hæc verba: Multos vidi, qui nullo modo ictu, ac ne attacti quidem, prætervolantis tantum vertici vel auribus bombardici ictus frigo- re & impetu, sic attoniti procubuerunt, ut viventibus membris gangrænâ mox inva- dente interierint. Idem eodem in loco testatur, pulveris non adeo magnâ copiâ forte in armamentario incensâ, solâ aëris agitatione prodigiosos effectus secutos. Observavit sanè Daniel Bartoli *inst. 3. cap. 6.* sono cam- panæ majoris per rectam lineam centum passibus geometricis remotæ, motam fuisse in altero scypho vitreo aquam, in altero argentum vivum. Ac pervulgatum est, campanarum majorum sonis & tormentorum explo- sionibus discuti tempestatem posse. Forte & eam ob causam apud Chi- nenses omnes turres appensis exterius campanis perstrepunt. Ita & æris tinnitu aërem scindente subsidere apes credunt, ut volatu sustineri ne- queant. Solent aliqui ideò, teste Magio *lib. de Tintinnabulis cap. 14.* hunc effectum campanis tribuere, quod credant tempestates à Dæmonibus im- mitti, & campanas fugare Dæmones. Pomponatius in libro *de Incantatio- nibus cap. 12.* eundem campanis effectum tribuit, sed à propioribus & pal- pabilibus causis discedens, calitus è certa constellatione, & virtute siderum in campanas evocata, hanc vim arcescit, qualem certæ quoque herbæ & la- pides, imò homines quoque nonnulli, certis sideribus nati, habeant, ut*

imperent mari, ventis & tempestatibus. Quorsum profanz hujus, sed ineptæ superstitionis mysterium tendat, facile illi, cui naris non est obesa, subolet. Nam passim in hoc impio libro atheismi semina spargit, unde ad elevandam doctrinæ sacræ auctoritatem, tela sua depromunt homines male seduli. Sed tamen oculatius seculum nostrum est, quam ut ineptis his influxuum commentis fucum sibi fieri patiatur. Ita verò hujus virtutis mensuram determinat Pomponatius: *Si qualitatem inductam à campana contingat esse validiorem tempestate, fugabitur tempestas: si verò qualitas sit imbecillior, superabit tempestas, & succumbit qualitas.* Quasi non à motu imbecilliori, vel fortiori id potius proveniat, quam à ficto illo astrali influxu, aut aliâ quadam re, quam nominare tamen non potest, quæ compositionem campanæ ingreditur. Ita, ut spirituum operationes elidat Pomponatius, in rationibus eorum effectuum tradendis semper *μυστήριον* est, ut cum nihil dixerit, aliquid tamen mysterii nos docuisse videatur, quò miracula, quæ idoneis argumentis impugnare non potest, apud imperitos & semidoctos suspicionibus suis incerta reddat. Quoniam itaque campanæ & tormentorum explosiones naturali operatione tempestates discutere possunt: mirum non est, si tam horrendus fragor à tonitru profectus interiora rerum commoveat, ut liquores conturbet, quo etiam cancri commoti foras prorumpunt.

Quæ cum accuratius reputo, non omnino de nihilo rationem Scaligeri *Exerc. 130.* esse existimo, qui tonitribus terram quati, ac rariorem fieri existimat, ut tubera ex imbribus nasci possint: quam rejicit Vossius *de Idol. lib. 3. cap. 7.* quod terra sæpius horrendis quatiatur ventorum tempestatibus, nec tamen ad tubera edenda se laxet: nam certe major est vis penetrans in tonitru, quam in ventis etiam validissimis. Idem Athenæus *lib. 2. cap. 22.* testatur. *Φασὶ γὰρ, ὅταν ὑδάτα μετεωρεῖν, καὶ βρογαὶ γίνονται σκληροὶ, τότε γίνονται, καὶ μάλιστα ὅταν αἱ βρογαὶ, ὡς ταύτης αἰτιώτερος ᾖ.* Dicunt enim, cum aquæ autumnales, & magna tonitrua fiunt, quod magna nascuntur, atque cum maxime maxima, illa si quidem præcipua generationis esse causa videntur. Idem Juvenalis versibus traditur.

— post tunc tradentur tubera, si ver
Tunc erit, & facient optata tonitrua cænas
Majores.

Sed aliam tamen rationem etiam affert Athenæus, quam apud Plinium legas. Ait enim nasci exundatione fluminum invecto semine à collibus. Nam *αἰσχυαλικὴ δέχνη* certis quibusdam terris indita creditur, de quâ amplius videas Casaubonum *Animadvers. in Athenæum lib. 2. cap. 21.* Non enim de his differendi locus hic est.

Huic quodammodo simile est, quod narrat Cardanus de *Rer. Variet. lib. 15. cap. 85.* de sono fertilitatis vel causâ, vel indicio. *Referebat, inquit ille, M. Antonius Majoragius, Aprilis mense audiri in Eupilo lacu sonum, seu vocem ejusmodi ôh ôh ôh ôh ôh, sed longiusculam, ita ut extrema vox concisa esset, & bis annis, neque enim singulis annis auditur, proventum uberiores omnium sequi, vini, tritici, ac ceterorum.* Ejus rei rationem hanc affert Cardanus: *Haud dubium esse debet, percussa vel sub aqua, vel in imo ac fundo sonare, sed obtuso sono, quod experti sumus: adeo, ut concusso sub aqua corpore, aer, qui ibi est, sonet, transeatq; sonus in aquam, ac rursus in aërem. Itaq; concaléfatto, accedente vere, limo & in aërem converso, fit sonus: nec necesse est, semper aquam fervere ob id, nam frigore aqua dissipatur aut exstinguitur vapor. Quod si dissipatur: motum in aqua concitat, sed non uno loco, verum per magnum spatium, ut deprehendi nequeat: calor vero ille fertilitatis plerumque signum, quod omne solum aquis abundans, ubi incaluerit, fertile sit. Sed ejus rei fides & ratio penes Cardanum esto. Si vera sunt, quæ ille narrat, forte sonus est à partibus nitrosulphureis per fermentationem validam in explosionem aliquam agitis, ut spiritus interdum aliquos videmus mutuo affricu in, calorem & sonum levi aliquo motu incitatos. Quemadmodum ajunt, si particulam casei dolio musto pleno injeceris, tantum excitari fervorem, ut dolio à fractione sit periculum. Eam causam du Hamel de *Fossilibus* L. 2. cap. 3. statuit, cur injectis lapillis lacus quidam tumultuentur. Nam in Comitatu Fuxensi inter Pyrenæa juga lacus est in montis cacumine, cui nomen Fanum Sancti Bartholomæi, qui lapide injecto nitrosos ac sulphureos exhalat vapores, qui in mediâ aëris regione densati in imbres & tonitrua se diffundunt. Exigua sunt sæpe, quæ corpora naturalia certo in statu potenter irritant, quemadmodum aquæ aliquot guttulæ æs dum funditur, ita commovent, ut motu violentissimo prorumpat, prosterneatque & verberet, quicquid attingit. Sunt quoque fortassis in locis subterraneis, in quibus nonnunquam cavitates, aëre variis particulis imprægnato repletæ, non insolitæ tales ex attritu earum explosiones, quæ si majores ac vehementiores sunt, terræ motum producere possunt, cujus quasi rudimenta & præludia, ob materiæ tumultuantis non adeo magnam copiam, lacus ille dedit, fertilitatis tamen illa datur indicium, & fundum vaporibus nitrosis vel sulphureis turgidum ostendunt.*

Porro huc referendum, quod in Actis Philosophicis Collegii Regii Anglici, pag. 550. refertur Nobilissimus Dn. Oldenburgius de quâdam femina, cui cum tonitru audiretur, semper laxata alvus, crebræque fuerint vomitiones, quales nec à fortissimis effici medicamentis possint. Nisi forte id ob consternationem animi accidit, ut illi apud Juvenal. *Sat. 14.*

— *trepido solvunt qui cornua ventrem.*

Cum liquis audire.

Quam ob causam abortire etiam cervas nonnulli credunt, cum tonitru audiunt, adducti loco è *Psam. 28. & Hiob. 39, 9.* ubi tamen variant interpretum sententia; quod & de conchis asserit Plinius *lib. 9. cap. 38.* Etiam Pisces tonitru exanimari, & explosione tormentorum in præliis maritimis abigi creduntur: non enim verum est, illos auditu carere, ut quidam volunt; cum nos aquâ demersi nihil audiamus: nam alia est in iis organorum ratio, quæ appulsu circulorum aëreorum afficiuntur. Inter inconditos illos ac confusos sonos militaris iridem clamor est, cujus magnæ etiam vires sunt, adeo ut ex aëre aves in terram nonnunquam ceciderint, ejusque tremor observatus fuerit, de quo legantur Alexander ab Alexandro *Genial. Dier. l. 4. cap. 7.* Elias Reusnerus in *Strategematogr.* Gabriel Naudæus de studio militari, *lib. 2. pag. 494.* Is si consonâ voce ederetur, nec impar vel varius esset, benè de exitu prælii ominabantur: Id enim indicem voluntatis ac animi habebant. Quin & intentior tum erat sonus.

CAP. XIV.

Disquisitio de Murorum Hierichuntinorum lapsu. An illi per sonum conciderint. Rabbiorum ea de re sententia. Massi & Serrarii ratiocinia parum solida. Soni major, quam venti efficacia. Soni è longinqua vi exemplo è Digbeo ostenditur, & alio, ex Borello. Lociconditio circa muros etiam consideranda. Rabbiorum mira de urbe Jericho fabula. Muri etiam sonum aliquem habent, qui forte sono proportionato lacesse potest. Mersennus huic sententia adstipulatur. Putat muros solo sono subversos. Argumenta ejus recensentur. Respondet nonnullis objectionibus. Locus Ezech. cap. 26. à Mersenno productus parum ad rem facit. Influxus siderum & intelligentiarum frustra à Rabbinis hic arcessuntur. Mersenni sententia amplius illustratur ex historia ipsâ Jos. 6. v. 6. descriptâ. Exercitus totus buccinas inflasse creditur. Buccinae quantus sonus. De Buccinâ Alexandri Magni nova conjectura. Cornu Rolandinum. Tuba Stentorophonica etiam Persis in usu. Si exercitus totus buccinas inflavit, horribilis ille sonus fuit. Sonorum, ut lucis radios aëri calorem inducere quidam statuunt. Quomodo sonorum multiplicatio per proportionales duplicatas crescat. Ostensum in tormentis bellicis simul explosis. Eadem odorum multiplicatio. Exemplum adducitur. Dubia circa speculationes illas nota. Alia circa buccinam Alexandri Magni conjectura. Quousque pertingat 10000. tubarum Stentorophonicarum sonus. Quanta sit vis aëris per sonum vastum intra exiguum circulare spatium compacti. Mugientis soni magna dilatatio. Vacca mugiens

ad

ad 30. stadia auditur. Sicus & locus ad augendum sonum faciunt. Terra tremor incutitur à campana ingentis sono, & ab aliis levioribus: ergò & muris. Deciditur tandem, miraculo divino collapsos muros. Simile in historia recentiore exemplum quibusdam adducitur. Vocis divina sonus montes concutit & terram evertit. Terra motus ad insolita vocis intensiorem Poëtis fingitur. Καλὸ Φωνοί. Stentor, Achilles. Roberti Normanni vox horribilis. Cicada rumpere arbusa dicuntur.

CUm mentionem hîc clamoris militaris fecerimus, & memorabile exemplum in sacris occurrat de muris Hierichuntinis per tubarum clangorem & clamorem militarem subversis: non abs re facere, videbimur, si paulò accuratius hic excutiamus: utrum vi naturali soni proportionati muri illi conciderint, an per miraculum divinum everfi? Nam inter Rabbinos Levi Ben Gerson expressè statuit, naturali ratione hoc fieri potuisse, addita illâ causâ: quia magna vox magno impetu aërem impellit. Quod quanquam ridiculum videtur Masio hic in commentario, non tamen omninò rejiciendum est. Est enim profecto horribilis sonus, qui à tot hominum millibus, quanta fieri potest, contentione oritur, & gravior, quia ululatus similis, unde & λυκηθμός, id est, lupinus sonus à Svida vocatur, qualem ferire sidera divinus Poëta dixit. Falsum enim est, quod Serrarius in Cap. 6. Josue quest. 22. commentatur: non esse vehementiorem fortioremque aëris motum, etiamsi sint quamplurimi quamplurimorum sonores: quod sana nos ratio docere potest. Est & inepta hæc ejus argumentatio: Si è sono motus ad rerum strages adjuvaret tantopere; multò magis, si magni & integri exercitus circum circa impetu & celeritate currerent maximâ, brachia jactarent, aliove quovis vehementiore modo aërem agerent. Nam profecto parum is soni naturam intellexit, qui motu longè concitatiore aërem vellicat & trudit, quam brachiorum jactatio, aut alia longè vehementior agitatio. Multò sanius philosophatur Cardanus in Probl. Mathematic. sect. 5. probl. 12. Cur sonus magnus (quærit ille) adeò concutit, ut frangat, cum sit res incorporea, neque enim ob motum aëris, cum ventus longè concitator id non possit, & acutus minus id agat, quam gravis, qui tardior est? Respondet: An quod sonus qualitas sit corporea, non tamen corpus, ut candor, idè penetrat ut incorporeus & secum deducit, ut sit quoddam vehiculum ad celeritatem: aër autem velocius motus dividit corpora præsertim dura & sicca? An quod ob sonum sapius repetitum motus ille, unde quatit: quassata autem non semel facile confringuntur? An quod in sono maximè gravi aër condensatur, & tunc attenuatur & penetrat? Hæc quanquam dubiè ac pro Philosophiæ suæ ratione dicat Cardanus, rectius tamen intellexit, quid sonus in aëre movendo efficere possit præ ventis etiam concitatoribus, qui præter aërem materiem

longè subtiliorem, quæque arctius corpora connectit, movere potest & convellere, undè & tanta ejus in corpora efficacia est. Verissimum enim est, quod observat Gassendus in Physiolog. Epicuri pag. 287. non totam aëris massam commoveri, sed quod in eâ solum tenuissimum, figurationisque præsertim capax est, ut jam supra ostendimus.

Hoc in loco opportunè mihi incidit, quæ de muris fani ingentis magnâ pulveris pyrii explosione facta, ad M.M. passuum distantiam disilientibus commemorat, loco quem supra laudavimus, Digbæus. Sed præstat ipsius verbis rem intelligere: *Audivi*, inquit, à quodam, qui *Hispali* degens tunc temporis; cum officina sulphureo pulveri excipiendo & custodiendo destinata, concepto igne everteretur (distabat illa duobus circiter millibus passuum à loco, in quo ipse degebat) affirmabat, ligneas fenestrarum valvas contra domus sue parietes vi magnâ impactas fuisse, disiluisse quoque muros ingentis fani, quod cum officina isti, licet ad distantiam sat magnam, proximum tamen foret, nullo adificiorum objectu à subito ac violento aëris commoti impetu protegebatur. Age jam comparet, mihi aliquis unicam istam explosionem pulveris pyrii, violentiorem quidem, sed tamen remotiorem, cum horribili ululatu tot hominum per moram aliquam continuato, clangore tubarum, strepitu armorum, in istâ viciniâ, dicatque, annon vero sit simile, vehementer terram potuisse concuti ipsosque muros. Everti potuisse non dicam.

Mirifice hanc rem illustrat, quod observavit Borellus prop. 101. quomodo à tremore languidissimo aëris per longam successionem concuti moles etiam vastissimæ possint; ut vel ipsius terræ motus si non princeps, saltem adjuvans causa sit, adducto experimento, quod ipse mirabile vocat. Recitabo autem ipsius Autoris verba: *Ademum*, inquit, *Tauromeni* Sicilia, quando *Ætna* mons eruptionem quandam effecerat prope *Ennam* urbem fere 30. miliaria à *Tauromenio* distantem, tunc vicibus interpolatis eruptiones ingentes ignis vorago efficiebat grandi sono & strepitu, & tunc omnia *Tauromeni* adificia tremore concutiebantur, in quò circumstantiam notatu dignissimam observavi: scilicet, quod domus & adificia, quæ directè exposita erant prospectui ejusdem voraginis, vehementissimè concutiebantur, reliqua verò domus, quæ conspectu voraginis privabantur, satis lentè & leniter tremorem efficiebant. Profecto, si hujusmodi tremor factus fuisset à concussione & resiliitione soli *Tauromenitani*, omnes domus aequè concussa fuissent, & aequali tremore agitata, ita ut non possit conspectus voraginis tam insignem & evidentem inæqualitatem tremoris procreare; igitur necessariò à tremore ejusdem aëris incusso, in parietibus domorum libere percussiones excipientium, agitatio illa efficiebatur. Videas hinc, quanta soni ad 30. miliarium distantiam efficacia sit. Quæ ergo non sit in viciniâ ejus operatio?

Denique ipse loci etiam situs considerandus esset, an montibus conclusus fuerit, unde validius vox potuerit refringi in muros & multiplicari: ipsa quoque militum statio, omnes muri partes cingentium. Quæ omnia non leviter ad intensiorem soni ejusque majorem efficaciam faciunt. Nec murorum structura hic omitti deberet, cujus quidem nunc ratio nobis non constat, nec soli, cui inædificati, condicio. Terræ enim absorptos vult Paraphrasis Chaldaica textus sacri. Multa quoque de hac urbe Rabbi- ni fabulantur: non pauca scilicet ibi audiri potuisse, quæ facta in templo Hierosolymitano, quanquam decem milliaribus ab urbe Jerusalem distabat. Ita enim Tamid. cap. 3. §. 8. è versione Gustavi Peringeri ad ductum Obadiæ Bartenoræ. *In Jericho exaudiri poterat sonus porte magna cum aperiretur. In Jericho exaudiri poterat sonus Organi Pneumatici δοξαριος. In Jericho exaudiebatur sonus ligni ex machina aquatili, quam fieri fecerat Katinides, ut per eam educeretur aqua ex mari templi in labrum. In Jericho exaudiebatur sonus Sacerdotis excitantis collegas ad divinum cultum peragendum (ante adventum Praefecti.) In Jericho exaudiebatur sonus Tibie, cum inflaretur. In Jericho exaudiebatur sonus Cymbali, cum sonaretur. In Jericho exaudiebatur vox (Levitarum) canentium. In Jericho exaudiebatur sonus tubarum (quas Levita inflabant.) Addunt quidam; exauditam ibi quoque fuisse vocem summi Pontificis, cum ille Divinum nomen enunciaret in die expiationis. In Jericho percipiebant naribus odores suffitus aromatarum (qui fiebat in Templo) R. Eleasar F. Diglai dicere solebat: Domus Paterna mea alebat capras in monte Michvor, atque ea pingvescebant ex odore suffitus aromatarum.* Describit & Kircherus Instrumentum aliquod pulsatile Judæorum lib. 2. Musurgia cap. 4. §. 2. ex Hannase, quo ait in Jerichuntinâ civitate audiri potuisse: ajunt autem, hoc instrumentum fuisse positum in fundo Ierosolymitani templi, locumque ita fuisse arcuatum, ut vox hujus instrumenti in arcuata tholi superficie variè reflexa multiplicataque eum sonum, quem vel in Jericho percipere possent, excitaret. Sed hæc omnia Rabbiorum nugis & mendaciis accensenda esse, res ipsa loquitur.

Denique & istæ alicui cogitationes suboriri possent: annon muri & fornices, qui sono etiam suo gaudent, ac è materia formati, cujus minima non adeò arctè cohærent, ut in metallis ac vitro, quemadmodum vitrum sono sibi proportionato rumpi potest, ita & illi suo sibi proportionato sono, præsertim docente DE O, concuti ac frangi possint. Quod ut fieri posset, sonus forte dandus esset multis modis gravior, intensior & ex multâ repercussione densior, cum poros habeant laxiores, quos acutiores soni facile pervadant. Certè campanæ ac vasa fictilia etiam vulgaria, quorum pori vitri poris longè sunt patentiores, etiam cum infusâ illis aquâ tonus ingravescit, consonâ voce ad sonum commoveri possunt, ac aquatantil-

lum in iis crispari: falsus enim est Honoratus Fabr. qui *tractat. 3. Phys. lib. prop. 238.* campanam sonum edere negat, si humore impleatur.

Scripseram illa in primâ hujus dissertationis editione, cum postea vidi è Mersenno, *Commentario in Genes. cap. 4. versic. 21. pag. 1710.* non pauca eorum, quæ pro naturali soni efficacia in muris prosternendis mihi tum inciderunt, jam tum fuisse tacta, ut iisdem acti meditationibus uterque videamur. Qui si experimentum vitri per sonum fracti scivisset, majori fiducia hanc suam sententiam propugnâset. Satis enim habuit, ex notissimis illis de chordarum æquè tensorum simili vibratione, de lapidis & pavimenti ad certæ fistulæ in organo pneumatico sonum motu, aliquod argumentis suis robur adsciscere. Sed ratio illa, quam adducit, ut nostræ respondet, ita eo modo formata est, ac si vitri rupti experimentum ipsi notum fuisset. Ait enim, *sonos nihil aliud in se præter certam proportionem habere debuisse, quæ murorum Jerichuntinorum tensioni corresponderet, quicquid enim ad perpendiculum vel alio modo erigitur, certam tensionem habere, quam si vice-ria vel aquaveris, concutias. Quis igitur novit, inquit porro, num omnes clangores atque voces aliquod tertium efficerent, quod cum muris illis unisonantiam vel octavam observaret? cogita, muros esse velut in nervum tensum, cui sit $\omega\epsilon\gamma\sigma\lambda\alpha\mu\epsilon\alpha\nu\omicron\mu\mu\epsilon$, si omnes soni Israëlitarum similem tensionem habuerint, vel saltem in mense fuerint, illos concutere, & sapius repetiti diruere potuerunt.* Subjungit hinc: *An verò muri Jerichuntini cum clangoribus unisonarent, vel diapasonicam seu duplam hemioliam, epitritam, vel aliam obtinuerint? quis præter DEUM & Angelos, singulas rerum corporearum proportionem clarè perspicientes, aut eos, quibus revelaret DEUS, nosse potest? Contemplare quot unisonantia, quot octava, quot dis, & tris diapason, à tanta vocum & tubarum multitudine fierent, adde, etiam congruam à muris distantiam, quæ omnia DEUS ita docere & præscribere poterat, ut ingens ille & admirabilis concentus muros Jericho concuteret.* Præsupponit autem, muros non fuisse terrâ absorptos, quod Rabbini nonnulli existimant, ex Hebraici textus interpretatione. Id enim per sonum fieri potuisse negat. Respondet & ad nugatoriam illam objectionem: quod si sonus adeo efficax fuisset, arma & tentoria Israëlitarum prius frangi debuissent: Illa enim tensione non respondebant sono. Id vero parum ad rem facit, quod ex *Ezechielis cap. 26.* in sententiæ suæ confirmationem adducit, sonitu equorum & rotarum muros Tyri commovendos: nam id per figuram Oratoriam dicitur: ut apud *Florum, lib. 2. cap. 6. §. 14.* pugnam cum Annibale apud Trasimenum lacum describentem: *Commissem aciem secutus ingens terra tremor, nisi illum horrorem soliequitum virorumque discursus fecerunt, & mota vehementius arma.* Quod non immerito ut frigidum & ineptum, inter cætera ejus, Vir omnium elegantiorum literarum, Amicus noster

magnus, Gravins, dissertatione præliminari super commentarium suum in *Florum*, exagitat. Nimis verò extra circulos suos vagatur: cum ad *Matheseos* & *Staticæ* leges ea examinat *Mersennus*. Non enim ineptum putat, aut absurdum, Equos ita premere posse terram, ut ab æquilibrio, juxta quod suspenditur, dirigens, in unam partem declinet, & à centro tantisper dimoveatur. Quod & sonis, equorum ponderi respondentibus, effici queat. *Viderint*, inquit, egregii *Mathematici*, qui *Mechanicam Harmonia* jungere voluerint, num quemadmodum *Mechanici Archimedici*, dato pondere vim moventem, aut è contrario proponunt: *perspectivi datum cujuscunque figura objectum sub ea figura & quantitate, quam postulaveris, representant: ita datum objectum, ut, arte, vel naturâ tensum, aliquo concentu unisono, vel alia ratione, consono moveri possit, adeò ut ipsa terra sonis quibusdam concutiat.* Sed illa, cum *Mathematicis* transigat *Mersennus*; omnia in sententiæ suæ favorem componens. Multò minus audiendi sunt *Rabbini*, qui *Caballistarum* somnia secuti, existimant, influxu siderum animatas tubas *Israëliticas*, intelligentiarum, *Sephiroth*, & quorumcunque *Caballisticorum* graduum auxilium atque benevolentiam conciliasse, ut muros evertere potuerint.

Hæc *Mersennus* prolixè pro sententiâ stabilienda adduxit, quem *Kircherus* operosa refutatione *Musurgiz lib. 9. cap. 2.* non adeò stringit: nam nec ipse *Mersennus* huic opinioni suæ adeò affixus est, ut ab illâ dimoveri nolit. Sub finem enim istius disquisitionis, probabilius esse ait, muros virtute divinâ corruisse. Antequam tamen illam dimittamus, nonnulla producemus, quæ priorem opinionem aliquâ ex parte illustrent. Ex historiâ ipsâ *Jos. 6. v. 6.* patet, muros tum corruisse, cum insonaret vox tube longior atque concisior, quæ cum effectu ipso velut causa copulata videntur. Productior sonus his verbis innuitur, quia halitus hominis, cum tubam longius inflat, infringitur per breviora intervalla, ut spiritus restauretur: quasi scilicet ad murorum eversionem necessaria fuerit illa soni productio. Porro non *Sacerdotes* tantum, sed & universus populus buccinis insonabat, ut colligitur è verbis, *vers. 9. buccinis omnia concrepabant, & clariùs elucet ex vers. 13. vulgus autem reliquum sequebatur arcam, & buccinis personabant.* Negat id quidem *Masius*, sed tamen è versione *LXX.* idem confirmari potest. Inmanis itaque sonus tot hominum buccinis sonantium fuit, cujus aliquam vim in concutiendis muris fuisse nemo negaverit, cui additus vel intermixtus fuit clamor militaris.

Ac primum quidem *Buccinæ* sonus pro variâ ejus figura vehementer intenditur, ut supra *cap. 7.* vidimus, ubi inter alia *Alexandri Magni* buccinam, cujus sonus ad *LX. miliaria* extendebatur, produximus. Quæ licet fabulosa videatur, cum figuris, ut vidimus, variet; aliqua tamen veri

species subesse videtur, cum in eo libro Secreti Secretorum, qui Aristoteli tribuitur, hæc legantur: *Oportet etiam tecum habere istud instrumentum, quod fecit Themistius, ad opus exercitus & ad nocendum: & est instrumentum terribile, quod dividitur multis modis, quia forte te oportebit visitare totam provinciam, & regnum tuum & congregare subditos, proceres tuos & bellatores in eadem die vel citius, vel alio modo, prout indiget exercitus magnus & numerus, huius instrumenti sonus auditur per millia sexaginta.* Quoniam hinc Themistius huius tubæ inventor nominatur, ideoque aliquam ejus famam fuisse apparet. Sed varietas illa figuræ, cap. 7. pag. 381. adducta hanc mihi suspicionem iniecit; Buccinam à Kircherò productam, partem esse Buccinæ genuinæ Alexandrinæ, adeoque Figuram C illic integrum exhibere corpus; Tubas vero minores Figura A representatas, quoniam tuborum geminorum, qui ex inferiori parte Figuræ C protenduntur, imaginem quandam exhibet, corpori illi vasto inferi, numero forte LX, quia à LX viris dirigebatur instrumentum, & forte inflatæ simul fuerunt: cum in Figurâ C, ob ejus exiguitatem, duæ tantum delineatæ fuerint. Quod si ita factum fuit, procul dubio horribilis ex hoc instrumento sonus auditus fuit. Sed mittamus has de re incerta incertas conjecturas. De Cornu Rolandino fabulis quibusdam traditur, eo inflato hostibus tantum terrorem incussum, ut in fugam verterentur. Nihil de eo apud historicum fide dignum occurrit, nisi quod, ut Burggravius in Achille Panoplo redivivo testatur pag. 74. peregrinantibus in fano S. Dionysii cornu venaticum Rolandi ostendatur. Quantum sit hodie in Tubâ Stentorophonicâ soni augmentum, omnibus notissimum est, qualem, antequam Europæo orbi innotesceret, etiam Persis in usu fuisse testis est Andersen in Itinerario Orientis lib. 3. cap. 13. ubi & figuram delineavit. Buccinæ arietinæ Hebræorum, quin sonum vehementer intenderint, nullum est dubium, (validius enim illæ sonabant, quam tubæ eorum in longum directæ, quas describit Josephus lib. 3. Antiq. cap. 11.) Inprimis cum à singulis militibus singulæ inflarentur. Qualis an ullo ævo ab aliis populis sonus tentatus sit, vehementer ambigo. Ipsa sanè ratio dicitur, nihil posse illo sono fingi & credi magis vastum & inconditum. Rectè vero de talibus sonis ait Verulamius: *Soni conglomerati multiplicatque summam, generant aëris rarefactionem, actionem materiæ sonorumque productioni dissimilem.* Imò Charleton. in Physiologia sua, lib. 3. cap. 6. sect. 1. art. 8. asserit, radios sonorum multiplicatos, æquè ut lucis, aëri calorem inducere. Nam in præliis aërem è clamoribus & sonis tormentorum magis, quam è sulphureis halitibus incallescere ait. Quæ omnia si luculentius aliquanto ob oculos posuerimus, nihil ab argumento nostro alienum acturi sumus.

Quousque sonus & quâ proportionē propage-
 tum est, & inquiri hic præcipuè debet, ut ex eo colligatur, quanta sit vis
 moti aëris, si ad obstacula illisus, à longo illo cursu retrahatur. Prætereo
 quæ Mersennus aliique de unius corporis sono, ejusque protensione ob-
 servarunt. De sonis è corporum multiplicatione multiplicatis, non me-
 mini quempiam adeo præter Williamum Pettum Anglum sollicitum fuisse.
 Is in singulari dissertatione, *de usu duplicata proportionis*, observat, distantias,
 intra quas soni audiuntur, esse radices numerorum in talibus sonis. Qua-
 tuor sclopetum majora simul explosa bis superant sonum unius, eorumque
 sonus per duplo longius spatium protenditur; quam sonus unius: novem
 sclopetorum sonus per spatium triplo longius diffunditur: quadruplo
 majus spatium pro sedecim sclopetorum sonis datur, atque ita deinceps.
 Observavit idem Autor, dimidiam Colubrinam, (tormentum bellicum)
 per 5 milliaria sonum diffundere. Si itaque hæc proportionē observata,
 1024 tales colubrinæ, simul explodantur, ad 160. milliaria procurret sonus.
 Radix enim quadrata est 32, quæ per 5 multiplicata parit numerum 160.
 Ita 4000 colubrinæ sonum ad 300 milliaria circiter extendent. Nec sane in-
 credibile est, tam longè audiri tormentorum simul explosorum sonos, cum
 notaverit Lemnius *lib. 3. de occult. nat. mime. cap. 2.* auditum esse in summis
 montibus Tirolensibus Anagrinis tormentorum fragorem, velut in aëre
 tonitrua, cum Christiana & Turcica clasfis ad Naupactum acerrimè con-
 fligeret, quæ magna sanè locorum, longè ultra CC milliaria est distantia:
 nam ad editiorem aërem montanum rectior soni via est, quam ubi terræ ru-
 mor intercedit. Hæc Autor quidem ille tanquam certa præsupponit, qui
 & in odoribus, & radiis lucidis similes augmenti rationes indagat: nam si
 pes quadratus agri rore marino confiti, ad unam perticam odorem spargit
 8000. agri, quorum longitudo ad 4 milliaria, latitudo ad 3 extenditur,
 ad 64 milliaria spargent, è quo spatio nautæ in Americam navigantes sæpè
 terræ sentiunt odores aromaticos. Quo fundamento innixus, ille men-
 suram, influxuum è sideribus in terram institui posse judicat. Sed misis
 illis extra scopum nostrum constitutis,) ad sonorum mensuram redimus,
 in qua aliqua desideranda esse existimamus. Nam raro sonus omnium
 corporum tam accuratè æqualis; nec omnia loca tam plana, & ad trans-
 mittendos liberè sonos apta, cum & ipse terræ gibbus sono obicem ponat:
 sed nihil vetat illa quam accuratissima supponere. Deinde in protensione
 soni radices cubicas potius, quam quadratas attendendas existimarem,
 cum ipse sonus non sub superficie, sed corporis ratione dilatetur. Quando
 itaque unum sclopetum forte per unum stadium auditur, 8 audientur per
 duo, 27 per tria, 64 per quatuor, & sic deinceps. Eandem ob causam
 existi-

existimarim, Buccinam illam magnam Alexandri Magni, cujus supra mentionem fecimus, si LX tubæ minores, quæ seorsim forte ad unum milliare sonabant, à LX viris simul inflatæ, ad LX millia sonum protendere potuisse, præsertim cum sonus in vastiore illa cavitæte magis multiplicaretur. Quod si jam tubam unam Stentorophonicam ponamus ad milliare unum audiri, secundum hypothesein Petri 4 ad 2 millia, 9 ad 3, 16 ad 4, 25 ad 5, 100 ad 10, 1000 ad 100 millia audientur. Quando itaque homines cum 10000 tubis ita ponuntur, ut muros urbis propinquo circumstant, vortices aërei, qui ad 100 millia aliàs propellerentur, muros ex omni latere pulsant, mirâ circularum confusione, & radiorum resultatione perpetuâ, novâ sonorum successione semper auctâ. Quâ ratione impulsus à termino 100 milliarum ad perticas aliquas constipati non exiguum pondus esse, verosimile est: ne quid dicam de aëre infinitis modis à se per minima divulso & rarefacto. Quod cornua illa arietina, quæ inflantur Israëlitz, attinet, nec eorum exiguus sonus fuit. Magna enim soni è concavo mugientis vis est. Imò ipsum illum mugitum, quem tauri edunt, si *Æliano lib. 10. de Anim. cap. 7.* credimus, à triginta stadiis percipiunt vaccæ, Ἀπὸ τριάκοντα σταδίων ἀκούειν τῶν τῶν τῶν ἐκ τῶν αἰγῶν καὶ ἀφ' ὧν μυχόμην φασί. Vaccam à 30 stadiis audire ajunt tauri mugientis signum: ac velut ressem Venerem. Fortasse & locus ipse, ut jam supra innuimus, multum ad augmentum soni conferre potest. Certum enim est, quibusdam in locis longè intensiorem formari sonum, qui non formatur in aliis: Cujus elegans exemplum Kircherus in *Phonurgia lib. 1. sect. 6. cap. 1.* affert, ubi de experimentis tubæ Stentorophonicæ in monte Eustachiano factis agit. Repercussiones enim crebræ vehementer augent sonum, quod & experimento è Varenio supra allato patet, ubi minore sclopeto intra montium anfractus exploso, tantus sonus excitatus, ut ille, qui explodebat, metueret, ne totus secum mons corrueret. Imò non desunt, qui certas cavernas certis sonis, ut chordas non omnibus, sed æquisonis respondere existimant.

Denique & hoc à quoquam adduci possit: cum terræ tam spissum & firmum corpus per sonum non adeò inagnum ita concuti possit, ut tremat, annon & idem muris contingere possit. *Straussius in Itinerario Moscovitico-Græco, Germanicè scripto cap. 4. lin. 3.* campanæ maximæ 3940000 librarum meminit, cum pistillo 1100 librarum, cujus sonus adeò horribilis, ut ipsam terram concuteret, quod & nonnulli de campanâ Erfurdensi asserunt, cujus sonus teste Kichero ad 6 millia Germanica auditur. Meminit & Mersennus fistulæ in organo pneumatico, cujus sonus tam validus fuit, ut penè terram dehiscere metueres. Ita Daniel Bartoli observavit argenti vivi in vase motum, cum currum per plateas agitatione

move-

moveretur terra, non usque adeò vicina. Notum est, aure terræ admota, è longo spatio audiri posse rotarum & equorum strepitus. Sed tamen magna differentia est pro qualitate terræ: nam cavernosa vel continua, quæ multum aëris continet, longius sonum protendit, quam uliginosa, palustris & sabulosa.

Illa, quæ hæcenus vel è Mersenno produximus, vel in Mersennianæ sententiæ gratiam ipsi adjecimus, satis speciosa videri poterant, neque quicquam tam stupendi effectus gloriæ detraherent, si cogitemus, plus esse in naturâ miraculorum, quam opinentur aliqui, quæ suis causis, sed nobis ignoratis, constant, ab opifice autem hujus universi certo quodam consilio sibi soli reservantur & nonnunquam in sui nominis gloriam manifestantur. Sed malumus nos, ne quam profanis hominibus secus sentiendi occasionem subministremus, vel DEI ipsius vel angelorum immediatam operationem, præ naturali causâ agnoscere: præsertim cum & Apostolus *Hebr. 11. v. 30.* unice fidei hanc murorum ruinam adscribat. Accedit præterea ille circuitus septies repetitus, silentium imperatum & cæteri apparatus omnes è præcepto DEI præscripti, qui divini aliquid ipsâ illâ specie ostendunt. Ne quid dicam de eo, quod aliqui in dubium vocent, à populo universo tubas fuisse inflatas, inter quos est Bonfrerius operosè adversus secus sentientes disputans. Quo casu non tanta soli clamori solisque tubis sacerdotalibus vis adscribi posse videtur. Recentius exemplum similis miraculi affertur à Lipsio *lib. 1. cap. 2. monit. 4.* de Avallonis urbis à Roberto Galliarum Rege sanctissimo obsessæ muris sponte corruentibus, ipso interea laudes hymnosque cum sacerdotibus in tabernaculo concinente. Cui non dissimile est, quod Hedion *Histor. Eccles. Part. 3. lib. 2. cap. 7.* habet de Saxonibus & Pictavis à Britannis per vocem Halleluja, Episcopo præcinente, ipsis concinentibus, in fugam conversis. Præterea hanc historiam ut typum mundi, per novissimæ tubæ clangorem ac vocem divinam evertendi, intueri debemus: ut enim verbo DOMINI creatæ sunt terræ, ita & voce tubæ novissimæ dissipari posse ac debere novimus. Quanquam & hic sunt, qui tubæ Angelicæ sonum naturali ratione terram convulsurum existimant, ut alii eum conflagraturum speculi alicujus caustici ab Angelis ex aëre fabricandi ope, autumant, de quibus videatur Pandulphus *libro de fine mundi, in disputatione Pythagorica* passim. Emphatica ista sunt, quibus vocis divinæ vis describitur, ut *Psal. 29.* quod *confringat cedros, subsilire faciat eas sicut vitulum Libani, & montes sicut filium unicornum, concutiat deserta.* Quanquam & ista de tonitru accipiantur. Ita *Psal. 45.* Dedit DOMINUS vocem suam, & mota est terra. Apud *Esaiam 6. v. 4.* Voce Cherubinorum *resonavit* suum insonantium commota sunt superliminaria cardinum. Quibus lo-

cis voci etiam divinæ & Angelicæ illam corpora movendi potestatem tribui videmus. Poëtæ quoque nostri, (ne & hos omittamus,) quam decorè & ad rei veritatem clamorem magnum describunt! De Cyclope Virgilius:

*Clamorem immensum tollit, quo pontus & omnes
Intremuere unda.*

Et de alio; quod cornu recurvo

*Tartaream intendat vocem, quæ prociuis omne
Contremuit nemus & sylva intonuere profunda:*

ubi significanter Tartareum sonum vocat, qui cornu editur: eleganter, etiam alibi misceri æquor clamoribus dicit. Quarum descriptionum majestatem & *ἡρώς* nullus cæterorum Poëtarum est assecutus. In iis enim admirabile elucet Poëtæ nostri judicium: cum Homerus aliique Poëtæ multis modis ineptiant. Cæterum quæ Virgilius Poëtarum more de Cyclope, & Homerus de Achille & Stentore, aliqui de nonnullis historicâ fide tradunt. Anna Comnena *Alexiados lib. 1. pag. 24. edit. Paris. Regia*, de Roberto Normanno, qui postea Dux Lombardiæ, hæc testatur: *Vocis sonum, quod attinet, Homerus quidem de Achille memorat, eo loquente videri solitum adstantibus, sese vocem audire tumultuantis multitudinis. Τῆς δὲ τῆ ἀνδρὸς, ὡς Φασι, τὸ ἐμὸνμα πολλὰς ἐπελάτῃ μυριάδας.* Hujus autem, ut ajunt, clamor myriadas ipsas integras percelleret inque fugam verteret. *Χαλκίονοι* illi Græcis dicebantur. Quales si hodie multi superessent, ipsis fortassis muris & fornicibus metuendum esset. Virgilius quoque noster descripturus cicadarum molestum & continuum cantum, quam scitè ait:

Cum cantu querula rumpent arbuta cicada:

quasi scivisset, aut conjectasset Poëta, unisono & continuo cantu rumpi aliquid posse, ut eo velut extremo sonum talem describeret.

CAP. XV.

EXcursus de voce humanâ. Ejus varia & penè infinita modificatio. Ars, quæ à nativitate surdum, itaq; mutum, per visum informat, ut loqui ipse discat, & per visum alios loquentes percipiat. Wallisii super illâ re tentata. De naturâ & formatione literarum qui scripserint. Petri Montani liber de Pronunciatione. Willemi Holderi, Helmontii, de hoc argumento meditationes. Bonneti Hispani de hoc argumento liber. Ante illum Pontius hanc artem professus. Franciscus Lana & Schottus notantur. Exempli alia allata. Ars illa longe antiquior. Rudolphi Agricola & Vivii testimoniam. Surdus ac mutus Musicas docere consonantias potest.

Verum

Verum nos, dum de sono explosivo differimus, extra scopum impetu ejus projecti, redimus tandem in viam. Iste quia penè infinitè superat proportionem motus, qui inter sonora corpora intercedit, dum universum aërem movet, simul interna compactorum corporum pervadit, ac interdum rumpit. Alia verò ratio est vocis humanæ, certo tono vitri intima subeuntis ac rumpentis, quam supra dedimus. Hic enim unà cum impetu, sed mediocri, jungitur particularum minimarum in aëre protruso talis compositio ac figura, quæ poris vitri æqualis penetrare illos possit. Illum enim requiri argumento est: quod non nisi vocis vel tubæ, aut alterius cujusdam idonei instrumenti pneumatici sono, qui in utroque non absque impetu est, sonus in vitro provocari possit. Hanc ipsa rei ac effectus evidentia quasi ob oculos ponere videtur. Nec miræ assertio nostra illi videbitur, qui perpenderit secum, quam varii formantur, gutturi, lingvæ, oris, dentium, labiorum vario positu soni, elati, molles, asperi, clari, obscuri: quam infinito inter se numero tot literarum soni componantur; quam præterea affectibus temperentur. Singulorum enim peculiaris ratio est, & accurata determinatio. Quid quod adeo eorum sibi constet distinctio, ut ad regulas alligata artem pepererit, quæ aliquis à nativitate surdus, atque ideo mutus, informari possit, ut & oculis motus illos percipiat, distinguat, ac imitari ore discens tandem ipse loqui incipiat aliis intellectus, aliosque loquentes visu percipiat, probeque sonos eorum intelligat ac exprimere norit, etiam cum barbara verba & lingvâ sibi per informationem *ἀποδείκνυναι* non cognita loquuntur.

Sollicitos, ut video, habuit res ista Viros in Angliâ celeberrimos. Inter eos Wallisius est, cujus exstat prolixa ea de re epistola ad Dn. Boilium scripta in Actis Philosophicis Anglicis Num. 61, quæ excogitatam hanc ab se artem pluribus exponit, cui specimina quædam istius Autoris Actorum editor subjungit. Fundamenta ejus artis in libro de loquelâ Grammaticæ Anglicæ præfixo tradit, in quo omnium literarum sonos explicat eorumque formationem demonstrare laborat. Quo etiam in argumento Hieronymus Fabricius ab Aquapendente, libro de Locutione ac ejus instrumentis, Erasmus de Pronunciatione, Scaliger in libro de Causis Latinæ Lingvæ, Bernardus à Malinkrot tractatu de Literis, Cordemoy Dissertatione elegantissimâ de Verbo Gallicè scripta; præ cæteris verò singulari *ἀρετῇ* versatur Petrus Montanus, Sacerdos Batavus, libro de Arte Pronunciandi patriâ linguâ edito. Est & alius William Holder, qui Anglicâ lingvâ ante aliquot annos etiam de surdi & muti informatione librum edidit, qui additur tractatui ejus de elementis loquelæ. Admisteretur & ab Helmontio, Filio, in Alphabeto suo vero Naturali (ut vocat) Hebraico

similis quædam de surdo ac muto in lingvis informando dissertatio. Sed nemo unus, quantum scio, mentionem fecit hominis Hispani, de quo extat apud Digbæum *Tract. de Nat. Corp. cap. 28. num. 8.* narratio, qui integrum eo de argumento librum jam ante quinquaginta annos patriâ lingvâ conscripsit. Nec fugere tamen ejus notitia illos è Digbæi libro poterat, qui diligentissimè historiam rei recenset, adducto exemplo Principis, cui homo ille Hispanus præcepta illa præscripserat, quibus id effecit, ut summo omnium stupore intelligere alios loquentes ac loqui ipse expedite potuerit. Diu frustra quæsi librum, donec tandem illum nactus fui. Titulus verò ita habet: *Reduccion de las letras y arte para enseñar a ablar los mudos*; id est: *Reductio literarum & ars informandi mutos, ut loquantur.* Auctor est Juan Pablo Bonet, *Barletferbant de su Magd. entretenido cerca la persona del Capitan Gen de la artilleria de España, y Secretario del Condestable de Castilla.* Ea enim ipse munera sua nominat. Quem tamen Sacerdotem Digbæus vocat. Liber editus est Madriti, in quarto, apud Franciscum Abarco de Angulo Anno 1620. ac Regi ipsi inscriptus. Eo in libro prolixè omnium literarum sonos eorumque formationes tradit, artem quoque ad numerorum doctrinam & Græcam lingvam extendit, modumque monstrat, quo methodus illa cæteris in lingvis institui possit. Sed aliis tamen indiciis, non primum ipsum fuisse hujus artis inventorem, constat: nam apud Valesium Poncii cujusdam mentio fit, qui hujus artis aliqua documenta dedit. Id verò mirum mihi visum est: Franciscum Lanam in Pro-dromo Artis Magistræ, libro Italicè scripto *cap. 4.* negare, de istius artis præceptis quicquam libris traditum, cum tamen Digbæus, cujus illic locum citat, scripti ejus mentionem injiciat. Errat & insigniter Schottus, qui in *Tecnica curiosa lib. 7. cap. 1.* mutum illum, à Bonneto edoctum literas, & cujus meminit Digbæus, autorem existimat esse libri de unitate sermonis scripti. De aliis quibusdam refert idem Schottus *Phys. curios. lib. 3. cap. 33.* naturâ docente è motu labiorum observatione assiduâ sermonem eos intellexisse. Novi, inquit, in Sicilia virum doctissimum è Societate nostrâ, qui surdus erat penitus, & tamen promptissimè de quavis re, tam cum nostris, quàm cum externis agebat, tametsi nullum perciperet verbum, dummodò labiorum motum loquentium videret. Hujus rei experimentum manifestum tunc vidi, cum virum alium, ejus rei experimentum capere volentem perspexi diu cum illo colloqui, nullo prolato verbo, sed sermone tantum lingvæ ac labiorum motu efformato. Idem notatum fuit in P. Paulo Layman, viro aequè pio ac docto; qui cum fistula anea incautâ explosione propè aures illius factâ in solemni quadam procesione, vim audiendi propè omnem amisisset; assiduâ postea oris loquentium observatione didicit visu percipere, quod non poterat auditu. Similem in quodam Sabaudix Principe ope-

operam impendit ingeniosissimus Comes, Emanuel Tesauros, cujus exempli testis ἀντίπαρος fuit, qui mihi hæc narravit, Vir amicissimus, ut juris scientiâ, ita elegantium literarum culturâ laudatissimus Dominus Axenius.

Hanc vero artem, si non totam, certè magnâ sui parte longè esse antiquiorem quis conjecerit, si, quæ Rudolphus Agricola, qui ante CC. annos vixit, lib. 3. *Invent. cap. ultimo* scripsit, perpenderit: *Vidi*, inquit, ille, *surdum à primis vita annis, & quod consequens est, mutum, didicisse tamen, ut quascunque scriberet aliquis intelligeret, & ipse quoque, tanquam loqui sciret, omnia mentis suæ cogitata perscribere posset.* Cui ægrè fidem habet Johannes Ludovicus Vives, qui in lib. 2. *de animâ cap. de discendi ratione* hæc habet: *Quò magis miror fuisse mutum & surdum natum, qui literas didicerit: fides sit penes Rudolphum Agricola, qui id memoriæ prodidit, & se illum vidisse affirmat.* Huic Vivis loco, qui libri, quo utebar, possessor fuerat, simile exemplum de Sutore quodam in margine adscripserat. Non potuerunt autem ista absque præceptis peragi: Unde enim literarum potestatem sciret surdus ac mutus, nisi à vivo præceptore fuisset demonstrata? Quomodo surdus ac mutus musicas docere consonantias possit, ac organa musica concinnare, vide Bettin. in *Apiar. Matbemat. X. Progymn. 1.*

CAP. XVI.

EXcursus de mirabili efficacia sonorum corporibus proportionatorum. Multi in orbe soni. Harmonia orbium cælestium Pythagorica. Kircheri & Campanella votum. Rabbini è cælestibus influxibus vim illam soni arcessunt. Orphei lyra ad cælestis harmonia influxus temperata creditur. Enthusiastarum somnia. Sensus sonis & phantasia corporibus à quibusdam adscribitur. Figlina opera carmine rupta. Orpheus an vere saxa fidium cantu attraxerit. Fera per musicam domari possunt. Testimonia & exempla adducta. Serpentes an certis vocibus rumpantur. Quædam literæ & soni animalibus vel grati, vel ingrati. Literarum cum sonis corporum symbolismus. Exempla nonnulla. Aves imitatrices sonorum, Tarantula certis sonis & cantibus moventur. Eadem mortua & discisse sonis quasi resuscitari videntur. Moribundos concentus & instrumenta magnopere afficiunt. Torpedo vivens mortuos pisces ad motum irrisat. Causa, quare Tarantula sono moveantur diligentius inquirenda. Insecta exquisito tactus sensu prædita. Socordia in vi Musices accuratius indaganda notatur. Disciplina odorabilium à quodam inventa. Causa quare in Musices efficaciâ indagandâ tam parum proficiamus. Instrumentorum varietas diligenter examinanda. Tibiarum plurima antiquis generum singulis singula usibus de-

stinata. Indoles soni accuratè investiganda. Rhythmorum tempora affectibus applicanda. Exemplum in tympano & tubà ad pugnas sollicitante. Mersennus prima lineamenta duxit Musica antiqua restauranda. Post illum Isaacus Vossius.

Prolixiores, quam decebat, fuimus in historiâ de Muti & Surdi informatione, invitavit enim rei novitas & occasio varietatis in sonis, qui ore proferuntur. Longè mirabilior est sonorum harmonico-
rum efficacia, quorum ope multa in natura miranda produci possent, si eorum naturam plenius perspectam haberemus. Rectissimè Kircherus in *Musurg. lib. 9. cap. 7. Est abdita quorundam sonorum vis ad certa quadam corpora ita proportionata, ut illa tantum, non alia moveat, in unius vim suam, non in aliis imprimat, sicuti magnes non in lignum, plumbum similiq; vim suam exercet, sed in consimili corpore; ita certi sunt soni, qui certis quibusdam corporibus excitandis apta sunt & proportionata. Quam proportionem si quis sciret, haud dubie maxima natura miracula ejus ope patrare posset.* Veritas ejus asserti vel hoc vitri per vocem fracti experimento demonstrari potest; quod agrè quis crederet, ni *αὐτὴ ψία* & tot testibus res illa pateret. Conjicere itaque vel ex uno hoc licet, plura talia in natura latitare arcana nobis hætenus ignorata, plura priscis fuisse seculis cognita, quæ jam sunt oblitterata. Pythagorei harum speculationum sublimitate eò abrepti, ut orbium cælestium motus svavisima & ineffabili harmonia inter se consonare crederent; Cui sententiæ quodammodo adstipulatur Kircherus *Musurg. lib. 6. cap. 1. theor. 9.* nihil statuens in hoc esse universo adeò immobile, quod non aliquem sonum, etsi nobis insensibilem producat: adeò ut si DEUS potentiam auditivam hominis confortaret, pro infinita corporum motu aëris percussorum varietate, variaque condicione & qualitate innumerabilem quoque harmoniæ varietatem esset perceptura. Campanella sanè existimabat, fore, ut aliquando inveniantur aurium subsidia, ut oculorum, telescopia, quibus illa orbium musica audiri posset. Non desunt etiam inter Rabbinos & moderni Enthusiastas, qui svavibus illis somniis animos sibi pascunt. Et illi quidem de Davidis cithara mirifica jactant: ajunt enim, illam fuisse decachordam ad exemplar arboris Sephirothicæ constructam, ac decem divinarum virtutum effluxibus velut fructibus quibusdam sæcundam: ajunt & Davidem sidus illud cognovisse, cui concentus jungendus esset, ut phrenesis retunderetur. Quâ arte & Orpheum usum fuisse crediderunt, cum saxa & sylvas traheret citharæ sono ad motus orbium cælestium composito. Enthusiastæ nonnulli mira hic quoque somniant de divinâ sonorum arte, quomodo scilicet ad immanem distantiam C & plurium milliarium illi propagari possint, quomodo vocis etiam nostræ sonus ad amicum qua-

quacunque distantia positum possit pertingere. Quos suis deliciis ebrios sibi sapere permittimus. Illud sane dissimulare non possumus, affines his videri, qui sonos corporum sensu aliquo praeditos se mutuo cognoscere, autumant, merito ab Honorato Fabri explosi. Helmontius sane Phantasiam, ut omnibus corporibus, etiam inanimatis, ita & sonoris adscribere non veretur, ut jam supra notavimus. Quod si verum est, frustra in capite statuae lignae cerebrum desideravit Vulpes Aesopica, nam jam dudum illa, si Helmontio credimus, phantasiam habuit. Sed negandum non est, motus excitari posse per sonos in corporibus subtilissimos, nullo ingenio deprehendendos, ut imperitus quis magicas subesse operationes credat. Multa ex illis, quae Campanella *lib. 4. de Sensu Rerum, cap. 17.* ad vim sonorum magicorum demonstrandam adducit, simplici motus ratione explicari possunt. Quibus tamen multa misceri fabulosa certum est, quae à nonnullis magno studio congesta videas. Quibus accenseri pleraque debent, quae Plinius *lib. 28. cap. 3.* sollicitè recenset, ubi inter alia de figlinis operibus certo carmine ruptis notat, alia certa ratione, quam vitrum, cantu rumpitur: quod magicis operationibus, qui caesus ignarus esset, facile adscriberet. De Orpheo notissima est fabula, illum saxa cantu fidium ad numeros & saltus commovisse. De Carmente sive Canente Pici Regis uxore, idem asserit Ovid. *lib. 14. Metamorphoseon.* Sed illa allegoricè vel per poeticam hyperbolen dicta creduntur. Licet non desint, qui arte magicà id effectum fuisse, ab Orpheo contendunt, ut Delrio *lib. 1. cap. 4. quest. 3. Disq. Magic.* de Fabio Paulino narrat, qui veram sylvarum & saxorum abstractionem fuisse ex Platoniorum mente disputat, & per septem modos probat; quae refutat loco citato Delrio. Ipse quoque Campanella largus aloquitur, in sensibus rerum inanimatarum defendendis *lib. 4. de Sensu Rerum, cap. 18.* stolidos hos esse pronunciat, qui arbitrantur, vi sonorum ex caelo potuisse Orpheum saxa & plantas allicere & movere. Non enim, ut ait, vis modica soni potest in maxima pondera lapidum & plantarum. Neque tantus in his sensus, qui motum arripere possit tantum. Quod soli Dæmones & Angeli factitare tantum possunt. De feris beneficio musices perdomitis non est res omnino à vero aliena. Notatur inter acta Societatis Regiae Anglicae, quae Dn. Henricus Oldenburgius publicavit *num. 114.*, in enarratione libri, Anglicà lingvâ scripti: *Epitome Artis totius Oeconomicae cum experimentis I. B.* posse animalia fera beneficio certorum instrumentorum & rythmorum musicorum cicurari, ad servitia humana subjugari, cujus varia exempla in libro, qui illic laudatur, de *Humana industria & ingenio*, adducuntur, & eà arte vetus illud plenumque dominium super animalia posse reduci. Ejus artis quaedam vestigia etiam apud Varronem sunt,

sunt, cujus de re rusticâ lib. 3. cap. 13. locus exhibetur. *Quintus Orphea vocari jussit, qui cum eo venisset cum stola & citbarâ & cantare esset jussus, buccinam inflavit, ubi tanta nos circumfluxit cervorum, aprorum & casenarum quadrupedum multitudo, ut non minus formosum mihi sit spectaculum, quam in circo maximo edilium, non sine Africanis bestiis, cum sunt venationes.* Idem lib. 3. cap. 17. de piscibus ad tibiæ sonum congregatis refert. *Musica streperâ & unisonâ præcipuè percelli animalia posse ipse testari possum.* Vidi cum in Belgio naviculâ veherer, essetque inter vectores, qui lyram percuteret, Boves, qui in ripâ pascebantur, ad dimidium ferè milliare, sonum lyræ cum tripudiis secutos. De serpentibus nota res est, illos certis carminibus rumpi posse. *Alcamus Arabs, quem citat Bochartus Hierozoic. sacr. Part. 2. lib. 3. cap. 6. ait: OS vel OS OH esse vocem, quæ cum serpenti dicitur, eum se dimittere.* Forte, ut addit Bochartus, quia serpentis sibilum imitatur. Idem Lotichius in Petronium, lib. 2. cap. 12. pag. 260. testatur, serpentes conjurari his verbis *Ofsi, Ofia, Ofii* posse, ut loco cedere nequeant. In libro Mirabilium Saga Thessala etiam dicitur *μυεῖσθαι τῷ Φωνῇ τῆς Ἰνπῆς.* De Scorpionibus simile quid narrat Plinius lib. 28. cap. 3. Et sanè non est de nihilo, vocum quosdam sonos certis animalibus esse vel svaves, vel graves, ut hominibus contingere videmus. Ita Literâ R, quæ canum quasi propria est, eos offendi videmus, qui campanarum & tubarum sono nonnunquam etiam ad ululatum cieri solent. Verulamius quoque observavit in *Sylv. Sylv. Cent. 2. num. 200.* cognationem inter sonos ab inanimatis corporibus aut animatis, quæ articulatam vocem non edunt. Sic trepidatio aquæ similitudinem cum literâ L. habet: metallorum extinctio cum literâ Z, sonitus strigis cum S. H, sonus felium cum diphthongo E U, vox cuculi cum diphthongo V, sonus fidium cum N. G. Putat itaque Verulamius, si quis in hanc curiositatem incumbat, ut effictæ à se pupulæ pronuncian- dum indere cupiat verbum, considerare primum debere motus instrumen- torum vocis, exinde similes inanimatis efformare corporibus, & attendere ad conformitatem, similitudinis istius causam. Possunt ergo & animalibus certi quidem soni & literæ ita esse naturales, ut ad illa auscultent. De Xiphiâ pisce certo quodam carmine à Piscatoribus capto operosè causam inquirat Kircherus *Mus. lib. 9. cap. 7.* quæ nos suo loco relinquimus. A sinos ad vocem Martini semper respondere, sunt qui observant. In quibus nisi consuetudini, quâ se ab initio vocata meminerunt animalia, aliquid tribuendum, occultior quædam ratio symbolismi inter hos & animalium sonos admittenda est, ad quam tamen temere procedendum non est. Incredible enim est, quanta ad svæfactionis hic vis sit. Cujus plurima de piscibus in primis exempla cumulavit diligentissimus Frommannus de Fascina-
tione

tionem, lib. 1. Part. 1. sect. 2. cap. 3. & Part. 2. sect. 2. cap. 14. Ita apud Chineses anates tympanis, cum in pastum abierunt, revocantur. Nec alia illi causa subest, quod velut prodigium notavit Meursius in Athenis Batavis, lib. 1. cap. 22. ubi de obsidione Leidenensi agit: *Bubulum pecus*, inquit, *in pascua, tempore obsidionis dimissum, unde identidem imminentibus obsessores, quod mirandum, sonitu aliquo, quem dignoscere, revocatur.* In avibus manifesto deprehendere possumus, quanta fistularum & cantus vis sit in spiritibus illarum demulcendis, adeo ut ipsæ imitentur ore suo similes sonos. In ceteris animalibus, quamquam imitatio sonorum nulla sit, ob organorum defectum, apprehensio tamen eorum concedenda est. Observat Verulamius *Sylv. Sylv. Cent. 3. num. 238.* vidisse se molossus, qui ululatum auribus immissum per aliquod temporis spatium redderet. De equis certa lege ad fidium aliorumque instrumentorum sonos choreas edoctis nostri temporis experimenta confirmant. De tibiæ vi in commovendis brutis, multa Cl. Bartholinus *de Tibiæ lib. 2. cap. 7.* congescit. Unum est de Tarantulis per certos sonorum rythmos motis, quod fidem penè omnem superat. Adeo enim mirabilia sunt, quæ de ipsis notarunt autores fide digni, ut, suspensum hominis Philosophi animum teneant. Quæ cum fieri videamus, & tam prodigiosos in hoc insecto, omnibusque, in quos humor istius insecti transfusus est, effectus deprehendamus; vix aliis, quæ passim circumferuntur, mirabilium effectuum historiis fidem & assensum negare possumus: certè non temerè pro figmentis & fabulis habenda videntur. Sunt qui ajunt, tarantulam mortuam, imò in duas partes scissam, ad datum cytharæ cantum reviviscere. Quod si verum est, Honoratus Fabri *Phys. tract. 3. lib. 2. prop. 273.* inde provenire existimat, quod insectum illud, instar muscæ & aliorum animalculorum, nondum vitam omnem posuerit. Magnam alioquin vim etiam in spiritus fugientes, apud homines, soni harmonici habent: ut existimem tubæ alicujus sono animam agentis spiritus ad tempus exiguum revocari posse, ut fuere qui clamoribus in vitam revocati aliquo tempore, quamvis cum omnium sensuum stupore, supervixerint. Moribundis sanè nihil gratius est svari musicâ, eorumque sensus jam penè sopitos demulcet & moratur. Neque omnino est incredibile, mortuis etiam tarantulis talem per cytharæ sonum imprimi motum posse, qui veneno ab illis excreto & in hominem transfuso imprimi potest, ut apparenter vivere videantur. Quemadmodum in torpedine vivente notat, Marcus Marci, in fine Philosophiæ suæ veteris restitutæ, si inter mortuos pisces reponatur eosque tetigerit, illos se ipsos movere, ut interno quodam arcano motu cieri ac vivere videantur; qui viventes tamen per illam, omni motu privantur. Certè in pedibus araneæ avulsis motum per benè

longum tempus superesse videmus. In causas hujus insoliti effectus à nonnullis inquisitum est, quibus adducendis frustra hic laboramus. Quid Kircherus, & post illum Sengwerdius tentarint, notum est: Arguta satis disquisitio Honorati Fabri est, loco superius citato, qui tamen non tantum mysterii in rythmo & diversitate cantus quærendum esse autumat. Putat enim, non tam à cantu, quàm à sono & à vibrationibus nervorum cytharæ, fibrarum vibrationibus conformibus hunc motum procedere. Sed satis vel in hoc mysterii est: ut sanè quorsum etiam nos vertamus, nostra nos destituat solertia. Accuratio, quam hætenus factum est, cura circa inquisitionem instituenda est, ut fabulosorum à veris separatione facta, certior causarum sit investigatio. Certè & Marcus Marci oscitantiam aliquam in illis accusat, qui observationes circa tarantulas instituerunt. Crediderim equidem, modo experimenta ejus rei capiantur, alia insecta, quæ præ cæteris subtiliore tactu pollent, imprimis araneas, forte & cicadas, quas natura jam ad saltus & cantum continuum disposuit, sonis quoque harmonicis convelli posse. Vel lumbricorum tam est tener tactus, ut ad exiguos pedum strepitus se proripiant: Aëris enim modificatio, qualis præcipuè in sono est, corpusculis illis, quæ meri quasi nervi sunt, facilius se imprimunt.

Illa cum antè oculos nobis posita videamus, miror temporum nostrorum socordiam, quæ in sonorum accuratiore indagatione non plus operæ ponant, quam fieri nunc videmus, cum possit longè accuratior eorum notitia haberi, & olim à priscis philosophis major illorum notitia fuerit. Dici non potest, quo humanum pertingere possit ingenium, si unam aliquam rem magna animi contentione agat. Memorabile sanè est, quod Marcus Marci in sua *Philosophiâ Veteri restitutâ*, Part. 4. sect. 3. subsect. 4. lit. 1. annotavit, de quodam Religioso Pragenfi, qui homines solo olfactu, impudicas mulieres, quæ plurium consortio erant usæ, ab honestis perfectè dignoscebat, ac novam scientiam odorabilium, optica atque acustica æmulam moliri cœperat; innumeras qualitates odorabiles, vulgè ignotas, quibus ipse nomina imposuit, ad certas classes revocando. Quos conatus intempestiviva mors abrupit. Quæ si circa odoratus sensum instigari accuratius ab illo potuerunt; quid vetat illa quoque in reliquis sensibus, auditus præcipuè tentari, quatenus nimirum variam soni in corporibus efficaciam habent. Qua parte hætenus nobis inculta jacet divinissima disciplina. Quis enim hodiè in sonorum natura indaganda sollicitus est, quatenus illi vel morbos curant, vel affectus cient, quæ in re veteres scientissimos fuisse argumento sunt tot historiæ ab autoribus fide dignis notatæ. Nos illa spernimus à simplicitate naturæ abhorrentes, dum illud quod in sonis

quasi rupto & serrato, mirificè in furias agitantur & quasi à se divelluntur, spiritus, aliqua ipsis quasi tempestate inductâ. Hanc ob causam in Corybantum & Cybeles sacris ad furorem inducendum, tympanis, cornibus & similibus iustrumentis uti solebant, quibus & Bacchæ utebantur. Quorum apparatus describit Æschylus in Edonis.

Ὁ μὲν ἐν χερσὶ βόμβηκας ἔχων πόρην κάματι δακτυλόεικε.
 Βίμπλησι μέλῳ, μανίας ἐπαγωγὸν ὁμοκλάν.
Hic manibus tenebat bombos, manibus elaboratos,
Implebantq; melos, quod furorem alliceret.

Et eodem loco.

Ψαλμός δ' ἀλαλάζει.
 Ταυφθόγοι δ' ὑπομηκυνταὶ ποθὲν
 Εξ ἀφανῆς φοβέροι μίμοι τυμπάνων δ' ἦχα.
 Ὡδ' ὑπογείῃ βροντῇ φέρεται βαρυταγής.
Psalms autem resonat.

Bombæ, mugitus amula voces reboant abunde,
Ex operto terribiliter: tympaniq; echo
Tanquam subterranei tonitrus fertur turbulenta.

Planè & ad hunc modum Lucretius lib. 2. de Gallis.

Tympana tenta tonant palmis, & cymbala circum,
Concava, rancisonoq; minantur cornua cantu,
Et Pbrygio stimulat cantu cava tibia mentes.

Præ cæteris, quantum constat, ad veterem hanc Musicam resuscitandam consilia dedit solertissimus Mersennus, tum in elegantissimis suis Harmonicorum libris, tum commentario in Genesin, *questione 57.* ubi longâ dissertatione modos proponit, quibus reduci illa veterum Musica possit. Hic præcipuè urget, quod cantum attinet, pronunciationem eorum, quæ canuntur, debere esse distinctam, literas & verba seligenda, singula auditori benè intelligenda, verborum quantitates & pedes observari debere; gestus & motus corporis ad musicam necessarios; cantum debere moribus, temperamento, patriæ illius accommodari, quem excitare volumus: modum esse immutandum, quando res ita postulaverit; suos singulis passionibus animi sedandis & commovendis necessarios rhythmos *art. 7. 8. & 16.* proponit, & multa alia, de quibus parum vel nihil solliciti sunt hodierni Musici. Idem argumentum ante aliquot annos Clarissimus Isaacus Vossius explicatius proposuit, in libro de *Poëmatum cantu & viribus rhythmis*, ubi ostendit, hodiernam Musicam adspirare non posse ad gloriam antiquæ illius, & viam monstrat, qua ad perfectiorem Mulices scientiam pervenire possimus. Mersennus ad rem tantæ utilitatis omnes philosophos, medicos
 atque

atque muscos provocat. Ejus Musices apud antiquos tantam efficaciam, fuisse ajunt, ut tota illa Respublica quasi temperarentur; ac Plato mores & statum Reipubl. huic connexos esse judicavit. Legendus est Aristoteles Politicor. lib. 8. cap. 5. & 6.

CAP. XVII.

Musica vis in affectibus movendis. Utrum Phantasia, an spiritus & humores moveantur. Ipsi nervi moventur. Exemplum Equitis Vasconis, cujus vesica phormingis sono ad urinam reddendam incitabatur. Quae causa? Chineses Medici statuunt vesica viam & spiritus ad aures pertingere. De Chinesium doctrinâ medica quid sentiendum. Gingiva per stridulum cultri sonum, cruentata. Dentes illo hebetati. Ratio Fracastorii. Epilepsia à sonitu cornu inflati. Omnis sensatio est quasi motus harmonicus. Ipsa vita in pulsum rhythmicum & proportionem membrorum harmonica consistit. Sanguis an per verba fistatur. Historia de agryta quodam. Morbi an per musicam curentur. De Tarantulis rationes aliqua adducuntur. Choreia S. Viti. Convulsiones saltuariae à variis causis internis & externis. Matuum illorum sympathia. Ex epileptica adspetu epilepsia. Pestis per Musicam curata. An morbi per fistulas à certis lignis vel plantis paratas curari possint. Negat adversus Portam Kircherus. Ejus rationes non satis valida omnes. Mures & serpentes per tibiolas ex osculis eorum congregati. Ligna arboris per ventum dejecta semper crepant in partibus suis. Ut & carbones arboris fulmine percussa. An sonorum in spiritus efficacia sit. Magici sonorum effectus. Jamblichi hæc de re philosophia proponitur. Magorum Lapponum tympana. Campana Daemonum evocatrices. Vasorum à cupro apud Chineses sonus imperio ominosus. Soni prodigiosi.

Mirabiles ab antiquis Musices recensentur effectus in furore, amore, sedando, inducendo, quorum exempla, ut notissima, cumulare hic nolumus. Eorum causa si indaganda est, videndum, an spiritus primò, an verò phantasiam soni moveant. Sunt, qui prius illud negatum eunt, ideò quod dormientes non afficiantur. Sed alius tum statum est spirituum in corpore. Imò nec ipsos tenerrimos spiritus tantum, sed & humores corporis ceteros movere potest sonus, quod graphice adeò ob oculos posuit Honoratus Faber *Phys. math. 3. lib. 2. prop. 270.* ut addi nihil possit. Nec humores tantum, sed & ipsam nervosam partem & membranas vellicat. Exemplum est in Equite illo Vascone, cui phormingis sono audito vesica statim ad urinam reddendam vellicabatur. Cui simile extat *Annot. Ephem. Nat. Curios. observ. 134.* Rationem hujus reddit Marcus Marci

in *Phil. V. Rest. Part. 4. pag. 452.* quod idea soni connexa erat illi ideæ, quæ præest musculo vesicæ. Quæ an rem omnem conficiat, alij viderint. Si Chineses audimus, quorum medicinam & anatomen nuper orbi Europæo exhibuit Andreas Cleyer: Is in tractatu de Pullibus, *cap. 29.* ita: *Vesica via & spiritus pertingunt ad aures, & per illas quinque voces seu sonos percipiunt*: in promptu jam causa esset & in connexionione illa quærenda. Sed mirabilis illa Chinesium circa pulsus doctrina, quam præ Europæam in cælos extulit laudibus Vir quidam Clarissimus, parum hebet solidi. Omnia sunt incerta & nugacissima. Quid huic opinioni tribuendum sit, viderint Medici. Omnis alioquin in illis libris anatome commentitia est, & ex ingenio conficta. Cujus commatis etiam illa sunt, quod ex auditu quinque sonorum ægri morbus indagari possit: hepar habere vocem gementis, cor ridentis, stomachum cantantis, pulmonem flentis, vesicam singultientis, si ergo ad fletum æger inclinat, laborare pulmonibus, si cantare gaudet, stomacho. Qualia profecto

Non sani esse hominis non sanus juret Orestes.

Priori illi simile est, quod apud Bartholin. *Cent. IV. ep. 152.* habetur, de Boylii servo, cui quoties cote cultros acuebat, ingratus iste stridor gingivas cruentabat, ut sanguis inde profunderetur. Solet idem sonus aliis hebetare dentes, cujus causam hanc suppeditat Fracastorius *de Symparbia. cap. 14.* quod applicatione in angusto facta, membrana auditus quasi ista, offendatur, unde & contrahatur repente, ac cum ea simul & nervuli quidam usque ad radices dentium, in quem locum subito recidens novus aër horrorem quendam circa dentes faciat. Notavit & Forsterus in observationibus singulare exemplum feminae cujusdam, quæ sonitu cornu inflati in Epilepsiam inciderit. Uti enim densatio & multiplicatio soni in hoc instrumento est, ita spiritus quasi in orbem rotantur, ut ille, qui aliquo tempore cornu inflat, cerebrum & caput concuti sibi sentiat. Quare teneriores spiritus facile ad convulsivos motus tam incondito sono disponi possunt.

Quos in partibus quibusdam nervosis motus per sonum excitatos observamus, eos toti nervorum systemati imprimi posse dubium nullum est. Omnis sensatio nostra quasi in motu harmonico consistit, cum ad æquales specierum sensibilibus vibrationes nervi æqualiter commoveantur, ad instar chordæ unisonæ, in æqualibus illi refugiant, & doleant. Imò ipsum illud corpus humanum quasi cythara quædam est, nervis suis, ut fidibus constans, ut pulchrè & appositè imaginem ejus delineat Berigardus *Circulo Pisano Part. 6. circ. 12.* Ipsa illa vita nostra, ille aër, quem haurimus, harmonicâ suâ dimensione constat. Pulsus arteriæ suis quibusdam rhythmis constant, quos ad musica tempora quorundam reduxit solertia. Quid-

ni ergò & nervi vibrationum capaces sint, quas in totâ sangvinis massâ totoque corpore deprehendimus. Ne quid dicam de membrorum proportionem, quæ & ipsa harmonici quid habet, ut videmus naturam in plantis, e. gr. in equisetis talem intendere, ad cuius internodiorum mensuram Kircherus omnes tonos fabricare eleganti experimento docuit. Notum etiam est, veteribus creditum fuisse, sangvinem carminibus certis & verbis sisti posse, quæ Homericæ vocabatur curatio; quam Galenus ipse non contemnit. Illam verò superstitionem diligenter discussit Naudæus *de stud. militar. lib. 1. mon. 33.* Per se enim verba nihil efficiunt, nisi verbis phantasia simul moveatur, ut factum est à quodam agyrta, qui, cum omnes medici frustra laborassent in sistendo ægroti sanguine, & penè extrema illi instarent, inopinato sermone allocutus est circumstantes: *Quid miserum illum vexatis remediis vestris, illi jam moriendum est:* quâ voce ex terrore ægro incusso statim sanguinis fluxus cohibitus, & adhibitis medicamentis ille pristino vigori restitutus. De Saluatoribus, qui verbis, precibus, curationes morborum institunt, alibi agendi locus erit.

Quid mirum itaque, si tantum sonis in spiritus, nervos, humores licet, idem illis licere in morbos, qui eorum pravâ dispositione oriuntur. Nam si in ordinem illi redigi possunt, sanitas corpori inducetur. De Davide è sacris notum est, illum à Saule spiritum malignum abegisse. De Rege Erico in furorem per musicam artem conjecto Saxo Grammaticus, Olaus Magnus, & alii tradunt, quod fabulosum habet Isaacus Vostius. De illis, qui à Tarantula veneno infecti sunt, res notissima est: illos per certos sonos harmonicos ad choreas impelli, quibus veneni vis, per sudorem discutitur. Quâ in re mirandum est, homines omnis artis saltatoriarum rudes decorè tamen, & ad artis leges motibus suis cantus exprimere mensuram. Cui similis illa furoris species, qua aliqui in choreas sponte impelluntur, quæ à S. Vito nomen habent, Corybantibus illis veterum non absimiles. Ac refert Platerus *Obs. lib. 1. pag. 92.* istis convulsionibus quasatum virum gravem, cum sibi à saltatione temperare vellet, in risum immodicum & totius corporis agitationem morbum hunc erupisse. Scilicet, ut titillationibus sub plantis pedum & axillis fibræ motrices subsultant, cum quâdam delectatione dolori mistâ: ita & in his affectibus fit, quibus humor aliquis titillans variis salinis spiculis nervos indefinenter vellicat, sed blando & æquali motu, unde illa tripudiativa spirituum dispositio, quam etiam notarunt in nonnullis lacte caprino nutritis viri fide digni, & quotidie in ebriis videmus, quibus subtiles illæ vini particule volatiles, in motus saltuares spiritus impellunt. Quibus si accedent æquales fidium numeri, in saltus agitabitur, qui ita dispositum corpus habet. Nam & ab illis vix sibi

sibi temperant, qui satis alioquin sani, mobiliores & agiliores spiritus habent, cumque in saltus se, verecundia retenti, non diffundunt, pedum plausibus, & tacito membrorum motu cantilenarum rhythmos imitantur. Solent, & qui concentibus musicis interfuerunt, diu circumferre modulos illos cantuum: qui nisi rationis arbitrio se permetterent, sponte in numeros & tripudia raperentur. Aristoteles id testatur *Polit. lib. 8. cap. 5.* *Ἀκροῦ μὲν τῶν μιμήσεων, γίγνεται πάντες συμμεθεῖς καὶ χαλεπὸς, τῶν ῥυθμῶν καὶ τῶν μελῶν αὐτῶν.* Qui audiunt imitationes, convenientes eis efficiuntur, etiam sine rhythmis & cantibus ipsis. Imò tanta est nervorum conspiratio, ut ex adspectu motuum epilepticorum puella eadem correpta fuerit, uti ad oscitationem unius oscitat alter, testibus Ephemeridibus Germanicis in *Ann. 4. Observat. 43.* De Peste quoque per Musicam curata antiquis autoribus traditur: à qua saltem præservari potuisse credibile est: cum per musicam excitati spiritus vividi semper & efficaces, facile dispulerint maligna æris nebulas, quæ spiritibus per metum & quietem quasi fixis facilius se insinuant, atque humores & sanguinem ad fermentationem disponunt.

Sed certis instrumentis atque cantibus morbis medicinam fieri posse, ajunt quidam. Inter veteres Theophrastus, Hismenias Thebanus; inter recentiores Johannes Baptista Porta singularem solistibiis è ligno, plantâ, aut materiâ morbum sympathia quâdam respiciente, confectis, si illæ instantur, morbis medicinam fieri posse putarunt: ita si ex helleboro fistula conficiatur, sonitu ejus lymphaticos curari posse existimat Porta, fistulâ ex populo arbore ischiadicos curari posse existimat Porta, fistulâ ex populo arbore ischiadicos dolores, è cinnamomi cortice animi deliquium. Operose illum refutat Kircherus *Musurg. lib. 9. cap. 8.* ineptam enim hanc musicæ sociationem putat & superfluum, si res illæ virtutem sanandi per se habent, & per applicationem suam. Frustra itaque per plura fieri, quod possit per pauciora & propiora. Sonum tanquam speciem intentionalem nihil addere novarum virium. Ego quidem plus in his rebus perversioni dari crediderim, & vanè multa excogitari, sed tamen rationes Kircheri non omnes probo, ut mirer hic se adeò difficilem præbere, qui tamen *cap. 7.* ejusdem libri dixerat: *Si quis proportionem soni, quam quisque ad 4. humani corporis humores possidet, cognosceret, nullum tam obstinatum malum, infirmitatemq; ita radicatam fore, quam non sola hujus soni vis depelleret: & cap. 5.* ejusdem libri eleganti experimento scyphorum vitreorum diversis liquoribus impletorum ostenderat, quam diversimodè humores in nobis, pro eorum indole, per musicam moveantur. Et sanè si fistulæ imprimis, ut è medicis veteribus constat, ad morbos nonnullos feliciter adhibitæ fuerunt, quorum exempla diligentissimè colligit Caspar Bartholinus libro de *Tibis 2. cap. 2.* non adeò ineptum, si materia non quævis ad fistulas, sed mor-

morbo certo apta sumatur. Sonum enim aliquid è materia trahere, negari non potest. Varie enim ille modificatur pro ejus indole, ut in variarum, tibiarum lignearum, metallicarum, ossearum genere videmus. Deinde & falsum hoc est: sonum ut speciem intentionalem nihil addere virium. Cum enim sonus per se, ut notum est, vires incredibiles habeat, quare negemus illi vires, si idoneæ materiæ jungatur? Certè in affectuum commotione delectus tibiarum, ratione materiæ & formæ, magnâ cum curâ fuit institutus, & sanè horum sonorum diversitatem sentire quilibet potest. Si aqua in vase ex antimonio confecta vim emeticam statim nanciscitur, quidni in fistulâ è simili metallo confecta aër aliquid subtilioris effluvi in spiritus ægrotantis transfundat? Mirabilis certè effluviarum & modificationis harmonicæ vis est. Sed de his omnibus nihil temerè pronuncio, verum ulteriori disquisitioni excutiendum relinquo. Antiquorum ego observata & tradita non usque adeò spernenda esse existimo. Tibiolâ ex ossiculis regis soricum confectâ, & pelvicolâ ejus pelle intensâ mures; tibiolâ ex ossiculis regis serpentum confectâ serpentes congregari quidam existimant. Videantur memorabiles historiæ apud Burggravium in Achille Panoplo, pag. 76. & 77. Nec desunt aliæ, de tympano è Zisca Husfitarum Ducis pelle in terrorem hostium confecto, item de muribus & pueris Hamelensibus per certas fistulas evocatis. Quæ pro fabulosis credo multi habebunt, neque ego vera dixerim, nullo edoctus experimento: Quæ enim ratione mortui muris os, per sonum in alios mures agat, nulla vi mentis indagare possumus. Sed illi tamen, qui præfractè negant, respondeant, mihi, quam ob causam ea, quæ è lignis vento dejectis fabricantur, semper ingruente vento crepent, quasi scilicet sonus iste primus à vento arboris minima valide perflante productus, fibris singulis ita sit impressus, ut recurrente vento in partibus audiat, tranquillo aëre sopitus. An forte cum per rupturam illam valide tenduntur, & quodammodo translocantur fibræ totius arboris, aër ille statulentus se insinuat minimis, & aëre ad similem dispositionem reducto interior ille rursus provocatur, ut cum impetu prorumpat? Idem de carbonibus ajunt ex arbore fulmine percussa factis, eos semper crepare & sonitus explosivos edere. Quis crediderit, solo magnetis affricu ferrum ita animari posse, ut aliud ferrum trahat & se in septentrionem convertat? Et talium operationum in naturâ plures esse possunt nondum nobis observatæ. Certè si affricus hoc corporis in aliud efficit, quid ni & sono vehementi, qualis à vento aut fulmine procedit, in tale corpus liceat? Nos in talibus potius judicio omni abstinemus, quam ut temerè damnemus nondum satis explorata. Qui enthusiasmo indulgent, curationibus per musicam multum tribuunt. Nam &

Fratres Rosæ crucis miracula se in morbis per musicam domandis præstare posse gloriantur.

Non subsistere intra naturæ tantum fines creditur sonorum operatio, sed ipsos quoque genios laceßere, imò ipsum nobis DEUM jungere: cum enim nihil sit in corporeis, quod magis interiora rerum pervadat, quam radii & soni, hinc Magorum curiositas his potissimum occupatur: nam radiorum collectione longinqua videri posse, irradiationibus gemmarum, tanquam primorum corporum, in quibus lux variè modificatur, materiz subtilibus effluviis permista, in spiritus subtilissimas operationes propagari tradunt. Ita & sonis se immiscet sæpè vel boni, vel mali Dæmones, dum vel ipsi illos formant, vel certis quibusdam modulis evocari se patiuntur, vel iis fortassis delectantur. Nihil propius illos tangere videtur, quam sonus & radius: hi enim quasi sensuum & sensibilibus limites sunt, & ad incorporearum rerum naturam & familiaritatem quasi quidam proxenetæ. Quæ mole suâ urgent & urgentur corpora, nihil naturæ subtilioris habent. Ideoque cum hoc minimorum motu, quæ quasi in confinio posita sunt, spirituales operationes jungi verosimilius est. Magorum certe Schola aperte profitetur, in Musica & in sonis ut aliquid naturale, ita aliquid divinum esse. Ita enim respondet Jamblichius in *libro de Mysteriis Ægyptiorum cap. 9.* (quem nobis Græcè cum doctissimis notis nuper dedit Cl. Galeus) ad interrogatum Porphyrii, qui de futura prævidentibus & extaticis dixerat, quosdam ex iis, qui extasin patiuntur, ita affici, quoties audiant vel cymbala, vel tympana, vel certum quoddam melos, quales sint Corybantes, & Sabazii & Matris Cybeles mystæ. Naturale quid & humanum habet, cum Musica animis nostris perturbationes infert & aufert, temperiem corporis permutat, ad furorem impellit, illumque sedat, cum diversitas modorum diversitati affectionum consonat, (quod de Olympi carminibus compertum est.) Præter illa affinitatem miram esse ait in carminibus, quæ respondent propriis singulorum Deorum ordinibus & potentiis, etiam universi conversionibus & harmonicis concentibus, qui ab istis conversionibus profluunt. Propter hanc affinitatem, quæ carminibus cum Diis intercedit, ait, ipsos statim ita præsentem se sistere, ut de iis participent, qui mediocrem habent ad res similitudinem, imò perfectam statim evadere obsessionem & melioris naturæ potestatisque plenioris haustum. Nunquam, dicit, Deorum afflationem destituere harmoniam divinam, cui cum ab origine familiaris sit & cognita, rectè censeatur ab ea hauriri mensuris convenientibus. Ipsam quoque animam, ait, priusquam corpori se insinuasset, divinam audivisse harmoniam, postquam in corpus devenisset, & ea audiverit carmina, quæ divinæ harmoniæ stricturas quam proximè

mè repræsentant, ea amplecti, & per ea divinam harmoniam recuperare, ad quam rapiatur & unicè se applicet hauriatque de eâ, quantum capere potest. Docent & sacræ literæ sanctique Patres hymnis ita conciliari nobis DEUM, & angelos, ut illi præsentés nobis se sistant, ac observatum in moribundis, illos jamjam animam posituros divinæ cujusdam melodix quasi sentire præludia.

Solent & Dæmonum malignorum sacris intervenire soni, sed quales in furorem & extasin agere possint. Lappones Magi tympani continuo pulsu, (quod è pinus vel abietis trunco factum, qui se vertit ad cursum solis, id est, quando truncus ita flexas habet ligni fibras, ut flexuræ illæ ab imò percurrentes ad summum à dextra se vertant in sinistram,) tum & cantibus diu se fatigant, usque dum in terram quasi exanimati procidant, & in illâ spiritus evagatione longe remota contemplantur. Cujus magiæ ritus, apparatus omnem, tympana, eorumque structuram prolixè in Laponiâ suâ Schefferus *cap. II.* describit, additis memorabilibus, quæ rem illam confirmant, historiis. Paracelsus in Hispaniâ visum sibi fuisse memorat, qui tintinnabulum ex electro conflatum habuerit, cujus pulsu & sono varia evocarit spectra. Notas enim quasdam & characteres intus in tintinnabulo exaravit, sonituque edito apparuerunt Phantasmata, cum vulgò credatur campanas fugare Dæmones. Memorabilis apud Chineses ille, vasorum sonus, quo audito, maxima imperio mutatio impendeat. Ac refert Martin. *lib. 5. Hist. Sin.* sub auspiciâ Imperatoris Gveilei novem illa vasa ab Yvo Imperatore fusa è cupro, arcana quadam vi contremuisse, quod imperii collabascens omen habitum fuit. Multa passim apud Autores consignata sunt sonorum prodigiosorum à spiritibus excitatorum exempla, de quibus Cornelius Gemma in *Cosmocriticis* suis, & Loyerus in tractatu de Spectris locupletissimo *lib. 4. cap. 16.* plenius agunt. Sed illa hujus loci non sunt.

CAP. XIX.

AD vitrum redit dissertatio. Testes experimenti producuntur. Hamelius, Martinus Fogelius. Vitrum aqvisonum per alterius è digiti frictu sonum rumpi dicitur. Vires hujus soni debiliores videntur, quam ut vicinum vitrum rumpant. Ipse Scyphus, qui sonat, è digiti affricu nonnunquam rumpitur. Experimentorum amplior indagatio fundetur. Conclusio Dissertationis & Excusatio Autoris.

Multa hæcenus occasione hujus experimenti, de iis, quæ ad soni naturam spectant, sollicitius inquisivimus, sed manus aliquando de tabulâ tollenda est. Finem itaque huic dissertationi nostræ imponemus, ubi primum testes hujus experimenti produxerimus. Primus prodeat du Hamel, Philosophus Gallus, qui de affectionibus corporum, lib. 1. cap. 7. pag. 173. hæc de eodem Cive Amstelodamensi narrata, non tamen ἀντὶ τῆς, confirmat: Cum anno superiore, inquit, Amstelodami transirem, id præter cetera me admonuit Vir Clarissimus omni doctrina genere præstans & ob egregia opera, quæ emisit in publicum, notissimus; quendam esse in eâ urbe medicæ fortis hominem, qui scyphos vitreos, quibus vinum Rhenanum infundi solet, solâ voce, eâque non admodum intentâ, sed certâ quadam ratione temperatâ constringeret, idq; se vidisse sapius & expertum testatus est. Atq; ut audio, res est in eâ urbe satis cognita. Hæc ille, qui rationem soni nescivit, ut ex additâ generali ratione apparet: quod scilicet aëri verberato tantum liceat in partes vitri solidas, ut earum contextum perturbet, & suis locis dimoveat: non enim id de omni aëre commoto verum est, sed eo tantum, qui certo tono vitrum ferit. Alter etiam auritus testis Vir Clarissimus & communis noster, dum viveret, amicus, Martinus Fogelius est, qui in literis Hamburgo missis, de Viro Illustri simile adducit exemplum, quod hîc adponere non gravabor. Ita habet, (scribit ille,) me certissimo pridem comperisse teste, Illustrum Virum, Albertum Balchazarem Bernhardiden, Dominum Arcis Vandesbakia, dimidia circiter leucâ hîc distantis (quam Tycho Brahe Vandesburgam appellat) eandem, quam mihi narraſti, artem, poculum scilicet vitreum, nescio vero an quolibet promiscue, an certa figura vocia certo sono frangendi optime calluisse. Cujus specimen etiam amico non multo ante mortem suam exhibuisset, nisi viribus se huic operi imparem sensisset. Alios tamen facti experimenti plures hic procul dubio testes ἀντὶ τῆς habes.

Dum hæc scribo, offertur mihi Epistola Amici, qui è viri fide dignissimi relatione, qui id quam sæpissime in peregrinationibus suis viderat, accepisse se asseverabat: rumpi etiam scyphum vitreum posse, si alius juxta positus scyphus æquisonus digito in gyrum ducto, ad sonum commoveatur: requiri autem soni æqualitatem accuratissimam in scyphis, qualis ægrè in magno scyphorum numero inveniri possit. Tentavi ego in scyphis, qui non nisi dimidio commate dissonabant, & ad unius sonum leviter tantum sonare alterum deprehendi, ut vix persuadere mihi effectum possem, nisi explorata narrantis fides esset. In iis, qui per diapason accuratissimè conveniebant, ne minimam quidem inveni consonantiam. Res certè insolita non immerito etiam Danieli Bartoli *trait. 3. cap. 8.* hæc à nobis adducta relatio visa est. Ac sanè si chorda cum arcu stringitur, notante Merſenno & Dan. Bartoli *mus. 4. cap. 6.* vibrationes dimidia parte minores habet,

bet, ut non tam fortiter percutiat vicinam unisonam, quam si digito percutiatur; vix fieri posse videtur, ut vitrum, cum digito, qui arcus vice, est, stringitur, & vibrationes ob perpetuam digiti pressione[m] quasi retrahat[ur] habet, vitri alterius æquisoni vibrationes ad rupturam usque commoveat. Ipsum vero Scyphum, cujus ora digito fricatur, facile rumpi posse credo: non enim leviter à sono minima ejus commoventur. Ac observavi in scypho, cui fissura inerat, ad quamlibet digiti circumgyrationem longiorem fuisse factam fissuram. Notavit sanè Perrault. *lib. de sono, Part. 2. cap. 6.* scyphum vitreum etiam aquâ infusa plenum solo hoc frictu rumpi posse.

Cæterum in his experimentis exercere se amplius possunt, qui otio talia inquirendi non destituuntur. Tentari res cum aliis etiam corporibus sonoris possit: quid e. gr. æri campano vel vasis fictilibus accidat, si sex septem tubis vel unisonis, vel per omnia consonantiarum genera consonis acton[is] sibi succedentibus impetantur. Namque ut chordis, ita & corporibus sonoris præcipuè, majoribus, omnes non solum consonantias, sed & discrepantes tonos inesse quis crediderit. Ego certè in tabulâ vitreâ majori, quæ quadrantis exhibebat figuram, omnes inveni sonos graves, acutos, hemitonia etiam consonantia, cum tuba vel clamore provocarentur. Unus autem præcipuus penè circa extremum Quadrantis regnare videbatur, ac diutius motus undulatorios continuabat. Acutiores toni centro propiores erant. Tentari etiam res aliis instrumentis pnevmaticis, cornibus, lituis, similibusque possit.

Verum nobis tandem dissertatio illa de vitro rupto abrumpenda est, ne in mole[m] nimiam excrescat; aut, quemadmodum Hercules in vasculo Oceanum, ego in scypho hoc vitreo orbem rerum naturalium circumnavigasse videar. Accipe itaque has qualescunque ratiunculas meas, de sono fortassis sine mente sonos; de vitro fracto, vitrea fracta. Quæ si tuam aliorumque doctissimorum bonam opinionem forte frustrentur, ut ferè eventurum auguror, id uni tibi imputes velim, qui ad ista scribenda autor sva[us]orque fuisti. Veniam tamen, ut autumo, merebimur, si hominem me noscent, qui à quocunque potius doceri cupit, quam ut alios ipse censere ac docere velit: & qui in istis studiis non habitat, sed ad eorum fines nonnunquam ut transfuga & explorator accedit.



DISSERTATIO
D E
ELOQUENTIA
IN TACENDO,

RESPONDENTE
ANTONIO HARDUICI,
 Mense Januario, MDC LXXXIV.

T H E S I S I.

Quemadmodum sermone à brutis, ita & cogitabundo illo silentio ab iis distingvimur, cujus magistrum esse DEUM, ut loquendi homines, veteres agebant. Primā scilicet *παιδείας* tum scholastica, tum civilis ratio, Pythagoræ & Lycurgo in lingvâ cohibendâ consistere credebatur, ut maturè juvenes, ne in scopulos impingerent, *ἐπὶ ταύτῃ* illa *παρασκευῇ* à cursu revocare, & velut navem à ventis abreptam anchoris firmare discerent, nec Pisoniano illo vitio, quod loqui nesciant & tacere, non possint, laborarent. Ipse Musarum eloquentiæque Parens Apollo ob sermonis parsimoniam *λόγιος* dictus, & Numa unam è Musarum ordine sub Tacitæ nomine coli voluit. Quo admonemur, *Φοβούμενοι* illos & loquaculos longius à Musarum sacris abesse, quam prudentes illos Silentarios. Lepidā est illius ex Helleponto amatoris historia, cujus *Cæl. Rhodig. L. A. lib. 21. cap. 46.* meminit. Quem cum loquaciorem ægrè ferret mulier, hoc cavillo percussit, quod ex Helleponto veniens primariam tamen ejus urbem, quæ à tacendo nomen habet, Sigæum, ignoraret. Adeo multi etiam inter eruditos sunt, qui cum orbem omnem disciplinarum percurrerunt, unam tamen illam urbem nunquam viderunt. Id verò mirum alicui videri posset, cum ad cæteras disciplinas, quæ meditatione tacitâ & diuturnâ potius, quam verbis constant, silentium commendatur; ipsam etiam eloquentiæ artem, quæ in verbis tota habitat, præcipuum ex illò decus

cus assumere. Quæ enim Peitho & Angerona inter se habent commercia, aliquis dixerit? Sed verissimum tamen esse docebimus, plus oratoris artis esse in eò, quod non dicitur, quam illo, quod verbis ac sermone comprehenditur. Ne itaque in inscriptione hujus Dissertationis inaniter *ταπεινολογεῖν*, aut *ὀξύμωρον* aliquod de industria quasivisse videamur, vel ipse loquendi magister Cicero hoc de suo nobis largitus est, qui ad Atticum lib. XIII. Ep. 3. scribens, ita ait: *Hoc loco sumpsit aliquid de tuâ eloquentiâ, nam taci.* Cui geminum est, quod adfert Plinius lib. 7. Ep. 6. *Non minus interdum oratorium est tacere, quam dicere.*

II. Ut verò statim in initio omnem dubitandi occasionem præscindamus, sciendum est, nos per illam in tacendo eloquentiam, non illam intelligere, quæ *muta* aliàs vocari solet, quæque gestibus & actione ita exprimit animi cogitata, ut sine ullius verbi prolatione, sive argumenta illa sint, sive figura, intelligi possint. Nam veteribus eam artem ad stuporem fuisse excultam, ignorare nos non sinit historia; quam propemodum in cælum effert laudibus Isaacus Vosius lib. de viribus rhythmī pag. 66. ubi *pulsa tot linguarum peste & confusione, unam hanc artem præ cæteris excolendam existimat, feliciora hominibus animalia, quæ vulgò, ut ait, bruta creduntur, judicans, quod promptius & felicius sensus suos & cogitationes exprimant, quàm ulli queant mortales.* Quâ assertionem infra brutorum sortem detrudimur, quæ fortasse, si ipsius philosophiam audimus, ad spirituum naturam eò accedunt propius, quo brevius & expeditius, si qua habent, sensa exponunt. Quemadmodum enim homines per verborum ambages, ita bruta per signa quædam naturalia affectus suos exponunt, ut Spiritus cogitationes suas sine ullis signis organicis ac per seiplos patefaciunt, quarum apud nos non conceptus, sed expeditio, per externa illa signa corporea laboriosa est. Unde vel apud Barbaros fuerunt, qui varia sermonis compendia tam in sermone, quàm in scripturâ commenti sunt, ut apud Canadenses, qui unâ voce integras ac prolixiores sententias efferre potuerunt, quam linguam illi *ixarete*, id est, linguam mutam appellarunt, teste *Patre le Jeune in Histaria nova Francia: & apud Ægyptios, Chinenſes & Peruvianos, qui hieroglyphicis literis plus significabant, quam loqui poterant.* Ne quid dicam de Arte illâ, qua per digitorum varios flexus formato alphabeto, aliqui loquuntur, cujus amorum magister Ovidius meminit, vel qua per pulvis parietum rhythmicos, se non videntes intra carceris tenebras sibi animi sensa significant, de qua extat epigramma Hispanicum Thomæ de Pinedo comm. in Steph. de urbibus, ad vocem *Λαυρὸν*, pag. 128. Cæterum illa gestuum ars, quam Græci *ποικιλίαν*, Latini histrionicam vocabant, adeò exculcata antiquis fuit, ut cum Cicerone Roscius histrio decertaverit, uter pluribus

modis

modis eandem sententiam variaret, prior verbis? alter figuratis gestibus? Illa verò præcipuè in manibus oculisque consistebat. De manu, quam alteram linguam nonnulli dixere & Ægyptii sub lingvâ, ad absolutâ persvasionis imaginem offormandam, depingebant, Quintil. lib. 11. cap. 3. *Manus ipsam penè verborum copiam persequuntur.* Apud Cassiodorum variat. lib. 2. Ep. 40. hanc Musicam mutam vocavit Theodoricus Italiæ Rex: *Quæ ore clauso manibus loquitur, & busdam gesticulationibus facit intelligi, quod vix narrante lingvâ aut scriptioni texturâ possit agnoscere.* De Apollonio Philostratus lib. 1. de vitâ Apollonii cap. 9. refert, quod Pamphiliam atque Ciliciam, seditione laborantes, solâ manus tacitâ oratione composuerit. Et si Artus Thomas comment. Gallico in hunc locum, non tam manuum motu, quam novitate rei & adspectu hujus hominis, quem pro DEO habebant, ad silentium, fuisse compulsas existimat. Chiromantiam hanc oratoriam vocat Augustinus Mascardus in *Dissertationibus Romanis Dissert. 7.* ubi plura super illo argumento. Chironomos appellat Quintilianus & Juvenalis, qui hanc artem uterentur: quique in universâ illa excellebant, Pantomimi vocabantur, qualem pro maximo munere à Nerone obtinuit Tiridates Ponti Rex, referente Luciano in scripto de Saltatione. De oculorum in eloquentiâ animandâ & in animi affectibus exprimendis efficaciam legas licet L. Crassum apud Cic. lib. 3. de Oratore. De utrisque elegantissima sunt, quæ Cresollius vocat. autumnal. lib. 2. cap. 4. & 9. congescit. Qui Vir doctissimus in præclaro hoc opere accuratiora Physiognomiam, ex ipsò illò τὴν πρᾶξιν, qui ex historicis, Oratoribus, Poëtis elucet, lineamenta duxit, quam omnibus canonibus suis Physiognomi. Verum sepulta nunc cum veterum eloquentia ipsa quoque hæc ars histrionica est, nisi quod apud Anglos quidam Johannes Butcher figurationem manuum singulari libro, & Itali quidam illam Signorum doctrinam proponere voluerunt. Verum ad æneïdæ & perfectionem illam veterum ille labor non assurgit.

III. Misa itaque illa eloquentia mutâ ad nostram illam in *tacendo Eloquentiam* nos convertimus, quâ nihil aliud significamus, quàm *Prudentiam* illam Oratoris, qua id solum, quod in oratione ἐνέχυρον est, exprimit, ea verò, qua vel circa inventionem, vel circa elocutionem ὑπερβᾶσι sunt, aut superflua; ab argumento, personis, loco, tempore, re aliena, aut quovis modo inepta, omittit, aut indicta esse cupit. Unde patet, tam latè hanc patere Dissertationem, quàm ipsa patet eloquentiæ ars. Si enim Rhetorica ars est, quæ contemplatur illa, quæ ad persuadendum apta sunt, omnia, quæ inepta sunt, in omni dicendi genere excludit: si omnis Eloquentiæ vis in delectu argumentorum & verborum consistit; satis patet, illa, quæ abundant, aut temerè proferuntur, esse in vitio. In omnibus (ait Cicero lib. de claris Oratori-

toribus) videndum quatenus: *etsi enim suus cuique modus est, tamen magis offendit nimium, quam parum*; Nam ut *παρέβασις* illa inter signa immoderati animi & impudentis est; ita defectus moderationis quidam temperantizque character est; qui propius à vitio abest, quam ille excessus, imò virtuti propior est. Quare cum teste Quintiliano lib. 2. cap. 13. *multò labore, assiduò studio, variâ exercitatione, pluribus experimentis, altissimâ prudentia, presentissimo consilio vis dicendi constet*; in id sollicitè inquirendum est, quid in oratione dissimulandum sit, quid prudenter tacendum, ne, quemadmodum

perculsa malignè

Respondet viridi non cocta fidelia imo,

illa suo se indicio prodant, & ineptum omni ex parte oratorem ostendat.

IV. Non officit huic Eloquentiæ nostræ copia, & sermonis amplificatio, quæ in oratione necessaria est. Etsi enim teste Cicerone, eloquentia est copiosè loquens sapientia, amplificatio rem auget & maiorem argumentis & verbis, efficere studet; tamen nihil hic nimium est, cui suus quidem modus ex ipsâ arte est præscriptus. Neque enim hæc copia est, quæ infinitè vagatur, sed quæ orationi quandam plenitudinem, & soliditatem inducit, sine qua maciem illam, etsi in Dialecticorum Scholis laudatam, populo tamen & auditoribus invisam contraheret. Corpus edim orationis, non *οὐλέτης* formandum est. Quare nec amplificatio hos à prudentiâ præscriptos limites excedit, eâ enim ita utendum est oratori, ut rem, quæ in se magna est, argumentis talem esse, vel non advertenti, vel non opinanti auditori ostendat. Debet enim amplitudo sententiarum & verborum sustentari amplitudine rerum. Quod nisi fit; inepta fit oratio, vel frigida evadit, qualis est, cum magnificis & sententiis & verbis res exiles ornantur: aut puerilis, cum ex adverso res magnas minutis sententiis & verbis effert. Quæ duo vitia Longinus interdum confundit. Multò minus huic in dicendò frugalitati sublimitas adversatur, quam Longinus aureo libello descripsit, neque ab illa vel latum ungvem discedit.

V. Primum, quod in oratione celari ac dissimulari debet, ipsa eloquentiæ ars ac Rhetorices artificium est. Ut enim nihil magis gratum est, quam quod sua sponte natum videtur, ac naturæ sequitur vestigia; ita tardiosum ac suspectum est, cuius singularis quædam industria pellucet. Dupliciter hîc peccatur. 1. scrupulosa diligentia. 2. affectatione. Primò cum ars in specialiora se diffundat, artifex ex illo cumulo ea seligere debet, quæ personis, rei, loco, tempori apta sunt. Quod si verò quævis ille arripit, omniaque, quæ dici possunt, cumulat, totum illud promptuarium suum exhausturus, malè sedulus ille erit, neque illam, quæ in tacendo

consistit, eloquentiam satis assequetur: cum præstans orator ita se præceptis alliget, ut occasione ferente se illis superiorem ostendat, ad usum potius rerum respiciens, quam in minutis illis rebus hærens, ac sapienti potius negligentia, quam obscurâ diligentia laudandus. Nihil ineptius in Oratore, quàm *ὅτι τὰ μικρὰ ἀνδράζειν*. Utenim, qui in Grammatices præceptis semper hærent, nunquam Latine loquuntur, (aliud enim Grammaticè, aliud Latine loqui esse, aiebat Quintilianus) ita & anxia, & morosa Rhetorices observatione nullus perfectus Orator evadet. Sic in arte oratoria se exerceat Orator, ut artificis prudentiam supra artem ipsam positam habeat, quæ nonnunquam celata & neglecta plus artis habet, & plus in persuadendo efficit, quàm omni suo apparatu Rhetorica. Diserte Cic. in Oratore *quandam negligentiam esse diligentem*, pronunciat. Magnis scilicet animis, qui interiora rerum complectuntur, familiaris est quædam negligentia species, qui omisissis minutioribus, illa quæ magis rem attingunt, spectant. Exile verò ingenium, quod totum rei ambitum uno obtutu non complectitur, ob iudicii imbecillitatem, in particulis quibusdam ineptâ diligentia se fatigabit, & ut ille apud Venusinum Vatem,

*Æmilium circa ludum faber imus, & ungues
Exprimet & molles imitabitur ære capillos,
Infelix operis summâ, quia ponere totum
Nesciet;*

cum tamen ex Quintiliani sententia, *majori animo aggredienda sit eloquentia, quæ si toto corpore valet, ungues polire & capillum reponere, ad suam curam pertinere non existimabit*. Oblignabimus hoc præclarâ Longini sententia: *Tunc perfecta ars, cum naturam ita exprimit, ut natura ipsa esse videatur; rursus natura est successu felix, cum latentem in se continet & regit artem*. Sequitur affectatio, quæ in omni orationis parte, argumentis, phrasi, periodo, sententiis, figuris se exserit, ac nimio se ornatu ostentat, atque ita vim orationis enervat. Quò præcipuè respexit Aristoteles, cum Rhetor. lib. 3. cap. 2. vers. 10. præcipit, ut artificium celemus, *ne videamur fictè dicere, sed ut ipsa distat natura*. Sic enim, inquit, *probabilis erit oratio, illò verò modo contrarium eveniet*. Nam Oratorem tanquam insidiatorem suspectum habent, non aliter ac permixta vina. Nihil magis artem, quam ipsa artis affectatio vitiat. Hinc Demetrius Phalereus primus Athenis eloquentiam inclinasse dicitur, teste Fabio, lib. 10. cap. 1. *quod plus artis affectaret, quam cui exprimenda par erat*. Unde Cicero in Bruto, non tam armis, quàm palastrâ institutum vocat. Quò vitio plerique veterum Sophistarum, apud Græcos, & dehinc Declamatores apud Romanos se obstrinxere, qui foro & usui publico natam eloquentiam inter pulveres scholasticos penè suffocarunt, & pravis præterea moribus

corru-

corruperunt. Nam ad fraudes & versutias compositi verborum specie & pompa auditorum animos circumvenientes, efficiebant, ut causa inferior & injusta fieri posset dicendo superior, quod Græci dicunt: τὸν ἥττω λόγον κρείττω ποιεῖν. Quam ob causam in invidiam apud omnes adducti, è regnis, urbibus & foro ipso ejeçti. Accedebat quotidiana in his studiis ad inanem tumidamque loquacitatem in ludis exercitatio. Instituebantur extemporales *Ἀποδείξεις* & declamationes quasi theatricæ, laudationes rerum ludicarum & infamium, in quibus magis ad ostentationem, quam in cæteris comparata omnia (nam ornatum potius, quam τὸ ἐπισημαλικὸν & παθηλικὸν sectantur,) consultationes, controversiæ fictæ: quibus innutriti discipuli cum in forum transferre vellent eloquentiam, velut alterum in orbem delatos se sentiebant. Unde mirum non est, illos ut præstigiatores, veteratores, deceptores omnibus bonis & cordatis fuisse invisos. Apud Romanos similes eloquentiæ scholas, ad fortuitam illam & temerariam loquacitatem instituerunt Græci, quos Censores, teste Cicer. 3. de Oratore, *claudere jusserunt ludum impudentiæ*. Ab illis, & præcipuè quidem à Gorgia *ῥητορική* in orationem inuenta: nam in eò laborarunt vehementissimè, ut *καὶνὰ, πέρατα, θαύματα* adferrent. Verba seligebant mollia, meretricia, florida, sonora, quæ exquisitissimò periodorum artificio, velut circino quodam definiebantur. In illis & κρότος, & ἤχος magna cura requirebatur. Nec defuerunt, qui vel Isocratem, quod in eorum usu intemperantior fuerit, reprehenderent. Quare in foro nihil suâ eloquentiâ profecit, quia ut Cicero de Orat. testatur, *non ad judiciorum certamen, sed ad voluptatem aurium scripsent*. Non immeritò ergò à Socrate sapientioribusque irrisi sunt Sophistæ, quorum volaticam & inanem eloquentiam plenissimè in *suo theatro Rhetorum* detexit Cresollius. Operæ pretium est legere, quàm graphicè Vir elegantissimus Balzacus *Oeuvres divers. disc. de la grande Eloquence* utriusque, tam Regiæ, quam Sophisticæ eloquentiæ charactèrem depingat.

VI. Ab arte in universum consideratâ ad partes ejus descendimus. Ut enim in totâ, ita & in partibus hîc peccari necesse est. Princeps inter illas est INVENTIO, quæ investigare argumenta docet, quæ triplicia sunt, λόγοι, ἤθη, πάθη, nam inartificialia nunc seponimus. Quod ad Logica sive docentia argumenta attinet, ea vel è locis Oratori & Dialectico communibus, vel è propriis Rhetorum desumuntur. Communes loci cum à Dialecticis principiis arcessantur, Oratorem Dialectices peritum requirunt. Nisi enim ejus peritiâ munitus Orator sit, totâ oratione ineptum esse necessum est. Sive enim argumentis utatur, sive quid describat vel amplificet, omnes rerum *περίψεις* hîc è fundo depromendæ sunt.

Omnis orationis regula & verborum commune instrumentum Logica est, quæ ut prima rerum analysin ob oculos ponit, ita distingvere inter illa, quæ rei per se insunt, vel foris accidunt, sola docet. Absque quâ si fuerit, sine lege vagantur verba, vacillant argumenta, rerum ideæ confunduntur, omnia paralogismis plena, rationes vel longè petitz, vel malè cum rebus ipsis cohærent, sensus inordinati, sententiæ precariæ & male coagmentatz. Quô vitio plerumque nunc peccatur. Sed eô tamen in iis iudicio utendum est, ne omnes promiscuè logos excutiamus, aut omnes artis Lullianæ rotas & circulos in subsidium vocemus, ostiatim quasi petentes singula, dum quorundam sequimur vestigia, qui in Dialecticis *κρυπταί*, cum pulvisculo omnia converrunt, aut in argutiis quibusdam Chimæricis toti occupantur. Quales à genuinô præstantissimæ disciplinæ usu quàm longissimè abesse, certissimum est. Unde Quintiliano *lib. 7. cap. 3.* vehementer in oratione cavillatrix illa Dialectica displicet, ut quæ in Oratoris officio nullum sit allatura momentum. Quos defectus cum deprehenderent nonnulli, in eas cogitationes inciderunt, ut locis illis Oratorem carere posse crederent, quæ sententia est Hamelii *lib. 3. de mente humanâ cap. 2.* Rectè quidem, si jam excocto & firmato in omnibus sit iudicio. Tirones tamen hac via ducendi, cum ipsi sibi semitam non sapiant, quæ exercitioribus in arte sine ullâ difficultate, expeditissima est & in propinquô posita. Qui verò hîc *ἐπιχειρῶν* non noverit, neglectis probationibus, quæ è rebus ipsis ducuntur, ac potentissimæ sunt, levissimas & longinquas venabitur, quæ iudicium omne labefaciunt. Hinc infelices illi vagique excursus nascuntur, ac in locos, imò logos communes tota se plerumque resolvit oratio. Idem vitium & Rhetorum proprios illos locos comitatur, si quis in illis delectum instituere non novit. Et verò argumenta, quæ maximè persvadent, primò obvia sunt, nec magnâ cum curâ quæri debent, teste Aristot. *Topic. 1.* Qui verò ob ætatis imperitiâ, vel ob negotiorum multitudinem, illa quæ propius causas contingunt, à remotioribus non distinguunt, illi & hos locos sæpe in locos communes convertunt, & omnia argumento, non quæ debent, sed quæ possunt, applicant: sic se ex tempore commodiùs dicturos existimantes, cum tamen vera illa, si qua parari extemporalis in orando facultas possit, in eo, Riccobono iudice *præfat. in lib. de Usu art. Rhetor.* consistat, si *σύνμα τῆς πρῆξις* statim in promptu habere discamus, & caput potius rei, quam reduviam curemus. Nam nisi causæ, & quidem illi, quam tractamus, ita applicantur hi loci, ut non illata argumenta, sed ex eâ effluxisse videantur, futilis incipit fieri oratio: vicina verò & proxima, cum primum incurrant in oculos, ut promptiore ingenio arripiantur, laborandum est.

Quod

Quod indocti nonnunquam feliciter, quam docti, turba rerum oppressi, si iudicio non pollent, assequuntur: in turbâ autem vis & evidentia fortiorum enthymematum suffocatur, ut dici de illis possit: *Ἀπώλισας τὸν ὄνον, ἀνέχεας ὕδαρ*. Habebant etiam olim locos communes in promptu Oratores causas acturi, ut, quoties esset occasio, extemporales eorum, dictiones his velut emblematis exornarentur, merito exagitati à Quintiliano lib. 2. cap. 4. *Necessum est his, inquit ille, cum eadem iudiciis pluribus dicunt, aut fastidium moveant, velut frigidi & repositi cibi: aut pudorem, deprehensâ toties audientium memoria infelix supellex: qua sicut apud pauperes ambiciosos, pluribus & diversis officiis conseratur: cum eo quidem, quod vix ullus est tam communis locus, qui possit coherere cum causâ, nisi aliquo propriæ questionis vinculo copulatus, appareatq; eum non tam insertum, quam applicitam, vel quod dissimilis est ceteris, vel quod plerumq; assumi etiam parum aptè solet, non quia desideratur, sed quia paratus est: ut quidam sententiarum gratiâ verbosissimas locos arcessunt, cum ex locis debeat nasci sententia. Ita sunt autem speciosa hæc & utilia, si oriuntur ex causâ. Sedulo itaque hic laborandum est, ne nervis ipsis non rectè ductis tota fatiscat oratio. Adeo, quod in scribendo præcipit Horatius, etiam dicendi rectè sapere est & principium & fons.*

VII. Argumenta, quæ rem ipsam sequuntur, excipiunt illa, quæ à personâ dicentis promanant, vocanturque ἤδη Græcis, conciliantia Latinis. His sibi amorem Auditorum conciliat, sequæ moratum & erga auditores benè affectum ostendit Orator. Hic quoque illud *μὴδὲν ἀγὰν* sibi dictum putet, ne nimîa se commendatione suspectum reddat, quasi insidias auditoribus struere videatur. Plus hic sæpe in personâ dicentis, quam in omni aliò apparatu situm est. Si autoritas ipsi insignis vel à potentie, vel sapientiæ & virtutis opinione sit, unò sæpe verbo plus persuaserit, quam sexcentis alii. Atque illud ipsum dicentis *εἰδὲ* ita in dictionem ipsam transfunditur, ut perpetua quasi animi lineamenta ipsi impressa sentias. Sanè Messala stylo nixidus & candidus præ se tulisse etiam in dicendo nobilitatem visus est, teste Quintiliano lib. 10. cap. 1. — Hinc virum bonum Oratorem esse necesse est, quod tacitum quasi per ipsam orationem & vultum Oratoris diffusum argumentum animos occulto quodam spiritu rapit: cuius quanta non naturalis tantum, sed & physica necessitas sit, pulchrè Corde-morus in libro suo de loquela, pag. 95. & seqq. demonstrat. Hoc cum à sophistico charactere absit longius, nulla tam fucata & omnibus ingenii luminibus picta excogitabitur à Sophistis oratio, quæ cautis & sagacibus auditoribus os oblinat, veleorum animis irrepât. Atque hi Oratores & Poëtæ intelligendi sunt, cum Virum bonum, nec Oratorem, nec Poëtam esse voluit Epicurus.

VIII. Quæ à personâ audientis ducuntur argumenta, καὶ vocantur, ad movendos cum vehementiâ animos instituta. Hæc quoque in partē operam dabit Orator, ut motus argumenti dignitati respondeant, extra quos limites si ferantur, in præceps ruet inutile non terræ, sed auræ pondus oratio. Nihil itaque frigidius, nihil ineptius, si in nugis tragædias agat, in simpulo fluctus moveat, inanibus exclamationibus guttur exerceat, fulmina spargat, procellas misceat, cum res ipsa humi repat. Vitium hoc à Theodoro, teste Longino καὶ ὁ καὶ vocabatur παραφροσύνη, cujus appellationis hæc ratio est: quod non sit cujusvis thyrsus sumere, sed ejus tantum, qui Bacchi numine instinctus rapitur, ut explicat in notis Tanaquil Faber, vel ut rectius Buchnerus de *C. D. R. cap. 23. §. 4.* quod illâ voce notentur intempestivæ & inquietæ vociferationes, quales furentium esse solent, & qui thyrsu Bacchico percussi sunt. Caterum graphicè eò in locò *sect. 2.* Longinus hoc vitium descripsit, quem vide. Prudens verò Orator Timanthem pictorem imitatur, qui plus intelligi volebat, quàm ille penicillo exprimebat. Est interdum, ubi Oratoris vultus plus ipsis argumentis & figuris loquitur, ut, quod *lib. de pall. cap. ult.* ait Tertullianus: *Auditor Philosophus, dum videtur, de Oratore dicere liceat.* Quàm callidè & prudenter Cl. Cossus apud Tac. *Hist. 1. cap. 69. nota facundia, sed dicendi artem, apta trepidatione occultans, effusis lacrymis & melioris constantius postulando impunitatem salutemq; civitati Aventino, mitigatis militum animis impetravit!* Quid prudens & ad affectus composita vox, cum orationem comitatur, efficiat, vel ex illustri illo exemplo de Lælio & Galba apud Ciceronem, libro de *Claris Oratoribus* patet, quorum ille eleganter & accuratè dixit, sed iudices permoveere non potuit, usque dum Galba vehemens affectuosâ oratione causam pervinceret. Eandem Virgilio vocis vim fuisse, notatum est. Scilicet ipse ille Oratoris gestus, *Φοι σιωπῶν* & in auditorum animis perorat. Eloquentia illa muta, quam eloquentiam corporis Cicero vocat, loquenti juncta, vim orationis ita auget, ut quasi anima & spiritu illam vestire videatur. Isti enim oculorum, manuum motus animi præeuntis vestigia sunt. Imò compertum est, magnò cum applausu legati pronunciantis orationem exceptam fuisse, quæ scripta tota displicuit, cujus exemplum apud Marsellum de *Legato lib. 2. dissert. 36.* memorabile occurrit. Omnino hæc monitum Zenonis Oratori inculcandum, qui referente Stobæo *serm. 36.* adolescenti protervius garrienti hæc ingessit: *Nisi linguâ in mente intinctâ differueris, multò adhuc amplius loquendo delinques.*

IX. Inventionem excipit DISPOSITIO. Ut enim nullum pulchrum corpus est, nisi sua quovis loco membra aptè sedent: ut nulla domus benè exstructa, nisi partes ex architecturæ lege habeat ordinatas: ita nec oratio

tio facta elaborataque est, si nec totius corporis neque partium sua sit, *εἰκονομία & συμμετρία*; si membra membris non cohereant; si partes argumentandi confusè & permixtè dispersæ, totusque ille sermonis textus *ἀσύγκλωστος*. Etenim ut in verborum consecutione periodica singularis cura est, nec nisi longo usu & observatione, ac multâ sub sagaci magistro exercitatione, disci potest: ita rerum & argumentorum ordo mutuaque aptitudo multò majoris diligentiae res est, quam ipsa inventio, quæ in mediocria etiam ingenia cadit, nec nisi frequenti usu, & autorum antiquorum commercio diuturno, & iudicii sagacitate comparari potest. Sed accidit nonnunquam, ut inutiles illæ ambages videantur; si quis in illis partibus inveniendis & aptandis operosè laboret, ubi res & materia diligentiam illam non admittit. Neque enim rus illud Martialis,

In quo ruta facit nemus Diana,

In quo nec cucumis jacere soletus,

Aus serpens habitare tota possit,

eandem subire mensuram poterit, quam campus aliquis, quem non, miluus oberret. Ut reprehendendi omninò sint, qui in qualibet epistola, in quolibet carmine, omnes juxta orationis partes, aut in argumento omni, omnes thematis simplicis & compositi modos, quos nimis operosa quorundam diligentia excogitavit, anxie & laboriosè ad ipsas usque minutias persequuntur. Quotidiana hæc in re, in cathedris, in scholis errata eorum sunt, qui nullum orationi modum ponere noverunt, nunquam, quod periti facere artifices debent, totum operis systema animo complexi, sed in unâ alteraque parte *περίσσεια* & strumosi, reliquo verò corpore trunci & mutili. Quas in partibus orationis *παρεκβάσεις* cum damno; non probo tamen Laconicam illam & abruptam brevitatem, quæ unâ alterâve periodò, imò verbo, orationes & epistolas absolvit, propiusque ab ipso silentio abest, quas quorundam virorum doctorem industria, uno volumine collegit.

X. IN ELOCUTIONE, quæ tertiam Rhetorices partem constituit, infinita sunt errata *ἐχθυσία* plusquam Pythagoricâ coërcenda. Illâ enim parte, quæ in verbis & sententiis consistit, maximè in aures influit oratio, ut & indoctis, qui ingenium in oculis & auribus circumferunt, observari illa vitia possint, cum cætera nonnisi sapientioribus advertantur. Et si nonnunquam inveniuntur, qui ipsis his vitiis delectantur. Potest verò, ut ad pauca redigam hujus argumenti vastitatem, *καὶ τὸ πρῶτον*, ratione copix, vel *καὶ τὸ δεύτερον*, ratione ornatus considerari elocutio. Si prius; hæc peccatur, cum immani verborum & circumstantiarum diluvio argumentum penè suffocatur, & in ventosam ac Asiaticam loquacitatem abit oratio,

expo-

expolitionibus, pleonasmis, plagiasmis, periodicis circumductionibus omnia implentur, ut toties reciprocatō spiritu vix transmittere illa possit Orator: auditor vel lector in istā sylvā peregrinari sibi videatur. Quorum exemplum ē recentioribus *Johannis Baptista Evangelista Piceni* orationes exhibent, quæ per integras paginas periodos producunt, tot synonymorum, epithetorum, *περίστω* cumulatione, *loquacem ut delassare queant Fabium*, in immensum porrectæ. In ornatu variè impingi solet, cum verba adhibentur, figuræ, sententiæ, nondomi natæ, aut ex re ipsâ ortæ, sed foris arcescitæ, metaphoris, allegoriis, longinquis frigidisque sensibus vestitæ, quæ cum parsimoniam orationis præ se ferunt, longè illam laxiorem, turpiterque discinctam efficiunt, & quæ omni Asiatismo sit loquacior. De quâ meritò illud Senecæ usurpes, quod ille in Mæcenatem dixerat, esse *eloquentiam ebrii hominis, involutam & errantem & lasciviam plenam*. Sophistarum illi colores olim erant, quos sanior eloquentia, ut meretricios, ad deformandam vivam illam vegetamque faciem inventos semper respuit, quos subinde tamen fastidiosa secula, ut à moribus ita & ab oratione seriâ, & masculâ in luxum, & intemperiem degenerantia, per vices quasi resumpserunt: ut & nostro tempore, primum à *παλιγγενεσία* literarum superioris seculi in eloquentiâ nitorem, nonnulli in Italiâ novâ hâc peste afflaverint. Nam relictâ regiâ illâ & *λεωΟέρεα* viâ, ad præruptam, nescio, quàm & confragosam dicendi rationem, se contulerunt: cum omnia precariis, frigidisque argutiis, erutis ex abdito sententiis, quæ non, ut Philosophus vult, velut ex syllogismo & enthymemare oriebantur, sed puerilibus & præter necessitatem frequentatis, quibus præterea sonoræ figuræ, velut cymbala quædam & crepitacula appenderentur, omnem orationis habitum convestire cœperunt. Quo penè factum, ut altera illa genuina eloquentia, tota conticuerit, Tulliusque cum omni aureæ ætatis familiâ in exilium ire jussus fuerit. Qui morbus ne nunc quidem per sapientiores magistrose velli quorundam animis potest. Actionem adversus hos corruptores (ut Quintilianum præteream, qui suo jam tempore illis dicam, scripsit) & eruditam & veteri eloquentiâ dignam Albertus ab Albertis instituit: & doctissimus Vavassor laudari hic meretur, qui tum singulari oratione, tum toto *deludricâ dictione* libro populares suos delirantes in ordinem redigere voluit. Quò postremo illos præcipuè exagitat, qui dictione allegoricâ sordida *Burlesq;* dictâ, velut novâ quâdam ē sterquilinio natâ Venere orbem beare voluerunt. Verùm tantum abest, ut indulgere bullatas has nugas sobrio Oratori velim, ut in concessis etiam delicis frugalem & modestum requiram, qui ex Horatii monitō, *ambiciosâ recidat ornamenta*, & intra antiqua castitatis, & accuratæ, sed sine molestiâ diligentis,

elegantia limites subsistat. Vel ipsa Præteritionis & Reticentia figura, quæ mirificè rem amplificat, & suspicionem rei magnæ in animis eruditorum relinquit, ostendunt, plus cogitandum nobis, & cogitationi auditorum relinquendum, quàm verbis effertur.

XI. Porro cum infinita sint, ad quæ Orator respicere debet, ut personis, rei, loco, tempori apta sint omnia, adeò circumspèctum hîc esse convenit, ut nil admittat aut dicat, quo in prudentia leges impingat. Nam ubi ars illum destituit, prudentia in subsidium vocanda est, quasi Helice quædam & cynosura rerum, quæ ipsum per omnia inoffenso pede circumducit, cum ad singularia ars ipsa se non extendat. Vel in solâ eloquentiâ forense quanta rerum & circumstantiarum varietas! Nam Quintilianus ita de illâ lib. 10. cap. 7. *Ille gubernaturus ad incursum tempestatum, sic agenti ad varietatem causarum ratio mutanda.* Ridebitur itaque, quisquis hîc accommodare verba rebus, & prudenti illo silentio temperare eloquentiam nescit, Oratoris inepti elogium reportaturus.

Quis nisi mentis inops tenera declamet amica?

Poëta ajebat, aliâ enim eloquentiâ illic opus est. Similiter in ipsis rerum civilium momentis, cum milites in pugnam armandi, cum in Rep. de rebus gravissimis consultatur, quis ferat ineptam aliquam Critici aut Sophistæ Oratiunculam? qualem pro ingenii sui festivitate excogitavit Octavius Ferrarius in Prolusione suâ III. cui titulus: Suppetiæ Criticis latæ. Nam si fortè urbs aliqua obsidione cingeretur, & de salute supremâ in medium consulerent Patres, ille sententiam dicere jussus, ita fortè sermonem institueret: *O cives, cives, perimus. Hostis habet muros, Veteribus non hostes, sed perduelles dicebantur, ipsumque bellum duellum.* Porro muros, & mæros mania dixere à muniendo & pomarium, quod post sive pone mæros esset, quod omni cultu vacuum purumque fuit. *Quid autem vobis in re tam crepem agendum sit queritis? Si bellum inferetis, ipsi censerem prius Fœciales de more cum patre patrato mittendos, ut res repeterent, hastamque jacerent.* Sed quia illatum propulsatis, cum auctor vobis sum, ut caduceatorem cum infulis mittatis, hunc autem à caduceo dictum scitis, quæ virga Mercurii Deorum internuncii fuit. Si in pertinaciâ nihil profutura persistitis, peribitis cuncti. Hostes enim vel urbem corona cingent, vel pluteos ac vineas admovebunt, catapultis, ballistis, ac scorpionibus res agetur. Urbs diripietur, & ea sequentur, quæ mens referre horrescit, eorum imaginem apud Virgilium, Liviumque & ceteros videre erit, in quæ ego æta tem contrivi. Quis non bellum illum Oratorem cum intempestivis his nugis exploderet? Quis non exhibilaret Oratorem Hispanicum Mendozam in Regis Galliarum consilio Orationem quam habebat, veluti lectionem aliquam Academicam habiturus esset, in septem tractatus & unicum corollarium distinguentem?

quem teste Thuanò *lib. 106.* risu exceperunt prudentiores. Quam inepta est illa Jacobi Spinolæ argutatio etymologica è nomine Pontificis deprompta, cum Genuensium nomine Alex. VI. gratularetur, quæ gratulatio in gratulatoriarum orationum Syntagmate p. 50. habetur. *Si igitur ad tantæ dignitatis magnitudinem primo loco exornandam, ipsius vim nominis considerare liceat, Pontifex alio nomine Papa nuncupatus utriusque vocabuli exitu rei vebementiam ac potestatem indicat: tum quod Papa interjectionem Papæ admirabilem sonet, tum quod Pontifex maximus, Scavola autore, à posse & facere, Isidoro verò, quod ad cælum pontem faciat, interpretetur.* Quæ sequuntur de Imperatoribus Regibus, Ducibus, ejusdem farinae sunt, & omnes stultè hîc adduci vident. Notum etiam nonnullis est, quid superiori ætate, viro alioquin doctissimo & in literis celebratissimo acciderit, qui à Batavis quondam ad Angliæ Regem missus Orator, hoc argumento ad fœdus cum Batavis in eundem inducere voluit, quod terræ ipsorum aliquando continentes fuerint, per vim autem tempestatis divulsæ. Hunc risu fastidiosa aulicorum indoles excepisse dicitur, utpote quibus scholasticæ illæ argutæ nimis insipidæ visæ fuerunt. Plura ejus commatis, si instituti ratio pateretur, poterant hîc cumulari: sed illa ad inepti Oratoris delicias referenda, quales lepidum aliquod ingenium non ita pridem in Germanica linguâ congeffit.

XII. Quæ in solutâ eloquentiâ leges Oratori positæ, ex quoque in ligatâ Poëtis præscribuntur. Neque enim ita quidlibet iis fingendi, & audendi potestas est, ut illa sine lege modoque feratur. Sua & ipsi inventio, dispositio, elocutio, de quibus hîc agendi locus non est: sed in quibus singulis variâ ratione & multiloquio & stultiloquio peccari potest, & eò magis quidem, quo plus sibi licere multi hîc autumant. Epicam & Dramaticam Poësin hîc potissimum considerabimus, ut quæ imitationem illam Poëticam præ cæteris exprimat, & arcem Poëtices teneat. Sua est utrique Poësi Actio, Fabula & Episodium. His enim potissimum constant, quæ corpus poëmatis constituunt: Etsi Epopœia & Tragœdia καὶ τὸ πᾶν differant, majora enim in illâ omnia Actio quasi materia Poëmatis est; Fabula, quæ est imitatio actionis secundum Aristotelem, ψυχή ipsi appellata, continet τὴν σύνθεσιν τῶν πραγμάτων. Illa Herois est, hæc Poëtæ. Episodium est actio adjectitia, ex necessariâ quâdam connexionem cum actione, primariâ conjuncta, ut doctissimus Mambrunus *de Epico carm. part. 2. quæst. 6.* definit. Qualia multa in Epicum carmen solent compingi, pauciora in Tragœdias. Fabulæ præcipua virtus unitas est, etsi πολυμερὴς esse potest. Cum enim actionis imitatio sit, unius est; cui si peregrina cum actione, non connexa immiscentur, quod à multis fit, peccatum hæc in re maximum est. Episodiorum quoque licentia non debet essenimia, in quibus mul-

multum sibi indulgent, inter veteres Statius, ac inter recentiores Italos nonnulli. Cætera Poematis elocutio & dictio absolvunt. Hic Virgilii divinum ingenium non solum, sed & judicium admirari debemus, qui nullâ parte peccavit: cum infinita sint cæterorum Poëtarum errata. In indivisibili quasi perfectionis puncto poema consistit, ut nulla pars vel transferri vel subtrahi queat, quin totum illud varietur planeque immutetur. Omnia sunt in Virgilio summa: & Actio, & Fabula & Episodia, mirâ arte sibi respondent. Lucani Pharsalia cum ne fabulam quidem habeat, inter poemata locum non invenit, quem non canere, sed latrare dicebat Scaliger. Quam in elocutione, vocibus, sententiis, descriptionibus, omnique ornatu modestus, frugalis & in istâ frugalitate *ἐμφρανὸς* Virgilius est! ut plura cogitarit ipse, quam scripserit, plura cogitationi Lectoris ipse relinquat. Quam in tempore ille ingenii impetum cohibeat, judicii potius frenum, quam phantasiæ stimulos secutus, omnia argumenta loquuntur. Imprimis τὸ ἐμφρανὸν, & accurata Dialectices lineamenta in toto opere elucet. Descriptiones ejus, quam moderatæ, quam breves, quam efficaces! quanto verborum, quam inani profluvio cæterorum Poëtarum descriptiones laborant! ut non Scaliger solum, sed & Bussièrs in præfatione *Poëmatis de Scanderbeg* & Alexander Rossæus in *Virgilio triumphante* ostendit. In Expositionibus ille parcus. Quam frequens Claudianus (nisi fortè illi ut Panegyristæ plusculum indulgendum) & qui è recentioribus hunc secutus est Barlæus! Apud hunc decem, imò viginti versibus effertur, quod unò vel duobus expressisset Virgilius. Quare à castigatioribus sui temporis scriptoribus meritò ejus loquacitas damnata est, cujus ingenium facundum quidem, sed nullis habenis regebatur. Operæpretium est, quæ Criticus nostri temporis consummatissimus Grevius de eò in præfat. comm. in Florum judicat, hic adferre. *Sæpe stupiditatem nostri secuti sum admiratus, cum audirei, à plurimis, & qui sibi videbantur valdè sapere, Caspari Barlæi tantæ carmina fieri, ut cum optimis veteribus Poëtis compararetur. Ingenio nimium indulsit. Quantus enim in illò tumor, quantus optimè sonantium verborum ubique immanis strepitus. Ausim sacramento contendere, vix esse paginam, in Epicis præsertim, in quâ non aliquot versus reperiantur, sonori quidem & aures implentes, sed non animum, si illum attendas. Nulla enim subest sententia. Qui istis possunt capi, non possunt Virgilio, Catullo, Horatio delectari, aut virtutes illorum præstantiamque intelligere. Si enim nossent, quàm longè tumor abesset à sublimitate, nunquam hanc de Barlæo ferrent sententiam, qui fatetur ipse, se non excellentissimos ad imitandum Poëtas sibi proposuisse, sed Claudianum, sui quidem temporis Poëtarum omnium præstantissimum, sed sui temporis, quod ab aurâ plurimum degeneravit antiquitate.* Quid de cæteris fiet, si in hoc uno tot vitia depre-

hensa sunt? Imò fuerunt, quorum sagacitas in ipso deliciarum omnium magistro Ovidio declamatorias quasdam & superfluas argutias notarunt. Dramaticæ poësi accenseri quodammodo Bucolicum carmen potest, in quò quam Virgilii modestia & ἀφέλεια præ aliorum loquacitate & ineptiis laudari debeat, ostendit summus ipse Poëta & Poëtarum Censor Rapius in *Dissertatione de Carmine Pastorali* p. m. 124.

XIII. Vidimus de Eloquentiâ tam ligata, quam solutâ, quid in illa inepta loquacitate peccetur, sine respectu ad materiam. Tempus jam est, ut & aliqua de illâ dicamus, quatenus certo argumento inservit, & ex usu publico spectatur. Duplex itaque est CIVILIS & ECCLESIASTICA. De illa primum agemus. Civilis consistit vel in scribendo, vel in orando. Illa Historia est. Hæc pro variis functionibus in Republica varia. Si δικαστικὴν respicit, forensis est, in Advocatis: si βουλευτικὴν, vel Senatoris, vel Legati est. Si statum Reip. bellicum, militaris. Singulæ species suâ quâdam indole constant.

XV. HISTORICAM Eloquentiam ut primo loco expediamus, duo in illa attendenda sunt: Res, de quâ scribitur, & Elocutio, quâ scribitur. Illa veritatem & prudentiam comitem habet. Veritas requirit, ne quid vel dissimulet vel falsi narret, vel gratiæ tribuat. Eorum omnium moderatrix est prudentia, quæ præterea in causas atque eventus rerum intentum esse jubet, & in narrando μικρόλογον esse verat. Illa si recte observet & modum in iis teneat (etsi sunt, qui planè omni judicio Politico Historicum abstinere debere volunt) partes Historiæ pragmaticæ, qualem Polybius animo conceperat, implet: de quâ & doctè & prudenter Casaubonus in aurea illa super Polybium præfatione. Verum benè prospiciendum est, ne, ut sententiosi & acuti conjectores videamur, ea fingamus, quæ inter veras causas locum habere non possunt. Quod Tacito accidisse multi observant, & res ipsa loquitur: Quo nomine in acerbiores Scioppii & aliorum, quàm merebatur, censuram incurrit, qui Livium illi, nec fortassis injuria, in omnibus præferunt. Livium enim elegantissimè doctissimus Rapius alicubi vasto fluvio comparat, qui æquali cursu & impetu sonoro decurrat: Tacitum rivo abundanti, qui nonnunquam extra ripas feratur. Alterum illud λεπτολογίας vitium sedulo ipsi vitandum est, qualem in Junio Cordo notat & ridet Jul. Capitolinus in initio vitæ Maximini, qui in vitiis Imperatorum memorabat, *quoties processerint, quando cibos variaverint, & quando vestem mutaverint*. Talium minutarum emblemata in Monachorum Chronicis reperias, ut gallinam peperisse ova duos vitellos habentia, pueros à lupis discerptos & similia, quæ cum sæpè contingunt, frustra in illis se tenet Historicus. Sunt & qui ipsum Livium ob

super-

superstitiosam prodigiorum memoracionem hujus vitii incusant, à quorum tamen sententiâ alienus sum. Elocutio, quæ inter abruptam brevitatē & diffusam orationem media esse debet, variis corrumpi vitiis potest. Sunt qui puram & auream illam Cæsaris à Philonis omni Historiæ ornatu præferant, qui tamen inter commentarios, (quos Cicero nudos absque omni orationis ornatu esse ait) & historiam non distinguunt. Alii narratores, alii exornatores rerum. Non debet luminibus suis spoliari Historia, quibus illa ad poësin, Quintiliano teste, accedit propius, quicquid contra argutetur Benius Liviomastix. Quare & concionibus & orationibus locus relinqui debet: quâ de re argumenta in utramque partem videantur apud Vossium in arte historica c. 20. Paulum Benium de Historia lib. 2. n. 4. & 17. Aug. Mascard, dell' arte historic. tract. 2. c. 4. & Paulum Piranum da Pesaro in additionibus ad Masc. Art. historic. sect. 2. Sebastianum Maccium de Hist. lib. 2. c. 29. Amplificationes tamen oratoris exesse hic debent, figuræ vehementes, compositio periodica, atque universa illa dicendi forma, quæ causæ & actioni inservit. Ita Theopompi Chii dictio olim reprehendebatur, quod Isocraticæ oratoris similior, quam Historicæ esset.

XV. FORENSIS Eloquentia Ciceronis tempore alia facie, quam sub Imperatoribus, comparuit. Olim illa diffusior quidem verbis, sed & enthymematibus plenior, & omnibus dicendi figuris ornatior fuit. Tota postea mutata est in declamatorum scholis, & succiplenum ejus corpus, in nescio, quam maciem contractum est, cum abrupta brevitās, cum argutis subitaneis & de industria quæsitis illi successe. Utrobique major, quam opus erat, cura interdum artis & verborum adhibita, quæ fidem causæ sæpe derogavit. Erit, ubi ipsum silentium plus loquitur, quam cultissima oratio. Quemadmodum Pictor Agamemnonis dolorem in immolatione, filix expressurus, cum penicillo exprimere se posse diffideret, caput ejus obvolutum exhibuit. Ita Oratori in causâ gravissima significatio sæpe major erit, quàm oratio, ut ait Cicero in Bruto. Luculentum sanè ejus rei exemplum apud Plinium est lib. 7. Ep. 6. Is Vareni causam agens, cui cum Bithyni accusationem ob rationes provinciæ malè administratas intentatam remiserant, Fonteius tamen Magius unus è Bithynis intentare non cessavit, ad Macrinum scribit: *Assistebam Vareno & tacere decreveram. Nihil enim contrarium, quam si advocatus à Senatu datus, defenderem ut reum, cui opus esset, ne reus videatur. Multum me intra silentium tenui. Accepi enim, non minus interdum oratorium esse tacere, quàm dicere: atque adeò repero, quibusdam me capitis rei vel magis silentio, quàm oratione accuratissimâ profuisse. Cujus ille exemplum eò in loco subjecit. Sæpe etiam felicior hic extemporalis quadam dicendi*

audacia, quam omnibus artis præceptis instructa facundia. *Accidit enim, quod Quintilianus lib. 10. cap. 3. notat, ingeniosis frequenter, ut labore consumantur & in silentium usq; descendant, nimia benè dicendi cupiditate, qui illic narrat Julium Florum, Julio Secundo, infinitæ curæ homini, qui per tri-
dium in inveniendis exordio se maceraverat, dixisse: Numquid tu melius dicere vis, quam potes?*

XVI. Verum mittimus illud eloquentiæ genus, quod hodie mutatâ fori facie, penè in desuetudinem abiit. Regnat in sublelliis SENATORUM gravissimum Eloquentiæ genus, quâ de caulis publicis ac arduis deliberatur, cujus summa atque Princeps regula est, quam Fab. lib. 8. cap. 3. præscribit: *Non debet quinquam, ubi maxima rerum momenta versantur, sollicitus esse de verbis*, nam ubi ars ostentatur, veritas abesse videtur, & ipsa materiæ sublimitas faciliè verba ostendit. Hanc ob causam ipse quoque Arist. lib. 3. Rhet. cap. 1. v. 15. statuere non veretur: *Τὸ πρὸς τὴν λέξιν δοκεῖ Φοβερὸν εἶναι καλῶς ἀπολαμβανόμενον: quod ad Elocutionem pertinet, si quis rectè reputet, totum leve & importunum videtur; Ibidem v. 17. τὰλλα, ἔγωγε ἀποδείξαι πρὸς ἕνα θῆν. Cetera, quæ præter probationes adducuntur, supervacanea sunt, & lib. 1. cap. 1. v. 6. αἱ πίσεις ἐν τεχνῶν μόνον, τὰ δὲ ἄλλα πρὸς ὀνήκει. Solæ probationes ad artem pertinent, cetera appendices sunt.* Eleganter itaque lib. 3. cap. 12. v. 18. elocutionem deliberativi generis, umbratili picturæ similem facit, in quâ, è longinquo positâ, diligentia exprimendorum colorum, & quæ exquisita sunt, supervacanea & deteriora videntur, cum ars non conspiciatur. Alia verò Principis, alia Ministri oratio. Illi autoritas partem persuasionis maximam occupat. Huic ad ingenium rerum, temporum, personarum, accommodanda est oratio, ne ipsi objici possit, quod in Claudio reprehendit Svetonius: *illum non cogitasse: quis, inter quos, quove tempore ac loco verba faceret.* Ex ore ejus, ut Cicerō in Oratore, *verbum nullum, nisi elegans ac grave exire debet.* Fugienda tamen, eodem Cicerone monente, *vel pragmatico homini nimia concinnitas*: neque in locos communes, à quibus politica eloquentia longissimè abesse debet, digrediatur. Sententiis gravibus potius & probabilibus, quàm concinnis, utatur, & argutulo illo dicendi genere, quod è Sophistarum fontibus, teste Cicerone in Oratore, *in forum defluxit, sed quod spretum à subtilibus, repulsum à gravibus, planè abstineat.* Quare omnino ἐκ τῆς ἀσωφρόνης βადίζουσι, qui ad Oratorem politicum formandum omnem illum apophthegmatum, argutiarum, similium, emblematum, historiolarum apparatus scholasticum afferunt. Delphinum sylvis appingentes fluctibus aprum. Rationes hic omne punctum ferunt, non ornatus verborum vel figurarum nimius. Nihil in aulâ magis sordet, quam quod Scholam sapit, cujus exempla supra

§. II. adduximus. Scilicet *Pastillos Rufillus olet, Gorgonius hircum*. Imò eo se demitteret sæpe noster Orator, præsertim quidpiam literis mandaturus, ut à dictione multâ sibi temperet, & familiaribus illis loquendi formulis, ringente etiam Prisciano, & omni Grammaticorum senatu, advescat. Valet hic illud Æschyli; ἢ σιγᾶν, ἢ λέγειν τὰ κατὰ.

XVII. Præcipuè LEGATO ea lex dicta esto: ne quid temerè dicat, ac ineptâ oratione impingat. Meminerit enim non sibi se loqui Orator, sed Principi & Reipublicæ, cujus ille sensum, vocem & spiritum repræsentat. Vel in unius hominis prudente & animosâ lingvâ salus hæret Reipublicæ, ut exemplo Demosthenis constat, cujus ore iterit & adversus Philippi insidias se defendit Græcia. Hoc Legati charactere qui insignitus est, ut ab ipso Principe & negotio animos sumit; (observatum enim est, modicâ dicendi facultate per se instructos, autoritate tamen ipsâ nonnunquam persuasisse,) ita operam dabit, ut nihil, quod à personâ dicentis vel audientis alienum sit, admittat. Præprimis brevis esto, neque nugamentis superfluis aures oneret, quibus negotium in discrimen adducatur. Testantur historix, quomodo loquaces Samiorum legati à Lacedæmoniis elusi, qui ita responderunt; *prima sibi, quia remota, excidisse: media, quia nimia, sine attentione effluxisse; ultimis verò se annuere non posse, cum cetera non perceperint*. Similiter Abderitarum Rex loquaci oratori responsum urgenti regessit: *Abi, & te quoque meam mibi orationis partem præripuisse, tuis nuncia*. Nihil verò facetius, quàm historia illa de duobus Legatis Perusinis, è quibus alter, cum ineptâ prolixitate molestiam creasset Urbano V. Pontifici ægro-tanti, idque collega animadverteret, ut hoc erratum emendaret, subjunxit: *sibi in mandatis datum esse, ut nisi brevi votis potirentur, ipse quoque tam longam orationem depromeret*. Quo joco tædium orationis mitigatum, & quod petebatur, indultum fuit. Ut breviter & aptè loquatur legatus, præmeditatus dicat, & tum quidem, cum ad princeps negotium accedit. Præmeditatio orationis cum objiceretur Demostheni, quasi verba velut scripta loqueretur: *Omninò, respondit: non enim scripta solum, sed sculpta si possem, dixerò*. Ipse quoque Augustus, notante Svetonio cap. 84. è scripto sæpè dicebat, *ne plus minusvè loqueretur ex tempore*. Sed tamen & ex tempore, ubi opus, loqui sciat *promptâ illâ & profluente*, quam in eodem Augusto Tacitus laudat, *eloquentiâ*, ne commoda & mollia fandi tempora ipsi pereant, ac rerum præsidiiis, cum verba illum destituunt, destitutus videatur. Præstat tamen omni temerariâ loquacitate brevitatis & silentium: nam secuta illa nec affectata eloquentia fidem dicentis auget. In brevitate plus pensandum relinquitur. Ac est interdum, ubi abrumpere sermonem utile est, ut majus aliquid restare credatur: cum verbosus nihil, quod dicat, reli-

quum

quum habere videatur. Præterea si quid silentio peccatur, emendari potest, cum loquacitas & temeritas in dicendo nonnisi pœnitentiam producat. Cujus exempla plurima cumulavit Vicquefortius lib. 2. de legatis eorumque functionibus cap. 7. Videndus & Marselarius lib. 2. dissert. 36. 37. 38. Multa quoque, quæ ad prudentiam Oratoris civilis pertinent, Böclerus in Dissertatione *de Eloquentia Civili* persequitur.

XVIII. MILITARIS Eloquentia, quâ Dux ad milites utitur, auctoritate potius, quàm nitore verborum & longâ oratione constat. Corbuloni Duci, cui *magnifica oratio non defuit*, ut ait Tacitus, *ausaritas pro facundia fuit*, & Vespasianus quoque apud milites *militariter locutus*, eodem teste: neque Drusus, etsi *dicendi rudis*, milites seditiosos infeliciter allocutus est. Onosander in Strategico, & Leo in Tacticis hanc eloquentiam Duci commendat. Eandem in Julio Cæsare Svetonius laudat, quâ ille *inclinatas acies sapè restituit*. Verùm inepta hîc esset facundia certis regulis & periodicis dimensionibus definita, quam rei præsentis necessitas respuit; ut ridiculus videatur Homerus, qui Heroibus suis non modò inter se, sed & cum hostibus longas sermocinationes, in mediis etiam periculis & subita omnium rerum desperatione affingit: quâ in re prudentior Virgilius, qui nunquam extra iudicii hîc limites abit. Hanc prolixitatem quoque in Ephori Theopompi Anaximenis oratiunculis damnat Plutarchus. Mirum itaque non est, unam vocem *Quirites* ore Cæsaris prolatam plus efficaciam habuisse apud milites, quam longas aliorum orationes. De illo Balzac. *Oeuvres div. disc. 1. Les soldats se fussent moqués d'une douzaine d'oraisons de Cicéron, & ils se rendent à une parole de César.* Idem in disc. *de la grande éloquence* Gustavi Adolphi eloquentiam militarem mirificè extollit, & exemplum Henrici IV. adfert, qui sola illa compellatione, *Faites comme je femy*, efficacius, quàm prolixò sermone milites in pugnam accendit. Et sanè ubi festinatione, alacritate, concitatione animorum opus est, loquacitate nimia potius obtunderet, quam exaceret animos; quemadmodum ineptus esset, qui milites ad pugnam per cantum animaturus, fidium concentum, & molliores Musicæ modos, quam tubarum & lituorum acres & incitatos, brevibusque intervallis finitos, & in se redeuntes sonos adhibere mallet. Plura de hoc argumento doctissimus Naudæus in *de studio militari, lib. 2. sect. 3. num. 2. pag. 487.*

XIX. Subjicimus Oratoriæ Civili ECCLESIASTICAM, quæ iisdem principiis superstructa est, quicquid etiam nonnullis videatur: etsi suo quoque à reliquis distincto charactere gaudeat. Nam cum, observantibus eloquentiæ magistris, tot eloquentiæ penè genera, quot causæ sint, & ipse Aristoteles lib. 3. cap. 12. elocutionem deliberativi generis, ab elocutione

cutione demonstrativi & judicialis sollicitè distinguat: diversitas illa à civili in sacra quoque eloquentiâ agnoscenda est, quam pulchrè ob oculos posuit Franciscus Panigarola, ipse magnus eloquentiæ sacre magister, in quæstionibus præliminaribus, commentarii super Demetrii Phalerei librum de Elocutione Italicâ lingvâ scripti: ut ea, quæ ad laudem hujus eloquentiæ studiumque ejus in Patribus pertinent, doctè pro more suo congescit, Cresollius *Myrtagog. lib. 2. cap. 18. sect. 2.* Hic vero unicè notandum est, nihil magis orationem sacram ornare, quàm illam in tacendo eloquentiam.

XX. Quare inter præcipuas orationis sacre virtutes vel eam ob causam BREVITAS est. Cum enim potissimam cultus divini partem constituent preces, hymni, lectio scripturarum, gratiarum actiones, & si quid præterea est hujus generis, his quasi appendicis loco in veteri Ecclesiâ accesserunt paræneses ad populum, sed breves, quæ intra horam, imo dimidiæ horæ spatio finirentur, ut sunt pleræque Patrum Græcorum & Latinorum homiliæ, quas hodie superstites habemus, quorum aliqui summâ eloquentiæ laude floruerunt, imo ipsam professi fuerunt. Diserte Basiliius Magnus ostendit, suo ævo ultra horam non durasse has orationes. Nam sermonem in Psalm. 14. cum absolvere non potuisset, postridie ea, quæ restabant, novâ oratione complexus est, ejusque hanc causam subjungit: *Hesternâ die, inquit, super Psalmo XIV. sermonem apud vos habuimus, quem sub horæ spatio permitti non sumus absolvere: nunc autem ut certi debitores reliqua, quæ restabant, libenter exsoluturi venimus.* Gregorii M. Leonis M. homiliæ intra horæ dimidium facile finiuntur. Rationem ejus brevitatis pulcherrimam suppeditat Patrum Græcorum politissimus & eloquentiæ arte præcipuè clarus Gregor. Nazianzenus *Orat. 40. in S. Bapt. init. Sermonis saxietas est auribus inimica, non aliter atque cibus immoderatus & nimius noxius corpori.* Imo hoc in more positum fuit Patribus, ut in medio cursu, cum permotos suâ oratione auditores vel è lacrymis vel ex plausibus eorum cognoscerent, illam abrumperent. De quibus aliisque præterea ritibus copiose egit Franciscus Bernardinus Ferrarius, singulari libro de ritu sacrarum Ecclesiæ concionum. Videri idem potest de veterum acclamationibus & plausu *lib. 5. quo agit de Acclamationibus Ecclesiasticis, & Hildebrandus quoque de veterum concionibus cap. 3. §. 12.* Omnino itaque valet hic Arabum Adagium: *Bonitas orationis in Brevitate, & illud Pindari: βασιλ' δ' ἐν μεγάλῃ παύσειν ἀκούειν ποσειδ.* Pauca in prolixis vario artificio sermonis ediffere, auditio sapientibus grata.

XXI. Ut in oratione Civili, ita & hîc OCCULTATIO artis necessaria, eoque magis, quo majorem sublimitas argumenti, omne illud humanæ eloquentiæ ὑψὲς excedens, & singularem quandam ac divinam in-

dicendo ἀφιλεῖν & καθάρειν requirit. Quod cum viderent nonnulli, in eam sententiam parum cautè prolapsi sunt, quasi nullus esset eloquentiæ civilis in sacris usus, sed excludi omnino deberet: Cum, si quid hic peccatur, non artis culpâ, sed artificis contingat, qui prudentia in præceptis eloquentiæ argumento sacro applicandis destituitur. Scilicet arte Rhetoricâ non aliter ut serperastris utimur, quæ abjicimus, cum nostris talis consistimus, & latera totamque corporis compagem firmatam habemus Viri. Sed tamen occultatio artis non nisi per artem ipsam discitur, ut in pictura, qui circino *συμετρεῖν* partium primum dimensus est Pictor, cum habitum illum jam consecutus est, melius absque circini usu pingit, res oculis exponens, non quales sunt, sed quales è diverso positu intuentibus apparent. Quare omni studio cavebit Orator sacer, ne Sophista & Declamator videatur, quem plurimi nunc, quam veri Oratoris titulum, malunt. Meminerit Ecclesiastes, aliam esse legati, quam privati eloquentiam. Illi enim cum præcipuam persuasionis partem constituat autoritas & rei dignitas, Ecclesiastes vero quasi DEI nuncius videri possit, qui voluntatem divinam auditoribus suis proponat, ita se alliget arti, ne quid argumentum suum dedeceat: dedecabit autem, si magis ex artis præscripto, quam ex ipsius rei argumentis loqui deprehendatur. Quod cum humani ingenii commentum non solum, sed præterea etiam sophisticum quid ostendat, multum divinitati argumenti dedecet, quod *non in persuasibilibus humane sapientie verbis, sed in ostensione spiritus & veritatis* consistit. Petri hoc monitum est: 1. Ep. c. 4. v. 11. *Εἰ περ λαλεῖς, ὡς λόγια θεοῦ. Ἰνα ἐν πάνσι δοξάζηται ὁ θεός.* Ineptæ itaque hîc sunt Dialecticæ illæ nonnullorum in argumentationibus, divisionibus & subdivisionibus argutiæ, quæ cum à civili eloquentia relegandæ sint, multo magis hic exesse debent, licet illis occulte nonnunquam utatur Orator. *Frigidum fuerit, inquit Erasmus. in Ecclesiast. lib. 2. ea apud populum inculcare, cum tamen interim his omnibus utatur Ecclesiastes, sed occultans artem, & ratiocinationum argutias sic explanans, ut multitudo sentiat, verè dici potius, quam ingeniosè.* Memorabili hoc exemplo Patris Castilionis ostendit summus eloquentiæ civilis & sacræ censor Rapius, in libro Gallico, cui titulus *Reflexions sur l'Eloquence de la Chaire, circa finem*, quàm artis occultatio omnes eloquentiæ sacræ numeros absolvat. Ejus verba, ut Gallicè sonant, hic adducemus: *Sous une apparence de simplicité & de negligence il couvroit l'artifice le plus grand, qui ait jamais esté. Cette negligence mesme estoit accompagnée de tant de graces, qu'il charmoit toujours, parce qu'on estoit persuadé par sa façon de parler, qu'il ne pensoit à rien moins, qu'à charmer. Son souverain talent estoit le secret, qu'il avoit trouvé de faire croire, que tout son art estoit naturel: parce qu'il estoit*

estoit caché sous la negligence la plus étudiée, qui fut jamay. Legi illic cætera possunt, quibus characterem illius viri describit.

XXII. In INVENTIONE ipsâ multa *ἀπὸ τῆς αἰτίας* occurrunt, cum adferuntur sæpe, quæ extra rem posita sunt, ac plane extra oleas vagantur. In ipsâ Thematum indagatione nonnulli ingenii impetus, quam artis regulas sequi malunt. Nam vel propositiones speciales omnibus totius anni pericopis indistinctè applicantur, vel adeo generales illæ formantur, ut omnem totius Theologiæ fundum exhauriant, verbis textus utcunque, cum in finem derortis, atque ita locis communibus omnia impleantur. Quæ etsi non incommodè sæpè fiunt, tamen libri potius, quam brevioris sermonis res est. Vel propositio aliqua metaphorica textui simplici maximeque dogmatico infertur. Accedunt emblemata, nescio quem cultum peregrinum spirantia. Quo fit, ut non argumenta rebus, de quibus dicitur, ut fieri æquum est, sed themata locis communibus serviant. Quæ omnia è Dialecticis illa & Rhetorices *ἀπὸ τῆς αἰτίας*, apud homines cæteros, quin doctos & ingeniosos oriuntur, cum ingenium & eruditionem ex ornatu ostentare malunt; quàm ex argumentorum nervis & robore ostendere prudentiam, quæ sola animi fundum penetrant: cum cætera in auribus hæreant, & solâ novitate placeant. Et verò, ut perpetuus rerum inter se analogismus est, ita ingenioso homini facillimum est, quidvis de quovis dicere, atque ita aptare, ut & concinna & arguta videantur, ac placere auditoribus, etiam eruditis possint, nam horum gratia plerumque talia fiunt. Verum alia sunt, quæ Oratorem sacrum decent & ornant. Vidi, qui omnes totius anni pericopas vel ad flores, vel ad gemmas, vel ad historiarum Indicarum rariora dirigerent, intempestivo & theatro hoc apparatu populo delicias facturos, quos divinerum argumentorum maiestate dignòque illis eloquio commovere debebant. Quorum institutum non abluere ab illorum more viderur, qui calendaria nunc scribunt, iisque novos jam è medicinâ, jam è culinâ, jam ex artificialibus, & omnis historię genere titulos conquirunt. Sed quocunque etiam ingenio illa incrustentur, quibuscunque etiam coloribus pingantur, (sunt enim qui acutissimo in illis versantur ingenio) *ἀπὸ τῆς αἰτίας* tamen omnia sunt, quoniam extra veræ eloquentiæ fines posita, & ut strumæ quædam τὸ σῶμα τῆς πύλης deformant, ejusque succum & vim extinguunt. Neque sanè cathedra sacra ut scena instrui debet, in quâ voluptatis magis, quàm usus ratio habetur.

XXIII. In argumentis primum occurrunt ΛΟΓΟΙ sive docentia. Ea è locis communissimis, communibus, & propriis tam Rhetorum, quàm eorum, quæ Theologia illis subordinat, ita desumenda sunt, ut oratoris illa prudentia omne hic punctum ferat. Nam Enthymemata hîc more ora-

torio formari posse, pulchrè exemplis demonstravit Franciscus Panigarola *comm. in Demetr. Phaler. Part. 1. particell. 23.* Quare id præcipuè cavendum est, ne intempestivo alienarum meditationum usu nostri judicii robur, enervemus. Illi enim, qui alienis uti malunt, quam suis, suum genium exuunt, ut alienum, quem non habent, induant. Non possumus aliorum meditata nobis accommodare, nisi illa in nostra quodammodo transfigurentur. In mysteriis verò proponendis ita olim versabantur Patres, ut hæc quasi præteritionis formula uterentur: *Hoc fideles norunt: τὸ τοῦ ἱεροῦ ἡ μυστηριώδης.* Malebant enim sacro quodam silentio uti, ne nondum initiati aut cæteri homines illa, quæ non intelligebant, contemnerent. Accensentur docentibus argumentis, quæ ad ἐλεγχον pertinent. Hic verò, si usquam, illud Plutarchi valet: *σοφὸν εὐκαιρῶς σιγῇ, καὶ πάντῳ λόγῳ κρείττων.* *Tempestivum silentium est sapiens, ac quavis oratione potior.* Nam si doctrinam spectes, quantum ex intempestivâ & immaturâ reprehensione, è vocum novitate, malorum in populos serpsit! quæ non hæreses & schismata inde exorta! Quot illa simultalibus, odiis, cædibus, bellis ansam dedit, quorum multa apud Vedelium in aureo planè libro, *de prudentia veteris Ecclesiæ, Proleg. cap. 6. & lib. 3. cap. 3. & 4.* ac passim notata videntur. Adde & Gregor. Nazianz. Orat. 26. de moderatione in disputationibus servanda. Si morum emendationem spectemus, eâ hic modestia esse convenit, ut, nisi tubera offendant, verrucis ignoscamus. Qui hic vel naturæ, vel ætatis vitio, vel rerum civilium imperitiâ peccant, nimis quàm decet, *Φοβητοὶ*, cum vel *prave scitum stomachantur ob unguem*, plus destruunt, quam ædificant, & de judicii sui, imò & charitatis opinione apud auditores datrahunt, quæ omnibus Angelorum & hominum lingvis potior est. De his elegantissimè Rapinus in libro supra laudato §. 26. *On traite indignement la parole de DIEU, de la réduire à de amplifications pueriles de petits sujets, & à de pures bagatelles, dans le grand nombre de matieres importantes à traiter, que peut fournir nostre religion. Comme font par exemple ces petits Predicateurs, qui font les zeles conte les mouches, les garnitures, la coiffure, & les autres vanitéz des femmes.* Pleraque illa orationum sacrarum argumenta è genere deliberativo, rarius è demonstrativo genere petuntur, etsi vel maximè suppeditare textus videatur. Quare prudenter Philippus Melanchthon lib. de offic. Concionatoris Part. 2. operum fol. 3. svadet, excludendas ex ecclesiis orationes illas, in quibus CHRISTUS ita prædicatur, tanquam in declamatione Camillus aliquis aut Themistocles, eamque ob causam Nazianzenum & Chrysostomum reprehendit, qui nonnunquam ut in ludis declamant & CHRISTUM laudant, cum oportuisset non de CHRISTI factis, sed de consilio dicere, & quid credere, quid sperare,

nos voluerit CHRISTUS, ostendere. H^oH in Oratore sacro plus quam alia argumenta præstant. Nam si Orator Civilis, Vir bonus; multò magis pius & humilis noster esse debet. Plus sincera pietas, etiam cum silet, loquitur, quam speciosa argumenta. Sic de P. Suffrendio Rapius l. c. §. 22. ait, prius illum pervasisse, quam ullum ore verbum proferret. Quæ vis propemodum magica est. Magiæ certè partem Campanella *Rhet. cap. 3. art. 1.* facit Rhetoricam. Quare si prava de Oratore opinio animos auditorum occupaverit, omnes ut hypocritam, qui in theatrum venerit, aliam quam ipse ferret, personam sumpturum averfabuntur. Nec in ΠΑΘΕΣΙΝ extra orbitam feratur, ne in παγένηυπον incidat. Et solet plebs inani figurarum strepitu, soloque dicentis accentu & actione moveri, cum nec alias facile afficiatur animus, nisi tumultu in sensibus excitato. His placere possunt declamatores tales, qualibus nescio quis hanc concionandi regulam præscripsit: *Percute cathedram fortiter, respice crucifixum torvis oculis, & nihil dic ad propositum, & benè predicabis.* Est ubi argumentorum amplificantium magnus usus est, ut ostendit Hyperius de *Ferm. Cont. lib. 1. cap. 15. Carbo Rhet. div. lib. 4. cap. 1. 2. 3.* In figuris tamen amplificationum parcio-rem esse convenit, ne fastidium gignant: Actio quoque comitabitur argumenta, sed quæ à scenica & civili discrepet. Modestia enim argumenti omne Φορτικόν excludit.

XXIV. E DISPOSITIONE quoque Oratoris sacri elucebit prudentia, si ita partes tribuat atque connectat, ne vel βυκέφαλον, vel μέσσην fiat oratio. Præexordia solam nominis divini invocationem, ut excitaretur pietas & attentio auditorum, olim continebant. Quibus si peregrina immisceantur, pietatis ardor retunditur. Non sine causâ itaque Rapius *lib. laudat. §. 27.* pomparica (ut vocat) præludia, de concupiscentia, peccato originis, gratiâ, aliisque locis communibus improbat. Ipsorum Exordiorum (quæ interdum omittuntur) in Patrum homiliis mira brevitatis: nam periodis aliquot absolvuntur, neque separatim thema continent. Ut mirum sit, reprehensam aliquando, ob productiora sermonum initia, fuisse Chrysostomum, qui publicè gratias monenti agit, *princ. serm. de ferendis reprehensionibus hom. 9. de laud. D. Paul.* Quis ferat itaque morem nonnullorum, qui è capitibus librorum Biblicorum ordine illo, quo se insequuntur, exordia ad pericopas totius anni Evangeliorum obtorto quasi collo trahunt? Infelix Orator, qui ut cantherius in porta titubat, aut navem, dum è portu egreditur, impingit. In singulis porro membris, argumentis & partibus ita se geret Orator noster, ne finium regundorum iudicio opus sit, aut supersticiosa ipsi sit, vel nulla diligentia.

XXV. ELOCUTIO etsi, ut in oratoria civili, supervacanea esse videtur:

detur: sciendum tamen, singulare hic dicendi ὡς esse, cujus character ē Prophetis, Apostolis, Pauli imprimis Epistolis, hinc Patrum Græcorum, Basilii, Chrysostomi, Gregorii Nazianzeni & quorundam Latinorum sermonibus ducendus est. His nos Germani, Viri summi, Martini Lutheri sermones sacros addere possumus, quibus magnus eloquentiæ succus & spiritus inest, etiam cum omnem cultum abjecisse videtur, & paucos præterea alios, præ quibus facile aliquis cymbala illa & æra tinnientia contemnat. Verè enim, quod suo tempore Quintilianus lib. 4. cap. 1. dicere possumus: *Veterum circa occultandam eloquentiam simulatio multum ab hac nostrorum temporum jactatione diversa.* Imprimis verò tota illa Dictio & Elocutio Biblica, tum quæ simplices phrasæ, periphrasæ, sententiæ: tum, quæ adagia, similia, metaphoras, figuras in succum sanguinemque vertenda: In his ὡς illud reconditum est, quorum particulam exiguam, ē verbis Moſis γενέσθω φῶς, καὶ ἐγένετο, Longinus mirificè laudat. Verum in Prophetis non solum illud Longini ὡς, sed & omnes illas Hermogenis ideas observes; in Eſaia sublimitatem: in Jeremia σφοδρότητα; in Ezechiele, σμύνητα & τραχύτητα, in Daniele teneritudinem, in Cantico Canticorum γλυκύτητα, in Psalmis Davidis omnes Poëtici & soluti sermonis elegantias: ut itaque quicquid humana industria sparsim excogitavit, in divina eloquentia cumulatum videatur. De novo fœdere valet illud ipsius Salvatoris: *Verba, quæ locutus sum vobis, spiritus est & vita sunt.* Job. 6. Paulinæ eloquentiæ artificia extollit Rittershusius *Sacrarum Lectionum lib. 4. cap. 13.* Scoreas itaque auro immiscent, qui peregrinum sententiarum, argutiarum, emblematum, allegoriarum (quarum immoderatum usum reprehendit Erasmus in Ecclesi. lib. 3.) historiolarum ē profanis autoribus paratum, laboriosas allegationes orationi sacræ inferunt. Qui cum flores quæerunt, fructum rerum perdunt. Fuere inter patres alioquin eloquentissimi, qui omnes latinæ linguæ elegantias exuerunt, rustico sermone, barbarismis & solæcismis scatente usi, ut populus intelligeret, neque tamen sacræ eloquentiæ gloriam amiserunt. Cujus specimen in Arnobii sermonibus super Psalmos luculentum est, super quos legenda est aurea Erasmi præfatio multa hujus argumenti continens.

XXVI. Multa nobis dicenda superessent. Sed abrumpenda tandem est hæc dissertatio, ne qui *Eloquentiam in tacendo* proponimus, adversus illam hic peccasse videamur. Illam ita hic recolamus, ut quæ solius VERBI est, & circa ῥήματα ἄρρητα versatur, eloquentiam in cœlis aliquando discamus.

F I N I S.

DE

DE
PATAVINITATE
LIVIANA
LIBER.

DE
URBANITATE ET PEREGRINITATE
SERMONIS LATINI UNIVERSE
AGITUR.


ILLUSTRI AC GENEROSISSIMO
DOMINO
VITO LUDOVICO à Sedendorff/
TOPARCHÆ in Oberzenna/ Meuselwitz/
& Modelstein/ &c.

Potentissimi ELECTORIS ac DUCIS Saxoniae,
Postulati Administratoris Naumburgensis
Consiliario Intimo, &c.

DOMINO ET PATRONO
summè observando.

D. D. D.

D. G. MORHOFIUS D.



ILLUSTRIS AC GENEROSISSIME
D O M I N E

Cum pro more veteri Patronum huic libello circumspicerem, illustre tuum, totique Orbi literato venerabile nomen occurrit, quod in hoc vestibulo, ut Hercules alicujus Musageta statuem & honoris & auspicii gratia ponendum duxi. Quas enim in Te dotes universa suspicit Germania, cujus Tu summum ornamentum es: quas omnis eruditorum populus extollit: eas ut jamdudum animo praecepi; ita ut tenui hoc quidem, sed submissi tamen affectus documento propius nunc venerarer, nescio, quâ religione sum compulsus. Si generis in te splendorem laudamus, quamquam is summus est; in laude tamen tuâ id minimum est. Sic enim virtutibus, illis artibus generosam illam mentem percoluisti, ut divinarum, humanarumque rerum, quae in Te est, scientia Nobilitati plus ornamenti; quam illa literis attulisse videatur. Est verò Generis ac Eruditionis tanta in Te conspiratio, ut cum alii vel Nobilitatis officere luminibus literas, ac propterea contemnendas arbitrentur, vel levi earum colore tincti arroganter & ineptè de studiis ingeniorum judicent; Tu admirabili solertia id affectus sis, ut quâlibet in arte ac disciplinâ ultra magistros etiam ipsos sapias, & censoris etiam partes sustinere possis. Felices olim artes pronuntiabas Fabius, si de iis non nisi artifices judicarent: felicissimos esse cum artibus doctores existimo, qui Te Tuâque similes judices experiuntur. Nam ut homine imperito nihil est injustius: ita nulla major eruditis accidere calamitas & molestia potest, quam ab inscitis Censoribus, qui tamen supercilio suo omnia metiuntur. Privata illa in Te Virtutes & Artes sunt; etsi ultra privatorum & hominum tui ordinis sortem: Sed enitet Architectonica illa scientia, quae inter atatis nostra Heroas Togatos Te reponit. Quis nescit, quam salutaribus Tu Principum

Germanorum aulas monitis instruxeris? quorum imperandi artes cum ad prudentia tua amissim exegisti, & in quandam, ut ita dicam, disciplinam compegisti, Te quasi magistrum quendam & antesignanum habent, quem respiciant, qui Principum rebus præsant, siquidem in ejus & Reipublicæ salutem omnes suas curas designant. Neque praeceptis Tu tantum discretus & canorus, ut multi philosophia sententia, ignava opera sunt; verum, quod verè prudentia & Architectonici erat, ipse clarissima in oculis, in luce omnium artis tua exempla statuisti, quae grato animo agnoscunt Principes, laudant Civis, exteri imitantur, posteri admirantur. Quae cum omnibus experta perspectaq; virtutes sint, vix invenit in Germania doctissimus ingeniorum aestimator Böclerus, prater Boineburgium & Forstnerum, (at quos Viros!) quos tecum conferret & contenderet. Nihil ego nunc dico de familiaritatibus Principum, qui à Te velut Oraculo responsa expectant: nihil de meritis dicam, quibus Respublicas, Ecclesias, Academias, Scholas Tibi ostrinxisti, quorum perpetua in Civium tuorum animis memoria habebit. Quas ego causas habuerim, cur Tibi inscriberem libellum, qui inter quotidiana rerum nostrarum tedia in lucem protrusus est, facile quis augurabitur. Quem enim tam illustre & in hoc generis splendore sine exemplo cruditum Nomen non pellegerit? Accedit favor ille tuus eximius, quod me non visum complecti non es dedignatus, & honesta illa de studio meo opinio, de qua amicus noster & inter Academia Lipsiensis decora merito nominandus Clar. MENCKENIUS copiose ad me perscripserat. Quo iudicio ut me non mediocriter ornatum intelligas; ita his quanquam tenuibus officiis voluntatem quatenusq; animum remetior. Si libri argumentum spectaveris, neque hoc Tuo Namine indignum erit. De sermonis Romani, qui Consulum, qui Patriciorum, qui Equitum erat, nitore, quam urbanitatem dixere, disquiratur. Leuium Historicorum Romanorum Principem, & ipsum Equitem, adversus Rellianum Patavinum insinulantem defendo. Nihil hic, quod vel dignitatem, vel ingenium tuum dedecet, qui in patricia causa sedere iudex non gravaberis, & ista animi solertia omnes hujus argumenti recessus jamdudum ita exhaustisti, ut ad Te totum ejus rei arbitrium rejiciendum esse duxerim: à cujus splendore multum huic quoque libello lucis me feneraturum sperabam. De cetero, ut inter Tuos numerari clientes summo mihi honori duco; ita ut in favore illo, quo me non indignum judicasti, persistere velis, etiam utque etiam à Te contendo, Proxime salute & incolumitate ut perperua mea vota sunt; ita, DEO valente, eventurum auguror, ut consiliis tuis Principes, praesidio Respublica, patrocinio docti amplexq; boni, Ornamento Germania atq; universus Orbis literatæ quam divitissime fruatur.

Scribebam KilouL. Idibus Septembris,

Anno cLc LXXXIV.

CAP. I.

T. *Livii laus, ejusque amuli. Liviani libri deperditi. Supplementa Freinsheimiana. Fragmenta & libri diversis temporibus à Bibliothecis eruti. An in Anabum Bibliothecis à Latino in Anabicum conversi libri omnes supersint? Conjectura à Leone Africano. Conringii judicium. In Bibliothecâ Constantinopolitanâ à Regis Gallia & Magni Ducis Florentia legatâ frustra questâ. Mercator Gracus Regi Christianissimo venales obtulit. Sed non stetit promissis. Emsmus Roterodamus occasione librorum à Simone Grynao invenorum Principes ad reliquos conquirendos adhortatur. Codex integer à Fregusio Scotorum Regulo in Hebridâ insulas delatus. Pauli Jovii testimonium. Codex integer à Bibliotheca Druntheimensi per Martinum Gröningum erutus & Pontificis Bibliothecario Beroaldo oblatus perit. Testimonium à MSCto Chronico Bremensi. Philippus Beroaldus quis fuerit? Verosimile est, eundem esse hunc Codicem Norwagicum cum Scotico. De cadum ineditarum aliquot fragmenta apud Gallos in Spharisterio ab amico quodam Capellani inventa. MSCtorum Codicum varia fortuna. Laus Marquardi Gudii. T. Livii elogium à Maccio. Ejus Historia Liviana. Transitus ad Patavinitatem Livio objectam.*

Magno semper in pretio habitum Livium rerum Romanarum Historicum gloriosissimum, nemo est, qui ignorat. Postquam ille Patriæ rebus manum admovit, & felicissimè ab urbe conditâ ad sua usque tempora, non interruptâ serie, annales pertexuit, adeo omnibus illè historiam Romanam numeris absolvit, ut scriptorum, qui ante ipsum fuerant, memoriam utius propemodum deleverit, & quod armis sibi nomen Romani acquisiverant, ille literarum gloriâ immortalitati consecrârit. Agnoverunt viri ejus merita ac depradicârunt, populares non tantum, sed & à Gadibus Roman venerunt, teste *Plin. lib. 2. Epist. 3.* peregrini, qui illius videndi cupidine ducebantur. Non defuerunt tamen, inter ipsos ejus Cives, quidam ingrati adeo, ut quem ob honorem genti suæ habitum omni officiorum cultu prosequi debuissent, conviciis tamen prosciderint, ejusque famæ apud suos & posteros, iniquis judiciis detrectârint. Quod cum occultè facerent nonnulli, inter quos Plinium referre possumus, qui in historiæ suæ naturalis præfatione animum in ipsum iniquum prodit; alii palàm virus suum evomuerunt. Inter hos morosus ille æqualium suorum Censor Asinius Pollio fuit, qui nescio quam PATAVINITATEM illi objecit. De quâ cum inter eruditos disceptari soleat,

nos quid de eâ sentiamus, hâc Dissertatione disquirere constituimus.

Nolo hic in Livii vitâ, iisque, quæ ad illam pertinent, recensendis, ejusque elogiis, quæ plenâ manu alii congesserunt, inanem insumere operam. Vossius, Bonifacius, Sigonius, Livianorumque operum editores sollicitè illa omnia conquisiverunt. De libris tamen ejus, quos multos & vastos scripsit, adeo ut Martialis totam iis Bibliothecam suam occupari scribat, id monendum est; quinque & nonaginta eorum temporum injuriâ deperditos, quorum non nisi epitomen à Floro confectam & supplementum à J. Freinshemio egregiè adornatum habemus, quod nunc integrum prodiit, adjectis illis, qui hætenus deerant libris, ex hereditate, Freinshemianâ redemptis, illâ editione Livianâ, quam in usum Delphini procuravit Johannes Doviatus Antecessorum Parisiensium & Regionum Professorum primicerius. Quam Livianorum operum jacturam ut acerbè deplorant Viri docti, ita se spe illâ solantur, fore ut è tenebris producti libri in Barbarorum bibliothecis superstites lucem aliquando videant.

Sed adhuc spes omnis evanuit. Paucula tantum fragmenta è MStis quibusdam codicibus eruta, ut in editione Magontiacensi de anno clo lo VIII particula cap. XVII. Lib. XXX, & quod deerat libro XL usque ad finem. Prodiit & Anno clo loc XVI Romæ à Gasparo Lufignano editum principium libri XXXIII Livianæ historiæ, depromptum ex codice vetusto Bibliothecæ venerabilis Capituli Ecclesiæ Bambergensis, indeque Romam à Francisco Bartholino Urbinatè JC. delatum, quod ut genuinum Antonius Querengius aliique probavere. Verum judice Vossio lib. i. c. 19. de hist. latin. *facum fecit auritis Midis, non illis, quibus corculis esse datum est, & qui norunt, quid ara lupinis distent, qui primus hoc fragmentum publici juris fecit.* Sed acerrimus & diligentissimus Livii emaculator Gronovius in luculentâ illâ præfatione commentariorum suorum, & Livio hoc fragmentum, & viris doctis fidem vindicat.

De Arabum Bibliothecis ut sibi magnifica multa nonnulli promittunt, ita expleri inde lacunas Livianas posse existimant. Sunt enim, qui cum Græcis latinos quoque libros illic latitare, vel è latinis in Arabicam linguam conversos existimant. De latinis & è latino conversis illic superstitionibus tum Erpenio tum aliis traditum est, de quo tamen dubitandum videtur, cum Joannes Leo Africanus monumenta omnia abolita esse testetur, ob superstitionem Calipharum. E Græcis illi pleraque transstulerunt, quæ conversa habent. Sed tamen & idem Leo non adeo ignotas historias Africæ latinas Arabicis ejusdem terræ scriptoribus fuisse testatur. Ita enim lib. i. Descr. Afr. c. 25. *Nullam habent Arabes de rebus Africanis historiam, qua non prius fuerit latine descripta. Autores habent antiquos quosdam, qui par-*

sim Arrianorum temporibus scripserunt, partim etiam qui ante ea tempora fuerunt, quorum omnium nomina memoria exciderunt. Illorum autem volumina permultos continere libros credibile est: cum enim horum interpretes nobis quid persuadere vellent, id septuagesimo haberi libro, ex illis me audisse memini. Neque in vertendis jam dictis voluminibus auctoris ordinem per omnia sunt secuti, sed sumptâ cujusdam Principis historia, tempora illa cum Persarum Regum, aut Assyriorum, aut Chaldeorum, aut Israelitarum temporibus connexa maluerunt. Hoc ex loco suspicioni occasionem dari posse existimat Conringius *Antiq. Acad. supplem.* 19. ipsam Livii historiam in manibus eorum fuisse, qui septuagesimum historiae Latinae librum laudarunt, quia unus Livius multos adeo historiae libros condidit. Verum illa procul dubio ab interprete interpolata fuere: cum Leo testetur, illos in vertendis his libris non fuisse Auctoris ordinem secutos. Frustra itaque hinc omnes esse colligit Conringius, qui historiam Livii integram è Latino in Arabicam conversam existimant.

Novâ postea spe implevit eruditos Petrus de Valle Nobilis Romanus, qui in itinerarii *part. 1. c. 9.* Livium integrum in Bibliothecâ Ottomannicâ Constantinopoli extare testatur. Tres enim Constantinopoli Bibliothecae sunt. Prima est antiqua illa Constantini M. in quâ multi MSti Codices. Altera in usum Nobilium & Servorum. Tertia non procul à cubiculo Imperatoris Turcarum, in quâ illum laticari ait. Narrat verò ille, se & Legatum Regis Galliarum cum Bibliothecario egisse, ut pretio decem millium coronatorum eum venderent: sed irritum fuisse ejus consilii eventum, quia per menses aliquot quaesitus inveniri forte ab imperito Bibliothecario non potuerit. Idem quoque memorat de Magno Florentiae Duce, quinque Piastrorum millibus illum sibi comparaturum. Dubium itaq; utrum illic etiamnum latent integra Livii opera, an verò horribili incendio, quod mense Novembri Anni clo loc LXV etiam bibliothecâ corripuisse dicitur, consumpta fuerint.

Cum jam spes Livianorum operum omnis decollasset, reviviscere eruditorum vota ante annum, & quod excurrit, coeperunt. Nam venit in Galliam mercator Graecus ex Insulâ Chio oriundus, cui nomen JUSTINIANI, & obtulit Regi Christianissimo opera integra Liviana, quae mirabili casu ad manus suas pervenerant. Nam in incendio Constantinopolitanae arcis, (fuit forte illud, cujus modo mentionem fecimus) inter multam suppellectilem aliosque libros è fenestris projectos Turca aliquis hæc Livii opera abstulerat, qui secreto, cum pecuniâ indigeret, mercatori cuidam vendiderat. in cujus gratiam ille, quem dixi, Justiniani Regi Galliae libros hos manuscriptos venales obtulit. Constitutum fuit quinquaginta millium scutorum pretium, hac conditione, ut pro singulis binis decatibus oblati ipsi statim decem scutorum millia solverentur. Sed nihil hæte-

nus factum est, neque mercator cum Livio suo comparuit, ut de veritate repertorum librorum in Galliâ jam dubitare incipiant viri docti. Illa ex ore Dn. Doviatici ad me perscripsit Amicus. Quod si in potestatem Regis Christianissimi venissent illi libri, jam de Livii restitutione poteramus esse securi. Neque enim in bibliothecam suam, velut alterum sepulchrum detruderet, aut pateretur Rex gloriosissimus, ut immortalis hoc beneficio suo careret orbis eruditus, vel sic Romanas res restitutus.

Patet ex iis, quæ adduximus, superfuisse tamen illos libros in Bibliothecis nonnullis, quos ut deperditos deploramus, nisi quod fortuna adhuc eruditorum vota destituit. Erasmus Roterodamus, qui præfatione in Livium, (quæ est inter epistolas ejus XV lib. XXVIII) de quinque illis libris Livianis à Simone Grynzo è Bibliotheca monasterii Laurisseni cum primum productis orbi literato gratulatur, hæc se spe solatur, fore, ut aliquando reliqui illi libri in lucem protrahantur. Quæ ille plenus & Principes & literatos compellat, ut nulli operæ, nullis sumptibus parcant in hoc thesauro inveniendò. Quæ ejus parænesis hîc legi meretur, si vel nunc excitari possint Reges, ut liberalitate suâ hunc orbi thesaurum restituant. Utinam faxit DEUS Optimus Maximus, ut hic Autor totus & integer nobis restitatur. Ejus rei spem nonnullam præbent rumores per ora quorundam volitantis, dum hic apud Danos, ille apud Polonos, alius apud Germanos haberi Liviana, quadam nondum edita jactitat. Certè postquam hæc reliquias præter omnium spem objecit fortuna, cur desperemus & plura posse contingere? Atque hîc micâ quidem sententia principes viri rem se dignam facerent, si præmiis propositis eruditos ad pervestigandum tantum thesaurum sollicitarent, aut etiam ad editionem perpellerent: si qui forse sunt, qui rem publicæ utilitati paratam gravi studio- rum jacturâ premunt abduntque. Vehementer enim absurdum videtur, homines ut parum auri argentique inveniant, tantis impendiis tantisque periculis ad ipsos pene inferos terra viscem perfodere: & hujusmodi thesauros tantò illis pretiosiores, quanto corpore præstantior est animus, prorsus negligere, nec ullâ investigatione dignos judicare. Midaram hic animus est, non Principum.

Hæc de Livii integro opere Erasmus. Qui cum de illo apud Danos superstitè famam circumferri ait, illum ego Codicem designari dixerim, quem secum Fregusius Scotorum Regulus in Hionam Hebridum & Orcadum unam deduxit: Ita enim de illo Paulus Jovius Descript. Hebrid. p. 77. Fama quoque est, prisca ingeniorum monumenta Romanasque historias, quæ quisque vel idiotæ cupidissimè desideret, in illis scriniis recondi, quas Fregusius Scotorum Regulus, non incuriosus, ut videri potest, amator historiae Alarico Gothorum Regi comes direptâ urbe Româ secum abstulerit, in Hionamque demum tumultu Danico diligentius & tutius asservandos religiosè transfulerit: ita ut non

omnino

omnino vanum & irritum videri possit, reliquas T. Livii decades expectare, quarum è tenebris erutarum certa exempla ad Franciscum Gallia Regem Scotorum literis prolixè atque munificè præmissa nuper audivimus.

Hæc Jovius, quæ an omnia sic se habeant, incertum. Ad Franciscum Regem quædam Livianorum operum à Scotis transmissa, planè non constat, ac si id fuerit, non præterisset hoc silentio diligentissimus talium rerum annotator Thuanus, nec omisisset libros illos Doviatius, qui ante aliquot Annos in usum Delphini Livium Tomis V. edidit, & Freinsheimianos superstites ab heredibus Freinsheimii redemptos novæ suæ editioni adjecit, vel saltem aliquam eorum mentionem fecisset. Verum fuisse illic Codicem integrum, ex eo non obscuris indiciis conjeceris. Possum enim insigni documento ostendere, è Septentrionis thesauris hanc rei literariæ insignem jacturam, quod vix credideris, resarciri potuisse, ut olim è Corbejensi monasterio Taciti libri deperditi, si mens non lava fuisset, aut nescio, quæ fortunæ iniquitas eas nobis delicias eripuisset.

Communicavit mecum Vir ut reverendâ dignitate, ita variâ doctrinâ conspicuus, Dn. DIECMANNUS, Ecclesiarum per Ducatum Bremensem & Verdensen Antistes, quod ille è Johannis Heringii Jcti schediasmate quodam excerptit, dignum utique quod hic legatur, & Orbi erudito innotescat. Ita vero ille: *Johannes Heringius, Jctus, Syndicus Capituli Bremensis, in manuscripto Catalogo librorum in dicti Capituli Bibliothecâ à se reparatorum, quem Anno clc lxx. consignavit, sub finem testimoniorum memorabilium de Bibliothecis, laudato Catalogo præmissorum, ex manuscripto Chronico Bremensi in vita Archiepiscopi Christophori ista refert: Anno clc lxxi. starff D. Martinus Grønning / van Bremen / und Cantor im Dome tho Bremen / een sehr gelehrt Man / de hadde tho Rome im Collegio Sapientie publicè gelesen / he hedde ock de Decaden und Boeker Titi Livii, de man nicht hefft / sondern verlahren sind / de waren geschreven / und hedden betherto in Norwegen in Druntheim in de Liberey gewesen / de kreech he tho sinen handen / und schreeff solkes an sinen goden Fründ Philippum Beroaldum, Des Papestes pversten Bibliothecarium, de schreeff bhme wedet / he schelde darmede tho Rom kamen / he wolde darunter de verschung doen / dat bhme thor stunde / ohne sme terung und weg 1000 Ducaten scholden erlegt / und verchret werden. Neverst Martinus starff middeeler tydt / do wurden de gefundenen Böcker Livii, von Kindern und andern / de darvan keinen Verstand hadden / thoreten und veraderven / welches tho beklagen is / dat also disse edle Böcker wedt erum verlahren / und nicht an den Dag gekamen. Placuit ipsa hæc verba sermone vulgari Germanico, quo notata sunt, apponere, quibus latinè conversâ subjungam, si forte in hujus sermonis imperitos dissertatio nostra inciderit,*

ut

ut & illi hanc fundi literarii calamitatem nobiscum deplorent. Anno c15 Is XXI. diem suum obiit D. Martinus Grönning Bremensis, Cantor illius Capituli, Vir doctissimus, qui Roma in Collegio Sapientie publicè prælegerat. Is decades & libros Titi Livii deperditos manuscriptos habebat, quos è Bibliothecâ Drumbemensi è Norwagiâ, ubi hæcenus latuerant, acceperat. Quâ de re cum certiore faceret Philippum Beroaldum Pontificis Bibliothecarium primarium; ille rescripsit, ut libros illos secum Romam deportaret: se curaturum, ut ipsi è vestigio, præter sumtus itineris, mille aurei solverentur. Verum cum satis interea concederet Martinus, Libri illi Liviani à pueris aliisq; harum rerum ignaris discepti perierunt. Dolendum sanè, præclaros istos libros iterum deperditos in lucem edi non potuisse.

De hoc testimonio, quod ex Chronico illo manuscripto produximus, quod & alius quidam Amicus in illo se legisse confirmavit, planè dubitandum non est. Nam de Philippo Beroaldo ne quis alicui scrupulus supersit, monemus, hunc Beroaldum Philippi esse filium, non Patrem, qui Bononiæ humaniores literas professus est, Vir quidem doctus, sed non magni iudicii, cujus scripta blattarum ac tinearum epulas & cacationes, in quibus nihil præter lutosam loquacitatem reperiatur, vocat Floridus Sabinus *Lectio. Subseciv. lib. 2. cap. 9.* quem tamen indignius ab illo habitum censuit Voss. *de Hist. Lat. lib. 3. cap. 11.* nam vel ideò candidiore elogio ornandus videbatur, quod Livianarum laudum magnus præco fuerit, oratione de ipso habitâ, quæ inter opuscula ejus varia Basileæ Anno 1513. prodit. Obiit verò alter ille Anno c15 Is IV. Sed noster ille, cui Grönningius repositos Livii libros indicaverat, filius ejus fuit. Erasmus in *Epist. 5. lib. 23. pag. 1029. lit. C.* edit. Londin. alterum illum Beroaldum, cognatum ejus vocat, iudicio seniore illo superiore. Hunc inter insignes sui temporis Poëtas Lyricos numerat Patrique suo anteponit Lil. Gyraldus in libro de Poëtis nostri temporis, *Dial. 1. pag. 391. num. 10.* Is primum in cathedra Bononiensi Patri successerat, & postea Romæ docuit. Inde verò à Leone X. Vaticanæ Bibliothecæ præfectus fuit, teste Paulo Jovio *lib. 111. de vita Leonis, cap. 10.* & I. Pierio Valeriano in *lib. 1. de Literat. infelicit.* qui etiam hunc in infelicitium literatorum numero reponit. Cæterum hunc ipsum à Fregusio delatum Codicem fuisse minimè dubitaverim: nam cum perpetuæ Norwagiæ Regum cum Scotiæ Regibus de Orcadum & Hebridum insularum dominio lites fuerint, usque dum Christianus I. Rex Daniæ & Norwagiæ Jacobo III. Scotiæ Regi eas cum filia in dotem dedit, non est omnino incredibile, inter has turbas bellicas Norwagiam illud exemplar fuisse delatum.

Quis jam crediderit, ex ultima Thule (si illa Norwagia est) per tot secula sepultum resuscitari potuisse Livium? quis è septentrionum tenebris hanc Romanæ gloriæ lucem exspectasset? Sed quem non remordeat,

tanti thesauri tam turpis jactura? An sera aliquando dies in lucem productura sit, *ἥντις ἐοὶ γένασσι νέη*). Si suspicionibus locus est, latitare, perditos illos libros tamen alicubi dixerim, modò tam sagaci alicui esse liceat, qui indaget. Certè Colomesius in suâ collectione (*Recueil de particularitez*) quæ inter opuscula ejus Ultrajecti edita reperitur, testatur, fragmenta quædam Decadum Livianarum deperditarum in Sphæristerio, instrumento quo pila propelli excipique solet, illita à quoquam deprehensa. Juvat ipsa ejus audire verba: *J'ay oûi dire à M. Chapelain, qu' un de ses amis, homme de lettres, avoit joué à la longüe paume avec un Battoir, sur lequel se voyoient des Fragmens de quelques Decades de Tite Live, que nous n' avons point : Et que ces Fragmens venoient d' un Apotecaire, qui ayant eu en don des Religieuses de Fontevneut, plusieurs volumes en parchemin du mesme Auteur, les avoit vendus par ignorance à un faiseur de Battoirs.*

Vidimus, quod malorum scriptorum aliàs fatum esse solet, ad piperis cucullos & ad sphæristeria, etiam post fata sua totque secula, fortunæ pilam, bonum damnatum fuisse Livium. Magna fuit semper hodieque, est præstantissimorum librorum & bibliothecarum ab hâc hominum insciitiâ strages nunquam satis deploranda. Notat eodem in loco Colomesius, Quintilianum à Poggio in Concilio Constantiensi è popinâ extractum, item de Sirmondo, qui è Bibliopegi officinâ multos MStos Codices acceperat. Sæpius hoc à se factitatum fuisse sagacissimus & felicissimus MSCtorum Codicum indagator, Vir summus MARQUARDUS GUDIUS mihi narravit, apud quem incomparabilis illorum thesaurus latet, quibus nuper per liberalitatem Reverendissimi & Celsissimi simulque literatissimi Principis FERDINANDI, Episcopi Monasteriensis, maximi dum viveret, literarum Patroni accessio facta fuit, cum illustri Legationis apud illum munere fungeretur, nec digniorem tantus possessor heredem inveniret.

Sed nos, cum nihil, præter tristitia illa tam cari nobis erepti pignoris monumenta restent, ad superstites Livii libros redeamus, & partam ex illis Autori nostro gloriam tueamur, quem omnium seculorum elogia à calumniis iniquorum hominum facile defendant. Illorum segetem amplissimam dare poteramus. Sed quæ apud veteres habentur omnibus cognita sunt. Inter recentiores unus instar omnium erit Sebastianus Maccius Italus, Vir omnium literarum, Theologus, Philosophus, Jctus, Poëta, Orator suo tempore celeberrimus: nam scriptis in omni scientiarum genere excelluit, totque in lucem opera edidit, ut teste Erythreo, Pinacothec. I. imag. 152. ex assiduâ calami tractatione dextra manus pollici atque indici sulcos altè impressos habuerit. Ille in honorem Livii de ejus Historiâ

historiâ amplum volumen, Erythreo teste, conscripsit. Nam liber ipse ad manus meas non pervenit. Quantum tamen è libro ejus de Historiâ scribendâ constat, adeò in laudes ejus se diffundit, ut in ipso uno omnium Latinorum scriptorum dotes agnoscat. *Titus Livius*, inquit ille, lib. 2. c. 8. *aureum ac pene dixerim caeleste & divinum profudit eloquentia flumen. Vastissimus hic ille est profundissimus latine locutionis Oceanus, mare doctrinarum ac disciplinarum omnium maximum, immensissimum ac inexhaustum eruditionis omnis & scientia pelagus. Summa in eo erant olim omnia, summa quoque in eodem illo sunt his diebus. Nam splendorem Caesaris, Hortensii Candorem, gravitatem Bruti, elegantiam Lelii, vim Galba, integritatem Claudii, Domitii & Pisonis puritatem, majestatem Virgilii, copiam, amplitudinem, spiritum & gratiam Ciceronis perfectissimam, singularique modo & ratione ceterarum omnium praestantissimâ suis praeclarissimis Historiis ad vivum expressit. Hic enim Princeps Orationis, Pater Historia, splendor veritatis, gloria litteratorum doctorumque hominum, tenebris lumen, locutioni virtutem, sermoni puritatem, verbis granditatem, rebus sublimitatem, principibus constantiam, Reip. Romana animam, Italia spiritum, patria nomen, mortalium ingeniis honorem perpetuum, & famam nullis unquam terminis nullisque finibus circumscriptam attulit. Hæc Maccio de Livio magnificè planè, sed paulum sublatius & declamatorio spiritu dicta, quibus tamen ita assentior, ut Historiæ leges cumulativè implevisse Livium, non dubitem: in cæteris verò, quæ ille cupidius & aliquâ immoderatione verborum effert, modestius mihi sentiendum esse existimera. Satis verò illi ad gloriam immortalem erit Historiæ tenuisse principatum, cujus quantum infringat ipsi objecta PATAVINITAS, nunc amplius dispiciemus.*

CAP. II.

DE Patavinitate varia sunt doctorum opiniones. Benius per Patavinitatem intelligit studium partium. Benius & veterum & recentiorum autorum sugillator. Livium aggressus est Patavii Patavinum. Querela Laur. Pignorii super illo facinore. Per Patavinitatem Pompejanitatem intelligit Benius. De istâ sententiâ disquisitio instituitur. Asinius Pollio aliquando tamen Pompejanis & Reip. partibus se addictum ostendit. Livius, ut omnes Patavini, Pompeii partibus favebat. Quæ causa? Benii vafrities in Taciti loco de Livio explicando. Refutatur hæc Benii de Patavinitate opinio. Quæ de dictione intelligenda. Ineptæ Benii argutia notantur. Budaus per Patavinitatem intelligit odium Gallicæ nationis. Henr. Glareanus & Brodaus hostilem Livii in Gallos animum exagitant. Aliqui per Patavinitatem Livii παταγονικὰς, quæ ille Patavinorum res gestas aliorum

rebus prætulit, intelligunt. *Hujus παρρησιας exempla in Romanis aliisque scriptoribus.*

DE Patavinitate Livio per Pollionem objecta, licet Quintilianus quid ipse intellexerit, satis definiverit; non levis tamen est virorum, doctorum disputatio, ut Bonifacius in libro de Romanæ Historiæ scriptoribus, etiamnum inexplicatam pendere quæstionem existimet. Nos eorum sententias ita exponemus, ut quæ removenda nobis videntur primò excutiamus.

Sunt qui Patavinitatis convicio studium partium abscondi crediderunt. Primus quantum scio hujus opinionis architectus Paulus Benius Eugubinus fuit, Vir quidem doctissimus, sed maledicentiâ notissimus. Laborabat enim hoc morbo, ut non recentiorum tantum, sed & antiquorum scriptorum famam flagellaret, vel his illorum virtutes præferret. Vivis eum coloribus depinxit Crass. in Elogiis hominum literatorum part. 2. p. 80. Ita enim ille: *Rendesi sin ora dubbiosa la fama qual fosse maggiore verso Paolo Beni l' odio è la benevolenza de' Letterati del suo secolo, dominando ugualmente nella di lui persona la letteratura e la maldicenza.* Paucissimos sane fuisse ait, qui non mordacissimam ejus censuram senserint; adeò, ut nonnulli lucem & typos formidarent, ne in ejus criticos ungues incurrerent. Illud sanè minimè ferendum videbatur, & posteris acerbius vindicandum, hominem bonas literas in Patavinâ cathedrâ profitentem illam Patavini nominis gloriam, quam illustri monumento immortalitati consecratam voluerunt cives Patavini, qualem in gente sua, patriæ affectu interdum nimis, posteris non efferre solum, sed & amplificare ultra fidem solent, adeò indignis lacerasse conviciis, ut vix boni scriptoristitulum ipsi in libro secundo de Historiâ salvum reliquerit, cæteris vero Romanorum Historicis postposuerit. Non sine causâ tam turpi factò indignatur Laurentius Pignorius, *Symbolis Epistolicis Epist. 44.* quâ Livium adversus Benii ineptias defendit. *Paulus Benius homo Italus & (quod nemo non miretur) in Gymnasio nostro Eloquentiæ interpres, qui Patavii Patavinum aggressus est conviciis proscindere, silentibus omnino Civibus nostris, & strenuè condonantibus actionem injuriarum, quam illi intendere debuerant.*

Sed de iis in sequentibus agemus fusius, nunc tantum de illo partium studio, quod ipsi impingit, dicemus, quo ille sollicitè cavet, ne nimis honorasse videatur. Eo enim sensu intellectam Patavinitatem inter laudes ejus numerari penè ægrè fert mordacissimus Censor, cum vel idiotismorum Patavinorum sub Patavinitatis titulo illi objectorum culpam leviolem esse existimet, quam ut reprehendi tantum in opere illo mereatur, cujus multo

multo plura ac majora obelo sint transfigenda. Adeò iniquo in illum animo est, ut vel laudis ipsi umbram invidet, qui memor potius esse debebat illius, quod Quintilianus scitè prudenterque dictum reliquit, lib. 10. c. 1. *Modestè & circumspecto judicio de magnis autoribus pronunciandum est: ne, quod plerumque accidit, damnent quod non intelligunt. Ac si necesse est in alteram, errare partem, omnia eorum legentibus placere quam displicere maluerim.*

Videamus tamen si quid est vel laudis vel reprehensionis in hoc partium studio. Ajunt enim sub Patavinitatis convicio reprehendi Livium, quod Pompejanus fuerit, atque ita Patavinitatis nomine Pompeianitatem intelligunt. Neque res à veri colore omninò abest. Asinius Pollio, teste Paterculo lib. 11. c. 63. Antonii partibus favebat, ac Patavinis, quod Pompeji partes sequerentur, infensus erat. Quare ut Macrobius refert, acerbè cum iis egit, ut pecuniam & arma conferrent, quin, cum ii id recusarent, & propterea delitescerent, præmia & libertatem Patavinis servis obtulit, dum tamen dominos, qui delitescerent, propellerent. Sed tamen & Tacitus lib. IV. cap. 34. testatur, quod Asinii Pollionis scripta egregiam Pompeianorum memoriam tradant. Unde verosimile non videtur, eam ob causam Livio succensere potuisse, ut qui ipse Pompeianos laudaverit. Præterea & epistolæ illæ, quas ad Ciceronem libro 10. familiarium scripsit, animum ejus libertati Reipublicæ addictum arguunt: excusat enim se & suspicionem hanc, quod Antonii partibus faveat, à se amolitur. Certè invitum se in has partes pertrahi ostendit. Quo minus itaque credibile est, adeò infensum partibus Pompeianis fuisse, ut nec in Livio earum laudes ferret. Disertè enim ait: *Si id agitur, ut rursus in potestate omnia unius sint, quicumque is est, ei me profiteor inimicum.* De Patavinis testis est Cicero, illos exclusisse & ejecisse missos ab Antonio, pecuniâ milites & armis Duces Pompeianos adjuvisse. Thraseam Patavinum Civem unâ cum Helvidio genero natalem tum utriusque Bruti, tum Cassii, quod Reipublicæ fautores erant, celebrare consuevisse, autor est Juvenalis. Accedunt alia, quæ suspicionem illam firmant, quod Augustus, cum Livii historiam legeret, & in illum forte fortunâ locum incideret, qui tamen in superstitibus desideratur, quo in Pompeii laudes diffundebatur, Pompeianum illum esse exclamaverit. Memoriam hoc prodidit Tacitus Anal. IV. c. 34. qui ita de Livio: *T. Livius eloquentia & fidei præclarus imprimis Cn. Pompeium tantis laudibus extulit, ut Pompeianum eum Augustus appellârit.* Quem insignem locum prætermittere non potuit Benius, quin de laude Livii aliquid detereret. Nam quam Tacitus in Livio fidem prædicavit, non ipsi propriam & velut in historico spectandam, sed potius cum Civibus Patavinis communem ipsi esse voluit, quod scilicet partibus Pompeji faveret. Quasi scilicet, qui Eloquentiam

in illo laudat, alteram sc. Historici virtutem veritatem & fidem simul exprimere noluerit. Eloquentiæ etiam gloriam, ut aliàs facit, illi hîc etiam, ut puto, detracturus fuisset, si per evidentiam verborum id licuisset. Hujus erga Pompeium affectionis & fidei originem ut porro investiget altius, operosè laborat Benius. Existimat enim Patavium à Cn. Pompeio Strabone, Magni Pompeji Patre, Romanâ Civitate donatum fuisse, cujus beneficii ut recentis memores Patavini in Pompeium & Rempublicam fidem suam, in cujus partem etiam hîc, apud Tacitum, Livium venire existimant, testatam fecerint; quam Pollio parti adversæ addictus, cæterique Cæsariani, cum Imperio potirentur, quasi per contemptum & ludibrium Patavinitatem dixerint, in probrum vertentes, quod laudi illorum accenseri debebat, libertatem & Rempublicam præ servitute & tyrannide expectantium. Cui etiam hoc addit, Pollionem ut historicum (figulum sc. figulo invidentem) & præterea Pompeianum, hoc illi convicium impingere potuisse. Huic quoque sententiæ calculum suum adjicere videtur Thomasinus in *Vita Livii* c. 5.

Verum illa omnia ut speciosè satis dicuntur, ita parum ad rem nostram faciunt. Esto, Livium Pompejanis partibus addictum fuisse; Esto, Patavinos omnes favisse Reipublicæ & libertati Romonæ: Esto, pro Pompejano habitum Augusto Livium. Nihil illis conficitur Benii argutationculis, aut alius Patavinitati objectæ sensus affingitur, cum diserte testetur Quintilianus, de dictione hoc capiendum esse convicium. Adversus quem, qui hîc disputat, judicem scilicet & censorem illarum rerum antiquum, peritum, & fide dignum, næ ille operam ludit & aranearum telas texit. Nam putidum & hoc est, quod pro sua sententia adversus Quintiliani sensum adfert Benius: *Si ad orationem, id quod cæteri omnes affirmant, pertinet ista Patavinitas, vel pronunciatione vocisq; accentu ac sono dignoscebatur à Pollione, vel ex verbis, atq; adeò ex dictione & stylo. Primum nisi temerè affirmari non potest, quandoquidem Pollio non Livium pronunciantem audiebat, nec, si audivisset, rectè Patavinitatem redolere dixisset, sed potius Patavinitatem resonare aut sonare quid Patavinum. Non alterum: nam licet reverà Livianam historiam perinde atq; Augustus legendo cognosceret Pollio, vix ac ne vix quidem fortasse, intelligi potest, quas Patavinas voces, qualemve Patavinam dictionem seu dicenditationem agnoscere posset in Livio. Si enim hæc agnoscere omninò licuit, age dum obsecro profemant illas, qui ad rationem & stylum pertinere distitant, ac rem aliqui obscuram & optatam dilucidare ne graventur.* Mirum quam inutilibus & nîl profuturis subtilitatibus se hîc fatiget Benius. Cui in mentem hic venisset, inter pronunciationem & inter dictionem distingvere, cum omnem dubitationem abscindat Quintilianus: nam de dictione id accipiendum, gemi-

nus apud illum locus *lib. 1. & lib. 8.* ipseque verborum sensus declarat; licet Rapinus, ut sequenti capite videbimus, Benio *ὁμολύνησθαι* esse videatur. Quomodo in pronunciationem *redolendi* vox non conveniat, sed potius vox *resonare*, non video: cum in pronunciato etiam sermone, non tantum ad accentum, sed etiam ad dictionem respicere possumus: neque quisquam id verbum de Livii historiâ usurpaverit. Nam Quintilianus *lib. 1.* dicit, quod Pollio deprehenderit in Livio Patavinitatem & *lib. 8.* quod ipsi Asinius Patavinitatem inesse putaverit. Non satis itaque mirari possum, quomodo emunctæ naris homo in istud redolendi verbum inciderit: quod tamen illo sensu sæpe apud Ciceronem usurpatur, cui oratio antiquitatem, Athenas redolere dicitur. Imo ipse Quintilianus in eodem illo loco *lib. 8.* Pollionis iudicio totique capiti hoc suum velut suffragium subnectit: *Quare si fieri potest, & verba omnia, & vox huius alumnus urbis oleant, ut oratio Romana planè videatur, non Civitate donata.* Ubi per vocem nihil aliud, quam pronunciationem intelligit, quæ tamen per Benii Criticam, non rectè olere, sed sonare dicitur. Quod de verbis ait, vel dictione tota, illam in Livio à Romana discrepantem non posse ostendi, in eo parum circumspècte iudicat. Nam licet nobis res illa difficillima sit, Pollioni tamen forte non fuit, qui Romano sermoni aures adsvetas habuit. Neque inde, conficitur, non esse quicquam in illo, quod Pollionis palato minus arrideret, cum nos discernere illud nequeamus.

A Benio ad Budæum venimus, qui partium in Livio studium per, illam Patavinitatem explicat, sed fortassis non seriò rem agit. Nam quod de Gallis acerbè & non satis integrè fide iudicat, illud Patavinitatis nomine in ipso reprehendendum iudicat Budæus in libro de Philologiâ, fol. 22. *Oportet, inquit, hominem Patavinum malè aliquando atque durè à transalpinis Gallis & agro Patavino finitimis acceptum esse & pugnis forte converberatum, qui acerbè magis & stomachosè, quàm historicè & composuè Gallorum mores vastos corporaq; fingeret, eamq; ob rem fortasse Patavinitas in eo reprehendi potuit, ut absurda & indecora.* Verum nimio hîc erga populares suos studio ducitur, Budæus, in quibus cum Livius ferociam aliaque nonnulla reprehendit, (ut superarunt illo tempore Romani Gallos literis morumque elegantia) non est illi eam ob causam dica scribenda, cum nec virtutes in illis, quod candidi sanè hominis est, dissimulet. Seneca certè *Sval. 6.* eum vocat, candidum magnorum ingeniorum æstimatorem. Henricus quoque Gla-reanus Livium exagitat, quod bellicosæ Gallorum gentis res odiosè tractârit. Eandem querelam recoxit etiam Brodæus commentario in Epigramma quoddam Græcum, quo de Galatis Afiam depopulantibus agitur *Antib. lib. 3. pag. 357.* ceteras quoque in Livium calumnias his immiscens. *Livium*
cicare,

citare, inquit, quid attinet, sempiternum Gallorum adversarium, sicut rectè colligit Glareanus, cuius fides merito infamatur atque ut invidia plena ab Antonino Pio, ut gloria à Plinio, ut mendacii ab Augusto, Liviomastige scilicet Pompejanum illum appellante, ut perperam, cum Halicarnasseo, Diodoro, Polybio, à multis ut secum pugnans, à Laurencio Valla ut fabulosa, velut de Caco & Evandro liquet, notatur lactea illa ubertas: Patavinitatem sanè non dicam aut verbositatem negligentiamq; post Caligulam, qua tamen in Patria defensionem à me dicta sint. Hæc ille, quibus singulis conviciis nunc respondendi locus non est, nam de Patavinitate hîc solliciti tantum sumus, & parum hoc vel nos, vel Politionem tangit, qui cum ipsi Patavinitatem objecit, ne per somnium quidem de hoc Gallorum odio, cuius ipsum insimulat Budæus aliique, cogitavit.

Non desunt, qui sub Patavinitate illa *πατερδομανίας*, quâ plerumque laborare solent historici, intelligunt, de quâ Franciscus Morthaus Vayerus in libro de antiquis & præcipuis historicis Gallicè scripto pluribus agit. Putant enim, in libris Livii deperditis, ubi rerum gestarum series ad populares suos vocat, plusculum indulgisse Patriæ civiumque suorum laudibus. Qualem errorem Polybius Philino Carthaginensi & Fabio Romano tribuit. Idem quoque Guicciardino imputari scribit Vayerus, qui ut Florentinis suis aduletur, in minoribus illius Reipublicæ momentis non nunquam tenacius hæreat, & facta illorum levicula in cælum extollat laudibus ut importunus aliis, aliis ridiculus interdum videatur. Idem in Poggio Aëtius Sincerus elegantissimo hoc epigrammate reprehendit:

Dum Patriam laudat, damnat dum Poggius hostem:

Nec malus est civis, nec bonus Historicus.

Idem in Livio Barthius lib. 60. *Advers. cap. 6.* improbat: *Certissimum hoc, inquit, omnes scriptores rerum Romanarum, qui nunc sunt, datâ occasione panegyristas simul laudum esse patria sue. Livius meritis eorum Princeps paterque, quam frigide aliarum gentium præconia præterit, cum fortiter fecerunt, Gallorum virè item deditâ operâ non tam obscuravit, quam obrui & maledictis exstirpavit, Romanorum autem facinora longis præconiis obliquis directisq; extollit ubique. Verum illa ut aliena omittimus, cum in solâ oratione vitium hoc agnoverit, Quintilianus.*

CAP. III.

L Aurentii Pignorii sententia de Patavinitate, qui in *Orebographia peregrinitate* illam consistere putat, quod Livius *SIB E* pro *SIBI*, *QUASE* pro *QUASI* scripserit. Monumentum de Livio ob eam causam ab illo rejectum. Rejicitur ejus *senten-*

sententia. Historia repertorum ossium, quæ Liviana credebantur. Pompa, quâ illa in Prætorium deportata & Mausolæo ornata, describitur. Error publicus. Monumentum non fuit ipsius Livii, sed Liberti ejus nominis. Nomen servile & Domini jungebatur in nominibus Libertorum. Explicatur exemplis aliarum Inscriptionum. Halys servile nomen. Blondii Flavii, Scardeonii, Patavinii explicatio monumenti inepta. Vera ejus explicatio. Officium Concordialis etiam Libertis datum. Pignorii Patavinitas imaginaria exploditur. Variis exemplis ostenditur, commutationem literæ E & I non Patavinis tantum, sed & Romanis aliisque municipalibus fuisse communem. A Rapino dissensus.

Quando ergo orationis potius vitium PATAVINITAS, quâ in re potissimum illa consistat, disquirendum est: ubi primò omnium nobis occurrit Laurentii Pignorii sententia, qui ipse Patavinus & Patavinâ in Academia Professor humanitatis celeberrimus, hanc populari suo objectam Patavinitatem primum è tenebris se eruisse gloriatur: nam in epistola illa, quam capite superiori laudavimus, quâ adversus Benium defendit Livium, etiam hac in re ipsum impugnat: *Hanc Patavinitatem Benius, ut sibi quidem videtur oculum totus, hic sanè totus, totus tenebrio ad partium Pompejanarum amorem revocat, contra Pollionis & Fabii Quintiliani mentem. Eam, si qua fuit, ego forte primus, quod & tu probas* (scribit verò ad Balthasarem Bonifacium) *in originibus nostris indicavi ex Quintiliano & Marmoribus vernaculis. Quis jam sibi non satisfactum crediderit hujus Viri doctissimi sententiâ, quam ille tantâ confidentiâ assertum ivit in Originibus suis Patavinis lingvâ Italica scriptis, cap. 17. pag. 133. ut nihil dubitationi relictum putet. Demonstrabimus autem, illum opinione sua vehementer falli, cum putat, solâ Orthographiæ peregrinitate Patavinitatem illam constitisse. Ait enim T. Livium scripsisse SIBE & QUASE, non SIBI & QUASI, atque harum literarum I & E commutationem Patavinis familiarem, hanc Livio Patavinitatem peperisse. Hujus in rei fidem consulendas ille inscriptiones Patavinas existimat, in quibus plerisque E pro I legatur, atque ex his unam producit, quæ Patavi reperitur, & à Grutero quoque consignata est.*

C. GAVIO C. L.

JVEVND

CONTVERNAL

SUO. ET. SIBE

OCTAVIA. METHE, &c.

Ubi Gruterum reprehendit, pro SIBE SIBI substituentem. Imò adeo

se suâ hâc opinione obfirmat Pignoriûs, ut eam ob causam, Inscriptionem illam, quæ in marmore illo legebatur, quod in Divæ Justinæ templo effossum fuerat, ubi ossa Liviana, ut credebatur, reperta antea fuere, ad T. Livium nostrum non pertinere existimet, quia in eo SIBI legatur, non SIBE, ut omninò scripturus fuisset Livius noster, si ipse vivus sibi que superstes, quod volunt, & verba Inscriptionis ostendere putat, hoc monumentum erexisset. Ita verò hoc habet:

V F
T. LIVIVS
LIVIAE T. E.
QVARTAE L.
HALYS.
CONCORDIALIS
PATAVI
SIBI ET SVIS
OMNIBVS

Verum ut mirum in modum decepti sunt omnes illi, qui monumentum hoc de Livio Historico intellexerunt; ita suâ quoque de Patavinitate sententiâ, quæ nullo idoneo argumento nititur, falsus omninò fuit Pignoriûs.

Quandoquidem ergò in hunc locum nunc incidimus, occasione ita ferente, hujus erroris ostendemus originem, qui eruditorum animis eximendus est, cum Viros etiam doctissimos errantium autoritate passim deceptos sentiamus, neque hujus rei falsitas à quoquam demonstrata sit. Cum Anno dlo cccc XIII. apud ædem D. Justinæ ædiculam aliquis è Canonicis exstruere cogitaret, & pro fundamento sternendo terra altius effoderetur, apparuit vetustissimum pavimentum, quo fractò capsula plumbea ossibus plena reperta est. Exclamatur statim, Livium illic sepultum, quod Monachi meminerint, ibi veterem effossum lapidem cum Livii epitaphio. Erat verò ille quem modò produximus. Omnem hujus rei historiam Siccò Polentanus in Epistola ad Nicolaum Florentinum scriptâ enarrat, quam *Originum suarum libro cap. XVII.* inseruit Laurentius Pignoriûs. Confluebant ad spectaculum omnes Viri Nobiles & Literati, amplexabantur capsulam, ac magno hinc conventu ac celebri Civitatis totius pompâ Nobilium humeris in forum maximum ossa deportata sunt. Deliberatum de monumento illustri his ossibus erigendo, & de loco commodo diu disputatum. Aliqui locum publicum designabant. Optimates quidam privatâ pecuniâ, sed

sed insignius monumentum pollicebantur, si prope ades suas illius ossa transferrentur. Vicit tandem publica pietas, ac fuere ejus ossa ad occidentalem Prætorii parietem deportata, & supra portam illius condita, adjecta imagine & elogio. Cum ejus rei fama ad Alphonsum Arragonium Regem perveniret Anno cło cccc LI per legatos os brachii Liviani, quod præclara illa commentaria conscripserit, à Republicâ Patavinâ impetravit, quod Neapolin deportatum, post Regis mortem apud Legatum Panormitam mansit, posteaque ad J. Jovianum Pontanum pervenit, à quo in urnulâ locatum ac inscriptione ornatum fuit. Anno vero cło ló XXXXVIII ossa eadem translata fuere in eminentiorem locum ejusdem occidentalis partis Prætorii. Illic, ut Thomasinus in T. Livio suo refert, spectatur nunc T. Livii Mausolæum nobilitatum tabellis æneis, inscriptionibus, & vetustissima ipsius imagine marmorea, quam ab Alexandro Bassiano inventam Civitas dono accepit. Laurentius vero Pignorius habet pro capite M. Claudii Marcelli, vel Lentuli Marcellini, ad Fulvii Ursini librum de Familiis provocans. Sub illâ imagine marmor id videtur, quod olim effossum fuerat in D. Justinæ templo, ubi ossa ipsa postmodum reperta sunt. Dextram Mausolæi hujus partem obtinet *Æternitatis* statua: lævam *Minervæ*. Sub *Æternitatis* pedibus *Tybris* excurrit: sub *Minervæ* *Medoacus* & hos inter omnes in meditullio Lupa Romulum & Remum lactans spectatur.

Res stupenda sanè tanto conatu & molimine nihil omnino fuisse ætatum à Viris & nobilissimis & doctissimis, neminemque adeo sagacem fuisse, ut monumentum hoc non à T. Livio Historico, sed à cujusdam Livii liberto positum fuisse, animadverteret. Omnes certe nostrorum temporum Viri docti eo sibi imponi passi sunt, ut quidam Editionibus Livianis velut insigne quoddam emblemata suspenderent. Primus hunc errorem, cum apud Patavinos versaretur, detexit Vir incomparabilis MARQUARDUS GUDIUS, qui cum omnes Italiæ angulos perreptaret, ut veteris Reipublicæ Romanæ *ædificia* erueret, Inscriptiones scilicet à Grutero præteritas, (quarum ille vastum totque eruditorum votis optatum opus, quodque omnibus in illo genere scriptis palmam facile præripier, magnum antiquitatis thesaurum, penè ad umbilicum deductum habet) facile, quâ fuit sagacitate, vidit, fucum sibi facere Patavinos, qui hoc monumento Manium Livianorum custodes haberi voluerunt. Verum ut fieri solet in erroribus publicis, amant sæpe illos homines, ac indignantur cum illo Argivo apud Horatium,

sibi quando extorta voluptas,
Es demptus per vim mentis gratissimus error.

Adeò verò error ille in propatulo est, ut luce meridianâ clarius è verbis Inscriptionis paulò accuratius consideratis se prodar. Ita enim legenda est Inscriptio : VIVVS FECIT TITVS LIVIVS LIVIÆ TITI FILIÆ QVARTÆ LIBERTVS HALYS CONCORDIALIS PATAVI SIBI ET SVIS OMNIBUS. Monumentum itaque hoc sibi erexit Libertus Filiz Titi Livii, an Historici, an filii ejus, vel alterius, incertum, qui Domini quondam sui Titi Livii nomen ex more assumpsit, & servile nomen Halys adjecerat. Primum illud certum est, libertos Patronorum nomen adsciscere, suoque nomini servili, quod interdum mutabant, interdum retinebant, prout commodum erat, præmittere solitos, quâ de re vide *Juvenal. Satyr. V. 27.* & locum in *Onirocriticis Artemidori*, ubi servum, qui tria se nomina habere somniabat, liberum factum notat, cum ad suum duo patroni nomina assumpsit, item *l. 9. C. de lib. caus. l. 10. C. de Ingenuis manumissis*, ibique *Gotthofredum* : tum & *Fr. Commanum Jur. Civil. lib. 2. c. 11. n. 3.* Multa Inscriptionum exempla hoc testantur. Apud Gruterum *sol. 965. n. 2.* hæc est:

L. CÆDIUS
L. L. EROS
SIBI ET LI
BERTINÆ.
ET LIBERTO.

Ubi EROS nomen servile notissimum, L. CÆDIUS à Domino assumptum. Similis Inscriptio est, quæ extat apud *Laur. Pignor. de Servis p. 109.*

TI. CLAUDIVS
LEMNVS
DIVI CLAVDII
AVGVSTI LIB.
ASTVDIIS

Apud eundem. *p. 184.*

SEX. POMPEIVS
SEX. L. DAPHNIS, &c.

Et *p. 212.*

TI. CLAVDIVS. AVG.
LIB. FORTVNATIVS. &c.

Piget plura adscribere. Fuisse vero ejus nominis libertum Titium Livium, è gemi-

è geminis inscriptionibus manifestè probari potest. Verustissimus Lapis in ædibus Alexandri Bassiani, quem Thomasinus aliique eodem errore de ipso Livio Historico capiunt :

T. LIVIVS

T. L.

OPTATVS AN. XV.

Altera Inscriptio est, quam & Petrus Servius in *Miscellaneis* pag. 13. adduxit :

V. F.

T. LIVIVS. T. LIB.

ET LIVIÆ LEVINVS

L. F. STEL...

VENONIÆ EXORATÆ

P. LIVIÆ FIRMÆ ET

FESTO. FILIO. ET

FIRMÆ FILIÆ

Cujus vero Livii Libertus, an Historici, an alterius, an idem, an alius, incertissimum est. Nam plures fuisse Livios ex illâ Inscriptione patet, quæ in ædibus Annibalis Capilitii legitur :

T. LIVIVS C. F. SIBI

ET SUIS.

T. LIVIO T. F. PRISCO ET

T. LIVIO T. F. LONGO ET

CASSIÆ SEX. PRIMÆ

VXORI.

Quam Inscriptionem genuinam esse, dubitandum minimè est, licet Laur. Pignorius ei litem movere videatur, quod in illa SIBI non SiBE scribatur; in quo ille Livii Patavinatatem unice agnoscit. Quod quam frivolum sit, infra patebit, & jam tum hujus vanitatem redarguit Sertorius Ursatus, in Monumentis Patavinis, lib. 1. sect. 1. p. 32. Fuit itaque Libertus, qui per literam L. significatur, cujus servile nomen HALYS, à fluvio Asiæ minoris forte, ita dictum: nam solebant talia servis nomina imponi. Neque enim hoc Romanum nomen videtur, & quæ de C. GRATIO HALY adducitur à Panvinio, lib. de antiquorum nominibus, è Grutero, fol. 778. num. 2. Inscriptio

Saguntina, in Libertum itidem concepta videtur; nam mutilum produxit Panvinus. Sed de illo alii viderint. Hic servile nomen esse, ipse verborum numerus & compages dictitat. Misere enim se torquent, qui de Livio Historico interpretantur. Quam enim inepta sunt & *absurda*, cum Blondus Flavius verba illa LIVIAE. T. F. QUARTAE L. HALYS ita legit: LIVIAE TITI FILIAE QUARTAE LEGIONIS HALYS, cum nec verba ipsa cohaereant, neque recte Scardeonio LEGIO solâ literâ L. sed notâ LEG. in monumentis exprimat, neque Legio quarta Halys, sed Scythica dicatur. Sed & ipsa Scardeonii & Panvini explicatio invitâ planè Minervâ advocatur, quæ hæc est: quod LIVIA. T. F. QUARTA nupsit L. HALY. Aliena autem omnino sunt, quæ pro hac confirmanda Sententiâ Scardeonius à Seneca Controversiis adducit de LUCIO MAGIO, LIVII genero, quem ille cognomine illo HALY, nullo idoneo argumento ductus, etiam insignitum putat. Atque is error ex eo provenit, quod literâ L. nomen Lucius exprimi putârit, cum literâ L. postposita aliis nominibus, ut hîc, necessario significet Libertum, quæ præposita nomen Lucii notet. In omnes partes hoc sensu intellecta inscriptio vertatur, *èdè vixit*. Quare etiam jam tum aliquo modo suspecta fuit hæc explicatio Laur. Pignorio visa, qui in Originibus Patavinis p. 134. hæc habet: *quel dire che T. Livio eresse la memoria a Livia figliola di Tito, mostra che Livio non fosse altrimenti il Padre, che se fosse stato, havrebbe detto LIVIAE FILIAE, come si vede, usato nelle antiche Inscriptioni.* Neque enim, ut putat, ipse Pater Livius scribere potuisset: T. LIVIVS LIVIAE T. F. sed FILIAE SUÆ. Quare ut omnia concinno ordine se verba excipiant, ita legendum est: T. LIVIVS LIVIAE TITI FILIAE QUARTAE LIBERTVS HALYS. Fuit enim iste Halys filia Titi Livii Quartæ ex hereditate Libertus, qui Patroni sui defuncti nomen adsciverat, & Quartæ nomen, ut fieri solet pluribus existentibus, Liviae additum, quod pluribus exemplis demonstrat Petrus Servius *Miscellaneorum cap. 8.* quomodo Prima, Secunda, Tertia, Quarta, Quinta, interdum prænomen, interdum cognomina fuerint.

Sequitur ulterius in Inscriptione nomen CONCORDIALIS, quod officium denotat. Est vero Concordialis sacerdos Deæ Concordiæ, cujus an ædes illa olim fuerit, quæ nunc Divæ Justinae sacra est, & penes quam reperta fuere hæc ossa, ut putat Sertorius Ursatus, suo nunc loco relinquo. Blondus Flavius in Italiâ suâ illustratâ Jovis, Paulus Merula Martis vel Junonis ædem illic olim fuisse statuit. Scardeonius Concordialem magnæ dignitatis & æstimationis fuisse autumat, qui nempe præfuerit templo ab Antenore erecto. Sed ut omnia illa, quæ de Æneæ & Antenoris in Italiam adventu jaçantur, infirmo tibicine nituntur, ita hujus quoque rei fides penes

penes Autorem suum esto. Fuisse verò non adeò eximiam CONCORDIALIS dignitatem, è monumentis nonnullis patet, in quibus ea Libertis, ut hoc ipso loco, adscribitur. Exstant in ædibus Georgii Contareni Patr. Veneti monumeta, quæ Patavio Ateste, ubi ille ædes suas habuit, commigrarunt, quæ hujus rei documentum præbent. Primum hoc est:

V. O. F.
C. TVRRANIVS
SECUNDI. LIB.
EVANTHVS
CONCORD.
C. TVRRANIO
PANTAGATHO. ET
C. TVRRANIO
EVTYCHIO
LIB. OPT.

E quâ Inscriptione & hoc patet, ter idem Patroni nomen tribus libertis tribui, adjecto, semper servili nomine. Alterum hoc:

SEX. NAVINIVS.
SEX. L. APOLLONIVS
CONCORD.
SIBI ET SVIS.
IN FRON. P. XXXV.
RETRO P. XX.

Nil ergò jam amplius restat, postquam tot luculentis documentis rem omnem demonstravimus, quam ut Manibus Livianis, queis tanto apparatu funeralia & parentalia, pietate quidem laudabili, sed vanâ ac inutili celebrarunt Patavini, denno funus ducamus. Nam cæteris argumentis illis, quæ nonnulli adduxerunt, ut demonstrarent, ossa reperta Livii non esse, nimirum ossa feminina esse, non masculina; cadavera intra civitatem non fuisse sepulta, sed illâ ætate cremata, nunc non opus est, postquam è monumento ipso falsitatem hujus rei ostendimus. De us tamen legi potest Sertorius Ursatus in *Mon. Patav. lib. 1. sect. 5. pag. 203. 204.*

Redimus jam in viam & ad Pignorium nostrum, cujus imaginaria, Patavinitas excutienda est, cujus causâ ille à nobis excursus institutus, quod ille monumentum hoc Livianum esse negaret, quia in illo SIBI, non SIBE lege-

legeretur. Inane hoc esse commentum, jam tum Sertorius Ursatus deprehendit *lib. 1. sect. 2. p. 1232.* qui lapides minimè Patavinos reperiri ait, in quibus SIBE pro SIBI positum, quorum exemplum producit è Romanis Gruteri *fol. 958.*

DIS. MANIB.
M. VINICI. M. F.
SALVIARI.
VIXIT. ANN. XXXII.
MENS. VI.
VINICIA HELPIS.
PATRON. ET.
CONIUGI
INDVLGENTISS.
ET SIBE.

Non est opus ad Inscriptiones hic recurrere, cum notissimum sit, lit. E. & I. indifferenter à priscis Latinis usurpatas & in codicibus scriptas. Testis ejus rei Gellius *lib. 10. cap. 24.* exempla affert *præfiscine & præfiscini, proclive & proclivi.* Quintilianus *lib. 1. cap. 4. & 7.* In HERE neque E plane neque I. auditur: nos nunc Elitera terminamus: at veterum Comicorum adhuc in libris invenio: HERI ad me venit. Ita mane & mani; vespere & vesperi dictum est, teste Donato in Phorm. *Act. 1. Scen. 1.* Videantur Lipsius de pronunc. Lat. Lingv. & J. C. Scaliger de Cap. Lingv. Latina, idem asserentes: quorum ille affert, in lapidibus scriptas voces *navebus pro navibus.* Salmasius in notis ad Hist. August. scriptores, varias voces passim adducit, ita inter se mutatas, ut *patenas pro patinas, melpomine pro melpomene, inormis pro enormis, inervare pro enervare.* Ita apud veteres autores *vegeo & vigeo, vella & villa, lemen & limen, aves & avis, intellego & intelligo, comissatio & comessatio* scriptum invenitur. Longum esset recensere omnia per totum Gruterianum & Reinesianum Inscriptionum opus sparsa exempla. Illic *Bedua pro Vidua, Benemeretus pro Benemeritus, Cives pro Civis, Corentianus pro Corintianus, Emet pro Emit, fecet pro fecit, filicitates pro felicitates, Penaces pro Pinaces, Servea pro Servia, Sorore pro Sorori, Soteris pro Soteris, Vertutem pro Virtutem, Ver pro Vir, Sever pro Sevir.* In notis Tironis sæpè *antegnaphum pro antignaphum, doleim pro dolium, Menerva pro Minerva.* In nominibus propriis habemus *Virgilius & Vergilius, Alfenius & Alfinius, Camellii & Camillii, Calvedii & Calvidii, Snellii & Snillii.* Nemo has voces Patavinitatem sapere dixerit,

rit, cum non in Patavinis tantum, sed & in cæterarum nationum Italicarum, atque adeò in ipsis Romanis monumentis legantur.

Et si verò omnia illa rectè se habent, Rapinus tamen acerrimus ille veterum & recentiorum Censor, in elegantissima illa Thucydidis & Livii comparatione Gallicè scripta, p. 96. hanc Livii Patavinitatem ad pronunciationem verborum inconditam, quam ad phrasin referre mavult. Ita enim ille: *Cet air provincial qu' Asinius Pollio blâme en cet auteur, sur quoy finissent la plus part des Critiques qui luy donnent de sens differens, n' est autre chose à mon avis, qu' une mauvaise prononciation, qui choquoit les courtisans élevez à la delicateffe de la cour d' Auguste, & sentoie un peu la province: au moins c' est le sentiment de Quintilien, qui estoit trop éclairé de luy mesme, & trop voisin de ce temps-la, pour en ignorer le mystere qu' il impute uniquement au langage.* Fateor ab illo me dissentire: nam è Quintiliano non patet, in solâ pronunciatione vitium hoc consistere: neque est verosimile Polioni à Livio ipso fuisse sua scripta recitata, sed ab ipso lecta, ut legere ipsi historias solemus, quæ non ut orationes ab autoribus recitantur. Ac alio loco planè fluctuat idem autor, cum in libro, cui titulus *Instructiõs pour l' histoire*, sect. 28. pag. 144. disertis verbis dicit: *Je ne comprends point ce que veut dire Asinius Pollo, quand il luy donne un air provincial, qui sent un peu la Lombardie*; quo loco in laudes Livii laxis habenis effunditur. Frustra itaque hæc tum à Laurentio Pignorio, tum à Rapino dicta videntur.

CAP. IV.

Quintiliani loca de Pollionis super Livio censurâ. Quis Pollio? Gallutius illum male confundit cum Pollione Trulliano. Ejus virtutes, facta, scripta. Bibliothecas primus Roma instituit. Ingenii in illo asperitas & supercilium. Contemporum omnium aequalium. Magna aequalium erga Ciceronem invidia. Pollio Cicéroni infensissimus fuit. Elogium ejus ipsa veritatis vis Pollioni extorsit. Sex-filii Hena encomiastico in Ciceronem commotus Pollio. Gallus Asinius, Pollionis filius Ciceromastix à Gellio notatus. Pollio Caesaris, Sallustii, Attei scripta cavillatur. Pollionis eloquentia ab inventione & diligentia laudata, sed ad Ciceronianam comparata, salebrosa. Judicium Seneca, Quintiliani, Victorini Strigelii. Causa obirectationis, quod Ciceronis copiam imitando exprimere non posset. Barthius notatus. Locus de Pollionis stylo apud autorem Dialogi de Orat. sollicitatus. Pollionis Patris & Filii erga Augustum & Tiberium ferocia. Postuma Patris in Manes cujusdam maledicentia notata. Brevitatis gloria affectata à Pollione, cum de copiâ Orationis desperaret. Superstitiosa in ejus oratione diligentia.

Patruini à Prolomao Flavio loquacitatis arguuntur. Atticorum factio apud Romanos iis, qui copiosa eloquentia excellebant, semper infesta. Rami furiosa in Ciceronem maledicentia. Nostri temporis Laconismi & Atticismi incepti affectatores Itali. Lepida de Castio declamatore historia. Neque Tullio, neque Livio quicquam Pollionis calumniis detractum est. Vivunt eorum scripta dudum abolitæ Asinianis.

QUandoquidem ergò in oratione & dictione ipsa vitium hoc hære, Quintiliano interprete, Asinius Pollio iudicavit, misis iis, de quibus ante prolixè egimus, rem ipsam consideremus. Nam de dictione intelligendam hanc Patavinitatem Quintiliani verba arguunt. Ita ille lib. 1. Instit. orat. cap. 9. *Peregrina porro ex omnibus propè dixerim generibus, ut homines, ut instituta etiam multa, venerunt. Taceo de Thuscis & Sabinis, & Prænestinis quoque; nam ut eorum sermone utentem Vellium Lucilius insectatur; quemadmodum Pollio in Livio deprehendit Patavinitatem, licet omnia Italica pro Romanis babeam. Idem lib. 8. cap. 1. Verum illic tantum ne vitiosa essent, præcepimus: hic non alienum est admonere, ut sint quam minimè peregrina, & externa. Multos enim, quibus loquendi ratio non desit, invenias, quos curiosè potius loqui dixeris, quàm Latine: quomodo & illa Attica anus Theophrastum, hominem alioqui disertissimum, annotata unius affectatione verbi, hospitem dixit: nec alio se id deprehendisse interrogata respondit, quam quod nimium Atticè loqueretur. Et in T. Livio, mira facundia viro, putat inesse Pollio Asinius quandam Patavinitatem. Quare si fieri potest, & verba omnia, & vox hujus alumnus urbis oleant, ut oratio Romana planè videatur, non civitate donata. Quæ gemina Fabii loca si pensitemus accuratius, peregrinitatem aliquam orationis, à quâ Romanæ aures abhorreant, taxatam à Pollione in Livio fuisse animadvertemus. Antequam verò ad rem propius accedamus, videamus primum, quis ille in litteratorum regno Dictator, quisve è tripode Apollo hanc pronunciant sententiam: nam ex Græcorum dicto*

Τὴν σοφίην ἀφ' ὧς ἐστὶν, πλείων δ' ὁμόνυχον.
Fuit Asinius Pollio magnæ sanè dignitatis, qui præclaras res pace & bello gesfit. Principem Oratorem & Civem vocat Plinius lib. 7. cap. 30. nam viginti duos annos natus Catonem accusavit: Consulatus duos gesfit, de quæ Dalmatis triumphavit. Ut itaque falsi omnino sint, qui ipsum cum Pollione Tralliano confundunt, ut facit Tarquinius Gallutius, qui in Oratione de Ciceronis obitu hæc de ipso habet: *Docuit initio ætatis adulta artem dicendi Rhetoricam: successitq; illius scibola Timagenis, qui sub Pompejo captivus atq; à Gabinio coemptus ludum in urbe declamatorium habuit. Ex eâ deinceps officina prodit in forum, ita condofectus, ut locum invenerit band mediocrem inter*
diser-

disertos. Nam in illo vehementer errat. Fuit Asinius Pollio, Trallianus, Timagenis successor, homo Græcus, qui Romæ docuit, ut demonstrat Voslius *lib. 1. de Hist. Græc. cap. 24.* quod non fuisset è dignitate Viri principis, sed ferè libertinorum erat. Quare existimat Voslius, Trallianum hunc Asinium fuisse id nomen consecutum à claro illo cive atque Oratore Pollione, qui cum libertate vel civitate donasset. Præter Orationes, quas autor Dialogi de Oratoribus *cap. 34.* cum admiratione lectas dicit, & tragœdiam, reliquit quoque historiarum libros XVII teste Suida, quibus Græcorum res gestas latine scripsit: Belli quoque Civilis historiam consignasse ex Horat. *lib. 2. Od. 1.* patet. Eidem Virgilius Eclogam IV inscripsit. Valerius M. *lib. 8. cap. 13.* non minimam Romani styli partem vocat. Ingenium in ipso impigrum fuit, vigilantissimum: nam totius diei lassitudinem perexiguâ quiete deposuit, unde omnium horarum hominem dictum, & joci seriisque accommodatum ait Quintilianus. Primus Bibliothecam Romæ erexit. Ita enim Plinius *lib. 35. cap. 2.* *Asinii Pollionis hoc Romæ inventum, qui primus Bibliothecam dicando, ingenia hominum Rempublicam fecit.*

Quibus sanè elogiis apparet, virtutes in illo non vulgares fuisse. Sed illæ tamen ingenii asperitate & supercilio, quo æquales præ se contempsit, obnubilatæ. Perpetuus enim erat æqualium suorum obtreçtator. Ac fieri sanè id plerumque solet, ut qui eloquentiæ gloriam affectant, quemadmodum varix ipsius formæ sunt, ita Oratores suis quique characteribus distincti sibi plaudant solis, aliis, qui aliud sequuntur orationis genus, insultent. Ut figulus figulo invidet, ita orationis illi figuli sibi succensent. Perpetua illa Ciceroni fortuna fuit, ut æqualium suorum dictariis impeteretur, quem solum & enervem Calvus, plumbem & fractum Brutus, Rufus ille apud Juvenalem Allobroga dixit, quod Gallicismum oratio ejus sapere videretur. E quo solo patet, quo loco Pollionis de Livio judicium habendum, cui minus à Patavinitate objectâ periculi est, si Cicero ipse Eloquentiæ Princeps Gallicismi notam apud temerarios & ineptos censores effugere non potuit, de quo in sequentibus plura dicturi sumus.

Vitio itaque non tantum communi, quo omnes eandem artem professi sibi invident, sed suo & è suo scilicet ingenio nato, ductus fuit, ut æquales suos omnes convitiis lacesseret. Ciceroni infensissimus fuit, ut à M. Seneca Svasoria VI patet, ubi hæc leguntur: *Quando in hanc svasoriam incidimus, non alienum puta indicare, quomodo quisque se ex Historicis adversus memoriam Ciceronis gesserit. Nam quin Cicero nec tam timidus fuerit, ut rogares Antonium; nec tam stultus, ut exornari posse speraret, nemo dubitat excepto Asinio Pollione, qui infestissimus fama Ciceronis permansit: Et is etiam occasionem scholasticis dedit. Solent enim scholastici declamatores ponere, an promittente salutem*

*Antonio, orationes suas comburat. Aliquanto post: Pollio quoque Asinius, qui Verrem, Ciceronis reum fortissimè morientem tradidit, Ciceronis mortem SOLUS EX OMNIBUS malignè narrat: testimonium tamen quamvis inuitus plenum ei reddit. Hinc adfert ex Pollionis historiâ invidendum Ciceronis elogium, id enim ipsi veritatis vis extorserat, quod legi illic potest, atque ubi hoc recensuerat, addit: Affirmare vobis possum, nihil esse in historiâ ejus hoc, quem retuli, loco disertius: ut mihi tunc non laudasse Ciceronem: sed certasse cum Cicero- ne videatur. Aliud etiâ malignitatis in Ciceronem specimen exhibuit, Pollio: nam cum Sextilius Hena Hispanus Cordubensis de Ciceronis morte versus in domo Messalæ Corvini recitaturus esset, Pollionem Asinium, ut interesset, advocavit, cumque in principio hunc versum recitaret: *Deslendus Cicero est Latiaq; silentia lingua*: tum Pollio Asinius graviter commotus Messalæ ait: Videristu Messala, quid tibi liberum sit in domo tuâ, ego istum non sum auditurus, cui videor mutus, & simul consurgens abscessit, nec recitationi interesse voluit. Ejusdem insanix heredem habuit Filium Gallum Asinium, *καὶ ὁ καὶ καὶ ὁ*, in Ciceronem maledicum, de quo scitum est Gellii *N. A. lib. 17. cap. 1.* judicium: *Ut quidam fuerunt, monstri hominum, qui de diis immortalibus impias falsasq; opiniones prodiderunt: ita nonnulli tam prodigiosi, tamq; vecordes exstiterunt, (in quibus sunt Gallus Asinius & Largius Licinius, cujus liber etiâ fertur infando titulo Ciceromastix) ut scribere ausi sint, M. Ciceronem parum integrè atque improprie atq; inconsideratè locutum. Atque alia quidem, qua reprehenderunt, neq; dictu, neq; auditu digna sunt. Quæ sanè censura quoque in Patrem Liviomastigem convenit.**

Sola hæc judiciorum inconstantia in Asinio Pollione, quodque solus ex omnibus iniquior in Ciceronem fuerit, arguit affectibus & invidiâ agitata tam sinistrè de ipso sensisse. Unde quis in ceteros ipsi animus fuerit, facilè judicium institui potest. Nemo enim propemodum æqualium fuit, quem ille non vellicarit. Notum est, quid in Jul. Cæsaris commentariis reprehenderit. Ita enim Svetonius in Jul. Cæsare cap. 56. *Pollio Asinius parum diligenter parumq; integri veritate compositos putat: cum Cæsar pleraque, & quæ per alios erant gesta, temerè crediderit: & quæ per se, vel consultò, vel etiâ memoriâ lapsus perperam ediderit: existimatq; rescripturum & correcturum fuisse. Eodem illa livoris genio profecta esse dubium nullum est: Quis enim Cæsarem ingenio acerrimum, memoriâ promptissimum, ut septenas simul librariis epistolas, teste Plinio *lib. 7. cap. 25.* dictaret, in suis rebus memoriâ lapsum crediderit? Sallustium peculiari libro aggressus est, quo ejus scripta reprehendit, ut nimia priscorum verborum affectatione oblita, teste Svetonio *de Illustr. Gramm. cap. 10.* Quin etiâ Attejum Philologum, qui familiarissimè aluerat, & præceptis de ratione dicendi instruxerat, cavilla-*

tus est Pollio: antiqua eum verba & figuras solitum esse colligere è Sallustio, cum ut Svetonius illic ait, sibi sciat nihil aliud svadere, quam ut noto civiliq̃ue & proprio sermone utatur; vitetq̃ue maximè obscuritatem Sallustii & audaciam.

Quænam ergò Pollionis nostri dotes ingenii, quæ eloquentiæ vis fuit? Nam sanè qui aliorum se censorem gerere velit, præstare illis, in quos virgulam censoriam stringit, debet; ne illi occentetur Horatianum illud:

Loripedem rectus derideat, Æthiopem albus.

Incorruptam in illo vitam & facundiam laudat apud Tacium Annalium XL 6. Silius. Fabius Instit. Orat. lib. 10. cap. 1. *multam in ipso inventionem, summam diligentiam, adeò ut quibusdam etiam nimia videatur, & consilia, & animi satis agnoscit.* Sed cum Cicerone illum comparans, incorruptus testis, audacter pronunciat: *A nitore & jucunditate Ciceronis ita longè abest, ut videri possit seculo prior.* Seneca cum Fabiani Papyrii libros filio commendasset, isque non placere sibi ejus dictionem rescripsisset, comparat inter se Ciceronem, Pollionem, Livium, ut vario eloquentiæ genere claros, sed ita ut Ciceronem omnibus præferat. *Lege, inquit, Ciceronem, compositio ejus una est, pedem servat, curata, lenta, & sine infamiâ mollis. At contra Pollionis Asinii salebrosa & exiliens, & ubi minimè expectes, relictura. Denique apud Pollionem, omnia cadunt, exceptis paucissimis, quæ ad certum modum & unum exemplum adstricta sunt; inter quæ & illud de Cicerone elogium, cujus supra mentionem fecimus, referendum.* Pergit ulterius Seneca in comparatione aliorum autorum & nostri quoque Pollionis cum Fabio: *Affer quem Fabiano possis præponere. Dic Ciceronem, cujus libri ad philosophiam pertinentes penè totidem sunt, quot Fabiani. Cedam, sed non statim pusillam est, si quid maximo minus est. Dic Asinium Pollionem, Cedam, & respondeamus, in re tantâ eminere est, & post duos esse. Nomina adhuc Livium: Scripsit enim & dialogos & ex professo philosophiam continentes libros, quos non magis philosophiæ annumerare possis, quam historia. Huic quoque dabo locum.* Rectè hîc de Pollione judicasse Senecam, omnia ostendunt, & illæ quoque Pollionis epistolæ, quæ inter Ciceronis epistolas familiares libro X. comparent. Intricata enim pleraque sunt & duriuscula, & prærupta, quod accuratius pensanti statim in oculos incurrit, licet cum cura scripta videantur. Quare ad infimum dicendi genus has epistolas retulit Victorinus Strigelius in *dissertatione de Imitatione*, cum Livium in sublimi genere versari existimet: quâ in sententiâ quoque Schottus est *Tullian. question. lib. 1. cap. 18.* Unde Philelphus quoque existimat, eam esse in Livio à Pollione taxatam Patavinitatem, quod plerumque neglexerit sequi vulgare genus orationis, & se communis sensus consuetudini minus accommodavit.

Sola itaque illa causa, quod ad lacteam illam ubertatem, quam in Cicerone & Livio admirabantur omnes, per ingenii asperitatem adspirare non posset, in utrumque tam Ciceronem, quam Livium armavit, ut odio prosequeretur & convitiis proscinderet, quorum laudem & famam sibi obfuturam credebatur. Neque tamen Livio praepositum ideo voluit Fabius, quod extremo loco Livium poneret, cujus dictio cum Liviana collata, tota strigosa est & macilenta, cum altera vivida, copiosa & succiplena. Fabio & Senecæ, at quantis censoribus, omnino calculum suum addit Autor, *Dialogi de Oratoribus cap. 21.* cujus judicium Quintiliano, nisi forte is ipse autor est, adeo consonat, ut nec ovum ovo sit similis. *Asinius quoque* quanquam propioribus temporibus natus sit, videtur mihi inter Menenios & Appios studuisse. Pacuvium certe & Accium non solum tragædiis, sed etiam orationibus suis expressit. Adeo durus & siccus est. Oratio autem, sicut corpus hominis, ea demum pulchra est, in qua non eminent vene, nec ossa numerantur, sed temperatus ac bonus sanguis implet membra & exsurgit toris, ipsos quoque nervos rubor tegit & decor commendat. Siccitatem itaque, duritiem & asperitatem in illo reprehendunt, peritissimi Censores, quam ipse potius, quam tumidum dicendi genus, sectatus est, ut putavit Barthius *Advers. lib. 3. cap. 7.* Neque enim circumscriptionibus studuit, ut ille ait, ad magnificè rem proferendam, ne vulgariter loqui putaretur, nisi forte in locis quibusdam à se ipso styli inæqualitate discrepet, quod tamen in paucitate istorum fragmentorum vix deprehendi potest. Hinc Quintilian. *lib. 10. cap. 2.* pravos illos Pollionis imitatores tristes ac jejunos vocavit.

Mirum itaque quid in mentem venerit Autori *Dialogi de Oratoribus*, qui in Asinio nostro numerosam orationem commendavit, quem durum & siccum antea dixerat, in quo orationem *sechrosam & exilientem, strictam, asperam & nimis raram in dicendo judicium* Seneca Pater notaverat, de quo alibi Quintilianus, quod currentes etiam numeros ultro inhibuerit, ut teneram illam modulandi voluptatem refugeret. Sed tamen & Quintilianus *lib. 9. cap. 4.* adducit quoddam Pollionis exordium adeo Celso probatum, ut optimam in eo compositionem & legem principiorum dixerit, quam quidem Quintilianus non reprehendit, sed omnibus principiis accommodandam negat. Putabat itaque Schelius commentario ad hunc locum, pro *numerosior legendum morosior*. Sed quia Codices non consentiunt, frustra hic locus sollicitabitur. Existimaverim ego, Autorem *Dialogi* respectu ad Calvum, quem strictiorem vocat, habito, à numeris commendare Pollionem, quod iis Calvum tamen vinceret, licet ab aliis vinceretur, Cæsare, Calio, Bruto, Cicerone, qui tamen aliis virtutibus orationis extantioribus, sed præcipuis & propriis commendantur, licet & numeroso dicendi gene-

genere Asinium vincerent. Nam cum Ciceronem à vehementia & plenitudine laudat, numeros non excludit, quibus Asinio & cæteris omnibus superior est. Sic enim verba habent: *Strictior Calvus, numerosior Asinius, splendidior Casar, amarior Calius, gravior Brutus, vehementior & plenior & valentior Cicero.*

Salva itaque erit Asinio sua durities & asperitas, quicquid de numeris sit, quæ adeo ipsi propria fuit, ut in animum quoque ipsum immigraverit. Plerumque enim eloquentiæ formæ genium ostendit, atque hic ab illa noscitur. Ut confragosa & aspera Asinio Pollioni oratio fuit, ita talis quoque indoles. Id quod hujus quoque exemplo ostendit elegantissimus J. C. Tuldénus libro de *Cognitione sui lib. 3. cap. 4.* Atque hæc Asinii gentilis planè indoles fuit, ut Tacitus *lib. 1. Ann. cap. 12.* memorat, qui de Asinio Gallo Pollionis filio refert, *quod invisus Tiberio fuerit, tanquam plusquam civilia agitare Pollionis, Asinii Patris ferociam retineret.* Namque ob nimiam ~~inimicitiam~~ in vincula conjectus, & tandem jugulatus fuit. Quanquam enim Gronovius hinc ejus asperiores indolem commodiore & benigniore interpretatione cohonestavit, dum in illo ferociam notatam fuisse ait, ut in Labeone insania, quibus titulis illi signabantur, qui libertatis & juris sui retinentiores erant, quam ferre aulica ingenia poterant; ingenii tamen morositatem eo ostendit, quod tempori cedere nollet, sed potius adversus Principis & aulæ ingenium se obstrimaret. Timagenem ille amavit & contubernalem habuit, cum Augustus illi domo suâ interdixit, & plurima alia fecit, quibus in odium aulicorum incurrit, qualia evitare vir prudens & modestus facile potuisset. Ut excusandus non videatur, quocunque etiam virtutum colore hæc ejus pertinacia & morositas incrustetur. Elucet quoque ex eo viri hujus malignitas, quod aliorum etiam manes ne post sua quidem fata quietos esse voluerit. Cujus rei historiam Plinius in præfatione Historiæ suæ recenset. *Nec Plancus ille pidd. Cum diceretur Asinius Pollio Orationes in eum parare, quæ ab ipso aut liberis post mortem Plancii ederentur, ne respondere possit: cum mortuis non nisi larvas luctari. Quo dicto sic percussit illas, ut apud eruditos nihil impudentius judicaretur.*

Neminem jam puto fore è prudentioribus doctioribusque, quem Pollionis autoritas facile movere possit, hominis ut ingenio maligno, tristi & livido, ita oratione sicca & aspera. Cui ut nec bene judicandi voluntas ob ingenii malitiam, ita nec censendi facultas fuit, quod ipse his virtutibus destitueretur, & cum vitia sua amaret aliorum virtutes ferre non posset. Eundem in sensum judicat Ptolomæus Flavius centuriâ Conjectaneorum cap. 45. *Illud, inquit, Asinium innuisse suspicor, quod cum placeret sibi brevissimus dicendi modus & nihil probaret, quod pluribus explicetur, & lacteam*
uber-

libertatem in Livio intueretur, offensus ea (utpote ingenio suo Laconicum appetenti satis minimè facienti) taxavit in illo Patavinitatem, quando in hodiernam usque diem Patavini male audiant de effusore quadam sermonis prolixitate, quibus hunc tradunt in loquendo esse morem, ut semper ab ovo exordiantur. Omnino ita res habet, ut judicat Quintilian. lib. 8. in proëm. extrem. Quibusdam nullus finis calumniandi est, & cum singulis penè syllabis commorandi: qui etiam cum optima sint reperta, quarunt aliquid, quod sit magis antiquum, remotum, inopinatum: nec intelligunt, jacere sensus in oratione, in qua verba laudantur. Quorum hominum generi accenseri sanè Pollio debet, ut in quo ita diligentiam laudat Quintilianus, ut nimiam in illo reprehendat.

Erat scilicet Romæ quædam Atticorum factio, qui cum virtutes copiosæ orationis consequi ingenio non possent, Attici sermonis castigatiore diligentia huic suæ imbecillitati colorem quærebant, & ut benè se rem suam agere omnes crederent, iis quos beatæ libertatis gratiâ florere intelligebant molestias faciebant, ac velut Asianos traducebant. Cujus culpæ partem cum Cicerone etiam Livius ferre debuit ab ineptis illis censoribus, cum in illo sermonis genere hi duo regnarent. De Cicerone disertè id Quintilianus lib. 12. cap. 10. Tullium non illum habemus Euphranorem circa plurimum artium species præstantem, sed in omnibus, quæ in quoque laudantur, eminentissimum. Quem tamen & suorum homines temporum incessere audebant, ut tumidum, & Asianum, & redundantem & in repetitionibus nimium, & in salibus aliquando frigidum, & in compositione fractum, exultantem, ac penè (quod procul absit) viro molliorem. Postea verò quam triumvirali proscriptione consumptus est, passim qui oderant, qui invidebant, qui emulabantur, adulatores etiam presentis potentie, non responsurum invaserunt. Ille tamen qui jejuniis à quibusdam atque aridus habebatur, non aliter ab ipsis inimicis malè audire quam nimis floribus & ingenii affluentia potuit, falsum utrumque. Sed tamen illa mentiendi propior occasio. Præcipuè verò prefferunt eum, qui videri Atticorum imitatores concupiebant. Hæc manus quasi quibusdam sacris initiata, ut alienigenam, & virum superstitiosum, devinctumq; illis legibus insequebantur. Unde nunc quoque aridi, & exsuccii, & exsangues. Hi sunt enim, qui suæ imbecillitati sanitatis appellationem, quæ est maximè contraria, obtendunt: qui quia clariorem vim eloquentiæ velut solem ferre non possunt, umbra magni nominis delitescunt. Hæc Quintilianus acute sanè & eleganter judicat, qui sub Atticis illis procul dubiò Pollionem nostrum perstringit. Compositionis enim diligentia videri volebat, & pressum dicendi genus sectabatur, cum circumductum illud & fustum exprimere non poterat, ut ex ejus epistolis apparet. Quam ob causam cum ipse præruptam illam breviter sequeretur, Lipsius Livium aibi supinum & frigidum imò & παντολογον agnoscit in notis ad Polie. lib. 1. cap. 9. Ludovicus sanè

Vives lib. de ratione dicendi talem fuisse suspicatur Pollionem, qualem fuisse perhibent Hegesiam Charisii imitatore, cui oratio erat jejuna & ossea, fractis minutisque seniculis, quique maximè affectavit Atticus videri & alios prae se contempsit. Atticorum illa affectatio è Cicerone ipso patet, qui in libro de claris oratoribus Brutum falsè inducit Calvum exagitantem, quod Atticisimi studiosior corruperit eloquentiam, ne Brutum ipsum reprehendere videretur. *Atticum se*, inquit, *Calvus noster dici Oratorem volebat*: inde erat ista exilitas, quam ille de industriâ consequebatur. Dicebat, inquam, ita, sed & ipse errabat, & alios etiam errare cogebat. Prolixè hic ostendit, quod Atticisimi non sit unum genus, & quam illi nihil hujus assequantur, qui vitia sua hoc colore tegunt. Et ille quidem Calvus in Ciceronem singulari libro injurius, ille est, de quo Autor Dialogi de claris Oratoribus ait: quod cum unum & viginti libros reliquerit, vix in unâ aut alterâ oratiunculâ satisfaciât. De illo Seneca l. 7. Declam. & lib. 4. controv. dixit: illum cum Cicerone iniquissimam litem de principatu eloquentiæ habuisse. Mirum est, nostris temporibus in istâ judiciorum luce potuisse Ramum, sciolum & perpetuum antiquitatis cavillatorem, novum Ciceronianæ famæ post Antonium parricidam, eandem Asiaticismi notam Ciceroni inuere, qui in Brutinis quaestionibus, Sus Minervam, Ciceronem eloquentiæ principem eloquentiam docere voluit, omnia ejus adlatrans, è furioso illo adversus Aristotelem odio, cujus vestigia cum sequitur Cicero (ut sanè sequi ipsa ratio, & præclare excogitata præcepta jubent) in tantam ejus reprehensionem incurrit. Eadem fabula nostro tempore in cultissimâ Italicorum gente acta fuit. Etenim cum primi Eloquentiæ Tullianæ gloriam illic resuscitarent superiori & nostro seculo viri in his literis principes cæterisque gentibus in exemplum dati, Manutius, Casa, Muretus, & his similes, adversus hos insurrexerunt homines quidam stulti, futile aliquod, sub nescio quâ Atticisimi & Laconisimi specie, & pumilum dicendi genus commenti, quod sententiis argutis sed precariis, frigidis & ineptis tanquam crepitaculis & cymbalis, velut aliqua morionum vestis undique sonaret, & brevibus membris non flueret, sed stillaret. Adversus quos eloquentiæ genuinæ corruptores Aëtionem scripsit & sub Thesauri Eloquentiæ titulo edidit Albertus de Albertis, & doctissimam illam Orationem pro Cicerone adversus novum dicendi genus, quæ inter Orationes ejus tertia est, tribuit ad elegantias omnes factus Fr. Vavassor. Quibus addi possunt Epistolæ à Jano Nicio Erythraeo scriptæ, libri Tertii, decima, Quarti, decima tertia, Quinti decima & undecima, Septimi tertia, & illa ejusdem ad Hieronymum Aleandrum præfatio, quam Eudemix suæ præmisit, quibus nihil ceterius in his ingeniorum monstris exagitandis, excogitari potest. Lepi-

disfima illa est, quam & eo in loco commemorat è Senecâ de Cæstio declamatore historia, qui apud discipulos suos in Scholâ responsurus Orationi Ciceronis pro Milone, hoc utebatur principio: Si Thrax essem, Fusius essem, si pantomimus essem, Pantillus essem, si eques, Melison. Quæ cum audiret, qui forte illic aderat Seneca pater, non sine indignatione altâ voce exclamavit: Si cloaca esses, magna esses. Hinc risu omnes emori & Cæstius obmutescere. Quem cum Seneca postea in foro omni litium genere vexaret, ut adigeret eo hominem, quò Ciceronem se disertiozem vel serio vel joco prosteretur, nulla id arte efficere potuit.

Idem ille furor Pollionem occupaverat, cujus si linguam & ferociam non principes viri, non privati, non æquales, non viventes, non mortui effugere potuerunt, quid mirum, si in Livio aliquid, quod carperet, invenisse sibi visus est, qui nemini pepercit. An rejiciemus Tullium, quod tot maledictis & cavillationibus ab æmulis suis & hoc nostro Pollione exagitatus fuerit? Validiora sunt tot seculorum judicia, tot doctorum hominum suffragia, quam ut his oculis vel Ciceronis vel Livii gloria infirmetur, quæ nullam hætenus jacturam fecit. Esto itaque Asinius sibi semper similis, sibi que relictus Asinius, cujus protervia tot scriptorum jacturâ pœnæ satis dedit. Nam cum perstent omnium judicio firma adversus hominis hujus censuras Ciceronis & Livii immortalia opera; Asiniana temporis injuriâ hominumque oblivione dudum perierunt. Pulchrè sanè Buchnerus in Dissert. Academicâ 393. quæ in Livii laudes scripta est: *Sic in Oratione Livii Patavinitas quedam, non tamen efficere potuit, quo minus historias ejus & hodieque legamus. Cum Pollinis contra Romanitatem non eâ virtute poluit, quantâ ad eluctandum opus erat ex illis fluctibus, qui scripta ejus, quod dolemus tamen, absorpserunt. Trahit aliquid è nomine suo Asinius, facile eo, quod calcitrat semper & rudit, noscendus: nam sanè cum in Livio deprehendere sibi Patavinitatem videtur, utrum Livio plus Patavinitatis, an Asinio plus Asinitatis insit, meritò dubitaveris.*

CAP. V.

Pollionis autoritate inducti multi ad sinistram de Livii Latinitate judicia. Livii in stylo Historico præ Cicerone prærogativam nonnulli inepte adstruunt. Impugnat Trapezantius & Buchnerus. Maledicus hujus litis arbiter Benius. Sturmius Pollionis censuram sequitur in Livio, uti & Fr. Picus Mirandula & Bibliander. Cælii Rhodigini judicium de eo non omni ex parte benignum. Pulchritudinem in illo agnoscit, sed austeritati junctam. Subausterrum etiam Erasmus judi-

cat. *Pulchritudinis & jucunditatis in Oratione discrimen. Jucunditas Livio orationi vindicata; è judicio Senecæ, Quintiliani, Trapezuntii, Rapini, requisitis Hermogenis. Quæ dulcem & jucundam orationem efficiant, in Livio præstantur. Historia Poetica orationi proxima. Respondetur Benii calumniis. Veritas in Historia non semper laudabilis. Aristotelis de eâ judicium. Benius non notatus. Copia Carminis Ovidiani à nonnullis reprehensa, à Daniele, et alio eleganter defensa. Cortesius ubertatem sine modestiâ profluentem in Livio vitæ. Cui à Gaddio responsum. Quod aliquâ parte notatur. Rapini judicium de his, quæ Livio obijciuntur. Modestia, Character Ethicus in Livio insignis præstito. Compositio Orationis in Livio jucunda. Cicero ipse in Historiâ aliquid vitæ agnoscit.*

QUOD de calumniis dici solet, earum semper aliquid hære, ejus exemplum in Livio luculentum habemus. Postquam semel illi Pollio Patavinitatis notam inusserat, aliqua ejus suspicio in animis etiam doctorum virorum eas radices egit, ut extirpari non potuit. Quoniam enim Pollio Livii æqualis, interque Romæ viros principes, præsentia præterea laude floruit, facile calumnia hæc veri colore imponere nonnullis potuit. Movit certe Sturmium, Virum maximi nominis, et numque Latinitatis Censorem, Pollionis autoritas, ut sinistræ quoque sententiæ calculum suum adjiceret. Nam cum in Nobilitate suâ Literata de scriptoribus nobili juveni legendis ageret, in historico quoque stylo formando rationem omnibus prætulit. Quod equidem non reprehendo. Nam eorum sententiam minimè probo, qui Ciceronem ad Historiam scribendam inæptum fuisse existimant. Ineptum est Gaddii in libro de scriptoribus, Tom. 2. 75. judicium, qui ubertate ac styli ornamentis ac luminibus facile superandum à Tullio Livium, sed virili ac torosâ dictione, gravitate sententiarum, copia præceptionum, judicio ac mente sedatâ præstantiorem Livium judicat, si non in his triumphet Cicero, cujus qui virilem & torosam dictionem gravitatem sententiarum non videt, nihil videt. In cæteris vero, quæ sententiosum dicendi genus sibi conjuncta habet, facile, quâ fuit prudens sibi temperasset Cicero. Rectè itaque Trapezuntius Rhetoricor. lib. 8. g. 172. insanire illos dicit, qui Ciceronem in historiâ scribendâ T. Livium exæquare non potuisse judicant. Nam Ciceronem ita summum Oratorem esse ait, ut & Historicus esse possit: Livium ita summum Historiæ esse judicat, ut & Orator esse possit, ita enim disertè de Livio: Hunc, si quis bene Orationis suæ vim intellexerit, non magis inter historicos, quam præclaros Oratores numerabit. Mirum enim dictu est, cum apud eum perire quinquam cuiquam velit, quâ rationum copia, quibus aculeis, quo affe-

Et utatur. Contra Ciceronis Historicum scribendi characterem arguunt narrationes ab illo subinde Orationibus interspersæ: unde patet, quam ille faciem styli argumento attemperet. Buchnerus quoque *Part. 2. Epistolâ 32.* adversus illum, qui Curtium in Historico stylo firmando Ciceroni prætulerat, præclare ostendit, hujus quoque styli lineamenta esse è Cicero ne ducenda. Maledicus tamen est Benius, qui eos, qui Livium Tullio in scribendâ historiâ præferunt, Musicam Marfyæ & Apollinis contentionem, ac Midæ judicium renovaturos ait. Nimis enim indignè tractat, Livium ipse Marfyas ac Midas, cum in tantos viros censoriam illam virgulam stringit, utut ab ipso non dissentiam, cum existimat, si Cicero historiam scripsisset, illum germanam perfectæ historiæ ideam dare potuisse.

Ut verò ad Sturinium redeam, laudare in illo minimè possum, quod Pollionis centurâ in sinistrum quoque de Livio judicium impelli se passus sit. *In Livio*, inquit, *Pollio Patavinitatem deprehendit: quam non considerasset, si non ex melioribus cognovisset, quid Romanum esset, & quid Patavinum.* Et qui Ciceronis aquis benè os imbutum habent, eodem illi gustatu in Livio eam, ut ita loquar, peregrinitatem sentire poterunt, quam sensit Pollio. E quibus sanè verbis patet, eandam ipsi cum Pollione dicam scribere Virum doctissimum, cujus tamen si causâ danda esset, haberet sanè quod ageret, facilius enim illa dici, quam demonstrari possunt. Theodorus Bibliander, in libro de ratione communi omnium lingvarum, de Livio idem ait: *In Livio est à Pollione animadversa quadam Patavinitas, quia fuit Pataviensis, nec purum putumq; Romanum eloquium per omnia retinet.* Videmus & Johannem Franciscum Picum Mirandulam, in libro de imitatione, Patavinitatem causâ eidem adscribere, quod Romani sermonis ideam non satis rectè assequeretur Livius. Neque Cælio Rhodigino ab hac Patavinitatis notâ Livius abesse videtur, licet eloquentiam ejus in cælum ferat laudibus. Nam *Lectiorum Antiq. lib. 25. cap. 3.* ideò Patavinitatem objici putat Livio, quia non sit urbanitate certâ, id est, urbis Romanæ genuinâ proprietate, quasi colorata ejus oratio, (quibus ille Ciceronis verbis hic utitur) quæ inter legendum sentitur potius, quam exprimi oratione queat. Majus quippe, ait, recinit quiddam & resonat urbanius in Romanis scriptoribus, quam gentium reliquarum. Idem tamen in illo agnoscit ubertatem prædulcem & austeram tamen, nec decoctam, nitidam, sine labore efflorescentem, nec affusam modo nectare, sed quodam Circes veneficio delibutam, inenarrabilem facundiæ vastitatem, quæ tamen vasta non est, sed compta honestius, culta pretiosius, expolita divinitus; è cujus una prælectione plus emolumenti, quam è decem Salustii auditores sui retulerint. Quare Dionysium Halicarnassum secutus, quod ille *lib. de Collocat. verbor. num. 29.* de Thucydide dixerat, pulchram

um quidem esse Orationem Thucydidis, sed non inesse illi jucunditatem illam ac gratiam, quam aliqui forte desiderarent, id ille in Livium sperare videtur. Dionysius enim in Oratione gratiam & jucunditatem orationis à pulchritudine distingvit. Hæc ipsi consistit in numero, harmonia, quantia, nitore, dulcedine, splendore, juncturâ & convenientiâ cum argumento: Illa in magnitudine, majestate, gravitate. Quæ itaque pulchra dicuntur, non semper cum jucunditate aliquâ conjuncta sunt. Jucunditas enim orationis procedit plerumque ab indole & ingenio hominis, pulchritudo ab artis præceptis dependet. Horatium hujus discriminis meminemus: *Nec satis est, pulchrum esse poemata: dulcia sunt* 10. Haud scio, si Lucrespexit Erasmus, cum lib. 28. Epist. 8. ait, Livium, quo non alius jucundior, ad primum gustum subausterum esse: quam in rem elegantissimè usus est similitudine: *Quemadmodum quosdam loquentes ægrè intelligas, sæpius audieris: & quemadmodum Musica genus ob hoc ipsum minus delectat, quod novum est & insolens; ita quoniam suus cuiq; stylus est, sic asperitudine familiaris, ac proinde jucundior.* Jucunditatem hanc asperitati mixtam in Livio percipit Trapezuntius lib. 5. pag. 172. quando ita de illo: *Pulchritudinis & jucunditatis tantum adhibet, quantum possit orationem delinire & ab altitudine non recedere. Nam adeò variis schematicis ornatus est, eoque ordine fere naturali apud res circumductæ sunt, ut ultra quam dici possit dulcis suavisque videretur, nisi ratione locatione nimium jucunditatis contemperaret.* Verum Rapinus, ut illam sententiam de Thucydide verissimam esse putat, ita tantum abest, ut in Livio jucunditatem & gratiam desideret, ut potius cumulatissimè in illo inveniri que illam Thucydidem superari existimet. Quin & Quintilianus eam in Livio agnovit, cum lib. 10. cap. 1. ait, Livium in narrando esse miræ jucunditatis & clarissimi candoris, neminemque Historicorum affectus dulcioris magis commendasse quam Livium. Seneca quoque Epist. 16. librum, in quo ipsi transmissus erat laudaturus, primo aspectu, quasi Livii fuerit, placuisse ait: tantam enim dulcedine ipsum tenuerat & traxerat. Accedat si sermonis suavitas, γλυκύτης Græcis dicta, inde æstimanda est, unde imitandam docuit magnus harum dicendi formarum spectator Hermogenes, lib. 2. cap. 4. καὶ ἰοεὼν & lib. 1. cap. 2. illam cum Quintiliano jucunditatem in omni ex parte deprehendemus. Requiritur primum simplex oratio, non fucata, & audientibus grata. Et sanè læteam ob id in Livio ubertatem prædicat Quintilianus lib. 10. cap. 1. Sententiarum suavium fontes sunt, quæ vel animum pascunt, vel sensus nostros. Ad illum fontem referuntur τὰ παλαιὰ, fabulosa ficta, vel ipsis proxima, verosimilia, quibus Livius indulget, quantum per Historiam licet, ita ut ad illa alludat & interspergat. Vel una historia de Romulo & Remo istam suavitatem ob oculos ponet. Præter-

ea illa toties iterata prodigia, quod in ipso vituperant nonnulli, aliquam ejus svavitatis partem constituunt. Quæ sensus afficiunt, dulcia sunt, ut fontes & sylvæ, oculos enim pascunt, quo genere Bucolici scriptores passim utuntur Theocritus & Virgilius. Omnia itaque ex his translata & figuræ svavitatem habent. His quam feliciter utatur in rerum descriptionibus, in narrationibus Livius, sexcentis possit exemplis demonstrari. Svavia etiam sunt, quæ pertinent ad nos ipsos, nam delectamur rebus nostris, majorum nostrorum, chara sunt nobis nostra existimatio, nostra domus, nostri liberi, patria nostra. Talia frequentissima sunt in concionibus Livianis. Nam disertis verbis Quintilianus de eo lib. 8. cap. 1. *Affectus præcipue eos, qui sunt dulciores, ut parcissime dicam, nemo historicorum commendavit magis.* Etiam hoc svave est, cum rebus inanimis animus atque voluntas attribuitur & animantibus mutis sermo. Quod cum frequenter Poëtæ faciant Historici, & Livius noster datâ occasione tam scite se hic tractat, ut non desint, qui Poëticam Orationem cum Historiâ in multis convenire existiment. Quod licet Benius in Livio reprehendat, qui locum illum, ubi Livius Annibalis in Italiam transitum describit, ut Poëticum, turgidum & asperum cavillatur, cum tamen in tam memorabili factô stylus extolli deberet, & Quintilianum fugillet, qui historiam nihil aliud, quam solutam Poësin esse dixerat: nam illum non tam ad germanos & proprios virilis historiz numeros, quam ad historicorum multorum usum & libertatem respexisse autumat; minimè tamen culpandus est, quin potius laudem maximam meritus est, ut qui illam eloquentiæ svavitatem loco commodo ostenderet. Neque negare id potest Benius, Livium perspicuè ac svaviter narrare, sed tamen illum statim ad dumeta se sua recipere ait. Quô judicio quid sibi velit, non satis liquet: nam cum inæqualitatem aliquam in stylo Liviano ostendere laborat, ea damnat, quæ laudari debebant. Cum enim à concionibus ad narrationes, ab his ad illas descendit Livius, alio vultu & habitu sermo adornandus erat. Et verò in concionibus ipse venustatem ac concinnitatem agnoscit, putatque illos, qui Livii eloquentiam tantopere extollunt, illius concionibus captos fuisse, pudicæ ac virilis historiz virtutem fortasse non attentius animadvertisse. Non disputabo hic equidem, quod à Vossio in Arte Historicâ & Augustino Mascardo factum est, an conciones sint ab Historicis narrationibus inferendæ; nam nunc styli tantum res agitur. Sufficit virtutem nitidi sermonis in concionibus Livianis agnovisse Benium, à qua cum discrepat in reliquo Historiz corpore, tantum abest, ut reprehendi debeat, ut laudari eo nomine mereatur. In quo tamen si quid vagum, vastum & inconditum inesse videretur Benio, non videtur copiosæ orationis in Historia scribenda formam, modum &

compositionem intellexisse. Brevitatem enim non affectabat Livius, quæ in tam vasto opere & tam splendidi argumenti indecora fuisset & ineptæ. *Brevitas*, inquit Tullius, *laus est interdum in aliquâ parte dicendi : in universâ eloquentiâ laudem non habet.* In tanto enim opere, quo populi Romani gesta describenda erant, grandius aliquid requirebatur, quam in Thucydide & Salustio, in quibus pro argumento strictiori, laudem brevitatis habet. Alia membrorum compositio ineunda est iis, qui sigilla, quam qui colossus Rhedius expressuri sunt. Appositè in rem nostram Aristoteles lib. 3. *Rhetoricæ*, cap. 16. *ἔν τῷ δὲ γαλοῖως τὸ διήγησιν Φασι δεῖν εἶναι περὶ χεῖρας.* καίτοι ὡς αὐτοὶ τὸ μάλιστα ἐργάζωνται, πότρεν σκληρὸν ἢ μαλακὸν μάζει, τί δ' ; ἔφη. ἐν, ἀδύνατον; καὶ ἐν ταῦτα ὁμοίως. *Ridiculè faciunt iis, qui narrationem brevem esse oportere dicunt.* Atqui quod quidam pistori panem subigenti, percussantique durumne an mollem subigeret? quid? bene, inquit, omnino subigere non licet. Docet itaque Aristoteles, non in brevitate, sed in mediocritate, & in eo, quod oportet, sitam esse laudem omnem. Quem Aristotelis locum cum interpretaretur in commentario suo Benius, ut aliquo colore suo infuscaret, in medio relinquit, utrum Aristoteles ex animi sententiâ locutus sit, an vero hinc invidiam tacitè conflandam judicaverit Isocrati, qui brevitatem in narrationibus affectavit, à qua non discessisse, M. Tullium in partitionibus scribit, qui tamen, ut supra vidimus, nullam absolute talem, sed argumento aptam requirit. Mirificè hic in Livium nostrum convenit, quod de Ovidio Daniel Heinsius libro de *Tragæd. constit.* cap. 13. Nam sunt nonnulli, qui eadem injuriâ illum afficiunt, ut in narrationibus prolixum & declamatoriis argutis indulgentem, ac fuere non inter veteres tantum, sed & inter recentiores, qui hoc illum cavillo feriunt, in quibus Vavassorem reperiri indignor sanè. Nam quod Barthius ante ipsum idem quoque in Ovidio reprehendit, non moror; erat enim minime istarum rerum idoneus iudex, longè ab illis elegantissimis semotus, quales in Ovidio deprehendimus. Ab hac verò injuriâ illum vindicavit Heinsius, ut non suâ tantum, sed è Mureti, Josephi Scaligeri & Julii Cæsaris Patris sententiâ, qui tanquam absolutum & omni ex parte perfectum dicendi exemplum commendavit, prodigii instar, ovis ac sulphure lustrandos existimet, qui auctori tanto detraherent. *Ajunt*, inquit, *redundare Critici.* Et sit sanè hoc verum: Idem Oceano quoque evenit, cui frustra naves legem, idem fluvius, quorum quisque quò generosior, eò minus agnoscit rivum ac pontem; fontes & stagna intra se consistunt. Sed quemadmodum mendicis plurima ad vitam desunt, ita invidere solent, quibus ad felicitatem omnia versantur: sic jejuni isti & famelici aliorum opes limis cum intueantur, virtutes ordinem redigere audent. Ablegabimus hoc dicterio Heinsii Benium, quem

quem sola illa invidia, & calumniandi studium, ut Pollionem, in Livium excitavit. Qui cum ad felicem hanc ubertatem, per ingenii tenuitatem adspirare non poterant, illum contemnebant & convitiis proscindebant. Valeat etiam Cortesius cum bello illo iudicio, qui in libro de Imitatione *profluentem quandum sine modestiâ ubertatem* Livio tribuit. Cui respondet, Gaddius lib. de Scriptor. tom. 1. p. 141. *Hic non sine, sed cum modestia & modo adhibuit ubertatem Ciceronis profluentem, quam temperavit vel adstrinxit aliquantum, breviores periodos & sententias solidas & acutas adhibens frequenter, ita ut in suis orationibus, quæ sententiis & rebus gravissimis sciant, videatur minimè verbosus & brevis, cum Tullio collatus.* Rectè quidem ille iudicat; sed quod breviorum illum Cicero putet, id ex genio historici styli fieri conveniebat. Neque Cicero laxiores ubertatis suæ terminos posuisset, si historiam scripsisset. At Rapinus cum in Comparatione sua pag. 95. ad illa, quæ Livio obijciuntur, respondet, fatetur quidem, inveniri in illo, quæ speciem talem habeant, verum illum datâ operâ summâque cum prudentiâ & iudicio iis usum arbitratur; ac admittit sane in ipso perspicuo dicendi genere quandam obscuritatem Hermogenes de Ideis lib. 1. cap. 5. extremo. Quod si Cortesius non modestiam sermonis, sed characterem in illo Ethicum desiderat, nil est falsius, qui ut in principio, ita per totum opus illum exprimit. Nil ab illo jactantius dicitur. Ex toto ejus opere mira honestas & μεγαλοπρέπεια in omni illa tot consiliorum, technarum actionumque narratione elucet, ut ipsâ illâ dicendi formâ sincerum aliquid spiret. A quo characterem quam longissimè abest Tacitus, qui omnium rerum & verborum quasi veteratoria quædam lineamenta ducit, subdolis conjecturis & suspicionibus totam historiam incrustans. Non potest enim characterem boni promittere malignus omnium dictorum factorumque interpret. Quicquid ergo Benius ceterique Cercopitheci cavillentur, nihil in Livio asperum & horridum est, sed omnia summâ ac uberrimâ suavitate decurrunt, quam ut in sententiis expressisse diximus, ita & illam, quæ in tota orationis compositione consistit, expressit. Nam ut Hermogenes tradit lib. 1. *ἡ ἰδέω* cap. 2. methodus & ordo aptus sententiarum adhiberi debet, dictio epithetis ornata acutis & poetice elocutionis, non elata, non diffusa; figuræ dictionis & præcipuè ea, quæ vocatur Rectitudo, quæ per rectos casus procedit, & quæ non habeat parentheses: membra paulo majora quam incisa: structura in suis partibus liberè soluta. Eorum omnium, si quis Livii orationem accuratius consideret, vestigia ubique deprehendes, nam illa structuræ concinnitas, illa laudabilis Poëtismi in Historico stylo felicitas adeò Livio propria est, ut neminem Historicorum sciam, qui eam ita expresserit. Benium illam impu-

impugnantem suis ineptiis relinquamus. Unius autoritas Ciceronis omnibus exceptione maior est, qui in *Oratore* finitimam esse dicit historiam, et orationi, quæ ut in epidictico genere Isocrateo Theopompeoque more decurrit, quod ad poetismum accedere propius, verius est, quàm à nobis demonstrari debeat. Quomodo conveniat vel differat à Poësi historia, de eo pluribus agit Maccius lib. 1. de Historiâ cap. 12.

CAP. VI.

Irbana & oppidana dictionis differentia hoc de Patavinitate Livianâ judicium peperit. Vetustissimus sermo Latinus alius à Romanò. Romanus sermo ad Græcæ & Atticis genium formatus. Latina & Græca lingua parallelismus. Latinam linguam à Græcis non corruptam adversus Inchoferum disputatur. Rhetores Græci, quas causas Romæ ludum claudere jussi. Latina voces & Phrases à Græcis, & ad Græcorum imitationem conficta. Pelasgi primi Italiæ coloni habitæ. Latina lingua & ex his gentibus voces habuit. Varia lingue latine divisio. Prisca, Latina, Romana, & Rustica. Romana & Latina an differant. Vulgaris lingua latina an diversa à cultiore. Leonardi Aretini & Francisci Floridi Sabini controversia. Italicismi jam in plebea latina familiares. Ejus exempla luculenta adducuntur. Frustra itaque de illo dubitat Barthius. Qui tamen Romanorum aliam in loquendo, ac in scribendo fuit, linguam facit. Firmatur testimoniis Quintiliani, Svetonio, apud quem ipsius Augusti exemplum, Cicerone, Sidonio, Commentario Arnobii super illos. Vulgaris illa loquendi ratio à Patribus Latinis usurpata in orationibus populorum. Erasmi de eo judicium. Arnobii defensio. Dictionis Versionis veteris Barbarismi & Solæcismi in nomine politico sæpè affectantur. Voces inusitate latine, sed plebeje in Glossariis vestigies antiquitate certant cum cæteris. Cause, quare in usu esse desierint, reseruantur. Voces inusitate apud classici autores usurpate à Criticis ineptè expunguntur. Factum hoc in Cicerone & Livio. Voces multe ejus commatis supersunt in Romæ Hispanico & Italico. Inde orta vulgaris Romana. Romana Rustica. Provinciales sue gentis vocabula ad normam latinam flectebant. Exempla adducuntur. Barbarismi nomine olim rusticitas illa sermonis salutabatur. Sed & Solæcismus eò tolerendus. Recentior sermo rusticus distinguendus à veteri. Romanæ fabule ab illius lingue nomine ita dictæ. Plebitas & Peregrinitas etiam in Romanis scriptoribus creata, ut in Vitruvio. Plurimum numero unum alloqui Romanum, imò & plebeum. Jam in Virgilio rustice voces observata. Imò & Solæcismi. Impugnat hoc Rapius. Rusticus & Urbanus sermo apud Græcos non solum diversus, sed & apud Romanos, in pronuntiatione, tum vocibus ipsis.

Quandoquidem ut vidimus, tantum Asinii Pollionis auctoritas pondus apud nonnullos habuit, ut Patavinum aliquid Livii esse orationi suspicarentur; videamus nunc, an tam immanis inter Romanum & municipalem sermonem, quodque discrimen illud fuerit. Certum enim est, ab hac Urbana & Oppidana dictione etiam vulgò notata differentia Pollionis hujus imputationi robur aliquod & præsidium peti. Constat, in Italia non unum sermonis vultum fuisse lingvis enim & dialectis vel saltem idiotismis, ut nunc sunt, etiam discipasse ipsa ratio, & populorum è gentibus coalescentium natura dictitat. Quis vetustissimus ille latinorum sermo fuerit, nunc non disquiremus. Id certum est, planè illum alium fuisse, quam is florente Romanâ eloquentia fuerit. Quod è fragmentis Hetruscis aliisque, quæ à quibusdam prodiguntur, observari potest. Plus illam Celticâ aliisque antiquissimis lingvis debuisse verosimile est, cum Romana partim ex illis, partim è Græcâ lingvæ vocibus coaluerit, ad cujus formam totamque structuram illa paulatim exculpta est, quodque magis exculpta fuit, eò propius ad nitorem illum accessit, quem Urbanâ dictione veteres insignire soliti sunt. Ex quo enim sylvestrem illam popularis lingvæ naturam exuerunt, & arctiora cum Græcis instituerunt commercia, ita expoliverunt rusticanam illam indolem, ut quo felicius Atticorum rationes exprimerent, eò magis sermo publicus exsplendesceret, & in provinciarum quoque usum transiret. Quod verissimum esse ille Græcâ & Latinâ lingvæ à viris doctis notatus parallelismus ostendit, ac vasto & operoso volumine, cui titulus *Roma Attica*, quod hætenus ineditum apud V. Cl. Olavum Borrichium asservatur & prælum expectat, Vir doctissimus Rumannus declarat, cujus specimen nuper editum fuit. Quò magis miror Melchior. Inchoferum in *Historiâ Sac. Latin. lib. 2. cap. 4.* Græcos Latinitatis corruptæ reos, & quidem primos arguere. *Quam primum enim Græci Romam acciti aut sponte petentes cum cæteris linguan. miscuerunt, è vestigio, inquit, Romanus sanguis, hoc est, latinus sermo, famam creavit.* Nam sanè lingvæ ipsi vitium nullum oblatum est, cum fatente Fabio lib. 1. cap. 5. *maximâ ex parte Romanus sermo è Græco conversus sit.* Idem Dionys. Halicarnass. *Antiq. lib. 1.* Varro *lib. 9. de L. L.* Festus & Scaliger ad Festum, Grotius epist. ad Gallos epist. 51. ad Peirescium, multis exemplis testantur. Imò verò disciplinâ Græcorum adjuti Romani Oratores lingvam ac eloquentiam mirificè expolierunt. Quam ob causam Quintilian. *lib. 12. cap. 10.* discipulam Græcâ vocat Latinam lingvam. Quod verò Cato Græcas literas & omnes disciplinas ex urbe expulsas vellet, de ipso Latinæ lingvæ cultu parum ipse sollicitus, quod alii minus honorificè de Græcis

cis sentirent, id eam ob causam fiebat, quod cum Græcis literis, doctrina & religio corrumpetur, vitia Græcis familiaria unâ in gentem Romanam transfunderentur, & qui è Græcis Romæ eloquentiam docebant, virtutum studiis neglectis, solam discipulorum linguam exercerent. De quibus coercendis Censores cogitarunt, non tam quod lingua detrimenti quid caperet, quam quod malis moribus imbueretur juvenus. Quare non rectè ad latinitatem applicuit Inchoferus, quod Cicero *in libro de claris Oratoribus* de Græca eloquentia, quæ è Pyreæo evecta Asiamque pervagata fuerat, ait latinitatem in urbe Romanâ, velut in Asia, peregrinatam, ut se externis oblineret moribus omnemque salubritatem Romanæ dictionis quasi sanitatem perderet, ac loqui propemodum dedisceret. Nam cum hæc de Græca lingvâ Cicero dicit, non adeò contemnit illos Asiaticos Oratores, sed potius in illis multa laude digna, & quæ sibi ipsi ad imitandum proponeret, invenit. Rhetores verò illi Græci, quorum impudentiæ ludum, ut est apud Ciceronem 3. de Oratore, claudi jubebant Censores, ob audaciam illam, quam discipulis suis ingenerabant, repellebantur. Tantum enim abfuit, ut latina lingua Rhetorum Græcorum scholis corrumpetur, ut ad usum potius civilem & nitorem lingua Romana per illos præpararetur. In his Cicero prima illa eloquentiæ suæ lineamenta duxit, tum Græcis, tum Latinis declamationibus ad præturam usque suam se exercens, quam ut omnibus numeris absolutam haberet, Græciam totam imò & Asiam pervagatus est, ut celeberrimorum virorum exemplis eam porro excitaret & ad fastigium perduceret. Quid quod è Græcis novatæ multæ voces, quæ Romæ antea non audiebantur, teste Plutarcho in ejus vita. Tum & Budæus in optimis illis Græcæ lingvæ commentariis pluribus ostendit, quid de Græcis Cicero hauserit, & quam ad illorum exemplum dictionem latinam formavit. Totam itaque Græciam exhaustit, totus Athenas redolens Cicero, & è Græcis uberrimi fontes Latinæ lingvæ sunt, quibus illa potissimum culturam & elegantias debet, ac aliunde sanè, quam è Græcis, peregrinitatem contraxit. Latini primum sua è Græcis finxere, teste Varrone l. 4. de L. L. ut quidam scripserint, Latinam olim linguam eandem ferè fuisse, cum Græca. Eorum farraginem subministrat diligentissimus Merula Cosmograph. part. 2. l. 4. cap. 18. & longe forte plura in Româ suâ Attica cumulavit Rumannus. Neque fieri aliter potuit, cum magna pars veræ præcæque Italiæ unâ cum Sicilia sub nomine magnæ Græciæ cognita fuerit, & è Græcia coloniæ multæ in Italiam ductæ. Apud Festum lib. 16. gloriatur Ennius, se pavisse Romanos græcâ lingvâ, & Svetonius de claris Grammaticis ait: *Antiquissimi doctorum Poëta & Oratores semigræci erant.* Venerunt primum Pelasgi, qui se Aborigenes dicebant, in Italiam, teste Dionys.

Halicarnass. lib. 1. partim suâ sponte partim è Græciâ pulsi rotis coloniis, prima ex Arcadiâ duce Oenotro, secunda è Dodona, tertiâ è Pallantio urbe Arcadicâ duce Euandro. Qui cùm lingvâ & moribus diversi fuerint à Græcis, & Latinam gentem in Italia, exceptis qui cum Ænea venisse creduntur, constituerint, suspicatur Humphridus Prideaux in notis ad Marmora Oxoniensia pag. 131. Pelasgorum linguam antiquam fuisse latinam, eamque, quod ad voces purè latinas attinet, lingvâ Græcâ ideò longè fuisse antiquiorem. Græcam enim linguam à Deucalione in Græciâ habuisse primordia, illos tum Græcorum nomen invexisse in Italiam. Verum illa nunc non excutiemus. Sive Pelasgi in Italiâ coloni primi illi fuerint, qui Latina lingua usi fuerunt, sive Latini è Græciâ postea voces deduxerint, id tamen constat, è Græciâ primos latinæ linguæ fontes, quæ ut primum erat sterilis, ita incrementa sua è Græciâ cepit, usque dum ad illum nitorem pervenit. Neque è Græca tantum lingvâ, sed ex omnibus, quibus tum temporis Italici populi utebantur, concrevit, singulis de suo aliquid largientibus, ut doctâ dissertatione in loco superius laudato demonstravit Merula, cum interim Italicæ illæ linguæ à Romanâ singulæ discreparent, usque dum imperio Romano subiectæ gentes ad dominatricis linguæ genium suam quoque componerent. Ita enim semper factum fuit, ut cum imperio & iis, qui imperio præsunt, suas quoque vicissitudines lingua & literæ haberent, illo florente florerent, illo cadente declinarent.

Quoniam itaque Lingva latina successu seculorum suis quibusdam intervallis ad illud fastigium pervenit, certis quibusdam characterismis distincta fuit, ut ex Isidoro lib. 9. Orig. cap. 1. patet, in Priscam, cujus comatis fuere Saliaria illa carmina; in Latinam, quâ utebantur in Latio, cum rerum potiretur Latinus & Etrusci Reges; in Romanam, quæ sub Plauto, Cæsare, Tullio aliisque ætatis aureæ scriptoribus Romæ vigeat, & denique in mixtam, quæ prorogato imperio, ex admistione cæterarum gentium, labem aliquam contraxit. Prisca illa quæ fuerit, quodammodo è fragmentis, quæ supersunt, conjici potest, cujus voces Lexico Antiquitatum collegit Jan. Guilhelm. Laurenbergius, cujus linguæ genium doctissimus Mariangelus Accursius dialogo, quem Oscos & Volscos inscribit, Jul. Cæs. Scaliger in Poematibus libro teretis finatum pag. 103. Joseph. Scaliger in Lycophronis Cassandra. Jacobus Balde in Dramate suo Osco expresserunt. Nisi forte recentioris illa Latii sunt, quam ut ad Priscam illam linguam sint referenda, cujus fragmenta suo tempore neminem interpretari potuisse, Polybius testatur, ut Saliorum Carmina, teste Quintiliano, nec ipsis sacerdotibus suis intellecta fuerint. Patet tamen ex iis, quæ adduximus, Romanam linguam à Latina fuisse distinctam, cujus deinde quatuor ætates com-

commenti sunt alii, è quibus aurea & quadantenus argentea verum illum Romanæ lingvæ nitorem tuentur.

Non resuscitabo hic litem olim inter Leon. Aretinum & inter Francisc. Floridum Sabinum agitatam, quærum ille lib. 6. Epistolarum p. m. 273. adversus Blond. Flavium Eproliviensem statuit: quod *Latina* lingua, per quam intelligit elegantiorē Romanam, à *vulgari* differat terminatione, inflexione, significatione, constructione & accentu, quodque præstantes homines Oratorem latinè licetateque concionantem præclare intellexerint, pistorum vero & lanista & hujusmodi turba sic intellexerint Oratoris verba, ut nunc intelligunt missarum solennia. Hic vero lib. 2. *Lect. subciv. cap. 1.* operose ac speciosissimis argumentis post Blondum & Fr. Philelphum, qui duabus epistolis de eodem negotio disseruit, adversus Leonardum contrariam sententiam adstruere laborat, quod *Latinus sermo veterum Romanorum tempore omnibus promiscuus fuerit.* Concedit ille, cultius aliquanto nobiliores eosque, qui aliquem orationi ornatum adhibebant, locutos, quam qui simpliciter & plerumque indoctè animi sensa exprimunt; Hos vero aliam, quam latinam linguam locutos pernegat. Collatis undique rationibus hanc disputationem renovavit Melchior Inchofer in *Historiâ S. Latinitatis* lib. 3. cap. 2. 3. 4. 5. 6. 7. 8. Verum tamen gravitate argumentorum victus rem omnem in medio reliquit. Non vacat nunc singula illa excutere. Id tamen consideratione maximè dignum est, quod ante mille annos in usu fuerint voces, quas hodie in Italica lingvâ vulgari agnoscimus. Paret illud aliquo modo ex narratione, quæ in historiâ miscella de rebus sub Mauritio Imperatore gestis recensetur. Habentur ibi illa: *in exercitu, cum animans cecidisset, clamante quodam Torna, Torna, frater, universas copias in fugam versas ambiguo illo vocis.* Unde colligit Lipsius Dialogo de rectâ pronunciatione, non adeò novam hanc loquendi rationem esse. Est & aliud longè firmitus argumentum ab illo *Instrumento plenariæ securitatis*, ut titulus habet, quod Parisiis in Bibliothecâ Regiâ in ligni cortice scriptum adservatur, cujus mentionem fecerunt Cujac. *Observat.* lib. 9. cap. 26. Lipsius loco modo laudato, Janus Rutgersius *variar. lection. libro 1. cap. 13.* Cl. Salmasius in notis ad *Ælii Spartiani Antonin. Caracallam*, Lampridii *Helio-gabalum*, Lampridii *Severum*, Flavii *Vopisci Probum*, quod Anno Justiniani Imp. XXXVIII scriptum & è Bibliotheca Cardinalis à Balneo Romanæ Ann. elo loc LXI à Gabriele Naudæo editum. Meminit quoque eas P. Merula *Cosmogr. part. 2. lib. 4.* qui illud Festi huc trahit: *Latinè loqui à Latio dictum est, qua locutio adeò est versa, ut vix ulla ejus pars maneat in notitiâ.* Tot sunt in illo instrumento, quo transactio continetur Stephaniani tutoris cum Gratiano pupillo, confusiones casuum, tot peregrinæ

voces, ut satis ex illo pateat, quæ tum in plebe loquendi ratio obtinuerit: Hujus commatis sunt: *signum impræferit: inter nobis: ista successionis: manente hanc plenariam securitatem in sua firmitate: inferendi breve de diversas species: collecti seu mercedes mancipiorum: Et de res quas Guderit liberti, quod accepit, scotella, brace, bandilos; polimica duo valentes solido uno: pliciori vessere: Sarica prasina, Sarica misficia cum manicas curtas: Buste de cito, Cuppo, Rancilione: orcas duas valentes filiqua una: focas tortiles: Albiolo ligneo: facina valentes asprione: Tina clusa: cocumeila: cacavello rupeo: catena ferrea de super foco pensante libras duas semis: Sacario: Orciolo: talea: albio: rapo: Buricella granaria: Sarica una veteri tintitia: Leva veteri una: Vagella veteri una: notitia quod accepit istus de domus qua sunt intra Civitate Ravenna: domo qua est ad sancta Agatha: ex casa qui appellatur: uncias duas ex uncias tres: fundi isti pro istius: ex portiones Urbicii quas vendita sunt: panga una: de successionem: cum argento eis emdito de perceptam omnem: omnia mobilia traditas vidi: de percepta omnem terciam portionem quod isti Stephano: de successionem isti quod Collecti competere poterunt: &c.*

Monstra hæc verborum sunt, sed plebejum tamen fuisse sermonem dubitari non potest, & qui etiam ante ista tempora obtinuerit, cum verosimile non sit, Justiniani demum tempore talem linguam repente, ut fungi unâ nocte solent, fuisse ortam. Dissentit hic quidem Barthius *Advers. lib. 13. cap. 2.* ab illis, qui hodiernam linguam italicam etiam tum vulgarem ac in Romanâ plebe viguisse autumant; hoc inductus argumento, quod Italorum, Hispanorum, Gallorum linguæ, totam hanc suam sermonis structuram à Germanis acceperint, cum voces latinas utcunque retinuerint. Non autem explicat, quâ ratione, quo tempore à Germanis acceperint. Si Gothos intelligit, quod nonnulli opinantur, certum est, ante illorum tempora viguisse sermonem illum vulgarem, quod luculentis argumentis probatum ivit Melchior Inchofer *Histor. Latin. lib. 3. cap. 7. & lib. 2. cap. 5. & 6.* qui præclare de lingua latinâ meritos ejusque conservatores fuisse demonstrat, secus sentientium opiniones refutans. Sed tamen linguam aliam Romanorum in loquendo, quam in scribendo fuisse Barthius constanter asserit, quem locum hic adscribere operæ pretium erit: *Veterum Latinorum in loquendo longè aliam linguam fuisse, quam qua à nobis usu frequentatur, dubium minimè esse debet. Licet enim significanter quoque hodiè non pauci doctorem loquantur phrasas verbaque, tamen alia prisca in quotidiana usurpatione fuisse, vel ex lingvis illis, qua Latinam exteris confuderunt, manifestum est. Adeoq; impossibile arbitror vel conjectare posse, quibus verbis loquendo veteres quasque res expresserint, nisi idiotismos Hispanica, Italica & Gallica deflexionis adhibeas. Sed ut vanus fortassis is labor sit, ita indicia quoque in autoribus non pauci numero, nec vilia ponere*

dere supersunt, quibus ipsos proceres latinitatis aliter locutos, quam plebem, adstrui possit. Unde illud commodo nostro concludi potest, longè nos venustiore & politiorem linguam Latinam hodiè sequendo autorum characteres habere, quam vulgò tempore Romana potentia fuerit usitata. Adducit hinc aliqua vitiosa etiam, stante eloquentiâ Romanâ usitata, ut è Fortunatiano Rhetore, qui suo ævo hunc theatrum, hunc prodigium vitiosè à Romanis dictum notat; & cavenda gentilia verba, propria videlicet quarundam gentium, docet. Atque hanc ob causam non puto omnia illa, quæ in Fragmento Petroniano Traguriensi habentur, esse damnanda ut supposititia & spuria; cum certum sit, ut semper feminæ, pueri, rustici, in omnibus lingvis peculiare aliquid habere solent, ita etiam apud Romanos habuisse.

Non obscurum ejus rei testimonium ipse Quintilianus præbet, cum ait lib. 12. cap. 12. quod aliam videatur habere naturam sermo vulgaris, aliam viri eloquentis oratio. Imò ipso illo Augustæo ævo alium à culto illo sermonem quotidianum fuisse, testis est Svetonius in August. cap. 86. qui hæc de ipso: Quotidiano sermone quadam frequentius & notabiliter usurpasse eum, literæ ipsius autographi ostentant. Ponit assidue & pro stulto baceolum, & pro pullo pullejacium & pro cerito, vacerrosolum, & vapidè sese habere pro male, & betissare, pro languere, quod vulgò lachaniisare dicitur, item simus pro sumus, & domos genitivo casu singulari pro domus. In ipsâ quoque orthographiâ, eodem teste, eorum sequi potius opinionem visus est, qui perinde scribendum ac loquamur, existimant. Nam sæpe non literas modò, sed syllabas aut permutavit, aut præterit. Quo sanè loco ad rem nostram nihil adduci potest illustrius. Testis quoque est ipse Tullius lib. de Oratore, suâ ætate fuisse, qui impoliti & consuleò rudium similes & imperitorum videri volebant. Mirum itaque non est, si in ipsâ urbe Româ, sultissimo illo tempore, duplex loquendi ratio fuit, in provinciis latinis sermonem variè corruptum fuisse. Et hic est, quem usualem vocat Sidonius lib. 4. epist. 10. Reliquas denuò literas usuali sermone contexo. Non enim tansi est poliri formulas editione carituras. Ubi Savaro in notis usualem sermonem explicat, sermonem Gallorum, sed impolitum.

Memorable quoque exemplum, unde vulgaris linguæ Latinæ impolities demonstrari potest, in Arnobii super Psalmos commentario, quem Erasmus primum è Collegio Franckentalensi produxit, habemus. Is cum in cæteris libris pro genio illorum temporum & gentis suæ, satis cultè scriberet, eloquentiæ professione clarus, qui ad æneam autorum ætatem alias referri solet, sub Constantini Magni tempora, in Commentariis tamen suis supra Psalmum eam linguam expressit, quæ vulgò tunc usitata fuit, ejus enim genio se accommodavit, quod in illo nec pro imperitiâ signo habet in præfatione operis Erasmus, neque pro argumento suppositi factus. In hoc opere, inquit

inquit ille, *tot solacii mi reperiantur, praesertim adeo manifesti, ut vix Holcos & Bricot solaciffet crasfue.* Declarat hoc altero exemplo Augustini, cujus orationes ad populum habitae, non ab ipso scriptae, sed à notariis exceptae, toto caelo à reliquis ejus scriptis differant. Addit denique Erasmus, *ne Roma quidem eo tempore, quo maximè florebat ea lingua, omnes locutos, quemadmodum loquebatur Cicero.* Ejus commatis apud illum: *offum* pro *os*, *osfis*, *floriet* pro *forebit*, de quo verbo August. lib. 2. cap. 13. de doctrina Christiana: *Illud etiam, quod non auferre possumus de ore cantantium populorum: super ipsum, floriet sanctificatio mea, nihil profecto sententiae detrahbit.* Auditor tamen peritior mallet hoc corrigi, ut non *floriet*, sed *forebit* diceretur: *nec quicquam impedit correctionem, nisi consuetudo cantantium.* Similiter illa sunt: *hoc flos, hoc ros, Aderopare* pro *per tropologiam applicare*, & infinita alia, quae maluit Christianus scriptor usurpare, quam dicere alia, quae non intelligeret vulgus, de quibus omnibus doctissime & uberrime disserit eo in loco Erasmus. Hujus suae impolitici in sermone apologeticum ipse scripsit Arnobius lib. 1. advers. gent. ubi ad objectam à Gentilibus barbariem respondet: *Puerilis sane atque angusti pectoris reprehensio, quam si admitteremus, ut vera sit, abjiciamur ex usibus nostris quorundam fructuum generis, quod cum spinis nascantur & purgamentis alia, quae nec alere nos possunt, nec tamen impediunt perfrui nos eo, quod principaliter antecedit & saluberrimum voluit esse Natura.* Prolixus est in hoc argumento illo in loco Arnobius, qui ibidem testatur, quosdam non abjecisse tantum sermonis cultum, verum cum possent ornatius atque uberius loqui, trivalem studio humilitatem secutos, ne corrumpere gravitatis vigorem. Jungi illi potest Augustinus libro de catechizandis rudibus cap. 9. & lib. 3. Confess. cap. 5. ac plurima aliorum Patrum testimonia. Legi quoque potest Carolus du Fresnoy in Praefat. Glossar. à n. 57. ad n. 62.

Hac occasione etiam versionis veterum Bibliorum meminisse possumus, quae & *σολοιχοφωνή* multa continet, & vulgares voces & phrasas, quas tamen speciosa dissertatio de latinitate veteris bibliorum versionis male accusatâ assertum ivit Albericus Gentilis. Novi qui de industriâ etiam solacismos & ineptas phrasas & formulas, sed vulgaris usus, immiscerent sermoni politico, cujus in publicis procerum conventibus usus esse solet, ne nimirum linguae nitore vel scholam sapere videretur, vel non satis intelligeretur. Tot supersunt in glossariis Latinis & Graeco-Latinis voces, quas ut barbaras hodiè damnamus, cum crediderim ego, pari cum optimis, quibus Cicero utitur, antiquitate censeri debere. Quod verò in usu esse defuerunt, multis ex causis contigit, quas mirâ solertia indagavit diligens harum rerum scrutator Christianus Daumius, in libro de causis amissarum linguae Latinae radicibus, cujus beneficio, quandoquidem id opus Virum doctis-

doctissimum moliri audio, restitutas latinitatis veras ac genuinas radices aliquando habebimus. Horridæ erant antiquæ voces sonique asperi & inamani, breviores, quarum juncturâ aures offendebantur. Ut vero mollior esset oratio, delectui verborum studebant Oratores, eligeant, quæ numerosiora erant & sonantiora. Hinc simpliciarepudiabant, assumebant composita, inchoativa, paragoga, frequentativa. Schematum, Troporum, Synonymorum usus, numeri Oratorii observatio, vocum illarum quotidianarum, quæ apud opifices, mulierculas, agricolas obtinebant, rarioribus, tot lingvæ Latinæ radices nobis sustulerunt, quarum copiosum per singula capita catalogum recenset toto illo libro Daumius. Quibus simul junctis in sermone, si nunc quis uteretur, Slavonicam potius, quam Latinam lingvam loqui videretur.

Ipsa quoque librariorum & Criticorum audacia multa autorum loca corruptit, quorum ungves in Livio nostro adeo deplorant multi, & ipse Gronovius in præfatione suâ: nam antiquis illis genuinis, sed inusitatioribus sua substituerunt, ut pluribus exemplis demonstrat illic Daumius cap. 20. & vel ex unico Ciceronis *ad Atticum lib. 16. epist. 12.* patet, ubi in manuscriptis Codicibus legitur *via macta*, id est, lutosa, cui intempestivi illi correctores substituerunt inepta, notati eam ob causam à Salmasio in Comment. ad Flav. Vopisci vitam Proculi Tyranni. Apud Vitruvium multæ sunt voces vulgares & plebejæ, super quibus integra virorum doctorum Lexica prostant: Vel de solâ voce *Scamillus* scripti sunt integri commentarii. Idem cum Livio factum fuisse notavit Lipsius lib. 4. epist. quæst. 10. *Non est antiquarius*, inquit, *Livius, fateor: sed nec omnia in eo protrita & è fece vulgi. Vetusæ dictionis haud dubiè vestigia extarent, absque correctorum audacia fuisset.* Tot denique singularia in ipso Cicerone occurrunt, quorum perquam multa notata à viris doctis sunt, & Statilius integrum librum con-gesserat, quæ si apud Ciceronem loca interiissent, à nemine nunc pro latinis haberentur.

Longè plura itaque olim plebi relicta fuerunt vocabula, quæ maximam partem in usu apud posterbs jam Italos, Hispanos, Gallos manserunt, quæ plebea & sordida vocabantur, quorum integrum librum scripsit Lavinus teste Gellio lib. 20. cap. 11. ubi in exemplum è M. Varrone affert vocem *Sculna*, pro quo qui elegantius loquuntur, *sequester* dicunt. Talium vocum, quæ in Hispanica lingvâ hodieque habentur, origines latinas è Glossariis cum curâ inquisivit Bernard. Aldretè lib. 2. del origen. de la lengua Castellana cap. 9. suntque e. g. *Ambrones, Astrosus, Asciola, Rabiger, Babburras, Bambalio, Bassatus, Batalia, Ballatrones, Bronco, Bua, Burra* &c. Hinc vulgaris illa lingua Romana orta est, quæ tot sordibus inquinata tandem,

Uuu
fuit,

fuit, ut Latina lingua ab illâ distingueretur, eoque nomine appellere-
tur, quæ nitidior esset & ad genium veterem instituta. S. Gerhardus Ab-
bas Silvæ majoris in vitâ S. Adalardi cap. 8. *Qui si vulgari, id est Romani*
linguâ loqueretur, omnium aliarum putaretur inscius, -- si vero Theutonica, eni-
tebat perfectius, si Latina, in nulla omnino absolutius. Hinc sequiori ætate,
Rusticus ille sermo ortus, qui Romana Rustica dicebatur: quali usus est
Ludovicus Germanicus in formulâ fœderis, inter ipsum & Carolum fra-
trem Gallix regem initi, quam operi suo inseruit Andreas du Chesne tom.
2. pag. 381. quæque ita incipit: *Pro Don amour & pro Christian poblo & no-*
stro commun salvament, dist di en avant, in quant Deus sauir & potir me du-
nat &c.

Rusticus ille sermo multis etiam præclaris suo tempore scriptoribus
affectatus fuit. Gregorius Turonensis lib. 10. cap. 31. *MSos libros licet*
stylo rusticiore scripserim, tamen conjuro omnes sacerdotes Domini, ut nunquam
libros hos aboleri faciant. Itaque Grammaticos, nitidiore sc. sermone uten-
tes, rusticis opponebant, ut notat Barthius Advers. lib. 51. cap. 5. Imò eo
processit Provinciarum æmulatio, ut gentis suæ vocabula latinâ normâ re-
gulæque inflecterent, quemadmodum Græci Latina, Latini Græca: unde
tot ortæ sunt barbaræ voces, quarum Glossaria integrâ à Vossio, Spelman-
no, Lindebrogio & aliis scripta, quæ ob imperitiâ linguæ domesticæ, è
græcis latinisque fontibus arcessuntur, cum sint purè Gallica, Germanica,
Saxonica, Britannica. Talia magno numero vel apud unum Spelman-
num occurrunt ut *Ania* ein *Alu.* (pratum) *Balatoserum*, *Wallfahrt*, *Billa-*
gines *Beylagen*, *Crota*, *Grotte*, *Custagium*, *Kosten*, *Durpulum* *Thürpseiler*,
Einectius, (primogenitus) *Einig*, *Extalium* *Ausgahlen*, *Fegangi* *Gefangen*
(per transpositionem) *Folgarii* *Volk*, *Frisius* *Frisch*, *Gafandus* *Geyfandet*,
Gevalstonum *Wahlstatt*, *Haderunga* *Haderung*, *Hakedus* *Häcket* / *Hecht*,
Hursta, *Horst* (Sylva) & plurima alia in Fleta, Legibus Salicis, Burgun-
dicis, Ripuariorum &c. quibus recensendis non est ut immoremur. Ipsi
quoque Latini barbaras voces ad suæ linguæ sonum flectebant, ut præce-
pit Quintilian: lib. 2. cap. 9. Quod Thuanus quoque in Historia suâ imi-
tatus est in Gallicorum nominum formatione, quâ in re à nonnullis re-
prehensus est.

Et illa loquendi ratio barbarismus olim dicebatur. Diomedes lib. 1.
de Oratione hos rusticos scriptores vocat, qui *rusticitatis enprmitate incultri-*
que sermonis ordine sanciant, imò deformant examussim normatam orationis inte-
gritatem, politumq. ejus lumen infuscant ex arte prolatum. Etsi Gellius inter
barbaros & rusticos distinguere videtur, lib. 13. cap. 6. *Quod nunc autem*
barbarè quem loqui dicimus, id vitium sermonis non barbarum esse, sed rusticum,
& cum

Et cum eo vitio loquentes rusticè loqui dictabant. Scilicet cum secundum Varonem de L. L. naturâ, analogia, consuetudine, autoritate, latina lingua constet, si quid adversus illa peccatum est, vel barbarismus, vel solœcismus est. Utroque autem oppletum fuisse sermonem rusticorum, manifestis exemplis constat, nisi forte antiquior ille sermo rusticus recentiori illo purior videri possit: nam & humilitas verborum rustico sermone notatur, quem pedestrem sermonem vocabant Vopiscus & Trebellius Pollio, de quo Salmasius ad Hist. Aug. Script. pag. 286. Sed variæ barbarismi acceptiones sunt, de quibus nunc non agemus. Recentior verò ille sermo Romanus Rusticus, qui prava interpretatione, *κακοζηλία* linguæ latinæ, tabellionum & notariorum imperitia, primum crevit, in singulis gentibus Gallis, Hispanis, Italis novam aliquam formam adeptus est. Sed Romanæ linguæ titulum apud Gallos non solum, in quibus Provincialis lingua hoc nomine salutabatur, sed & apud Hispanos retinuit, etsi apud hos & Italicos Limolinæ nomen quoque accepit, de qua plura vid. apud Carol. du Fresne in *Prefat. Glossarii* n. 34. 35. 36. Hinc illæ hodieque usitatæ Italarum, Gallo- rum, Hispanorum linguæ, quæ *Romances* olim dictæ, unde & fabularum illarum Comicarum *Romanciorum* nomen deductum.

Videmus ex his, quæ adduximus, quanto molimine Romani scabras illas, plebejas, & rusticas voces è sermone suo expurgarint: unde plus peregrinitatis in sermonem Romanum inferri potuit; quam ex ullo municipali dicendi genere. Quid quod in Romanis Scriptoribus ipsis hanc plebitatem & peregrinitatem nonnulli notarint. Scioppius in Vitruvio, optimi seculi autore, aliquam plebitatem ac peregrinitatem agnovit; multa enim in illo sunt singularia, non tantum quod ad voces singulas spectat, tam illas, quarum in arte Architectonicâ usus est, quam alias, sed & phrasès: forte quod familiarius ei loquendum fuit, ut populus, quæ scriberet, satis intelligeret. Id ipse agnoscit cap. 1. lib. 1. *Peto, inquit, Cesar & à te, & ab his, qui mea volumina sunt lecturi, ut si quid parum ad artis grammaticæ regulam fuerit explicatum, ignoscatis.* Namque non uti summus Philosophus, nec Rhetor disertus, nec Grammaticus summus, sed ut architectus his literis imbutus, hæc visus sum scribere. In illo hoc notavit Barthius lib. 24. *Adv. cap. 12.* quod plurali delectetur, cum numero unitatis possit esse contentus, quod & forte Romanum videri possit, cum idem lib. 40. *Adv. cap. 12.* à Romanorum consuetudine provenire autumet, quod plurium numero unum alloquamur. Romanus certe sermo numerosam & plenam dictionem requirit. Sed idem mos etiam in popularibus linguis obtinet, de quo extat elegans Celsi Cittadini libellus. In Virgilio nonnulli rusticas locutiones sibi observare visi sunt, ut in *Eclogis*, *Cujum pecus*, quod ipsum scienter ac

prudenter posuisse interpres vetus existimat, ut vitaret ὁμοιοτέλευτον. Cui eam ob causam ita illusum est: *Dic mihi Damata, cuius pecus, anne Latinum? Non, verum Ægonis, nostri sic rure loquuntur.* Ne quid dicam de barbarismis, quos in illo ineptus veterum & recentiorum autorum Censor, Claudius Verdierius, deprehendere sibi visus est, è quo hæc, ut multa alia, depromptit Leo Allatius in libro de erroribus magnorum virorum in dicendo. Imò & solæcismos aliqui notarunt, quibus obijciendis etsi parcius est Servius, aliquid tamen soloecophanes passim notat, quæque ab aliis notata sunt, nec refutat nec excusat. Sed longe aliter de Virgilio judicat acerrimus Censor Rapinus in Dissertatione de Carmine Pastorali, qui Virgilium in bucolicis iisdem verbis usum esse ait, quibus in foro & Senatu Tullius. *Tam purè, inquit, Latineque loquitur Tityrus in umbra fagi, quam ipse in palatio Caesar Augustus. Quod non factum à Theocrito, cuius Musa rustica & pastorilis, inquit Fabius, non forum modo, verum etiam ipsam urbem reformidat.* Gravis enim in urbe videbatur Doricæ pronunciationis vastus ille, agrestisque sonus ad rusticitatem sermonis exprimendam magis accommodatus. Ac præter hanc in sono & dialecto, erat ipse quidam rusticitatis character Theocrito affectatus, cuius quæ sint partes, Vavassor de ludicra dictione à pag. 107. ad pag. 125. declarat.

Non tamen simpliciter ego probem illud Probi, qui multo majori negotio bucolica scripta à latinis, quam à Græcis autumat, quod non diversus sit ab urbano sermo rusticus apud Latinos, ut est apud Græcos: Nam ideo non minus negotii Theocrito datum fuit, quod rusticum sermonem voce & sono exprimeret: ut de Latina lingua falsum est, eundem fuisse rusticum & urbanum sermonem. Saltem pronunciationem diversam fuisse, ipse Cicero innuit lib. 3. de Oratore, cuius hæc verba: *Rustica vox & agrestis quosdam delectat, quo magis antiquitatem, si ita sonet, sermo eorum retinere videatur, ut tuus, Catule, sodalis L. Cotta gaudere mihi videtur gravitate lingue sonoque vocis agresti, & illud, quod loquitur, priscum visum iri putat, si plane fuerit rusticum.* Et paulo post: *Quare Cotta noster, cuius tu illa lata, Sulpici, nonnunquam imitaris, ut iota literam tollas & e plenissime dicas, non mihi oratores antiquos, sed mæssores videris imitari.* Neque pronunciatione tantum, sed etiam, ut I. L. Vives de ratione dicendi lib. 2. judicat, quibusdam vocibus pagorum propriis rusticis ac urbanis differebant, parum tritis ore civitatis, tam immutatione literarum aut syllabarum, quam metaphoris & omnibus similitudinibus atque exemplis de agro sumptis, quod videre sit in vetere Romano sermone, fuisse enim olim eum populum rusticum, phrasi, argumentis, sententiis, pronunciatione crassa.

CAP. VII.

Quæ Romani & urbani sermonis genius? Duo in Oratione spectanda: Materiale & Ideale. οὐρανία & ἡρώδης in urbana dictione. Illa quibus constat. Λέξις, dictio Civilis unde aestimanda. In his quoque vocum delectus observatione assiduâ habendus. Laus Antonii Schori. Ratio observandi. Vocum usus & seorsim & junctim considerandus, & junctarum vocum ordo. ἡρώδης orationis urbana. Prima ejus idea αἰσθητική simplicitas. Romana simplicitas. Romanè & Latinè loqui, id est planè. Latinè & Grammaticè loqui sibi opponuntur. Simplicitatis character etiam aliis communis. In Bucolico carmine regnat. Simplicitati jungitur Snavitas. Illa præcipue obtinetur translationibus. Translationum magna varietas. Translationes simplices, venustæ, ex usu autorum Classicorum aestimari debent. Grammaticorum in Translationibus colligendis magna negligentia. Earum collectio suadetur exemplo Robortelli & P. Mosellani. Translationes sequiorum temporum faciliè dignoscuntur à Romanis. Flori audacia in Metaphorâ notata. Neroniani temporis phrasis ab Augusto discrepat. Cum simplicitate & suavitate ὀξύτης s. argutia concurrat ad sermonis Latini Urbanitatem. Ἐπιπλάσις & εὐχρηστική. Romani sales, Urbanitas Romana. Urbana elocutio qua in re consistat, ex sententia Aristotelis. Urbanitas Attica. ἑργαίτες Urbani. Urbanitas virtutibus accensetur. Ad urbanam orationem spectat & concinnitas in clausulis, compositio verborum. Urbanitas sermonis à Cicerone descripta, ad exemplum Atticissimi, item à Balzaco. Exemplum hujus urbanitatis & peregrinitatis in Gallica & Italica lingua. In hac Florentinitas quibusdam notata. Voces Latina secundum auctores & ætates exigenda. Maffai exemplum. Bernardini Parthenii Spilimbergii monitum.

AD Romani & Urbani hujus sermonis genium penitus scrutandum nos jam convertimus, præsertim, cum viris eruditis adeò difficile visum sit, illum imitando assequi. Scaligeri hæ querelæ sunt: Ad fastigium barbariei pervenimus, non habet quò ulterius progressum faciat. Jam stat in præcipiti. Multi Latinè, pauci Romanè loquuntur, & si qui forte Romani, at rari illum Ciceroniani sæculi genium assequuntur. Quare Victorinus in Grammatica sua latinitatem definit, quod sit observatio incorrupta loquendi, secundum Romanam linguam. Sunt scilicet in oratione duo præcipuè spectanda: Primum verba eorumque structura, deinde quod ab animo & cogitationibus nostris verbis quasi imprimitur. Est enim animi character oratio. Materiale & Ideale vocat Cordemoxus in elegantissimo de loquela tractatu. Illud autem in verbis, eorum formatione, pronuntiatione, structurâ consistit.

Hoc vero omne illud, quod ab animo dependet, involvit, sive id à moribus, sive affectibus, sive rationibus, sive quacunque dicendi formâ procedat. Sunt verò illæ dicendi formæ variæ, quarum septem principes constituit Hermogenes, interque eas aliquæ magis ad primam partem pertinent, aliquæ magis ad alteram. Verum de utraque singulæ tamen participant.

Quod si illam linguæ Latinæ proprietatem consideremus, quam urbanitatem dixere veteres, nos Romanitatem dicere possimus, atque ad Hermogenis ideas expendamus, præcipuas in ea deprehendemus *συφώνεια*, perspicuitatem, & ἡθὺς moratum sive affectum loquendi genus. Illa ad verba potissimum refertur, hæc à moribus in orationem infertur. Utrique parti & singulis ideis octo sunt partes, sententiæ, methodus, dictio, figuræ, membra, structura, clausulæ, numerus Oratorius; quæ quasi membra externa sunt, unde corpus illud orationis componitur. *Συφώνεια* omnium prima est, ac per se & semper inesse debet orationi, suntque ejus partes duæ *καθαρότης* & *ευκρίνεια*, sermo purus & dilucidus. Singulæ penè conveniunt, nisi quod *ευκρίνεια* magis in methodo & collocatione verborum ac sententiarum versatur, ac facilem & plenum orationis cursum efficit, ac secundum octo illas partes considerari debet. Nam 1. *Sententia* debent esse usitatæ, non implicite, perplexæ, reconditæ. 2. *Methodus* & tractandi ratio simplex & facilis, sine ambagibus, trajectionibus, hyperbatis. 3. *Dictio* usitata non affectata & obsoleta. 4. *Figura*, in primis illa, quæ vocatur *ὀρθότης*, ita ut non facile, vel *πλαγιασµὸς*, vel *σύγχυσις* hic locum habeat. 5. *Periodi* mediocres. 6. *Compositio* & structura verborum non quæ sita, ac anxie ornata, nec tamen sine omni ornatu. 7. *Clausulæ* non adeo ad artis normam fabricatæ. 8. *Rhythmus* sive Numerus, in quo non nimia cura adhibenda.

Præcipuum in his omnibus locum obtinet *Λέξις* sive Dictio, Compositio ac Collocatio verborum. Consistit verò illa in verbis & phrasibus, quæ civilis usus sunt, non tamen protritæ, plebejæ & sordidæ. Consuetudo enim illa, secundum quam dignosci verba & phrasæ debent, est consensus hominum eruditorum & prudentiorum, quorum appellatione complector eos, qui non modo naturam sermonis probè cognoverunt, verum etiam usum & copiam bonorum verborum didicerunt. In illis respiciendum est ad verborum proprietatem, sensum & compositionem. In propriis delectus quoque instituendus, ut usitata, significantia, sonora & apta cæteris præferantur. Ad sensum, qui & verborum & rerum est, faciunt verba, quæ plus significant, quam loquuntur, in quibus emphases sunt, quæ evidentiam præstant orationi. Collocatione apta nihil est in oratione magis necessaria.

cessarium, ut vel sola illa ineptam & peregrinam reddere orationem possit, si videlicet adjuncta sæpè disjungantur à suis nominibus, substantiva verbis vel epithetis indecorè vel præponantur, vel postponantur, & similia. Quæ continuâ & attentâ lectione Autorum latinæ lingvæ purioris illius & aureæ ætatis, observari debent. Quam observandi rationem nemo explicatius proposuit, quam Antonius Schorus in illa sua Methodo discendæ docendæque lingvæ latinæ, nunquam satis laudandâ & in præfatione Phrasium Ciceronianarum, quam Franciscus Vavassor, delicatus alioquin autorum Censor, in suo de *Epigrammate* libro meritò auream vocat. Quoniam verò tria sunt in omni oratione: nomina, verba, particulae, quæ singulis vis sit, probè notandum est. Ea vel sic seorsim, vel inter se juncta considerantur. Si prius: circumspicienda sunt sive nominum, sive verborum vel synonyma, vel cognata, vel antitheta, vel epitheta; vel quibus illa attribuuntur personis, temporibus, locis, rebus, unde & proprius eorum sensus, & quo alix ab illis distinguuntur, cognoscitur. Si posterius: diligenter notandum, quæ inter se voces jungi solent: nam verba interdum & adjectiva junguntur certis nominibus, quæ aliis juncta minimè latina videntur, vel saltem ad Romanum palatum non sunt. Sanè Antonius, Civis Romanus Ciceroni latinè loqui visus non est, cum scripsisset *facere consiliam & denunciare timorem*, quod vulgò ea non jungerentur. Et hæc quidem re potissimum peccari adversus Romanæ lingvæ genium certum est, quod verba & phrasæ subjectis jungantur, quibus illæ non conveniunt, quod verba male collocentur. Nam etsi apud autores phrasæ aliquæ bonæ sunt in se spectatæ, aut ex rei indole, cui tribuitur, consideratæ; ineptæ fit, si personis, rebus, locis aliis applicetur. Quod sexcentis exemplis demonstrare poteramus, si nunc id ageremus, ac ipsius Germanicæ lingvæ accuratior observatio nobis ob oculos sistet, si peregrinæ nationis homines illam loqui audiamus. Insignia ejus rei exempla in sequiorum ætatum scriptoribus deprehendemus, è quibus unum illud instar omnium esse possit, quod habetur apud Ammianum Marcellinum, initio *lib. 23.* ubi restaurationem templi Hierosolymitani à Juliano irritò conatu procuratam describit, in quâ oratione ipso sono & sensu, & transpositione quoddam peregrinum, rusticum & inconditum observes. Oritur hinc *σύνχυσος* trajectio, quæ *μετόδον* in oratione viriat, qualem in dilucido genere omnino fugiendam præcepit Hermogenes. Magnæ itaque nobis curæ erit verba illa, quæ se mutuo, quoque ordine consequantur, quæ verborum sint mutationes diligenter observasse, de quibus pauca Grammatici, longè plura & propemodum infinita, usus subministrat. *Quis non perinde esse putet?* (inquit Vossius de Poëmatum cantu pag. 42.) si quis dicat: *Vir optimus est.*

Auribus tamen minimè satisfacere credebatur, si quis vel in communi sermone posterius usurpasset. In particulas accurata impendenda est industria, quâ ratione membra orationis connectant, se mutuò respiciant, quibus verbis conveniant. Cujus rei vastitatem si expendo, penè est, ut nihil hæcenus factum esse pronunciem. Nec enim crederet quis, quam multa hujus argumenti & penè innumera observari possint. Sed mittam nunc illa: nam peculiari aliquando dissertatione de *Purâ dictione* fusius de his agam.

Illud quod ab animo & moribus accedit Romano illi & puro sermoni, est idea, quam ἡ 9^η vocat Hermogenes. Ab ingenio enim & moribus tum nationis, tum hominum singulorum, præcipuè illorum, qui Reipubl. præfunt, ac eruditorum, ille color quasi & succus orationis venit. Idem illud, quod his omnibus constat, civile genus esse dixerim, quod adeò commendat Hermogenes lib. 2. πρὸς ἰδεῶν, cap. 10. de quo ille: Φημί τοῖνυν δαῖν ἐν τῷ ποιῆτῳ λόγῳ πλεονάζειν μὲν αἰεὶ. Τόντι τὴν σαφηνείαν ποιῆντα τύπον, καὶ τὸν ἡθικόντι, καὶ εὐνηῇ, καὶ μὲν τέτρες τὸν γοργόν. Dico oportere in hoc dicendi genere (politico) copiosum esse in iis, qua efformant perspicuitatem, & momentum sermonem & sincerum, & post illa concitatum. In quibus requisitis tertium ad orationem potissimum pertinet, cætera duo, inprimis σαφηνεία, cui opponitur δυσπικασία & ἀσύφεια, ad hanc orationis formam per se spectant. Sed de civili eloquentia, quatenus oratoria ars in eâ spectatur, uberrimè egit singulari & doctissimâ dissertatione Böclerus.

Moratæ orationis prima idea est ἀφέλεια sive simplicitas, per quam oratio est nuda, sine fuce rem declarans, citra ambages, circuitiones, habetque illa partes cum idea τῆς σαφηνείας & καθαρότητος convenientes. Ita enim Hermogenes lib. 2. πρὸς ἰδεῶν cap. 3. καὶ τὰ ἔργα ὁμολογῶμενον, ὡς αἰεὶ καθαροὶ ἐννοίαι πάντες αὖ εἰσι καὶ ἀφελεῖς. Αἵτις αὖ ἀφελεῖς καὶ καθαροί. Illud constat, omnes sententias puras omnino quoque esse simplices: at rursus que sint simplices, illæ etiam sunt puræ. Non existimandum est, simplicitate extenuari eloquentiam, quâ ornatur illa maximè, ut vinum & aurum, quo simpliciora, eò præstantiora sunt. Decantata illa Romana simplicitas apud Oratores & Poëtas est. Martial. lib. 11. cap. 21.

Absolutis lepidos nimirum Augustæ libellos.

Qui scis Romanâ simplicitate loqui.

Verùm illic nequam sensus & plusquam duplex sub illa simplicitate reconditur. Hinc voces illæ, Romanè & Latinè loqui, pro simplici & planâ oratione accipiuntur. Ita Cicero in Epistolâ ad Trebatium, *Romano more* loqui appellat, quod nos rem simpliciter & candidè enarrare. Idem Philipp. septimâ *Gladiatorem* appellavi, ut appellant ii, qui planè & latinè loquuntur, & Verrinâ quarta. *Latinè me scitote, non accusatoriè loqui.* Imò *Latinè* & obscure loqui

loqui sibi opponi solent, uti & *Latine* & *Grammaticè*, quod Grammatici plus fuci & artis inferre in orationem videantur, regulisque suis libertatem sermonis adstringant. Fab. lib. 1. cap. 10. *Non invenisse dici videtur, aliud esse Latine, aliud Grammaticè loqui.* Neque enim statim Latina est oratio, quæ Grammatica, etsi Latinam orationem Grammaticam esse oportet. Est enim aliquid in collocatione verborum, quod omne à consuetudine dependet, de qua ne cogitant quidem Grammatici, & quod præceptis comprehendere non potest, sed solâ & continuâ observatione discitur.

Simplicitas hæc, ut alicui dictiōis generi per se competit, ita & cæteris omnibus, sed aliis quibusdam orationis virtutibus juncta. Nam & gravitas & splendor & magnitudo à simplici quidem oratione differt, sed illi tamen non repugnat, imò illam præsupponit, ut materiam, cui formæ illæ induci debeant. Cum enim duo sint eloquendi genera, alterum *πρῶτος* Aristoteli dictum, nativum & sponte suâ fuscum; alterum *παρασκευασμένον*, versum scilicet & mutatum, & Oratorio artificio excultum, etsi illi magis competat, tamen neque hoc sine illâ virtute esse potest. Hermogenes lib. 1. de Form. cap. 4. sub finem docet usum & copulationem perspicui & dilucidi generis cum amplo, sublimi vel magno: idem l. 2. cap. 2. de morato genere, ejus species est simplicitas, ait: se non illud vocare solum, quod per totam orationem necessario debet apparere, quemadmodum color in corpore, sed etiam quod naturâ comparatum est, ut misceatur ubique & in vehementi genere & in aspero, & in aliis omnibus. Præ cæteris Bucolicum genus illa ornat, ut omni ex parte illa elucere debeat. Quam sic representasse non tenuis, sed magni ingenii res est, ut præclare demonstrat in laudatâ de Carmine Pastorali dissertatione Rapinus.

E simplicitate aliū sermonis Romani characterismus efflorescit, *Suavitas* scilicet, quæ quibus sententiis obtineatur, prolixè demonstratum, est ab Hermogene ejusque doctissimo Commentatore Stürmio, quæ omnia hujus loci non sunt. Suavem vero orationem præcipuè efficiunt *Translatæ*, quorum singularis ratio habenda est. Sunt verò illa non unius generis & penè singulis dicendi formis propria. Sunt sublimia, venusta, Poëtica, inque his quædam Comica, Tragica, Lyrica & sic deinceps. Quæ magno seligere judicio oportet, & nos aliquando in Poëticis nostris modum ostendemus, quo translata poëtica in hunc usum colligenda, plus utilitatis, quam omnia illa æraria habitura. Simplicitem Romanam non nisi sui generis ornant translata. Qualia in Cicerone, Nepote, Cæsare, Terentio & similibus scriptoribus observanda & singulari curâ colligenda sunt. *Habet*, (si Quintilian. lib. 8. cap. 3. audimus) *ipsa ἀφελεια simplex & inaffectata quendam purum, qualis etiam in feminis amatur, ornatum, &*

sunt quadam velut è tenui diligentia circa proprietatem significationemque mundi-
ria. Sed neque in Cicerone ipso omnia ejusdem generis sunt translata. Est enim ubi Orator paululum à simplicitate deflectit, & iis utitur translationibus, quæ *ὑπερβαίνειν* dicuntur, quo nomine etiam Demosthenem exagitavit Æschines. Est ubi simplicitas sine translatis ornat, ut in Lyfia Halicarnass. commendavit, quod tropis abstineat & simpliciter res indicet, nec tamen rerum magnitudinem imminuat. Quà in re desidero Grammaticorum & Philologorum industriam, qui cum anxie satis & sollicitè epitheta, antitheta, adverbia, synonyma in Cicerone excusserint, de translatis ne cogitarunt quidem. Fr. Robortellus Comm. in Aristot. Poëtica pag. 264. consilium id suppeditat, ut colligamus translata. *Nostra hæc ætate*, inquit, *putarim nil utilius esse, quam ex veterum libris, qui dicendi laude floruerunt, omnes translationis formas modosque colligere, ac animo ita complecti, ut pro suis aliquis utatur, quando opus fuerit: periculum enim est, si ex se confingat, ne disparem habeant analogiam, ne duriores sint, ne minus cognita, ne inusitata.* Vidit hujus rei utilitatem P. Mosellanus Græcæ linguæ in Academia Lipsiensi Professor, & quod ad laudem ipsi satis est, magni Camerarii Præceptor. Ut enim semper illustris hæc Academia elegantioribus studiis floruit, & in hunc diem floret, ita hæc quoque in re de literario negotio bene mereri potuisset, si Mosellani sui fatum non obstitisset. Ita enim de ipso Melchior Adami in virâ ejus: *Erant Mosellani Metaphorarum observantissimus earumque è Cicerone aliisque optimis scriptoribus magnum acervum collectarum, instar adagiorum Erasmi, editurus opus, si annos aliquos supervixisset.* Ego certe quoties hæc lego, hujus operis jacturam deploro. Nam dici profecto non potest, quantum in Metaphorarum recto usu positum sit, quam latè illarum vis in omnes eloquentiæ partes valeat. Quemadmodum sc. si loco adhibitæ, vehementer ornant orationem, ita nihil magis orationem corrumpit, si praviæ sint, & repugnante usu & autoritate ex ingenii libidine & lasciviâ confictæ. Omnia enim pene styli vitia ab harum pravo usupendent, neque alio magis characterismo Romani sermonis corruptela, quam illo nascitur. Inde enim prima linguæ Romanæ corruptela, estque hæc jam suo tempore Quintiliani querela: *A corruptissimo quoque Poëtarum figuras & translationes mutuamur, tum demum ingeniosi scilicet, si ad nos intelligendos opus sit ingenio.* Emunctoris certè naris Critici statim subolfaciunt, ubi aureæ ætatis scripta cum sequioribus conferunt. *Quod si Ciceronianas translationes,* (inquit Robortellus loc. supr. citat.) *& eorum, qui eadem ætate vixerunt, conseras cum illis, qui postea scripsere jam labefactatâ ac corruptâ Romanorum linguâ, ob infusam peregrinitatem videas multum discrepare, magisque capiere illis, quam his: venusta illa sunt, pares ac convenientes*

entes rebus, nota, apta ac suaves, remque ob oculos ponunt, quasi præsentem intuearis: hæc horrida, obsoleta & à rebus ignotis ducta, dispares. Vel in uno Floro luculentum ejus exemplum est, cujus translatis & argutiis, ut cætera sic satis proba, nihil interdum est ineptius, quod certissimum labefactati sermonis argumentum. Vide quid de eo Censor harum rerum acerrimus, magnusque amicus noster Grævius in Præfatione commentarii sui doctissimum moneat. Imo & in iis, qui Florum præcesserunt, illa Translationum licentia notabilis est. Qui Augustum ævum sequebatur Petronius, jam tum aliquid illius labis contraxit, quem qui imitantur, ejusdem succi aliquid trahunt. Huc etiam Scaligerum respexisse puto, cum in Baudio notaret phralin Neroniani temporis, quod de illo judicium Fratres Puteani in Excerptis consignarunt. Nostra vero, quæ Romanum sermonem ornant translata, plane alterius generis sunt & talia, qualia è Robortello supra descripsimus: quibus illa Romani sermonis suavitas maximam partem consistit, inprimis si figuræ, numerus aptus, qualis simplicitatem & suavitatem decet, accesserit. Scitè Hermogenes lib. 2. *ὡς ἰδεῶν* cap. 3. *ἡ γλυκύτης οἷον καλὸς π τῆς ἀφελείας ἐστὶ*. Svavitas est tanquam pulchritudo simplicitatis. Et ibidem Svavitatem vocat *ὡς περ ἐπιτάσιν πνα τῆς ἀφελείας* velut intensionem quandam simplicitatis. Quibus *ὡρε* & *ἀβεργήτης* ab illo additur.

Porro inter Romani styli characterismos est *ὀξύτης*, argutia. Et si enim Hermogenes loco laudato dicit argutiam pugnare cum simplici genere: *δεινότης* γὰρ ἴδιον τὸ ποιῶν, inquit, tamen ille distinguit argutias. Vocatur enim illud argutiæ genus, quod simplicitati convenit, ipsi *ἐπιτάλαι* βαρύτης superficialis profunditas. Nudus verò ille mentis conceptus, qui superficialiter producit, quamvis sit profundus & reconditus, tamen illi videtur efficere genus orationis simplex. Ibidem ille ait, *αἰδεμείαι λέξεις ὡς ἐπὶ τὸ πλεῖστον γλυκύτητα ποιῶσιν ἐν τῇ ἀφελείᾳ*. Acutæ voces ut plurimum efficiunt svavitatem in simplicitate. Efflorescit itaque ex ipsâ re & verbis hæc argutia, quam ideò superficiale vocat Hermogenes, quia non altius petita est, ut in ipso arguto genere. Et hæc argutia, quæ tamen ad jocos propius accedit, in Romano sermone Romanus sal dicebatur. Ita Martialis. libr. 8. Epigr. 3.

At tu Romano lepidos sale ringe libellos.

Agnoscat mores vita legatque suos.

Commendat hos sales ipse Cicero, quo nemo felicius in illis spargendis erat, lib. 9. Epist. 15. ad Papirium Præmum scribens: ait enim, sibi non quasvis aut cujusvis nationis facetias placere, sed Romanas veteres atque urbanas.

banas. *Accedunt, inquit, non Attici, sed saliores, quam illi Atticorum, Romani veteres atque urbani sales. Ego autem, existimes liceat quod lubet, mirifice capior facetiis maxime nostratibus. Hi sales urbanitatis nomine veniebant.* Cic. ad Curium Epist. 31. lib. 7. *Vides, exaruisse jam veterem urbanitatem. Veni quaso, ne tantum semen urbanitatis una cum Rep. intereat. Eodem libr. Epist. 31. ad Volumnium. Urbanitatis possessionem, amabo, quisque interdictus defendamus. Alibi vocat subtilitatem veteris urbanitatis & humanissimi sermonis.*

Hujus Elocutionis urbanæ ideam optimè delineavit Aristoteles Rhetoric. libro 3. cap. 10. quæ non per γλῶττας & externa vocabula, nec per propria, quia nimis nota, sed per translata & imagines celerem in nobis intelligentiam gignit, atque ex eâ intelligentiâ voluptate nos afficit, cum nihil magis jucundum sit, quam discere. Nullum autem accuratius hujus Romani nitoris περίημοι est, quam si se menti legentis vel audientis statim ingerat. Quemadmodum oculi formâ insigni conspectâ ejus imaginem menti statim sistunt, quæ vel admiratione vel amore inde percellitur, ut Musæus :

Ὄφθαλμός δ' ὁδός ἐστιν. ἀπ' ὀφθαλμοῖο βολαίων

ἔλκετο δολιχάινει καὶ ἐπὶ φρένας ἀνδρας ὀδύει:

Ita suâ vi & ipso aurium judicio mens nostra celerrime per hanc κατὰ κράτος & ἐν κείνῃ in oratione comprehendit.

Quæ Romano sermoni Urbanitas propria erat, eadem quoque Attico, imò ab Attico in Romanum illata est. Idem enim urbi utrique eloquentiæ semper studium fuit, eadem orationis cultura. Imo vero fatetur Quintilianus lib. 10. cap. 1. sermonem Romanum non recipere illam solis concessam Atticis Venerem. In Atticis illa dicebatur εἰρωνεία, & εἰρωνες urbani homines, quo nomine Socrates quoque appellatus fuit. Anacharsis apud Lucianum Athenienses vocat εἰρωνας ἐν πῶς λόγοις & M. Seneca in Suasor. nasum Atticum. Hujus urbanitatis lineamenta eleganter duxit Aristot. 4. Eth. cap. 8. nam & inter virtutes locum aliquem obtinuit urbanitas, quæ ingeniosis facetiis tempore & loco idoneo utitur. Quæ, si ulli genti, Romanis certè præpria & nativa fuit.

Nemo non ex his, quæ dissertavimus, videt, in puritate, simplicitate, suavitate atque argutiâ sitam esse Romanam illam Urbanitatem, quibus addo concinnitatem in clausulis, quam ad simplicitatem etiam Hermogenes requirit. Sed illa pro genere dictionis variat. Id tamen certum est, quod Hermogenes monebat, clausulas & exitus periodorum & partium Orationis in simplici hac oratione esse firmas ac stabiles magis, quam in illâ oratio-

oratione, quæ rapitur & pendula est. Dionys. Halicarnass. de stylo Lyfiæ Oratoris Græci dicebat, esse in eo σύνθεσιν τὸν ἰδιώτην μιμημένην, id est, talem compositionem, quæ videatur proficisci ab aliquo, qui artis ignarus est. Similem illaboratam & simplicem, sed convenientem & jucundam in Corn. Nepote & Jul. Cæsare observat Boeclerus dissertatione *de componenda latine lingua facultate* cap. 2. §. 10. & ex iis præcipuè discendam suadet, ad quem tamen vix doctissimum quemque adspirare posse arbitratur. Et in hac verborum compositione Dionys. Halicarnass. pulchritudinem Orationis præcipuè reponit. Eam ob causam judicarunt quidam, suavitatem esse in Xenophonte, non autem pulchritudinem, & pulchritudinem in Thucydide, non autem suavitatem, utrumque in Herodoto, de quâ jam supra egimus.

Ipse denique nos Cicero doceat, quis Romanus sermo sit. Ita enim ille in tertio de Oratore: *Me tuus sonus & suavis ista delectat, omitto verborum, sed hanc dico suavitatem, quæ exit ex ore: quæ quidem, ut apud Græcos Atticorum, sic in Latino sermone hujus est urbis maximè propria.* Et post pauca interjecta: *Quare cum sit quadam certa vox Romani generis urbisque propria, in quâ nil offendi, nihil displicere, nihil animadverti possit, nihil sonare, aut olere peregrinum, hanc sequamur: neque solum rusticam asperitatem, sed etiam peregrinam insolentiam fugere discamus.* Quintilianus ita urbanitatem describit lib. 6. cap. 4. *Urbanitate significari video sermonem præ se ferentem in verbis & sono & usu proprium quandam gustum urbis & sumptam ex conversatione doctorum tacitam eruditionem: denique cui contraria sit rusticitas.* Et in eodem capite: *Meo judicio illa est Urbanitas, in quâ nihil est absorum, nihil agreste, nihil inconditum, nihil peregrinum, neque sensu, nec ore gustu deprehendi possit, ut non tam sit in singulis dictis, quam in toto colore dicendi, qualis apud Græcos Atticismus redolens Athenarum proprium saporem.* De hoc Atheniensium urbanitatis studio Demetrius Phalereus lib. de Elocution. *πλατὰ λαλῶσι πάντα οἱ Δωριεῖς. Διότιρ ὕδὲ ἐκωμάδων δωρίζονται, ἀλλὰ πικρῶς ἡτῆκιζον. Ἡ γὰρ ἀττικὴ γλῶσσα συνεραμμένον τι ἔχει καὶ δημοτικόν, καὶ ταῖς ποιαύταις εὐτραπείαις πρέπον.* *Lata omnia loquuntur Dores. Quare neque cum aliquos notabant, utebantur Dorico sermone, sed amare Atticissabant: lingua enim Attica rotundum quiddam habet & populare & hujusmodi urbanitatibus aptum.*

De hac Urbanitate & Romano tum animi, tum sermonis charactere, cum Vir ad elegantias omnes factus Balzacus multa dissertasset in Gallicis suis opusculis, eorumque uno, quo de Conversatione Romanorum agitur, asserere non veretur, omnes Græcorum Veneres omnemque Atticismum à Romanorum Urbanitate esse extinctum, diuque illam apud Ro-

manos in usu fuisse, antequam nomen ejus nosceretur. Ejus quandam quasi ideam repræsentaturus, his eam verbis declarat, quæ ob miram eorum venustatem, quodque illa, quæ hæcenus à nobis dicta sunt, præclare explicant, apponere non gravabor. *Soit que ce mot exprime un certain air du grand Monde, & une couleur, & teinture de la Cour, qui ne marque pas seulement les paroles & les opinions, mais aussi le ton de la voix & les mouvemens du corps. Soit qu'il signifie une impression encore moins perceptible; qui n'est reconnoissable que par hazard; qui n'a rien, qui ne soit noble & relevé, & rien qui paroisse ou étudié, ou appris, qui se sent & ne se voit pas; & inspire un genie secret, que l'on perd en le cherchant. Soit que dans une signification plus estendue il vüëille dire la Science de la Conversation, & le don de plaire dans les bonnes compagnies. Ou que le mettant plus à l'estroit, on le prenne pour une adresse à toucher l'esprit par je ne scay quoy de piquant, mais dont la piqueure est agreable à celui, qui la recoit; parce qu'elle chatouille & n'entraîne pas: parce qu'elle laisse un aiguillon sans douleur, & resucille la partie, que la mesdisance blesse. Tant y a, qu'au jugement d'un grand Juge de pareilles choses c'estoit une connoissance, dont les Grecs ont abusé; que les autres Peuples ont ignorée, & dequi les seuls Romainsont sçeu le vray, & le legitime usage: Leur ayant esté si propre, & si incommunicable à leurs plus proches voisins, que ceux de l'Italie mesme n'ont pu l'acquérir sans quelque déchet, ny la contrefaire si finement, que la ressemblance n'en fist remarquer diversité.*

Qui dictionis Urbanæ & oppidanæ diversitatem accuratius indagare, ejusque quasi quandam imaginem sibi ob oculos ponere vult, hodiernam ille Gallicam, qualem Lutetiæ Parisiorum loquuntur homines elegantiores, cum provincialium sermone conferat. Ut enim in populari aut aristocratico statu vel in Dialecto dispescitur lingua, vel si una aliqua urbs rerum potiatur, ad hujus se linguam populus universus componit; ita sub unius imperio Principis, aula, in qua versantur homines elegantiores, qui nitorem linguæ exprimere laborant, cæteris provinciis in exemplum cedit. Loquuntur ergo Lutetiæ Parisiorum plerique linguam cultissimam, provinciales verò horridiorem illam, & quodammodo agrestem, vocibus & sono magna ex parte distinctam, ut jocos & urbanis salibus nonnunquam eos excipiant Parisienses. Eadem in recentiore illâ Italarum linguâ Urbanitatis & Peregrinitatis vestigia nonnulli deprehenderunt. Nam Erythræus *Pinacotheca III. imag. 35.* in hodiernâ illâ Romanâ nil offendi, nihil displicere, præter pauca quædam verba Romanæ Urbis propria, quæ jam obsoleverunt: nihil sonare aut plere peregrinum ait, sed omnem Urbanitatem quasi coloratam orationem, quod de latinâ Cicero dicit. Nam Florentinæ, quam alii præferunt, dicit inesse vocis sonum, qui cum non rectè & pressè

& æquabiliter, sed asperè, hiulcè crebroque in guttur incidens ex ore funditur, minus auribus gratus atque etiam in quibusdam, qui incorruptam illius antiquitatem conservant, ridiculus accidit. Qualem, ut ita dicam, Florentinitatem Romana lingua fastidit. Sed tamen Antonius Pactius Florentinus Urbanam illam Florentinarum vocum notam à peregrinis scitè distingvere novit: nam, ut ait idem Erythræus Pinac. l. imag. 91. *ex quodam Urbanitatis quasi colore atque sono ipso germanas Florentinas voces ab ascitis discernebat.* Imò fuerunt, eodem narrante Pinacoth. l. imag. 157. *qui Florentina verba nuncida exoleta confectarentur, quòd illud, quod scriberent, tum elegans visum iri existimarent, si putidis vocabulis & ab usu remotis explicatum Florentinitatem oleret,* in quos Jacobus Michalorus fabulam scripsit, cui Nuptiarum fictarum nomen indidit, Lucianum in Lexiphane imitatus, ubi personam induxit veteri Florentinorum lingvâ loquentem.

Quod si exemplo Servii, de quo Cicer. lib. 9. fam. epist. 16. *quod dicere facile potuerit: hic versus Plauti non est, hic est: quod tritas haberet aures notandis generibus Poëtarum ex consuetudine legendi,* etiam Romani sermonis voces adictiones, velut sono, pondere & colore nummos, internoscere possumus, benè cum nobis ageretur. Sed nemo fortè è Criticorum familiaria hoc sibi supercilium sumet. Et si tamen & hic crebrâ lectione purissimorum scriptorum non Grammatici, sed Oratoris aliquid explorari posse confido, ut est nonnullorum mira ex phrasi de ætate autorum judicandi sagacitas. Cui si verborum illa collocatio ejusque diligens, sed ab Oratore instituenda observatio accesserit, aliquid fortassis in hoc negotio profecerimus. Singularem hac in re Maffei diligentiam imitari debemus, qui teste Erythræo Pinac. II, 18. omnia latina verba collegerat, ac pro ratione, temporum, quibus inventa vel usu recepta essent, distribuerat, tum quæ verba historicis, quæ Poëtis, quæ Oratoribus aptiora essent. Græcorum in his mira fuit industria, apud quos diversâ fuere pro vocibus Historicis, Politicis, Oratoriis, Poëticis, teste Photio in Bibliotheca suâ, glossaria. In hanc curam unicè quoque intentum esse jubet Imitatorem suum Bernardinus Parthenius Spilimbergius, præclarus ille Horatii commentator, in elegantissima dissertatione de Imitatione Poëtica, Italicè scripta. *La onde fa di mestiero essere assidui nella lectione de' buoni, considerando la eleganza, la nettezza, la proprietà, qual parole passano nell' altrui luogo, quali ferme stanno nel suo, ciò che diversamente è costrutto, ciò che è puro & semplice, come le parole siano ordinate, disposte, qual è composta, qual raddoppiata, qual repetita, ciò che si sia usato per adornare & abbellire, qual parola è aspra, qual piacevole, & dolce, qual corrente, qual tarda, qual sonora, qual languida, & muta, qual lieta & leggiadra, qual trista & spiacevole, qual grave & qual lieve, dalla qual*

qual consideratione & memoria spesso avviene, che d' una parola il lume di una sentenza s' accende. De his aliisque alio loco prolixior dicendi occasio dabitur.

CAP. VIII.

DE Peregrinitate amplius inquiritur. Peregrinitas quaedam laudabilis, quaedam vitiosa. Quidam ut animorum, ita linguarum characteres certis gentibus proprii. Grammatica Philosophica è consilio Verulamii scribenda. Prima varietatis in sermone principia. E pronunciatione & sono nativo primum litera, hinc verba, & ipsa lingua variant. Sermonis varietas cum modis Musicis comparatur. Elatioris pronunciationis homines plerumque tumorem in Stylo amant. Qui molliori voce sunt, leviozem stylum sequuntur. Singulis lingvis aliquid vernaculum est, quod aliis lingvis exprimi nequit. Diversitas maxima sæpe in lingvis unius gentis, e. gr. Itale. Ejus causa è Camillo Baldo proposita. De singulis nationibus Italicis ejus judicia. Quare Germanorum voces pleraq; Monosyllaba, & illi bibaces, ridicula ejusdem ratio. Latina lingua in singulis gentibus novo quasi colore tingitur. Ideoq; maturè illa discenda. Vitium hoc peregrinitatis frequens in omni gente. Variisforis eà de re judicium. Græci in Latinis græcificant, in Græcis hi latinifimos sectantur. Enim Germanifimus in Latinitate à Lilio Gyrardo notatus. Gallorum in Latinâ lingua multi Gallicifimi, præprimis Barclaii. Peregrinitates domestica diligenter notanda. Henricus Stephani & Johannes Vorstius eo nomine laudati.

Romanæ & Urbane orationi duo, ut vidimus, adversantur, rusticitas & peregrinitas. Illam cum omnes omni industriâ studioque evitent, relinquimus. Hanc cum evitare omnes non possint, eaque nobis non advertentibus orationem vitiet, & vitio patriæ plebisque adhaereat, eo diligentius excutiamus necesse est. Id enim est, quod in Livio præcipue reprehendit Asinius. Habet scilicet quisque sermo, ut gens, cultum suum, quo ab aliis distinguitur. Et ille quidem cultus in extraneum cum degenerat, Peregrinitatem infert orationi. Peregrinitas verò illa, ut Ludovicus Vives lib. 2. de Ration, dicendi docet, non est unius generis. Est enim quaedam usitata, grata & tolerabilis, ut quædam phrasæ Græcæ Latinitati admiscet vel Latine Hispano sermoni aut Gallico. Est Peregrinitas barbara & importuna, ut cum pejora melioribus miscentur, vel alienissima conjunguntur, veluti cum latinifiat Græcus, vel Hispanifiat aut Gallicifiat Latinus, aut cum Hebraismus in Latinitatem infertur, vel

vel Germanismus in Hispanitatem. Verum prima illa Peregrinitatis species ad nos non pertinet, cum illa non ipsa orationis interiora ingrediatur, sed extrinsecus tantum adsumatur, ut si quis peregrini generis & coloris ligulas vesti patriæ adaptat. Etsi illa non ubique & semper, sed certo loco adhibita laudem meretur. Altera illa peregrinitas semper cum vitio est, quæ omnem linguam adulterino quodam colore & succo tingit. Habent enim regiones omnes nonnullos ut corporis, ita animorum & linguæ characterismos, quasi gentiles & congenitos, qui ut in nativa habitant, ita in adoptivas immigrare solent.

Res est omnino attentissima speculatione digna, unde illa linguarum diversitas, tum qua pronunciationem, tum quæ naturas vocum & dictionem oriatur. De quâ cum Cardanus *de Subtilitate lib. 12.* Bodinus *in Methodo Historiarum lib. 1. cap. 9.* Besoldus *in discursu de natura populorum cap. 15.* aliqua notarint, sed levia, elegantissimè, & doctissimè, ut solet, de his disseruit ὁ πολυμαθὴς Borrichius in dissertatione de Causis diversitatis linguarum. Huic innixum fundamento est illud Verulamii consilium de augmentis scientiarum *lib. 6. cap. 1.* svadentis, Grammaticam aliquam scribendam Philosophicam, quæ notet, quid peculiare cuique nationi sit in lingua, quemadmodum etiam inter se differant illæ. Quod refert Græcorum illam in verborum compositionibus licentiam, à quâ Romana abhorruit severitas, Hebræorumque, qui metaphoris abuti malunt, quam istis uti compositionibus: item quare antiquæ linguæ plenæ declinationum, casuum, temporum, conjugationum: novissimæ verò plurima per præpositiones & verba auxiliaria segniter expediant: quare Græca lingua diphthongos alat, Latina non item: Lingua Hispanica literas tenues oderit, easque itatim vertat in medias: linguæ, quæ ex Gothis fluxere, aspiratis gaudeant. Hinc, sive id naturalibus principiis contingat, sive è consuetudine, vel aliarum gentium commerciis procedat, oritur primum varia illa vocalium pronuntiatio: nam aliter pronunciant Sveci, aliter Angli, aliter Galli, consonantes quoque inter se confundunt: quod vel in diversis solius Germaniæ populis observes. E pronunciatione illâ diversâ literarum diversa primum oritur scriptio, hanc diversæ voces, inde phrasæ, & si seculorum diuturnitas accesserit, novæ linguæ, aliæque Eloquentiæ facies. Quam diversitatem cum sentiant homines solertes, causasque varias ejus sibi deprehendere visi sint, eò processerunt, ut è minutis pronuntiandi principiis statim de populi genio naturalique dictione quædam conjicerent. Qui in pronuntiando vocales extollunt, stylum grandem; qui elevant, stylum tenuem affectare ajunt. Alacritas linguæ & pronunciationis stylum plerumque circumductum & diffusum gignit, qualis illa Gallorum;

longa vocalium & vocum dilatatio stylum tumidum. Orientales populi plerumque rem magno apparatu proloquuntur & multo circuitu, multis pigmentis, quod de Arabum quoque stylo Fabricius prodidit in Speciminis Arabici appendice. Septentrionales populi plerumque styli æqualem temperiem sequuntur. Comparatum sc. est cum sermonibus, quemadmodum cum sono Musico, quem non eundem amant omnes Gentes. Hinc nati modi Doricus, Æolicus, Phrygius & similes, quia gentes istæ tali sono delectabantur. Non ineptè eam ob causam de Poëtis judicat, Masenius, in Heroicâ suâ Poësi cap. 11. quod inferioris Germaniæ populi non facile Statii istam gravitatem assequantur, nec contra Bojorum gravitas ad illam Ovidii lenitatem facile inclinet. Patet hujus rei diversitas vel in linguâ latinâ & græcâ. Habet enim Græca plurima, quæ Latina, non satis bene imitatur; Latina, quæ Græca nullâ satis arte exprimat. Felicior Græca est in levioribus, in rebus amorum, ad ipsas usque ineptias; Latina verò gravis, moderata, parca. Unde voces plurimæ notatæ sunt à Cicerone & aliis, quas Græca lingua non capit; de quo argumento eleganter differit I. C. Scaliger in præclarâ oratione de voce *Ineptus*, quæ adjungitur epistolis ejus postumis: frustra notatus à Budeo, Comm. Græc. Lingvæ, p. m. 65, n. 30. Similis pene observatio lingvæ Italicæ, Gallicæ, Hispanicæ, quæ habetur in excerptis Perronianis, quæ edita sunt è schediasmatibus FF. Puteanorum sub titulo *Langves*. Nam Linguam Gallicam non adeo Comædiæ aptam dicit, quemadmodum Italicam. Hanc ad amores; Hispanicam ad res exaggerandas & amplificandas ab ipsa naturâ factam esse: Gallicam ad res civiles & historias præ cæteris adhiberi posse ait, unde & lingua Status vocetur.

Hanc diversitatem linguarum in variis gentibus cum viderint nonnulli, factum est, ut certis quibusdam theorematibus physicis vel potius physiognomicis illam differentiam definiendam sibi sumpserint, quæ tamen, ut fieri in observationibus istis solet, non ex omni parte satis firma sunt. Camillus Baldus, Bononiensis, in libro suo de divinatione epistolari, quo de moribus hominum ex epistolis, stylo, & sermone judicare docet, operosus est in differentia sermonis, in solâ gente Italicâ, ostendendâ. *Multi in Italia*, inquit ille cap. 8. *loquuntur labiis & lingua extremitate dentibus innixâ, ut Januenses, alii gutture, ut Florentini, alii sunt in locutione tardi & habent dictiones vocalibus plenas, ut Veneti, alii ab ipsis abhorrent, & habent verba ut plurimum consonantibus abundantia non evidencibus, & ferè bisyllaba, ut Bononienses, alii sunt hostes literæ L, ut Senenses & Lucenses, Imo ut a lii notant, singulis diebus in Italia peregrinantibus lingua aliquâ parte novatur. Et Dantes in lib. de vulgari eloquio in hoc angulo mundi,*

ut loquitur, supra millenas ire differentias testatus est, qui in variis istis dialectorum generibus excutiendis mirè illic operosus est. Singulorum Camillus Baldus causas habet vel universales, ut cœlum & climata: nam duobus præcipue locis sub Æquatore & sub quadragesimo quinto gradu Zonarum temperatarum differentiam illam pronunciationis cerni ait: vel particulares, ut situs regionis, commercia, cibus. Et quidem quod ad situm regionis attinet, ob varietatem montium, lacuum, marium, fluminum, sylvarum, ut hominum inclinationes & propensiones variant, ita linguis, moribus discrepare ostendit Italiæ exemplo. Quæ cum dividatur, ab Apennino monte ab ortu ad occasum, atque ejus extremitates geminis alluantur maribus, magis linguâ & moribus differre Italum ab Italo ait, quam Polonum à Polono, quod illarum regio, licet Italiâ major, æquali planicie constet. Ita noster ille observat, qui latos Italiæ campos colunt à montibus & mari distantes, si respiciant Septentrionem, cum frigidi sint participes, voces abbreviare ac consonantibus uti, ut Ferrarienses & Romandiolæ habitatores. Mediolanenses cum loco humido habitent, ob vaporum multitudinem, quâdam imbecillitate loqui, & ultimis verborum syllabis multos addere accentus: Etruriæ cultores, qui collibus accedant, uti aspirationibus & gutture loqui more Hebræorum; cum enim montem habitent non minus meridiei expositum, quam Hierosolyma, nec minus quam Sion saxosum, habere etiam accentus Hebraicis similes atque conformes. Idem tamen autor, qui brevitatem vocum & multitudinem consonantium antea frigori, eandem in Germanis calori illorum adscripserat: Quod enim Germanis multa sunt verba monosyllaba & plena consonantibus, quodque liberalius bibant, procedere ille ait à concentrato calore & præternaturali siccitate à multo calore producta. An ergo externo frigori eadem, quæ interno calori potestas est? An fortassis illa conspirat? Sed nec illam esse auctoris istius sententiam, ex eo patet, quod Genuenses Germanis similes faciat, quibus eadem linguæ velocitas insit, quia loca calida, sicca & petrosa incolunt. Quid vero de Belgis dixerit Baldus, qui paludoso in solo & humido aëre habitant? at illi voces contractiores habent, quam ipsi Germani. Verum altioribus defixæ radicibus hæc causæ sunt, quam ut superficialiis illis contemplationibus erui possint, neque hoc loco illæ eruendæ. Nos tamen inde observabimus, quam facile sit in tantâ diversitate dialectorum cultiorem linguam aliquid sordium adsciscere. Etsi enim aliâ oriundus patriâ cultiorem linguâ fuerit institutus, fieri vix poterit, etiam Camilli Baldi judicio, quin aliquando se prodât, ut in Theophrasto videmus, qui licet per viginti annos educa-

rus Athenis fuerit, ab Atheniensi tamen vetulâ unius verbi affectatione, pro peregrino habitus fuit.

Quoniam ergo hodiè lingua Latina nulli amplius populo familiaris est, sed per varias gentes propagatur, vel ex eo videre licet, quam illa in singulis populis novo & gentili quodam colore tingatur, quem Romanus ille candor aversetur. Non enim advertentibus illa obrepit peregrinitas, cum à consuetudine & autoritate Latinæ lingvæ, significatione, phrasi, inepta junctura discedimus. Eam ob causam Hieronymus *Epist. 7. ad Lætam de Institutione filiarum*, de lingua Latina maturè addiscenda consilium dedit, ne postea idiotismis corrumpatur: *Sequatur*, inquit, *statim & Latina eruditio, quæ si non ab initio os tuum composuerit, in peregrinum sonum lingua corrumpitur, & externis vitiis sermo patrius sordidatur.* Est hoc adeo familiare eruditis è qualibet Gente vitium, ut non deprehendi nisi ab oculatissimis possit. Franciscus Vavassor, delicatus ille latini sermonis censor, *libro de Epigrammate cap. 15.* refert, oblata sibi fuisse quædam epigrammata, in quibus omnia laudem merebantur, non fuisse inania sententiis, nec sine acumine & lepore; versus elatos & canoros, verbis plenis & grandibus: aptam compositionem: naturalem ordinem rerum; neque artem desideratam. *Verumtamen ad dictionem quod attinet, haud scio*, inquit ille, *utrum plus aliquid latine Poëtæ hic faciat, quam quantum in scholis Philosophorum, aut Theologorum, ubi ista fere dediscuntur, didicerit.* Hujus rationem ut daret, subjungit porro: *Plerique, nisi caveamus, Græca Latine, Latina Gallicè scribimus. Cur istud tandem aut quomodo? Dupliciter. Primum quidem cum sine uni lingua communia quadam cum lingvis aliis, quiddam proprium & singulare cujusque, certa elegantia, domestica nativæq; Veneres; hoc si posterius negligimus, aut si parum calleamus, aut si omnino non persequimur, illa retinemus duntaxat: quis prudens Lector atq; intelligens divinabit, scire nos Latine aut Græcè, qui ejus, quod peculiare sit alterutrius lingvæ, nihil in carmine nostro aduertat? Deinde cum ex duabus tri- buve lingvæ unam aliis notiore, magisq; familiarem habeamus: quid proclivius, quam ad hanc accommodare ceteras & inflectere ac detorquere: ex quo Latinismus, ut ita dicam, in Græcis, Gallicismus in Latinis obrepit? Quid igitur provideri in epigrammate placet, aut quam rationem haberi sermonis? Si quis epigramma scriptor Græcè condidit, deprehendas Lector nolo vel ex uno versu alterove Athenæ; si Latine, Latium quodammodo & Romam veterem agnoscat. Nec verò jam puerum esse aut tironem intelligat, qui discat tum primum, sed virum ac veteranum, qui multum diuq; didicerit. Quod si Græcum ex Latino, aut ex Græco Latinum scriptor idem fecerit, juvat ambigere Lectorem, uter scriptor scripserit prius, utrum redditum sit opus atq; ex altero conversum. Ex illo vitio lingvæ familiaris fit, quod idem notavit ejusdem libri cap. 8. quod bonitatem & præstantiam Græci Carmi-*

nis non per se ponderant, sed ex Latina interpretatione. Quomodo contigit, id quod ab Hieronymo observatum est, ut ridiculum nonnulli Homerum Latinum judicent: quem si Græcum norint, aut si magis ex suâ illâ lingvâ spectatum, quam ex alienâ norint; meritis ac jure suspiciant atq; admirentur. Hanc ob causam Lilius Gyraldus (an satis æquus judex, critici viderint) *Dialog. 2. de Poëtis nostri temporis*, de Erasmo, illum inter Germanos Latinum, & inter Latinos aliquando Germanum videri censuit. Eadem peregrinitas in Barclaji scriptis deprehenditur, qui perpetuis Gallicismis scatet. Illos enim in ejus Scriptis observavit perpetuus talium insectator Scioppius, teste illo, qui Euphormionem cum notis variorum Lugdun. Batavorum edidit. Nam in Hercule suo Coprophoro hujus cæterorumque virorum doctorum sordes congefferat; sed non protulit in lucem hoc suum sterquilinium. Ille vero in libro de Rhetoricarum Exercitationum generibus circa finem hæc de Barclajo: *Similiter & Johannis Barclaji dictio, (ejus, qui hodiè quoddam quasi juvenutis cymbalum est) arguto & venusto hominis ingenio plus, quam Latinitatis genere commendatur. Ille enim de obscuritate dicere prætermittam, in quam sæpius cum necesse fuit incidere, qui nec majorum gentium autores studiosè voluisset, & quomodo alius nemo dicere averteret, nec barbarismi & solæcismi apud eum non inveniuntur, vici- etiam vero iniri vix potest numerus, quos ipse calori indulgens, ac nec sue, nec amicorum lima patiens, se solo autore invexit. Præterea & anonymus quidam, sed qui ipsi amicissimus fuit, teste Erythraeo Pinacoth. 111. imag. 17. ipsi objecit, quod latinitas ejus Romanas aures peregrinitate tadat & veteris puritatis sapore imbutum palatum offendat: quod tamen ipse Erythreus in medio relinquit, & Böclerus commentario in Taciti Annal. l. 4. 6. vellicare videtur, cum ait: nolle se esse inter eos, qui eruditissimum elegantis ingenii monumentum, quod tacite non possunt non mirari, qua tamen possunt, premunt. Sed ille ingenii potius & inventionis elegantiam, quam omnes & ipsi illi rigidi censes laudant, forsan respexit: nam quod ad latinitatem attinet, illam non usque adeò esse sinceram, negari non potest. Longè certè à populari suo Buchanano abit, cujus tantus in latinitate nitor, & puritas, ut nil in illo præter hæresin, ille inter Grammaticos Momos omnes Argus & Lynceus Scioppius reprehendat.*

Est verò ejus peregrinitatis, quæ à lingvis popularibus in Latinam lingvâ infertur, quo illa occultior, eò accuratior instituenda observatio. Nam ut in Gallia Gallicismi, ita apud scriptores Italos Italicismi, Hispanos Hispanismi regnant, quorum nunc discrimina deprehendere difficilius est, cum paucis hic esse censoribus datum sit, qui nativum Romanæ lingvæ decus è scriptoribus aureæ ætatis dijudicare norint, & cui gentilia illa vitia non imponant. Quare benè de latinitate mererentur, qui idiotismorum

illorum à Latinismo differentiam diligentissimè notarent, ut laudanda illorum opera est, qui illorum cum Latina lingua convenientiam docuerunt, quod in Gallica lingua fecit Henricus Stephani, libro de Latinitate, falso suspecta; & in Germanica ejusdem tituli libro Johannes Vorstius, ne illi Gallicismorum & Germanismorum specie imponerent.

CAP. IX.

Peregrinitas Latina lingua è provinciis, γλωσσαί, γλωσσῆματ. Peregrinae voces jam olim collectae & notatae. Hispanismus in lingua Latina. Hispana lingua an Romana originem dederit? Hispani prisci & lingua & doctrinis insignes. A recentioribus Hispanis aliqua Latina Lingua peregrinitas illata videtur. Romanorum Schola latina in provinciis. Hispani praeter ceteris provinciis latinis assidue teneiores. Barthii judicium, qui idiotismum Romanum in illorum lingua & pronuntiationem vetustam agnoscit. An apud Afros & Hispanos scriptores supersint veteres Romanae voces & phrasae? Dissensus à Barbio. Erasmi de iis rectius judicium. Utrum Hispani an Galli primi peregrinitatem in Romanam linguam invexerint? Petri Pichæi & Andreae Schotti lis de prerogativa utriusque gentis in eloquentia latina. Vavassoris judicium. Qui in Hispanos paulum videtur inquirere. Ciceronis de peregrinitate in urbem infusa querela. Fastidium purioris sermonis ob affectationem peregrinitatis post Ciceronis tempora. Hispani primi conservatores eloquentiae Romanae. Seneca. Quintilianus. In hoc Hispanicis à Philelpho notata. Quintiliani defensio & elogium. Barbii quoque illum vellicat. Poetae Cordubenses. De Lucano, Seneca Tragico diversa nonnullorum judicia. Martialis vindicatur ab insanis nonnullorum calumniis. Argutiae ab Hispanis in latinis illatae non omnino damnandae. J. Jovianus Pontanus diversitatem in Romanis & Hispanicis argutiis agnoscit. Quod & Ciceroni & ipsi Martiali notatum. Defenditur hac in re Natio Hispanica adversus obrectatores. Africitas in latina lingua. Afri Scriptores plerique aliquid inconditi habent. Vivis de Afri & inter illos Augustino judicium. Verdierus notatus. Afrorum defensores Barbii, Fruterius, Lipsius &c. Proprietatem linguae latinae in illis laudant aliqui. Voces antiquae Latinae multae in illis reperiuntur. Dicitur tamen in illis puri Romana non est. De Apuleio & Nemesiano judicia.

Maxima Latinae linguae peregrinitas ut nunc à populis, qui illam adoptarunt; ita olim à provinciis illata est. Nam deductione coloniarum & donatione civitatis peregrinitas successit, cum & qui emi-

emigrarunt, illam alibi hauserint, & qui convenerunt in urbem, illam secum advexerint. Peregrinitas illa consistit vel in verbis, vel in constructione, vel consuetudine. Verba secundum Varronem sunt vel nostra, vel aliena, vel oblivia, id est, obsoleta. Aliena τὰ ξενὰ ἐπέχει μὲν Ἰππώκρια τοῖς δὲ ἄλλοις ὃ συνήθη; ut ait Theon Sophista in Progymnasmat. sensibilem nimis peregrinitatem inducunt. Solebant verba illa Græci vocare γλῶσσας, cujusmodi fuere Diodori ἱταλικά, Hermonis κρητικά, & Philemonis Ἀθητικά γλῶσσας, quarum Athenæus meminit. Vocabant & γλωσσηματὰ voces minus usitatas. In verbis quoque duo ἀμαρτημάτων genera agnoscit scil. τῆς ἀκυρίας & τῆς ἀφθορίας. His ut frequentius peccatur, ita plus inde orationi peregrinitatis est, quam è verbis simplicibus peregrinis. Inter advenas illos è provinciis primæ fortassis Hispanis debentur, quorum contagione primum ille Romanus nitor infringi videbatur. Nam etsi è vicinia, Latioscil. propior peregrinitatis metus, major tamen è remotioribus locis erat. Primum ergo de Hispanismi in lingua Latina peregrinitate agemus, cui illam, quæ à reliquis gentibus est, subjungemus, ultimò loco de ipsius Latii & domesticis, ut ita dicam, peregrinitatibus dicturi. Quod ergo ad Hispanicam gentem attinet, dubitandum primum videbatur, utrum ab illis peregrinitas Romana lingvæ illata sit, an vero ex ipsa illa veteri Hispanorum lingua, antiqua illa Romana primum creverit. Ad Romanam civitatem constituendam, (teste Dionysio Halicarnassæo lib. i. extrem.) confluxerunt præter Opicos, Marfos, Samnites, Hetruscos, Brutios, Umbros, Ligures Hispanorum Gallorumque multa millia, aliæque gentes innumera vel ex Italiâ, vel ex aliis locis, lingvâ & moribus dissone. Unde verosimile videtur è gentium illarum interque illas Hispanorum lingvâ coaluisse illam priscam Romanorum lingvam. Ac fuerunt è gente Hispanâ Historici, qui Romam ab Hispanis fundatam volunt, quod tamen pro dubio & incerto habet Johannes Mariana: impugnat vero Bernard. Aldret. libro 2. del origen de la lengua Castellana. cap. 16. Nam è verbis Dionysii Halicarnassæi patet, illos non sub ipsa initia urbis Romæ, sed multò post accessisse, quod præcipuè ille urget. Poterat vero etiam tum novam Romanam lingvam ab illis faciem sibi sumere, populo, ut apparet, jam ab antiquissimis temporibus docto & literato. Nam ita de Turdetanis, Hispaniæ populo, memorat Strabo 3. Geogr. *Hi inter Hispania populos sapientiâ præcænant excellere & literarum studiis utuntur & memoranda vetustatis volumina habent: poemata, leges quoque versibus conscriptas, à sex annorum millibus, ut ajunt. Ceteri etiam Hispani usum habent literarum &c.* Quibus, etsi annorum numerus fabulosus est, antiquitatis tamen multum subesse videtur. Verum, ut illa omnia ita se habeant, nullum tamen pro lingua

ex Hispaniâ oriundâ confici argumentum potest. Et si enim bona Hispanicæ lingvæ pars in Romanam concessit, ut de Armoricâ alibi à nobis dictum est, eam tamen post tot secula mutationem Romana lingua subiit, ut abolitis pristini Hispanismi vestigiis, novo habitu compareret. Dubium itaque nullum est, quin à recentiorum temporum Hispanis, quorum & ipsa successu seculorum lingua mutata, aliqua Romano sermoni inferri peregrinitas potuerit, postquam illi in Civitatem Romanam assumpti, ut apud Hispanos vernacula illa ad genium Romanæ lingvæ successu temporis composita, etsi primis temporibus Latina lingua per Romanos illic propagata. Magnam enim in illo curam posuerunt Romani, ut provincialibus purissimam illam Latinam linguam traderent, constitutis illic ludis & professoribus: ut fuerunt minicipales illæ Scholæ apud Vesuntionem & Lugdunum, & illa apud Augustodunum in Heduis, cui præfuit Eumenius Rhetor. Imò ipsi illi provinciales, ut Romani viderentur, ultrò Romanam linguam affectarunt, unde tandem corrupta illa Romana, quæ hodiè quæ apud illos in usu est, nata, cujus apud Hispanos historiam singulari libro Bernardus Aldrete descripsit. Hispanos sanè tenaciores Latinitatis præ cæteris provincialibus fuisse Barthius mirus Hispanorum amator existimat. Nam *Advers. lib. 10. cap. 19.* dissertarat, alium fuisse vulgarem Latinè loquendi modum apud Romanos, quam illum, quo libros scripserunt, probat illud ex Idiotismis lingvarum ex Latina descendentium, præcipuè Hispanicæ, cujus pleraque vocabula significanter Latina sint, aliorum tamen trahantur, quam in libris nos offendimus, quæ è medio usu loquendi petita referunt autores non libarios aut scriptores, sed confabulantes & conversantes Latinos. Addit nonnulla exempla, quibus id confirmat, ac concludit tandem, Barbarissimos Latinitati mixtos longè elegantiores esse in populari Castellano sermone, quam ii sint, qui copiosè in posterioris ævi autoribus reperiuntur: usus enim, ut ait, moderabatur linguam de manu velut in manum locutiones tradens: Idem lib. 47. cap. 13. *Romana lingua italorum sibi vendicant hodiè, Hispani, & certo patet, nulli idiotismum illius propiorem esse, nec ullus magis integra servabit verba: Inque magnâ nos delectatione cepit Castilianismus hodiernus.* Pronunciationem quoque Latinam in illis suis vocabulis retinuisse ostendit *Adversar. lib. 41. cap. 17.* ex litera F quæ antiquis Latinis pro H accepta est: unde lingua Hispanica plurima, latinis per F. pronunciata, per H nunc quoque exprimat, mordicus retinens, quod à latinâ pronunciatione acceperat. Causam vero ejus rei duplicem esse opinatur, primam, quod Latinismo adhuc vigente Hispanicæ exteris gentibus occupatæ sint: jam verò lapsa & ipso senio suo fatiscente, in Italiam & Galliam alienæ lingvæ venerint: alteram, quod Afri scriptores & posteriores

rioris xvi Hispani magis proprie locuti sunt & scripserunt, quam cæteræ omnes nationes. Ita enim Adv. lib. 7. cap. 9. magnâ fiduciâ pronunciat. Accedit in hujus rei fidem Strabonis testimonium, qui lib. 3. de Turditanis ait, quod planè Romanos mores assumpserint, ne sermonis quidem vernaculi memores, ac plerique facti sint Latini, & colonos acceperint, Romanos, parumque abfuerit, quin omnino Romani sint facti. Quibus addi illa possunt, quæ Alphonsus Garfias Matamorus in Apologetica narratione, de Academiis literatisque Viris Hispaniæ in gentis suæ favorem affert. Quæ si vera sunt, inclementer nonnulli cum Hispanis agunt, qui primos illos Latinitatis corruptæ reos faciunt.

Novi equidem quorsum tendat hæc suâ sententiâ Barthius; Putat enim in Afris & Hispanis scriptoribus multas superesse latinæ linguæ voces vel phrasas, quas apud cæteros autores frustra quæsieris, sed quæ tamen Latinæ fuerunt, & in Latio usitatæ. Quam sententiam, ut ego non damnem, magnum tamen in se onus suscepturum existimo, qui illam Hispanorum prærogativam in verborum propriâ acceptione probare, idoneis argumentis velit. Fuerint voces & phrasas latinæ, quibus illi usi fuerint; non corruperint etiam propriam significationem: fuere tamen in illis multa, quæ sua nollet Romanus scriptor & inter plebeja & sordida, ac à consuetudine abhorrentia rejecisset. Quisquilias potius sermonis & quæ inter rejicula numerarunt Romani scriptores, collegerunt. Nullum enim ab illis delectum adhibitum, qui tamen in Romano sermone necessarius erat, multitudo vocum horridarum, utut latinarum & apud plebem receptarum, satis arguit. Quare rectius meâ quidem sententiâ hic judicat Erasmus præfatione in Hilarium, quæ est inter ejus epistolas lib. 2. octava cum ait: *Vix ullos provinciales feliciter reddidisse Romani sermonis simplicitatem, præter aliquos, qui Romæ à pueris sint educati. Nam & Tertulliano & Apulejo, inquit, suus quidam est character, & in decretis Afrorum, quæ multa refert Augustinus contra Petilianum & Cresconium, deprehendas anxiam affectationem eloquentiæ, sed sic ut Afros agnoscas. Subobscurus ac submolestus nonnunquam est Augustinus, nec omnino nil Africum habet Cyprianus, cæterus licet candidior. Nec mirum, si Gallus refert Gallicum quiddam, si Poenus Punicum, cum in Livio nonnullos offendat Patavinitas. Ferè sit autem ut major sit affectatio in his, qui linguæ cuiuspiam municipes sunt, quam qui Cives, qui advena, quam qui indigenæ.*

Quandoquidem ergo è provincialibus primum peregrinitas latinæ linguæ illata, versari inter viros doctos illa disputatio solet: Utrum Hispani, an Galli primi peregrinitatem intulerint? Franciscus Vavassor libro

de Epigrammate cap. 6. quo de origine acuminis in epigrammate agit, producit Petrum Pithæum & Andream Schottum, illum Gallum, hunc Hispanum, utrumque pro gloriâ gentis suæ certantem, in eloquentiæ apud Romanos disciplinâ. Ille enim præfatione in declamationes Quintiliani populares suos: Hic præmio in Senecæ declamationes Hispanos suos Romanis ad eam dicendi vim, quæ tum in urbe vigeat, autores fuisse contendit. Ridet utrumque Vavassor de prærogativâ corruptæ eloquentiæ disputantes. Omne enim illud declamatorium studium, quod tum frequentabatur, ut frivolum & inane, & Romanæ eloquentiæ judicio parum conveniens damnat ille, vel ipsius Ciceronis testimonio, qui in Bruto, Oratores acutissimos & indoctos & inurbanos & rusticos nominat, unde longè ab nitore Romanæ eloquentiæ hos argutulos abfuisse colligitur. *Quæris quid malim?* inquit Vavassor, *Neque hoc, neque illud: Et prope est alios ut malim potiores meo judicio, verèque Romanos, qui ab utriusque nil didicerint; ut Livium & Suetonium in Historicis, Virgilium & Horatium, inter Poetas, quibus nihil est ejusmodi aut parum argutiarum.* Sollicitè itaque cavet Vavassor, ne in populares suos invidia hæc derivetur, præprimis in illâ, quæ inter Orationes ejus tertia est, pro vetere dicendi genere contra novum, & ut omnem in Hispanos devolvat. Nam mores nationis Gallicæ suavissimi longè ab hac magniloquentiâ illi abesse videntur. *Unde nobis bellum,* inquit, *inde hoc oris & lingvæ vitium erupit, ex hostili videlicet solo. Iberia primis illis temporibus, ut ferè mores sequitur dictio, lentam hanc verborum ac ventosam pompam & peregrinam insolentiam in urbem velut adulterinas & pestilentes merces induxit.* Imò & Gallis suis, qui Hispaniam vicinitate contingunt, vel hodie idem affari vitium indignatur, qui multum hujus adventitii fastus ac tumoris cum in agendo, tum in Latine loquendo vel maximè retineant, quod cæterarum Galliæ partium congressu atque consuetudine emendari non possit. Quare amaris etiam facetiis illis illudit, cum multo periculosiorem hanc esse orationis strumam ait, quam corporis, cui cum Galli verbis atque tactu medeantur; hi tamen orationis strumam contrahant, nullâ medicinæ scientiâ sanabilem. Quæ etsi licentius in gentem æmulam, imò tum temporis hostilem, à Viro quidem docto, sed gentis & patriæ suæ studioso dicta videntur, etsi fortè & Gallos hac notâ non omnino immunes fuisse credibile est; nam & olim cothurnus ille Gallicanus in proverbium abiit, non defuerunt tamen & alii, etiam inter antiquos, qui de corrupto per provinciales sermone querebantur. Ipse Tullius Latinitatem genuinam suo tempore vitiatam dolet: Ita enim in Bruto: *Omnes vero qui nec extra urbem hanc vixerant, nec quos aliqua domestica barbaries infuscaverat, rectè loquebantur, sed hanc certe rem deteriore*

*Vetustas facit & Roma, & in Græcia. Confluxerunt enim & Athenas & in hanc urbem multi inquinatè loquentes, ex diversis locis. Idem lib. IX. cap. 15. In urbem nostram est infusa peregrinitas nunc verò etiam braccatis & transalpinis nationibus, ut nullum veteris leporis vestigium appareat. Eodem etiam tempore rectum & levem sonum oris, quæ laus erat Romani generis urbisque propria, perverti cœpisse notat Vavassor de ludicra dictione pag. 350. Imò eò processerat peregrinitatis ille morbus, ut statim post Ciceronis tempora, ejus scripta nonnulli ut minus nitida fastidirent. Notat Muretus ad locum Senecæ Epist. 59. ubi in Fabiano Seneca laudat orationem, ad nostrum fastidium nitidam, plerosque tum nonnulla Ciceronis ut parùm nitida, & expolita fastidio habuisse, idque è Dialogo de oratoribus, & è variis Senecæ locis perspicui posse. Senec. in Prolog. 1. Declam. *Quicquid habet Romana facundia, quod insolenti Græciæ aut opponat, aut præferat, circa Ciceronem effloruit: omnia ingenia, quæ lucem nostris studiis attulerunt, tunc nata sunt, in deterius quotidie data res est, ut ad summum perducta rursus ad infimum velocius, quam ascenderat, relabatur.* Adeò verum est, quod Vavassor in oratione pro veteri Eloquentia observat, quicquid optimum in quacunque arte à præstantissimis ingeniis, sive in literis, sive in alia quacunque arte inventum, vel factum, id singulari fato in exiguum temporis curriculum compingi, quasi tot seculorum collecti sapientiæ & ingenii fructus in modicam quasi hominis ætatem maturuisse videantur. Imò periisse, tum pene latinitatis ornamenta videbantur, nisi exteri homines, & illi ipsi Hispani, quos peregrinitatis insimulamur, ea conservassent, ut condonandum illis meritò sit, si quid ab illis Latinitati vernaculi gustus illatum sit. Frequentes sunt de perdita veteris lingvæ gloria, imò ipsis vocibus, Varronis lib. 8. de L. L. Quintiliani lib. 8. cap. 3. Gellii & aliorum querelæ. Seneca Hispanus illa Latinitatis pereuntis cimelia quasi raptim collegit. Imagines eloquentiæ penes Quintilianum remanserunt, in quo tamen & Philelphus Hispanitatem sibi invenisse visus est. Sed injurius præfectò in Quintilianum non solum, sed in omnem Eloquentiam est, qui ita judicat. Ille enim Ciceronis non solum gloriam, sed & omnem orationis facultatem quasi è cineribus resuscitavit, totique se Italiæ Magistrum præbuit: imò si Campanum audimus, in *Censuris super varios auctores*, vel ejus dictio proximò post Ciceronem gradu poni meretur, cujus ego sententiam non omnino damno; propius certè à Cicerone abesse profiteor, si priores Augusti xvi Scriptores exceperis. Popularibus suis sine controversia in latinitate præferri debet, neque plus illi Hispanitas, quam Livio Patavinitas ad bonæ dictionis laudem obest, etsi Livio tamen minor habendus est. Magnificum est Vallæ de eo judicium lib. 1. antidoti in Poggi-*

um: Neminem posse neq; Quintilianum intelligere, nisi Ciceronem optimè teneat, neq; Ciceronem probè sequi, nisi Quintiliano pareat, neque unquam fuisse quemquam eloquentem post Quintilianum, nec esse posse, nisi qui se totum arti ejus formandum, imitationique crediderit. Etsi sunt, qui hoc Elogium ipsi ex æmulatione adversus Trapezuntium natum existimant, qui perpetuus Quintiliani cavillator fuit, vide & Pogg. Invektiva in Vallam 1. fol. 71. lit. a. Sed tamen in illo, utut imitatore Ciceronis diligentissimo, diversitatem, quæ ab ætate est, notavit Budæus *Comm. Græca Lingua pag. 1013. Edit. Paris.* & Erasmus in libro de ratione vera Theologia judicat, frequenter in Quintiliani sermone hæsurum, qui præter Ciceronem nihil legerit. In censendis tamen Autoribus, præcipuè poëtis, minimè satisfacit Barthio, ut qui Lucretium ad phrasin & corpus eloquentiæ non commendet, cum sit Poëta Latinissimus, Salustium majoris historiæ Autorem faciat, quàm Livium, nusquam etiam corruptior sit, quàm ubi bonos Autores sub censuram vocat, de quibus videatur Barthius adversar. lib. 43. cap. 2. lib. 48. cap. 19.

De Poëtis Hispanis alioquin notum est Ciceronis judicium, qui agebat, Cordubenses Poëtas pingue quid sonare & peregrinum, in quorum censum ipse Seneca refert popularem suum Sextilium Henam, Poëtam ingeniosum magis; quàm eruditum, qui Ciceronis mortem versibus celebravit. Quid de Lucano judicent nonnulli, & ipse Quintilianus, notius est, quam ut hic recenseri debeat. De Senecæ tamen Tragædiis clementius judicandum existimo, quam fecit Lipsius, non immeritò eam ob causam à Josepho Scaligero notatus. Martialem Bilbilitanum quàm iniquè tractarunt nonnulli! Hunc vilem è trivio scurræ præ Catullo vocat Muretus. Ejus Epigrammata asinis placere Lilius Gyraldus, Raphael Volaterranus neque elegantia Latinæ, neque moribus prodesse agebat. Eorum exempla, quot nancisci poterat, quotannis cum execratione Vulcanò dicebat Andreas Naugerus: peregrinitatis enim maculam sævitati Romanæ intulisse existimabant omnes, quibus omnibus longè sincerius Josephi Scaligeri judicium opponi debet, ut & Fr. Vavassoris in libro de ludicra dictione pag. 231. qui ita litem hanc decedit, ut vincere Catullum, & à Martiale vinci judicet. Ille puro ac simplici candore, figuris quoque elegantibus superat Martialem, atque adeo toto corpore epigrammatis; Martialis verò clausula Epigrammatis & acimine, quod proprium tunc latinorum & peculiare fieri cœpit, Catullum vincit. Præterea & Hendecasyllabi & Scazontes, & Jambi Catulliani multò sunt venustiores quàm Martialis, ut Elegiaci Catulliani duriusculi & scabri. Neque contemnendus

duſ ſanè eſt in univerſum ille acuminum loco, & tempore apto, ac modò debito uſus. Eſt enim & illa ſtyli virtus, ac Hiſpanis quaſi gentilis & propria.

Opera itaque potiùs danda, ut hanc virtutem externam etiam Romana civitate donemus, atque ita miſceamus ſermoni Latino, ut illa minimè peregrina, ſed nativa videatur. Hinc gratia ſunt potiùs Hiſpanis agenda, quicquid ea parte Romanum ſermonem ornarunt, quàm illi ob corruptum ſermonem convitiis proſcindendi. Si quid enim peccarunt orationem contaminando, alia quadam eloquentiæ dote compensarunt. Niſi forte cum Joviano Pontano ſentiendum ſit, qui Hiſpanicis illis argutiis præſertim plebeis aliquid amari ac ſubacide ſubefſe judicat. Ita enim ille lib. 3. de Sermone cap. 18. de Martiali: *Valerius Martialis artiſcioſiſſimus Epigrammatum Scriptor ita in iis quidem jocus eſt, ut frequentius carpat, quàm delectet, tamen eſt de demorſione ipſa delectatio quoque paritur. Adhuc dictis ejus partim occultisſima quedam inſunt ſpicula, partim verba, quæ non ſolum à faceto ſunt aliena, verùm aut obſcena ipſa admodum ſcurriliæ, aut maximè ampulloſa & acida.*
QUOD QUIDEM HISPANICUM EST. Nam eſi Hiſpani cum primis ſint facetiarum ſtudioſi; tamen ſi populares reſpexeris an plebejos gentis ejus homines, invenies eorum jocos non tam propendere in luſum ac delicias, quàm in ſubmorſiones, magisq; ſpectare in invectivas & ſubſannationes, quàm in riſum voluptatemq; de jucunditate conceptam, quæ in facetis viris tenerrima quidem eſt. Sunt tamen dicta ejus in univerſum arguta, ſubtiliterq; conquiſta, abſtruſa ſententia, eademque rara, falſa, aculeata, intentio verò maximè acuta, verba autem præcipuè accommodata, quæq; non primà tantum facie, atq; in explicatu lectorem alliciant, atq; auditorem, verum quæ in ejus animo relinquunt tacitam quandam quaſi ſubtilitatem. Nihil tamen minus in iis non pauca quidem animadvertas, quæ digna prorsus ſunt facetis ac temperatis civibus, retineantq; decorum. Quantum itaque de verbis Pontani licet colligere, Hiſpanicæ genti illos ingenuos jocos & lepores adjudicat, eſi in Martiali illos non negat, ita tamen ut nonnunquam quædam inſpergat, quæ gentis ſuæ genium ſapiunt. Et hæc forte formâ diſtincti fuere à Romanis adeò celabratilibus Hiſpanicæ illæ facetiæ, de quibus Cicero in Bruto loquens Cræſsum commendat, quod fuerit in illo cum gravitate junctus facierum & urbanitatis Oratorius non ſcurrilis lepos, qui & lib. 9. epiſt. 15. braccatis & tranſalpinis nationibus veteres lepores corruptos queritur. Quod ipſum etiam Martiali ſuboluiſſe non nemo judicet, qui Hiſpaniæ Patriæ oblitus ac vetus Romulidarum hospes, municipales Poëtæ & municipalia ingenia ubique exagitat, notatus eam ob cauſam à Balzaco illâ, quam ad Petrum

Costardum scripsit, epistolâ, quæ inter selectas ejus habetur. Verum non imputari usque adeo toti genti potest, quod plebis est vitium, non apud Hispanos solum, sed & apud Romanos, qui enim agrestis ingenii sunt, agrestes jocos amant. Imò verò ex ingenio plebis de cæteris institui judicium potest, quod in illa agreste & sylvestre natura produxit, feliciori cultura ab iis emendari, qui sunt optimis disciplinis instituti, ideoque argutiam genti illi nativam esse, & peculiarem aliquam dotem, quæ ab educatione, disciplina perfici, temperarique possit.

Hispanis Afros subjungimus ob peregrinitatem Latinæ lingvæ illatam malè passim audientes. Quoniam enim ex Africa semper aliquid monstri, ut proverbio vulgato dicitur, mirum videri possit, si nec Latinitati aliqua inde monstra subrepserint. Hispanis sanè ingenio quodammodo similes Afri. Sed tamen & Siren illa, victa quam dedit Africa, felicissimum Romani sermonis cultum ostendit, in quo ne oculatissimus quidem Africitatis aliquid invenerit. Verum produxerunt posteriora tempora non paucos, qui & monstrosis verbis, & insolito aliquo, & ineptò dicendi genere puriorem lingvam infamarunt, è quibus vel unum nominasse Apulejum suffecerit. Sed temperarunt sibi in iis quodammodo Christiani scriptores, Patres, Poetæ. Nam hæc Genti illi gloria debetur, quod nusquam felicior proventus scriptorum fuerit, qui pro Christiana religione decertarint, omnique scriptorum genere illam excoluerint. Minus sanè illis sordium in dictione, quam cæteris adhaeret. Sed reperies tamen in illis, quod gentem hanc sapiat. De quibusdam Ludovicus Vives lib. 3. de tradendis disciplinis: *Tertullianus perturbatissimè loquitur ut Afer. Cyprianus & Arnobius ejusdem gentis clariss, sed & ipsi nonnunquam Afrè. Augustinus multum habet Africitatis in contextu dictionis, non perinde in verbis, præsertim in lib. de Civitate DEI.* Quod de Augustino judicium Ludovici Vivi sublegit ineptus ille veterum Autorum Censor, Verdierius, in censione sua pag. 149. sed flosculis parum Latinis furtum suum ornans, cum ait; *Augustinus quoad contextum orationis multum Africitatis habet, non perinde in dictionibus.* Verborum, non dictionum, ut agebat Verdierius, delectum majorem instituit Augustinus, quam cæteri, qui & in verbis, & in tota dictione, id est, in caractere, stylo, & toto orationis contextu (id enim significat vox dictio) hanc peregrinitatem sequebantur. Scio equidem, esse suos Afri Scriptores etiam inter viros doctissimos defensores. Disertè enim Barthius lib. 41. *Advers. cap. 10.* Afros maximè proprietatis studiosos vocat, & Fruterius Verosim. 17. Apulejum vocat doctissimum hominem & Latinæ lingvæ exactissimum censorem, Casaubonus in Apologia Apuleji, cum expli-

explicat ejus vocem invidere pro non videre, ait: *Si quis propter hujusmodi voces, fastidiendam putet hujus eruditissimi Scriptoris orationem, cum quid sit latine scire prorsus ignorare.* Liplius quoque 2. *epist. quest. 22. & lib. 2. Elect.* cap. 22. stylum ejus adversus istos de Arpinati scholâ investes pueros (quo dieterio Ciceronis cultores ineptè exagitat) asserere non veretur. Etiam Barthius lib. 155. *Advers. cap. 2. proprietatis Latina Scriptorem optimum, & lib. 24. Advers. cap. 1. Scriptorem verborum & styli eruditissimum*, ac alibi *proprietas amantissimum veteres verèq; Latinos secutum nominat.* Doctissimus quoque Daumius lib. *de caus. amiss. radic. cap. 27.* verborum farraginem adlucit, e. gr. *Oculare, tunicare, Galeare, titubatus, vacnare, acerbare, aem,* Plur. Neutr. *Alvius* Gener. Mascul. *clienta* pro cliens, *cupienter* pro cupidè, *uncuna* pro cura, *repens* pro repente, *cunctare*, *orditum* ab ordior, *funerare, fonare, incenare*, quæ Browerus aliique in Tertulliano, Apulejo ceterisque Afris scriptoribus reprehendunt: cum tamen apud genuinos etiam aureæ ætatis scriptores reperiantur. Quæ etsi non nego: fieri enim potuit, ut Latina verba aliis aureæ ætatis scriptoribus vel parcius, vel planè non usurpata, quorum ego magnam superesse copiam arbitror, ad hos Afros pervenerint; non puto tamen rectè ab illis factum, quod verba insolentiora nimis frequentarint, & quasi in perpetuos usus seposuerint, quæ purioris latinitatis autores, vel ut sordidas & plebejas, vel ut exiles & minus sonoras rejecerunt, vel magnâ modestiâ usurparunt. Unde & illi, qui Afros Scriptores commentariis illustrarunt, vocum inusitatarum adjicere, glossaria necessum duxerunt. Quarum fœditas tum demum rectius noscitur, cum ita conglobatæ apparent. Lepidum itaque commentum doctissimi Mariangeli Accursii est, qui in Dialogo suo Oscè ac Volscè conscripto è similibus Apulejanis vocibus in unum sermonem contextis, ita *mixturæ est.* *Ego pot' id spontaliter, cupientorq; praeclariter faciliarem, si L. Appuleji multiloquentia lineamentationem levigatusq; veriverbium satumintius ac non nepa-* *lym concallerem.* *Illam inquam suaviloquentiam facundiosam; & Oratorum melos, quo ipsum Asinum cognomen aureum; auratiorem auro fastigavit.* *Est quippe tanta ejus altiloquentia, ut pro hujus noe non vatrasen Arpinatem polylo-* *quum, blaeteratorem lingulacam, immoderatam suam eloquentiam, pro nostris dixe-* *redam.* Vide in Apulejum & Apulejanos declamantem Andream Schottum *Tullian. quest. lib. 1. cap. 21.* ubi Apuleji imitatores pueris comparat, qui in pratis locustas potius salientes sectentur, quam flores obvios carpant. Est verò verborum delectus, talium scil. quæ sva via sunt, numerosa, civilis usus, evidentia, quibus Ciceronem aliisque uti videmus, origo eloquentiæ, in quibus ita laborarunt veteres illi aureæ ætatis scriptores, ut obsoleta, sordida, plebeja, exilia, inusitata tanquam scopulos sibi fugien-

dos existimarint, quæ malè sedula quorundam industria in orationem Latinam reducere conata est. Quare Picus Mirandula apud *Crinis. lib. 8. de best. disc. cap. 3.* ut Hispanos suâ naturâ ad peregrinum inclinare judicat, quibus Plinium & Svetonium, non rectè tamen, ut puto, addit, quod sint in scribendo similes, figurisque & Græcis vocibus cupidius ac insolentius utantur, ita Punicos, & Carthagenenses duos, audaces & improbos in scribendo vocat. Ne Nemisianus quidem Eclogarum scriptor, etsi puri sermonis amans videri velit, & Africanam illam indolem superarit, iudice, Rapino, à transmarinâ peregrinitate immunis est. Ad Apulejum quod attinet, demiror Criticorum nostrorum indulgentiam, qui plus illi, quam ipse sibi, tribuunt. Ac solet sanè Criticorum argutatiunculis, qui ipsas etiam verborum sordes non averfantur, non usque adeò cum limato Orationum iudicio convenire. Ipse de se primo metamorphos. libro: *In Urbe Latia advena studiorum Quiritium indigenum sermonem arumnabili labore, nullo magistro præeunte aggressus, excolui. En ecce præsumur veniam, si quid exotici ac forensis sermonis rudis locutor offendero.* E quibus ipsis verbis nescio, quam inconcinnè junctis & malè inter se aptis, illa ingrata Romanis auribus peregrinitas satis elucet, ut quibus ista sapiunt, parum in emendatâ loquendi ratione sapere existimandi sint. Certè qui Ciceroniana cum Apulejanis contenderit, quod in Musicis inter *ῥῆμν* & *ῥωδῆμν* differre videmus, discrepare deprehendet. Qui ex utroque sermonem miscere se posse crediderit, is eâdem operâ humano capiti cervicem equinam rectè junxerit.

CAP. X.

Gallicismus in linguâ Latinâ. Cicero ipse Gallicismi reus habitus. *Allobrox à Rufo dictus. Galli eloquentia laude olim celebres. L. Plotius ante Ciceronis tempora eloquentiam Rome docuit. Crescinius notatus. Roscius Gallus. Posteriores Galli affectatione peccarunt. De Ausonio Gynaldi iudicium. Galli argutiarum affectatores. Grandiloquentia illis singularis. Hieronymi de Hilario iudicium. Corburenus Gallicanus. Erasmus de Gallicis Scriptorum sacrorum. Ejusdem de Budæi stylo iudicium. Picus Mirandula de Gallicis Scriptoribus quid iudicet. Eloquentiæ schola recentiores in Galliâ, sed corrupto jam sermone Latino. Anglorum veterum & recentiorum in nitore Latine linguæ negligentia & affectatio. Hodiernorum Gallorum purissima Latinitas laudatur. Italorum fastidium erga transalpinos. Poëtrinitas Gallorum incepta ab Italis Criticis taxata, ut & Lombardismi in Bentivoglii scriptis.*

Subjungimus Hispanis & Afris Gallos ejusdem criminis reos. Nam & ab illis in Latinum sermonem peregrinitas illata est, etsi Hispanos culpæ huic magis affines, quam populares suos Vavaffor judicet. Mihi quidem illi nullo vel exiguo discrimine habentur. Nam quod Hispani tumore peccant, hi ventosâ quâdam loquacitate peccarunt. Nisi hoc illi in laude sua reputent, quod ipse eloquentiæ parens Cicero cujusdam, quasi Gallicissimi reus habitus fuerit, ut quem apud Juvenalem *lib. 3. sat. 7.* iustus, Rhetor superbus & ineptus, ejus, ut ex Plinio discimus, æmulus, Allobroga dixit, quod more Allobrogum crassè & fusè loqueretur: nisi forte, ut nonnulli volunt, ideò Allobroga dixit, quod cum Allobrogibus potius, quam cum Romanis senserit. Si ad vitium orationis respexit, tantum abesset, ut peregrinitatis rei habendi Galli, ut potius in Ciceronianæ eloquentiæ virtutes arctius admisisti fuerint.

Ac fuerunt sanè Galli jam antiquissimis temporibus ut omnis sapientiæ, ita & eloquentiæ laude celebres. Testantur id commercia cum Græcis, unde & ἀνδρωπι Φιλέλληνες dicti, & Masiliense literarum emporium, in quo tyrocinia sua Romani juvenes posuere, atque Athenis ipsis teste Strabone *lib. 3. pag. 125.* anteposuisse, ac Scholæ Heduenfes, ubi nobis *testimam Galliarum sobolem liberalibus studiis operatam* ait Tacitus, tum & Ara Lugdunensis virorum illustrium disputationibus celebrata. Ne quid præteritis Druidum scholis dicam. Testis est Tacitus, duabus rebus studiis veteres Gallos, rei bellicæ & eloquentiæ, & Pomponius Mela *lib. 3. cap. 2.* è Sosipatro de iis. *Pleraque Gallia, inquit, duas res industriosisimè persequitur, rem militarem & argutè loqui.* In rei militaris peritia decantandâ multus est Gabriel Naudæus Syntagm. de studio militari *lib. 1. num. 7.* Eloquentiæ affectatio quasi nativa illis semper fuit, atque à plurimis magnopere laudata. Juvenalis testimonio

Gallia Causidicos docuit facunda Britannos.

Eam fertilem Oratorum D. Hieronymus nominat, ac alibi *ubertatem Gallicæ oratoris sermonis* laudat. Idem ad Hebidiā matronam Gallicam scribens, duos ex ejus familiā viros laudat, Paterium, qui artem dicendi Romæ docuerat & Delphidium, summum quoque Oratorem & Poëtam. Eriam Symmachus *lib. 8. Epist. 68.* cum Romæ non deessent Oratores, quos audiret, tamen ipse *Gallicane facundie haustus* requisivit. Quid? quod ante Ciceronis tempora, cum ipsi Romani vel nulli vel rari essent, eloquentiæ studiosos Galli doctores instituerunt, ut de Lucio Plotio Cicero ad Marcum Titinnium refert, quod fragmentum in libro de claris Rhetoribus Sveto-

nus consignavit : *Equidem, inquit Tullius, memoriâ teneo, pueris nobis, primum Latinè docere cœpisse Lucium Plœtium quendam : ad quem cum fieret concursus, quod studiosissimus quisque apud eum exerceretur, dolebam mihi idem non licere. Continebar autem doctissimorum hominum auctoritate : qui existimabant, Græcis exercitationibus ali melius ingenia posse. Quo è loco patet, non displicuisse Ciceroni Galli hujus hominis eloquentiam, etsi illum tamen M. Cælius, ut ordearium Rhetorem, ut inflatum, levem ac sordidum, eodem Svetonio teste, deridet. Ad hunc locum procul dubio errore quodam ductus respexit Cresollus vacationum autumn. lib. 1. cap. 4. cum ait : Ciceronem homine Gallò ad oratoriam duce & magistro coque perfecto orandi artifice gloriari : neque enim memini, quo loco ille de Gallo eloquentiæ magistro gloriatur. In mutâ eloquentiâ parem, si non superiorem, Cicero Roscium, eundem Gallum, habuit, per quem novo quasi spiritu eloquentia & Comœdia animari cœperunt, ut Græcos etiam illâ parte vinceret. De Julio Secundo, qui Quintilianus æqualis ac ab ipso familiariter amatus fuit, atque Julio Floro ejus patruo, utroque Gallo nota sunt, quæ Quintilianus lib. 3. cap. 3. commemorat, quorum illum miræ facundiæ virum, sed infinitæ curæ; hunc in Eloquentiâ Galliarum principem atque inter paucos disertum nominat. Strabo jam inde ab Augusti ævo Gallos negat dicendos amplius esse barbaros μεταχειρῶνς τὸ πλέον ἐς τὴν Ῥωμαίων τύπην καὶ τῇ γλώττῃ καὶ πῶς βίαις, πινὰς δὲ καὶ τῇ πολιτείᾳ, mutatos in Romanorum morem lingua & vitâ, quibusdam & civili gubernatione. Ausonius quoque ita Mosellam, Galliarum Belgicarum fluvium, compellat :*

Æmula Te Latia decorat facundia lingvæ.

Non itaque omninò sunt eloquentiæ gloriâ fraudandi Galli, in quâ præ cæteris excelluerunt, qui ætati aureæ propiores, & ab ipsâ juventute in urbe Româ educati crebrisque exercitiis firmati fuere. Nam in cæteris, qui primos illos sequuntur, facile est nativum gentis vitium atque illam linguæ latinæ notare peregrinitatem. De Ausonio certè, qui & ipse Gallus fuit, Gyraldus in V Dialogo suo, severius judicium tulit. Ita enim de ejus gratiarum actione scribit : *In eâ crebra quidem sententia, sed eloquentia quidem Gallicana, nec ea, in qua Julius Florus, ut scribit Fabius, princeps fuit : sed longè posterior, h. e. ut nunc nostri Ciceroniani dicunt, corruptior.* Hæc de illo Gyraldus, cujus hæc quidem in parte sententiam non contemnendam arbitror, licet optimè sciam, Scaligerum ita de Gyraldo judicare, ut neminem ineptius de Poëtis judicasse dicat, quam qui de illis scripserit. Ipse quoque Cicero in Gallis, quid sibi displiceat, invenit. Nam cum in libro de claris Oratoribus Brutus interrogaret : *Qui est iste tandem Urbani-*

banitatis color? Nescio, respondet, tantum esse quendam scio. Id tu, Brute, jam intelliges, cum in Galliam veneris, audies tu quidem etiam verba quadam non trita Roma: sed hac mutari dedisci que possunt.

Corruerunt scilicet & illi eadem affectatione Romani sermonis simplicitatem, quâ Hispani. Nam & illi acutum quoddam dicendi genus sectati, ut acris animi atque concitati sunt, sed modo tamen ab Hispanis diverso: nam & majori verborum copiâ illam suam argutiam involvunt, neque ita in abstrusa, & recondita, quemadmodum illi, feruntur. Themistius jam diu Galatas, è Galliâ oriundos, orat. 4. vocat ὀξεῖς καὶ ἀγχι-
*rus acutos & solertes, Diodorus Siculus lib. 5. Gallos vocat τοῖς τῷ ἀγ-
voῖαις ὀξεῖς καὶ τοῖς μάθων ὅτι ἀφ' οὗτοι ingenio acutos, minimè à natura ineptos ad disciplinas. Notavit & ipse Hieronymus Epist. 4. 13. Cothurnum Gallicanum. Hinc Barthius Advers. lib. 33. cap. 17. hæc de Gallis: Avo à legitimo latinitatis flore jam lapsa flumen ingenue & à natura velut manantis eloquentia spernebatur, & in ejus locum succedebat studium immane concisè & argutè loquendi, quo omnis & eruditio & eloquentia absolvi videbatur. Id quod in Gallicanorum aut ab iis oriundorum Episcoporum ingeniis ab altâ majorum acate hæsit,*

Erat tamen in Gallico illo dicendi genere argutix juncta singularis quædam grandiloquentia, non loco adhibita, ac obscura sæpe & inepta. Quod in Hilario notat Hieronymus, quem Gallicano attolli cothurno ait, cum alioqui Græcorum flosculis ornatus incedat, frustra quæ legi ab imperitoribus, quod interdum longis periodis involvatur. Multa quoque eo de argumento differit Erasmus Epistola 8. lib. 28. cujus characterem sermonis ita describit, quod etiam si res per se dilucidæ tractet, tamen sit & intellectu difficilis & depravatu facilis; *Frequenter, ait ille, adsurget ad floridam quandam ac theatricam sublimitatem, præsertim cum incidunt loca facile tructata, neque rarò ad schemata usque tragica extollitur, prosopopæias & apostrophas. Subjungit porro Erasmus: Haud scio, an hæc grandiloquentia Gal-
lorum ingeniis sit peculiaris. Habet hujusmodi quiddam & Sulpicius Severus, hæbet & Zuchorius hoc etiam elaboratior, sed curâ felicior. Procedit inde ad sui sæculi ingenia, & quidem ad Guilielmum Budæum, in quo illum eloquentiæ Gallicæ colorem sibi deprehendere visus est. Non degenerat, inquit, ab hac phrasi Guilielmus Budeus, Vir inter hujus ævi scriptores celeberrimus: adeò sublimis, ut tubam sonare credas, non hominem: adeò feliciter elaboratus, ut eruditum lectorem nunquam satiret, trivialiter literatos procul submoveat. Porro sermonis obscuritas, tametsi partim inde est, quod frequenter orationem diversis è membris contextam, vix tandem longo circuitu absolvit;*

men illud etiam officit orationis perspicuitati, quod in argumento per se subtilitatibus involuto, laudem etiam affectavit argutia nonnunquam & copia. Huic Erasini judicio de Budæo *ὀυδὲν φη* Sturmium aliquo in loco scribere meminimus. Imò Andr. Schottus Quæst. Tullian. lib. 1. cap. 21. ut Apuleizantem non obscure notat, cum de Beroaldo ait; *laboriosos illum in Asinum Apuleianum commentarios reliquisse, ut flores inde legeret Budaus, quibus Juris Pandectas illustraret.* Picus Mirandula, è relatione Petri Criniti de honest. discipl. lib. 8. cap. 3. Gallorum, ut Cassiodori, Apollinaris, Fulgentii, Ennodii & aliorum commentarios aspiciendos, non probandos esse judicabat. Quare etsi perpetuè apud Gallos Rhetoricæ scholæ fuerint, non exuerunt tamen gentile illud vitium, quo peregrinitas Romano sermoni afflabatur: Sidonius quidem Apollinaris lib. 3. Epist. 3. testis est, in Averniam undique gentium confluisse studia literarum, *ubi sermonis Celtici squamam depositum Nobilitas nunc oratoris stylo, nunc etiam Camænalibus modis imbuebatur.* Sed vel ex ipsis hujus Panegyristæ verbis hujus eloquentiæ elegantiam conjeceris. Ut satis quidem appareat gratiæ aliquid datum fuisse ab Hieronymo, cum in libro adversus Vigilantium hæc scribit: *Sola Gallia monstrum non habuit, sed viris semper fortissimis & eloquentissimis abundavit.* Imo vero & Cassiodori illud lib. 8. cap. 12. sub Atharici Regis Gothorum personâ dictum, non nisi panegyricis coloribus tingitur, cum ait: *Romanorum eloquium non suis regionibus invenisti, & ibi te Tulliana lectio disertum reddidit, ubi quondam Gallica lingua resonuit: Ubi sunt qui literas latinas Roma, non etiam alibi asserunt esse disertas.* Hujus vitiati sermonis latini etiam Angli rei sunt, qui nescio quam grandiloquentiam, ut olim, ita nunc sæpe affectant, ut rari admodum sint, qui Romanam illam simplicitatem & nitorem sequantur. Certè superioribus temporibus vocibus ineptè confectis omnia involverunt &, ut *Malmesburiensis in Vita S. Albelmi cap. 5.* ait, pompaticè dictare solebant ac verbis abstrusis & è Græco petitis uti. Nostro adeò tempore paucissimos reperias nitoris illius Romani studiosos: inter hos superiori seculo Aschamum tamen quis numeret: à Scotis certè in utraque oratione vincuntur.

Non immerito itaque, ut vidimus, exprobrari olim illa Romano sermoni à Gallis illata peregrinitas potuit. Nunc vero ita in cultissimâ gente mutata sunt omnia, ut nulla magis purum illum Romanæ linguæ nitorem in scriptis ostendat, quam Gallica. Ut enim illic hodie omnes artes, omnia studia florent: ita eloquentia Romana novâ quasi *πυλὺ γένεσις* intra paucos annos reviviscere cœpit. Testantur pulcherrima ingenii monumenta, quæ magno numero oratione tam solutâ, quam ligatâ eduntur.

Nam

Nam de reliquarum artium speciminibus, quæ innumera sunt, nunc nihil dicam. Nihil itaque causæ est, quare Itala gens, latinitatis superiore seculo ad superstitionem studiosa, Gallicas illas Veneres, omnibus Italicis magis urbanas & Romanas fastidiat. Queritur de illo Itatorum fastu & fastidio Balzacus in Epistola quam ad Petrum Costardum scripsit, atque inter ejus selectas latinas reperitur. *Quanam illa est, inquit, Naugeriorum & Victoriorum iniquitas? quis ille morbus populi, ut sibi videtur Romani, ad nostra quæque etiam optima nauseantis?* Aegrè itaque fert Piëtonis cujusdam Poëtæ carmen, qui, ut ait, quamvis natus in Provinciâ Galliæ, suo judicio, Aventino & Quirinali digna scribat, Poëtevinitalis accusari. Quam Poëtevinitalitatem, vel Poëtavinitatem sive Piëtonismum Gallis nonnullis objectum falsè idem festivissimus Autor ridet in libro Gallico, cui titulus: *Les Entretiens. Entretien V. chap. 5.* Ac alio sermone, *Entretien. XI.* quo de Critice spuriâ agit, Italos exagitat, qui in Historiâ Cardinalis Bentivoglii, cujus ipse puritatem dictionis & præstantiam admirari satis nequeat, Lombardismos quærant. Adeo sæpe apud Criticos illud Comici verum est:

Na facient hommes intelligendo, ut nil intelligent.

CAP. XI.

A Municipalibus Romana lingua peregrinitas. Urbanum & Oppidanum, Aulicum & urbanum dicendi genus. Oppidana dictio à Cicerone notata. Eadem Atticisimæ fors. Etiam indocti urbanâ dictione literatos superant. Sonus quoque in Urbanâ dictione singularis. Sonus alius verborum, alius oris. Græca lingua major peregrinitas è Dialectorum usu. Itatorum lingua antiquissima. Romana è Græca & Celricâ coaluit. Romani sollicitè suum sermonem à contagio municipalium custodierunt. Italica lingua enumerantur. Etrusca sive Tusca Lingua origo. Romana & Italica lingua nulla vel exigua differentia. Ornatores Latini recensentur. Quintiliani judicium laudatur.

Provincias externas pervagati in Italiam & Latium revertimur, atque in viciniâ peregrinitates Romanæ linguæ venamur. Nam vel è Latio puriori Romano sermoni labem aliquam illatam Cicero ipse in nonnullis locis conqueritur, qui in epistolis familiaribus quodam in loco facitias Latio oblitus dicit. Ut enim oblini homines solent cum peregrinantur, ita lingua etiam è vicinis peregrinitatibus quid adsciscit. I. L. Vives lib. 2. de ratione dicendi, inter urbanam & rusticam Orationem, genus quoddam

medium Oppidanum agnoscit, nec aliter hæc duo inter se distare putat, Urbanum & Oppidanum, quam nunc urbanum & aulicum, quod modo sit, absque deliciis & ineptiis. Non malè sanè: cum quæ in Aristocratico & populari regimine urbana dictio triumphabat, ex nostri seculi genio aulica dici possit, ad quam se conformat oppidana. Hoc itaque quasi municipale quoddam dicendi genus est. Ita Cræpius fratres eodem in libro, oppidanum quoddam & inconditum dicendi genus sectatos exagitat Cicero, & Tincam Placentinum hominem facetissimum Romæ diu commoratum, Q. Granius, præco, cum quo dicacitate certaverat, obruit tamen sapore vernaculo, suavitate scilicet illâ urbanâ, ut eodem in loco Cicero testatur. Erat vero hæc Urbi & urbanis suavitas adeò insita & ingenita, ut vel eruditissimi Latini ab indoctis etiam Romanis vincerentur. Romani minus studebant artibus iis, quæ literis constant, quam Latini illi, qui Latium colebant, eosque hæc virtute superabant. Testis est idem Cicero lib. 3. de Oratore: *Nostri minus student literis, quam Latini: tamen ex istis, quos nostis, urbanis nemo est, qui literatissimum togatorum omnium Q. Valerium Soranum levitate vocis atque ipso oris pressu & sono facile vincat.*

Non alia sanè lingvæ Romanæ, quam Atticæ fata fuere, de quâ Cicero libro de claris Oratoribus: *Ut semel à Peirego eloquentia evecta est, omnes peragravit Insulas, atq; ita peregrinata tota Asia est, ut se externis oblineret moribus, omnemq; illam salubritatem Attica dictionis quasi sanitatem perderet, ac loqui pendè dediceret.* Ac Quintilianus notat, postquam Æschines Rhodum exilio delegerat, eoque studia Athenarum intulerat, illa saporem Atticum peregrino miscuisse, velut sata quedam cælo terraq; degenerant. De Athenarum urbe atque sermone ita Cicero lib. 3. de Oratore scribit: *Athenis jam diu doctrina ipsorum Atheniensium interiit, domicilium tamen in illa urbe remanet studiorum, quibus vacant cives, peregrini fruuntur, capti quodammodo nomine urbis & auctoritate: tamen eruditissimos homines Asiaticos quivis Atheniensis indoctus, non verbis, sed sono vocis, nec tam benè, quàm suaviter loquendo facile superabit.*

Patet ex hoc loco, præter usum vocum nativum, ac subtilitatem, formam scilicet verborum urbanorum & lenium, animis & auribus jucundam, ad urbanam dictionem à Cicerone requiri & sonum, qui exit ex ore: cujus singularis Atticis & Romanis suavitas fuit, aliis non facile imitabilis. Cum enim differente organorum motu voces exprimantur; aliqui ex imis pulmonibus hauriant; aliqui ore cavo; aliqui rotundo, dentibus labiisque pressis forment; aliqui obscuri voce sint; aliqui langveant; ita varios edisonos necesse est, barbaros alios & inconditos, alios venustos & suaves, qui educatione & consuetudine oriuntur, ac firmari solent. Sonus alius est

est verborum, alius oris. Sonus verborum singularis, Cicerone lib. 3. de Oratore teste, manet apud Plautum & Nævium, unde conjecturam capere licet, quo sono vocis fuerint usi. Oris autem sonus in pronuntiatione consistit. Soli itaque in tot Græcorum gentibus Athenienses, soli in tam diversis Italiæ nationibus Romani hunc saporem sonumque lingvæ habebant, quem salubritatem & sanitatem, quem succum & sanguinem incorruptum orationis, eleganti translatione Cicero vocavit.

Est verò Græca lingua ad peregrinitates propensior, quo major in illa est Dialectorum varietas & licentia. Neque custodire puritatem suam Atticus sermo poterat, cum vicinæ gentes & Respublicæ, æqualis potestatis, Reges ab Atheniensibus sibi præscribi non paterentur: ut major erat Romanorum autoritas, qui vicinorum lingvis sub jugum redactis nunquam illam concesserunt auctoritatem, quam Græcæ lingvæ Dialecti sibi arrogaverunt. Quales in Rebus publicis & populari regimine maximè vigere notant nonnulli. Ubi vero ab unius arbitrio civitatis omnia pendent, facilius est eam coercere licentiam, quæ sibi relicta latius serpit seque puriori sermoni immiscet. Hinc in Græcis Poëtis, in quibus licet una aliqua didendi ratio regnet, è Dialectis tamen aliis multa admista videas: quam libertatem in lingvam quoque Gallicam, verum sine ullâ, ut ego arbitror, ratione reductam volebat Ronsardus & Mambrinus in doctissimo de Epico Carmine libro *part. 2. quæst. 10. num. 12.*

Ad Italos quod attinet, magna hæc, ut populorum, ita & lingvæ antiquissimis temporibus fuit diversitas. Imò ipsa Roma, si Dionysium aulamus, primum Græcâ lingvâ usæ est, quæ Celticarum aliorumque vicinorum & advenarum lingvis mista tandem in Latinam coaluit: cujus historiam hæc parte nuper quoque in docto Atlanticorum opere *cap. 3.* Olaus Rudbekius illustravit. Lingva Latina, docente Lipsio de rectâ ejus pronuntiatione, exiguis olim finibus contenta circa Romam ferè & finitima inter Tiberi hæsit. Italiam cæteram adeò non pervasit, ut hinc Tusci Liguresque, inde Magnæ Græciæ incolæ diversissimo usi fuerint sermone, quem diu etiam aucto Imperio tenuerunt. Post Punica bella sub annum ab V. C. 10 LXXIII. se lingua Latina non multum dilataverat: nisi quod Livio teste, cum agit de bello Tullii Hostilii adversus Fidenates, *magna pars Fidenatum, ut qui coloni Romani additi essent, Latine sciebant*; quod certè sub ipsa Reipublicæ initia contigit. Fuit quoque Cumanis-petentibus concessum, *ut publice Latine loquerentur, præconibusque Latine vendendi jus esset.*

Verùm postea à Coloniis & Civitatis communione illius lingvæ usus
inva-

invaluit, adeò ut Plutarchus libro de Quæstionibus Platoniciis circa finem dixerit, *suo tempore omnes ferè mortales sermone Romano usos.* Accessit hinc Romanorum autoritas; qui ad honorem suum hoc pertinere rati, lingvæ Romanæ usum publicum esse voluerunt, suosque Cives municipali contagione, quoad fieri potuit, immunes servarunt. Nam in filiis suis Hetruriam aruspicinæ discendæ causâ missis magnam diligentiam adhibuerunt, ne linguam temerarent, ut Cicero *lib. 2. de LL.* testatur; & teste Svetonio in Claudii Imperatoris Vitâ cap. 16. *Splendidus vir Graciæq; provincia Princeps, verum Latini sermonis ignarus, non modo albo Judicumenasus est, sed etiam in peregrinitatem reductus.* Testis est Valerius Maximus *lib. 2. cap. 2.* quanto studio Romani linguam suam propagarint: *Magistratus, inquit ille, quans opere suam populiq; Romani majestatem retinentes, se gesserint, hinc cognosci potest, quod inter cetera obtinenda gravitatis indicia, illud quoque magnâ cum perseverantiâ custodiebant, ne Græcis unquam nisi Latinè responsa darent, quin etiam ipsâ lingua volubilitate, quâ plurimum valent, excussâ, per interpretem loqui cogebant, non in urbe tantum nostrâ, sed etiam in Græcia & Asia. Quo scilicet Latine vocis honos per omnes gentes venerabilior diffunderetur.*

Lingvas in Italiâ complures olim fuisse, ut dixi, res est notissima. Quemadmodum enim illi originibus, animis, imò & coloribus (nam novem in illis omninò distinctos colores vel hodiè observavit Camillus Baldus commentario in Physiognomica Aristotelis *part. 1. cap. 4.*) diversi fuerunt, ita & lingvas sibi vernaculas domique natas singulæ gentes habuerunt. Fuerunt verò illæ vel Cis-Tiberinæ, ut Latina, cujus Dialecti Tusculana, Lanuvina, Prænestina, Formiana, Marforum, &c. quæ & ipsæ antiquitus à Latinâ discrepabant, & Græca, cujus species Sicula & Tarentina. Intermediæ quasi erant Sabina, Osca, Volscæ, Campana, Brutiorum. Vel Trans-Tiberinæ, ut Etrusca, cujus species Falisca & Rhetica, & Ligurum. Ab his vicinis lingvis primum crevit Latina lingua, quæ inopiam suam externarum vocum accessione sublevavit. Illinc è Græcis voces accepit plurimas; hinc ab Etruscis & Tuscis. Hos è Syriaca lingua oriundas voces habuisse aliqui crediderunt; Rodornus verò Schrieckius è Celtis deductas, quod longè est verosimilius, autumat. Nam Originum Celticarum *lib. 1.* antiquum illud monumentum, Inscriptionem Etruscam, quæ sibi ab Erico Memmio, præsentè Johan. Passeratio data fuit, proponit & examinat. Cujus commatis Inscriptiones plures in Tabulis octo æneis characteribus Hetruscis repertæ fuerunt Eugubii in Umbria, Perusæ in Etruria, Florentiæ in Palatio Reipublicæ ad Scalam quandam in dextro pede simulacri cujusdam Chimæ, quod eum in locum Aretio translatum. Eugubiarum

rum tabularum specimen producit Merula *Cosmogr. Part. 2. lib. 4. cap. 18. pag. 201.* qui planè se hîc ignarum profitetur. Schrieckii quidem ego conjecturas audaces non omnino probo, sed Celticæ veteris vestigia subesse est verosimillimum. Rheticam, quæ illi subest, è Germanica multa traxisse credibile est, arguitque ipsum Tuscorum nomen, gentem esse Germanam atque è Germanis oriundam.

Postquam Romani cum Italix populis & vicinioribus Latinis arctiora instituerent commercia, factum est, ut veteres illæ lingvæ longa consuetudine paulatim tollerentur, iisque Romana succederet, remanentibus tamen quibusdam apud omnes populos veterum lingvarum reliquiis inter rusticos ac plebejos homines, ipsaque lingua jam communior facta Litina diceretur. Hinc tot apud Grammaticos antiquos leguntur voces, quas ut minus Latinas & Romanas, vel saltem ut plebejas, abjecerunt. Tusculanæ voces notantur: *Triatrus, Quinquatrus, Sexatrus, &c. Struppus. Prænestinæ, Nefrones*, id est, Testiculi, *Tongitio*, id est, Notio, *Conia*, id est, Ciconia. Græcæ voces innumeræ Latinitate sunt donatæ. E Sicilia quoque & Tarento quædam semigræcæ voces in illam illatæ. Japiges antiquissimi Italix Orientalis incolæ, inter quos principes Salentini, lingvam etiam antiquis temporibus peculiarem literasque habuere, cujus aliquod fragmentum extare Joannes Pontanus, Hermolaus Barbarus, alii-que testantur. Sabinâ lingvâ *Nerones* fortes dicebantur, *Mars Mamers.* Sol Sabinum esse vocabulum, testatur Varro. *Talus* prænomen Sabinum, *Cacus* pro acutus, *Curis* Hasta, *Ausum* pro Auro, *sebruum* purgamentum, &c. Oscum sermonem à Latino diversum fuisse hic Titinnii versus testatur:

Oscè & Volscè fabulantur: nam Latine nesciunt.

Oscæ sunt *Meddix* Magistratus, *Sollum* Solidum, *Famel* Servus; unde postea *famulus* vox Latina; *Ungulus* Annulus, *Dalivus*, Infans, *Petora* Quatuor, *Casnar* Senex &c. Huic lingvæ insultare soliti fuere Romani: nam *Oscæ Ladica*, quæ vocabant, celebrabant, quorum etiam Strabo lib. IV. meminit.

Quando itaque voces ex his gentibus superfuerunt omnino credibile est, phrasés quoque insolitas ad genium vernaculum formatas in Romanam linguam illatas fuisse, quas statim subolfecerint emundioris naris homines Romani. Quintilianus de iis disertè ait: *Verba aut Latina aut peregrina sunt; Peregrina ex omnibus prope dixerim gentibus, ut homines & instituta etiam multa venerunt. Taceo de Thuscis & Sabinis & Prænestinis quoque: nam eorum sermone utentem Vellium Lucilius insectatur.* Fuerunt tamen etiam inter Romanos, qui ut sæpe fieri solet, etiam cum minime peregrina

essent, suspecta tamen quâdam censendi prurigne multa habuerunt. Nota sane sunt Urbana erga Provinciales in omni gente fastidia. Coaluerant jam ita Latini & Itali omnes cum Romanis, ut non tam immane inter illos discrimen circa extrema hæc tempora quis deprehenderet. Laudat sanè è Latinis, qui sua tempora præcellerunt, Cicero in lib. de Oratoribus, Q. Veſtium Veſtianum è Marſis prudentem virum & in dicendo brevem, Q. & D. Valerios Soranos, C. Ruſticellum Bononiensem, & omnium eloquentissimum T. Betulium Barrum Aſculanum, & apud majores suos disertissimum, ex Latio L. Papirium Fregellanum. Ac fuerunt qui Romæ ab ineunte ætate commorati Scriptores omnes elegantias imbiberunt. Patavinitatem tantum abest, ut in Livio deprehenderit acerrimus Latinitatis Censor Quintilianus, ut potius pronuntiâtâ decretoriâ quasi sententiâ, omnia Italica suo tempore pro Romanis agnoverit.

CAP. XII.

URbani fastidiosi erga provinciales. Plures Provinciales eloquentiâ latinâ floruerunt quam Romani. Ciceronis Arpinitas. Terentius Aſer. Plautus Umbro. De præstantia Plantina dictionis adversus Aſulanum & Naugerium. Cornelius Nepos non fuit Romanus. Virgilius Mantuanus. In illo à Pollione notata Mantuanitas. Carbilii pictoris Æncidomastix. Catullus Veronensis. Propertius Umbro. Ovidius Sulmonensis. Defensus adversus Marullum & alios. Horatius Venafinus: in veteres iniquior. Vitruvius, Manilius non fuere Romani. Salustius Sabinus, Livius Patavinus. Lucretius & Caesar Romani. Ille mala latinitatis autor male à Lambino habitus. Caesaris dictio nitida. Varro alter Romanus, alter Gallus. Curtii, Cornelii Celsi, Velleii Paterculi Patria incerta. De hoc ridiculum Aſulani judicium. Phadrus Thrax purissima latinitatis scriptor. Marquardi Gudii in illum animadversiones ineditæ laudantur. Barbaries & Thracismus illi objectus discutitur. Intempestiva Criticorum Censura notantur. Columella Gaditanus. Plinius alter Veronensis: alter Novocomensis: Quintilianus Hispanus. Petronius Romanus. Alii scriptores Neapolitani, Campani, Hispani &c. Martialis Bilbilitanus. Ejus uxor urbanam dictionem affectabat. Si in tot Provincialibus nulla peregrinitas adverti potuit, qui Pollio potuit in Livio? I. L. Vivis de Pollione judicium.

Vidimus Romanos tum provinciis exteris, tum Italiæ & Latio litem de peregrinitate linguæ suæ infusâ litem moventes, ut pateret eò clarius, quo jure objici Livio Patavinitas possit; ac deprehendimus

nus Urbanos nostros homines, in intentato illo crimine, si verum fateri volumus, nimis interdum querulos, fastidiosos, superciliosos, addo & inviolos. Ut enim domestica amare plerumque consuevimus, ita & hic nonnunquam fit, ut peregrina, licet optima nostrisque meliora, quacunque, etiam specie, contemnamus. Ac sanè si nomina illustrium virorum, quorum fama literarum monumentis celebrata est, conferamus, majorem eorum numerum, qui è Provinciis & Latio oriundi, diuque Romæ commorati vel in ipsis provinciis libros reliquerunt, quam Romanorum hominum inveniemus. Ipse Cicero Arpinas, homo novus, annon præ tot Romanis claruit? cum tamen inventi fuerint scioli, qui sermonem ejus è patriâ aliquid trahere Arpinitatis calumniarentur. Quis Terentius? Afer. Sed illo urbanius fieri nil potest. Plautus annon UMBER est? Et tamen hunc Gellius, optimus certè censor, vocat verborum Latinorum conservatorem, diligentissimum & linguæ atque elegantiae in verbis latinæ principem. Et rectè quidem: Nam si pauca prisca, obsoleta, semigræca, jocosa exceperis, quæ Comædiæ indulgenda videbantur, reliqua omnia elegantissima sunt. Contemnendæ enim sunt Asulani in Plautum calumniæ, quas solitè discusit Florid. Sabinus Apologiâ in linguæ latinæ calumniatores. Nisi forte verus earum autor fuit Naugerius, homo quidem doctus, sed mire superciliosus & nescio qua *ῥωμαϊσμός* laborans, ut qui Martialis quædam exempla quotannis in Manium Catullianorum honorem Vulcano offerre solebat. Quid vero? plurisne æstimanda est alicujus Naugerii, quam Ciceronis autoritas. Is enim lib. 3. de Oratore Plautum in exemplum posuit, ad quod sui temporis, quæ minus ipsi placebat, latinitatem exigeret. *Equidem, inquit ille, cum audio socrum meam Leliam, eam sic audio, ut Plautum mihi aut Nevium videar audire.* Addo his magnificum Varonis, at cujus Censoris? judicium, qui, ex sententia Stolonis, Plautino sermone ipsas Musas locuturas ajebat.

Cornelium Nepotem, quo nil venustius Romanus scribere calamus potest, Padi accolam Plinius, Catullus Italum, Aufonius Gallum, Merula Veronensem facit: Romanus certe non fuit. Virgilius, ille Poëtarum Latinorum Princeps, Mantuanus fuit, & in hoc Lynceus noster Romanus Pollio, scilicet ut gratiam Eclogam IVtam inscribenti referret, Mantuavitatem, si Diis placet, observasse sibi visus est. Id enim de eo notavit, & caliger *Poëtic. lib. 4. cap. 17.* quo autore incertum: Fr. Floridus illud Hieronymo tribuit. Sed superant tamen divina Virgilii Carmina, cum Pollionis illæ Tragædiæ, de quibus Horat. *lib. 1. sat. 10.* modicè, ut videtur, sentit, dudum oblivione sepultæ fuerint. Hunc quoque Carbilus

pietor aggressus, à quo Aeneidomastix liber in illum scriptus, & Macrobius furti illum arguit, ipse sur plusquam manifestus, qui libros Gellianos compilavit. Catulli, Poëta, si quis alius, lepidissimi & latinissimi, patria Verona est. Propertius UMBER inter principes aureæ ætatis poëtas omnium suffragiis reponitur. Primus enim Italorum Elegiam Latio donavit. Blandi oris Ovidius illum vocat & jure sodalicii sibi junctum fateatur. Ipse Ovidius omnium deliciarum & elegantiarum pater, annon Sulmonensis fuit? & hunc tamen ineptissimus Marullus non è Poëtarum solum ordine deturbare ausus est, sed & in Latinitate ejus nescio quid desideravit. Dignus certe, ut Floridus Sabinus in Apologiâ sua ait, quem facto impetu apud inferos Poëta excarnificent & in crucem agant. *Tanta omnibus, ait porro Floridus, admirationi semper fuit Ovidius, ut non ingeniosus, sed ipsum ingenium, non Latinus, sed ipsa Latinitas, non Musarum Sacerdos, sed ipsum Musarum numen sit habitus. Quod autem ad Latinam linguam attinet, eruditi omnes uno ore fatentur, si illa funditus perisset, uniusque Ovidii scripta superessent, ex iis facillimè eam restitui posse.* Nolo nunc de iis dicere, qui declamatorias in illo argutias notarunt. Victorium hominem maximè sibi sapientem, qui in oratione & versibus enervatum ausus est dicere, jam alii contruderunt. Romanæ fidicen lyræ Horatius, qui primus lyrico catmine celebratur, an forte is Romæ natus ac illo urbanitatis lacte primum enutritus est? Minimè quidem; sed ut ipse de se Od. 9. lib. 4.

Longè sonantem natus ad Ausidum

& Sat. 1. lib. 2.

—— *Lucanus an Appulus, anceps.*

Nam Venusinus erat finem sub utrumque colonus.

Nec fuit, quod ego memini, qui vel levisimum in ipso peregrinitatis vitium notaret, neque hostes habuit, nisi obscuros quosdam homunciones, quos passim in Satyris suis insectatur. Ipse vero in antiquiores, præsertim Comicos & Satyricos acerbior est, ut Plautum & Lucilium, quorum ille, tamen omnium judiciis effertur, hic à Quintiliano ita laudatur, ut totus ab Horatiano illo judicio dissentiat. Superfunt in aureæ illæ ætatis classe, Vitruvius & Manilius, quorum etsi Patria incerta est, Romanos tamen non esse constat. Et ille quidem barbarè non loquitur, judicio Scaligeri, sed inconditè: Hunc peregrinum esse judicat Gyraldus, quod inquinatè loquatur, reprehensus in eo à Scaligero, qui idiotissimos quosdam & incondita agnoscit, non vero sordes, quas ipsi affricare voluit Gyraldus. Subjicimus his Historicos, Salustium & Livium nostrum, quorum ille in agro Sabino natus primam historiæ Romanæ laudem reportavit, cujus oratione

tione atque brevitate Quintilianus judicabat fieri nihil posse perfectius, atque adeo Thucydidi illum è Latinis opponere non dubitabat. Hic noster Patavio oriundus, Salustii virtutes aliis &, ut ego quidem arbitror, majoribus superavit. Uterque hostem & calumniatorem Pollionem habuit: nam ut in Livio Patavinatatem, ita in Salustio singulari libro, nimiam antiquitatis affectationem reprehendit.

Ecquos ergo in tota hâc aureæ ætatis classe, quâ potissimum hæc censeretur Urbanitas, Romanos habebimus, præter duos forte, Lucretium & J. Cæsarem, ambos quidem latinissimos, quorum ille tamen, si Quintiliani non spernendum judicium sequimur, legendus quidem, sed non ut phrasin, id est corpus eloquentiæ faciat: forte quod ex argumento Scholastico civilis dictio formari nequeat. Quò respexit forte Dionysius Lambinus, cum Lucretium malum Latinitatis autorem vocat, quâ tamen cum sententiâ ille minimè audiendus est; potest enim latinitas bona, esse in autore, quem necessitas adigit, ut in argumento novo voces & phrasés aliquas populo inauditas fingat. Julius Cæsar, etsi ipsi latina, nitida, sine affectatione fluens oratio, lineamenta potius Historiæ duxit, quam corpus concinnavit. Ideoque Livius ipsi in imitatione præferendus. Quam ob causam, ut puto, strigosum ejus stylum vocavit Masenius: Qui eam ob causam reprehendendus omnino est. Licet enim characterissimos illos perfectæ historiæ in illo non deprehendas: mira tamen est in illo sermonis castitas, & qualis erat in priscâ Romanâ nobilitate; Quod enim parum diligenter, nec integrâ veritate scripsisse judicavit Pollio, hujus quoque insectator, ad nos nunc non pertinet. M. Terentius Varro & ipse Romanus, cum de Re Rusticâ & linguâ Latina tantum scripserit, non adeo ad Auctores, è quibus phrasís ac eloquentiæ corpus formatur, referri debet. P. Terentii Varronis Atacini è Narbonensi Galliâ oriundi scripta præterierunt.

Ubi ad argenteam ætatem processerimus, plures inveniemus peregrinos, quam Romanos. Curtius, Vellejus Paterculus, Cornelius Celsus, patriæ incertæ, sed non mali, quod ad latinitatem attinet, scriptores: ubi de Vellejo hoc ridiculum notandum est; notante Gronovio in præfatione Livii, Asulanum, eum sc. cujus modo mentionem fecimus, imitari Basilienses, quod historiam rerum Romanarum sub nomine Paterculi ediderint, in quo nihil fere latinum legatur, quod Augusti tempora redolet, quibus eum floruisse velint. Quo sanè nil dici potest putidius & insullius. Phædrus Augusti vel Tiberii libertus, gente Thrax, Æsopi fabulæ latinis versiculis descripsit adeò nitidis & limatis, ut nil Romanius dici scribique possit. Vavassor *de ludicr. dict. pag. 206. e.*

jus dictionem ab omni peregrinitate & insolentiâ remotam judicat, narratque accepisse se à Jacobo Sirmondo, cum Petrus Pithœus primum misisset Romam hos libros Lutetia editos, Romanos, ut emunctæ naris homines, novitate voluminis percussos, non dubitasse, quin ætatem redoleret Augusti, ac summam illam facilitatem styli & scripturæ repræsentaret. Id autem non immeritò miratur Vavassor, quî factum; quod Seneca Æsopios logos intentatum Romanis ingeniis opus dixerit, cum Phædrum hunc haberet, quem opponere possit toti Græciæ. Nec putat tamen ille, quod Petrus Pithœus & Lipsius judicabant, idè hoc ab ipso dictum: quod Phædrus non genere Romanus, sed Thrax fuerit, ab omni enim malignâ invidiâ alienum fuisse Senecam existimat. Verum quoniam Tiberii, Caligulæ & Neronis tempora non admitterent vel cogitationes liberas, ideoque ob apologos, quibus illius sæculi tyrannis notatur, silentio suppressum hunc libellum credit. Quâ de re integrum esto cuique judicium. Id certum est, libellum hunc Urbanum illum & Romanum nitorem fervare incorruptum; modò à mendis omnibus repurgatus esset, quæ infinita in eo restare, docebit nos aliquando incomparabilis in his literis MARQUARDUS GUDIUS, si exorari possit, ut suas in illuminationes luci publicæ exponat. Ut sit autem in hoc opusculo nitidissima latinitas, non defuerunt tamen inter Criticos etiam magni nominis viri, qui longè aliter judicarint. Scriverius animadvers. in Martial. lib. 3. Epigr. 20. nugari ait, qui hunc Phædrum ad tempora Augusti & Tiberii referant, quo ille ævo minimè dignus sit. Causas hujus sententiæ suæ se ostensurum promittit, ubi animus otijumque ista frivola pertractandi fuerit. Neque satis mirari Scioppij indignum in hoc autore supercilium possum, qui in Infamiâ Famiani, hunc scriptorem, *velut domo barbarum & sermone non parum saepe plebejum* vocat, inque eo nescio quid Thracici subodoratur. Quam ob causam reprehendit illum Cl. Schefferus Phædri commentator, qui tantum abest, ut tale quid in illo invenerit, ut potius in plerisque Virgilium, in cæteris Plautum, Terentium, Ovidium imitatum fuisse judicet, hocque convicium pari jure cum Liviânâ illâ Patavinitate censet. Hos quoque tam delicatulos censores meritò vellicat Barthius, cum *Adver. lib. 48. c. 10.* hujus ipsius Phædri quædam emendaturus, præfationis loco invehitur *in genus quoddam hominum mira*, ut vocat, *ambitionis*, quod ut sapere videatur profundius ceteris omnibus, non jam exponere veteres scriptores, sed censere & in ordinem redigere incipit, idque adeò vecordî animo, ut Latinos autores illatinitatis damnare non jam pudori habeat, sed gloria loco censeat, barbaria eos damnare, qui vigente flore linguae Latialis cum primis clari fuerunt,

Nolo operosè in cæteros inquirere, qui vel eâdem ætate, vel latinitate jam declinante vivere. Columellam Gaditanum novimus, qui tamen sermonis sævitate, politiâ, vi quoque & eruditione principibus latinæ linguæ scriptoribus accensetur, teste Barthio *lib. 37. cap. 7.* imò Varrone illo Romano tersior est. Plinii duo sunt, alter Veronensis, qui universam rerum naturam, pari linguæ elegantia descripsit; alter Novocomensis, cujus epistola & oratio Attici quid spirant: & quibusdam præ Ciceronianis, quo tamen falluntur, sunt in pretio. Quintilianus, quo nemo artem oratoriam inter latinos elegantius adornavit, annon Hispanus? Et hunc tamen, si Ciceronem exceperis, omnibus præferre non dubitant nonnulli, etsi Philelphus in illo Hispanitatem invenisse sibi visus est. In hâc tamen ætate unus præ cæteris laudari meretur eques Romanus, Petronius, purâ quidem latinitate, sed impuro argumento laudabilis, ne quid de Neroniani temporis phrasi, de quâ suprâ, hic dicam. Seneca uterque, Lucanus, Mel-la, Hispani, Statius Neapolitanus, Valerius Flaccus Campanus, Juvenalis Aquinas, Claudianus Alexandrinus eâ eloquentiæ laude claruerunt, quam ista tulerunt secula, in quibus tamen alii aliis puriores & elegantiam primæ ætatis propius contingunt. Martialis Bilbilitanus, etsi ob peregrinitatem Hispanicam nonnullis, sed maledicis censoribus, vapulat: laude tamen elegantiarum latinarum mihi privandus est. Ipse sanè affectavit quam maximè, adeo ut & uxorem suam ob elegantias Romanas magnopere laudet *lib. 12. Epigr. 21.*

Municipem rigidi, quis Te, Marcella, Salonis

Et genitam nostris, quis putet esse locis?

Tam rarum tam dulce sapis, Palladia, dicent,

Audierint si Te vel semel esse suam.

Nulla neque in media certabit nata Suburnæ,

Nec Capitolini collis alumna tibi.

Nec cito ridebit peregrini gloria partus,

Romanam dicat quam magis esse nurum

Tu desiderium domina mibi mitius urbis

Esse jubes. Romam Tu mibi sola facis.

Verum sufficiat, in tot scriptoribus enatrando nos fatigasse, quos ideo adduxi, ut demonstrarem, eloquentiam Romanam plus debere ipsis exteris, quam Romanis. Et est sanè prodigio similis res, tam paucos fuisse Romanos, qui literis quid consignarint, & si qui fuerint, unâ cum illo argutulo

gutulo Pollione pessum ivisse : cum contra omnes immortalem illam nominis sui & Romani gloriam, tum Provinciales, tum Itali & Latini tueantur. An hoc ignaviae tam pauca scribentium, an fato iniquiori imputabimus? Jam tuam itaque fidem testor Pollio! quid est, quod unum inter tot provinciales Livium huic Patavinitatis culpæ affinem facit? cum reliqui nihil hujus gentilis labis contraxerint. An potuerunt ceteri omnes hanc eluere peregrinitatis maculam: solus Livius & tamen Romæ vivens non potuit. Vel itaque leve aliquid & nugatorium, in quo illa Patavinitas consistit, vel quod potius duxerim, mera aliqua calumnia est, à supercilio & invido Pollionis animo profecta. Imo vero, ego Joannis Ludovici Vivis judicium, quod ex his, quæ hæcenus dissertavimus, deduci videtur, probaverim: qui lib. 2. de causis corruptarum artium, in municipalibus autoribus majorem interdum eloquentiam, quam in ipsis Romanis agnoscit. De Livio ille: *Livius sermone illo, quem Pollio Patavinitatem, dixit sapere, eloquentior fuit multis Roma natis, & fortassis illo ipso Pollione.* Et in de tradendis Disciplinis libro 3. idem: *Livii Patavinitatem, quam gustabat Pollio Asinius, nos non gustamus: Scilicet non habemus jam palatum neque adeo eruditum, aut certe morosum.*

CAP. XIII.

Peregrinitatis censura egrè institui potest. *Censura recentiorum reprehenduntur. Scaligeri in Erasmus Invektiva, quod Livii Patavinitatem cum Pollione probaris. Ejus de Pollione judicium. Urbanitatis incertum judicium. Cicero ipse in illa dignoscenda fluctuans. Femine optime urbanitatis custodes. Etiam indocti. Facere contumeliam Plautino seculo probatum, Tulliano rejectum. Livius non male à Tanaq. Fabro notatus, quod sensum vocis latine Classis non rectè ceperit. Tilmanni ineptum de Patavinitate & voce majestatis judicium. Urbanitas an ad Ciceronis tempora restringenda. Censura nonnullorum in antiquos autores. Solæcismi, Archaismi. Singularia in Cicerone. Neutroque ex Analogia vitandi. Q. Mar. Corrad. notatus. Scioppii audacia in censendis Metelli verbis. Peregrinitates alia à Scioppio & Francisco Sanctio notata. Non temerè de his judicandum. Pollionis nonnulla voces à Manutio damnatae, Palmari. In Cælio & Cicerone filio duriora notata. Criticorum depravationes generant voces & phrasas barbaras. Nizolius è corruptis exemplaribus multas collegit. Exempla earum. Lambinus & Manutius notati.*

Cum plurima hæcenus inquisiverimus, ut tandem pateret, quâ in re Patavinitas Livio objecta consisteret, parum tamen isto cona-
tu

tu nostro profecimus: alix enim ex aliis oriuntur difficultates, quæ ejus investigationem, si qua illa fuerit, remorentur. Nam etsi quidam Urbanitatis color fuit, etsi & peregrinitas quædam à nonnullis illata, tamen ejus à nobis censura nulla institui potest; præsertim, cum & ipso illo perfectissimæ latinitatis tempore non satis ea diversitas ab ipsis urbanis hominibus dijudicata fuerit, ac provinciales in urbe Româ educati in totam se urbanitatem ita induerint, ut omnis latinæ linguæ gloria penes illos steterit, quemadmodum præcedenti Capite ostendimus.

Quare intolerabiles videntur recentiorum hominum de antiquis autoribus censuræ, qui latinitatis nullam aliam, quam ex lectione & observatione instituere possunt. Merito itaque Erasmum reprehendit, Scaliger in Oratione, quam adversus Ciceronianum ejus scripsit: nam & Erasmus Pollionis illam de Patavinitate calumniam suam fecerat. *Aliud, inquit, sonat auribus tuis improbo nunc verbo adsuetis, Erasme, aliud Romano viro, qui tamen Asiniana calumnia Patavinitatem Livio objectare ausus es, quam tu quo loco, quo tempore cognoscere, quo modulo Batavi metiri potes? Quâ ratione Teutonicus vitium illud constari, quo judicio dignosci dices? Si omnes voces Romana sunt, si universa structura ex veterum cementis lapidibus redivivis, incorruptâ materiâ constat, si candor ille illam felicissimam ætatem etiam superat, si omni invidiâ, omni calumniâ major est, quam in lacteo illo flumine labem labes deprehendas? Cum tamen illius sententia ne his quidem qui objecerat ceteros Romanos habuerit adsertores.* Acris hæc in Erasmum invectiva, J. C. Scaligeri est, quam iisdem pene verbis Scaligeri dissimulato nomine Scheurlus in *Stat. Merc. sect. 2. part. 2. cap. 9.* in Erasmum iteravit: sed à tanto viro profecta, cujus judicio & censuræ plus quam sexcentis aliis tribuendum. Nam nec ille hanc in Livio Patavinitatem perspicere potuit, cumque cum Livianis ille Pollionis fragmenta conferret, Poetic. lib. 4. cap. 17. hæc de ipso pronunciare veritus non est: *Quod si Pollio sibi solus Romanè vel loqui vel scribere visus est, cui Livius olet Patavinitatem, Virgilius Mantuanitatem, Ciceronis dictio parum sapit, sanè si iis, quæ illius exstant, non dixit meliora: malim profecto cum hisce minus Romanè loqui, quam cum illo cum ad modum, quem legimus ex fragmentis.*

Quid ergo illius Patavinitatis alii notent, quam Scaliger tantus & Censor & Grammaticus deprehendere non potuit? imò quam ipsi Livii tempore Romani dignoscere non potuerunt, cum, notante Strebzo comm. in Cic. librum 3. de Oratore, ante Livium Urbani ab antiquitate longè deviarint. Mira enim est ejus urbanitatis fluctuatio, neque certa ejus tempora constitui possunt. Nam cum ab usu hominum in urbe viventium illa penderet, placuit alio tempore, quod alio displicuit, ut sunt varii ho-

minum animi & in annos mutabiles, ipsaque lingua & pronunciatio quotidie gliscit. Ciceronem ipsum multa sui temporis offendeabant, magisque priorum temporum dictione capiebatur: nam delectabatur cum audiret socrum suam Læliam, & eam sic audiebat, ut Plautum sibi ac Nævium videretur audire: *Facilius enim, inquit, mulieres incorruptam antiquitatem conservant, quod multorum sermonis expertes ea tenent semper qua prima didicerunt.* Quo fit etiam, ut homines sine literis eleganti tamen dictioni adfvescant, ut Curio ille, qui literarum nihil sciebat, de quo Cicero in Oratore, *quod splendidioribus verbis uteretur usu aliquo domestico: cum magni intersit, quos quisque audiat quotidie domi, quibuscum loquatur à puerò, quemadmodum patres, pedagogi, matres etiam loquantur.* Quo tacito sensu, sine ulla arte aut ratione, tota theatra olim reclamarunt, si quid in sermone offendisset. Rursus idem Cicero sui temporis quædam improbat, quæ tamen ante ipsum bonæ notæ habebantur. *Facere contumeliam* Plautino seculo rectè dicebatur: nam usus est hæc phrasi Plautus in Asinaria & Terentius in Eunuchò & Phormione. At Ciceronis seculo in desuetudinem hæc loquendi ratio iverat. Cum enim Antonius ita in edicto scripserat: *Nulla contumelia est, quam facit dignus?* Cicero Philippic. III. sic animadvertit: *Quid est porrò facere contumeliam? quis ita loquitur?* pro quo nunc fortassis rectius afficere contumeliâ diceremus. Exagitat ille alia quoque Antonii verba, qui tamen Romanus, & quem tamen benè Latinè loqui ipse judicaverat. Quale itaque nostrum de vocibus Latinis iudicium erit, si in eo ipse Cicero fluctuat? Imo Vives in libro de Disciplinis puritatem linguæ majorem & castigatiorem in C. Cæsare, in M. Bruto & aliis Romanis principibus, quam in M. Tullio fuisse autumat; nec phrasin ejus omnibus placuisse, non Bruto, non Cælio, nec ipsi Pomponio Attico amicissimis.

Fuere nonnunquam voces non adeò antiquæ ipsis scriptoribus optimis ignoratæ, vel illas sibi in memoriam non revocarunt. Quod de Livio probat Tanaquil Faber. Observavit enim in epistolis suis; Livium, cum verba hæc in Annalibus, *Classibus ad Fidenas pugnatum*, legeret, non intellexisse, per classes in plurali numero significari equestres copias, cum & Virgilius eodem sensu hæc voce usus sit, immeritò ob hanc censuram ab Ephemeridum Gallicarum scriptoribus notatus, quibus peculiari libello respondit, suamque censuram defendit: nam non insolitum esse, ait, phrasin quasdam ab ipsis autoribus latinis non satis intelligi, præcipuè si ad artem non omnibus notam referantur. Quemadmodum Cicero lib. 3. Epist. 21. ad Atticum ingenuè fatetur, se diu non intellexisse, quid esset *inhibere remos*, usque dum ipse tandem à nautis hoc didicerit. Erudita

hæc

hæc Tanaquilis Fabri censura est: sed inficeta & inepta Tilemanni in Discursu Philologico de Historicorum delectu, cum pag. 219. in Livio reprehendit, quod quia ambitiosus fuerit, sibi que magis quam aliis scripserit, (in eo enim Patavinitatem Livii consistere autumat) non uno in loco maluerit terminis politicis abuti atque elegantius scribere, quam integrius, improprius quam verius, cum censoribus, decemviris, consulibus majestatem attribuerit. Nunquam enim majestatis vox politico illo & hodie usitato sensu antiquis accepta, sed recentiorum scholis eo sensu usurpari cœpit. Majestas vero antiquis quemcunque externum splendorem, & magnitudinem, qualis negari Magistratibus Romanis non poterat, denotabat. Patavinitate vero ambitionem ejus notari nescio quomodo putidum est, neque cuiquam ante ipsum in mentem venit.

Videmus itaque in ipsâ urbe discrepasse à se ipsâ urbanitatem, quæ ex judicio illorum, qui Ciceronis ætatem secuti sunt, ut Quintiliani ac aliorum ad Tulliana tempora hominesque tum scribentes restringebatur. Quam sententiam etiam nos amplecti ipsa ratio jubet: cum ab hoc quasi puncto & apice nitor ille sensim labi cœperit. Etsi non defuerunt ingenia obstinatiores & morosiora, qui antiquiora tempora præferrent. Quemadmodum Hadrianus Ennium Virgilio, Catonem Ciceroni prætulit, quod antiquum scribendi genus amaret, utque tam præposterum ingenii aliquod Urbimonumentum relinqueret, Catacryanos libros obscurissimos composuit. Neque tamen cum in Ciceronis ætatem urbanitatem compingo, illo solo illam censeri volo. Stultus enim est Doletus meritoque à Fr. Florido Sabino exagitur, qui alios autores omnes præter Ciceronem stercus appellavit. Sæpe etiam cæteris Veneres sunt, in quibus si dissimilitudo quædam apparet, ea tamen ita delectat, ut non dissimiles esse nolis. Ut vultuum, ita eloquentiæ varietas est, ita Oratorum & scriptorum, qui tamen suam sibi sævitatē, quamquam in diverso genere servant, & eodem tamen Urbanitatis colore orationem pingunt.

Ut vero non defuerint olim putidi Grammatici, qui Ciceronem, Virgiliumque sub censuram vocarint: ita & hodie, quod mireris, inventi, qui heroibus illis omnem invidiam supergressis malæ latinitatis dicam scribere non verentur. Quo nomine Richardum Pacæum Britannum Fr. Floridus Sabinus in eleganti illâ Apologia suâ reprehendit, ejusque calumnias contundit. Cui addi potuisset stultissimus ille veterum & recentiorum autorum Censor Verdierius, qui ut in omnibus aliqua, ita in Virgilio barbarismos sibi notasse visus est. In Ciceronem nostro quoque tempore ferociter adeo debacchati fuerunt inepti rhetorculi, non digni qui matulam illi porrigerent, imò ad triremes damnandi. Doctissimam

in illos invecivam vide apud Inchoferum Hist. Sacr. latin. lib. 2. cap. 15. In hoc tamen solæcismos quidam deprehendere sibi visi sunt. Notavit id Erasmus lib. 28. Epist. 8. pag. 1646. lit. F. edit. Londin. Manutius quoque in Cicerone ferendum esse solæcismum ait, si vetera exemplaria consentiant. Sed veros Henricus Stephani in *suo Pseudo-Cicerone* solæcismos Ciceronis non admittit, nisi forte ubi is vehementi dicendi vel scribendi impetu præter opinionem abreptus: imo multis ostendit exemplis, archaismos, solæcismos vel insolentes loquendi modos non inveniri in Cicerone, nisi qui per Criticorum & librariorum negligentiam & audaciam eò irrepsissent. Occurrunt tamen apud illum voces minus usitatæ. Jampridem Statilius singularem de singularibus Ciceronis librum conscripserat, & ostendit ille Index Grammaticus, quem Gruterus operi Ciceroniano subjecit, quam multis ille usus fuerit vocibus & phrasibus, quas apud alios non facile invenias, quibus uti nunc non adeò conveniat. Budæus, sed ille mirè ἐλλειψαίνε, & ut omnium Latinorum ita & Ciceronis contemptor, Ciceroni ἰσωνεῖσθαι objecit in Comm. Gr. Ling. pag. 1019. cujus tamen ipsius ob crebras verborum conversiones minime Romana dictio est, ut jam supra diximus. Non est ingenio in his indulgendum, adeoque quod antiquis non licuit, multò minus licet recentioribus, qui Analogiam secuti licentiam sibi sæpe sumunt nova formandi vocabula. Quâ in re supra modum facilis est Q. Marius Corradus, qui in libro *de Copia latini sermonis* lib. 2. pag. 52. & seqq. indiculum verborum necit, quibus nos sine vitio uti posse autumat, Vir alioquin puræ satis latinitatis. Verum illius neutiquam probanda est sententia, quam Vir in his literis summus Olaus Borrichius in *cogitat. de Ætat. Latina lingua, in verbo Puritas*, optimis & rationibus & exemplis refutavit. Reperti sunt inter recentiores Grammaticos, qui etiam in Romanis scriptoribus peregrinitates notare voluerunt. Quanta Scioppii audacia est, qui in Scaligero pro solæcismo reprehendit: *Quam à multis jam annis capite & fortunis oppugnamus*: neminemque sic locutum ait, præter Q. Metellum Celerem, hominem & arrogantem plus satis, & in sermone non satis neque proprietatis neque elegantiz studiosum. Sunt vero hæc verba Metelli apud Ciceronem lib. V. familiar. Epist. 1. *Nec Metellum ob dictum capite & fortunis per se oppugnatum iri.* A Scioppio igitur jam discet Metellus homo Romanus, quomodo propriè & Romanè loquatur. Quis ille stupor, imo potius, quis furor est! Vulgatissima enim loquendi ratio est, ut multis exemplis adversus Scioppium ostendit Gronovius *observat. libro 4. cap. 13.* Neque multo felicior ille est in Peregrinitatis Exemplis, quæ judicio de stylo Historico inseruit: in quibus, ut cætera præteream, Græcismum hunc Casauboni, ut

nullo

nullo autore dictum, damnat: *desine querelarum*; cum eadem verba apud Horatium reperiri vel pueri sciant. Recensuit & Franc. Sanctius, longè Scioppio modestior & doctior, sub finem Minervæ suæ, quasdam peregrinitates. *Habere orationem dicimus*, non facere: *verba facere*, non agere: *agere gratias*, non facere: *per opem dicimus*, da opem, non dicimus: *dare verba usitatum est*, tradere, s. præbere verba, inauditum. *Quid dicam de illis qui sibi docti videntur & passim habentur*. Quidam enim, ex illis scripsit: *Vigilant milites in monte: pro speculantur de monte: tentat frangere aciem, pro conatur aciem perrumpere: dimisit suos milites, pro dimisit copias seu exercitum: impedivit commeatum, pro interclusit: victu carebat Cæsar, pro re frumentaria: duxit vineas, pro egit: primi in consilio, pro consilii principes: reportarunt prædas: pro egerunt: milites monuit, pro hortatus est: signum facit, pro signum dedit, renovavit prælium: pro restituit vel redintegravit: aciem ordinavit, pro instruxit: redierunt milites, pro receperunt se: misit ad succurrendum, pro misit subsidio: fecerunt vim pro impetum fecerunt: magnis viis contendit, pro magnis itineribus: perdidit oportunitatem, pro amisit occasionem. Sic loquuntur qui linguam, non stylum exercens. Bene hæc ab illo notata, sed tamen in iis nonnulla defendi possunt. Et si enim non negem, in actibus civilibus phrasæ quasdam, occurrere illis planè proprias, quibus eo sensu si non utaris, imperitè & improprie loqueris: tamen temperandum hic est à decretoriâ sententiâ. Non enim omnia notari ab omnibus possunt.*

Illud quoque lepidum est, illum Romanissimum Hypercriticum nostrum Pollionem à nonnullis sub Virgulam Censoriam vocari, & de verbis minus Romanis vel saltem asperis & novis reum peragi. Manutius ille est, qui Pollionis Epistolam, quæ XXXI. est lib. X. famil. interpretans, primum hæc verba: *Nam de legione trigesima tradenda quantas conciones habuerim* (ita enim legitur in antiquissimis Codicibus) *quid ego scribam!* reprehendit. Vox enim Conciones, qua hic utitur, quæque significare deberet vehementes literas, minus illi commoda videtur. Deinde in XXXIII. ejusdem libri epistola, vox PALMARER inaudita apud alios, Manutio reprehenditur. Locus ille est: *Neque ego non videbam, quanto usui Reipublica essem, futurus, si ad Lepidum venissem: sed scribenti ad me ejusmodi literas, quas leges, & concionibus videlicet, quas Narbone habuisse dicitur, similes PALMARER necesse erat, si vellem commeatum, per ejus provincias iter faciens, habere.* Ita in omnibus antiquis libris scriptum fuit. Putat vero Manutius Palmari hîc idem esse quod Palpari, id est adulari, palmâ enim blandimur, item ut, alpo. Henricus Stephani in Pseudo Cicerone suo à Pollione potius palparer, quam palmarer scriptum fuisse autumat, quod verbi palmare alia sint signi-

ficationes, quæ nihil cum illa verbi *palpari* significatione commune habent: quod vox composita *depalmare* arguit. Ridiculè, itaque ut putat, Φιλό-
 κλων fuerit Pollio, si cum usitatam vocem *palpari* in promptu haberet,
 unicâ literâ mutatâ longè petitam vocem afferre maluisset. Ideoquæ Victo-
 rius vocem *palparer* in editione retinuit, eamque suo calculo nuper proba-
 vit Cl. Grevius. In Cælio quoque, cujus epistolæ Tuilianis mixtæ, Ma-
 nutius multa notavit non dura solum, sed durissima, quæ vix pro latino
 habere videtur, è quibus unum hoc, ut cætera præteream, *objurgatus* est
 pro *objurgavit*, quem tamen adversus ipsum defendit Henricus Stephani.
 Idem Manutius de Ciceronis filio judicat, non modo ab elegantia & copiâ,
 sed interdum etiam à proprietate paterni sermonis longè distare, è quibus
 forte illud est; lib. XVI. fam. *Cum omnia mea causa velles mihi successa, cum
 etiam tua.* Nec desunt è Criticis, qui verba illa *mibi successa* audacter tol-
 lunt: fortassis eodem modo vox *successa*, *a, um*, usurpata fuit, quo *defe-
 ctus*, *a, um*. Sed caute his vocibus utendum est, cum metus de exempla-
 ribus corruptis cohibere nos debeat, neque insolens vocabulum, quod
 olim tanquam scopulum vitandum judicabant eloquentiæ magistri, etsi
 Ciceronianum, nos contra tanquam pretiosam gemmam consecrabi-
 mur.

Accedit etiam, quod multa in Autoribus, ut jam supra monui, cor-
 ruptis librariorum imperitiâ ac Grammaticorum & Criticorum audaciâ; ut
 non adeò firmum de singulis judicium institui possit. Sæpè in Codicibus
 occurrunt, è quibus nullus elici sensus possit, vocabula ita depravata, ut
 quid sibi velint ignores. Hic cum lectiones illæ qualescunque retinendæ
 essent, illi, ubi occurrit insolitum quid, statim hærere, verba mutare pro-
 libitu, primò margini notare alia, quæ paulatim in sermonem ipsum ir-
 repunt. Quod infinitis Ciceronis locis evenisse, demonstrat Henricus
 Stephani, ut è Cicerone demum factus sit Pseudo-Cicero. Atque ex his
 locis eorumque corruptione vocabula quæpiam, ceu vermes ex putre-
 dine, nata. Ex his lacunis hausit infelix Nizolius, qui tot barbara &
 illatina è corruptis Ciceronis exemplaribus collegit, quibus magnâ cum
 audaciâ Ciceroniani illi usi sunt, ut non exiguam illorum sylvam idem
 Henricus Stephani in suo Nizolio-Didascalo collegerit. Hujus farinae
 sunt; *Facetosus*, *Multissimus*, *Complices*, *Capitulum*. Synonyma, antithe-
 ta, phrasts ipsi sine judicio colliguntur, ut cum inter Synonyma vocis
 Magni ponit *Bonus* & *Infamis*, ac si sine discrimine illis uti possim: Ut, cum
 Cicero dixit insanas substructiones, ego *insanum hominem*, *insanam ar-
 tem*, pro magnis dicere me posse credam: Vel cum *bonam partem* pro
 magna dixerit Cicero, ego similiter in quacunque re magnâ hoc uti epi-
 theto

theto possim. In hac corrigendi audaciâ non Henrico Stephani tantum, sed & aliis Dionysius Lambinus male audit. Huic idem jungit Manutium ipso Lambino periculosiorem, qui multò plura loca correctionibus suis depravaverit, & minorem in Latinitate diligentiam ipso Manutio adhibuerit, cujus plurima illic adducuntur exempla. E quibus omnibus patet, quam difficile sit, de urbanitate vel peregrinitate alicujus auctoris ferre judicium, cum non idem sit Autoribus in delectu verborum judicium, & pulchra nonnullis videantur, quæ aliis minus apta & decora. Ut vanus itaque labor omnino futurus sit, si esset in Livio quicquam Patavinitatis, illam nunc nostro tempore à nasutissimis Sanctiis & Scioppiis, totâque Grammaticorum & Criticorum tribu, saltem quantum illa à Grammaticis dependet, indagari.

CAP. XIV.

Patavinitas Livii à recentioribus Latinis deprehendi non potest. Balzaci lusus in Barbonem Patavinitatem demonstraturum. Cl. Sarrasio Patavinitas conatema. In urbe interdum plus peregrinitatis, & in provincialibus plus urbanitatis. Urbanitatis inepta affectatio. Theophrastus ex affectatione verbi Attici pro hospite habitus. Græci magni Atticarum vocum affectatores. Sophista ob eam causam irrisi. Apud Romanos quoque intempestivi verborum Romanorum antiquorum affectatores. Italorum recentiorum latinè scribentium Πομπαιομανία. Eorum erga Gallos & Italos fastidium. Inde orta illa Ciceronianorum κανοζήλια. Illi à viris doctis passim explosi. Itali vulgari linguâ scribentes mirè Florentinitatem affectant. Alberici Gentilis de illa censura.

Cum adeo difficilis & incerta sit, imprimis si inter veteres auctores comparatio instituatur, urbanitatis in verbis & phrasibus indagatio: quid est, quod Patavinitati amplius immoremur? Quæ si nec antiquis, præterquam maledico illi Pollioni, notari potuit, frustra nos erimus eâ de re solliciti, cum certi simus, nodum in scirpo quæ-
rere, qui istam in Livio venantur. Quare facetissimus Balzacus, Viri omnium elegantiarum, in lepidissimâ illâ Satyrâ Gallicâ suâ, quam in Rhetorculum & Magistellum Barbonem lusit, cum multos ejus χεῖρες οὐκ ἐν ἑαυτοῖς, sed ἐν ἄλλοις exagitasset, inducit gloriantem: se monstraturum in Livio Patavinitatem illam, quam reprehendebat Pollio, & in quibusdam Senecæ Tragædiis pingve illud Cordubensium Poëtarum, de quo

olim

olim Cicero, & in Cicerone ipso vitia illa quæ in eo Brutus animadvertit. Ostendit & Cl. Sarravus Senator Parisiensis, Vir summus; quam ille hanc Patavinitatem contemnat, in epistola qua I. Fr. Gronovio de edito Livio gratulatur, pag. 188. *Præcipuus tibi, ait, quanquam non solus scopus in textu emaculando, quod si quid video, ita magnificè præstitisti, ut jam Livium legamus. Livium, inquam, non autem inficiorum correctorum bariolationes: adeò penitus omnem ejus, quacunque illa sit, Patavinitatem imbibisti & exhibuisti.*

Ut itaque tandem hanc de Patavinitate commentationem absolvamus, ac porro declaremus, quam futiliter illa objiciatur Livio, ipsam urbanitatem, quæ in certis vocibus, & phrasibus consistit, ejusque affectationem non esse sine vicio, & olim plus urbanitatis extra urbem atque in provinciis sæpe fuisse, quam in ipsa urbe ostendemus. Quæ si vera sunt, ut certe verissima esse probabimus, Pollio cum sua illa Patavinitate exhibendus est. Est hæc urbanitatis affectatio & Urbanis & provincialibus propria. Hi enim cum familiare sibi & gentile vitium objici sciant, eò sollicitiores in exuendo illo sunt. Quare fit interdum, ut ipsos urbanos elegantia superent, qui melius sæpe & accuratius velut advenæ caracterismos illos sermonis observant; ut interdum nimiam urbanitatis affectatione se prodant. Illi urbani, cum provinciales contemnant, ac sibi in omnibus plaudant, suos sæpe sensus sequuntur, quæcunque etiam plebeja & exilia optimè dicta interpretabuntur: provincialium autem curam & industriam nitori sermonis additam, ut ornatum aliquem peregrinum repudiabunt. Utrique in ipsa urbanitatis affectatione plus peregrinitatis habent, quam qui sui succi & saporis sermonem formant. Theophrasto id accidisse meminimus, qui cum diu vixisset Athenis, atque ita loqueretur, ut à divinitate in dicendo nomen invenisset, Anicula tamen Atheniensi hospes visus est, quod ut Quintilianus testatur, nimis loqueretur Atticè, etsi Cicero illum minus Atticè locutum dicat. Erat verò apud Græcos magna Atticarum vocum affectatio, quas ideo singularibus quibusdam Lexicis colligebant, ut eorum usus promptior esset. Hinc Philostr. lib. de vit. Sophist. Criticæ stylum laudans ait: ὥσπερ ἀκτίνων ἀνὰ τὰ Ἀττικὰ ὀνόματα ἀεὶ φαίνεται τὸ λόγος. *Sicut radiorum fulgores, sic Attica verba in oratione relucent.* Platonis eloquentiam laudat Lucianus, cum vocat καλλιφωνίας δεινῶς ἀττικῶν, καὶ τὸ κεχαρισμῆρόν, καὶ παιδῆς μέτρον. Quoniam vero Sophistæ tum demum pulchrè se dicere putarent, si Atticas voces sermoni immiscerent, factum est, ut à prudentioribus riderentur. Hinc Plutarchus vocat hoc ὀργῶνα lib. de audit: & Philostratus barbarum, intemperanter & nimium uti Atticis. Lucianus vero, ut pro more suo

fannis

fannis quibusdam exagigaret, in *ῥη. διδασκ.* Sophistis suis svadet, ut sibi verba quædam Attica seligant, ac semper in ore habeant: *ἔπειτα πάντα καὶ δικά πρὸς ἢ ὅς πλείω γὰρ εἰκοσὶν ἄττικα ὀνόματα συλλέξας, τὸ ἄττικα, καὶ κατὰ, καὶ μῶν, καὶ λῶσι, καὶ ἀμεγέπη.* Extat elegans Ammiani super hos Atticissantes Rhetorculos Epigramma lib. 2. Epigrammatum *Γαλlico-*rum à Brodæo collectorum pag. 237. ubi illa verba recenset:

*καὶ πευτὴ καὶ μῶν, καὶ τατῖσφροντα, καὶ ἄττικα
συνέφραμμε καὶ τοὶ νῆ δία, καὶ μά δία.*

& aliud Anthol. lib. 2. cap. 51.

*ὦ γὰρ εἴ, καὶ μῶν ἔν, καὶ ποῖ δὴ, καὶ πόθεν ὦ τῶν,
καὶ θαμά, καὶ φέρε δὴ, καὶ κομιδῇ, καὶ ἴθι,
καὶ εὐλίον, μάλιον, πωγώνιον, ὅμιται ἔξω,
ὅκ τέτων ἢ νῦν εὐδοκιμεῖ σοφία.*

Fuisse & apud Romanos intempestivos tales veterum Romanarum vocum ad ipsam usque rusticitatem affectatores, jam supra diximus. Salustium imprimis ideo exagitavit Pollio, quod antiquiores voces seligeret. E M. Catonis commentariis verba excerpfit, & velut breviarium ad usum proprium habuit. Hinc Lenzus Pompeii M. Libertus priscorum & Catonis verborum furem ineruditissimum appellavit. Idem quoque in Antonio Octavius Augustus reprehendit, quem insanientem vocat, quod ea scribere vellet, quæ mirarentur potius homines, quam quæ intelligerent. Ciceronis æquales antiqua omnia laudabant, & Cicero, ut erat æquius, sui temporis eloquentiam anteponebat, ut ait Aut. Dial. de Oratoribus. Idem cum nonnulla reprehenderet in Cicerone, subjicit: *Sola mirantur atque exprimunt hi, qui se antiquos oratores vocant. Versantur vobis ob oculos, qui Lucilium pro Horatio & Lucretium pro Virgilio legunt, quibus eloquentia tui Ausidii Bassi, aut Servilii Noviani, ex comparatione Sisenna aut Varronis, sordet.* Major tamen fuit Italorum literis renascentibus *ῥωμαισμῶσι*. Quippe qui, ubi primi ad literas Latinas resuscitandas manus admovissent, neminem mortalium in hujus gloriæ societatem admittere voluerunt. Tanto enim fastidio omnia transalpina & peregrina exceperunt, ut optima quæque, & Italicis cultiora, ipsis sorderent. Queruntur de illo Italorum fastidio & supercilio passim Galli. Ac Germani quoque iniquè ab illis habiti, de quibus nunc prolixius disserendi locus non est, cum peculiari Dissertationi de Germanorum meritis literariis hæc reservemus. Illud sanè lepīdum est, quod Georgio Fabricio Patavii eximiam latine loquendi peritiam in Melanchthone dilaudanti Lazarus Bonamicus respondit: *Profecto*

ille homo incipit loqui : quasi Melanchthon, si cum Italis conferatur, tantum balbutiat, cujus tamen latinitas adeo nitida & pura est, ut majorem, quam illa Italorum dictio, ingenuitatem & ἀφελειὰ spiret. Quare & Galli Italos, ob hunc fastum ridiculos, non raro exagitant, ut Henr. Stephani in suo Pseudo-Cicerone pag. 85. Victorium, qui Turnebi adversaria vellercaverat. Ita enim H. Stephan: *Si fuisset ostentator Turnebus, ut ille, qui cum per contemptum Cisalpinum nescio quem appellat, & aequè verbosus, atque is Variarum Lectionum scriptor, de cujus loquacitate memini te aliquando questum esse, ita suos Adversariorum libros dilatare potuisset, ut quatuor mulos onerarent.*

Atque is ipse Victorius, quod mirere, non in sui tantum temporis scriptores, sed & in vetustos arrogantissimam sibi censuram arrogavit: nam teste Balzaco *Opusculis Gall. diversis Diff. 6. cui titulus, les Passages defendus* in quodam super Aristotelis librum commentario, Virgilium reprehendit, quod proprietatem verborum non observavit, quodque minus purè & Latine scribat, quam Lucretius, de quo tamen Quintilianus judicarat, ex illo formari non posse phrasin seu corpus eloquentiæ. Itaque de illo Balzacus: *Ce commentateur chagrin intente une procès contre un possession de seize cens ans, & ne considere ny la faveur d' Auguste, ny l' amitié de Mecenas, ny les applaudissemens de tous les siècles, ny toutes les voix de la Renommée, qui donnent gainé à sa partie.* Refert eodem in loco Balzacus alium quendam ejus loci delicatulum, cum existimaret primam linguæ corruptionem incepisse in Ovidio, lib. Metamorphoseon, ut fabulas tamen sciret, in vernaculam linguam convertendos curasse, ne aliquod è latinitate Ovidianâ contagium, contraheret filius. Narrat & eandem historiolum Hercules Ciofanius præf. in Metam. Ovid. Fuit & Academicus quidam Romanus, eodem Balzaco teste, qui in Barclaji Argenide ostendere voluit, ut ipse loquitur, *quinze cens Impropriétés de conse fait, & je nescay combien de pechés originels, & de locutions estrangeres.* Ex hac Italorum superstitione Balzacus adeò se anxium in Gallico sermone factum scribit, ut pene omnia, quæ legeret, Gasconismis infecta crederet. *En François (inquit) tout m' estoit suspect. Sur chaque mot d' un Escrivain de Province je consultois l' oreille d' un habitant de Paris.*

Ex hac Πωτισμαρία & fastu Italorum, qui linguam latinam non virili judicio, sed nescio qua puerili imitatione æstimarent, in verbis solis hærentes, at in rebus jejuni, orti sunt illi, qui se Ciceronianos nominabant, & nulla nisi Ciceronis verba, cujus tamen eloquentiæ vim non capiebant, in oratione admittere volebant. Qui cum maximè Urbani haberi cupiebant, facti sunt plusquam oppidani & planè lutulenti. Nam & de Cicero-

nians

nianis vocibus & phrasibus non rectum formabant iudicium, ut qui corruptis uterentur exemplaribus & lacinias quasdam formularum à Cicerone contexebant, cum Ciceronem illo divinæ eloquentiæ vigore & spiritu exprimere deberent. Hinc menses in unam epistolam scribendam impendebant; nisi cavillantur Erasmus & Scioppius. Commovit illa res Erasmus, ut Ciceronianum suum scriberet, quo nomine præter meritum ille à Scaligero exagitatus. Infinitos eorum errores, ut jam supra diximus, Henricus Stephanus in *Pseudo-Cicerone* suo & Nizoliodidascalo, ostendit. Eosdem, ut multos nunc alios prætermittam, Taubmannus in tractatu de lingua latinâ dignè excepit: inter quos tamen aliqui, non satis idonei iudices, ita adversus Ciceronianos pugnant, ut Ciceronis ipsius causam prodant.

Non minus hic in vulgari suâ lingua insaniunt Itali, in quâ & ipsi Florentinas voces singulari curâ infarcire sermoni suo, atque in iis velut in mustaceo laureolam quærere consueverunt, ut jam supra cap. 7. docuimus. Idem de iis testatur Albericus Gentilis libro de actoribus fabular. cap. 17. eoque nomine eos quam maxime reprehendit. *Tantum abest ut probare Florentinos aliquos nunc possis, qui nolunt Italum loqui, nisi quod Boccacius & Petrarca, & unus præterea atque alter locuti sunt olim. Stulti! An quia lingua eorum est Attica, ceteris nobilior, non propterea aut Umbra, aut Picena, aut alia est Italica? Thuscus, Sabinus, Prænestinus sermo reprehensus, & Patavinus; ego omnia Italica pro Romanis habeo. Sic Quintilianus, qui sapit aliquantum supra nuperos Florentinos. Sermonis nostri oculos Virgilium & Ciceronem dicit Petrarca, & nos si cum his oculis cernimus, non ultra Florentinum horizonem cernamus? Etiam in epico carmine (epicum Tassii poema, cui invident, hos commovit in tam absurdam opinionem) non licet loqui nisi Thuscè, & quemadmodum seniores illi locuti sunt? Diversum Aristoteles de epico habet in poëticis. Et sic igitur Attica nostra lingua Thusca & singulis collata præstet. Sed & Jonica & Dorica & Æolica & aliæ Græcæ sunt, quibus uti scriptores optimi possint, & communis itaque ipsique Attica antistat, & Italica communis antistat Thusca.* Hæc de Italis Gentilis. Ac pene Germanos nostros similis aliquando hæresis occupavit, qui vel unius gentis idiotismos sibi exprimendos proposuerunt, vel obsoletas aliquas aut novas voces assumpserunt. De quibus alibi prolixius.

CAP. XV.

Utrum in Urbe, an extra urbem peregrinitati occasio data, quaesitum. In urbem confluxerunt omnia peregrina. Ergo & in urbe peregrinitas. Provinciales

ciales saepe sono magis quam Idiotismo à Romanis discrepabant. Provincialibus etiam cultissimi sermonis usus fuit. Familia Romana per totum orbem Romanum dispersa. Galli magno latinitatis studio ducebantur. Hispani Romanam linguam cum oblivione sua recipiebant. Latinus sermo in Hispaniâ etiam plebe publicus. Conciones latina ad populum Hispanum habita. Inscriptio Emporitana de receptione linguae latinae. Quinsilianus, Antonius Julianus praecleari ex Hispanis eloquentia magistri. Juliani lepidem pro Latinitate cum Graculis certamen. Columella, Latro Porcius, Hispani, in lingua cultissimi. Nostrorum temporum aliqua monumenta cum Romanâ latinitate certare possunt. Luxus, fastidium & ignavia Romanorum inducta peregrinitatis potiores causa.

Non est porro ita intra Romanos carceres ista coërcenda urbanitas, ut nec extra Urbem illa locum invenerit: vel illic solum quâdam, velut peste afflata fuerit: extra Romam omnia corrupta & barbara, intra illam omnia sincera, genuina & nitida olim extiterint. Minimè profecto:

Romanos intra muros peccatur & extra,
ac fortassis citius illa intra urbem corruptela orta fuit, quam in provinciis. Cum enim Romam velut ad scopum quendam omnes gentes tenderent, quo frequentior illic omnium populorum confluxus fuit, eò plus sordium intra Romam receptum fuisse credibile est. Quemadmodum cum in unum aliquem alveum multis canalibus impuri latices derivantur, alveum ipsum magis inquinatum esse necesse est, quam ceteri latices. Innuvit certè hoc Dionys. lib. 1. Antiq. cum ait: *Mirum videri possit, quomodo ea civitas penitus non barbara fuerit reddita.* Cui consonat illud Isidori lib. 1. Orig. cap. de "arbarism. *Una quaeque gens facta Romanorum, cum suis opibus, vitia quoque & verborum & morum Romam transmisit.* Ut itaque hic de illis quodam modo liceat dicere, quod de aliis vitiis Aut. Dial. de Oratoribus. *Hac mala primum in urbe nata, mox per Italiam fusa, jam in provincias manant.* In urbe primum civitate donata, quæ è provinciis in urbem pervenerant. Nam cum provinciales plerumque id operam dare soleant, ut ad urbanorum linguam & eloquentiam, quoad ejus fieri potest, sua componant, & præterea omnis ille urbis cultus & nitor, illi mores urbani amplâ splendide agendi dignitate compositi, aliaque sensim in orationem irrepunt: non illi soli onerandi hoc crimine sunt, cum in partem & fortassis maximam plebs urbana veniat, Patricii verò & homines principes facili suâ auctoritate hospites in ordinem redigant. Neque enim nunc ideo Lutetiae Parisiorum minus nitidus est sermo Gallicus, quod tot provincialium illic confluxus sit. Voces Oratorum publicæ, & librorum monumenta faci-

le illam integritatem conservant, atque ipsis illis oppidanis exemplo sunt. Neque adeo solet linguarum diversitate hic, quam vocis sono peccari, qui cuique genti quasi à natura insitus. Et hunc interdum, magis formidant delicatarum urbanorum aures, quam voces ipsas inconditas. Atque ita sono discrepasse provinciales, Ciceroni aliisque notatum est, & nos jam supra ostendimus. Quam inductus ratione Pignorius Patavinatatem, alicujus soni à Ramana discrepantiam, definire volebat, Quintiliani quodam loco invitatus, qui è Pediano cognoverat, Livium lit. E pro literà I usum. Cujus sententiæ vanitatem satis deduximus. Nam non Patavinis tantum sed & quibusvis aliis, etiam Romanis, illa literarum mutatio in usu fuit. Testaturque ipse Cicero 3. de Oratore, Sulpicium Cottam imitatum jota literam tollere, & E plenissimum dicere.

Quis porro non crediderit, illo tempore, quo regnabat maximè Romæ urbanitas, provincias omnes etiam sermone fuisse cultissimas. Propagarunt illum coloniz. Ludi apud illos plurimi & quidem magnâ cum curâ instituti. Gallia, Hispania, Græcia, Illyricum, totus Imperii Romani orbis, confitus fuit gentibus Romanis. Nulla, dicere aüssim, gens nominis Latini in toto Romano imperio fuit, quæ non ex urbanis oriunda sit per clientelas in provincias & exteras nationes propagata. Testabitur in Inscriptionum corpore Index nominum priorum, ubi multas gentes cum agnominibus suis in Galliâ, Hispaniâ, Græciâ invenimus. Et si etiam vasto numero earum, quæ perierunt, paucarum tantum superest memoria. Quis nescit, quam magnus saltem in Galliâ & Hispania Inscriptionum numerus sit, quarum aliquæ in lucem erutæ, longè plures temporum injuriâ periere? Ideoque non omnia statim peregrina, quæ è provinciis, habenda.

De Gallia nemini superesse dubium potest. Nam Cisalpine, quæ Togatæ nomine venit, & diu Latinâ linguâ usa est, præclaros Oratores dedit, Italiæ legibus ac institutis formata, ut Dionysius scribit. De Gallis Braccatis, qui Narbonenses dicuntur, Strabo testis est libro 4. non esse barbaros, sed plerosq; jam omnes Romanam formam linguamq; & vitæ rationem & civitatem adeptos. E Gallia comata primores Romanam civitatem assecuti, teste Tacito *Annal. lib. 11.* & ex illo tempore, moribus, artibus, affinitatibus Romanis mixti. Martialis quoque *lib. 7. Epigr. 87.* sibi gratulatur, quod in Vienna, Galliæ Narbonensis urbe, Romanorum coloniâ, sua ab omnibus Carmina legantur:

Fertur habere meos, si vera est fama, libellos

Inter delicias pulchra Vienna suas.

*Me legic omnis ibi senior juvenisq; puerq;
 Et sonam tetrico casta puella Viro.
 Hoc ego maluerim, quam si mea Carmina tantum,
 Qui Nilum ex ipso prociuus ore bibunt,
 Quam meus Hispano si me Tagus impleat auro,
 Pascas & Hybla meas, pascas Hymettus opes.
 Non vibil ergo sumus, nec blanda murmure lingua
 Decipimur. Credam jam pato, Laus, lib.*

Jam supra etiam ostendimus, fuisse vel ante Ciceronis tempora insignes in Latinitate viros Gallos, qui publicos Romæ ludos aperuerint, è quibus omnibus patet, usum lingvæ Latinæ Gallis æque fuisse vernaculum, ac fuit Romæ, ac plures, viros quidem principes, urbanitatis studiosos, quam peregrinitate vernaculâ oblitos.

Ad Hispanos Latinæ lingvæ usum mature satis propagatum, ex Historia patet, quam adeo illic pervulgatam fuisse Strabo testis est, *ut nec sermone quidem vernaculi memores fuerint, illi maximè, qui ad Bætim habitarent.* Non sine causâ Horatius de Hispanis & Gallis Carminum suorum lectoribus gloriatur, cum suo tempore illa non solum Romæ, sed in provinciis cupide legerentur, è quibus monumentis illi lingvæ urbanam etiam extra urbem perdiscere poterant. Ita verò ille *lib. 2. Od. 20.*

Me peripus

Disces Iber, Rhodanique posor:

ubi Hispanos singulari epitheto *peritos* vocat, ut qui præ cæteris provincialibus, Romanis artibus & lingvâ imbuti. Vulgarem Hispanis lingvæ Latinam fuisse vel ex eo patet, quod Cæsar, ut *lib. 2. de bello civili* refert, *habitâ concione Corduba omnibus gratias egerit, Civibus Romanis, quod oppidum in sua potestate studuissent habere: Hispanis, quod præsidia expulissent: Geditanis, quod conatus adversariorum infregissent seseq; in libertatem vindicassent.* Audita ergo & intellecta Hispanis Cæsaris oratio, qua latinius nil dici poterat, Testatur & Pollio epistolâ ad Ciceronem, quæ est in familiarium libro decimo trigesima prima, se Cordubæ conciones ad populum habuisse; *Idque Corduba pro concione dixisse, nemo vocabis in dubium: Provinciam me nulli, nisi qui à Senatu missus fuisset, traditurum.* Lingvæ Romanæ apud Hispanos receptæ testimonium illustre est in quodam Lapide Emporitano. Urbs enim à Massiliensibus in Hispania condita Emporia, cujus meminit Strabo *lib. 3.* quæ partim Græcis, partim Hispanis, partim Romanis constitit. Ita verò habet Inscriptio:

EMPO.

EMPORITANI POPULI GRÆCI
 HOC TEMPLUM SUB NOMINE
 DIANÆ EPHESIÆ EO SECULO
 CONDIDERE, QUO NEC RE-
 LICTA GRÆCORUM LINGUA
 NEC IDIOMATE PATRIÆ IBE-
 RÆ RECEPTO IN MORES IN
 LINGUAM IN JURA IN DITIO-
 NEM CESSERE ROMANAM
 M. CETEGO ET L. APRONIO
 COSS.

Novi equidem, non genuinam hanc Inscriptionem haberi: sed ad proban-
 dum illud, quod volumus, satis autoritatis habet. Licet enim non sit anti-
 quisima, scripta tamen ab iis fuit, qui antiquitatis notitiam habuere, &
 ad quos rei historia per manus tradita, præsertim cum consonent Historici.
 Nam Strabo testatur, Emporiis Dianam Ephesiam cultam, & Livius lib. 34.
 satis accuratè describit, *quomodo in corpus unum confusumnes, Hispani prius,*
postremo Græcis in civitatem Romanam adscitis. Non fuit porro ex ulla gente
 felicior & eloquentior post Ciceronem eloquentiæ Magister, quam ex gen-
 te Hispanâ Quintilianus, qui Romæ publico stipendio eam artem professus
 est: Meminit & Gellius Antonij Juliani, Hispani, qui Rhetor Romæ erat
 eumque lib. 1. cap. 4. ita describit, *quod fueris honesti atq; ameni ingenii, do-*
ctrina quoque ista utiliore ac delectabili, veterumq; elegantiarum cura & memoria
multa, scriptaq; omnia antiquiora tam curiose spectaris, aut virtutes pensitaris, ut
judicium factum esse ad amussim diceres. Hujus ille Hispani certamen erudi-
 tum cum Asiatico juvene aliisque Græculis, Latinis & Hispanis illudenti-
 bus lib. 19. cap. 9. recenset. Postquam ille multa Sapphica & Anacreontica
 cecinisset, & Græculi Julianum tanquam barbarum & agrestem, qui ortus
 terrâ Hispaniâ foret, lacefferent, tum, ait Gellius, illum, pro lingvâ patriâ
 (ita Latinam vocat) tanquam pto aris & focis animo irritato indignabun-
 dum ita respondisse: *Ne Nos, id est, nomen Latinum, tanquam profestos quos-*
dam & insubidos dyaſſedias condemnentis, permittite mihi, queso, operiri pallio
caput, quod in parum pudica oratione Socratem fecisse ajunt, & audite ac discite,
nostros quoque antiquiores ante eos, quos nominastis Poëtas, amafios ac venereos
fuisse. Tum resupinum capite velato, voce admodum quam svavi versus
 ait

ait cecinisse Valerii Aeditui veteris Poëtae, item Porcii Licinii, & Quinti Catulli, quibus mundius, venustius, limatius, prescius Græcum Latinumque nihil quicquam reperiatur. Videre ex illis exemplis licet, domesticam Hispanis & patriam fuisse linguam Latinam habitam, pro qua in acerrimam illam contentionem venire veritus non est Julianus, dignissimus etiam suo tempore elegantiarum Romanarum præco & defensor: nam urbanitati & nitori illum ituduisse ex autoribus illis, quorum carmina recitavit, notat. Annon & ex Hispanis Columella, etsi ætate posterior, purissimam & Romanam Latinitatem sectatur in Rusticis suis, ut præ ipso Varro durus & rusticus videatur? annon multa ille vocabula adducit latina, quibus populares sui res rusticas efferant? quod manifestum est indicium, etiam rusticos Hispanos non aliam, quam linguam Latinam locutos. Neque Latronis Portii Hispani Eloquentia hic silentio prætermittenda, quam Seneca in Proœmio controversiarum multis laudibus effert.

Denique, an non iis temporibus idem factum esse credi potest, quod nunc nostro sæculo contigisse videmus; Sunt Itali, Galli, Hispani, Germani, Scoti, Belgæ, qui adeo exquisitam in monumentis suis Latinitatem ostendunt, ut ipsa Roma antiqua nihil elegantius scribere potuerit, domesticæ peregrinitatis nemo quicquam, licet oculatissimus deprehendat. Ejus perquam multa possent exempla proferri, si eâ de re dubitare, quis possit. Quare non sine causa Barthius judicat, esse inter recentiores nostros, qui cum Romanis ipsis certare possint, Romam autem jam declinantem multis paransangis antecedant. Quod si id hodiè fit, cur non idem in Romanis fieri provinciis potuit, ut quos sollicitiores in eo fuisse verosimile est, ut ad fastigium Romanæ eloquentiæ gradu proximo accederent.

Non sola itaque Provincialium peregrinitas causa corruptæ eloquentiæ fuit, sed domestica quædam urbanorum intemperies, & ut in rebus cæteris omnibus, ita & in sermone, luxus & fastidium imò & ignavia. Ea enim ingenii humani indoles est, ut optimarum etiam rerum, si quotidiana sunt, nauseam quandam concipiat, & semper novum aliquid, inauditum, insolitum, admirabile, excelsum quærat. Quare statim post Ciceronis tempora, ejus dictio minus nitida quibusdam visa est, ortique fuerunt, qui sententiarum argutiis se totos dederent. Tunc Castii, inepti declamatoris, orationes Ciceronianis, indignante Seneca, prælatæ. Vide Proœm. in lib. 3. contr. Multæ sunt Senecæ in Proœm. I. Contr. ac alibi, Quintiliani in Institutionibus, & in Dialogo de Oratoribus querelæ, de quâ re etiam nos pag. 547. egimus.

CAP. XVI.

BREVIS eorum, quæ de Patavinitate Livii dicta sunt, Ἀνακεφαλαίωσις. De Pollionis moroso ingenio nonnulla interferuntur. An Patavinitas Liviana, in quibusdam idiotismis vel singularibus constiterit. Iniqui Livii censores, Erasmus, Joseph. Scaliger, Lipsius notantur. Erasmus maturiore ætate Livio æquior. Scaliger nimium ornatum in Livio reprehendit, atque in illo Patavinitatem consistere autumat. Grande dicendi genus si fuit in Livio, ornari volebat. Caesaris Commentarii sine ornatu non implent omnia Historia requisita. Ciceronis judicium. An Liviani styli sublimitas oratoriam sublimitatem æquet? ὁμιολογία ineptè in Livio taxata. Brevitas & Celeritas styli historici. Patavinitas Livii in redundantia verborum nonnullis reponitur. Quintiliani de μακρολογία Livii judicium refellitur. Lipsii in Livium scommata reciduntur. Summa Livii virtus, ubertas. Beniana calumnia à Pignorio refutata. De versibus in Livianâ historiâ observatis judicia. An in Compositione verborum quedam reprehendenda? Censores veterum autorum denuo notati. Modestia illis commendata. Livii gloria Pollione omnibusque Censoribus superior. Finis operis.

UT tandem manum de tabulâ tollamus, atque huic dissertationi nostræ, omni Patavinitatis suspicione discussâ, coronidem imponamus, primum quod à nobis dissertatum est, ad unam summam referemus, deinde si quid de Censuris in Livium audacioribus reliqui est, eâdem operâ discutiemus.

Non itaque vel in Pompeianarum partium studio, vel in Gallicæ nationis odio, vel in Patriarum laudum affectatione, non in Orthographiæ peregrinitate, sed in aliquo dictionis vitio, ista Pollioni Patavinitas consistere visâ fuit. Qui cum ita de præstantissimo Historico judicaret, non rei veritate, sed invidia familiarique illa maledicentiâ, quâ erga omnes suos æquales usus est, ductus fuit. Qui enim Ciceroni, Salustio, Cæsari, Virgilio non pepercerat, qui teste Seneca proœm. lib. 3. controvers. (illa enim superioribus nunc addimus) eâ ambitione laboravit, ut primus Romanorum advocatis hominibus sua scripta recitarit, qui naturæ adeo contumacis, ut cum fortuna etiam suâ rixaretur, quarto enim post filii obitum die declamaverat: qui Augusti ipsius amicitiam adeo vilipendebat, ut in gravissimo ejus luctu lætitiæ signa ederet: an is cum Livio humanius ageret? aut ejus gloriam æquo animo ferret? Quoniam verò occasionem huic calumniæ dederat illa, quæ inter Romanos & oppidanos nota

tata fuit sermonis discrepantia; in quo Urbanitas & peregrinitas latinæ linguæ confisteret, disquirendum erat. Erat vero urbani & oppidani sermonis magna antiquis temporibus differentia, quæ cum incremento Romani imperii paulatim defuit, exiguis remanentibus reliquiis. Urbane dictionis virtutes erant, quod perspicua, morata, simplex, suavis, arguta. Peregrinitas vel è provinciis, Hispaniâ, Galliâ, Africa, in quibus lingua Latina præ cæteris floruit, vel è municipiis Italiæ & Latii in Romanam linguam illata. Quibus accedunt, quæ hodie è vernaculo sermone à quolibet gente peregrinitates admitti solent. Fuerintne jam in Livii dictione, quæ peregrinitate aliqua Patavinâ Latinum sermonem infuscarint, id ut antiquis ipsis inquisitu difficile, ita nobis longè difficillimum, qui non gentilem & domesticum habemus, sed lectione solâ linguam nobis latinam formamus. Et si enim in Livio sint quidam Idiotismi, scilicet *Idia*, quædam, quæ apud alios non inveniantur, ita enim Patavinitatem Livianam doctissimus Cellarius in *Prolegomenis Cæsarum posteriorum* intelligi voluit: Quo iudice istos Idiotismos, quos non adeo multos esse arbitror, ut à purâ latinitate abhorrentes damnabimus? cum multa in ipso Cicerone singularia occurrant, non temerè rejicienda, quod apud alios non legantur: quarum aliqua Andreas Schottus in *Nodis Ciceron. lib. 3. cap. 17.* notavit: quemadmodum & illa, quæ in Hygini Fabulis Munckerus aliique deprehenderunt, etsi primâ specie insolita videantur, non tamen statim exturbanda, cum non pauca ex iis vindicarit Cl. Schefferus; neque ea sit MStorum Codicum integritas, ut in illis semper acquiescere possimus. Quod si ergo Livio aliquid Patavini adhæsit, mirum id videri poterat, quâ in solo Livio gentilem hanc labem notarit Pollio; cum cæteri tam aures, quam argenteæ ætatis scriptores pene omnes non Româ sed è provinciis oriundi, nihil hujus vitii contraxerint. Accedit adeo incertum Urbanitatis, si voces & phrasæ spectes, iudicium: in quâ cum veteres ipsi fluctuant, multò magis recentiores illi Censores fluctuabunt. Quæ urbanitas non ita intra urbem unam compingenda est, ut nulla ex ipsâ peregrinitas oriri potuerit: non ita provinciis in universum abjudicanda, quin in illis fuerint, qui ipsos urbanos urbanitate vincerent; Cum vel inter recentiores sint, qui sola Autorum Lectione eos in latinâ linguâ profectus fecerint, ut vel cum antiquis certare possint.

Faceſſat itaque hinc maledicus Pollio, & qui ipſo magis è recentioribus Criticis temerarii iudices ſunt, & cenſuram ſuam ſine populi ſuffragio exercent. Equidem Viris ſummis talia nonnunquam excidiſſe doleo; ut Eraſmo, Scaligero, Lipſio. Ac Eraſmus quidem, qui primum in Ciceroniano ſuo in Pollionis partes conceſſerat, maturiore ætate, ut de Cicerone,
ita

ita de Livio, rectius procul dubio sensit. Ita enim in Epistolâ ad Georgium Haloinum, quæ est libr. XII, 26. *Quod hætenus nemo tuo satisfacit animo, nec inter hos, qui scripserunt de ratione paranda lingue latine, nec ex his, qui nunc complures libris proditis testantur, quantum affecuti sint in Lingua Latinâ, fortasse nec ipse Cicero satisfaciet animo tuo, ut non defuerunt, quibus Maro visus est solacius, & barbarus Livius.* Josephus Scaliger suis in Manilium prolegomenis, quam à divini Parentis sui judicio discrepat, ! Nam cum ille seminus Romanè cum Livio, quam cum Pollione, ut is in fragmentis loquitur, loqui malle diceret; hic Pollionis sententiæ suæ adjicere calculum non veretur: *Quemadmodum, inquit, aliud est ornate loqui, aliud purè: ita aliud est βαρβαρίζειν, aliud inconditè loqui; quod quidem multis imposuit, qui βαρβαρίζουον vocant inconditum sermonem. Illa, anus, que in Theophrasti sermone peregrinitatem notavit, magis Atticè, & minus ornate, quam Theophrastus loqui potuit. Idem dicas de Livio: cujus dictio ornatior, quam Latinior illi Critico videbatur; qui Patavinitatem in eis animadvertibat.*

Sed quem ornatum hic Scaliger reprehendit, qui Romanum illum nitorem obfuscarer? An quod grande dicendi genus secutus est? hanc enim Patavinitatem interpretabatur Philelphus, quod sc. Livius plerumque, neglexerit sequi vulgare genus orationis, & se communis sensus consuetudini minus accommodaverit. Quid Philelphus hic suâ censura velit, ipse, credo, non satis explicaret. Sed si grande in Livio dicendi genus est: an hinc ullum Latinæ linguæ vitium? Requirebat certè aliquid augusti argumenti majestas, neque satis ornabat historiam Romanam pura illa simplexque Cæsaris dictio, quæ ut Cicero ait, omni ornatu, quasi veste, detracta. Quæ etiam Fr. Florid. Sabin. lib. 1. Lect. subciv. cap. 2. sententia est: *Cum illos Commentariorum libros mundissimos credamus, virtutes tamen, quæ ab historico requiruntur, non exactè docent. Quid enim, si ducem apud milites concionantem exprimere cupias, an Cæsaris iter infistas? non opinor: cum nulla apud eum absoluta legatur oratio, quod est historico, ut si quid aliud, necessarium. Quid si rei difficultatem, horrorem, perturbationem & alia, quæ se scribenti offerunt, verborum structura, seu contextu ob legentis oculos ponere & facta, (ut ait Salustius,) dictis exaquare labores? an in Cæsaris commentarios intueberis? an non potius in duo historiæ Romanæ lumina Livium & Salustium? Quare, Cicero ipse, etsi præ manibus haberet Cæsaris commentarios, tamen hoc scriptionis genus apud Romanos non satis ornatum querebatur. Nam in l. de Legib. hæc ad Ciceronem ex Attici personâ dicta habentur: *Postulatur à te jam diu vel flagitur potius historia. Sic enim putant, te illam tractante effici posse, ut in hoc etiam genere Græci nihil cedamus. Atque ut audias, quid ego ipse**

sentiam, non solum mihi videris eorum studiis, qui literis delectantur, sed etiam patria debere hoc munus, ut ea, quæ satis per se est, per eundem se sit ornata. Potes autem tu profectò satisfacere in eâ, quippe cum sit opus, ut tibi quidem videri solet, unum hoc Oratorium maximè. Quod si ergo è Ciceronis sententia Oratorium maximè est, Historiam scribere, & ad orationem ornatus omnino requiratur; non potest à justo Historiæ corpore abesse ornatus. Ipsæ Ciceronis orationes annon sunt ornatisimæ? nihil tamen ille ornatus Latinæ linguæ derogat. Quare ineptè hæc tanquam contraria sibi opponit Scaliger.

Non probaverim tamen illud Andreæ Schotti, *lib. 1. Tullian. quest. cap. 18.* qui Livium hoc grandi genere uti existimat, quo Cicero in orationibus utitur. Nam etsi Livius præ cæteris plenius rerum & factorum circumstantias recenset, variasque digressiones & descriptiones loci & temporis immiscet: ita tamen se gerit, ut historicum se esse meminerit, qui res gestas dilucidè, & quantâ fieri potest cum delectatione, enarrat; non vero omni amplificandi genere, factâ ubique morâ, exardet. Itaque, in Concionibus rerum argumentis est densior, quam rerum ornamentis copiosior; ut rectè de eo judicavit Bucoldianus *lib. 2. de Invent. & amplificat. orat. cap. 38.* In omnibus ita se gerit Livius, ut de historico stylo præcepit Trapezunt. *l. 5. Rhet. pag. 175.* *Nullam, quæ ad rem pertinent, circumstantiam historicus relinquet, & cum nihil minutarum rerum etiam prætermittat, modum quoque ad unamquamq; rem adjiciet. Neq; tamen in singulis, ut oratores faciunt, immorabitur, sed singulorum expositione, non amplificatione consequetur, ut & res geri videatur, & affectus moveatur, ex quo fit, ut in hac quoque minuta descriptione rerum ab historico genere, formæque narrationis non discedat, quam quidem descriptionem tum sc. latissimè occupabit, cum res magna acciderit.* Ita porro hoc grande dicendi genus in Livio circumscribit Trapezuntius, ut nunquam humilitate rerum demitti, nunquam magnitudine ulterius quam oporteat efferri, nunquam denique multitudine confundi judicet.

Inepti itaque sunt & nihil in eloquentiâ sapiunt, qui nescio quam in Livio *εὐρολογία* damnant, quod etiam in Cicerone vitium à stultis hominibus reprehensum fuit, qui illam copiosè loquentem sapientiam non capiebant. Quod si quis Salustii historiam cum Livianâ conferre velit, ut erudite contulit Joannes Jovian. Pontanus in *Actio Dialogo*, satis quantum præ Salustiana brevitate decoris habeat Liviana copia, deprehendet. Argumento sanè differunt. Salustius flumen aliquod decurrit, Livius totum Oceanum pernavigat: Ut credam ego, Quintiliani judicium non vacare aliquo mendo, cum *lib. 2. cap. 5.* Salustium majoris historiæ autorem

tozem vocat, quam Livium: ubi tamen Barthii emendatio *Advers. lib. 48. cap. 19.* mihi non satisfacit.

In illâ tamen ubertate quod mireris, non desunt illæ Historici styli virtutes, Brevitas & Celeritas, sed suo dicendi generi accommodatæ. Nam etsi Salustius brevitate superat Livium, tamen Livius in copiosâ oratione, intra illos se fines continet, ne ultrâ ubertatem historici styli excurrat. Celeritas verò, *γοργότης*, brevitati quodammodo cognata, (nam in ipsâ brevitate copiam quasi continet, & in copia brevitem præ se ferre videtur, estque brevis & accurata complexio, collectio sive conglutinatio complurium simul rerum ac verborum & quasi partium) adeo in Livio est mirabilis, ut ipsam rem subicere oculis videatur, ut cum de Annibale: *Inhumana crudelitas, perfidia plusquam Punica, nihil veri, nihil sancti; nullus deum metus, nullum iurjurandum, nulla religio.* De hac Celeritate pulchrè Pontanus: *Ultimus ad agendum, pedes ad inambulandum innitendumque, multis pollent juncturis, sic & ipsa celeritas suis articulis indefessa indefatigataque est.* Quæ sermonis virtus cum mirificè narrationi inserviat, cui à naturâ destinata videtur, cum & varietatem non solum, sed & venustatem orationi conciliet, delirant profecto, qui inutilem hanc verborum coacervationem existimant, easque ob causas *περισσολογίας* & sermonis redundantiam in Livio reprehendunt.

Sunt, qui in eo Patavinitatem illam consistere autumant. Nam Franciscus Motthæus Vayerus in libro Gallico de antiquis & præcipuis historicis hoc recenset: *Quelques un pense qu' elle consistoit simplement en une repetition, ou plutoſt multiplicité de plusieurs diſſions ſynonymes dans une meſme periode, contre ce, qui ſe pratiquoit à Rome, ou l' on n' aimoit pas cette redondance, qui faisoit remarquer les eſtrangeres.* Nemo non videt, stulta esse hæc & temeraria judicia, pari numero cum illa Caligulæ censura habenda, qui verbum Livium vocabat, uti Virgilium tanquam nullius ingenii minimæque doctrinæ hominem arguit & de Homeri Carminibus abolendis cogitavit. Synonymorum sanè coacervatio Romanis, Ciceroni imprimis, non inusitata. Reprehendit & Quintilianus *lib. 3. cap. 3.* in ipso *μακρολογίας* cum ait *lib. 8.* *Legati non impetrata pace retro domum, unde venerant, abierunt;* cui non malè respondet Böclerus in de Eloq. Viri civilis: *longè differre interdum sensum ſcribentis à legente; atque ſicut magiſtris dicendi ſolenne eſt, omnia ad regulas artis uſque ad minutias revocare: ita Scriptores de industria à præceptis, cum ratione, ad fiduciam & ſecuritatem quandam ſua ſtudia referre, denique ad venuſtatem orationis totius vix pertinere, ſi capillus non prorsus ad leges Geometricas ſit reſpoſitus.*

Quis ergo Lipsium, Virum quidem doctum, sed minimè idoneum
 Eeee 3 harum

harum rerum judicem ferat? qui *notis ad polit. lib. 1. cap. 9.* Livium supinum & frigidum, imò & *πυρόλογον*, sententiis quidem bonum, sed non frequentem agnoscit. Ex Lipsii ingenio si veteres æstimari autores deberent, miram haberemus & nullius boni succi ac coloris eloquentiam. Quæ ille in Livio, ut vitia reprehendit, virtutes sunt. An ille in Livii vitiis tam acutum cernat, ut aquila aut serpens Epidaurius,

Cum sua pervideat oculis mala lippus inunctis.

Nisi enim omnia argutiis & minutis ac abruptis sententiis fracta fuerint, illi frigida erunt & *πυρόλογα*: Cum nemol magis in illa brevitate frigidus & *πυρόλογος* sit, quam Lipsius, & qui illum sequuntur. Non est ineptus sententiarum ostentator Livius, sed quæ in illo latent civilis prudentiæ oracula, abunde ostendit Machiavellus. In Lipsium, frequentiores in Livio sententias requirentem, optimè convenit, quod Cicero in Oratore suo de Thucydideis illis judicat, qui multas habent obscuras abditasque sententias, vix ut intelligantur. Quid illi in Livio laudabile videatur, qui etiam in Cæsare, scriptore purissimo, *Elect. 2. cap. 7.* multa otiosa, disjuncta, intricata, interpolata reperit, & in dictione ipsa spirare naribus suis auram illam puræ antiquitatis negat. Cujus culpam etsi in imperitos librariorum confert, mirum tamen hic videri possit, adeò obese naris præmunetæ naris Critico Lipsio fuisse cæteros, ut hanc ipsi auram non subol-facerent. Non malè adversus has similesque Lipsii calumnias Livium defendit Facius in Politicorum Livianorum prologo. Tantum ergò abest, ut *πυρόλογίας* vitio notari oratio Liviana debeat, ut potius lacteam in illo ubertatem deprædicet Quintilianus, mare tranquillum vocet Cæsar Scaliger. Uberrate Quintilianus orationis amplitudinem commendat, cum lacteam vocat, candorem ac facilitatem ostendit. Mari Scaliger comparat, cum inexhaustam ejus ubertatem respicit: tranquillum appellat, ut demat vitia, quæ copiam haud rarò comitari solent.

Plura restant apud Benium in Livium scommata impune adeò à mordacissimo hoc homine sine pudore & ratione protrusa, ut vix sanæ mentis esse & furis quibusdam agitatum credas. Quorum stultitiam dignis modis excepit Laurentius Pignorius in *Symb. Epist. epist. 44.* In quibus etiam futile hoc & nugatorium, quod in compositione verborum integris nunquam versibus utatur, quasi non infinita talia in omni scriptorum genere notari possint, quæ aliud agentibus exciderunt, neque tamen rectè versus vocantur, etsi pedibus certis constant. Nisi enim adsit numerus & concinnus vocum positus, vel aures accuratissimas effugiet. Eorum farrago colligitur apud *Barth. Adversarior. lib. 8. cap. 21. lib. 32. c. 4. lib. 31. cap. 17. lib. 41. cap. 22. lib. 16. cap. 14. lib. 11. cap. 16.* ac ipse non pauca exempla notavi.

Ac

Ac profecto verum est, quod Jol. Lud. Vives lib. 4. de causis corrupt. disc. ait: *Addibeat quantamcunque operam & diligentiam quis volet, attentissimè se observet ipse custos sui, non poterit tamen versum effugere. Si quis maximorum autorum orationes excutiat, ex versibus, aut magna eorum parte, videbit omnia constata, etiam notis, etiam sonoris magis, quam sunt trimetri jambici familiares fabulis.* Est verò multus illic in hoc argumento Vives, & plurimis tum rationibus, tum exemplis suam sententiam firmat. Frustra per hæc exempla Livius Poëtismi arguitur. Quousque Poëtæ cum Historico sit convenientia, jam supra diximus, & versus nonnunquam intermisti sævavitatem sermoni conciliant, ut Hermog. *de Ideis lib. 2. cap. 4.* probat. Verum, ut ab historica abesse diétione debent, ita hi ne versuum quidem loco habendi sunt.

Exsibilandus itaque cum his suis argutatiunculis omnino est Benius, qui in primis illis Livii verbis, quæ versum Hexametrum nonnullis exprimere videntur: *Facturusne opera pretium sim, si à primordio, etiam phrasin illam facere opera pretium,* ut minus latinam reprehendit. In structura sermonis & in compositione verborum nescio quid eidem displicet: etsi enim è verborum non satis aptâ collocatione præcipuè peregrinitas inferri in sermonem possit, ut demonstrare voluit, qui de prærogativa Gallicæ lingvæ præ Latina dissertationem Gallicam ante aliquot annos scripsit: non video tamen, quibus in ordinem redigere rationibus Livium velit Benius, qui totâ suâ dissertatione id operam dat, ut cum ratione insaniat. De Livio quidem Böclerus in Eloq. Viri civilis: *Fortassis delicati oris limatiq; judicii politicus, etiamsi totum probet ametq; Livium, non omnes periodorum strukturas mensurasq; interdum suo proposito existimabit conducere.* Verum hæc, ut opinor, Böclerus non ideo diéta vult, ut Livium ob malam verborum collocationem reprehendat, sed ut quædam in ipso non imitanda ostendat.

Valeant iniquissimi illi veterum Autorum censores, quales cum iis hominum monstris comparat Gellius lib. 17. cap. 1. qui de diis immortalibus impias opiniones prodiderunt; ac sibi illud Balzaci diétum putent: *speciem esse sacrilegii, non astimare antiquos.* Cum enim summopere illis gratulari deberemus, quod è tam multis tempestatibus ad nos evaserint, in illos summè injurii & ingrati sumus, cum petulantissimis nostris censuris illos insectamur. Disimulemus potius, occultemus, quoad fieri potest, errores magnorum hominum, ut Balzacus sermon. 11. Gallico de spuria Criticâ ait: vel saltem malo exemplo in publicum non proferamus. Tueamur nonnunquam illorum sententias, adversus oculorum nostrorum fidem, adversus Dialectices & Grammatices nostræ dubia, ita ut vel nullos in illis erro-

errores, vel pulchros esse ostendamus, & potius velut virtutes imperfectas veneremur, quam ut vitia damnemus. Vibrabimus in imperitos & acerbos illos censores, ut telum aliquod, Critici non solum clarissimi, sed & Viri eloquentissimi, Mureti *lib. 17. cap. 11. Var. Lect. censuram*: Quod mihi interdum risum, interdum stomachum movet, obscuro homunciones reperiuntur, qui nobilissimos quosque scriptores, quosque tanquam in cælo, ut ita dicam, merita collocarunt, in ordinem cogere, & de iis adversus tot seculorum sententiam judicare audeant. Alius Homerum damnat: alius in Virgilio multa reprehendit: alius præcepta Horatii de arte Poëtica irridet: alius Ovidium ait nescisse latine loqui: quasi nos hodie, quid sit latine loqui, sciamus: alius alia, quorum me pudet pigetque. Miseri, quanto melius facerent, si ad res intelligendas, & ad virtutes eorum penitus cognoscendas, & quantum cujusque vires ferunt, imitando studium conferrent, quam nunc, cum canum lunam allatrantium more, ad quos aspicere non possunt, eorum famam lacere contendunt. Neque negavimus, esse & in veteribus, quæ culpari possunt, homines enim fuerunt: sed, ut in formosis corporibus nevos notamus, non propterea totam formam despiciamus: sic & in illis, si quæ non placent, modeste notanda, non ipsos tribu movendos censeo. Modesta judicia fero: impudentiam & arrogantiam non fero. Inculco denuo & repetens iterumque iterumque monebo, quod supra *cap. 2. è Quint. l. 10. c. 1. adduximus*: Modeste & circumspècto iudicio de magnis autoribus pronunciandum est: ne, quod plerumque accidit, damnent, quod non intelligunt. Ac si necesse est in alteram errare partem, omnia eorum legentibus placere, quam duplicere, maluerim.

Hæc in omnes Veterum autorum immodestos Censores dicta, merito insidere omnium animis debent. Quibus enim non objurgationibus, quæ non procellâ verborum impia hæc capita obrui merentur? Nos Livii causam hæc dissertatione pro virili adversus Pollionem defendendam suscepimus. Qui etsi vivum Livium è Roma in Patavium relegare voluit; hic tamen etiam post fata pereunni Romanæ Civitatis jure donatus immortales in orbe literato triumphos agit, cum Pollio, ex illa sua Roma in perpetuum pullus exilium, inanem nominis sui & illaudatam tantum memoriam nobis reliquerit. Et hic quidem suos jamdudum passus est manes. Illustribus seculi nostri viris, si quid in Livium acerbius dixerint, condonandum arbitror. Reliquos illos Deos patellarios ac Criticastro, hesternos Livii nostri censores, cum Demetriis & Tigelliis Horatianis

Discipulorum inter jubeo ponere cathedras.

FINIS.


APPEN-

APPENDIX

Dissertationum aliquot, quæ ab
amicis, ut ederentur, ad nos
pervenerunt.

AD LECTOREM.

QUas postremo hoc loco tecum communicamus, benevole Lector, Dissertatiunculas, & stylus, & rerum tractatio, & testimonia denique bonorum ac doctorum virorum, in quorum manibus haerant, Morhofio sine dubio asserunt. De Fragmento vero Dissert. de Merit. Germanor. ne dubitet quidem aliquis temerè, superstitibus tot ejus auditoribus: à quibus nisi, ut querebatur sapius, fuisset, nescio quam ob rem, desertus, integram haberemus hanc Dissertationem. Plura de hac re dicere, nunc nihil attinet. Bibliopola hac jam edenti, ne foliola ea perirent, subjici ista sic placuit. Laudabis, L. ejus minimum voluntatem, & hoc, quicquid est, cum reliquis boni consules. Vale.



DISSERTATIO

DE

QUINTA ESSENTIA
CATHOLICO MORBORUM
REMEDIO.

CAP. I.

Quod Morbi in Spiritibus consistant.

Quanquam disputatum toties probatumque à sagacioribus natura consultis sit, ad morbos rectè curandos egere nos spiritualibus quibusdam remediis, per artem chemicam, vel ex mineralium, vel vegetabilium ordine ad summam usque; & ætheream quasi puritatem præparatis: Nihilominus surdo hætenus orbi narratur fabula, antiquum obtinente Schola Galenica, ejusque sectatoribus, frustra reclamantibus iis, qui meliora docti sublimioribus præfidiis ad morbos profligandos utuntur. Adeo enim nullus vulgo remediorum delectus est, nulla puri ab impuro separatio, propinantur sexcenta inter, se commista, cruda, impura, non fermentata, debili stomacho, cum tot cruditatibus infelicitè luctanti, inde citius sæpè ad mortem, quam sanitatem, via est. Meminisse verò boni illi viri debebant, morbos nostros, ut in spiritibus consistunt, ita spiritualibus egere remediis, quas **QUINTAS Philosophi ESSENTIAS** dixerunt: Cum illud demum, quod purum est & æthereum, in specie aliqua aptum natum sit operari in spiritus, eorumque affectiones; Impediat verò operationes illas crassa materix saburra, efficiatque, ut natura debilis, in extrahendo puro illo sibi que applicando, occupata succumbat, quo sublevare labore eam artifex potuisset & debuisset. Huic communi pervulgatoque morbo, ut & nos ali-

quam paremus medicinam, constituimus de Quinta Essentia quzdam commentari. Quod antequam facimus, demonstrandum nobis est, *in spiritibus nostris omne morborum genus consistere*, & ab eorum prava dispositione, debilitate, agitatione inordinata, corporis infirmitates, & ipsum naturæ senium, dependere.

Ac primum quidem ventriculus, illa concoctionis officina, vasque, ut ita loquar, corporis nostri distillatorium, naturali suo fermento cibos ingestos digerit, purum ab impuro & fecibus separat, & Chylum primo conficit, unde sanguis paratur; In ipso sanguine maxime volatiles & spirituales partes alimento nostro, ipsique vitæ calidique innati augmento impenduntur, unde omnes operationes nostræ naturales dependent. Hinc educuntur Spiritus, qui præcipua instrumenta corporis, & facultatum sedes, & vinculum ad obeundas actiones, & in cordis sinubus, & arteriis, & ventriculis cerebri continentur, totumque adeo corpus pervadunt, movent, impellunt, vivificant. Spiritus sunt qui nutriunt, qui homogenea attrahunt, heterogenea expellunt, qui purgant, corroborant; quoque potentiores sunt, eò felicius expeditiusque ministeria sua absoluunt. Quare quamdiu illi bene se habent, omnes corporis partes officium faciunt, justaque totius corporis temperies & sanitas est: simul ac vero digestio debilis aut nimia est, cibi etiam in sœvi, crassi, pingves, falsi, insulsi, dulces, acidi, frigidi, calidi, flatulenti, nimii etiam & inordinati; humores generantur, putredines colliguntur, unde factor afflat spiritus, & fuligine sua luciditatem eorum tingit, quibus proin multum accedit impuri, quod secernere alias natura ordinariæ digestionis relicta consueverat. Hinc convulsiones nervorum, dolores partium, tumores, stupores, torpores, somnolentiæ, febres, omneque morborum genus: quæ eo sunt atrociores & pertinaciores, quo illa intemperies spirituum per tempus aliquod continuata, novisque peccantis materiæ incrementis aucta in pejorem semper statum deducitur. Hinc ipsæ animæ facultates impediuntur, quæ adeo connexæ sunt spirituum operationibus, ut absque eorum ministerio bonaque constitutione salvæ esse non possint, unde Melancholia, furor, aliaque gravissima animi pathemata sæpe oriuntur. A caloris & spirituum debilitate senectus quoque, quæ ipsa morbus est, corpori accidit, pili canescunt, cutis corrugatur. Cum enim longo temporis cursu illa ætas ad frigiditatem & siccitatem inclinet, nutrimentum corrumpitur, sanguis exiguus & phlegmaticus generatur, aggregantur humores multi, unde debilitantur spiritus. Et hæc quidem ab internis causis. Videmus & Spiritus ab externis causis affici gravissimosque contrahere morbos, quales sunt, qui ab afflatu venenati odoris

in aëre corrupto, vel alia re infectâ contenti subito atque extempore, nobis obveniunt. Nihil enim magis, quam fætor & putridæ exhalationes, adversatur spiritibus, aut vitalem illam flammam inficit. Utenim bonus odor cibus est animæ, & nutrimentum quoddam & pabulum spirituum, cum quibus magnetismus quendam servat: ita fætor omnis summè ab iis alienus, hostisque eorum juratus; de quo eleganter differentem vide *Campanellam de sensu rerum lib. 6. cap. 6.* Hinc vel solo malignorum effluviolorum odore vidimus aliquos lipothymiâ correptos, dolores capitis obortos, nauseam, vomitus, tussis, singultus, vertiginem, epilepsiam, apoplexiam, dysenteriam; quæ omnia sexcentis confirmari exemplis possent, si instituti nostri ratio pateretur. Sunt odores suffocantes, sunt convulsivi, sunt qui infatuant, ut in uteri affectibus sæpe occurrit. Referre hic quoque possis animi pathemata: iram, invidiam, tristitiam, metum, amorem, desiderium, curas; quæ proverbio etiam cor edere, id est, spiritus vitales absumere dicuntur; meditationes profundas, intensas, continuas, item quæ sensibus externis adversantur, quæ aspectu horribilia. Sic ovem aliquando ob continuum ex lupi adspectu metum, largè quamvis administrato pabulo, adeo emaciatam fuisse legimus, ut vix ossibus hæreret. Spectant & huc labores & motus corporis continui & insueti. Quæ omnia cum spiritus sibi non sufficientes exhauriant, vel inordinate moveant, necesse est, sequi inde morbos & accelerari senectutem.

Nonnunquam è nimia spirituum copia, & eorum vehementi agitatione, ipse furor provenit. Videmus etiam, à morsu canis rabidi, spirituum in cane inordinatos motus spiritibus corporis humani communicari, ut, nistatur frigidâ suffusâ furibundus ille motus, rabies ipsa sequatur. Deinde quanta vis spirituum in morbis contrahendis sit, abundè patet, si persvasionis vires consideremus, de quibus omnibus fusius nunc non differemus, cum voluminis potius, quam dissertationis res esset, si per singula morborum genera vagaremur, eaque institute nostro accommodaremus.

CAP. II.

Quod Spiritalia remedia, quas Quintas Essentias dicimus, morbis adhibenda.

QUandoquidem ergo, ut in superiori capite diximus, morbi corporum consistunt in sola spirituum dispositione, videndum est.

est, ut talia illis remedia opponantur, quæ spiritalem habent potentiam & influxum, ut ita dicam, æthereum. De seminibus præclare & ad rem appositè *Aristoteles de generatione animalium lib. 2. cap. 3.* Inest in semine omnium, quod facit, ut fecunda sint semina, videlicet, quod calor vocatur, idque non ignis, non talis facultas aliqua est, sed spiritus, qui in semine spumosoque corpore continetur, & natura, quæ in eo spiritu est, proportionem respondens elemento stellarum. Atque hæc illa natura est, quæ operatur, quæ in nobis *Calidum innatum*, dicitur, in herbis aliisque rebus purissima quædam essentia, per divinam chemiæ artem elicienda, ut remotis sordibus & fecibus terrestribus sulphureque impuro, & purior sit, & in operatione potentior. Cum enim nihil creet perfectum natura, ne quidem illa, quæ in nutrimentum cedere debent homini, nisi artis adjumento ad perfectionem deducantur, qualia sunt panis, vinum, mel, & alia plura: similiter facit & in medicamentis, quæ nobis cruda, indigesta atque impura producit, à nobis ita elaboranda & subtilianda, ut, remotis corticibus & inutili saburra, purior illa & lucida pars, τὸ θεῖον, quod in unaquaque re investigari debet, pro morborum curatione eliciatur. Facile enim quis intelligit, remedia, quæ magis ad naturam spirituum, in quibus morbus est, accedunt, fortiora esse in operando, & eo magis morbo resistere. Nam cum ex impuris ciborum elementis morbi ortum trahant, parum naturæ laboranti subsidii accedit, si impura relinquuntur medicamenta, morbum potius auctura, quam spiritus in morbos armatura. Alchimia scilicet quasi ventriculi vice fungitur, quæ corpora specierum solvit, impura separat, pura extrahit, atque adeo ad designatam à natura perfectionem facillimè deducit. Quod si in cibis, qui agro præparantur, illos præferimus, qui liquidi sunt & spirituosi, ne molesta crassiorum alimentorum concoctio sit, cur idem in medicamentis non facimus, ut spirituosas tantum partes, reliquis abjectis, propinemus? Ac videmus sane in vulgatis etiam remediis, quæ extrinsecus corpori applicantur, sanationem odoribus, id est, spiritualibus effluviis fieri. Videmus uteri affectus, dolores colicos, solis unguentis aliquando superari, cum tamen non unguentum, sed tantum ejus odor perspiret atque intus agat. Ita quamvis Epilepticus nihil sentiat, si vel ignis adhibeatur, ubi solis tamen odoribus cerebrum inunctum, morbus vel mitigatur, vel exasperatur. Quin & ipsa medicamenta cruda in os adsumpta non nisi per odorem tenuissimosque spiritus operantur. Quos si præparatos & perfectos quis propinet agro, gaudebit natura, se multo compendio reperisse illum liquorem, unde spiritus sibi vitales roboret, & contra impuritates

tates circumfusas muniat. Habere ergò penè in instanti effectum medicina potest, cum alias non nisi longa mora, & sæpè frustra, ob ventriculi debilitatem cruditates admixtas non superantis, felix aliquis eventus sperari possit. Est præterea inter spiritus nostros & Quintam Essentiam, tantus magnetismus tantaque similitudo, ut major esse non possit. Spiritus enim nostri sua quidem natura ætherei, puri, quanquam è putredine humorum ortifatores nebulam illis offundunt, unde morbi in corpore oriuntur, rebus incorruptibilibus, tanquam sui similibus, qualis Quinta Essentia est, servari debent, unde confirmati atque aucti majus contra morbos robur acquirant. Etenim, quoniam *mors & morbus nihil aliud est, quam corruptio vel transitus ad corruptionem*, ea præcaveri non potest, nisi per rem incorruptibilem, quæ & vitam servat & producit, & ratione similitudinis, quam habet cum spiritibus ac calore nostro, omnibus morbis contraria est. Præterea cum hæc medicina, quam describimus, sit separata ab omni materia elementalī, & quasi anima è corpore suo sejuncta, facile sine impedimento vires suas exeret. Quare propter summam istam subtilitatem *Cælum Philosophorum* à Philosophis dicta est. Quemadmodum enim cælum & corpora cœlestia, quibus analogum vocabat spiritum *Aristoteles*, qui in seminibus rerum habitat, ut universalis causa influit in res omnes, ita hæc, ut *medicina universalis*, omnes alias incurabiles morbos sanat, & spiritibus nostris, quæ ejusdem naturæ æthereæ sunt, aggregatur. Quemadmodum etiam cælum se habet ad quatuor elementa; ita & hoc *Cælum Philosophorum* ad quatuor corporis humani, quod ex elementis compositum est, qualitates, unde & *Essentia Quinta* dicitur: Cujus appellationis rationes affert *Carolus à Petra Alba*, lib. de *Quinta essentia*.

CAP. III.

*Quid sit illa Essentia, & quomodo
præparetur.*

AD Caput rei accedimus, quid sit QUINTA ESSENTIA, & quomodo præparetur dicturi. Malumus autem *Venerabilis Lullii*, summi in arte divina artificis, verbis, quam nostris, ista describere. Ita vero ille, libro de *Conservatione vite & Quinta Essentia*: Quintam Essentiam scito esse quintum rei cujuslibet, habentis formam & speciem,

&

& animam subtilissimam extractam à corpore suo, tanquam à materia crassiori, & superfluitate quatuor elementorum, subtilissimam & supremam distillationem, quæ mundo non innotuit. Quibus ultimis verbis præparandi modum inquit: nam in subtilissima & lentissima distillatione magna medicinæ pars posita est. *Carolus à Petra Alba lib. de Quinta Essentia* ita describit: Est cujusque alimenti & medicamenti cœlestis vis, arte chemica ab elementis, quantum fieri potest, depurata, ad virium conservacionem, humanæ vitæ propagationem morborumque perniciosorum profligationem faciens. Atque ille alimentum jungit medicamento, ut demonstret similitudinem inter spiritus nostros & Quintam Essentiam. Rursus ille: Superioribus propositionibus probavimus, in omni mixto separationem fieri posse, & cum partes mixti tres sint, diximus facultatem specificam contineri in parte media, seu oleaginosa: quod si datur hæc separatio (ut verè datur) ut partes subtiliores separentur à crassioribus, ea pars, quæ prius extracta fuerit tenuis, poterit etiam magis attenuari per sublimationem, adeò fere, ut ad extremam tenuitatem & puritatem deveniat, & ulterius progredi non possit, nec magis ab arte attenuari & purior reddi, & hæc erit Quinta Essentia.

Extrahi Quinta Essentia ex omnibus vegetabilibus, imò & mineralibus potest, mediante alia Quinta Essentia, quæ *Mercurii vegetabilis* nomine quoque appellatur. Atque hic est pretiosissimus ille liquor, magna arte, subtilitate, industria præparatus, sãvis, sine horribili & acuto vel sulphureo sapore, aut odore, ex se solo constans, nulla peregrina re admixta, qui *cæli* nomine ob summam illam puritatem honoratus est à Philosophis. Is, cuicunque rei applicetur, per horarum aliquot spacium omnem adeò vim extrahit, ut fatuam terram, aut fœtores & impura sulphura post se relinquat, solamque purissimam ætheream & limpidissimam substantiam sibi associet. Crystallina enim puritatis omnes, quacunque ex re paraveris, essentia sunt, quod certissimum est verarum essentiarum argumentum. Namque cum color externus rei sit, & in sulphure impuro plerumque sedem suam habeat, remanet, nec à nobilissimo menstruo arripitur. Quid magis tingit, quam crocus: & Essentia tamen ejus crystallina est, perfectissimum habens & odorem & saporem croci, quod demonstrari à nobis ad oculum potest: Similiter se res habet cum cæteris rebus coloratis, à quibus Essentia parantur, ad splendorem usque perspicua & candida, & in omne ævum incorruptibiles, si benè tantum custodiantur, ne expirent: Sunt enim summè volatiles. Labet audire ea de re dissertantem *Lullium*: Porro. Quinta Essentia rei mixtæ cum Quinta Essentia nostra convertitur in talem naturam, sicut res est, quæ sibi immittitur.

Si sit calida, si frigida, si humida, si sicca, si laxativa, si styptica, vel cujusvis alterius complexionis, & odoris fuerit, & saporis, talis naturæ sit, quia appetitum habet ad hanc complexionem, vel illam. Talem igitur, Quintam Essentiam habebis, sicut res, quam sibi intromiseris, talis odoris & saporis, complexionis, virtutis & operationis; & sic cum una & eadem medicina diversas operationes facies; ad quam non perveniet operator duræ cervicis: & sic cum cælo nostro, seu mercurio vegetabili, cum stellis suis, quæ sunt plantæ, lapides, & metalla, & cum omnibus istis in nobis vitam & salutem tuemur & procuramus per artem & naturam, quod reputabitur ad miraculum. Quæ omnia vera esse, nostra nos docuit experientia; & gratias agimus DEO, quod tanto thesauro nos dignatus fuerit.

CAP. IV.

De Viribus & Usu hujus medicinae.

Quanquam è priori capite facile intelligat prudens medicus, quid promittere sibi ab ætherea hac medicina debeat, non tamen ab re erit, si plenius quædam de ejus viribus dicamus, atque ex Lullio eas præcipuè ostendamus. Hæc Quinta Essentia, inquit ille, est valdè pretiosa super omnes res pretiosas, & est valdè subtilis & penetrativa, supra omne, quodque subtile & penetrativum, quia ex nobili virtute & potestate ipsius valde penetrat, sine læsione corporis, sed potius cum confortatione ipsius eam susipientis, sicut radii solis penetrant vitrum sine fractione ipsius: ita ejus virtus penetrat totum corpus sine læsione corporis, & cum est composita, est perfectior in qualitate, & proprietate complexionis illius compositi, ex quo est composita: Quod si est composita ex composito calido & humido, habet virtutem & complexionem calidam & humidam; Si ex composito calido & sicco, habet virtutem & complexionem calidam & siccam; & sic de singulis qualitatibus elementorum. Hæc Quinta Essentia expellit omne nocivum à corde statim, non solum à corde, sed & à corpore, & cerebro, hepate, splene, & universaliter toto corpore humano, à planta pedis, usque ad verticem capitis: ipsa refrigerat, & calefacit, humectat & desiccatur, aperit, & claudit, mundat & incarnat, consolidat & conservat omne quodque, ab omni corruptione, & non sinit ibi aliquod putridum generari, ubi

applicata fuerit : confortat intellectum, ad investigandum res difficiles, & dat audaciam. Et alibi : DEus talem contulit virtutem generalitatis nostræ Quintæ Essentiz, ut nec intellectus humanus possit capere, nec lingua narrare miraculosas virtutes, quas DEus posuit in nostra Quinta Essentiâ, & inter omnes alias Quintas Essentias præcipuè valet ad ægros, de quorum vita ultimatè desperatur, ita quod à medicis & vitæ actibus sint derelicti in tantum, quod sensibus non utantur ; his in tali casu desperato subvenimus, ut loquantur & vivant, nisi sit ille terminus à DEo constitutus, & mysterium hujus secreti est, ut adhibeas ei Quintam Essentiam nostram per se solam, & statim intra modicum tempus resurget vivus, dum in stomacho transglutians influet cordi radium vitæ naturalis caloris, & in futuro videbis naturam reparatam. Hæc ille magnifice, quidem, sed verissimè de Quinta Essentia sua. Quod si quis jam ergo naturam morbi habeat cognitam, & simplicia illa, quæ ad curationem faciunt, facile parabit sibi Quintas Essentias ex iis, quæ ad miraculum usque sanabunt ægros. Adhiberi autem tam intus quam exterius potest, etiam in iis, quæ chirurgi manum requirunt. Novimus experientiâ nostrâ, quod erysipelas, & sphacelus, morbi teterrimi, statim curati sint, Quintâ hac Essentia, postquam certi alicujus mineralis tincturam extraxerat : Ea leniter loco affecto illita id efficit, ut visibili pene fumo materia peccans abiret, & tumor recederet. Quod si quis speciatim scire cupiat, quomodo in singulis procedendum, is adeat *Lullium*, qui in libro secretorum, distinctione secunda, prolixè & distinctè ea de re agit.

CAP. V.

De Antiquitate & dignitate hujus Medicinæ.

NE quis vero hanc ut novam & antiquis inusitatam criminetur medicinam, atque adeo titulo magis speciosam, quam re ipsa perfectam putet, sciat aliquis, demonstrare probabilibus nos argumentis posse, fuisse hanc jam tum ab omni ævo in usu, & priscis philosophis Hermeticis notissimam : quanquam fabularum & ænigmatum involucris eam æquè, ut *magni Elixiris philosophici* præparationem, absconderint ; Neque enim, ab illa si discesseris, ulla in tota rerum natura potentior medicina est : ne quid dicam de insigni ejus in metalla etiam perfectissima efficacia, quæ major est, quam credere quis possit : Quare non

non exiguum se thesaurum adeptum esse credat, qui ad hujus medicinæ sacra propius admissus est. Ut prætereamus ea, quæ ex *Ægyptiorum schola hieroglyphica* adferri poterant, sunt enim aliquantò remotiora, & accuratam rei ipsius explanationem postulant, jam inter antiquos philosophos & medicos *Atbenæum* & *Archigenem* invenimus, quorum hæc fuit doctrina, spiritu solo omnia penetrante, tum naturalia consistere ac gubernari, tum morbos universos hoc prius offenso creari. Unde *pneumatici*, id est, spirituales, veluti qui spiritibus omnia tribuebant, nuncupati fuerunt. Novimus etiam secundum *platoniorum* doctrinam in rebus inveniri spiritum quendam medium, elementis præstantiorem quodammodo accœlestem, qui vivificandi & conversandi vim admirabilem habeat: qui spiritus, quanto puriori & subtiliori materiæ insit, tantò efficacior atque admirabilior sit. Vidimus etiam supra ex *Aristotele*, de spiritu, qui omnium rerum seminibus insit, qui proportionem respondeat elemento stellarum. Et prodiit primum, si verum fateri velimus, è *Peripateticorum* schola *Quintæ Essentiæ* nomen: unde in chemicorum philosophiam transumptum, quod aptius & commodius nomen non invenerint, quod subtili & ætheræ substantiæ imponerent. Deprehendit inter alios amicum hunc chemicorum & peripateticorum consensum, genere non minus, quam ingenii sublimitate illustri *Johannes Picus*, *Comes de Mirandula*, lib. 2. de auro cap. 9. Multi ex *Peripateticis* *Quintæ* fecere nomen *Essentiæ*, ut generalem causam tenerent, quemadmodum cœlum est causa, producere quoque moliti sunt terrosam materiam in pulverem calcis instar excoctam, diversaque, subinde salis & olei paravere genera validæ potestatis, & fluxiorem materiam cogere in aquam sint adnixa, subtiliorem vero tenuissimos in vapores, & aëris & ignis æmulantes potestatem. *Zwingerus*, *Commentario in lib. Hippocratis*, *Convenientissimam* vocat *Alchimiam*. Convenientissima, inquit ille, est *Alchimia* ipsis præceptis *Hippocratis*, cum illius beneficio facultatum potentia, remediorum nimirum, quæ solæ & unicæ in abigendis illis morborum potentiis insignem præstant operam, extrahuntur puræ atque integræ, ut medicus, juxta medendi, quam præscribit idem *Hippocrates*, methodum, tuto, efficaciter, atque jucunde possit mederi hominibus. Convenientiam cum præceptis *Hippocratis* tantum agnoscit *Zwingerus*, quanquam non desint, qui *Hippocratem* chemicam calluisse artem, integris libris docere voluerunt. Clarissimus *Hieronimus Mercurialis*, libro 3. de *Composit. medicam*: quanquam veteres medicos, *Hippocratem* & *Galenum*, arte hac atque præparatione caruisse credat, unam tamen ex iis artibus esse putat, quas significat *Aristoteles* i. *Rhetoricorum*, quando dixit: multas superesse artes inveniendas & nondum inventas, quamque, si reviviscerent

antiqui, invidere nobis deberent. Uterque vero, tam *Zwingerus*, quam *Mercurialis*, graphicè & vivis plane coloribus iisdem in locis Esse ntiarum chemicarum rationem describunt, ut mereantur hic audiri. Ille, nulla ex iis, inquit, quæ nos habemus alimenta & medicamenta, absolutè calida sunt, aut frigida, sed simul dulcia, amara, acria, salsa, austera, insipida: sapores profecto, ut etiam colores &c. corpori simulari insunt per omnia, in substantia tamen peculiari videntur consistere: quæ tamen cum à reliquo corpore etiam per artem extrahi queat, tantopere laudatas illas eccrises chymicas constituit naturalium separationum, quæ in corporibus animalium quotidie fiunt, æmulas: ut proinde cum optima concoctio in corpore à calore fiat valido, purum ab impuro subtiliter separante, optimus sit coquus, qui *chylum elementarem, naturam humanam inimicum*, ignis & aquæ beneficio auferre, vel saltem attemperare novit, & optimus Jatro-chemista, qui *χυμὸν* medicamentorum purum elicere, vim ejusdem impediencia remove, hebetantia & infrigidantia citra molem admiscere potest. Sic *vinis spiritus mole exiguus est*, qui inebriat, à reliquo avulsus corpore, ut in ventriculo naturali, sic etiam artificiali. Sic scammonio vis ignea, opio vis narcotica, in impuriore corpore utraque posita, demitur. Hactenus *Zwingerus*. *Mercurialis* hæc habet: Vidi fornacem fabricatam cum multis vasis vitreis, in qua per cineres, & calore modico, variaz herbæ distillabantur, & aquæ illæ mirificè retinebant odorem & saporem & omnes qualitates herbarum: Si liceat tales habere, planè melius esset; ratio est, quia in decoctis licet habeamus facultates medicamentorum, adest tamen & alienum corpus, scilicet aqua, & aqua alterius quidem generis; in aquâ distillatâ non est aqua externa, sed solum aqua illius corporis, suis qualitatibus, adeo ut clarum sit, multo meliores & integriores servari vires in distillatis, quàm in decoctis. Hæc ille non parum ad Quintæ Essentiæ nostræ dilucidationem facientia. Hanc antiquissimam diximus, priscisque Philosophis notissimam; cujus rei illustre argumentum est, quod apud *Ægyptios, apud quos antiquissima Chemiæ schola aperta fuit*, eam in usu fuisse legimus, à quibus *cæli* appellatio primum ad recentiores Philosophos devenit. Ita enim disertis verbis *Kircherus, diligentissimus rerum Ægyptiacarum scrutator, Oedippo Tomo 2. cap. 7. classe 10. de Alchimiâ Hieroglyphica*, ex Ægyptiorum & Arabum monumentis tradit: Diximus in præcedentibus, inquit, Ægyptios *Elixir* quoddam ex præstantissimis materiis extrahendi rationem quandam calluisse, quod & *Cælum* appellarunt, ob summam subtilitatem & perfectionem, reperio. Hoc *Elixir* sive *Quinta Essentia* tam eminentis virtutis erat, ut, cuicunque distillatæ ex quibusvis herbis aquæ affunderetur, vir-

tutem

ritem ejusdem, quæ certum aliquod corporis membrum respiciebat, in decuplum augmentaret, verbi gratia: Si aquæ ex Hepatica extracta apponeretur, illa aqua decuplo validiorem in hepatis cura effectum præberet; eratque hæc aqua ad eam temperiem per continuas circulationes deducta, ut frigidis apposita decuplo ea frigidiora, calidis addita decuplo calidiora, siccis juncta decuplo sicciora, humidis denique admista decuplo ea humidiora efficeret. Quæ omnia fuisse ex mente Ægyptiorum prosequitur *Balsam Arabs*, in libro de *Elixiris vite compositione*. Erat enim eximia hæc quædam panacea, & præstantissima corporis à qualicunque infirmitate immune conservandi, non medicina illa metallica auri multiplicativa: Atque hanc ego arbitror fuisse illam aquam admirabilem & plane cælestem, omnibus morbis profligandis aptam, quam & *Lapidem* dicebant, eo quod ex lapidibus pretiosissimis & miræ virtutis fuisset extracta, quam & *aquam vite, vegetabile naturæ semen, animam solarem*, similibusque Lapidi Hermetico impositis denominationibus, nuncupabant.

Quid potest addi tam luculento testimonio? quis non omnia illa accuratè convenire cum Lulliana descriptione videt? adeo, ut verba ipsa atque nomen Quintæ Essentiæ, quæ *cælum* apud Ægyptios vocabatur, respondeat, easdem præterea vires ab Ægyptiis attributas videas, ut nec ovum esse ovo similis possit, quam hoc Ægyptiorum Elixir Quintæ Essentiæ nostræ. In hoc tamen fallitur *Kircherus* à transmutationis metallicæ doctrina alienior, quod arbitretur, Elixiri huic lapidis nomen datum fuisse, extra vero illud nulla in metallicis habuisse arcana Ægyptios arbitretur. Atque hæc de Quinta Essentia nostra dixisse sufficiat, quam res ipsa etiam loquitur. Nihil enim nimium diximus de facultatibus ejus mirabilibus; quanquam si dixissemus, mores imitati fuisset veterum, qui vel *uni Theriaca* tot tantasque dotes tribuerunt. Nihil præterea vulgaribus medicis scripsimus, sed peritis naturæ indagatoribus, qui facile de viribus hujus medicinæ judicabunt: cæteros enim procul abesse ab his sacris jubemus.

FINIS.





EPISTOLA

quedam

MORHOFII,

*Quâ Juvenem in Academia viventem hortatur ab-
ruptionem Disputationis de LATINITATE in DIGESTIS,
de quâ ipsi lis erat cum Professori-
bus suis.*

CUm aliquoties me monueris, ut schedulam, nisi fallor, disputa-
tioni oppositam, quæ tibi cum Dominis Professoribus de La-
tinitate Digestorum intercedebat, ostenderem; fecissem id lu-
bens quidem, nisi dubia mihi suborta tecum prius communi-
canda duxerim. Quo ipso honori tuo consulere volui, ne, si hac in re
erratum abs te fuerit, illi sinisterius de eruditione tua judicare, vel mode-
stiam in te desiderare possent: Quod viris in re literaria haud paulo te, nisi
fallor, versatioribus, & ipsi quidem Eloquentiæ Professori, genuinæ La-
tinitatis ignorantiam objecisse videaris. Disserebatur: *An Digesta, quæ ex
Œtiorum antiquorum libris congesta, genuinæ Latinitatis sint?* agebant id Do-
mini Professores, nec ullus hæcenus negavit, qui quidem in re literaria
non hospes est. Negabastu, vocato in testimonium Calvino, qui voces
quasdam & phrasas illatinas congesserit. Respondebatur tibi variè, inter-
dum depravatos fuisse textus, variasque lectiones probè considerandas,
antequam de voce vel phrasi feratur judicium. Hinc syllabum vocum so-
læcarum, ut putas, submittis, quomodo sententiam tuam is stabilitum.
Inscriptio hæc est: In Digestis multa reperiuntur contra Grammaticam.
Quid si hoc tibi Domini Professores utraque manu largiantur, & tamen vin-
cant? Quid si de Cicerone, aliisque optimis auctoribus, hæc asserere non
vereantur? Quid si ex Quintiliano, ipsisque Grammaticis, tibi osten-
dant, aliud esse grammaticè, aliud latine scribere, optimosque Gramma-
ticos pessimos sæpè esse Oratores & Poëtas? Grammaticorum plerorumque,
ne quid nescias, mi G. ineptum est & jejenum ingenium, quorum vita
& spiritus omnis in regulis vertitur; ita non attendunt sæpè, quæ ab opti-
mis

mis Auctōribus, & quomodo dicantur, dummodo isti axiomata forment, & pædagogiam suam exerceant. Malè profectò cum bonis Auctōribus ageretur, si sub eorum ferulas revocandi. Latius patet Latinitas, quàm ut exiguis includi queat præceptis. Minutis illa satrapis, pueris & pædagogis scribuntur, non eruditis, qui quotidie quædam observant singularia in Auctōribus, nec Grammaticorum regulis communibus censenda, quorum justum, si opus esset, tibi indiculum texere liceret. In solo Cicerone olim tot singularia notavit Statilius, ut justum illi volumen conficerent. Censeri boni auctores non ex Grammaticis, sed hi ex illis, debent: quorum cum quatuor classes fecerint Philologi, Jcti veteres si non primam omnes, ad secundam tamen plerique spectent. Et quis adeò est insanus, ut eos ex classe genuinorum scriptorum Latinorum proscriberet: tantum abest, ut pauculæ hæ voces, quarum tamen dubia adhuc lectio est, & similia sexcenta, id efficiant, ut potius sinceræ antiquitatis argumentum præbeant rei literariæ peritis, omnibus licet sciolis & pædagogis reclamantibus, quibus statim in Barbarismos, & Solæcismos reponitur, si quid à regulis suis alienum vident. Sunt tamen sæpè libri, describentium culpâ sæpè depravati, integræ voces & sensus mutati; quod uti omnes Auctores falcem, ita hi quoque libri experiuntur, ut demonstrarunt viri eruditissimi, & ipsa codicum exempla loquuntur, quæ omnia probè sunt perpendenda. Neque enim aliquis dictatoria ista voce, ut tu facis, pronunciare statim potest: *non variat lectio*; quod nec in ipsis criticorum principibus feram. Nec ullus temerè, te omnia perreptasse, quæ in omnibus Bibliothecis Manuscripta servantur, facile tibi credet: præsertim, si in iis, quæ allegasti, mala fide versatum te intelligat. De voce *præstavit*, quæ leg. 36. §. 1. de Hered. petit. & de Voce, *fluens*, quæ l. 56. §. 1. de Acquir. rer. domin. legitur, tu magnâ audaciâ dicis: *non variat lectio*! & tamen variare notat illam *Charondas*. Nam hic alii legunt *fluens*, alii *fluxens*; illic *præbuit*. Similiter pro *insidiaverint*, alii Codices legunt *insidiati erant*; pro *tollisse*, *tulisse*; pro *fodiri*, *fodi*, quæ omnia si non ignorasse; vafre saltem te dissimulasse, quis suspicetur.

Excutiamus tamen singulas voces, & videamus, quo jure à te inter Solæcas referantur: quamvis enim in pluribus variet lectio, demonstrabimus tamen, & ipsas dubias satis rectè se habere, & aliorum etiam auctōritate, quamvis sua illis suffecerit, probari posse.

Adjuvaverunt leg. 5. §. 10. D. de his, quæ ut indignis aufer. legitur, nec male; quamvis vulgatius sit *adjuverunt*. Fuisse enim antiquis præteritum *juvavi* in usu, vel inde apparet, quod *adjuvaturus* dixerint, pro *adju-*

curus. Petron. in Satyr. pag. m. 63. adjuvaturos nos divinam providentiam vel periculo nostro.

Insidiaverint leg. 28. §. 11. D. de Pœnis legitur. Hic quamvis alia exemplaria legant, *insidiati erant*, (facile enim minutæ literæ (ti) in (v) potuerunt coalescere) sunt tamen Grammatici, in illis Servius, P. Danielis, qui in loco illo Virgilii, *Insidia Dido insideat quantus misera Deus*, legunt, *insidiat*, i. e. insidias faciat, atque adeò vel te invito bona vox esset, ut quæ Grammaticis placeat, quanquam ego corruptam dicere malim.

Præstavit leg. 36. §. 1. de Hered. petit. legitur. Quamvis hic alii legant *præbuit*, ostendam tamen, omnia illa à *sto* composita in præterito, supino, & participio apud antiquos habuisse, a. Ita Propertius pro *restitit* habet *restaverit*, lib. 2. eleg. 34.

Nec si post stygias aliquid restaverit undas.

Apud Lucan. lib. 2. est *Constatum* fides, pro constituta. Plin. lib. 12. 22. *Exstatum* etiam duabus gemmis, pro extitura. Quintil. lib. 2. c. 12. Video in ipso statim limine quosdam ostaturos mihi, pro obstituros. Brut. in epistola apud Priscum lib. 9. Occiso Cajo Cæsare *præstatum* est, pro præstitum est, Cic. epist. 19. lib. 14. Puta, *præstaturum* eum, pro *præstiturum* apud Veget. lib. 1. cap. 1. cum vulgò legatur: Hispanos non tantum numero, sed etiam viribus nostris præstitisse, Petrus Scriverius, Animadversionibus in hunc locum, addit: Mei manuscripti Codices legunt *præstasse*, & Palatini quoque. Quis ex his allatis dubitet, *præstavi* præteritum in usu fuisse antiquis.

Tollisse leg. 13. §. 4. D. de acceptil. legitur, quanquàm & hic variet lectio, & alii Codices *tulisse* legant. Illud tamen probat Scaliger in *Varron. de R. R.* lib. 1. extrem. ubi demonstrat, antiquos formasse ad analogiam, præsentis præterita. Verba ejus sunt: *Discedimus*, hic est pro *discessimus*. Ita sæpè apud Plautum *accedimus* pro *accessimus*. Præterita à præsentis, ut diximus. Sic Ulpianus dixit *tollisse* à tollo. Tibullus *atteruisse* pro *attrivisse*. Sallustius; *occidit* ab *occidit*. Vides igitur, antiquitatis hanc notam esse, idque auctore summo Grammatico Scaligero, vel centum magistris & paedagogis opponendo.

Fodiri legitur leg. 72. pr. D. de V. O. Alii tamen legunt *fodi*: sed nec illud malè. *Columella* lib. 11. cap. 2. Uncari & adhuc fodiri possunt. Et lib. de Arboribus cap. ult. Sed omnibus annis ante Calendas Martias fodiri oportet.

Fluere leg. 56. §. 1. D. de adquir. domin. legitur, ubi alii *fluebat*, alii *fluxerat*. At ego genuinam existimo scripturam *fluere*, tum ob rationem,

Scali-

Scaligeri de præteritorum apud antiquos cum præsentī conformitate, tum quod & *Vossius* in *Lexico Etymologico*, antiquos supinum *strum* formasse, dicat: ut, quemadmodum *ruo*, *ruī*, *rutum*; ita *fluo*, *flui*, *flutum*, formatum fuerit.

Strixerit leg. 1. §. 3. D. ad L. Cornel. de Sicar. legitur pro *strinxerit*. Quamvis hīc facilē mendum concedi possit, (quā facilē enim litera una vel transversa virgula omittitur) defendi tamen scriptura potest. Antiquis enim non *stringo*, sed *strigo* dicebatur, unde descendunt voces *strigæ*, *strigamenta*, *strigosus*, *strigit*, de quibus lege *Antiquarium Laurembergii*, & *Vossii Etymolog.* Hinc formatum præteritum *strixi*. Et habetur in supplemento *Antiquarii Laurembergii*: *strixit ensem*, *ἐστρίοντο ξίφος*, *strinxit*.

Tueri passivē dicitur leg. 18. pr. D. de Pign. Act. Tuam fidem, quid audio? adeōne te rerum grammaticarum imperitum, ut nescias, participia futura in *du* deponentium passivē accipi posse, imō debere. Quis vel in pueris hanc ferat ignorantiam? Legitur ibi: Tuenda est à prætore, hæc conventio. Quis posset rectius, magisque Grammaticè, loqui? Audi *Vossium*, lib. 4. de Anal. cap. 11. Futura in *du* passivē accipe solere, planè est pervulgatum. Hujusmodi sunt, *Ulciscendus*, *obsequendus*, *adipiscendus*, *precandus* & plurima id genus, quibus præterea non infestam. Apud *Ciceronem* plurima exempla in una voce *tuendus* invenias. Ita is epist. ad Fam. 9. lib. 1. nunc ab iis, à quibus *tuendus* fuerat, derelictus. Rectius allegasses leg. 7. pr. D. de Curat. fur. dando, ubi verè passive accipitur: Contilio & opera Curatoris *tueri debet* non solum *patrimonium*, sed & corpus ac salus furiosi. Sed ne hoc quidem malè. En *Varronis* de R. R. lib. 3. cap. 1. auctoritatem: Quod & in pace à Rusticis Romani alebantur, & in bello *ab his tuebantur*. *Vitruv.* præf. lib. 8. res omnes non ali sine eorum potestate, nec crescere, nec *tueri*.

Exequi leg. 19. D. de Jurisd. passive ponitur, rectè. En *Justinī* auctoritatem lib. 7. cap. 3. Brevi tempore *exsecuto* Regis imperio legatis, ad *Amyntam* missis, obsides dari sibi postulabat.

Oblivisci leg. 60. §. 6. D. de Rit. nupt. legitur. Non variat lectio, inquis, nec opus est. An tibi oblitum est, (pace tamen tua dixerim) in *Virgilii Bucolicis*:

Nunc oblita mihi tot carmina.

Hæc è *Digestis* adduxeras, ad infringendam eorum Latinitatem, quæ stabilendæ potius inserviunt, quemadmodum etiam omnia illa, quæ è *Brissonio*, & aliis, collegit compiler *Calvinus* singularia, quibus similia in-

finita apud optimos auctores leguntur; quos si legisses, nunquam de Digestorum Latinitate ita sensisses. Possem, si opus, magnam testimoniorum è JCrīs, & Philologis, adducere farraginem, unanimi te suffragio damnantium. Nunc unum tantum audi Vossium lib. 4. cap. 1. sect. 9. Vallæ censuram approbantem: In Digestis est tanta sermonis puritas ac elegancia, ut optimus lingvæ Latinæ censor, *Laurentius Vallenfis*, dicere non dubitarit, si lingua periisset Latina, ex solis eam instaurari posse Pandectis. Quis nescit, è JCrīs Roman. potissimum Brissonium præclarum, illud formularum opus concinnasse, cujus maximum in tota Romana antiquitate usum statuit *Bœclerus* lib. de comparanda lingvæ Latinæ facultate, quodque peculiariter illuc collimet, ut ad observandum lingvæ Latinæ facultatem, puritatem, proprietatem, auctoritatem, studiosi eloquentiæ ritè imbuantur. Hisce congrua docentem vide etiam *Mauritium* nostrum, Programm. in Pandectas, sub auspiciis Academiæ publicato.

Quæ porro ex Institutionibus, Codice, & Novellis à te allegantur, frustra quidem hic adducuntur; cum non satis sinceram Latinitatem in illis concefferint nuper Domini Professores, cum scripti sint libri eâ ætate, cum sermo jam contagium à barbarie traxerat. Disimulare tamen nequeo, & hic exercuisse te infelicitè Criticam. Quod in Institut. & Cod. *Liberos* singulari numero tantum dici putas, vehementer falleris. Nam & *Quintilianus* declam. Cæc. eò utitur: *Liberi* ac Parentis non alius mihi videtur affectus. *Sextus Aurelius Victor* in Nerva: Trajanum in liberi locum, & partem imperii, adoptavit. Vide Vall. lib. 3. cap. 8. Similiter & in Digestis reperias loca, quæ laudat Martini in Lexic. Etymol. ubi pluribus exemplis probare contendit, quod Veteres liberum singulari numero dixerint. Hinc *Bacchus* Latinis liber dicitur, quasi filius Jovis. Quod pulcre contra nugas Grammaticorum, qui à libertate deducunt, demonstrat *Vossius* de Anal. lib. 1. cap. 42. De voce *Contendor*, ais, passivè usurpari; activè voluisti dicere, nam *contendor* passivæ significationis est. Ita verò l. 3. C. de delatoribus lib. 10. legitur: Qui cum officialibus fundum possidere, *contenderetur*, pro contenderet. Hic quamvis etiam mendum statui posset, opus tamen eâ excusatione non est, cum frequentissimum quoque sit apud auctores, passiva activè usurpari & accipi, quod ignorasse videris. *Cicero* lib. 2. de Invent. Demonstrandum est, quid juratus sit, pro juraverit. *Plaut.* Aulul. 1. 2. copulantur dexteros, pro copulant. *Liv.* 4. l. cap. 24. Spem integram communicati non sunt, pro communicaverunt. *Cicer.* ad Attic. 7, 16. eam epistolam, quam eram elucubratus, pro elucubraveram. *Vellejus*: peragratus est regionem, pro peragravit. *Varro*: Spectatus

status est suem, pro spectavit. Cic. lib. 14. epist. 21. De Palulciano nomine, quod mihi suppeditatus es, pro suppeditasti. Varro lib. 2. de R. R. cap. 8. Ipsi pro se sacrificantur, pro sacrificant. Cicer. in Tusc. Quæst. Multi inimicos etiam mortuos puniuntur, pro puniunt. Liv. lib. 6. Vix exagitata furor erumpitur, pro erumpit. Virgil. lib. 1. Æneid.

Hic jam ter centum totos regnabitur annos,


pro regnabit. Cicero in Pisonem, Secum ipse caput sinistrâ manu perfri-
cans commurmuratus sit, pro commurmuraverit. Si plura vis exempla,
adi Vossium lib. 3. de Anal. cap. 5. Emundum Richerium de Arte figura-
rum lib. 1. pag. 207. Quid dicis ad hæc? Equidem non dubito, si tibi da-
retur imperium, ad Grammaticorum etiam ferulas hos rejiceres.


Sed benè est, quod censoribus istis tempus non egeat. Quid verò
vult sibi lex *si quis* D. de V. S. adscripta? An eam putas alicui nostrum in-
cognitam? An eâ vis probare, rectè dici *aliquis femina*? Quod ut planè ri-
diculum, ita responsione non indiget; regereretque aliquis tibi ista Virgi-
liana:

————— *Si quis tamen hæc quoque, si quis*
Rifu digna legat. —————

Quod reliquum est, rogatum tamen Te velim, ut diligenter perpendas,
an tanti jam putes dubia tua, cum Dominis Professoribus ut illa commu-
nicentur, qui fortassis aliud habent, quod agant, neque valde nugato-
rias istas laticulas curabunt. Vale! &

————— *Si quid novisti rectius istis,*
Candidius imperti, si non, his utere mecum!





DISSERTATIONIS DE MERITIS GERMANORUM LITERARIIS FRAGMENTUM.

Solent animi hominum ita esse comparati, ut vel se solos affiment, sua omnia unice ament ceterisque præferant, vel aliorum inventa & res gestas, quod speciem fortè digniorem ostendant, majori veneratione prosequantur. Quorum alterum certissimum fastus & invidiæ argumentum est, alterum nativam aliquam bonitatem, candidos mores, generosam honestatem, & præclaræ virtutis indolem testatur. Præcipue si non quadam *usurpatione*, & rerum domesticarum fastidio, vel rerum novarum inani studio, fiat, sed à modestia hominis minimè ambitiosi proficiscatur. Quod singulis itaque hominibus accidere solet, id in integris etiam populis evenire constat. Nam & in illis quos unicos rerum suarum admiratores videmus, qui alios ab omni bonæ mentis bonarumque artium commercio excludant, se solos sapere, reliquos volitare sicut umbras, existiment, vel ut degeneres pullos, & infelicibus viris natos, alto supercilio despiciant. Sunt, qui, ne quid majoribus suis debere videantur, natales à primis mundi natalibus, atque ultra illos à cœlo & astris, diisque ipsis, arcessunt. Fuerunt, qui se ante lunam natos jactabant, vel ultra omnium seculorum temporumque memoriam origines suas producebant. Aliqui se solos oculatos, reliquos terrarum orbis incolas vel cæcos, vel luscios insanâ & temerariâ arrogantiam habuere. Ægyptii olim Hebræos præ se aspersionabantur, illos Græci, quibus tamen omnem debere sapientiam, mirifici in prædicandis doctrinis suis ostentatores, ut nulla esset gens, quam non domestico & familiari convivio inter barbaros numerarent. Romani, serò in societatem literarum & studiorum admitti, agrè tandem ab illis impetrarunt, ut aliquo loco haberentur, quibus nil ad palatum, nisi quod erat Atticum, & veneres Græcas vel vernili-

tatem

atem etiam spirabat. Ac fuit sæpe maxima inter utriusque gentis homines e literarum & studiorum præstantia contentio, in quâ modestia Romanorum plerumque illis, velut magistris suis, cesserit, etiam cum illis superiores ingenii palmam ab æquis censoribus merebantur.

Non defuerunt gentis suæ gloriæ amplificandæ, qui hoc officii sui esse arbitrabantur, ut philopatriam suam, qua possent ratione, testarentur, neque civis se boni numeros absolvisse credebant, nisi omni in re illam significarent. Quemadmodum illi, quos Theophrastus in Characteribus Cap. XXIV. *ὡς ἀλαζονείας*, describit, qui, Asiaticos artifices Europæis esse præstantiores, dissentientibus aliis, contendunt. Usque adeo apud plerosque

vincit amor patriæ, laudumque immensa cupido,

ut in *πατριδομανίαις* desinerent. Quo morbo, ut plerisque in gentibus multi, ita apud Græcos & Romanos plurimi laborarunt.

Ex adverso sunt, qui omnia sua etiam præstantissima neglectim habent, solaque externa magnificiunt, vel quadam animi *ἀδιαφορία*, vel iudicii sublimitate. Nam cum exiguâ ingenii vi præditi sunt, facileque intelligunt, quantum ad parandam rerum divinarum humanarumque cognitionem laboris requiratur, cumque eâ bonitate animi sunt, ut vel tenuiter vel modestè de se sentiant, magnificè de aliis, quos se sapientiores doctioresque esse lubenter patiuntur; tantum abest, ut illis invident, ut potius novis illorum commentis & repertis sine furo & fallacia applaudant, ac sibi de sapientiæ progressibus, tanquam communi aliqua possessione, in quam *κοσμοπολίται* immissi sumus, gratulentur. Illam bonitati nativæ, quam doctrinæ æmulam constituit in suis *Sermonibus fide libus Verulamius*, quis non immerito indolem accenseat? Quâ si præ ceteris gentibus Germanos nostros excelluisse semper dixero, citra jactantiam & ostentationem a me affirmabitur: Nam cum summas res, ut armis, ita & literis gesserint, quod tota hâc commentatione demonstrabitur, suo illi silentio animi honestate contenti nil unquam præ aliis sibi arrogasse visi sunt, adeo ut & cavillatores & contemptores suos, quos plurimos semper habuere, ne acerbiori quidem vocolâ ulciscerentur, alia vero gentes illorum spoliis impunè uterentur. Hanc tamen & natalibus antiquissimam & ingenio laudatissimam gentem, à Græcis & Romanis inter barbaros recenseri quis ferat? quæ plus forte genuinæ illius ac primæ sapientiæ, etiam in illâ barbarie sua, reconditum habuit, quam fabulatores illi Græci, qui comparatis ad fucum & ornatum literis, priscam illam Celtarum sapientiam vanis primum opinionibus incrusta-

runt : cujus corruptelæ non veteres tantum Egyptii, sed & Romani reos illos faciunt. Quæ verò insania est, gentem totam, & quidem antiquissimam, adeò omni ingenii gloriâ exuere, ut nullius elegantioris disciplinæ capaces videantur, quæ non nullorum sciorum improba & audacissima est sententia, & quidem ex illis gentibus, quæ Germanis suos ut parentibus natales debent. Testatur Plato, in lib. de Republica, Deum, cum homines formaret, aurum illis, qui essent honoratissimi, & ad imperandum apti, ac ingenio præditi, admiscuisse, aliis argentum, ferrum denique & æs rudioris ingenii hominibus, agricolis & opificibus. Ex ferro itaque vel plumbo conflati fortè illis videmur Germani, qui nihil in nobis *λειψάνων χρυσῶν γένος*, se verò totos aureos esse existimant. Sed tamen, & alios interdum aureos fuisse, è fabulis accepimus. Nimirum & singulorum ita populorum quædam machinationes & insidiæ sunt, artes quædam non laudabiles, quibus omnem ingenii & eruditionis opinionem ad se rapiant, & quemadmodum imperii principatum, ita etiam sapientiæ & literarum affectent, ceteris ab omni famæ aditu exclusis.

Germani, quorum famam hæc dissertatione vindicandam mihi sumsi, cum inter principes referri populos debeant, immeritò ingenii hebetioris notam sustinent; quasi illis solis obsistat circum præcordia sangvis, quorum ingenium & sapientiam tot inventa, tot librorum monumenta docent, ut numerò non solum, sed & pondere aliorum labores vincere possint. Quam rem cum tota hac dissertatione acturus sim, nunc in ipso primordio vel ex antiquitate & origine hanc genti nostræ prærogativam assertum ibo. Germanicæ gentis origines etsi multis sunt difficultatibus impeditæ, tamen vel ipsa illa obscuritate suam antiquitatem loquuntur: quotquot enim hic sunt sententiarum divortia, ad abstrusam tantum & vetustissimam originem tendunt. Conservavit nobis Tacitus memorabilia pristinæ famæ fragmenta, è quibus insigne illud est, quod Germani *carminibus celebrant antiquis TUISCONEM* sive Tuitonem, ut alii legunt, *dum terrâ editum, & filium MANNUM, originem gentis conditoresque.* Quod si, ut Cluvero aliisque placuit, per Tuisconem Deus O. M. per Mannum Adamus intelligendus est, quæ spectabilior digniorque origo fingi potest? nam si illorum interpretatione nitimur, primatum inter omnes vindicare poteramus. Quod si ad Noachi filios ibo, vel Japherum gentis nostræ autorem faciunt; & tum aliquo etiam primogenituræ, quam Japheto nonnulli tribuunt, jure frueremur: vel ad Tuisconem quendam Noachi filium, post diluvium ab illo genitum, originem nostram referunt, Annii Viterbiensis Beroson secuti: quod & Aventino placuisse videmus, qui illud

Illud ipsum nomen Germanicæ originis facit, à voce *Tûtschen* / interpretari, ortum. Verum cum Berosiana illa *ἑποβολιμαία* viris doctis habentur (quamquam inter illos non desint, qui peculiaribus in libris illam indicent) & è sacris tantum tres Noachi filii numerentur, hæc ut incerta dimittenda sunt. Præterea vox illa Germanica nova est, & ex nomine populi conficta, ut ab illo nominari Tuisco non possit. Et si, Tuiskonem aliquem fuisse, quicumque demum is fuerit, gentis conditorem, Tacito certum est; Germanicæsanè linguæ etiam isto tempore usum, si hæc vera essent, conjeceris: & voluit Scierenhelmus, singulari libro de Roma Svecica, hunc verustum Scythicæ linguæ, quæ Germanica est, usum probare, quod suo nunc loco relinquo. Quod ad Japhetum attinet, prolixè Sheringhamus demonstrat, nunquam illum venisse in Europam. Sunt qui à Gomero, sunt qui à Thogarma Germanos, vana nominum allusione moti, deducunt, cum tamen ipsum Germanicum nomen recens sit, & illi Bochartus Phrygiam, huic Armeniam, alii alia loca assignent, suis quoque rationibus instructi. Aschanazum aliqui, moti locorum quorundam in Germania nominibus, Germanorum parentem constituent, quem ad Phrygiam minorem idem refert Bochartus. Rabbinos, huius sententiæ patronos, jam tum refutavit Grotius & Bochartus: quibus accedit Kriegsmannus in Conjectaneis suis de Germanicæ gentis origine. Quicquid vero hujus, non temere deferenda est Taciti autoritas, qui Tuiskonem & Mannum ex ipsis gentis antiquis carminibus commemorat. Qui si non extaret apud autorem locus, pro fabulis dudum illam exhibuissent Historici, quibus illa carminum fides suspecta forsàn fuisset: sed illa nunc à Tacito memorantur, quæ non illo primùm tempore nata, sed ipsis Græcorum & Romanorum annalibus multo sunt antiquiora: ac literis etiam antiquitus fuisse consignata, nullum est dubium. Nam quæ Tacitus literarum secreta Germanis ignorata scribit, de studiis potius, quàm de scripturâ intelligendum, ut Goldastus quoque in not. ad Paganeticos veteres pag. 346. judicat. At Carolus Magnus suo tempore conscribi curavit: non ille primum à se inventis literis scribenda curavit, sed in unum volumen collegit, ne iste antiquitatis periret thesaurus. Hæc cum superesse in Germaniæ Bibliothecis testis sit Aventinus, non sunt illa, quæ de primis Germaniæ Regibus apud Aventinum leguntur, omnia pro fabulis habenda: ac magna est suspicio, fuisse in illis quædam prius Historiæ *ἀνέκδοτα* aliis historicis vel non visa, vel etiam intacta.

Qui gentis suæ Svecicæ antiquitates Atlantica libro demonstrare, voluit Olaus Rudbekius, quicquid de Germanorum origine recenset Tacitus,

tus, ad Svecos suos omne applicat, tam operoso conatu, totque huic rei quasitis coloribus, ut penè extorquere à lectoribus fidem videri possit. A Japheto hunc ille Tuisconem, vel potius Tuissonem, deducit c. XIX. qui Tys live Dis dictus, Jupiter vel Diespiter fuerit, & hujus nominis etymologiae verbis Taciti fidem facit. Nam cum Tys terram, vel limum significet, & Son filium, Tuisconem ait esse illum à Tacito memoratum Deum terrâ editum. Probat præterea quædam loca Edda, yetusto quodam septentrionalium scripto, quod Mythologiam hujus gentis continet, ubi Tuissones dicti fuerunt homines, qui primum ex terra prodierunt: ex eo nomine Græcorum quoque *Θεός*, & Latinorum DEUS prodiisse arbitrat. Hujus Tuissonis filium Mannum, unde Sveciam Manheim, & Bannonianam dictam c. XLIX. multis argumentis probat. Quæ cum omnia à viro doctissimo fidenter adstruantur, nunc quidem illorum fidem non sollicitabo. Neque Germanorum antiquitas his imminuitur; imò potius stabilitur, cum Scythicæ propaginis maxima Germanorum pars sit: sub quo nomine solos ille Svecos suos (an rectè alii judicent) comprehendit; de omnibus enim temerè hoc non asseverabis, cum vastissima gens, tot populis distincta, procul dubiò non ab una origine omnis deduxerit. Germanicam linguam Scythicæ sobolem Grotius in Prolegomenis Historiæ Gothicæ statuit. Sed nil vetat, Scythicam & Germanicam unam eandemque esse linguam.

Cetera desiderantur.





INDEX PRIMUS
AUTORUM,
Qui in his Dissertationibus allegantur.

A.		C.	
Brahamus à Porta Leonis	250	Caballus	14
Accursius	12. 44	Callistus (Niceph.)	135
Actius (Thomas)	26	Calvinus	16. 17
Agricola (Rudolphus)	429	Camerarius	129
Aimonus	133	Campanella 85. 93. 145. 301	
Alberic.	14	Capella (Martianus)	88
Alciatus	7. 10. 44. 45	Cardanus	415. 417
Elianus	11. 424	Carerius	14
Aloysius	125	Carolus à Petra Alba 599. 600	
Althufius	26	Carpæovius (Ben.) 12. 14. 17.	
Alting	125	12. 24. 26. 28. 31. 32. 33.	
Alexius	13. 62	39. 40. 41. 42. 43. 46. 48.	
Ambrosius	117. 146	67. 70	
Ambrianus (Georg)	88	Cartesius	9. 308
Anastafius	122	Cassiodorus	448
Anchar.	10. 21	Cassius (Dio.)	93
Apulejus	73	Castellus (Petr.)	241
Arcopagita	76	Oavarr. (Didac.)	17
Aretinus	13	Causaubonus	73. 80. 115
Aristides	76	Cellarius	32
Aristoteles 57. 60. 61. 70. 75.		Celsus	9
96. 97. 440. 450. 603		de la Certa (Ludov.)	88. 93.
Arrianus	87	124	
Arroyus (Bessanus)	136	Charletonus	316
Arumæus	13. 28	Chartarius	123
Athenæus	80	Chassaneus	135
Augustinus	83. 85. 107	du Chefne	133
Avicenna	148	Chop. (Franc. Jul.)	32
Avienus	74	Choppin. (Renar.)	12
Ausonius	11	Chirland. (Paul.)	17
		Chiffetius	132. 137
B.		Christin.	62
Bachovius	32. 45. 57. 60.	Chrysippus	78
62. 65		Cicero 3. 4. 6. 9. 10. 15. 38.	
Baldus 7. 12. 14. 17. 50. 60		75. 76. 98. 99. 103. 106.	
Balzacus	578	451. 610.	
Barthius	123. 488	Clarus	14
Bartholinus	144	Claudianus	73. 74. 77
Bartolus 7. 11. 12. 15. 37.		Columella	49. 55
44. 48. 60. 63		Commerius	5. 9
Baveria (Marc. Anton.)	13		Comme-
Becanus	103. 104		
Becherus	272		
Bellarminus	132		
Benckendorff. (Martin.)	12		
Benius	486		
Berigardus	300. 372		
Berigardus (Claudius)	301		
Berlichius	15		
Bertachin.	16		
Besoldus	18. 26. 48. 49		
Bettinus (Marlus)	380		
Bettinus	429		
Beust	22		
Binder (Christoph.)	48		
Bochartus	98		
Bodinus	60		
Boeckelius	67		
Boeclerus	91. 94. 156. 589.		
610			
Boer	15		
Boëtius	120		
Boilius (Robertus)	250. 269		
Boissardus	142		
Borcholt	14		
Borellus	257. 290		
Borrichius	272. 279		
Bostius	26		
Boulton (Samuel)	145		
Boxhornius	104. 115		
Bozius (Thomas)	139		
Brissonus	610		
Brito (Guilielmus)	129		
Brown (Thomas)	310		
Brunell	20. 22		
Brunus	236. 240		
Buchnerus	454		
Bulengerus	88. 124. 353		
Bungus (Petr.)	113		
Burggravius	321		
Busius	37		
Butrius	20		

INDEX PRIMUS.

Comnena (<i>Anna</i>)	426	Ferrandus (<i>Job.</i>)	134	du Hamel	244. 267. 268. 444
Connanus	9	Filefaccus	93	Harprecht	43. 47
Conringius	179	Firmic. (<i>Jul.</i>)	88. 91. 114	H. ab Heer	321
Corasius	24	Fiorovantus	351	Heidemann	37
Corvinus	15	Flaccus (<i>Valerim</i>)	73	Heigius	14. 15. 36. 67
Cossus	454	Flavius (<i>Ptolomaeus</i>)	503	Heneming.	31
Cravetta	12. 61. 65. 68	Flodoardus	133	Hering	60. 62. 64. 65
Curtius	103	Florus	114	Hesiodus	67. 95. 111
Cusacius	57	Forstnerus	67	Hildanus	342
Cypræus (<i>Paul.</i>)	26. 31	Fromman. 32. 33. 42. 49. 70		Hincmarus	133
Cyprianus	86	Fracostorius	360	Hobbes	68. 116
		Freher. (<i>Marguard.</i>)	102	Homerus	114
D.		G.		Hofstiensis	20
Damascenus	106	Gaddius	512	Hucher.	14
Danchoud	43	Gallius (<i>Andr.</i>)	40. 43. 48	Hunnius	28
Dauch (<i>Job.</i>)	12	Gallinius	15	I.	
Delrius	130. 142	Gallucius (<i>Tarquinium</i>)	408	Jaso	62
Dentzel (<i>Andr.</i>)	48	Galenus	16. 145	Jonstonius	18. 19
Digbax	144. 242. 310	Garrz	16	Josephus	96. 422
Dio	106	Gassendus	145. 236	Jovius (<i>Paulus</i>)	479
Dionysius	93	Gataker	55	Isidorus	11
Ditmarus	109	Gatierrius de Fascino	143	Justinus	11
Donatus	11. 496	Gellius 1. 40. 19. 9. 102. 355		Juvenalis	75. 116
Donatus	124	Geminianus	10	K.	
Donell.	66	Gerhard (<i>Job.</i>)	37	Kerckringius (<i>Theodorus</i>)	261
Donzelinutus (<i>Hier.</i>)	48	Gilbertus	272	Kircherus (<i>Athanas.</i>)	18. 96.
Duarenus	28	Gilhausen 11. 13. 20. 26. 42.			125. 144. 244
Durer.	57		46	Kirchmannus	125
E.		Giphanius	22	Kleinschmid.	57. 65
Eichelius	12. 33. 58	Gæddous 6. 11. 14. 16. 37.		Klingius	21. 23. 24. 25
Epiphanius	147		60. 61	L.	
Erasmus	466	Gædelman	48	Lactantius	11. 88. 100. 106
Erasmus	4	Gothofredus 18. 34. 37. 39.			107
Erythrazus	534. 535		49. 64	Laërtius	78. 109
Everhardus	68	Grammar. (<i>Andr.</i>)	10	Lambden.	67
Euripides	119	Grevius	459	Lana (<i>Franciscus</i>)	252
Euripit.	58	Grimaldo	313	Lancre	329
Eusebius	88	Grotius 60. 61. 67. 81. 93. 115		Leibnizius	347
F.		Gvagninus	123	Lemnius	423
Faber (<i>Felix</i>)	129	Guido	128	Linnæus	27. 49
Fabius	501	H.		Linnæus	128
Fabri (<i>Honoratus</i>)	237. 238	Hænon	34. 36	Lipius	88. 99
Fabri (<i>Job.</i>)	15	Hægecius (<i>Thaddæus</i>)	278	Livius	388. 583. 610
Farinacius		Hahnus	26. 32. 38	Loeccc.	46
Felic.	14	Halicarnass. (<i>Dionys.</i>)	514	Lucia-	


INDEX PRIMUS.

Lucianus	74. 75. 77	Mylius	104. 258	Pistorius (<i>Modestus</i> .)	67
Lucanus	73. 44	Mynfingerus	10	Plato	87. 89. 111
Lucretius	9. 75. 77. 244	N.		Platerus	429
Laurentius (<i>Andreas</i>)	117			Plautus	15. 67. 100
Lyranus	152			Pleix (<i>Scipio da</i>)	139
M.		Nannius	104	Plinius	9. 94. 116. 141
Maccius	513	Naudæus	387. 553	Plutarchus	73. 78. 91. 93. 112
Macrobius	105	Nazianzenus	89. 465	Policrates	85
Magius	364	Nebelstrå (<i>Henric</i> .)	24	Polybius	108
Majolus	17. 137	Neidelius (<i>Job</i> .)	48	Pontanus	101. 105
Major (<i>Dan</i> .)	262	Neuhuf. (<i>Eidon</i> .)	47	Popma (<i>Aufon</i> .)	4
Manilius	99	Nierembergius	343	Porphyrius	111
Marcus Marci	312	Numenius	78	Prævitell. (<i>Hier</i> .)	48
Marfelaar.	454	O.		Primerosius	5
Martialis	115	Obrecht. (<i>Georg</i> .)		Prætus	111
Martini (<i>Martinus</i>)	261. 443	Oddus (<i>Sfort</i> .)	40. 49	Propertius	608
Martinius	262	Oldrad.	14	Pruckmannus (<i>Fried</i> .)	12
Mascardus 7. 10. 13. 14. 20.		Oldendorp.	47	Pfellus	146
26. 62. 63. 65		Olemann.	22	Puffendorff.	
Mascardus (<i>Augustinus</i>)	448	Ophiogenes	141	Q.	
Matthæius	257	Ofius	236	Quintilianus	448. 449. 453.
Mauritius (<i>Ericus</i>)	610	Otton. (<i>Daniel</i> .)	49		487. 504.
Maurus (<i>Rabanus</i>)	147	Ovidius	4. 17. 76. 87	R.	
Mauser. (<i>Conrad</i> .)	23	Ouzelius	86. 98	Ramusc.	42
Mayne	11	P.		Rapinus	466. 468
Melerus (<i>Michael</i>)	273	Pacius	34. 37	Reincius	98. 110. 279
Mela (<i>Pomponius</i>)	553	Palbisy (<i>Georg</i> .)	32	Reinking. (<i>Theodor</i> .)	28
Menagius	316	Palissii (<i>Bernhard</i> .)	249	Remigius	49
Menochius 5. 7. 9. 10. 11. 12.		Papinius	74. 77	Revardus	56
13. 14. 15. 16. 18. 20. 21.		Parif.	10. 15. 16. 18	Rhodigin. (<i>Coël</i> .)	446
24. 25. 26. 36. 40. 43. 46.		Paterculus (<i>Vellejus</i>)	116	Rhodigin. (<i>Cal</i> .)	88. 101. 105
48. 57. 62. 63. 64. 65. 68		Panermeister.	68		123
Mercurialis (<i>Hieron</i> .)	603	Paul de Castr.	50	Ridcius	18
Mevius (<i>David</i> .)	11. 12. 15.	Paulus	11	Ripa	13. 48
30. 35. 46. 47. 62. 64. 67		Peckius	62	Rittershusius	25. 34. 476
Meurf.	55. 56. 119	Pegelius	263	Roth. (<i>Martinus</i>)	92
Mirandula	273	Pelusiota (<i>Isidornus</i>)	138	Robertus	56
Monconifius	301	Penna (<i>Franciscus</i>)	286	Robortellus	104
Mohr. (<i>Georg</i> .)	47	Perrault	365	Rohault. (<i>Jac</i> .)	275
Molinæus (<i>Pet</i> .)	94	Perfius	74	Rosinus	49
Mollenbec.	19	Petronius	73	Rota	7. 15.
Mollerus (<i>Dan</i> .)	17	Philo	85. 92	Rupertus	116
Monner. (<i>Basil</i> .)	23	Picartus	145	Rycotius (<i>Paulus</i>)	283
Morinus	236. 239	Picus	78		
Morus (<i>Hubertus</i>)	152	Pierius	123. 125		
Muretus	92. 592	Pignorius (<i>Laurent</i> .)	484. 599		

INDEX PRIMUS.

S.		Stobæus	454	Vavaſſor.	547
Salmaſius	4. 88. 115. 237	Stockmannus	273	Vantius (<i>Sebaſt.</i>)	42
Salvianus	56	Strabo	543. 587	Varro	95. 514
Sanchez	22. 24	Strauſſius	424	Verulamius (<i>Baco</i>)	260. 377
Scaliger	9. 18. 59. 80. 96. 106. 569	Suarez (<i>Rbodericus</i>)	16	Veget.	50
Scheplitz	12	Svetonius.	86. 87. 131. 500	Vias (<i>Balebaſar de</i>)	133. 137
Scharrock (<i>Robertus</i>)	116	Svevius (<i>Bernb.</i>)	48	Vigenerius	280
Scherley (<i>Thomas</i>)	250	Suidas	73. 78	Viglius	13
Schickhard. (<i>Martinus</i>)	30	Surius	132	Virgilius (<i>Polidor.</i>)	129
Schneidewin.	23	Symmachus	115. 553	Virgilius	3. 73. 76. 93. 611
Scholzius (<i>Laurentius</i>)	310	Synæſius	90. 94	Vives (<i>Joh. Lud.</i>)	429. 550
Schoockius (<i>Martin.</i>)	116	T.		Vofſius	95. 104. 447
Schortus	151. 556	Tabor	57	Ungepauer.	59
Schulze (<i>Joaeb.</i>)	35	Tacitus	102. 130. 485	Unzerus	48
Schurphius	14	Tagaut. (<i>Joh.</i>)	128	Ummius (<i>Illico</i>)	42. 43. 44. 55
Scotanus	28. 36. 38. 43	Taubmann.	9	Urfatus (<i>Sertorius</i>)	495
Seiſſelius (<i>Claudius</i>)	299	Teleſius (<i>Bernbardinus</i>)	243	W.	
Seldenus	85. 110. 112. 115	Terentius	4. 9	VVagenſeilius	310
Seneca	7. 25. 55. 57. 60. 63. 66. 76. 84. 94. 95. 100. 113	Tertullianus	85. 89. 91. 100	VVagnerus (<i>Joh. Jacob.</i>)	342
Seronius	266	Teffaur.	11	VVeber. (<i>Joh. Bapt.</i>)	12
Serſer.	67	Themiftius	127	VVeigner. (<i>Henninus</i>)	6. 65
Sichard.	45	Theodoritus	98	VVellerus	149
Sidonius	519	Theophrastus	613	VVeſembecius	63
Simanch.	14	Tholoſanus	12. 14. 49. 138	VViſenbach.	61
Sinclarus	347	Thomas	132	VVouwer.	57
Slevogt. (<i>Paul.</i>)	68	Thuanus	133	Z.	
Slüſer.	66	Thurheuſerus	250	Zachias (<i>Paul.</i>)	4. 5. 6. 10. 11.
Solinus	321	Tiraquell.	14. 36. 62		11. 13. 14. 16. 17. 18. 19.
Spartianus (<i>Æl.</i>)	88. 131	Tookerus	130		20. 22. 23. 24. 25. 48. 143
Speckhan.	18	Trapezunt.	588	Zacutus	143
Spelmannus	110	Turnebus	88	Zanger.	43
Sprenger.	30. 46. 65	Tyrius	89	Zoucheus (<i>Richard.</i>)	6
Statius	81. 88	Tzetz	92	Zwelfferus	300
Stenno (<i>Nicol.</i>)	343	V.		Zwingerus	603. 604
Steuchus	102	Valerianus	102. 185		
		Valerius Maximus	560		

FINIS INDEX PRIMUS.



INDEX SECUNDUS

RERUM ET VERBORUM

LOCUPLETISSIMUS

Prior Numerus paginam, alter paragraphum denotat; nisi unus modo numerus allegatus sit, qui paginam indicat.

A.

Absentes.

Absentes quoque finguntur consentire in negotiorum gestione, acquisitione per alios, &c. 65. 32

Accidentia.

Accidentia non presumuntur 7. 8

Acquisitio.

Acquisitio fit singulariter 1. per Usucapionem. 2. Per Donationem. 3. Per legata & fidei commissa 34. 86

Acquisitio quomodo fiat ex Testamento. 34. 88

Acquisitio universaliter fit per Successionem hereditariam, vel ex Testamento, vel ab intestato, idque jure civili & Prætorio. 34. 87

Acquisitionis jus servo non competit, quamvis uti illo Dominus, tanquam instrumento possit 61. 21

Actio. Actor.

Actio commodati in furiosum non datur. 37. 102. Sed actio ad exhibendum, ut res exhibita vindicetur 37. 102

Actiones sunt vel naturales, vel civiles. 10. 18

In actionibus veniam facit lex, ubi faciendis adfuit necessitas 67. 37

Actor non potest esse furiosus & mente caprus, Mutus & surdus 42. 114

Actus.

Actus civiles de Jurisprudentia obiecto sunt 57. 10

Actus legitimi expresse conditionem non recipiunt, sed tacite 62. 22

Actus interni an ad Jurisprudentia obiectum pertineant 57. 10

Adonis xugis.

Adonis xugis

87. in fin.

Adulatio.

Adulatio Atheniensium delusa 86. med.

Adulatio Callisthenis ad Alexandrum M. 86. ante med.

Advocati.

Advocati infirmitas ac morbus non excusat, si de facili alius Advocatus haberi possit 43. 118

Advocati non possunt esse muri & surdi 42. 116

In Advocato debet esse facundia 42. 116

Ager. Egritudo.

Ager, Egrotus, Morbosus, Valetudinarius quis proprie dicatur 4. 4

Egritudo & Egrotatio quomodo differant 4. 3

Egritudo primario de animo quidem, interim de corpore etiam sat recte dicitur 4. 3

Egyptii.

Egyptii ex unica terra gleba totius inundationis, quam Nilus efficit, molem & terminos ponderant 326. in princ.

Ethelstanus.

Ethelstanus Rex sc DEI vicarium & dispensatorem bonorum facit 90. in fin.

Ethiopes.

Ethiopes odoratu tam subtili præditi sunt, ut vestigia etiam Ethiopis alicujus & Galli discernere potuerint, modo locum illius vis olfecerint, qua inceserunt 322. post med.

Aër.

Aër crassior extrahi è vitro potest remanente æthere 346. in princ.

Aër vel ather in interstitiis metallorum detentus sonum format 368. med.

Aër in Scypho superius coarctato validius movetur 379. ante med.

Aër, quo rarior & tranquillior, eo clarius percipiuntur soni 319. in fin.

INDEX SECUNDUS.

- Aer sonum efficit, tum interius cum particulis collidendo, tum exterius allidendo 366. *in fin.*
- Aer intra vitrum deteneus, 352. *ante med.*
- Aeris vis quanta sit per sonum vastum intra exiguum circulare spatium compacti 424. *ante med.*
- Aëris ambientis vis in metalla 351. *in fin.*
- Afri. Africitas.*
- Afri Scriptores plerique aliquid inconditi habent 550.
- Africitas in latina lingua 550. *ante med.*
- Afrorum defensores Barthius, Fruterius, Lipsius, &c. 551.
- Affectatio.*
- Affectatio vim orationis enervat 450. 5
- Affectatio variarum vocum 334. *in fin.*
- Affectus.*
- Affectus varie agnoscitur ex actionibus naturalibus 10. 18. Ex actionibus civilibus *ib.*
- Ex Dictis *ibid.*
- Affirmans.*
- Affirmanti incumbit probatio 44. 120
- Alienatio.*
- Alienatio furiosis in genere non licet 35. 90
- Alienatio omnis fit, vel inter vivos, vel mortis causa 35. 90
- Alienatio mortis causa fit in ultimis voluntatibus 35. 92
- Alimenta.*
- Sub *alimentis* medicamenta quoque comprehenduntur 33. 81
- Allobrox.*
- Allobrox à Rufo dictus 553. *ante med.*
- Amans. Amor.*
- Amans à rebus agendis eliminatur 14. 31
- Amans comparatur ebrio. 14. 31. furioso *ibid.*
- imò & fere ipsam vitam perdit: nam amans in alio corpore vivit *ib.*
- Amans excusatur, si aliquid amoris impetu fecerit 14. 31
- Amantes [intellige insane & perdere] inter Melancholicos connumerantur 14. 31
- Amoris definitio 14. 31
- Amor planè à pœna non excusat, sed tamen eam elevat, cum id quasi furiosus vel demens fecisse videatur 14. 31
- Amor insanus excusat à pœna ordinaria, quod tamen limitatur 14. 111
- Amor sollicitudo est Melancholica similis Melancholiz 14. 31
- Amor prævertit iudicium rationis *ib.*
- Amoris signa & Præsumptiones sunt: Mulieris pulchritudo; frequentatio viarum insuetarum; Indumenta & ornatus elegantiores, &c. 15. 32
- Ampulla Remensis.*
- Ampulla Remensis 134. & seq.
- Angli.*
- Anglorum veterum & recentiorum in nitore latinæ lingvæ negligentia & affectatio 556. *post med.*
- Angeli.*
- Angeli vel Genii Dii dicuntur apud Platonem. 89. *in pr.*
- Anguille.*
- Anguille arte produci possunt 358. *ante med.*
- Animal.*
- Animal castratum non redhibetur, nisi sit ex in de factum imbecillius 46. 125
- Animalia revera percipiunt famem, dolorem, & sitim 308. *post med.*
- Animalibus sensus inesse aliqui negarunt 307. *med.*
- Animus.*
- Animus humanus, non nisi consuetudine & disciplina, quæ ex auditu habetur, perfici potest 12. 22
- Antei Morbi graviores sunt: Melancholia, Amor, furor 13. 22
- Animi morbi sunt cupiditates immenses 3. 2
- Annulus.*
- Annulorum tracheæ adductio 395. *post med.*
- Anses.*
- Anses die Hânse / Germanorum Semidei 101. *post med.*
- Anfibarii.*
- Anfibarii 101. *in prin.*
- An-*

INDEX SECUNDUS;

Antiochus.
Antiocho Dei cognomen primo fuit inditum
à Mileſiis 92. ante med.

Antonius.
Antonius propter titulorum cupiditatem bel-
la geſit 112. in fin.

Antonius Liberum ſe patrem dici voluit 86.
med.

Aphrodiſeus.
Aphrodiſeus notatus 243. poſt med.

Apoplexia.
Apoplexia eſt repentina omnium ſenſuum rui-
na, Germ. der Schlag 16. 35

In Apopleſtica omnia ſine dubio locum habent,
dum in acceſſu eſt, quæ obtinent in furente,
abſente & mortuo 16. 36

Aqua.
Aqua, quomodo poſſit in acetum commutari
278. poſt med.

Aqua vitrum tranſudans 348. poſt med.

Aqua proptè movetur, ita fluctuat ſonus 376.
med.

Aquæ guttæ, pili, feſtucæ cryſtallis incluſæ 343.
in princ.

Aquarum in lapides vulgares converſio, inven-
tum Anglicum 342. princ.

Argentum.
Argentum vivum & liquores Chimici an vitri
meatus pervadere poſſint 349. in princ.

Argutie.
Argutiæ ab Hiſpanis in latinitatem illatæ non
omnino damnandæ 549. ante med.

Ars.
Ars, quæ à nativitate ſursum, itaque mutum,
per viſum informatur, ut loqui ipſe diſcat &
per viſum alios loquentes percipiat 427 poſt
med.

Atticorum Fatio.
Atticorum factio apud Romanos iis, qui co-
pioſa eloquentia excellabant, ſemper infeſta
504. ante med.

Auditus.
Auditus eſt quaſi porra mentis 11. 22

Aves.
Aves imitatrices ſonorum 433. in princ.

Augustus.
Augustus Deus vivus vidensque dictus eſt 93.
in princ.

Auris.
Auris abſciſſio impedit quoque matrimonium
32. 78

Auris ſtructura 380. in fin.

Auris non ita formata eſt, ut coloribus moveri
aut affici queat 304. poſt med.

Aurum.
Aurum cum Mercurio amalgamatum, ſi longo
igne maceretur, tandem in Elixir Philoſophi-
cum mutari putat Fr. Lana 261. in princ.
Aurum, cum ſit jam perfectiſſimum, an artes
poſſit corrumpi, reſolvi, aut in meliorem
naturam redigi 275. med.

B.
Bacilli.
Bacilli lignei muſici per omneſtonos, le cla-
quebois 369. in princ.

Balzacus.
Balzaci luſus in Barbonem Patavinatatem de-
monſtraturum 575. in fin.

Bar.
Bar notat apud antiquos Germanos Heroem
102. in pr.

Barbariſmi.
Barbariſmi & Solæciſmi in ſermone politico
ſæpe affectantur 510. in fin.

Bartolus.
Bartoli (Daniel) notatus 332. in princ.

Bartholinus.
Bartholinus (Thomas) recenset exempla non
paucæ tum animalium, tum hominum, qui
in tenebris etiam vident 314. poſt med.

Barthius.
Barthii iudicium, qui idiotiſmum Romanum
in Hiſpanorum lingua & pronunciationem
veruſtam agnoſcit 544. med.
Barthius notatus 501. med.

Belge.
Belgæ è ceſpitibus ſulphureis bituminofiſ cu-
prum & ferrum nonnunquam erunt 273.
in princ.
Bene-

INDEX SECUNDUS

Benefaciens.

Benefacienti quilibet tenetur beneficere 33.81

Benefici Dii dicti 91. in fin.

Benemeriti.

Benemeritos ætate ingravescente remove, in-
justum est 27. 70. Si autem jam sit emeritus
& non habeat in propriis unde se alat, nec ut
se familiamque suam sustentare queat, de ali-
mentatione illi prospiciendum; si secus, sei-
psum sustentare debet *ibid.*

Benius.

Benius per Patavinatatem intelligit studium
parvum 484. ante med.

Benius & veterum, & recentiorum autorum
figillatim. *ibid.* Livium aggressus est Patavii
Patavinum *ibid.*

Benii de Patavinatate opinio refutatur 485. in
fin. & 486

Benii calumniis respondetur 510. med.

Benii vasitatis in Taciti loco de Livio expli-
cando 485. in fin.

Benianæ calumniæ à Pignorio refutata 590
in fin.

Beroaldus.

Beroaldus (Philippus) quis fuerit? 481. ante med.

Borellus.

Borelli sententia de armillis rigidis corporum
compressionis capacibus 372. ante med.

Brevitas.

Brevitas in Historia non semper laudabilis 510.
in fin.

Brunus.

Brunus notatus 237. in fine.

Bruta.

Bruta morbosa & vitiosa vendita sedhibentur
46. 125

Bruta distinguunt ea, quæ vident, licet de co-
loribus non judicent ac nominibus suis de-
signent 308. post med.

Bruta aymantia prærogativam adoratus ha-
bent 321. in fin.

Bruta vulnerosa incidunt per vulnerationem
in dominium nostrum, si accedat occupa-
tio. 2. Vulnerata aliorum culpa, vel occisa
domino dant Actionem Legis Aquil. 47. 125

Brutis certo modo cognitio adscribitur 308.
in fin.

Buccina.

Buccina Alexandri Magni 381. in princ.
de Buccina Alexandri M. nova conjectura 412

ante med. 424. in princ.

Buccinæ quantus sonus 421. in fin.

Buccinas si totus Exonitus inflavit, horribilis
ille sonus fuit 422. post med.

Budaus.

Budæus per Patavinatatem intelligit odium
Gallicæ nationis 487. post med.

Butlerus.

Butlerus possessor magni arcani fuit 278. post
med. ejus mors 299. in fin.

C.

Cæsar.

Cæsaris dictio nitida 565. med.

Cæsaris Commentarii sine ornatu non implent
omnia Historiæ requisita 587. in fin.

Campana.

Campanæ sonitu vel voce canora loquentis aut
canentis animi deliquium passam puellam
nobilem testatur H. ab Heer. 321. in princ.

Campanæ etiam frangi possunt contrariis per-
cussionibus & filo campanæ circumposito
386. in princ.

Campanæ Dæmonum evocatrices. 443. med.

Campanella.

Campanella (Thomas) notatus 304. 306. in fin.

Campanella, Fiesaccus & Gretierus notati 93.
in fin.

Campanellæ consilium de vitro malleabili red-
dendo 339. ante med.

Cancer.

Canceri producuntur e pulvere combusti can-
cri, si super rivulos spargitur 276. med.

Canis.

Canum singularis in odoratu vis est 322.
post med.

Carbones.

Carbones arboris fulmine percussæ semper cre-
pant & sonitus explosivos edunt 441.

post med.

Ca-

INDEX SECUNDUS.

Carbones cur magis sonori, quam lignum 407.

in fin.

Carmina.

Carmina nostra non sunt humana, sed divina 73. *post med.*

Cartesius.

Cartesii sententia de sono in tonitru è nubium lapsu rejicitur 412. *in princ.*

Castri.

Castri non adoptare possunt 32. 79

Casus fortuitus.

Casus fortuitus regulariter exceptus est in damnis, non vero in illis, quæ profunt, ut inventio thesauri 68. 37

Catena.

Catena vitrea impune terræ illisa 339. *in fin.*

Cavitas.

Cavitas reflectit variè sonum 379. *in fin.*

Causa.

Causa superstitiosa apud Gellium 355. *ante med.*

Cerevisia.

Cerevisiam præservandi modus à corruptione tonitruum 412. *in fin.*

Cervæ.

Cervæ abortiunt cum tonitru audiù 416. *in pr.*

Chimia.

Chimia, per quos illa tradita sit & propagata 279. *ante med.*

Chimici lubentius vel plumbo, vel hydrargyro in auri confectioe utuntur, quam ferro aut cupro 277. *med.*

Chimici quomodo Elixir suum componant. *ib.*

Chinenses.

Chinenses Medici statuunt vesicæ viam & spiritus ad aures pertingere 438. *in princ.*

Chinenses morbos adeo per arteriarum pulsus deprehendere tactu norunt, ut statim causam eorum indicent & sedem ac originem 326. *in princ.*

De Chinensium doctrina medicâ quid sentiendum 438. *ante med.*

Cherubini.

Cherubini argumenta examinantur 345. *post med.*

Chorda.

Chorda æquisona an vitrum moveat? 409. *post med.*

Chordæ unisonæ ut triplici ratione tales: ita corporum particula triplici ratione conveniunt, certo respectu discrepant 403. *post med.*

Chordæ ruptæ sonus etiam consonam movet 360. *ante med.*

Chordarum æque tensarum altera tacta non tactam ad sonum læssit 354. *post med.*

Christus, Christiani.

Christus, cum in terris ageret, Majestatem Cæsaris honoravit 89. *in fin.*

Christiani Imperatores libenter quoque divinos admiserunt titulos 112. *in fin.*

Christianorum Imperatorum Divinitatis affectatio 86. *in fin.*

Cicada.

Cicadæ rumpere arbusta dicuntur 426. *post med.*

Cicatrices.

Cicatricum deformitas nullam recipit æstimationem 42. 112

Cicero.

Cicero ipse in Historia aliquid Poeticum agnoscit 513. *in princ.*

Cicero ipse gallicis rebus habens 553. *ante med.*

Ciceronis de peregrinitate in urbem infusa quorundam 340. *ante med.*

Circuli.

Circulus lacteus Principum defunctorum sedes 105. *ante med.*

Circuli in aqua ad sonitum chordarum 376. *post med.*

Citatio. Citatus.

Citatio pertinet ad Judiciorum præparatoria 43. 116

Citatus ad pestilentem locum excusatur, si non compareat 48. 130

Citatus contumaciter absens habetur pro contentiente 65. 32

Citatus si non comparat propter impedimenta, conceditur dilatio 43. 119

Kkkk

Cl-

INDEX SECUNDUS.

<p><i>Clamor.</i> Clamoris militaris quanta vis 416. ante med.</p>	<p>Coitus & infirmitas se non comparantur. <i>ibid.</i> <i>Color.</i> Color est visus objectū proximū 304. ante med.</p>
<p><i>Clericus.</i> Clericus infirmus integre percipit fructus beneficij sui 27. 70</p>	<p><i>Columella.</i> Columella, Latro Porcius, Hispani, in lingua cultissimi 584. ante med.</p>
<p>Clerici ægroti excusantur à jejuniis, & licitum illis est promiscue carnes edere 28. 70</p>	<p><i>Combustio.</i> Combustio rerum oleaginosarum, nihil aliud esse videtur, quam separatio ignis ab istis materiis, in quibus habitat 267. post med.</p>
<p>Clerici sunt, qui in Ecclesia Christi deserviunt, vel qui divino cultui ministeria religionis impendunt 26. 69</p>	<p><i>Commutatio.</i> Commutatio specierum an possit esse mutua 271. post med.</p>
<p>Sub Clericis Editui & Custodes, Organici, Cantores omnesque personæ Ecclesiæ inservientes comprehenduntur 28. 70</p>	<p><i>Commodus.</i> Commodus inter alios titulos usurpabat & istum: Romanus Hercules 86. post med.</p>
<p>Clerico ægroti datur Substitutus, sive Coadjutor 28. 70</p>	<p><i>Conciones.</i> Conciones Latinæ ad populum Hispanum habitæ 582. in fin.</p>
<p>Ad Clerum non promoventur 1. Castrati. 2. Vitiosi aliqua parte corporis 26. 70</p>	<p><i>Conductor.</i> Conductor non creditur renunciasse remissioni pensionis per verba generalia, nisi admodum aperta extant conjecturæ 64. 30</p>
<p><i>Codicilli.</i> Codicilli, tanquam imperfectæ Voluntates, permixtæ sunt illis, quibus perfectæ 36. 98</p>	<p><i>Confessio.</i> Confessio facta in testamento an valeat 45. 122</p>
<p><i>Cæcus.</i> Cæcus, an possit esse iudex 28. 71</p>	<p><i>Configuratio.</i> Configuratio partium & proportionem corporum sonorum ostenditur 400. ante med.</p>
<p>Cæcus & adoptare & adoptari potest 32. 76</p>	<p><i>Conjux.</i> Conjux ex societate conjugali obligatus est competentem curam & medicamenta adhibere alteri 31. 78</p>
<p>Cæcus non quidem admittitur ad condendum testamentum in scriptis; Sed nuncupativum, si modo audire & loqui valeat 36. 96</p>	<p><i>Consensus.</i> Consensus non minus facto elicitur quam verbo 66. 34</p>
<p>Cæci pro alijs postulare non possunt, licet pro se non prohibeantur 42. 116</p>	<p>Consensus temporis presentis colligitur à præterito 65. 33</p>
<p>Cæci, quibus oculi non afficiuntur objectorum specie, an sentire tamen objecta ad visum pertinentia interno quodam sensu possint? 309. in fin.</p>	<p>Ex presenti quoque & præterito consensus futurus 65. 33</p>
<p><i>Cæli & terra filii.</i> Cæli & terræ filii 100</p>	<p>Consensus semel præstitus non sufficit pro toto negotio 62. 22</p>
<p>Ejus appellationis rationes tres <i>ibid.</i> med.</p>	<p>Consensus interpretativus quid sit 68. 38</p>
<p><i>Cælo lapsi.</i> Cælo lapsi 99. post med.</p>	<p>quomodo dividatur <i>ibid.</i></p>
<p><i>Coitus.</i> Coendi potentia, si in particularibus ante determinatum annorum terminū adveniat, matrimonium contrahi potest, etiam si generatio non possit, cum ex frequentatione debiti conjugalis sperari possit generatio 22. 53</p>	<p>Con-</p>
<p>Coitus apud Jurisconsultos in Valerudinario non præsumitur 7. 8</p>	

INDEX SECUNDUS.

Consensus interpretativus est vel Necessarius
vel Probabilis 68. 38

Consensus interpretativus necessarius est, vel
ex necessitate actus ipsius vel legis 69. 38

Consensus fingitur aliquando de iis, quæ nec
scire nec ignorare possunt. 58. 14

Consensus fictus differt à Tacito, quod ille so-
leat præsumi de ignorantibus, imo & invi-
tis: hic tantum de volentibus & scientibus
58. 14

Consensus tacite limitatus unde oriatur 66. 35
quid sit *ibid.*

Consensus taciti Partes sunt vel Principales
vel Accessoriae 63. 23

Consensus tacitus validus est, si præsentia judi-
cialis accedit 62. 22

Consensus tacitus expresso fortior est 65. 33
juris renunciationem inducit *ibid.*

Consensus tacitus sine scientia & patientia,
subsistere non potest 63. 24

Consensus noster seu fictus seu tacitus interce-
dir in illis quoque, quæ ignoramus, sed scire
debebamus 59. 14

Consensus per taciturnitatem probatur, illeq;
obligat, ut & actio & exceptio ex ea dari
possit 62. 22

Causa *Consensus Taciti*, seu silentii est Volun-
tas, omnium actionum parens 56. 9

Consensui nihil magis contrarium, quam error
23. 54

Consentimus quoque in præjudicio modico 62.
22

Consentire in Odiosis non credimur 62. 22

Consentire qui non possint 61. 21

Qui *Consentit* in genus, tacite consentit in spe-
ciem 69. 38

Consecratio.

Consecratio miraculis & juramenti fidei con-
firmata 106. *post med.*

Ula *consecratio* omnis Idololatriæ causa *ibid.*

Conservatio.

Conservatio diuturna rerum corruptibilium in
Vitro evacuato 347. *post med.*

Consonantia.

Consonantiæ Vasorum in theatris 362. *in fin.*

Contignitas.

Contignitas durarum particularum in sonis
necessaria 367. *in princ.*

Contractus.

Contractus Consensuales sunt 1. Emptio-Ven-
ditio. 2. Locatio-Conductio. 3. Societas.
4. Mandatum 38. 104

Contractus realis est: 1. Mutuum. 2. Commo-
datum. 3. Depositum. 4. Pignus 37. 102

Contractus Verbalis vocatur stipulatio 38. 103

Contractus est vel verus vel quasi. Verus est
vel Realis; vel Verbalis; vel Consensualis
37. 101

Contumacia.

Contumacia habetur pro præsentia 65. 32

Convulsiones.

Convulsiones Saltuæ à variis causis internis
& externis 439. *in fin.*

Copia.

Copia Carminis Ovidiani à nonnullis repre-
hensa, à Daniele Heinsio, eleganter defensa
511. *post med.*

Cornu.

Cornuum & Vitri Muscovitici à nostro diver-
sas 338. *in fin.*

Cornu Rolandinum 422. *med.*

Corpus.

Corpus naturale vel solidum est vel fluidum
25. *in pr.*

Corpora omnia componuntur è fluidis vel soli-
dis 402. *med.*

Corpora solidissima multos habet meatus 344.
in fin. Illorum mira & incomprehensibilis
subtilitas 345. *in pr.*

Corpora exigua sæpe magnos sonitus & tumultus
efficiunt 425. *post med.*

Corporum divisio in simplicia & solida non re-
cte instituta 344. *med.*

Corporis æqualis inquiescens æquale impulsus
358. *ante med.*

In *Corporibus* eorumque minimis partibus quæ
attendenda 404

Cortesiæ.

Cortesiæ ubertatem sine modestia profluen-
tem in Livio notavit. 512. *in princ.*

INDEX SECUNDUS.

Creditor.	propinaverit venena, ut infatuetur, de Jure
Creditori, qui à debitore in pignore deceptus est, contraria pignoratitia competit. Secus autem si sciens accipit	Civili actio injuriarum datur <i>ibid.</i>
Cresollus.	Demens. Dementia.
Cresollus notatus 554. <i>ante med.</i>	Demens est is, qui nescit exprimere, quid velit aut nolit 10. 17
Critici.	Demens de præterito præsumitur etiam demens de præsentis 10. 18
Criticorum depravationes generant voces & phrasas barbaras 574. <i>med.</i>	Dementia, quid? 10. 17
Crytallus.	Deorum Cognati.
Crytallus an ex aqua? 342. <i>ante med.</i>	Deorum cognati 98. <i>in fin.</i>
Crytalli in locis subterraneis istorum montium inventæ 342. <i>post med.</i>	Depositum.
Curator.	Depositum reddere depositarius tenetur, ad compellationem Deponentis, etiam ante tempus pacto forte constitutum 38. 102
Curator solet dari furiosis 49. 135	Diapason.
D.	Diapason perfectissima consonantia 389. <i>post med.</i>
Damoniaci.	Dictio.
Damoniaci sunt à Diabolo obsessi 18. 42. Furantibus & insanis sunt equiparandi. <i>ib.</i> ab ordinum susceptione & administratione perpetuo excluduntur <i>ibid.</i>	Dictio oppidana à Cicerone notata 558. <i>ante med.</i>
Damoniaci & Epileptici planè prohibentur à clero 17. 70	Dictio versionis veteris Bibliorum $\sigma\lambda\omicron\iota\sigma\tau\upsilon\phi\alpha\upsilon\varsigma$ defensa ab Alberico Gentili 520. <i>post med.</i>
Defuncti.	Dignitas.
Defunctorum cultus 104. <i>in pr.</i>	Dignitas tempore sinceritatis adepta, sequente debilitate non admittitur 27. 70
Delicta.	Dii.
Delicta Publica sunt 1. Crimen læsæ Majestatis.	Dii in sacris literis dicti Judices, Angeli, quin & Heroes 88 & 89.
2. Homicidium. 3. Adulterium, stuprum, raptus 41. 111.	Dii gentilium omnes homines 107. <i>in princ.</i>
Delicta Privata sunt: 1. Furtum. 2. Rapina.	Disciplina.
3. Damnum injuria datum. 4. Injuria 41. 109	Disciplina odorabilium à quodam inventa 434. <i>post med.</i>
Delicta sunt vel vera, vel quasi. Delicta vera vel Privata, vel Publica 41. 108	Disciplinæ quid sint? 119 <i>in pr.</i>
Delirium.	Distillatio.
Delirium non raro ex Philtreis datis accidit 17. 41	Distillatio frigida per nives 348. <i>in fin.</i>
Delirium ex veneno dato nonnunquam oboritur 17. 40. Talia autem venena propinans, si mors subsequatur, sine dubio Jure Civili capitis supplicio afficiendus, & si dignior persona est, deportanda est <i>ibid.</i> Const. Carol. ult. 130. rota contunduntur: <i>ibid.</i>	Diversitas.
Adversus illum autem, qui hunc in finem	Diversitas soni, quo vitri sonus provocatur 379. <i>in fin.</i>
	Divi. Divinitas.
	Divi vocabantur, qui post fata in Deorum numerum referebantur 103. <i>in fin.</i>
	Divinitas Principum à Dei erga illos cura 94. <i>ante med.</i>
	Divi-

INDEX SECUNDUS.

Divinitas Principum à summo Sacerdotio, quod cum potestate politica conjunctum.	93. med.	<i>Dubitans. Dubitatio.</i>	Dubitans, qua dubitans, consensum non interponit, nisi tum, cum actum impedire posset	59. 16
Divinitatis titulis Principi à civilitate Aulicorum, Poëtis & Oratoribus	91. post med.		Dubitatio quid sit	ibid.
<i>Divisio.</i>		<i>Durities.</i>	Durities aliqua viscositate temperari debet.	367. ante med.
Divisio coheredum præsentis legatario non nocet	64. 30.	E.		
<i>Doctrina.</i>		<i>Ebrius.</i>	Ebriis, furiosis aliisque ex animi perturbatione aliqua vel impetu delinquentibus ignoscitur	14. 31
Doctrina in Principe requiritur	91. in pr.	<i>Elocutio.</i>	Elocutio	455. 10
<i>Dolia.</i>			Elocutio urbana, qua in re consistat, ex sententia Aristotelis	532. ante med.
Dolia subterranea ædium sonitum augent	383 med.	<i>Elogium.</i>	Elogium Ciceronis ipsa veritatis vis Pollioni extorsit	500. in princ.
<i>Domini.</i>		<i>Eloquentia.</i>	Eloquentia Ecclesiastica	464. 19.
Domini si servos ægrotantes ob infirmitatem deseruerint, vel à sua domo publicè ejectionem, neque ipsi eos procurarint, nec alii commendarint, nec consueverint illis præbuerint salaria, &c. competit servis ob id libertas, & Domino jus patronatus in libertos denegatur & ab eorum substantia planè segregatur	29. 73		Eloquentia Historica	460. 14.
Dominus <i>κύριος</i> pro DEO	87. med.		Eloquentia Forensis Ciceronis tempore alia facie, quam sub Imperatoribus comparuit	461. 15
Dominus furiosum servum mittens, ut possideat, nequaquam apprehendit possessionem	34. 85		Eloquentia Militaris	464. 18.
Dominus divinum nomen est, & ut Tertullianus ait, Dei cognomen	88. med.		Eloquentia in tacendo quid sit	448. 3
<i>Domitianus.</i>			Eloquentia Latina plures Provinciales florerunt quam Romani	553. ante med.
Domitianus Dominus & Deus dici voluit	87 pr.		Eloquentiæ scholæ recentiores in Gallia, sed corruptò jam sermone latino	556. ante med.
Domitianum Statius vocat parentem mundi	88. post med.	<i>Emboli.</i>	Emboli & tubuli in corporibus	371. in fin.
<i>Donatio.</i>		<i>Emphyteuta Furiosus.</i>	Emphyteuta Furiosus, si canonem non solvit, non cadit ab Emphyteusi	39. 104
Donatio per infirmum in dubio dicitur causa mortis	35. 95	<i>Empirici.</i>	Empirici Brasilienses miranda præstant tactu, frictione, suctione	327. med.
<i>Dormientes.</i>		<i>Enthusiasmus.</i>	Enthusiasmus apud præcos Gothos in novilunio habitus fuit ferventissimus	75. Illum.
Dormientes & Noctambuli non inepte Melancholicis adjungi possunt	14. 30			
Dormientes & Noctambuli furioso & absenti æquiparantur	14. 36			
Ad Dormientes referendi sunt Lethargici, Catartici, Comatoſi	19. 44			
<i>Draco.</i>				
Dracorum apud Gentiles cultus	102. post med.			

INDEX SECUNDUS.

impetum ii dixere *Skallwingl*, id est, poëti-
cam vertiginem *ibid. post med.*

De *Entbusiasmo* Poëtico Morhofius singulare
volumen confecit hætenus ineditum 81. *in*
fin.

Enthusiastæ naturaliter possunt tactu curare
327. *in princ.*

Enthusiastarum somnia 430. *in fin.*

Epilepsia. Epileptici.

Epilepsia est totius corporis convulsio, cum
mentis & sensuum ablatione 16. 37

Epilepsia à sonitu cornu inflati 438. *post med.*

Epilepsia ex Epilepticæ adspectu 440. *ante*
med.

Epilepticus non potest eligi in Episcopum. 16.
37

Epilepticus sanus non est, ne quidem his die-
bus, quibus morbus vacat 16. 37

Epilepticus non potest obtinere beneficia or-
dinem requirentia, quia neque ordinari
potest, & ad sacra promoveri: Imò neque
promotus administrare; quod tamen de-
forti Epilepsia tantum intelligendum 16. 37

Errans.

Errantibus, non stultis solet succurri 11. 21

Errantis nullus est consensus 23. 54

Erasmus.

Erasmus Roterodamus occasione librorum Li-
vianorum à Symone Gryneo inventorum
Principes ad reliquos conquiendos adhor-
tatur 479. *ante med.*

Erasmus maturiore ætate Livio æquior 586. *in*
fin.

Erasmus de Gallicismis scriptorum sacrorum
555. *post med.*

Erasmi Germanismus in Latinitate à Lilio Gy-
raldo notatus 541. *in princ.*

Error.

Error, quid sit. 59. 17

Error sequitur Ignorantiam & Opinionem.
ibid.

Error Hamelii, Verulamii, Kircheri 377. *post*
med.

Etrusca Lingva.

Etruscæ sive Tuscæ Lingvæ origo 560. *post*
med.

Exempla.

Exemplum cujusdam, cui ex febre id contigit
beneficium, ut durante illa exquisitissimum
nancisceretur auditus sensum, submissos
etiam audiens susurros, qui ad magnam satis
distantiam edebantur, etiam inter strepitus
aliorum adstantium, qui tamen eos non au-
diebant 319. *in fin.*

Exemplū surdi, qui inter tympanorū proximos
& validissimos sonos etiam submissas voces
audiebat, quas intensiores etiam extra tym-
panorum tumultus non audiebat 320. *in*
princ.

Exemplum de aquæ in vinum conversione 276
post med.

Exemplum Mercatoris, qui odoratu viam de-
prehendere potuit 323. *in princ.*

Exemplum è Digbæ de scyphis vitreis in nave
ad sonum tormentorum longinquum tre-
mentibus 411. *post med.*

Exemplum cujusdam, qui voces oculis perci-
pere potuit 318. *med.*

Exemplum Equitis Vasconis, cujus vesica
phormingis sono ad urinam reddendam in-
citabatur 437. *in fin.*

Exemplum pueri octennis sine lingua loquen-
tis 318. *in princ.*

Exemplis variis ostenditur, commutationem
Literæ E & J non Patavinis tantum, sed &
Romanis aliisque municipalibus fuisse com-
munem 496. *med.*

Exercitus.

Exercitus totus si buccinas inflavit, horribilis
ille sonus fuit 422. *post med.*

Experimenta.

Experimentum singulare de lineis in lamina
area parallelis, è motu circulorum aereo-
rum ductis 373. *ante med.*

Experimentum Florentinum de scypho vitreo
unifona chorda violini majoris per subitam
in diapason acutiorem commutationem fra-
cta. 392. *in princ.* Alia de Oenopola Am-
stelodamensi relatio, de fracto vitro per
subjectionem Octavæ unifono factam *ibid.*
post med.

Expe-

INDEX SECUNDUS.

Experimentum de Sono Vasis lignei è variis
schidiis compacti 406. in fin.
Experimentum Societati Regiæ Anglicæ pro-
positum 335. ante med.
Experimenta quædam artis Chemicæ 295. &
seqq.

Expressum.

Expresse qui potest, potest etiam tacite con-
sentire 56. 9
Expressum ex conjecturis dicitur, cum illud ex
aliis expressis & scriptis colligitur 68. 38

F.

Honoratus Fabri.

Fabri (Honoratus) notatus 238. in fin.

Fabula.

Fabulæ de Heroibus sensus verus 97

Factum.

Facto non minus consensus elicitur, quam ver-
bo 66. 34

Factum est vel omissionis, vel commissionis
ibid.

Factum commissionis in quo consistat ib.

Familia.

Familiarum origo à Diis 97. in fin.

Famis.

Famis necessitas excusat à furto 67. 37

Famuli.

Famuli à servis distant 30. 74.

Famulis ægrotantibus debetur merces integra
30. 74

Famulo, Domino neganti solutionem, quan-
tum debetur, licet subtrahere, nec in eo fur-
rum committit 30. 75

Fanatici.

Fanatici sunt, qui quasi quodam furore corre-
pti, in fanis oraculum fundebant 18. 43

Fanatici quando habent intermissiones, sani
existimandi sunt ibid.

Fanaticus & Dæmoniacus Dæmonio quodam
five numine sunt perciti ib.

Fastidium.

Fastidium purioris sermoris ob affectationem
peregrinitatis post Ciceronis tempora 347.
ante med.

Fatui.

Fatui, qui? 11. 20

Fatui & stulti differunt 11. 21

Fatui à quibusdam Jurisconsultis dividuntur
in eos, qui habent iudicium, quantum puer
14. annorū, & in eos, qui vix iudicio æquant
puerum decennem 11. 20

Fatui Jure Lubecensi findische dicuntur ib.

Fatui propriè dicuntur, qui fando suam osten-
dunt imperfectionem 11. 20

Fatuis sunt annumerandi Icti à fulmine: Con-
gelati, Cataleptici & Siderati: Syncopizan-
tes sen Liporhymi 18. 44

Fatuitas pro simplicitate ac animi puritate
usurpatur à Canonistis 11. 20

Fatuitas est memoriæ cum ratione diminutio
ibid.

Fatum quidam distinguunt ab insulso, ut il-
lud sit verbis & dictis, hoc corde & animo
ibid.

Favomibilis Causa.

Favorabilis causa est vel nostra, vel aliena 62.
22

Felicitas.

Felicitatis est, quantum velis, posse, Magnitu-
dinis est, velle quantum possis 116. in fin.

Fera.

Feræ per musicam domari possunt 431. in fin.

Figlina Opera.

Figlina opera carmine rupta 431. med.

Filius Familias.

Filius familias velle non creditur, cum parere
necesse habet 61. 21

Filius patris furiosi, ob injuriam sibi ipsi illa-
tam, recte agit 41. 109

Filii emancipati coguntur patrem alere 33. 81

Filorum vitreorum flexilitas potius porositat-
em, quam impenetrabilitatem vitri probat
345. post. med.

Fistula.

Fistularum varietas mira apud antiquos 395.
in princ.

Flagellati.

Flagellati à domino non addi debet afflictio
27. 70

Fla-

INDEX SECUNDUS.

<i>Flammellus.</i>			
Flammelli immensæ divitiæ	291. in princ.	ris, quam in feminis, per corporis aspectum probatur	10. 49
<i>Flatus.</i>		Frigiditatis signa, Præsumptiones & Probationes varia sunt	ibid.
Flatus artificis & aer externus ad texturam partium vitri multum confert	350. in princ.	<i>Frommannus.</i>	
<i>Florus.</i>		Frommann. notatur	32. 78
Flori audacia in Metaphoris notata	531. in princ.	<i>Furor. Furiosus.</i>	
<i>Fluidum.</i>		Furor est mentis ad omnia cæcitas	15. 33
Fluida soni non sunt capacia, nisi affricu ad solidum	366. med.	Furor vehemens usumque rationis exterminans sponsalia dissolvit	31. 77
Fluidum, in quo crystallus crescit, eodem modo se habet ad crystallum, quomodo aqua communis se habet ad salia	251. in fin.	Furor nonnunquam è nimia spirituum copia & eorum vehementi agitatione provenit	597. post med.
<i>Fœminæ.</i>		Furor simpliciter non rescindit societatem, sed curator furiosi licentiam habet societatem furiosi dissolvere, & sociis licet furioso renunciare	39. 104
Fœminæ optimæ urbanitatis custodes	570. ante med.	Furor omnino impedit legitimationem	32. 80
Fœminæ, quæ annum duodecimum excesserunt, viri potentes dicuntur	22. 53	Furor Morbus absolute vocatus	32
Fœminæ testes esse possunt in testamento tempore postis confecto	48. 130	Furor excusat à pœna	41. 111
<i>Fons.</i>		Furor est fictus interdum ab ipsa lege, omnesque repræsentat testatores, contra officium heredes suos excludentes, vel per dolum allicujus	48. 131
Fons in Helvetia nomine suo ter vocatus funditus exastuare dicitur	383. post med.	Furiosus, licet promittendo non obligetur; stipulando tamen sibi acquirere potest	38. 103
Fons ad tibie sonitum se effundens	383. post med.	Furiosus semper habet liberos suos in potestate, non habita ratione, an vel ante vel post furorem, vel in ipso furore, concepti native sint	32. 81
<i>Fornices.</i>		Furiosus non potest usucapere	34. 86
Fornicibus periculum est à sonis organorum	408. med.	Furiosus injuriam facere non potest, sed pati	41. 109.
Etiā illi concuti & tremere possunt	ibid.	Furiosus est insanus furore agitato	15. 33
<i>Fractura.</i>		Furiosus quemadmodum & infans excusatur ab Homicidio	41. 111
Fractura in vitro per vocem percusso pene regularis	387. post med.	Furiosus stipulari non potest	38. 103
<i>Fragilitas.</i>		Furiosus quodocunque desit furere & habet intervalla furoris, tunc potest omnia gerere, quæ alii gerunt, qui facultate intelligendi sunt instructi	37. 100.
Fragilitatis ratio in quo consistat	386. post med.	Furiosus qui semel est, semper præsumitur furiosus	10. 18
<i>Fragmenta.</i>		Furiosus ex donatione non acquirere potest	34. 86
Fragmenta & libri deversis temporibus è Bibliothecis eruti	477. med.	<i>Fu-</i>	
<i>Fremicus.</i>			
Fremitus terribilis per canalem excitatus	383. post med.		
<i>Frigidi. Frigiditas.</i>			
Frigidi qui	20. 48		
Frigiditas secundum Jurisconsultos, tam in vi-			

INDEX SECUNDUS.

Furiosus per traditionem non acquirit, licet is, qui tradiderit, possidere defierit 34. 85
 Furiosus, quatenus furiosus acquirere non potest 33. 85
 Furiosus à crimine læsæ majestatis excusatur 41. 111
 Furiosus, quomodo à mente capto differat 13. 29
 Furiosus obligari & alios obligare potest, ubi consensus vel expressus vel tacitus non requiritur 37. 102
 Furiosus ex legatis & fideicommissis non solum acquirit, sed & obligatur ex aditione hereditatis 34. 86
 Furiosus ex damno injuria dato non obligatur, & vice ejus tenebuntur, qui illum negligentius custodierunt 41. 109.
 Furiosus ex mandato non potest obligari 39. 104
 Furiosus si indebitum solverit, generaliter repetitioni locus est, & si quidam existant nummi, vindicabuntur, si consumti sint, condictio locum habebit 40. 105
 Furiosus non potest donare 35. 91
 Furioso impune damnum fieri non potest 41. 109
 Furioso sententia dici non potest, nec valet si lata sit 46. 123
 Furioso legitimæ mortis causa donatur 34. 86
 Furiosi absentibus comparantur per omnia 37. 100
 Furiosi negotia si gesserim, competit mihi adversus eum negotiorum gestorum actio. 40. 105. & illi ego vice versa obligor *ibid.*
 Furiosi, quomodo à Græcis appellentur 14. 29
 Furiosi nec adoptare possunt, nec adoptari 32. 79
 Furiosi in jure nostro duum sunt generum; unum eorum, qui in perpetuo furore sunt; alterum eorum, quorum furor intermissus est, & qui dilucida habet intervalla, seu inducias 15. 33
 Furiosi & mente capti non possunt juramentum deferre 44. 121
 Furiosi contrahere non possunt 37. 100
 Furiosi & Melancholici liberantur quoque poena

Αὐθιγίας; & honesta illis sepultura denegari non debet 41. 111
 Furiosi furtum non faciunt 41. 109. At Condictioe furtiva tenentur *ibid.*
 Furiosis solet dari Curator 49. 135
 Furiosorum nulla certa est voluntas; nulla certa vox; nullus sensus: nullus consensus, nullusquo affectus: pro mortuis ferè, absentibus & quiescentibus per omnia habentur: lapidi equiparantur: pro ignorantibus habentur: pro pupillis, dormientibus, &c. 15. 33
 Ad *Furiosos* spectant Lycanthropici, Cynanthropici: Præstigiati: Enthusiastæ: Engastrimathi: Lencanomantici: Furentes ex utero 19. 44
 Furentes ex utero sunt mulieres, quæ adeo interdum Veneris Oestro percelluntur, ut ad rabiem usque perveniant 19. 44

Furti actio.

Furti tantum actionem ille habet, qui imbecillitate impeditus prohibere non potuit, ne sibi rapiatur 41. 109

Fusio.

Fusio procedit ab æquali motu partium ignis & ipsius corporis fusibilis 403. *ante med.*

G.

Gallicismus.

Gallicismus in lingua latina 553. *in princ.*

Galli.

Galli magno latinæ studio ducebantur 582. *ante med.*

Galli posteriores affectatione peccarunt 555. *in princ.*

Galli argutiarum affectatores 555. *med.*

Galli eloquentiæ laude olim celebres 553. *ante med.*

Gallorum hodiernorum purissima Latinitas laudatur 556. *in fin.*

Gallorum in latina lingua multi Gallicismi, præprimis Barclaii 541. *ante med.*

Gallus Asinius.

Gallus Asinius Pollionis filius Ciceromastix & Gellio notatus 500. *med.*

INDEX SECUNDUS.

<i>Gemma.</i>		<i>Grotius.</i>	
Gemma adulterina adspersa aqua forti maculam contrahunt	348. ante med.	Grotius notatur	60. 19
<i>Gens Anglica.</i>		<i>Gudius.</i>	
Gens Anglica semper habuit e Baconum familia felicissima ingenia	289. in fin.	Gudii (Marquardi) laus	482. med.
<i>Gentiles.</i>		Gudii (Marquardi) in Phædrum animadversiones ineditæ laudantur	566. med.
Gentiles solebant libros sacros non nisi lustratis pedibus, oculis, manibus & auribus attingere	122. post med.	H.	
<i>Germani.</i>		<i>Harmonia.</i>	
Germanorum Reges Dii	105. post med.	Harmonia orbium cælestium Pythagorica	430 med.
Germanorum Heroum divina nomina	110. ante med.	<i>Henricus IV.</i>	
Germanorum quare voces pleræque Monosyllabæ & illi bibaces, ridicula ejusdem ratio	539. post med.	Henricus IV. Rex Angliæ quatuor edicta publicavit ad omnes nobiles, milites, Doctores, Professores, Sacerdotes, quibus eos adhortatur, ut Lapidis Philosophici præparationem inveniant, aut si quis sciat arcanum illud, revelet sibi	287. in princ.
<i>Gigantes.</i>		<i>Heres.</i>	
Gigantes	100. in fin.	Heredis factum non nocet præsentis fidei commissario, quod aliter se habet inter coheredes, socios, vicinos novum opus facientes	64. 30
<i>Gingiva.</i>		<i>Heringius.</i>	
Gingiva per stridulum cultri sonum eruentata	438. med.	Heringius notatur	62. 12
<i>Glacies.</i>		<i>Hermaphroditi.</i>	
Glacies sonat, quia tensa	366. post med.	Hermaphroditi, an ad matrimonia admittendi	26. 66
<i>Glareanus & Brodeus.</i>		<i>Heroes.</i>	
Glareanus & Brodeus hostilem Livii in Gallos animum exagitant	457. in fin.	Heroes dicti illi & Semidei	95. post med.
<i>Gæddæus.</i>		Heroici & Divini cultus differentia	105. med.
Gæddæus notatur	60. 21	<i>Hevelius.</i>	
<i>Grammatica. Grammatici.</i>		Hevelius Lunæ faciem accurate depinxit	236 post med.
Grammatica Philosophica è consilio Vernulmi scribenda	537. med.	<i>Hispana lingua.</i>	
Grammaticorum in Translationibus colligendis magna negligentia	530. ante med.	Hispana lingua an Romanæ originem dederit	543. med.
<i>Græca lingua. Græci.</i>		<i>Hispanismus.</i>	
Græcæ lingvæ major peregrinitas è Dialectorum usu	559. ante med.	Hispanismus in lingua Latina	543. med.
Græci magni Atticarum Vocum affectatores	576. in fin.	<i>Hispani.</i>	
Græci in latinis græcissant, in græcis hi latinissimos sectantur	540. post med.	Hispani præ cæteris provinciis Latinitatis tenaciores	544. med.
<i>Antonius Grandis.</i>		Hispani Romanam linguam cum oblivione suâ recipiebant	532. ante med.
Grandis (Antonius) Carthesianæ Philosophiæ assertor, notatur	307. & 308	Hispa-	

INDEX SECUNDUS.

Hispani prisci & lingua & doctrinis insignes

343. in fin.

Hispani primi conservatores eloquentiæ Romanæ

347. post med.

Utrum Hispani an Galli primi peregrinitatem in Romanam linguam invexerint

545. in princ.

Historia.

Historia memorabilis de aquæ per pulverem in spissatione & de gemmis ex aqua confectis

341. med.

Historia repertorum osium, quæ Liviana credebantur

490. post med.

Historia lepida de Castio declamatore

506. in princ.

Historia Experimenti Petteriani.

333. med.

Historia de agyrra quodam

439. ante med.

Hobbesius.

Hobbesii Sententia de motu minimorum in duris corporibus

386. med.

Hobbesius notatus

116. post med. 304. in fin.

Homines.

Homines elationis pronuntiationis plerumque tumorem in stylo amant

538. post med.

Homines ex auditu verborum ac orationis elaboratæ duci & quasi extra se rapi possunt

320. ante med.

Hooekius.

Hooekii (Roberti) singularis circa convenientiam pororum industria

402. med.

Hooekii (Roberti) laus

350. med.

Humor.

Humore metallico sublato vitrificantur metalla

338. ante med.

Humore alieno rigidis metallis ductilitas collata

ibid. med.

I.

Ictus.

Ictu & impulsu uno, non repetitis, movetur chorda similis

358. in fin.

Idololatria.

Idololatriæ tres sunt causæ; abusus potestatis, adulatio & vitium gentis

84. post med.

Ixiæ.

Ixiæ Deorum sanguis

86. post med.

Ignoscere.

Ignoscendum est ei, qui causa aliqua commotus & irritatus delinquit

24. 55

Imbecillitas.

Imbecillitas non solum est impedimentum: sed præterea etiam actiones lædit

6. 6

Impedimenta.

Impedimenta quadam specialia dantur, quæ patriam potestatem, tum respectu Patriæ, tum respectu filii furiosi impediunt

33. 81

Impedimenta allegata debent esse vera non fictitia

43. 118

Impedimenta probari debent testibus ad minimum duobus, aut per literas & testimonium Medici; testimonium obstetricis, si prægnans sit citata

ibid.

Impedimenta sunt sine imbecillitate & consequenter vitia sine morbis

6. 6

Impensæ.

Impensæ modicæ & magnæ quid sint

30. 74.

Impensæ valetudinis minores, in servum ægrotum commodatum factæ, ad commodatariû pertinent: Si autem majores sint, agi potest commodati adversus Dominum

29. 73. &

30. 74

Imperator.

Imperator non est DEUS

88

Imperator an sit Orbis Dominus

115. ante med.

Imperatores Romani ab Augusto ad Gratianum usque non modo Pontificis maximi titulum libenter usurpabant, verum etiam Pontificatus insignia

93. post med.

Imperitia.

Imperitia literarum, cum stupiditate conjuncta excusat à tutela

33. 88

Impetus.

Impetus in sono vehementer magna efficacia

410. post med.

Impossibile.

Impossibile est, omnes casus legibus comprehendendi

19. 44

Impu.

Impuberes.

Impuberes licet matrimonia contrahere non possint, possunt tamen sponsalia de futuro, si sunt maiores 7. annis; & hæc tamdiu valent, quamdiu non perveniunt ad pubertatem, & ante eam non possunt resiliire aut pœnitere 22. 53

Impuberum desponsationes habent effectum sponsaliorum de futuro 22. 53

Impotentia. Impotens.

Impotentia seu inhabilitas feminina est defectus in muliere, propter quam non est apta ad amplexus viriles. Ea est vel communis vel propria 25. 59. & seqq.

Impotentia est vel à natura ipsa; vel ab Accidenti 21. 50

Impotentia naturalis, quæ ab initio non est: sed tractu temporis oritur, est in senibus, qui propter caloris defectum sunt impotentes. Illa autem Matrimonii obstaculum non est, nec per illam rescinditur 22. 53

Impotentia naturalis temporalis, ab initio existens & cum tempore desinens, est in impuberibus, ut in masculo ante 14 annum, & in femina ante 12 annum, hæc impotentia impedit matrimonium, nisi malitia ætatem suppleat 22. 53

Impotentia naturalis dividitur in Temporalem & perpetuam. Temporalis subdividitur in impotentiam, quæ ab initio quidem est, sed tempore desinit esse, ut in impuberibus; & illam, quæ ab initio non est, sed tractu temporis naturaliter oritur: ut in senibus 21. 51

In impotentia Naturali temporali ab initio existente notetur, quod matrimonii dissolutio non concedatur, priusquam summam & perfectissimam pubertatem attigerint, & præterea arbitrio iudicis longius tempus determinandum relinquitur, ne tam citò ad separationem profiliant 24. 54

In Impotentia Naturali perpetua notetur, quod, si ex manifestissimis Signis possit colligi, è vestigio permittatur separatio 23. 54

Omnis (*Impotentia*) naturalis & accidentalis, nisi sit, facile sanabilis, aut tractu temporis

se ipsam emendet, impedit matrimonium 21. 53.

Impotentia potest insuper & probari, si per trium annorum cohabitationem conjuges non potuerint coire; ex hoc enim satis clare constat de frigidityte illorum. Et hoc triennium dari debet, quando aliunde non probari potest. Idem cursus triennii multò magis debet expectari in corrupta muliere, quæ non habet ita efficax argumentum pro se, ut habet Virgo, quæ arguit quodammodo Viri impotentiam 20. 49

Impotentia Accidental est, quando naturaliter potens ex postfacto fit impotens, & est duplex. 1. Manifesta, quæ per violentiam inferitur, ut, perfectionem. 2. Occulta, quæ provenit, vel ex maleficio & incantationibus, vel ex morbis 21. 52

Impotentia Accidental manifesta, quæ per violentiam inferitur, per quam quis amittit virilia & spado fit, impedit interdum matrimonia, interdum non 22. 53

In Impotentia Accidental

manifesta notetur: Si sectio violenta præcesserit matrimonium, contractum matrimonium sine dubio dirimit; Secus est, si subsecuta sit matrimonium. In impotentia Accidental

occulta, nota 1. Si maleficiatus simpliciter est impotens, trium annorum spatium expectare debet, & si non cessat, solvitur matrimonium; tunc enim præsumitur maleficiū perpetuum esse, si cessat temporale erit. 2. Si maleficiatus erga unam tantum est impotens, non erga alias, separantur, & permittitur illis ab utraque parte novum Matrimonium 24. 54

Pro **Impotentia Viri** declaranda multa sunt indicia. Sed an illa ex Foeminarum inspectione haberi possit, dubitatur 30. 49

Contra **Impotentiam** viri præsumptiones sunt: 1. Ubi visibilis impotentia in viro non apparet, vir præsumitur potens. 2. Mulierem virum impotentem esse asserente, viro autem negante, præsumitur vir potens. 3. Viro se impotentem asserente, muliere negante, præsumitur vir potens. 4. Mulieri, quando post annum vel semestre, non est

con-

INDEX SECUNDUS.

conquista de viri impotentia, non tam facile creditur; sed potius pro viro præsumitur. 5. Potentia viri probatur, si cum alia muliere coiverit 21. 49

Quam quis ob *Impotentiam* Conjugis viventis, imprægnavit, eam, post mortem ejus, in uxorem ducere, sine adulterii metu potest 24. 55

Impotentia absoluta est, per quam quis, respectu ipsius perque se generare non potest 19. 48. *Impotentia* autem in genere, est vitium vel defectus naturalis aut accidentalis, quo quis impeditur alteri carnaliter commisceri 19. & 20. 48

Impotentia respectiva quid sit 25. 57. & 64

Impotentia Conjugis excusat à poena ordinaria adulterii 24. 55

Impotentia ex morbis, cum speretur restitutio, nullo modo impedit Matrimonium. Sed si inveterati & longi morbi sint, ut vix ac ne vix quidem ad valetudinem & potentiam redigatur aliquis, credo secus esse de matrimonio contrahendo 23. 53

Impotentia Effectus sunt duplices; aut enim impediunt matrimonium aut dissolvunt 21. 53

Impotentia Præsumptiones & Probationes non sunt unæ 20. 49

Impotens quis censendus non est, licet uno testiculo careat *ibid.* cum adhuc generare possit *ibid.*

Impotens est, qui non potest reddere debitum conjugale, seu qui non potest coire mulieri & agere ea, quæ à natura viris data sunt 20. 48

Impotentes, qui manifestè restitutione ulla destituntur, non possunt adoptare 32. 79

Cum *Impotente* si quis sciens contrahat, omnia impedimenta cessant 23. 53

Inepti.

Inepti sunt & in societatem humanam injurii, qui arti amplius aliquid, quam naturæ licere negant 274. in fin.

Infamia.

Infamia natalium sæpe sub illa ficta divinitate acta 100. post med.

Infirmus. Infirmitas.

Infirmus & longo morbo fatigatus habet privilegium ad supremum Tribunal, adeoque ipsius Principis, alios vocandi; Non autem vocari potest 43. 118

Infirmus citatus non tenetur comparere 43. 118

Infirmus præsumitur facere actum ultimæ voluntatis, non inter vivos 35. 95

Infirmi, quomodo juramento suam valetudinem declarent 44. 121

Infirmus moribundo juranti de mensura suæ substantiæ quomodo credatur 44. 121

Infirmitas ad res inanimatas quoque traducitur 3. 3

Ignorantes.

Ignorantes sæpe ex contractibus obligantur 58. 14

Ingratus.

Ingrati vitium an sit puniendum 60. 21

Inhabilitas.

Inhabilitas Fœminæ, quæ per ejus constitutionem accidit, est Sterilitas 25. 63

Injuria.

Injuriarum tenetur, qui ex propinatione medicamenti alicui mentem alienavit 41. 109

Insania. Insanus.

Insania generale nomen est Affectuum animi 9. 17

Insania non solum de vehementi animi morbo, sed etiam de levissimo animi defectu acceptatur 10. 17

Insaniens pro eo, qui est impotens iracundia 9. 16

Insanire specialiter significat excedere modum in sumtibus *ibid.*

Insanire pro iratum tumultuari *ibid.*

Insanus morosum & difficilem significat *ibid.*

Insanus appellatus est olim Domitius, insignis Grammaticus *ibid.*

Inscriptio Emporitana.

Inscriptio Emporitana de receptione lingvæ latinæ 583. in princ.

INDEX SECUNDUS.

<p><i>Insecta.</i> Insecta exquisito tactus sensu prædita. 433. <i>in fin. & 434. ante med.</i></p>	<p><i>Judex. Judicium.</i> Judex non potest dari, si est mutus & surdus 28. 71</p>
<p><i>Instrumenta.</i> Instrumentorum varietas diligenter examinanda 435. <i>ante med.</i></p>	<p>Judex, ad quem gradatim est appellandum, si esset in loco pestifero, potest appellari ad alium, omisso medio 48. 130</p>
<p><i>Interpretatio.</i> Interpretatio probabilis quid sit 69. 39 Interpretatio ut plurimum circa Omnia versatur 69. 40</p>	<p>Judex furiosus si datus sit, inspiciendum est, an continuo furat, an per intervalla 29. 71 Judici falsam sententiam quam pronuntiavit asserenti non creditur ad præjudicium ejus, de quo lata est sententia 45. 122</p>
<p><i>Intervalla dilucida.</i> Intervalla dilucida non habent 1. desipientes rationis infantie & pueritie. 2. Delirantes ex senio. 3. Mulieres delirantes circa sexus imbecillitatem. 4. Fatui, stolidi, stulti, obliviosi. 5. Muti, & surdi à naturâ. 6. Ebrii. 7. Lethargici, Comatosi & Carotici. 8. Icti à fulmine, attoniti, congelati, seu cataleptici. 9. Phrenetici. 10. Hydrophobi, seu rabiosi. 11. Ex assumpto veneno insaniētes. 12. Ex morbo longo dementati. 19. 44 In cæteris autem morbis omnibus licet sperare dilucida intervalla <i>ibid.</i></p>	<p>In <i>Judicium</i> non oportet vocare furiosum, aut prægnantem 43. 118 Judicia constituenda requirunt Personas illud constituentes. Atque hæc sunt, vel Principales, vel Accessorizæ 42. 114 Judicia sæpe impediuntur & in alia loca transferuntur ob periculum pestis 48. 130 Judicia nobis considerabuntur: ut Constituenda & Constituta 42. 114 Ad <i>Judicia</i> constituta spectat ipse Processus, cujus tres sunt partes. 1. Preparatoria. 2. Processus ipse. 3. Sententia 43. 117 Ad <i>Judiciorum</i> preparatoria pertinet Citatio 43. 118</p>
<p><i>Inventio.</i> Inventio argumenta investigare docet 451. 6</p>	<p>Judicia de versibus in Liviana historia observatis 391. <i>in princ.</i></p>
<p><i>Inventum.</i> Inventum novum de ossibus emolliendis 340. <i>med.</i></p>	<p><i>Julianus.</i> Juliani lepidum pro Latinitate cum Græculis certamen 583. <i>in fin.</i></p>
<p>Aliud de Lignis, feno &c. in pulcem vertendis 340. <i>post med.</i></p>	<p><i>Jupiter.</i> Jupiter Summi DEI Nomen 108. <i>in princ.</i> Jupiter ipse tanquam Deos honorare dicitur 92. <i>in fin.</i></p>
<p><i>Itali.</i> Itali vulgari lingua scribentes mire Florentinitatem affectant 579. <i>ante med.</i> Italorum fastidium erga transalpinos 557. <i>in princ.</i> Italorum lingue antiquissimæ 559. <i>post med.</i></p>	<p><i>Juramentum.</i> Juramentum calumniæ tacito consensu potest remitti, non autem expresso 62. 22 Juramentum deferre non possunt furiosi & menti capti 44. 131 Juramentum an bene deferatur mutis <i>ibid.</i> Ad <i>Juramentum</i> quinam non possint admitti <i>ibid.</i></p>
<p><i>Italica lingua.</i> Italica lingue enumerantur 569. <i>med.</i> <i>Italicismus.</i> Italicismi jam olim in plebea latina familiares 517. <i>med.</i></p>	<p><i>K.</i> <i>Karel.</i> Vox <i>Karel</i> unde descendat? 110. <i>med.</i> <i>Kel-</i></p>
<p><i>Judai.</i> Judæi Cajum Imperatorem vocare Deum noluērunt 85. <i>post med.</i></p>	

INDEX SECUNDUS.

Kellus.

Kellus pulveris aurifici inventor 296. & seq.

Kircherus.

Kircherus notatus 144. med. 274. 276. & 387

Kircheri Musica sympathica 363. in pr. Ejusdem statua ad certum organi & campanarum sonum componenda *ibid.*

Κύρις ἐλέησον.

Κύρις ἐλέησον Gentilium quoque preces 87. *med.*

L.

Lacus.

Lacus quidam & montium cavitates cur tam horrendum sonum & tempestates edant 415. *med.*

Lambinus & Manutius.

Lambinus & Manutius notati 575. in princ.

Franciscus Lana.

Lana (Franciscus) & Schottus notantur 428. *post med.*

Lapis.

Lapides quare non sonent? 367. *med.*

Lapis ingens, pavimentum vehementer à sono certæ fistulæ in organo concussus 408. in *fin.*

Lapis surdus Scoticus 367. *med.*

Lares publici.

Lares publici 104. *ante med.*

Latina lingua.

Latinæ & Græcæ linguæ parallelismus 514. *post med.*

Latinæ voces & Phrasæ à Græcis, & ad Græcorum imitationem confectæ 515. *med.*

Latina lingua & ex aliis gentibus voces habuit 516. *med.*

Latina lingua in singulis gentibus novo quasi colore tingitur 540. in princ. Ideoque mature illa discenda *ibid.*

Latinam linguam à Græcis non corruptam adversus Inchoferum disputatur 514. *post med.*

Latinus sermo in Hispana etiam plebe 582. *post med.*

Laxitas tracheæ.

A Laxitate tracheæ gravitas soni 395. *ante med.*

Laus.

Laus Antonii Schori 527. in princ.

Legati.

Legati loquaces Samiorum à Lacedæmonis re-lusi 463. 17

Legati officium *ibid.*

Leges.

Lege prohibetur consentire tam tacite, quam expresse is, cui bonis interdictum est 60. 21

Leges ipsæ honestati & justitiæ sint conformes 68. 37

Leges naturales etiam contra Principem valent 116. *med.*

Nulla Lex contra jus Naturæ & bonos mo-res aliquid statuisse præsumitur 69. 38

Libertas.

Libertæ voluntatis definitio 59. 18

Liberi Parentes quovis morbo gravi detentos, si seipso sustinere non possint, tenentur alere & curam eorum habere, si facultates istorum id patiantur 33. 81

Libertas Actionum est facultas moralis, per quam agere possumus, quæ volumus 59. 18

Libertati actionum contraria est 1. vis. 2. Metus 60. 19.

Liberti excusantur, si valetudine impediti operas præstare non possint 30. 73

Ligna.

Quæ Ligna ad instrumenta Musica apta 368. in *fin.*

Ligna arboris per ventum deæta semper crepant in partibus suis 441. *post med.*

Ligni cœctura è fibris & poris 407. *post med.*

Lingua.

Lingvis singulis aliquid vernaculum est, quod alius lingvis exprimi nequit 539. *ante med.*

Lipsius.

Lipsii in Livium scommata retunduntur 589. & 590.

Liquores.

Liquores certa corpora funditus penetrant 346. *ante med.*

Luce.

INDEX SECUNDUS.

<i>Litera.</i>	semper fingitur, hic facta non intelligitur 39. 104.
Literæ quædam & soni animalibus vel grati, vel ingrati 432. med.	<i>Locus.</i>
Literarum cum sonis corporum symbolismus 432. post med.	Loci conditio circa muros etiam considerata 419. in princ.
Literarum de natura & formatione, qui scripse- runt 427. post med.	Locus de Polionis stylo apud autorem Dialogi de Orat. sollicitatus 502. post med.
<i>Livius.</i>	Locus Macrobiani explicatus 407. in princ.
Liviana Patavinitas an in quibusdam Idiotismis vel singularibus constiterit 586. ante med.	<i>Logica.</i>
Livianarum Decadum ineditarum aliquot fragmenta apud Gallos in Sphæristerio ab a- mico quodam Capellani inventa. 482. in princ.	Logica omnis orationis regula & verborum commune instrumentum est 452.6. in princ.
Livium subausterum esse Erasmus judicat 509. ante med.	<i>Lotichius.</i>
Liviani styli sublimitas an oratoriam sublimi- tatem æquet? 588. ante med.	Lotichius notatus 146. in princ.
Liviani libri deperdiri 477. in princ.	<i>Lucerna.</i>
Livii in stylo Historico præ Cicerone prærogati- vam nonnulli inepte adstruunt 507. post med.	Lucernæ perpetuæ 282. med.
Livii Codex integer à Fregusio Scotorum Regu- lo in Hebridas insulas delatus 479. in fin.	<i>Lucis radii.</i>
Codex integer è Bibliotheca Drunthemensi per Martinum Groningum erutus & Ponti- ficis Bibliothecario Beroaldo oblatus perit 480. med.	Lucis radii in rubicundum pulverem converti possunt 312. in fin.
Livii gloria Pollione omnibusque Censoribus superior 592. post med.	<i>Lullius.</i>
Livii Patavinitas in redundantia verborum nonnullis reponitur 589. ante med.	Lullius beneficio auri sui potabilis vitam ad annum centesimum & quadragesimum quin- tum produxit 289. in princ.
Livii iniqui censores, Erasmus, Joseph Scali- ger, Lipsius notantur 586. post med.	<i>Lunatici.</i>
Livii Patavinitas à recentioribus latinis depre- hendi non potest 579. in fin.	Lunatici non alio, quam Fatuorum jure frui possunt 16. 38.
Livii Laus, ejusque æmuli 476. post med.	<i>Lux.</i>
Livii elogium è Maccio 483. in princ.	Lux ipsa multum confert ad expeditiorem au- ditum 316. ante med.
Livius, ut omnes Patavini, Pompeii partibus favebat 485. med.	<i>Lyncei Islandici.</i>
Livius non male à Tanaq. Fabio notatus, quod sensum vocis Latinæ Classis non recte cepe- rit 570. in fin.	Lyncei Islandici 311. ante med.
<i>Locator.</i>	<i>M.</i>
Locator si furiosus fuerit factus, finito locatio- nis tempore, reconductio tacita, quæ alias	<i>Magici.</i>
	Magici sonorum effectus 442. in princ.
	<i>Magnetici motus.</i>
	Magneticorum motuum & chordarum tensa- rum affinitas 355. post med.
	<i>Magi.</i>
	Magorum Lapponum tympana 443. ante med.
	<i>Major.</i>
	Major ex patientia obligatur 61. 28
	<i>Marchius.</i>
	Marchii (Caspari) oratio 217

INDEX SECUNDUS.

Marcus. Marci.

Marcus Marci notatur 312

Maritus.

Maritus si diligentiam suam in tuenda uxoris letudine pratermisit, uxoris hereditate est indignus 31. 78.

Martus si uxoris furiosæ dotem conetur dissipare, illam sequestrari oportet, ut mulier ex ea habeat compeens solatium 32. 78

Martialis.

Martialis vindicatur ab infanis nonnullorum calumniis 548. post med.

Martini.

Martini (Cornelius) multam laboribus Chemicis impendit operam: 301. in princ.

Ac Ipse in Analyfi Logica c. 8. suo testimonio veritatem artis comprobat ibid.

Mascardus.

Mascardus notatur 20. 49

Matrimonium.

Matrimonii dissolutio cessat 1. Si post matrimonium supervenerit impotentia. 2. Impedimentum sit temporale & facile sanari potest. 3. Si scienter Impotentes contraxerint matrimonium: Nam & tunc matrimonii separatio non fit, etiam invitis contrahentibus 24. 56

Matrimonia senum plane non dissolvuntur 24. 54

Matrimonium in senibus est legis obsequium & humanitatis solatium 22. 53

Matrimonium verum non est, quod imprudenter cum impotente contrahitur 23. 54

Matrimonii Dissolutio propter impotentiam proprie non est divortium: sed declaratio, ut alii sciant, illam societatem non esse conjugium 23. 54

Pro Matrimonio in dubio est pronunciandum 21. 49.

Mauri.

Mauri Reges suos manifeste tanquam Deos colunt 86. in fin.

Mauritius.

Mauritii (Erici) Oratio de Origine Graduum Academicorum 204

Medici. Medicamenta.

Medici vocantur vbcantur Medici valetudinarii, Epitalergete 49. 134

Medicamenta sub alimentis comprehenduntur 33. 81

Melancholia. Melancholici.

Melancholia affecti Jurisconsultis nihil aliud sunt quam mente capti 13. 29

Melancholici in tenebris pavitant, quia spiritus atri sunt, non anima 9. 15

Melancholici & Mente capti à Jurisconsultis stricte Dementes vocantur 10. 17

Melancholicis annumerandi sunt Hypochondriaci: Lymphatici: à Tarantula morfi 18. 44

Melancholicis non inepte adjungi possunt Dormientes & Noctambuli. 14. 30. nam & Jurisconsulti eos furioso & absenti xquiparant ibid.

Memoria.

Memoria qui plane sunt orbat, non idem juris habere debent, quod obliuiosi 13. 26

Memoria defecti sunt illi, qui nullam omnino, nec multo, nec paulo ante prateritorum, conservant memoriam 12. 24

Memoria defecti ab obliuiosis distinguuntur ibid.

Memoriae labefacta signa sunt. 1. Temporis diuturnitas. 2. Longa absentia. 3. Negotiorum multitudo 13. 25

Memoriam omnium rerum habere potius est Divinitatis quam humanitatis ibid.

Menagium.

Menagium notatur 316. post med.

Menochius.

Menochius notatur 63. 24

Mens. Mente capti.

Mens implicita corpori per ejus officiales atque administras partes recipit impressiones. Fit ergo tum talis, quales illæ sunt 9. 15

Mente capti à dementibus non differunt 13. 29

Mente captus, quomodo à furioso differat ibid.

Mente captus est, qui quiete degit 15. 33

Mentis usum qui amiserunt, excluduntur à contractu 36. 100

M m m m

Omnes

INDEX SECUNDUS.

Omnes ii, qui genuino *mentis usu* destituti delicta perpetrarunt, pro certis circumstantiis, aut plane delicto non tenentur; aut pœna eorum moderabitur 40. 107

Mercator.

Mercator Græcus Regi Christianissimo opera Liviana venalia obtulit, sed non stetit promissis 478. *in fin.*

Meretrix.

Meretrix illa proprie dicitur, quæ quæstum meretur, vel absque quæstu palam se prostituit 15. 31

Merlinus.

Merlinus à Balzo inter Possessores magni arcani refertur 289. *in fin.*

Mersennus.

Mersennus prima lineamenta duxit Musicæ antiquæ restaurandæ 436. *post med.* Post illud Isaacus Vossius *ibid. in fin.*

Mersenni experimentum de arbitrariis octo consonarum vibrationibus rejicitur 361. *med.*

Metalla.

Metalla an commutari possint 247. *in fin.*
Metalla an vivant? an animam habeant vegetativam & certum semen? An specie illa sint distincta, an accidentibus? 271. *post med.*

Metus.

Metus est instantis vel futuri periculi causam mentis trepidatio iusta & præsens 60. 19
Metus omnino consensum impedit nec obligationem naturaliter parit *ibid.*

Mirandula.

Mirandula (*Picus*) de Gallicis Scriptoribus quid judicet 556. *ante med.*

Mistio metallorum.

Mistio metallorum sonum puriorem efficit 368 *ante med.*

Mistura.

Mistura tonorum in vitro 336. *post med.*

Modus præservandi cerevisiam.

Modus præservandi cerevisiam a corruptione tonitruum 412. *in fin.*

Monconisus.

Monconisus Itinerario sue habet narrationem

de pulvere aurifico, Imperatori à fene quodam incognito oblato ac rei experimento 301. *in princ.*

Monconisii & Fallopii modus, quo vitrum red-
ditur flexile 340. *ante med.*

Monstra.

Monstra, quæ Philosophus sunt, Jurisconsulti vitia appellant 5. 6.

Montes Crystallini.

Montes Crystallini in Helvetia 342. *post med.*

Monumenta.

Monumenta aliqua nostrorum temporum cum Romana latinitate certare possunt 584. *med.*

Mozzius.

Mozzius notatus 38. 103

Morbi.

Morbi animi sunt vel leves vel graves 11. 19

Morbi animi graviores sunt: Melancholia, Amor, Furor 13. 28.

Morbi sunt I. Impedimenta clerici promovendi 26. 70. II. Morbi sunt impedimenta clerici jam promoti 27. 70. III. Morbi dant privilegia & commoda clericis ægrotis *ibid.*

Morbi interdum privilegia in probationibus concedunt 45. 122

Morbi graves, contagiosi, incurabiles, pari modo, ut in Sponsalibus impediunt nuptias nunquam autem dissolvunt 31. 78

Morbi sunt, vel Veri vel Simulati. Veri sunt vel graves vel leves 47. 126. & 127

Morbi personarum respectu essentialium constituentium consideratarum sunt, vel Animi, vel Corporis, vel Utriusque simul 8. 14 quæ tamen distinctio accurata non est 9. 15

Morbi excusant à quæstionibus, seu tormentis 46. 122

Morbi an per Musicam curentur 439. *ante med.*

Morbi & Affectus animi ab Antiquis uno Vocabulo Insania vocantur 9. 16

Morbi hominem reddunt impotentem ad generandum 23. 53

Morbi an per fistulas è certis lignis vel plantis paratas curari possint 440. *med.*

Mor-

INDEX SECUNDUS.

Morbi non nunquam impediunt Adoptionem 32. 79. I. Qui ex vitio incurabili generare nō possunt, nec possunt adoptare. II. Morbi consensum impediētes & Adoptionem ipsam impediunt 32. 79	qui non una nati, sed postea exstiterē & du- tante etiam corpore plerumque cessare vel emendari possunt 6. 6
Morbi Sontici perpetui per quos neque sua ad- ministrare possunt, aut rebus propriis su- peresse, excusant à Tutela suscipienda, ut si cæcus, surdus, mutus & furiosus factus fuerit 33. 83	Morbū qui allegat, debet illum probare 44. 120
Morbi Fœminarum, respectu generationis pas- sivæ, sunt in Conceptione & post Conce- ptionem 25. 58	Pro Morbo præsumitur, 1. Si persona annis sit evecta & annum septuagesimum attingerit. 2. Si persona semel fuerit in morbo isto affecta. 3. Si infirmitas sit in dubio, præsumitur lon- gum impedimentum 7. 8
Morbi leves qui sunt 47. 127	Contra Morbum præsumitur, Si, qui valetu- dinarius putatur, coiverit 7. 8
Morbi nulli tollunt patriam potestatem 32. 81	Morbus, quomodo sumatur 3. 2
Morbi Marium ventilantur respectu genera- tionis activæ & sunt Impotentia; vel abso- luta; vel relata 19. 47	Morbus Sonticus est vel Contagiosus vel non Contagiosus 47. 130
Morbi hominum considerantur respectu trium objectorum juris. 1. Respectu juris Persona- rum. 2. Rerum. 3. Judiciorum 8. 12	Morbus denotat interdum errores, pravas consuetudines & animi vitiositates 3. 2
Morbi contagiosi & graves impediunt & dissol- vunt sponsalia. Talis est Lepra, Epilepsia, Paralytis, Lues Gallica 31. 77	Morbi animi sunt cupiditates immensæ <i>ibid.</i>
Cum Morbi voce coincidunt 1. Infirmitas. 2. Ægrotudo. 3. Valetudo 3. 3	Morbus Lunaticus quomodo differat ab Epilep- sia 16. 38
Morbi vocem Medici laxius accipiunt & viti- um sub morbo comprehendunt. 5. 6	Morbus simulatus quid sit 48. 131
Morbū Medici distinguunt in tria genera: Similare, organicum & commune. <i>ibid.</i>	Morbus nullus vitiumve, quantillum etiam sit, ex corpore non oritur 9. 15
Morbū organicus secundum Medicos est qua- druplex: Compositionis, numeri, magni- tudinis, situs <i>ibid.</i>	Morbus jurisdictionem non tollit, sed impe- dit 19. 71
Morbū per odores medicinam fieri posse, nemo ignorat 32. 3. <i>post med.</i>	Morbus gravis est vel perpetuus vel tempora- lis. 47. 128. Temporalis dividitur in Non Sonticum & Sonticum <i>ibid.</i> 129
Omnes, qui vel gravi morbo sunt affecti, vel decrepita senectute sunt evecti, per pœnæ mitigationem, subveniendum est 40. 107	Morbus gravis quis sit 47. 127
Morbū causa est vel remota vel proxima. Remota est, quando divino provenit judi- cio propter peccata hominum 6. 7	Morbus est temporalis corporis imbecillitas, vitium verò perpetuum corporis impedi- mentum 5. 6
Morbū divisio 8. 9	Morbus si non perpetuus sed temporalis præ- sumitur, Curator Tutori adjungitur, donec restituatur 33. 83
Morbū remedia juridica sunt vel Præser- vativa, vel Curativa 49. 133	Morbus probatur 1. per Medicorum judicia. 2. Per juramentum infirmi. Limitatur ta- men 1. Si morbus non possit probari per testes, etiam domesticos, si alii haberi non possint. 2. Si personæ qualitas & causæ conditio juramentum non admitteat. 3. Si alia non concurrant externa indicia. 4. Si persona sit suspecta, cui juramentum defe- rendum 7. 8
Morbū subiecta sunt homines & bruta 8. 11	Morbus dicitur temporalis sui natura,]perpe- tuus sit ex habitu accidente vel imperitia Medicorum 6. 6
Morbū eos saltem Jurisconsulti intelligunt,	M m m m 1 Mor-

INDEX SECUNDUS.

Morbus fonticus rescindit rem judicatam 46.		<i>Mugiens.</i>	
123		Mugientis soni magna dilatio	424. med.
Morbus transfertur quoque ad res inanimatas		<i>Mulier.</i>	
3. 2		Mulier infamis aut meretrix non est, nec turpis persona, si amore vehementi capta, sui copiam amanti fecerit; & ob id à testatore institui potest, etiam fratre vel sorore prateritis	15. 31
<i>Morhofius.</i>		Mulieres in libidinem sunt pronæ	ibid.
Morhofius de Enthusiasmo Poetico singulare confecit volumen hætenus ineditum 81. in fin.		<i>Mures.</i>	
Morhofii Sententia de nitri vel salis nitrosi in rore contenti circa metallica operationibus 258. in princ.		Mures & serpentes per tibiolas ex officulis eorum congregati	441. med.
<i>Moribundi. Mors.</i>		<i>Muri.</i>	
Moribundos concentus & instrumenta magnopere afficiunt 433. post med.		Muri etiam sonum aliquem habent, qui sono sono proportionato laceffi potest 419. in fin.	
Mors & morbus nihil aliud est, quam corruptio vel transitus ad corruptionem 599. ante med.		<i>Musæ.</i>	
<i>Morinus.</i>		Musæ in porulis vitri an pedes figant 348. post med.	
Morinus notatus 239. in princ.		<i>Museus.</i>	
<i>Motus.</i>		Musæi (Petri) Oratio	193
Motus undulatorius aëris 374. med.		<i>Musica.</i>	
Motus ille undulatorius in aqua, qua Scyphus impletur	ibid. in fin.	Musica vis in affectibus movendis 437. in fin.	
Motus naturales corporum appositè cum chordarum unisonarum simili motu comparari possunt 403. med.		<i>Mutilatio.</i>	
Motus configurativus, pertransitivus, politicus, Vernlamii 397. ante med.		Mutilatio, claudicas membri, viciunt corporis post Sponsalia superveniens, dissolvit saepe illa	31. 77
Motus subtilissima contemplatio 304. post med.		<i>Muti & Surdi.</i>	
Motus sonorus è missione plurium motuum constat. 370. med.		Muti & Surdi à natura ad nullum actum celebrandum idonei sunt	36. 96
Motus externus & internus ibid.		Muti & Surdi à quibusdam Contractibus excluduntur	37. 100
Motus internus consistit in compressione & emotione particularum ib. post med.		Muti & Surdi aliquando à pœna homicidii excusantur	41. 111
Motus ille in tenso corpore quomodo concipiendus è sententia Leibnizii 391. in fin.		Mutis an bene deferatur juramentum	44. 121
Motus aquæ idem est in catino, qui in Scypho vitreo 375. med.		Mutus & Surdus stipulari non potest	37. 100
Motus erepitationis Vernlamii 372. post med.		Mutus & à natura & à casu, si peritus scripturæ est, recte testatur	36. 96
Motus vibratorius particularum in reliquis sensibus invenitur. 373. med.		Mutus ita informari potest, ut scripturæ beneficio alios intelligat, ac ipse sensus suos exprimat	318. in fin. & 319
Motus tensi è motu penduli æstimari debet 35. 7. in fin.		Mutus & Surdus donare possunt	35. 91
Motus undulatorii magna ratione mediis diversificat 376. in fin.		Mutus & Surdus à natura an possit testamentum ad pias causas facere	36. 36
		Mutus quoque tacitè pacisci potest de invecin illatis	60. 20
		Mutus	

INDEX SECUNDUS.

Mutuo quoque potest expresse voluntatem e-
dere 57. 10

Mutuum.

Ex Mutui contractu oritur actio, quæ condi-
ctio certi vocatur 37. 102

N.

Nauta.

Nauta, si morbo impeditur navigare non po-
tuit, Conductor non tenebitur actione lo-
cati 39. 104.

Necessitas.

Necessitas quid sit? 67. 37

Necessitas est I. Naturæ. II. Legis, III. Casus
ibid.

Necessitas excusat à peccato 28. 70

Necessitas famis excusat à furto 67. 37

Negligentia.

Per Negligentiam jus nostrum censetur remit-
tere 66. 34

Nihil.

Nihil actum est, quando patior, ut quis de re
mea testetur 62. 22

Nizolius.

Nizolius è corruptis exemplaribus multa col-
legit 574. post med.

Noctambuli.

Noctambuli & Dormientes non inepte Melan-
cholicis adjungi possunt 14. 30

Nolle.

Nolle est expresse refragari 57. 9

Nomina.

Nomina DEI Principibus & viris eximii apud
omnes gentes imposita 109. & 110

Nuptiæ.

Nuptias præcedunt sponsalia 31. 77. vid. Spon-
salia.

O.

Objecta Tactus; Auditus.

Objecta Tactus Corpora sunt 325. in fin.

Objecta Tactus si excedant imperu, lædere
sensorium constat. Non desunt tamen ex-

empla, ubi non lædant, sed juvent 326.

med.

Objectum auditus sonus quicunque est 217.
post med.

Obligationes.

Obligationes nascuntur vel ex Contractu; vel
ex Delicto 36. 99

Oblivio. Obliviosi.

Oblivio, quanto tempore inducatur, iudicis
arbitrio est committendum 13. 25

Oblivio plurimum à morbis longis ac sævis
oboritur 9. 15

Oblivio secundum quosdam per lapsum de-
cennii præsumitur 13. 25

Oblivio quandoque per annum præsumitur
ibid.

Oblivio facilius inducitur & præsumitur in
Principe, Officiali vel alio multis negotiis
implicito ibid.

Oblivio magis in Notario præsumitur, quam
falsitas ibid.

Obliviosi rectè contrahunt, restantur, bona
sua administrant 13. 26. quod verò difficul-
ter de illis, qui memoria orbari sunt, affir-
mandum ibid.

Obliviosi à memoria defectis distinguuntur
12. 24

Obliviosi proprie sunt illi, qui difficulter re-
rum memoriam conservant ibid.

Obscuritas.

Obscuritas est vel in verbis, vel in rebus 69. 39

Obstetrices.

Obstetricibus, quæ virginitatis notas explo-
rant, credendum non est 20. 49

Oculus.

Oculi machina non est apta, ut motus sonoros
persentiscat 304. post med.

Odoratus. Odor.

Odoratus non tantum, sed omnes adeò sensus
è tenuis cibi & potus usu, defæciatiores sunt
322. ante med.

Odoris vires & effectus multi sunt & admiran-
di 323. post med.

Officium Concordialis.

Officium Concordialis etiam Libertis datum
494. in fin.

INDEX SECUNDUS.

<i>Omissa.</i>		Organi auditorii damna aliunde possunt com- pensari 317. ante med.
Circa <i>Omissa</i> Interpretatio ut plurimum versatur 69. 40		Organon exterius vel canalis ille, per quem feruntur odores, Nasus est 311. in fin.
Omissum in stipulationibus habetur pro Omis- so 68. 38		<i>Orpheus.</i>
<i>Omnipotentia.</i>		Orphei lyra ad cœlestis harmoniæ influxus temperata creditur 430. in fin.
Omnipotentia Principi attribuitur 114. ante med.		Orpheus an verè saxa fidium cantu attraxerit 431. med.
<i>Opacorum lamelle.</i>		<i>Osus.</i>
Opacorum lamellæ ut sunt perspicuæ, ita per- spicuarum lamellarum corpora coagmenta- ta opaca 345. ante med.		Osus notatus 236 med.
<i>Opera.</i>		<i>Ostensum.</i>
Operas suas qui locavit, & adversa valetudine detentus operis moram injecerit, integram capit mercedem 39. 104. Et Advocati ho- noraria sua eo casu legitime sumunt ibid.		Ostensum in tormentis bellicis simul explosis 423. ante med.
<i>Opinio.</i>		<i>Ova.</i>
Opinio in jure sæpè confunditur cum Errere, a quo tamen distincta est 59. 15		Ova avicularum asinina voce rumpi credun- tur, cantu foveri 411. med.
Opinio est media inter scientiam & ignoran- tiam ibid.		<i>Ovidius.</i>
Opiniones varix sunt doctorum de Patavinica- te Liviana 484. ante med.		Ovidius à Barthio reprehenditur 73. in fin.
Opinionis Definitio 59. 15		<i>P.</i>
<i>Oratio.</i>		<i>Paracelsus.</i>
In <i>Oratione</i> duo spectanda: Materiale & Idea- le 525. in fin.		Paracelsus ingeniosus fuit ac magnorum ar- tium possessor 291. in fin.
Ad <i>Orationem</i> urbanam spectat & concinnita- tas in clausulis & compositio verborum 532 in fin		<i>Paradoxa sensuum.</i>
Orationem quæ dulcem & jucundam efficiant in Livioveniuntur 510. ante med.		Paradoxa sensuum accidunt. 1. Ratione orga- ni. 2. Ratione objecti. 3. Ratione medi- 4. Ratione effectus 303. & 304
Orationis compositio in Livio jucunda 512. post med.		<i>Πάρεδρι, σύνδεσμοι.</i>
Orator prudens Timanthem pictorem imita- tur, qui plus intelligi volebat, quam ille pe- nicillo exprimebat 454-8.		<i>Πάρεδρι σύνδεσμοι</i> 104
Oratores Latini recensentur 562. in princ.		<i>Partes in cavo vitri.</i>
Oratori Ecclesiastico quid fugiendum sit 466. ante med.		Partes in cavo vitri plus moventur illis, quæ sunt in convexo 379. ante med.
Oratoris Ecclesiastici officium 465. 20		<i>Particula.</i>
Oratoris Politici officium 462. 16		Particula crassiores in vitro moventur per fri- ctum, ut odorem gravem spargant 398. post med. Subtiliores per aeris astrictum propor- tionatum moveri possunt ibid. in fin.
<i>Organon.</i>		Particulæ quædam moventur in corpore, quies- centibus reliquis vel reluctancibus 398. in fin.
Organa hydraulica Musica 366. med.		<i>Pasci.</i>
		Pasci & nutriri spiritus posse odoribus per tem- pus aliquod dubium nullum est 321. post med.

INDEX SECUNDUS.

Pasiones.		Persona.	
es quomodo excitentur in anima bene-		Persona sunt vel publicæ, vel privatæ	26. 67
corporis & spirituum	9. 15	Personæ publicæ sunt vel sacræ; vel profanæ	26. 68.
Patavinitas.		Personæ, respectu status publici profani, sunt	
i à Ptolomæo Flavio loquacitatis ar-		Magistratus 28. 71. Et hi 1. impedimentum	
tur	503. in fin.	officii ineundi, ob morbos & affectiones	
per Patavinitatem Livii <i>πυτεριδομα-</i>		parvas sentiunt <i>ibid.</i> 11. Interdum quando	
, qua ille Patavinorum res gestas alio-		ipse Magistratus infirmus est, collega illi	
rebus prætulit, intelligunt 488. <i>ante</i>		substituitur	29. 71
<i>med.</i>		Personæ respectu status Privati dividuntur ra-	
Patientia.		tionem potestatis; vel ratione officii	29. 72
entia remisse volumus, in negligentia		Personæ considerantur respectu Sexus & Na-	
esse nolumus	66. 34	turæ, & sunt vel Mares, vel Fœminæ 19. 44	
ientiam volentes consentimus: per ne-		Personæ ratione officii distincti sunt, e. gr. Tu-	
entiam quodammodo inviti	<i>ibid.</i>	tores & Curatores	33. 83
Pater. Patria potestas.		Personæ sacræ uno vocabulo vocantur Clerici	26. 69
potestas constituitur vel per nuptias;		Personæ considerantur respectu 1. Essentia-	
per adoptionem; vel per Legitimationem	31. 76	lium constituentium. 2. Sexus. 3. Status.	
potestas solvi non potest per patris fu-		Persona, si suspecta est, ejus juramento non est	
emancipationem, nec per dationem in		adhibenda fides	8. 8
tionem	33. 82.	Pertinax.	
quamnam actio competat adversus Magi-		Pertinaci quomodo in Senatu acclamatum sit	88. <i>post med.</i>
n, qui filium suum enormiter læsit &		Pestis.	
eravit	39. 104	Pestis præstat privilegium colono recedendi	
ox in divinis quoque nominibus est 88.		à loco conducto, teneturque Dominus de	
<i>post. med.</i>		pensione pro rata temporis aliquid remitte-	
Pavimentum.		re. 2. Excusat à cursu præscriptionis	47.
ntum à frequentibus sonis eversum.			130
	408. <i>med.</i>	Pestis remedia vel sunt præservativa, vel Cura-	
Pectus.		tiva	49. 136
& diaphragma à tympani sono percus-		Pestis per Musicam curata	440. <i>ante med.</i>
	365. <i>med.</i>	Pettersus.	
Pelasgi.		Pettersi ars luctatoria	334. <i>in fin.</i>
primi Italiæ coloni habiti	516. <i>ante</i>	Phædrus.	
<i>med.</i>		Phædrus Thrax purissimæ Latinitatis scriptor	565. <i>in fin.</i>
Penduli.		Phantasia.	
orum inæqualium oscillationes inordi-		Phantasia quid sit?	78. <i>in pr.</i>
& impeditæ	360. <i>in fin.</i>	Phantasia distinguenda est à Phantasmate	<i>ibid.</i>
Peregrinitas.		<i>ante med.</i>	
nitates alix à Scioppio & Francisco San		Phantasma.	
notatæ	572 & 573	Phantasma quid sit?	78. <i>med.</i>
Peripatetici.			Phan-
etici notati	243		

INDEX SECUNDUS

Phantasmata quomodo instituenda *ibid. med.*

Philo.

Philo Cajum ridet, quod Apollinem, Martem, Mercurium, nulla virtutum aut meritorum emulatione voluerit æquare 86. *in princ.*

Philosophi.

Philosophi retinebant quidē Deorū uisitata nomina, interim tamen sub illorū nominū schemate saniores Theologiā & in Scholis decebant, & tacite apud se fovebant 107. *in fin.*

Philosophi nostri antecessores dicti *συνεργοί*, Dei ministri 112. *in princ.*

Philtera.

Philtera qui propinat, cum mors insequitur, pœna capitali plecti non debet 17. 41

Philtera furorem & ut plurimum mortem ipsam conciliant *ibid.*

Philtrum alias poculum amatorium vel amoris vocatur *ibid.*

Phrasis Neroniani temporis.

Phrasis Neroniani temporis ab Augusto discerepat 531. *ante med.*

Phrenesis. Phrenetici.

Phrenesi affinis est morbus Paraphrenesis, qui est intervallis & tempore paroxysmi, furori itidem æquiparatur 16. 35

Phrenesis proprie ita dicta est perpetuum delirium cum Febri *ibid.*

Phrenetici mente adeo sunt alienati, ut ignorent, quid agant? *ibid.*

De Phreneticis omnia vera sunt, quæ de furiosis *ibid.*

Pignori.

Pignorii (Laurentii) sententia de Patavinitate, qui in Orthographiæ peregrinitate illam consistere putat, quod Livius SIBE pro SIBI QUASE pro QUASI scripserit 489. *med.*

Pignorii Patavinitas imaginaria exploditur 495. *in fin.*

Pignus.

Pignus morbosum esse non debet 38. 102

Pisces.

Pisces tonitru exanimantur, & explosione tormentorum in prælis maritimis abiguntur 416. *in princ.*

Plautus.

Plautus Umber 563. *ante med.*

De Plantina dictionis præstantia adversus Asculanum & Naugerium *ibid. med.*

Plebitas.

Plebitas & Peregrinitas etiam in Romanis Scriptorib9 notata, ut in Vitruvio 525. *post med.*

Plotius.

Plotius ante Ciceronis tempora eloquentiam Romæ docuit 553. *in fin.*

Podagra.

Podagræ valetudo non excusat à muneribus decurionatus, quod tamen limitandum 29. 71

Pœna.

Pœna Infanticidii ob morbum Epilepticum mitigatur 41. 111

A Pœna excusant 1. Furor. 2. Amor insanus *ibid.*

Pœna si forsan in desponsatione impuberum adjiciatur, non servanda est 32. 53

Pœna *Αὐτχαιρίας* quoque liberantur furiosi & Melancholici; & honesta illis sepultura denegari non debet 41. 111

Pœnam exasperant 1. Furor. 2. Morbus senium impediens 42. 111

Pœsis. Pœta.

Pœsis quid sit? 78. *in fin.*

Pœta circa rerum existentium symbola vel simulacra occupatur. *ibid.*

Pœta boni, qui sint 80. *med.*

Pœtæ Musices peritum esse præstat *ibid. post med.*

Pœtarum præstantissimorum lectio quid pareat 81. *in princ.*

Pœtæ Cordubenses 548. *med.*

Pœtevinitas Gallorum ineptè ab Italis Criticis taxata, ut & Lombardismi in Bentivoglii scriptis 557. *ante med.*

Pœtis solitudo maximè conducit 81. *ante med.*

Pollio.

Pollio Ciceroni insensissimus fuit 499. *in fin.*

Pollio (Asinius) aliquando tamen Pompejanus

INDEX SECUNDUS.

& Reipubl. partibus se addictum ostendit	485. ante med.	Præsens quis fingitur, cum de commodo ejus agitur	63. 28
o Caesaris, Sallustii, Attici scripta cavillatur	500. post med.	Præsentia si cum scientia & patientia concurrat, validiorem facit consensum tacitum.	ibid.
o Bibliothecas primus Romæ instituit	499. ante med.	Præsentia omnino requiritur ad renunciationem juris sui, quæ non facile præsumitur, nec facile illa ex conjecturis adstrui debet	64. 30
onis autoritate inducti multi ad sinistra Livii Latinitate judicia	507. ante med.	Præsentia (judicialis imprimis) addita etiam vim taciti Mandati habere creditur	63. 29
onis eloquentia ab inventione & diligenter laudata, sed ad Ciceronianam comparata, salebrosa	501. ante med.	Præsentia est legitima loci definitio. Hæc est vel I. Physica. II. Interpretativa vel ficta.	63. 28
onis Patris & Filii erga Augustum, & Tiberium ferocia	503. ante med.	Præsentia tertii tacentis in actu alterius eidem tertio nocet	64. 30
onis nonnullæ voces à Manutio damnata	573. post med.	Præsentia cum silentio ad Interrogata conjuncta adhuc fortius obstringit & ferme expressum operatur consensum	64. 31
onis calumniis neque Tullio neque Livio icquam detractum est	506. ante med.	<i>Pregnantia.</i>	
<i>Pompa.</i>		Prægnantia non est propriè morbus; sed quasi morbus, quoniam proclivitas quædam est prægnanti ad morbos; licet idè morbofa non sit dicenda	
Prægnantia non est propriè morbus; sed quasi morbus, quoniam proclivitas quædam est prægnanti ad morbos; licet idè morbofa non sit dicenda		26. 65	
<i>Pontanus.</i>		<i>Princeps.</i>	
us notatus	101. in fine.	Princeps Diis genitos se fingebant	95. in princ.
us (Jobianus) diversitatem in Romanis & Hispanicis argutis agnoscit	549. ante med.	Princeps Θεοειδής, titulus optimus	108. in fine.
<i>Pori.</i>		Principes optimus rectè facere cives suos faciendò docet, cumque sit Imperio maximus, major vult esse exemplo	116. post med.
ram vitri cum motu aërearum particulam configuratio accedere ad impetum det	396 ante med.	Principes in Deos translati variis nominibus notabantur	104. post med.
<i>Porositas.</i>		Principes post mortem consecrati	103. in fin.
itas non repugnat soliditati	345	Qui Principes veri semidei?	ibid. in princ.
<i>Portiuncula.</i>		Principes Semidei Draconibus geniti	102. in fine.
uncula orbicularis è vitro excussa	336. in fin.	Principes Dei filii	98. post med.
<i>Potestas.</i>		Principes malos quæ res faciat	85. ante med.
as est vel dominica; vel patria	29. 72	Principum potestas in terris quandoquidem divina est	113. ante med.
<i>Præsens. Præsentia.</i>		Principum consecratorum locus in cælo	104
ns, ubi Dominus feudum, in quo jus præcedit, alteri concedit, consentire videtur & suum à se abdicare	64. 30	<i>Processus.</i>	
ns & patiens aliquid contra se fieri, in illo consentit, sibi præjudicat & jure suo renunciat	ibid.	Ad Processum ipsum spectat Probatio	44. 120

INDEX SECVNDVS.

Procuratores.

Procuratores non possunt esse, Furiosus, Mu-
rus & Surdus 43. 116

Procuratores possunt dari à Mutis & Surdis *ibid.*

Pocuratores non possunt dari à furiosis *ibid.*

Prodigus.

Prodigo absolute considerato non potest bonis
interdici, nisi laedat societatem civilem, libe-
ros, conjuges &c. 60. 21

Professor.

Professor non cadit salario, qui morbo deten-
tus aut senio impeditus legere non potest 27. 70

Prohibere.

Quod expresse est *prohibitum*, non manet per-
missum 25. 63

Provinciales.

Provinciales saepe sano magis quam Idiotismo
à Romanis discrepabant 580. *post med.*

Provincialibus etiam cultissimi sermonibus
fuit 581. *ante med.*

Puberes.

Puberes dicuntur masculi qui annum deci-
mum quartum compleverunt 22. 53

Pulchritudo.

Pulchritudo corporis è voce à Cæco dijudicata
394. *in fin.*

Pulvis.

Pulveris aurifici autor 291. *med.*

Pulveris aurifici Kellæus inventor 296. & *seq.*

Pulveris pyrii prima excogitatio Rogero Baco-
ni, non Bartholdo Schwarzio tribuenda est
289. *post med.*

Pupillus.

Pupilli nec nolle nec velle intelliguntur 61. 21

Pupillus pati posse non intelligitur *ibid.*

Q.

Quæcunque requisita sunt consensus expressi,
regulariter etiam sunt taciti 58. 11

Quasi delictum quid sit? 42. 112

Qui tacet consentire videtur 58. 10. & 61.
22. 62. 22

Qui non verat, vetare cum possit, jubet 63.

29

Qui liberam habet voluntatem, id quod velle
potest, potest etiam nolle 57. 9

Quilibet præsumitur sanus, non ægrotus, ut
è converso semel ægrotus deinceps talis præ-
sumitur si modo morbus sit durabilis 44.

110

Qui alteri quid agendum commisit, censetur
consensisse in ea, quæ, ille extrema coactus
necessitate agit 59. 14

Quinta Essentia.

Quinta Essentia quid sit 599. *in fin.*

Quinta Essentia ex omnibus vegetabilibus imo
& mineralibus extrahi potest 600. *med.*

Quinta Essentia expellit omne nocivum a cor-
pore statim, non solum à corde sed à cor-
pore & cerebro, hepate, splene & univer-
saliter toto corpore humano, à planta pe-
dis, usque ad verticem capitis &c. 601.

in fin.

Quintilianus.

Quintiliani judicium laudatur 562. *ante med.*

Quintiliani loca de Pollionis super Livio cen-
sura 498. *ante med.*

Quintilianus, Antonius Julianus præclari ex
Hispanis Eloquentiæ Magistri 583. *post med.*

R.

Rabbini.

Rabbini è cœlestibus influxibus vim illam soni
arcessunt 430. *in fin.*

Rabbiorum singulare pro videndis demoni-
bus collyrium 310. *in fin.*

Rabbiorum mirz de urbe Jericho fabulæ 419.
ante med.

Rabies.

Rabies morbus caninus vocatur 16. 39. In
jure vox illa interdum pro impotente furo-
re sumitur. *ibid.* Ad Melancholicorum
classem referendi sunt. 17. 39. Si tamen
omnino furentes evadant, ut ceteri furen-
tes habendi. *ibid.*

Radix.

INDEX SECUNDUS.

Radii.
 aliqua crassities est. 313. *in princ.* Sed
 erta ejus mensura determinari oculis ne-
 quit *ibid.*
 solares in vitrum incidentes non impe-
 etrabilitatem, sed porositate vitri pro-
 pant 349. *post med.*
 solaris partes an ponderabiles effici pos-
 nt 313. *in princ.*

Ramus.
 furiosa in Ciceronem maledicentia 505
med.

Rapinus.
 iniudicium de his, quæ Livio obijciuntur
 512. *ante med.*

Ratio ductilitatis.
 o ductilitatis quæ sit in metallis 337. &
 338

Redhibitio.
 hiberi qui non possint 38. 104
 hibitio, quando locum habeat 38. 104

Reges.
 es *Egypti* 91. *med.*
 is in actionibus manifesta providentia cœ-
 stis signa apparent 127. *med.*

Renunciatio Juris.
 enunciationem juris quid requiratur 64.
 30

Res.
 sensilis ex resensili secundum Gassendum
 potest fieri 305. *med.*
 considerantur, respectu 1. Acquisitionis.
 Alienationis. 3. Obligationis 33. 84
 illa, quæ tradi debet, necessum est, ut ca-
 eat vicio tempore venditionis, imprimis
 li, quod si Emtor scivisset, rem non emis-
 t. Quod si secus est, datur Redhibitio 38.
 104

Reus.
 non potest esse furiosus & mente captus,
 utus & surdus 42. 114

Rex.
 sui divinissimus 94. *med.*

Romana & Italica lingua.
 Romanæ & Italicæ lingvæ nulla vel exigua
 differentia 561. *ante med.*

Rhetores-Græci.
 Rhetores Græci, quas ob causas Romæ lu-
 dum claudere iussi 515. *ante med.*

Rhodigiæ.
 Rhodigini (Cæli) judicium de Liv. non o-
 mni ex parte benignum 508. *post med.*

Rhythmorum tempora.
 Rhythmorum tempora affectibus applicanda
 435. *in fin.*

Ritus consecrationis.
 Ritus consecrationis 106. *in princ.* Ad quid
 ille apparatus *ibid.*

Robertus.
 Roberti Normanni vox horribilis 426. *med.*

Roma. Romani.
 Romam vocat Martialis Terrarum & Gentium
 Deam 115. *med.*
 Romana lingua è Græca & Celtica coaluit 559.
post med.
 Romanæ veteres voces & Phrases an apud A-
 fros & Hispanos scriptores suspensæ? 545.
ante med.

Romanæ Familix per totum orbem Romanum
 dispersæ 581. *med.*
 Romane & Latine loqui id est plane 528. *post*
med.

Romani sollicitè suum sermonem à contagio
 municipalium servarunt 560. *ante med.*
 Romani & Urbani Sermonis quis genius 525.
in fin.

Romanorum verborum antiquorum apud Ro-
 manos quoq; intempestivi affectatores 577
med.

Romanorum Scholæ Latinæ in Provinciis 544.
ante med.

Romanus Sermo ad Græcæ lingvæ & Atticisimi
 genium formatus 514. *ante med.*

Rupes.
 Rupes ab Hannibale fractæ 387. *in fin.*

Rusticus & Urbanus Sermo.
 Rusticus & Urbanus Sermo apud Græcos non
 solum

INDEX SECUNDUS.

solum diversus, sed & apud Romanos cum
pronunciatione, cum vocibus ipsis 514.
ante med.

S.

Sacrificantes.

Sacrificantes apud Persas ad ignem aiebant:
Comede Domine ignis 88. ante med.

Sal.

Sal ex aëre extrahi potest 254. in fin.
Salinæ particulæ variorum generum vagantur
in aëre 255. in princ.

Sanguis.

Sanguis an per verba sustatur 439. in princ.

Sanitas.

Sanitas dicitur animorum non corporum.
9. 16

Scaliger.

Scaliger nimium ornatum in Livio reprehendit,
atque in illo Paravinitatem consistere autumat
587. med.
Scaliger refert de equite quodam Valione, cum
audito phormyngis sono urinam continere non
potuisse 321. in princ.
Scaligeri in Erasmus investiva, quod Livii Paravinitatem
cum Pollione probavit 569. post med.

Scamna.

Scamnorum & mensarum partes ad certos vocis
tonos tremunt 407. post med.

Scientia.

Scientia quid sit? 58. 12
Scientia sola, nisi sit conjuncta cum patientia
vel presentia vel facto, consensum non im-
portat. 63. 24
Scientiæ contraria est Ignorantia, contraria
itaque consensui tam expresse quam tacite
58. 13
Scire qui potest, nec scire, idem est, ac si sciret
59. 14

Scioppius.

Scioppii audacia in censendis Metelli verbis
572. post med.

Sclopetum.

Sclopetum intra montes explosum tonitruum
quodammodo 412. med.

Scurpius.

Scurpius noratur 14. 19

Scyphi.

Scyphi XXV. dimidia hora per sonum fracti
334. med.
Scyphi vitrei penduli per sonum oris eundem
attrahit 355. in fin. & 356.
Scyphorum vitreorum per vocem fractorum
qualis figura? 378. in fin.
Scyphorum consonorum mutæ vibrationes
362. post med.
Scyphus ipse, qui sonat, è digiti affricu non
nunquam rumpitur 445. in princ.
Scyphus bis fractus 334. post med.
Scyphus vitreus frangitur per sonum frictu di-
giti excitatum 385. in fin.

Secretum.

Secretarium in jure est locus judicii 56. 6.
Quod alias Auditorium
Secretum testari est in scriptis
Secretum sunt, quæ amicis intervenientibus
fiunt
Secretum dicitur quod filari debet

Senex. Senectus.

Senex præsumitur ægrotus si 70. annorum ex-
cellerit 44. 120
Senectus multoties in jure cum infirmitate æ-
quiparatur 7. 8

Sensatio. Sensus.

Sensatio omnis est quasi motus harmonicus
438. in fin.
Sensus sonis & phantasia corporibus a quibus-
dam adscribitur 431. in princ.

Sententia.

Sententia furioso dici non potest, nec valet si
lata sit 1. contra eum, 2. nec pro eo 46.
123
Sententiarum & verborum amplitudo debet
sustentari amplitudine rerum 449. 4
Sen-

INDEX SECUNDUS.

entia contra absentem lata non valet	46.	Signa , Præsumptiones & Probationes Affe-	
	123	ctuum Animi desumuntur vel à morbo ipso,	
<i>Sermo.</i>		vel ab ejus circumstantiis	10. 18
no vetustissimus Latinus alius à Romano		Deficientibus <i>signis</i> expressis aliud ostenden-	
	514. ante med.	tibus, quisque commodum suum velle fini-	
monis varietas cummodis Musicis compa-		gitur	58. 14
ritur	538. in princ.	<i>Silentium.</i>	
<i>Serpentes.</i>		Silentiarii sunt à silentio, qui diuini sunt ge-	
entes an certis vocibus rumpantur	432.	nerum	56. 5
	ante med	Silentii Definitio	56. 7
<i>Servire. Servus.</i>		Silentii causa est voluntas, omnium actionum	
re quid	29. 73	parens	56. 8
& Famuli differunt	30. 74	Silentii Synonyma sunt Taciturnitas, Scientia,	
sunt sub potestate Dominica	29. 73	Patientia, Voluntas, Consensus nudus	
debilis nulla æstimatio est	30. 73		55. 4
agroti excusantur à tortura, si Domini-		Silentium quomodo accipiatur	55. 1. & 3
ciso ob corporis imbecillitatem subveni-		Silentium dividitur 1. in Probabile. 2. Cul-	
non potuerint	29. 73	posum. 3. Pœnale	56. 8
pœna, Deportati ad gladium, bestias,		Silentium est sæpe damnosum	55. 2
metallum & opus metalli damnati, capti-		<i>Simplicitas.</i>	
, quidem civiliter consentire, nec expres-		Simplicitati succurrendum est	12. 23.
nec tacite possunt, jure tamen gentium		<i>Situs.</i>	
res contractus celebrant 61. 21. Quo per-		Situs & locus ad augendum sonum faciunt,	
ent etiam Banniti ab Imperio & exbanni-			424. post med.
ab Imperatore, Camera Imperiali, aut		<i>Socordia.</i>	
mitiis Principum ac statuum imperii <i>ibid.</i>		Socordia in vi Musices accuratius indaganda,	
s nihil nocere debet calamitas, quæ illis		notatur	434. in princ.
cedit	29. 73	<i>Sol.</i>	
agrotantibus in jure nostro satis provi-		Sol maxima sui parte materia constat indisipa-	
m est	<i>ibid.</i>	bili	241. in princ.
agrotato licet non utamur, tamen ejus		Sol à variis gentibus est pro numine cultus	
usfructum rerinemus	30. 73		237. post med.
s, si postpositas operas æger esse cœpe-		Sol est igneus	238. in fin.
, legatario peribunt opera	<i>ibid.</i>	Sol, an plumbum ac cupro, quo templa & ædes	
<i>Signa.</i>		regi silent, aurum ingeneret	264. med.
sua Jurisconsulti habent, ex quibus mor-		Solis filii	100. post med.
m adesse conjiciunt, suntque Præsum-		Solis igneam naturam demonstrant effectus illi	
nes & Probationes	7. 8	Soli cum igne communes, quos manibus	
à Viro ipso petita magis sunt evidenti-		pāpamus	242. ante med.
certa	10. 49	Solis radii sunt ipsæ particule igneæ à Sole	
& Præsumptiones amoris sunt: Mulieris		protrusæ.	
schritudo; frequentatio viarum insveta-		Solis faciem nobis ob oculos ponit Scheine-	
na; Indumenta & Ornatus elegantiores		ris	240. ante med.
	35. 33	<i>Nnnn 3</i>	<i>Soli.</i>

INDEX SECUNDUS.

<p><i>Solida.</i></p> <p>Solida quomodo in fluidi naturam converti videantur, arena exemplo probatur 403. <i>in princ.</i></p> <p>Solidorum & fluidorum varia configuratio, secundum conditionem corporum & tubulis vitreis demonstrata 402. <i>post med.</i></p>	<p>Sonus alius verborum, alius oris 559. <i>in princ.</i></p> <p>Sonus infusa aqua in scypho ingravescit 377. <i>ante med.</i></p> <p>Sonus in lignis diversis ejusdem longitudinis & crassitiei diversus 406. <i>post med.</i></p> <p>Sonus ex harpagio intensissimus 382. <i>in fin.</i></p> <p>Sonus speculo Parabolico collectus 380. <i>post med.</i></p>
<p><i>Solitudo.</i></p> <p>Solitudo Poëtis maxime conducit 81. <i>ante med.</i></p>	<p>Sonus in lacu Eupilo fertilitatis index 415. <i>in princ.</i> Ejus ratio è Cardano <i>ibid.</i></p> <p>Sonus tormenti majoris est efficaciz, quam ipsum tonitru 411. <i>ante med.</i></p>
<p><i>Soni.</i></p> <p>Soni prodigiosi 443. <i>post med.</i></p> <p>Soni vehementis horribilia effecta in corpore humano 413. <i>ante med.</i></p> <p>Soni diversitas, quo vitri sonus provocatur 379 <i>in fin.</i></p> <p>Soni corporum comparati 378. <i>in princ.</i></p> <p>Soni rationes in vestigantur 354</p> <p>Soni raritas in vitro auribus sapè imponit 391 <i>ante med.</i></p> <p>Soni è tonitru & tormentis majoribus magna vis, in frangendis corporibus, fenestris, ovis 411 <i>ante med.</i></p> <p>Soni major, quam venti efficacia 417. <i>post med.</i></p> <p>Soni è longinquo vis exemplo è Digbzo ostenditur, & alio ex Borello 418. <i>ante med.</i></p> <p>Sono campanæ argentum vivum motum ad 100. passuum distantiam 413. <i>post med.</i></p> <p>Sonori corporis motus quales 354. <i>ante med.</i></p> <p>Sonorum, ut lucis radios aëri calorem inducere statuunt 422. <i>in fin.</i></p> <p>Sonorum multiplicatio quomodo per proportionales duplicatas crescat 423. <i>in princ.</i></p> <p>Sonorum & radiorum magna inter se est proportio 304. <i>ante med.</i></p> <p>Sonorum corporibus proportionatorum mirabilis efficacia 430. <i>in princ.</i></p> <p>Sonus gravis movetur & augetur a sono octavæ 390. <i>in fin.</i></p> <p>Sonus 10000 tubarum Stentorophonicarum quousque pertingat 424 <i>in princ.</i></p> <p>Sonus est auditus objectum proprium 304. <i>ante med.</i></p>	<p>Sonus ille, qui motu labiorum formatur, aures ferit, ut ita motu pris & aurium ministerio, & exprimantur & percipiantur animi sensus 318. <i>ante med.</i></p> <p>Sonus quia ab externo aëre non procedit, necessario provenit ab interno 399. <i>post med.</i></p> <p>Sonus quoque in Urbana dictione singularis 559. <i>in princ.</i></p>
	<p><i>Spadones.</i></p> <p>Spadones adoptare non prohibentur 32. 79</p>
	<p><i>Spagnetus.</i></p> <p>Spagnetus non est autor Arcani Hermetici, sed editor tantum 293. <i>med.</i></p>
	<p><i>Specula magica.</i></p> <p>Specula magica 311. <i>in fin.</i></p>
	<p><i>Spelunca.</i></p> <p>Speluncæ subterraneæ 383. <i>med.</i></p>
	<p><i>Spinola.</i></p> <p>Spinola notatus 458. <i>II</i></p>
	<p><i>Spinosa.</i></p> <p>Spinosa inter causas etiam Sympathiam nonnunquam admittit 355. <i>post med.</i></p>
	<p><i>Spiritus.</i></p> <p>Spiritus Vini, quo in Essentiis conficiendis usus fuerunt Arabes, ab illis ad Europæos devenit 283. <i>ante med.</i></p>
	<p>In Spiritu Vini subtilissimo volatili non tota essentia vini latet, quæ aquam in sui naturam convertere possit 276. <i>med.</i></p> <p>Inter Spiritus nostros & Quintam Essentiam tantus magnitudinis, tauraque similitudo, ut major esse non possit 599. <i>in princ.</i></p> <p style="text-align: right;">Spi-</p>

INDEX SECUNDUS.

rus per se non est objectum visus 312. in

fin.

Sponsalia.

salia nuptias præcedunt 31. 77

salia impuberum tamdiu valent, quamdiu
non perveniunt ad pubertatem & ante eam
non possunt rescindi aut pœnitere 22. 53

salia impedimenta quoque sua experiuntur

a morbis. I. Mutilatio, clauditas mem-

brum, virium corporis post Sponsalia superven-

iens dissolvit sæpe illa. II. Morbi conta-

giosi & graves impediunt & dissolvunt

sponsalia. III. Furor vehemens usumque

rationis exterminans sponsalia dissolvit 31.

77

saliorum omnes tractatus preparatorii

non magis ligant contrahentes, quam de-

clarationes impuberum 22. 53

salium dissolutio cessat 1. si morbus sit

irremediabilis. 2. Si amice possunt inter se con-

trahere partes, quod prius tentandum est,

tamen ut dissolutio tam absolute conceda-

tur: quod autem limitandum omnino est

in morbis contagiosis, ne tam facile hoc

concedatur, licet altera pars parata sit in-

ter conjugii 31. 77

Status.

rerum vel publicus, vel privatus est 66.

36

Sterilis. Sterilitas.

is quæ sit? 25. 63

tas matrimonium nullatenus dissolvit

ibid.

tas de Jure Veteri justam præbebat Di-

visionis causam ibid.

Statua.

cereæ ad sonitum campanæ tremens

409. ante med.

Stipulari. Stipulatio.

ari qui non possunt, etiam fide jubere

possunt 38. 103.

stipulatione non excluditur, qui tardius au-

& difficulter loquitur ibid.

Stolidi.

Stolidi & fatui sæpissime insani vocantur 9.

16

Stolidos inter quoque connumerari debent:

Surdi, Muri & Cæci à natura, uti & Muri &

surdi simul 12. 22

Strumas sanandi vis.

Mirabilis Strumas sanandi vis Gallix Regibus

divinitus est concessa 127

Stultitia. Stulti.

Stultè interroganti non semper respondendum

civiliter 12. 21

Stultitia est inconstantia sanitate vacans 11.

21. Seu, est in factis dictisque per ignoran-

tiam recti ac boni, erratio ibid.

Stulti à fatuis differunt ibid.

Stulti non melioris sunt conditionis, quam pe-

riti ibidem. Et ne in pœnis quidem ibid.

Stultis stulta quærentibus stulta debetur re-

sponsio 12. 21

Stulticia refertur tam ad Juris imprudentiam,

quàm ad facti errorem 11. 21

Stultis non solet succurri, sed errantibus ibi-

dem.

Stultus est, qui emit hereditatem, quæ solven-

do non est 11. 21. Stultissimus est, si omis-

sa actione, qua facillime solidum ex contra-

ctu consequi possit, se ad difficultatem per-

ducat probandi, in rem domini versum esse

ibidem.

Stupidi.

Stupidi à stultis aliquantum recedunt & per

eos denotantur homines simplices, medio-

eres, rustici & illiterati, quorum intellectus

est rudis & imperfectus 12. 23.

Stupidi excusantur à Tutela onere ibid.

Stupidi possunt contrahere ibid.

Stupidi possunt Testamentum condere ibid.

Stupidis jura maximopere favent ibid.

Stupidorum ad classem omnes ii referuntur,

quibus vel ratione ætatis, vel sexus, vel con-

ditionis, defectus rationis est, ut sunt: Pue-

ri & Minorenes Feminae, Rustici ibidem.

Stur-

INDEX SECUNDUS.

Sturmius.

Sturmius Pollionis censuram sequitur in Livio,
uti & Fr. Picus Mirandula, & Bibliander
508. *ante med.*

Succinum.

Succini natalia 262. *ante med.*
Succinum impurum potest arte corrigi & sub-
tiliari *ibid. post med.*
Sulphur, ut in omnibus metallis, ita in auro
distinctum ac separabile, inde color ejus de-
pendet 270. *post med.*
Sulphur seu tinctura separari potest ex auro
268. *in fin.*

Surdastri. Surdi.

Surdastri, si ad fenestram vel ad candelam ad-
moverint aures, species sonorum perci-
piunt facilius 316. *ante med.*
Surdastri cur inter intensos strepitus sonos exi-
les percipiant? 305. *in princ.*
Surdi, Muti & Cæci à natura, uti Muti & Surdi
simul, infantibus & furiosis æquiparantur,
& absentium loco habentur 12. 22
Surdus à natura testari potest, si ipsi vox con-
cessa est 36. 96
Surdus ac mutus musicas docere consonantias
potest 429. *med.*
Surdus adeò nullus est, qui non exaudiat, si
quis supra cerebrum illius loquatur 316.
post med.
Surdus an è visu vibrationum chordas instru-
menti temperare possit? 361. *med.*
Surdus à casu potest omnia facere sine obsta-
culo 36. 96.

Suspendii poena.

Suspendii poena non punitur, qui ob morbum
suum curandum vel medicamenta ex inopia
furatus fuerit, vel pecuniam, ad illa sibi pa-
randa, sustulerit 41. 109

Suspicio.

Suspicio de externo aere partes cavitatis in vi-
tro perturbante 379. *med.*

Sympathia.

Sympathia sonorum Xylorgani 407. *med.*

T.

Tabula.

Tabula vitrea è longinquo etiam sono passa-
tur 384. *ante med.*

Tacitus. Tacere.

Tacens non fatetur, sed nec utique negare vi-
detur 61. 11
Tacere medium est inter consentire & dissem-
re *ibid.*
Tacite subintellecta vel conjecturis legum-
erura pro expressis habentur, 68. 38. Ex-
cip. tamen illa, quæ sunt stricti juris, & quæ
expressum consensum requirunt *ibid.*
Taciti & expressi par virtus, & Taciti & ex-
pressi non eadem virtus 68. 38
Taciturnitas obligat, ut & actio, & exceptio
ex ea dari possit *ibid.* 61. 22.
Tacitus consensus interdum plus operatur,
quam expressus *ibid.*
Tacitus atque Universalissimus omnibus ne-
gotiis tam publicis, quam privatis, limes est
positus, ut censeantur acta sub illa condi-
tione, si res in eodem statu permanserit
66. 36

Tarantula.

Tarantula veneno infecti 439. *post med.*
Tarantula certis sonis & cantibus moventur
433. *ante med.* Exdem mortui & discissæ
sonis quasi resuscitari videntur. *ibid. post med.*

Tassonus.

Tassoni (Alex.) de Vitro malleabili senten-
tia 340. *in princ.*

Tempestates.

Tempestates sono tormentorum & campana-
rum dissolvuntur 413. *post med.*

Tempus.

Tempus definitum ad præscriptum legis est vel
à Lege Conventionali, vel Civili 65. 33
Tempus est duratio, secundum quam res prin-
cipium & finem habet *ibid.*

Tem-

INDEX SECUNDUS.

us definitum ad præscriptum Legis Civ-
est. 1. Vel breve, vel longum. 2. Divi-
ur in continuum & utile *ibid.*
us dividitur in definitum & indefinitum
ibid.
us & mora sæpe nos consentire faciunt
ibid.

Tensio.

& penduli quæ differentia 357. *in fin.*
ponderi æquiparatur *ibid. post med.*
corporis secundum superficiem in-
pano 363. *in fin.*
inæqualis tympani varios in illo sonos
it 365. *post med.*
particularum in lignis 368. *post med.*
corporum ratione solidi 365. *in fin.*
in omnibus, quæ crescunt & nascun-
sed non æque sonora 366. *ante med.*
particularum in vitro describitur 369.
post med.
in metallis, plumbo, auro, argento, fer-
367. *post med.*
quæ & quoduplex sit 357. *med.*

Terra motus, tremor.

motus ad insolitæ vocis intensiorem.
is fingitur 426. *in princ.*
tremor incutitur à campanæ ingentis so-
ab aliis levioribus: ergo & muris 424.
post med.
lii 100. *in fin.*

Terribilis fremitus.

is per canalem fremitus excitatus 383
post med.

Testari. Testamentum.

possunt etiam in agone constituti 35.
95
in articulo mortis constitutus, odii
quæque causa, proximum heredem ab-
extraneumque instituere non debet
45. 122
nti factio licita est valerudinariis, vel
ere, vel in specie 35. 94
nti factio licita est I. Cæco. II. Muro
do 36. 96
nti tempore pestis confecti solennita-
Jure Civili non sunt remissæ, nisi

quoad conjunctionem testium. De Jure
Saxonico sufficiunt duo aut tres testes,
etiamsi levis fuerit pestis 47. 130

Testamenti factio non est licita 1. Mutis &
Surdis à Natura. 2. Furiosis & mente captis
36. 97

Testamenti validitas & invaliditas non pendet
à corporis valetudine; sed à mentis sanita-
te 35. 95

Testis. Testimonium.

Testes infirmi de publica fama nihil deponere
possunt, cum non præsumantur scire id, de
quo est publica fama, sicuti nec absens 45.
122

Testi falsum testimonium se dixisse asserenti,
non creditur 45. 122

Ad *Testimonium* non admittuntur Cæci, Muri,
Surdi, & Furiosi: 44. 121

Testis ægrotus & infirmus non tenetur compa-
rere in judicio 45. 122

Testis experimenti *αὐτόπης* M. Dux Etru-
riæ Thevenotius 335. *in princ.*

Testis moribundi & agonizantis assertio, præ-
valet testium vivorum assertioni 45. 122

Theobaldus.

Theobaldus ab Hogheländ scripsit librum de
Difficultatibus Alchemix, aliumque de La-
pidis Phisici conditionibus 293. *in princ.*

Theologia.

Theologia Gentilium distinguitur in Physicam,
Politicam & Poeticam 83. *med.*

Theologiæ & Philosophiæ æternum connu-
bium est 118. *in princ.*

Theophrastus.

Theophrastus ex affectatione verbi Attici pro
hospite habitus 576. *post med.*

Theuth.

Theuth Germanorum 101. *ante med.*

Tibia.

Tibiæ sono cur non afficiatur 336. *ante med.*

Tibiarum plurima antiquis genera singulis sin-
gula usibus destinata 435. *med.*

Tituli.

Tituli divini Principibus planè non negantur
113. *in princ.*

INDEX SECUNDUS.

<i>Tilemannus.</i>	<i>Tubi.</i>
Tilemanni ineptum de Patavinitate & voce majestatis judicium 571. in princ.	Tubi cochleati sonum vehementer augent. 395. post med.
<i>Toni.</i>	<i>Tusfis.</i>
Toni in scypho vitrei spurii 377. in fin.	Tusfis in vallibus montium nives deturbat. 383. ante med.
<i>Tonitru.</i>	<i>Tympana.</i>
à Tonitru laxata alvus 415. in fin.	Tympanis duobus æque tensis, pulsato ma- tremor fortior sentietur, quam si non fiat, æque tensa 364. in princ.
Tonitru an vinum & cerevisiam corrumpat solo sono vel fumulis sulphureis 412. post med.	Tympanum auris nostræ vulgari responderet ibid. in fin.
<i>Tormenti sonus.</i>	Tympanum puerile, quod frictu pulsatur vul- gò Rommelpot ibid. post med.
Tormenti sonus longius propagatur, quam to- nitruum 411. in fin.	V.
<i>Torpedo.</i>	<i>Vacca.</i>
Torpedo vivens mortuos pisces ad motum ir- ritat 433. in fin.	Vacca mugiens ad 30 stadia auditur 424. med.
<i>Torqueri.</i>	<i>Valetudinarium. Valetudo.</i>
Torqueri prohibentur, Muti, Surdi, Cæci, Furiosi, certis tamen adhibitis conditioni- bus 46. 122	In Valetudinario coitus apud Jurisconsultos non præsumitur 7. 8
<i>Trachea.</i>	Valetudinarium, ut quis dici mereatur, morbus potius inspiciendus in actu ipso quam in potentia, deinde ejus atrocitas vel levitas 4. 4
Trachea leonis & vituli 395. med.	Valetudinarii & perpetuo morbo detenti mise- rabiliū personarum nomine veniunt ibid.
Tracheæ vis in voce emittenda 394. in princ.	Valetudo, quomodo accipiat 4. 1
<i>Translationes.</i>	<i>Varietas.</i>
Translationes simplices venustæ, ex usu auto- rum Classicorum æstimari debent 529. in fin.	Varietas vocis humanæ & animalium mirabilis est & ingenio humano inexplicabilis 306. post med.
Translationes sequiorum temporum facile di- gnoscentur à Romanis 530. in fin.	<i>Varro.</i>
Translationum magna varietas 529. in fin.	Varro notatus 95. in princ.
<i>Tremor.</i>	<i>Vasallus.</i>
Tremor in ligneis instrumentorum tabulatis secundum certas partes pro ratione tono- rum varius 407. ante med.	Vasallus ægrotans à præstatione servitorum interim excusatus 30. 71
Tremor ligni in instrumentis non est proxima causa chordæ consonantis 361. in fin.	<i>Vasa.</i>
<i>Tuba.</i>	<i>Vasorum.</i>
Tuba Stentorophonica 380. in fin.	<i>Velle.</i>
Tuba Stentorophonica etiam Persis in usu 422. post med.	Velle est expresse consentire 57. 9 Velle
Tubæ sono vitri sonus provocatus 336. in princ.	
<i>Tubera.</i>	
Tubera an post tonitru è terra prorumpant 414. post med.	

INDEX SECUNDUS.

Venti Boreales.
 i Boreales & aër ferens vitri, & metallo-
 m fusioni commodi 351. med.

Verba.
 a, an alio modo, quam per anres percipi
 os sint? 316. post med.

Verdierus.
 lierius notatus 550. post med.

Verisimilitudo.
 similitudo rerum duplex dari potest. Hi-
 orica & Figurata 78. in fin.

Via.
 an adoratu aut gustu deprehendi possint
 323. ante med.

Vibratio.
 ratio & impetus debent conjungi 409. post
 med.
 rationum in chordis cum pendulorum
 scillationibus æqualitas, quomodo depre-
 endatur? 358. med.
 ratorii motus accurata dimensio haberi
 on potest 362

Vini præstantia.
 i præstantia è sono vasorum dignoscitur
 377. in princ.

Virgilius.
 gili divinum ingenium 459. in princ.

Virgo.
 go arguit quodammodo viri impotentiam
 20. 49

Vir.
 o magis creditur, quam mulieri: nam vir
 anquam mulieris caput dignior est ipsa
 muliere 21. 49

Vis.
 percussionis continuatione ingravescis
 385. med.
 soni singularis & mirifica in humore Ta-
 antulæ movendo 401. post med.
 est necessitas imposita, contraria volunta-
 , majorisque rei impetus, qui repelli non
 otest 60. 19

Visus.
 Visus organon est oculus; objectum corpus
 lucidum & coloratum medium; aër illumi-
 natus 309. med.

Vita.
 Vita in pulsuum rhythmis & proportionem mem-
 brorum harmonica consistit 438. in fin.

Vitra.
 Vitra à certo tympanorum pulsu trementia
 409. med.

Vitra Medica.
 Vitra non consonant omnibus tonis 396. ante
 med.

Vitra pro varietate figuræ sono variant 378.
 in fin.

Vitra gemmis tepidiora sunt 352. in fin.

Vitra cum carnibus cocta eas emolliunt 340.
 in fin.

Vitri fractura ex qua causa proveniat 384.
 in fin.

Vitri longè alia pororum textura 408. in
 princ.

Vitri per octavum rupti testes allegantur 391
 med.

*Vitri partes, qua ratione à sono homogeneo
 moveantur* 393. in fin.

*Vitri meatus per sonos etiam in vitro evacua-
 to excitatos & per magneticorum motuum
 transmissionem evidentissime probantur* 349. post med.

*Vitri in tono explorando decipi possumus, ob
 misturam aliarum consonantiarum & ipsius
 octavæ* 390. in fin.

Vitri natura, fragilitas 337. post med.

*Vitri sonus trachæ anserinæ simili sono com-
 motus* 409. med.

*In Vitro moventur per frictum particulæ cras-
 siiores, ut odorem gravem spargant* 398.
 post med.

*In Vitro per tonum consonum moto eadem
 convenientia pororum & motus conceden-
 da* 403. in fin.

Vitrum quo sit referendum 387. in princ.

Vitrum malleabile an detur 339. in princ.

Vitrum solidum ad affricatum levem fractum.
 351. in princ.

Vitrum

INDEX SECUNDUS.

Vitrum nostri temporis malleabile è Velschio 339. <i>post med.</i>	Vocum usus & seorsim, & junctim consideran- dus & junctarum vocum ordo 527. <i>ante med.</i>
Vitrum est porosum 343. <i>in fin.</i>	<i>Voluntas.</i>
Vitrum absque igne paratum 341. <i>in princ.</i>	Voluntas quomodo manifestetur 57. 10.
Vitrum æquisonum per alterius e digiti fructu sonum rumpi dicitur 444. <i>in fin.</i>	à <i>Voluntate</i> actio voluntaria est <i>ibid.</i>
Vitrum an per sonum ex percussione densa- tum citius, quam per clarum rumpatur 384. <i>in princ.</i>	<i>Vosius.</i>
Vitrum cur non in multas partes minutas dis- siliat 385. <i>in princ.</i>	Vosii argumenta adversus porositatem vini 344. <i>ante med.</i>
Vitrum per liquores Chemicos flexibile reddi- tur 339. <i>in fin.</i>	<i>Vox.</i>
Vitrum potest comburi 240. <i>in fin.</i>	Vox ad ululatum accedens fortius ferit vitrum 379. <i>in fin.</i>
Vitrum revera per diapason fractum fuit & per uni sonum quoque 390. <i>post med.</i>	Vox humana 427. <i>in princ.</i> ejus varia & pe- nè infinita modificatio <i>ibid.</i>
<i>Ultima voluntas.</i>	Vox nihil aliud, quam aër certo modo figu- ratus, è sententia Epicuri & Aristotelis 397. <i>in fin.</i>
Ultimæ voluntates vel sunt perfectæ, vel im- perfectæ; Perfectæ sunt Testamentum so- lenne, Imperfectæ, Codicilli 35. 93	Vox in ore formatur beneficio lingvæ, den- tium & labiorum 317. <i>in fin.</i>
<i>Undula.</i>	<i>Urbanitas.</i>
Undulæ in scypho aquâ impleto dividuntur à sono octavæ 389. <i>med.</i>	Urbanitas an ad Ciceronis tempora restringen- da 571. <i>ante med.</i>
<i>Unitas.</i>	Urbanitas sermonis à Cicerone descripta ad exemplum Atticissimi, item à Balzaco 433. <i>ante med. & in fin.</i>
Unitas Principi attribuitur 113. <i>med.</i>	Urbanitas virtutibus accensetur 532. <i>in fin.</i>
<i>Voces.</i>	Urbanitas Attica <i>ibid. post med.</i>
Voces inusitate latinæ, sed plebejæ in Glossariis superstitæ antiquitate certant cum cæteris 520. <i>in fin.</i>	<i>Urinatores.</i>
Voces inusitatae apud classicios autores usurpa- ta à Criticis inepte expunguntur 521. <i>ante med.</i>	Urinatores etiam exaudire sonos, quanquam obscurius posse, narrant aliqui 319. <i>in fin.</i>
Voces Latinae secundum auctores & ætates exi- gendæ 535. <i>ante med.</i>	<i>Vultures.</i>
Voces rusticae etiam in Virgilio observatae 523 <i>in fin.</i> Imò & Solæcisimæ 524. <i>in princ.</i>	Vultures prædolari possunt magnam aliquam cladem 323. <i>ante med.</i>
Voces peregrinae jam olim collectæ & notatae 543. <i>ante med.</i>	<i>Z.</i>
Vocis divinæ sonus montes concutit & ter am- overtit 425. <i>in fin.</i>	<i>Zachias.</i>
	Zachias (Paul.) castigatur 6. 6. & 10. 17.

D. G. MORHOFII
V I T A,

Q U A,

Præter alia, labores ejus Academici, &
scripta præcipuè, tùm edita, tùm edenda; & affecta
hæc quidem partim, partim animo tantùm concepta,
enumerantur: quam item in Polyhistore
edendo rationem secutus sit,
indicatur.

A C C E D U N T

E L O G I A

CLARISSIMO

quodam

V I R O

COLLECTA;

C A R M I N A,

Maximam partem à Summis Viris MORHOFIANO
honori consecrata, atque adeò Elogiorum
ferè loco habenda.

D. G. MORHOFII

VITAE

Q. U. A.

Inter alia, laborum eius Academicis, &
hunc hunc, hunc hunc, hunc hunc, & hunc
hunc hunc hunc, hunc hunc hunc hunc
hunc hunc hunc hunc hunc hunc hunc
hunc hunc hunc hunc hunc hunc hunc

hunc hunc

ACCEDEUNT

FLORA

CAVASSIMO

hunc hunc

VIR

COLLECTA

hunc

CARMINA

hunc hunc hunc hunc hunc hunc hunc
hunc hunc hunc hunc hunc hunc hunc
hunc hunc hunc hunc hunc hunc hunc



I. N. D.

SI verum est, magni semper interfuisse tūm literariæ rei, tūm, quæ operam illi navant, ingeniorum, nomen & memoriam clarorum in literis hominum sollicitè conservari: non est infitiandum, quæ vitas eorundem & curas, quantum licet, exponunt scripta, tantò præstare cæteros historici rei libellos, quanto eruditio, hujusque accuratior cultus, reliqua hominum studia dignitate antecedit. Nam quotiescunque animus rectè compositus, aut saltem non omnino remissus, in cognoscendis rebus occupatur, speculi profecto loco eadem habet; & doctior non modo, sed melior etiam, ac veræ virtutis multò mantior, inde discedit, quippè cui tam illustria exempla, ad strenuam imitationem calcar utique addunt immensum. Quæ causa plures eruditorum omni tempore movisse videtur, ut in hanc curam sedulò incumberent, &, alio licet, labore satis impediti, summo tamen studio conquirerent, vel expositas pridem ab aliis Eruditorum vitas; vel ad describendas eas amplissimam colligerent materiam: nonnullos quoque suas ut res consignarent ipsi, & in justos commentarios vivi valentesque digererent. Idem procul dubio facturus, si DEO visum, MORHOFIUS, XX. circiter, ante excessum annos, de vitâ suâ notare nonnulla cœpit; nec ipso quis alius telam istam accuratius pertexere poterat; viro siquidem eo tum calamo prompto, tūm summa judicii specie instructo: sed ejus in literis labores infiniti; lectio assidua; curæ librariæ, publicæ, privatz, domesticæ; valeludo

ambigua primum, post adversa; mors denique minus matura, & inopina ferè, optimos istos conatus interceperunt. Hinc non ita nulla inquisitione opus erat ad ea, quæ ignorabantur, pervestiganda; & hæc factâ expectanda occasio, quâ studiosè collecta publicè legenda proponerentur. Quæ quidem nunc nudè proferimus, & sine ornatu; cujus & Virum neutiquam indigere constat; & nos eundem illi afferre dignè non posse, ingenuè fatemur. Quare lectorem optimum hanc veniam, & ut, quæ fortè minùs placentia hic occurrerint, boni consulat, omni observantia rogatum volumus. Summa tamen fide cum eo communicabimus annotata; & ut ad propositum veniamus, primò audiemus de se ipso Virum Clarissimum.

Natus sum *DANIEL GEORGIUS MORHOFFIUS* anno M. DC. XXXIX, die 6. Februarii, qui, *Æliano Histor. Var. lib. 2. cap. 25.* teste, memorabilis olim fuit Græcis, parentibus honestis. Pater fuit *JOACHIMUS MORHOF*, Secretarius Judicii apud Wismarienses, Vir doctus & probus. Nam in Juris scientia specimina multa dederat, causas agendo inter optimos tùm temporis Juris Doctores atque Advocatos in patriâ. Et nisi modestia ejus obstitisset, aut ille modicâ aliquâ ambitione, vel potius studiorum suorum fiduciâ honestâ, ductus fuisset, majoribus cum laude functionibus admoveri potuisset. Sed ille per asperrima iniquioris fortunæ initia ductus (nam parentes ejus tenuioris fortis è Marchiâ oriundi parùm ipsi vel consilio, vel ope sua adesse poterant) suo potissimum remigio utens eò in studiis, ingenii sui felicitate & industria, pervenit, quo alii fortunæ istis adminiculis destituti non facile pervenirent. Ego verò lætor, D E O quæ gratias ago, me isto parente ortum, cui bonam indolem & educationem debeo: cujus curâ, consiliis & informatione solidâ, variorum studiorum fundamenta, jeci. Nam ut vir ille, cum à negotiis forensibus liber esset, omni se & sacrorum, & amceniorum studiorum genere delecta-

lecta-

lectabat; ita & ad omnia mihi autor fuit, impellendo, hortando, monendo, explicando, libros idoneos suppeditando. Nihil denique omisit paterni officii & curæ: pro quibus beneficiis æternum me ipsi obstrictum profiteor.

Mater fuit *Agneta Hingen* / *Danielis Hingen* mercatoris, filia; quæ altero puerperio una cum prole sublata à me nunquam cognita fuit. Ejus frater, *Joachimus Hinge* / nunc, cum hæc scribo, in Senatoria dignitate constitutus est *Wis-mariæ*. Alteram uxorem postea duxit pater *Annam Tabberts* / *Friderici Petersen* viduam; quæ in matris locum succedens verius matrem, quàm novercam, testata est, dum parente bonorum suorum herede instituto, ad me illa pervenire voluit.

Prima parentis cura fuit, ut pietati ab ipsis ungviculis advescerem: nam quotidiana Bibliorum lectio tam matutina, quàm vespertina, injungebatur: Examina hinc instituebat Pater, & religionis Christianæ prima lineamenta ducebat. Ut historiæ cognitionem maturè haberem, etiam ante lingvæ Latinæ usum, quotidie aliquam portionem *Chronici Carionis*, in Germanicam lingvam conversi, legendam præcipiebat. Maximam etiam puer ἀναλφάβητος & Musica oblectationem cepi, singulari ad illam excolendam genio impulsus. Cantantibus, cum nulla essent ejus artis rudimenta, adstiti isti sonorum hamoniæ intentus, & in illa defixus hærens in organis Musicis sonorum differentias explorabam, tentaturus, an hymnorum Ecclesiasticorum modos imitari sonis possim. Accedente postea levi aliqua informatione, magnos faciebam in arte ista profectus, quorum ne nunc quidem pœnitet: Quos nisi utiliora studia maturè interrupissent, promittere illam mihi potuissem omnibus numeris absolutam.

Latinitatis prima fundamenta à patre jacta sunt. Nam cum in primo illo ludo literario in orbiliū aliquem incidissem, qui indignis me modis tractaverat, fuisse caput percu-

tiens, unde primum tubera orta; quæ à me neglecta, & per pudorem dissimulata, in periculosam febrem me conjecerant: doceri me tamen statuebat pater; cujus ego præceptis, domesticaq; disciplina imbutus plus triennio profeci, quam integro sexennio profecissem, si in ludo illo literario relictus fuissem. De hinc in scholâ patriâ *Johannem Poltzium*, ejus Rectorem, posteaq; scholæ Lubecensis Sub-Rectorem & Con-Rectorem, unicū ad bonos autores, & selectiorem Latinitatem, ductorem habui. Hujus auspiciis classici autores evolvi, ex illis excerpsti, ejus impulsu & censurâ in utraq; lingvâ, tam prosâ, quam ligatâ oratione me exercui, illaque specimina dedi, quæ in XIV. annorum adolescente ultra ætatem à præceptoribus ipsis extollebantur. Primum in Mathematicis præceptorem habui *Andream Pauli*, scholæ Wisma-riensis Sub-Rectorem, qui ista studia multa cum cura percoluerat. Arithmeticæ, Sphæricæ, Geometriæ, & Geographiæ principia ab illo hausi.

1655. Anno ætatis XVII. ad illustre *Stetinenſe* *Pedagogium* me contuli, & præceptores illic habui Viros Clarissimos, *Johannem Micælium*, SS. Theologiæ Doctorem, ejusque Gynasii Rectorem; & *Henricum Schævium*, Medic. Doctorem, elegantioris literaturæ & Poëseos Professore. Illum Philosophiam prælegentem audiui; Hujus familiari institutione usus sum. Vir ille erat ad omnes elegantias factus, Poëta, Musicus, Mathematicus, Mechanicus, Philosophus; sed Cartesii potissimum partibus addictus. Sub ejus auspiciis universæ Matheseos curriculum absolvi; Physicam doctrinam ingressus fui; in Poëticis me exercui. Et quoniam vir ille *Statium* imitandum sibi unice proposuerat, ingenio olim suo plus justo indulgens, solam tum scribendi carminis vim sequebar: à qua tandem me ipsum revocabam judicio maturiore, & Poëtarum antiquorum lectione monitus. Nam ut impetus ad Poëticam facultatem illius viri exemplo magis, quam præceptis, excitati sunt; ita postea felicior carminis

minis cultura ab ingenio, exercitatione, & lectione succrevit. Scribebam XVI. annorum alicui carmen de dignitate consulari gratulatorium, justæ magnitudinis, cujus dictio Statii, & aliorum arduorum Poëtarum, flosculis tota erat concinnata. Mirificè id placebat nonnullis; verum ipse & conatus meos postea ridebam, & illos, qui tantopere carmen illud celebraverant. Centonem ex Virgilio, Statio & Claudiano in Natalitia CHRISTI eodem anno scripseram, qui postea Rostochii excusus, cum illic operam studiis darem, atque *Andrea Tscherningio*, Poëseos Professore, inscriptus. Multum viro illi debeo, qui amore me singulari prosequeretur. Testantur literæ ejus Rostochio ad me datæ; in quibus hæc verba loquuntur: *Exosculantur ingenii tui Veneres magistri, admirantur coetanei; studium virtutis, ad quam adspiras, commendant omnes boni.* Ebræam linguam sub *Joachimo Frabricio*, SS. Theol. D. & Superintendente; sub *Johanne Sitbmanno*, Juris Professore, verò Juris studium, cujus, sicut & dictæ lingvæ, fundamenta ductu patris jeceram, continuavi: & hujus quidem Lectionibus, quæ publicis quæ privatis, disputationibusque sedulò interfui.

E Gymnasio Stetinenſi in *Academiã Rostochienſem* con- 1 6 3 7.
cessi, ætatis XIX. anno, ubi studium Juris sub celebrioribus 29. Maji.
ejus Professoribus, *Hebrico Rabnen*, & *Henrico Rudolpho Redekero*, continuavi. Sub utroque Pandectarum Collegia Institutionumque habui: quas etiam *Johannem Sabastianum Laurembergium* explicantem audiavi. Usus præterea sum *Lemkenio* manu ductore ad Judicialia, Collegio Practico, ut vocabant, Processuali habito. Post elapsum primum annum Academicum, Disputationem, sub præsidio *Henrici Rabnii*, habui Juridicam de *Morbis*, meo studio elaboratam, in qua ne apicem immutaverat Præses. Cujus plenior tractatio, sub justî voluminis magnitudine, inter schedas meas delirescit. Ita tum immersus eram Juris studio, ut, nisi me occasiones nonnullæ aliquando abduxissent, parum curæ in elegantiora stu-

studia impendissem. Sed sæpè ad carmina scribenda solli-
 citatus sum ab amicis, qui ejus rei aliquam promptitudinem
 in me sibi deprehendere videbantur: præcipuè Germanica,
 quorum plurima à me sunt conscripta, quæ vel deperdita
 sunt, vel aliorum nomina præscripta habent. Triennium
 circiter Rostochii commoratus eram, cum Clarissimus Vir
Andreas Vschningius, Poëtics Professor, meus cum viva
 fautor singularis, l editis Carminibus Germanicis & Latinis,
 præcipuè verò Germanicis, celebris, diem suum obiret.
 1659. Scriptoram ego circa id tempus Epicedion jocularè in Cico-
 in fine niarum, cum convivium in ædibus Decani Bodockii celebra-
 Octobris. rent novi magistri, à quo piam interfectam. Illud nonnullis
 ita tum placuit, ut tacitis multorum votis ad locum vacan-
 tem designarer. Ego verò, qui XX. ætatis annum vix im-
 plexeram, & quem pater forensi palæstræ destinaverat,
 cum nec deessent, qui dissuaderent, magnæ autoritatis Viri,
 inter quos Magnificus Vir, *David Merxius*, Tribunalis Wis-
 mariensis Vice-Præses, prætereaque Vir Excellentissimus
Martinus Bakelius, tum temporis Reipublicæ Lubecensis Syn-
 dicus, filio suo natu majori in Academiis mittendo com-
 tem me destinasset; & deterrere potuissent sterilia profes-
 sionum illic salaria; permotus tamen amicorum impulsu, &
 meo quoque ductus ingenio, ambivi spartam: quæ à Sere-
 nissimo Principe Güstroviensi promptè data est. Honores
 interim à Collegio Philosophorum petii; & dati illi sunt, titu-
 los conferente Viro Celeberrimo, *Augusto Parenio*, Hebræ-
 rum tum literarum Professore; die 26. Julii, 1660. Profes-
 soris spartæ admotus sum die 16. Octobris ejusdem anni, so-
 lenni habita oratione. Quandoquidem verò unum itineri
 annum indulgendum exceperam, iter Batavo-Anglicum
 ingressus fui. In Batavis salutavi viros Celeberrimos, atque
 inter illos Lugduni *Gronovium*. Angliam adii solennia inau-
 gurationis Regiæ visurus. Vidi illic pompam omnem, &
 carmine encomiastico celebravi. Visa mihi Academia Oxo-
 nien.

nienſis, præſtantiffima Bibliotheca, & nummorum Gazo-
phylacium, omniaque, quæ memoratu digna ſunt. Ex
Anglia rediens in celeberrima Friſiorum Academia, quæ
Franeckeræ eſt, à *Wiſſenbachio*, Jcto iridem celeberrimo,
Honores in Jure Doctores adeptus ſum, poſt habitam in
templo Academico ſine præſide, *de Jure Silentii* Diſputatio-
nem, die 26. Septembris, anni 1661. Hinc Roſtochium redi
ſpartam profeſſoriam aggreſſurus. Qualem me illic geſ-
ſerim, malim ab aliis, quàm à me ipſo, dici: Diſputationes
illic *de Divinitate Principum*, & *de Principe Medico* publicas ha-
bui; Carmina varii generis ſcripſi, quæ poſteà Kilonii ali-
quot Faſciculis edita. Nemini collegarum, quod ſciam,
gravis fui. Hoſpitio *Dn. D. Rabnii* uſus ejus funeri publicâ
oratione parentavi. Publicè privatimque Auditores docui,
variis tam in Eloquentiâ, quàm Poëſi, quin & Jure, inſti-
tutis Collegiis.

Anno LXV. in *Academiam* novam *Kilonienſem* vocatus
ſum à Reverendiſſimo atque Sereniſſimo Holſatiæ Principe,
CHRISTIANO ALBERTO: Cujus inaugurationi die
5. Octobris ejus anni interfui, & panegyricâ illam Oratione
celebravi. Utebar tum menſa *Casparis Marchii*, Medicinæ
Profeſſoris, quo & in Roſtochienſi Academia hoſpitem uſus
fueram. Profeſſio Eloquentiæ & Poëſeos mihi demandata
fuit, quas pro virili ornandas duxi. Nam Lectiones, quæ
publicas qua privatas, in utraque habui, quæ editione non
indignæ, ſi ultima illis manus acceſſerit. Carmina varia,
elaboravi, quæ ſuo tempore in lucem edentur. Magiſtra-
tum Academicum primum ſuſcepi anno 1669. die 5. Aprilis.
Orationem inauguralem *de Intemperantia in literis* habui.

Anno LXX. circa dies caniculares, cum Sereniſſimi
Principis veniâ, iter Batavo-Anglicum alterum inſtitui,
maximo meo fructu: Nam familiaritatem cum viris do-
ctiſſimis & celeberrimis contraxi. Ultrajecti ſalutavi jam
tum per literas mihi cognitum, & ab ipſis elegantis gratiſq;

factum *Joannem Georgium Grævium*, alterum à Gronovio Belgii decus, qui jam ante occasione carminis, quod in *Vincentii Fabricii* manes scripseram, ad simile officium, *Thomæ Reinesio* exhibendum, me invitaverat, ac *Commentarium in Hesiodum* transmiserat. Erat mihi svavisissima cum illo conversatio, variaque de literis colloquia. Amstelodami in *Swammerdammi* notitiam incidi, cujus instructissimo musæo & naturali gazophylacio, quod mihi tum etiam patebat, perlustrando, integrum triduum impenderat Magnus Etruriæ Dux in Batavis hospes. Offerebat mihi vir *νῦν ἐν αἰγίῳ* quem de Insectis Belgicâ lingvâ ediderat librum. Qua in cognitione unus ille omnes sui temporis naturæ scrutatores superavit: ut dolendum sit, cum ipso interiisse tam præclaram scientiam. Incredibilis fuit ejus viri in omnium generum insectis, ex omnibus terrarum angulis congerendis, & singulari quodam liquore à corruptione conservandis, industria. Dixitque ipse mihi vivus, si centum haberet in istare adjutores, & centum sibi anni ad vitam superessent, sibi nunquam defuturam operam in hoc Insectorum studio. Prolixa etiam fuerunt *Matthæi Sladi*, & *Schraderi* in me officia. *Kerckringii* quoque specimina anatomica inspexi, corporaque succino condita. Lugduni à *Gronovio* mirâ humanitate exceptus fui, qui tum à morbo suo diuturno ægrè restitutus Magistratum ejus Academiæ tenebat. Monstrabat mihi Bibliothecam suam, variaque, quæ affecta habebat, in re literaria.

Hagæ-Comitis *Constantinum Hugenum*, Celsissimo Arausionis Principi à Consiliis sanctioribus, salutavi: qui vir summus inter tanta sua negocia Musis tamen aliquando vacabat supremâ illâ senectute, & argutissima, tam Latinâ quàm Belgicâ lingvâ, scribebat poëmata; Communis litteratorum per Bataviam Fautor. Multa ejus in me favoris erant documenta; quibus motus partem meorum Poëmatum, *Horas subsceivas Poëticas*, ipsi inscripsi. Nihil verò toto iune-

re mihi accidere gratius potuit, quàm arctior illa cum *Marguardo Gudio*, qui tum in prædio cum *Sebasio* suo vivebat, inita familiaritas. Ostendit ille libros suos, & illum manuscriptorum Codicum thesaurum incomparabilem; illud item, quod præ manibus habebat, Inscriptionum opus, cæteraque sua, quæ affecta habebat, opera: quem in patria, postea Serenissimi Principis consilio admotum vidimus. Salutavi ibidem Senem octogenarium, *Franciscum Junium*, qui sub manibus tum habebat vastum de Pictoribus opus; ostendebatque *Isaaci Vossii*, tum in Anglia viventis, bibliothecam manuscriptis Codicibus pluribus refertam.

E Batavis Londinum navigans cum Illustri Viro *Roberto Boileo* conversatus fui. Varia cum illo institui de rebus naturalibus colloquia. Vir tum ille totus his studiis immerfus accuratissimas nostro seculo naturæ instituebat contemplationes. Innotuit etiam mihi *Oldenburgius*, Societatis Regiæ Secretarius, qui in Societatis Regiæ confessum me quoque, perduxit. In quo tum proposui Experimentum vitri percertum vocis humanæ sonum rupti, quod Amstelodami factum videram: de quo argumento postea dissertatio à me conscripta est, *Kirchero* in *Phonurgia* sua; & *Frommanno*, in libro de Fascinatione, laudata, ac paulò post ab anonymo mihi incognito in Belgicam linguam conversa. Salutavi Londini *Isaacum Vossium*, variosque cum illo sermones miscui: cujus beneficio bibliothecam mihi Regiam inspicere, licuit, ejusque manuscripta, interque illa, Versionem LXX. Interpretum manu Theclæ scriptam.

In reditu præsentissimo naufragii periculo prope Brielum, ereptus salvus tum incolumisque, cum rebus meis, in Belgium perveni. Invaluerat tamen de meo per naufragium interitu per Holsatiam fama: qua commoti amici funeralibus carminibus mortuum falsò creditum prosecuti sunt: *Christianus von Stæcken*, Reverendissimo atque Serenissimo Episcopo Eutynensi à Concionibus, & Superintendens, Ger-

manicâ inscriptione: *Johannes Georgius Pellicerus*, Capituli Lubecensis Secretarius, Latinâ: pro quâ pietate vivus jam salvusque ipsis gratias ago. In Belgio conveni veteres amicos. Hagæ-Comitis tunc temporis militem moderabatur Generosissimus Dominus *Würtzius*: cujus ego favorem singularem expertus sum, mensæ me suæ colloquiisque subinde admoventis. Amstelodami certissimæ mortis periculo per divinam benignitatem liberatus sum. Cum enim in officinâ librariâ Elzevirianâ stare perlustrandis libris intentus, magna librorum & chartarum moles, quæ trochleis in suprema tabulata attrahebatur, in aream cecidit, adeo ut tergum mihi concuteretur librorum illâ mole. Hic vix digitos quatuor à morte meâ remotus fui. Si enim vertici incidisset, quod tergum laterali motu quatiebat, actum de vitâ fuisset.

Haftenus MORHOFIUS ipse, postquam DEO duce Kilonium suum, gratulantibus Musis & bonis omnibus, repetierat. Cui per integrum post hæc vicennium superstitioni quæ obtigerint; quæ publicè privatimque docuerit; quibus scriptis elaborandis, partim etiam edendis, insudaverit, ac tantum non immortalis sit, reliquum est, ut paucis persequamur.

Perfecto ita ergò in Belgium atque Angliam altero itinere, vitæ sociam quærit, eamque opportunè & feliciter invenit Margaretam Deginckiam, Domini Casparis de Deginck, tum Senatoris, postea Consulis Reipublicæ Lubecensis, filiam, die 23. Octobris, anno 1671. sibi solenniter junctam. Hæc quatuor eum fecit patrem filiorum, enixa Casparum Danielelem, Georgium-Marquardum, Fridericum, & Ericum Georgium: quorum secundus & quartus in pueritiâ mortalitatem expleverunt: Major verò natus, dum hæc scribuntur, in Academiis Saxonice Musarum castra sequitur, & Fridericum fratrem multæ spei adolescentem, è Lubecensi celeberrimo Lycæo, ubi Clarissimo Svantenio

Rectore atque magistro, literis huc usque strenuam dedit, operam, ad se invitat. Neque verò conjuge ita auctus MORHOFIUS in literis quicquam remisit; sed sicut juvenis alacriter cœperat, ita vir factus & maritus, tum legendo ac meditando, tum docendo & scribendo, non minus erat occupatus. Et lectionem quidem ejus assiduam, omnisque generis librorum pervolutionem, non est, ut verbulo attingamus; quandoquidem & scripta viri, & qui vivum eum norant & colebant, satis rem loquuntur: quæ autem in Academia Kiloniensi publicè ac privatim discere volentibus proposuerit, non nisi ex Lectionum ejus Catalogis, quos statim anni temporibus, die 5. scil. Aprilis & 5. Octobris edidit, quique adeò commodè hic etiam exhibentur, perspicere rectius possunt. Nam quæ Rostochii omnes illos, quos habitavit, annos sibi pensa sumserit, ordine nunc enumerare, non licet, deficientibus nimirum Catalogis Lectionum, istius Academiæ, & aliis quoque subsidiis, unde ea quadantenus poterant colligi. Id tamen in aperto est, præmissis elegiaco Programmate, quod nunc inter Miscellanea in Operibus Poëticis pag. 710. comparet; & Dissertatione de Enthusiasmo seu Furore Poëtico, hoc ipso Dissertationum volumine non inutiliter fortè repetitâ; Claudiani de Raptu Proserpinæ libros primis publicis Lectionibus; privatis verò differentiam sermonis Oratorii & Poëtici, eundem exposuisse.

CATALOGUS LECTIONUM MORHOFIANARUM.

I. 1665. à 25. Novembris, quo die primus novæ Kiloniensis Academiæ Catalogus publicatus, usque ad Festum Paschatis 1666.

DANIEL GEORGIUS MORHOFIUS, D. Eloquentiæ & Poëseos Professor Ordinarius, pro duplici munere, horas partietur, ita ut die Lunæ & Martis *Oratoriam Civilem*, suo ductu adornatam, selectisque ex historiâ exemplis illustratam,

tradat; die Jovis & Veneris *Artem Epigrammatum*, perpetuo exemplorum apparatu deductam, proponat. Privatim quoque varia in oratoriis, ut & in Poësi, tam Latina, quam Germanica, Collegia aperiet, quæ seorsim significabit. Docebit horâ II.

II. 1666. à Festo Paschatis ad Autumnale tempus.

D. G. M. U. J. D. Eloq. & Poës. Prof. Lectiones tam Oratorias, quam Poëticas, prout cœpit, ad finem perducet. Quæ privatim habiturus est Collegia, de tabulâ publicâ significabit.

III. ——— à Fest. Michael. ad Fest. Paschatis 1667.

D. G. M. Philos. & Juris Doctör, h. t. Fac. Decanus, die Lunæ & Martis in Eloquentiâ Civili perget, & *Orationum Ideas* suppeditabit Eloquentiæ cultoribus, pro publico exercitio, die Jovis & Veneris *P. Statii Thebaida* explicabit, & ab iniquissimâ Criticorum quorundam censurâ vindicabit. Docet hora III.

IV. 1667. à Fest. Paschat. ad Autumn.

————— Absolutis iis, quæ restant in Praxi Oratoriæ Civilis, die Lunæ & Martis *Ideas* variarum *Orationum*, & *Actuum* integrorum, unâ cum subsidiis ad orationem necessariis, suppeditabit, ut semper habeant, quo se & privatim, & publicè exercere Eloquentiæ cultores possint. Die Jovis & Veneris *Lectiones* Statianas, quas hætenus suspendit, quoniam oratorias magis ex vi & voto Auditorum esse intellexerat, assumet.

V. ——— à Festo Michael. ad Fest. Paschat. 1668.

————— Absolutâ Oratoriâ Civili lectiones in *Statii Thebaida*, quâ incepit, eâ methodo continuabit, ut brevi, sed sufficienti *Commentario* verba explicet, & *Artificia* inventionis, aliaque *πολύχρηστα* Poëtica ostendat. Privatim quoque Collegia, *Oratorium Practicum*, & *Poëticarum Inventionum*, habiturus est.

VI. 1668. à Festo Paschatis ad Autumn.

————— Perget in explicatione *Thebaidos* Statianæ. Privatim quoque absolutis duobus Collegiis, *Oratorio Practico*, & *Poëticarum Inventionum*, operam suam desiderantibus non deerit. Docet hora III. pomeridiana.

VII. ——— à Festo Michaelis ad Festum Paschatis 1669.

————— In explicanda *Thebaide* Statianæ perget. Ne verò & muneri suo in *Facultate* Oratoriâ desit, diebus Jovis

Jovis & Veneris Ideas Orationum Consultationumque variarum, quarum in Republica usus est, Auditoribus ad solennia exercitia proponet.

VIII. 1669. à Festo Paschatis ad Autumn.

DAN. GEORG. MORH. Eloquent. & Poëseos Professor, h. t. Academiæ Pro-Rector, & Facultatis suæ Decanus, hætenus in exercitiis Oratoriis Civilibus occupatus fuit, & in materia de Rege Poloniæ eligendo, ejusque argumenti Idea nona etiamnum hæret. Semestri hoc æstivo eandem Exercitiorum Oratoriorum telam, quantum per occupationes publicas licebit, pertextet.

IX. ——— à Festo Michaelis ad Festum Paschatis 1670.

————— Hætenus Magistratus negotiis impeditus majori impostero diligentia muneris sui partes exequetur. Diebus Lunæ & Martis selectissima de Stylo omniq; characterum genere præcepta, in usum ea præsentem simul deducturus, proponet. Diebus Jovis & Veneris *Lexicon Latinitatis Poëtica*, magni in scribendo carmine usus, ad calamum dictitabit, quo nativa, & vulgo non animadversa sermonis Poëtici elegantia demonstrabitur, & quasi compendio quodam omnes Poëtæ explicabuntur. Cæterum scholas menstruas publicas Exercitiorum Oratoriorum, si auditorum responderit diligentia, instituet, privatis quoque collegiis, quæ seorsim significabuntur, eorum studiis non defuturus.

X. 1670. à Festo Paschatis ad Michael.

————— Quam semestri hiberno incepit translationem de Stylo, æstivo hoc, diebus Lunæ & Martis, continuabit, plenissimè expositurus omnia, quæ ad varia dictionis genera pertinent, & exemplis illustraturus. Diebus Jovis & Veneris de Latinitate Poëtica, absolutâ utilissimâ operâ de Oratoris & Poëtici dictionis differentiâ, porro commentabitur.

XI. ——— à Festo Michaelis ad Festum Paschatis 1671.

————— Post absolutam suam de Stylo & Dictionis Poëtici & Oratoris differentiâ Commentationem, *Claudiani Panegyricos & Aristotelis Libros Rhetoricorum*, per vices præleget.

XII. 1671. à Festo Paschatis ad Michael.

————— Ad finem perductâ Commentatione de Stylo & Dissertatione de Differentia dictionis Oratoris & Poëtici, *Aristotelis Libros Rhetoricorum & Claudiani Panegyricos* per vices expli-

explicabit. Privatim quoque, ubi absolverit *Lectiones de Eligendis optimis auctoribus, cumq; fructu legendis*, quibus præcipua Historiæ literariæ Veteris & Novæ est complexus, alios in utraque Eloquentiâ labores suscipiet, quos de Tabulâ publicâ significabit.

XIII. — à Festo Michaelis ad Festum Paschatis 1672.

Facultat. Philos. Decanus, Publicis Lectionibus Aristotelis libros Rhetoricorum & Claudiani Poëmata, per vices explicabit. Privatis hætenus Historiam literariam proposuit: quam cum ob vastitatem argumenti ad finem nondum perducere potuerit, continuabit. Eâ verò absolutâ lectiones perpetuas in Autores Clasicos, Oratores, Historicos, Poëtas instituet: eâ methodo, ut non tantum singularia Latinæ lingvæ observet, sed &, quæ ad res ipsas spectant, brevissimè attingat, moniturus, ubi notanda ac excerpenda quædam occurrent. Modo non desit par operoso labori sustinendo frequentia. Nec Eloquentiæ Exercitia omittet.

XIV. 1672. à Festo Paschatis ad Michael.

Absolutis, quæ in Historiâ literaria percensenda restant, lectiones de Periodo Oratoriâ & Poëticâ ordietur: quibus absolutis, *de Elegantius Carminis* quædam præleget. Privatim scholas Oratorias ac *Epistoliographicas* instituet.

XV. — à Festo Michaelis ad Festum Paschatis 1673.

Lectiones de Periodo Oratoriâ & Poëticâ, quâ incepit diligentia, continuabit.

XVI. 1673. à Festo Paschatis ad Michael.

DAN. GEORG. MORH. D. Eloquentiæ & Historiarum Profess. in Lectionibus Oratoriis tractationem de Periodo Oratoriâ & Poëticâ ad finem perducet, singularia ejus doctrinæ propositurus. Quibus absolutis librum Rhetoricum Aristotelis publicè interpretabitur. Privatis Lectionibus utilissimam Eloquentiæ partem, quæ in Epistolis consistit, proponet. Professionem Historiarum à Serenissimo Principe Dominò suò Clementissimò, non ita pridem sibi demandatam, auspicatus est Lectionibus de Historiâ, & Scriptoribus Historicis. Quas ubi absolverit, *Vitam Agricole* prælegere publicè constituit. Ea enim, quæ ad usum potissimum civilem sunt, argumenta seliget. Sacræ Historiæ specimen, Dissertationem *de Christianismo veteri, quid ille à gentium Philosophorum docendi modo, moribus, ac dogmatibus traxerit*, typis, quam primum id fieri poterit, publicabit. Historicas Lectiones habet horâ primâ; Oratorias III. pomeridianâ.

XVII.

XVII. — à Festo Michaelis ad Festum Paschatis 1674.

— Eloquentiæ & Historiarum Profess. hodiè Colleg. Philos. Decanus, semestri æstivo Lectiones de Historiâ ac Historiæ Scriptoribus, Oratorias item de Periodo, ad finem perduxit. Hiberno hoc in Historicis vitam Agricola præleget; in Oratoriis libros Rhetoricorum Aristotelis interpretabitur. Privatim, absolutis, quæ è scholis Epistolaribus restant, de *Arguta Dictione*, de sideria nonnullorum impleturus, quædam commentabitur. Juris quoque universi Historiam operam suam desideraturis proponet.

XVIII. 1674. à Festo Paschatis ad Michael.

— Perductis ad finem Lectionibus suis, tum Oratoriis, tum Historicis, hoc semestri æstivo horâ I. vitam Agricola præleget; Hora III. Aristotelis librum Rhetoricorum III. de Elocutione interpretabitur. Privatis lectionibus quædam de argutâ dictione commentari incepit.

XIX. — à Festo Michaelis ad Paschatis Festum 1675.

— In Historicis vitam Agricola ad medium perduxit, ac perpetuis Dissertationibus illustravit: quam telam hac hieme pertexet. In Rhetoricis Aristotelis ad Caput ultimum lib. III. pervenit: reliqua etiam adjunçturus. Privatim Lectiones de arguta Dictione absolvit.

XX. 1675. à Festo Paschatis ad Michaelis Festum.

— De *Autoribus Latina Lingua* Lectiones habiturus est. In Historiâ Taciti Libros *Annalium* interpretabitur, perpetuisque Dissertationibus illustrabit. Privatim lectiones in Jurisprudentiâ & Philosophiâ Naturali Historicas, quas incepit, continuabit.

XXI. — à Festo Michaelis ad Festum Paschatis 1676.

— Eloquentiæ & Historiæ Prof. ac Facult. suæ per proximum semestre Decanus, hora I. pomeridianâ Dissertationes suas de Autoribus Lingvæ Latinæ continuabit; hora III. in Taciti Annalibus prælegendis perget. Quas privatim instituit Lectiones, Juris & Philosophiæ naturalis Historicas, ad finem perducet. Iis absolutis alios labores aggredietur, quos Dominis Auditoribus placituros intelliget.

XXII. 1676. à Festo Paschatis ad Michael.

— Pro duplici, quo fungitur, munere, de Autoribus Latinæ lingvæ prælegit, & ad *Steidanum*, de IV. Imperiis commentari perpetuis Dissertationibus cœpit. Habuit

item, ut Collegii sui Decanus, Disputationem inauguralem *de Pseudoxis Sensuum* & V. viristam Reverenda dignitate, quam eruditione, conspicuis, honores supremos Philosophicos contulit. Nunc hoc semestri æstivo in *Oratoris* doctrinam *de Affectibus*, Oratori tam Civili, quàm Sacro utilissimam, & hætenus negligentius, quam argumenti præstantia essagitabat, tractatam, enucleatè proponet. In *Historicis* telam suam pertexet, utilissimis Dissertationibus Autorem suum, illustraturus. Privatim quoque lectiones suas continuaturus est, & ingratiæ eorum, qui bonas literas, linguam Latinam, Eloquentiam tam solutam, quàm ligatam, majori studio exculturi sunt, *Palastram humanitatis* instituet, quod institutum suum singulari programme * prolixius expositurus est.

* Hoc Programma non extat, sed vel scriptum tantum manu, vel amissum.

XXIII. ——— à Festo Michaelis ad Pasch. 1677.

————— In Oratoriis hoc Semestri æstivo *Pæthologiam* Oratoriam prælegit: qua absoluta Orationem Ciceronis unam & alteram explicandam suscipiet, artificium in iis Oratorum aliaque *πολύχρηστα* & singularia Latinæ linguæ ostensurus, idque diebus Lunæ & Martis. Diebus Jovis & Veneris Poëticis quoque operam impendet, & altero quidem die *Elegiam* vel *ex Ovidii libris Tristium*; vel *ex Epistolis Heroidum* interpretabitur, indicato ubique artificio Poëtico; altero die *Epigrammata Martialis insigniora* explicabit, simul moniturus, in quibus Epigrammatis virtus & Elegantia consistat, quidve hic imitari debeamus. Privatim Collegium Oratorium Practicum, & Inventionum Poëticarum habiturus est. In Historicis Steidani librum primum absolvit. Quæ sequuntur in Imperatorum Romanorum historiâ, ac recentiora illa, majore curâ explicaturus est, præcipuè quæ ad Sacram & Germanicam Historiam pertinent. Privatim quoque Lectiones *de Scriptoribus Historicis*, quorum ad Prudentiam civilem usus est, pollicetur.

XXIV. 1677. Festo Paschatis ad Michael.

————— Eloqu. & Histor. Professor, h. t. Academiæ Pro-Rector, quantum per Magistratus negotia licebit, in *Oratoriis*, Orationem Ciceronis pro L. Manilia publicè eâ, quâ cœpit, methodo explicare perget, in *Historicis* Secula, quæ secundum à CHRISTO nato sequuntur, recensabit. Nuper elapso semestri tria absolvit privata, ut vocant, Collegia, & hoc æstivo *Logicam Oratoriam*, ad Orationes tam Sacras, quàm Civiles, poëticas inventiones, epistolarem

larem scriptionem magno usui futurum, singulari methodo privatis lectionibus proponet. Exercitia item privata Oratoria ac Epistolica, si justus Auditorum se offerret numerus, pollicetur.

XXV. — à Festo Michaelis ad Pasch. 1678.

Deposito Magistratu ad Labores suos Ordinarios rediturus est. In Oratoriis itaque hora IX. antem. aureum *Dionysii Longini* $\omega\psi\iota\psi\chi\epsilon$, sive de Sublimi Orationis genere, librum, perpetuis Dissertationibus illustrabit, & quidem diebus Lunæ & Martis; Die Jovis eâdem horâ Libros Tristium Ovidii interpretabitur, & Die Veneris Epigrammata selecta è Martiali proponet, artificium Poëticum in omnibus ostensurus. In Historicis hora secunda pomeridanâ de Historiâ ejusque scriptoribus, rogatus à nonnullis, aliqua commentabitur.

XXVI. 1678. à Festo Paschatis ad Festum Michaelis.

Absolutis Oratoriis, quas in Dion. Longinum $\omega\psi\iota\psi\chi\epsilon$ librum habuit lectionibus, unam alteramve *Ciceronis Orationem* explanandam suscipiet. Poëticas Lectiones, prout hactenus instituit, continuabit. In Historicis *Historiam à Carolo M. usq; ad nostra tempora deductam*, Germanicam præcipuè, Rerum civilium cultoribus scitu necessariam enarrabit.

XXVII. — à Festo Michaelis ad Pasch. 1679.

Elapso semestri æstivo in Oratoriis Longini librum $\omega\psi\iota\psi\chi\epsilon$ prælegit; in Historicis eam, quæ à Carolo Magno incipit, Historiam enarrare incepit. Eam hoc semestri hiberno continuabit, & in Oratoriis præleget illustres aliquot *Ciceronis Epistolas*, artificium in iis Oratorium, & Latinæ lingvæ singularia, ostensurus. Privatim Collegium *Historiæ universalis*, ut & Epistolare habiturus est.

XXIIX. 1679. à Festo Paschatis ad Festum Michaelis.

Hactenus illustres *Ciceronis Epistolas*, & Germanicorum *Cæsarum* historiam explicuit publicè. Hoc semestri æstivo in *Oratoriis Enthyemmatum* ex Aristotele doctrinam, omnesque adeò Inventionis Dialecticæ & Oratoricæ locos, quorum maximus in Eloquentiâ, tam Sacra, quàm Civili, usus est, compendiò proponet; privatis lectionibus eorum usum ipso exercitio ostensurus. In *Historicis* *Vitam Agricolæ à Tacito descriptam* explicabit, ac perpetuis Dissertationibus illustrabit.

XXIX. ——— à Festo Michaelis ad Festum Paschatis 1680.

————— Cum Lectiones Semestri æstivo inchoatas ad finem, morbo pertinaci implicatus, perducere non potuerit, easdem hoc semestri hiberno continuabit.

XXX. 1680. à Festo Paschatis ad Festum Michaelis.

————— Quas in Historiâ literariâ inchoavit, lectiones continuabit. Oratoriæ eam partem, quæ Enthymematum inventionem docet, hoc semestri absolvet.

XXXI. ——— à Festo Michaelis ad Paschat. 1681.

————— Postquam semestri æstivo doctrinam de Enthymematibus in arte Oratoriâ proposuerat, de *Periodo Lectiones* incepit, quarum ille telam semestri hoc hiberno pertexet. Oratio de *Cultum Populorum* ipso dirigente habita est. In *Historica Professione* partem insignem Historiæ literariæ, quæ de *Re Bibliothecaria* agit, Dissertationibus perpetuis illustravit. *Privatas de Notitia Autorum* scholas ante duos circiter menses instituit, quas per solidum annum, DEO ita volente, continuaturus est. Publicè Historiam civilem iterum auspicabitur.

XXXII. 1681. à Festo Paschatis ad Michael.

————— Publicè de *Historia Institutione* legit, & de *Periodo Oratoriæ & Poëtica*. Privativim Lectiones de *Notitiâ Autorum* tribus de die horis habuit, porroque continuaturus est. Hoc semestri æstivo *Historiam Civilem* de integro auspicabitur, & de *Characteribus Dictionum* variis quædam commentabitur hora octava & secunda.

XXXIII. ——— à Festo Michaelis ad Paschatis 1682.

————— Publicis lectionibus Historiam universalem proposuit, eamque hoc semestri hiberno continuabit. Lectiones de *Stylo oratorias* ad finem quoque perducet. Privativim Lectiones de *Notitia Autorum*, & de *Argutâ Dictione* absolvit. Si quos novos suscipiet labores, maturè de *tabulâ publicâ* significabit.

XXXIV. 1682. à Festo Paschatis ad Festum Michaelis.

————— Quam à Caroli Magni imperio Historiam exorsus est, usque ad nostra tempora porro ducet. In *Oratoriis de Differentiâ Oratoriæ & Poëtica Dictionis* quædam commentabitur.

XXXV. ——— à Festo Michaelis ad Festum Paschatis 1683.

————— In Historiâ recentiori usque ad Maximiliani I. tempora pervenit, ea, quæ restant, eadem methodo con-

continuaturus. In Oratoriis prælectiones de Differentia Dictionis Oratoriz & Poëticæ penè ad finem perduxit. His absolutis *Pathologiam Oratoriam* publicè proponet. Edidit & *Germanica sua Poëmata* una cum libro de *Orçu & Progressu Poëseos Germanicæ*.

XXXVI. 1683. à Festo Paschatis ad Michaelis.

Publicis Lectionibus Historiam à Carolo Magno ad nostra tempora absolvit: privatis Historiam à condito Mundo ad Carolum Magnum hoc semestri iterum propositurus. Publicè Lectiones de *Historicis Scriptoris* inspicabitur. In Oratoriis absolutâ Pathologiam Oratoriâ, Enthymematum Oratoriorum Doctrinam ex Aristotele compendiosa methodo proponet, privatis Lectionibus praxin perpetuis exemplis ostensurus. Lectiones de Notitiâ Autorum privatim absolvit. Quid porro suscepturus sit, in tabulâ publicâ significabit.

XXXVII. ——— à Festo Michaelis ad Paschatis 1684.

Elapso semestri æstivo in Oratoriis Pathologiam absolvit: in Historicis Isagogicas Lectiones incepit. Lectiones rarioris argumenti Acroamaticas, quas vocat, quas singulis hebdomadis, die Martis, hora nonâ de *Patavinitate Liviana* instituit, continuabit. His absolutis nova dissertandi argumenta subjunget, plenius & majore apparatu tractanda, ut in lucem aliquando edi possint. Habita quoque est illo moderante Oratio de *Difficultatibus & fructibus studiorum*, quæ & typis impressa est. Hoc semestri hiberno in Oratoriis nova *Rhetorices Elementa*, quibus omnia illa orationis formandæ & ornandæ præcepta ita contrahentur, ut, quod ad Enthymematum doctrinam, varia styli genera, orationis ideas, figurasque spectat, & à compendiaris non solum Scriptoris, sed & pleniorum Institutionum concinnatoribus vel præteritur, vel signanter tractatur, ad utriusque tam civilis, quàm Sacræ Orationis usum Dominis Auditoribus distinctè & ordinatè, ut cœpit, proponet. Privatim in eo est, ut Lectiones de *Amplificatione Oratoriâ* obsolvat. His vel Oratoriam Praxin, vel Historiam Universalem, aut si quæ alia Dominis Auditoribus grata fore cognoverit, subjunget.

XXXIX. 1684. à Festo Paschatis ad Michaelis Festum.

In doctrinâ de Inventione Oratoriâ, in quâ nunc versatur, perget, & Orationum selectarum è Cicerone analysin nonnunquam illustrationis gratiâ interferet. In Historicis Lectiones Isagogicas continuabit. Lectiones Acroamaticas de rebus

rarioribus semel singulis hebdomadis proponere incepit, ita adornatas, ut in lucem edi possint: è quibus primum selegit *de Patavinitate Livianâ* argumentum, de quo dissertatio jam sub prælo est, & prope diem lucem expectat. Subjiciuntur illi *ισογύμνα* quædam *Juridica* Lectionibus acroamaticis hoc semestri proponenda. Disputationem *de Eloquentia in tacendo* publicè habuit. Collegium Oratorium Theoretico - Practicum privatim instituit. Quod ubi pensum absolverit, quæ suscepturus porro sit, maturè significabit.

XXXIX. — à Festo Michaelis ad Festum Paschatis 1685.

Hoc semestri æstivo quas promiserat uberiore Eloquentiæ Institutiones, privatis lectionibus in compendium traxit, additis exemplis. Dissertationem Isagogicam in *Historias* nondum absolvit. Edidit librum *de Patavinitate Livianâ*. Hoc semestri hiberno cum per Magistratum, quem gesturus est, publicis Lectionibus vacare non possit, Lectiones tamen acroamaticas, si fieri poterit, continuabit. Privatim quoque *de legendis, excerptendis, & imitandis autoribus* lectiones promissit.

XL. 1685. à Festo Paschatis ad Festum Michaelis.

Deposito Magistratu ad Lectiones publicas revertetur. Historiam ab orbe condito iterum auspicabitur, observationibus utilissimis eam illustraturus. Selectas item *Ciceronis Oraciones* præleget, inque iis artificium Oratorium præcipue ostendet. Privatim, postquam Lectiones *de legendis, excerptendis, & imitandis bonis autoribus* absolvit, Collegium perpetuum super bonos auctores habiturus est, atque ita ipsa praxi ostendet, quomodo ex orationibus, epistolis, poematibus, Satyris, omnis generis collectanea in Eloquentiæ usum institui debeant. Acroamaticas quoque lectiones *de argumento aliquo rariore* non omittet.

XLI. — à Festo Michaelis ad Paschatis 1686.

In *Oratoriis* Ciceronis Orationem pro M. Marcello duabus de die horis publicè proposuit, & ad omnes artis leges excusit. Quam rem hoc quoque semestri continuabit in aliis Ciceronis Orationibus. Nam Historiam Universalem & Poësim privatis collegiis tradet.

XLII. 1686. à Festo Paschatis ad Michaelis.

Quam semestri hoc hiberno in *Oratoriis* Periodologiam incepit, pertexet. In Historicis ex re literariâ illustre argumentum, *de Germanorum meritis literariis* proponet. Acroamati-

maticas quoque lectiones *de re Bibliothecariis* per intervalla instituet. Privatim Lectiones Poëticas ad finem perduxit, & cursum Historiæ à Carolo M. ad nostra tempora incipiet.

XLIII. — à Festo Michaelis ad Paschatis 1687.

— In *Oratoriis*, doctrinâ de Periodo ad finem perductâ, *Institutiones Rhetoricas* ordietur. In *Historicis*, universali Historiâ privatim absolutâ, *Vitam Agricola* à Tacito scriptam, præleget, perpetuisque dissertationibus illustrabit; & quoniam argumentum *de Meritis Germanorum in re literaria* publicè enarrandum suscepit, duabus per hebdomadem horis, si auditoribus ita visum fuerit, continuabit. Etiam de *Re Bibliothecariâ* Lectiones aliquas immiscebit, plenius illa omnia in *Polyhistore suo*, sive de *Notitiâ Autorum* & rerum libro, jam typis promulgando, expositurus.

XLIV. 1687. à Festo Paschatis ad Michael.

— In *Rhetoricis* prælectionibus ad genus Demonstrativum pervenit, ac imposterum eam telam pertexet. In altera professione eam, quæ à Carolo Magno ad nostra tempora ducitur, Historiam proponet. Elapso semestri Orationes duæ habitæ sunt. I. *de Eo, quod in honestate optima sit prudentia.* II. *de Magnificentiâ Rerumpublicarum.*

XLV. — à Michaelis ad Festum Paschatis 1688.

— *Institutiones Rhetoricas* iterum auspicabitur; & in *Historiâ literaria* aliquas lectiones habebit. Cæterum in *Polyhistore suo* edendo totus nunc versatur. *Oratio Panegyrica* in memorabilem Augustissimi Imperatoris LEOPOLDI victoriam, à Turcis reportatam habita est.

XLVI. 1688. à Festo Paschatis ad Festum Michaelis.

— In *Oratoriis* Ciceronis *Orationem post reditum in senatu habitam* enarrabit, ostenso in singulis periodis artificio Rhetorico ad ductum Aristotelis. Analysin enim Enthymematum, Amplificationum, Figurarum, Periodici artificii accuratam instituet. Eâ absolutâ vel aliam Ciceronis *Orationem* interpretabitur, vel *de pura dictione*, prout commodum videbitur, aliquid commentabitur. In *Historicis* publicè à condito mundo ad Caroli Magni tempora, ductu *Boxbornii*, Lectiones instituet; privatis Lectionibus reliquam Historiam recentiore ad nostra tempora continuabit. De *Polyhistore suo* Partem I. Tom. I. edidit. Cæteræ, si DEUS vitam valetudinemque lagitus fuerit, suo tempore sequentur.

XLVII.

XLVII. — à Festo Michalis ad Festum Paschatis 1689.

Semestri æstivo Orationem Cicero-
nis post reditum in Senatu habitam prælegit: nunc autem Rhetori-
cam proponet, idque operam dabit, ut præcepta ipsa breviter enu-
cleateque, citra ambages prolixa commentationis, proponat, ad
Aristotelem, ejus commentatores, aliosque Rhetores veteres & re-
centiores, Dominos Auditores semper remissurus. *In Historiâ* publicè
antiquam illam ad Romanam Monarchiam deduxit; nunc Romanam
usque ad Carolum Magnum persequetur. Privatim recentiorem
illam à Carolo Magno ad nostra tempora proposuit.

XLIX. 1689. à Festo Paschat. ad Fest. Michaelis.

Semestri hiberno Aristotelis libros
Rhetoricorum explicare cœpit, in quibus ad cap. 10. lib. 1. pervenit.
In Historicis usque ad Alexandri Severi tempora procescit: Eas le-
ctiones hoc semestri æstivo, imprimis historicas, quantum perim-
pedimenta Magistratus Academici, quem nunc gerit, licuerit, con-
tinuabit.

XLIX. — à Festo Michaelis ad Festum Paschatis 1690.

Semestri hoc æstivo Magistratu Aca-
demico impeditus vacare lectionibus publicis, ut voluit, non po-
tuit. Historiam tamen usque ad Constantini Magni tempora per-
duxit; quam telam hoc semestri hiberno continuabit. *In Oratoriis*
publicè quasi in compendio proponet artem eloquentiæ, præcipuè
partem illam, quæ in Inventionè argumentorum consistit, omnia
exemplis, quâ fieri poterit, brevitate illustraturus.

L. 1690. à Festo Paschatis ad Festum Michaelis.

Elapso semestri hiberno Institutio-
nes Rhetoricas usque ad Enthymemata generis deliberativi perduxit,
quam telam hoc semestri æstivo pertexet: Ubi absolverit, *de purâ di-*
ctione lectiones auspicabitur. *In Historicis* ad Seculum X. pervenit;
quæ restant, eadem methodo continuabit. Tres Orationes publicè
habitz sunt: 1. *de Justitia.* 2. *de Divinatione Civili.* 3. *de Temperantia.*

LI. — à Festo Michaelis ad Festum Paschatis 1691.

In Oratoriis Institutionum Doctri-
nam absolvit, ac Exemplum illustre encomiasticæ Orationis in Ora-
tione Majoragii *de Laudibus Auri*, quam recudi fecit, Auditoribus
proposuit, ipsæque alteram Orationem encomiasticam *de Auro* publi-
cè habuit, quæ nunc editur. Hoc semestri hiberno doctrinam de
pura

pura dictione Latina publicis lectionibus propositurus est. Privatum Collegium Oratorium Theoretico-Practicum *de Eloquentia Civili* aperuit, quod continuabit. In *Historiis*, Lectiones à Carolo Magno ad nostra tempora propediem absolvet, quas eâ methodo tractavit, ut 1. *Characterem & elogium Imperatoris*, 2. *Statum Civilem*, 3. *Res gestas*, 4. *Statum Ecclesiasticum*, 5. *Memorabilia* proponeret, singulisque seculis integram *Historiam literariam* subjiceret. Quibus ad finem perductis eandem telam, rogatu Nobilissimorum Dominorum Auditorum, iterum ordietur.

LII. 1691. à Festo Paschatis ad Festum Michaelis.

Elapso semestri hiberno *Historiam* à Caroli Magni tempore iterum inchoavit, eam hoc semestri absoluturus. In Oratoriis lectiones de Purâ dictione usque ad doctrinam de Particulis perduxit. Quibus ubi colophonem imposuerit, Lectiones *de copiosa Dictione* eadem methodo instituet. Privatim scholas Practicas Oratoriae Civiles Latinae & Germanicae instituit. Edidit quoque *Dekenii Observationes Poëticas*, in Poëseos cultorum gratiam. Quos porro privatim labores suscepturus sit, de Tabula publica, significabit.

Publicarum Operarum Indicem adhuc retulimus; sequitur, ut *Scripta MORHOFIO* Auctore in lucem edita, & quorum ipse partim jam tum supra fecit mentionem, ordine, quantum licet, enumeremus. Prodiit autem

Dissertatio de Morbis & eorum remediis, anno 1658. multis dein accessionibus ad justum tractatus modum aucta: sed cum propter minutum ac fugientem sæpè characterem, intricatam item scribendi rationem, oleum & opera in recensendis illis peritura videbatur, Dissertationum volumine nihil ejus nunc quidem aliud extat, quam quod editione prima legabatur.

Epigrammatum centuria popularibus dicata, anno 1659. de qua, & aliis carminum fasciculis, post paulo dicendi erit locus.

Dissertatio de Jure Silentii, anno 1661. quæ integri tractatus aliquando edendi minutissima ferè pars erat. Reperta sunt enim in schedis multa, quæ in hunc finem collegerat auctor, sed excussa ferè volumine suo, ac disjecta misere. Num igitur illa, sicut & multa tum tractatum singularium materies, tum ad Dissertationes nonnullas, olim editas studiosè facta collectanea, in ordinem aliquando cogi, & cum doctis communicari possint, de eo Filii viderint.

Dissertatio de Theologia Gentium Politica, sive de Divinitate Principum, prima 1662. Secundæ enim non nisi fragmentum suo loco superest.

Dissertatio de Principe Medico 1665.

Epistola de Scypho vitreo per certum humanæ vocis sonum rupto, ad V. Clar. Joh. Daniele Majorem, Professore Medicum, ac Rever. & Sereniss. Episcopi Lubecensis Archiatrum, Collegam honoratissimum anno 1671. Quod enim titulus scripti annum 1672. præ se fert, id à Typographorum more factum est.

Dissertatio de Sole igneo, quam pro consequendis honoribus Philosophicis defendit Martinus Bützer, Kiloniensis: qui verbi divini ministerio hodiè in patriâ fungitur 1672.

De Metallorum transmutatione, ad Virum Nobilissimum & Amplissimum, Joëlem Langelottum, Serenissimi Principis Cimbrici Archiatrum celeberrimum, *Epistola*, Hamburgi 1673. in 12.

Dissertatio de Pandoxis sensuum 1676.

Unterricht von der Teutschen Sprache. Item

Teutsche Gedichte / in 8. 1682.

Stentor ὑαλονκλάσης, seu *Epistola*, de Scypho vitreo per certum humanæ vocis sonum rupto, altera editio 1682. 4to.

Dissertatio de Eloquentia in tacendo 1684.

De Patavinitate Liviana *Dissertatio* eod.

Nicasii Baxii Medulla Eloquentia ex Cicerone, cum *Prefatione Morbosi*, qua de omni in Eloquentiâ excerptendi ratione agitur, Kiloni 1685. 8.

Polybistoris Pars prima, Bibliothecarium & Methodicum, libros exhibens, Lubecæ 1688.

Job. Dekeni Observationes Poëtica, cum *Prefatione Morbosi*, Kil. 1691.

Polybistoris Pars secunda, librum *ᾠγωνιστικὸν* complexa, cui Auctor immortalis est, Lubec. 1692.

Postuma sunt:

Commentatio de Disciplina Argutiarum, incertum, quâ obstricta, edita 1693.

Collegium Epistolicum, furtim primò atque ineptissimè typis exscriptum; post à Joanne Burchardo Mayo, Viro Clarissimo, MORHOFII in Eloquentiâ & Historiâ Professore successore, repurgatum, supple-

pletum, indicibus instructum, de *Ratione conscribendarum Epistolarum*, libelli titulo, cum *Præfatione* ejus editum Lubecæ 1694. in 8.

Opem Poëtica, cum *Præfatione* Henrici Mublii, hodiè Superintendens Generalis in Ducatibus Sleswicensi & Holsatico; Concionatoris Aulici Supremi, & Præpositi; itemque Theologiæ Professoris in Academia Kiloniensi Ordinarii, & Celeberrimi, Lubecæ 1697. In hunc librum collata sunt omnia ea carmina МОРНОФИИ, quæ reperriri potuerunt: Abesse enim inde nonnulla, & elegantissima fortè, quis est, qui nesciat? Sunt autem reperta tum præter alia, & luci hic denuo exposita, quæ distinctis olim annis per fasciculos, ipso sic volente Poëtâ, hoc ferè ordine prodierant.

Epigrammatum Centuria Popularibus dicata; Rostoch. 1659. Quæ quidem in Operibus his Poëticis non extat integra, abolita quippe ab Auctore, postquam, quæ videbantur, inde in mox dicenda Epigrammata selecta transtulerat. Quod ideo hic attingere lubuit, ne, quorum in manibus aut bibliothecis forsitan adhuc est ista centuria, vel se deceptos, vel vanos putent istorum Carminum collectores: quos in hoc negotio candidè fuisse versatos, neque temere quid, quod prelum præsertim typographicum pridem exercuerat, omisisse, satis habemus exploratum.

Miscellanea Poëtica, & *Epigrammata selecta*. Kil. 1666. 10 *Miscellanea* barbaram vocem notaverat hoc loco МОРНОФИУS in Carminum suorum libro, qui erat in bibliotheca; & quo tempore ipse ea conjunctim edere posset, aliam substituendam censuerat: Sed quia hoc nomine notus dudum libellus, nec res magni erat momenti, nihil etiam hic est mutatum.

Primitiæ Parnasi Kiloniensis, ibidem 1666.

Venerum & Funerum liber, ib. 1667.

Veneres Novæ, ib. 1675. vel 1676.

Epigrammatum liber I.

Epigrammatum liber II.

Quorum neuter annum editionis adscriptum habet.

Hora subseciva Poëtica ad Constantinum Hugenum, 1671. Kal. Octobris.

Autoschediasmata Poëtica ad Kielmannum, editionis anno non addito.

Otia divina anno 1685. Lubecæ edita.

In isto verò Carminum suorum libro haud pauca emendaverat auctor; quæ quin impunè sequeretur quodvis exemplum, & illud

præcipuè, quod Novorum omnium fons quasi esset futurus, nemo facile dubitaverit. Hinc & sublata sollicitè sunt in eo omnia ista menda, &, quæ is litura digna judicaverat, inducæta. Id quod in curiosi Lectoris, & editionum collationem nonnunquam tentantis, gratiam hic indicasse sufficiat.

Quarto nunc inter postuma loco sunt.

Orationes & Programmata anno 1698. publicata. De quibus Lectores, æquos, quod in Præfatione sua rogabant tum Filii, dextrè judicaturos confidimus.

Dissertationes tum *Academica*, tum aliz quoque, hoc tempore lucem iterum, & tertium etiam nonnullæ, adspiciunt. Faxit DEUS, ut id fiat feliciter.

Satis autem feliciter id factum fuerit, ubi tot votis expetitz Polyhistoris vel partes, vel pars etiam quantacunque, post non multò has ipsas Dissertationes sequentur. Et spes sanè hujus rei non est nulla, sed optima ea est ac firmissima: Dirigente nimirum Opus Viro Magno, & de literaria re dudum meritissimo. Cujus adeò pace, quod antè complures annos ipsi fuit notissimum, Lectoris ignari ergò breviter delineabimus; qua via scil. in elaborando isthoc opere MORHOFIUS partim incesse, partim incedere voluerit. Neque inutile fuerit, aut Doctis ingratum, repeti hoc loco, & præmitti sermoni nostro, *Programma* ejusdem, quo ad Lectiones acroamaticas Auditores annò 1683. invitabat: apparebit enim inde, quantum materiei Polyhistori postremo demum consilio ferè exædificando jam tum ista scribens congesse, non modò, sed & præparaverit. Et de Re Bibliothecaria quidem Lectiones publicæ, (quarum hoc Program. mentio fit,) primi libri Polyhistoris partem non contemnendam procul dubio constituunt. In schedis profectò, quarum vix minima hos oculos, integrum ferè mensem in eas unicè intentos, effugit, nec vola hujus argumenti, nec vestigium restabat. Sed age, legatur nun ipsum *Programma*:

Magna Eloquentiæ & Historiæ affinitas est; mutuas enim operas jungunt, & civili prudentiæ quasi alæ geminæ adstant, quarum illa remigio feliciter orbem suum decurrit. Historia eventuum exemplis, velut telis quibusdam, Oratorem armat, & Oratoris vim omnem in subsidium vocat, cum res gestas ornatè describit, & ex ipsius prudentiæ penu depromtas operi suo conciones immiscet. Historia rerum aliquam sylvam subministrat Oratori fabro, quam ille in varios usus

usus fingat, atque refingat. Cum itaque Eloquentiæ & Historiæ geminæ atque sororiæ, ut ita dicam, partes mihi sint injunctæ, id semper operam dedi, ut earum disciplinarum interiora pro virili excuterem, eaque Auditoribus meis inculcarem. Publicis enim privatisque lectionibus, toto hoc, quo docui, tempore, Eloquentiæ tam solutæ, quàm ligatæ, partes ita explicui, ut, quæ ab aliis omiſſa, vel leviter tractata, mihi præ cæteris excolenda sumerem. Nam vel *Oratorem*, *Civilem* præceptis exemplisque lectissimis exhibui, vel totam *Characterographiam*, sive de *Stylo doctrinam*, vel *Pathologiam Oratoriam*, vel de *Argutæ dictione*, de *Excerpendi ratione*, de *Argutis Thematibus sacris eruendis*, de *Epistolis scribendis*, de *Inventionibus Poëticis*, de omni, tam *Latina*, quàm *Germanicâ Poësi*, ea proposui, quæ publicam aliquando lucem, si ultima illis lima accesserit, non spernendo, ut puto, juventutis fructu, videbunt, modò DEUS vitam valetudinemque firmam concesserit; & bonis conatibus non intercesserint horum temporum difficultates. Quæ ad *Germanicam Poësin* spectant, jam tum à me in antecessum data sunt, eaque *Latinorum Carminum* plenior editio sequetur. In *HISTORIA*, ex quo Eloquentiæ Professioni illa juncta fuit, ea præ cæteris spectavi, quæ & civilis usus essent, & ab horum temporum Viris doctissimis non observata, vel etiam prætermiſſa, aut meâ industriâ, ut se interdum aliqua obtulerunt, notata. Historiam itaque vel universam proposui, vel eam, quæ à Caroli Magni Imperio ad nostra se tempora extendit, vel Taciti quædam commentationibus illustravi: unde nonnulla suo quoque tempore ad editionem feligentur. Neque literariam historiam prætermisimus, cujus bonam partem lectionibus publicis de *Re Bibliothecariâ*, privatis, de *Notitiâ Autorum*, expeditivimus. Et hunc campum, vastum sanè & diffusum, intra tres annos proximos, operoso labore bis decurrimus. *Naturalem quoque Historiam*, ut hodiè illa tot observationum fecundâ melle ditata est, tentavimus. Quæ omnia, ubi paulò diligentius tractata, & continuis accessionibus perculsa fuerint, prælo, DEO ita volente, subjicientur, præsertim, cum non desint, qui ad editionem eorum maturandam impellunt, Viri doctissimi. Hic laborum Academicorum cursus hætenus nobis fuit, à quo non deflectemus, quam diu vel valetudo, vel temporum iniquitas, consilia nostra non destituet. Quoniam verò inter schedas nostras non pauca sunt privatâ industriâ nobis congesta & notata, quæ ordinariis nostris destinari lectionibus non possunt, versantur enim in argumentis remotioribus; id nunc consilium arripui, ut, quia & illa in usum

tum juventutis nostræ, tum publicum, cedere possunt, illorum autem prælectionibus à viâ *Λεωφόρου*, quam ingredi in publicâ informatione debemus, abducimur, singulis hebdomadis *lectionem*, quam *Aerozomaticam* vocare licet, habeamus. Proponemus iis argumenta selecta, è quibus illud *de Patavinitate Liviana*, quod ad utramque nostram spartam ex æquo spectat, primum nunc producemus. Ejus prima lectio proximo Martis die, horâ nonâ antemeridianâ habebitur, quam reliquæ suis singulæ hebdomadis sequentur. Ubi hoc argumentum exhaustimus, vel *de Meritis Germanorum in re literariâ* dissertatio, vel *ιστορίαι Jurisprudentiæ Romana*, vel *de eo, quod in disciplinis divinum est, tractatio*, & plura alia, illud excipient, quæ hic enumerare ambitiosum fortè videri queat. Si denique continua ista & per plures lectiones deducenda argumenta defecerint, nunquam nos destituent singularia, ex Historia Civili, naturali, literaria, & omni Philologia deprompta: quorum elaborationi ut majorem operam impendimus, ita ad editionem aliquando procurandam seponeamus. Vos modo, honoratissimi Domini Auditores, quorum ego commoda unicè respicio; id operam date, ut novos usque diligentiz nostræ stimulos subjiciatis. Quod ad ordinarios nostros labores attinet, & quidem historicos, proximo die Jovis, horâ nonâ, publicè *Introductionem in Historiam* calamo excipiendam dabimus; privatis lectionibus, ad historiam universalem, si Domini Auditores ita velint, reversuri. In Oratoriis nova *Rhetorices Elementa* in tyronum non solum, sed & adultiorum, gratiam concinnabimus. Nam cum libelli compendarii, quos hactenus quidem vidimus, præcipuâ Rhetorices parte, enthymematum scil. inventione, manci sint & mutili; & verò diffusi tum Aristorelis, tum Cl. ejus interpretis *Schneideri*, qui præ cæteris diligentius in hac doctrinâ versatus est, commentarii pro usu juventutis prolixiores videantur, in compendium rem omnem contrahemus, ut hæc velut lineamenta habeant eloquentiæ tam civilis, quam sacræ cultores, ad quorum ductum orationis corpus efforment. Denique & figuras, & quicquid ad ornatum orationis spectat, in concinniore ordinem redigemus. His lectionibus pomeridiana secunda destinata est, quarum initium proximo die Jovis fiet. Privatum, ubi lectiones *de Amplificanda oratione* absolverimus, *Scholarum oratorias Practicas* instituemus. Verum de his ipsi, quod visum fuerit, statuetis. De me omnia, quæ commodis vestris, vel vestro, vel meo judicio, inservire poterunt, exspectare vos jubeo. Id saltem strenuè laborabo, ut vobis fidem operamque meam, quam maximè fieri pot-

potest, probem, & orbi literato nostrum hoc, qualecunque etiam fuerit, rem & vestram & communem juvandi studium innotescat. Dabam è Museo meo, die 2. Septembris, Anno clo lcc LXXXIII.

Ut primum igitur Polyhistorem, hoc est, omnium suarum à multis annis lectionum, librorum item, quos legerat magno numero, nucleum, & quintam quasi essentiam, cum Eruditis communicare in animum induxerat MORHOFIUS, Schema Operis aliquod circa nundinas vernas Lipsienses anni 1686. typis exscribebatur in hanc sententiam:

D. G. MORHOFII
POLYHISTOR,
five

De Notitia Scriptorum & Rerum
LIBRI XII.

QUORUM

- I. *Bibliothecarius*, in quo de re Bibliothecariâ in universum, de Subsidiis ad notitiam Auctorum & Historiæ literariæ parandam, Epistolarum, Vitarum, Locorum communium scriptoribus, &c.
- II. *Methodicus*, in quo de Pædagogîâ, Regiâ, vulgari, variis parandarum scientiarum methodistum legitimis, tum illegitimis, variis item compendiis ac subsidiis, Mnemonicis, excerptis instituentis, &c.
- III. *Grammaticus*, in quo de Græcâ, Latinâ, aliisque lingvis, Grammaticis Scriptoribus, antiquis, recentioribus.
- IV. *Criticus*, in quo de Critice in genere, autoribus Græcæ & Latinæ Lingvæ, Criticis Scriptoribus.
- V. *Rhetoricus*, in quo de Rhetoricis scriptoribus, Oratoribus antiquis, novis, de Rhetoricâ Sacrâ & Civili, de purâ, argutâ dictione, periodo, Epistolis, varioque ad omnem Eloquentiam apparatu agitur.
- VI. *Poëticus*, in quo de Poëtis Græcis & Latinis, varia ad Poësin administracula, Latinitatis Poëticæ & Inventionum Poëticarum Lexica, ac plurima alia novâ quâdam ratione proponuntur.
- VII. *Philosophicus*, in quo de Scriptoribus Philosophis antiquis & recentioribus, scholasticis imprimis, pro sectarum varietate, Metaphysicis, Logicis.

IIX. Phy-

IIIX. Physicus, in quo primum de Sectis Physicorum antiquis & recentioribus, deinde de specialium argumentorum scriptoribus agitur, additis, ubi occasio datur, nostrorum temporum inventis,

IX. Ματαιόνη, in quo de vanis, superstitiosis, dæmoniacis artibus, earumque propagatoribus & scriptoribus.

X. Mathematicus, in quo de Scriptoribus ad Matheseos disciplinas pertinentibus, præcipuè illis, qui post *Vossii* & *Riccioli* tempora innotuerunt, variisque nostrorum temporum inventis.

XI. Practicus, in quo de Philosophiæ Moralis, Civilis, Oeconomicae Scriptoribus variisque ad Societatem Civilem felicius tuendam adminiculis.

XII. Historicus, in quo de Historicis Scriptoribus, illisque cum fructu tractandis, instituitur dissertatio.

Opus è xx. annorum laboribus Academicis collectum, & ad omnes artes ac disciplinas accuratius noscendas & tractandas utilissimum.

Appendicis loco additur

De Germanorum in rem literariam meritis Dissertatio.

Positum hoc schema hic omni jure integrum; facit enim huc quam maximè, & in Morhofianis chartis plura ejus exempla se offerebant, quorum quædam in hos usus asservata sunt. Ne quis igitur ex Elogiorum, quæ nostra hæc sequitur, collectione mutuo illud sumtum, & auctore non laudato descriptum arbitretur, hæc ita monenda duximus. Idem verò multis movit salivam, hinc & facile repertus bibliopola, qui sumtus ad opus edendum subministraret, seque certâ contractûs formula ad id obstrictum redderet. Cujus capita nihil huc ferè faciunt, si exceperis unicum illud, quo promittebat Noster, se Polyhistoris sui, sive de Notitia autorum & rerum, summo labore scripti libri memorialis, plagulam ad typographeum Lubecam Kilonio mittendam augere identidem velle. Ex quo manifestum fit, præcipuum Polyhistoris tum edendi fundum fuisse, istum de Notitia autorum & rerum librum, quem Collegium vulgò vocabant auditores. Sed augendum tamen per partes, ac ita refinendum, ut Polyhistoris nomine dignum opus evaderet. Facta sunt etiam, dum licuit, illa promissa adeò operosè, ut quantum nunc publicè prostat operis, non ferè nisi octo capitibus prioribus dicti

dicti de Notitia Autor. & rer. libri sit superstructum, quemadmodum ex abscissis inde, & inter rejectanea habitis foliis cuius ad oculum patebat. Sed nec reliquorum istius manuscripti libri capitum argumenta afferre pigrabimur.

CAP. IX. De Philosophia in genere, & quidem de Historiæ Philosoph. scriptoribus. Pythagoricæ, Socraticæ, Epicuræ, Platonicæ, Peripateticæ. De Interpretibus Aristotelis Græcis, Arabibus, Latinis. Aristotelis impugnatoribus. De Doctores Scholasticis, quorum multi recensentur; it. Cartesio, Hobbes, &c. De Encyclopædiarum scriptoribus, & Methodi novatoribus; Mnemonicis item scriptoribus.

CAP. X. De Lingvarum Scriptoribus.

- XI. — Lexicographis Hebr. Græcis, Latinis.
- XII. — Grammaticis Scriptoribus, Latinis, Græc.
- XIII. — Scriptoribus Latinæ Lingvæ,
- XIV. — Criticis.
- XV. — Scriptoribus Antiquariis.
- XVI. — Oratoribus & Rhetoribus.
- XVII. — Rhetoribus & Oratoribus Sacris.
- XVIII. — Poëtis.
- XIX. — Scriptoribus Physicis.
- XX. — Scriptor. Mathematicis.
- XXI. — — Philosophiæ Moralis.
- XXII. — — Politicis,
- XXIII. — — Historiæ,
- XXIV. — Logicæ & Metaphysicæ Scriptoribus.
- XXV. — Theologicis Scriptoribus.
- XXVI. — Scriptoribus Jurisprudentiæ.

SECT. I. De Jurisprudentiæ Universalis Scriptoribus.

- II. — Scriptoribus Juris Specialibus, & quidem certarum gentium,
- III. — Libris & Scriptoribus Juris Romani, & quidem illis, qui in veterem Jurisprudentiam sunt commentati.
- IV. — Scriptoribus ad Historiam Juris pertinentibus.

- SECT. V. De Commentatoribus Juris Justiniani.
 VI. — Libris ad Protheoriam Juris facientibus.
 VII. — Interpretibus Juris secundum libros singulos.
 IIX. — Controversiarum & materiarum specialium Scriptoribus.
 IX. — Juris publici Scriptoribus.
 X. — Juris statutarii Scriptoribus.
 XI. — Scriptoribus Practicis.

CAP. XXVII. De Scriptoribus Medicis.

Et quamvis inter manuscripta Morhofiana repertus quoque sit alius liber in folii, quam vocant, formâ, cum inscriptione *Polyhistoris*, idem argumentum transectans, & circa annum 1670. conscriptus, ut ex allegatis ibi auctoribus haud difficulter videre erat, & in Præfatione in *Polyhistorem* disertè affirmat autor: non tamen est dubium, teste cumprimis eadem ista præfatione, præcipua ejus, ac tantum non omnia, partim in jam tum editis *Polyhistoris* libris, partim in hoc de *Notitia autorum* volumine locum suum invenisse.

Neque hujus tantum *Polyhistoris*, sed præter illa, quorum adductum Programma meminit, in primis *Historiæ Naturalis Collegii* nucleum in *Polyhistore* per partes edendo exhibere volebat MORHOFFIUS. Quæ istò volumine sint tractata, hæc fere illius docent Capita.

Collegii Histor. Natural.

PARTIS I.

- CAP. I.** Quomodo *Historia naturalis* instituenda ex Mente Baconis Verulamii, ac eorum, qui ejus vestigia sequuntur.
 II. De Locorum Communium Scriptoribus in *Philosophia naturali*.
 III. — *Physicâ Mosaicâ*, ejusque interpretibus vetereribus & recentioribus.
 IV. — *Philosophia naturali Ægyptiorum*.
 V. — *Philosophia naturali Chinesium*, ejusque principiis.

- CAP. VI. De Philosophiæ Pythagoricæ principiis.
- VII. — Principiis Physicis secundum Græcos, variosque ejus gentis Philosophos; ac primum de Philosophia naturali Democriti & Epicuri.
- IIIX. — Principiis Philosophiæ naturalis secundum Stoicos.
- IX. — Principiis Pyrrhonorum & Scepticorum.
- X. — Sectæ Jonicæ Principiis, cujus auctor Thales Milesius.
- XI. — Platonici Philosophiæ principiis; ejus illustratoribus veteribus & novis; consensu vel dissensu cum Aristotele.
- XII. — Aristotelis in Physica principiis, variisque ejus tam propugnatoribus, quam impugnatoribus.
- XIII. — Recentioribus in doctrina Physica Novatoribus, qui ab Aristotele divorcium fecerunt, & quidem primò de Bernhardini Telesii principiis.
- XIV. — Franc. Patricii, Campanellæ, & Cardani principiis Physicis.
- XV. — Jordani Bruni, aliorumque recentiorum, principiis, scil. Goriæ, Fluddii.
- XVI. — Paracelso, ejusque sectæ principiis.
- XVII. — Philosophia Cartesiana.
- XIIIX. — Consensu & dissensu Veterum & recent. Philosophorum, & eorum conciliatione.
- XIX. — Recta principiorum Physicorum constitutione.

PARTIS II.

- CAP. I. De principiis corporis naturalis secundum Aristotelem & quosdam recentiores.
- II. — Causis externis, & de iis, quæ illuc pertinent.
- III. — Affectionibus corporum communibus, & primò de quantitate.
- IV. — Loco, ubi de Vacuo, variisque circa vacuum experimentis.
- V. — Tempore.
- VI. — Motu corporum, & particularum in corporibus.
- VII. — Qualitatibus.
- IIIX. — Qualitatibus occultis.
- IX. — Magia.

CAP. X.	De Principiis in natura Mechanicis.
XI.	— Mundo.
XII.	— Cælo & Stellis.
XIII.	— Elementis.
XIV.	— Luce.
XV.	— Coloribus.
XVI.	— Igne.
XVII.	— Frigore.
XVIII.	— Aëre.
XIX.	— Aqua.
XX.	— Mari & fluxu & refluxu maris.
XXI.	— Terra.
XXII.	— Ufu primorum corporum, seu elementorum vulgo dictorum.
XXIII.	— Meteoris aëreis, præcipuè de Ventis.
XXIV.	— Meteoris igneis.
XXV.	— Iride ac reliquis meteoris emphaticis.
XXVI.	— Ignibus subterraneis, & terræ motu.
XXVII.	— Meteoris aqueis.
XXVIII.	— Alteratione, Generatione & Corruptione corporum.
XXIX.	— Mineralibus in genere, & autoribus, qui eorum Historiam scripserunt.
XXX.	— Variis terrarum generibus.
XXXI.	— Lapidibus, eorumque generatione, petrificatione & corporibus petrefactis.
XXXII.	— Magnete.
XXXIII.	— Lapidibus pretiosis.
XXXIV.	— Vitro & gemmis artificialibus.
XXXV.	— Metallorum generatione.
XXXVI.	— Metallorum transmutatione.
XXXVII.	— Mediis mineralibus.
XXXVIII.	— Salibus & primò de Nitro.
XXXIX.	— Sale communi, vitriolo, ceterisque speciebus.
XL.	— Plantis & vegetatione.
XLI.	— Propagatione & melioratione plantarum.
XLII.	— Agri - Viti - & Horti - Cultura, Vino & variis potuum generibus.
XLIII.	— Miscella quxdam de herbis, plantis & arboribus.

- CAP. XLIV. De Zoophytis, ubi & de Sensu plantarum.
 XLV. — Generatione animalium, & primò de Insectis.
 XLVI. — Miscella quædam de animalibus.
 XLVII. — Homine.
 XLVIII. — Sensibus animalium.
 XLIX. — Sede animæ rationalis.

*Sunt præterea Collegia quadam manuscripta, nescio,
 an multum hic facientia, ut:*

Collegium Historiæ universalis à cond. mundo ad nostra tempora.

Colleg. de Dilatatione Orationis.

—— Pathologicum Oratorium.

Tract. de Periodo Oratoria & Poëtica.

Prælectiones publ. Oratoriæ anno 1669.

Manuductio ad Eloquentiam Civilem.

Collegium Inventionum Poëticarum.

Collegium Oratorio Ecclesiasticum.

De Differentia Sermonis Poëtici & Oratorii.

Quantum verò ex libris suis, ad Polyhistoris opus perficiendum, haurire voluerit Morhofius, indicio erant notæ ac signa in illis infinita, quæ librum evolventi lecta facilè in memoriam revocare poterant. Nam Excerptis quidem, quibus vulgò multum tribuitur, parum insudaverat. Id quod & ipse affirmat Polyhistoris lib. 3. cap. 1. pag. 5. *Ego ceriè Excerptis congerendis non multum opera me impendisse fateor, etsi aliorum diligentiam laudo, meaque in his negligentia succenseo, magno tamen in lucro reputaturus, si aliorum mihi opera uti concessum fuerit. Nunc ego memoriâ promiscuè contentus scribo multa; quæ fallat quidem nonnunquam, & res suas repetenti raro respondeat; plerunque tamen, cum argumenti occasio sollicitas, ulro offerat, & quasi ex capsula depromat.*

Cum igitur confectos hac ratione duos priores Polyhistoris libros ederet autor, à schemate supra proposito recedere non nihil visus est, his suæ præfationis verbis: *Totum opus à me in tres Tomos tribuetur: quorum primus Polyhistoris literarii, secundus Philosophici, tertius Practici titulo appellabitur. Nunc prima Pars Tomi primi, atque adeò duo libri Biblioth. & Method. in lucem prodeunt, quos ceteri suo ordine & tempore sequentur. Et quidem in Polyhistore literario liber Grammaticus, Criticus, Ontorius & Poëticus, in ceteris Tomis reliquæ Philosophiæ partes. Sed salva res est, & novæ tantùm schematis factæ sectiones, accedentibus*

præcipuè multis, quæ isto non erant quidem designata, *Præctico* tamen Tomo accedere rectè poterant. Quod si enim Tomo *literario* Bibliothecarius, Methodicus, Parasceuaisticus, Grammatico-Criticus, Rhetorico-Poëticus libri concludendi: *Philosophico* verò Philosophicus, Physicus generalis, Physicus specialis, Mathematicus, Matrotechnus, & quinque adeò, ut in superiori tomo libri: quid obstabat, quo minus in *Præctico* Tomo quinque itidem, *Præctici* scil. Historicus, Theologicus, Juridicus, Medicus, exhiberentur? Verum hæc doctis censenda relinquimus; &, ut manifestum fiat, quæ animo scripta conceperit Morhofius, (quorum quidem etiam pars lucem adspexit,) Catalogum eorum ab ejus manu profectum cum erudito lectore hoc loco communicamus.

C A T A L O G U S

Tractatum & Dissertationum,

quæ editurus οὐν οἶν est D. G. M.

- De Ortu & progressu Enthusiasmi.
- De imagine divinâ ex gentilium doctrinâ.
- De Enthusiasmo Poëtico.
- Exercitationes Physicæ.
- Dissertatio de Viro Bono.
- Dissertatio de Novo Anno.
- Dissertatio de Divinitate Principum.
- Polyhistor Civilis, sive de Singulis Disciplinis, quatenus ex viro civili addiscendæ.
- Commentatio de Stylo.
- Orator Civilis cum perpetuis exemplis adornatus.
- Commentatio Πολυίστωρ de Ungve.
- Princeps Medicus, sive de curatione strumarum, quæ sit à Regibus Galliæ & Angliæ Dissert.
- Observationes Digbæi in Librum, *Religio Medici*, ex Anglico in Latinam linguam versæ, & notis illustratæ.
- Satyra: *Fervorem Patria*.
- Dissertatio αἰδοῦσα de Aquæ potu Poëtis præscribendo.
- De Fato Politico.
- Volumen variarum Orationum Panegyricarum à Viris Clarissimis sparsim antehac editarum.

- Dissertatio de Vestitu Civili.
 Hermathena Poëtica, sive de Inventionibus Poëticis liber.
 Liber Epiraphiorum jocularium.
 Lexicon Latinitatis Poëticae.
 Observationes de Poësi Germanicâ.
 Deutsche Gedichte.
 Die nothwendige Thorheit. Satyra in ineptos Amantium mores.
 Henry Moore Tract. of the immortality of the soul, in Latin.
 Lingvam versus, cum Dissertatione præliminari.
 Vindiciæ Statii contra Rosærum.
 Vestiarium Epigrammaticum.
 De Jure Morbosorum tractatus.
 De Jure Silentii tractatus.
 De Arte Epigrammatica & Epigraphica, cum Exemplis.
 Politica Lipsii cum annotationibus Herculis Catti, ex Italicâ in
 Latinam Lingvam versis.
 De Pileo Syntagma.
 De Mannis Germanorum Dissertatio.
 Specimen Philologiæ Teutonicæ.
 Originum Germanicarum liber.
 De Hydrolatriâ.
 De Poculo Syntagma.
 De Patavinitate Liviana Dissertatio.
 De Arcanis Dominationis in Re literaria.
 De Poenâ furti ex Jure Naturæ & Gentium.
 De Arresto Cadaverum.
 Philosophia Alphabetaria.
 Dissertatio de Lingva universali.
 De Virtutibus & Vitiis Carminis Germanici.
 Oratio de morbis ex intemperantia in studiis ortis.
 Bibliotheca, seu de libris autorum elogia Politica.
 Aristarchus librarius, seu de titulis librorum.
 In Lection. Catalog. anno 1673. facta quoque mentio Disserta-
 tionis de Christianismo veteri, quid ille à gentiliū Philosophorum docendi
 modo, moribus ac dogmatibus traxerit, typis rûm publicandæ: sed nihil
 hujus, neque in manuscripto, neque publicè extat; in obscuro etiam
 est causâ, quæ, quo minus solutum sit illud promissum, impedi-
 rit.

Repertum est autem aliud etiam foliolum, cui Morhofii itidem manu hæc erant inscripta:

Opera & dissertationes, quæ prælo destinantur.

Encyclopædia Bibliothecaria, in qua de re Bibliothecariâ in universum agitur, & de præstantissimis in omni doctrina autoribus judicatur, 4. circiter alphab.

Polyhistor Physicus, opus, in quo veterum & recentiorum sectarum placita proponuntur & conferuntur, vetera novaque inventa per omnes corporum naturalium species recensentur, 4. idem alphab.

De Germanorum meritis in re literaria lib. 1, alphab.

Vox *ὑαλοκλάτης*, seu de Vitro per vocem humanam rupto, Epistolica Dissertatio, altera editio auctior; in qua de judiciis, quæ Kircherus & Dan. Bartoli de hoc experimento & Epistola habent.

De Transmutatione Metallorum Epistolica Dissertatio, altera editio, auctior.

Tr. Physicus de Paradoxis Sensuum.

Dissertatio, Princeps medicus, seu de Curatione Regum Galliarum & Angliæ. Editio altera, altero tanto auctior.

Tr. de Ungve Physico-Philologicus.

Tr. de eo, quod divinum est in Disciplinis.

Dissertatio de Patavinitate Liviana.

De Enthusiasmo Poëtico.

Prolusiones Juridicæ, Tr. in quo de Studio Juris ejusque Principiis differitur.

Hermathena Poëtica, in qua de Inventione carminis agitur.

Tr. de Dictione arguta, ligata & soluta.

Tr. de Dictione pura.

Orator Civilis.

De Eloquentia Epistolari.

Poëmata Latina.

Meditationes Sacræ in dies Dominicos, cum Dissertatione de Eloquentiâ Ecclesiastica.

Erant præterea alix duæ schedæ, in quas conjecta legebantur partim jam relata, partim plura alia olim edenda, ut:

De Septentrione Dissertatio Theologica, Physica, & Politica.

De Magiâ Politica.

De Religione Politici.

De Heroibus.

De Triumpho ante Victoriā.

De Fascino Oculorum.

De Falsationibus Relationum, & de celatione mortis Dissert.

De Characteribus Lingvarum.

De Circulatione omnium Rerum.

De Consensu Gentium.

De Solæcismis Juridicis.

De Physiognomix usu in Jurisprudētia.

De Varia Poëtarum fortuna.

De Arte oblivionis.

Thesaurus Politicus universalis.

Thesaurus Adagiorum universalis.

Dissertationes varix Philologicæ Germanicæ.

His cogitationibus, atque operibus dictis immerfus, Morhofius Academiam quater rexit, idemque tunc Comes Palatinus Cæsareus & legitimos esse jussum nonnullos, nonnullasve, & ultimo Pro-Rectoratu æstivo, anno 1689. Emanuele Gammium, Sleswicensem, Notarium creavit. Gesfit & primum in Philosophica Facultate Pro-Decanatum loco Mich. Watsonii, Theol. Doctoris, Histor. Sacr. & Profan. Professoris ordinarii, primique dictæ Facult. Decani, qui statim post inaugurationem Academiæ, Novembriensi anno 1665. vitam cum morte commutavit. Quos ergo primâ Promotione, anno 1666. die 22. Januarii, honoribus Philosophicis maectaverit, non est, ut ex Inaugurationis Historia huc transcribamus. Neque etiam opus fuerit, tædiosè hic adnumerare Lectori, quoties Decani munere sit functus, cum & Lectionum indices id satis doceant, & literariæ rei in hoc parum fortasse sit situm. Historias docendi spartam nactus est anno 1673, & spes erat certissima, ut Ducalis Historiographi nomine præterea insigniretur, quemadmodum Kielmannianæ literæ, die 13. Novembris, 1673. apud Sleswicum scriptæ, clarissimè docent: quæ verò res ista consilia interverterit, juxta cum ignarissimis ignoramus. Bibliothecæ Academicæ post Samuelem Rachelium, ad Serenissimi Principis aulam evocatum, præfuit ab anno circiter 1680, eandemque multis bonis libris auxit. Totus enim erat vir iste in literis & libris, sicque deditus lectioni continuæ, ut sæpè ne cibum quidem

dem caperet, quin librum aliquem simul vel legeret, vel evolutum minimum penes se haberet. Quodque ipsi non domi tantum, sed foris etiam in itinere, in hospitio erat ferè in more positum. Sanè ut librum sibi aliquando profuturum compararet, nullis neque sumibus, neque peruestigandis variis catalogis impendendo labori parcebat. Minutioribus vero libris coëmendis, & in Bibliotheca locandis, præcipuè erat intentus, eam interferens causam, quod parvi libri & facilius, & ita sæpè divendantur, ut nullo deinceps pretio sit redimendi; majores haud faciliè bibliopolarum forulos planè deseret dicebat. Hinc & librorum ejus numerus in tantum excreverat, ut Catalogus eorum, secundum repositiorum seriem, post obitum ejus usitato charactere consignatus, centum & amplius plagulis vix absolveretur. Ipse verò, dum viveret, Indicem autorum, quorum scripta erant in Bibliotheca, secundum cognomina eorum, ordine alphabetico, sua manu conscripserat; qui, quo loco & volumine quodvis inveniendum erat, nullo negotio monstrabar. Materialium, quem vocant, Index præter memoriam Viri nullus erat alius.

Literarum commercia habuit cum Gronovio, Scheffero, Grævio, Nicol. Heinsio, Henrico Oldenburgio, Nicolao Witten à Lilienau, Menkenio, Rappolto, Bosio, ac multis aliis in & extra Germaniam. Et erat etiam inter schedas integer fasciculus epistolarum à doctis viris scriptarum, quas filii fortasse aliquando producerent in lucem.

Ceterum anno 1675. die 8. Aprilis patrem septuagesimo septimo ætatis anno (natus enim is erat die 12. Novembris 1597.) Wismariæ extulit; eodemque die filius ipsi natus est primogenitus. Cujus, ceterorumque matrem, conjugem carissimam, anno 1687. mense Junio morte amisit. Qui casus & viri animum labefactavit vehementer & sanitatem afflictam non multo post afflictionem reddidit. Accedebant tùm pertinax literarum studium, tùm librariæ curæ, quæ corpus adeò frangebant, ut annus seculi nonagesimus ipsi ferè fatalis esset. Sed superato tamen isto morbo sanitatis pristinae spem omnis in Pyrmontanis acidulis erat, ad quas ille sequente anno remis velisque contendebat. Disfavdebant tùm plurimi illud iter, & non multum boni tacitè ominabantur; quin & B. nuncitidem Johan. Dan. Major, Medicus & Professor celeberrimus, indignabundus & lacry-

mis penè prosequabatur abiturientem MORHOFIUM. Quid multis? ibat is æger, & redibat fere mortuus. Sanè cum Hamburgum redux, Andreæ Leseri sui, mercatoris literati ac nominatissimi, pulsaret, fores, hæc ejus erant postrema verba: Unde alii vitam, ego mortem hausi; ibo igitur Lubecam ad socrum ocysus, ut moriar domi ejus. Valetè ò mei! nunquam enim huc redire dabitur! sicque properavit, quo dixerat, & doctissimorum Virorum morbo, hoc est, totius corporis cachexiâ, ætatis anni LIII. mense sexto exeunte, placidè decescit, die 30. Julii, 1691, horâ ferè secundâ pomeridianâ, amplissimo funere sepultus ibidem die 5. Augusti in æde div. Catharinæ, ante chorum, in monumento Margarete Deginckiz, socrus suæ. Accidit penè MORHOFIO, quod magno suo tempore Salmasio, ut moreretur eoloci, ubi minimè putarat. Nam (*Adolphi Vorstii ex Oratione in excessum Salmasii verba sunt,*) qui Lugduni in Batavis sedem stabilem ac certum habebat domicilium, in Eburonibus, Spardanos propter fontes, vitam finivit, Trajecti ad Mosam sepultus jacet, nobis solâ jucunda utilisq; præsentia sua relicta memoriâ. At sicut parùm refert, ubi terrarum gentiumve moriaris; ita, ut moriaris benè, maximè refert. Benè autem, imò optimè moritur, qui vivus erat in magna existimatione, & sui post mortem aliquod in hominum animis relinquit desiderium. Utrumque sanè contigit MORHOFIO, & hoc quidem ita, ut nullares indigeat probatione. Quanti verò is fuerit in orbe literato, id & Clarissimi atque Consultissimi Viri congesta, Elogia Morhofiana, & quæ hic exhibemus testimonia docent. Tanti certè cum faciebat reipublicæ literariæ illud columen, & Belgii decus, Grævius, ut, cum esset in Germania, Kilonii illum inviseret. Cujus rei locupletes testes has literas producimus:

DANIELI GEORGIO MORHOFIO, V. CL.

S. P. D.

JOANNES GEORGIUS GRÆVIUS.

INcredibilem illam vestram singularemque comitatem & benignitatem, qua me accepistis liberalissimè, ne cogitanda quidem gratia possum assequi. Non modò boni erant vultus patris matrisque familias, & prolixa voluntas, sed & apparatus lautissimus, sermones pleni salium, svavitatis & eruditionis, quibus omnes itineris molestias diluistis. Dî dignas vobis referant grates: Nam,

nostræ non est opis. Memorem tamen animum, quamdiu superstes fuero, cognoscetis. Aurigam vestratem expugnâvimus tandem argenteis armis, ut iter accelerâret, & sequente die lunæ nos Hamburgum perferret. Sed crumenimulgarum pejus genus vix sol adspicit. Malebamus tamen nos ab aurigis ferocissimis, quam à cauponibus insulsissimis & valdè superbis, quamvis omnium bonarum rerum essent inanes, emungi. Hujus vix tridua minuit svavisissima consuetudo Viri præstantissimi & eruditissimi Axenii, quem dudum suspicio, nunc in oculis fero. CL. Pechlinum spero nunc rectè valere. Sin minus, jube ipsum remis velisque contendere ad sponsam. Illa uno osculo plus conferet, ad omnes dolorum & infirmitatis reliquias exhauriendas, quam quicquid in vestris myrotheciis aut ex Galeni, aut ex Theophrasti Germanici præceptis reconditum servatur. Vale, Vir Excellentissime, & celeberrimis Viris, Majori & Pechlino, nec non Sperlingio politissimo salutem dic plurimam. Salute quoque hac non defraudarem CL. Wasmuthum & Opitium, nisi crederem, illos valde miraturos esse, me literis salutare, quos coram non salutarim. Uxori quoque tuæ nobilissimæ salutem dico. Iterum vale, & præcipiti scriptioni ignosce. Hamburgi *ὡς νῦν*, cum modò appulisset, a. d. xxii. Jul. clō loc LXXVIII. Dionys.

CL. quoque Hulstio salutem adscribo. Si mihi reduci voluerit credere suum Commentarium in Celsum, ad Batavos mecum illum feram, & operam dabo, ut edatur. Nunquam visis libris nolunt manus admoveere nostri typographi.

Quid in Svecia de MORHOFIO senserint eruditi, Clarissimo tunc, nunc Reverendo admodum Normanno interprete discimus, cujus ex literis ad Dn. D. Reyherum, Jctum, & Mathematicum celeberrimum, diei 14. Aprilis, anni 1683. Kilonium scriptis, ecce excerptum memorabile:

NEque sane aliud nunc scribendi argumentum erat: Nisi quod simul cognoscere avebam, verus ne, an, quod vellem, falsus inanisque rumor esset, qui de excessu summi Viri, D. MORHOFII, nuper apud nos jactatus fuit, quamquam is casus homini ipsi non admodum immaturus, aut dolendus, fortasse acciderit. Cujus fama celebritasque, pulcherrimis elegantissimi ingenii monum-

numentis, maximè Poëticis, dudum parta, quo in posterum as-
surgeret, vix habebat. Pridem enim jam solida certaque nomi-
nis sui immortalitate, quod paucissimis ævo omni datum fuit, vi-
vus valensque fruebatur MORHORIUS. Nobis is, omnibusque
Musarum amœniorum cultoribus, lugendus obiit, quibus fato-
rum invidia tot, tamque exquisitis ac vivacibus ductas coloribus
politisissimi ingenii imagines, quas indies expectabamus, inter
præcipua seculi decora censendas, subduxit, interceptit. Jam
à te, Vir Magne, peto quæsoque, ut mecum communices lectio-
ra eorum programmatum carminumque, quæ ab anno 1680. quo &
hic eram, edidit *ὁ μανὰς ἴμος*. Quidnam autem illius non lectum
eximiumque est? adjectis iis, quibus nunc supremos Viri hono-
res Musæ vestræ concelebrarunt.

Quo animo B. FELLERUS in MORHORIIUM fuerit, quoque
loco habuerit ejus lucubrationes, clarè docet hæc Inscriptio:

D. G. MORHORII

Carmina Sacra IV,

in

Natalitiorum

CHRISTII

Sanctam memoriam

ad Juventutem Academicam

ex

OTIIS DIVINIS

Celeberrimi ejusdem Autoris

Lubecz 1686. impressis,

recusa Lipsiæ;

Et mense Decembri anno 1689.

discursibus publicis illustrata

à

L. J. F. R. P. P.

Cognosce hæc, Lector optime; ac mirare; in antiqua Li-
psiensî Academia, doctorum hominum illa matre, in cathedra Virgilio,

(f);

Hora-

Horatio, & id genus luminibus sacra; à Viro gravissimo, & Poëtâ itidem summo, MORHOFII carmina discantium coronæ publicè proposita, & discursibus eruditissimis illustrata.

Neque Celeberrimi RECHENBERGII minor in Nostrum erat affectus, expressus, ni fallor, satis luculenter in carmine, quo Viro tunc Clarissimo, nunc summè Reverendo atque Excellentissimo, DN. HENRICO MÜLLIO, Philosophicam Lauream solenniter collatam felicem esse jubebat.

Ad

SUMMUM POLYHISTOREM,

D. G. MORHOFIUM.

Salve, eruditæ, quæ sub axe Cimbrico
Hodièque floret, gentis illustre ô Decus,
MORHOFI, & ingens hujus ardor pectoris:
Salve, immò salve millies! En MÜLLIUM.
Tua Musa quem Cannâ Indicâ dulcis mage
Huc ire jussit testimonio incluto
Maestatum, eoque splendide incluso metris
Nasonianis; quemque MENCKENIO & mihi
Vatiquæ nostro fellis ac fuci infcio
Carum esse voluit, Daphnide exornavimus
Sophies suprema, jam diu hâc dignissimum.
Non invidebis hunc amicis candidis,
Confido, amorem in MÜLLII dotes Tui,
Et eruditæ, quas habet multas, opes,
Vel ipse, quod non lauream meritissimam
Capiti huicce docto contulisse quiveris.
Jungamus ergo vota nunc communia,
Vir digne Cedro, spes ut omnes impleat,
Superetque longum, quas fovemus, MÜLLIUS,
Fiatque docti grande Parnassi jubar,
Grande & Sionis, universæ ac Patriæ!

depropens. Lipsia

L. A. RECHENBERG, P. P.

& Academiæ Lipsiensis

h. t. Rector.

Illu-

Illustris Rachelius, Collega quondam, post fautor, dum viveret, MORHOFII perpetuus, in Orio Noviomagensi pag. 94. & 95. ita inter alia scribit.

Multum præ ceteris hujus rei (de lingua Gothica loquitur,) ostendit Boxhornius, in originibus suis Gallicis, ut tamen longè plura enucleanda reliquerit. Quod si MORHOFIUS noster, eximium Holsatiæ Academiæ decus, de Græcæ & Latinæ Lingvæ novitate, & originibus Germanicis, scribendi consilium persecutus fuisset, reconditæ eruditionis opus ab illo expectandum fuisset: nunc cum amico hanc operam se commendasse nunciet, eumque procul dubio ope & consilio juvet, vel sic etiam benè merebitur.

Succedat, qui Aprili mense anno 1689. innotescebat, personatus Judicii ex Pernasso de Triga scriptorum recentiorum autor, quantum ad hoc facit institutum; Veritati enim, quæ in Judicio ejus occurrebant, parum consona, & duriora etiam nonnulla, jure optimo sustulimus.

DANIEL GEORG. MORHOFIUS.

Hunc ego Germanorum Decus, singulare hujus seculi ornamentum & Reipubl. literariæ præsidium jure optimo nominarim. Quicquid enim in Eloquentia exquisiti, vel in rerum naturalium scientia absconditi, vel in antiquitatum & Legum Romanarum peritia solidi, vel ulla in arte rerum omnium digni occurrat, eruditionis suæ sinu unus complectitur, alter Elæus Hippias. Scientias ferè omnes non attingit, sed exhaustit, ut verum esse intelligas illud Tullii: *Artes scientiasq; omnes sororio vinculo connecti*. Prodidit ejus Polyhistor nuper editus, quantus ipse sit habendus Polyhistor, quem universam sapientiæ hæreditatem ad se rapuisse, in aprico est. Bibliothecas in Anglia & Belgio vidit, nec oculo fugitivo, sed labore assiduo perlustravit, ut ipse nunc Bibliotheca vocari animata queat. Par est tanto ingenio industria & indefessus labor. Meretur sanè encomium, quod Theodoro Metochitæ tribuit Nicephorus: Βιβλιοθήκη εἰ ἐμψυχή, καὶ τῶν ζητημένων πρῶχει ἐντορεῖα. *Bibliotheca es viva, & prompta rerum quesitarum copia*. Adeo suo exemplo probavit, quod alicubi asserit Tullius: *Non in-*
terdi-

serdictum esse aut à rerum naturâ, aut à Lege aliquâ, atq; more, ut singulis hominibus ne amplius, quam singulas artes nosse liceat. Poësin, ultra genium gentis suæ & doctrinam seculi excoluit. Quam scitè eleganterque scribit! Venusta sunt omnia, siue Veneres edat, siue Funera. Elegantias omnes, quas in sua quisque lingua habet, in Poësin quoque Germanicam transtulit, & elegantiores reddidit. Verbo: Quis habet salem, qui in ipso est? Non potest reprehendi, nisi ab indoctis, sed & laudare MORHOFIUM nemo digne potest, nisi ipse MORHOFIUS.

Non est, ut plura nunc addamus, subjunctis præcipue memoratis supra Elogiis, & Carminibus multis honori Morhofiano dicatis, in quibus maximam partem Clarissimi Viri prolixum suum in MORHOFIUM affectum largiter testati laudes ejus nusquam non dignissime deprædicant. Quæ ut æquò Lectori, sicut & nostrum eidem inseruiendi studium, valde placeant; idemque, si quid hic fuerit erratum, nobis benevolentissimè ignoscat, eâ qua parest observantia,

iterum rogantes perpetuo illius favori nosmet
commendamus.

F I N I S.



ELO-

ELOGIA
MORHOFIANA,

ATQUE
SCRIPTA,

&

super iisdem.

Variorum Eruditorum Judicia.

COLLECTORE

CASP. TH. J. C.


TACITUS II. *Annal. Libr. XVI.*

Detur hoc Illustrium VIRO-
RUM Posteritati, ut, quomo-
do *Exequiis* à promiscuâ sepulturâ separantur, ita
in *traditione supremorum* accipiant, habeantque *pro-*
priam Memoriam.

MORHOFIANI NOMINIS
CANDIDIS CULTORIBUS

^{AC}
JUSTIS ÆSTIMATORIBUS
HOC,

QUICQUID EST,
SACRUM ESTO.



ELOGIA MORHOFIANA.

Latine.

VIR *Incomparabilis*, & Polyhistor Celeberrimus,
D. Wayer in *Musæo Ministri Eccl. in Prasat.*

Polyhistor Admirabilis,
D. Fecht *Prasat. Hist. Univ. Bæcleri pag. 10.*

Curiosæ, raræque Doctrinæ plenissimus Polyhistor,
L. Placc. *Invitat. Amic. &c. pag. 8.*

Eruditorum facile Princeps,
M. Gæz *Diss. de Script. Cic. Lect. §. 3.*

Immortalis etiam post Fata,
Juncker *de Ephemerid. Erudit. Pras.*

Vir, meritò suò longè mihi charissimus, & æstimatissimus, in
Quo habet Germania, quò Genti Nostra gloriam omnigena, & exquisi-
sita Eruditionis, quà ingenii viribus, & indefesso studio eniti
licet, asserat,

B. Dn. Seckendorff in *Histor. Lutheran. lib. 3. fol. 342.*

Orator facundissimus, *Poëta* elegantissimus, *Germania Delicium*, *Poly-*
histor per totam Europam Celeberrimus, & de hac Academiâ
(Kilon.) non solum, sed & Universâ Republ. Literariâ summè
meritus.

D. Henr. Opitius in *Programm. Pauegyr. Burchardi.*

Jctus Excellentissimus, inque Perillustri Christiano-Albertina Eloq.
& Poët. Prof. Vir, Virtute, Prudentiâ, Pietate, Mysteriorum
Naturæ maximorum penitiori scientiâ perquam inclytus, Se-
culi Ornamentum, Poëtarum Princeps; Svavisimum omnis
Eruditionis Delicium, Amœnarum Literarum Assertor ac Vin-
dex Strenuus.

M. Herm. Witte, in *Dedicat. Decad. III. Memor. Philosopho-*
rum, &c. 1677. in 8.

Summæ Doctrina, summique Judicii, & immortalis Memoria Vir,

D. Joh. Burch: Majus, *Prasat. ad Lect. Polyhist. Morhof.*

Qualis, quantusque Vir fuerit MORHOFFIUS, Scripta Ejus, immensò studio, curaque elaborata, ac variâ, multiplicique Eruditione, referta, abundè testantur,

Idem D. Majus *Prefat. Libelli de Rat. conscrib. Epistol.*

Celeberrimus Vir, DN. D. G. MORHOFFIUS, *Seculi Verum Ornamentum*, in suo elegantiss. Polyhistore, &c.

Joh. Bilberg. Math. Prof. in Acad. Upsal. Aphorism. Miscell.

Anno 1688. Aphor. 4.

Inter ævi hujus *Panepistemonas* referendus vel maximè venit D. G. MORHOFFIUS, Profess. Acad. Kilon. celeberrimè jam dudum florens. Neque enim intra *Themidis*, cujus summa axiomata jamdudum obtinuit, sese continere potest cancellos, quin libero, & excelso animò per latissimos *Scientiarum*, *Linguarumq.* omnium campos fertur, *Poëseos* quippè, & *Eloquentia*, quas publicè profitetur, *Antiquitatis* item omnis, atque, uti *Philosophia Univerſa*, ita *Natura* imprimis arcanorum, & olim, & recens inventorum Consultissimus.

Collect. Aëtor. Lipsiens. 1683. pag. 194.

Doctissimus MORHOFFIUS, Germanicorum & Latinorum etiam, Græcorumque Carminum venustate nulli Poëtarum secundus.

Idem Anno 1682. pag. 271.

Hanc Eruditionis Partem, quæ omnes omnium Scientiarum, ac Artium Scriptores scrutatur, & explorat, monstrare satagit *Doctissimus*, & in omni *Litterarum*, ac *Disciplinarum* Genere probè *versatus Auctor*: Qui, cum nihil fermè ignoret, infinitos Libros legerit, & res omnes mente complexus, de iisdem eleganter, & ornatè scribere valeat, uni quasi Systemati universæ Eruditionis apparatus includere, & sub *Polybistoris* Elegio omnem Scientiarum complexum, aut *Polypathiam* exhibere instituit.

Idem Collect. Aëtor. Lips. 1688. pag. 565.

Hunc & *Eloquentia*, & *Poëseos*, & elegantioris omnis *Litteraturæ Magistrum* meritò appellaverim: Quæ *Laus* Ipsi adeò propria est, ut cum Naturalis Scientiæ exquisitâ cognitione, accuratâque Juris Scientiâ sit communis; Gratulamur Patriæ nostræ, quòd in hoc Viro invenerit, quem *Exteris* opponere queat, Ejus *Polybistore* nihil nostrâ memoriâ prodiit eruditius, quem ut ad umbilicum perducere DEUS concedat, omnes vovemus. *Agnoscent Batavi, Angli, Galli, Itali, Germanis quoque Deos suos, quos colant,*

lant, non deesse. Agnoscent, & rubore suffundentur, quando Commentarium, quem pollicitus est, de Meritis Germanorum Literariis vulgaverit.

Joh. Alb. Fabritius, in *Decade Scriptorum Recentiorum*, Hamburgi, 1688. in 4. num. 1.

De Cujus VIRI, propter inusitatam ingenii vim, & insignem Eruditionem, domi, forisque noti, Virtutibus, nihil tam magnificè dici potest, quod ad Meritorum sublimitatem assurgat.

D. PFENNIGK in *Epistolâ ad D. Thurmannum scriptâ*, Rostochi, 1692.

Conf. Matth. Henr. (Georg. Henr. F.) BURCHARDI Laurus Cimbri-
ca Arescens ad Busta τῷ πένυ MORHOFII, Solenni Panegyri in ipsis Vertumnalibus Kiloniensibus, 14. Cal. Febr. 1692.
sparsa,

Lubeca, ap. B. Bockmannum, 1695. 4.

Habetur etiam in Polyhist. MORHOF. Edit. II. 1695. 4.

Item DN. HENR. MUHLII Elegantissimum MORHOFII Manibus
dicatum *Epicedium*, Lipsia, 1691. fol.

Vid. Autor. Dial. Menstr. (Monatl. Unterred.) 1691. pag. 801.
seqq.

Quod & pramissum Partii II. Polyhistor. 1692. & 1698. in 4.

Posteritas agnosce Virum, &c.

Celeberr. MUHLIUS in suis super B. MORHOFIUM Elegiis,
in fine:

Utrumque hic allegatum scriptum extat infra suo loco.

ELOGIA MORHOFIANA

Germanicè.

Der Hoch- und Welt-bekohmte belesene Herr Morhof

Dissenbach von Pflichten Christl. *Præcept.* pag. 309. & 395.

Der in seinen Schrifften unvergleichliche Morhof.

Autor monatl. Unterred. 1692. pag. 207.

Die Zierde der heutigen Gelehrten in Deutschland

Dissenbach d. l. pag. 365.

Welchen gelehrten Mann ie hffters ich citire / le mehr fuche ich einen
Schul-Lehrer zu bewegen / daß er deffen **Schriften** fleißig lesen/
und noch fleißiger die Darinn befindliche **Bermahnungen** beobachten
solle /

Idem d. l. pag. 489.

Ein Mann / dessen gleichen an unbeschreiblicher **Belesenheit** und scharf-
sen **Judicio** die Welt nicht viele mehr hat /

Autor des **Herbst-Parnass**. 1692. in 8. pag. 83.

Der vortrefliche Mann / den nicht allein die **Teutschen** / sondern auch die
Frantzosen / **Engländer** / **Italiäner** / und **Holländer** certa-
tum **veneriren** /

Literatiff. Dialogorum Menstruorum, (Monatl. Unterred.)

Editor, **WILH. ERN. TENZELIUS**, 1689. pag. 1278.

Wäre zu wünschen / daß derselbe mehr Zeit und Gelegenheit hätte / seinen
Polyhist. und andere **Schriften** / vollends zu elaboriren /

Idem d. l.

Es ist zu bedauern / daß sein **Polybistar** (davon jüngst der andere Theil/
und zwar **Liber Excerptorius**, heraus kommen ist /) bey seinem Le-
ben nicht sollen ediret werden / zu geschweigen der andern herr-
lichen **Schriften** / die er noch unter der Feder gehabt /

Autor des **Herbst-Parnass**. 1692. in 8. pag. 5.

Conf. D. THOMASII monatl. **Gedanken** / **Mens. Nov.** 1688.

BIBLIOTHECA MORHOFIANA.

Es hat die **BIBLIOTHECA MORHOFIANA** den Ruhm / daß sie an
Selectu Librorum wenig ihres gleichen habe.

Autor der monatl. **Unterred.** 1692. pag. 63.

VITA MORHOFIANA.

Unter den **Lebens-Beschreibungen** wäre des **MORHOFII VITA** mit al-
lem Rechte vornanzusetzen /

Autor der monatl. **Unterred.** 1692. pag. 63.

Vid. BURCHARDI Laurus Cimbrica Arscens, &c. in 4.

Et DN. MUHLIUS in suis super B. MORHOFIUM Elegiis, &c.

SCRIPTA MORHOFIANA,

ET SUPER IIS

VARIORUM ERUDITORUM JUDICIA.

POLYHISTOR, sive de Notitiâ Autorum & Rerum Commentarii;
Quibus præterea *Varia* ad omnes Disciplinas Consilia, & Sub-
sidia proponuntur.

*Editio II. Auctior**Lubeca, apud Petrum Bockmannum, 1695. pag. 41.*

Vid. COLLET. ACTOR. LIPSIENS.

Mens. Octobr. 1688. pag. 564. seqq.

BASNAGE *Historie des Ouvrages, des Sçavans*, Mens. Jun. 1688. pag.
158. seqq.

OPUS INCOMPARABILE,

Vid. BURCHARDI *Laurus Cimbrica*, &c. pag. 10. & 11.

Scriptum Eruditum, quod ab Eruditis hætenus, (ut meretur) Ma-
gnificè celebratum est laudibus,

M. Gæz, *Diff. de Script. Ciceron. Lect. §. 3.*Vid. & Autor des *Grühlings: Parnass* 1696. pag. 173. seqq.

TENZELIUS *monatl. Unterred.* 1689. Ubi *Summam totius Libri I. in*
Compendio exhibet.

Pag. 4. & seqq.

Et pag. 153. ibi; daß dis Buch von solcher importanz sey / daß man NB.
unter tausenden nicht eines finden werde / daß demselben gleich
komme / &c.

11 Vid. d. pag. 153. & NB. pag. 192. & pag. 197. in f. & pag. 198.

LIBRI II. COMPENDIUM, vide pag. 261. & seqq.

NB. Post editam hætenus *Partem I. & II. Polyhistoris Celebert. Viri,*
DAN. GEORG. MORHOFII, (quarum Posterior denuò hoc
Anno (1698.) prodiit,) P. Bockmannus, Bibliop. Lübecen-
sis seriò id agit, ut *Partes reliquæ* ad posthumos hosce de No-
titiâ Autorum, & Rerum Commentarios pertinentes, obstri-
cantibus Eruditis nonnullis Lipsiensibus *propediè typis exscri-*
bantur.

Ita in Novis Literariis Mariæ Balchici, & Septembr. pag. 47.

Conf. Collect. Act. Lips. d. l. in fine & 1693. pag. 401.

DISPUTATIONES ACADEMICÆ.

Disp. Juridica de MORBIS, & eorum Remediis, *Rostochi*, 1658. in 4.

Inaug. de Jure SILENTII, *Frankkera*, 1661. in 4.

THELOGIA GENTIUM POLITICA, exhibens Cultum Principum Idololatricum, & Genuinum, Dissertat. I. de Divinitate Principum, *Rostochi*, 1662. in 4.

(Confer MORHOF. *Opera Poët.* pag. 706.)

PRINCEPS MEDICUS, seu Dissertatio de STRUMARUM CURATIONE, quæ instituitur à Regibus Gallie & Anglie, *Rostochi*, 1665. in 4.

(Conf. MORHOFII *Opera Poët.* pag. 611.)

DE PARADOXIS SENSUUM, *Kiloni* 1676. in 4.

ELOQUENTIA IN TACENDO, *Kiloni*, 1684. in 4.

DE DISPUTATIONIBUS HIS ACADEMICIS

Vid. M. Tenzel monatl. Unterred. 1692. pag. 604.

STENTOR ὑαλοκλάστης, seu de SCYPHO VITREO, per certum humanæ Vocis sonum fracto,

(Wie man ein Glas entzwey schreyen könne) Dissert. quâ Soni Natura non parùm illustratur, *Kiloni*, 1672. & 1683. in 4.

Vid. COLLECT. ACTOR. LIPS. 1683. pag. 199. seqq.

M. Tenzel monatl. Unterred. 1689. pag. 969. & seq. Et NR. pag. 1276. & seq.

ERASIMUS BARTOLINI de Problemat. Geometr. 1672. in 4. Coroll. V.

BURCHARDI *Laurus Cimbrica*, pag. 9.

Athanas. KIRCHERUS in *Phonurgia*.

Et DAN. BARTOLI in *Libro Italico del Suono Tratt. 5. cap. 8. ubi vocat Opus plenum Eruditione & ingenio.*

DE TRANSMUTATIONE METALLORUM Dissert. Epistol. *Hamb.* 1673. in 8.

Dissert. de SOLE IGNEO, *Kiloni*, 1672. in 4.

DE PATAVINITATE LIVIANA Liber, Ubi de Urbanitate, & Peregrinitate Sermonis Latini universè agitur, *Kiloni*, 1684. in 4.

Vid. Collect. Act. Lips. 1684. pag. 57. & seqq.

Ubi nitidum planè, ac profundioris plenum Doctrina Opus vocant.

Et in *Act.* de Anno 1685. pag. 343. *Tractatum Elegantissimum.*

Conf. & B. Autoris *Programmata* sub num. 93.

Et Burchardi *Laurus Cimbrica* pag. 9. & 10.

De Ratione Conscribendarum **EPISTOLARUM** Libellus, cum Præfatione Dn. Joh. Burch. *May, Lubeca, 1694. in 8.*

Vid. Collect. Actorum Lips. *mens. April. 1693. pag. 164.*

Philochrysus, sive de **LAUDIBUS AURI**, Orationes II. omnis generis *Hominum*, præcipuè *Ecclesiasticorum*, *Vitia*, falsè traduccentes, &c. *Lubeca, 1691. in 8.*

Et inter Orationes, &c. Hamburgi, 1698. in 8. num. 9. & 10.

De **GERMANORUM LINGVA, & POESI**, Unterricht von der *Teutschen Sprache und Poësi*, deren Ursprung / Fortgang und Lehren Sätzen / weben auch von der reimenden Poeterey der Ausländer mit mehren gehandelt wird / *Riel / 1682. in 8.*

Vid. Collect. Act. Lips. *1682. pag. 271. & seqq.*

Dissert. de **ENTHUSIASMO**, seu **FURORE POETICO**, *Rostochi, 1661. in 4.*

OPERA POETICA, cum Præfatione Dn. Henr. MÜHLII, *Lubeca, 1697. in 8.*

Conf. Burchardi *Laurus Cimbrica, pag. 9.*

Teutsche Gedichte / Riel / 1682. in 8.

ORATIONES & PROGRAMMATA, in celeberrimâ Hofat. Academ. Kilon. proposita. *Hamburg. 1698. in 8.*

Conf. Burchard. d. I. *pag. 9.*

Commentatio de DISCIPLINA ARGUTIARUM. 1693. in 12.

Conf. Collect. Actor. Lips. *mens. Sept. 1693. pag. 399. seqq.*

Joh. Gvil. Laurembergii *Satyræ*, Elegantissima, quæ *Rerum Bonarum Abusus & Vitia* quædam seculi perstringuntur, recusa studio **DAN. GEORG. MORHOFII**, Ejusdemque Præfatione *Kiloni, 1684. in 4to.*

Confer B. Dn. Autoris Unterricht von der *Teutschen Poësi, &c. p. 749.*

DISSERTATIONES ET DISPUTATIONES ACADEMICÆ,

Varii, & rarioris Argumenti, *Unò Volumine comprehensæ, Hamburgi, ap. Libernickel. 1699. in 4.*

Scil.

1. De *Morbis*, & eorum *Remediis*.
2. De *Jure Silentii*.
3. De *Enthusiasmo*, seu *Furore Poëtico*.

(h)

4. De

4. De Divinitate Principum.
5. Princeps Medicus, &c.
6. De Sole Igneo.
7. De Metallorum Transmutatione, &c.
8. Pandoxa Sensuum.
9. De Vitro, per Vocis sonum rupto.
10. Eloquentia in Tacendo.
11. De Patavinitate Livianâ, &c. &c. &c.

PROMISSA ET DESTINATA

B. MORHOFIO,

In Scriniis AUTORIS delitescientia.

Collegium manusc. de NOTITIA AUTORUM in Acad. Kilon.
Anno 1682. & seq. habitum.

POLYHISTOR, sive de Notitiâ SCRIPTORUM & RE-
RUM Libri XII. Quorum

- I. BIBLIOTHECARIUS, in quô de Re Bibliothecariâ in Universum, de Subsidiis, ad Notitiam Autorum, & Historiæ Literariæ parandam, Epistolarum, Vitarum, Locorum Communium Scriptori-
bus, &c.
- II. METHODICUS, in quô de Pedagogiâ Regiâ, Vulgari, variis parandarum Scientiarum Methodis, tum legitimis, tum illegitimis, variis item Compendiis, ac Subsidiis Mnemonicis, Excerptis instituendis, &c.
- III. GRAMMATICUS, in quô de Græca, Latinâque, aliisque, Linguis, Grammaticis Scriptoribus, Antiquis, Recentioribus.
- IV. CRITICUS, in quô de Critice in genere, Autoribus Græcæ, & Latinæ Lingvæ, Criticis Scriptoribus.
- V. RHETORICUS, in quô de Rhetoricis Scriptoribus, Oratoribus Antiquis, Novis, de Rhetoricâ sacrâ, & Civili, de purâ, argutâ Dictione, Periodo, Epistolis, Varioque ad omnem Eloquentiam apparatu agitur.
- VI. POETICUS, in quô de Poëtis Græcis, & Latinis; Varia ad Poësin adminicula, Latinitatis Poëticæ & Inventionum Poëticarum Lexica ac plurima alia novâ quadam ratione proponuntur.

- VII. *PHILOSOPHICUS*, in quò de Scriptoribus *Philosophis*, Antiquis, & Recentioribus, *Scholasticis* imprimis, pro *Seclorum* Varietate, *Metaphysicis*, *Logicis*.
- IX. *PHYSICUS*, in quò primùm de *Seclis Physicorum*, Antiquis, & Recentioribus, deinde de specialium Argumentorum Scriptoribus agitur, additis, ubi occasio datur, *nostrorum Temporum Inventis*.
- IX. *ΜΑΤΑΙΟΤΕΧΝΟΣ*, in quo de Variis, Superstitiosis, Dæmoniis *Artibus*, earumque Propagatoribus, & Scriptoribus.
- X. *MATHEMATICUS*, in quo de Scriptoribus, ad *Matheseos* Disciplinas pertinentibus, præcipuè *Illis*, qui post *Vossii*, & *Riccioli* tempora innotuerunt, Variisque nostrorum temporum *Inventis*.
- XI. *Præcticus*, in quò de *Philosophia Moralis*, *Civilis*, *Oeconomica* Scriptoribus, variisque ad *Societatem Civilem* feliciùs tuendam, adminiculis.
- XII. *HISTORICUS*, in quo de *Historicis* Scriptoribus, illisque cum Fructu tractandis, instituitur Dissertatio.

O P U S,

E XX. Annorum LABORIBUS ACADEMICIS collectum,
Et ad omnes *Artes*, ac *Disciplinas*, accuratius noscendas & tractandas, utilissimum.

Appendicis Loco additur.

De Germanorum in Rem Literariam Meritis Dissertatio.

Conspectum hunc *Polyhistoris*, typis olim exscriptum, à paucis hactenus visum, & à B. MORHOFIO cum Amico suo, *Deil. Qu.* communicatum, ejusdem beneficiò accepi heic Hamburgi, *mens. Octobris, 1698.*

Conf. & B. MORHOFIUS in *Praefat. ad Lect. Libri I. Polyhist.* & *Bibliopola in Praefat. Part. II.*

De Meritis Germanorum in Rempubl. Literariam Dissertationem singularem meditabatur, cujus publicè etiam spem fecit in *Polyhistore*, pag. 209.

Daß die Ausländer / ohne die Deutschen / in Re Literaria nicht so weit kommen wären / hat Herr D. Morhof in dieser Dissertation darthun wollen.

Daß andere Länder ein grosses in den freyen Künsten unserm Teutschlande zu danken haben/auf dessen Ausführung hat uns der in seinen Schrifften unvergleichliche Morhof vertröstet/

Vid. M. Tenzel. monatl. Unterred. 1692. pag. 207. & 603.

De Ortu & Progressu THEOLOGIE ENTHUSIASTICÆ plenum Opus promissit in Dissertatione de Divinitate Principum in fine.

MYSTERIUM SEPTENTRIONIS.

In Epistolâ ad Olaum Rudbeckium, *Atlantica* Parti secundæ præfixâ, pag. 5. ita: Ego jam in Juventute meâ non absimilis Argumenti colligere quædam cæpi, Librum aliquando concinnaturus, cujus iste Titulus: *Mysterium Septentrionis*, &c.

De Eo, quod in *Scientiis Divinum* est, von dem *Geis in Disciplinis*, göttlichen Mahlzeichen in allen Künsten und Wissenschaften/

Vid. etiam B. MORHOF. *Polybist. lib. 1. cap. 12.*

Et M. Tenzel. monatl. Unterred. 1689. pag. 53. seqq. & pag. 259. seq.

JURIS PRUDENTIÆ ROMANÆ *ισογέρμια*.

DE MANNIS GERMANORUM

DE PILEO, DE UNGVE

Allegat BURCHARDI in *Laur. Cimbric. in fine*.

DE OPERIBUS MORHOFIANIS ADHUC EDENDIS.

Non possumus non monere hac occasione, in eo nunc esse HÆREDES MORHOFIANOS, ut omnia *Beatissimi Viri Opera* eousque elaborata, ut luci publicæ sisti possint, inprimis vero *Polybistorem*, Curâ Viri alicujus Eruditi, munus hoc in se suscepturi, quàm primùm fieri poterit, Orbi Erudito typis accuratè exscripta repræsentent.

Ita COLLECTORES ACTORUM LIPSIENSIIUM, *mensis Septembri 1693. pag. 401.*

Vid. et. NOVA LITERARIA *Maris Baltici, & Septentr. pag. 47.*



In Disputationem de Morbis.

THeiologia docet morbos, Medicinaque morbos:
 Sed curare tamen, non generare docet:
 O si Theiologi, Medici si denique morbos
 Curarent tantum, non generentque simul!
 Mentibus omnino benè corporibusque futurum!
 Vespillo locuples nec Satan ipse foret.
 Tandem etiam morbos Jurisprudencia monstrat,
 Publica queis malè se res, domus omnis habet.
 O si monstrarent tantum, non atque pararent
 Jurisprudentes, quos simul orbis habet!
 Non parat, at monstrat sanans Academia morbos.
 RHANIUS eximia prosperitate valet.
 MORHOFFI, qua mente vales, obnoxia morbis
 Non est. Sanatis publica, priva, sagax.

*gratulabundus
 scrib.*

Joh. Georg. Dorscheus, D.

DE Morbis ex Jure theses proponis, Amice:
 Juris amans, amens quæ ferat æqua, doces.
 O utinam posses morbos depellere juris,
 Justitiæque suum restituïsse decus.
 Hoc opus, hic labor est. Serò medicina paratur,
 Cum mala per longas invaluere moras.
 Unica tam graviùm DEUS est medicina malorum.
 Interea pereat jura perire volens.
 Ast tibi, qui tradis morbos ex corpore Juris,
 Corporis ac animi cor animumque precor.
 Cor animumque precor sano sub corpore sanum,
 Sanus ut ad summum culmen honoris eas.

scrib. Praeses

Henr. Rahne, D.

CArmen requiris? quâ negem tibi fronte,
 Quod vel minutis sæpè Satrapis velle
 Negare, summum quis piaculum ducat?
 Ætate nostrâ (nam fatebimur verum)
 Sunt *νευρόσπασα*, svaviludii, mimi,
 Et moriones filii Poëtarum.

Os ferreum & impudens habere me dicas,
 Et jure dicas, si negem tibi versus
 Currumque metrum, quod modestus exoptas,
 Ephebe præstans. Insitum sedet menti,
 Nec non sedebit, quamdiu traham lucem,
 Quàm pertinace & vix solubili nexu
 Tuis Camænis, & poëticiæ venæ,
 Solduriorum ad instar hæream obstrictus.
 Probè recordor, atque gratus agnosco,
 Quo me favoris prolecutus es cultu,
 Neque enim cuculus pipulo levis vulgi
 Feror per urbem, non, potentius Numen,
 Vel siderum vis rectius dedit pectus,
 Benè quod merenti continenter insævit,
 Referre grates, nescium doli & fraudis.
 Ecquo proinde commovere Parnassum
 Vultu recussem, scilicet tuâ causâ?
 Vix (crede) cuiquam plenioribus Musis,
 Phœboque proniore, quàm tibi, scribo.
 Et sic mereris. Optimo tibi pectus
 Luto Prometheus temperavit ac finxit,
 Ab innocentis mox puertix vere,
 Eluxit illa mentis indoles celsæ,
 Et literarum fervor, & fames famæ,
 Ætatem, amice, adhuc puer triumphasti,
 Nihil moratus illa probra Musarum,
 Non assis, aut unius æstimans flocci
 Illiteratam nil agentium turbam,
 Natos Vacunæ, literarias feles,
 Ex quo Lycæum hoc Varnicum salutasti,
 Nihil remittis de labore, sed sanæ
 Furore mentis ad sacella doctrinæ
 Gradu citato passibusque grassaris.

Per disciplinas , per scientias omnes
 Cum laude ferris , cumque laude versaris,
 Ita ardor ille , fervor ille disceudi,
 Cordis perussit igneum penetrale.
 Non gloriaris fortis helluo dici,
 Non mentis ignem flore Liberi frangis :
 Sed es sititor acer omnium rerum,
 Quas jura lethi temporisque non tangunt.
 Hæc cura versat non domabilis sensus,
 Somnosque rumpit , hic apex tui voti.
 Hæc te cathedræ causa sistit in præsens,
 Quâ sanctiores disputator illustras
 Legum recessus , Juris Imperatorum,
 Vindex severus. Impetus tuos Numen,
 Precor , secundet ! tuque , flos juventutis,
 Famæ theatrum gloriosus adscendas,
 In sensa juris mentis explices robur ,
 Plaudentiumque justa colligas vota.
 Vox omnium una hæc , erudite MORHOE !
 ASTRÆA VIRGO JAM TIBI INFULAS NECTIT.

Andr. Tſcerningius, P. P.

Serenissimi ac Celsissimi Principis & Domini,

DOMINI CHRISTIANI,

Ducis Mecklenburgici , Principis Vandalorum , Swerini,
 Ratzeburgi , Comitis Swerinensis , terrarum Rostochii & Star-
 gardiæ Dynastæ , Magnificentissimi Academiæ
 hujus Cancellarii ,

Consiliarius , Acad. Orat. Phil. Colleg. Senior,

LAURENTIUS BODOCK, J. U. D.

L. B. S.

Advenit hodiernus , Mensis hujus Februarii vigesimus sextus,
 faustissimusque dies , qui *Serenissimum ac Celsissimum Principem*
& Dominum , DN. GUSTAVUM ADOLPHUM , Ducem Me-
 cklenburgicum , Principem Vandalorum , Swerini , Ratzeburgi ;
 Comi-

Comitem Swerinenſem, terrarum Roſtochii & Stargardiz Dynaſtam, Dominum Clementiſſimum, in hanc communem vitæ produxit lucem. Quem cum ſumma animi voluptate, publica긑ue hilaritate, ACADEMIA hæc celebrare exoptaverat, niſi inſperatus proſ dolor! & acerbisſimus luſtus, (quò *Celiſſimus* hic & *Glorioſiſſimus Principi*, ob præmaturum primogeniti ac exoptatiſſimi olim filioli, excelsiſſimi Spiritus, animique integerrimi *Principis*, DN. JOHANNIS, è rebus morſalium ſecefſum, conficitur,) Eandem ipſam, ab illa ſolenni, quam paraverat, feſtivitàte, ad ſuſpiria ac gemitus abſtraxiſſet; Conſdolere quippe tot beneficiis obſtriſtiſſima, mœſtiſſimo *Principi*, & vel mutuis lachrymis, in hoc funeſto caſu, gratiſſimam ſuam erga eundem luculenter conſteſtari mentem debuĩt; ne videlicet eorum, & qui haud digni ſunt, quos terra alat, numero cenſeretur, qui ſubito & impudenter aliorum erga ſe merita ac benefacta ad ſempiternam conſdemnant obliſvionem. Sed quid tandem, hoc Virtutum & ſcientiarum, ingeniorum긑ue immortalitati conſecratorum *Delubrum* faciet? annè ob hanc præſentem triſtitiã & ægritudinem *Celiſſimi Principis* DN. GUSTAVI ADOLPHI, Patroni ſui munificentisſimi, quæ officiĩ & pietatis paternæ promeretur gloriam, natalem illiusmet felicisſimum horrendò mœſtiſſimo긑ue ſupprimer ſilentio? Abſit tam vilem & abjeſctam, de hac Virtutum, Sapientiæ, & Eruditionis *Orficinã* concipere opinionem; cujus animum non anceps & vacillans quædam de immortalitate, poſt obitum, animarum ſententia, ſed vera CHRISTI JEſU fides illuſtravit, & quæ ex ſcripturâ divinitus inſpirata pro certo ſemper habuit, eandem긑ue aliis inſtillavit ſemper certitudinem, nempè non cum corporibus ipſis ſtatim interire mortalium, multò magis Heroum animas, ac *Celiſſimum Principem*, DN. JOHANNEM, poſt tam celerem vitæ hujus miſerrimæ finem, æternam illam ac intellectu puſillò incomprehenſibilem felicitatem auſpicatum eſſe; qui jam pro pauculâ hæc terrâ cælum univerſum, pro terrenis cæleſtia, pro transitoriis permanentia, pro ſeipſo DEUM ipſum immenſæ Majeſtatis ac bonitatis poſſedit. Quocirca Academia hæc præceptis ac inſtitutis ſapientiæ Chriſtianæ communita, conſternatum recolleſctura animum, indolem긑ue magnanimæ virtutis illuſtri documento expromptura, non vult diem hodiernum, *Celiſſimod긑 Principi*, DN. GUSTAVO ADOLPHO, Nutritio ſuo benigniſſimo natalem, taciturnitate aliquâ (uti infami ingratifſimæ mentis teſtimoniò) prætereire. Quæ Proximè ſequenti Die Martis, in majori Auditorio, hora nona ante meridiana, admiſſura eſt inſignis indolis

lis, egregiæque eruditionis, magnæ spei Juvenem, gloriam Viro-
rum, qui monumenta ingenii & doctrinæ, per Orbem literarum,
disseminarunt, DEO auspice æquaturum, nempe DANIELEM
GEORGIUM MORHOFIUM, Vismariensem. Quæ cum
summæ Academiæ prolebi, *Carminæ Heroicæ*, inventionis acumine,
verborum splendore, sententiarum gravitate fragrantissimò, nata-
lem *Celsissimæ Principis & Ducis* DN. GUSTAVI ADOLPHI diem,
submississimè honorabit, *Divinæq;* supplicabit *Bonitati*, ut intra con-
firmatam plurimorum annorum felicitatem tam expetitam tamque
salutare Academiæ Provinciæque tempus auspiciatò sapissimèque per
hanc vitam reducere velit. Ad hunc itaque laudatissimum atque so-
lennem Actum, Ego, ratione muneris & Provinciæ meæ Academi-
cæ, *Magnificum* inprimis *Rectorem*; *Reverendos* plurimùm, *Excellentis-
simos*, *Amplissimos*, *Experientissimos*, *Clarissimos Dominos Professores*,
Omnium Facultatum Doctores, *Licentiatos*, *Verbi DEI Ministros*, *Philos.*
& Art. Magistros, *Nobilissimam* denique *Studiose Juventutis Coronam* de-
centissimè, & peramanter invito ac obsecro; ut laudabili huic, exag-
geratæque virtutis ac doctrinæ Juvenis hujus conatui; neque solum
ingenii ac eloquentiæ specimini, sed potiùs supremo pietatis mune-
ri, *Celsissimo suo Principi*, & à quò clementissimum Musarum suarum
Patrocinium experitur, devoto ac consecrato, suam celebritatem
ac frequentiam impertire non dedignentur; simulque conjunctis
cum Academia suspiriis, pro *Optimorum Principum*, *Celsissimi* scilicet,
DN. CHRISTIANI, ac *Celsissimi* DN. GUSTAVI ADOLPHI,
incolumi ac diuturnâ felicitate; (in quâ unicâ, & Provinciæ & Aca-
demiæ fulcitur felicitas) vota religiosissima, ad supremum omnium
bonorum Largitorem, DEUM præpotentissimum, facere non
morentur; Optimè edocti, inæstimabile hoc esse DEI clementissimi
munus; quod videlicet Provinciæ, Academiæ, & urbi huic, *Prin-
cipes Virtuosissimos* benignissimè concesserit; qui subditos suos pro-
priâ vitâ chariores habent, & qui, inter tam horrendas novi pro do-
lor! belli tempestates, omni conatu semper nituntur, ut imperium
suum non modò salvum, sed etiam longè florentissimum con-
servent. Dab. ex *Ædibus AQUILÆ*, die 26. Februarii,

Anno DOMINI M. DC. LX.

Ad Clarissimum VIRUM
 DN. DANIEL. GEORG. MORHOFIUM,
 PORTAM EXCELLENTI,
 SERENISS. DOMINI GUSTAVI ADOLPHI,
 DUCIS MECLENBURGICI,
 DOMINI CLEMENTISSMI,

Cum anno clō lōc LX. die 26. Februarii, vigesimum septi-
 mum ætatis illustrissimæ annum, inter planctus, quos Celsissimi Pri-
 mogeniti JOHANNIS, excell. record. funus & fundi Mecleburgici
 præsens calamitas expresit, absolveret, & vicesimum octavum bo-
 na spe futuræ propediem viridioris & masculæ suppullularionis,
 ac Ementationis temporum, inchoaret,

Natalibus Celsissimis Heroico carmine applaudentem.

ILLUSTRE fidus, splendor Orbis Arctoi,
 Et BURDEVINI sanguinis decus summum,
 Spectaculum & compendium tot Heroum,
 Tremenda quorum bellicosa Majestas
 Magno Nepoti celsa jura transcripsit,
 GUSTAV-ADOLPHUS, cujus inclutum pectus
 Fibrasque Pietas occupavit excelsas,
 Dum tertium post quina lustra Natalem
 Princeps celebrat, nuncupavimus vota
 Pro gloriosa faustitate GUSTAVI,
 Inter tonitrua bellicosque terrores
 Domusque celsæ funerale lamenrum,
 Sonuere voces publicè triumphales:
Gustav-Adolphus, Principum decus, vivat!
Cælo salus, Pax fida, Sanguis augeat!
Fluant sereno secla læta GUSTAVO!
 Tu Balticæ devotionis interpres
 Solemne Carmen, vota, vanus haut Vates,
 Pro Principis nostri Salute dixisti.
 Quod noster ordo, Varnus omnis audivit.
 Et nunc quod humile pectus & pium voto
 Dedit modesto, dedicas sacro ritu
 Doctumque munus, Principum optimo, chartas

Afram clientis, mentis obsides grata,
Castum Poëta candidumque libamen

Offerst quod ille, Mecleburgicas terras
Rosamque nostram, quo solet, serenatus
Dignabitur vultu videre clementi,

Tuisque pleëtris Censor æquus applaudet.

200 Frustra, MORHOFI, carmen expetit nostrum.

Nunquam, Poëta pessimus, Poëtarum,

Ungves momordi, pulpitumve cecidi.

Jam Charta prima vestra possidet pondus.

Dedit Cupressus illa nobiles palmas.

Nos voce juncta gratulemur Heroi:

Sospes super sit cura nostra GUSTAVUS,

Decusq; grande! nulla tam sanctum nomen

Violat procella, fæda nulla tempestas:

Sed fluctus omnia, æquor omne mitescat!

Qui funeralis Principi juventutis

Fuit JOHANNI, sit diu triumphalis

GUSTAV-ADOLPHO Februarius mensis!

Superque tractus fornicesque flammantes,

Super superum theatra cella, ubi cælo

Premisit amplum splendida decus famæ,

Seros ADOLPHOS ætheri suo reddat!

Sed occupabit vota, credo, Quincilis,

Plausus novellos & Genethlior cantus

Nos poscet INFANS. *Mas sit is! Sic Augustus!*

Facundia tunc non theatra lugebunt.

A. Varenius.

Hercum decora alta & sceptrum superba regentum

Et fasces Sexti non nisi Varro canat.

Non scandat Macedum, magnique trophæa Philippi

Chærilus. Oceanum non capit unda brevis.

Ilias excelsos rapit usque ad sidera reges,

Atteritur parvâ laus generosa lyra.

Tu cane Pompejos, dic magno carmine Pyrrhos,

Et quicquid vasto subrigit orbe caput;

Te cedri patulæque decent trans fulmina lauri,

Attenuat Musam pressa myrica Tuam.

Quà patet æther, abi! jubet hac DEUS ire MORHOFUM
Ingenio minor est tantula terra Tuo!

L. M. Q. scribebam

Josua Arndius

IN HONORES PHILOSOPHICOS.

Virtutis veteris, politionum,
Lingvarum Sophiæque Candidate,
Post hæc gloria magna Wandalarum,
Virtus elevat, ecce, te gradatim,
Miscet te superis tuumque nomen,
Tollit tergeminis ad alstra votis!
Sit felix! Sophiæ teneto pondus!
Parnassus Tibi, Amice, plaudit omnis
Grataturque Helicon suo Poëtæ
Felix conjugium Sophi & Poëtæ.

Celerr. Amicisimo suo

A. Varenius

Unde aliis cursus, laus hic Tibi constat arena;
Nec quò plaudentes progrediantur, habent;
Ipsa Tuis annis quæ nunc sese orbita versat,
Virtutum spatiis vincitur ampla Tuis.
Differis & fundis, meditaris, scribis & ornas,
Quicquid agis, pariant Pallas & alba Venus.
Nam quantum gravitatis habes dominante Minervâ,
Ingenio tantum luxuriante places.
Sederunt caveæ, missa est prætoria mappa,
MORHOFIUS studii singula puncta tulit,
Certarunt Nymphae, certârunt carmine Musæ.
Præconem sese Solus Apollo dedit.
Nam post quæsitæ HEINSI GROTIQUE Camænas,
Dignior ingenio non erat urna Tuo.
HUGO quod ad laurum Geinandi dixerat, & quod
HEINSIUS in lauros scripserat ipse Suas,
(Major enim deerat) Tibi nunc imponit Apollo,
Cumque Lyra famam tradit utrique Tuam.

Sis felix! tantasque inter tibi serpere lauros
Æternæ palmam sedulitatis ama:

Josua Arndius.

A Spice surgentem MORHOFI ad maxima mentem,
Qui tuus à pueris, Optio, Phæbe fuit.
Hunc nunc Augusti doctissima puncta Roseti
Ad laurum voto commeliore vocant,
Hic ubi tantorum miracula magna Virorum,
Semper, adorandò sic Jove dante, vigent.
Ergò tui æternâ mactus mercede laboris,
MORHOFI, Clariâ condecorande coma!
Accipe victrices, victorum præmia, Laurus,
Accipe conjunctum, jure jubente, decus,
Et tibi fama suis famuletur nobilis alis,
Et laus, & genio Gloria digna tuo.
Hæc spes est studii, spes est en sola laboris;
Cælestes genios non nisi summa decent.

Laurentius Bodock, Ph. J. U. D.

HENRICI SCHÆVII,

CHILONIO CIMBRI,

CASTOR ET POLLUX,

EPIPHONEMA

AD DOCTISSIMOS DUUMVIROS

JOHANNEM RÖLINGIUM,

CIVEM SUUM,

DANIEL GEORGIUM MORHOFIUM,

WISMARIENSEM,

UTRUMQUE POESEOS PROFESSORES

DESIGNATOS,

Jam etiam MAGISTRALI LAUREA insigniendos.

PHæbei Juvenes, par admirabile fati

Unius, æquali quos æqua sorte ligavit,

Quæ Fortuna poli diverso sydere cretos?

Quis similis vos ardor agit? quo numine corda,

Concita tam parilis sectantur premia palma?
 O pulcra invidia! ô superis contentio grata!
 Merferat in dulcem declivia lumina sompnum,
 Penè puer nostro cessus RÖLINGIUS olim
 A bimari patria & Codanz à Thery, Viadro,
 Vix admilla quies, cum protinus ardua Clio
 Et soror Uranie reliquæque ex ordine septem,
 Qualiter Aonia redimitæ in sede locantur,
 Atfulsere; Chelyn ferit altera & altera buxum
 Excitat, illa lyrâ vocem confundit opertam:
 Admovet ingenium quæque, & vult prima teneri:
 Dum modò quæ in bivio vidit juvenilibus annis
 Amphitryoniades; modò quæ Chironis in antro
 Vastator Phrygiæ, quæque illi junctus ibidem
 Forte Menæciades tulit à doctore bimembri,
 Concinuere pares intacti carminis æstro.
 Ille, ubi decussus sopor entheus, omnia corde,
 Omnia adhuc certis circumfert auribus, ac si
 Sumsisset modulos vera de voce sororum.
 Redditus inde sibi, cum dulci errore quietis
 Esse habitum frustra se sensit, plurimus ardor,
 Indè magis propius divinas noscere nymphas,
 Et mirari oculis, ipsisque amplectier ulnis
 Crevit ei: veluti ludentis imagine formæ
 Liriope genitus magis est accensus, ubi illa
 Non capitur fallasque manus & brachia vexat.
 Quid faceret Juvenis? nec quas vidisset amicas,
 Nec patriam, fontesque sacros, quos turba biberunt,
 Montibus an sylvisque magis, magis urbibus an sint
 Commodæ, an in superis Ganymedis pocula sumant,
 Noverat: inde animo multum confunditur ægro,
 Detrahitque cibus, & parvâ victitat undâ:
 Solus amor Nymphas liquido spectare sonoras,
 Et sociare manum, & molles versare choreas.
 Fortè suos inter mœrores omnia late
 Pensiculans, quæ nocte suâ conspexerat, olim
 Colligit & sacris me visum cœtibus illis,
 Pauca ministrando detritaue pleetra novantem,
 Et laceras chordas renovantem & lassâ gerentem

Barbita, cum melicæ cessarent carmine Divæ.

Ergo venit, poscitque viam, & me scire Dearum
Lustra, ait, haut temere me intercurrisse furori
Felicis somni, vultque ut vestigia monstrem.

Illi ego: quid facilis credis ludentibus umbris,
Fili, Persephones non omnis cornea porta est;
Est & ebur, per quod falsissima spectra feruntur.
Non tamen, en! deero: toto sectabimur orbe,
Si quæ fortè novis resonent concentibus, omni
Rimemur sylvæ & cunctas fugiamus ad undas.
Sunt faciles, promptæque Deæ quærentibus adstant,
Prostituuntque suas avidis cultoribus artes.

Audiit illa meus pangi MORKOFIUS, atque hoc,
Inquit: ego veni. Per te tua numina Musas
Perque caput Phœbi, per te tua carmina, Schævi,
Ascaniumque tuum, vestras quoque scandere bigas
Concede & socium sine me contendere callem!
Sunt mihi non aliis furiati visibus atra,
Nocte graves sensus, & eadem in sorte laboro.

Ergo venite, boni, dixi: cum Pegasus ultro
(Nescio quis divum dederit) cupientibus adstat,
Scandimus: ille volat super ardua, nubibus infra
Relictis vehimur: resonantia mœnia passim
Despicimus, cupidasque aures advertimus umbris
Cantatis memorum, montesque moramur opertos.

Jamque super stamus collis, quæ Ævandrius arces
Æternas fulsit: cum se miracula nobis
Mille dabant veteris Romæ: rediere theatra,
Balnea, festa, domus, altaria, funera, ludi,
Hippodromi, fasces, & cum Prætoris Senatus.
Tunc tuba se prodit, quæ non imitabile carmen
Evehit: hoc viridis sibi Mincius, hoc sibi felix
Mantua, Mœnas, Divusque Octavius aptant,
Par sonus à muris Sirenum nomine dictis
Papinius quæ grande tonat vincitque cothurno.
Imus in occidui porro indè cubilia solis,
Corduba ubi emeritos Hyperionis excipit axes
Hic Senecam & juvenis Lucani plectræ refingit,
Corpore Diva carens, quæ nil nisi ludicra vox est.

Hinc

Hinc retro frenum torquentes tecta Canopi
 Affectamus, ubi Stygii raptoris amores
 Rufini, Eutropii & Stiliconis fata canuntur.,
 Inde patrem septem per terras quærimus alti
 Carminis: hunc dum Smyrna sibi & Rhodos aspera raptant,
 Hunc sibi dum Colophon, Salamin, Chios, Argos, & ipsæ
 Munychiæ sedes hunc dum voluistis alumnum,
 Carpimus interea Thebana ad mania gressus
 Pindaricos audire modos: cum proximus ipse
 Se nobis aperit mons, qui petit astra duobus
 Verticibus mediaque hæret vertigine mundi
 Parnassus. Tunc turba meis ter terna videndam
 Se præbet mystis, repetitque incendia noctis
 Illius, & sacris ardorem è fontibus explet.,
 Infigitque labris non centum basia; & ore
 Carminis ætherei vires insculpit anhelò.

Ergò ubi eos docta ad Varnum cepère Roseta
 Ingenii mirantur opes, quas tenuior ætas
 Exerit, ut multis dubiam fecere palæstram.,
 Principibus sed & inde viris placuere: jubentur,
 Jam monstrare aliis modo, quas videre novenas.
 Nec satis ad cultum mentis, quæ Thespia vidit,
 Atria: continuis magis, ac magis undique curis
 Conquirunt sibi quæ passim vel terra, vel æther.,
 Humano patuere volunt sciri que labori:
 Eusebien vocat ille suam, Themis ille pudicis
 Devincit sacris sibi: nam cunabula rerum.,
 Occasusque vicesque, ingens Natura, tuarum.,
 Astrorumque vias, & quo se Svada tuetur,
 Liberior, quicquid tota dedit arte Cleanthes,
 Oraque Grajugenum & quid pulcris moribus aptum
 Ambo sciunt æquisque rotis super ardua currunt.,
 Jamque illis properè cedit diadema secundum,
 Quod docti procures meritis modò frontibus aptant.,
 Quàm non invideo vobis, mea cura: manete
 Laudibus insignes! durate per ora virorum!
 Usque quoad nostrum prodit par tale Lyceum,
 Quos geminâ pariter mactet Polyhymnia lauru;
 Quorum alter Preglam divino carmine stringat,
 Alter Varniacas effascinet ore Camænas.

S. P.

Quanquam planè scias, *Erudissime MORHOFI*, quantoperè tuâ causâ læter & exultem, dum gemino bearis honore, voluisti tamen, ut publicè gratulantium quoque intersim turbæ, quamque domi & in sinu de te foveo sententiam, eam inter omnes porro carmine votivo tester. Quare, cum negare quicquam familiaritati nostræ religio sit, ut te tamen in aliquo fallam, stylum muto, animoque meo obsequor hoc libentius, quo magis tibi, in quibus regnas, numeros largiri, foret.

Sylva ligna, vago mari addere undas.

Neque tamen causaberis, non conformem libello ferri à me sententiam, qui pro carmine obtrudam non carmen; siquidem non omnis ad numeros quasi damnata Poësis est, nec vicissim penè asseverem, quicumque comminiscuntur quicquam, & velut Arachnæ subolestelas ex se nectunt, quique tanquam equi Hispanici Austro spirante, concipiunt, eos Poëtas esse, quorum hodièque natio numerosa satis est, veniuntque sub iis, cum mendaces alii, tum ex parte Novellarum publicarum confarcinatores, quatenus nec visa, nec audita fingunt, famâque traduce ingentes propagant suam Poësin: rursum, *Amice*, recta monet ratio, ut huic accenseam generi omne Scriptorum & Commentatorum vulgus; cum namque veritas una sit & simplex, & nuda, qui fieri poterit, ut in tot millena codicum, millia excreseat? Cumque porro res maneant eadem, & de iisdem idem perpetuò verum sit, unde tot diffformes sententiæ, nisi ex diffformi parturientium phantasiâ, Poëseos matre vel sede? Quò apertè collimasse videtur argutissimus vester *Owenus*, cum epigrammate in *Polydorum Virgilium* sic ludit:

Virgilii duo sunt; alter Mævo, tu Polydore.

Alter. Tu mendax, ille Poëta fuit.

Verùm, si benignè minus de divinâ tuâ Arte locutus, & vocis fallaciâ imposuisse Tibi videbor, aut indulge id crasficulo Poëtæ, aut parata erunt paradoxa plustula alia, quibus Te fatigabo: verso namque velo dicam, non omne carmen esse Poësin, censente sic equidem Socrate; sive, non omnem Poëtam fingere, cum & vera narratio versibus offerri queat, veluti non omnis qui fingit, Poëta est. Certum

(k)

in-

interim hoc remanet, quicquid illius sit, maximam veræ Poëseos partem & stetisse olim, & stare nunc extra numeros & carmen, quod testabuntur fabularum illa delectamenta, sub quibus prisci, tanquam pampinis & palmitum quibusdam gratisimis umbris, pulcherrimas occultarunt uvas, & velut sub involucris ingentes sapientiæ Thesaurus reconderunt, quibusve, si mavis, tanquam auro gemmas quasque pretiosissimas incluserunt; testabitur idem elegantissimus Poëta *Æsopus* Apologis suis prudentissimis, & nostris seculis, quotquot Historias Poëticas, sive sub Amadisi, sive Arcadiæ, Arianae, Dianæ, aut alio quocunque Pastoralis nomine luci donarunt & usuræ publicæ, quæ modò castæ sint, eò minùs vapulabunt, cum & nuper Theologi ejusmodi Poëses sese non esse indignas editis scriptis demonstrarint. Caterum, quid hæc, ais, ad Dionysum? Fateor, parum, nisi quod familiaris, quasi cum præsentē, lusus longius penè abduxit, quo me quoque dum hæc fingo, Poëtam asserere studeo. Veruntamen, *Amice*, nec tua, nec Poëseos tuæ magnoperè requirit causa, ut quicquam fingam, aut veritatis transcendam carceres. Cui non dictus *Hylas*? In confesso namque pridem fuit, Poësin quidem primariam quandam esse Philosophiam, quæ nos cum voluptate doceat, sive, prout *Maximus Tyrius Platonius* eam appellavit, esse Philosophiam tempore vetustissimam, compositionem autem numeris concinnam, atque sententiam fabularum involucris tectam: sive, cum *Erasmo*, esse ex electissimis quibusque flosculis constipatum mellificium, atque ex deliciis medullisque cunctarum disciplinarum conditam placentam, sive, cum *Fr. Bacono*, Poësin meritò divinitatis cujuspiam participem videri, quia animum erigit & in sublime rapit, rerum simulachra ad animi desideria accommodandò, non animum rebus (quod ratio facit & Historia) submittendo. Poëtas verò, quos Græci vel solos sapientes perhibuerunt, cum *Platone*, & Virtutum esse genitores, & Duces, & Patres sapientiæ, & Deorum interpretes, sive cum aliis, Musarum aves, quis denegaret? quorum effigiem, cum mirâ vi carminum in mediâ barbarie, si quis ad vivum expressam cognoscere studeat, is vel solam Orphei & Amphionis consulat vitam, per quos

*Et honor, & nomen divinis Vasis, atque
Carminibus venit.*

Jam si quis Te laudandum sumeret, is profectò vino Optimi cujusque palato dudum approbato hederam suspenderet; præstitit id autem
(præ-

(præter quod tua te magis magisque commendat cottidiè virtus) antehac, cujus nunc designatus successor cluis, *unicum elegantioris literature decus, Vir fide antiquâ, Andreas Tscherningius b.m. in Epænetico ob sanum illum Morbum, qui tibi ex Jure tum temporis nascebatur. Judicavit itidem sagacissimè de te Serenissimus ac laudatissimus Princeps, DN. DN. GUSTAVUS ADOLPHUS, Populi sui verè Trajanus, Musarum delicia, meliori ævo dignissimus, quique præ reliquis hisce in orâ bonas literas æstimare videtur, dum Tibi præcipuè ex tot procis petitam principali clementiâ addixit sponsam, non sine amplissimâ in posteaum conceptâ spe, quam velle fallere, nefas foret. Ut namque Poëtarum Aquila de Italiæ suæ ditissimâ terrâ,*

Quam gravida fruges & Bacchi Massicus humor

Implevere

nultâ cum laude canit, quod ibi sint *Bis gravida pecudes, bis pomis utilis arbor*; sic à feracissimo, ac felicissimo ingenii tui agro, tanquam inexhausto quodam ubere, indies novæ, nectantum Poëticæ, sed & Juridicæ, imò omnigenæ literaturæ, expectantur opes, præsertim cum messis ejus in herbescente adhuc & adolescente ætate jam maturuerit. Nec aliâ de causâ *Augusti nominis Dn. D. Varenii, profunde Vir insolentisq; doctrinâ, defecati planè judicii & stupenda memoria, quem debitâ cum reverentiâ nomino, tibi, æterno suo honore, Brabeus* existere, prudentissimâque manu palmam largiri, & glorioso philosophorum, quorum liber universâ hæc rerum natura est, quo associare voluit, quod quidem nunc felix, faustum, fortunatumque esse jubeat alma cælitus Trias, & te porro ad famæ Virtutis theatrum pleno grassantem passu clementissimè adjuvet, gratiæ rore riget, atque annare perennareque concedat. Vale. Per scripti Wismariz, 22. Julii, 1660.

Casparus Voigt.

Quod TRIUNUS DEUS BENEDICTUS in secula seculorum
Benevertat, ac Academiæ huic, imprimis Poësis Studiosis,
utile ac salutare esse jubeat,

Programmate hoc publico significo

SERENISSIMO CELSISSIMOq; PRINCIPE ac DOMINO,

DN. GUSTAVO ADOLPHO,
DUCE Mechlenburgico, Principe vetustæ Gentis
Henetæ, Swerini & Ratzeburgi, COMITE Swerinensi,
Terrarum, Rostochii & Stargardiæ
Dynasta,

DOMINO NOSTRO CLEMENTISSIMO,

Ad

PROFESSIONEM POESIOS,

In locum

Clarissimi & Excellentissimi

DN. M. ANDRÆ TSCHERNINGII, POES. PROF.
dum vivebat, celeberrimi

Surrogatum & vocatum esse,

Virum Præstantissimum & Eximium

DN. M. DANIELEM GEORGIUM MORHOFIUM,
WISMARIENSEM,

Qui cum cras hora 9. antemeridiana pro more recepto officii sui
Professorii partes oratione publica,

DE GENIO ET SPIRITU POETICO
auspicaturus sit,

Idco

Reverendos, Consultissimos, Experientissimos, Clarissimos
DN. PROFESSORES, DOCTORES, LICENTIATOS, Verbi divini MINISTROS,
liberalium artium MAGISTROS, Nobilissimam STUDIOSÆ juvenutis
coronam, omnesque adeo CIVES Academicos, item alios
literarum literatorumque FAUTORES,

Ad talem ACTUM publicum Introductionis,

Ea, qua par est diligentia invito

E G O

ALBERTUS WILLEBRANDT, U. J. D.

Cod. Justin. Professor & p. t. Academiæ RECTOR,

P. P. sub Sigillo Rectoratus die 16. Octobris, Anno M DC. LX.

Feli.

FELICI auspicio, MORHOFFI, munus obito,
 Quod Princeps desert, prospera quæque precor.
 Sis Tibi, sisque aliis, sis omnibus unus & idem,
 Orna, quam Spartam nactus es, intrepide;
 Amphibiis ne te socia: sed prospice semper,
 Ut constans uno corde animoque fies.

Albertus Willebrandt / J. U. D.

Cod. Profess. Consist. Duc. Assessor

& p. t. Acad. Rector.

Sic Tibi, MORHOFFI, vati pro fortibus ausis
 Egregiæ merces maxima laudis adest.
 Alcida ut quondam Herois post magna laborum,
 Et vel Abantiadæ gloria summa fuit,
 Isthmius, ut clarat pugilem labor: omnia vincis,
 Tu vatum nemus & fertile Tibur habes.

Celerrimè cum votis & precibus

appl.

Augustus Varenius, D.

Pærludit Tua Musa foro, quantumque Poëtam
 Exhibet in Cathedrâ, tantum mox sistet HUBERTUM
 POLLETO. Non una tuam satiabit arenam
 Vena fluens leni mixto torrente cachinno.
 Laudem carmen habet, picto Lex accubat ostro,
 Et majestatem parili sub jure tuetur.
 Quantum instar GOTHOFREDUS agit, quæ fama GEFANI
 Quàm nitidum FABER alte micas! quo Numine jaëtat
 CUJACII se docta Themis! quis scrinia CONTI
 RÆVARDI que neget magnis certare Catullis?
 Pauperis est numerare suas ex ordine dotes
 Ingenii, Te plura jubent dare vela per altum,
 MORHOFFI; Non ista manet Te laurea tantum
 Egregii versus; sedet hæc juvenantibus annis
 Incingitque caput mansura in secula laurus.
 Mox ubi Te tetigere sinus, atque alta Batavum
 Rura habuere suis sœvum decurrere campis,
 Jam Varno SCOTANUS eris. Pete pulpita NASO,

Et LABEO, magnique redi pars magna FABROT
 At Vos, ô Superi, quæqua ducetis amores
 Hos nostros, servate Decus, servate Poëtam,
 Ut canat æternis clementia Numina seclis.

Josua Arndius.

TSCHERNINGI vivit virtus post fata Poëtæ.
 Succedis tanto, doctè Poëta, Viro,
 Nec Tua, MORHOFI, virtus contenta Magistri
 Nomine; Quin titulus non satis unus erat.
 Altius alta novi surgit sapientia Væris,
 Atque PROFESSORIS munus onusque subit.
 Gratulor. Haud Virtus, Sapientia, casta Poëlis
 Permittunt, dignum laude perire virum.

Henricus Rahne, J. D. & Prof.

EJæ age, rumpe moras, MORHOFI, scande cathedram,
 Ad quam Te admittit grandior ordo Sophum.
 Aggredere Spartam (sic Princeps mandat) honoram:
 In Te TSCHERNINGUS dehinc redivivus erit.
 Grates pende DEO, qui tanto temet honore,
 Maëtat, uti Phœbum nunc imitere Patrem.
 Doctas tange lyras, & epos modulari sonorum,
 GUSTAVO-ADOLFO, cui placuere tua.
 Hic tuum ut adspexit GUSTAVO anagramma sacratum,
 Et quæ solvis avi ludiera iusta piz,
 Ingenium mirans juvenis geniumque poëtæ,
 Te mox TSCHERNINGI jussit obire vices.
 Donec fulgebunt GUSTAVIA nomina seclis,
 Nec tua delebit nomina livor edax.
 Hacce juvenia tulit: feret at quid serior ætas,
 Tempora cum fuerint judicio aucta magis?
 Ut nunc evexit temet suum Apollo clientem,
 Olim ita, crede, Themis evehet alma suum.

Joan Bernhard Zinzerling/
 A. M.

Miramur, Juvenis quod totum pectore Phœbum
 Gestas, atque ubivis illum promptissimus effers;
 Nec tamen istud agis, sed per civilia verlas
 Jura animum solers, & per decreta Latini
 Væjovis, & quicquid divinæ circulus ambit,
 Panfophiæ, nondum primâ lanugine malas
 Vestitus, sacraque comâ non tonsus Ephebus.
 Jamque etiam dulces tentas duxisse Camœnas,
 Castaliosque aliis penitus recludere fontes
 Incipis, & sacri non portio parva senatûs
 Esse, dature brevi, modò fata benigniter adsint,
 Clarum Justitiæ Mystam, Jurisque Patronum.
 Jamque capis sponsam Tibi, *florētissime*, laurum
 Ex merito, *Vates*, quam non injuria secli
 Nimborumque potest, nec dens abolere malignus.
Usque adeò Phœbi, es similis, quem prisca notavit
Ætas intonsum juvenem, Sophiesq; Parentem,
Præsidiumq; chori, lauru Parnasfide cinctum!
 Accipe, & æternis divina Poëmata signa
 In foliis, Pater ipse Tibi quæ dictat Apollo,
 Queis non ulla mihi mage complacere Novorum,
 Nec Veterum meliora tuis, seu viribus altis
 Verborum, rebus, vel acumine, sive modorum
 Contentu & numero, per quos diffunderis unus
 Omnes arte pari, quod competuisse priorum
 Cuiquam, vix memini, certè & fors est ea rara.
 Miramur, meritoque hilari tibi plaudimus ore,
 Nostræ gratamur patriæ, superosque rogamus,
 Ut doctum superesse velint caput, utque MORHOFI,
 Te non invideant Nobis, seròque reposcant.

Wismariz 29. Sept.
 Anno 1660.

*Clarissimo & Excellenti Poëta, Amico non
 vulgari, DN. MORHOFIO, Philos. M.
 partem Professoriam gratulor, felicitatem
 vobis*

Casparus Voigt.

EPIGRAMMA

Famæ & Honori

VIRI Clarissimi & Consultiſſimi,

DN. DANIELIS GEORGII MORHOFII;

Artium Liberal. & Philosoph. Magistri,

Ac in celeberrima Academia Rostochienſi Poëſeos Profeſſ. publ. & ordinarii, hospitis ſui honoratiſſimi; cum publicè pro ſummis in utroque

Jure Honoribus conſequendis Jus Silentii
defenderet,*Amiciſſimè dicarum.*

CRedita cæca Tuis quondam eſt Aſtræa Poëtis,
 Aſt eadem in ſcenam nunc Tibi muta venit
 Harpocrates oret cæco ſub judice cauſas,
 Nec tantâ ſtreperum lite tribunal erit.
 Miramur lingvæ facunda ſilentia veſtræ,
 Et juvenem genium fama loquetur anus.
 Gratamur, MORHOFE, Tibi, Friſonumque Lycæum
 Sic Cathedram vellet ſæpè ſilere ſuam.

L. Band / Norcop. Gotho,
 Phil. & J. U. D. ac Prof. Publ.

VOTA

IN DISPUTATIONEM INAUGURALEM,

DE JURE SILENTII

&

LAUREAM JURIDICAM,

Ab AMICIS dicta.

Sic rectè anticipas juveniles mente ſenili
 Annos, & tangis, quod Tibi conſtat, ebur.
 Veſticipum non auspiciis præludere, laus eſt:
 Laus eſt, ante annos quod meditaris opus.
 Magnum opus; his quondam, credas, pro fortibus auſis
 Egregiæ merces maxima laudis erit.
 Hæc fuit Alcidae poſt tot ſperata labores,
 Hæc & Abantiadæ gloria ſumma fuit.

Post visos Batavos & cinctos fluctibus Anglos,

Nunc titulo nobis fulgidiore redis.

Gratamur. Themis applaudit, Parnassus & omnis

Latus agit festos, sole nitente, dies.

Celerr. Amico & Collegæ

Augustus Varenius, SS. Th. & Phil. D.

Hebraicis & Catech. Christ. Prof. Publ.

DOctorem Juris nunquam benedictio CHRISTI

Linqvit, si ipse tamen justitiam sequitur.

Es Doctor Themidos, sequitor justumque piumque:

Sic Tecum CHRISTI Gratia semper erit!

*Cum voto amplissima benedictione
scrib.*

Henricus Müller / Theol. D. Pr. P.

& ad Div. Mariæ Archi-Diaconus.

Multi loquuntur, qui tacerent rectius.

Nam differendo nil parumve differunt,

Aguntve, quàm suam quod ignorantiam

Linguamque prodant absque garrulam sale.

At Te, MORHOFF, literis & artibus

Bonis Vir erudite, JUS SILENTII,

Ars, æquitas, amor scientiæ loqui

Et *disputare de SILENTIO* jubent.

Rectè. Laborem suscipis laudabilem

Ac utilem tibi probisque plurimis.

Silentium præstare rebus optima.

Virtus ut est; sic est opus pulcherrimum,

Quæ jura sint silentii, non tradere

Silentio. Merces Tibi vel præmium

Contingat, opto, dulce. *DE SILENTIO*

Doctè loquentem Te loquantur sidera,

Te culta nesciant tacere pulpita.

Stat interim mercede tutâ præditum,

Dotesque multas continet SILENTIUM.

Rastochii scrib.

Henricus Xabne / J. D. & Prof.

(1)

Car-

CARMEN MORHOFI, quod Tuis honoribus
 Debere memet confiteor, jure exigis:
 Sed annè nummos dives quæso pauperem
 Benè rogavit; aut aquam Oceanus parens,
 Qui cuncta nutrit flumina, stagnum breve?
 Quum carmen ergò non queam & Musa abneget,
 Animum capellas & vetus FELICITER.

*Honoribus meritis Consultissimè En-
 dissimiq; VIRI*

ita animitus applaudit

Christianus Klein / D.

MORHOFI Vates, non Tecum carmine certo,
 Carmine quis valeat Te superare suo!
 Nec cantare tuas annitor Carmine laudes,
 Quæ poscunt sacrum Virgilii Ingenium.
 Votum pro doctis ardens Tu suscipe metris,
 Delicium Varni, Deliciumque meum.
 Gratulor ex animo, rediens quod salvus, honore
 Doctoris summo condecoratus oves.
 Gratiâ Te Cœli porro comitetur ubique,
 Ex voto ut quævis prosperiore fluant!
 Possidet omne bonum, JOVÆ cui gratia præsens,
 Præsens hæc Tibi sit, Teque salute beet.

Theodorus Suter,
 Reip. Rost. Consul.

DUm benè, MORHOFI, scribis de JURE SILENDI,
 Hæc vult sancta suo Te Themis ore loqui.
 Jus est fida suis præstare silentia rebus:
 Non tantum leges lingua diserta colit.
 En sequitur Te Fama, Tuis aquisima dictis
 Gaudet, ut in multis jura silentis amet:
 In Te non unquam. Dumque audit JURA SILENDI,
 Materiem, quæ sit semper in ore, capit.

L. M. Q. Hamburg.

Mich. Kirstenius, Ph. & Med. D.
 & Gymnas. Prof. P.

Quan-

Quando files, vel jura refers nodosa silenti,
De quo etiam tenuis-hac plurima pars siluit;
Nil Tibi me debere reor, vel pauca, MORHOFFI
Optime, nam tacitum parca loquela decet
Aut si plura voles, velut est affectio, ubique
Consensu tacito me Tibi finge loqui.

Wismaria
21. Nov.
1661.

*E silentio circa ipsum conticinium expergescens &
paucula hac doctissimo Tuo Silentio Lauream utiq;
merenti, meditatus, mand. consignavi, de quo te-
stor ipsas Mentes umbras & tacita conscientiam
Luna*

Casparus Voigt.

*THOMÆ BARTHOLINI, Medici & Polyhistoris summi Epi-
grammata de Carmine MORHOFFI in tract. Ejus De NIVE
conscripto, quod est inter Miscellanea
quartum.*

Dum Floccos scribo, lustrat Tua pectora Phœbus,
Et calet in niveo carmine nudus amor.
Frigus amicitias peperit, calor auxit amores,
Atque ex diversis concilianda fides.
Sic firma ex variis coëunt Elementa figuris,
Sic amor æterno tempore noster erit.

Aliud.

Hæc Tibi pro meritis, quæ mitto Epigrammata, MORHOFFI.
Candoris nivei sint documenta mei.

*FRIDER. RAPPOLTI, Prof. in Acad. Lips. celeberr.
Epigrammata in quadam à MORHOFFIO illi trans-
missa Poëmatia.*

IN MISSIONEM IPSAM.

Primicias, Strenas, selecta Epigrammata mittis,
MORHOFFI, Nostræ quid Tibi mitto rei?
Possem aliquid: nisi, ne nihil hoc sit, Amice, vererer.
Sic nihil. In Strenis das nihil ipse Tibi.

(1) 2

IN

IN MISCELLANEA.

Singula quæ condis, cur Miscellanea ponis?

Lauta an congestis secla imitare cibus?

Seneca Ep. 95.

Visa meo certè est olla hæc miscella palato;

Cœnari solis digna sed olla Diis.

IN EPIGRAMMATA SELECTA.

Quæ selecta tibi, mihi sunt Epigrammata lecta,

Et jucunda bonis, & piperata malis.

Nempè Epigrammaticos ætas non una lepores,

Nec vendit mordax Bilbilis una piper.

IN PRIMITIAS PARNASSI.

Principis auspiciis Parnassus in æthera surgit:

Carmine MORHOFI personat ille gravi.

Pace Tua liceat mihi dicere, Maxime Princeps:

Parnassi Vates alter Apollo Tui est.

IN CICONIAM.

MORHOFIO tristi sic dicta Ciconia lessu;

Ut passer vati, Lesbia pulchra, Tuo.

Auguror, hoc major mansura est gloria nostrum,

Passere quo melior est avis illa levi.

In Veneres

V I R I

Amplissimi & Consultissimi

DN. DANIELIS GEORGII MORHOFII,

J. U. D. & in Academia Kiloniensi Eloq. Professoris celeberrimi,

Poëtæ ingeniosissimi,

Amici conjunctissimi.

DUm Tibi Castaliis Veneres nascuntur in undis,
Dum Tibi Amor chartas imbuat ipse Tuas.

Quam Tibi scribo libens illectus amoribus illis

Et Veneres recolo, dulcis Amice, tuas!

Nam licet invita scribat mihi Musa Minervâ,

Non tamen invita scriptitat hæc Venere.

Hinc stimulant vestri; nostri hinc hortantur amores.

Et mea me docuit pangere metra Venus.

Unam,

Unam, nec totam Venerem pingebat Apelles:
 Tot Veneres Tibi, tot fingit Apollo Deas:
 Tot Veneres aliis fingis, tot pingis amores:
 Nec Tibi vera tamen parva, nec una Venus.
 Tu Venerem (quis non Veneris jam nomen adorat?)
 O venerare lubens! ô reverenter habe!
 Hujus ad arbitrium fortuna volubilis errat,
 Omniaque hac solâ Judice puncta feres.
 Quid Musas, quid Junonem, quid Pallada cures?
 Sola dat ingenium & nomina summa Venus.
 Ne Venerem jam finge Tibi, fac ipse Poëta.
 Fortunæ & Veneris sis faber ipse Tux.

Ericus Mauritius, J. U. D.

ejusdemque Prof. Primarius.

HOlisaticis Heliconâ novum sacraverat oris,
 Intuleratque omnes noster Apollo Deas.
 Vidit, & ingenuo succensus ab igne Poëta
 Dulcisonas struxit Carminis infidias.
 Mox ita virgineos in se convertit amores,
 Musarum castos insiliitque toros.
 Nascuntur Veneres, Pater est MORHOVIUS, alma
 Pierides nomen sed genitricis habent.
 MORHOVI ad Venerem reliquorum cedite versus.
 Hesperus hæc vobis, Phosphorus illa Patri.

A. Tribbechovius,

Sacr. & Civ. Hist. Prof.

In Funerum libellum.

FUnera post Veneres? quænam illa Tragedia? Quale
 Auspiciû nato Funeris ara dabit?
 Sic placuit Libitina Venus? dum cœlibe lecto
 Ceu cippo Veneres pingis alisque tuas.
 Fingis eas nobis Veneres, ni feceris ipse,
 Vix nomen retines, Docte Poëta, tuum.
 Ut nubas Musis, Veneri num Funera ducis,
 Impendisque tuas Funeribus Charites?

Audiit hos lectus proles Cythereia, quando
 Natalem venit concelebrare tuum.
 Tristis & extincta face, projectaque pharetra,
 Multa querens Paphias aufugit inde domos.
 Quid facies, facies Veneris cum veneris ante?
 Funeribusque illis quas dabis inferias?
 Omen at in facto est, deducta superstitie Vate,
 Natali lucem Funera luce vident.
 Funera vita dat ingenii, mox Funera vitam,
 Reddunt, stantque uno vitaque morsque loco.
 Atropos invidit, & cum sua Funera vati
 Cerneret æternos continuare dies,
 Deseruit furibunda colos, accedis ad illos.
 Funeraque hæc vates tæxis amica Tibi.
 Haud secus ipse suos accendit Funeris ignes,
 Vincit & ambusti fata suprema rogi
 Assyrius Phoenix carmen natale canentes
 Argutas volucres post sua terga trahens.
 Tu nostri es Phoenix sæcli, Vir inclite, vitam
 Funera cui reddunt, quam rapiunt aliis,

L. M^d f.

A. Tribbechovius,

Sacr. & Civil. Hist. Prof.

IN ADVENTUM

MORHOFI,

Carm.

David. van der Brügge.
 Schol. Lub. Sub-Rect.

Anno 1668. die 12. Novembris,

I,

Cum me conveniret.

Quis novus hic Hospes? nonne hunc comitantur Euntem
 Diva Themis, Pallas, Tresque Novemque Deæ?
Quis novus hic Hospes? non est mortalis. Apollo?
 Quem sese ore ferens! Sidera luce premit.

Maxi-

Maxime MORHOFI, Sol auree & unice Vatum;
 (Ingenio cujus Numen inesse puto)
 Maxime cur minimum non aspernare Poëtam?
 MORHOFIO Brügg! vilia tecta placent?
 Attonitus me extra raptor, quem maximus Orbis
 Non claudat, claudio limine MORHOFIUM!
 Et Sol exbriens nitidò scintillat in Auro:
 Auree sic Vatum Sol & Apollo micas.
 Aurea Tu quoties spargis per climata mundi
 Lumina, luminibus gaudia mille facis.
 Claud parvum reputo, quod maxima Gloria Phœbi
 Dignaris nostræ tecta subire domus.
 Nostra domus tantò cantanda superbiet Astrò,
 Atque Poëtarum Regia Solis erit.

II.

Cum modicò apparatu exceptus mecum cœnaret.

MORHOFIUM ad Cœnam tenuem, Tectumque vocabam;
 Ad Cœnam, ad tecti limina parva venit.
 Convivæ appono Cerealia munera, Carnes,
 Squamigeros Pisces, vilia pocla meri:
 Hospes at apponis mihi doctæ munera lingvæ,
 MORHOFI illustris, sisque vocate vocans.
 Tunc ego sic mecum: Conchylia, liba valete,
 Musta valete, vale nobile Nectar Apis.
 Sic mihi sordescit, dederit quod Terra, quod Aër.
 Quod dederit Nerei Regia vasta Patris;
 Sic, quas Phasis Aves, quas jactat Mysia messes;
 Et qui Laurenti nascitur Orbe liquor:
 Te Tua Cœlestis satiabunt fercula Vates;
 Fercula Nectareis anteferenda favis.
 Res nova! dum pectus relevant Tua flumina nostrum,
 Colligo majorem, quò mage poto, sitim.
 Cœnula qualis erat, quæris? tibi finge Platonis
 Divini cœnam: Cœnula talis erat.

III.

Cum libellos meos perlustraret.

Uide libros lustrare meos, divine Poëta,
 Quid viles Chartas pervolitare juvat?

Inge-

Ingenii Monumenta Tui Teque ipse revolvās,
 Quem Themis & Phœbus, quemque Minerva stupet.
 Extra Te noli, Vir Maxime, quærere quicquam:
 Et Musis, Mundo, es Bibliotheca Tibi.

IN PRIMOS ACADEMICOS FASCES,

die 5. Aprilis, Anno 1669.

Qui nobis toties canis, ô Divine Poëta,
 Æternâ meritò Carmina digna Cedro,
 Pœscere Musæo dulci contincta lepore,
 A nobis hodiè carmina jure potes;
 Dum Tibi traduntur Fasces, & Sceptra Lycæi,
 Purpureusque humeros pectoraque ambit honos.
 Sed quid enim argutos Passer strepat inter Olores?
 (Extremum Cycni sit nisi fortè melos)
 Quem de Ponte Senem juxta ac de Monte minantur
 Trudere, queis medio est nunc Helicone locus.
 Nec cessabo tamen pannis annisque obsitus, algens,
 Tardus, iners, cæcus,olvere vota Tibi.
 Scilicet egelidi quoque vota calentia Vates
 Ex animi penitus fundere mente queunt.
 Ergò subito humeris Onus, Atlas, inter Honores,
 Durum; sed levius rite regendo geres.
 Fallor, an Ordo Patrum, atque adplaudit uterque Senatus?
 Concordes animos debeat Ille Tibi.
 Fallor, an adsurgit florens Academica Pubes?
 Et facili gaudet subdere colla jugo.
 Sic Tibi Ver latum, formosa & rideat Æstas,
 Fructusque optati centupla dona ferat.
 Nulla Tibi spirent, nisi Etæsia mitia flabra,
 Este procul, procul ô! Turbo, Procella, Typhon.

Ita serîo gratul.

Paulus P. F. Esperling / SS. Theol. D.
 & Prof. Ordinarius,
 per Holsatiam Ducalem Præpositus.

Quis fragor ex adytis? Quæ surgunt júbila cælo?
 Dulcia plaudentum quid sibi verba volunt?
 Et quis is est, summo qui stat modo colle? MORHOR!
 Cerno ora, & fertis tempora compta suis.
 O salve! Eoo, quo fulges, pulchrior, auro,
 Candidior sceptris, quæ Tua dextra gerit.
 Salve! Pieridum cura, & prænobile pignus,
 Nec minus in memori pectore noster amor.
 Quam vellem plenis Tibi carmina dicere buccis!
 Quam vellem assiduâ tangere fila manu!
 At minus hæc nostro respondent carmina voto,
 Nec fidibus canitur pectoris ista fides.
 Ergo utinam nostro vulsis è pectore fibris
 Vocalem possem nunc animare chelyn!
 Atque utinam penitis erumpens flammula cordis
 Pectoribus, primis viveret in labiis!
 O mihi si cunctæ fluerent in carmina venæ,
 Atque omnes nervos colligat una manus!
 Tunc exorta dies, tunc clauso vesper Olympo,
 Nox ipsa Aonium continuaret Epos.
 At modo cum nequeam parili præcordia chorda
 Explicuisse, piam pectine lasso manum.
 Et fateor, desveta fere est mihi chorda, chelysque
 Cum tineis bellum pulverulenta gerit;
 Et gemmis spoliata suis, auroque refixo,
 Imbibit horrentem non benè tersa situm.
 Quin mihi jamdudum, nec visa Heliconia rupes,
 Nec mea Pegaseis planta rigata vadis:
 Dum prærupta Tzion, atque Acroceraunia Sinæ,
 Culmina præ molli vertice dura placent.
 Floriferos fugio saltus, & Thessala Tempe,
 Nunc ubi Gethsemane sangvinolenta patet.
 Castalidum rivos & flumina quærere sperno,
 Cum Clario nequeam fonte levare sitim.
 Et quamvis nigram referat mihi Kidron arenam,
 Et cineres volvat, me tamen ille juvat.
 Phæbejas temno laurus; quia Rhamnus honori est,
 Et pariunt lætum spinea ferta decus.

Nec curo valles, gelidasque in vallibus umbras,
 In Golgatheo vertice molle cubans.
 Hic mihi latisonum pandit Calvaria templum,
 Fœnerat hic titulos Crux inhonora meos.
 Sic, O Amice! mihi, Clariis qui sedibus exul
 Divagor, antiqua non licet ire via.
 Semita trita Tibi est, quia Tu vestigia nosti.
 Ungula Gorgonei quæ nova fecit equi.
 Tu niveos puro latices in gurgite misces,
 Atque iterum patulo fonte recludis opes.
 Da, precor, inde? Negas. Tua nec præconia passus,
 Siftis aquas, isto savior imperio.
 Ergo cum nequeam meritas Tibi dicere laudes.
 Et nolim vanis perdere verba modis:
 Verba prece, & solo contestor gaudia nutu,
 Atque Tuis animis nunc quoque condo meos.

L. M. Q. gratulatur

A. Tribbechovius

EUGE. BONUM. FACTUM.

RECTOR. Salutatur. Academix. Qui. Rector. Fuerat. Musarum.
DANIEL. GEORGIUS. MORHOFIUS.
 Occupaverat. Ille. Pridem. Utrumque. Parnassi. Collem. Cyrrham.
 Et. Nisam.
 Illum. Quidem. Ut. Poeta. Hunc. Ut. Orator.
 Vnde. Nunc. Mutæ. Dant. Illi. Se. In. Clientelam. Et. Charites.
 Illæ. Vt. Sorores. Hæ. Vt. Sociæ.
 Vestram. Itaque. Fidem. Ingenuz. Virgines. Noñe. Bene. Conveniunt
 Plectræ. Et. Sceptra.
 Tonus. Et. Thronus.
 Scilicet. Optima. Sunt. Imperia. In. Quibus. Agitur. Harmonice.
 Vbi. Non. Minis. Cogitur. Populus. Sed. Allicitur. Cantu.
 Nec. Terretur. Sed. Demulcetur.
 Lingua. Certe. Lingula.
 Imperiorum.
 Illa. Qui. Recte. Vritur. Momenta. Bene. Librat. Et. Lances.
 Dispensat. Juste.

Felix

Felix. Itaque. Rectore. Hoc. Senatus. Populusque. Eruditorum.
 Quandoquidem. Optime. Agitur. Cum. Aut. Philosophi. Imperant.
 Aut. Qui. Regnant. Philosophantur.

Imperat. Autem. Nobis. Philosophus. Et. Imperat. Philosophice.
 Orat. Causam. Vt. Orator. In. Aula. Facit. In. Academia. Vt. Poeta.
 Qui. Causa. Itaque. Cadere. Possit.

Quemadmodum. Regi. Apum. Deest. Aculeus. Sic. Et. Rectori.
 Nostro. Philosopho.

Id. Quod. Cogit. Suada. Est. Quod. Terret. Cantus. Et. Quod.
 Pungit. Acumen. Est.

Idque. Non. Gladii. Sed. Ingenii. Quodque. Imperat. Merum.
 Mel. Est.

Et. Construendi. In. Vfus. Nostros. Favi.

Omni. Itaque. Temporis. Puncto. Illi. Inserviendum. A. Quo.
 Minime. Pungimur.

Illi. Obediendum. A. Quo. Juvamur.

Nam. Prodesse. Volunt. Et. Delectare. Poeta.

Ego. Nunc. Romanos. Imitabor. Qui. Proxresio. Ut. Regi.
 Eloquentiæ.

Statuam. Erigebant.

Tibique. Rectori. Musarum. Et. Eloquentiæ. Regi. Consecrabo.
 Statuam. Non. Phidiacam. Sed. Memnoniam. i. e. Vocalem.

Me. Ipsum. Scilicet.

Frid. Joach. Langelott.

In Obitum (falso creditum) Illustris & incomparabilis

N. DANIELIS GEORGII MORHOFII, J. U. D.
 Prof. Eloquent. & Poëseos celeberrimi.

Signetur grandi hæc scylla cupresso, Viator,
 penes quam Virtutes naufragantur,
 & in letum ruunt æterna.

Jacent in littore hoc oblitteratæ literæ omnes,
 Gemmæ arenâ, Musæ museo tumulantur.

Dabo statuam hanc Testem,
 & defuncti æternitati dicabo.

In portu Britannico, Numine implorato;

duplici cum Bibliotheca, seipso & coëmpta,
navigium intraverat,

Princeps poëtarum & poëta Principum
MORHOFIUS.

Otiabatur ab initio Oceanus
& virgineo pudore meretricia sua munera depasci patiebantur Ocea-
ut Orpheo suo parcerent (nitides
parcis postea minus paræ.

Nitidum inter nubes & nimbos coruscabat phæbus,
Ne tantam mundi spem spumæ interverterent.

Quassatis cannis, stipulisque adstipulabatur Thetys,
Ne latrantes Scyllas audirent Musæ.

Crederes ridente malacia, ineptire Neptunum,
dum odium benevolentia exorsus

Ludendo sæviebat, blandiebatur lædendo,
formosus magis in irâ, quam formidandus,
sed securitati huic sua erant pericula.

Nam subito, mutata scena, de nube cadens resurgensque procella,
duplici caligine noctis & mortis
pelago inhorruit,

decimoque revoluta fluctu
mugientibus immugit rostris.

Regebatur jam à clavo proreta, qui clavum frustra rexerat,
dum jacta tridente intonans Nereus
prosternit navigantes, ut erigeret; erigit Nau-
fragos, ut prosternet.

Allisoque in puppim Euro, & Euro sæviore Aquilone,
Improvisa Navi se infundit Nais.

Actum jam & conclamatum.

Natant disjectæ cum MORHOFIO Musæ,
donec innocuus nocentibus abmersus undis,
generoso efflatû halitu, fatis olorum consonante,
Limpidissimam divinus Vates aganippidem exhalavit,
O nubila factorum inclementia!

Bona sacrilegis datur Navigatio, turbulenta sanctis,
phaselum Boreas præterit, classes sternit;
Cujus gloria æthere incanduit, interit æquore.

Sol Musarum salû,
Cimbriæ Maro mari extinguitur.

O letum immortalī indignum!

Quo funere involventur homines, si semidei pereunt undis?

Quid diuturnum, si à fulmine tuti flumine absorbentur?

O! omnium quondam voluptas, nunc dolor omnium.

Luget Apollo tumuloque adstratus, MORHOFII interitum deplorat,
deplorandus ipse,

Lauru, cythara, pharetraque exutus.

Quid enim, silente MORHOFIO, Phæbi lyra, nisi delira!

Lugent Musæ, Tibique parenti parentant suo,
in quo renatæ antea, nunc denatæ.

Singulæ enim aut in Te spirabant uno, aut Tu unus in singulis.

Non Musæ amplius appellandæ, sed Mutæ:

Non Camœnæ, sed inamœnæ.

Quæ si cantent, dubites, cantentne Bubones,
an ululent philomelæ.

Quid enim Pieris, nisi piaculum,

Cui Urania similis, nisi Ironiæ?

Ipsi jam tardius fluvii ambulant,

& Leucothoë muscosis abdita cubilibus

pellucidos tenebris inumbrat thoros

& primo garritu ultimum Vale conchis insufurrat.

Tu verò, Mens æthereæ,

quæ & Tibi moriens & CHRISTO occurrere ausa
non maris fluctus enatasti, sed mortis.

Ultima hæc frigora, primi Tui calores fuerunt,

Funeris hæc lympa, Nympha Tua Nuptialis est,

quæ annuli loco æternitatem, loco dotis cælum offert,

& illuc Te perducit,

Ubi quam faciem mare sumpserat, sumptam deponit,

& beatissimæ, infelici hac relictâ, Insulæ Te sistit.

Batavia igitur & Britannia, altero in Oceano orbe perlustratâ

Orbem universum deseris,

& Septentrionem repetens, Orientem invenis
etiam in occasu.

A Batavis ad Atavos redux,

Non Anglis amplius junctus, sed Angelis.

Nectatur Vati Tuo Corona,

dulcissime JESU!

Et qui hætenus sibi, posteritati, & DEO laboravit,

æternâ solationum dulcedine imbuatur.

Nps Tumulum hunc linquimus

Tumulo nostro propiores,

brevi post tumultandi,

certi interea,

Multos salvos, qui merguntur; plures mergi,

qui salvantur.

f.

Joh. Georg. Pellicerus, L.

NOster Amor, nostri, MORHOFI, gloria secli,

Quæ scribam tædis carmina fausta tuis?

Illa quidem fido debebat Amicus Amico,

Si thalamis posset scribere digna Tuis.

Quæ defunt, supplet nobis amor omnia: digna

MORHOFIO scribit non nisi MORHOFIUS.

Ex animo gratulatur

Ericus Mauritius, Jctus,

Cam. Spir. Assess.

ALme Travi, Oceani Nymphis gratisimus hospes,

Sic tandem calidis laboris auctus aquis,

Jam cornu majore Tuas insurgere ripas,

Jam decet Arctos dissimulare nives.

Ille Poëtarum decus & Vis tota MORHOFUS

Sponsus, & ætherio Numine plenus adest.

Has tardas lege blande nuces! Da ferta Poëta,

Candidaque in croceis Lilia mixta rosis.

Da Laurus Hederæ, Da myrtum Virginis Umbræ,

Ut deceat castos illa vel illa choros.

Da virides oleas, Studiosæ præmia Noctis,

Aonjæ artes Palladis arbor amat,

Ille Poëtarum decus & Vis tota MORHOFUS,

Jam tuus attonitas surgere fecit aquas.

Ille solet Tiberis quiddam testudine majus,

Et canere ad Grajos carmina docta sonos.

Ille movet quicquid Germania possidet artis,

Et palmam Batayis reddidit ambiguam.

Si quis aquas ignis, si Cimbrica quis focus arva
 Incitat; Huc molem collige, CHILA, Tuam!
 At Tu, Sponse, meas præconia desine Musas,
 Nec tua per versus nomina quære meos.
 Plus tibi debetur, quàm quod persolvimus ulli,
 Sufficiant aliis carmina, Nulla Tibi.
 Sordescent Musæ, si tu Tibi carmina poscis,
 Cum par officio est ipse Poëta suo.
 Optatus toties, & tot dilatus in annos
 Sic sua jam tandem tempora carpit Hymen!
 Et qui sæpè soles alienas pingere flammæ,
 Ardendo melius jam canis ipse Tuam!
 NON POTUERE NOVEN MORHOFUM VINCERE MUSÆ,
 AT TOTUM POSTHAC UNA LUBECA TENET.

H. M. P.

Josua Arndius.

Cujus Principibus, cujus placuere Tonanti
 Carmina, cum castis conderet illa modis,
 Gaudia cunctantem thalami, nimiumque morantem
 Vidit ut in Roseis Chiloniisque choris,
 Risit Amor: Vates, inquit, ridere severos
 Fas, qui nullius Virginis igne calent.
 Quid Paphos? Idaliæ qui stabunt celsa Cythera?
 Quid Pæstana Rosæ jugera pulchra canit,
 Qui licet ingenio superet, cantuque Maronem
 In nostra tamen est ceu rudis arte puer?
 Sensit, & insolitos mox hausit virginis ignes,
 In vultus rapitur, quos sibi finxit, amor.
 Incusat nunc flamma moras, noctemque jugalem
 Poscit, jam soli displicuere lares.
 Jam sordent moduli, jam docti lustra Lycei,
 Infecit niveas flamma pudorque genas.
 Offensas inter Rosides Cimbrasque puellas
 Eligitur medio virgo venusta solo.
 Scilicet arbitrium sibi sumit jure LUBECA,
 Subscribit placidus, qui Tibi plaudit, Amor.

A. Varenius.

In

IN TE quid laudem magis, haud scio, Clare MORHOVI
 Lauriger es Vates, & Themidi arte litas.
 Sermone excellis Graeco simul atque Latino,
 Et vario potis es, cum placet, ore loqui.
 Si sociam jungas, pugnam non credo futuram:
 Dant Pallas, gratas, & Venus alma vices.
 Altera TE miscet doctis, beat altera gnatis:
 Utrumque ut faustum sit, precor, istud opus.

Gratulabundus depropenabat

Petrus Musæus, S. Theol. D.

& Prof. Prim. Pro-Cancell. p. t. & Fa-
 cultatis suæ Decanus, hodiè
 Pro-Rector.

CArmina Carminifex me poscis tante, MORHOVI,
 Carmina, quis tædis grater, amice, Tuis?
 Gratificarer ego Tibi, nî MORHOVIUS esses.
 Nunc nomen terret, magne Poëta, tuum.
 Scribimus indocti doctique poemata passim,
 Censuræ si non sit metuenda crisis.
 Sed Tibi quis versus ausit procudere, Vari,
 Qulem non ullum Doctior orbis habet?
 En igitur votum pro carmine: Cedere Cæli
 Ex voto vobis omnia faxit amor!

Christianus Kortholt / S. Theol. D.
 ejusdemque Prof. Ordin.

MAURUS ambit MARGARITAM, fuscus ille candidam,
 Pellicit doloque in *Aulam* comparem, non-pellicem:
 Imò *Maurus* ille pectus candidum est magis nive.
 Par amantum rite junctum, parque florens dotibus,
 Ambo amantes, & calentes ambo flammâ fervidâ,
 Ambo vultu, mente, verbis, ambo factis candidi.
Maurus arcu cum sagittis conficit Puellulam,
 Aut idem molitur arte, marre, technis omnibus;
 Imò amoris jam sagittis ipse sese conficit:
 Illa se defendit *ense* non-retulso masculè,
 Quem rotando, quem premendo, & hostis ictus excipit,
 Et rebellis semper infert mutuum vulnusculum.

Maure, semper Tu pharetrâ tela amoris promito,
 Parte quintâ imbuta sŕavis melleique neçtaris,
 Vulnerando dulcè Nympham quæ tamen magis juvent.
 Ense cæsim, & ense punctim, Nympha pulcra occurrito,
 Hæreat mucrone mucro, néve arenam desere,
 Sauciata sauciatum mutuò complectere.

Par amantum, à præliis in gratiam tandem redi,
 Sed jocosis, sed pudicis, sed minùs lethalibus.
 Porro ludum inite castum, jurgiis, rixis procul,
 Et perennis inter ambos floreat concordia.
 Par amantum vive longum, vive nomine, omine,
 Procreato uterque *Mauras*, atque *Mauros* candidos.

Serio gntulab.

Paulus P. F. *Eperling* / S. Theol. D.
 & Prof. Ordinarius, Ecclesiar. in Præfecturis
 Holsat, Ducal. Præpositus.

© D E.

Quid Tibi cultum satis exhibebit,
 Pasta Phæbéo minimè liquore,
 Quid canet Sponso, celebri Poëtæ,

Nostra Camæna,!

Invocem Baldi, vel opem Rosati?

Non aquam pumex dabit. Ergo, Sponse,

Te Tuos posco Veneres, Tuamque

Provoco Musam.

Hæc Tuam Sponsam, thalamum, domumque

Exprimet docto joca penicillo,

Et torum, mensam, lepidos amores,

Basia, murmur.

Sint licet tali studio occupati,

Atque rimentur Veneris latebras,

Vena quæis dives data, quæis Apollo

Proluit ora.

Abnuquit tales Themis alma ludos;

Cælibes, orbos tamen haut inultos

Esse vult, & lex repetit vigorem

Papia priscum

(n)

IIIe

Ille qui quondam tumidis procellis
 Vota commisi, bene vetus olim,
 Jam quidem SPONSIS meliora quæque
 Naufragus opto.

Ito felici, *Neonymphe*, vento,
 Sit comes fausti *Neonympha* cursus.
 Tu tene clavum, medio ut pererret,
 Gurgite lembus.

Si mihi forsan tabulam natanti
 Porriges, mutu Tibi, SPONSE, Cypris,
 Castor & Pollux etiam favebunt,
 Sidere lato.

Non mihi posco tabulam, periculum,
 Quò novum ponti redeat, sed opto
 Cum suis pannis requiescat udo
 Littore corpus.

Finis est cuncti requies laboris.
 In vado versor. Tibi, SPONSE, portum,
 Et Tux SPONSÆ teneros amores,
 Grator honores.

L. m.

Accinebat

Samuel Rachelius, J. U. D.

Jur. Nat. & Gent. PP. & h. Col-
 legii Juridici Decanus.

EXpetis applausus nostros & mollia cogis
 Pangere me tædis carmina, Sponse, Tuis.
 Verùm surda Tibi pulsantur limina; namque
 Nescia sunt Paphiæ barbata nostra Dez.
 Dulces amplexus & mellea basia lecti
 Innuptæ renuunt pleetra sonare lyra:
 Nec nòrunt vidui calami cantare maritos,
 Aut celebrare pii commoda mille tori.
 Sunt mage (ni fallor) Tibi talia cognita, Sponse,
 Dictasti nuptis sæpius ista novis.
 Ergò lude Tuâ, si quid potes, ipse avena,
 Nec residem floctam nunc patiâre chelyn.

Quæ

Quæ toties aliis dixi Dithyrambica Sponsis

Carmina, quæ elegos, denuo prome Tibi.

Prome Tibi rursus, quæ vota precatus es olim.

Tot thalamis, & sint irrita nulla Tuo.

L. M. scrib.

Magnus Wedderkop/ D.

& Cod. Prof.

SI mihi nunc faciles fluerent in carmina venæ,
Sedaretque meam Castalis unda sitim;

Non meus ille tuos amor exhauriret amores

Proque Tuis meritis haud mea vota forent.

Forſitan exirent verſus moduliſque ligati?

Cum tamen in juſto non ſit amore modus.

Et numeros legeres, velut hi ſunt, lege coactos,

Innumero dignus qui celebrere metro.

Immo ego ſi innumeros numeros Tibi, Maxime Vatum,

Et canerem juſtos abſque modo modulos:

Laurigerum viridi Phœbum redimire corolla,

Inque mare humentes ferre viderer aquas.

Ergo meos luſus, tenerorum luſor amorum,

Et joca præ longo carmine pauca cape.

Dic age; num veras Veneres depinxeris, & quæ

Det tibi præ piætiſ commodà viva Venus.

Pinxiſti Veneres, finxiſti; ſac modo; nomen,

Sic demum implebis, magne Poëta, Tuum.

Quotque Orbi Veneres peperixiſti, tot tibi rursus

Sed vivas pariat viva Venus Veneres.

Finxiſti Veneres admorſis ungvibus illas;

Utque Jovis cerebro exciſa Minerva fuit:

Sic tua ſic ſcalpendo caput feriendoque ſcamna,

Exſculpſit Veneres mens pariterque manus;

Nunc pigeat mordere ungves, Rhododactylos puxor,

Non morſu at lingua labra terenda dabit.

Neve caput ſcalpes, ſubjectaque pulpita tundes;

Mollis in amplexus En ruit illa Venus.

Deſino. Te abſentem Venerum quia cuncta ſequuta eſt

Turba, mihi non ſunt à pedibus Veneres.

A. Tribbecho, Collega.

(n) 1

NUCES

NUCES SPARSÆ AMICOR. HAMBURGENS.

I.

ET MORHOFUS HABET. Cypria gladiator arena,

Concidit: exclamat victor, amator habet.

O habeat! nil inde mali, nil inde pericli:

Imò cum fructu lætus amator habet.

II.

Et quid amator habet? non tantum in pectore vulnus:

Sed quod amat retinens, & quod amabit habet.

Res habet ille suas etiam, virgoque faventi

Sic favet, & pariter res habet illa suas.

Res habeas, MORHOFE, Tuas, habeatque vicissim

MARGARIS, & vobis mutua dona date.

Perpetuoque usu res permutate volentes:

Sic, quæ conveniunt, gaudia rebus erunt.

III.

Semper dicite: res tuas habeto

O conjux tibi. Dicitote nunquam:

Conjux, res Tibi Tu tuas habeto.

Pugnant, conveniunt, ut explicantur.

Et prudens Amor explicat, Themisque.

Et MORHOFIUS explicata novit,

Novit callidus, & sciens amandi,

Et juris, decus utriusque Divæ.

III.

Conjungit pedibus pedes poëta,

Conjungit pedibus pedes amator.

Et mirabimur, optimus poëta

Quod nunc optimus est amator idem?

Quod jungat pedibus pedes amator,

Ut junxit pedibus pedes poëta?

Et feliciter, ut poëta junxit,

Sic nunc jungat amator! atque fiet.

V.

Cum jungit pedibus pedes poëta,

Cudit carmina. Quid pedes amator

Conjungens pedibus? Nimis profecto

Res est clara, nimisque factitata,

Et semper facienda res: nec ullo
 In hac est opus Oedipo: vel ullo
 Si sit forte, suz poëta solves
 Hæc znigmata tota Margaritz.

VI.

MORHOFII virtus numeris perfectæ videtur,
 Omnibus, & quicquid defuit, addit amor.
 Ingenii vis tota coit. Debentur Amori
 Omnia: quod scribit fortius, atque facit.

VII.

En fingit vates vena saliente Camœnis
 Grata, cui vires afflat Apollo suas.
 Et pariter fingit vena saliente Cytheræ
 Grata, cui vires fervidus afflat Amor.
 O longum venæ saliant, & fonte perenni,
 Et multum vena manet utraque boni.

VIII.

Et sese, benè pasta rore dulci,
 Margaritiferam solet probare
 Eois generata concha terris:
 Et sese quoque, benè pasta, concha
 MORHOFI Tua, cara MARGARITA,
 Margaritiferam probabit usu.
 Imò, quo magis æstimes, amator,
 Margarifera ipsa margarita est.
 Et, sicut sapis, æstimabisc illam.
 Nec Tu spreveris, illiusve concham, * *Plant. Rud. A. 3.*
 Quam nec spreverit ipsa Diva concha. *Sr. 3. l. 42.*

IX.

Est frigens aqua dulcis æstuantî,
 Lac est dulce recens, & uva dulcis,
 Et dulce est oleum catæ Minervæ:
 Est ficus tenera, estque dulce morum,
 Et dulci siliquæ placent sapore,
 Atque amygdala saccharo coacta,
 Et præstant melimela s'avitate.
 Et sunt dulcia sesamum, & papaver.
 Est fumen tenerum, & medulla dulcis,
 Et dulce est jecur anseris tumescens.

Radix dulce sapit, vocata dulcis:
 Olim vulva fuit suilla dulcis.
 Et sunt dulcia liba, sunt placentæ,
 Et sunt crustula, quæ calent ab igni.
 Mulsum dulce sapit, sapitque mulsæ,
 Et mustum, & sapa svaavitate præstat.
 Est passi quoque mira dulcitus.
 Mel est dulcius hisce, saccharumque,
 Adhuc dulcius. Et (licebit addam)
 Dulce est lac Jovis, & Jovis cerebrum,
 Et bellaria, quæ dabant Athenæ.
 Et jus est Helenæ. Estque dulce nectar,
 Et est ambrosia, in cibis Deorum.
 Quis gaudent homines, iis in ipsis.
 Venus dulcior omnibus putanda est.

X.

Grandia nulla Tibi mittuntur munera, vates
 MORHOFI, nullum, quale mereris epos.
 Vilia sunt: igitur generosius ista probabis,
 Nec tibi corrumpent aurea dona nuces.

XI.

Verficulis nucibus nostris licet esse minutis,
 Et levibus: saliant sic crepitantque nuces.

Sic Tibi, qui teneros lufisti carmine amores,
 Præmeditatus amor seria vincla parat.
 Blandaque, quæ docta pinxisti spicula penna,
 Sentis, & tacto palpitât inde jecur.
 Labuntur manibus calami, neque plectra tenentur,
 Amplius, abjectæ conticuere fides.
 Virgineus Pindi cærus quoque spernitur, uxor,
 Ducitur, innuptus sordet Apollo Tibi.
 Blanditias, Rîsus, Amplexus, Basia, quondam,
 Ficta Tibi, à pulchra Virgine vera capis.
 Nostrum est, devotas Tibi Sponso hic addere voces.
 Optatum reddat fœnus ut ista Venus.

faciebant

Commensales.

Per

PER mare, per terras, per tot discrimina rerum
 In thalamum tendis, Magne Poëta, tuum.
 Inferias dederam, cum te fera fata tulisse,
 Diceret Aonium Fama perosa chorum.
 Tunc tetigi & movi & pulsavi & pectine chordas,
 Et chordæ lentum vix retulere sonum.
 Exaudita fuit querulæ tunc vocis imago,
 Heu fuit Holsatici sçavis Apollo Soli!
 Quem toties sacrâ recreabat Castalis undâ,
 Obruit hunc falsis Doris amara vadis.
 MORHOFIUS *demersus aquis!* Plorate, Camœnæ,
 Et gemat ad lessum Cyrrha verenda meum.
 Æolias ego tunc furias, tot sava Charybdis
 Antra, tot infestas sæpè querebar aquas.
 Cur, decus O nostrum, Neptuni prælia tentas,
 Æolias spernis cur, miserande, minas?
 Sat tibi, sat retuli, quæ sit constantia ponti,
 Sat retuli puppis damna timenda mex.
 Me licet incolumem servarint fata, vel idem
 Qui tibi promisit savior augur erat.
 Argutum blandus devexit Ariona delphin,
 Ne daret indomito nomina mœsta salo,
 At vatem, sçavi qui vinceret Orphea cantu,
 Omni destituit dura salute Salus!
 Funera cantavit, nunc undis funus oberrat,
 Cantator quondam funeris ipse fui.
 Qui placidas fuerat Veneres cantare peritus,
 Cur hunc non tenuit compede grata Venus?
 Heu Veneres scripsit! tenet alta mente repostum
 Judicium in Veneres invida Juno tuas.
 Sic pius Æneas Veneris dum jactat amorem,
 Hunc penè immergit Juno severa freto.
 Nunc jacet ignota sçavis modulator arena,
 Vel potius sçavis piscibus esca fluit!
 Ergo meis, Cimber, Lacrymis confunde querelas,
 Dum mihi, dum periit vel decus omne tibi.
 Hic titulos & signa dedit mihi prima; sed almo
 Parnasso lumen contulit ille tuo.

*Allud. ad lib.
 Excell. V. qu.
 inscribuntur
 Funera & Ve-
 neres.*

Hosaticis habitat nunc mœsta in vallibus Echo,
 Non labra, quæ reboans nunc imitetur, habet.
 Najades, Sacri quæ lambitis ora Kiloni,
 Sistite nunc cursum, flete, rigete gelu.
 Dum querimur, Docto vulgavit Fama Kiloni;
In portu Vates navigat ille tuus.
 Sic tua Diva potens Cypri sic carbasa rexit,
 Sat Venus in Veneres officiosa tuas.
 Parnassus plaussit, steterat sua gloria Pindo;
 Fluxit & Aoniis largior unda vadis.
 In pelago Tibi blanda Venus responsa dedisse
 Creditur, ex spumis orta venusta venus;
Mollia qui toties Veneris tot jura notasti,
Exemplo discas ipse calere novo.
 Nunc aliud Pelagus sulcandum, ac altera puppis
 Pareat imperio, Navita Docte, Tuo.
 Sic tibi Sponsa raris, clavus prudentia, venti
Innocui lusus, candida vela Fides.
 Vis merces? pulchros vebat ista carina gemellos,
Tyndaridas fortes Ascaniosq; pios.
 Tu Triton, tu Tiphy, Tuam modo solve carinam,
Sic Helena fratres sic Cytherea micos.
 Pronuba nunc faustum Tibi Juno sternuit omen,
Et sibi Lucina nomina blanda cupit.
 Non Te potius paries deterreat, astra
Ægeas hyemes Joniasq; doment!

M. Adam Laurent. Nicolai,
 Lubecens.

Grande Poëtarum Columnen, quod nostra superbit
 Teutonia, & nescit generosis cedere Belgis,
 MORHOFIUS calet & Sponsus succumbit Amori,
 Optatosque tori celebrat florentis honores;
 Lubeca celebrat præponens tecta Lubeca,
 Chila venusta, Tuis. Sponsam cur patria tellus
 Non sociat Sponso? non culta Rosaria Varni,
 Quæ toties traxit divino carmine Vates?
 Cimbria non potuit Nympharum maxima Nutrix?

Extera nec tellus? Batavos accedit, & urbem
 Londini celebrem; distinctum triplice Regnum
 Murice Sponsus adit, sed non dant oscula Nymfæ;
 Non Sponsum faciunt. Cur non? ô pandite Divæ:
 Sic fuit in fatiis (fatô connubia fiunt,)
 Sic fuit in fatiis, Vatem succendier Astris
 Margaridos Sponsæ, hinc certantes ignibus ignes
 Sentit, & ad Sponsam festinat flammiger Heros.
 Lubecam properat, Chilaque relinquit amata
 Ad tempus tempe. roseo spectabilis ore,
 Memnonis alma Parens dispellit nubila Cælo
 Temporiis, pastosque rosâ fragrantè jugales
 Gurgite Sol vastô revocat, majore Serenô
 Ut Vatum Soli, & mundo nova lumina fundat,
 Heliadum salve Genitor! Lux aurea salve,
 Exoptata diu, toties optata Camenis
 Phocidos & Divis. venit lux aurea venit,
 MORHOVIUS tandem blandos sectatur amores
 Ad Sponsam properans. tenerorum Mater amorum
 Cypris, Amyclæos ad frena reducit Olores
 Collocat & Sponsum trabeisque auroque nitentem
 Gemmatô in curru. Currum Rîsusque Jocique
 Et chorus Aligerum sequitur plaudentibus alis,
 Dulcisonisque modis sacri dant jubila montes.
 Auditis? resonant dulcis fastigia Pindi:
 Auditis? resonant Parnassiculmina, & Hæmi:
 Auditis? resonant sèves Heliconis alumni.
 Auditis? Phæbus modulatur carmina festis
 Digna toris Sponsum, quæ reddunt omnia silvæ.
 Buccina dat sonitum, resonant TARATANTARA colles.
 Buccina dat sonitum, resonant TARATANTARA valles.
 Trava Pater crescit, solitô majorque viderur,
 Et Wakenissa tumer, recinuntque in flumine Nymfæ.
 Fallor an ipse venit? venit, & descendit eburnô
 Curru: Palladii Proceres comitantur euntem.
 Sponsa veni, tuus ignis adest, Tua summa Voluptas;
 Sponsa veni & niveis Sponsum amplexare lacertis:
 Adspice fulgentes oculos, frontemque serenam.
 Fronte sub hac doctâ, si credis (crede Venusta)

Docta Minerva latet. quam prœdis, dextera CIMBRUM
 Diligitur SOLI; scriptis super æthera notam
 Suspicit Hanc PRÆSES KILEMANNUS, nobile Sidus
 Et Spes Aonidum; quos secula nulla filebunt.
 Approperat Tua Lux, Vir Præclarissime, pulcra
 MARGARIS approperat, generosæ frontis honores
 Lampadiumque Comæ spectâ, teretesque Cylindros,
 Iridas & pulcrum per eburnea colla nitentes,
 Et geminos Oculorum orbes, duo sidera frontis,
 Et dignas Junone manus: sic pulcra minores
 Luna præmit cœli stellas: sic magna Deorum
 Incedit Mater, rutilatque Aurora renascens.

Felices Animæ! dextras innectite dextris,
 Pectora pectoribus: connectite labra labellis.
 Oscula poscit Amor: toties quas fingis Amores
 Nunc Sponse exerce. fulgenti Jaspide stratos
 Instaurat thâlamus Cypris, spargitque Rosarum
 Nimbos, at nitido saliant super æthere Stellæ.
 Vivite felices: similem producite Prolem.
 Nascantur Phœbi, Musæ, Charitesque decoræ
 MORHOFIO similes Patri; Matrique venustæ
 MARGARIDI similes: voto subscribat Olympus.

scrib.

David van der Brügge,
 Schol. Lub. Sub-Rect.

AD DOMINUM SPONSUM.

Certabant variis inter convivia gryphis,
 Arva palastini qui coluere Viri.
 Sic ænigma suis olim exponebat amicis,
 Allophylum fortes quem timuere manus.
 Æmulor exemplum, quamvis rudiore Minerva,
 Nodus &, ut solvas, Gordius esto Tibi:

Ore meo gestans ramum viridantis olivæ,
 Placati felix Numinis augur eram.
 Maxima salvifico mihi laus est parta lavacro,
 Exhibet immensum dum mea forma DEUM.

Si quoque nunc Veteres fas est audire Poëtas,
 Gentibus haud uno commate nota cluo,
 Nam Dodonzas animavi gutture lauros,
 Dicor & œbalii mobilis arte Senis.
 Simplicitate probor, Paphia sum grata Dione,
 Ex oculis decus est, ex nive forma mihi.
 Si Memphim, aut Cypri delubrum Diva subiret,
 Dicta fui roseo subdere colla jugo.
 Me celebrat populus, rapidum qui potat Orontem,
 Sum quoque vestifluis non inhonora Syris.
 Felix quod monstro augurium, neque lætius ullum,
 Augustis quondam Regibus omen erat.
 Littore in Ausonio per me regione notata,
 Accola Taygetæ grande struebat opus.
 Quandoque occultas pedibus gestando tabellas,
 Exolvi cives obsidione gravi.
 Utilis est generi nostro tinnunculus hospes,
 Qui sævos repulit sæpius accipitres.
 Non temero lasciva torum, sum pignus amantium,
 Imperio casti pareo casta maris,
 Neve est, quod timeam tristi divortia lite,
 Cum pax in nostro regnet amœna toro.
 Ergo age, Sponse, moras rumpas, exsolvito gryphum,
 Solve age, namque Tux est dexteritatis opus.
 Solve age, sic faveat grato Tibi Sponsa labello,
 Atque columbinis rideat ex oculis.

Justus Tribbecho,
 L. S. Collega.

*Cum obitum Parentis lugeret MORHOFIUS,
 eunq; Wismaria effervet die 8. Aprilis,
 Anno 1675.*

DOcte Vir, Aonii quondam Collega laboris,
 Pectoris antiqui nunc quoque dimidium:
 Olim oculis, dextra, ac animo junctissime toto,
 Nunc autem sola mente ligate mihi.

Dividor; atq̃ veteris sunt facta ligacula pacti:
 Ecce adsum; quando Tu mihi dexter abes:
 Audio; sim licet & terra semotus & undis,
 Sit neque; qui teneras vellicet auriculas:
 Cerno; licet medios inter se lumina ponant
 Thyrigetum saltus, Hercyniumque nemus:
 Tangor; ab amplexu quamvis disterner omni:
 Sentio; quod minus his sensibus objicitur.
 Sentio mordaces intra tua pectora curas:
 Tangor; quando tuis unguis in ulceribus.
 Cerno tuos patrio pallentes funere vultus.
 Audio, quos gemitus pectora rupta sonent.
 Ecce adsum, fleo, comploro, tecum alter & idem,
 Dumque is exequias, ipse ego busta sequor.
 Hisce tamen liceat nunc ad Te vocibus uti;
 Ut Mea, quæ Tua, sunt; sint quoque nostra Tua.
 Eloquar, ut rumpas infausta silentia; vellam
 Aurem; & sunt medicæ, quæ tetigere, manus.
 Plorasti, satis est; & sunt modo iusta soluta,
 Absque modo justos plangere, crimen erit.
 Plangere cœlicolas, mentem æternumque beatam,
 Nil juvat & fine est res caritura suo.
 Quem raptum desles, habet hunc DEUS Optimus, ille
 Si rapuit, nostris fletibus eripuit.
 Quem ploras obiisse, ipsis sublimior astris
 Luceque formosa clarior exoritur.
 Mortuum eum dicis? sed vivit, credito, vivit
 Amplius, & sua post busta superstes agit.
 Vixerat hoc ipso certe haud inglorius ævo,
 Quando ambita ipsi gloria nulla fuit:
 Vixerat, & patriæ multum florentibus annis
 Serviit, hoc ipso nobilis officio:
 Vixerat, & vitâ fuit omnibus utilis actâ,
 Non ulli in vita quando molestus erat.
 Vixerat, æternum & vivet, cui vita pudori
 Non fuit, & cui nex non fuit ipsa neci.

Adamus Tribbechovius, S. Th. D.
 Consil. Eccl. Saxo Gothan.

S C A Z O N T E S.

Divine Vates, dulce seculi nectar,
 Ocelle, Lumen, & Decus Poëtarum,
 MORHOFIANÆ gentis unicum Sidus,
 Quot Choliambos illa protulit vena,
 Quæ Castalin, Permessiasque Musarum
 Undas, favosque planè Hymettios vincit?
 Quot mella Tu mihi subinde misisti?
 Quot ingeni ignes, quot videre thesauros,
 Messes, & aureas opes dabas olim?
 Nil tersius, suaviusque nil vidi,
 Quàm tale si quod miseris manu pignus.

Suas in iras non Jambus ardere
 Abs Te solebat, sed serenus omnino,
 Et unus infidebat omnibus vulcus,
 Non lenius, non cera mollius flecti,
 Tranquilliusve flumen ire consuevit,
 MORHOFII quàm leniter fluit Jambus.
 Sed nos Jambis nœnias damus nigras,
 Minusque blanda verba, præficas atras,
 Funesta signa, funerumque præsaga.
 Non reddimus vel integros, vel electos,
 Succum nec, ut decebat, admodum plenos;
 MORHOFIANOS nemo reddit hæc Jambos,
 Sed vultuosos, pallidos, & ægrotos.

Sic cogit & jubet Minerva me pingvis,
 Hæc aridum pectus, senilis hoc langvor,
 Jejuniisque quæ Tuâ est mihi vena;
 Hoc tristis ille me jubet rogos, nec non
 Quod ducimus, Parentis Optimi, funus.
 Quis non Jambos fleret hîc magis claudos,
 Quàm luderet? jacet Senex probus, vixit,
 Vixit Sacerdos ille juris, ac cœlô
 Sese recêpit, unde, & ante descendit.

Vicena cheu! post lustra penè mutavit
 Coloniam, tribunal alterum quærens,
 Optatius, beatius, pios inter,
 Forum suum, inter mille cœlitum cives.
 Is vixit, & vivit tamen, mori nescit,
 Qui vixit in terris probè, piè, & sanctè,
 Qui Spiritum deponit in DEI dextrâ.
 Sed exprimit mortalibus dolor nobis
 Lacrymas, genisque abire *grandævus*
 Noster *Senex*, nec *Filio* potest siccis,
 Nec omnibus bonis, mihi nec inprimis,
 Qui pars senectæ magna, parsque sum luctûs.
 Hinc est, mihi quòd sponte claudicat versus,
 Exsucca gressu quòd vacillat infirmò
 Mihi Poësis, atque luridò vultu;
 Quòd *rot Senum Senex* videre compellar
 Funesta fata, quòd superstes externos
 Sic computare cogar, haud meos, annos.

Ast, calculum si pono rectius nostrum,
 Recolligamus nos, *Amice MORHOFI*;
 Nil nos juvare stetus hic potest noster,
 Nihil Parentes hæc morantur, aut reddunt.
 Quid est, diu Tibi madere quòd vultus
 Videmus, & quòd unicè *Senem* quæris?
Wismariensis quòd Senatus in pullâ
 Jam tanti *Amici* lugeat rogâ Funus?
Kilonium quòd omne crinibus passis
 Adstet, Tibique quòd *Lycæa* permulta
 Ad fata complorata Patris occurrant?
 Quin desinamus ista flere, quin pacem
 Precemur oslibus *Parentis*, & terram
 Levem, rosasque; sic *Vale, Vale!* dicas.

Nunc, mi *MORHOFI*, plurimùm mihi *Salve*,
 Quòd Ille Summus Arbiter DEUS rerum,
 Adeò secundis luctuosa mutarit
 Tibi fata nuper; euge! ter, quater *Salve*,
 Foribus coronas, verna ferta suspende;

Jam Genitor audis quippe masculæ Prolis,
 Jam ridet illa sic Parentibus blandum,
 Rident Parentes; Pusio Tibi pulcher,
 Tenerque vagit, inter ulnulas Matris
 Castæ brevi collusitabit, in Patris
 Charique gestiet sinu modis miris.
 Reseminavit sic *Pater* Tuus sese,
 Phœnicis instar, in *Nepote* adhuc vivit,
Avus Paterq; nonne gaudii læta, &
 Pro lacrymis seges sat amplâ succrevit?

In medio luctus & gaudii positus f.

Paulus P. F. *Sperling* / SS. Theol. D.
 & Prof. Ordinarius,
 Præpositus per Holsatiam Ducalem.

Cum eodem die, scil. 8. Aprilis, 1679.

Quo Patri exsequias ibat MORHOFIUS,
Filius ipsi primus nasceretur.

DUm Patrem decoras fletu, VIR MAXIME, flentem
 Filiolus Patrem natus ovare jubet.
 Gaudia sic fletus inter nascuntur obortos;
 Explicat ut nimbos inter Apollo comas.
 Cura benigna DEI reparat dispendia, gentem
 MORHOFIAM servat cura benigna DEL
 Obstupuit Natura Parens miracula rerum,
 Phœnices postquam vidit adesse duos;
 Obstupuit Pindi geminos ut vertice Soles
 Conspexit Saltus luce beare novâ.
 Ast Heliconiades cinctæ Parnasfide laurô
 Corde serenatô jubila læta sonant.
 Infantis saliant circum Cunabula Musæ;
 Lætantur pariter tresque novemque Deæ.
 Dant Cunis Violas, dant Lilia pura Napæ;
 Dat puero Tellus dædala veris opes.
 Strata Rosis Nardoque micant, gemmantia strata,
 Molliter ut Parvi membra tenella cubent.

Sic

Sic Puer Ascanius Roseam sublatus in Idam
 Floribus adpersus membra sopore levat:
 Sic Veneris recubat gremio Charissima Proles,
 Et capiens somnos basia mille capit,
 Fortunate Puer! præsentiis edite Divis,
 Edite felici sidere, magne Puer,
 Lætantes inter Charites, Pindique triumphos
 Nasceris, Aonidum Gemma, venuste Puer.
 Te Gemmam peperit Mater pulcherrima, GEMMIS
 Pulcrior Eois MARGARIS, ore Deæ.
 Salve Cura DEÛM! nova Lux, nova Gloria Seclî,
 Te certant studiis demeruisse Deæ.
 Lac præbet PIETAS; Natum CHARIS ipsa salubri
 Lactentem pascit Nectare & Ambrosiâ:
 Sancta suos animos generosa in pectora PALLAS,
 Inspirat mentem Diva THEMISTA suam.
 Ipse Pater Vatum caput ad cunabula flectens
 Delibat manibus, sic dat & ore sonos:
 Huc, huc Pierides; hic sunt Compendia Divûm:
 Fronte sub hac tenerâ Numina cuncta latent.
 Hoc est MORHOFII Germen venerabile Vatis;
 Æquabit Vatem nemo, vel iste Puer.
 Insita Vis niveo resplendet in ore Puelli;
 Lumina pro! quantum Numinis instar habens.
 Sic fatur: simul & formosis ferta Capillis
 Aptat, & hos iterum fundit ab ore sonos:
 Te colimus, divine Puer, submittimus ultro
 Palladios fasces Sceptraque Nosque Tibi.
 Te venerabuntur Divæ, summique Dynastæ:
 Divisum Imperium cum Genitore cape.
 Nascere, noster Amor, Divûm Decus atque Voluptas,
 Par Soboles Patri, nascere noster Amor.
 Aurea divini relegens vestigia Patris
 Pande Puer, quicquid Roma vel Hellas habet.
 Patris ad exemplum Cicerones atque Marones
 Exsupera, Summos exsuperaque Deos!

str.

David van der Brügge.

PRO-

P R O G R A M M A,

Quæ

P R O - R E C T O R E T S E N A T U S

A C A D E M I Æ K I L O N I E N S I S

ad cohonestandas frequentiam suam exequias,

quas

Nobilissimam omnibusq; sui sexus Virtutibus ornatissimam

M A R G A R E T Æ M O R H O F I Æ;

N A T Æ à D E G I N G,

Conjugi suæ desideratissimæ,

V I D U U S M O E S T I S S I M U S,

VIR Nobilissimus, Amplissimus & Consulsissimus,

D N. D A N I E L G E O R G I U S M O R H O F I U S, J. U. D.

Eloquentiæ ac Historiarum Professor Celeberrimus,

Hodie, die 12. Junii, Anno 1687. horis consuetis paratas cupit,

C I V E S A C A D E M I C O S

officiosè ac peramanter invitat.

P R O - R E C T O R E T S E N A T U S

A C A D E M I Æ K I L O N I E N S I S

C I V I B U S S U I S

S.

P.

D.

Effertur hodie, Cives Academici, ipso Solstitii die, Nobilissimæ honoratissimæque Matronæ funus, quæ in ipso ætatis suæ solstitio immaturo luctuosoque fato extincta est. Cujus exequias, cum ob eximias piæ defunctæ virtutes, ob honorem, quem nos optimo Collegæ, Vos Doctori præstantissimo debetis, quàm ornatissimas cupiamus; Vos ut frequenti cohonestare præsentiam velitis, pro more veteri publica hac oratione invitamus, & simul amplissimum pietatis magnarumque virtutum theatrum in ejus elogio Vobis ob oculos ponemus. Quandoquidem verò optimum illud monumentum est, quod sibi quis ipse bonam vitam piisque moribus statuit, omnium compendiosissima ad laudem piæ defunctæ via est, si in vitam ejus velut in speculum intueamur. Non illam quæseris extra, non ab assentatorum vanis logis quicquam illi pretii accedet. Satis in se virtutum

(p)

habuit,

habuit, quibus se bonorum hominum memoria, cum viveret, commendaret, ut illud Procopii Sophistæ Musælium laudaturi summum elogium instar omnium esse videatur; *μόνη τῇ σωτῇ δέχῃ καὶ ἔπεινον*, solum ad laudem sufficere silentium. Etiam hic valet illa Attici eloquentia, quæ in tacendo consistit, quamque summus eloquentiæ magister Tullius prædicare solebat. Publicæ hic omnium voces, etiam nobis non dicentibus, ejus laudes decantant. Quare supersedere hoc officio poteramus, nisi more publico, & Matris, Mariti, liberorumque votis ac solatio quicquam hic indulgendum esset. Ordinem illam vitæ ejus telam, unde ipsa vita orditur, Parentibus scil. & majoribus. Ex optima stirpe non degeneres provenire fructus solent. Primum, si vel ipsum gentilitium nomen videamus, nihil nisi virtutem bonosque mores polliceri videtur. Antiquis enim Saxonibus, unde hujus nostræ Majores oriundi, *Theginorum* vel *Deginorum* commune virorum fortium, Equitum ac virtute præditorum nomen fuit, ut optimè norunt, qui veterum ejus gentis Heroum historiam rhythmis antiquis Germanis scriptam legerunt. Antiquissima ac nobilissima *Deginorum* vel *Degingorum* jam ab aliquot seculis apud Westphalos familia fuit, ac fuere in illa viri pacis bellicæ artibus insignes, quos hic enumerare nihil attinet. Primum hic nominabimus Avum Paternum HERMANNUM à DEGING, Equitum Tribunum, & Tremonii urbis Imperialis liberæ, olim Consulem, in quem Augustissimus Imperator gloriosissimæ memoriæ, Ferdinandus III. nobilitatis insignia, ob singularia ejus majorumque, ut verba Diplomatis habent, erga se Antecessoresque suos merita contulit, vel potius veterem illam restauravit: ac supersunt hodièque in illa gente cognati, qui pleno nobilitatis jure fruuntur fundosque illi & prædia possident. CASPARUS à DEGING, Hermanni Filius, Nostræ Parens, Lubecam concessit, cumque ad vitæ civilis otia magis propenderet, ad mercatorem animum applicuit, quam non cæcâ, ut multi, fortunâ, sed singulari perspicacitate exercuit, Vir animi sedati, antiquis planè moribus, ab omni fraude doloque remotus. Qui postea in Senatum cooptatus ita se in amplissimo hoc munere gessit, ut desiderium omnibus morte sua reliquerit. Tantum verò abfuit, ut illo honore janctantiùs se efferret, aut aliquam à nobilitate gloriolam affectaret, ut potius dissimularit, bonamque mentem inter optima insignia semper numeraverit. In uxorem duxit MARGARETAM, JOACHIMI MIDDENDORPII, Civis ac Mercatoris Lubecensis filiam. Florebant ille Vir opibus, quas DEUS ipsi larga manu concesserat: sed quod

quod in singulare exemplum commemorari hîc debet, optimeque ejus urbis cives norunt, sua etiam DEO hinc donaria obtulit: nam domus ejus pauperum & afflictorum quasi asylum quoddam fuit, quibus ille nummis, auxilio, consilio & quibus potuit officiis promptissimò animò semper subvenit. Filia verò, piz defunctæ Mater, sincerâ pietate honestissimisque moribus singulare sexûs sui exemplum semper ostendit. His nata parentibus Nostra MARGARETA à DEGING (fuit autem ejus dies natalis XXIV. Novembris, Anno clò loc XLIX.) cum, præter igniculos menti ab ortu ipso insitos, assidua parentum, matris præcipuè, curâ & educatione ad bonos mores, pietatem ceterasque virtutes, quibus sexus ille ornatur maximè, formaretur, in amorem sui pellexit DANIELEM GEORGIUM MORHOFIUM, hujus Academiæ Professore Celeberrimum, Collegam nostrum honoratissimum, qui illam sibi matrimoniò junxit, nuptiasque cum illa Lubecæ Annò 1671. die 23. Octobris celebravit. Magnum ille sibi rebusque suis præsidium in hoc conjugio, magnum Divinæ Gratiæ beneficium etiamnum agnoscit, quo cum nunc excidit, ejus magnitudinem vel è jactura metitur. Habuit, ille piam, castam, gravibus, sed sævitate quadam temperatis, moribus uxorem, non ad delicias seculi natam, sed quæ domum custodiret, rem familiarem curaret, mariti utilitatibus prospiceret, optimæque & omnibus numeris absolutæ Matris familias partes tueretur. Prudentiam illa & constantiam phos quàm muliebre variis in casibus ostendit. Erat adversus egenos benefica, neminemque temere, à se tristem dimittebat: tenuioris præsertim fortunæ homines, quibus in morbis aliisque vitæ necessitatibus, etiam cum suo incommodo, consilio auxilioque sæpè fuit: cumque consultum illis sua ope videret, pia tacitaque voluptate animus ejus perfundebatur. Pompam omnem & apparatus odîo prosequabatur maximè: cumque moribus seculi interdum quid indulgendum fuit, tardior illa ac invita eò processit. Pietatem seriò profitebatur, non in summis labris tantem, sed in pectore ipso habitantem: nam in angulum aliquem domûs secedens, remotò omni arbitro preces suas fundeat, fortè ne qua *ὕποψιστος* suspicio oboriretur; adeò ab omni affectatione, in sacro etiam cultu aliena fuit. Liberis ad pietatem bonosque mores, ad lucernam illam DOMINI, faces prætulit, nunquam, quod familiarematribus vitium esse solet, indulgentia & lenitate peccans: ut in illos rigidior interdum sibi ipsi visa sit. Quatuor enim filios è matrimonio hoc suscepit, bonæ omnes indolis, commodis moribus, nec

infelici, quantum ætas illa & permittit & promittit, ingenio, è quibus tres superstites, CASPARUS DANIEL, FRIDERICUS & ERICUS GEORGIUS: nam GEORGIUS MARQUARDUS, qui secundò loco natus, bellus elegansque puer, completò nondum tertio ætatis annò, decessit. In hoc suavissimo felicissimoque consortio propemodum decem & sex annos exegit, quæ in mariti domum magna ejus felicitatis pars venit. Ominabatur hanc illi felicitatem præcipui in hac provincia nominis Theologus, qui cum avum ejus matrem Middendorpium, matremque olim noverat, ultrò gratulatorias ad novum tum maritum misit, quarum hoc argumentum fuit: non posse infelicitè contrahi cum illa matrimonium, quæ ex Middendorpii, piissimi Viri, propagine in thalamum mariti veniret; adfuturum illi conjugio singulari suâ gratiâ DEUM, certissimum veræ sinceræque pietatis remuneratorem. Hærent illa in animo Vidui æternumque hærebunt, neque unquam divini beneficii obliterabitur memoria. Nunc ad illam optimæ vitæ, Marito quidem meritò liberisque lætuosam, sed felicissimam profecto, qualem pater sibi optare mentes velint, catastrophæ accedemus. Ex quo tempore se illa gravidam sensit solitoque pejus habere cœpit, statim illi animus extrema quavis præsagiit. Præludebat illi memorabile somnium: nam à marito, cui capitis supplicium decretum erat, divelli sibi videbatur, assistente ac consolationibus suis animum erigente Viro illo Reverendo, qui nunc sub ejus è vita excessum hoc extremum illi pietatis officium præstitit. Ac fuit hoc capitale Marito supplicium, cum carissima Uxor, quam caput familiæ vocare JCTi solent, ex illius amplexibus excussa, cum pectus ejus dolorum telis acutissimis confoditur, & cor ipsius è pectore evelli videtur. Mensis est, cum iter Lubecense vehementias urgeret, ut ad Matrem cognatosque inviseret, cum sibi ultimum hoc fore iter auguraretur. Obtemperatum illi est. Verum à reditu inclinari sensim in deterius valetudo cœpit. Nam XXII Maji, ipso TRINITATIS festo, cum ex ade sacra domum circa meridiem rediret, queri de doloribus dorsi cœpit. Hora VIII. vespertina febris illam ardentissima aggressa est, quæ sine intervallo ad 24. horas duravit. Dolores dorsi per inunctionem quidem sedati, verum nullus somno & quieti locus relictus fuit. Supervenerat tertio hinc abortus, quo in lucem editus est fœminini sexus infans, vivus ille quidem, & qui, si absque morbo fuisset, servari fortè potuisset: verum imbecillitas fœtus obstitit, qui baptismi lavacro à Patre, cum necessitas hoc imperaret, Christianis sacris initiatus est, & horâ à partu

quar-

quartâ excedens solem neque orientem neque occidentem vidit. Per-
culit ille obitus ægrotæ animum, etsi quàm maximè dolorem dissimu-
laret. Exivit tertius dies & quarta jam nox inter flebiles illas vigilias
trahebatur, frustra adhibitis remediis, cum illa die insequente, XXVI.
scilicet Maji, Maritum ad se vocans, tristissimis vocibus eum ita com-
pellaret: Sentio ad finem spectare omnia, & in cœlestem patriam me
à DEO evocandam. Itaque gratias tibi pro amore conjugali ago, ac
liberorum nostrorum salutem Divinæ primùm gratiæ ac deinde tuæ
curæ commendo. Ac quoniam paroxysmum quendam, qui mentis
usu privare possit, metuo, ut primo quoque tempore sacrò instruar
viatico, omnem, si me amas, operam impende. Maritus hîc quasi
fulmine prostratus, cum obtestaretur, ne sibi graviolem suspicioni-
bus morbum faceret: non defuturum precibus suis DEUM, qui pri-
stinæ illam sanitati restitueret: Illa persistebat tamen in sententiâ,
se jam eade re monitam diçtitans. Quare advocato primario hujus
urbis Pastore, Viro plurimùm Reverendo DN. M. JOACHIMO GI-
SE NIO, confessionem suam clara voce edidit, animæque cibo &
multis ab illo consolationibus confirmata totam se DEO permisit.
Nam ad preces sermonesque sacros se convertens adstantes rogavit,
ut se in pietatis officio juvarent. Elata ergò voce preces, quasi in
excessu quodam mentis posita, ipsa pronunciavit, quas præbant,
qui circa lectum supplices procumbebant. Sorori quoque suæ cha-
rissimæ, quæ Honoratissimo Collegæ nostro DN. D. HELDBERGIO
matrimoniò junctâ est, liberos suos magna sollicitudine commenda-
vit. Superveniebat illi postea quasi sensuum quidam stupor, unde
ægrè refocillata circumstantes & Matrem, eo ipso momento Lubecâ
advenientem, vix agnoscebat. Subsecuta hinc quædam emotio men-
tis est, qua sibi in caliginoso loco inter larvatos versari videbatur,
totaque illa nocte ad quinti diei meridiem duravit: sed tamen post
unius alteriusque horulæ turbulentum ac interruptum somnum ad se
redire visa est. Ubi illud memorabile accidit, quòd verborum, quæ,
durante illo delirio, proferebat, accuratam retinuit memoriam,
quorum veniam à singulis, quos offendisse sibi visa erat, rogavit.
Meliusculè tùm habere cœpit, jamque diebus criticis exactis omnes
animum recipiebant. Ipsa quoque meliora, quanquam timidiusculè,
sperare videbatur. Quam illi spem confirmabat in mentis illo exces-
su objecta species, de qua ipsa hæc postea narravit: Versari sibi in
tenebroso carcere, inter osseos ac pulverulentos homines, visa est,
in cujus pariete per exiguum quasi vitrum, in vastissimum candidis-

simæ lucis spatium, cui Æternitatis nomen, prospicere potuerit. Ubi DEUM in nube aliqua sedentem conspicata, de vitâ sibi servanda supplex rogaverit: quod cum & alii circumstantes fecerint, ut verè tum factum fuit; vidisse se narrabat eorum preces, columbarum instar, cum strepitu aliquo in aërem se tollentium, cœlò receptas, vocemque inde remissam: VIVES. Quam cum terrenam aliqui interpretarentur vitam; æternam esse intelligendam docuit eventus, & alterum illud, quod pridè ante beatam mortem habuit somnium, declaravit. In paradiso enim se fuisse somniaverat & varia illic se vidisse narrabat, quæ verbis jam titubantibus exprimere non poterat. Cum virium hinc dejectio notabilis sequeretur, pituita quædam crassior obsidere linguam faucesque cœpit, quæ primùm neglectiùs habita, liquore per siphonem immisso postea eluebatur, sed exiguo successu: cum pituitæ copia omnem operam eluderet, & virium imbecillitas per dies imò per horas incrementum capiens, levi interdum speculâ per intervallum injectâ, conatum excernendi intercluderet. Aderat jam frigidus glutinosusque sudor mortis prodromus, & V. Junii die, eâ Dominicâ, qua in Ecclesia de hominum ad magnam cœnam vocatione agitur, ipsa quoque evocata est. Non destituit, illam in extremo etiam agone mens. Nam ad verba, quibus verbi divini præco tum præsens illam appellabat, vel labra movit, vel capite annuit: ac tandem inter adstantium lacrymas & preces præclaram illam DEOque dilectam animam annò ætatis trigesimò & octavò efflavit. Æternum benè sit animæ candidæ! quæ nulli unquam, dum vixit, gravis fuit. Illa jam in possessionem bonorum cœlestium missa est à Salvatore suo, quæ pro totius generis humani salute ille moriturus exoraverat. Hujus illa inauguralibus precibus, quæ apud Johannem Cap. XVII. leguntur, ex inexhausto amoris divini oceano derivatis, adeò delectabatur viva, ut sibi ex illis verbis: *Pater, volo, quos mihi dedisti, mecum sint, videantq; gloriam illam, quam mihi dedisti: Sermonem funebrem ipsa aliquando optaverit. Videt illa nunc gloriam, vivit cum Salvatore suo atque æternos in civitate DEI triumphos agit. Viduus mœstissimus, qui mortem ejus nunc inconsolabiliter lugeat, dictum sibi putet illud, quo S. Ambrosius super obitu fratris animum erigebat, quod levi immutatione ad illum applicabimus: *Ingratus divinitati esse non potes. Latandum enim est magis quod talem conjugem habueris, quam dolendum, quod conjugem amiseris. Illud enim munus, hoc debitum est. Ita persunctus es, quamdiu licuis, commissio tibi favore. Qui deposuit pignus, recepit, nihil interest, utrum abjures depositum, an doleas re-**

sticu-

fitutum. Quæ illi superstes est Mater, Mariti, duorum filiorum, nurrum, nepotum funeribus jamdudum obdurata & in hoc patientiæ gymnasio exercita facilè è divinis fontibus, quos domi habet, qua est pietate, exsuccam tot mœroribus animam refocillabit. Filios, cognatos suò solatiò Spiritus ille Paracletus confirmet: & illis quidem præcipuum in Patre & Avia præsidium servet. Ejus quod reliquum est, hodiè horâ II. efferetur. Vestrum est, Cives optimi, ultimum illi persolvere officium. Si Ægyptii olim, Diodoro Siculo teste, impensius honorarunt, quos ex parentibus & familiaribus ad æternam habitationem translatos crediderunt: quantò rectius nos honore prosequemur, quos longè certior salutis vitæque æternæ spes ad beatarum mentium sedem transtulit. Quare ut frequenti exequias præsentia ornare velitis, Vos rogamus. Solabuntur illa humanitatis officia prostratum Vidui mœstissimi animum. Ipsa denique pietas &, quam Doctõri vestro debetis, observantia hoc efflagitare videntur. Valete. P. P. Kiloni d. 12. Junii, Annò M DC LXXXVII.

CARMINA FUNEBRIA.

Sit modus in lachrymis, sit certus denique finis.
 Nam lugere mariti est, & frangere dolorem,
 Officium scis esse tuum, mors æquè tabernas
 Regalesque quatit turres, nec vis humana resistet.
 Sic benè, sic vixit, nulli virtute secunda
 Digna est exequiis, & summo laudis honore,
 Nunc tumulus tegit ossa, die reddenda supremo.
 Mens capit æternæ cœlestia gaudia vitæ.
 Colloquio & superùm fruitur felicior aula.
 Horum ut participes CHRISTI nos gratia reddat,
 Quilibet assiduis veneretur Numina votis.

*Matrona Beatissima ultimi honoris ergò
 scribebat*

Bernhardus Schulz / J. C. Pro-Cancell.
 & Antecessor Primarius.

Est magnum, benè nasci: est majus, nubere fauste:
 Ast rectè moriens omnia puncta tulit.
 Ter felix igitur MORHOFIA. Nobili in urbe
 Ac perhonorifica nascitur illa domo.

Nupsit

Nupsit & ipsa Viro, toto qui claruit orbe;
 Conjugiumque illud non nisi fave fuit.
 Tandem etiam vitam finit feliciter. Et sic
 Omnia nunc bona sunt, clausula quando bona.

*Qua sancte vixit, sanctius obiit, Matrona nobilissima
 supremo honori scrib. L. M. Q. largissimum simul
 à Cælo solatium Dn. Viduo, liberisq. superstitibus
 & cognatis mæstissimis ex animo precatus,*

Christianus Kortholt / D.

*Ad Mæstissimum DN. VIDUUM, Collegam
 conjunctissimum,*

MORHOFFI, Aonidum Decus immortale Sororum,
 Quem Vatem egregium Pieris ipsa colit,
 Carmina Pegaseo Phocis cui perpluit imbre,
 Ac Aganippe nectare Penna fluit.
 Cui Pandionios aperit Doctrina Recessus,
 Et Latii ostentat nobilioris Opes.
 Mascula cui Lingvam Veterum Facundia fingit,
 Dicentis quoties Pulpita voce sonant.
 Eloquioque potens, docta applaudente Corona,
 Alter ut Arpinas, verba diserta facis.
 Teutonium quem jure suum Polyhistora Phæbus
 Prædicat, ac Civem gaudet habere Fofus.
 Quem Gallus, Batavusque colunt, doctusque Britannus,
 Cantaber, Oenotrium & qui tenet hospes agrum.
 Quæ Tibi lugenti Sociam solatia scribam?
 Quidve querar Thalami vincula rupta Tui?
 Pharmaca quæ sævo depromam digna dolore?
 Quæ dabitur tanto par medicina malo?
 Jure quidem rapta graviter pro conjuge plangis,
 Et sese lachrymis egerit iste dolor.
 Cara Tibi Conjux obiit, præ millibus unam,
 Virginei Sexus, quam Tibi junxit Eros.
 Filiolam hæc, Mater, peperit, Junone secundâ,
 Sed quam mox rapiunt aspera Fata Tibi.
 Forsitan hunc unum potuisti ferre dolorem,
 Et fuit hæc luctus portio parva tui.

Ast ubi ferales repetit truculentior ictus,
 Et Sociam Lecti Mors quoque sæva rapit;
 Tristior hinc plenos lacrymarum effundere rivos
 Incipis, ac totum Te dolor altus habet.
 Arria quæ Sponso, Soboli Cornelia vixit,,
 Queis, Conjux, Mater, blanda, benigna, fuit.
 Quam non una Domus, sed Kilia tota peremptam
 Deslet, & hanc vellet non periisse sibi.
 Hæc luctus mensura Tui est, hinc flumina mœsto
 Ora rigant, finem nec Dolor iste capit.,
 Quid facies, *Vir Amice!* DEO num bella movebis?
 Qui Tibi dilectam major Amator habet.,
 Quid juvat incassum voces oppōnere Cælo?
 Sidera quid prodest poscere Vindicias?
 Eurydicen (verum nobis si Carmina dicunt)
 Scribitur in vitam Vir revocasse chely.
 Dum rigidos planctu Manes, & Tartara mulcet,
 Et Jovis inferni limina tristis adit.
 At Tibi nec Musæ quicquam, nec Carmina profunt.,
 Nec Cyrrha in luctus officiosa Tuos.
 Qui toties aliis dulcissima Carmina pangis,
 Laurigeri Præses quæ stupet ipse Chori.
 Ipsi nunc Tibimet perierunt Carmina Vati,
 Et cupit infelix tangere pleetra manus.
 Non datur è Cælo reditus, neque MARGARIS ipsa
 Quæ rogites etiam Vocè, redire volet.
 Ne repete in thalamum, quam nunc sibi vindicat Æther,
 Facta DEI est; jam non amplius Illa Tua est.
 Nec Tibi mancupio, solo sed contigit usu.
 Ergo tuum est, ultrò reddere *Depositum*.,
 Vox eæ communis Populorum Juris ubique est;
Alterius quod sit, reddito, si quid habes.
 MARGARITE non tota Tua est, pars illius una est,
 Altera pars CHRISTI est; Tertia sola tua est.
 Quid casu hoc facies? noli pugnare duobus;
 MARGARITE CHRISTO nam sua jura dedit.
 Quam bellè cecidit nostræ Sors ista beatæ!
 Cœlitibus junctam quam modo Sponsus amat.

Hæc Tibi moerenti tristis solamina scribo,
 Quæ mihi, qui tecum est, suppeditavit amor.
 Quæ defunt, Tua Te Pietas, Tempusque docebunt.
Majorem hac luctu Te decet esse Virum.

Doloris haud exigui monumentum
 scripsit

Nicolaus Martini, J.Ctus

Quis teneat lachrymas, aut tali in funere luctum
 Suspendat repetens, quàm nunc privemur amando
 De Cœlis donô, dum sic MORHOFIA pallet?
 Namque hujus certè laudum primordia quærens
 Hæsito, cum video tot in unô corpore dona,
 Quæ secum certant, & quævis prima videntur.
 Hinc recti mores, & honestæ gratia formæ:
 Hinc pudor & sacri veneratio maxima lecti:
 Inde decens probitas miserosque in dextera larga:
 Inque DEUM pietas constans, charosque parentes,
 Pignoraque & fratres junctasque stirpe sorores.
 Singula quî memorem? brevibus comprehendere oportet:
 FOEMINEI PERIIT SPECULUM MEMORABILE SEXUS.

*Supremi honoris ac doloris conestlandi
 causâ scrib.*

Henricus Opitius, Prof. Publ.
 & Fac. Phil. h. t. Decanus.

Ad beatè Defunctam.

ERgò etiam, quam nunc extremum hic alloquor, cheu!
 Tu nos atque Tuum deseris atque Tuos!
 Sic mundo, nobis sic omnibus, Optima, dicis
 Præpropera extremum morte perempta vale!
 Nempe fuit dudum hæc votorum summa Tuorum,
 Hoc Tua Te docuit relligio & pietas:
 Ex misera hac vita migrare vocante JEHOVA,
 Et promptè mundi relinquere delicias:

Cum

Cum CHRISTO in cœlo meliores quærere sedes,
 Et pura ritè vivere mente DEO.
 Ergò, quem pura minimè jam tristis adoras
 Mente, Tuo & nostro vive beata DEO,
 Vive DEO, cujus frueris sanctissima vultu,
 Vive, nec invideo, vive beata DEO.
 Interea nostris Tua fixa hærebit imago
 Pectoribus, dum nos spiritus intus alet.
 Lugebit virtus, pietas, candorque fidesque:
 Dicam uno verbo; fient Tua busta boni.
 Ergò vale, nobis longè felicior, atque
 Vive Tuo CHRISTO, vive DEO, atque vale.

maſtus ſcrib.

Georgius Ernestus Heldberg / D.
 beatè Defunctæ Affinis.

Siste Tuas, quæſo, lacrymas, dilecte MORHOFI!
 Nil etenim lacrymis astra ciere juvat.
 Est abrepta Tibi factorum legè Marita,
 Altera pars animæ, delictumque tuum.
 Sed nihil injuſti Tibi contigit: Ætheris uxor,
 Dos fuit, & tantum pignore capta Tibi.
 Nam pia quæ ſemper vixit, ſpiravit & astra,
 In cœlis etiam debet habere locum.
 Illic participat dulciſſima gaudia vitæ
 Perpetuæ: lacrymas ſiſte, Marite, Tuas!

J. L. Hanneman, M. D.
 Phyſices Prof. Ordin.

Siccine pulchrarum pia gloria Matronarum
 Ante diem trifti funere merſa jaces!
 Siccine Te frigida rapit inclementia mortis,
 Æthereæque animæ plurima dona Tux!
 Te pietas cœlo, probitas mortalibus agris,
 Summa Viro charam reddideratque fides.

Te miseris gratam laudabat quisque Patronam,
 Splendor eras Sexus, Stemmatum atque Tui.
 Hinc luget Pietas, luget rarissima Virtus,
 Cum Sobole & Conjux conqueritur miserè:
 Lugent cognati, luget quoque Patria tellus,
 Auxilioque omnes quot caruere Tuo.
 Nec viridi doctæ ludunt Helicone Sorores.
 Deposuitque dolens magnus Apollo chelyn.
 Et Tua non modicum faciunt mihi funera luctum,
 Funera, quæ meritò lacryma nostra rigat.
 Sed quid lugubri fatalia funera versu,
 Quid juvat & summum sollicitare DEUM?
 Nil prodest mæsta suffundere lumina fletu,
 Ægrota longum Mors adeunda fuit.
 Illa quidem fors, dura Tibi sobolique svavi,
 Dum placuit cælo, non trepidante tamen.
 Mors quæ felici perduxit ad otia vitæ.
 Illam, una in cunctis sit Medicina malis.
 Cum Tua nunc vivat meliori parte superstes
 Conjux, læta DEUM cantat in arce poli.
 Fine suo fruitur summo Mens insita Cælo,
 Gaudia ubi finem non habitura videt.

Testanda ovumque Jilac ergo scribere voluit, debuit

M. Johannes Georgius Wasmuth/
 Homil. Prof. P.

HEi mihi! quis rumor stupefactas vulnerat aures?
 Quæ pectus lacerat tristissima Vox: *FUIT* illa,
MARGARIS illa *FUIT*, pulcherrimus *UNIO* Matrum:
MARGARIS exemplum sanctæ venerabile vitæ;
MARGARIS illustris Conjux generosa *MORHOFII*
 Genua labant, fateor; gelidos stupor occupat artus
 Nec sum, qui fueram. *FUIT*: ô lacrimabile verbum!
 Jam mihi displiceo, jucundi tempora Veris
 Injucunda mihi; nostris nec amabile quicquam
 Occurrit Silvis. Rivi que Hortique valete,

Hortorumque decus, pulcerrima Sidera *FLORES*:
 Nam *ROSA* rosa Nuruū cecidit, Charitumque Voluptas.
 O quam discrutior! quoties hæc verba voluto:
MARGARIS; heu! *VIXIT*, quando *TE*, *Gloria* Secli,
 In lacrimas abiisse noto, caræque Creusæ
 Fletibus assiduis mœstissima fata rigare.
 Nil nisi flere libet! mea lumina flumina fiunt:
 Obruimur fletu nimio. Divine Poëta,
 Dulce Decus Pindi, rerum Tutela mearum,
 Desine, quid crucias Vatem, fidumque Clientem?
 Erige *TE*: redeant extinctæ in pectore vires.
 Mens invicta malis, veluti Marpesia cautes,
 Oceanum reprimat, cœlesti robore fulta,
 Ne cor edas laterum. Tua funera, nobilis Heros,
 Funera nostra puto. Salvum vis esse Clientem,
 Magne *Patrone*, tuum serva melioribus horis
 Transfossū pectus: sævo ne cede dolori,
 Aut *moriar* tecum; vitæ sic lumine cassus
 Triste *CADAVER* ero — — — —

Davidis van der Brügge,
 Lycæi Lubec. Sub-Rect.
 & Bibliothec.

LACRYMÆ
 M A R I T I
 IN
 FUNERE
 DULCISSIMÆ CONJUGIS
 MARGARETÆ MORHOFIÆ.

Dulcis Marita, dulce nomen, ô meum
 Tuxque gentis, & Tux prolis decus,
 Meumne vero? fallor, heu quondam meum:
 Sed nunc meum, sed unicum, sed postumum,
 Mihi superstes ipsi & æternum decus!
 Quô nunc abisti? quo recedis lux mea?
 Quæ nox ocellis, ô Bona, incubat Tuis?
 Quis ille vultus lutor occupat Tuos?

Vultus pudicos, vividos, amabiles.
Quis ille membra ferreus tendit rigor,
Amplexibusque saxeam rapit meis?
Quis obdit ille pessulum lingvæ stupor?
Ten' ejulacibus laceßam ac naniis,
Dulcis Marita? nulla vox mihi reddit,
Surdasque vanus cædit auras spiritus,
Hæretque in ipsis vox inanis faucibus.
An inter umbras additus comes Tuis
Vagabor? exorare quis Manes queat?
An è supernis Te reducam sedibus?
Non tanta vis est Carminum, nec Tu velis.
Ergò querelis ipse succumbam meis.
Juvat perire. Me meus pascit dolor.
Dolere pulchrum est. Id meas solabitur,
Et unice curas meas solabitur.
Has inter anxii effluant mihi dies,
In his senescam, (si senesco) luctibus,
Mortesque lentæ funeri excubent meo.
Me dulcis oblectabit interim Tui
Vultus imago: in his medullis, hoc meo
Condetur illa pectoris sacrario:
In hoc sepulchro vivet illa: sic mihi
Moriendo vivam mente suffultus Tuâ.
Vivent Amores, nulla quos delet dies,
Novisque sese nutriunt doloribus.
Vivent dolores, nulla quos delet dies,
Suisque sese nutriunt Amoribus.
Venient amoris hinc & in partem mei
Hic quæ Tui meique sunt imagines,
Illa illa lecti conjugalis pignora.
Hæc intuebor: illa me jungent Tibi:
Jungemur omnes uno amoris vinculo,
Jungente, qui nos solvit & junget, DEO:
Mea sic futura es, sic ero totus tuus,
Dulcis Marita, dulce nomen, ô meum
Tuxque gentis, & Tux prolis decus.

V I R O

DE REPUBLICA LITERARIA OPTIME MERITO,
AC POLYHISTORI INCLYTO,

DN. DANIELI GEORGIO MORHOFIO,

MAGNO APOLLINI SUO,

Post gravem morbum, LUBEÇAM ipsis Nonis Quintil. M. DC. XC.
feliciter ingresso, & de recuperatâ pròsperiori valetudine. & de optatis-
simo in urbem nostram ingressu gratulans, perennem omnis
generis prosperitatem precabatur

MICHAEL *Freund*/ Lycéi Lub. Sub-Rect.

DANIEL GEORGIUS MORHOFIUS,

Per Anagramma:

SOL, VIGOR IGNEE, OH DA FIRMUS!

ERgò MEUS VIVIT MORHOFIUS ILLE? Suorum
Grande decus, Pindi præsidiumque sui.
ILLE MEUS VIVIT MORHOFIUS! Unus APOLLO,
Cui similem nondum doctior orbis habet.
ILLE MEUS VIVIT MORHOFIUS, atque serenò
Irradiat vultu mœnia nostra suo!
Exoptatus ades, SOL AUREE! Nubila, fortè
Si qua premunt mentes, Tu redeundò fugas.
Exoptatus ades! Tibi vota dicavimus omnes,
Proque salute Tuâ reddere quisque parat.
SOL ORBIS DOCTI, DECUS IMMORTALE TUORUM,
O ET PRÆSIDIUM, DULCE DECUSQUE MEUM!
Exfere divinos radios & sparge per orbem,
Qui jubar hoc fulgens cernit ubique Tuum.
Exfere divinos radios, VIGOR IGNEE, gazam
Profer, quam dives condidit ingenium.
Absolvas, quem cœpisti Polyhistora, dudum
Exspectant quem tot nomina clara virum.
Fœcundæ mentis complures edito fœtus.
FIRMUS es, O porro DA, rogo, digna legi.
Discute Cimmericas tenebras, quas ille minatur,
Dux Stygis. Antiquum Tu prohibeto chaos.

FIR-

FIRMUS ES OH! SOLIDAEQUE SUO STENT ROBORE VIRE!
 TU, PRECOR, IN COLLUM SERIOR UT REDEAS!
 VIVE! VIGE! FLORE! Nam, Te florente, PATRONE,
 Non poterit nobis non superesse vigor.

Ad POLYHISTOREM sine pari
 DANIELEM GEORGIUM MORHOFIUM,

SUA & MAJORAGIANÆ
 DE A U R O
 ORATIONUM EDITOREM.

FErrea nunc verè sunt secla, orasque per omnes
 Æruscatorum falsa moneta volat,
 Nil puri argenti, spurii plus cuditur æris,
 Solus & imperium nummus adulter habet.
 Damna dolet populus, quæ sentit grandia, morbum
 Teutoniæque istum tollere Saxo parat.
 Temporis hac nostri rigida ferrugine in ipsa
 Per Te aurum radios exserit, ecce! suos.
 Aurum nempè Tuum, Polyhistor maxime, & auri
 Ex cujus verso nomine *imago* * micat.
 Obryzi inprimis vis paucis nota metalli,
 Ornata eloquio, Cimbrica Svada, Tuo;
 CAREZOVIOQUE inscripta, suæ qui Lipsidos aurum est,
 Cujus & Aonium fulget ubique jubar.
 Nec mirum, docti cum sis Sol aureus orbis,
 Aurum si promas efficiasque merum.

* *Auri imago* nec *ἀνάγερμα* exhibet nomen *Majorgianæ*, si ab eo ultimam litteram demas, ut in oratione (pag. 258. *Orat. Vol.*) indicatum est.

f.

Lipsia, ipsis Kal. Januarii,
 M DC XCI.

L. Joach. Fellerus, Poet. Prof. Publ.
 Academ. Bibliothecarius, & Colleg.
 Philos. h. t. Decanus.

IN OBITUM MORHOFII.
LUBECENSIA.

CUM subito nostras funestus nuncius aures
 Perculit: *Extincta est lux mea MORHOFIUS!*
 Haud aliter stupui, quam qui Jovis ignibus ictus
 Vivit, & est vitæ nescius ipse lux.
 Qualis ubi extinctum Patroclum audivit Achilles,
 Qualis in Euryali funere Nisus erat.
Ergò jaces, dixi, clara spes magna juvenæ,
Siccine Musarum gloria magna jaces.
 Heu vates, cujus se pectore cuncta verustas
 Condidit, atque parem non habitare jaces.
 Ergò jaces, simul atque jacet nunc carminis illud
 Fulgur & ingenii vis generosa Tui.
 Ingenii multis qui sætus sætibus acris;
 Dum moreris, cogis secula multa mori.
 Heu novus his nostris discedis sedibus hospes,
 MORHOFI & fato Te retrahente fugis.
 Quique videbamur lætum Tibi dicere salve,
 Mox damus invito tristius ore vale.
 O dolor! ô fatum nullis revocabile votis!
Ferrea vox: Magnus MORHOFIUS moritur!
 Sed quid! *non moritur*, meliori parte superstes
 Vivit & in cæli vertice lætus ovat.
 Et jam sub pedibus quicquid mortale beatus
 Calcat, & his major sidera celsa premit.
 MORHOFI & clarum fertur super æthera nomen,
 Dumque erit hic orbis, fama perennis erit.
 Sic Tibi nil moritur, MORHOF clarissime vivis,
 Ipse Tibi suppar, ipse superstes eris.
 Tu modo mœsta domus, durus quam obnubilat æther,
 Surge, nec à tristi sorte pericla time.
 Sufficiet DOMINUS fautorem, qui que Parentis
 MORHOFI in terris possit obire vices.
 Denique MORHOFIUM qui nostrum poscis, Olympo
 Tu nobis alium reddito MORHOFIUM.

Quos elegos difficili & molesta vena fudit

Augustus Pfeiffer/ D. Superint. Lubec.

(r)

Ergo-

ERgone sensim docta novissimam
Defectionem lumina sentient?

Quæ literatorum sacellis

Et jubar, & radios dederunt.

Caligo lamentabilis ingruens,

Orbi minatur triste crepusculum,

Summique jacturam nitoris,

Prisca scientia quô refulsit.

Quot fulgurantes luce scientiæ,

Subactioris judicii viros,

PINDUS stupefcens interisse,

Tristitiâ memori requirit.

Fallor? dolenter mens mea percipit

Non lava, cladem multiplicem suam,

Perluetuofo muginantem

Hoc gemitu resonare PINDUM.

Non unus ictu turbo gravissimè

Nostrum lacescit perpete verticem;

Sed clade semper fœda clades

Culmina contremebunda pulsat.

Atrox fatigat continuè malum,

Ut tota, casus præcipitis metu,

Percussa moles literarum

Concutiatur & expavescat.

Stat sordidatis ista recessibus,

Cedrosque mœret diminui suas,

Quas hinc & illinc concidisse,

Luctifico recolit stupore.

Tandemne pullus noster apex tremat,

Et spe relictâ pertenui gemat?

Spissasque nubes evaporet.

Flebilium querimoniarum.

Non palma semper firma regerminat,

Roburve cedri fit solidum citò,

Quamvis stolones pullulascant,

Et frutices vireant minores.

Sat turbulentis sæva tonitribus

Formidolosæ sortis hyems, (dolor!)

Vastavit affixitque PINDUM

Commemorabilibus ruinis.

Dum

Dum stragis amplæ commemoratio,
Et mors Virorum multa celebrium,
Eheu ! locorum plurimorum
Mœstitiam refricat stupentem.

Desideraris, TUTE, novissimè,
Insigne docti præsidium chori,
VIR MAGNE, jam dudum resplendens
Cognitione pèrerudita.

Rerum peramplam, plus vice simplici,
Et conglobatam notitiam tuam
Communicâsti literatis
Tu, mare grande scientiarum,

Sed singulorum quando voluminum
Illustriores cōfiscis ordines,
Consumtus attritusque curis,
Funereâ macie fatiscis.

Jam jam tacebit vox Polyhistoris?
Jam jam jacebit penna disertior,
Res concatenatas adornans
Sedulitate laboriosâ.

Abs quo proborum pabula dogmatum
Sunt erudito tradita seculo,
Hic pabulum tumbæ voracis
Escaque fiet inanitatis?

Pertæsus orbis futilium modò
Prosceniorum, schemate lubrico
Fallentium mortalitatem,
Ne sapientior esse discat.

Palatiorum sidereæ domus
Factus renidens incola, jugiter
Cœlestium mysteriorum
Relligiosior est Epopta,

Telluris hospes qui fuit haud diu,
Durante civis sede perennior,
Jus sanctioris civitatis
In superis adytis capessit.

Nunc perbeatum dicere Te licet,
 Ornationi conspicuum loco:
 Fas est triumphalem corusci
 Indigetem celebrare cœli.
 Post busta vivax clarus honor Tuus,
 Septeriorum pectoris in tholo
 Nunquam senescens pervigebit,
 Inclyte carminibus MORHOFFI.

Enochus Svantenius, R.

Scilicet id VATUM Fatum est, qui Fata triumfant?
 Ceu Fatuus, Vates ultima Fata subit.
 Sic olim cecini, cum BRUGOI Fata dolerem;
 Sic cano, MORHOFFI nunc quoque Fata dolens.
 Omnes Fata replent Numeros. Ignoscite! Musa,
 Commoriens nescit nil nisi Fata loqui.
 Esse quid hoc dicam? Dum fato fungitur Autor,
 Debile Opus superest Charta, Liberque manet.
 Scripta manent manuum Doctorem, Manibus istis,
 Et POLYHISTOR est, Scriptor ut ejus abest!
 MORHOFFII VENERES & FUNERA ubique videntur;
 MORHOFFIUMQUE IPSUM nemo videre potest?
 Candidus in Vita MAURUS; jam candidus AULA
 MORHOFFIUS functus ambulat ætheriâ!
 Laudabunt alii Doctrinæ ingentis Abyssum,
 Tàm varias Lingvas, & meminisse potens.
 Laudabunt alii sublimis Acumina Mentis;
 Innumeras Dotes non numerare queo.
 Laudabunt alii divinæ Carmina Venz;
 Ista leves Elegi grandia non capiunt.
 Cumque suis PEDIBUS graditur super Astra Beatus,
 Quid nunc alterius curat & hosce PEDES?
 Forsitan & frustra, quem ausus reprehendere nemo,
 Laudatur, Merces ipse Poëta sibi.
 Fata IL LI è Manibus Calamum excussère, mihi que:
 Magnus & hœc Dolor est tempore mutus —

Exile hoc Manus; ast Amoris nunc extremum

B. M. D.

C. F. Kienius.

Plan-

PLangite, Pierides, citharamque aptate dolori,
 Lætaque turbatis demite sæta comis!
 Atratoque habitu lachrymis accedite nostris,
 Apraque funesto dicite verba die:
 Et dictate mihi carmen. Pater occidit! Eheu!
 Occidit, & secum gaudia nostra tulit!
 Care, jaces, Genitor, nec Te tua dextera, nec Te
 Eripuit subitæ gloria parta neci.
 O utinam! possem pro Te sub marmore condi,
 Fasque Tibi nostrâ vivere morte foret!
 Esse merebaris nostris diuturnior annis.
 O eadem, quæ Te, me quoque terra tegat!
 Ah! quoties conjuncta meæ tua dextera dextræ,
 Atque tuo nostrum nomen in ore fuit.
 Eheu! me miserum! quis me manet exitus? Eheu!
 Quæ nunc est sine Te vita futura mea?
 Occidimus! tandem solantia tollite verba!
 Tollite! nulla meis est medicina malis.
 Nec possum superare meos, nec ferre dolores.
 Nec se, nec morûs mēns capit ægra suos.
 Jamque dolor vires adimit vocemque loquenti,
 Nec superant vitæ temporâ longa meæ.
 Interea lachrymis & perpetuô ululatu
 [Si quædam superant tempora] tempus agam.
 Casp. Dan. Morhofius.

KILONIENSIA.

En/ der unsterblich war / hat dennoch sterben müssen/
 Der Tod / den Er besiegt / der hat Ihn weggerissen/
 Er / der stets leben wird / Herr Morhof / lebt nicht mehr/
 Der Maro dieser Zeit / des Phæbi Preis und Ehr.
 Apollo weint und schwert / der Tode soll nicht sterben/
 Apollo teusch uns nicht / wir sehn Ihn ja verderben
 In seiner finstern Gruff / Parnass Zier und Krohn/
 Der Tod hönt deine Macht in deinen theuren Sohn.
 Nun schweigt sein güldner Mund / der weit und breit gehönet/
 Die Farnam überstieg / mit Beyfall stets gekrönet;
 Im Staube liegt die Hand / die Aganippens Quell
 Trug aus Bæotien in diese Länder schnell.

Euro-

Europa wird nicht mehr durch seinen Schall vergnügt/
 Der manches Ohr und Hertz durch seine Krafft besieget;
 Es triest kein Neectar mehr von seinem Lorbeer-Krantz/
 Hinfort gibt nicht sein Kiel mehr unsrem Kiele Glanz.
 Weil unser Pindus hat die Zunge selbst verlohren/
 Schweigt Er / kein edles Lied erklingt in seinen Thoren;
 Es fehlt Ihm Hand und Geist zu leisten solche Pflicht/
 Die vielen dargestellt hat das entzückte Licht.
 Ihr Musen aber / die ihr an der Sene sitzet/
 Die stolze Eiber schaut / am reichen Tago schwißet/
 Euch in der Donau nezt / die Tems und Ost-See ziert/
 Weint/ daß euch diesen Schatz/ dis Glied der Tod entführt.
 Es misch das Thränen-Salz sich zwar mit euren Thränen/
 Und du auch Phæbe kühl mit Zehren deine Gluthen;
 Doch reicht Ihm / die ihr habt noch grössre Gaben dar/
 Und baut aus Lorbeern Ihm ein ewiges Denck-Altar.

Diese Trauer-Zeilen hat aus schuldiger Pflicht
 entworfen

Simon Heinrich Musæus, D.
 h. t. Pro-Rector.

Sic moreris, nostri decus immortale Lycæi,
 Sic moreris, vivas ut sine fine tamen.
 Dum juga montis aper, fluvios dum piscis amabit,
 Inclyta MORHOFII fama superstes erit.

IN EFFIGIEM MORHOFIANAM.

ERGò Te nobis, sculptor, Polyhistora posse,
 MORHOFIUM rigido sistere in ære putas?
 Falleris. Artificem Temet probat hæcce tabella;
 Artes sed tanti haud exprimit illa viri.
 Quidquid conetur cælum; depingere novit,
 MORHOFIUM rectè non nisi MORHOFIUS.

Honori debito Dn. Compatriis, inq, duabus
 Academiis Collegæ, scr.

Christianus Kortholt, S. Theol. D.
 Academix Kilon. Pro-Cancellarius
 & Professor Primarius.

Hic jacet Historicus, Vates, Orator & almæ
 Naturæ Myſtes, Græcus & Auſonius.
 Candidus & ſimplex, nulli gravis, utilis omni:
 Clarus amore domi, clarus honore foris,
 Magnus MORHOFIUS: Satis eſt. Nam cætera novit
 Solis & Eoi tractus & occidui.

*In tumulum beatè defuncti Amici atq; Collegæ
 deſideratiſſimi f.*

Henricus Opitius, S. Theol. D. & P.

TU quoque Cimbriacas, VIR MAXIME, linquis Athenas!
 Tu quoque, Tu, (proh! quid lingua minaris?) obis!
 Nec Te noſter Amor, nec Te tot Pectora cara,
 Pectora manſuro preſſa dolore tenent,!
 Quid Pyrmontanos latices medicamina poſcis?
 Nobilius cur non ex Helicone petis?
 Iſto Helicone tuo, totum quem mente tenebas,
 Carmina qui toties ad tua promptus erat,]
 Ex quo Pegæſæ fons purior effluit unda,
 Quam modo Pyrmonti dat ſalebroſus acor,.
 Scilicet humanæ dudum Te tædia vitæ
 Ad ſanctæ Eufebies Tempſa ſerena vocant,.
 Diſplicuit Romana Tibi Sapientia, & omnis
 Quam Sophien Nobis Græcia priſca dedit,.
 Celtarum Druidas temnis, Phariosque Magiſtros,
 Nec Te Perſa potens exſatiare Magus.
 Enthea quæ totum ſpirabant Pectora Cælum,
 Te meliore frui conditione jubent,.
 Depositem Cæli, cognataque ſideribus Mens,
 (Serius atque utinam!) ſidera celſa petit,.
 Æthereæ adventum Mentis gratantur ovanti,
 Et Paradifiacæ mox patuere Fores.
 Obvia tot Vati procedunt agmina Vatum,
 Gaudet & adjunctum Te Pia Turba Sibi.
 Interea lacrymas Nobis luctumque relinquis,
 Cui nullum ſtatuent tempora longa modum,.
 Ereptum Sibi Collegam, Nomenque ſvave
 Deſcet Apollinei ſanctior Ordo Chori.

Docto-

Doctorem amissum queritur Studiosa Juventus,
 Luget & hunc vellet non periisse Sibi.
 Quid? cunctos dolor unus habet, neque sinibus arctis,
 Aut una sese continet ille Domo.
 Tristia lugendum deplorant Pulpita Fatum,
 Mœstaque Cupressi limina squalor habet.
 Erigit aternos mœrens Academia cippos,
 Nominis ut magni sint monumenta Tui.
 Pieris immenso mentem confecta dolore,
 Hæc Tumulo inscribit tristia Verba Tuo:
 MORHOFII, hæc, quicquid posuit, concluditur urna
 Unum quem decuit non potuisse mori.
 Debile, quod solum potuit Mors invida, Corpus
 Vindicat, exuvias hæc sibi dira rapit.
 Ignea Mens, Cælum, cognataq; Sidera tentat,
 Lethæa spernens vincula vana Domus.
 Egregium superat post Funera Nomen, & illa,
 Marpesi vincens robora, Fama Viri.
 Parcius Aoniis manabunt Fontibus unda,
 Mutaq; erit posthæc, ante sonora chelys.
 Parcius heu! solitas edet Facundia voces;
 Carmine namq; MARO, TULLIUS ore fuit.
 Belgica Salmasium, Bæclerum Alsatia plangat,
 Julia Schraderum, Cimbria MORHOFIUM.
 Tu, quisquis spectas hæc Marmora, disce Viator,
 NEC SUMMIS PARCAS PARCERE NOMINIBUS.

E prematuro Collega conjunctissimè, nunc eben! desideratissimè, VIRI omni immortalitate dignissimè, obitu concepti Doloris aterni Monumentum exiguum posuit

Nicolaus Martini, Jctus,
 & Ant. Primarius, Pandect. & Phil.
 Civil. P. P. Facult. Jurid.
 p. t. Decanus.

Constituunt sic Fata viam, cursumque gubernant,
 Quorsumcunque homini tendere in orbe datur.
 Absolvit sic ipse igitur, qui vivere dignus
 MORHOFIUS fuerat, non revocandus iter.

Et præter lacrymas nobis nil in orbe reliquit,
 Quæis cinerem Aonium Præfica Musa riget
 Conturbata sedens, Cin brumque affata Lycæum
 Haud facîle (ingeminet) par Tibi Phœbus erit.

*Paucis hisce debitum luctum ob præmatura VIRI
 dum videres Celeberrimi atque Amplissimi,
 DN. MORHOFII fato, testari voluit*

W. H. Waldschmidt / Med. Lic.
 & Prof. Publicus.

O Ccidit, (occasumne doles Holsatia?) lumen,
 MORHOFIUS nostrum, Castalidumque decus!
 Ut successorem quæras Holsatia mitte,
 Perlustrare jube solis utrumque latus.
 Cum benè per terram, vastique per æquora ponti
 Quæsieris, nullo præteritoque loco;
 Quantum MORHOFII Tibi tristi funere raptum
 Agnosces, quantum perdiderisque Virum!

Mæstus fecit

J. L. Hannemann, D.
 & Phil. Nat. Prof. Ord. Leo-
 pold. Soc. Curios. Assess.
 dictus Nestor II.

Cimbria quem luget; Germania quærit ademptum;
 Omnis & Europæ Natio docta gemit:
 Hæc recubat multâ præstans MORHOFIUS arte,
 Qui fuit Aonii gloria magna chori!
 Wismaria hunc genuit: roseâque professus in urbe,
 Cimbriadum docuit, clarus in orbe, jugis.
 Aurea, quis fuerit, doceant Te scripta, viator,
 Quantula de DOMINI funere rapta sui.
 Quis jam pertextet notum Polyhistora, summi
 Non sperata viri quod fuga rupit opus?
 Heluo librorum vires dum carpit, & istas
 Fontis aquâ medici restituisse parat;
 In cadit ecce! via. tamen, orbe cadente, resurget!
 Tum suus ex merito quemque manebit honos!

Franc. Ditericus Colenius, Sch. Kil. Rect.

PIIS MANIBUS

Celeberrimi Polyhistoris,

DANIELIS GEORGII MORHOFII,

VIRI incomparabilis,

SACRUM

ab

Henrico Mublio, Bremensi.

Siccine, post raptum nobis sine *Felle* Poëtam, (1)
 Flebile, MORHOFI, Tu quoque funus eris?
 Tene etiam rigidi premit inclementia fati?
 Extremumque vehit Parca severa diem?
 Tene querar? Te Tene sibi suspiret ademtum,
 Attonitusque levi voce parentet Amor?
 Tene querar, cineresque Tuos, manesque sepultos!
 Et numeros repetant tristia Verba suos?
 Scilicet hic cumulus deerat, pars ista dolori
 Additur, & nostris causa suprema malis.
 MORHOFI, Te, Tene querar? nomenque decusque?
 Et Tua per populos busta rogosque feram?
 Invisum est, quod pangit, epos, refugitque laborem,
 Et stupet ad mœstam fracta Thalia chelyn.
 Triste manus detrectat onus, detrectat Apollo,
 Et tardæ veniunt ad sua plectra Deæ.
 Non luctus satis unus erit, simplexque querela
 Deficit ad lacrymas Te moriente suas.
 Hic partes sibi quisque tenet, MORHOFIUS orbi
 Occidit, & secum publica damna trahit.
 Ex æquo fors ista nocet: non solus Atridas,
 Sed magis affligit plurima regna dolor.
 Non tantum sibi Smyrnâ suum lugebat Homerum:
 Visa fuit passis Græcia tota comis.
 Cui non dictus Hylas? cui non jactura Maronis?
 Arcta nimis spatiis Ausonis ora suis.
 MORHOFI moreris, vah quanti nominis umbra!
 Heu moreris, lacrymis usque rigande novis
 Vatum grande decus, quo se Germania jactat
 Vindice, sed post hac vix habitura parem.

Ipse Poëtarum norma es : Te suspicit unum,
 Et petit à tanto lumine Musa facem.
 Sive Sophocleo veniat spectanda Cothurno,
 Seu potius Socco currat amœna suo.
 Tu gentis laus magna Tux, pars maxima famæ;
 Hinc pretium, hinc nobis crescere cœpit honos.
 Per Te Teutonicis Helicon celebratur in oris,
 Creditur in nostris Castalis unda plagis.
 Quisquæ Tuos ambit numeros, plenusque Camænis
 Puncta domi poteras, puncta merere foris.
 Omnis in Ingenio favor est: Te Belga, Britannus,
 Et procul externo sidere Roma colit.
 PETITUS studiis, & par MENAGIUS ausis,
 Te canit in patriis magnus HUETUS agris.
 HEINSIUS has olim partes, nunc GRÆVIUS explet,
 FRANCIUS in Batavis GRONOVIVSQUE scholis.
 Applaudit doctis stirps SECKENDORFIA curis,
 Hic Tibi VIR judex, Hic Tibi Censor adest.
 Jamquæ placent molles Elegi, lususque Catulli:
 Jam placet Heroum quod modularis epos.
 Quæque sales fundit gravitas, spargitque lepores,
 Quos Tecum Vates tersius Ipse dedit.
 Qui Bavium non odit, amet tua carmina Mævi.
 Hic alio poterit teste Poëta legi.
 Hic Phœbi delubra movet. Vincuntur Athenæ,
 Romaquæ dat faciles ingeniosa manus.
 Scribant degeneres malè falsa Poëmata Vates,
 Et strepat ignavis turba profana sonis.
 Non piper, aut crudos metuunt hæc Carmina scombro.
 Cogitur hoc ipso stare Thalia gradu.
 Scribit victuris labor & solertia chartis.
 Nec careat nervis pagina docta suis.
 Singula non tenui cura limantur, & arte,
 Sollicitæque notas sedulitatis habent.
 Nil protrita juvant, nil frigora, quisquæ fatemur
 Non istâ tradi somnia posse manu.
 Difficiles sordent nugæ, febresque logiquæ,
 Quæ totis passim perstrepuere scholis.

Nil vulgare sapit, gliscit sub pectore Numen,
 Et fugit ignava serpere Scriptor humo.
 Doctrinæ mensura suæ, mensura laboris,
 Et variis spirans Bibliotheca libris,
 Seu Physicum scrutatur opus, causasque latentes,
 Et quantis mutent ipsa metalla modis. (2)
 Seu Patriæ monumenta suæ, monumenta loquelæ
 Vindicat, & cunis asserit illa suis. (3)
 Seu secreta docet, fractique recondita Vitri; (4)
 Quæ cum KIRCHERO (5) BARTOLE docte probas. (6)
 Seu Patavina sui defensa Vocabula LIVI.
 Explicat, ac fato dat meliore frui. (7)
 Seu facili magnum dextra Polyhistora condit,
 Et calamo signat scripta Virosque suo. (8)
 Nil leve, nil parvum chartis depromitur istis:
 Hic vanæ species futilitatis abest.
 Divinas heic pandit opes, heic totus Apollo est:
 Qua patet, hic Pallas prodigiosa later.
 Pondera sunt Verbis, doctæ sua gratia lingvæ,
 Et distincta suis plurima rara locis.
 Scribunt indocti doctique volumina passim,
 Corrasamque petunt, sed sine fronte, stupem.
 Scrinia compilant, rapiunt tua vellera Jason;
 Aut eadem Patres quæ cecinere canunt.
 Hic nova multa leges. Non heic Æsopia cornix.
 Non hic furtivæ cernimus artis opus.
 Non agit Hic actum, chordâ vel oberrat eadem,
 Nec toties crambe cocta recocta placet.
 Pulchra nitet rerum facies, cultusque decorque,
 Judicii que fidem litera quæque facit.
 Dum curæ fuit apta loqui, dum scribere docte,
 Nec sine delectu plura referre labor.
 Dent alii mala mixta bonis, dent ordine nullo,
 Parturiantque novum Secula pigra chaos.
 Non confusa suis fallunt heic æra lupinis.
 Quæ profint solidâ digerit Iste manu.
 Quam nihil invisâ est Novitas, invisâ Vetustas:
 Omnia momentis ponderat Ille suis.

Nil temere quicquam damnat, nil Zoilus afflat,
 Respuat insanam mens generosa Crisina.
 Deliret senio Seclum, defloreat ætas,
 ! Arcadicumque magis rudat ubique pecus.
 Barbariem doluisse sat est, streperasque cicadas,
 Et quicquid ranco Vulgus ab ore crepat.
 Palleat ad dentem malus, heic stylus exulat atrox;
 Nullus in ingenuo pectore Livor adest.
 Cuique suum tribuit genti, favor omnibus idem,
 Inque pari pretio Tros Rutulusque vigent.
 Invideat nobis Batavus, sint Gallus & Anglus
 Nomina Teutonicis non satis æqua Viris.
 Hic nostris adstat meritis, parat ille theatrum,
 Quo prostant titulis conspicienda suis. (9)
 Civibus ille studet doctis, ne fama laboret,
 Et patriæ laudis gloria prisca cadat.
 Non piget Arctoæ mysteria volvere terræ;
 Jam tum materies hæc juvenilis erat. (10)
 Sed nunc RUDBECKI pars est: VERELIUS olim,
 Hanc quoque STIRNIELMUS cœpit inire viam.
 Ista minor series: quales non surgis in ausus!
 MORHOFFI, quæ non ardua mente notas!
 Qui Te conatus, quæ non promissa morantur!
 Non modus, aut Voti terminus ipse Tui,
 Quam varium Tibi fervet opus! non una palæstra est,
 Non unâ vigiles lassat in arte manus.
 Semper Apelleo Tibi linea more polita est.
 Nulla Tuis cœptis noxque diesque gravis.
 O quoties vivos rofisti molliter unguis!
 Quam sudata Tibi pagina crebra fuit!
 Non ignota loquor, doctæ molimina dextræ,
 Ingenii novi pignora magna Tui.
 Ille ego convictor multoque domesticus usu,
 Parsque Clientelæ quantulacunque Tux.

O quoties vultus subeunt! candorque decorque!
 Quam subit ingenii vis operosa Tui!
 O quoties dixi: quantos tenet illa recessus!
 Quam satutum rerum pectus, & ampla penus!
 Seu iudex mecum doctum rapereris in orbem,
 Censeretque novos Dardala Svada libros.
 Seu sensus obscura suos Te teste referrent:
 Excuteretque Piis abdita multa Sophis.
 Adjecit majora Tuae praesentia famae,
 Materiaeque minor gloria facta sua est.
 Partimur Doctrinam alii, Tibi contigit uni:
 Indulsi totos prodiga Musa sinus.
 Quod sapimus, nimis angustum est. Non sufficit idem
 Omnibus; hic calamo, voce sed ille placet.
 Laurus utrinque Tua est; vel Momo Scripta probantur.
 Phidiacumque stupet, quod facis Auctor, opus.
 Quam Tua facundas mirata est Cimbria voces!
 Quam stetit attentis Kilia docta rogis!
 Non clamosa Tibi sapientia pulpita rupit,
 Non vox, sed rebus verba diserta suis.
 At nunc, MORHOFI, DIXISTI, haec summa laborum est:
 SCRIPSISTI, haec chartis ultima meta Tuis.
 Nil Musis superest, morti deberis & umbris.
 Hic statuit puppes anchora jacta Tuas.
 Heic operae pereunt, docti tot pectoris artes,
 Naufragioque ruunt singula merfa suo.
 Speratus Polyhistor abit, quaeque orba Magistro est,
 Assertrix nostrae pagina gentis obit.
 Interrupta jacent tot doctis eruta curis,
 Extremamque dolent destituisse manum.
 Jam moriens Doctrina fileat! ferale Lyceum est,
 Et tacitos moeret pressa Cathedra sonos.
 Exequias videt ipse suas & funera Phœbus;
 Musa gemit DOMINUM penè sepulta suum.
 Tota suos patitur manes cum manibus Istis,
 Dumque dedus moritur, cogitur ipsa mori.
 Crudelis nimium Lachesis! quænam ista ruina est?
 Tot bona cur nobis eripit una dies?

Quod potuit gens nostra nefas? quâ noxia culpâ est?

Numine quo læso plaga cruenta venit?

Obruit ah dulces quanta caligine menses!

Quot! quantumque spei vilis arena tegit!

Flebilis urna tenet, quod non tenuistis Athenæ,

Heu tenet ingenii cuncta scientis opes!

Hæ tineas pascunt, pascunt hæc pabula vermes;

Æternoque perit dextera docta situ.

Posteritas agnosce Virum, dignumque relinque,

SCALIGEROS inter SALMASIOSQUE locum.

Suspice MORHOFI manes: heic Palladis umbra est:

Hic tumuli partem doctior Orbis habet.

Hic rogos, & Phœbi cinis est, hoc carcere claudit,

Exuviasque tegit culta Camæna suas.

Hoc uno poterant tot Numina stante renasci,

Hoc eadem poterant deficiente mori.

(1) Joachimus Fellerus, Poëta Lipsiensis Celeberrimus, inopinato obitu ereptus d. 6. Aprilis.

(2) De transmutatione Metallorum Dissertationem Epistolicam edidit Hamburgi Anno 73. in 8.

(3) Unterricht von der Deutschen Sprache und Poësie, deren Ursprung! Fortgang und Lehr-Sätzen. Kiel 82. in 8.

(4) Stentor ΤΑΛΟΚΛΑΣΤΗΣ seu de Scypho Vitreo per certum humanæ Vocis sonum fracto. Editio altera, KilonI 83. in 4.

(5) Athanas. Kircherus in Phonurgia.

(6) Daniel Bartoli in libro Italico del Suono tratt. 5. cap. 8. *Lettolo avidamente, ne giudicai dotto l'Autore, e l'opera piena d'erudizione e d'ingegno, &c.*

(7) De Patavinitate Liviana, KilonI 85. in 4.

(8) Polyhistor seu de notitia Auctorum & rerum Commentarii, Lubecæ 88. in 4.

(9) De meritis Germanorum in rem literariam Dissertationem singularem meditabatur, cujus publicè etiam spem fecit in Polyhistore, pag. 209.

Good bottom muds near station 2000

Verdine que lelo plaza critica veur:

Opuntia an. Liliaceae. Opuntia an. Liliaceae.

Good-bye, ladies! I will stay here!

1-10-11

1900

...the

1871

...the ...

2011年12月22日

3. *Explain the importance of the following factors in the development of a country's economy:*

The results of the 2001 Census of the Republic of Serbia are presented in Table 1. The table shows that the population of the Republic of Serbia in 2001 was 7,390,000, which is a decrease of 1.5% compared to the 1991 census. The population of the Republic of Serbia in 2001 was 7,390,000, which is a decrease of 1.5% compared to the 1991 census.

The number of the doctor's report.

... of the ...

1952

NOT THE PROPERTY OF THE NATIONAL ARCHIVES

Das edelm. Pörlitz: dehnend: mohl.

Journal de l'École Polytechnique, 1817, tome 1, page 1.

Obito etiam d. d. Aprilis.

De transmutatione Metallorum Dissertationes Philosophicis editae

Handwritten: Anno 73. in 8.

Einzelne von den Kindern wurde und wurde, deren Abwesenheit

Boydell and Son: London. Vol. 2. in 2.

SECRET

main body of text, which is mostly illegible due to blurring and low contrast. The text appears to be a list or index of items, possibly related to a collection or library. The visible fragments include:

- main body of text, which is mostly illegible due to blurring and low contrast. The text appears to be a list or index of items, possibly related to a collection or library. The visible fragments include:

Abstract: Kitchin & Thompson.

Finnish Battle in Lake Ladoga

... ..

... ..

De Psychiatrie Lissabon, Kilonj 27. 10. 4.

Polystyrene is a polymer of styrene. It is a hard, clear plastic that is used in a wide variety of applications, including packaging, construction, and consumer products. It is also used in the production of foams and fibers.

1990-1991

Dr. William C. Calkins, Jr., President of the American Psychological Association, is the author of the book.

unabhängig von der Art der Erziehung, die in der Familie stattfindet, ist die Erziehung in der Schule eine wichtige Aufgabe der Eltern. Die Eltern sollten sich bewusst sein, dass die Erziehung in der Schule eine wichtige Aufgabe der Eltern ist. Die Eltern sollten sich bewusst sein, dass die Erziehung in der Schule eine wichtige Aufgabe der Eltern ist.

1890

(1) In the case of a company, the following information shall be provided:

Fig. 2. The form of the initial distribution of the particles.

...librum aliquem de ...

WESTERN SALT TREATMENT, E. C.

2. 1. 16. 1. 18.

[Faint handwritten notes at the bottom of the page]

